


Dios oca
gotirituti



New Testament in Barasana-Eduria (CO:bsn:Barasana-Eduria)

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022
b6661d38-f021-5259-8010-5dec5b9ba28d

Contents

SAN MATEO	1
SAN MARCOS	80
SAN LUCAS	128
SAN JUAN	211
HECHOS	267
ROMANOS	332
1 CORINTIOS	363
2 CORINTIOS	391
GÁLATAS	410
EFESIOS	423
FILIPENSES	432
COLOSENSES	439
1 TESALONICENSES	446
2 TESALONICENSES	452
1 TIMOTEO	456
2 TIMOTEO	465
TITO	472
FILEMÓN	476
HEBREOS	478
SANTIAGO	503
1 SAN PEDRO	510
2 SAN PEDRO	519
1 SAN JUAN	525
2 SAN JUAN	532
3 SAN JUAN	533
SAN JUDAS	535
APOCALIPSIS	538

Evangelio según SAN MATEO

*Jesús r̄joro ñamasiriarã ñna vãme cutimasire queti
(Lc 3.23-38)*

¹ Jesús ñacami “Rotim̄or̄ḡor̄ucuja mu” yigu, Dios ĩ cōar'i, Abraham ñamasir'i, to yicōari, Ūju David ñamasir'i jānami. Tire mua masisere bojaḡu ñari, ĩ ñicua vãmere m̄are gotiḡaḡu yaja yu. Ado bajiro vãme cutimasir̄ujarã ñna:

² Abraham ñamasir'i mac̄u ñamasir̄uju Isaac.

Isaac mac̄u ñamasir̄uju Jacob.

Jacob mac̄u ñamasir̄uju Judá. To yicōari, gãjerã ĩ bederã quẽne ñamasir̄ujarã.

³ Judá r̄ia Fares, to yicōari, Zara ñamasir̄ujarã. Ñna jaco ñamasir̄uju Tamar.

Fares mac̄u ñamasir̄uju Esrom.

Esrom mac̄u ñamasir̄uju Aram.

⁴ Aram mac̄u ñamasir̄uju Aminadab.

Aminadab mac̄u ñamasir̄uju Naasón.

Naasón mac̄u ñamasir̄uju Salmón.

⁵ Salmón mac̄u ñamasir̄uju Booz. ĩ jaco ñamasir̄uju Rahab.

Booz mac̄u ñamasir̄uju Obed. ĩ jaco ñamasir̄uju Rut.

Obed mac̄u ñamasir̄uju Isa'i.

⁶ Isa'i mac̄u ñamasir̄uju Ūju David vãme cutigu.

David mac̄u ñamasir̄uju Salomón.

ĩ jaco ñamasir̄uju Ur'ias ñamasir'i manajo.

⁷ Salomón mac̄u ñamasir̄uju Roboam.

Roboam mac̄u ñamasir̄uju Ab'ias.

Ab'ias mac̄u ñamasir̄uju Asa.

⁸ Asa mac̄u ñamasir̄uju Josafat.

Josafat mac̄u ñamasir̄uju Joram.

Joram mac̄u ñamasir̄uju Uz'ias.

⁹ Uz'ias mac̄u ñamasir̄uju Jotam.

Jotam mac̄u ñamasir̄uju Acaz.

Acaz mac̄u ñamasir̄uju Ezequ'ias.

¹⁰ Ezequ'ias mac̄u ñamasir̄uju Manasés.

Manasés mac̄u ñamasir̄uju Amón.

Amón mac̄u ñamasir̄uju Jos'ias.

¹¹ Jos'ias mac̄u ñamasir̄uju Jecon'ias. To yicōari, ĩ bederã quẽne ñamasir̄ujarã. To bajiro ñna bajir̄ariju, Israel sitanare ñejecōari, Babiloniana ñnare juamasir̄ujarã, ñnare rotiajeruarã.

¹² Quẽna Jecon'ias mac̄u ñamasir̄uju Salatiel.

Salatiel mac̄u ñamasir̄uju Zorobabel.

¹³ Zorobabel mac̄u ñamasir̄uju Abiud.

Abiud mac̄u ñamasir̄uju Eliaquim.

Eliaquim macu ñamasiñuju Azor.

¹⁴ Azor macu ñamasiñuju Sadoc.

Sadoc macu ñamasiñuju Aquim.

Aquim macu ñamasiñuju Eliud.

¹⁵ Eliud macu ñamasiñuju Eleazar.

Eleazar macu ñamasiñuju Matán.

Matán macu ñamasiñuju Jacob.

¹⁶ Jacob macu ñañuju José. Ì ñañuju Mar'ia manaju. So ñañuju “Rotim̃or̃üg̃õr̃uc̃mi” yigu, Dios Ì cõar'i, Jesús jaco.

¹⁷ Abraham r̃ia jānerabata, David Ì ñamasiariajune juaãmo cõro, gubo babari r̃aca jēnitiuarir̃acu ñasuomasiñujar̃a. Abraham macu ñamasiñuju Isaac. Isaac macu ñamasiñuju Jacob. To bajiro mani cõiaruji vajama, David Ì ñamasiriajune juaãmo cõro, gubo babari r̃aca jēnitiuarir̃acu ñamasiñujar̃a ña. Tiju bero, quēna David macu ñamasiñuju Salomón. Salomón macu ñamasiñuju Roboam. To bajiro mani cõiaruji vajama, Babilonia macaju Israel sitanare ña jua vamasiriajune quēna juaãmo cõro, gubo babari r̃aca jēnitiuarir̃acu ñamasiñujar̃a ña. Jecon'ias macu ñañuju Salatiel. Salatiel macu ñañuju Zorobabel. To bajiro mani cõiaruji vajama, “Rotim̃or̃üg̃õr̃uc̃mi” yigu, Dios Ì cõar'i Ì ruyuarir̃odo juaãmo cõro, gubo babari r̃aca jēnitiuarir̃acu ñamasiñujar̃a quēna.

Jesús Ì ruyuare queti

(Lc 2.1-7)

¹⁸ “Rotim̃or̃üg̃õr̃uc̃mi” yigu, Dios Ì cõar'i, Jesús Ì ruyuare ado bajiro bajiyuju: Ì jaco ñaroco, Mar'ia vāme cutigo ñañuju so. So manaju ñarocu ñañuju José. Ì r̃aca so ñaroto r̃ijoro, Esp'iritu Santo sore ejaçõari, sore macu yiyuju Ì. Sore Ì macu yijare, macu sãñagõ ñañuju so. ¹⁹ José, so manaju ñarocu quēnagũ ñañuju. To bajiro bajigu ñari, masa Ìaro r̃ijorojua bojoneoro so tãmor̃otire bojabesuju. To bajiri, masa ña ajibeto, “Mure bojabeaja yu”, sore yiruaboayuju. ²⁰ To bajiro tuoia Ì cāniatone, Ì cājiriaroju Diore moabosagu ángel, Ìre ruyuaioñuju. Ruyuaioçõari, ado bajiro Ìre gotiyuju:

—Ajija José, David ñamasir'i jānami. Mar'iare manajo cutir̃ua güibesa. Esp'iritu Santo sore Ì macu yijare, macu sãñagõ ñaamo so. ²¹ Macu suor̃ocomo so. Ìre, Jesús Ìre vāme yir̃uc̃aja m̃. Masa rojose ña yise ñajare, Dios Ì masiriose vaja, vaja yir̃etobosarocu ñar̃uc̃mi Ì. To bajiro yirocu Ì ñajare, Jesús Ìre vāme yir̃uc̃aja m̃ —Josere Ìre yiyuju ángel.

²² “Ado bajiro bajir̃uaroja” Diore gotir̃etobosamasir'i Ì yimasire ñajare, to bajiro yiyuju ángel. Ado bajiro yimasiñuju:

²³ “Rõmio, ãm̃ua r̃aca ñabeco, macu sãñagõ ñar̃ocomo so. To bajiri macu suor̃ocomo so. ‘Emanuel’ Ìre yir̃uar̃ama masa”, yimasiñuju Diore gotir̃etobosarimasu.

(“Mani r̃aca ñaami Dios” yire ùni ñaja “Emanuel” yirema.)

²⁴⁻²⁵ “Esp'iritu Santo suor̃ine macu sãñaamo” ángel Ì yire ñajare, Mar'iare Ì ya viju ãmicoasuju José. Macu sãñagõ so ñajare, so r̃aca ñabetir̃üg̃ũñuju. So suor̃o bero, Jesús Ìre vāme yiyuju.

2

Ñocoa ña bajisere buerimasa Jesúre ña ñarã ejare queti

1 Judea sita ñarimaca, Belén vāme cūti macaja ruyuyaju i. Ī ruyuarirodore ti sita ʘjʘ, Herodes vāme cūtigū ñañuju. Jesús ĩ ruyuario bero, Jerusalén macaja ejayujarā, muiju ĩ jiadojua vadiriarā, ñocoa ĩna bajisere buerimasa. 2 Ti maca ejacōari, sēniñañujarā ĩna:

—¿Nore ñati jud'io masa ʘjʘ ñarocʘ ruyuar'ima? Muiju ĩ jiadojua ñocore ĩabujacōari, “Tojʘ ruyuaḡami” yirā ñari, ĩre rācubʘoroana vadiaja yua —yiyujarā ĩna.

3 To bajiro ĩna sēniñacudisere ajicōari, toaḡu ʘjʘ, Herodes bʘto tʘoĭagūiyuju, “Ījua, ʘjʘ yʘ ñasere yʘre ēmarʘcʘmi” yitʘoĭagū ñari. ĩre bajiro rīne tʘoĭañujarā ti macana Jerusalén macana quēne. 4 To bajiro tʘoĭagū ñari, paia ʘjarāre, Dios ĩ rotimasire gotimasiorimasare quēne ĩnare jirēoñuju Herodes. ĩna ejaro ĩacōari, ado bajiro ĩnare sēniñañuju ĩ:

—“Rotimʘorūḡōrʘcʘmi” yigʘ, Dios ĩ cōarocʘma, ¿nojʘ, “Ruyuarʘcʘmi” yiyujari Dios ocare masa ĩna ucamasire? —ĩnare yiyuju ĩ.

5 To bajiro ĩ yisēniñarone, ado bajiro ĩre yicʘdiyujarā ĩna:

—“Judea sita Belén vāme cūti macaja ruyuarʘcʘmi” yucamasifʘumi sīgū Diore gotirētobosarimasa. Ado bajiro yaja ĩ ucamasire:

6 “Judea sita ñarimaca Belén vāme cūti maca, jairimaca me ñaboarine, ñamasuri maca ñarʘaroja ti maca. Ti macaḡu ʘjʘ ñamasugū ruyuarʘcʘmi. ĩ ñarʘcʘmi yʘ yarā Israel sitana ʘjʘ. ĩnare quēnaro ĩatirūnʘrʘcʘmi ĩ, yiyuju Dios”, yucare ñaja —ĩre yigotiyujarā Dios ĩ rotimasire gotimasiorimasa.

7 To ĩna yisere ajicōari, quēna ñocoa ĩna bajisere buerimasare masa ĩna ajibeto ĩnare jiyuju Herodes. To yicōari, ado bajiro ĩnare sēniñañuju ĩ:

—¿Divato masu ñoco ruyuasʘori? —ĩnare yisēniñañuju.

8 To yigajano, Belénjʘ ĩnare varotiyuju ĩ:

—Vasa. Sūcare, quēnaro ĩre macama. ĩre ĩabujacōari, yʘre gotirā vaba. Yʘ quēne ĩre rācubʘoḡu varʘ yaja —yiyuju, ĩnare yitogʘ.

9 To bajiro ĩ yirotsere ajicōari, ĩ yirore bajirone vasujarā ĩna. To ĩna vatone, muiju jiadojua ñoco, ĩna ĩar'i, ĩnare rĭjoro cūti vasuju. To bajiva, tujarūḡañuju, sūca ĩ ñaro veca. 10 Ñoco ĩ tujarūḡāsere ĩacōari, bʘto variquēna vasujarā ĩna, ñocoa ĩna bajisere buerimasa. 11 Ñoco ĩ ñaro ēñeroca ñarivi sājacōari, ĩna ĩajama, to ñañuju sūca, ĩ jaco rāca. ĩre ĩacōari, ĩ rĭjorojua ḡsometriari tuetuejayujarā ĩna, ĩre rācubʘoquēnariorā. To bajiro yigajano, ĩna juavarere jānacōari, oro, quēnase sʘtise to yicōari, mirra vāme cūtsere quēne ĩre ĩsiñujarā ĩna. 12 To ĩna yiro bero, ĩna cājiriaroju, “Herodes tʘ tudibesa. ‘To ñaḡami sūca’ yimasibeticōato ĩ”, ĩnare yiyuju Dios. To bajiri tire masicōari, Jerusalénjʘ vamenane gaje maajʘ tudicoasujarā ĩna yuja, ĩna ya macaja.

Egipto sitajʘ Jesúre ĩna ũmato rudiare queti

13 Ñocoa ĩna bajisere buerimasa ĩna tudiato bero, José ĩ cājiriaroju ĩre ruyuyaju ángel quēna. Ruyucōari, ado bajiro ĩre yiyuju:

—Yujija. Sūcare, ĩ jacore quēne Egiptoju ĩnare ũmato rudiasa mu. Tone ñacōama maji. Mʘre yʘ gotiroju tudiba. Herodes, Jesúre sĭaru ĩre macarʘcʘmi —Josére ĩre yiyuju ángel.

14 To ĩ yijare, yujicōari, Jesúre, ĩ jacore quēne ñamine Egiptoju ĩnare ũmato rudicoasuju. 15 Tojʘ ĩna ñatoyene bajirocacoasuju ʘjʘ Herodes. “Egipto sitajʘ yʘ macā ĩ ñaro ĩre jicōarʘcʘja yʘ”, ĩre gotirētobosarimasa sʘorine Dios ĩ yimasire ñajare, to bajirone bajiyuju.

Ujɥ Herodes rɨamasare ɨ sɨarotire queti

¹⁶ Bajirocabecɥɥɥ, ñocoá ɨna bajisere buerimasa ɨre gotimenane, gaje maajɥ ɨna tudiarere ajicɔari, buto jɨnisiniɨuju Herodes. To bajiri jɨnisiniɨu ñari, Belén ñaräre, ti maca tuanare rɨamasa jɥa cɥma tusanare ɥtuare, to yicɔari, ɨna bero ruyuaräräre quêne sɨarotijeocɔañuju. Ñocoá ɨna bajisere buerimasa, “Jɥa cɥma tusaju” ɨna yirere ajigɥ ñari, ɨnare sɨarotiyuju Herodes. ¹⁷ Raquel ñamasirio so rɨare maigɔ, so otimasiriarore bajiro Belén macana ɨna rɨare mairä, ɨna otirotire tuoɨacɔari, ado bajiro ucamasiɨumi Diore gotirëtobosarimasa Jerem'ias vāme cutigu:

¹⁸ “Ramá vāme cuti macago so rɨare so tuoɨa otise ruyuruaroja. Oticɔa ñaruocomo so, Raquel vāme cutigo, so rɨare otigo. Gājerä, ‘Otibesa’ sore ɨna yiboajaquêne, ajibetiruocomo, so rɨa ñamasiboariäräre godocutigo ñari”, yuicamasiɨumi Jerem'ias.

¹⁹ Egiptojɥ José ɨ ñaro rijacoasuju Herodes. ɨ rijato bero, José ɨ cājiriarojuere sīgɥ ángel ɨre ruyuañoñuju quēna. To bajicɔari, ado bajiro ɨre yiyuju:

²⁰ —jYujiya! Jesúre, ɨ jacore quêne Israel sitajɥ ɨnare ɥmato tudiasa. ɨre sɨaruaboacana rijajedicoajama ɨna —Josére ɨre yiyuju ángel.

²¹ To ɨ yijare, yujicɔari, Jesúre, ɨ jacore quêne Israel sitajɥ ɨnare ɥmato vasuju José. ²² Maa vacɥɥɥ, ajiyuju José: “Herodes ñaboar'i macɥ, Arquelao vāme cutigu, ɨ jacure vasoagu Judea sitajɥ ñañuju”, yire quetire ajiyuju. Ti quetire ajicɔari, güigɥ ñari, toju varuabesuju. To bajiro bajigɥne, quēna toju cājiriañuju ɨ. Cājiriacɔari, “Toju yɥ vajama, quēnabetoja. Galilea sitajɥa varucɥja yɥ”, yituoñañuju. ^a ²³ Galilea sitajɥ ejacɔari, Nazaret vāme cuti macajɥ ñagɥ vasuju. Diore gotirëtobosarimasa, “Nazaret macagu ñarucami ‘Rotimorügörucami’ yigɥ, Dios ɨ cɔarocɥ”, Jesúre ɨna yuicamasire ñajare, to bajirone bajiyuju.

3

Juan Bautista vāme cutigu, yucá manojɥ masare ɨ gotimasiore queti
(Mr 1.1-8; Lc 3.1-9, 15-17; Jn 1.19-28)

¹ Tirodori bero, Juan Bautista vāme cutigu, Judea sitajɥ yucá manojɥ ejayuju. ² Toju ejacɔari, ado bajiro ɨre ajirä ejaräre gotimasiorügñuju ɨ: —Yoaro mene ejarucami “Rotimorügörucami” yigɥ, Dios ɨ cɔarocɥ. To bajiri rojose mɥa yisere yitajacɔari, Dios ɨ bojasejuare yi yuya mɥa —ɨnare yirügñuju ɨ.

³ ɨne ñañuju, “Ado bajiro yirucami” Diore gotirëtobosarimasa Isa'ias vāme cutimasir'i ɨ yuicamasir'i. Ado bajiro ɨre yuicamasiñuju Isa'ias: “Yucá manojɥ sīgɥ masɥ ado bajiro goticudirügürucami: ‘Mani ɥju ejarucami. To bajiri, rojose mɥa yisere yitajacɔari, quēnasejuare tuoñaña mɥa, ɨre yurä’ yirucami sīgɥ”, yuicamasiñuju Isa'ias, Juan ɨ bajirotire goti rɨjoro yigɥ.

⁴ Camello joane suariaro sãñagɥ ñañuju ɨ. To yicɔari, vecɥ gaserone vēñaricũñuju, ɨ sãñasere. Ñimia ba, to yicɔari, beroa ocore idi, yirügñuju. ⁵ ɨre ajirä, jājarä masa ejayujarä. Jerusalén macana, Judea sitana, to yicɔari, Jordán vāme cutiya tuana quêne ejayujarä, ɨre ajirä. ⁶ To bajiro ɨ gotisere ajirä ñari, “Rojose mani yisere Dios manire masirioato” yirä,

^a 2:22 Arquelao vāme cutigu ñaboarine, ɨ jacu vāmere bajiro Herodes vāme cutiyuju. ɨ ñañuju Jesúre sēñiabusaboacɥ, Pilato tujare Jesúre cɔari.

“Rojose yirã ñaja yua” Diore ña yigotiro bero, Jordán vãme cutirisaju oco rãca ñnare bautiza ñañuju Juan.

⁷ To bajiro ñ yifnarone, fariseo masa, to yicõari saduceo masa quẽne Juan oco rãca ñ bautizasere bojarã ejayujarã. Ña ejasere ñacõari, ado bajiro ñnare yiyuju Juan:

—Oco rãca mware yu bautizasere bojaboaja mua. Vãtia uju rojose ñ yirore bajirone rojose yijairã ñaja mua. To bajiro bajirã ñari, “Rojose yua yise vaja rojose yuare yibetirucumi Dios” yituoia vadiboaja mua. ¿To bajiro mua bajise suorine rojose mua tamnorotire masibeatigue mua?
⁸ Rojosere yitujacõari, “Quẽnarã ñaama” masa mware ña yilamasirotire yirã, quẽnasejuare yirũgũrona ñaja mua. ⁹ Ado bajiro yituoĩabesa mua: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirucumi Dios” yituoĩabesa. Adiari gũtari rãca Abraham jãnerabatiare ñ godoveorũajama, godoveomasigũmi Dios —ñnare yiyuju Juan. ¹⁰ —Oteriayucãri, rica mani yucãrre bajiro bajiaja mua. Rica manijare, quẽareacõari, soereariarore bajiro yirucumi Dios. Tire bajirone yiecorũarãja mua quẽne, mua tuoĩavasoabetijama. ¡Quẽnase mua yibetire ñacõari, jeame yatibetimeju mware gearucumi Dios! —ñnare yiyuju Juan.

¹¹ Gaje vãme ado bajiro gotiyuju Juan:

—Yu berore yu rẽtoro masigũ ejarucumi. Ñamasurã rĩne ñre yibosamasiama, ñamasugũ masu ñ ñajare. Rojose ña yisere yitujacõari, Dios ñ bojasejuare yirãre oco rãca bautizarũgũaja yu. To bajiro yu yirũgũse ti quẽnaboajaquẽne, yu bero ejagu ñ moaseju quẽnamasucõaruaroja. Ñma, Esp'iritu Santore cõamasirucumi, masare. Ñ suorine “Dios ñ bojabetire yaja yua” yimasicõari, tuoĩavasoarũarãma —ñnare yiyuju Juan.

¹² Gaje vãme ado bajiro masare gotiyuju Juan:

—Yu bero ejagujuama, trigo ajere besegure bajiro yirucumi, masare. To bajiri ti gasere yireacõari, soereariarore bajiro yirucumi, jeame yatibetimeju masare cõagũ, to yicõari, quẽnase cõrone juagure bajiro yirucumi, ñre ajitirũnrãre juavacu —ñnare yiyuju Juan.

*Oco rãca Juanre Jesús ñ bautizarotire queti
(Mr 1.9-11; Lc 3.21-22)*

¹³ Cojorũma Galilea sitaju ñar'i, Jordán vãme cutirisaju vasuju Jesús. Juan tũju ejacõari, oco rãca ñre bautizarotiyuju. ¹⁴ To bajiro ñre ñ yiboajaquẽne, oco rãca ñre bautizarũabesuju Juan:

—Bajilbeaja. No yigu mure bautizamasibecũaja yu. Mũjuu, yu rẽtoro masigũ ñari, oco rãca yũre bautizarocu ñaja mu —Jesũre ñre yiyuju Juan.

¹⁵ To ñ yisere ajicõari, ado bajiro ñre yicũdiyuju Jesús:

—Yũre oco rãca mu bautizasere bojaami Dios. Ñjediõro Dios ñ rotirore bajiro cũdiroti ñaja manire —Juanre ñre yiyuju Jesús.

To bajiro ñ yijare,

—Bau. To bajirone bojarõja —ñre yicũdicõari, Jesũre oco rãca ñre bautizayuju Juan. ¹⁶ Jesús ñ majarũgũrirĩmarone ñmũagaserõ soje jãnacõasuju ti. Ti jãnarone, õ vecaju Jesús ñ ñamõrone, bujare bajigu rujiadicõari, Jesús joere rocajeoyuju Esp'iritu Santo. ¹⁷ Jesús joere ñ rocaejarone, ado bajiro yĩ ocaruyuyuju õ vecaju:

—Yu macũ, yu maigũ masu ñaja mu. Mu rãca bũto variquẽnaja yu —ñre yĩ ocaruyuyuju.

4

Dios ĩ bojabetire vātia ʘjʘ, Satanás, Jesúre ĩ yirotiĩare queti
(Mr 1.12-13; Lc 4.1-13)

¹ Jesús, oco ráca Juanre ĩ bautizarotiro bero, yucá manojʘ ĩre ũmato vasuju Esp'iritu Santo, “Satanás ĩ bojarore bajiro rojose Jesúre ĩre yirotiĩato” yigʘ.

² To bajiri tojʘ, yucá manojʘ jʘarã masa cõro ñarirũmari, ñamiri quẽne tocãrãca ñamirine babecũne ñacõarũgũñuju Jesús. To bajigu ñari, bũto ñiorijayuju ĩ yuja. ³ To ĩ bajiro ĩacõari, ado bajiro rojose ĩre yirotiĩaboayuju vātia ʘjʘ, Satanás:

—Dios macũne mʘ ñajama, adiari gũtarine pan godoveoya mʘ —ĩre yirotiiboayuju, Jesúre.

⁴ To bajiro Satanás ĩre ĩ yiboajaquẽne,

—Yibeaja yʘ. Dios oca masa ĩna ucamasire ado bajiro gotiaja: “Bare rĩne ñamasuse me ñaja. Dios ocare mani cũdisejʘa ñaja ñamasusema. ‘Bare ti manijare, rijarearuarãja’ yire ti ñaboajaquẽne, Dios rijarere ĩ bojabeti-jama, rijabetiruarãja. ‘Caticõa ñato’ yigʘ yimasigũ ñaami ĩ”, yigotiaja Dios oca masa ĩna ucamasire —ĩre yiyuju Jesús.

⁵ To ĩ yiro bero, Jerusalénjʘ, Dios ĩ beseria maca ñamasuri macajʘ Jesúre ĩre ũmato vasuju Satanás. To ejaçõari, Diore yirũcũbũoriavi joejʘ ĩre ũmato mʘjasuju. ⁶ To ĩre ũmato mʘjaejaçõari, ado bajiro yiyuju Satanás:

—Dios oca masa ĩna ucamasire ado bajiro gotiaja:

“ĩre moabosarimasa ángel mesare mʘre coderotirucũmi Dios. Mʘ quedajama, ‘Gũta joejʘ rocajeocõari, ĩ gũbo jearomi’ yirã, mʘre boca ñiaruarãma ĩna”, yigotiaja Dios oca.

To bajiri Dios macũne mʘ ñajama, ado jʘne jatiquedi rujiaĩasaque mʘ — Jesúre yirotiiboayuju Satanás.

⁷ To bajiro ĩ yiboajaquẽne, Jesújʘama, ado bajiro ĩre yiyuju:

—To bajiro mʘ yisere cũdibeaja yʘ. “Dios ĩ yiriarore bajiro yʘre boca ñiaruarãma ángel mesa” yigʘ, yʘ jatiquediĩajama, Dios ĩ bojabetire yigʘ yigʘja yʘ. Gajeye ado bajiro gotiaja Dios oca masa ĩna ucamasire: “‘Dios, ‘Yirũcũja’ yiyumi’ yitũoĩacõari, ‘To bajiro masu yirũ yiyujari’ yimasiruarã, mʘa tũoĩarore bajiro mʘa yiajejama, quẽnabeaja”, yigotiaja Dios oca masa ĩna ucamasire —ĩre yiyuju Jesús, Satanáre.

⁸ To bajiro ĩ yiro bero, gũtaũ ũmũaricũ joejʘ Jesúre ũmato vasuju Satanás quẽna. Tojʘ ũmato ejaçõari, adi macarũcũro ñarimacari jediro ĩre ĩojeocõañuju. ⁹ ĩre ĩogajanocõari, ado bajiro ĩre yiyuju Satanás:

—Yʘ rĩjorojʘa gũsomuniari tuetucõari, “Yʘ ʘjʘ ñamasugũ ñaja mʘ” yʘre mʘ yirũcũbũojama, adi sita ñajedirore mʘre ĩsirũcũja yʘ —Jesúre ĩre yiyuju Satanás.

¹⁰ To bajiro ĩ yise ñajare, ado bajiro ĩre cũdiyuju Jesús:

—Vasa mʘ. Ado bajiro gotiaja Dios oca masa ĩna ucamasire: “Mani ʘjʘ Dios sũgũrene, ‘Yʘ ʘjʘ ñamasugũ ñaja mʘ’ ĩre yirũcũbũocõari, cũdiroti ñaja”, yigotiaja Dios oca masa ĩna ucamasire —Satanáre yiyuju Jesús.

¹¹ To bajiro Jesús ĩ yisere ajicõari, vacoasuju Satanás yuja. ĩ vato bero, Jesúre ejarẽmorã ejayujarã ángel mesa.

Galilea sitajʘ Jesús ĩ gotimasiosũore queti
(Mr 1.14-15; Lc 4.14-15)

12 “Tubiberiavijū tubibe ecocoajami Juan” yise quetire ajicōari, Galilea sitajū tudicoasuju Jesús. 13 To va, ī ya maca Nazaret vāme cūti macajū eja, no cōro mene űaboa, Capernaum vāme cūti macajū űagū vasuju. Ti maca űaűuju űtabucara Galilea vāme cūtiri tujū, Zabulón sita, to yicōari, Neftal'i sita tū űarimaca. 14 Ti macajū Jesús ī űajama, Diore gotirētobosarimasū Isa'ias vāme cūtimasir'i, ado bajiro ī yuicamasire űari, bajiyuju:

15-16 “Jordán vāme cūtirisa jodejū Galilea vāme cūtiri űaja. Tira ture űaja Zabulón sita, to yicōari Neftal'i sita. Ti sitajure jud'io masa me űaama, Diore masimena.

Īnare gotimasiocōari, rojose űna tāmūoborotire Īnare yirētobosarocure cōarucūmi Dios, ī bojarore bajiro ‘Quēnaro yirā űato’ yigū”, yiuca-masiűumi Isa'ias.

To bajiro ī yuicamasiriarore bajirone, ti sitajū ejayuju Jesús.

17 Ti sitajū ejacōari, Dios ocare, ado bajise masare gotimasiocudisūoyuju Jesús:

—Diore rotibosarocū, ī rotisūoroti mojoroaca ruyaja. Ūjū Dios yarā quēnaro ī yirona mūa űarūajama, rojose mūa yisere yitujacōari, yure ajitirūnūa —masare yigotimasiocudisūoyuju ī.

*Vai sīarimasa barbaricārācū űarāre Jesús ī jire queti
(Mr 1.16-20; Lc 5.1-11)*

18 Cojorāmū, űtabucara Galilea vāme cūtiri tujū vacudigū vasuju Jesús. To vacujū, Īaűuju, Simón vāme cūtigūre, bero Pedro vāme cūtirocure, ī bedi Andrēre quēne. Vai sīarimasa űaűujarā űna. Bajiyucūre rearoderuu yīűaűujarā űna. 19 Īna tū ejacōari, ado bajiro yiyuju Jesús:

—Yū rāca vayá. Yucūrema mūa vai vejese űnirene masa yure Īna ajitirūnūrotire gotimasiobosarimasa űarūarāja mūa —Īnare yiyuju Jesús.

20 To ī yirirīmarone, űna bajiyucūre cū, ĩre sūyacoasujarā.

21 To yī varūtu vacūne, gājerā juarā űarāre Īnare jiyuju Jesús. Īna űaűujarā Santiago, ī bedi Juan rāca. Īna jacū Zebedeo rāca cūmuaju Īna bajiyucūre siaquēno sāűaűujarā. 22 To ī yisere ajicōarājūma, Īna jacure, to yicōari Īna cūmuare quēne vaveocoasujarā, Jesúre sūyana.

*Masa jājarāre gotimasiocōari, rijaye cūtirāre Jesús ī catiore queti
(Lc 6.17-19)*

23 Galilea sitajū gotimasiocudiyuju Jesús. Tocārāca macarirene Dios ocare űna buerivirijū sājaejacōari, oca quēnasere masare Īnare gotimasiocūju. “Ūjū Dios yarā quēnaro ī yirona mūa űarūajama, rojose mūa yisere yitujacōari, yure ajitirūnūa”, Īnare yigotimasiocūju. To yicōari, rijaye cūtirāre Īnare catioyuju. 24 To bajiri Jesús rijāre ī catiosere masa Īna gotibatojare, Siria sitana quēne tire ajicōari, rijāre cūtirāre juaejayujarā, “Jesús Īnare catiato” yirā. Īna űsūrijū vātia sāűarāre quēne juaejayujarā, “Vātiare bureato Jesús” yirā. Rijaquedirāre, to yicōari, micarāre quēne juaejayujarā, Jesúre catiorotirā. Īna űnaro cōrone Īnare catioyuju.

25 Jesús ī vacudiro cōrone, jājarā masa ĩre sūyajojicōaűujarā. Galilea sitana, Decápolis macana, Jerusalén macana, Judea sitana, to yicōari, Jordán vāme cūtirisa gajejacatūana quēne ĩre sūyarūgūűujarā Īna.

5

Buro joejū űacōari, Jesús masare ī gotimasiore queti

1-3 Jājarā masa ĩna ñasere ĩacōari, buroju majaejayuju. To ĩ bajirone, ĩ buerā ĩ tu rējañujarā. ĩna ejaro ĩacōari, ado bajiro ĩnare gotimasiosuoyuju Jesús:

—“Masimena ñari, mu ejarēnose buto bojaja yua”, Diore ĩre yisēnirūgūrāma, ĩ yarā ñarāma. To bajiri, rojose tāmūoobarine, Dios taju variquēnarona ñarāma.

4 Yucurire Dios ĩ bojabetire yicōari, tūoĩasutiritiñarā quēne, variquēnarona ñarāma, beroju ĩna tūoĩasutiritisere Dios ĩnare ĩ yirētobosaroti ti ñajare.

5 “Masimena ñaja yua” yirā, Dios ĩ ejarēnosere sēnirūgūrā ñari, Dios ĩ goticatore bajirone variquēnaruarāma, adi macarucuroana ujarā ĩna ñarotire Dios ĩnare ĩ yirētobosaroti ñajare.

6 Gajeye rētoro Dios ĩ bojasere yirua tūoĩarā quēne, variquēnarona ñarāma, “Yu bojasere yivariquēnato” yigu, Dios, ĩnare ĩ ejarēnose ti ñajare.

7 Gājerāre ĩamaicōari, quēnaro yirā quēne, variquēnaruarāma, Dios quēne, ĩnare ĩamaicōari, quēnaro ĩ yiroti ti ñajare.

8 Dios ĩ bojarore bajiro rīne quēnase tūoĩarā variquēnarāma ĩna quēne, beroju Diore ĩarona ñari.

9 Quēnaro ñarotire oca quēnorā quēne, variquēnaruarāma, “Yu rīa ñaama” Dios ĩ yīarona ñari.

10 Dios ĩ rotirore bajirone ĩna yise suorine gājerājua rojose ĩnare ĩna yiboajaquēne, variquēnaruarāma, Uju Dios yarā quēnaro ĩ yirā ñari.

11 Yure mua ajitirūnuse suorine gājerā muare ajatud'icōari, “Rojorā ñaama” muare ĩna yisocaboajaquēne, variquēnaruarāja mua. 12 To bajiro muare ĩna yiboajaquēne, buto variquēnaña mua, “Beroju Dios taju ejarā, quēnase bujaruarāja” yimasirā ñari. Mua rījoroana, Diore gotirētobosamasiriarē quēne, rojose muare ĩna yirore bajirone ĩnare quēne rojose yimasiñujarā masa —ĩnare yiyuju Jesús.

“Adi macarucurojare moa ocasere bajiro, to yicōari, busubatosere bajiro bajiroti ñaja muare”, ĩ buerāre Jesús ĩ yigotimasiore queti (Mr 9.50; Lc 14.34-35)

13 Quēna ado bajiro ĩ buerāre ĩnare gotiyuju Jesús:

—Moa ñaja bare säre. Mua barotire vaibucu rii catisere cūrāma, moa turāja mua, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasimenaja mua. To bajiri, tire reacōarāja, “Tire masa cudavmoreacōato” yirā. Moa ocatujabetire bajiro mua bajijama, quēnaja. Yure mua ajitirūnu tujabetijama, moa ocatujabetire bajiro bajirā ñaruarāja mua. To bajiboarine, yure mua ajitirūnu tujajama, quēna yure tudiajitirūnubetiruarāja. Mua suorine quēnaro yimenama gājerā. To bajiri muare bojabetirucuja —ĩnare yiyuju Jesús.

14 Quēna ado bajiro ĩnare gotiyuju:

—Rētiarojare busubatosere bajiro bajiroti ñaja muare. To bajiro mua bajijare, busubatosē quēnaro ti ruyurore bajirone muare ĩaruarāma masa. Jairimaca buro joeju ñarimaca quēnaro ti ruyurore bajirone muare ĩajedicōaruarāma. 15 Siabusuoriare jēocōari, sotune tiare mubūamenaja mua. Tiare jēocōari, “Ñajediro ti vianare busuato” yirā, vecaju jeorāja mua. 16 Tire bajirone quēnaro yiya mua, “Quēnaro yirā ñaama, Diore ajitirūnarā ñari” yimasiato masa jediro” yirā, to yicōari, “Mani jacu ō vecagure quēnase ĩre yirūcubuoato ĩna” yirā —ĩnare yiyuju Jesús.

Moisés ñamasir'ire Dios ĩ roticūmasirere Jesús ĩ gotimasiore queti

¹⁷ Quēna ado bajiro ĩ buerāre ĩnare yiyuju Jesús:

—“Moisés ñamasir'ire Dios ĩ roticūmasirere, to yicōari, Diore gotirētobosarimasa ĩna gotimasiomasirere reagu vayumi Jesús”, yituoĭabesa m̄na. Tire reaguagu me vadicaɣu yu. “Tire quēnaro riojo ajimasiato” yiḡu, vadicaɣu yu. ¹⁸ Riojo m̄uare gotiaja yu. Moisére Dios ĩ roticūmasire, to yicōari, Diore gotirētobosarimasa ĩna gotimasiore ñajediro ñacōarūgūraroja. Adi macaruc̄aro jediroto r̄joro, cojo vāme godoc̄utibetir̄aroja. Ñajediro Dios ĩ gotiriarore bajirone bajir̄aroja. ¹⁹ No bojagu, Moisére Dios ĩ roticūmasire ñamasuse me ti ñaboajaquēne, tire c̄udibecu, “No yibeaja, mani c̄udibetijaquēne” yigotimasiogū ñagūmi quēnabecu. Ʋɣu Dios yarā quēnaro ĩ yirā rācagu ñamasugū me ñaruc̄umi ĩ ũgūma. No bojagu Moisére Dios roticūmasirere c̄udicōari, “Tire mani c̄udijama, quēnaja” yigotimasiogū ñagūmi quēnagū. To bajiri Ʋɣu Dios yarā quēnaro ĩ yirā rācagu ñamasugū ñaruc̄umi ĩɣama. ²⁰ Riojo m̄uare gotiaja yu. Moisére Dios ĩ roticūmasire gotimasiorimasa, fariseo masa quēne, quēnaro ĩna yiboase rētoro quēnaro m̄na yibetijama, Ʋɣu Dios yarā me ñaruarāja m̄na quēne.

²¹ Dios ĩ rotimasiore gotimasiorimasa s̄orine ado bajise ajirūgūaja m̄na: “Sĭabesa. ĩ sĭajama, ĩ sĭase vaja ĩre sĭaroti ñaja”, yimasirere ajirūgūaja m̄na.

²² Yuma, ado bajiro m̄uare gotirēmoaja: Jūnisinire quēne rojose ñaja. No bojagu gājire jūnisinigū ĩ jūnisinise vaja rojose ĩre yiroti ñaja. No bojagure gājire jūnisinicōari, rujajine, “Vaja magū ñaja m̄” ĩre yiguma, rujajine ĩ yise vaja, “Rojose tām̄oruc̄umi”, ĩre yiruarāma ɣarā. No bojagure, gājire jūnisinicōari, ĩre tud'igurema, ĩ tud'ise vaja, jeame yatibetimeɣu ĩre cōacōaruc̄umi Dios, m̄uare yaja yu.

²³ Tire masirā ñari, gajeyere quēne tuoĭaña m̄na. Diore rūcub̄orā soem̄oriaɣu vacune, “Rojose ĩre yibu yu” m̄na yituoĭabujajama, Diore rūcub̄orā ĩre m̄na soem̄oĭsirotire soem̄obeja maji. ²⁴ Tire cūcōari, rojose m̄na yir'i tujure vasa, ĩre oca quēnorona. ĩre oca quēnogajanocōari, Diore soem̄oĭsiroana tudivaja yuja, m̄uare yaja yu. “Rojose m̄na yir'ire oca quēnocōari rĭne, Diore oca quēnomasiuarāja”, m̄uare yigu yaja.

²⁵ Gajeye ado bajiro bajaiaja: Gājire rojose m̄na yijama, oca quēnorimasu tuj̄u m̄na ejaroto rĭjoro, ĩ rāca oca quēnoroti ñaja m̄na juarājune. Oca quēnorimasu tu ejamenane, m̄na oca quēnobetijama, masare coderimasure juarotiruc̄umi, m̄uare. ĩɣa, m̄uare tubiberuc̄umi. ²⁶ Riojo m̄uare gotiaja yu. Rojose m̄na yire vaja m̄na vaja yibetijama, budimenaja m̄na. Tire bajirone bajir̄aroja Dios ĩ vaja sēnirir̄umu ejaroto rĭjoroɣu, rojose m̄na yir'ire ĩre oca quēnoña. M̄na gāmerā oca quēnobetijama, Dios ĩ vaja sēnirir̄umu rojose tām̄otujabetiriaroɣu m̄uare cōaruc̄umi, tudibudire manoɣu —ĩnare yiyuju Jesús.

“Gāji manajore rūcub̄oɣa”, Jesús ĩ yigotimasiore queti

²⁷ Quēna gajeye ado bajiro yiyuju Jesús:

—Dios ĩ rotimasiore gotimasiorimasa s̄orine ado bajisere ajirūgūaja m̄na: “Gāji manajo rāca ajerio c̄utibesa”, yirere ajirūgūaja. ²⁸ Yuma, ado bajiro m̄uare gotirēmoaja: Rōmio, no bojagore yir̄na tuoĭare quēne rojose ñaja. No bojagu, rōmioire yir̄na tuoĭagū, ĩ tuoĭasene sore ajerio c̄utigu yigūmi ĩ ũgūma, m̄uare yaja yu —yiyuju Jesús.

“*Buto mña maise ti ñabojaquêne, ti suorine Dios i bojabeti ñaja’ mña yijama, tire reacõaña*”, *Jesús i yigotimasiore queti*

²⁹ Quêna ado bajiro gotimasioñuju Jesús:

—“Yũ cajea riojojacatuaga suorine iabojacõari, rojose yibũ yũ” mña yituoĩajama, tiare ãmirocacõaña. Coja cajea mñare ti manijama, quênabetoja. To bajiboarine, juajerne caje cuticõari, mña bajireajama, jeame yatibetimeju mña vajama, rêtobusaro quênabetiruaroja. ³⁰ “Yũ ãmo suorine rojose yibũ yũ” mña yituoĩajama, ti ãmore jatarocacõaña. Mñare cojo ãmo ti manijama, quênabetoja. To bajiboarine juaãmo rãca mña bajireajama, jeame yatibetimeju mña vajama, rêtobusaro quênabetiruaroja —i buerãre ñare yiyuju Jesús.

“*Mña manajoare reabesa*”, *Jesús i yigotimasiore queti*
(Mt 19.9; Mr 10.11-12; Lc 16.18)

³¹ Quêna ado bajiro ñare gotimasioñuju Jesús:

—Gajeye ado bajiro gotiaja Moisére Dios i roticũmasire: “No bojagu i manajore i rocaruajama, ‘Mñre rocagu yaja’ yise papera ucacõari, sore ñiroti ñaja”, yigotiaja Dios i rotimasire. ³² Yũma, ado bajiro mñare gotiaja: Ñmanajo gãji rãca so ajeri cutibetiboajaquêne, sore ñrocajama, buto rojose sore yigu yigumi i ùgũma. To bajiro i yise suorine, gãji rãca so manaju cutijama, Diojuama, “So manaju me rãca ajeri cutiamo”, yĩagũmi. Ñmure quêne, gãji i rocaro rãca i manajo cutijama, “Ñ manajo me rãca ajerio cutiami”, yĩagũmi Dios. To bajiri mña manajoa gãjerã rãca ña ajeriarã cutibetijama, ñare reabetiroti ñaja —i buerãre yigotimasioñuju Jesús.

“*Riojo mña gotijama, quênaja*”, *Jesús i yigotimasiore queti*

³³ Quêna gajeye ado bajise ñare gotiyuju Jesús:

—Dios i rotimasire gotimasiormasa ado bajiro mñare ña gotimasiirere ajirũgũaja mña: “No bojase mña yirotire mña yiruajama, ‘Yimasucõaruarãja yua. Tire yua yibetijama, Dios, rojose yuare yibogumi’ yirã, ‘Yiruãrãja’ mña yirore bajirone yiba”, yirere ajirũgũaja mña. ³⁴⁻³⁶ To bajiri cojojirema mña gotirore bajiro yiterã ñari, ado bajiro tuoĩavasoaboaja mña: “Dios vãmere rãca riojo yaja’ mani yijama, rojose manire yibogumi” yirã ñari, “Dios vãmere gotivasoarã yaja yua” yirã, gaje vãmere õ vecayere gotiboaja mña. To bajiro yimena quêne, gaje vãmere rãca, macarucuroayere yiboarãja. Tire yiterã, Jerusalén vãmere cuti macayere yiboarãja. To bajiro mña yibetijama, gaje vãmere rãca, mña rujoare quêne, to yicõari, mña joare quêne yiboarãja mña, ñise, botise mña joare godoveomasimena ñaboarine. Ti ùnire yibetiroti ñaja. ³⁷ “Yiruãrãja” yirã quêne, “Yiruãrãja” yi, “Yibetiruãrãja” yirã quêne, “Yibetiruãrãja” yicõa tujasa. “Socarã me yaja yua” yirã, gajeye mña gotirẽmojama, vãtia uju ejarẽmose rãca gotirẽmorã yirãja mña —ñare yigotiyuju Jesús.

“*Rojose mñare yirãre gãmebeja*”, *Jesús i yigotimasiore queti*
(Lc 6.29-30)

³⁸ Quêna gajeye ado bajiro i buerãre ñare gotiyuju Jesús:

—Dios i rotimasire gotimasiormasa ado bajiro mñare ña gotimasiirere ajirũgũaja mña: “Mũ cajeare i jajama, mũjua quêne, i cajeare jaroti ñaja. Mũ gujiare i jajeajama, mũjua quêne, i gujiare jajeeroti ñaja”, yimasirere ajirũgũaja. ³⁹ Yũjua, ado bajiro mñare gotiaja: Rojose mñare yigure gãmebesa. Ado bajirojua yiya: Cojojacatua, mũ vayujuare i jajama, gajejacatuare quêne ñre jarotiya. ⁴⁰ Gãji, mñare ocasãru, “Rojose yure yibũ

m̄. To bajiri, rojose m̄ yise vaja m̄ sudirore yare ĩsifa. M̄ ĩsibetijama, m̄re ocas̄ar̄c̄uja ȳ ĩ yijama, ĩre ĩsifa. To yic̄ari, gajease qūenabusariase ĩre ĩsir̄emoc̄ōāna. ⁴¹ Sīgū ĩ gajeyeūnire m̄re ūmarotic̄ari, “Adone cūc̄ōāna m̄” m̄re ĩ yiboajaqūene, m̄ vadiriac̄uc̄ōrone gāme var̄emoc̄ōarij̄ ĩre cūbosaya. ⁴² No bojarā m̄re gajeyeūni s̄enir̄are ĩsifa. Sīgū, gajeyeūni magū ñari, “Yare vasoaya” m̄re ĩ yijama, ĩre vasoaya —ĩ buer̄are ĩnare yiyuju Jesús.

“Manire ĩater̄are qūene, mani ĩamaijama, qūenaja”, Jesús ĩ yigotimasiore queti

(Lc 6.27-28, 32-36)

⁴³ Qūena ado bajiro ĩnare yiyuju Jesús:

—Dios ĩrotimasire gotimasiorimasa ado bajiro m̄re ĩna gotimasirere ajir̄ūgūaja m̄: “M̄a babar̄are qūenaro ĩamaiña. To yic̄ari, m̄re ĩater̄are ĩateya”, yimasirere ajir̄ūgūaja. ⁴⁴ Ȳuj̄ama, ado bajiro m̄re rotiaja: M̄re ĩater̄are qūene ĩamaiña. M̄re rojose yir̄are qūene qūenaro ĩna bajirotire yir̄a, Diore ĩnare s̄enibosaya m̄. ⁴⁵ To bajiro m̄a yijama, “Mani jac̄ ō vecaḡ r̄a ñaja ȳa” ȳior̄a yir̄aja m̄a, ĩ bojarore bajiro yir̄a ñari. Masa jedirore qūenaro yir̄ūgūgūmi Dios. ĩre c̄udimenare qūene qūenaro yir̄ūgūgūmi. ĩ ñagūmi qūenar̄are, rojor̄are qūene, “Busuato” yiḡ, muijure busurotiḡ, to yic̄ari, ocore qūene quedirotiḡ. ⁴⁶ M̄re ĩamair̄a r̄ine m̄a ĩamaijama, ĩ “Qūenaro yaja m̄a” m̄re ȳi, vaja yiḡjari Dios? Yibec̄ami. Rojor̄a, ūj̄ure ḡjoa s̄enibosarimasa, ĩnare ĩamair̄a r̄ine ĩamair̄ūgūama ĩna qūene. ⁴⁷ M̄a tu ejar̄are m̄re bajiro bajir̄a r̄ine m̄a s̄enijama, ĩ “Qūenaro yaja” m̄re ȳi, vaja yiḡjari Dios? Yibec̄ami. Diore ajimena qūene, ĩnare ĩamair̄a r̄ine ĩamair̄ūgūama ĩna qūene. ⁴⁸ To bajiri m̄aj̄ama, mani jac̄ ō veca ñagū qūenase r̄ine ĩ yirore bajiro yir̄a ñāna m̄a. M̄re rojose yir̄are qūene, m̄re bajiro bajir̄a mere qūene ĩamaic̄ari, qūenaro yiroti ñaja —ĩnare yiyuju Jesús.

6

“Ḡajer̄a m̄re ĩac̄ari, ‘Qūenaro yir̄a ñaama’ m̄re ȳiar̄ac̄ub̄oato’ yir̄a me, qūenaro yiya”, Jesús ĩ yigotimasiore

¹ Qūena ado bajiro ĩ buer̄are ĩnare yiyuju Jesús:

—Qūenaro m̄a yijama, “ ‘Qūenaro yama ĩna’ yato ḡajer̄a” yir̄a me, qūenaro yiya m̄a. Masa ĩna ĩaro r̄j̄orojua r̄ine, “ ‘Qūenaro Diore c̄adir̄a ñaama’ yare ȳīato ĩna” yir̄a, m̄a ȳīoboajama, ñie vaja bujamenaja m̄a, ō vecaja mani jac̄ Dios t̄aju ejar̄a. ² Sīgūri, “Qūenar̄a ñaja ȳa” yiboarine, ĩna yirore bajiro yir̄a me ñar̄ama ĩna. Ado bajirojua yir̄a ñar̄ama: Maioro bajir̄are ejar̄emor̄a, ĩnare ĩna ĩsijama, masa jedirore gotibator̄ama. Dios ocare ĩna buerivij̄are r̄ejar̄are qūene, j̄ajar̄a masa ĩna vati maar̄j̄ure qūene ñac̄ari, ĩnare gotibator̄ama, “ ‘Qūenar̄a ñān̄uma’ yare ȳiar̄ac̄ub̄oato” yir̄a. To bajiro ĩna yirore bajiro yibesa m̄a. Riojo m̄re gotiaja ȳ. To bajiro ĩna yise vaja masa ĩnare ĩna r̄uc̄ub̄osene j̄ere vaja bujac̄oama ĩnama. Ñie gajeye bujar̄emobতিরar̄ama, Dios t̄aj̄ure. ĩnare masa ĩna r̄uc̄ub̄oboajaqūene, Dioj̄ama, ĩnare r̄uc̄ub̄obতির̄c̄ami. ³ M̄aj̄ama, maioro bajir̄are m̄a ejar̄emojama, “ ‘Qūenaro yir̄a ñaama ĩna’ yare ȳīato” yir̄a me, ĩnare ejar̄emoña. To yic̄ari, m̄a baba ñamasuḡare qūene, “To bajiro yib̄ ȳa” yigotimenane, ĩnare ejar̄emoña. ⁴ To bajiro maioro bajir̄are qūenaro m̄a yijama, masa ĩabetore bajiro yir̄a yir̄ar̄aja m̄a. To

bajiro m̄ua yijama, mani jacu, masa ĩabetoju ĩamasigũ ñari, quēnaro m̄ua yise vaja, quēnaro m̄uaire yiruc̄ami —ĩ buerãre ĩnare yiyuju Jesũs.

Diore mani sēnirotire Jesũs ĩ gotimasiore queti

(Lc 11.2-4)

⁵ Quēna ado bajiro ĩnare gotimasioñuju Jesũs:

—Sĩḡari, “Quēnarã ñaja yua” yiboarine, ĩna yirore bajiro yirã me ñarãma ĩna. Ado bajiro yirã ñarãma: Diore ĩna sēnijama, Dios ocare ĩna buerivirijũ rũgõc̄ari, sēnirãma. To yic̄ari, jãjarã masa ĩna vati maarijũre quēne ñac̄ari, Diore ñagõrãma. To bajiro yirãma, masa ĩna ĩarũc̄ub̄osere bojarã ñari. To bajiro ĩna yise vaja masa ĩna ĩarũc̄ub̄osere jẽre b̄ujac̄arãma ĩna. Ñie gajeye b̄ujarẽmobetiruarãma, Dios t̄ajũre. ĩnare masa ĩna ĩarũc̄ub̄oboajaquēne, Diojuama, ĩnare ĩarũc̄ub̄obetiruc̄ami. To bajiri, m̄uama, Diore m̄ua ñagõjama, ĩna yirore bajiro Diore ñagõbesa m̄ua. ⁶ M̄uama, Diore m̄ua sēnijama, gãjerã m̄uaire ĩna ĩabeto sēniruarã ñari, m̄ua ya s̄oaju tubibesãjac̄ari, ĩre sēniña. To bajiro yic̄ari, mani jacu ruyubec̄are ĩre sēniña. Masa ĩna masibeto Diore m̄ua sēnijama, to bajiro m̄ua yise vaja, m̄uaire vaja yiruc̄ami mani jacu, masa ĩna ĩabetiboajaquēne mani t̄oĩasere masigũ ñari —ĩnare yiyuju Jesũs.

⁷ Quēna ado bajiro ĩnare gotimasioñuju Jesũs:

—Dios yarã me ñarã, ĩna r̄uc̄ub̄ogure sēnirã, cojoi me sēniajerãma ĩna, “Cojoi me tire mani sēnijama, manire ajiḡami” yit̄oĩarã ñari. ⁸ ĩnare bajiro yibesa m̄uama. M̄ua bojase m̄ua sēniroto r̄ijorojũne jẽre masic̄ogũmi Dios.

⁹ To bajiri Diore m̄ua sēnijama, ado bajiro sēniña:

“Yua jacu, masa ñajediro, ‘Quēnarẽtogũ ñaja m̄u’ m̄uaire yiruc̄ub̄oato ĩna.

¹⁰ Adĩ macaruc̄oana, m̄u bojase r̄ine yua yirotire t̄oĩa yurũgũaja yua. Jẽre õ vecaju m̄u ñaroju m̄u yarã m̄u rotirore bajirone yĩnarãma. To bajiri adĩ macaruc̄ojũre quēne m̄u rotirore bajiro r̄ine yirere bojaja yua.

¹¹ Adirũm̄u yua barotire c̄oãña m̄u.

¹² ‘Rojose yua yisere masirioya’ m̄uaire yisēniãja yua, yuaire rojose yirãre quēne masiriorã ñari.

¹³ Rojose yua yirotire masigũ ñari, ‘Tire yibetic̄oato ĩna’ yiḡu, yuaire mata-bosaya”. To bajiro Diore m̄ua sēnijama, quēnaja —ĩnare yiyuju Jesũs, ĩ buerãre.

¹⁴ Quēna ado bajiro ĩnare gotimasioñuju Jesũs:

—M̄uaire rojose yirãre m̄ua masiriojama, mani jacu õ vecagu rojose m̄ua yisere masirioꝛami ĩ quēne. ¹⁵ Gãjerãre rojose ĩna yisere m̄ua masiriobetijama, mani jacu quēne rojose m̄ua yisere masiriobetiruc̄ami —ĩnare yiyuju Jesũs, ĩ buerãre.

Diore r̄uc̄ub̄orã, bare bamenane mani sēniroti queti

¹⁶ Quēna ado bajiro ĩnare gotimasioñuju Jesũs:

—Sĩḡari, “Quēnarã ñaja yua” yiboarine, ĩna yirore bajiro yirã me ñarãma. Bare bamenane Diore ĩna sēnijama, “ ‘S̄utiritiama’ yĩĩato ĩna” yirã, s̄utiritirãre bajirã ñaĩorãma ĩna. To bajiro yirãma, “ ĩna, Diore r̄uc̄ub̄orã, bare bama bajirãma’ masa yuaire yĩĩato” yirã. To bajiro ĩna yirore bajiro yibesa m̄uama. Riojo m̄uaire gotiãja yu. To bajiro ĩna yise vaja masa ĩnare ĩna r̄uc̄ub̄osene jẽre vaja b̄ujac̄oama ĩnama. Ñie gajeye b̄ujarẽmobetiruarãma, Dios t̄ajũre. ĩnare masa ĩna r̄uc̄ub̄oboajaquēne, Diojuama, ĩnare r̄uc̄ub̄obetiruc̄ami. ¹⁷⁻¹⁸ M̄uajũma, Diore r̄uc̄ub̄orã,

bare bamenane ĩre m̄ua s̄enijama, sutiritir̄are bajiro bajibesa. M̄ua yir̄uḡurore bajiro m̄ua joare qūene qūenaro siroa, riogare qūene qūenaro coe, yiya, “Masa ȳuare ĩac̄ōari, bare ȳua babetire masibetic̄oato” yir̄ā. To bajiro m̄ua yijama, mani jac̄u ḡajer̄ā ĩna ĩamasibetiboajaqūene, ĩamasiḡū ĩari, m̄uare vaja yir̄uc̄ami —ĩnare yiyuju Jes̄ús.

Ō vecaj̄u Dios t̄uj̄u qūēnase mani bujaroti queti
(Lc 12.33-34)

¹⁹ Qūēna ado bajiro ĩnare gotimasioñuju Jes̄ús:

—Adi macar̄uc̄uroj̄u, “Gajeyeūni jairo juar̄eoc̄ur̄ar̄aja” yir̄ā me moaña m̄ua. Gajeyeūni m̄ua juar̄eoc̄ūboasere barear̄ar̄ama gajeyeūni bari-masa. Gajeyema, boar̄uroja ti. To yic̄ōari, gajeyerema juarudir̄ar̄ama juarudirimasa. ²⁰ Ado bajiroj̄ua yir̄ā ñaña m̄ua: “Ō vecaj̄u mani jac̄u t̄uj̄u ĩ bojarore bajiro qūenaro mani yise vaja, qūenaro manire yir̄uc̄ami” yit̄oĩac̄ōari, qūenaro yir̄ā ñaña. Ō vecayej̄uarema, qūenaro m̄uare Dios ĩ yisere barear̄ā manama. Boabetir̄uroja tima. To yic̄ōari juarudirimasa qūēne, ejabetir̄ar̄ama. Dios manire qūenaro ĩ yise jedibetir̄uroja. ²¹ M̄ua vaja tarere m̄ua qūenoc̄ū vajama, ti rione t̄oĩarejaic̄ōa ñar̄aja m̄ua. Tire yimenane, “Qūenaro ȳua yise vaja ō vecaj̄u vaja tac̄ūr̄a yaja” yit̄oĩac̄ōari, qūenaro yir̄uḡūña m̄ua.

²²⁻²³ M̄ua caje qūenaro ti ruyujama, “Tine ñaja qūēnamasuse”, yit̄oĩamasiya m̄ua. To bajiboarine, m̄ua caje qūenaro ti ruyubetijama, qūēnabetire ĩac̄ōari, m̄ua masune, “Ti ñaja qūēnamasuse”, yisocar̄ur̄ar̄aja m̄ua. Tire bajiro bajiaja m̄ua t̄oĩase qūēne. Dios ĩ bojarore bajiro qūenaro m̄ua t̄oĩajama, ñajediro qūenaro riojo t̄oĩamasir̄ur̄ar̄aja m̄ua. ĩ bojabetire m̄ua t̄oĩajama, “Riojo t̄oĩar̄ā ñaja” yisocañar̄ā r̄ine, butobusa t̄oĩamasimena ñacoar̄ur̄ar̄aja m̄ua. To bajiri, qūēnabetire ĩac̄ōari, “Mani masune, ‘Ti ñaja qūēnamasuse’ yisocarobe” yir̄ā, Dios ĩ bojarore bajiro qūenaro t̄oĩañā m̄ua —ĩ buer̄are ĩnare yiyuju Jes̄ús.

“Diore mani r̄uc̄ub̄ojama, ḡājoare buto bojat̄oĩañā manojā”, Jes̄ús ĩ yigotimasiore queti
(Lc 16.13)

²⁴ Qūēna ado bajiro ĩnare gotiyuju Jes̄ús:

—Diore yir̄uc̄ub̄or̄ama, adi macar̄uc̄uroayere buto bojat̄oĩamenama, “Dioj̄ua ñaami ñamasuḡū” yit̄oĩar̄ā ĩari.

²⁵ To bajiri, “Dios ñaami ñamasuḡū” yit̄oĩar̄ā ĩari, ĩre c̄udir̄ama, adi macar̄uc̄uroj̄ure m̄ua bajirotire t̄oĩarejaibesa m̄ua. “¿No bajiro bujac̄ōari, bare ba, idi, sudi s̄aña, yic̄atiñar̄ati ȳua?”, yit̄oĩarejaibesa. Qūēnamasuse mani us̄ure, to yic̄ōari, mani ruj̄ure manire ĩsiñumi Dios. To bajiri mani baroti, mani idiroti, to yic̄ōari sudi mani s̄añarotire qūēne c̄ōar̄uḡur̄uc̄ami ĩ. ²⁶ Minia ĩna bajisere t̄oĩañā m̄ua. ĩna otebetiboajaqūene, to yic̄ōari, bare ĩna juar̄eoc̄ūbetiboajaqūene, Dios, ĩnare bare c̄ōar̄uḡūami. “Miniare qūēne ĩamaiḡū ĩari, manire roque r̄ētoro maiḡūmi”, ¿yimasibeati m̄ua? ²⁷ “Adi macar̄uc̄uroj̄ure ñar̄ā yoaro catir̄ur̄ar̄aja” m̄ua yit̄oĩarejaiboase, “Yoarobusa catiato” yiro, m̄uare ejar̄ēmomasibeaja ti.

²⁸ Sudi s̄añar̄ua t̄oĩarejaibesa. Go buc̄uasere t̄oĩañasaque m̄ua: Moabeti, to yic̄ōari, sudi s̄añar̄ua t̄oĩarejaibeaja ti. ²⁹ To bajiboarine, Ūju Salomón ñamasir̄i gajeyeūni jaiḡu ĩ ñaboajaqūene, qūēnase ĩ sudi s̄añamasire r̄ētoro qūēnase ñaja ti. ³⁰ Gore buto qūēnase ĩarotir̄uḡūami Dios. Qūēnase ñaboarine, yoaro mene s̄inicoatoja. Ti s̄iniro ĩac̄ōari, tire t̄iar̄ama masa,

bare roariajaujüre. To bajiri yoaro catise me ti ñaboajaquêne, tire quënorügümi Dios. Go rëtoro manire maigümi Dios. To bajiri, “Manire sudi cõarucümi”, yimasiroti ñaja. “To bajirone yigümi Dios”, yiajiritirënbetibusarã ñaja müa. ³¹ To bajiri, “¿No bajiro bujacõari, bare ba, idi, sudi sãña, yicatiñarãti yua?”, yituoïarejaibetiroti ñaja. ³² Dios yarã me ñarãma, tire buto tuoïarejairãma. Manijüarema, mani jacü õ vecagu ñagümi, “Ti ruyaja, ñare” yimasigã. ³³ To bajiri, “Ûju Dios yarã, quënarõ ï yirã ñaja mani. Ì bojarore bajiro quënase rïne yiruarãja”, yituoïarügüña müa. To bajiro müa yijama, adi macarucuroaye müa cõobetire bujaruarãja müa. ³⁴ To bajiro ti bajijare, adirãmü müa bajise rïne tuoïaroti ñaja. Busiyü müa bajiro tire tuoïarejai rïjoro cutibesa müa. Tocãrãcarãmurine ricati bajirügüaja —ï buerãre ñare yiyuju Jesús.

7

“*Rojose yirã ñaama. Ti suorine rojose tãmucuarãma’ yiruarã, ñare ïabesebesa*”, Jesús ïyigotimasiore queti

(Lc 6.37-38, 41-42)

¹ Quëna ado bajiro ñare yiyuju Jesús:

—“Rojose yirã ñaama. To bajiro yirã ñari, rojose tãmucuarãma”, gãjerãre ñare yïabesebesa. To bajiro müa yijama, “Rojose yirã ñaama”, müare yïaromi Dios. ² To bajiri, gãjerãre rojose ña yise suorine “Rojose tãmucuarãja” müa yïacõïajama, müare ï beserirãmüju, “Rojose yirã ñaama”, müare yïacõïarucümi Dios. ³⁻⁵ Gajeyerema, ado bajiro yirãre bajiro yaja müa: Gãji buto rojose ï yibetibojaquêne, “Mü cajeare süjuroaco sãñaja. Tijucare amirocato” yirãre bajiro yaja müa. Tire buto ïatirünurã ñaboarine, müa cajeajüre jairisüjuro sãñarijauure tijauure, “Amirocaya” yimasibeaja müa, “Buto rojorã ñaja yua” yituoïamasimena ñari. Müa rãcagu ï yisejuare ïacõari, “Riojo tuoïabeaja mü. ‘Quënasejuare tuoïavasoaya’ yirã, riojo müre gotiruarãja” yigotirã ñaboarine, “Adi ñaja quënase. Tijua ñaja rojose”, yimasimenaja, ï rëtoro rojose yirã ñari. “Quënarõ yirã ñaja yua” yituoïaboarine, rojorã ñaja müa. “Buto rojorã ñaja yua” müa yituoïamasiro beroju, müa rãcagure ejarëmomasirãja müa, “Quënarõ riojo ñato ï” yirã —ï buerãre ñare yimasioñuju Jesús.

⁶ Quëna ado bajiro ñare yiyuju Jesús:

—Buto quënase ñaja Dios oca. Ì yere ajiterãre gotimasiobetiruarãja müa. “Bare quënase ti ñaboajaquêne, yaia ña batese ti ñajama, manire jünisinicõari, cünisurerearuarãma ña” yirã, ñare ecabeaja müa. To yicõari, müa ye jairo vaja cutise, perla väme cutisere yesea vatoaju reacübeaja müa. To bajiro müa yijama, müa reacüsere bojamenã ñari, tire cudavüoreacõaruarãma ña. To bajirone bajiaja Dios oca quënase ajiterãrene müa gotimasioruajaquêne. To bajiri, ña ajirüabetire ïamasicõari, ñare gotimasiasibetiruarãja müa —ñare yiyuju Jesús.

“*Diore müa sënijama, müare cudirucümi*”, Jesús ïyigotimasiore queti
(Lc 11.9-13; 6.31)

⁷ Quëna ado bajiro ñare yiyuju Jesús:

—Diore müa sënijama, cõarucümi. Ìre sënicõari, müa macajama, bujaruarãja müa. Sïgü no bojase ïre ti ruyajama, gãji ya vijü ejacõari sãjaru, sëniãgümi. Ì sëniãjare, ïre sãjaroticõari, ïre ejarëmogümi. To bajirone bajiaja Diore sëniãre quêne. Ìre müa sënisere ajicõari, quënarõ müare

yiejarēmōrūcūmi. ⁸ “Dios manire ejarēmōrūcūmi” yitūōiarā ñari, ñre ñna sēnisere ñnare cōarūcūmi. Ñna macajaquēne, bujaruarāma.

⁹ “Bare bojaja yu” mua macu ñ yisēnijama, ħgūtane ñsirātique mua? Ñsimenaja mua. ¹⁰ “Vai bojaja yu” mua macu ñ yisēnijama, ħña bar’i merene ñsirātique mua? Ñsimenaja mua. ¹¹ Diore bajiro quēnase yirā me ñaboarine, mua ñnare quēnaro yaja mua. “To bajiro yirā ñaja” yimasirā ñari, “Mani jacu ō vecagure mani sēnijama, quēnaro masu manire yirūcūmi”, yimasijaja mani —ñnare yiyuju Jesús.

¹² Quēna ado bajiro ñnare yiyuju Jesús:

—Gājerā quēnaro muare ñna yisere bojaja mua. Tire bojarā ñari, quēnaro ñnare yiya muaña quēne. To bajirone Moisés ñnamasir’ire roticūmasiñuju Dios. To yicōari Diore gotirētobosarimasa ñna ucamasire quēne, to bajirone yaja —ñ buerāre ñnare yiyuju Jesús.

“Eyabeti maa ñaja Dios tujū varia maa”, Jesús ñ yigotimasiore queti
(Lc 13.24)

¹³ Quēna ado bajiro ñnare yiyuju Jesús:

—Ūju Dios yarā quēnaro ñ yirā mua ñarūajama, eyabetisoje, to yicōari, eyabeti maare vanare bajiro josaruarāja mua. Ti josaboajaquēne, ñ yarā ñaña mua. Ñ yarā mejuama, jājarā ñarāma. Gaje soje eyarisojere sājacōari, to yicōari, eyari maa vanare bajiro josabetiruarāma ñnama. Ti josabeti-boajaquēne, rojose tāmūotujabetiriaroju varona ñarāma. ¹⁴ Eyabetisoje, to yicōari, eyabeti maare vanare bajiro josaruarāma, Ūju Dios yarā quēnaro ñ yirāma. Ti josaboajaquēne, Dios tujū ejacōari, ñ rāca quēnaro ñacōarūgūruarāma. Jājarā me ñaruarāma ñnama —ñ buerāre ñnare yiyuju Jesús.

“Ti rica cutise suorine yucūre ñamasijaja mani”, Jesús ñ yigotimasiore queti
(Lc 6.43-44)

¹⁵ Quēna ado bajiro ñnare yiyuju Jesús:

—Ūju Dios yarā quēnaro ñ yirā ñari, ñre gotirētobosarimasa ñaja yua quēne”, yitorimasa ñarāma sīgūri. To bajiro ñna yitosere quēnaro ajimasifijama, to bajiro muare ñna yitose ñnare, Dios yere mua ajirūgūboasere masiriticoaruarāja. ¹⁶ Ñna gotimasiore suorine, “Quēnarā ñaama” yimenane, ñna bajire cutisejuare ñasūoya mua. Ti rica cutise suorine yucūre ñamasijaja mani. Ūye juaroana, vātijota yucūrijare macamenaja mani. Quēnase bare higos vāme cutire juaroana, vidiroju ñaricu savajotaujare macamenaja mani. ¹⁷ To bajiri, yucū vānuquēnaricūma, quēnase rica cutiroja. Vānabetijūama, quēnabetiarine rica cuticōaroja. ¹⁸ To bajiri, yucū vānaricu, “Quēnase rica cutiricu ñaja” mani yiboaricune, quēnabeti rica cutibetoja. To yicōari, vānabeti, “Quēnabeti rica cutiricu ñaja” mani yiboaricune, quēnase rica cutibetoja. ¹⁹ Tocārāca yucūrire, vānubeticōari, rica quēnabeti yucūrire quēacōari, jeameju soereacōare ñaroja. ²⁰ To bajiri yucū ricare ñacōari, “Quēnaricu ñaja ti. Quēnabeti ñaja adima” mani yimasirore bajirone, “Diore gotirētobosarimasa ñaja yua” yirā, ñna yisere ñacōari, “Quēnarā ñaama ñna. Quēnamena ñaama ñnoa”, yimasiruarāja mua —ñnare yiyuju Jesús.

“Ūju Dios ñ bojarore bajiro yirā rñe ñarāma ñ yarā quēnaro ñ yirona”, Jesús ñ yigotimasiore queti
(Lc 13.25-27)

21 Quēna ado bajiro ĩnare yiyuju Jesús:

—Ñajediro, “Yua ɯju ñaja mu” yure yirã me ñaruarãma yu jacu yarã, quēnaro ĩ yironama. Yu jacu ĩ bojarore bajiro yirã rĩne ñaruarãma õ vecaju varonama. 22 Masare Dios ĩ beserirũmu ti ejaro, jãjarã ado bajiro yiboaruarãma: “Yua ɯju, yuare mu rotijare, mare gotirẽtobosacaju yua. Yuare mu rotijare, masa usuriju sãñarãre vãtiare bureacaju yua. To yicõari, yuare mu rotijare, jairo ñaãñamani yĩocaju yua”, yure yiboaruarãma ĩna, socarãne. 23 To bajiro ĩna yiboajaquēne, ado bajiro ĩnare yiruɯaju yu: “Tire mare yirotibeticaju yu. Mare masibeaja. ¡Vasa! Rojose yirã ñaja mu”, ĩnare yiruɯaju yu —ĩnare yiyuju Jesús.

“Quēnaro ĩre ajitirũnarã, to yicõari, ĩre ajiboarine, ĩre cudimenama, ado bajiro bajirãma”, Jesús ĩ yigotimasiore queti

(Mr 1.22; Lc 6.47-49)

24 Quēna ado bajiro ĩnare yiyuju Jesús:

—Mare yu gotimasiosere ajicõari, yu rotirore bajiro yigu, quēnaro tuõagã ñagũmi ĩ ũgũma. ĩ ñagũmi gũtajãiju gojeri coajecõari, botari rãgõcõari, vi buagure bajiro bajigu. 25 Vi ĩ buaro bero, buto oco quediroya. Buto mino vatoja. To bajicõari, riaga jaicoatoja. Ti vijũ ti jaiejacoaboajaquēne, juriaquedibetoja ti vi. 26 Yure ajiboarine, yu rotirore bajiro yibecujua ñagũmi sita vajaroju vi buagure bajiro bajigu. 27 Ti vi ĩ buaro bero, buto oco quediroya. Buto mino vatoja. To bajicõari, riaga jaicoatoja. Ti vijure ti jaiejarone, yoaro mene juriaquedicoatoja —ĩ buerãre ĩnare yiyuju Jesús.

28-29 To bajiro Jesús ĩnare ĩ yigotimasioro bero, Dios ĩ rotimasire gotimasiomasare bajiro me, ɯjũre bajiro bojonebecane quēnaro ĩ gotimasiojare, ajĩãñamani ĩ gotise ti ñajare, no yimasibesujarã ĩna.

8

Gase boagure Jesús ĩ catioire queti

(Mr 1.40-45; Lc 5.12-16)

1 Buroju ñar'i, Jesús ĩ rojaejarone, jãjarã masa ĩre suyayujarã. 2 To ĩna bajirone, sãgũ gase boagu Jesũre vacãnamuacõari, ĩ rĩjoroju gũsomuniari tuetuejayuju, ĩre rãcũbuogu. To yicõari, ado bajiro Jesũre ĩre yiyuju:

—Yu ɯju, yu cãmire mu yarũajama, yaya —yiyuju. 3 To bajiro ĩre ĩ yisere ajicõari,

—Mu cãmire yarũcujaju yu —ĩre yigune, ĩre moaãñuju Jesús.

To bajiro ĩ yirirĩmarone, ĩ cãmĩ ĩre yaticoasuju yuja. 4 To ĩre yigajanocõari, gãjerãre ĩre gotirotibesuju Jesús. To bajiro ĩre yicõari, ado bajiro ĩre yiyuju:

—Yucũacane paire mu rujuare ĩoaya. To yigune, Moisére Dios ĩ roticũmasiarore bajirone vaibũcũrã ecariarãre sãcõari, paire ĩsima, Diore rãcũbuogu. To mu yisere ĩacõari, “Caticoasumi”, yiruarãma masa —ĩre yiyuju Jesús, gase boaboar'ire.

Surara ɯjũre moabosarimasũre Jesús ĩ catioire queti

(Lc 7.1-10)

5 Capernaum vãme cuti macajure Jesús ĩ ejaro ĩacõari, ĩ tãju vayuju surara ɯju. Romano masũ ñañuju ĩ. Jesús tu ejacõari, rãcũbuose rãca ado bajiro ĩre sãniñuju:

6 —Yu uju, yure moabosarimasu ı bajisere ajimaiña. Yu ya viju rijaje-sami. Micacoari, buto visiomi —Jesure ıre yiyuju surara uju.

7 —ıre catiogu varucuja yu —ıre yicudiyuju Jesus.

8 To ı yiboajaquene, ado bajiro ıre cudiyuju surara uju, Jesure:

—Yu uju, quenegu masu ñaja mu. Yuma, rojose yu yisere tuoıa bo-jonegu ñari, yu ya vire mure sujarotimasibecuja yu. Toju sujabetiboarine, mu ñagotuoıasene catiomasiguja mu. ⁹ Gujeru surara ujaru beroagu ñaja yu. To bajiri, yu quene, gujeru surarare rotigu ñaja yu. Sıgure, “ıVasal!” yu yijama, vajami. Gujire, “Vayu” yu yijama, vadiami. To yicuari, yure moabosarimasure, “Tire yiya” yu yijama, yiruguami. To bajiri, mu roque rotigu masu ñari, toju vabetiboarine, mu ñagotuoıasene caticoarucumi —Jesure yiyuju.

¹⁰ To bajiro ı yisere ajiyamanire bajiro ajituoıañuju Jesus. To bajiri ado bajiro ınare yiyuju, ıre suyarure:

—Riojo muare gotiaja yu. Israel ñamasir'i junerabatia yu yaru ñaboarine, “Masigu, to yicuari, quenegu ñari, yure yiremorucumi” yure ı yituoıarore bajiro tuoıagure, ıabetiruguaja yu. ¹¹ Quenaru yure ajiya. ıre bajiro bajiru Israel masa me, jujaru ejaruaruma o vecaju Dios tuju. Muiju ı jiadojuu vadiriaru quene, ı rocasutojuu vadiriaru quene ejaruaruma. Tojuure, ro-jorure Dios ı rearo bero, ı ruca barujiruaruma ına. ına ruca ñaruaruma Abraham, Isaac, to yicuari, Jacob ñamasir'i quene. ¹² Israel ñamasir'i junerabatia Dioruca barujirona ñaboariaru, rojose ına yire suorine retiaroju ınare reacuarucumi. Tojuure ıacuari, buto rojose tumuoru ñari, guji pogue, oti, yiruaruma ına —ınare yiyuju Jesus.

¹³ To yigajano, surara ujuuare ado bajiro yiyuju:

—Mu ya viju tudiasa. “Ñamasugu ñari, yure catiobosacuarucumi” yure mu yituoıarore bajirone bajiruaroja —ıre yiyuju Jesus.

To ı yirirımarone, surara ujuure moabosarimasu, viju rijañaboar'i caticoa-suju ı yuja.

Pedro umañicore Jesús ı catiore queti

(Mr 1.29-31; Lc 4.38-39)

¹⁴ Pedro ya viju vasuju Jesus. Ti vi ejacuari, Pedro umañicore ıañuju. Cunijesariaro joeju jesayuju so. So ruju buto asicuari, buuribujayuju.

¹⁵ Sore ıacuari, so umore ı moıarone, ruju asicuari, so buuribujaboase tujacoasuju. To bajiri vumuugucuari, bare ıre ecayuju so.

Jujaru, rijaye cutirure Jesús ı catiore queti

(Mr 1.32-34; Lc 4.40-41)

¹⁶ Tirumu ruiorijune juaejoyujaru, ına usuriju vutia suñarure Jesus tuju, “Vutiare ınare bureato” yiru. To ına yiro ıacuari, cojoji ñagogune, vutiare bureayuju Jesus. Jujaru ñaañujaru ına usuriju vutia suñaru, masa ına juae-joriaru. To yicuari, rijaye cutirure quene catioyuju. ¹⁷ To bajiro bajiruaroja ı yuucamasire ti ñajare. Ado bajiro ucamasiñumi Isa'ias: “Mani rijaye cutire catioucumi. To yicuari, josari mani tumuoñasere yiretobosarucumi” yuucamasiñumi Isa'ias, Jesus ı catorotire yigu.

“Yure mua ajisuyaruajama, josaruaroja ti”, Jesús ı yigotimasiore queti

(Lc 9.57-62)

¹⁸ Cojorumu jujaru masa ı tuju ına ñaguñibiaro ıacuari,

—Gajecatuaaju jēacoajaro mani —ĩ buerāre ĩnare yiyuju Jesús. ¹⁹ To ĩ yise rācane, sīgū, Dios ĩ rotimasire gotimasiorimasu, Jesús tu ejayuju.

—Gotimasiorimasu, no bojaro mu vato cōrone mure suyaruaaja yu — Jesúre ĩre yiyuju ĩ.

²⁰ To ĩ yirone, ado bajiro ĩre cadiyuju Jesús:

—Buyairoarema, ĩna gojeri ñacaju. Miniare quēne, ĩna jiburi ñacaju. To ĩna bajiboajaquēne, yu, Dios ĩ cacuma, cānirijaju magāre bajiro bajiaja yu. To bajiri yure mu suyajama, buto mure josaruroja —ĩre yiyuju Jesús, Dios ĩ rotimasire gotimasiorimasare.

²¹ To ĩ yiro bero, gāji Jesús buerimasu ado bajiro ĩre yiyuju:

—Yu ujū, yure yuya mu maji. Yu jacu ĩ bajirocacoajare, ĩre yujeguacu yaja yu. ĩre yujecōari bero, mure suyarucuja yu —Jesúre ĩre yiboayuju.

²² To bajiro ĩre ĩ yiboajaquēne, ado bajiro ĩre cadiyuju Jesús:

—Yucane yure suyaya mu. Yure ajitirūnūmena, rijariarāre bajiro bajirā ñarāma. ĩnaju rijariarāre yujeato ĩna —ĩre yicadiyuju Jesús.

Mino vatone, oco sabesere Jesús ĩ tujore queti

(Mr 4.35-41; Lc 8.22-25)

²³ Jesús ĩ buerā rāca cūmuaju vasājañuju, jēacu. ²⁴ ĩna jēatone, buto mino vasuju. To bajicōari, buto sabeyuju. Ti saberone, cūmua sagueca yiro, rujacoaruyaju. To ti bajiboajaquēne, cānigū yiyuju Jesús. ²⁵ ĩ cānirio ĩacōari, ĩre yujioyujarā ĩna:

—Yu ujū, ¡rujareana yaja mani! To bajiri mani rujaborotire yirētoña mu —ĩre yiyujarā.

²⁶ To bajiro ĩna yirone,

—¿No yirā buto güiati mua? “Rojose mani tāmūboajaquēne, manire yirētobosarucami”, yure yitūōiarā me ñaja mua —ĩnare yiyuju.

To yi, vūmūrūgūcōari,

—¡Mino tujaya! ¡Sabese quēne tujaya mua! —yiyuju Jesús.

To ĩ yirone, tujacoasuju mino. Sabese quēne, sabebesuju yuja. ²⁷ Tire ĩacōari, no yimasibesujarā ĩna.

—¿Ñimū ūgū masū ñati āni? Minore to yicōari, sabesere quēne ĩ tujarotijama, ĩre ajiaja —gāmerā yiyujarā ĩna.

Gadara vāme cuti maca tuanare ĩna usurijū sāñarāre vātiare Jesús ĩ bureare queti

(Mr 5.1-20; Lc 8.26-39)

²⁸ Utabucara gajecatuaaju Gadara vāme cuti maca tujū ejayujarā. To ĩna ejarone, masa rijariarāre ĩna yujereariavijure juarā ūmua budiyujarā. To bajicōari, Jesús ture ejarūgū ejayujarā. Juarājune vātia sāñarā ñari, buto guayujarā. To bajiro ĩna bajijare, rētomasiña mañuju. ²⁹ Jesúre ĩarāne, ado bajiro yivasāñujarā ĩna usurijure sāñarā, vātia:

—¿No yigu yua tu vadiati Dios macu? ¡Yuare gōjanabiobesa! Rojose yua yise vaja, rojose yuare mu yirotirūmu ti ejabetiboajaquēne, ¿rojose yuare yigu vadiati mu? —Jesúre yiyujarā vātia.

³⁰ To ĩna yīñaro sojuā jājarā ecariarā yesea macabañañujarā. ³¹ ĩnare ĩacōari, rucūbuose rāca Jesúre yisēniñujarā vātia:

—Yuare mu bureajama, ōa yeseajuare yuare sājarotiya —yiyujarā vātia.

³² To bajiro ĩre ĩna yijare,

—Mūare varotiaja yu —vātiare ĩnare yiyuju Jesús.

To ī yirone, juarājūrene ĩna usarijūre sãñaboariarã budicoasujarã yuja, yeseajūare sãjaroana. ĩna sãjarone, buro ũmaroja vacōari, utabucuraju ĩna ñaro cōrone rearoderujacōa tujasujarã, vãtia ĩnare ĩna sãjajare.

³³ Yeseare coderimasa, to bajiro ĩna bajisere ĩacōari, ũmacoasujarã, ĩna ya macaju vana. To bajicōari, vãtia sãñaboariarã ĩna yiecose ñaro cōrone ti macanare gotijeocōañujarã ĩna. ³⁴ Tire ajicōari, Jesũre ĩarã vasujarã ĩna, ti macana jediro. ĩ tu ejacōari, ĩre gũirã, rãcubuose rãca ĩre varotiyujarã.

9

Micagũre Jesús ĩ catiore queti

(Mr 2.1-12; Lc 5.17-26)

¹ To bajiro ĩre ĩna yijare, utabucura gajejacatūaju tudijẽa ejacoasuju Jesús, ĩ ya macaju. ² Ti macaju ĩ ñaro, micagũre rijarã ãmivariaju joeju ĩre ãmiejayujarã. “ĩre ĩamaicōari, ĩre catiorucumi” ĩna yitũoĩasere ĩamasicōari, micagũjūare ado bajiro ĩre yiyuju Jesús:

—Yũ maigũ, tũoĩatutuaya. Rojose mũ yirere mũre masiriocōaja yũ —ĩre yiyuju Jesús.

³ To ĩ yisere ajicōari, ti macana sīgũri Dios ĩ rotimasire gotimasiorimasa ado bajiro tũoĩañujarã: “To bajise ĩ ñagōjama, Diore ĩre rãcububecũ yami”, yitũoĩañujarã ĩna. ⁴ To bajiro ĩna yitũoĩasere ĩamasicōari, ado bajiro ĩnare yiyuju Jesús:

—“Diore bajiro masa rojose ĩna yisere masiriomasiaja’ yisocaami”, yũre yitũoĩaboaja mũa. ⁵ “Rojose mũ yisere masiriocōaja” yũ yicōa tujajama, “Socũ yami. Socũ me yami”, yũre yĩamasigũ magũmi. To bajiboarine, micagũre, “Vũmũrũgũcōari, vasa” ĩre yũ yijama, “Socũ me yami. Rojose ĩ yirere masiriocōami”, yũre yĩamasirãja mũa. ⁶ To bajiri, “ ‘Dios ĩ roticōacacũ ñari, Diore bajirone masare rojose ĩna yisere masiriomasigũ ñaami’ yũre yĩamasiato” yigũ, ãni micagũre ado bajiro yaja yũ: Vũmũrũgũña mũ. Mũ jesarijũre ãmiña. To yicōari, mũ ya vijũ tudiasa, ĩre yaja yũ —ĩre yiyuju Jesús.

⁷ To ĩre ĩ yirone, micagũ ñaboar'i, vũmũrũgũcōari, ĩ jesarijũre ãmi, ĩ ya vijũ vacoasuju ĩ yuja. ⁸ To bajiro Jesús ĩ yisere ĩaucacoasujarã masa. “Ti ũnire ĩabetirũgũcaju mani. ãni, Dios ĩ masise rãca yigũ yami” yitũoĩacōari, “Quẽnaro yaja mũ”, Diore ĩre yivariquẽnañujarã ĩna.^b

Mateore Jesús ĩ jire queti

(Mr 2.13-17; Lc 5.27-32)

⁹ Micagũre catiogajano vagũne, Mateo vãme cutigũre yũre ĩabũjacami Jesús. Ũjũre gãjoa sãnibosarimasũ ñacaju yũ. Gãjoa sãnirã ĩna rujirijũre gãjoa sãnirujicaju. To yũ yĩñaro ĩacōari,

—Yũre ajisũyaya —yũre yicami Jesús. To bajiro ĩ yisere ajicōari, ĩre sũyacoasaju yũ yuja.

¹⁰ Yũ ya vijũ ejacaju yũ. To ejacōari, bacaju yũ. Yũ rãca barã ejacana, jãjarã ñacama. Yũ yicatoro bajiro rojose yirã, ũjũre gãjoa sãnibosarimasa, to yicōari, gãjerã, “Rojose yirã ñaama” masare yĩarã quẽne ñacama. Jesús buerimasa quẽne ñacama. ¹¹ To yũ bajirone, ejacama fariseo masa. ĩna ñacama, Moisẽre Dios ĩ roticũmasirere bũto ajirũcubũorã, rojose yirã rãca

b 9:8 Rĩjorojũrema Mateo “Yiyuju Jesús” yiucauyumi, capĩtulo 1, to yicōari, capĩtulo 9 versĩculo 8, ĩ rãca ñabetirĩ ñari. Capĩtulo 9 versĩculo 9, to yicōari, tũsari capĩtulo 28, ĩ rãca ñarĩ ñari, “Yicami”, yiucauyumi yuja.

ñarua mena. Ejaĉōari, yua bañasere ĩacōari, yu rācanare Jesús buerimasare ĩnare sēniācama:

—¿No yigū mūare buegūma, ānoa rojose yirā rāca bati? —yicama ĩna.

¹² To bajiro ĩna yisere ajiĉōari, ado bajiro ĩnare ĉadicami Jesús, fariseo masare:

—Catiquēnarāma, uco yigūre bojamenama. Rijaye ĉatirā rīne ĩre bojarāma ĩna. To bajiro bajiaja yure quēne. “Rojosere yirā me ñaja yua”, yirāma, yure bojamenama. “Rojose yirā ñaja yua” yirā rīne yure bojarāma. ¹³ Dios oca masa ĩna ucamasirere ado bajiro quēnaro tūoĭaña mūa. Ado bajiro gotiaja ti: “Gājerāre mūa ĩmaisere bojaja yu. Gājerāre mūa ĩmaibetijama, vaibūcūrā ecariarāre sīacōari, yure mūa soemūoboajaquēne, ñie vaja manoja ti”, yigotiaja Dios oca, masa ĩna ucamasire. Quēnaro yirāre jigū me, adi macarūcurojure vadicaju yu. Rojose yirāre, “Rojose ĩna yisere yitūjato” yigū, vadicaju yu. To bajiri to bajiro yitūoĭagū ñari, ānoa rāca bagu yaja yu —ĩnare yicami Jesús.

“Mani sūtiritisere ĩacōari, quēnaro manire ejarēmoucūmi Dios” yirā, bare babetire queti

(Mr 2.18-22; Lc 5.33-39)

¹⁴ Juan vāme ĉatigū, masare oco rāca bautizarimasu buerā, Jesús tūju ejaĉama ĩna. To bajicōari, ado bajise ĩre sēniācama:

—Yua quēne, fariseo masa quēne, mani ñicua ĩna yimasiriarore bajiro Diore yua sēnirirūmūrirema bare babetirūgūaja yua. ¿No yirā tire yibeati mū buerāma? —ĩre yicama Juan buerimasa.

¹⁵ To ĩna yisere ajiĉōari, ado bajiro ĩnare gotimasiocami Jesús:

—Sīgū ĩ āmosiarirūmūre ĩre variquēnaejarēmōrā ñarāma. To ĩ ūmato yīñaro cōro ĩre variquēnaejarēmōrāma. ĩnare bajiro bajiaja yu buerā. Yu rāca ñari, variquēnacōa ñaama. “Sūtiritimena ñari, no yirā bare babeticōa yimenama”, yimasire ñaja. To bajiboarine, cojorūmū yure ĩna ñiavato ĩacōari, bare bamenane Diore sēnirūarāma, “Mani sūtiritisere ĩacōari, quēnaro manire ejarēmōato Dios” yirā.

¹⁶ Mame oca yu gotimasiose ricati ti ñajare, yu ye rāca mani ñicua ĩna yimasirere mūa tūoĭavūojama, quēnabeaja. Sudiro būcūase ti vojama, mamagaseo rāca seretumasimenaja mani. Mamagaserone mani sere-tujama, mani coero bero carato tūatutu vatone būcūasejua vocatoja. Būcūase, mamase rāca mani seretumasibetore bajirone, mame oca yu gotimasiosere, mani ñicua oca rāca tūoĭavūobesa mūa.

¹⁷ To bajirone bajiaja ūye oco quēne. Mame ūye ocore, vaibūcūgaserone quēnorijaoa būcūjoajūare jiomenaja mani. Būcūjoajūre mani jiojama, jāmūšnituca yiro, yivocōaroja tijoajūare. To bajiro mani yijama, ūye ocore, vaibūcūgaserone quēnorijaoare quēne, to bajirone yireacōa tūjana yirāja mani. “To bajirobe” yirāma, mame ūye ocore vaibūcūgaserone quēnorijaoa, mamajoajūare jiore ñaroja. To yicōari, ūye oco, vaibūcūgaserone quēnorijaoa quēne, cojoro cōro quēnaro ñarūaroja. To bajiri mame ūye ocore, būcūjoajūre mani jiojetore bajiro mame oca yu gotimasiosere, mani ñicua oca rāca tūoĭavūobesa mūa —ĩnare yicami Jesús.

Jud'io masa ūju macore Jesús ĩ catiore queti
(Mr 5.21-43; Lc 8.40-56)

18 To bajise Jesús ĩ gotiñarone, sĭgũ jud'io masa ʘjũ ejacami. Ejacõari, Jesús rĭjorojũa gũsomuniari tuetucami, ĩre rũcũbũogũ. To yigũne, ado bajiro Jesũre yicami:

—Yũcũacane yũ maco bajirocacoamo. So tũ ejacõari, sore mũ moaĭajama, tudicaticoarũocomo so —Jesũre yicami.

19 To ĩ yisere ajicõari, ĩre sũyacoacami Jesús. To bajiro yũa, ĩ buerimasa quẽne vacaju. 20-21 To yũa vatone, sĭgõ rõmio rijago Jesús sũyarojũa ejarũgũriomo. Gãmorõmi cutigo ñaũumo so. Juaãmo cõro, gũbo jũa jẽnituari cãmari rijañaũuju. “Jesũs sudiro gaja moaĭarũaja yũ. Ti rĩne bojaja yũ. To bajiro yũ yijama, quẽnaejacoarũocoja yũ”, yiriomo so. To bajiro yirio ñari, Jesús sũyarojũa ejarũgũcõari, ĩ sudiro gajare moaĭariomo. 22 So moaĭasere masicõari, jũdarũgũcami Jesús. To yicõari, ado bajiro sore goticami:

—Variquẽnaña yũ maigõ. “Ĭ sudiro gajare yũ moaĭajama, quẽnaejacoarũocoja yũ” yũre mũ yitũoĩase ñajare, “Quẽnaejato” mũre yĩbũ yũ —sore yicami Jesús.

To bajiro ĩ yirirĩmarone, quẽnaejacoacamo so yuja.

23 To yĩ vanane, ʘjũ ya vijũ ejacoacajũ yũa, Jesũrũca. Ĭ macore yũjeroana, tõroari juti, yioti avasãñacama^C 24 To bajiro ĩna yĩñajare, ado bajiro ĩnare yicami:

—Budiasa mũa. “Bajirocacoajamo” mũa yiboago, bajirocabetesumo. Cãnigõ yigomo —ĩnare yicami Jesús. To ĩ yijare, ĩre ajacama ĩna, “Bajirocacoamo” yimasirã ñari.

25 Masa ĩna budiato bero, bajirocario tũjũ jãjacõari, so ãmore ñiacami Jesús. To ĩ yirone, quẽna tudicaticõari, vũmũrũgũcoacamo so. 26 Jesús sore ĩ catiosere ti sitana masa ñaro cõrone gotibatocõaũuma ĩna.

Juarã caje ĩamenare Jesús ĩ ĩarotire queti

27-28 Tojũ ñariarã yũa cãnirivi yũa tudiatone, caje ĩamena juarã Jesũre avasã sũyadicama:

—ʘjũ David ñamasir'i jãnami, “Rotimũorũgõrũcũja mũ” yigũ, Dios ĩ cõar'i ñaja mũ. Yũare ĩamaiña —Jesũre yisũyacama ĩna. Vijũ yũa sãjajearone, ĩna quẽne sũyasãjajacoacama.

To ĩna bajirone, ado bajiro ĩnare sẽnĩacami Jesús:

—“Yũa caje ĩabetire ‘Ĭato’ yigũ, yũare ejarẽmomasigũmi”, ¿yũre yitũoĩati mũa? —ĩnare yicami Jesús.

—Yũa ʘjũ, to bajirone mũre yitũoĩaja yũa —ĩre yicadicama.

29 To ĩna yijare, ĩna cajere moaĭagũne ado bajiro yicami Jesús:

—“Manire catorũcũmi” yũre mũa yitũoĩase sũorine mũare ĩarotiaja yũ —ĩnare yicami.

30 To ĩ yirone, ĩacõacama. To yicõari, ado bajiro ĩnare goticami Jesús:

—Gãjerãre gotĩbetimasucõama mũa —ĩnare yiboacami.

31 To bajiro ĩ yiboajaquẽne, ti sitana jedirore gotibatocõaũujarã ĩna.

Ñagõbecũre Jesús ĩ ñagõrotire queti

32 ĩamena ñaboariarã ĩna budirirĩmarone, ejacama gãjerã, ñagõbecũre ãmiejarã, vãti ĩ ʘsũjũre sãjacõari, ĩre ñagõrotibetir'ire. 33 Jesús, vãtire ĩ burocarone, ñagõbecũ ñaboar'i, ñagõcoacami yuja. Tire ĩacõari, no yimasi-beticama masa:

^C 9:23 To bajiro ĩna yijama, ĩna yirũgũriarore bajiro yirã yiyujarã.

—Adojure, Israel sitajure, ado bajise yigure ñaña manirügũma maji — yicama ña.

³⁴ Fariseo masajuama, ado bajiro yicama:

—Ñani, vātia ujũ ĩ masise rāca vātiare bureaami —yicama ña.

Jesús masare ĩ ñamaire queti

³⁵ Ti sitajũ gotimasiocudijeocami Jesús. Tocārāca maca masa Dios ocare ña buerivirijure sājacōari, oca quēnasere masare ñnare gotimasiocami. “Ujũ Dios yarā quēnaro ĩ yirona mũa ñaruajama, rojose mũa yisere yitũjacōari, yure ajitirũña”, ñnare yigotimasiocami. To yicōari, rijaye cutirāre jediro catiocami. ³⁶ Oveja, ujũ manare bajiro bajirā ñacama ña masa. No yimasibetiboana tũoġoġanabidirā ñacama. To bajiro ña bajisere ĩacōari, ñnare ĩamaicami Jesús. ³⁷ To bajiro ña bajisere ĩagũ ñari, ado bajiro yũare yicami:

—Ote jairo bucuaroja. To bajiboarine, mojoroaca ñarāma tire juarimasa. ³⁸ To bajiro ti bajijare, ote ujure sēniña, ĩre moabosarimasa cōato ĩ yirā —yũare yicami Jesús. d

10

Ĭ ocare goticudisũoronare Jesús ĩ besere queti

(Mr 3.13-19; 6.7-13; Lc 6.12-16; 9.1-6)

¹ Cojorũma ĩ buerimasare yũare juaāmo cōro, gũbo jua jēnituariāca ñarāre jirēocami Jesús. Yũare jirēocōari, ado bajiro yicami:

—Masa usũrijũ sãñarāre vātiare, “Budiya” mũa yijama, budiruarāma. Rijaye cutirāre quēne, “Catiya” mũa yijama, caticoaruarāma —yũare yicami Jesús.

²⁻⁴ Juaāmo cōro, gũbo jua jēnituariāca ñacaju yua, “Yũ ocare gotimasiocudiba” Jesús ĩ yicana. Ado bajiro vāme cutirā ñacaju yua: Simón vāme cutiboacacu, Pedro vāme cutigu, ĩ bedi Andrés ñacama. To yicōari, Zebedeo rĩa ñacama Santiago, ĩ bedi Juan. Gãjerā, Felipe, Bartolomé, Tomás, yu Mateo vāme cutigu, ujure gãjoa sēnibosarimasu ñaboacacu ñacaju. Alfeo macu Santiago, to yicōari, Tadeo vāme cutigu, gãji ñacami Simón vāme cutigu, celote yere tũoġaboar'i. Tusagu Judas Iscariote vāme cuticami. ĩ ñañumi Jesũre ĩsirocarocu.

⁵ To bajiri yua, juaāmo cōro, gũbo jua jēnituariācare ado bajiro yũare gotimasiocudiroticami Jesús:

—Jud'io masa me ña ñarimacari gotimasiocudibeja mũa. Samaria sita ñarimacarire quēne vabeja mũa —yũare yicami. ⁶ —Israel sitana tũjũare vasa. Ña ñarāma Dios yarā ñaboariarā, oveja yayirāre bajiro bajirā — yicami. ⁷ —“Diore rotibosarocu ĩ rotisũoroti mojoroaca ruajaja. Ujũ Dios yarā quēnaro ĩ yirona mũa ñaruajama, rojose mũa yisere yitũjacōari, Jesũre ajitirũña” yigotimasiocudiba mũa. ⁸ Gase boarāre mũa ĩajama, ñnare catioba mũa. Gãjerā no bojase rijaye cutirāre quēne ñnare catioba. Rijariarāre tudicatioba. Masa usũrijũ sãñarāre vātiare quēne ñnare bureaba. Vaja manone to yirotere mũare ujoaja yu. To bajiri, vaja sēnimenane, mũa quēne gotimasiocudi, rijaye cutirāre catio, ña usũrijũ sãñarāre vātiare

d 9:38 “To bajiro ĩ yijama, ado bajiro yigu yiyuju: ‘Jãjarā ñarāma yũ ocare ajicōari, yure ajitirũnũrona. To bajiboarine, mojoroaca ñarāma yũ ocare gotirājũ. To bajiro ti bajijare, Diore sēniña, ‘Jãjarābusa yũ ocare gotirimasare cōato ĩ’ yirā’ yiyuju Jesús”, yiyujarā Dios oca masa ña ucamasire buerimasa.

ĩnare burea, yicudiruarãja mũa —yũare yicami Jesús. ⁹ —Mũa vaja yiroti gãjoa juaábeja. ¹⁰ To yicõari, bare sãriajoari juaábeja mũa. Sudi mũa sãñasene sãñacõari, vaja. Gajeye gũbo sudi mũa vasoaroti juaábeja. Tueriayucũrire quẽne juaábeja. No bojarã gãjerãre moabosarimasa, vaja bujarãma. To bajirone bajirũaroja mũare quẽne. ĩnare mũa gotimasiose vajane ĩsiecoruarãja mũa quẽne —yũare yicami Jesús. ¹¹ —Jairimaca, mojorimacare ejarã, quẽnaro yigũre macama mũa. ĩre bujacõari, ĩ tu cãnima. Ti macanare mũa gotimasiojama, ĩ tu rĩne ñama maji, gajeroju mũa varoto rĩjoro. ¹² Vijũ ejarã, “¿Ñati mũa?” yisẽniãcõari, “Quẽnaro ñaña mũa”, yiba. ¹³ To mũa yirone, ti viana quẽnaro mũare ĩna bocaãmijama, mũa yirore bajiro quẽnaro ñaruarãma. Quẽnaro mũare ĩna bocaãmibetijama, “ ‘Quẽnaro ñaña’ yũa yibetiriãre bajirone ñacõaña mũa” ĩnare yi, vacoaja mũa. ¹⁴ Mũare quẽnaro ĩna bocaãmibetijama, to yicõari mũa gotisere ĩna ajirũabetijaquẽne, ti vire ñabeja. Ti vire budicõari, sitare gũbo sudi tuyasere varereaba. “Quẽnaro yũare bocaãmibeticõari, yũare mũa ajirũabetijare, rojose mũare yirũcũmi Dios” yirã, to bajiro yiruarãja mũa. ¹⁵ Riojo mũare gotiaja yũ. Ti macana mũare ĩna ajirũabeti vaja Diojũama, rojose ĩnare yirũcũmi masare ĩ beserirãmu ti ejarõ. Sodoma macana ñamasiriarã rẽtobusaro rojose tãmuoruarãma ĩna, mũare quẽnaro bocaãmimenama —yũare yicami Jesús.

“Dios oca mũa gotise sũori, ajijũnisinicõari, rojose mũare yiruarãma”, Jesús ĩyire queti

¹⁶ Quẽna ado bajiro ĩ buerãre yũare yicami Jesús:

—Ovejare, buyairoa vatoaju gũioroju ĩnare cõagũre bajiro mũare gotimasiodirotiaja yũ. To bajiri mũa ñagõroto rĩjoro, quẽnaro tuoĩama. To yicõari, mũare rojose ĩna yiboajaquẽne, muajuama quẽnasejuare yirã rĩne ñacõama. ¹⁷ Ado bajiro bajiroti ñajare, quẽnaro tuoĩama mũa: Mũare ñejecõari, Dios ocare ĩna buerivirijũ ujarã rĩjorojua mũare juaãruarãma ĩna. Toju mũare bajeruarãma. ¹⁸ To yicõari, yũ ocare mũa gotimasiojare, macari ujarã rĩjorojua mũare juaãruarãma ĩna. To yi vanane, ujarã ñamasurã rĩjorojua mũare juaãruarãma. To bajiro mũare ĩna yijare, ujarãre, to yicõari, jud'io masa mere yũ ocare gotiruarãja mũa. ¹⁹⁻²⁰ Ujarã rĩjorojua mũare ĩna juaejaro, “¿No bajiro ñagõrãti yũ?”, yituoĩarejaibeja mũa. “Ñagõña” mũare ĩna yirirĩmarone, mani jacũ Dios ĩ cõagũ, Esp'iritu Santo ĩ ejarẽmose rãca “Ado bajiro gotiruarãja yũ” yimasiruarãja mũa —yũare yicami Jesús.

²¹ Quẽna ado bajiro yũare yicami Jesús:

—Yũ yere ajiterãre gũiose ĩna yisere ĩaruarãja mũa. Sĩgũ rĩa ñaboarine, “Ĩnare sĩato” yirã, ñejerotiruarãma ĩna. To yicõari, jacũa quẽne, “Yũa rĩare sĩato” yirã, ĩna rĩare ñejerotiruarãma. ĩna rĩajua quẽne, ĩna jacũare ajijũnisinicõari, gãjerãre sĩarotiruarãma ĩna. ²² Yũ ocare mũa goticudijare, jediro masa mũare ĩateruarãma. To bajiro ĩna yiboajaquẽne, no bojarã yũre ajitirũnũ tujamenarema, rojose tãmuotujabetiriaroju ĩna varoti ñaboarere ĩnare yirẽtobosarũcũmi Dios. ²³ Cojo maca mũare rojose ĩna yijama, gaje macaju rudiaja mũa. Riojo mũare gotiaja yũ. Jediro Israel sitajare ñarimacarine mũa goticudijeoroto rĩjoro, yũ, Dios ĩ roticõacacũ, adi macarũcũrojure tudiejarũcũja yũ.

²⁴ ĩnare buegũ rẽtobusaro masirã me ñaama ĩ buerã. To bajiboarine, quẽnaro ĩna buejeocõajama, ĩnare buerimasũre bajirone masirãma ĩna

quēne. ²⁵ “Yñare buegure bajiro yña bajijama, quēnaja”, yitñoīaroti ñaja. To bajicōari, ĩre moabosarimasare quēne, “Yña uñare bajiro yña bajijama, quēnaja”, yitñoīaroti ñaja. To bajiro ti bajijare, yñare mña uñare Beelzebú yñare ĩna vāme yitud'ijama, yñ yarā mña ñajare, rētoro rojose mñare yitud'iruarāma ĩna —yñare yicami Jesús.

“Masa rojose yirāre güimenane, Diojñare güiroti ñaja mñare”, Jesús ĩ yire queti

(Lc 12.2-7)

²⁶ Quēna ado bajiro ĩ buerāre yñare yicami Jesús:

—Rojose mñare ĩna yitud'iboajaquēne, ĩnare güibeja mña. “Masa ĩna ĩabeto yitud'irā yaja” mñare ĩna yiboajaquēne, Diojñama, ĩacōarucami. Ñiejña masa ĩna yirudise maja, Diorema. Adirēmari masa ĩna masibeti jediro, Dios ĩ beserirāmü ti ejaro, “Quēnaro tire masiato” yigü, gotirucami.

²⁷ Masa ĩna ajibeto yayioroaca mñare yñ gotisere “Jediro ajiato” yirā, gotibatoruarāja mña. ²⁸ Mñare sīaruarāre güibeja mña. Mña usurijurema sīamasimenama ĩna. Diojñare mña güijama, quēnaja. ĩ ñaami mani catisere rotigü. ĩ masu masiami. To bajiri rojose tāmüotujabetiriaroju mñare reamasicōami.

²⁹ Juarā miniare mani vaja yijama, cojotii gājoatii rāca vaja yire ñaroja ti, mojoroaca vaja cutirā ĩna ñajare. To cōroaca vaja cutiboarine, Dios ĩ rotibetone rijagü magümi. ³⁰⁻³¹ Masajñare, Dios ĩ ĩajama, jairo vaja cutirāre bajiro manire ĩaami. Manire buto maiami ĩ. To bajiro bajigu ñari, mani rñajoare, cojojoara rñyabeto cōīajeogü ñaami. To bajiri rojose mñare yirāre güibeja —ĩ buerāre yñare yicami Jesús.

“Masa ĩna ĩaro rñjorojña, Jesúsre ajitirñnugü ñaja yñ mña yijama, quēnaja”, Jesús ĩ yire queti

(Lc 12.8-9)

³² Quēna ado bajiro yñare yicami Jesús:

—Masa ĩna ĩaro rñjorojña, “Jesúsre ajitirñnugü ñaja yña” yirārema, yñ quēne ò vesañ yñ jacü ĩ ĩaro rñjorojña, “Ānoa ñaama yñ yarā”, yñogücsija yñ.

³³ To bajiboarine masa ĩaro rñjorojña, “Jesúsre ajitirñnugü me ñaja yña” ĩna yijama, yñ quēne, ò vesañ yñ jacü ĩ ĩaro rñjorojña, “Yñ yarā me ñaama ĩna”, yñogücsija yñ —yñare yicami Jesús.

“Yñare mña ajitirñnüsere ĩacōari, mñare ĩajñisiniruarāma”, Jesús ĩ yire queti
(Lc 12.51-53; 14.26-27)

³⁴ Quēna ado bajiro yñare yicami Jesús:

—“‘Quēnaro ñato masa’ yigü, vayumi Jesús”, yñare yitñoīabesa mña. Dios ĩ bojabeti yirā, yñ ocare ajitñisnicōari, yñare ajitirñnugüre ĩateruarāma ĩna. To bajiri ado bajirojña yñare yitñoīaña: “‘ĩ suorine ricatiri tñoīaruarāma’ yigü, vayumi Jesús”, yñare yitñoīaña. ³⁵ ĩ macü, yñare ĩ ajitirññajama, ĩ jacüña ĩre ĩaterucami. Jacüña, yñare ĩ ajitirññajama, ĩ macüña, ĩre ĩaterucami. So macojña, yñare so ajitirññajama, so jacojña, sore ĩaterucocomo. Jacojña, yñare so ajitirññajama, so macojña, sore ĩaterucocomo. So ũmañicojña yñare so ajitirññajama, so jējojña, sore ĩaterucocomo. ³⁶ To bajiri sīgü yñare ajitirñnugü ĩ ñajare, ĩ yarā ñaboarine, ĩre ĩateruarāma.

³⁷ No bojagü ĩ jacore, ĩ jacure yñare ĩ mairo rētoabusaro maigüma, yñ yñ ñamasibecami ĩ ügüma. No bojagü ĩ macore, ĩ macure yñare ĩ mairo rētoabusaro maigüma, yñ yñ ñamasibecami ĩ ügüma. ³⁸ No bojagü, “Jesúsre

bajiro rojose tãmuosuyarũcũja yũ” yitũoĩabecũma, yũ yũ ñamasibecũmi ĩ ũgũma. ³⁹ No bojarã, no ĩna bojarone ñare cutirãma adi macarũcũro ñasere ĩvariquẽnacõari, Diore tũoĩamenama, Dios ĩ catisere yayibetire cũomena ñarũarãma ĩna. To bajiboarine, yũre ajitirũnrã, yũ oca ĩna gotisere ajijũnisinicõari, ĩna sãrãma, Dios tũ quẽnaro ñarona ñarãma —yũare yicami Jesũs.

*“Ado bajiro yirã ñarãma Dios tũju quẽnase bũjarona”, yire queti
(Mr 9.41)*

⁴⁰ Quẽna ado bajiro yũare yicami Jesũs:

—Mũare cõagũ yũ ñajare, gãjerã tũ mũa ejaro, quẽnaro mũare ĩna yijama, yũrene quẽnaro yirã yirãma. Yũre quẽnaro yirãma, yũre cõacacũre quẽnaro yirã yirãma. ⁴¹ “Diore gotirẽtobosarimasũ ñagũmi” yimasicõari, quẽnaro ĩre yirã, ĩre gotirẽtobosarimasũ Dios tũ quẽnase ĩ bũjaroto cõrone bũjarũarãma ĩna quẽne. “Quẽnaro yigũ ñaami” yimasicõari, quẽnaro ĩre yirã, quẽnaro yigũ Dios tũ quẽnase ĩ bũjaroto cõrone bũjarũarãma ĩna quẽne. ⁴² Riojo mũare gotiaja yũ. Yũre ajisũyarã ñamasurã me ĩna ñaboajaquẽne, yũre ajitirũnrã ĩna ñajare, quẽnaro ĩnare yirã, to bajiro ĩna yise vaja, vaja bũjarũarãma ĩna. Ocõne ĩnare ĩna ioboaquẽne, vaja bũjarũarãma —yũare yicami Jesũs.

11

Juan vãme cutigũ, masare oco rãca bautizarimasũ ĩ cõariarã, Jesũre ĩna sẽnĩare queti

(Lc 7.18-35)

¹ Yũare, ĩ buerãre juaãmo cõro, gũbo jua jẽnĩtuarirãcũ ñarãre yũare ĩ gotimasioro bero, ti sita ñarimacarianare ĩnare gotimasioducirã vacaju yũ, Jesũrãca.

² Tirodo Juan vãme cutigũ, masare oco rãca bautizarimasũ, tubiberi-avijũ ñaũju ĩ. Tojũ ĩ ñarone, Jesũs masare ĩ gotimasiocudicati, to yicõari, ĩãããamani ĩ yĩlocati queti ĩre ejayuju. Tire ajicõari, jũarã ĩ buerimasare cõãũumi, “Jesũre sẽnĩaaya” yigũ. ³ Yũa tũ ejacõari, ado bajiro Jesũre sẽnĩlacama ĩna:

—¿Mũne ñati “Rotimũorãgõrũcũmi” yigũ, Dios ĩ cõar'i, “Yũ bero ejarũcũmi” Juan ĩ yigotimasiodacũ? ¿Gãjire yuroti ñatique maji? —ĩre yisẽnĩlacama ĩna.

⁴ To ĩna yisẽnĩarone, ado bajiro ĩnare yicũdicami Jesũs:

—Vasa mũa. Juan tũju tudiasa. ĩ tũ ejacõari, mũa ĩasere, mũa ajisere quẽne ĩre gotiba. ⁵ Ado bajiro ĩre gotiba mũa: “Jesũs ĩ masise rãca ĩ yijare, ĩabetiboariarã quẽne ĩama. Rujasaguere vaboariarã quẽne, quẽnaro vama. Gase boariarãre quẽne, ĩna cãmi yatibũ. Ajimena ñaboariarã quẽne, ajima. Bajireariarã quẽne, tudicati. To yicõari, maioro bajirã quẽne, Dios oca quẽnasere gotimasio ecoama ĩna”, yigotiba, Juan tũju ejacõari. ⁶ To bajiri, “ ‘Quẽnase bũjarũarãma yũre ajitirũnrã, “Socũ me yami” yũre yitũoĩarãma’ yimi”, ĩre yigotiba —ĩnare yicami Jesũs, Juan buerimasare.

⁷ To bajiro ĩ yisere ajicõari, ĩna vase rãcane, Juan vãme cutigũ, masare oco rãca bautizarimasũ ĩ ñare quetire goticami Jesũs, jãjarã ĩre ajisũyarãre:

—Yucũ manojũ vana, ¿ñimũ ũgũre tũoĩa vacati mũa? ¿Masa ĩna bojasere bajiro yirũa tũoĩagũre ĩarã vacati mũa? “To bajiro tũoĩagũ me ñacami”, yimasiaja mũa. ⁸ ¿Ñimũ ũgũre tũoĩarã vacati mũa? ¿Quẽnase sudi sããagũre tũoĩa vacati? To bajiro me tũoĩariarãja mũa. “Quẽnase sudi sããarãma, quẽnarivirijũ, ũjarã ya virijũ ñarãma”, yimasiaja mani. ⁹ ¿Ñimũ ũgũre

tuoŋa vacati maa? ¿Diore gotirētosarimasare tuoŋa vacati que maa? Riojo maaare gotiaja yu. Gājerā Diore gotirētosarimasa rētoro ŋagūre ŋariarāja maa. ¹⁰ Juan ī bajiro tire gotiro, ado bajise gotiaja Dios oca masa ŋa ucamasire:

“ “Rotimuoŋgōŋucami” yigu, maa yu cōaroto rījoro, maa gotiyurocure cōasuoŋucuja yu maji’ yami Dios. ‘Ī ŋarucami ado bajise gotirocu: “Yoaro mene ejarucami ‘Rotimuoŋgōŋucami’ yigu, Dios ī cōarocu. To bajiri rojose Dios ī bojabetire yitajacōari, ī bojasejuaare yi yuya maa” yigotirocu ŋarucami’, yami Dios”, yigotiaja Dios oca masa ŋa ucamasire.

¹¹ Diore gotirētosarimasa ŋa gotimasire rētoro ŋamasuse ŋaja, Juan, Diore ī gotirētosasejua. To bajiro ti bajiboajaquēne, Juan ī gotise rētoro ŋamasuse ŋaja yu gotiroticōarā ŋa gotise. “Ūju Dios yarā quēnaro ī yirona maa ŋaruaajama, Jesure ajitirūnūña” ŋa yigotisere yaja yu. Ŋamasurā ŋaama, “Ŋamasurā me ŋaama Jesús ī gotiroticōarā” maa yīaboajaquēne — yicami Jesús, ĩre ajisayarāre.

¹² Quēna ado bajiro yicami Jesús:

—Juan ī gotimasiosuoŋijune, “Ūju Dios yarā quēnaro ī yirā maa ŋaruaajama, rojose maa yisere yitajacōari, Jesure ajitirūnūña” yirere ajicōari, ti josaboajaquēne, yure ajisuya variquēnasuoadicama masa.

¹³ Juan ī gotimasiosuoroto rījorojune, “Rotimuoŋgōŋucami” yigu Dios ī cōarocure goticoayuma ŋa, Diore gotirētosarimasa. Moisére Dios ī roticūmasire quēne, tire gotiaja ti. ¹⁴ “Diore gotirētosarimasu El’ias vāme cutimasir’ire bajiro bajigu ejarucami”, yigotiyujarā ŋa, Diore gotirētosarimasa. To bajiro ŋa yimasirere, “Riojo ucamasifūma ŋa” maa yituoŋajama, “Juan ī ejarotire gotirā yimasifūma”, yimasiaja maa. ¹⁵ Maa ajimasiruaajama, quēnaro yure ajitirūnūña maa — ĩre ajisayarāre yicami Jesús.

¹⁶⁻¹⁷ Quēna ado bajiro ĩre ajisayarāre goticami Jesús:

—Ado bajiro yirāre bajiro yirā ŋarāja maa, adirodoriana: Daquerā, gājerā rāca ajeruamenare bajiro yirā ŋarāja. ŋa ajeritūcuroju rujicōari, gājerājuaare, ado bajiro ĩnare gotirujirāma: “ ‘Basavariquēnato mani’ yirā, maaare jutibosaboabu yu. To bajiro yu yiboajaquēne, basabeju maa. To bajiri, ‘Rijariarāre bucūrā ŋa oticatore bajiro sutiriose boca otiruarāja maa, yu basaŋarone’ yiboabu yu. To yu yiboajaquēne, otibeju maa”, ĩnare yigotirāma, ŋa rāca ajeruamenare. ¹⁸ ŋa rāca ajeruamenare bajiro yirā ŋarāja maa, adirodoriana. Juan, quēnase bare babeti, quēnase idire idibeti bajiŋaŋuju ī. To bajiro bajigu ī ŋajare, “Vāti sāŋagū ŋagūmi”, ĩre yituoŋacaju maa, ĩre ajiterā ŋari. ¹⁹ Ī bero gotimasiosuocaju yu, Dios ī roticōacacu. Yujama, quēnase bare ba, quēnase idire idi bajiŋaja yu. To bajiro yigu yu ŋajare, “Jairo bagu ŋaami. Idimecugū ŋaami. Ūjure gājoa sēnibosarimasa, gājerā rojose yirāre quēne ĩnare baba cutiami”, yure yīajūnisiniaja maa, yure quēne ajiterā ŋari. To bajiro Juanre quēne, yure quēne maa yise ti ŋaboajaquēne, Dios ī masise rāca yu yise ti ŋajare, beruju, “Quēnaro yirā yiboayuma” yuaare yimasiruarāja maa — yicami Jesús, ĩre ajisayarāre.

*Īre ajitirūnūbeti macariana ŋa bajisere to yicōari, ŋa bajiro tire tuoŋacōari, Jesús ī gotire quieti
(Lc 10.13-15)*

²⁰ Tiju bero, ãaãañamani ï yïboacana ya macarire tũoãcõari, Dios ï bojabetire ãna yisere tũoãsatiriticõari, ãna yitujabetijare, rojose ãna tãũuorotire yigu, ado bajiro goticami Jesús:

²¹ —Coraz'in macana, to bajicõari, Betsaida macana quẽne, buto rojose tãũuoruarãma. Ti macarianare ãaãañamani yu yïlocatore bajiro, Tiro vãme cuti macanare, Sidón vãme cuti macanare quẽne ãaãañamani yu ïojama, tirãmaju rojose ãna yisere tũoãsatiriticõari, yitujacoaboriarãma ãnama. “Rojose yua yisere yiruabeaja” yisutiritirã ñari, sutiritirã ãna sãñasejua sudi vasoacõari, to yicõari, ãna rujoariju õja majeoboriarãma. ²² Riojo mũare gotiaja yu. Sidón macana, to bajicõari, Tiro macana ñamasiriarã rõtobusaro rojose tãũuoruarãma ãna, Dios, masare ï beserirãmũ ti ejaro. ²³ Capernaum macanajua, “Quẽnarã ñari, õ vecaju Dios ï ñarõju ñarona ñaja mani”, yitũoãboarãma ãna. To bajiro ãna yitũoãboajaquẽne, Dios taju ñabetiruãrãma. Rojose tãũuotujabetitiraroju ñaja ãna cõaecorotoma. Toanare ãaãañamani yu yïlocatore bajiro, Sodoma macanare quẽne yu yïojama, rojose ãna yisere yitujaboriarãma ãnama. To bajiri adirãmurire quẽne ñacõaboriarõja ti maca maji. ²⁴ Riojo mũare gotiaja yu. Ti macana yũre ãna ajirũabeti vaja, Diojuma, rojose ãnare yirũcũmi masare ï beserirãmũ ti ejaro. Sodoma macana ñamasiriarã rõtobusaro rojose tãũuoruarãma ãna —yitũoã goticami Jesús.

“Quẽnaja” Diore Jesús ï yivariquẽnare queti
(Lc 10.21-22)

²⁵⁻²⁶ Ìre ajitirũnarãre, “Mũ suorine ajitirũnũama” yigu, “Quẽnaja” Diore yivariquẽnagũ, ado bajiro yicami Jesús:

—Cacu, õ vecaju mũ ñaja mũ. Adi macarũcũrore quẽne, ñajediro mũ ñaja mũ. “Jẽre masiaja yua” yitũoãboarãre, “Yu ocare ajimasibeticõato ãna” yigu, ãnare masirioaja mũ. To yicõari, “Masimena ñaja yua” yirãjuare, “Ajimasiato” yigu, ãna ajimasiro tire yirẽmorũgũaja mũ. To bajiro mũ yijama, mũ bojarore bajiro yigu yaja mũ —Diore yicami Jesús.

²⁷ To yicõari, ìre ajisũyarãjuare ado bajiro goticami Jesús:

—Yu jacu ï ejarẽmose suorine jediro yimasijeogu ñaja yu. “Tire yimasiato” yigu, adi macarũcũrojare yũre cõacami yu jacu. To bajiro yicacu ñari, yu yisere masijeocõami yu jacu. Yu quẽne, ï yisere masijeocõaja. “Ìre masiato” yigu, yu beserã rĩne yu jacure masiama —ãnare yicami Jesús.

²⁸⁻²⁹ Quẽna ado bajiro yicami Jesús:

—Cojo vãme me ãna rotise ti ñajare, jairo gajacõari, ñarãre bajiro bajiaja mũa. “Tire cudijeomasimenaja mani” yisutiritirã ñari, yũjuare ajirã vayá mũa. Yũre ajitirũnũcõari, rũcuse gajacõari, ñamenare bajiro variquẽnarã ñaruarãja mũa. Masare maitũoãgũ ñaja yu. “Ñamasugũ ñari, ãnare ajirũcũbũobeaja yu” yigu me ñaja yu. No bojarãre yũre ajitirũnarãre ejarẽmogũ ñaja. ³⁰ Mũare yu rotise josari me ñaja. To bajiri yu rotisere mũa cudijama, variquẽnaruarãja mũa —yicami Jesús.

12

Ûsusãjariarãmũ ñaboajaquẽne, Jesús buerimasa trigo ajere tũnejuacõari ãna bare queti

(Mr 2.23-28; Lc 6.1-5)

¹ Ûsusãjariarãmũ ti ejaro, trigo ãna oterivese cutore vacaju, Jesũrãca. To bajivanane ñiorijacaju yua. To bajirã ñari, trigo ricare tũnejuacõari,

yua ãmorine ti gasere sġguĕreacċari, bacaju yua. ² Tire yua basere ĩacċari, fariseo masa ado bajiro Jesúre ĩre yicama ĩna:

—Ķĳaĳna mu! Mu buerimasa, ususãjariarũmu yire mere yama ĩna —Jesúre ĩre yicama.

³ To bajiro ĩna yisere ajicċari, ado bajiro ĩnare cudicami Jesús:

—ĶDavid ñamasir'i ĩ babarã rãca ñiorijacċari, ĩnare ĩ ũmato bamasirere masibeati mua? ⁴ Ñiorijarã ñari, “Mani rãca ñagũmi Dios” masa ĩna yirivijure sãjacċari, Diore ĩre rŭcubuoarã gãjerã pan ĩna cŭboarerene juacċari, ĩ babarã rãca bamasĩnju ĩ. To bajiro Moisés ñamasir'i ĩ gotimasirema, “Paia rĳne baruarãma” ĩ yimasiboarerene bamasĩnjuarã ĩna. To bajiro ĩna yiboajaquĕne, ti vaja rojose ĩnare yibetimasĩnũmi Dios. ⁵ Ķ“Ususãjariarũmu ti ñaboajaquĕne, Diore yirŭcubuoariaviju paia ĩna moatujabetiboajaquĕne, rojose yirã me yirãma ĩna”, Moisés ñamasir'i ĩ yucamasirere masiriti-atique mua? ⁶ Riojo muare gotiaja yu. Moisére ĩ roticũmasire, Diore yirŭcubuoariaviaye ñase rĕtobusaro ñamasuse ñaja mame yu rotise. ⁷ Dios oca masa ĩna ucamasire ajimasibetibũsaja mua. Ado bajiro gotiaja ti: “Vaibucurã ecariarãre sãcċari, yure ĩna soemũosere bojabetibũsaja yu. Masa gãjerãre quĕnaro ĩna ĩamaisejuare bojamasucċaja yu”. To bajiro yigotiaja Dios oca masa ĩna ucamasire. Tire, “Ado bajiro yiruarõ yaja” yiajimasirã masu mua ñajama, Dios ĩ bojabeti rojose ĩna yibetiboajaquĕne, “Rojose yama” yu buerimasare ĩnare yĩĳabetiboriarãja mua. ⁸ Yu, Dios ĩ roticũcacu, “Ususãjariarũmure ado bajiro mua yijama, quĕnaja. To bajirojuã mua yijama, quĕnabeaja”, yirotigũ ñaja yu —ĩnare yicudicami Jesús, fariseo masare.

Ãmo ñujobecure Jesús ĩ ñujorotire queti

(Mr 3.1-6; Lc 6.6-11)

⁹ To yi vacune, Dios ocare ĩna bueriviju yuare ũmato sãjacami Jesús. ¹⁰ Ti viju ñacami sġgũ, cojojacatua ãmo ñujobecu. Fariseo masa quĕne ñacama. “Jesús, rojose yimi” ujarãre yi ocasãruarã, ado bajiro Jesúre sĕniĩatocama ĩna:

—Dios, Moisére ĩ roticũmasirere mu tuoĩajama, “Adirũmu ususãjariarũmure rijaye cutirãre mani catiojama, quĕnacċaroja”, Ķyituoĩati mu? —Jesúre ĩre yisĕniĩatocama ĩna.

¹¹ To ĩna yisere ajicċari, ado bajiro yicami:

—Oveja mua ecar'i, gojeju ĩ quediocasãjama, “Ususãjariarũmu ñaja” yirã, Ķãmirã vamenada mua? ¹² ĶMasu rĕtobusaro maiĩogũ ñatique, ovejajua? To bajiri, Ķususãjariarũmu quĕne, no bojagu masure quĕnaro mani yijama, quĕnabetojarique? —ĩnare yicudicami Jesús.

¹³ To yicċari, ãmo ñujobecujuare:

—Mu ãmore ñujoya —ĩre yicami.

To ĩ yirone, ĩ ãmore ĩ ñujorone, quĕnaejacoacaju yuja, gaje ãmore bajirone. ¹⁴ To ĩ yisere ĩacċari, budicoacama fariseo masa. Budiacċari, “ĶNo bajiro yicċari, Jesúre sĳarotirãti mani?” gãmerã yĩĩagõñujarã ĩna.

Diore gotirĕtobosarimasa Jesús ĩ bajirotire yirã, ĩna ucamasire queti

¹⁵ To bajiro ĩre ĩna tuoĩa ñagõjaisere masicċari, gajeroju vacami Jesús quĕna. Jesús ĩ vato ĩacċari, ĩre suyacaju yua, jãjarã masa. Toju ñajediro masa rijaye cutirãre catiocami. ¹⁶ To yicċari, ĩnare ĩ catiosere gotirotibeticami ĩ. ¹⁷ To bajiro ĩ yijama, “Isa'ias ñamasir'i Diore gotirĕtobosarimasa, “To bajiro

bajiruaroja' ĩ yuicamasiriarore bajiro bajiato" yigu, yicami, ado bajiro yise ti ñajare:

18 "Āni ñaami, yure moabosarimasu yu besecacu, yu ĩavariquēnagū. Esp'iritu Santore ĩre cōarucuja yu, ĩ ejarēmose rāca yu bojasere yimasiato ĩ' yigu. To bajiri, 'Ado bajiro riojo yiroti ñaja' yigotibatorucumi, masa ñajedirore.

19 Masa rāca oca josabecu ñarucumi ĩ. To yicōari, masa ĩna ĩaro rĭjorojua rūgōcōari, 'Yure ajiya mua. Masigū ñaja yu' yivasā gotibecu ñarucumi.

20 Yure quēnaro ajitirūnūmenare, yu bojarore bajiro yimasibeticōari, tūoĭasutiritirāre quēne mairucumi. ĩnare ĩamaicōari, 'Quēnaro yure ajitirūnūato ĩna' yigu, ĩnare ejarēmorucumi.

21 Jud'io masa me ñarā rojose ĩna yise vaja rojose ĩna tāmūoborotire, 'Manire yirētobosarucumi. To bajiri rojose tāmūobetiruarāja' yivariquēna yuñaruarāma", yuicamasiñumi Isa'ias, Diore gotirētobosarimasu.

*"Vātia ũju ĩ masise rāca yigu yami Jesús" ĩna yire queti
(Mr 3.20-30; Lc 11.14-23; 12.10)*

22 Sīgū ñacami vāti sāñagū. "ĩabeticōato; ñagōbeticōato" yigu, ĩ ũsujure sājacōari, ñañumi. To bajiri Jesús taju ĩre āmiejacama masa. To ĩna yirone, ĩ ũsujure sāñagūre vātire burocacami Jesús. To bajiri vātire ĩ burocajare, ĩamasi, ñagōmasi, bajicoacami yuja. 23 Tire ĩacōari, no yimasibeticama masa jediro:

—¿Ūju David ñamasir'i jānami "Rotimūorūgōrucumi" yigu, Dios ĩ cōar'i manī tūoĭa yuñarūgūgū ñatique ĩ? —yicama.

24 To bajiro ĩna yisere ajicōari, ado bajiro ĩnare yicama fariseo masajua:

—Vātiare ĩ bureajama, vātia ũju Beelzebú vāme cūtigu ĩ masise rāca vātiare bureagu yami —yicama ĩna.

25 To bajiro ĩna tūoĭasere ĩamasicōari, ado bajiro ĩnare gotimasīocami Jesús:

—Cojo sitana rotirimasa ĩna gāmerā quēajama, ĩna masune gāmerā sĭayayirā yirāma. To bajirone bajiroja cojo macanare quēne, cojo vi ñarāre quēne. 26 To bajirone bajiroja vātiare quēne. Vātia ĩna gāmerā bureajama, "Masare rojose yitajato manī" yirā yiborāma. To bajiro ti bajijare, "Beelzebú vāme cūtigu ĩ masise rāca masa ũsuriju sāñarāre vātiare bureaami" yure mua yiboase, riojo yirā me yaja mua. 27 To bajiro yure mua yitūoĭaboajama, mua buerā quēne masa ũsuriju sāñarāre vātiare ĩna bureasere, "Vāti ĩ masise rāca burearāma ĩna quēne" yirāre bajiro yaja mua. To bajiro mua yijama, "Tūoĭamavisiaja mua", muare yiruarāma ĩna, mua buerā. 28 Ado bajirojua tūoĭarona ñaboaja mua: "Vātia ũju ĩ masise rāca me yami. Esp'iritu Santo ĩ masise rācajua vātiare bureaami", yure yitūoĭarona ñaja mua. To yicōari, " 'Rotimūorūgōrucumi' yigu, Dios ĩ cōar'i ñaami", yure yitūoĭamasiroti ñaja muare.

29 "To bajiro yimasiroti ñaboaja" yigu ñari, "Quēnabūsarō yimasiato" yigu, quēna gajeye gotimasīore queti muare gotiaja yu: Sīgū, gāji guamu ya vi sājacōari, ĩre ĩ siabetijama, gajeyeūni ēmamasibecumi. ĩre siacōari, ĩ gajeyeūnire ēmamasigūmi yuja. To bajirone bajiaja yure quēne. Vātia ũju ĩ rotibosere ĩre yirotibeticōari, masa ũsuriju sāñarāre vātiare yu burease suorine, vāti ĩ rotiajeboariarāre ĩre ēmagū yaja, "Yū yarā ñato" yigu.

³⁰ No bojarā yu gotiboasere ajitirūnumenama, yare ajitirūnaboronare matarā yirāma. No bojarā, “Jesúre ajitirūnuña” yare yigoticudibosame-nama, “Íre ajibesa” yirāre bajiro bajirā ñarāma.

³¹ To bajiri, riojo mware gotiaja yu. Masa jediro rojose ña yijama, jediro rojose ña ñagōjaquēne, sutiriticōari, Diore ña sēnijama, rojose ña yisere masiriorucami. To bajiboarine, Esp'iritu Santojare rucubomena rojose ñe ña yitud'ijama, tirema masirioberucami. ³² No bojarā, Dios ī roticōacacure rojose yare ña ñagōro bero, sutiriticōari, Diore ña sēnijama, rojose ña yisere masiriorucami. To bajiboarine, Esp'iritu Santo ī masise rāca moagūre, “Satanás ye rāca moami” ña yitud'ijama, Esp'iritu Santojare rojose yirā yirāma. Tirema gajerodo ti ñacoaboajaquēne, masirioberucami Dios — ñare yicami Jesús.

“Tirica cutise suorine yucare ñamasaja mani”, Jesús ī yigotimasiore queti (Lc 6.43-45)

³³ Quēna ado bajiro goticami Jesús:

—Yucú quēnase ti rica cutijama, “Quēnaricu ñaja”, yaja mani. Yucú rojose ti rica cutijama, “Rojoricu ñaja”, yaja mani. Ricare ñacōari, “Quēnaricuaye, rojoricuaye ñaja”, yñamasaja mani. To bajirone bajiaja mani yise quēne. “Quēnagū ñaami. Rojogu ñaami” yimasiruarā, ī yisere ña ñarāja mani. ³⁴ Vātia uju rojose ī yirore bajirone rojose yijairā ñaja mwa. Rojorā ñari, no yirā quēnasere ñagōmenaja mwa. Mwa usariju rojose mwa tuoñasāñasere ñagōburūgūñaja mwa. ³⁵ Quēnagūma, quēnaro tuoñagū ñagūmi. To bajiri quēnase ñagōgūmi. Rojogujama, rojose tuoñagū ñagūmi. To bajiri rojose ñagōgūmi. ³⁶ Riojo mware gotiaja yu. Ejaruaroja masa jedirore Dios ī beserirūmwa. Tirūmure tocārāca vāme, mwa ñagōria vāmere, “Ado bajiro ti bajijare, to bajise ñagōcaju yu”, Diore yigotiruarāja mwa. ³⁷ To bajirone bajiruaroja. Mwa ñagōrere ñacōari, “Quēnase bujarā, rojose tāmōrā, bajiruarāja”, yirotirucami Dios — ñare yicami Jesús.

“Ñañamani mwa yñosere bojaja yu”, ña yire queti (Mr 8.12; Lc 11.29-32)

³⁸ To ī yiro bero, ado bajiro ñe yicama fariseo masa, Dios ī rotimasire gotimasioremasa quēne:

—Gotimasioremasu, ñañamani mwa yñosere bojaja yu —Jesúre ñe yicama ña.

³⁹ To ña yirone, ado bajiro ñare cudicami Jesús:

—Mwa adirodoria, rojose yirā jājarā ñaja mwa. Yare ajiterā ñari, ñañamani mware yu yñosere bojaboaja mwa. To bajiro mwa bojaboajaquēne, to bajise mware yñobetirucuja yu. To bajiboarine Jonás ñamasir'i Diore gotirētosarimasu ī bajimasirere bajiro bajirōroti ñaroja. ⁴⁰ N'inive vāme cuti macana ñamasiriarā, ña tujū Jonás ī ejaroto rñoro idiarūmwa, idia ñami vai jaigu gudajoaju ī ñamasirere ñare ī gotisere ajicōari, “Diore gotirētosagu ñaami”, ñe yituoñañujarā ña, N'inive macana. To bajiro bajirucuja yu quēne, Dios ī roticōacacu quēne. Idia ñami, idiarūmwa sita ēñerocaju yu ñarere ajicōari, “Dios ī cōar'ine ñañumi”, yimasiruarāma ña, masa. ⁴¹ N'inive macana ñamasiriarā, Jonás ñamasir'i Dios oca ī gotisere ajicōari, rojose ña yisere sutiriticōari, yitujamasiruarā ña. Jonás rētoro ñamasugū ñaja yu. To bajiro yu bajiboajaquēne, mwañama, rojose mwa yisere yitujabeaja mwa. To bajiro yirā mwa ñajare, masare Dios ī beserirūmwa ti ejaro, ado bajiro bajiruaroja: N'inive maca ñamasiriarā,

tudicaticōari, “M̄ua ye suorine rojose tām̄oḡuarāja”, m̄uare yīaruarāma. ⁴² Sabá sitana ujo ñamasirio, “Ūju Salomón quēnaro masigū ñañuju” yire quetire ajicōari, sōju vadicōari, ĩre ajigo ejamasifñuju so. Salomón rētoro ñamasugū ñaja yu. To yu bajiboajaquēne, m̄uajuama, yure ajitirūnubeaja m̄ua. To bajiri, masare Dios ĩ beserirām̄u ti ejaro, ado bajiro bajiruaroja m̄uare: Salomón tu ejamasirio, tudicaticōari, “M̄ua ye suorine rojose tām̄oḡuarāja”, m̄uare yirucocomo so, yu gotisere ajirā ñaboarine, rojose m̄ua yitujabetijare —fariseo masare ĩnare yicami Jesús.

Vāti, masu usujure sãñar'i, budicōari, ĩ tudisājare queti
(Lc 11.24-26)

⁴³ Quēna ado bajiro yicami Jesús:

—Vāti, masu usujure budicōari, oco manoriju vacudigumi. Tujariajau bujabecu ñari, ado bajiro tuoīagūmi: ⁴⁴ “Yu budiriarojune vacoarocu ñagūja yu”, yituoīagūmi. Masu usujure ĩ budigoriarore tudiejagu ĩ ĩajama, gōjanabiose mano, quēnarivire bajiro masu usujure ĩaejagumi. ⁴⁵ To bajiro ĩ usujure ĩaejacōari, cojomo cōro juā jēnitarirācu vātia ĩ rētoro rojose yirāre ūmato ejaḡumi. To yicōari, ĩna ñaro cōrone masu usujure sājara ĩna. To bajiri, rētorobusa rojose yigu ñagūmi masu yuja. To bajirone bajiruaroja m̄uare adirodoriana rojose yirāre quēne. Vātiare yu bureacōaboajaquēne, yure ajitirūnumena ñari, butobusa rojose yirā ñaja m̄ua —ĩnare yicami Jesús.

“Yu yarāma ado bajiro bajirājuā ñaama”, Jesús ĩ yire queti
(Mr 3.31-35; Lc 8.19-21)

⁴⁶⁻⁴⁷ Jesús, masare ĩ gotimasio ñarone, sīgū, ado bajiro Jesúre ĩre yicami ĩ:

—M̄u jaco, m̄u bederā rāca macajūju ejama, m̄u rāca ñagōuarā —Jesúre ĩre yicami.

⁴⁸ To bajiro ĩ yiboajaquēne, ado bajiro ĩre yicadicami Jesús:

—¿Ñimo ñati yu jacoma? ¿Ñimarā ñati yu bederāma? —ĩre yicami Jesús.

⁴⁹ To yigune, yuajuare, ĩ buerimasare ĩacōari,

—M̄ua ñaja yu bederāma, yu jacore bajiro bajirāma. ⁵⁰ No bojarā yu jacu ò vecagu ĩ rotirore bajiro yirā, ĩna ñarāma yu bederāre bajiro bajirāma, yu jacore bajiro bajirāma —yuare yicami Jesús.

13

Oterimasu ĩ bajirere Jesús ĩ gotimasiore queti
(Mr 4.1-9; Lc 8.4-8)

¹ Tirām̄une, vi ñar'i, budiacōari, utabucura tuju yua rāca ejarūju eja-cami Jesús. To bajicōari, masare gotimasio-cami. ² Masa jājarābusa ĩna rējaquearo ĩacōari, cūmuaju vasājacōari, rujicami Jesús. Masajuama, utabucura tu rügōcōacama ĩna. ³ To bajicōari, cojo queti me tuoīacōari, “Ado bajiro bajisere bajiro bajijaja” ĩnare yigotigu ñari, ado bajise goticami:

—Sīgū oterimasu, veseju ote ajere oteḡu vacami. ⁴ Vese ejacōari, ote ajere ĩ reabaterone, gajeye maaju vējaquearoja. To bajiri minia ejacōari, tire bareacōarāma ĩna. ⁵⁻⁶ Gajeyema, gūta joeju reaėjo-roja. Tiju, mo-joroaca sita ti ñajare, guaro ti judidaboajaquēne muiju, asisio-cōagūmi. To bajicōari, oco manijare, sñireacoatoja ti. ⁷ Gajeyema, jotayucú vatoaju vējaquearoja. To bajicōari, ti judiboajaquēne, jotajua b̄uc̄uaveoatoja ti. ⁸ Gajeyema, sita quēnaroju vējaquearoja. To baji, judibuc̄uacōari,

quēnase ñacōari, jairo rica cūtiroja. Cojotō, cien ñaricari rica cūtiejoroja. Gajetō sesenta ñaricari, gajetō treinta ñaricari rica cūtiroja. ⁹ Tire mña ajimasirñajama, quēnaro tuoīaña mña —yicami Jesús.

“Ado bajiro yigñ, gotimasiore queti gotirügñaja yñ”, Jesús ñ yire queti (Mr 4.10-12; Lc 8.9-10)

¹⁰ To ñ yiro bero, ado bajiro Jesúre sēniñacajñ yña, ñ buerā:

—¿No yigñ gotimasiore queti tuoīacōari, ñnare gotirügñati mñ? —Ñre yisēniñacajñ yña.

¹¹ To yña yirone, ado bajiro yñare cūdicami:

—“Uññ Dios yarā quēnaro ñ yirona yña ñarñajama, ado bajiro yiroti ñaja” ñna yimasibeticatire, yucñrema Dios ñ masise rāca ajimasiaja mñama. To bajiboarine, gñjerñajama, Dios ñ bojabetijare tire ajimasibeama. ¹² No bojagñ Diore ajitirñugñre, “Quēnarobusa ajimasiato” yigñ, ñ masisere cōarñcñmi Dios. Gñjirema, ñre ajigñ ñaboarine, ñre ñ ajitirñubetijare, ñ ajimasiboasere masiriojeocōarñcñmi ñ. To bajiri ñre masibetima-sucōarñcñmi ñ. ¹³ Masa ado bajiro bajirā ñna ñajare, gotimasiore queti ñnare gotirügñaja yñ: Yñ yñosere ñarā ñaboarine, yñ gotisere ajirā ñaboarine, ajimasicōari, “To bajiro manire yigotigñ yatique”, yimasimenama. ¹⁴ Diore gotirētobosarimasñ Isa'ias ñamasir'i mña bajirotire yigñ, Dios ñ ñagōmasirere ado bajiro yiucomasiñumi:

“Yñre ajirā ñaboarine, ajimasibeticōa ñnarñrāma. Yñ yñosere ñarā ñaboarine, “To bajiro bajisere yigñ yatique ñ”, yñamasibeticōa ñnarñrāma.

¹⁵ Ado bajiro bajirā ñari, yñ yere ajimasimena ñnarñma ñna: Gāmo gojeri tusubeti, to yicōari, caje ñamenare bajiro bajirāma. To bajiro yñ yijama, “Yñ yere tuoñarñamena ñaama” yigñ yaja yñ. To bajirā ñari, tire quēnaro ajimasibeama. Yñ yere ñna tuoñarñajama, tire ajimasicōari, yñ bojarore bajiro tuoñavasoacōari, yñre sēnirñcñuboborāma ñna. Yñre ñna sēnijama, yñre ñna cāmotadicōa tñjaborotire ñnare yirētobosabogñja yñ, yigotiami Dios”, yiucomasiñumi Isa'ias ñamasir'i.

¹⁶ Variquēñaña mñama. Yñ yñosere tuoñacōari, yñ bojarore bajiro tuoñavasoariarā ñari, tire yñ gotimasiosere ajimasiaja mñama. ¹⁷ Riojo mñare gotiaja yñ. Tirñmññ jājarā Diore gotirētobosamasiriarā yucñ mñare yñ yñosere ñarñamasiboayuma. Yñ gotimasiosere mña ajisere ajirñamasiboayuma. To bajiri mñama, jairo yñ yñosere masirā ñari, to yicōari, yñ gotimasiosere ajirā ñari, variquēñaña mña —yñare yicami Jesús, ñ buerāre.

Ado bajise tuoñacōari, “Oterimasñ ñ bajire quetire gotibñ yñ”, Jesús ñ yire queti

(Mr 4.13-20; Lc 8.11-15)

¹⁸ Quēna ado bajiro goticami Jesús:

—Ado bajise tuoñacōari, oterimasñ ñ bajire quetire gotibñ yñ: Quēnaro ajiya mña. ¹⁹ Ote aje, maajñ vējaquearere, minia ñna barere yñ yijama, “Uññ Dios yarā quēnaro ñ yirona ñna ñarñajama, ado bajiro yiroti ñaja” yñ yigotimasiosere ñna ajiboasere, vātia uññ ejacōari, guaro ñ masiriosere yigñ yibñ yñ —yñare yicami.

²⁰⁻²¹ —Gāta joeññ vējaqueacōari, guaro judibñcñaboarere, muiju ñ asisñorere yñ yijama, yñ yere ajicōari, quēnaro variquēnase rāca ajirā ñaboarine, yoaro mene tire ñna quejerotire, to yicōari, yñ gotisere ajirā ñna

ñajare, gãjerã rojose ñnare ñna yijama, yoaro mene yu ocare ñna ajitujarotire yigu yibu. ²² Jotayucã vatoaju vëjaqueacõari, judiboarere jotajua ti bucuaveorene yu yijama, yu gotisere ajirã ñaboarine, adi macarucuro ti bajisejare tuoïarejairã ñari, to yicõari, gajeyeuñi bojatuoïarã ñari, yu yejare tuoïatujacõari, yu bojarore bajiro yimenare yigu yibu yu. ²³ Sita quënaroyu vëjaqueare judibucucacõari, quënase rica cutirere cojotõ cien ñaricari, gajetõ sesenta ñaricari, gajetõ treinta ñaricari rica cutirere yu yijama, yu gotimasiosere ajimasicõari, Dios ñ bojarore bajiro quënaroyu yirã yu ocare ñna gotimasiose suori, gãjerã masa quëne yure ñna ajitirunjarotire yigu yibu —yure yicami Jesús.

Trigo vatoaju vidi judire queti

²⁴ “Masare Dios ñ beserirumu ti ejaro ado bajiro bajiruroja” yigu, gaje queti gotimasiocami Jesús:

—Sigu ñ ya veseju trigo ajere otegu. ²⁵ Ñ otero bero, ñre moabosari-masa ñna cãnitoye, ñ ya vese ejacõari, vidi oterudigumi, ñre ñategu ñari. To yigajano, vacoacumi ñ. ²⁶ To bajiri trigo ti judibucucato, vidi quëne ruyuroja. ²⁷ To bajisere ñacõari, ñna ujure gotirã vanama ñna. Ñ tu ejacõari, ado bajiro yirãma: “Yua uj, ¿no yiro trigo rñe mu otecati ñaboarine, vidi quëne judiri?”, yirãma, ñna ujure. ²⁸ To ñna yijare, “Sigu yure ñategu oterimi”, ñnare yigumi ñ. To ñ yirone, “¿Ado cõrone yua vuerearã vatire bojati mu?”, ñre yisenuarãma ñna. ²⁹ To ñna yisere ajicõari, ado bajiro ñnare yigumi ñna uj: “¡Vuebesa maji! Mu vnejama, ote rãcane vucõarãja mu. ³⁰ Trigo rãca bucuacoajaro maji. Ti rica cuti bucuaro ñacõari, tire jua bajirãne vueracõari, soereacõarãja mu. Trigore juacõari, tire cõriaviju cõcõarãja mu”, ñnare yirotigumi oterimasu —yigotimasiocami Jesús.

“Mostaza vame cuti rica, ajeare bajiro bajiaja”, Jesús ñ yire queti
(Mr 4.30-32; Lc 13.18-19)

³¹ Quëna ado bajiro gotimasiocami Jesús:

—“Rotimurugõrucuja mu” yigu, Dios ñ cõagũ, yu gotimasiosere no bojarã ñna ajitirunujama, mure yu gotisere mojoroaca ajimasiboarine, rojose ñna ñnare cutisere tuoïavasoacõari, tocãrãcarãmuri quënaroyu ñnamjarugõcõari, quënaroyu ajimasimjarugõajama, ado bajiro bajiruroja: Sigu ñ ya vesejare mostaza ajea otegu. ³² Gajeye ote aje rëtoro rujaricaca ñnaroja ti mostaza ajeaca. To bajiri ñ oterica mojoricaca ñaboarine, ti judibucucacõajama, ote yucãri rëto busaricu jairicu ñnaroja tu. Jairicu ti ñajare, tu rujariju minia ñna ria cutitotijure quënorãma ñna —yigotimasiocami Jesús. ^e

“Pan vauvasere bajiro bajiaja”, Jesús ñ yire queti
(Lc 13.20-21)

³³ Quëna ado bajiro gotimasiocami Jesús: “ ‘Rotimurugõrucuja mu’ yigu, Dios ñ cõagũ, yu gotimasiosere no bojarã ñna ajitirunujama, mure yu gotisere mojoroaca ajimasiboarine, rojose ñna ñnare cutisere tuoïavasoacõari, tocãrãcarãmuri quënaroyu ñnamjarugõcõari, quënaroyu ajimasimjarugõajama, ado bajiro bajiruroja” yigu, gaje gotimasioire queti goticami:

^e 13:32 Mostaza ajea ti bajire queti Jesús ñ gotirere, “Ado bajiro yiruro yaja”, yiyujarã Dios oca masa ñna ucamasirere buerëtobudiriarã sigãri: “Jesús ñ gotimasiosere ajitirunurã ñ ñnarirodo mojoroaca ñaboarine, jãjarã ñna bujarotire yigu yiyuju Jesús”, yiyujarã ñna.

—Rōmio, pan quēnogoago, trigo vetare idiaji vasācōari, pan ūmato vauvasere vno gomo so. To so yijare, jairo vauvaroja ti. Tire bajirone bajiruroja, Diore rotibosagure yare ajitirūnarā jājarābusa mua bajuroti —īnare yigotimasociami Jesús.

“Ado bajiro Diore gotirētobosarimasu ī yuicamasire űajare, gotimasiore queti gotirūgūaja yu”, Jesús ī yire queti
(Mr 4.33-34)

³⁴ Gotimasiore queti rāca rīne īnare gotimasiorūgūcami Jesús. ³⁵ Diore gotirētobosarimasu, “Ado bajiro bajiruroja” ī yimasire ti űajare, to bajise gotimasiorūgūcami. Ado bajiro ucamasifūmi Diore gotirētobosarimasu:

“Masare īnare gotigu, gotimasiore queti tuoīacōari, īnare gotimasiorucami. To bajiro yigu, gotimasiore queti tuoīacōari, īnare gotimasiorucami. To bajiro yigu, adi macarucuro ti ruyaroto rjorojne masifamanicoadirere gotimasiorucami”, yuicamasifūmi Diore gotirētobosarimasu Jesúsre tuoīa yugu.

Trigo vatoaju vidi judirema, “Ado bajiro yiruro yaja”, Jesús ī yigotimasiore queti

³⁶ To bajiro yigotigajanocōari, “Viju vacu yaja yu”, yisājacoacami. To ī yi vatone, īre sūyasājacaju yua quēne. Sājaejacōari, ado bajiro īre sēniīacaju yua, ī buerimasa:

—Vidi judire quetire, “Ado bajiro yigu, to bajise yibu yu”, yuare yigotiya —Jesūre īre yicaju yua.

³⁷ To bajiro yua yijare, ado bajiro yuare goticami Jesús:

—Trigo oterimasare yigu, yu masune yigu yibu yu, Dios ī roticōacacure yu yijama. ³⁸ Ī ya vesere yu yijama, adi macarucuro mani űarore yigu yibu yu. Trigare yu yijama, yu yarāre quēnaro Dios ī yirāre yigu yibu. Vidire yu yijama, vātia űju, Satanás ī bojarore bajiro yirāre yigu yibu. ³⁹ Vidi oterudirimasare yu yijama, vātia űju Satanāre yigu yibu. Trigo ti bucuroja īna juarere yu yijama, adi macarucuro ti jedirotire yigu yibu. Trigo ti bucuro, juarimasare yu yijama, āngel mesare yigu yibu, yicami Jesús. ⁴⁰ Vidi juacōari, īna soerearore bajiro bajiruroja adi macarucuro ti jediroju. ⁴¹ To cōrone, Dios ī roticōacacu, Diore rotibosagu, āngel mesare cōarucuja yu. “Yu yarā vatoaju űacōari, rojose yirāre, to yicōari, rojose īnare ūmato yirāre quēne juaāya” yigu, īnare cōarucuja. ⁴² Īnare juacōari, jeame yatibetimeju reacōaruarāma īna. Toju űacōari, buto rojose tāmūorā űari, guji pōguē, oti, yiruarāma īna. ⁴³ Āngel mesa, īnare īna reagajanoro bero, ado bajiro bajiruarāja mua: Mani jacu, “Quēnase yirā űaama” ī yīlārā űari, muiju ī busurore bajiro busuruarāja. Tire mua ajimasirūajama, quēnaro tuoīaīna —yuare yicami Jesús.

Buto vaja cutisere ī bujare queti

⁴⁴ Quēna ado bajiro yuare goticami Jesús:

—Dios yarā quēnaro ī yirā mua űase buto quēnaja ti. To bajiro ti bajijare, sīgū buto vaja cutise bujagure bajiro bajirāma Dios yarā űaruarā. Sīgū yere buto vaja cutisere sita vatoaju ī yayioboarere bujagami gāji. Tire bujacōari, quēna tijune tudiyaiocūgūmi. To bajiri, “Jairo vaja cuti űaja” yivariquēnagū űari, ī gajeyeūni űaro cōrone gājerāre īsijeocōagūmi, gājoa bujaru. To yicōari, ti gājoa rāca ti sita űure vaja yigūmi, sita vatoaju jairo vaja cutise ī bujarere curo. Tire bajiro bajirāma Dios yarā űaruarā. “Adi macarucuroaye jediro yu tuoīa bojaboase rētoro quēnase űaja Dios ye”

yituoĩacõari, jediro ĩ bojarore bajiro yirũgũrãma —yũare yigotimasiocami Jesús.

Bũto vaja cutia, perla vãme cutiare ĩ bũjare queti

⁴⁵ Ti vãmere bajiro gaje queti ado bajiro yũare goticami Jesús:

—Dios yarã quẽnarõ ĩ yirã mani ñase quẽnaja ti. To bajiro ti bajijare, bũto vaja cutia perla vãme cutiare bũjagũre bajiro bajirãma Dios yarã ñaruarã. Sĩgũ gajeyeũni ĩsicudirimasũ, perla vãme cutire sẽnicudigumi. ⁴⁶ To yicudigũne, gãji ĩ cũoricare quẽnamasuricare bũjagumi yuja. To bajiri tiare bũto bojagu ñari, ĩ gajeyeũni jedirore ĩsicõari, vaja sẽnigũmi, gãjoa bũjarũ. To yicõari, ti gãjoa rãca ĩ bojaricare vaja yigumi yuja. Tire bajiro bajirãma Dios yarã ñaruarã. “Adi macarũcũroaye jediro yũ tũoĩa bojaboase rẽtorõ quẽnaja Dios ye” yituoĩacõari, jediro ĩ bojarore bajiro yirũgũrãma —yũare yigotimasiocami Jesús.

Vai sĩarimasa, vai quẽnarã rĩne ĩna besere queti

⁴⁷ Quẽna gotimasiore queti yũare gotimasiocami Jesús:

—Masare Dios ĩ beserirũmũ ti ejaro, vai sĩarimasa vaire ĩna beseriarore bajiro bajirũaroja. Vai sĩarimasa bajijũ rãca ĩna vayaro, vai vãme cutirã ñaro cõro sãjarãma ĩna. ⁴⁸ ĩna sãjaro ĩacõari, jabuajũ ĩnare tũamocũrãma. ĩnare beserãma. Bariarãrema jibũjũ juasãcõari, bayamanare reacõarama. ⁴⁹ To bajirone bajirũaroja macarũcũro ti jediro. Ángel mesa, masare beserã vadirũarãma. Quẽnarãre, rojorãre beserũarãma. ⁵⁰ Rojorãre ĩnare juacõari, jeame yatibetimejũ reacõarũarãma. Tojũ ñacõari, bũto rojose tãmuorã ñari, guji põguẽ, oti, yirũarãma ĩna —yũare yicami Jesús.

“Jesũre ajitirũnũrã ñarãma Dios ocare tirũmuayere, mamere quẽne quẽnarõ riojo gotimasiorã”, yire queti

⁵¹ Tire yũare gotigajanocõari, ado bajiro yũare sẽniĩacami Jesús:

—¿Tire muare yũ gotimasiose queti jedirore ajimasiatĩ mũa? —yũare yisẽniĩacami.

—Ajimasiaja —ĩre yicudicajũ yũa.

⁵² To bajiro yũa yijare, ado bajiro yũare goticami:

—To bajiri Dios oca masa ĩna ucamasire quẽnarõ riojo gotimasiomasicõarãja mũa. To yicõari, muare yũ gotimasiosere ajimasirã ñari, tire quẽne quẽnarõ riojo gotimasiomasirãja. To bajiro mũa bajijama, vi uju gajeyeũni tirũmũjũ ñarere quẽne, mame ĩ juarere quẽne quẽnocũrĩre bajiro bajirãja mũa. ĩ ya viana ĩna cũobetijama, ĩnare ĩsigũmi. ĩ yirore bajirone mũa yarãre quẽne ĩna ajimasiroti ti rũyajama, tirũmuayere, to yicõari, yucũ yũ gotisere quẽne quẽnarõ riojo ĩnare gotimasiorũarãja —yũare yicami Jesús.

Nazaret vãme cuti macajũ Jesús ĩ vare queti

(Mr 6.1-6; Lc 4.16-30)

⁵³ To bajiro yũare gotimasio gajano, yũare ũmato vacoacami Jesús.

⁵⁴ To bajivana, ĩ ya macajũ ejacajũ yũa. Tojũ Dios ocare ĩna buerivijũre sãjaejacõari, masare gotimasio ñacami. Quẽnarõ ĩ gotimasiosere ajicõari, no yimasibeticama ĩna:

—¿No bajicõari, to bajise gotimasiomasiati ĩ? ¿No bajiro yicõari, ĩãĩããmanire yati? ⁵⁵ ¿Adi macagũ yucũ moarimasũ macũ me ñatique ĩma? ¿Marĩa macũ me ñatique? ¿Santiago, José, Simõn, Judas mesa gagũ me ñatique ĩ? ⁵⁶ To yicõari, jediro mani vatoajũ ñarã, ¿ĩ bederã rõmiri me

ñatique ñna? To bajiri, ¿noju bueyujari ñni? —Jesúre ñre yicama ñna, ñ ya macana.

⁵⁷ To bajiri, “Ñamasugũ me ñnaami. Mani ya macagu mani masigũ ñnaami” yirã ñnari, ñre ajitirũnubeticama ñna. To ñna yirone, ado bajiro ñnare goticami Jesús:

—Diore gotirẽtobosarimasu gajeroju Dios ocare ñ gotimasiocudijama, ñre ajirũcubũorãma. To bajiboarine, ñ ya macanare, ñ ya vianare quẽne Dios ocare ñ gotimasiojama, ñre ajirũcubũomenama —ñnare yicami Jesús.

⁵⁸ To bajiri ñ ya macana, ñre ñna ajitirũnubetijare, ñaãañamanire jairo yĩomasibeticami.

14

Juan vãme cutigure, masare oco rãca bautizarimasure ñ rũjoare ñna jatarocare queti

(Mr 6.14-29; Lc 9.7-9)

¹ Cojorũma Galilea sitana uju, Herodes vãme cutigu, ñaãañamani Jesús ñ yĩose quetire ajiyuju. ² To ñ yĩasere ajicõari, ñre moabosarimasare ado bajiro yiyuju:

—Juan vãme cutigu, masare oco rãca bautizarimasune, ñagũmi quẽna. Rijacoabarine, tudicaticoarimi. To bajiri ñaãañamani yĩõñagũmi ñ —yitũõĩaboayuju Herodes.

³⁻⁴ Juan ñ sãacoroto rĩjoro ado bajiro bajire ti ñajare, to bajiro tũõĩañuju Herodes: Ñ bedi Felipe manajore Herod'ias vãme cutigore ñmacõari, manajo cutiyuju Herodes.

To bajiro ñ yire ñajare, ado bajiro ñre gotirũgũñuju Juan:

—Herod'iare mũ manajo cutise quẽnabeaja. Dios ñ rotimasirere ajibeaja mũ —ñre yirũgũboayuju Juan.

Tire ajirũabesuju ñ manajo Herod'ias. To bajiri Juanre cõmemane siacõari, tubiberotiyuju Herodes. ⁵ To yicõari, ñre sãarotirũaboayuju. “Diore gotirẽtobosarimasu ñnaami Juan” masa ñna yirũcubũosere ajigu ñnari, bũto gũiyuju. To bajiri ñre sãarotimasibesuju.

⁶ Herodes ñ ruyuarĩarũma ejayuju. To bajiri, masare jirẽõñuju ñ, “Boserũma yito” yigu. To yicõari, ñna rẽjaro bero, Herod'ias maco, ñna ñaro rĩjorojuare basañõuju. So basasere ñacõari, bũto variquẽnañuju Herodes. ⁷ To bajiri,

—Riojo mũre gotiaja yũ. Tũõĩavasoabetirũcũja. No bojase mũ sãnijama, mũre ñsirũcũja —sore yiyuju ñ Herodes. ⁸ To bajiro ñ yisere ajicõari, so jacojuã, “Ado bajiro ñre yicũdiya” so yi ocasãjare, ado bajiro Herodere cũdiyuju so:

—Yucũacane Juan vãme cutigu, masare oco rãca bautizarimasu rũjoare, bare jeobariabaja joeju jeocõari, yũre ñsigũ vayã —ñre yiyuju so.

⁹ To bajiro so yisere ajicõari, sũtirĩtiyuju Herodes. To bajiboarine, ñ jicõarĩã ñna ajiro rĩjorojuã, “Riojo mũre gotiaja yũ. No bojase mũ sãnijama, mũre ñsirũcũja” ñ yicõare ti ñajare, so sãnĩrore bajirone yiyuju.

¹⁰ Tubiberiaviju ñagũre, “Juanre rũjoa jataya”, ñnare yiyuju. ¹¹ To bajiri, ñ rũjoare bare jeobariabaja joeju jeocõari, Herod'ias macore ñsiñujarã ñna. To yicõari, sojuã, jacore ñsirẽtoñuju so yuja.

¹² Ti queti ajicõari, Herodes tũju ejayujarã, Juan buerimasa. Ejacõari, ñ rujari ñbãoare ñnivacõari, yujeyujarã. To ñna yiro bero, yũã tũ ejacama ñna, Jesúre gotirã.

Masa, cinco mil ñarãre Jesús i bare ecare queti

(Mr 6.30-44; Lc 9.10-17; Jn 6.1-14)

¹³ Juan oco rãca bautizarimasare ña sãare quetire ajicõari, jãjarã masa yuare ña sãajare, ña rãca ñarũabecu ñari, cũmuaju vasãja, yuare ùmato jẽacoacami, masa ña manibũsaroju yuare ùmato vacũ. To bajiri ti macari-ana Jesús i vasere ajicõari, boeju jãjarã variarãma, Jesús i ejarotijare vana.

¹⁴ To bajiri rocatu ejarãne, jãjarã masa ñarãre ñacaju yua, boeju vacõari ejararãre. Ñare ñamaicõari, rijaye cutirãre ña juaejarãre catiocami Jesús.

¹⁵ Rãioroto rĩjoro, i tu ejaõõari, ado bajiro yicaju yua, i buerã:

—Jẽre rãioato yaja. Masa manojũ ñaja. To bajiri ñare varotiya mũ, “Masa cutojũ bare vaja yibarã vajaro” yirã —ĩre yiboacaju yua.

¹⁶ To yua yisere ajicõari, ado bajirojuã yuare yicami Jesús:

—No yirã vamenama. Muane ñare bare ecaya —yuare yicami Jesús.

¹⁷ To i yijare, ado bajiro ñre yicudicaju yua:

—Bare maja yuare quẽne. Cojomo cõro pan, juarã vai sũoaja yua —ĩre yicaju yua.

¹⁸ To bajiro yua yisere ajicõari, ado bajiro yicami:

—Adojua tire juaya maji —yuare yicami.

¹⁹ To bajiri,

—Masare tatũcuroju ñare rujirotiya —i buerãre yuare yicami Jesús.

To yicõari, cojomo cõro ñaricari pan, juarã vai ñarãre juacõari, õ vecajua ñamuocami. To yicõari, “Quẽnaro yaja mũ”, Diore ñre yicami. To yicõari, tire iguesurebatecõari, i buerãre yuare ñisami. To bajiri yuajuã, rujirãre ñibatocaju yua yuja. ²⁰ Sĩgũ rũyariaro mano quẽnaro baũsucutijedicõacama ña. Ña bagajanoro bero, ña barũasere, yua juarẽojama, juãmo cõro, gũbo juã jẽnituario ñarijiburi rũyacaju. ²¹ Tire bacana cinco mil ùmũã ñacaju yua. Rõmiare, rĩamasare quẽne cõĩabeticaju yua.

Oco joene Jesús i vare queti

(Mr 6.45-52; Jn 6.16-21)

²² Cũmuaju yuare vasãjaroticami Jesús. “Yuare jẽadiyuya. Maji masare tudirotigũ yaja yũ”, yicami. ²³ Ñare tudirotigajano, buroju majacoasuju, toju Diore sẽnirũ. Ti rãioato bero, toju i sĩgũne ñacõañuju i maji.

²⁴ Yuajuãma, ñtabũcũra jẽana, sõju tira gudareco tũsacaju yua. To yua tũsatone, bũto mino vacaju. To bajica yiro, sabetuocõacaju ti. To bajiri jẽatĩmabeticaju. ²⁵ To yua bajiñarone, busurocaroarijan yua tũju oco joene vadiciami Jesús. ²⁶ Oco joeju i vadire ñarãne, uacacaju yua.

—iBajirocar'i vãti ñaami! —yivasãcaju yua.

²⁷ To yua yiboajaquẽne,

—Gũibesa. Variquẽnaña mũ. Yuane ñaja —yuare yicami Jesús.

²⁸ To i yisere ajicõari, yua rãcagu Pedro ado bajiro ñre yicudicami:

—Yũ uju, mũne mũ ñajama, oco joene mũ tũju yuare varotiya —ĩre yicami Pedro.

²⁹ To i yisere ajicõari,

—Vayã mũ —ĩre yicami Jesús.

To i yisere ajicõari, vãgã, oco joeju vacami Pedro, Jesús tu ejaquũacũ. ³⁰ To bajiboarine, mino bũto ti vasere ñacõari, gũicami. To bajicõari, rujacõa sũoacami yuja. To bajigũne,

—Yũ uju, rujacũ yaja yũ. Yuare ejarẽmogũaya —yivasãcami.

³¹ To i yirone, i ãmore ñiacõari, ado bajiro ñre yicami Jesús, Pedrorre:

—¿No yigū, “Ī ejarēmose rāca vamasirūcaja yū”, yure yitūoīa tujacoajari mū? —Pedrore ĩre yicami Jesús.

³² To yicōari, cūmuaju ĩna vasājarone, mino vatujacoacaju yuja. ³³ To yicōari, cūmuaju Jesús rĳjorojua ġusomuniari tuetucaju yua, ĩre rūcubūorā: —Socagū me űaja mū. Dios macūne űaja —Jesūre ĩre yicaju yua.

Genesaret sitanare rijaye cutirāre Jesús ĩ catiore queti
(Mr 6.53-56)

³⁴ To baji jēanane, Genesaret vāme cuti sitaju ejacaju yua. ³⁵ Ti macariana Jesús ĩ ejasere ĩamasicōari, masa jedirore gotibatoriarāma. To bajiri, masa rijaye cutirāre juajacama Jesús tujū. ³⁶ To ĩna yirā, ado bajiro Jesūre yicama ĩna:

—Mū ye sudi gaja yūare moaĳarotiya. Ti rĳne bojaja yua. To bajiro yua yijama, caticoarūarāja yua —ĩre yisēnicama.

To bajiri, ĩ sudi gajare moaĳarāma, caticoacama.

15

“Masa ĩna yisere ĩacōari, ‘Rojorā űaama’ yire me űaja. ĩna tūoĳasejūare masicōari, ‘To bajiro yirā űaama’ yire űaroja”, Jesús ĩ yigotimasiore queti
(Mr 7.1-23)

¹ Fariseo masa, to yicōari Dios ĩ rotimasire gotimasiorimasa quēne ejacama, Jesús tujū. Jerusalénjū vadiriarā űacama. Jesús tū ejacōari, ado bajiro ĩre sēniĳacama ĩna:

²—¿No yirā mani űicua ĩna yimasiriarore bajiro yibeati mū buerimasa? ĩna baroto rĳjoro, ĩna āmori coemasiriarore bajiro coebeama ĩna —ĩre yicama ĩna.

³ To bajiro ĩna yijare, ado bajiro ĩnare cūdicami Jesús:

—Mani űicua ĩna rotimasirejūare cūdirā űari, Dios ĩ rotimasusejūarema cūdibeaja mūa. ⁴ Ado bajiro gotiaja Dios ĩ rotimasire: “Mū jacure, mū jacore quēnaro rūcubūoya”. To yicōari, gaje vāme ado bajiro yaja: “No bojagū, ĩ jacure, ĩ jacore, ‘Rojose tāmūoncaĳarāja mūa’ ĩnare ĩ yijama, ĩre sĳaroti űaja”, yigotiaja Dios ĩ rotimasire. ⁵⁻⁶ Mūajūama, ado bajirojūa rotiaja mūa: “Ī ye rāca ĩ jacūare ĩ ejarēmobetijama, quēnacōaja. ‘Yū gajeyēni yū cūose Diore yū ĩsiroti rĳne űaja. To bajiri mūare ejarēmomasibeaja yū’ yicōari, ĩ jacūare ĩ ejarēmobetijama, quēnacōaja”, yirotiaja mūa. To bajiro mūa yijama, mani űicua ĩna rotimasirejūare cūdirā űari, Dios ĩ rotisejūarema cūdibeaja mūa. To bajiro mūa yijama, “űie vaja maja Dios oca”, yirā yaja mūa. ⁷ “Quēnaro yirā űaja yua” yiboarine, rojorā űaja mūa. Diore gotirētobosarimasū, Isa’ias űamasir’i, mūa bajirotire quēnaro tūoĳacōari, ado bajiro ucamasifūmi:

⁸ “ĩna oca masune yirā, quēnaro yure yirūcubūoama ĩna. To bajiro yirā űaboarine, yū bojarore bajiro tūoĳabeama.

⁹ Yū yere buecōari, ĩna masu ĩna tūoĳasere gotimasioama. Tirene, ‘Dios ĩ rotise űaja’ yiboama. To bajiri, yure ĩna rūcubūoboase vaja, űie vaja buĳamenama ĩna”, yucamasifūmi Isa’ias, Diore gotirētobosagu —yigoticami Jesús.

¹⁰ To ĩ yiro bero, masare jicōari, ado bajiro ĩnare yicami Jesús:

—Yure ajicōari, quēnaro ajimasifūna mūa. ¹¹ Dios ĩ ĩajama, mani űicua ĩna yimasiriarore bajiro āmo coemenane mani base sūori me rojose yirāja mani. Rojose tūoĳacōari, rojose mani űagōsejūa űaja rojose mani yise. “Ī

sʘorine rojose tāmʘorʘarāja mani”, yimasirona ñaja mʘa —Īnare yicami Jesús.

¹² To bajiro Jesús ĩ yisere ajicōari, ado bajiro ĩre yicaju yʘa:

—¿Tire mʘ gotisere fariseo masa mʘre ĩna ajijūnisinisphere masibeati mʘ? —Īre yicaju yʘa, ĩ buerimasa.

¹³ To bajiro yʘa yiro, ado bajiro yʘare yicami Jesús:

—Ī ya veseju ote ĩ otere tʘ vidi ti judijama, ti ñe rācajuṇe vʘereacōarʘcʘmi. To bajirone yirʘcʘmi yʘ jacʘ quēne. “Yʘ yarā me ñaama” yigʘ ñari, ĩnare reacōarʘcʘmi Dios. ¹⁴ To bajiri fariseo masare tʘoĭagūibesa mʘa. ĩna ñarāma ĩmena gājerā ĩamenare tʘa vanare bajiro bajirā. Sīgū ĩabecu, gāji ĩabecure ĩ tʘavajama, gojeju reasōcōanama ĩna juarājʘne. To bajiri rojose ĩna bajirotire masirā ñari, ĩnare tʘoĭagūibesa mʘa —yʘare yicami Jesús.

¹⁵ To ĩ yirone, ado bajiro ĩre yicami Pedro:

—Mʘ gotimasiosere quēnaro yʘare gotirētobuya —Īre yicami.

¹⁶ To ĩ yisere ajicōari,

—¿Ajimasibeati mʘa quēne? —yicami. ¹⁷⁻¹⁸ —Mʘa basāse mʘa gudajoaju vatoja ti. Tijʘ bero, rēto budiroja ti. To bajiri mʘare rojose yimasibeaja ti. To bajiboajaquēne, mʘa ñagōjama, tʘoĭacōari, ñagōaja mʘa. To bajiri rojose mʘa tʘoĭajama, ti sʘorine rojose tāmʘorʘarāja mʘa. ¿Tire quēnaro ajimasibeatique mʘa? ¹⁹ Masa, rojose tʘoĭacōari, ado bajise rojose yirāma: Gājerāre sĭarāma ĩna. Manajo cʘtirā, manaju cʘtirā, manajo mana, manaju mana quēne, gājerā rāca ajeriarā cʘtirāma. Juarudirāma. Socarāma ĩna. Gājerā ajiro rĭjorojuʘa, socarāne, “Ado bajise rojose yima”, yigotirāma. ²⁰ To bajise rojose yirāma masa, rojose tʘoĭacōari. Ti sʘorine rojose tāmʘorʘarāma. Baroto rĭjoro, āmori mani ñicʘa ĩna coemasiriarore bajiro coebeti sʘori me, rojose tāmʘorʘarāma masa —yʘare yicami Jesús.

*Jud'io maso me Jesúre so ajitirānʘre quieti
(Mr 7.24-30)*

²¹ Gotigajanocōari, yʘare ũmato vacoacami Jesús, Tiro, to yicōari Sidón vāme cʘti macari tʘju vana. ²² Toju yʘa ejaro bero, sīgō cananeo maso, Jesús tʘjuare avasā vadicaṁo so:

—Yʘ ʘju, David ñamasir'i jānami, “Rotimʘorāgōrʘcʘja mʘ” yigʘ, Dios ĩ cōar'i ñaja mʘ. Yʘre ĩamaiña. Yʘ maco so ʘsʘju vāti sāñagō ñaamo. To bajiri bʘto rojose tāmʘoamo —Jesúre yigoticamo so.

²³ To bajiro so yiboajaquēne, sore cʘdibeticami Jesús. To bajiri ado bajiro Jesúre yicaju yʘa, ĩ buerimasajuama:

—Sore varotiya mʘ. Gōjanabioro manire avasā sʘyaamo —Īre yiboacaju yʘa.

²⁴ To bajiro yʘa yirone, ado bajiro sore yicami Jesús:

—Yʘ yarā jud'io masa, oveja mavisarāre bajiro bajirāma. ĩnare yʘre ejarēmoroticōacami Dios —sore yicami Jesús.

²⁵ To bajiro ĩ yisere ajicōari, ĩ rĭjorojuʘa gʘsumuniari tʘetuejacamo so, ĩre rʘcʘbʘogo. To yicōari, ado bajise ĩre yicamo:

—Yʘ ʘju, yʘre ejarēmoña —Īre yicamo so.

²⁶ To bajiro so yiboajaquēne, ado bajiro sore yicami Jesús:

—To bajiro yu yijama, rīamasa īna basere ēmacōari, yaiare ecagure bajiro yigūja yu —sore yicami.^f

²⁷ To bajiro ī yisere ajicōari, ado bajiro īre yicamo so:

—Yu uju, riojo gotiaja mu. To bajiboarine īna ujarā īna bavējasere barāma yaia —Jesure īre yicamo so. “Yu quēne, jud'io masa me űaboarine, mojoroaca yuare mu ejarēmojama, quēnaja” yigo, to bajise īre yicamo so.

²⁸ To bajiro so yisere ajicōari, ado bajiro sore yicami Jesús:

—“Yure īamaicōari, ejarēmorucumi”, yure yitūoīa tujabeco masu űaja mu. To bajiro mu yitūoīase űajare, mu maco usuju sāñagure vātire īre burocacōaja yu —sore yicami Jesús.

To bajiro ī yirirīmarone, quēnaejacoasuju so, viju űario.

Jājarā, rijaye cutirāre Jesús ī catiore queti

²⁹ To ī yiro bero, Galilea vāme cutirita tujū vacaju yua, Jesūrāca. Toju ejacōari, buroju majacaju. Toju maja, joe jeaejacōari, ejarūjucoacaju. ³⁰ To yua bajiro īacōari, Jesús ture jājarā masa ejacama, rijaye cutirāre juaejarā. Īna juaejacana ado bajiro bajirā űacama: Rujasagueri vana, jeariarā, īamena, űagōmena, to yicōari, jājarā gajeye rijaye cutirā űacama. Ī tu īna ejarone, īnare catiocami Jesús. ³¹ űagōmena űaboariarā, űagōcoacama. Rujasagueri vaboariarā, quēnaro vacama. Īamena űaboariarā, īacoacama. Jeariarā quēne, quēnaejacoacama. To bajiro bajisere īacōari, no yimasibeticama masa, ti űnire īabetirūgūriarā űari. To bajiri Diore quēnaro rucubuo variquēnacama īna, “Ī űagūmi quēnaro yigu, jud'io masa yua rucubuoгу” yirā.

Masa, cuatro mil űarāre Jesús, bare ī ecare queti

(Mr 8.1-10)

³² Ī buerāre yuare jicōari, ado bajiro yicami Jesús:

—Ado űarāre īamaiaja yu. Idiarūmu tusaju yuja, yu rāca īna űaro. To bajicōari, bare maama. Bamenane īna ya viriju īna tudiasere bojabeaja yu. Īnare yu tudirotijama, bamenane īna vajama, varūtu vanane, űiorijarā űari, rijavējaborāma —yuare yicami Jesús.

³³ To bajiro ī yirone, ado bajiro īre yicaju yua:

—Ado, masa manojū űaja. No bajiro masa űaro cōro īna barotire bare bujamasiña manoja —īre yicaju yua.

³⁴ To yua yirone,

—¿No cōro jairo pan cūoati mūa? —yuare yicami.

—Cojomo cōro juā jēnituario űaricari űaja. To yicōari, vai mojoroaca űaama —īre yicaju yua.

³⁵ To yua yirone, rācacane masare rujiroticami Jesús. ³⁶ To yicōari, pan cojomo cōro juā jēnituario űaricari űasere, vaire quēne juacōari, “Quēnaro yaja mu”, Diore īre yivariquēnacami. To yicōari, tire iguesurebatecōari, yuare īsicami. To bajiri yuajua, rujirāre īnare īsibatocaju yua yuja.

³⁷ Sīgū ruyariaro mano baušcutijedicōacama. Īna bagajanoro bero, īna bauasere yua juarēojama, cojomo cōro juā jēnituario űarijiburi ruyacaju.

³⁸ Tire bacana cuatro mil űmua űacaju yua. Rōmiare, rīamasare quēne cōīabeticaju yua. ³⁹ To yigajanocōari, masare tudiroticami Jesús. To bajī, cūmuane Magadán vāme cutī macaju vacaju yua.

^f 15:26 Ado bajiro yigu, to bajise sore yiyuju Jesús: “Judío masare ejarēmobecane, gājerājuare yu ejarēmojama, quēnabeaja” yigu, to bajise yiyuju.

16

“Īaīaīamani yuare yīoīa”, Jesúre ĩna yīboare queti
(Mr 8.11-13; Lc 12.54-56)

¹ Fariseo masa, saduceo masa quēne, Jesúre ĩarā ejacama ĩna. Ejacōari, ĩre sēniīacama, “Cudimasibeticōari, rojose tāmnoato ĩ” yirā:

—“ ‘Dios ĩ cōagū űaami’ yuare yimasīato” yigū, ō vecaye ĩaīaīamani yuare yīoīa —yisēniboacama.

² To ĩna yīboajaquēne, ado bajiro ĩnare cudicami Jesús:

—Rāiorijū, űmūagaseo ti sūaro ĩacōari, “Busiyū, quēnarirūmū űarūaroja”, yaja mūa. ³ Busurijū űibiācōari, bueri ti sūayujjama, “Adirūmū, oco quedirūaroja”, yīamasīaja mūa. No bojarirūmū, űmūagaseore ĩacōari, “Quēnarirūmū, rojorirūmū űarūaroja”, yīamasīaja. To bajiro yīamasīrā űaboarine, űamasusejuare ĩamasibeaja mūa. Adirūmuri yū yisere ĩarā űaboarine, “Dios ĩ roticōar’i űari, yami”, yīamasibeaja mūa. ⁴ Mūa adirodoriana, rojose yirā, Diore mūa gotirote bajiro yimena űaja mūa. To bajirā űari, “Īaīaīamani mū yīose bojaja”, yuare yisēniboaja mūa. To bajiro mūa yīboajaquēne, to bajise mūare yīobetirucūja. To bajiboarine Jonás űamasīr’i Diore gotirētobosarimasū ĩ bajimasīrere bajiro mūare bajīoroti űaroja —ĩnare yicudicami Jesús.

To bajiro ĩnare yicōa, ĩnare jēaveocoacajū yūa.

Fariseo masa panre vauvasere bajiro ĩna bajire queti
(Mr 8.14-21)

⁵ Ūtabucura gajejacatūajū jēaejacōari,

—Mani baroti pan masiriticoayūja mani —yūa masune gāmerā yīicajū yūa.

⁶ To yūa yiro, ado bajiro yuare goticami Jesús:

—Fariseo masa, saduceo masa “Pan vauvato” yirā ĩna vnosere quēnaro ajicōīaīa mūa —yuare yicami.

⁷ To ĩ yisere ajimasīmena űari, yūa masune ado bajiro gāmerā yicajū yūa:

—Pan mani masiritijare, to bajise gotigū yigūmi —gāmerā yicajū yūa.

⁸ To bajiro yūa yitūoīasere masicōari, ado bajiro yuare yicami Jesús:

—¿No yirā, “Pan maja manire”, yati mūa? “Pan ti maniboajaquēne, manire ĩamaicōari, quēnaro ejarēmorucūmi Jesús”, ¿yuare yitūoīabeati mūa?

⁹ ¿No yirā ajimasībeati mūa maji? Cojomo cōro űaricarire panre bujūocōari, cinco mil masa űarāre ecacajū yū. ĩnare yū ecaro bero, jairo barūariajīburi rūyacajū, ¿Tire masiritiati mūa? ¹⁰ Tijū bero, quēna cojomo cōro jūa jēnituarō űaricari panre bujūocōari, cuatro mil masa űarāre ecacajū yū. ĩnare yū ecaro bero, jairo barūariajīburi rūyacajū. ¿Tire quēne masiritiati mūa?

¹¹ No yirā ajimasīmena masu űamenaja mūa tia. Jējū, “Fariseo masa, saduceo masa, ‘Pan vauvato’ yirā, ĩna vnosere quēnaro ajicōīaīa” yū yijama, “Pan juabesuma” yigū me yībū yū —yuare yicami Jesús.

¹² To ĩ yijare, ajimasīcajū yūa yūja. “ ‘Fariseo masa, saduceo masa, ‘Pan vauvato’ yirā ĩna vnosere quēnaro ajicōīaīa’ yuare yigū, ‘ĩna gotimasīosejuare quēnaro ajicōīamasīa, ‘ĩnare bajiro bajimavisiarobe’ yirā’ yire űnire yuare gotimasīogū yīboayujari Jesús”, yiajimasīcajū yūa yūja.

“ ‘Rotimūorūgōrucūmi’ yigū, Dios ĩ cōar’i űaja mū”, Jesúre Pedro ĩ yire queti

(Mr 8.27-30; Lc 9.18-21)

¹³ To yi varūtu vanane, Cesarea de Filipo vāme cūti sitajure ejacaju yua, Jesurāca. Toju ejacōari, ado bajiro yuare sēniīacami Jesús:

—Yure, Dios ī roticōacacure, ģñimū ñaami yure yati ĩna, masa? —yuare yisēniīacami Jesús.

¹⁴ To bajiro ī yisere ajicōari, ado bajiro ĩre cudicaju yua:

—Sīgāri, “Juan vāme cūtigū, masare oco rāca bautizarimasū, tudicaticōari bajigūmi quēna”, mure yama ĩna. Gājerāma, “El'ias ñamasir'i ñagūmi”, yama ĩna. Gājerājuama, “Jerem'ias ñamasir'i ñagūmi”, yama. Gājerājuama, “Gāji, Diore gotirētosamasir'i ñagūmi”, mure yama ĩna — Jesūre ĩre yicudicaju yua.

¹⁵ To bajiro yua yirone,

—Mūama, ģñimū ñaami yure yati mūa? —yuare yisēniīacami.

¹⁶ To ī yisere ajicōari, ado bajiro yicami Simón Pedro:

—Mū ñaja rojose yua tāmūoborotire yuare yirētosacōari, rotimūorūgōrocū, Dios ī cōar'i. Masirētogū, Dios macū ñaja mū —Jesūre ĩre yicudicami.

¹⁷ To ī yisere ajicōari, ado bajiro ĩre yicami Jesús:

—Quēnaro riojo gotiaja mū, Simón, Jonás macū. Variquēnaña mū. Tire gotigū, masū ī masise suori me tire gotimasiaja mū. Ō vecagu yu jacū ī masise rāca tire gotimasiaja mū. ¹⁸ Ado bajiro mure gotiaja yu: Mū vāme ñaja Pedro. “Gāta” yirūaro yaja ti “pedro” ti yijama. Mū gotimasiose suorine jājarā masa, yure ajitirūnūcōari, rējarūgūruarāma ĩna. Yure ajitirūnūrā ĩna ñajare, vāti yarā, “Bajireacōa tūjajaro ĩna” yirā, rojose ĩnare yimasibetiruarāma ĩna. ¹⁹ To bajiri, ado bajiro mure gotiaja yu: Ūmūagasero soje jānariaro cūogure bajiro mure cūrūcūja yu. To bajiri, masare ĩacōari, ado bajiro ĩnare yimasirūcūja mū: “Ānoa to bajiro yirā ñari, Ūju Dios yarā quēnaro ī yirā ñaruarāma. Ānoajua, to bajiro yirā ñari, Dios yarā me ñaama”, ĩnare yimasirūcūja mū. Adi sitaju yure rotibosagu ñaruūcūja mū. To bajiro yigu ñari, “Ado bajiro mūa yijama, Dios yarā ñaruarāja mūa. Ado bajirojua mūa yijama, Dios yarā me ñaruarāja mūa”, yimasirūcūja mū —ĩre yicami Jesús.

²⁰ To bajiro Pedrore ĩre yigotigajanocōari, ado bajiro yuare yicami:

—Īne ñaami “ ‘Rotimūorūgōrūcūmi’ yigu, Dios ī cōar'i”, gājerāre ĩnare yigotibeja —yuare yicami Jesús.

“Yure sīaruarāma”, Jesús ĩ yire queti

(Mr 8.31–9.1; Lc 9.22–27)

²¹ To ī yiro bero, Jerusalénju ī bajirotire ado bajiro yuare gotimasiosuocami Jesús:

—Jerusalénju varoti ñaja yure. Toju yu ejaro, būcūrā, paia ūjarā, to yicōari, Dios ī rotimasire gotimasiorimasa quēne, rojose yure yicōari, yure sīaruarāma ĩna. Yure ĩna sīaboajaquēne, idiarūmū tūsatirūmūne yure catorūcūmi Dios —yuare yisūocami Jesús. ²² To ī yisere ajicōari, ricati ĩre jicāmotocōari, ĩre yiboacami Pedro:

—Yū ūju, to bajiro mū bajirotire bojabecūmi Dios. ¡To bajiro mū bajiroti, mure bajibeticōato! —ĩre yiboacami Pedro.

²³ To ī yisere ajicōari, judarūgūgūne, ado bajiro Pedrore ĩre goticami Jesús:

—¡Satanás, vasa mū! Vātia ūjare ñagōbosagu yaja mū. To bajiro yibesa. “Dios ī bojarore bajiro yibeticōato” yigure bajiro yaja mū. To bajiro mū

yijama, Dios ĩ tuoĩarore bajiro me tuoĩaja mu. Masa ĩna tuoĩarore bajiro tuoĩagũ yaja —Pedrore ĩre yicami Jesús.

²⁴ To yicõari, ado bajiro ĩ buerãre yuare yicami Jesús:

—No bojagũ yu ĩ ñarũajama, ĩ bojasere ĩ ye ñarotire tuoĩabecũne, “Jesũre bajiro rojose tãmuorũcũja yu quẽne” yituoĩacõari, yũuare ajisũyarũcũmi. ²⁵ No bojarã, ĩna bojaro ñare cutirãma, adi macarũcũrore ñasere ĩavariquẽnacõari, Diore tuoĩamenama, Dios ĩ catisere yayibetire cũomena ñaruarãma ĩna. To bajilboarine, yure ajitirũnurã, yu oca ĩna gotisere ajijũnisinicõari, ĩna sũarãma, Dios tu quẽnaro ñarona ñarãma. ²⁶ Sigũ adi macarũcũroju gajeyeũni jediro ĩ bujaboajaquẽne, beroju rojose tãmuotũjabetiriaroju ĩ vajama, gajeyeũni ĩ bujaboare, ñie vaja manoja. Ñiere Diore ĩsimasibecũmi, “Ī rijato berojuma tudirijabeticõato” yigũ, “Dios ĩ catisere yure ĩsiato” yigũ. Mani rijato berojuma “Tudirijabeticõato” yigũ, Dios ĩ catisere ĩ ĩsise cõro vaja cuti manoja. ²⁷ Yu, Dios ĩ roticõacacũ ñacõari, “Quẽnarẽtogũ ñaja yu”, yu jacũ ĩ yĩorore bajiro yigũ ñari, ĩ bususe rãca tudiejarũcũja yu. Yu rãca vadiruarãma Dios ĩ cõarã, ángel mesa. Tudiejacõari, masa ĩna yisere ĩacõari, “To bajiro yirã ñari, quẽnase bujarã, rojose tãmuorã bajiruarãja mu”, ĩnare yirũcũja yu. ²⁸ Riojo muare gotiaja yu. Muã sigũri muã bajireabetone, “Ñajediro uju ñaami yu roticõacacũ” Dios muare ĩ yĩosere ĩaruarãja muã —yuare yicami Jesús. g

17

Ī buerimasa ĩna ĩaro rĩjorojua Jesús ĩ godovedĩore queti

(Mr 9.2-13; Lc 9.28-36)

¹ Cojomo cõro, coja jẽnituarirũmu bero, Pedro, Santiago, ĩ bedi Juanre quẽne ũmariburo joeju ĩnare ũmato vacami Jesús. ² Toju ĩna ejaro, ĩna ĩaro rĩjorojua, Jesús rioga busucoasuju ti. Īmuagũ mujire ĩacãnamuriarore bajiro cajemose busuyuju ti. To yicõari, sudi ĩ sãñase quẽne bũto boticoasuju ti. ³ To bajicõari, Moisés ñamasir'i, El'ias ñamasir'i rãca Jesús tu ruyuarũgũcõari, ĩ rãca ĩna gãmerã ñagõsere ĩañujarã ĩna, Pedro mesa. ⁴ To bajiro ĩna bajisere ĩacõari, ado bajiro Jesũre yiyuju Pedro:

—Yu uju, adoju mani ñajama, quẽnamasucõaja. Mu bojajama, muã ñaro cõrone vijãiri muare buabosarũcũja yu. Mu yajãi, El'ias yajãi, to yicõari, Moisés yajãi buabosarũcũja —Jesũre yiboayuju Pedro.

⁵ To bajiro ĩ yirirĩmarone, bueri bũto cajemose ĩnare buebibecõañuju ti. Ti bueri vatoaju ado bajiro ocaruyuyuju:

—Ånine ñaami yu macũ, yu maigũ. Īre bũto ĩavariquẽnaja yu. Īre quẽnaro ajitirũnuña muã —yi ocaruyuyuju.

⁶ To bajiro yi ocaruyusere ajicõari, bũto gũiyujarã ĩna Pedro mesa. Bũto gũirã ñari, muqueacoasujarã ĩna. ⁷ To bajiro ĩna bajisere ĩacõari, ĩna tu vacõari, ĩnare moaĩañuju Jesús. ĩnare moaĩagũne, ado bajiro yiyuju:

—Vũmurũgũña. Gũibesa muã —ĩnare yiyuju.

⁸ To bajiro ĩ yiro bero, ĩamuoboayujarã. El'iare, Moisére ĩnare ĩabũjabesujarã. Jesús sigũne ñañuju ĩ yuja.

⁹ To bajiro bajicõari bero, ti buro ĩnare ũmato rojacũne, ado bajiro ĩnare rotiyuju Jesús:

g 16:28 Dios oca masa ĩna ucamasire buerẽtoburimasa sigũri ado bajiro yicama ĩna, 16.28 gotirijare: “ ‘Ñajediro uju ñaami yu roticõacacũ’ Dios muare ĩ yĩorotire’ Jesús ĩ yijama, ĩ buerimasa sigũri ĩna ĩaro rĩjorojua Jesús ĩ godovedĩore yigũ yirimi”, yicama Dios ocare buerẽtoburimasa sigũri.

—Jēju m̄ua ĩasere gājerāre gotibeja maji, yu, Dios ĩ roticōacacu, yu rijato bero, quēna yu tudicatiroto r̄ijorore —Īnare yiyuju Jesús.

¹⁰ To ĩ yijare, ado bajiro Jesúre sēniñañujarā ĩna:

—¿No yirā, “Rotim̄or̄ūgōr̄uc̄ami” yiḡu, Dios ĩ cōarocu ĩ ejaroto r̄ijoro ejaruc̄ami El'ias ñamasir'i”, yati ĩna Dios ĩ rotimasire gotimasiiorimasa? —Īre yisēniñañujarā ĩna.

¹¹ To ĩna yijare, ado bajiro ĩnare cadiyuju Jesús:

—Riojo yiyuma Dios ĩ rotimasire gotimasiiorimasa, “El'ias ñamasir'i ejas̄or̄uc̄ami” ĩna yijama. “Rotim̄or̄ūgōr̄uc̄ami” yiḡu, Dios ĩ cōarocu, ĩ ejaroti ñajare, “Jediro Dios ĩ bojarore bajiro yirā, quēnaro ñayuto mani” yiḡu, ejas̄or̄uc̄ami. To bajiro ĩ bajiroti ñajare, Dios ĩ rotimasire gotimasiiorā, ĩna gotiri vāmere bajirone yaja Dios oca masa ĩna ucamasire quēne. ¹² “To bajiro yaja” yimasirā ñaboarine, ĩ ejaro ĩre ĩamasibesuma ĩna. Jēre ejayumi. To ĩ bajiboajaquēne, ĩna bojarore bajiro rojose ĩre yiyuma. Yu, Dios ĩ roticōacacure quēne, to bajirone yure yiruarāma —Īnare yitudioja vayuju Jesús.

¹³ To bajiro ĩ yisere ajimasicōari, “El'ias ñamasir'ire ĩ yijama, Juan vāme cutiḡu, masare oco rāca bautizarimas̄ujare gotiḡu yami, ĩre bajiro t̄uōiar'i ĩ ñajare”, yiajimasifñujarā ĩna Pedro mesa.

*Masu us̄uju s̄añaḡure vātire Jesús ĩ burocare queti
(Mr 9.14-29; Lc 9.37-43)*

¹⁴ Ti buroju majariarā, yua tu rojaejacama ĩna quēna. Jājarā masa ñacama yua rāca. Jesús ĩ tudiejasere ĩacōari, ĩ r̄ijoroju ḡusomuniari tuetucami s̄iḡū. To yicōari, ado bajiro Jesúre yicami:

¹⁵ —Yu uju, yu macure ĩamaiña m̄u. Biyarocaca rijaquedirūḡūami. To bajica yiḡu, buto rojose t̄am̄or̄ūḡūami. Cojoji me jeameju rocat̄iacōarūḡūami. To bajicōari, oco vatoaju quēne rocaroacōarūḡūami. ¹⁶ M̄u buerā tu ĩre āmiejaboabu yu. ĩ us̄ujare s̄añaḡure vātire burocamasimema ĩna —Jesúre yicami.

¹⁷ To ĩ yisere ajicōari, ado bajiro yicami, yuare ĩ buerimasare, to yicōari, ĩre ajirā ejarāre quēne:

—Rojosere t̄uōiarā ñari, Diore ajitir̄ñ̄mena masu ñacōaja m̄ua. ¿No cōroju m̄uare gotimasio t̄ujaguti yu? Yoaro m̄ua rāca yu ñaboajaquēne, yu masisere m̄uare yu ujosere ajitir̄ñ̄beaja m̄ua maji —yuare yicami Jesús. To yiḡune, —Adoju vāti s̄añaḡure ĩre āmiaya —yicami Jesús.

¹⁸ ĩre ĩna āmiejarone, ĩ us̄uju s̄añaḡure vātire burocacōacami Jesús. Vāti ĩ budirir̄imarone, catiquēnaḡū ñacoacami daqueguja.

¹⁹ To ĩ yiro bero, ricati cāmoticōari, Jesúre ado bajiro ĩre sēniñacaju yua:

—¿No yirā daquegu us̄ujare s̄añaḡure vātire burocamasibeti yua? —Īre yicaju yua.

²⁰ To bajiro yua yisere ajicōari, ado bajiro cadicami Jesús:

—“Dios ĩ ejarēmose rāca burocaruarāja” yit̄uōiamena ñari, vātire burocamasibesuja m̄ua. Riojo m̄uare gotiaja yu: “Mojoroaca yimasirā ñaboarine, Dios ĩ ejarēmose rāca yimasicōarāja” yirā, i burore, “Gajeroju vasa” m̄ua yirotijama, to bajirone bajiruaroja ti. Ñiejua m̄ua yimasibeti maniruaroja. ²¹ To bajiboarine, jēju yu burocagure bajiro bajirāre m̄ua burearuajama, bare bamenane Diore sēnicōari r̄ine bureamasiruarāja m̄ua —yuare yicami Jesús.

“Yure sīaruarāma”, Jesús ī yigotibabore queti

(Mr 9.30-32; Lc 9.43-45)

²² Galilea sitajū vana, gāmerā cāmotadiri mene cojojūnane Jesúrāca vacudicajū yua. To bajiro yuare ūmato bajicudigūne, ado bajiro yuare yicami Jesús:

—Yure Dios ī roticōacacure masare īsirocarucumi sīgū. ²³ To bajiro ī yijare, yure sīaruarāma īna. Yure īna sīaboajaquēne, idiarūmu tusatirūmune yure catorucumi Dios —yuare yicami Jesús.

To bajiro ī yisere ajicōari, buto sutiriticajū yua, ī buerā.

Diore yirūcubūoriavire boarijaurire quēnoruarā, vaja sēnirimasa, Pedrore īna sēniāre queti

²⁴ To ī yiro bero, Capernaum vāme cuti maca ejacajū yua, Jesúrāca. Toju yua űaro, Diore yirūcubūoriavire boarijaurire quēnoruarā, vaja sēnirimasa, Pedrore sēniāarā ejayujarā, macajūju:

—¿Mūare gotimasiorimasuma, Diore yirūcubūoriavi quēnoroti vaja īsibecuti ī? —Pedrore ĩre yisēniāñujarā īna.

²⁵ —Īsirucumi —yicūdiyuju Pedrojūama.

Tiju bero, vijū sājaecāōari, vaja sēnirimasa īna sēniāre ī gotibetone, Jesúju, ado bajiro Pedrore ĩre boca yicōacami:

—Simón, ¿no bajiro tuoīati mū? ¿Adigodoana űjarā, űimarājuare vaja yirotiati? ¿Īna yarārene gāmerā vaja sēniatique? ¿Gajero vadiriārājuare vaja yirotirūgūatique īna? —Pedrore ĩre yisēniācami Jesús.

²⁶ To bajiro ī yisēniārone, ado bajiro ĩre cūdicami Pedro:

—Gajero vadiriārājuare vaja yirotirūgūama —yicūdicami Pedro.

To ī yirone, ado bajiro yicami Jesús:

—Riojo yaja mū. To bajiri Dios macū űari, yu ya vi ti űajare, Diore yirūcubūoriavi coderāre vaja yibecūja yūma. ²⁷ To bajiboarine, “Rojose manire tuoīabeticōato” yirā, mani vaja yijama, quēnaja. Ūtabucuraju vasa mū. Toju vai vejeba. Basuogure ĩre sīacōari, ī riseju gājoatii bujarucūja mū. Titiine ĩnare vaja yiroti űaroja, Diore yirūcubūoriavi coderāre. Titiire āmicōari, ĩnare ĩsima —Pedrore ĩre yicami Jesús.

18

“¿Īnimūja űagūti űamasugū űarocu?”, Jesúre ĩna yisēniāre queti

(Mr 9.33-37; Lc 9.46-48)

¹ Tirūmune Jesúre ĩre sēniācaju yua ī buerimasa:

—Mūre yua rotibosarirodo ti ejaro, ¿Īnimūja űagūti űamasugū űarocu? —ĩre yisēniācaju yua.

² To yua yirone, sīgū daquegure jicōari, yua rĳjorojuā ĩre rūgōroticami Jesús. ³ To yicōari, ado bajiro yuare yicami:

—Riojo mūare gotiaja yū. Daquerā, “űamasurā me űaja yua” ĩna yituoīarore bajiro mūa tuoīabetijama, Ūju Dios yarā quēnaro ī yirā me űaruarāja mūa. ⁴ Ūju Dios yarā űamasurā űaama āni daquegure bajiro tuoīarā, “űamasurā me űaja yua” yirā. ⁵ Āni daquegure bajiro tuoīarā ĩna űajare, gājerā tu ĩna ejaro, quēnaro ĩnare yirāma, yūjuare quēnaro yirāre bajiro yirā yirāma —yuare yicami Jesús.

“Mūa suorine gājerā rojose ĩna yijama, gūiose űaja”, Jesús ī yigotimasiore queti

(Mr 9.42; Lc 17.1-2)

⁶ Quēna ado bajiro yuare goticami Jesús:

—No bojarā, āni daquegure bajiro tuoīarāre, yure ajitirānūrāre rojose īna ūmato yijama, buto rojose tāmōuarāma. Rojose īnare īna ūmato yiroto rījoro, tocārācurene īna āmuarījure gūta jairica siatucōari, riaga ūcuarōjū īnare rearoderuucōajama, rojose tāmōobetibūsaborāma. ⁷ Rojose yirā suorine buto rojose tāmōuarāma masa. Rojose yirā jājarā űnarāma. To bajiri gājerāre rojose ūmato yiruārāma. To īna yise suori buto rojose masu tāmōocōaruārāma.

“Buto mña maise ti űaboajaquēne, ti suorine Dios ĩ bojabeti mña yijama, tire reacōaña”, Jesús ĩ yire queti

(Mt 9.43-48)

⁸ “Yū āmo suorine rojose yibu yū” mña yituoīamasijama, jatarocaya. “Yū gūbo suorine rojose yibu yū” mña yituoīamasijama, jatarocaya. Mñare cojo āmo, cojo gūbo ti manijama, quēnabetoja. To bajiboarine juaāmo rāca, jua gūbo rāca mña bajireajama, jeame yatibetimejū mña vajama, rēto busaro quēnabetiruaroja. ⁹ “Yū cajea suorine ĩabojačōari, rojose yibu yū” mña yituoīamasijama tiare āmirocacōaña. Coja cajea mñare ti manijama, quēnabetoja. To bajiboarine, jua jūne caje cuticōari, mña bajireajama, jeame yatibetimejū mña vajama, rēto busaro quēnabetiruaroja — yuare yicami Jesús.

“Oveja yayir'ire īnare coderimasū ĩre macagūmi”, Jesús ĩ yigotimasiore queti

(Lc 15.3-7)

¹⁰ Quēna ado bajiro yuare goticami Jesús:

—Yure ajitirānūrāre, “űamasurā me űaja yua” yituoīarāre, “Vaja mana űaama”, īnare yūatebeja. Ō vecajū āngel mesa űaruārāma īnare ĩatirūnūrā. Yū jacu tūjere cojorāmū ruayabeto īnare űagōbosarūgūrāma. ¹¹ Yayirāre bajiro bajirāre, rojose tāmōoboronare, īnare yirēto bosagū vadica jū yū, Dios ĩ roticōacacu — yuare yicami Jesús.

¹² To bajiro yicōari, ado bajiro yirūtuacami Jesús:

—Adi quetiaca mñare yū gotimasiosere quēnaro ajituoīaña mña. Sīgū űagūmi cien oveja cuogu. Cojorāmū sīgū yayicoacumi. To bajiri īnare coderimasū, ruyarāre, noventa y nueve űarāre ta vesejū īnare cūcōari, yayir'ire macagū vacoacumi ĩ. ¹³ Gājerā yayimena noventa y nueve űarirācure, “Yayibesuma” yivariquēnagū űaboarine, yayir'ire bujacōari, īnare ĩ variquēnaro rēto busaro ĩre variquēnagūmi. ¹⁴ Mani jacu ō vecagu to bajirone bajigūmi ĩ quēne. Sīgū ruayabeto daquegure bajiro tuoīagū, Dios tū ĩ űabetirotire bojabecumi Dios — yuare yicami Jesús.

“Mñare bajiro yure ajitirānūgū űaboarine, rojose mñare ĩ yijama, ado bajiro ĩre űagōquēnoma”, Jesús ĩ yigotimasiore

(Lc 17.3)

¹⁵ Quēna ado bajiro yuare gotimasiosocami Jesús:

—Yure ajitirānūgū űaboarine, rojose mñare ĩ yijama, gājerāre gotime-nane, ĩ tū vacōari, űagōquēnoma, “Riojo yaja mñ. Mure rojose yibu yū' yato ĩ” yirā. “Riojo yaja mñ” ĩ yijama, űagōquēnoruarāja mña. To bajiri ĩ rāca quēnaro baba cutiruārāja mña quēna. ¹⁶ “Bajibeaja” ĩ yicudijama, gājerā juarā, yure ajitirānūrā, “Rojose yibu mñ” ĩre yimasirāre īnare jicōari, ĩ tū vaja mña. Juarā īna manijama, sīgū yure ajitirānūgure, “Rojose yibu mñ” ĩre yimasigūre jicōari, ĩ tū vaja mña. ¹⁷ ĩnare quēne ĩ ajibetijama, yure

ajitirūnucōari m̄ua rāca rējarā jediro ĩna ĩaro rĭjorojua ĩnare gotiba m̄ua. ĩna jediro “Rojose yiyuja m̄u” ĩre ĩna yisere ĩ ajibetijama, Diore ajibecure, to yicōari, ujure gājoa sēnibosarimasare ĩnare m̄ua cāmotadiriarore bajiro ĩre cāmotadiruarāja m̄ua —yure yicami Jesús.

¹⁸ Quēna ado bajiro yure yicami Jesús:

—Riojo m̄uare gotiaja yu. Adi macarucuroju yure rotibosarā ĩnaruarāja m̄ua. To bajiro yirā ĩari, “Ado bajiro m̄ua yijama, Dios yarā ĩnaruarāja m̄ua. Ado bajirojua m̄ua yijama, Dios yarā me ĩnaruarāja m̄ua”, yimasiruarāja —yure yicami Jesús.

¹⁹ Quēna ado bajiro yure yicami Jesús:

—Gajeye ado bajiro m̄uare gotiaja yu: Sĭgū ĩ t̄oĭarore bajirone m̄ua t̄oĭajedicōajama, m̄ua bojasere ĩsirucumi yu jacu ō vecagu. ²⁰ No bojarijū juarā, idiarā, yure ajitirūnurā ĩari, Diore ĩna sēnijama, ĩna rāca ĩnarucuja yu —yure yicami Jesús.

²¹ To ĩ yiro bero, ado bajiro Jesúre sēniĭacami Pedro:

—Yu uju, sĭgū m̄ure ajitirūnugū ĩnaboarine, yure rojose ĩ yijama, ĩnocārācaji masu ĩre masirioḡuti yu? ĩCojomo cōro gaje āmo jua jēnituarō ĩnarirācajine ĩre yu masiriojama, quēnarōjari? —Jesúre ĩre yicami.

²² To ĩ yisere ajicōari, ado bajiro ĩre cūdicami Jesús:

—Tocārācajine rojose m̄ure ĩ yiro cōrone masirioroti ĩnaja m̄ure —ĩre yicami Jesús.

“Manire rojose ĩna yisere mani masiriobetijama, Dios quēne, ĩ bojabeti mani yisere masiriobetirucumi”, Jesús ĩyigotimasiore

²³ To yicōari, ado bajiro ĩ buerāre yure gotimasiocami Jesús:

—Buto rojose m̄ua yiro bero, s̄utiriticōari, “Yure masirioya” Diore m̄ua yijama, m̄uare masirioḡumi. To bajiro m̄uare ĩ yise ĩnjare, “Gājerā rojose m̄uare ĩna yiboajaquēne, m̄uare masirioroti ĩnaja” yigu, ado bajise gotimasiore queti m̄uare gotiaja yu: Uju, ĩre vaja morāre gotiru, ĩre moabosarimasare jicōagūmi. ²⁴ ĩre vaja morāre “Adocārāca ĩnaama” ĩ yiguadijune, sĭgū jairo ĩre vaja mogūre ĩre āmiejarāma ĩna. ²⁵ ĩre ĩna āmiejarāre ĩmarore, ĩne rāca vaja yimasibecumi. To bajiro ĩ bajijare, ĩre āmiejarāre ado bajiro ĩnare rotigumi: “Ānire, ĩ manajo, ĩ ĩnare quēne gājerāre yure ĩsibosaya, ‘Gājerāre moabosarimasa ĩnato’ yirā. To yicōari, ĩ gajeyeūni jedirore gājerāre ĩsicōari, vaja sēnima. To yicōari, ti vaja m̄ua bujasere yure ĩsima. To bajiro m̄ua yijama, yure ĩ vaja mose jedicoaruroja”, ĩnare yigotigumi uju. ²⁶ To ĩ yisere ajicōari, ĩ rĭjorojua ḡusomuniari tuetuejagumi ĩre vaja mogū. To yicōari, rucubuose rāca ĩre sēnigūmi: “ĭYu uju, yuya maji! M̄ure yu vaja mosere vaja yijeocōarucuja maji”, ĩre yigumi. ²⁷ To ĩ yisere ajicōari, ĩre ĩamaigū ĩari, “Tone bajicōato”, ĩre yicōa tujacumi, ĩ uju.

²⁸ To bajiro ĩ uju ĩ yisere ajicōari, budicoacumi. Budiacane, ĩ baba mojoroaca ĩre vaja mogūre ĩre ĩabujagumi ĩ quēne. ĩre ĩabujacōari, ĩ ām̄uare ĩniamatagumi. To yicōari, ado bajiro ĩre yigumi: “ĭYure m̄u vaja mosere vaja yijeocōañna m̄u”, ĩre yigumi. ²⁹ To ĩ yiboajaquēne, ḡusomuniari tuetucōari, ado bajise ĩre yigumi: “ĭYuya maji! M̄ure yu vaja mosere vaja yijeocōarucuja yu”, yiboagumi. ³⁰ To ĩ yiboajaquēne, ajibecumi ĩ. To bajiri tubiberiavijū ĩre āmiacōari, ĩre cūrotigumi, “Yure m̄u vaja mosere vaja yijeocōarijū, budirucuja m̄u” yigu. ³¹ ĩ babarā, to bajiro ĩ yisere ĩacōari, buto s̄utiritirāma ĩna. To bajiri ĩna uju tu vacōari, ĩna ĩariaro cōro gotirāma. ³² To bajiro ĩna yisere ajicōari, ĩre vaja moboar’i ĩ masirior’ire jirotigumi

uḡu. Ī ejaro ĩacḡari, ado bajiro ĩre yigumi: “Yure moabosarimasu rojogu masu ĩnacḡaja mu. Yure mu vaja mosere, ‘Tone bajicḡato’ mure yiboabu yu, rūcubose rāca yure mu sēnijare. ³³ Mure yu ĩamairore bajirone mu babare ĩamairoti ĩaboayuja”, ĩre yigumi ĩ uḡu. ³⁴ To bajiro ĩre yicḡari, buḡo jūnisinigū ĩari, ĩre tubiberotigumi ĩ quēne, “Yure mu vaja mosere vaja yijeocḡariju, budirucuja mu” yigu —yure yigoticami Jesús.

³⁵ To bajise gotigajanocḡari, ado bajise yure gotitasacami Jesús:

—To bajirone yirucumi yu jacu ḡ vecagu quēne, gājerā rojose ĩna yisere muḡa masiriobetijama —yure yicami Jesús.

19

“Muḡa manajoare reabetiroti ĩaja”, Jesús ĩyire queti

(Mr 10.1-12; Lc 16.18)

¹ To bajiro ĩ gotimasioro bero, Galilea sita ĩariarā vacḡari, Judea sitaju ejačaju yu. Jordán vāme cutirisa gajejacatujaju ĩacaju ti sita. ² Toju jājarā masa Jesúre suyacama. Rijaye cutirāre ĩnare catiocami ĩ.

³ Toju yuḡa ĩaro sīgāri fariseo masa ejačama, Jesúre sēniātorā. Ado bajiro ĩre sēniātocama ĩna:

—Īno bojase suḡrine, manajo ročajama, quēnacḡati? —ĩre yisēniātocama ĩna.

⁴ To ĩna yisere ajicḡari, ado bajiro ĩnare cudicami Jesús:

—ĪDios oca masa ĩna ucamasire ado bajiro yisere ĩabeticatique muḡa? “Rēmoju ũmure, rōmiore rujeomasinuju Dios”, yigotiaja Dios oca. ⁵ To yicḡari gajeju ado bajiro gotiaja Dios oca: “Ūmu, rōmio ĩ rujeore ti ĩajare, ũmujua, manajo cutigu, ĩ jacure ĩnare cāmotadicoarucumi. Manajo cutijama, juarā ĩaboarine, sīgū rujure bajirone ĩaruarāma”, yigotiaja Dios oca. ⁶ “To bajiruarāma” Dios ĩ yimasire ti ĩajare, muḡa manajoare reabetiroti ĩaja —ĩnare yicami Jesús, fariseo masare.

⁷ To ĩ yisere ajicḡari, ado bajiro tudisēniātocama ĩna:

—Riojo mu gotiboajaquēne, ĩno yigu ricati rotimasinujari Moisés ĩamasir'i? Ado bajiro rotimasinumi ĩ: “No bojagu ĩ manajore ĩ rocaruajama, ‘Mure rocagu yaja’ yise ppera ucacḡari, sore ĩsiroti ĩaja”, yimasinumi Moisés —Jesúre ĩre yicama.

⁸ To bajiro ĩna yisere ajicḡari, ado bajiro cudicami Jesús:

—Diore ajiterā ĩna ĩajare, “Buḡobusa rojose ĩna manajoare yiroma” yigu, manajoa reare beobetimasinuju Moisés ĩamasir'i. Rēmojuma to bajiro me bajimasinuju. ⁹ Riojo ado bajiro mure gotiaja yu: Ī manajo gāji rāca so ajeri cutibetiboajaquēne, sore rocacḡari, gajeo ĩ manajo cutijama, Diojua ĩ ĩajama, ĩ manajo me ĩagōmo. Ī ajerio cutigo ĩagōmo —ĩnare yicami Jesús.

¹⁰ To ĩ yisere ajicḡari, ĩ buerimasajua ado bajiro ĩre yicaju yuḡa:

—To yijama, manajo magūne ĩnacḡaroti ĩaḡuja —ĩre yicaju yuḡa.

¹¹ To bajiro yuḡa yisere ajicḡari, ado bajiro yure yicami Jesús:

—Jediro me ĩarāma, manajo cutibetiboarine, Dios ĩ bojarore bajiro yimasirā. To bajiro yirāma, Dios ĩ ejarēmose rāca yirāma. ¹² Sīgāri manajo cutimena ĩarāma. Rōmia rāca ĩna yiroti ti manijare, bajirāma. To bajirāne ruyuararā ĩari, bajirāma. Gājerāma, “Rīa yimasibeticḡato” yirā, ĩna yijerārā ĩari, bajirāma. Gājerāma, manajo bojamenama, “Yu manajo cutibetijama, yu uḡu, Dios ĩ bojarore bajiro quēnabusaro yimasirucuja yu” yituoīarā ĩari, bajirāma. To bajiro bajirua tuoīarāma, to bajirone bajiato —yure yicami Jesús.

“Rīamasare Jesús ĩ ñubuejeore queti

(Mr 10.13-16; Lc 18.15-17)

¹³ Jesús tujũ rīamasacare juaejacama masa, ĩ āmori ñujeocōari, Diore ĩnare sēnibosato ĩ” yirā. ĩna juaejasere ĩacōari, ado bajiro ĩnare yicajũ yũ, ĩ buerimasa:

—ĭJuavadibesa! Gōjanabioro yaja mũa —ĩnare yicajũ yũ.

¹⁴ To bajiro yũ yiboajaquēne, Jesújuama, ado bajiro yicami:

—Rīamasare ĩnare matabesa. ĩnare bajiro tũoĩarā ñarāma Ƴju Dios yarā quēnaro ĩ yirā —yũare yicami Jesús.

¹⁵ To yicōari, rīamasare ĩ āmori ñujeocōari, Diore ĩnare sēnibosacami Jesús. To yicōari bero, yũare ũmato vacoacami Jesús.

Gajeyeũni jaigũ Jesúre ĩ sēniĩtare queti

(Mr 10.17-31; Lc 18.18-30)

¹⁶ Gajeyeũni jaigũ, Jesúre sēniĩagũ ejacami:

—Gotimasiorimasũ, yũ rijato beroju “Tudirijabeticōato” yigũ, Dios ĩ catisere yũre ĩ ĩsere yũ bojajama, ĩno bajise quēnase yiroti ñati yũre? — Jesúre ĩre yicami.

¹⁷ To ĩ yisere ajicōari, ado bajiro ĩre cūdicami Jesús:

—ĩNo yigũ quēnaseayere yũre sēniĩati mũ? Dios sīgũne ñaami quēnagũma. To bajiri Dios oca masa ĩna ucamasirere ĩaroti ñaja. Mũ rijato beroju “Tudirijabeticōato” yigũ, Dios ĩ catisere mũ bũjarũajama, Dios ĩ rotimasirere cūdiroti ñaja —ĩre yicami Jesús.

¹⁸ To ĩ yijare,

—ĩDisere yati mũ, “Dios ĩ rotimasirere cūdiroti ñaja” mũ yijama? — Jesúre ĩre yicami.

To ĩ yirone, ado bajiro ĩre yicami Jesús:

—Dios ĩ rotimasire yũ yijama, ado bajise rotimasirere yaja yũ: “Sĩabesa. Gāji manajo rāca ajerio cutibesa. Juarudibesa. Socũne, ‘Rojose yimi’ yigotiyirobesa. ¹⁹ Mũ jacũre, mũ jacore quēne quēnaro ĩnare rũcũbuoya. To yicōari, mũ masu rujũre mũ mairone bajirone mũ tũanare maiña”, yigotiaja Dios ĩ rotimasire —ĩre yicami Jesús.

²⁰ To ĩ yirone, ado bajiro ĩre yicūdicami:

—Daquegũjũne tire cūdisũoadicajũ yũ. ĩÑie gajeye rũyati quēnaro yũ yiroti? —Jesúre ĩre yicami.

²¹ To ĩ yisere ajicōari, ado bajiro ĩre goticami Jesús:

—Cojo vāme rũyaja, mũ yiroti, mũ rijato beroju “Tudirijabeticōato” yigũ, Dios ĩ catisere mũ bũjarũajama: Jediro mũ cũosere gājerāre ĩsijeocōaña. To yicōari, ti vaja bũjacōari, maiorõ bajirāre ĩsima. To bajiro mũ yijama, õ vecajũ Dios ĩ ñaroju quēnase bũjarũcũja mũ. To bajiro yigajanocōari, yũre ajisũyaya —ĩre yicami Jesús.

²² To bajiro ĩ yisere ajicōari, buto sutiriti vacoacami ĩ, gajeyeũni jaigũ ñari, tire maigũ.

²³ To bajiro ĩ bajivato ĩacōari, ĩ buerimasare ado bajiro yũare yicami Jesús:

—Riojo mũare gotiaja yũ. Gajeyeũni jairārema, yũre ĩna sũyarũa tũoĩaboajama, buto josarũaroja ĩnare. To bajicōari, yirēto ecobosabetirũarāma. ²⁴ Quēna tire bajise mũare tudigotiaja yũ: Vaibũcũ, camello vāme cutigũ, gājojota gojeacare sājarētobudimasibecami. To bajirone bajiaja gajeyeũni jairāre quēne, yũre ajitirānũ sũyarũaboarāre. To bajiro bajirā ñari, yirēto ecobosabetirũarāma —yũare yicami Jesús.

²⁵ To ĩ yisere ajicōari, no yimasibeticajm yua, ti ũnire ajilbetirũgũriarã ñari. To bajiri ado bajiro ĩre sēniñacajm yua:

—Riojo mũ gotijama, ¿no bajiro bajirãjma Dios tujare ejaruarãda? —ĩre yicajm yua.

²⁶ To yua yirone, yuare ĩacōari, ado bajiro yicami Jesũjama:

—Īna masune ejamasimenama masa, Dios tujare. Diojama, ñajediro yimasijeocōami. Ñiejma josase maja, ĩrema. Ī suorine ĩ tujm ejamasire ñaja —yuare yicami Jesũs.

²⁷ To ĩ yisere ajicōari, ado bajiro yicami Pedro:

—Jediro yua gajeyeũnire cũcōari, mũre sũyacajm yua. ¿To bajiro yua bajicati vaja, ñie bũjarãti yua? —Jesũre ĩre yicami.

²⁸ To ĩ yisere ajicōari, ado bajiro yuare cũdicami Jesũs:

—Riojo mũare gotijaja yu. Cojorũmũ adi macarũcuro ti jediro quēna tudiquēnorũcũmi Dios. To bajiro ĩ yirirũmũ yu, Dios ĩ roticōacacũ, rũcũbũoriajũ rujirũcũja yu, rotiguagũ. To cōrone mũa quēne yure sũyarã, juaãmo cōro, cojo gũbo jua jēnituario ñaricũmurorire rujiruarãja mũa. To yicōari, mani yarã, jud'io masa, juaãmo cōro, cojo gũbo jua jēnituarirãcũ ñarã masatubuarire rotiruarãja mũa. Yure ajitirũnũrãre, to yicōari, yure ajitirũnũmenare ĩabesemasiruarãja. ²⁹ No bojarã, yure ajitirũnũrã ñari, ĩna ya vi, ĩna yarã, ĩna jacua, ĩna rĩa, to yicōari, ĩna ya veserire quēne ĩna maise ñaro cōro ĩna vaveojama, adigodojũ ĩna cũosũore rētoũsaro quēnase bũjaruarãma ĩna, Dios tujũ. ³⁰ To bajiboarine adire quēne quēnaro tũoĩañã mũa: Jãjarã ado bajiro mũa tũoĩarore bajirone tũoĩaboarãma: “Dios ĩ bojase yirã rētoro Dios ĩ bojase yirã ñari, ñamasurã ñaja yua. To bajiri, õ vecajure quēne ñamasurã ñari, quēnase bũjaruarãja”, yitũoĩaboarãma. To bajiro yirã ñari, gãjerãre ĩacōari, “Īna ya vi, ĩna yarã, ĩna jacua, ĩna rĩa, to yicōari ĩna ya veserire vaveomena ñari, ñamasurã me ñaama. To bajiri, õ vecajure quēnase mojoroaca bũjarona ñaama”, yitũoĩaboarãma. To bajiro me bajirũaroja. Adojũ ñamasurã, õ vecajurema ñamasumena ñaruarãma ĩna. Adi macarũcurojũ ñamasumenama, õ vecajurema ñamasurã ñaruarãma —yuare yicami Jesũs.

20

Moabosarimasa ĩna bajire rãca tũoĩacōari, “Adi macarũcurojũre ñamasurã, õ vecajurema ñamasurã me ñaruarãma ĩna”, Jesũs ĩ yigotimasiore queti

¹ To yicōari, ĩ buerimasare yuare gotimasiorũtuacami Jesũs. “‘Adojũ ñamasurã ñaja yua. To bajiri õ vecajũ quēne ñamasurã ñari, quēnamasuse bũjaruarãja’ yitũoĩabeticōato” yigũ, ado bajise yuare gotimasioami:

—Uye vese cũogũ, uye ti bũcũaro ĩacōari, busurijũ jējũ ĩre moabosaronare jigũ vacũmi. To bajirone yirũcũmi Dios, mũa uju quēne. ² ĩnare bũjacōari, ado bajiro ĩnare gotigũmi: “Mũa moase vaja mũa sēniro cōrone mũare vaja yirũcũja yu”, ĩnare yigũmi. To yicōari, ĩnare moaroticōagũmi, ĩ ya veseju. ³ Muiju ĩ asitutuajedirijũ cōro, moaruarã ĩna yuritũcurojũ ĩna ñacōajare, gãjerãre ĩnare ĩabũjagũmi. ⁴ “Vasa, mũa quēne. Yu uye veseju moaaya. Mũa moajama, quēnaro mũare vaja yirũcũja yu”, ĩnare yigũmi. ⁵ To bajiri ĩna quēne ĩre moabosarã vacoanama. To yicōari, bero ũmũrecaji ñaro vacũ, gãjerãre bũjagũmi. Ñamicajma ti tusato vacũ, gãjerãre bũjagũmi quēna. Moare manare bũjacōari, ĩnare moaroticōagũmi. ⁶ Yucũ veca muiju tusato, gãjerã moaruarã ĩna yuritũcurojũ ejacōari, moamenane

Īna ñacōajare, “¿No yirā moamenane ñarũmu cutiati mua?”, ĩnare yigumi. 7 To ĩ yirone, “Ñimujua, yuare moarotibeami. To bajiri ñacōaja yua”, ĩre yirāma ĩna. To bajiro ĩna yijare, “Vasa mua quēne. Yu uye veseju yure moabosaaya”, ĩnare yigumi.

8 Rāioriju, ĩre moabosarimasare coderimasare ĩre jigumi. “Yuare moabosarimasare ĩnare jiaya mu”, ĩre yigumi. “To yicōari, ejatusariarāre vaja yisuoaya. ĩnare vaja yigajanocōari, ĩna rĳjorobusa ejariarāre vaja yiya. To bajiro rĳne yicōa vasa. To bajiri, moarā ejasuoariarāre ĩnare vaja yitusaaya”, ĩre yigumi, ĩre moabosarimasare coderimasare. 9 To bajiro ĩ yijare, ejatusariarājua ejasuoarāma. ĩna ejaro ĩacōari, cojorũmu vaja tariaro cōro ĩna moare vaja ĩnare vaja yigumi. 10 To cōro ĩna vaja tasere ĩacōari, “Manima jaibusaro bujaruarāja”, yituoĭaboarāma ejasuoariarājua. To bajiro yituoĭaboariarāre gājerā ĩna vaja taro cōrone ĩnare vaja yigumi. 11 Uju ĩ vaja yirotisere ĩacōari, ñagōjairāma ejasuoariarājua: 12 “Veseju ejatusariarā, yoaro meaca ĩna moaboajaquēne, yuare mu ĩsiro cōrone ĩnare ĩsiaja mu. Yua, cojorũmu jediro, muiju ĩ asicōaro josari moaboabu yua”, ĩre yitud'irāma, ĩna ujure. 13 To bajiro ĩna yiboajaquēne, sĳgure ado bajiro cudigumi ĩna uju: “Rojose mure yibeju yu. Jēju, ‘Mua vaja sēniro cōrone muare vaja yirucuja’ yigu ñari, to cōrone muare vaja yibu. 14 Mu moare vaja juacōari, vasa. Mure yu vaja yiro cōrone, ‘Ejatusariarāre quēne vaja yirucuja’ yituoĭamu yu. 15-16 Yu ye gājoa ñamu ti. To bajiri yu bojarore bajirone yibu yu. ĩnare quēnaro yu vaja yisere ĩajūnisiniaja mu”, ĩre yigumi ĩ uju. To bajiri adi queti muare yu gotirote bajiro bajiruaroja. Adoju ñamasurā, ō vecajuaema ñamasumena ñaruarāma ĩna. Adi macarucuroju ñamasumenama, ō vecajuarema ñamasurā ñaruarāma —yuare yicami Jesús.

“Yuare sĳaruarāma”, Jesús ĩ yigotitusare queti

(Mr 10.32-34; Lc 18.31-34)

17 Jerusalénju yuare ūmato varũtu vacune, juaāmo cōro, gubo juā jēnituarirācu ñarāre yuare gotiru, ricati yuare jicāmotocami Jesús:

18 —Quēnaro ajiya mua. Jerusalénju vana bajiaja mani. Toju mani ejaro, yure Dios ĩ roticōacacure paia ujarāre, Dios ĩ rotimasire gotimasiorimasare ĩsirocarucumi sĳgū. ĩnajua, “ĩre sĳaroti ñaja”, yure yiruārāma. 19 To yicōari, romano masare yure ĩsiruārāma. To ĩna yijare, yure ajatud'icōari, bajaranāma ĩna. To yicōari, yucútēroju yure jajuturuārāma. Yure jajutucōari, yu rijato bero, yure yujeboaruārāma. To ĩna yiboajaquēne, yure ĩna sĳaro bero, idiarũmu t̄satirũm̄ne yure catiocōarucumi Dios —yuare yicami Jesús.

Santiago mesa jaco Jesúre so sēnire queti

(Mr 10.35-45)

20 To ĩ yiro bero, Zebedeo rĳa jaco, so rĳa rāca ejacamo, so rĳa ĩna bajirotire Jesúre sēnigō ejago. Adocārācu ñacama so rĳa: Santiago, Juan ñacama ĩna. Jesúre rucubuoĭoĭo, ĩ rĳjoroju gusomuniari t̄uetucamo so. To yicōari, Jesús quēnaro so rĳare ĩ yirotire sēnicamo. 21 So sēnisere ajicōari,

—¿No bajiro quēnaro yu yirotire bojati mu? —sore yicami Jesús.

To ĩ yijare, ado bajiro cudicamo so:

—“Ñajediro uju ñaja yu” yĳocōari, mu rotisuoarirodo ti ejaro, yu rĳare ado bajiro ĩnare mu ūmato rujirotire bojaja yu: Sĳgū mu riojojacatua, gājire mu gācojacatua ĩnare ūmato rujirucuja mu, “Mu rotirore bajirone ĩna quēne rotimasiato” yigu —ĩre yicamo so.

22 To so yisere ajicōari, so rīajūare ado bajiro yicami Jesús:

—Tūoīamasimenane yūre sēniboaja mūa. Yū rāca mūa rotirūajama, ħmūa quēne yūre bajirone rojose tāmūorātique mūa? —Īnare yicami Jesús.

—Bajicōarāja —Īre yicama ĩna.

23 To ĩna yisere ajicōari, ado bajiro yicami Jesús:

—Riojo mūare gotiaja yū. Mūa quēne, yū tāmūorotire bajiro rojose tāmūorūarāja. To bajiboajaquēne, yū riojojacatūa, yū gācojacatūa mūare rojomasibecuja yū. “Īna űarūarāma yū macu tu rujirona” yū jacu ĩ yicana rīne rujirūarāma —Īnare yicami Jesús.

24 Jesús buerimasa jūāāmo cōro űarā, yūa ajibetone, “To bajiro bojaja yūa” ĩna yirudisere ajicōari, jūnisinicaju yūa. ^h 25 To bajiro yūa bajijare, yūa jedirore jirēocōari, ado bajiro yicami Jesús:

—Ījarā, Dios yarā me űarā, ĩna yarāre buto tutuaro rotirāma ĩna. Tire masiaja mūa —yūare yicami. ²⁶ —Mūama, yū yarā űari, ĩnare bajiro bajibetirūarāja. Yūre ajitirūnūrā, űamasurā űarūarāma, gājerā ĩna bojasere masicōari, quēnaro ĩnare yiejarēmōrā. ²⁷ To bajiri űamasurā mūa űarūajama, gājerāre moabosarūarāja mūa. ²⁸ Dios ĩ roticōacacu quēne, to bajirone bajiaja yū. “Gājerā yū bojasere masicōari, quēnaro yūre yato ĩna” yigu me vadicaju yū. “Īna bojasejūare masicōari, quēnaro ĩnare yirūcuja” yigu vadicaju yū. To yicōari, jājarā rojose ĩna yisere Dios ĩ masiriose vaja, ĩnare vaja yibosaguagu vadicaju yū —yūare yicami Jesús.

Jūarā caje ĩamenare Jesús ĩ ĩarotire queti

(Mr 10.46-52; Lc 18.35-43)

29 Jericó vāme cuti maca űacōari, yūa vatone, jājarā masa yūare sūyacama, Jesúre ĩarā. ³⁰ Toju yūa vatone, jūarā ĩamena rujicama, maa tu. Jesús ĩ rētosere ajicōari, ado bajiro ĩre jiavasācama ĩna:

—Yūa űju, Īju David űamasir'i jānami, “Rotimūorūgōrūcūmi” yigu, Dios ĩ cōar'i űaja mū. Yūare ĩamaiűa mū —yiavasācama ĩna. ³¹ To bajiro ĩna yiavasārone,

—Īavasābesa! —Īnare yicama masa. To bajiro ĩna yiboajaquēne, butobūsa avasācama ĩna:

—Yūa űju, Īju David űamasir'i jānami, “Rotimūorūgōrūcūmi” yigu, Dios ĩ cōar'i űaja mū. Yūare ĩamaiűa —Jesúre ĩre yiavasācama ĩna.

32 To ĩna yisere ajicōari, tujarūgūcūmi Jesús. To bajicōari, ĩamenare jicami:

—ĪNo bajiro mūare yū yisere bojati mūa? —Īnare yisēniācami, caje ĩamenare.

To ĩ yijare, ado bajiro ĩre yicūdicama:

33 —Yūa űju, tudīarūaja yūa —Īre yicama ĩna.

34 To ĩna yisere ajicōari, ĩnare ĩamaigū űari, ĩna cajearire moāīcami. To bajiro ĩ yirirīmarone, ĩamena űaboacana, ĩacoacama ĩna yuja. Īacōari, ĩna quēne Jesúre sūyacoadicama.

^h 20:24 Zebedeo manajo, Juan, Santiago jaco, Jesús buamo űaűuju so. To bajiri, “Ī yarā űaama” yitūoīagō űari, “Yū rīare quēnaro yirūcūmi”, yitūoīaboayuju so. Tire ajimasicōari, jūnisiniűujarā Jesús buerā jūāāmocārācu űarāja, “Ī yarā űajare, ejarēmogūmi” yitūoīarā űari.

21

“*Rotimuoꝛügōꝛucumi*’ yigū, *Dios ī cōagū ñaja yu*” yīlogū, *Jerusalénju Jesús ī ejare queti*

(*Mr 11.1-11; Lc 19.28-40; Jn 12.12-19*)

¹⁻² Jerusalén cōñana, Betfagé vāme cūti maca ejacaju yua. Olivo vāme cūti buro judo ñacaju ti maca. Toju juarā yua rācanare ī buerāre ado bajiro ĩnare roticōacami Jesús:

—Mani varoto riojo ñarimacare vasa maji. Toju ejacōari, burra ĩna siaturūgōꝛiore bujaruarāja mūa, so macu rāca ñagōre. ĩnare ōjacōari, yure juadibosaba. ³ Ti macagu mūa ōjaro ĩacōari, mūare ī sēniĩajama, “Mani uju ĩnare bojami. No cōro mene tuōcōarucumi quēna”, ĩre yicūdiba. To bajiro mūa yisere ajicōari, sēniārēmobetirucumi. “*Bau. Vasa*”, mūare yirucumi —ĩnare yicami Jesús.

⁴ To bajiro ĩnare yiroticami Jesús, Diore gotirētobosarimasu, “Ado bajiro bajiruaroja” ī yiucomasire ñajare:

⁵ “Jerusalén macanare ado bajiro yiruārāja mūa: ‘Īaĩna mūa. Mūa uju vadiami. “Ñamasugū me ñaja yu” yitūōĩagāre bajiro ejaami. Burra, gajeyeūni ũmagō macu joeju jesacōari, vadiami’ yiruārāja mūa”, yiucomasiñuju Diore gotirētobosarimasu.

⁶ To bajiri Jesús ī rotisere ajicōari, ī rotirore bajirone yiyuma ĩna. ⁷ Burra to yicōari, so macare quēne ĩnare juaejacama ĩna. To yicōari, ĩna ye sudi joeayere vejecōari ĩna joere jeocama ĩna. To ĩna yiro bero, macujuare vaejacami Jesús. ⁸ Jājarā masa ñacama. ĩna ye sudi joeayere vejecōari, ī varotijure cū rĩjoro cūticama. “Yua uju ñaja mu” yirā, to bajiro yicama, Jesure rūcubuoꝛā. Gājerā yucū rujuri jasurecōari, maare cū rĩjoro cūticama. ⁹ To yicōari, “ “*Rotimuoꝛügōꝛucumi*” yigū, *Dios ī cōagū ñaja yu*’ yīcōari, rotisuoꝛucumi yuja” Jesure ĩre yitūōĩarā ñari, buto variquēnacama ĩna. ĩre rĩjoro cūti vana, ĩre sūyarā quēne, ĩre ĩvariquēnarā ado bajiro avasā vacama ĩna:

—ĭUju David ñamasir'i jānami, “*Rotimuoꝛügōꝛucumi*” yigū, *Dios ī cōar'i* ñaami! ĭQuēnase ĩre yivariquēnato mani! ĭDiore rotibosagu quēnaro ī yigū ñaami! ĭDiore quēne, quēnase ĩre yivariquēnato mani, āni yua ujuare ī cōajare! —yivasā vacama ĩna.

¹⁰ To bajiro Jesús, Jerusalénju, masa rāca ī ejasere ĩacōari, buto gāmerā ñagōcama ti macana jediro.

—ĭNimū ũgū ñati? —gāmerā yisēniĩacama, masa ĩna avasā vado vatoaju Jesús ī vadire ĩacōari.

¹¹ To ĩna yijare, gājerā ado bajiro yicūdicama:

—ĩne ñaami Diore gotirētobosarimasu, Jesús vāme cūtigū, Galilea sita Nazaret vāme cūti macagu —yicama masa.

Diore yirūcubuoꝛiaviju ñacōari, gajeyeūni ĩsirivire bajiro ĩna yīñajare, Jesús ĩnare ī tud'īāgōbure queti

(*Mr 11.15-19; Lc 19.45-48; Jn 2.13-22*)

¹² Ti macajure ejacōari, Diore yirūcubuoꝛiaviju sājacaju yua, Jesurāca. Ti viju gajeyeūni ĩsirāre, ĩnare vaja yirāre quēne tud'īāgōbucami Jesús. Gājerā ye rāca gājoa vasoarimasa ĩna gājoa jeorijaure tucaguereacami. To yicōari, buja ĩsirimasa ĩna rujiri cūmurorire tucaguereacami. ¹³ To yicōari, ado bajiro ĩnare goticami Jesús:

—Diore gotirētobosarimasa ña ucamasire ado bajiro gotiaja: “Y_u ya vima, y_ure sēnirūcub_uorā rējariavi ñaruaroja”, yigotiaja, adi vire. To bajiro ï yimasire ti ñaboajaquēne, ado bajiro m_ua yīñase s_uorine juarudirimasa ya vire bajiro bajaiaja ti — ñnare yicami Jesús.

¹⁴ Ti vij_u, y_ua ñarone, ñamena to yicōari rujasagueri vana, ejacama, Jesús t_uj_u. To bajiro ña bajirone ñnare catiocami. ¹⁵ Ti vire ñacama paia _ujarā, Dios ï rotimasire gotimasiorimasa quēne. To bajiri Jesús, ña_ñamani ï yīosere ñacōari, “_u David ñamasir'i jānami, ‘Rotim_uorūgōr_ucami’ yig_u, Dios ï cōar'i ñaami! _uQuēnase ñre yivariquēnato mani!” rīamasa ña yivasā ñasere ajicōari, Jesūj_uare buto jūnisinica. ¹⁶ To bajiri ado bajiro Jesúre sēñācama:

—¿To bajiro m_ure ña yisere ajiati m_u? “To bajise yibesa”, ñnare yiya — ñre yicama ña.

To ña yiboajaquēne, ado bajiro ñnare goticami Jesús:

—Añiaja y_u. Dios oca masa ña ucamasire to bajirone gotiaja rīamasa ña yirotire. ¿Iabeticatique ado bajiro yisere? Ado bajiro gotiaja ti:

“ Rīamasa, to yicōari, ũjurāca quēne, m_ure quēnaro rūcub_uorūarāma ña’ to bajiro m_u yise ñajare”, yigotiaja Dios oca — ñnare yicami Jesús.

¹⁷ To ï yiro bero, ñnare vaveocōari, Betania vāme c_uti macaj_u ejacōari, cānicaj_u y_ua.

Higuera vāme c_uti_ure, “Juaji rica manic_uarāja”, Jesús ï yire queti (Mr 11.12-14, 20-26)

¹⁸ Quēna busurij_u Jerusalénj_u tudiacaj_u y_ua. To y_ua bajiro, Jesús, ñiorijacami. ¹⁹ Maa t_u higuera vāme c_uti_u ñacaj_u. Ti_u ricare bar_u, ojaboacami Jesús. Rica manicaj_u, tiñj_uama. Jū rīne ñacaj_u. To bajiri ti_ure ado bajiro yicami Jesús:

—Juaji rica manic_uarāja —ti_ure yicami.

To bajiro ï yirirīmarone, sñirocacoacaj_u ti_u. ²⁰ To bajiro ti bajisere ñacōari, no yimasibeticaj_u y_ua, ti ũnire ñabetirūgūcana ñari. “¿No yiro guaro sñirocacoajari ti?”, yisēñācaj_u y_ua.

²¹ To y_ua yirone, ado bajiro y_uare c_udicami ï:

—Riojo m_uare gotiaja y_u. “To bajiro yir_uc_umi Dios” ñre m_ua yiajiti_uñ_u t_ujabetijama, higuera vāme c_uti_ure y_u yise ũni rīrene yimasimenaja m_ua. Gajeye josase ti ñaboajaquēne, yimasicōarāja. “I burore, moa riagaj_u rocaroacoasa” m_ua yijama, to bajirone bajir_uaroja. ²² “Y_ua sēnijama, y_uare ñsicōagūmi” yit_uoñacōari, Diore m_ua sēnijama, m_uare ñsir_uc_umi — y_uare yicami Jesús.

“¿Ñim_u m_ure ï rotise rāca to bajiro yati m_u?”, Jesúre ña yisēñācama queti (Mr 11.27-33; Lc 20.1-8)

²³ To ï yiro bero, Jerusalénj_u ejacaj_u y_ua. To bajicōari, Diore yir_ucub_uoriavij_u Jesúrāca sājacaj_u y_ua. Sājajecōari, masare gotimasio-cami Jesús. To ï yīñarone, b_uc_urā, paia _ujarā quēne, ejacama ña, Jesúre sēñāarā:

—¿Ñim_u m_ure ï rotise rāca to bajiro yirūgūati m_u? —ñre yisēñācama ña.

²⁴⁻²⁵ To bajiro ña yisere ajicōari,

—Y_u quēne, ado bajiro m_uare sēñāaja y_u. Y_ure m_ua c_udicōaroj_u, “ñ rotise rāca yaja y_u”, m_uare yir_uc_uja maji. ¿Ñim_u rotiyujari, Juanre, “Oco rāca masare ñnare bautizaya” yig_u? ¿Dios rotiyujari? ¿Masaj_ua rotiyujarique? —ñnare yisēñācami Jesús.

To ĩ yisere ajicōari, ĩna masurione gāmerā ñagōñacama ĩna:

—“Dione, Juanre oco rāca masare bautizarotiyumi” mani yijama, ado bajiro manire sēniñajacagumi: “Tire masirā ñaboarine, ¿no yirā ĩre ajitirūnubeticati mua?” manire yisēniñajacagumi. ²⁶ To yicōari, “Masane, Juanre oco rāca bautizarotirirāma” mani yijama, manire bato tud'iruarāma masa, “Diore gotirētobosarimasu ñaboacami Juan” yirā ñari — gāmerā yicama ĩna.

²⁷ To bajiro gāmerā ñagōrā ñari, ado bajiro ĩre cūdicama ĩna:

—Juanre rotir'ire masibeaja yu — Jesúre yicōacama ĩna.

To ĩna yisere ajicōari, ado bajiro ĩnare cūdicami Jesús:

—To bajiro yure mua cūdjare, “Ī rotise rāca yaja yu”, muare yigotibe-tirucuja yu quēne — ĩnare yicami Jesús.

Juarā rīa cutigu, ĩ rīare ĩ moarotirere Jesús ĩ gotimasiore queti

²⁸ To bajiro ĩnare yigajanocōari, gotimasiore queti ĩnare goticami Jesús:

—¿No bajiro tuoñati mua, adire, yu gotiguadire? Sīgū ñagūmi juarā rīa cutigu. Ī macu ñasuoğure ado bajiro yigūmi ĩ: “Macu, yucurema mani uye vesere moagūaja”, ĩre yigūmi. ²⁹ To ĩ yiboajaquēne, “Varuabeaja yu”, ĩre yicūdigūmi. To bajiro yiboarine, berojuma, tuoñavasoacōari, moagū vacoacūmi ĩ yuja. ³⁰ To ĩ yiro bero, gāji ĩ macure quēne, to bajirone ĩre yigūmi. To ĩ yirone, “Ban. Moagū varucuja yu”, ĩ jacure yicūdigūmi ĩ. To yiboarine, vabecūmi. ³¹ To bajiri mua tuoñajama, ¿nijua ñañujari ĩ jacu ĩ rotiriarore bajirone cūdir'ı? — ĩnare yisēniñacami Jesús.

To ĩ yisēniñarone, ado bajiro ĩre cūdicama:

—Ī, moarotisuoñ'ijua, ĩ jacu ĩ rotiriarore bajiro ĩre cūdiyumi — ĩre yicūdicama.

To ĩna yisere ajicōari, ado bajiro yicami Jesús:

—Riojo muare gotiaja yu. Ujure gājoa sēnibosarimasare, to yicōari, rōmia, ũmuare ajeriarā cuticōari, vaja sēnirā rōmirire, “Rojorā masu ñaama” ĩnare yīlateralē ñarāja mua. Mua ĩateralē sīgūri, tuoñavasoacōari, Uju Dios yarā quēnaro ĩ yirā ñarāma. ĩnare bajiro mua tuoñavasoabetijama, ĩ yarā me ñaruarāja mua. ³² Juan, oco rāca masare bautizarimasu, “Ado bajirojua mua yijama, quēnaroja” muare ĩ yigotimasioboajaquēne, ĩre ajibesuja mua. To bajiboarine, “Rojorā masu ñaama” mua yīlateralējuama, ĩre ajitirūnūma ĩna. To bajiri ĩre ĩna ajitirūnuserē ĩariarā ñaboarine, ĩre ajibeticōari, rojose mua yirūgūriarore bajiro rojose yicōa ñaja mua — ĩnare yicami Jesús.

“Jud'io masa ĩna ajitirūnubetijare, gājerājuare ujoñucūmi Dios” yigu, moarimasa rojose yirā ĩna bajire rāca Jesús ĩ gotimasiore

(Mr 12.1-12; Lc 20.9-19)

³³ Quēna ado bajiro ĩnare gotimasiocami Jesús:

—Sīgū masu uye vese otegūmi. Tire otegajanocōari, matagūmi. To yicōari, uye oco juarotiju quēnogūmi. Tijū bero, vecaju ñacōari, ĩ ĩatirūnubesarotiju quēnogūmi. To yigajanocōari, gājerāre, “Yure ĩatirūnubosaba”, yigūmi. “Uye ti rica cutiro, gājerāre ĩsicōari, vaja sēniruarāja mua. To yicōari, mua juajama, ‘Ado cōro ñaja mani ye. Ado cōro ñaja ĩ yema’ yicōiama”, ĩnare yigūmi. To yicōari, gajeroju vacoacūmi yuja. ³⁴ To bajiri cojorūmu, “Uye rica cuti bacuatoja ti” yigu, ĩre moabosarimasare cōagūmi, “Uye, yure ĩna cūbosarere yure juabosaaya” yigu. ³⁵ Uye veseju ĩna ejaro ĩacōari, ti vese coderāju,

ado bajiro yirāma: Īnare ñejecōari, jarāma. Gājerāre sīarāma, to yicōari gājerāre gūtane reasīarāma. ³⁶ To ĩna yire quetire ajicōari, jājarābusa ĩre moabosarimasare cōagūmi vese ũju, ĩ ye ñarotire juabosaaya yigu. Tĩ veseju ĩna ejarone, ĩatirūnūrimasa, to rījoro ejarīarāre ĩna yīriarore bajirone yirāma, ĩnare quēne.

³⁷ To bajiro ĩna yiecore quetire ajicōari, “Yũ macũjuare rūcũbuorāma” yitũoĩacōari, ĩre cōaboagūmi. ³⁸ To bajiro ĩ yicōar'ire, veseju ĩ ejasere ĩacōari, ado bajiro gāmerā ñagōrāma vese coderimasa: “Adi vese ũju macũne ñaami. To bajiri ĩ bajirocaveojama, ĩne ñaami ĩre vasoarocũ. To bajiri ĩre mani sīajama, mani ye sita ñarũaroja yuja”, gāmerā yīñagōrāma ĩna. ³⁹ To bajiri vese sojuaju ĩre ñia vati, ĩre sīarocacōarāma —ĩnare yicami Jesús.

⁴⁰ To bajiro ĩnare yigajanocōari, ado bajiro ĩnare sēñĩacami:

—¿Tĩ vese ũju tudiejagu, no bajiro ĩnare yigujari, ti vese coderimasare? —ĩnare yisēñĩacami Jesús.

⁴¹ To ĩ yisere ajicōari, ado bajiro ĩre cūdicama ĩna:

—Rojorā masu ñarāma ti vese ĩatirūnūrā. To bajiri ĩnare ĩamaibecũne ĩnare sīareagūmi. To ĩ yiro bero, gājerāre ti vesere ĩatirūnūronare vasoagūmi, ĩ ye ñarotire juabosaronare —Jesũre ĩre yicama ĩna.

⁴² To ĩna yicudisere ajicōari, Jesũjua, ado bajiro ĩnare yicami:

—“Ŭye vese ũju macũre rojorā ĩna sīarocarere bajirone viri buarimasa gūta ĩna beserocaria ñaboarine, ñamasurica ñarũaroja”, yigotiaja Dios ocare masa ĩna ucamasire. ¿Tire ĩabeticatique mũa? Ado bajiro gotiaja:

“Gūta rāca vi quēnorimasa coja gūtare rocarāma ĩna. ĩna rocaria ñaboarine, gajea gūta rētoro quēnarica ñarũaroja tia. Tia gūta sũorine quēnarivi quēnorũcũmi Dios. Tia manijama, quēnomasibetibogūmi. To bajiro bojagūmi Dios mani ũju. To bajiri tia gūta sũori Dios quēnaro ĩ yisere ajimasicōari, bũto tuoĩa variquēnaja mani”, yigotiaja Dios oca masa ĩna ucamasire.

⁴³ To bajiri ado bajiro yigu, ti quetire mũare gotibũ yũ: Diore rotibosagũre yũre ajitirūnũmena mũa ñajare, jud'io masa mejuare, “Yũ yarā ñaña” ĩnare yicōari, quēnaro ĩnare yigũcũmi Dios. ĩñajũama, Dios ĩ bojarore bajiro ĩre ajitirūnũarāma. ⁴⁴ No bojarā yũre, yũ ocare ajiterā, rojose tāmũogũarāma ĩna —ĩnare yicami Jesús.

⁴⁵ Jesús ĩ gotimasiosere ajicōari, “Mani bajisere yigu yami”, yiajimasicōacama fariseo masa, paia ũjarā quēne. ⁴⁶ To bajiri Jesũre ñiarũaboacama ĩna. “Diore gotirētobosarimasũ ñaami Jesús” masa ĩna yitũoĩajare, masare gũirā, ĩre ñiabeticama.

22

“Ī macũ ĩ āmosiaguadijare, masare jirēogūmi ũju”, Jesús ĩ yigotimasiore queti

(Lc 14.15-24)

¹ Quēna gotimasiore queti masare goticami Jesús:

² —Adi quetire tũoĩacōari, “Tire bajiro bajirũaroja, masare ‘Yũ yarā ñaña mũa’ Ŭju Dios ĩ yiroti” mũare gotimasioģũ yaja: Sīgũ ũju, ĩ macũ ĩ āmosiarotirũmũre quēnoyugūmi. ³ To yicōari, “Īvariquēna ejarēmoronare ĩaja mũa” yigu, ĩre moabosarimasare cōagūmi ĩ. To ĩ yisere ajicōari, jirā vaboarāma ĩna. ĩñajũama, vadirũamenama. ⁴ ĩna vadirũabetire ajicōari, gājerā ĩre moabosarimasare cōagūmi quēna. “Yũa ũju mũare jigu ñari, ĩ yarā vaibũcarā mame bũcarāre sīarotimi. Jēre quēnogajonomũ yũa. To

bajiri i macu i amosiarirumu iarã vayã mua quene' inare yiba", yicõagumi ina uju. ⁵ To i yisere ajicõari, jirã vaboarãma ina quena. Inare cudimenane, vacoanama, ina ye moare moaroana. Sigu i ya veseju vacumi. Gãji i gajeyeuni isiroju vacumi. ⁶ Gãjerãma, uju i cõaboariarãre ñejecõari, inare jasiacõarãma. ⁷ Tire ajicõari, buto jünisinigumi uju. To bajiri i yarã surarare cõagumi. "Inare siacõari, ina ya virire soereacoaya", inare yicõagumi. ⁸ To i yiro bero, gãjerã ire moabosarimasare ado bajiro gotigumi: "Yu macu i amosiarotiaye quenogajanomu. Jẽju yu queti cõaboarã, ina ejabetijare, quenaja. Inare jicõabetiroti ñaboayuja. ⁹ Jãjarã masa ina vati maarijure vasa. To mua ñabujarã cõro jirẽocõari, inare umato vaba", inare yigumi uju, ire moabosarimasare. ¹⁰ I rotirore bajirone masare jirẽorãma ina. Quenarã, rojorã, ina bujarã cõro jirẽorãma. To bajiri uju ya vi, jümücoatoja ti.

¹¹ I jicõariarãre ñagũ sãjagumi uju. Sigure, ina amosiaro iarã ejarã ina sãñase unire sãñabecure ñabujagumi i. ¹² To bajiri, ire ñacõari, ado bajiro ire senniagumi: "¿No yigu ina amosiaro iarã ina sãñase ùni sãñabeati mu?", ire yigumi. To i yilboajaquene, ire cudibecumi. ¹³ To i bajijare, bare jeorimasare ado bajiro inare yigumi uju. "I gubori, i amorire quene siacõari, rõtiaroju ire rocaõaña. Toju ñacõari, buto rojose tãmuogũ ñari, guji põguẽ, oti, yirucumi", inare yigumi uju, bare jeorimasare. ¹⁴ To bajiro bajiruarõja, "Yu yarã ñaña mua" Uju Dios i yiroti quene. Jãjarã masare, "Yu yarã ñaña mua" Dios i yire ti ñaboajaquene, sigurine ñarãma i rãca ñarona —Inare yicami Jesús.

"Ujarã gãjoa manire ina vaja yirotijama, inare isiroti ñaja", Jesús i yigotire queti

(Mr 12.13-17; Lc 20.20-26)

¹⁵ To i yisere ajicõari, fariseo masa i tu ñaboarã cãmotadicoacama ina, gãmerã ñagõroana. "Ado bajiro yirãsa", yiruyuyuma:

—Ado bajiro mani senniãajama, cudimasibeticõari rojose tãmuogucumi — yituoïaboayuma.

¹⁶ To bajiro yituoïarã ñari, ina rãcanare, to yicõari, "Uju ñamasugũ ñarucumi Herodes" yirũgũriarãre quene, Jesús tu inare cõañujarã ina, "Ire senniãaaya mua" yirã. To ina yicõariarã ado bajiro Jesũre senniãacama ina:

—Ajiya gotimasiorimasu. "Riojo gotigu ñaami", mure yimasiaja yua. "Ado bajiro mani yisere bojagumi Dios" yigotimasioigũ ñari, riojo yuare gotimasioaja mu. "Ado bajiro yu gotimasiojama, yure ajijünisiniruarãma" yituoïabecune, riojo gotigu ñaja mu. "Añoama, ñamasurã ina ñajare, ricati ina ajijünisinibetire inare gotimasiorucuja", yituoïabecu ñaja mu. Masa ñajedirore yuare riojo gotigu ñaja mu. ¹⁷ To bajiro yigu mu ñajare, mu tuoïasere ajiruaaja yua. ¿Roma macagu uju, César, gãjoa manire i vaja yiro-tisere mani vaja yijama, quenacõarojari? ¿Dios i rotimasirere cudimena yirãjarique mani, ire mani vaja yijama? —Jesũre yiseniãaboacama ina.

¹⁸ Jesũjama, "Rojose yure yiruarã, to bajise yure senniãatoama ina", yimasicõacami. To bajiri ado bajiro inare cudicami:

—"Quenarã ñaja yua" yiboarine, mua yirore bajiro yirã me ñaja mua. ¿No yirã, "Rojose ire yirãsa" yirã, to bajise yure senniãatoati mua? —Inare yicami Jesús. ¹⁹ —Roma macagu ujure gãjoatii, ire vaja yirotitire, cojotii yure ñoña —Inare yicami Jesús.

To ĩ yijare, āmiadi, ĩre ĩocama ĩna. ²⁰ Gājoatiire ĩacōari, ado bajiro ĩnare sēniācamu Jesús:

—¿Ñimū rioga tuyati? ¿Ñimū vāme tuyati? —ĩnare yicami Jesús.

²¹ To ĩ yirone,

—Roma macagu Ījū César rioga tuyaja. To yicōari, ĩ vāme quēne ĩaja ti —Jesúre yicadicama ĩna.

To ĩna yijare, ado bajise yicami Jesús:

—To bajiri aditiire ĩacōari, “César yatii ĩaja”, yimasiaja mūa. To bajiri, gobierno ĩ vaja yirotijama, ĩnare vaja yiroti ĩaja. To bajirone bajiaja Diore quēne. Jediro Dios ĩ cōase ti ĩajare, “Yua cūose ti ĩaboajaquēne, ti rāca mū bojarore bajiro yiruarāja”, Diore ĩre yiroti ĩaja, manire. To yicōari, “No bojase moare yua yise quēne, mū ũjose rāca yua yimasise ti ĩajare, ti rāca mū bojarore bajiro yirūgūrārāja”, ĩre yiroti ĩaja, mūare —ĩnare yicami Jesús.

²² To bajiro ĩ yisere ajicōari, no yimasibeticama ĩna, quēnaro gotigure ajibetirūgūriarā ĩari. To bajiri juaji tudisēniāmenane, vacoacama yuja.

*“¿Bajirearāma, tudicicoanajari?”, Jesúre ĩna yisēniātore queti
(Mr 12.18-27; Lc 20.27-40)*

²³ Tirāmūne saduceo masa quēne ejacama, Jesúre sēniātorā. “Masa ĩna rijato bero, ĩna usuri, ĩna rujari ĩnaro cōrone quēna tudicatimenama” yirā ĩnacama saduceo masa. Ado bajiro ĩre sēniācamu:

²⁴—Ajiya gotimasiorimasu. Moisés ĩnmasir'i ado bajiro ĩ yiuacūmasire ti ĩajare, mure sēniarā vabu yua: “Sīgū, manajo cutiboa, rīa magūne ĩ bajirocujama, ĩ gagu manajo ĩnariore manajo cutiracumi ĩ bedijua. To bajiri ĩ rāca ĩacōari, so macu cutijama, ĩ gagu macu ĩnaracumi”, yimasiñuju Moisés. ²⁵ Yua rācana, sīgū rīa, cojomo cōro juā jēnituarirācu ũmua ĩaboacama. Sīgōrene manajo cutiboacama ĩna. ĩnasuogu sore manajo cutisūboacami. Rīa magūne rijacoacami ĩ. ĩ rijato bero, gāji ĩ bedi vasoaboacami. ĩ quēne rīa magūne rijacoacami. ²⁶ ĩ bederā quēne, to bajirone sore manajo cutiboacama. Rīa manane, rijajedicoacama ĩna quēne. ²⁷ So manajuā ĩna rijajediro bero, so quēne rijacoacamo yuja. ²⁸ To bajiri bajireacōari, quēna ĩna tudicatijama, ¿ñimūjuā ĩnaguīda so manaju masu ĩnarocuma, ĩna ĩnaro cōrone sore ĩna manajo cuticato bero? —Jesúre yisēniātocama ĩna.

²⁹ To ĩna yirone, ado bajiro cūdicami Jesús:

—Dios oca masa ĩna ucamasire ajimasimena ĩaja mūa. Dios ĩ masisere quēne masirā me ĩaja. To bajirā ĩari, Moisés ĩ ucamasirere tūoĩacōari, “Riojo me gotiro yaja”, yitūoĩaboaja mūa. ³⁰ Ado bajirojuā bajiaja: Bajireariarā, ĩna tudicatiro bero, manajo cutire, manaju cutire quēne maniraroja. Ángel mesare bajiro bajirā ĩnaruarāma ĩna. ³¹ ¿“Masa ĩna bajirearo bero, ĩna usuri caticōaroja”, yirere ĩabeticatique mūa? Dios ĩ masune ĩ gotirere ĩre gotirētobosarimasu ado bajise ucamasiñumi: ³² “Mūa ĩnicua ĩnmasiriarā Abraham, Isaac, Jacob, ĩna rūcūbuo vadimasicacune ĩaja yu”, yigotimasifiñumi Dios. Masa bajireariarā ĩna usuri ti caticōa ĩnabetijama, to bajise yibetimasiborimi. Bajireariarā, quēna tudicatirājuā ĩna rūcūbuoguā ĩnagūmi. “ĩna usuri ti caticōa ĩnare, bajireariarā ĩnaboarine, Diore rūcūbuocōa ĩnarāma”, yire ĩaja —ĩnare yicami Jesús.

³³ To bajiro ĩ yisere ajicōari, no yimasibeticama ĩna, quēnaro gotigure ajibetirūgūriarā ĩari.

Dios ĩ rotimasire ñamasuri vãmere Jesús ĩ gotire queti

(Mr 12.28-34)

³⁴ Saduceo masare Jesús quẽnaro ĩnare ĩ cũdise ñajare, gajeye ĩre ĩna sẽnĩlatomasibetirere ajiyujarã fariseo masa. Tire ajiçõari, rējañujarã ĩna. ³⁵ Tijũ bero, sĭgũ ĩna rãcagu, Dios ĩ rotimasire gotimasiorimasũ, Jesũre sẽnĩlagũ ejacami. “Ado bajiro josasere yũ sẽnĩñajama, cũdimasibeticõari rojose tãmũorũcũmi” yigũ, ado bajise ĩre sẽnĩñacami:

³⁶—Gotimasiorimasũ, çdisejũa ñati ñamasuse masu Dios ĩ rotimasire, mũ ĩajama? —ĩre yisẽnĩñacami.

³⁷ To bajiro ĩ yisere ajiçõari, ado bajiro cũdicami Jesús:

—Mani mũjũre, Diore bũto mairoti ñaja. No bojagũre mani mairo rẽtoro, no bojase mani cũose, to yicõari, mani bojatũoĩase rẽtoro Diore mairoti ñaja. ³⁸ Ti ñaja ñasũose, ñamasuse Dios ĩ rotimasire. ³⁹ To yicõari, gajeye tire bajibũsasene ado bajiro yaja: “Mũ masu rujũre mũ mairore bajirone mũ tũanare maiña”, yigotiaja Dios ĩ rotimasire. ⁴⁰ To bajiri jũa vãmene ñaja ñamasuse masu Dios ĩ rotimasire. Tire mũ cũdijama, Moisés ñamasir'i ĩ rotimasire, to yicõari, Diore gotirẽtobosarimasa ĩna gotimasiosirere quẽne cũdijeocõagũ yigũja mũ —ĩre yicami Jesús.

“*‘Rotimũorũgõrũcũmi’ yigũ, Dios ĩ cõarocũ, çñimũ ñarũcũmi, yitũoĩati mũna?*”, *Jesũs ĩ yisẽnĩñare queti*

(Mr 12.35-37; Lc 20.41-44)

⁴¹⁻⁴² Fariseo masa yũa tũ ĩna rẽjaro, ado bajiro ĩnare sẽnĩñacami Jesús:

—“Rotimũorũgõrũcũmi” yigũ, Dios ĩ cõarocũ, çñimũ ñarũcũmi yitũoĩati mũna? —ĩnare yicami Jesús.

—“Ujũ David ñamasir'i jãnamine ñarũcũmi” yaja —ĩre yicũdicama ĩna.

⁴³ To ĩna yisere ajiçõari, ado bajiro ĩnare yicami:

—To bajiro mũa yitũoĩaboajaquẽne, Ujũ David ñamasir'i, “Rotimũorũgõrũcũmi” yigũ, Dios ĩ cũrocũre tũoĩagũ, çno yigũ Diore yigũre bajiro, “yũ mũjũ” yimasĩñujari ĩ? Esp'iritu Santo ĩ ejarẽmose rãca ado bajiro ucamasĩñumi:

⁴⁴ “Yũ mũjũre ado bajiro yirũcũmi Dios: ‘Yũ riojojocatũa rujiya maji. Mũre ĩaterãre, “Rojose yitũjaya” ĩnare yũ yiro bero, rojose yimasibetirũarãma. To cõrone rotisũorũcũja mũ’ yirũcũmi Dios, yũ mũjũre”, yucamasĩñumi David.

⁴⁵ To bajiri, “*‘Rotimũorũgõrũcũmi’ yigũ, Dios ĩ cõarocũ, David ñamasir'i jãnami ñarũcũmi*” yucamasire ti ñaboajaquẽne, çno yigũ ĩ mũjũre bajiro bajigũtique? —ĩnare yicami Jesús.

⁴⁶ To bajiro ĩnare ĩ gotisere ajiçõari, sĭgũ ĩre cũdimasigũ manicami. “Mani rẽtoro masigũ ñaami” yitũoĩacõari, “*‘Añoama masimena ñaama’ yiro mi*” yirã, ĩre sẽnĩña tũjacõacama ĩna yuja.

23

“Rojose tãmũorũarãja mũna”, fariseo masare Jesús ĩ yire queti

(Mr 12.38-40; Lc 11.37-54; 20.45-47)

¹ To ĩ yiro bero, masare, yũa ĩ buerãre quẽne, ado bajiro yũare yicami Jesús:

² —Dios ĩ rotimasire gotimasiorimasa, fariseo masa quẽne, Moisére Dios ĩ roticũmasirere buerẽtobucõari, “Ado bajiro yiroti ñaja manire”, yigotimasiorã ñaama. ³ To bajiri tire ĩna gotimasiosere quẽnaro ajitirãñũña mũna. To bajiboarine, ĩna yirore bajiro yimena ĩna ñajare, ĩna yirore bajiro

yibesa. ⁴ Dios ĩ rotimasirere buerĕtobucĕari, ĩ rotimasire rĕtobusaro yiro-tiama ĩna. “Cojo vĕame me mani rotise ĩajare, cĕdijeomasimenama ĩna” yimasirĕ ĩnaboarine, ĩnare ĩamaimenane, “ĩajediro yĕa gotirĕtobuse riojo ĩaja”, masare ĩnare yicĕa ĩnarĕgĕama. ⁵ Jediro ĩna yisere, “Quĕnaro yirĕ ĩnaama” masa ĩna yĭarĕcĕbĕosere bojarĕ yama. ĩna riovecari siature, ĩna ricari dĕareature quĕne Dios ocasĕĩarijataroriaca jacobusarijatarori cĕoama ĩna, “Gĕjerĕ manire ĩacĕari, quĕnaro rĕcĕbĕoato ĩna” yirĕ. To yicĕari sudiro gaja seayore, jacobusase seayore cutiaseri sĕĩnaama ĩna. “Quĕnaro yirĕ ĩnaama ĩna” masa ĩna yĭarĕcĕbĕosere bojarĕ yama. ⁶ Boserĕmĕri ĩaro ĩna barujiama, ĩnamasuri cĕmurorire rujivariquĕnarĕgĕama ĩna. Dios ocare bueriavirijare quĕne ĩnamasuri cĕmurorire rujivariquĕnarĕgĕama. ⁷ To yicĕari, jĕjarĕ masa ĩna rĕjarĕgĕrijaure ejarĕgĕama. Masare ĩna bocajama, rĕcĕbĕose rĕca ĩnare ĩna sĕnisere bojarĕgĕama. To yicĕari, “gotimasiorimasĕ” masa ĩna yijama, ajivariquĕnarĕgĕama.

⁸ Mĕarema, ĩna yirore bajiro mĕa yibetijare, quĕnarĕaroja. “Gotimasiorimasĕ” mĕa rĕcana mĕare ĩna yisere bojabetirĕarĕja mĕa. Sĭgĕne ĩaja yĕ, mĕa jedirore gotimasiorimasĕma. Mĕama, cojoro cĕrone ĩarĕ ĩaja mĕa, yĕre ajitirĕnĕrĕma. To bajiri gotimasiorimasĕ gĕmerĕ yimasimenaja mĕa. ⁹ Ő vecajare ĩagĕ sĭgĕne ĩnaami mani jacĕ, Dios vĕame cutigu. To bajiri adi sitagure, gĕjire yĕre ajitirĕnĕgĕre, Diore mĕa yirĕcĕbĕorore bajiro yirĕ, “yĕa jacĕ” ĩre yibeja mĕa. ¹⁰ “Yĕa ĩjĕ ĩaja mĕ” gĕjerĕ mĕare ĩna yirĕcĕbĕosere ĩnare yiro-tibeja. “Rotimĕorĕgĕorcĕja mĕ” yigĕ, Dios ĩ cĕacacĕ, yĕ sĭgĕne ĩaja mĕa ĩjĕma. ¹¹ Sĭgĕ yĕre ajitirĕnĕgĕ, ĩnamasugĕ ĩ ĩarĕajama, gĕjerĕ ĩna bojasure masicĕari, quĕnaro ĩnare yiejarĕmogĕ ĩarĕcĕmi. ¹² Quĕnaro ĩnare ĩna yirĕcĕbĕosere bojarĕre, “ĩnamasurĕ me ĩato”, ĩnare yirĕcĕmi Dios. No bojagĕ, “ĩnamasugĕ me ĩaja yĕ” yicĕari, quĕnaro gĕjerĕre yirĕmogĕjĕare, “ĩnamasugĕ ĩato”, ĩre yirĕcĕmi Dios — yĕare yicami Jesĕs.

¹³ Fariseo masare, Dios ĩ rotimasire gotimasiorimasare quĕne yigĕ, ado bajiro goticami Jesĕs:

—Buto rojose tĕmĕorĕarĕja mĕa. “Quĕnaro yirĕ ĩaja yĕa” yiboarine, rojorĕ ĩaja mĕa. Dios ĩ rotimasirere buerĕtobucĕari, ĩnamasuse meĕare ajitirĕnĕcĕari, gotimasiovadicaĕa mĕa. To bajiro mĕa yijama, “ĕjĕ Dios yarĕ quĕnaro ĩ yirĕ ĩnabeticĕato mani” yirĕre bajiro yĭĩaja mĕa. To yicĕari, “Gĕjerĕ, ĕjĕ Dios yarĕ quĕnaro ĩ yirĕ ĩnabeticĕato ĩna” yirĕ yaja mĕa. Dios yarĕ ĩna ĩarĕaboajaquĕne, ĩnare matarĕ yaja mĕa. To bajiri mĕa quĕne ĩ yarĕ ĩnabetirĕarĕja mĕa — ĩnare yicami Jesĕs.

¹⁴ —Buto rojose tĕmĕorĕarĕja mĕa, fariseo masa, Dios ĩ rotimasire gotimasiorimasa quĕne. “Quĕnaro yirĕ ĩaja yĕa”, yitĕoĭaboaja mĕa. Manajĕa rijaveoriarĕ ya virire ĕmarĕ ĩnaboarine, masa ĩna ĩaro rĭjoroĕja, “ ‘Quĕnaro yirĕ ĩnaama’ yĭĭato” yirĕ, “Yoaro Diore sĕnirĕ yaja”, yisocarĕgĕboaja mĕa. To bajiro mĕa yise vaja, gĕjerĕ rojorĕ, rojose ĩna tĕmĕose rĕtoro rojose tĕmĕorĕarĕja mĕa — ĩnare yicami Jesĕs.

¹⁵ —Buto rojose tĕmĕorĕarĕja mĕa. “Quĕnaro yirĕ ĩaja yĕa” yiboarine, mĕa yirore bajiro yirĕ me ĩaja mĕa. “Manire bajiro gĕji ĩ tĕoĭajama, quĕnaja” yitĕoĭacĕari, masare buto gotimasiocludiaĕa mĕa. Sĭgĕ, “Yĕare bajiro tĕoĭato” mĕa yigĕre, “Mani ajitirĕnĕro rĕtoro mani yere ajitirĕnĕato ĩ” yirĕ yaja mĕa. To bajiro mĕa yijama, “Butoĕsa rojose tĕoĭato” yirĕ yaja mĕa. To bajiri, mĕa rĕtobusaro Dios ĩ bojabetire yicĕari,

“Rojose tãmuotujabetiriaroju varucami i quêne”, yirã yaja mua —Inare yicami Jesús.

16-22 Quêna ado bajiro Inare goticami Jesús, fariseo masare, Dios i rotimasirere gotimasiorimasare quêne:

—Buto rojose tãmuoruarãja mua. Iamena, gãjerã Iamenare tãa vanare bajiro bajirã ñaja mua. No bojase mua yirotere mua yiruajama, “Yimasucõaruarãja yua. Tire yua yibetijama, Dios, rojose yuare yibogumi” yirã, yirere ado bajiro gãjerãre gotimasiorũgũboaja mua: “Cojojirema mani gotirore bajiro yiruamena ñari, ado bajirojua mani gotijama, quênacõaroja”, yirũgũboaja mua: “Mani gotirũgũrore bajiro yirã ñaboarine, Dios vãmere mani gotivasoajama, mani gotirore bajiro mani yibetiboajaquêne, rojose manire yibecami Dios”, yirũgũboaja mua. To yicõari, ado bajiro gotimasiorẽmoaja: “Dios vãmere gotiterã, Diore yirucubũoriavi vãmere rãca mani yijama, quênacõaroja. To bajiro yiterã, Diore yirucubũorã soemuoriajau vãmere rãca mani yijama, quênacõaroja. Tire mani yitejama, õ vecaju ãmuagaseroju Dios i ñaro vãmere rãca mani yijama, quênacõaroja. To bajiboarine, Diore yirucubũoriaviaye oro vãmere cutise rãca, to yicõari, gaje vãmere Diore rucubũorã soemuoriajau joere jesase vãmere rãca mani yijama, mani gotirore bajirore yiroti ñaja”, yiboaja mua. Tuoĩamasimena, Iamenare bajiro bajirã ñaja mua. Ñajediro Dios ye ti ñajare, i vãmere gotirã yaja mua —Inare yicami Jesús.

23 —Buto rojose tãmuoruarãja mua. “Quênaro yirã ñaja yua” yiboarine, rojorã ñaja mua. Dios i rotimasirere buerẽtobucõari, ñamasuse mejuare ajitirũnurãja mua. To bajiro yirã ñari, bare sãvuore, an'is, menta, comino vãmere cutire mojoroaca ti vaja cutiboajaquêne, Diore yirucubũoriavi moabosarimasare isiaja mua. To bajiro yirã ñaboarine, Dios i rotimasire ñamasusejuarema ajitirũnumena ñaja mua. Ado bajiro bajiaja ñamasuse: Quênaro riojo yire, gãjerãre Iamaire, to yicõari, Diore maire quêne ñaja ñamasuse. Tire quêne yirũgũrona ñaja mua. 24 To bajiro yirã ñari, ado bajiro yirãre bajiro yaja mua: “Beco rãca idirobe” yirã, oco mua idirotere veorũgũaja mua. To bajiro yirã ñaboarine, camello vãmere cutigujarema jaigu i ñaboajaquêne, rujune bayurãre bajiro yirũgũaja mua. To bajiri, Iamena, gãjerã Iamenare tãa vanare bajiro bajirã ñaja mua. Dios i rotimasire ñamasuse mere ajirucubũorã ñaboarine, ñamasusejuare yimena ñaja mua —Inare yicami Jesús.

25 —Buto rojose tãmuoruarãja mua. “Quênaro yirã ñaja yua” yituoĩaboarine, rojorã ñaja mua. Idiriabaja, bare jeobariabaja joema coeriabajari ñaboarine, jubeajuama buto ueri cutibajarire bajiro bajiaja mua. Mua usuri bajisejuarema tuoĩabeaja mua. To bajirã ñari, “Quênaro yirã ñaja yua” yituoĩaboarine, rojosere quêne tuoĩarã ñari, rojorã ñaja mua. Iãnorã ñari, “Inare yitocõari, ina cuboasere emaruarãja”, yituoĩarã ñaja mua. 26 “Rojorã ñaja mani” yimasimena ñari, Iamenare bajiro bajirã ñaja mua, fariseo masa. Rojasere tuoĩatujaya. To bajiro mua yijama, Dios i bojarore bajiro tuoĩarã ñari, quênaro yirã ñaruarãja mua.

27 Buto rojose tãmuoruarãja mua fariseo masa, Dios i rotimasire gotimasiorimasa quêne. “Quênaro yirã ñaja yua” yiboarine, mua yirore bajiro yirã me ñaja mua. Masa yujeriviri botisene viariavirire bajiro bajiaja mua. Masa ina Iaquênariviri ñaboarine, jubeajuama rijariarã gõa quênabetoja. 28 To bajiro bajirã ñaja mua. “Quênaro yirã ñaama” masa ina yĩiarã ñaboarine, mua tuoĩare cutisema rojorã ñaja. “Quênaro yirã ñaama”

masa mware ña yĩasere bojatuoĩarã ñaboarine, rojose ñaro cõro tuoĩarã ñaja mua —ñare yicami Jesús.

²⁹ Quẽna ado bajiro ñare gotirũtuacami Jesús:

—Buto rojose tãmuorãrãja mua. “Quẽnaro yirã ñaja yua” yiboarine, mua yirore bajiro yirã me ñaja mua. Diore gotirẽtobosamasiriarãre ña yujemasirijaju joere quẽnariju quẽnoaja mua, “Quẽnarã ñamasĩuma” yirã. To yicõari, gãjerã quẽnaro yiriarãre quẽne ña yujerijaju joere quẽnase quẽnorũgũaja mua. ³⁰ To yicõari, ado bajiro yirũgũaja mua: “Mani ñicua, Diore gotirẽtobosarimasare ña sãarearo, ñare sĩa ejarẽmobetiboriarãja mani”, yirũgũaja mua. ³¹ To bajiro mua yijama, “Quẽnarã ñañuma” yirã me yaja mua. Ado bajirojua yirã yaja: “Diore gotirẽtobosamasiriarãre mani ñicua ña sãamasire quẽnañuja ti” yirã yaja mua, mua ñicua rojose ña yiriarore bajiro rojose yirã ñari. ³² Mua ñicua Diore gotirẽtobosarimasare ña sãasovadimasiriarore bajirone mua quẽne ña jãnerabatia ñari, Diore gotirẽtobosarimasare sãajeocõaroti ñaja —ñare yicami Jesús.

³³ —Vãtia ujũ rojose ï yirore bajirone rojose yijairã ñaja mua. Rojose tãmuotujabetiriaroju mua varotire, no bajiro rudimasibetiruarãja. ³⁴ Mua jud'io masa vatoaju Diore gotirẽtobosarãre, quẽnaro tuoĩarãre quẽne, Dios ocare gotimasiorãre quẽne cõarucuja yu. ñare sãaruarãja mua. Gãjerãrema yucãtẽroju jajušiaruarãja. Gãjerãrema, Dios ocare ña buerivirijũ ñare jaruarãja. Gãjerãrema, ña vati macari ñaro cõrone rojose ñare yisuyaruarãja. ³⁵ To bajiro mua yiroti ti ñajare, ado bajiro yirucami Dios, mua ñicua, mua yarã jedirore yure ajitirãnumenare: Abel ñamasir'ire mua ñicu ï sãasomasire, to yicõari Diore yirucuburiavi jubeaju ñarijau soemurijaju tujũ Berequ'ias macure Zacar'iare ña sãatãsasirere, quẽnaro yirãre ña sãavadimasire ñajare, buto rojose tãmuorãrãja mua, adirãmuri ñarã. ³⁶ Riojo mware gotiaja yu. Mua ñicua ña bajimasiriarore bajirone Diore mua ajitirãnubeticõa ñajare, ña sãamasire vaja rojose ñare ï yiroti rẽtobusaro rojose mware yirucami Dios, adirãmuri ñarãre —ñare yicami Jesús.

Jerusalén macanare ña bajiro tire Jesús ï tuoĩasutiritire queti
(Lc 13.34-35)

³⁷ Jerusalén macanare ñre ña sãarocarõ bero ña bajiro tire tuoĩacõari, ado bajiro yicami Jesús:

—Jerusalén macana, Diore gotirẽtobosamasiriarãre sãamasiriarã jãnerabatia ñacõama ña. Dios ï cõamasiriarãre, ï ocare gotimasiorimasare gũtane ñare reasãamasiriarã jãnerabatia ñaama. Cojõji me gãjaboco so querujũ eñeroca so rĩare so juarẽorore bajiro ñare yirũaboacaju yu, ñare coderũ. To bajiro yu yirũaboajaquẽne, ñajua yure bojabeticama. ³⁸ To bajiri jẽre, “Ña ñarijure codetujacõaja yu yuja”, yituoĩami Dios. ³⁹ Riojo gotiaja yu: “¡Rotimurũgõrucami! yigu, Dios ï cõar'i vadiami! ¡Quẽnase ñre yivariquẽnato mani! ¡Diore rotibosagu ï ñajare, ñre quẽnaro yato Dios!” yure ña yiroto rĩjoro, quẽna juaji yure ñabetiruarãma ña —ñare yituoĩa ñagõcami Jesús, Jerusalén macanare.

24

*“Diore yirucuburiavire jud'io masa me ñarã saguerocacõaruarãma”,
Jesús ï yire queti*
(Mr 13.1-2; Lc 21.5-6)

¹ Diore yirūcubūoriaviḡū ḡacōari, budiacami Jesús. Īre ēmūcōari, ado bajiro ĩre yicaju yua:

—Adi vire ĩaḡa mu —Īre yicaju yua.

² To bajiro yua yirone, ado bajiro yuare yicami Jesús:

—¿Adi vire quēnaro ĩati muu? Muu ĩarivi ti bajiro tire riojo muare gotiḡuagū yaja yu. Adi vi muu ĩarivi ḡarone cagueroca ecoruaroja. To bajiri adi viaye gajea gūta joere, gajea jesabeticōaruaroja —yuare yicami Jesús.

“Macarūcuro ti jediroto rḡoro ado bajiro bajiruaroja”, Jesús ĩyire queti (Mr 13.3-23; Lc 21.7-24; 17.22-24)

³ Tiju bero, Olivo vāme cūti buro joeḡū rujicami Jesús. To ĩ rujirone, gājerā ĩna mano ĩacōari, ado bajiro ĩre sēniācaju yua:

—¿Divato cagueroca ecoroti Diore yirūcubūoriavi? ¿No bajiro ti bajire ĩacōari, “Jesús ejaḡuagū yigūmi”, yimasirāti yua? ¿No bajiro ti bajiro ĩacōari, “Adi macarūcuro jediato yaja”, yimasirāti yua? —Jesúre yisēniācaju yua.

⁴ To bajiro yua yisere ajicōari, ado bajiro yuare cūdicami Jesús:

—Roori ḡaruarāja muu, “Socarāne, gājerā manire yitoroma” yirā.

⁵ Jājarā yitorā ḡaruarāma, “Yune ḡaja ‘Rotimūorūḡōrucūmi’ yigū, Dios ĩ cōagū” yirā. To bajiro ĩna yisocasere jājarā masa ĩnare ajisuyaboaruarāma.

⁶ Muu tuana, to yicōari, gajeroana quēne gājerā rāca ĩna gāmerā sīasere ajiruarāja muu. Tire ajicōari, gūibetiruarāja muu. “Bajiruaroja” Dios ĩ yiriarore bajirone bajiruaroja. To bajiro ĩna gāmerā yiḡaboajaquēne, adi macarūcuro jediro me bajiruaroja. ⁷ Cojo sitana gaje sitana rāca gāmerā sīaruarāma. Cojo maca me ḡioḡaruaroja. To yicōari buto sita saberuaroja. ⁸ To bajiri, rojose tāmūosūorūarāma masa. ĩna tāmūose rētobusaro rojose tāmūoroana yirāma yuja.

⁹ Tirodori, gājerā, muare ḡejecōari, ĩsirearuarāma, gājerāre, “‘Rojorā ḡaama’ yīacōari, rojose ĩnare yato” yirā. To bajiri, gājerājuu, rojose muare yigajanocōari, muare sīaruarāma. Yure ajitirūnūrā muu ḡajare, muare ĩateruarāma adi macarūcuroana jediro. ¹⁰ To bajicōari, jājarā yure ajitirūnūrā, ajitirūnū tujaruarāma ĩna. To yicōari, yure ajitirūnūrā, sīgūri, gāmerā ĩateruarāma. Gājerā, ĩna rācanare ĩatecōari, ĩsirearuarāma ĩna. ¹¹ “Diore gotirētobosarimasa ḡaja yua” yitorā, jājarā ḡaruarāma. To bajiro ĩna yisocasere jājarā masa ĩnare ajisuyaboaruarāma. ¹² Butobusa rojose rīne yirūtu vare ti ḡajare, gāmerā maire quēne manibusacoaruaroja. ¹³ To bajiro ti bajiḡoajaquēne yure ajitirūnū tujamenare, adi macarūcuro ti jediroḡū, rojose tāmūotujabetiriaroḡū ĩna vaborotire ĩnare yirētobosarūcūmi Dios. ¹⁴ “Uḡū Dios yarā quēnaro ĩ yirona muu ḡaruajama, Jesúre ajitirūnūḡa” yire queti, adi macarūcuro ḡarā masa ḡaro cōrone gotimasiojeo ecoruarāma. ĩna masijedicōaro beroḡū adi macarūcuro jediruaroja.

¹⁵ Diore gotirētobosarimasu Daniel ḡamasir'i ado bajiro ucamasifūmi: “Adi macarūcuro jedirodo sīgū, ‘Diore rūcubūobeticōato ĩna’ yigū, Dios ĩ bojabetire yirūcūmi. Diore yirūcubūoriaviḡū ĩ ḡasere masiruarāja muu”, yucamasifūmi Daniel ḡamasir'i. (Yu, Mateo, adi papera Daniel ĩ ucamasire Jesús ĩ gotisere yu ucasere ĩacōari, ajimasifūna.) To bajiri Dios ĩ bojabetire ĩyisere ĩacōari, “Jerusalén maca ti jedirotirūmū cōḡaro bajijaja”, yimasiruarāja muu. ¹⁶ To bajiro bajirirāmū Judea sitana gūtayucūḡū guaro

rudicoajaro ĩna. ¹⁷ Sĭgũ ĩ ya vi joeju jesaguma, rujiacõari, ĩ ya vi jubeaju gajejeũni ñasere juaatĩmabetirucumi. ¹⁸ Gãji, veseju moaňagũ, ĩ ye sudire juagu tudiatĩmabetirucumi, rujarĩmarone yu ejaroti ti ñajare. ¹⁹ Rõmia macu sãñarã, ũjurã cuorã quẽne, rojose tãmuoruarãma ĩna, ũmatĩmabetica yirã. ²⁰ “Bũto oco quedirirũmũre, to yicõari, ususãjariarũmare bajibeticõato” yirã, Diore sẽnĩcõa ñarũgũña. ²¹ To bajiro bajirirũmũri bũto rojose tãmuoruarãma masa. Adi macarucuro ñasũoriarũmũri masa rojose ĩna tãmuoadire rẽtoro tãmuoruarãma ĩna. Rojose ĩna tãmuoro bero, to bajise rojose tãmuobetiruarãma yuja. ²² “Yoaro mebusane rojose tãmuoato masa” Dios ĩ yibetijama, sigũ catirũyarocu manibogumi. “Yu yarã ñaňa mũa” ĩ yirere cudiriarãre ĩamaigũ ñari, “Yoaro mebusane rojose tãmuoato ĩna”, yirucumi Dios.

²³ To bajiro bajĩñariorodire, “Ănine ñaami ‘Rotimũorũgõrucumi’ yigu, Dios ĩ cõar’i. Ejayumi” gãjerã ĩna yijama, ĩnare ajibeja mũa. To yicõari, gãjerãjuama, “Tone ñagũmi. Ejayuju” mũare ĩna yijaquẽne, ĩnare ajibeja mũa. ²⁴ Jãjarã yitorã ñaruarãma, “Yũne ñaja ‘Rotimũorũgõrucumi’ yigu, Dios ĩ cõagũ” yirã, to yicõari, “Diore gotirẽtobosarimasa ñaja yũ” yirã. To bajiro yirã, ĩaľaňamani jairo yĩoruarãma, masare yitorã. To bajiro yiruarãma, “Yu yarã ñaňa mũa” Dios ĩ yirere cudirã quẽne, manijũare ajitirũnũato” yirã. ²⁵ Tire mũare yu gotimasiosere quẽnaro tũoľaňa mũa. Ti bajiroto rĩjoro jediro mũare gotijeobu yu. ²⁶ To bajiri, “Yucũ manojũ ñagũmi, ‘Rotimũorũgõrucumi’ yigu, Dios ĩ cõar’i” mũare ĩna yijama, ĩarã vabetiruarãja mũa. To yicõari, “Vi jubeaju yayioroju ñagũmi, ‘Rotimũorũgõrucuja mũ’ yigu, Dios ĩ cõar’i” ĩna yijama, ĩnare ajitirũnũbetiruarãja mũa. ²⁷ Macarucuro jediro bujo ĩ yabesere masa ĩna ĩarore bajiro Dios ĩ roticõacasu, yu vadore yũre ĩare ñarũaroja. ²⁸ Rijar’i, ĩ boacũñarorema, yuca ejarãma ĩna —yũare yicami Jesũs. ĩ

“Dios ĩ roticõacasu tudiejarucuja yu”, Jesũs ĩ yire queti

(Mr 13.24-37; Lc 21.25-33; 17.26-30, 34-36)

²⁹ To yicõari, quẽna ado bajiro yũare yicami Jesũs:

—Tire rojose ĩna tãmuo gajanorijaũne, gaje vãme rojose bajirũaroja. Muju ũmũagu asibetirucumi yuja. Namiagu quẽne busubetirucumi. Nõcoa quẽne vẽjacoaruarãma. To yicõari, õ vecayere nũrubatorucumi Dios. ³⁰ To bajiro ti bajiro ĩacõari, “Õ vecagu Dios ĩ roticõagũ rujiadiguagu yigumi”, yũre yiruarãma masa. Yu rujiadire ĩacõari, gũirã, otiruarãma. Yu masise rãca, oco bueri vatoaju bũto yu busubatorujiadire ĩaruarãma. ³¹ Ő vecaju trompeta jutise ocaruyũaroja. To cõrone, “Yu yarã ñaňa” Dios ĩ yirere cudiriarãre judoaga soje, jũnaga soje, varuaga soje, gajejacatua varuaga soje ñarã jedirore juarẽoato” yigu, ángel mesare cõarucuja yu. To yu yijare, yu yarã ñaro cõrone juarẽoruarãma ĩna —yũare yicami Jesũs.

³² To yicõari, quẽna ado bajiro yũare goticami Jesũs:

—Gotimasiore queti mũare gotigu yaja yu. Higuera vãme cutiare tũoľaňa mũa. Higuera vãme cutũy gajecu bũsũamũjacõari, jũ mameaja. Tire ĩacõari, “Mojeroaca rũyaja cãma ti ejaroti”, yimasiaja mani, jud’io masa. ³³ Mũare yu gotisere bajiro bajisere ĩacõari, “Mojeroaca rũyaja Jesũs ĩ vadiroti”, yimasiruarãja mũa. ³⁴ Riojo mũare gotiaja yu. Adirodo ñarã mũa bajireajediroto rĩjoro, mũare yu gotirore bajirone bajirũaroja ti.

ĩ **24:28** “Yuca ejarãma, masu boagu ĩ ñarore” ĩ yijama, “Rojose yirãma, no bojarone ñacõarãma” yigu yiyuju Jesũs.

J³⁵ Adi macarucuro ñaro cõrone, to yicõari, õ vecaye quëne jedicoaruaroja. To bajiboarine, yu ocama, jedibeti m̄orũgõcõaruaroja.

³⁶ “Ado cõrone ejarucumi Jesús” yimasigũ magũmi. Ángel mesa quëne, masimenama ña. Dios macu ñaboarine, “To cõro ejarucuja yu”, yimasi-beaja yu quëne. Yu jacu sigũne masigũmi —yuare yicami Jesús.

³⁷ Quëna ado bajiro yuare gotirẽmocami Jesús:

—Noé ñamasir'i ñariarodo masa ña bajiñamasiriarore bajiro bajiñaruarãma, Dios ñ roticõacacu, yu tudiejarirũmare quëne. ³⁸ Adi macarucuro ti rujaroto r̄joro, bare ba, idi, manajo cuti, yicõa ñamasifiujarã ña. Diore tuoñari mene, “¿To bajiroado yatique?” yimenane, jairica cũmua quënogajanocõari, Noé ñ vasãjaro ñnone to bajiro yicõa ñamasifiujarã ña. ³⁹ “To bajiroado yiroja” ña yimasibetone, ñnare ruureacõamasiñuju Dios. To bajirone bajiruarãma masa, yu tudiejarirũmare quëne. ⁴⁰ Yu ejarirũmu juarã ñmua ña veseju moañaruarãma. To ña yifñarone, sigũ ñmiecorucumi. Gãjima, ñmiecobetirucumi. ⁴¹ Rõmia juarã trigore vãiañaruarãma. To bajiri, sigõ ñmiecorucocomo. Gajeoma, ñmiecobetirucocomo.

⁴² To bajiro bajiroti ti ñajare, roori ñaruarãja mua, “To cõrone tudiejarucumi mani uju” yure yimasimena ñari. ⁴³ Sigũ vi uju, “Adi ñami juarudirimasu ejarucumi” ñ yimasijama, roori ñabogumi, ñre mataru. ⁴⁴ To bajiri, “Dios ñ roticõagũ ñ tudiejarotire mani masibetirĩmarone tudiejaromi” yirã, roori ñarũgũuarãja mua —yuare yicami Jesús.

“Ado bajiro bajigumi yu tudiejarotire roori ñagũma”, Jesús ñ yire queti (Lc 12.41-48)

⁴⁵ Quëna ado bajiro yuare gotirẽmocami Jesús:

—Ado bajiro bajirucumi yure quënarõ ajitirũnu tujabecu, quënarõ tuoñagũ: Uju, gajeroju ñaguacu, ñ varoto r̄joro, “Yu ya vianare yure codebosaba” yigu, ñre moabosarimasure ñ cũ var'ire bajiro bajigu ñagũmi. ⁴⁶ ñ uju, ñ rotivariarore bajirone ñ moayurere tudiejacõari, ñ ñaejajama, quënarõ ñre yigumi, ñre moabosarimasure. ⁴⁷ Riojo m̄are gotiaja yu. Uju ñ bojarore bajirone ñ yire ti ñajare, ñ cõose jedirorene ñre ñatirũnu rotigumi. ⁴⁸⁻⁴⁹ Ado bajiro bajirucumi yure quënarõ ajitirũnubecuma: Rojose yigu ñ ñajama, uju, ñ vato bero, “Yoatoju tudiejugumi” yituoñagũ ñari, ñ uju moabosarimasare rojose yigumi. To yicõari, idimecurũgũrãre baba cuticõari, ña rãca idirũgũgũmi ñ quëne. ⁵⁰ To ñ yifñarone, ñ uju, tudiejugumi. ⁵¹ Tudiejacõari, ñ rotiriarore bajiro ñ yibetire ti ñajare, rojose ñre yigumi. To bajiri “Quënarõ yirã ñaja yu” yiboarine, ña yirore bajiro yimena rojose ña tãm̄orore bajirone tãm̄ogũmi. Buto rojose tãm̄ogũ ñari, guji põguẽ, oti, yigumi —yuare yicami Jesús.

25

“Ado bajiro bajiruarãma Dios yarãma. To yicõari, ñ yarã me ñarãma ado bajiroju bajiruarãma”, Jesús ñ yire queti

¹ Quëna ado bajiro yuare yicami Jesús:

—Uju Dios yarã ñaronama, quënarõ ñ yironama, to yicõari, ñ yarã me ñaronajumama, ado bajiro bajirãre bajiro bajiruarãma: Mamarã rõmiri juããmocãrãco ñarãma, mame manajo cutirocure ñre bocarã vana.

J^{24:34} Griego masa ye rãca “esta raza” yiroma, judío mesare yiro yaja. To bajicõari, “esta generaciõn” ti yijama, adirodo ñarãre yiro yaja.

To vana, ña sñabusuore juaánama. ² Cojomocārāco ñarāma quēnaro t̄oīarā. To yicōari, cojomocārāco quēnaro t̄oīamena ñarāma. ³ Quēnaro t̄oīamenama ña sñabusuore juarā ñaboarine, uye ti jediro, ña jiova-soaborotire juaámenama. ⁴ Quēnaro t̄oīarājua, “Ti jediro jiorāsa mani” yirā, juaánama. ⁵ Manajo cutiroc̄u ī ejaťimabetijare, yoaro yubusaboa, cānicoanama. ⁶ Ña cāniñarone, ñami gudareco cōñaro cōro ocaruyuroja yuja: “Manajo cutiroc̄u vadicoadiami yuja. Ñre bocarā vayá”, yī ocaruyuroja. ⁷ Tire ajicōari, ña sñabusuore sñarāma. ⁸ Cojomocārāco ñarā quēnaro t̄oīamenajua, ado bajiro yirāma quēnaro t̄oīarājua: “Yua sñabusuore uye jedicoaja ti. To bajiri mua uye mojoroaca uare ñiña”, yiboarāma ña. ⁹ To bajiro ña yiboajaquēne, ado bajiro cūdirāma quēnaro t̄oīarā: “Ñisibeja. Mua masune uye ñsirimasa tuju vacōari, vaja yiyaya. M̄are yua ñsijama, manire t̄jabetiboroja”, ñare yirāma. ¹⁰ To bajiro ña yisere ajicōari, uye vaja yirā vacoanama quēnaro t̄oīamenajua. Ña vato bero, manajo cutiroc̄u ejağumi yuja. Quēnaro ñayuriarā rōmirima, ī ejarone, ī rāca sājacoanama ña, ī āmosiaro ñarā. Sājacōari, sojere tucōagūmi manajo cutiroc̄ujua. ¹¹ Soje ī turiaro bero, ejaboarāma quēnaro t̄oīamena. Sājamasiemenama. To bajiri, manajo cutiroc̄u ado bajiro ñre yiboarāma: “Yua uju, soje jānaña maji”, ñre yiboarāma. ¹² To ña yisere ajicōari, ado bajiro ñare cūdigūmi manajo cutiroc̄u: “Riojo m̄are gotiaja yu. Yu yarā me ñaja mua. M̄are masibeaja yu”, ñare yigūmi manajo cutiroc̄u —uare yicami Jesús.

¹³—To bajiri roori ñarūğūrārāja mua, “To cōrone tudiejarucūmi” uare yimasimena ñari —uare yicami Jesús.

Moabosarimasa ña bajirere Jesús ĩ gotimasiore queti

(Lc 19.11-27)

¹⁴ Quēna ado bajiro uare yicami Jesús:

—Quēna yu tudiejaro, “Ñajediro uju ñaja yu” yīocōari, yu yarā uare ajitirūnarā ña yisere masicōari, moabosarimasa uju ado bajiro ī yiriarore bajiro bajiruroja: Sīgū ñagūmi gaje sitaju varocu. ĩ varoto rījoro, ñre moabosarimase jirēogūmi. Ñare jirēocōari, ī ye gājoare ñare bategūmi. “Yu manitoyeju adi gājoa rāca vaja yicōari, mua vaja yisere gājerāre ñsirā, jaibusaro vaja sēnima, ĩjaibusaro gājoa bujarāsa” yirā”, ñare yigūmi.

¹⁵ To bajiri, sīgūre cinco mil ñaritiiri gājoatiire ñre ñsigūmi. Gājire, dos mil ñaritiiri ñsigūmi. To yicōari, gājirema, mil ñaritiiri ñsigūmi. Ñare ñsigajanocōari, vacoacūmi. ¹⁶ Uju ī vato bero, cinco mil ñaritiiri ñsiecor'i, quēna cinco mil ñaritiiri bujarēmogūmi. ¹⁷ Gāji dos mil ñaritiiri ñsiecor'i, quēna dos mil ñaritiiri bujarēmogūmi. ¹⁸ Gāji, mil ñaritiiri ñsiecor'ima, ī ñsiecoriario cōrone yujecūcōagūmi.

¹⁹ Yoatoju uju tudiejağumi quēna. Tudiejacōari, “Gājoa ñare yu ñsicati rāca, ¿no bajiro uare yibosayujari ña?” yisēñaru, ñare jīgūmi quēna. ²⁰ Cinco mil ñaritiiri ī ñsir'ire jīsuogūmi. To ī yigū, ejaçōari, ñre ī ñsiriaro cōro tuogūmi. To yicōari, cinco mil ī bujarēmorerere ñre ñsigūmi. To yigūne, ado bajiro gotigūmi: “Cinco mil ñaritiiri uare ñsicaju mua. To bajiri quēna gaje cinco mil ñaritiiri m̄are bujarēmobosabu yu”, ī ujure ñre yigūmi. ²¹ To ī yijare, ado bajiro ñre cūdigūmi ī uju: “Yuare quēnaro moabosayuja mua. Yu roticatore bajirone uare cūdiyuja mua. Mojoroaca m̄are yu ñsicati rāca yu roticatore bajiro mua yire ti ñajare, ñamasuse uare yibosarucūja mua. Yu rāca variquēnaña”, ñre yigūmi. ²² To ī yiro bero, gāji, dos mil ñaritiiri

Īsiecor'i ejaġumi. Ejacōari, ĩre ĩĪsiriaro cōro t̄ogumi ĩ quēne. To yicōari, gaje dos mil ĩaritiiri ĩ bujarēmorere ĩsigūmi. To yigune, ado bajiro gotigumi: “Dos mil ĩaritiiri yure ĩsicaġu ma. To bajiri quēna gaje dos mil ĩaritiiri m̄re bujarēmobosabu yu”, ĩ ĩjure ĩre yigumi. ²³ To ĩ yijare, ado bajiro ĩre c̄digumi ĩ ĩju: “Yure quēnaro moabosayuġa ma. Yu roticatore bajirone yure c̄diyujā ma. Mojoroaca m̄re yu ĩsicati r̄ca yu roticatore bajiro ma yire ti ĩajare, ĩamasuse yure yibosaruc̄ġa ma. Yu r̄ca variquēnaĩa”, ĩre yigumi.

²⁴⁻²⁵ Ī bero ĩ ĩjure ĩogū ejaġumi mil ĩaritiiri ĩsiecor'i: “Yu ĩju, adine ĩaja ma ḡjoa, yure ma ĩsicati. Tire yujecūcōacaġu yu, m̄re gūigu ĩari, ‘Ti s̄orine yure tud'ijacagumi; būto roticōari ĩ bojarore bajiro yirere bojaġu ĩacami’ yit̄oĩagū ĩari”, ĩre yigumi. ²⁶ To bajiro ĩ yijare, ado bajiro ĩre c̄digumi ĩ ĩju: “Yu bojasere yiteġu bajiyujā ma. Rojogu ĩaja ma. ‘Tud'ijacagumi; būto roticōari ĩ bojarore bajiro yirere bojaġu ĩacami’ yure yit̄oĩagū ĩaboarine, quēnaro yure moabosabesujā ma. ²⁷ Ḡjoa m̄re yu ĩsicati r̄ca vaja yicōari, ma vaja yisere ḡjerāre ĩsicōari, jaiabusaro vaja s̄enibetiboarine, ḡjoa cūriavijua ma cūjama, jaiabusaro yure bujarēmobosaboriaġa ma”, ĩre yit̄ud'igumi ĩ ĩju. ²⁸ To bajiro ĩre yigajanocōari, ḡjerāre ado bajiro rotigumi: “Ānire ḡjoa yu ĩsiboacatire ēmaĩa. Tire ēmacōari, diez mil ĩaritiiri yure ĩsigūjare ĩsiĩa”, ĩnare yigumi ĩna ĩju. ²⁹ To yicōari, ado bajise ĩnare gotirēmogūmi: “No bojaġu ĩre yu ĩsise r̄ca yu bojarore bajiro yigu, quēnase bujaruc̄ami. ĩieġa r̄yabetiraroġa ĩre. No bojaġu ĩre yu ĩsise r̄ca yu bojarore bajiro yibec̄rema, ĩre yu ĩsiboacatire ĩre ēmaruc̄ġa yu, ‘Yu bojarore bajiro yimasibeami’ yigu. To yicōari, ĩre yu ēmasere ḡġi yu bojarore bajiro yigujare ĩsiruc̄ġa yu. ³⁰ Āni yure moabosarimasu ĩie vaja magūre, r̄etiaroġu ĩre rocacōaĩa ma. Toġu ĩacōari, būto rojose t̄am̄ogū ĩari, guġi p̄ogūē, oti, yiruc̄ami”, yigumi ĩna ĩju —yure yigoticami Jesús.

Adi macaruc̄aro ĩnarāre, masare ĩ beserotire Jesús ĩ gotire queti

³¹ Ado bajiro yure goticami Jesús quēna:

—Dios ĩ roticōacacu yu tudieġaro, yu r̄ca eġaruarāma ángel mesa. Ejacōari, masare rotiguaḡu, r̄c̄sab̄oriaġu rujiruc̄ġa yu. ³² To bajicōari, “Adi macaruc̄aroana masa ĩajediro yu r̄ġoroġua eġato” yigu, ángel mesare ġaārotiruc̄ġa yu. To bajiro ĩna yieġoro bero, yu yarāre, yu yarā mere quēne ĩamasicōari, ricati ĩnare cūruc̄ġa yu. Oveja coderimasu, oveġare ricati, cabrare ricati ĩ cūrore bajiro ĩnare yiruc̄ġa yu. ³³ Yu yarāre yu r̄oġoġacatua cūruc̄ġa. To yicōari, yu yarā mere yu ḡcoġacatua cūruc̄ġa. ³⁴ To bajiri yu r̄oġoġacatuanare ado bajiro ĩnare yiruc̄ġa yu: “Yu jacu quēnaro ĩ yirā ĩaja ma. To bajiri ĩ r̄ca ĩ ye quēnasere bujaruarāġa ma yuja. ‘To bajiro bajiruarāma’ m̄are yit̄oĩacōari, quēnobosacami, adi macaruc̄aro ruġeoḡu. ³⁵ Yu ĩiorijaro, yure bare ecacajā ma. Yu idiruar̄o, yure iocajā ma. ġajeroaḡu ma masibecu yu ĩaboajaquēne, quēnaro yure bocaāmicajā ma. ³⁶ Yu sudi mano, yure sudi sācajā ma. Yu rijaro, yure ĩarā eġacajā ma. Tubiberiavi yu ĩaro, yure ĩarā eġacajā ma”, yiruc̄ġa yu, yu yarāre. ³⁷ To bajiro yu yisere ajicōari, ado bajiro yure s̄enĩaruarāma ĩna: “Yu ĩju, ġDivato ma ĩiorijasere ĩacōari, m̄re bare ecacati yua? ġDivato ma idiruar̄o m̄re iocati yua? ³⁸ ġDivato ġajeroaḡu yua masibecu ma ĩaboajaquēne, quēnaro m̄re bocaāmicati yua? To yicōari, ġdivato ma sudi mano, m̄re sudi sācati yua? ³⁹ To yicōari, ġdivato ma tubie ecoro, ma rijarore quēne, m̄re ĩarā eġacati yua?”, yure yis̄enĩaruarāma ĩna. ⁴⁰ To bajiro ĩna yisere

ajicōari, ado bajiro ĩnare cūdirucija yu: “Riojo mũare gotiaja yu. Yu yarāre, ‘Ñamasurā me ñaama’ ĩnare yiboarine, quēnaro ĩnare mũa yijama, yũrene quēnaro yirā yicaju mũa”, ĩnare yirucija yu, yu yarāre, yu riojojacatuajua ñarāre.

⁴¹ To yicōari, yu gācojacatuajua ñarārema ado bajiro yirucija yu: “Yũre cāmotadiya mũa. ‘Rojose tāmũoruarāma’ Dios ĩ yirā ñaja mũa. ‘Jeame yatibetimeju, rojose tāmũoruarāma vātia, ĩna uju rāca’ Dios ĩ yirujeocatijuju vasa mũa. ⁴² Yu ñiorijaro yũre bare ecabeticaju mũa. Yu idiruaro yũre iobeticaju mũa. ⁴³ Gajeroagu mũa masibecu yu ñajare, yũre bocaāmibeticaju mũa. Yu sudi mano, yũre sudi sābeticaju mũa. Yu rijaro quēne, tubiberiavi yu ñaro quēne, yũre ĩarā ejabeticaju mũa”, ĩnare yirucija yu, yu gācojacatuanare. ⁴⁴ To bajiro ĩnare yu yirone, ado bajiro yũre sēniaruarāma ĩna: “¿Divato mũ ñiorijaro mũre ecabeticati yua? ¿Divato mũ idiruaro, mũre iobeticati yua? ¿Divato gajeroagu yua masibecu mũ ñajare, mũre bocaāmibeticati yua? ¿Mũ sudi mano, mũre sudi sābeticati yua? ¿Divato mũ tubibe ecoro, mũ rijarore quēne, mũre ĩarā ejabeticati yua?”, yũre yisēniaruarāma ĩna. ⁴⁵ To bajiro ĩna yisere ajicōari, ado bajiro ĩnare cūdirucija yu: “Riojo mũare gotiaja yu. Ānoa yu riojojacatuana yu yarāre, ‘Ñamasurā me ñaama’ ĩnare yiboarine, quēnaro ĩnare mũa yibetijama, yũrene quēnaro yimena bajicaju mũa”, ĩnare yicūdirucija yu, yu gācojacatuanare. ⁴⁶ To bajiro ĩnare yigajanocōari, rojose ĩna tāmũotujabetirotoju ĩnare reacōarucija yu. To yicōari, yu yarājuama, quēnaro ĩna ñacōa ñarotoju varuarāma —yũare yicami Jesús.

26

“¿No bajiro yigu ñaami yitocōari, Jesúre ĩre ñiarāti mani, ĩre sīaruarā?”, ĩna yire queti

(Mr 14.1-2; Lc 22.1-2; Jn 11.45-53)

¹ To bajiro gotigajanocōari, ĩ buerimasare ado bajiro yũare yicami Jesús:

² —Juarũmũ berone ñaroado yaja Pascua boserũmũ ñasũorirũmũ. Tirũmũne yũre Dios ĩ roticōacacũre masare ĩsirocacũmi sīgũ. To bajiri yũre ñiacōari, yucútēroju jajusīaruarāma ĩna —yũare yicami Jesús.

³ Tirũmũri paia uju ñamasugũ Caifás vāme cutigu ya viju rējacōari, tũoĩañañujarā bucũrā, paia ujarā quēne:

⁴—Jesúre sīaruarā, ¿no bajiro yigu ñaami yitocōari, ñiarotirāti mani? ⁵ To bajiboarine, boserũmũ ñaro ĩre mani sīajama, tire ĩajũnisinicōari, manire rojose yiborāma masa —gāmerā yĩñagõñujarā ĩna.

Jesús rũjoare sutiquēnasene rōmio so yuejeore queti

(Mr 14.3-9; Jn 12.1-8)

⁶ Betania vāme cuti macaju cāmi boacacu, Simón vāme cutigu ya viju ñacaju yua, Jesúrāca. ⁷ Ti viju Jesús ĩ barujirore, sīgõ, gũta sota alabastro vāme cuti rāca veariaru āmiejacamo. Sutiquēnase buto vaja cutise, nardo vāme cutise sãñaritu ñacaju tirũ, so āmiritũ. To bajiri Jesús tuaca eja, ĩ rũjoa joere ĩre yuejeocamo so. ⁸ To bajiro so yisere ĩacōari, jũnisinicaju yua ĩ buerimasa. To bajiri, ado bajiro gāmerā yicaju yua:

—Jairo gãjoa yireago yamo! ⁹ Tire ĩsicōari, jairo gãjoa bũjacōari, maioro bajirāre ejarēmoroti ñaboaja ti —gāmerā yicaju yua.

¹⁰ To bajiro yua yisere ajicōari, ado bajiro yũare yicami Jesús:

—Sore gōjanabiobesa m̄ua. Tire yure so yuejeojama, quēnaro yure yigo yamo. ¹¹ Maioro bajirā m̄ua rāca ñacōa ñarūgūruarāma, m̄ua ejarēmorona. Yuma, m̄ua rāca ñacōa ñabetirucuja. ¹² Adio sutiquēnase yure so yuejeojama, yure ña yujeroto rījoro yuejeo rījoro cutigo yamo. ¹³ Riojo m̄uare gotiaja yu. Yu bajiroti quēnase quetire, adi macaruc̄uaroana jedirore gotibatoruarāma masa. To bajirone bajiruaroja sutiquēnase yure so yuejeose queti quēne. So yuejeosere masiritimenane tire gotibatoruarāma —yure yigoticami Jesús.

“Jesúre ñiato” yigu, ñe ñaterā taju Judas ñ gotirudigu vare queti
(Mr 14.10-11; Lc 22.3-6)

¹⁴ Jesús buerimasa juaāmo cōro, gūbo jua jēnituarirācu ñacaju yua. To bajiri yua rācagune Judas Iscariote vāme cutigu, paia ujarāre ñagōgū varimi. ¹⁵ Ña taju ejacōari, ado bajiro ñnare sēniñaju ñ:

—¿No cōro jairo yure vaja yirāda m̄ua, “Jesúre ñiato” yigu, m̄uare yu gotijama? —Ñnare yisēniñaju.

To ñ yisēniñase ñajare, treinta ñaritiiri gājoa ñe ñiñujarā ña. ¹⁶ To bajiro ña gāmerā yiriario bero, “¿Dirīmaro ñno Jesúsre ñnare ñnariotiguti yu?”, yituoñacōa ñañuju ñ.

Jesús ñ bat̄sare queti
(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserām̄u pan ūmato vauvase v̄uoyamani basuoriarām̄u eja-caju ti. To bajiri Jesús buerimasa, ado bajiro ñe sēniñacaju yua:

—Pascua boserām̄u ñajare, mani barotire, ¿noju bare yua quēnoyusere bojati m̄u? —Ñe yisēniñacaju yua.

¹⁸ —Jerusalénju vasa m̄ua. Toju ejacōari, ado bajiro ñe yiba, vi ujure: “Manire gotimasiomasu ado bajiro m̄ure yicōami: ‘Mojoroaca guya, Dios ñ bojarore bajiro yu yijeoroti. To bajiri, ñ ya vij̄u adi ñami Pascua boserām̄u ti ñajare, yu buerimasare ūmato bagu varuc̄uja’ m̄ure yicōami”, ñe yigotiba m̄ua —ñnare yicami Jesús.

¹⁹ “To bajiro yiba m̄ua” Jesús ñ yicatore bajirone yiyuma ña. To bajiri, Pascua boserām̄u yua barotire quēnoyuyuma ña.

²⁰ Ti ñami ñ buerimasa juaāmo cōro, gūbo jua jēnituarirācu ñarā barujicaju yua, Jesúsra. ²¹ Yua bañarone, ado bajiro yure yicami Jesús:

—Riojo m̄uare gotiaja yu. Sīgū m̄ua rācagu, yure ñaterāre yure ñsirocaruc̄umi —yure yicami Jesús.

²² To ñ yisere ajicōari, b̄uto s̄utiriticaju yua. Tocārācune s̄utiritirā ñari, ado bajiro ñe sēniñacaju yua:

—¿Yu uju, yune ñabetiboati, m̄ure ñsirocarocu? —Ñe yisēniñacaju yua.

²³ To bajiro yua yisere ajicōari, ado bajiro yure cudicami Jesús:

—Sīgū, yu rāca yosebagu ñaami yure ñsirocarocuma. ²⁴ Dios oca masa ña ucamasire ti gotirore bajiro rojose t̄am̄uoruc̄uja yu, Dios ñ roticōacacu. To bajirocu yu ñajare, yure ñaterāre yure ñsirocaruc̄umi. Yure ñ gotiyirose suorine rojose t̄am̄uoruc̄uja yu. “Masare yirētobosaruc̄umi” Dios ñ yimasire ti ñajare, bajiruc̄uja yu. To bajiboarine, yure gotiyiror’ij̄uama, rojose t̄am̄uoruc̄umi. Ruyubeticōarocu ñaboayumi —yure yicami Jesús.

²⁵ To ñ yirone, Judas, Jesúsre ñsirocarocu, socune ado bajiro Jesúsre ñe sēniñatocami:

—Gotimasiomasu, ¿yune ñabetiboati, m̄ure ñsirocarocu? —Ñe yisēniñacami.

To ĩ yirone, ado bajiro ĩre cudicami Jesús:

—Riojo yaja m̄u —ĩre yicami Jesús.

²⁶ Ȳna bañarone, pan āmicōari, “Quēnaja”, Diore ĩre yicami Jesús. To yigajano, tire m̄utocōari, ĩ buerimasare ȳnare ĩsibatoḡune, ado bajiro ȳnare yicami:

—Baya m̄na. Ti ñaja ȳn ruju rii —ȳnare yicami.

²⁷ Tire ȳna bagajanorone, idiriabaja āmicōari, “Quēnaro yaja m̄u”, Diore yicami quēna. To yicōari, tibaja ȳnare ĩsiḡune, ado bajiro yicami:

—M̄na jediro adire idiya. ²⁸ Adi ñaja tir̄um̄nana “Rojose mani yirere masirioato” yirā, Diore r̄ac̄ub̄hor̄iaju joere ĩna yuejeoriarore bajiro bajise. Yuc̄rema, ȳn ri’i ñaja. Ti s̄hor̄ine, “Gajerodo to bajiro m̄nare yir̄uc̄uja ȳn” Dios ĩ yic̄umasiriarore bajiro bajir̄naroja. To bajicōari, jājarā masa rojose ĩna yisere masiriocōari, tudit̄uoĭabetir̄uc̄ami Dios. ^k ²⁹ Riojo m̄nare gotiaja ȳn. “Rotim̄or̄aḡōr̄uc̄ami” yiḡn, ȳn jac̄u ȳnare ĩ c̄uroto r̄ĭjoro, quēna j̄naji ȳnare oco idibetir̄uc̄uja ȳn —ȳnare yicami Jesús.

“Jesúre masibeaja ȳn’ yir̄uc̄uja m̄n”, Pedrore Jesús ĩyire queti

(Mr 14.26-31; Lc 22.31-34; Jn 13.36-38)

³⁰ To ĩ yiro bero, Diore r̄ac̄ub̄hor̄ā basacaj̄n ȳna. Basagajano, Olivo vāme cuti buroj̄n vacoacaj̄n yuja. ³¹ To ȳna vatone, ado bajiro ȳnare yicami Jesús:

—Adi ñamine ȳnare ajitir̄ān̄u t̄ujacōari, vaveor̄nar̄āja m̄na jediro. Dios oca masa ĩna ucamasire to bajiro ti gotijare, to bajise m̄nare yaja ȳn. Ado bajiro gotiaja ti: “Oveja coderimasare bajiro bajiḡure s̄iar̄uc̄uja ȳn. To bajiri ĩ yarā ovejare bajiro bajirā rudibatecoar̄ar̄ama”, yigotiaja Dios oca masa ĩna ucamasire, manire gotiro. ³² Ȳnare m̄na vaveoboajaquēne, ȳnare ĩna s̄iaro bero, quēna tudicaticōari, Galilea sitaj̄n m̄na vato, yuj̄na m̄na r̄ĭjoro ñatujar̄uc̄uja —ȳnare yicami Jesús.

³³ To ĩ yisere ajicōari, ado bajiro ĩre yicami Pedro:

—Ānoa jediro, m̄nare ĩna vaveoboajaquēne, m̄nare vaveobetir̄uc̄uja ȳnma —Jesúre ĩre yicami.

³⁴ To ĩ yisere ajicōari, ado bajiro ĩre cudicami Jesús:

—Riojo m̄nare gotiaja ȳn. Adi ñami busiyuj̄na ḡājaboc̄u ĩ ñaḡōroto r̄ĭjoro, idiaji, “Jesúre masibeaja; ĩ r̄ācaḡu me ñaja ȳn”, yisocar̄uc̄uja m̄n —Pedrore ĩre yicami.

³⁵ To bajiro ĩ yisere ajicōari, ado bajiro cudicami Pedro:

—M̄n r̄āca ȳnare ĩna s̄iar̄najaquēne, “Jesúr̄ācaḡu me ñaja ȳn”, yisocabetir̄uc̄uja ȳn —Jesúre yicami Pedro.

To bajiro Pedro ĩ yisere ajicōari, ȳna quēne to bajiro yijedicōacaj̄n.

Getseman’i vāme cutoj̄n Jesús ĩ jac̄ure ĩ s̄ēniḡū vare queti

(Mr 14.32-42; Lc 22.39-46)

³⁶ To ȳna yiro bero, Getseman’i vāme cutoj̄n ȳnare ūmato vacami Jesús. Toj̄n ejacōari, ado bajiro ȳnare goticami Jesús:

—Ōj̄n Diore s̄ēniḡnac̄u yaja ȳn. To ȳn vatoye, ado rujicōañā m̄na maji —ȳnare yicami.

³⁷ To yi vac̄une, Pedrore, to yicōari, Zebedeo r̄ĭnare j̄nar̄āj̄urene ji vacami Jesús. To yi vac̄une, b̄uto t̄uoĭas̄utiriticami yuja. ³⁸ To bajiro bajiḡune, ado bajiro yiyuju Jesús, ĩ r̄āca variar̄are:

k 26:28 “Ȳn bojarore bajiro m̄na yijama, quēnaro m̄nare yir̄uc̄uja ȳn” masare Dios ĩ yic̄umasire yir̄naro yaja pacto ti yijama.

—Buto tuoīasūtiritiaja yu. Sūtiosene yure sīaro yaja. Adone yure yuñaña maji. Yu cānibetore bajirone cānibeja muā quēne, Diore sēniñarā —Inare yiyuju Jesús.

³⁹ To yicōari, to sojuabusā varēmoñuju Jesús. Va, sita tūcuroju muro-cacūcōari, Diore sēniñuju ī:

—Cacu, yure ina sīarotire matamasiaja m. To bajiboarine, m bojarore bajirone bajiato —Diore yiyuju.

⁴⁰ To yigajano, Pedro mesa ina cānitoyene ina taju ejayuju. Inare yujocōari, ado bajise Pedrore ire yiyuju Jesús:

—¿No yirā cojo hora cōro cānibetibusarāne, yure yuñabetimasucōati muā?

⁴¹ Yu cānibetore bajirone cānibesa muā quēne. To bajicōari, Diore sēniña, “Vātia uju Satanás ī yirotisere yicōari, Dios ī bojabetire yirobe” yirā. Quēnaro muare masiaja yu. “Dios ī bojasere yirucuja” yirā ñaboarine, cojojirema rojose usuri cutirā ñari, Dios ī bojabetijure yirūgūaja muā —Pedro mesare inare yiyuju Jesús.

⁴² To yicōari, gāme vacu, ado bajiro Diore sēniñuju Jesús:

—Cacu, yure ina sīaroti matamasiaja m. To bajiboarine, m bojarore bajirone bajiato —Diore yisēniñuju.

⁴³ To yigajano vacune, cāniariarāne inare ejayuju quēna. Buto vūjajearā ñari, cāniñujarā ina. ⁴⁴ To bajiri rījoro inare ī yiriarore bajirone inare yicōa, Diore sēnigū vacoasuju quēna. To ejacōari, rījoro Diore ī sēniriarore bajirone ire sēniñuju quēna. ⁴⁵ Diore sēnigū var'i, tudiejacōari yuare yujocami:

—¿No yirā cāni manicōati muā maji? Ado cōrone Dios ī roticōacacure rojose yirāre yure īsirocarocu vadicoagūmi yuja. ⁴⁶ To bajiri yujiya muā. Ire bocarā vajaro. Yure īsirocarocu vadiami yuja —yuare yicami Jesús.

Jesúre ina ñiare queti

(Mr 14.43-50; Lc 22.47-53; Jn 18.2-11)

⁴⁷ To bajiro Jesús yuare ī yīñarirīmarone, Judas Iscariote vāme cutigu, yuā rācagūne, vadicami yuja. Jājarā ī rāca vadicama jariaseri cuorā, gājerā yucūjuriri cuorā. Bucarā, paia ujarā quēne ina cōariarā ñacama ina. ⁴⁸ Jēre ado bajiro goti vadiruyuyumi Judas, ī rāca vanare, “ ‘Ine ñaami Jesús’ yīamasiato ina” yigu:

—Jesúre sēnicōari, ire usurucuja yu. To yu yirone, ire ñiama muā —Inare yi vadiruyuyumi.

⁴⁹ To bajiro yir'i ñari, Jesús rījorojuā ejacōari, ado bajiro ire yicami Judas:

—Gotimasierimasu, ¿ñati m? —Ire yigūne, usucami.

⁵⁰ To ī yirone, ado bajiro yicami Jesús:

—“To bajiro yirāsa mani” inare m ūmato yivadiriare bajiro yiya m —Ire yicami Jesús.

To ī yirone, ire ñiacama Judas rāca vadiriarā.

⁵¹ To ina yirone, sīgū Jesúrācagu, ī jariase yoveaāmicōari, paia uju ñamasugūre moabosarimasure gāmoro jatarocacōacami. ⁵² To ī yisere iacōari, ado bajiro ire yicami Jesús:

—M bojarosere tudisuacōaña quēna. “Jariase rāca gāmerā quēarāma, tiase rācane sīacoruarāma”, yimasiaja mani. ⁵³ Ado cōrone yu jacure yu sēnijama, setenta y dos mil ñarā ángel mesare cōamasicōagūmi. ¿Tire masibeati m? ⁵⁴ To bajiboarine, inare ire yu sēnijama, Dios oca masa

ina ucamasire, “To bajiro bajiruroja” ina yimasiriarore bajiro bajibetiboroja. To bajiri tire ire sēnibeaja yu —ire yicami Jesús.

⁵⁵ To yicōari, ire ñiarā ejarājuare ado bajiro yicami Jesús:

—¿No yirā gajeyeūni juarudirimasire ñiarā vanare bajiro jariaseri rāca, yucūjuriri rāca yure ñiarā vadiati mña? Tocārācarūmne Diore yirūcubūoriaviju mña ñaro mñare gotimasio rujirūgūmu yu. To yu bajiboajaquēne yure ñiabetirūgūmu mña maji. ⁵⁶ Diore gotirētobosarimasa, ado bajiro yure mña yiro tirene ucamasiñuma. To bajiri to bajirone yure yaja mña —ñare yicami Jesús, ire ñiarā ejarāre.

Jesúre ina ñiasere ĩacōari, ũmarudijedicoacaju yu.

“Mñ ye sñorine rojose tāmñorñcñja mñ”, jud'io masa ñjarā, Jesúre ina yire queti

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesúre ñiacōari, paia ũju ñamasugū Caifás vāme cutigu taju ire ñmiasujarā. Toju rējacōari, ñañujarā Dios ĩ rotimasire gotimasiorimasa, to yicōari, bñcñrā quēne. ⁵⁸ Jesúre ina ñmivato, sōju yayiñasuyayuju Pedro. Ñare yayiñasuyacōari, paia ũju ñamasugū ya vi, ta biberiasāniro rētosājacoasuju. Sājacōari, Diore yirūcubūoriavi coderimasa rāca rujiyuju ĩ. “No bajiro Jesúre ina yigajano vato ĩagāsa” yigu, toju bocañarujiyuju.

⁵⁹ Paia ñjarā, to yicōari, gājerā ñjarā, ina jediro, Jesúre sñaruyujarā. To bajiro yirā ñari, “Rojose masu yigu ñaami Jesús” yisocarōnare macañujarā ina. ⁶⁰ Jājarā masa socarāne ina gotiboajaquēne, to bajiro ina yisere ajicōari, “To bajiro ĩ yire ñajare, ire sñaroti ñaja”, yimasibesujarā ina maji.

To bajiboarine, jwarā ejayujarā ina. ⁶¹ Ejacōari, ado bajiro socarāne gotiyujarā:

—“Diore yirūcubūoriavire caguerocamasiaja yu. To yicōari, idiarāmu tñsatirūmne bñajeocōamasiaja”, yicami āni —yiyujarā ina.

⁶² To ina yirone, paia ũju ñamasugū, vñmñrūgūcōari ado bajiro Jesúre yiyuju:

—To bajiro mñre ina yi ocasāsere, ¿no bajiro yati mñ? ¿Cñdibeati mñ? —Jesúre ire yiboayuju.

⁶³ To ĩ yiboajaquēne, cojo vāme cñdibeticōañuju. ĩ cñdibetire ĩacōari, ado bajiro Jesúre yiyuju paia ũju ñamasugū:

—Quēnaro riojo yñare cñdiya mñ. Mñ socajama, rojose mñre yirūcñmi Dios. ¿“Rotimñorūgōrñcñmi” yigu, Dios ĩ cōar'ine, Dios macñne ñati mñ? —Jesúre ire yisēñiñañuju paia ũju ñamasugū.

⁶⁴ To bajiro ĩ yisere ajicōari, ado bajiro ire cñdiyuju Jesús:

—Mñ yirore bajirone bajiaja. ĩne ñaja yu. To bajiri, Dios ĩ roticōacacu ñari, yoaro mene ĩ riojojacatua rujicōari, masare besegñagu oco bueri vatoaju yu rujiadire ĩarñarāja mña, —paia ũju ñamasugūre yiyuju Jesús.

⁶⁵ To bajiro Jesús ĩ yisere ajitegu ñari, ĩ sudire tñavoyuju paia ũju ñamasugū. To yigune, ado bajiro ĩ rācanare yiyuju:

—¡To bajiro ĩ ñagōjama, Diore rñcñbñobecu yami! ¡“Diore bajiro bajigu ñaja yu” yigu yami! No yirā gājerā, “Rojose yigu ñaami” yironare macarēmomenaja mani yuja. Mña quēne, Diore rñcñbñobecu ĩ yisere ajiaja mña. ⁶⁶ To bajiro ĩ yisere ajicōari, ¿no bajiro ire yiroti ñati? —ĩ rācanare yiyuju paia ũju ñamasugū.

To bajiro ĩ yisere ajicōari, ado bajiro ire cñdiyujarā:

—Rojose masu yicōami. ĩre sñacōaroti ñaja —yicñdiyujarā.

67 To yicōari, Jesús riogare gooco eoreatuyujarā ĩna. To yicōari, ĩ cajere siabibecōari, ĩre jayujarā. 68 To yicōari,

—“‘Rotimuoŕgōŕucami’ yigū, Dios ĩ cōagū ñaja yū” mū yijama, mū masise rāca, “Ī, yūre jami”, yūare yiya —Jesúre yitud'iyujarā.

*“Jesúre masibeaja yū”, Pedro ĩyire queti
(Mr 14.66-72; Lc 22.56-62; Jn 18.15-18, 25-27)*

69 Vi jubeaja Jesúre rojose ĩna yiñarone, macajája rujičōañuju Pedro. Sīgō paia uju ñamasugūre moabosarimaso, Pedro tū ejacōari, ado bajiro ĩre yiyuju:

—Jesús, Galilea sitagū rāca vacudirūgūgūne ñagāja mū quēne —ĩre yiyuju so.

70 To bajiro so yisere ajicōari, masa jediro ĩna ajiro rĭjorojūna ado bajiro yiyuju Pedro:

—“Riojo yaja mū”, mūre yimasibeaja yū —sore yiyuju Pedro.

71 To bajiro sore yicūdicōa, ta biberiasāniro sājariasoje tū vasuju Pedro. To ĩ vatone, gajeo ĩre ĩacōari, ado bajiro yiyuju:

—Āni, Jesús Nazaret macagū rāca vacudigū ñaami —yiyuju, gājerāre gotigo.

72 To bajiro ĩnare so yisere ajicōari, ado bajiro yiyuju Pedro:

—ĩre masibeaja yū. Socū me yaja yū. Dios quēne yūre ajigūmi —ĩnare yiyuju Pedro.

73 To ĩ yigotiriario bero yoatobūsa, to ñarā ado bajiro Pedrore gotiyujarā:

—Riojo yaja yūna. Jesúrāca vacudirūgūgūne ñaja mū. ĩna ñagōsere bajirone ñagōaja mū —Pedrore ĩre yiyujarā ĩna.

74 —ĩre masibeaja yū. Socū me yaja. Dios yūre ajigūmi —ĩnare yiyuju Pedro.

To bajiro ĩ yigajanorirĭmarone, gājabocū ñagōcōañuju yuja. 75 ĩ ñagōsere ajicōari, Jesús ado bajise ĩre ĩ gotirere masibujayuju Pedro yuja: “Gājabocū ĩ ñagōroto rĭjoro, idiaji, ‘Jesúre masibeaja yū’ yirūcūja mū” ĩre ĩ yirere masibujayuju. Tĭre masibujacōari, vacoasuju. Vacōari, bato otiyuju.

27

Pilato tūju Jesúre ĩna āmiejare queti

(Mr 15.1; Lc 23.1-2; Jn 18.28-32)

1 Busuro bero, būcārā, paia ujarā quēne, ĩna jediro tudirējañujarā ĩna. To bajicōari, “Ado bajiro mani yijama, Jesúre sĭaruarāma”, yitūoĭañujarā ĩna.

2 To bajiro yirā ñari, Jesús āmorire siacōari ĩre āmiasujarā ĩna, Pilato vāme cutigū ya vijū vana. Jud'io masa uju ñamasugū, romano masū ñañuju Pilato. To bajiri ĩ ya vijū Jesúre āmiejayujarā.

Judas ĩ masune ĩ sĭayayire queti

(Hch 1.18)

3 Judas, Jesúre ĩsirocacacū, “Jesúre sĭaroti ñaja” ĩna yisere ajicōari, “Rojose yibū yū”, yitūoĭa sūtiritiyuju. To bajigū ñari, būcārā, paia ujarā quēne, Diore yirūcūbūoriavijū ñarāre, ĩnare ejacōari, gājoatiiri treinta ñaritiiri ĩre ĩna ĩsiboarere ĩnare tūocōañuju. 4 Gājoatiirire ĩnare ĩsigūne, ado bajiro ĩnare yiyuju ĩ:

—Rojose yibū yū. Ñie rojose yibecūrene mūare ĩsirocacōañuja yū —ĩnare yiyuju.

To bajiro i yiboajaquene, ado bajiro ire cadiyujarã ina:

—To bajiro yuare ma yiboajaquene, no yibeaja yuarema. Mare bajiroja —Judare ire yiyujarã ina.

⁵ To ina yisere ajicõari, ti viju gãjoatiiri i isicoboarere reabateyuju Judas. To yi, gajano vacane, yucãju mujacõari, ti ruãju misimare siatucõari, i amare quene siatu, quedirocayo rijacoasuju.

⁶ Diore yirucubõoriaviju gãjoatiiri Judas i reabaterere juarẽõñujarã ina, paia ujarã. Tire juarẽocõari, ado bajiro yiyujarã:

—Adi gãjoa mani vaja yise suorine sigure sãaroana vaja. To bajiri Diore yirucubõoriavi boarijaurire quenoruarã, vaja yiroti gãjoa sãriajure sãbetiroti ñaroja —yiyujarã ina.

⁷ To bajiro yitõiacõari, “Riri soturi vearimasu sitare vaja yito mani. Ti sita ñaruroja gajeroanare bajirearãre mani yujeroti sita”, yitõiañujarã ina yuja. ⁸ To bajiri ti sita vaja yiruarã, “Jesure siato mani” yirã, Judare ina isiboare rãca ina vaja yire ñari, adirumuri quene, Ri'i Vese vãme cuticõa ñaja. ⁹⁻¹⁰ To bajiro ina yijama, tirumuju Diore gotirẽtobosarimasu Jerem'ias ñamasir'i i ucamasiriarore bajirone bajiyuju. Ado bajiro ucamasinuju i: “ ‘Ado cõro vaja cutiami sigũ amũ’ yitõiarã ñari, ire isir'ire treinta gãjoatiiri ina vaja yiboarere juacõari, riri soturi vearimasu sitare vaja yiruarãma ina, Israel ñamasir'i jãnerabatia. To bajiro ina yijama, Dios i bojarore bajiro yirã yiruarãma”, yiuucamasinuju Jerem'ias ñamasir'i.

Jesure Pilato i senniãre queti

(Mr 15.2-5; Lc 23.3-5; Jn 18.33-38)

¹¹ Ti sitana uju ñamasugũ, romano masu ñañuju Pilato vãme cutigu. To bajiri i taju Jesure amiasujarã ina. Ire ina amiejarõ iacõari, ado bajiro senniãñuju Pilato:

—¿Mũne ñati jud'io masa uju? —Jesure yiyuju Pilato.

To bajiro i yisere ajicõari, ado bajiro ire cadiyuju Jesús:

—Ma yirore bajirone bajiaja yu —Ire yiyuju.

¹² To bajiro Jesús i yisere ajicõari, bucãrã, paia ujarã quene, “Rojose yigu ñaami Jesús” Pilatore ire ina yi ocasãboajaquene, ñare ñagõcudibesuju Jesús.

¹³ To bajiro Jesure ina yi ocasãsere ajicõari, Jesure tudisenniãñuju Pilato:

—¿To bajiro mare ina yisere ajibeati ma? —Jesure yiyuju Pilato.

¹⁴ To bajiro ire i yisenniãboajaquene, ire cudibeticõañuju Jesús. I cudibetire iacõari, no yimasibesuju Pilato, ire bajiro bajigure iãbetirũgũ'i ñari.

“Jesure sãaroti ñaja”, ina yire queti

(Mr 15.6-20; Lc 23.13-25; Jn 18.38-19.16)

¹⁵ Tocãrãca cãma, Pascua bosemũ jud'io masa ina quẽnojama, sigũ, tubibe ecor'ire ina burotigũre ñare bubosarũgũñuju Pilato.

¹⁶ Tubiberiaviju ñañuju sigũ, masa jediro ina masigũ Barrabás vãme cutigu. ¹⁷ To bajiri i yirũgũriarore bajiro yigu, masa ina rẽjarore iacõari, ado bajiro ñare senniãñuju Pilato:

—¿Ñimũjuare yu busere bojati ma? ¿Jesús Barrabás vãme cutigujuare bugutique yu? Ire yu bubetijama, ¿“ ‘Rotimõorũgõrucãmi’ yigu, Dios i cõar'i ñaami Jesús” masa ina yigujuare bugutique yu? —Ñare yisenniãñuju Pilato.

¹⁸ “Jesure iãjunisindirã ñari, yure isima” yitõiaũgã, to bajiro yiyuju Pilato, Jesure buru.

19 Oca ña ñagõquēnorijũ ï rujiro, ï manajo ñre queti cõañuju: “Rojose ñre yibesã. Ñie rojose yigũ me ñagãmi. To bajiro ï yiecoroto rĩjoro gũiose cãjiriamũ yũ”, ñre yicõañuju, so manajũre.

20 Вѣснрã, paia ñjarã quēne ado bajiro tijũ rējarãre masare, “Ado bajiro yiya”, ñnare yirotiyujarã ñna:

—“Barrabãjũare bucõari, Jesũjũare sãarotiya mũ”, ñre yiya mũã —ñnare yirotiyujarã ñna.

21 Quēna ado bajiro tudisēñiañuju Pilato:

—¿Ñimũjũare yũ busere bojati mũã? —ñnare yisēñiañuju.

To bajiro ï yisere ajicõari, ado bajiro ñre cãdiyujarã ñna:

—Barrabãjũare mũ busere bojaja yũã —yiyujarã ñna, Pilatore.

22 To ñna yisere ajicõari, ado bajiro ñnare sēñiañuju Pilato:

—To yijama, ¿no bajiro yiguti yũ Jesũre, “ ‘Rotimũorũgõrũcũja mũ’ yigũ, Dios ï cõar’i ñaami” masa ñna yigũjũarema? —ñnare yisēñiañuju.

To ï yirone, ñna ñaro cõrone ado bajiro ñre avasãcãdiyujarã:

—¡Yucãtēroju ñre jajusãaroticõañã mũ! —ñre yivasãã cãdiyujarã ñna.

23 To ñna yijare, ado bajiro ñnare sēñiañuju Pilato:

—¿Ñie rojose ï yire sũori ñre sãarotiguti yũ? —ñnare yiyuju Pilato.

To ï yiboajaquēne, quēna butobũsa tudivasãñujarã ñna:

—¡Yucãtēroju ñre jajusãaroticõañã! —yivasãñujarã ñna.

24 To bajiro ñna yijare, no yimasibetiboacũ, ado bajiro tũoĩañuju Pilato: “No bajiro yicõari, ñre bumãsicũcũja yũ. Ñna bojarore bajiro yũ yibeti-jama, avasãtũjabeticõari, rojose yijacarãma ñna”, yitũoĩañuju. To bajiro tũoĩacõari, oco juarotiyuju ï. To yicõari, ado bajiro ñnare gotiyuju:

—Mũã ñaro rĩjorojũã yũ ãmorire coeñoaja yũ, “Ñni rojose yibecũre sãarũabeaja yũma” yigũ. To bajiri mũã masune mũã sãarotijama, quēnacõaroja. To bajiro mũã yijama, mũãne sũoye cãtirũarãja mũã —ñnare yiyuju ï.

25 To ï yisere ajicõari, masa ñnãjediro ñre cãdiyujarã:

—Yũã masiaja. ¡Yũã, yũã rĩa quēne sũoye cãtirũarãja, ñre yũã sãarotijama! —ñre yicãdiyujarã ñna.

26 To bajiro ñna yijare, Barrabãre bucõañuju Pilato. Jesũjũarema, ï surarare ñsiñuju, “Ñre bajecõari, yucãtēroju ñre jajusãato ñna” yigũ.

27 To bajiri ñna ya vijũ Jesũre ãmiejayujarã surara mesa. Ñre ãmiejacõari, ñna jediro ñre gãnibiarũgũñujarã. 28 To yicõari, “Ujũre bajigu ñato” yirã, ado bajiro Jesũre yiyujarã: Jesús ï sudi sãñasere vejecõari, ñjarã ñna sãñarito ñnore, sũarivũjorore ñre sãñujarã. 29 To yicõari, ï rũjoa joere jotabedo ñna suariabedone ñre jeoyujarã. To yicõari, riojojacatuãga ãmore, yucũ, uju ï cũoricũre ñre ñsiñujarã. To bajiro ñre yicõari, ï rĩjorojũã gũsomuniarĩ tuetucõari, ado bajiro ñre yiajatud’yujarã:

—Jud’io masa ñjũre mũre quēnarotiaja yũã yuja —Jesũre yiyujarã ñna.

30 To yirãne, gooco ñre ecreatuyujarã ñna. To yicõari, ï cũoricũre ãmacõari, ñrũjoare jayujarã ñna. 31 To bajiro ñre yigãjanocõari, ñjarã ñna sãñarito ñnore ñna sãñarore ñre veayujarã ñna quēna. To yicõari, ï sudijũã ñre sãñujarã quēna. Ñre sudi sãgãjanocõari, yucãtēroju jajusãaroana ñre ãmiasujarã.

*Yucãtēroju Jesũre ñna jajusãare queti
(Mr 15.21-32; Lc 23.26-43; Jn 19.17-27)*

³² Īre āmivanane, sīgū Cirene vāme cūti sitagu, Simón vāme cūtigure bocacama ĩna. Īre bocacōari, “Jesús ĩ gaja vatijāire ĩre gajabosaya”, ĩre yi vacama ĩna.

³³ To yi vanane, Gólgota vāme cūti buroju ejacama ĩna. “Rujoco Buro” yire ũni ñacaju “Gólgota” yire. ³⁴ Toju ejacōari, ũye ocore, sūese rāca vñocōari Jesúre ĩre iocama ĩna. “Īre jūnise jūni ruyubeticōato” yirā, yiboacama. Tire idiñaboa yicōacami Jesús.

³⁵ Yucútēroju Jesúre ĩre jajutugajanocōari, “Ñimujua ĩ sudire ĩ ũjaro ĩarāsa mani” yirā, gātarine reacūña ajeñacama. ³⁶ To yiajegajanocōari, ĩre code rujicama ĩna.

³⁷ Jesús ĩ tuyaritērojare ĩ rujoa vecare ucuriaju tuyacaju. “Ado bajiro ĩ yise suorine jaju ecoami” yīoriju ñacaju. Ado bajise goticaju: “Āni ñaami Jesús, jud'io masa ũju”, yigoticaju ti.

³⁸ Jesúrāca juarā, jaju ecocama. Gajeyeūni juarudirimasa ñacama ĩna. Sīgure ĩ riojojacatua, gājire ĩ gācojacatua ĩnare jajutucama ĩna. ³⁹⁻⁴⁰ Masa rētoana, ĩna rujoarire yure, yure yicama, “Jaju ecor'ire ĩre ĩateaja” yirā. To yicōari, ado bajiro ĩre ajatud'icama ĩna:

—Ado bajiro yiboacaju mu: “Diore yirūcūbuoriavire caguerocamasiaja yu. To yicōari, idiarāmū tusatirāmūne buajeocōamasiaja”, yiboacaju mu. To bajiro “Dios macū ñaja yu” mu yisocabetijama, mu yimasise rāca mu masune yucútērojare rujicoaya —ĩre yiajatud'icama ĩna.

⁴¹ Būcūrā, paia ũjarā, Dios ĩ rotimasire gotimasiorimasa quēne, to bajirone Jesúre yiajatud'i ñacama ĩna. Ado bajiro yicama:

⁴² —Gājerārema catiogū ñaboarine, ĩ masu rojose ĩ tāmūoserema yirētomasibeami —yiajatud'icama. —Israel ñamasir'i jānerabatia ũju ñaami. To bajiro yucútērojare rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud'icama. ⁴³ —“Dios macū ñaja yu. Yure ejarēmorcūmi”, yirūgūmi. To bajiro ĩ macūne ĩ ñajama, ĩre ĩamaigū ñari, ĩre yirētobosato Dios —yiajatud'icama ĩna.

⁴⁴ Juarā Jesúrāca yucútēroju jaju ecoriarā quēne, to bajirone Jesúre yitud'icama.

Jesús ĩ ũsutadire queti

(Mr 15.33-41; Lc 23.44-49; Jn 19.28-30; He 10.20)

⁴⁵ Ūmurecaji ñarone, rētiacocaju yuja. Idia hora rētiacaju. ⁴⁶ To cōro ti rētiatusatone, ado bajiro tutuaro avasācami Jesús:

—El'i, El'i, ¿lema sabactani? —yivasācami. “Dios, yu jacū, ¿no yigu yure cāmotadiati mu?” yire ũni ñacaju ti, ĩ avasācati.

⁴⁷ Sīgūri toju ñarā ĩ avasāsere ajicōari, ado bajiro yicama ĩna:

—Diore gotirētobosarimasū El'ias ñamasir'ire jigū yami ĩ —yicama ĩna.

⁴⁸ To bajiro Jesús ĩ yivasārone, sīgū, Jesús tū ũmaejacōari, ũye oco jiarere ñiabiacōari, yucū gajaju siatucōari, Jesús rise tujare ñumūotuboacami. ⁴⁹ To bajiro ĩ yiboajaquēne, ado bajiro yicama gājerāju:

—Yibesa mu. Tone bajicōato. Rojose ĩ tāmūosere yirētobosagu El'ias ñamasir'i ĩ ejasere ĩarāsa mani —yicama ĩna.

⁵⁰ Tutuaro avasātusa, ũsutadicoacami yuja. ⁵¹ Tirīmarone Diore yirūcūbuoriavi yotora gasero vorujijedicoasuju ti. “Dios ĩ ñarisōa vāme cūti sōare sājamasibeama masa” yirā, ĩna yotora gasero ñacaju. To yicōari, sita sabecaju. Gūta quēne caguevējacoacaju. ⁵² To bajicōari, masare yujeri-aviri quēne jānacuasaju. To bajicōari jājarā rijariarā Diore ajitirūnariarā

tudicaticoasuma. ⁵³ Tudicaticōari, ti virire budicoasuma. Budiacoari, Jesús i tudicatiro bero, Jerusalénju Dios i beseria maca ñamasuri macajure ña vacudisere iacama jãjarã masa.

⁵⁴ Jesús yucátëroju i tuyarore, codeñacama surara, ña uju rãca. To bajiñarã, sita sabesere, gajeye güiose bajisere iacōari, bũto güicama ña. To bajiri ado bajiro yicama:

—Socabesumi. Dios macune ñaboayumi ñni —yicama ña.

⁵⁵ Galilea sitaju Jesúre suyavadicana rōmiri jãjarã sõju ñarũgōcama. Ña ñacama ñre ejarëmorũgũcana. ⁵⁶ Ña rãca ñacamo Mar'ia Magdalena. Gajeo Mar'ia vãme cutigo quëne ñacamo. Sone ñacamo Santiago, to yicōari, José jaco. Zebedeo ñamasicacu rãa jaco quëne ñacamo.

Jesúre ña yujere queti

(Mr 15.42-47; Lc 23.50-56; Jn 19.38-42)

⁵⁷ Rãioroto rĩjoro José vãme cutigu, Arimatea macagu Jesús rujurire ñagũ ejayuju. Gãjoa jaidu ñacami. To bajicōari, Jesúre ajitirũnrũgũcacu ñacami. ⁵⁸ To i bajiro bero, Jesús rujurire ñmiru, Pilatore sëniũ vasuju. Ñre i sënirore bajirone ñre cadiyuju Pilato. ⁵⁹ To bajiro i yir'i ñari, Jesús rujurire rujiogu vasuju. Ñre rujiocōari, sudijãiri botiquënarĩjãirine ñre gãmañuju. ⁶⁰ To yigajanocōari, masa yujeriavi gãtavi mame i quënorotiriaviju i rujurire cũñuju. To yicōari, ti vi sojere gãtane tũnuo bibecũ, vacoasuju. ⁶¹ To bajiro i yĩñaro ñañariarãjune masa yujeriavi rĩjorojuã, Mar'ia Magdalena, gajeo Mar'ia quëne, rujiocãñujarã ña.

Jesúre, ña yujeriavire ña codere queti

⁶² Gajerũmu ñañuju usũsãjariarũmu. Tirũmune paia ujarã, fariseo masa quëne, Pilatore ñagōrã vasujarã ña. ⁶³ I tu ejacōari, ado bajiro ñre yiyujarã ña:

—Yua uju, ajiya. Socarimasu i yisocacatire masibujabu yua. “Idiarũmu tũsatirũmune quëna tudicaticũcãja yu”, yisocacami, i sãacoroto rĩjoro. ⁶⁴ To bajiri i rujurire ña yujeriavi soje tũre surarare coderoticōãña, “I buerimasa i rujurire ñmirudiroma” yigu. I rujurire ña ñmijama, “Rijar'i ñaboarine, quëna tudicaticoami”, yisocaruarãma ña. I rijaroto rĩjoro, “I rotimũorũgōrotire yigu, Dios i cōacacu, jud'io masa uju ñaja yu” i yisocacati ti ñajare, quënabeaja. To bajiri, “Tudicaticoami” ña yisocajama, quënetimasucōarũaroja —Pilatore yiyujarã ña.

⁶⁵ To ña yisere ajicōari, ado bajiro cadiyuju Pilato:

—Mũare yu ñsicanarene coderotiya mũa —ñare yicadiyuju Pilato.

⁶⁶ To i yisere ajicōari, Jesús rujurire ña yujeriavire coderotiyujarã ña. To yicōari, gãta sojere quënarõ bibequënoñujarã ña, “I rujurire ñmirã ña jãnajama, ñamasirãsa manĩ” yirã.

28

Jesús i tudicatiro queti

(Mr 16.1-8; Lc 24.1-12; Jn 20.1-10)

¹ Usũsãjariarũmu ti jediro, quëna moasũoriarũmu ti busumujado, Mar'ia Magdalena, gajeo Mar'ia quëne, Jesús rujurire ña yujeriavire ñarã vacama ña. ² To ña vatone, bũto sita sabeyuju. To ti bajirone, sũgũ ángel rujejayuju. Rujiejacōari, Jesúre ña yujeriavire gãtane ña bibeboariare jãñañuju. To yicōari, tia joene rujiyuju. ³ Bũjo i yabesere bajiro yaayuju

ĩ. Ĩ sudi quēne bato botiquēnañuju. ⁴ Ĩre ĩacōari, güirã nanañujarã ti vire coderimasa. Nanacōari, rijavējarãre bajiro bajireacūcoasujarã. ⁵ To ĩna bajirone, ángel ado bajiro rōmiajuare gotiyuju:

—Güibesa mua. Jesús yucútēroju ĩna jajušiar'ire mua macasere masiaja yu. ⁶ Maami adojure. Ĩ goticatore bajirone tudicaticoami. Ĩre ĩna yujeriajure ĩarã vayã. ⁷ Tire ĩacōari, guaro ĩ buerimasare ado bajiro ĩnare gotiaya: “Quēna tudicaticoasumi Jesús. To yicōari, mani rĩjoro Galilea sitaju varocu ñañuju. Toju ĩre tudĩuararãja mani”, ĩnare yigotiaya mua. Adire muare gotigu bajibu yu —ĩnare yiyuju ángel.

⁸ To ĩ yisere ajicōari, Jesús rujari ĩna yujeboariaviju budianane, güituoĩaboarine, variquēnase rãca ũmacoayuma ĩna, Jesús buerimasare yuare gotirã vana. ⁹ ĩna ũmavadone ĩnare sēniĩacānamua ruyuyaju Jesús. “¿Ñati mua?” ĩ yisere ajicōari, ĩre yirãcubuarã, ĩ rĩjoroju muqueacōari, ĩ gaborire ñañujarã ĩna. ¹⁰ To bajiro ĩre ĩna yirone, ado bajiro yiyuju ĩ:

—Güibesa mua. Yu yarã yu buecanare ado bajiro ĩnare gotiaya: “Galilea sitaju vajaro. Toju ĩre ĩaruarãja mani”, ĩnare yiba —rōmiare ĩnare yiyuju Jesús.

“Ado bajiro bajibu ti”, surara ĩna yigotire queti

¹¹ Rōmia ĩna gotirã vato ũnone, surara quēne, Jesús rujarire ĩna yujeriavire codeboariarã sīgüri, macaju tudicoasujarã ĩna. Tudiejacōari, paia ujarãre gotiyujarã, ĩna ĩare ñaro cōrone. ¹² Ti quetire ajicōari, bucãrã rãca ñagorã vasujarã paia ujarã. “To bajiro bajire ti ñajare, ado bajiro yiruarãja mani” yimasiruarã bajiyujarã ĩna. To bajiri, sīgüre bajiro tuoĩacōari, Jesúre ĩna yujeriavire codeboariarãre jairo gãjoa ĩsiñujarã ĩna. ¹³ To yicōari, ado bajiro ĩnare socarotiyujarã ĩna:

—“Ñami yua cānitoye, ĩ ñaboar'i buerimasane Jesús rujarire ãmirudicoasuma ĩna”, yigotibatoya mua —masare yiyujarã bucãrã, paia ujarã quēne. ¹⁴ —Uju Pilato ti quetire ajicōari, muare ĩ jūnisinijama, muare ñagōbosaruarãja yua, “Rojose ĩnare yibesa” yirã. Yuare cudicōarucami —ĩnare yiyujarã.

¹⁵ To bajiro ĩna yijare, gãjoare boca juacōari, ĩnare ĩna rotiriarore bajirone socase queti goticudiyujarã ĩna, Jesúre ĩna yujeriavire codeboariarã. To bajiri adirũmari quēne, “Tudicatibesuju Jesús. ĩ ñaboar'i buerimasane, ĩ rujarire ãmirudiyujarã ĩna” yire quetire goticōa ñarũgũama jud'io masa.

“Masa jedirore yu ocare gotimasiocudiruarãja mua”, ĩ buerãre Jesús ĩ yire queti

(Mr 16.14-18; Lc 24.36-49; Jn 20.19-23)

¹⁶ Jesús ĩ tudicatisere, rōmia ĩna gotisere ajicōari, Galilea sitaju vacaju yua, ĩ buerã, juããmo cōro, gubo coja jēnituarirãcu ñarã. “Ti buro joeju yure ĩaruarãja mua” yuare ĩ yicatoju vacaju yua. ¹⁷ Toju ejacōari, Jesúre ĩacaju yua. Ĩre ĩacōari, ĩre rãcubucocaju yua. Sīgüri, “Ĩ me ñaami”, yituoĩacama ĩna, bajirãjuma. ¹⁸ To bajiro yua yirone, ado bajiro yuare yicami Jesús:

—Adi macarucurojare, to yicōari, õ vecajure quēne, “Rotigu ñarucujama”, yure yicūmi yu jacu, Dios. ¹⁹ To bajiri muare quēne masa jedirore yu ocare muare goticudirotiaja, “Yure ajitirũnũato” yigu. To yicōari, yure ajitirũnrãre ĩacōari, yu jacu vãme, to yicōari Esp'iritu Santo vãme rãca oco rãca ĩnare bautizaba mua. ²⁰ To yicōari, “Jediro yu rotisere

cũdiato” yirã, ñnare gotimasioma. Yũre mũna ñabetiboajaquẽne, cojorũmũ
rũyabeto mũna rãca ñnarũgũrũcũja yũ, mũare ejarẽmogũ. To bajiro bajicõa
ñnarũcũja yũ, adi macarũcũro ti jedirojũ —yũare yicami Jesús.
To cõrone ñaja.

Evangelio según SAN MARCOS

*Juan vāme cūtigū, masare oco rāca bautizarimasū ĩ gotimasiore queti
(Mt 3.1-12; Lc 3.1-9, 15-17; Jn 1.19-28)*

¹⁻³ “Rotim̄orūgōrūcūmi” yigū, Dios ĩ cōar'i, Jesús ĩ bajirere m̄are gotigū yaja yū. ĩne ñaami Dios macū. To bajiri, ado bajiro ñas̄oaja: Jesure goti r̄joro cūtigū ñañuju Juan vāme cūtigū, tir̄mujū ĩre ĩ goti r̄joro cūtirotire yigū, Diore gotir̄etobosarimasū, Isa'ias vāme cūtigū ado bajiro ĩ yuicamasire ñajare:

“ “Rotim̄orūgōrūcūmi” yigū, m̄are yū cōaroto r̄joro, m̄are gotiyurocure cōas̄orūcūja yū maji' yami Dios.

Yucá manojū ado bajiro gotimasiorecūmi: ‘Mani ujū ejarūcūmi. To bajiri, rojose m̄ua yisere yitūjacōari, quēnasejūare t̄oĭvasoaya m̄ua, ĩre yurā' yirūcūmi”, yuicamasif̄numi Isa'ias, Juan ĩ bajirocūtirotire goti r̄joro yigū.

⁴ To bajiri, yucá manojū ñacōari, ado bajiro ĩre ajirā ejariarāre gotimas̄iocudirūgūñuju ĩ:

—Rojose m̄ua yisere t̄oĭas̄utiritiya m̄ua. To yicōari, “Rojose yirūabeaja yūa. Diorāca quēnaro ñaruarāja yūa” yirā, oco rāca yure bautizarotiya m̄ua. To bajiro m̄ua yijama, rojose m̄ua yisere m̄are masiriorūcūmi Dios —ĭnare yigoticudirūgūñuju ĩ.

⁵⁻⁶ Camello joane suariaro s̄añagū ñañuju ĩ. To yicōari, vecū gaserone vēñaricūñuju, ĩ s̄añasere. Ñimia ba, to yicōari, beroa ocore idi, yirūgūñuju. ĩre ajirā, jājarā masa ejayujarā. Jerusalén macana, Judea sitana quēne ejayujarā. To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yūa” Diore ĩna yigotiro bero, Jordán vāme cūtirisajū oco rāca ĩnare bautizayuju Juan. ^a ⁷⁻⁸ Gaje vāme ado bajiro masare gotimasioregūñuju ĩ:

—Yū bero yū r̄etoro masigū ejarūcūmi. Ñamasurā r̄ine ĩre yibosamasiama, ñamasugū masu ĩ ñajare. Rojose ĩna yisere yitūjacōari, Dios ĩ bojasejūare yirāre oco rāca bautizarūgūaja yū. To bajiro yū yirūgūse ti quēnaboajaquēne, yū bero ejagū ĩ moasejūa quēnamasucōaruarōja. ĩma, Esp'iritu Santore cōamasirūcūmi, masare. ĩ suorine, “Dios ĩ bojabetire yaja yūa” yimasicōari, t̄oĭavasoaruarāma —ĭnare yigotimasioregūñuju Juan.

Oco rāca Juanre Jesús ĩ bautizarotire queti

(Mt 3.13-17; Lc 3.21-22)

⁹ Tir̄m̄arine Galilea sitajure ñarimaca Nazaret vāme cuti maca ñar'i, Jordán vāme cūtirisajū vasuju Jesús. Juan t̄ujū ejacōari, oco rāca ĩre bautizarotiyyuju. ¹⁰ Juan ĩre ĩ bautizaro bero, majarūgūgūne, ō vecajū ūm̄ugasero soje, ti jānasere ĩañuju Jesús. Ti jānarone, Esp'iritu Santo, bujare bajigū rujiadicōari, ĩ joere ĩ rocajeosere ĩañuju. ¹¹ Jesús joere ĩ rocajeorone, ado bajiro yi ocaruyuyuju ō vecajū:

^a **1:5-6** Elías ñamasirí, camello joane suariaro s̄añagū ñamasif̄numi ĩ quēne. To yicōari, vecū gaserone vēñaricūmasif̄numi, ĩ s̄añasere.

—Y_u mac_u, y_u maig_u masu ñaja m_u. M_u rāca b_uto variquēnaja y_u —y_i ocaruyuyuju.

Dios ĩ bojabetire vātia u_{ju}, Satanás, Jesúre ĩ yirotiāre queti

(Mt 4.1-11; Lc 4.1-13)

¹² Jesús, oco rāca Juanre ĩ bautizarotiro bero, yucá mano, vaib_uc_urā ĩna ñaro_{ju}, ĩre ũmato vasuju Esp'iritu Santo. ¹³ Toj_ure cuarenta ñarir_um_uri ñañuju Jesús. Toj_u ĩ bajiñarone, vātia u_{ju} Satanás, ĩre ejač_oari, “Y_u rotisere yic_oari, Dios ĩ bojabetire yato” yig_u, ĩre rotir_ug_uboayuju. ĩre c_udibesuju. To bajic_oari, Diore moabosarā āngel mesa ĩre ejarēmoñujarā ĩna.

Galilea sitaj_u Jesús ĩ gotimasios_uore queti

(Mt 4.12-17; Lc 4.14-15)

¹⁴ Tir_um_uri, tubiberiaviju Juan ĩ tubibe ecoro bero, Galilea sitaj_u vacoasuju Jesús. Dios oca quēnasere gotimasiodig_u vasuju. ¹⁵ Ado bajiro masare gotimasiodiyuju:

—“To cōrone bajir_uaroja y_ure rotibosaroc_u, ĩ rotis_uoroti” Dios ĩ yit_uo_uari_uaja eja_u yuja. U_{ju} Dios yarā quēnaro ĩ yirona m_ua ñaru_uajama, rojose m_ua yisere yit_ujac_oari, ĩ oca quēnasere m_uare y_u gotisere ajitir_un_uña —masare yigotimasiodiyuju ĩ.

Vai s_uarimasa babaricār_uc_u ñarāre Jesús ĩ jire queti

(Mt 4.18-22; Lc 5.1-11)

¹⁶ Cojor_um_u, ũtab_uc_ura Galilea vāme c_utira t_uju vacudig_u vasuju Jesús. To vac_uju, ĩañuju, Simón vāme c_utig_ure, bero Pedro vāme c_utiroc_ure, ĩ bedi Andrére quēne. Vai s_uarimasa ñañujarā ĩna. Bajiyuc_urire rearoderuu y_iñañujarā ĩna. ¹⁷ ĩna t_u ejač_oari, ado bajiro yiyuju Jesús:

—Y_u rāca vayá. Yuc_urema m_ua vai vejese ũnirene masa y_ure ĩna ajitir_un_urotire gotimasiodosarimasa ñaru_uarāja m_ua —ĩnare yiyuju Jesús.

¹⁸ To ĩ yirir_umarone, ĩna bajiyuc_urire c_u, ĩre s_uyacoasujarā.

¹⁹⁻²⁰ To y_i var_utu vac_une, gājerā juarā ñarāre ĩnare jiyuju Jesús. ĩna ñañujarā Santiago, ĩ bedi Juan rāca. ĩna jac_u Zebedeo rāca c_umuaj_u ĩna bajiyuc_urire siaquēno s_uñañujarā. To ĩ yisere ajic_oari, ĩna jac_ure, ĩre moabosarāre quēne vaveocoasujarā, Jesúre s_uyana.

Mas_u ũs_uju_u s_uñag_ure vātire Jesús ĩ burocare queti

(Lc 4.31-37)

²¹ Capernaum macaj_u ejayujarā ĩna. Ti macaj_u ĩna ejaro bero, ũs_us_ujar_um_u ti ejaro, Dios ocare ĩna bueriviju s_uñañuju Jesús. S_ujac_oari, masare gotimasioñuju. ²² Dios ĩ rotimasire gotimasiorimasare bajiro me, u_{ju}re bajiro bojonebec_une quēnaro ĩ gotimasiojare, aj_uñañam_uni ĩ gotise ti ñajare, no yimasibesujarā ĩna. ²³ Ti vire s_ug_u ũm_u ñañuju, ĩ ũs_uju_u v_uti s_uñag_u. Jesús, masare ĩ gotimasiorone, ĩ ũs_uju_ure s_uñac_oari ado bajiro Jesúre ĩre y_iavas_uñuju v_uti:

²⁴ —Jesús, Nazaret vāme c_uti macag_u, ¿no yig_u y_ua t_u vadiati m_u? ¡Y_uare gōjanabiobesa! ¿Rojose y_ua yise vaja, rojose y_uare yig_uag_u vadiati m_u? M_ure ĩamas_uaja y_ua. Rojose yig_u me, Dios ĩ cōar'i ñaja m_u —Jesúre y_iavas_uñuju v_uti.

²⁵ To ĩ yirone, oca tutuase rāca ado bajiro ĩre yiyuju Jesús:

—¡Ñagōbesa m_u! ¡To yic_oari, ĩ ũs_uju_ure budigoya! —vātire ĩre yiyuju Jesús.

²⁶ To ĩ yirone, rijaquedirotiyuju v_uti, mas_ure. To y_i, b_uto avas_uc_oari, mas_u ũs_uju_ure budigocoasuju yuja. To ĩ bajijare, mas_ujuama

quēnaejacoasuju. ²⁷ To bajisere ĩacōari, ti vi ñarā jediro no yimasibesujarā ĩna, ti ũnire ĩabetirūgūriarā ñari. To bajicōari, ĩna masune ado bajiro gāmerā sēniĩañujarā:

—¿No bajiati? Ajiĩañamani oca manire gotimasiogū yami. Buto masigū ñami. Vātia buto masirā ĩna ñaboajaquēne, masa usurijure sãñarāre ĩnare bureamasiame —gāmerā yiyujarā ĩna.

²⁸ To bajiro Jesús ĩ yĩnasere masa ĩna gotibatojare, yoaro mene Galilea sitana tire ajijedyujarā ĩna.

Simón ũmañicore Jesús ĩ catioire queti

(Mt 8.14-15; Lc 4.38-39)

²⁹ To bajiro Jesús ĩ yiro berone, Dios ocare ĩna buerivijũ budiasuju. Santiago, ĩ bedi Juan quēne, gājerā Jesús ĩ buerimasa quēne ĩ rāca vasujarā, Simón ĩ bedi Andrés rāca ĩna ñarūgūriavijure vana. ³⁰ To ĩna ejarone, Jesúre gotiyujarā ĩna:

—Simón ũmañico buto asicōari, buburibujaamo —ĩre yiyujarā ĩna.

³¹ To bajiro ĩna yijare, Jesús, so tu ejarūgūcōari, sore tãavũmũoñuju. To ĩ yirirĩmarone, sore rujũ asiboase sore tãjacoasuju. To bajiro ĩ yicaticōario, bare ĩnare ecauju so.

Jājarā, rijaye cutirāre Jesús ĩ catioire queti

(Mt 8.16-17; Lc 4.40-41)

³² Tirāmũ, rāiorijũne, rijaye cutirāre juajeyujarā masa, “Jesús ĩnare catiatio” yirā. ĩna usurijũ vātia sãñarāre quēne juajeyujarā, “Vātiare bureato Jesús” yirā. ³³ Gājerā quēne, ti macana jediro soje tu rējañujarā. ³⁴ Jājarā ñañujarā rijaye cutirā, to yicōari, ĩna usurijũ vātia sãñarā, masa ĩna juajeoriarā. Rijaye cutirāre catioyuju. To yicōari, ĩna usurijure sãñarāre vātiare bureayuju. Vātia, ĩre ĩna ĩamasisere ĩacōari, ĩnare ñagōrotibesuju Jesús.^b

Dios ocare ĩna buerivirijure Jesús ĩnare ĩ gotimasiocudire queti

(Lc 4.42-44)

³⁵ Gajerāmũ busujedibetibũsarojũne, masa manojũ vacoasuju Jesús, Diore sēnigũacu. ³⁶ To ĩ bajiboajaquēne, Simón ĩ babarā rāca ĩre macasũya, ejacoasujarā ĩna. ³⁷ ĩre ĩabujacōari,

—Masa jediro mure macaama —ĩre yiyujarā ĩna.

³⁸ To bajiro ĩna yiboajaquēne, ado bajiro ĩnare cadiyuju Jesús:

—Ita. Gaje macarianare quēne quēnase quetire gotimasiocudiroca ñaja yũ. Tire yigũ vadicaju yũ —ĩnare yicadiyuju Jesús.

³⁹ To bajiri Galilea sitajũ gotimasiocudiyuju Jesús. Tocārāca macarirene Dios ocare ĩna buerivirijũ sãjaejacōari, oca quēnasere masare ĩnare gotimasioñuju. To yicōari, ĩna usurijure sãñarāre vātiare bureayuju.

Gase boagũre Jesús ĩ catioire queti

(Mt 8.1-4; Lc 5.12-16)

⁴⁰ To bajiri sīgũ gase boagũ, Jesús rĩjorojũna gũsomuniari tuetuejayuju, ĩre rũcũbũogũ. To yicōari, ado bajiro Jesúre ĩre yiyuju:

—Yũ ũju, yũ cãmire mũ yarũajama, yaya —ĩre yisēniñuju ĩ.

⁴¹⁻⁴² To bajiro ĩre ĩ yisere ajicōari,

—Mũ cãmire yarũcũja yũ —ĩre yigũne, ĩre moaĩañuju Jesús.

^b 1:34 “Masare ĩ rijabosarotirāmũ ti ejabetijare, vātiare ñagōrotibesuju Jesús”, yiyujarā sīgũri, Dios oca masa ĩna ucamasire buerētoburimasa.

To bajiro ĩ yirirĩmarone, ĩ cãmi ĩre yaticoasuju yuja. ⁴³⁻⁴⁴ To ĩre yigajanocõari,

—Gãjerãre gotibetimasucõama —ĩre yiyuju Jesús. To yicõari, ado bajiro ĩre rotiyuju:

—Yucacane paire m̃ rujũre ĩoaya. M̃ rujũre ĩre ĩogũne, Moisére Dios ĩ roticũmasiarore bajiro vaibucurã ecariarãre sãacõari, paire ĩre ĩsima, Diore rũcubũogũ. To m̃ yisere ĩacõari, “Caticoasumi”, yirũarãma masa —ĩre yiyuju Jesús, gase boaboar’ire.

⁴⁵ ĩre ĩ gotirotibetiboajaquẽne, masa jedirore gotibatoyuju, “Yũ gase boasere yacõami Jesús” yigũ. To bajiro ĩ gotibatojare, macari Jesús ĩ vacudijama, yayioro vacudirũgũñuju ĩ. To bajiri, masa manojũ ñacudirũgũñuju. To ĩ bajirũboajaquẽne, macariana ñajediro ĩre ĩarã ejarũgũñujarã ĩna.

2

Micagũre Jesús ĩ catiore queti

(Mt 9.1-8; Lc 5.17-26)

¹⁻² To bajiro ĩ yicudiriarãm̃ari bero, Capernaum vãme cuti macajũ tudiejayuju Jesús quẽna. ĩ ñarũgũrivijũre ĩ tudiejasere ajiyujarã masa. Tire ajicõari, ĩ tujũ rẽjañujarã ĩna. Jãjarã ĩna ñajare, vi jũmũcoasuju ti. Nojũa rũgõriajũ mañuju. Soje tũ quẽne, nojũa rũgõriajũ mañuju. To ĩna bajirone, vi jubeajũ Dios oca ĩnare gotimasio ñañuju Jesús. ³ To bajiro ĩ yĩñarone, barbaricãrãcũ ñacõari, micagũre ãmiejayujarã. ⁴ ĩre ãmiejacõari, Jesús tujũ cũrũaboayujarã ĩna. To ĩna yirũaboarore jãjarã ñabibecõañujarã. To bajiri vijũre sãjamasibesujarã. “Tire bajicõaja” yirã, vi joejũ ĩre ãmimũjasujarã. ĩre ãmimũjacõari, Jesús ĩ rũgõro vecare goje yijorayujarã. To yigajano, micagũre ĩ jesarijũ rãcane ĩre jidirujio ejoyujarã, Jesús tujũ. ⁵ “ĩre ĩamaicõari, ĩre catorucũmi” ĩna yitũoĩasere ĩamasicõari, micagũjũare ado bajiro ĩre yiyuju Jesús:

—Rojose m̃ yirere m̃are masiriocõaja yũ —ĩre yiyuju Jesús.

⁶ To ĩ yisere ajicõari, ti macana sũgũri Dios ĩ rotimasire gotimasiorimasa, ado bajiro tũoĩañujarã: ⁷ “¿No yigũ to bajise yati ĩ? To bajiro ĩ ñagõjama, Diore ĩre rũcubũobecũ yami ĩ. Dios sũgũne ñagũmi ti ũnire yimasigũma”, yitũoĩañujarã ĩna. ⁸ To bajiro ĩna yitũoĩasere ĩamasicõari, ado bajiro ĩnare yiyuju Jesús:

—“Diore bajiro masa rojose ĩna yisere masiriomasiaja’ yisocaami”, yũre yitũoĩaboaja m̃a. ⁹ “Rojose m̃ yisere masiriocõaja” yũ yicõa tujajama, “Socũ yami. Socũ me yami” yũre yĩamasigũ magũmi. To bajiboarine, “Vũmũrũgũcõari, vasa” ĩre yũ yijama, “Socũ me yami. Rojose ĩ yirere masiriocõami”, yũre yĩamasirãja m̃a. ¹⁰ To bajiri, Dios ĩ roticõacacũ ñari, “Diore bajirone masare rojose ĩna yisere masiriomasigũ ñaami’ yũre yĩamasiato” yigũ, ãni micagũre ado bajiro ĩre yaja yũ: ¹¹ “Vũmũrũgũña m̃. M̃ jesarijũre ãmiña. To yicõari, m̃ ya vijũ tudiasa”, ĩre yaja yũ —ĩre yiyuju Jesús.

¹² To ĩ yirirĩmarone, masa jediro ĩna ĩaro rĩjoro vũmũrũgũcõari, ĩ jesarijũre ãmi, ĩ ya vijũ vacoasuju ĩ yuja. To bajiro Jesús ĩ yisere ĩaũcacoasujarã masa. “Ti ũnire ĩabetirũgũcajũ mani. ãni, Dios ĩ masise rãca yigũ yami” yitũoĩacõari,

—Quẽnaro yaja m̃ —Diore ĩre yivariquẽñañujarã ĩna.

*Lev'ire Jesús ĩ jire queti**(Mt 9.9-13; Lc 5.27-32)*

¹³ Micagũre ĩ catoriaro bero, Ƴtabucara Galilea vãme cutira taju quẽna tudivasuju Jesús. Toju jãjarã masa rẽjañujarã. ĩna rẽjasere ĩacõari, Dios oca ĩnare gotimasioñuju ĩ.^c ¹⁴ Gotimasio gajano, vacune, Lev'i vãme cutigure ĩre ĩabujayuju. Alfeo macu ñañuju ĩ, Lev'i. Ƴjũre gãjoa sãnibosarimasa ñañuju. Gãjoa sãnirã ĩna rujirijure gãjoa sãniruyuju. To ĩ yĩñaro, ĩacõari, —Yũre ajisuyaya —ĩre yiyuju Jesús.

To bajiro ĩ yisere ajicõari, ĩre suyacoasuju ĩ yuja.

¹⁵ Bero, Lev'i ya vijũ ejacõari, bayuju Jesús. To bajiri Jesurãca bañañujarã Lev'i ĩ yiriarore bajiro rojose yirã, ujure gãjoa sãnibosarimasa, gãjerã “Rojose yirã ñaama” masare yĩlarã quẽne. To yicõari, Jesús buerimasa quẽne bañañujarã ĩna. To bajiri jãjarã masu ñañujarã Jesũre ĩre ajisuyarã. ¹⁶ To ĩna bañarone, ejayujarã fariseo masa, Dios ĩ rotimasirere gotimasiorimasa quẽne. ĩna ñañujarã, Moisére Dios ĩ roticũmasirere bũto ajirũcũbũorã, rojose yirã rãca ñarũamena. Ejacõari, rojose yijairã rãca ĩna bañasere ĩacõari, Jesús buerimasare ĩnare sãnĩñañujarã:

—¿No yigũ mũare buegũma, ãnoa rojose yirã rãca bañati? — yisẽñañujarã ĩna.

¹⁷ To bajiro ĩna yisẽñañajare, ado bajiro ĩnare cũdiyuju Jesús:

—Catiquẽnarãma, uco yigũre bojamenama. Rijaye cutirã rĩne ĩre bojarãma ĩna. To bajiro bajiaja yũre quẽne. “Rojose yirã me ñaja yũ”, yirãma, yũre bojamenama. “Rojose yirã ñaja yũ” yirã rĩne yũre bojarãma. Quẽnaro yirãre jigũ me, adi macarũcũrojũre vadicaju yũ. Rojose yirãre, “Rojose ĩna yisere yitũjato” yigũ, vadicaju yũ. To bajiri ãnoa, “Rojose yirã ñaama” mũa yĩlarã rãca bañaaja yũ —ĩnare yiyuju Jesús.

“Mani sutiritisere ĩacõari, quẽnaro manire ejarẽmorũcũmi Dios” yirã, bare babetire queti

(Mt 9.14-17; Lc 5.33-39)

¹⁸ Juan masare oco rãca bautizarimasa ĩ buerã, fariseo masa quẽne, ĩna ñicua ĩna yimasiriarore bajiro bare bamenane Diore sãnĩñujarã, “Mani sutiritisere ĩacõari, quẽnaro manire ejarẽmoato Dios” yirã. To ĩna yirirãmũre Jesũre sãnĩñarã ejayujarã sigũri:

—Juan ĩ buerimasa, to yicõari, fariseo masa quẽne, mani ñicua ĩna yimasiriarore bajiro Diore ĩna sãnirirãmũrĩrema bare babetirũgũama. ¿No yirã tire yibeati mũ buerãma? —Jesũre yisẽñañujarã ĩna.

¹⁹ To ĩna yisere ajicõari, ado bajiro ĩnare gotimasioñuju Jesús:

—Sigũ ĩ ãmosiarirãmũre ĩre variquẽnaejarẽmorã ñarãma. To ĩ ũmato yĩñaro cõro ĩre variquẽnaejarẽmorãma. ĩnare bajiro bajiamã yũ buerã. Yũ rãca ñari, variquẽnacõa ñaama. “Sutiritimena ñari, no yirã bare babeticõa yimenama” yimasire ñaja. ²⁰ To bajiboarine, cojorũma yũre ĩna ñiavato ĩacõari, bare bamenane Diore sãnirũarãma, “Mani sutiritisere ĩacõari, quẽnaro manire ejarẽmoato Dios” yirã.

²¹ Mame oca yũ gotimasiose ricati ti ñajare, yũ ye rãca mani ñicua ĩna yimasirere mũa tũoĩavũojama, quẽnabeaja. Sudiro bũcũase ti vojama, mamagasero rãca seretumasimenaja mani. Mamagaserone mani seretujama, mani coero bero carato tãatutu vatone bũcũasejua

^c 2:13 Leví, jua vãme, vãme cutigũ ñañuju. Gaje vãme, Mateo vãme cutiyuju. “Leví” ti yijama, hebreo oca rãca yiyuju. “Mateo” ti yijama, romano oca rãca yaja.

ti? ¿Rijaye cutirãre catiojeuare yiroti ñatique? To yiterã, ¿Inare sãacõaroti ñatique? —Inare yiyuju Jesús.

To ï yiboajaquêne, ïre cudibesujarã ïna. ⁵ To bajiri ïre ïna ajitesere ïajũnisinigũ ñaboarine, ïnare ïasutiritigũne, ãmo ñujobecuãare ado bajiro ïre yiyuju Jesús:

—Mu ãmore ñujoya mu —ïre yiyuju.

To ï yirone, ï ãmore ï ñujorone, quẽnaejacoasuju yuja. ⁶ To ï yisere ajicõari, budicoasujarã fariseo masa. Budiacõari, “Uju ñamasugũ ñarucami Herodes” yirũgũriarã rãca ñagõrã vasujarã. “¿No bajiro yicõari, Jesure sãarotirãti mani?”, gãmerã yĩñagõñujarã ïna.

Utubucura tujũ jãjarã masa ïna ejare queti

⁷ To ï yiro bero, ï buerimasa rãca vacoasuju Jesús utubucura Galilea vãme cutiraju vana. To ïna vato, Galilea sitana jãjarã Jesure suyasujarã. ⁸ Gaje macariana quêne, jãjarã masa, ïaiañamani Jesús ï yĩnasere ajicõari, ï tujũ ejayujarã. ïna ñañujarã: Judea sitana, Jerusalén macana, Idumea sitana, Jordán vãme cutiya gajecatũana, Tiro macana, to yicõari, Sidón macana quêne ñañujarã ïna. ⁹⁻¹⁰ Jãjarã rijaye cutirãre Jesús ï catiosere ajicõari, gãjerã bũto ïre moaĩarũayujarã ïna, “To bajiro mani yijama, caticanaja” yirã. To bajiro ïna yitũoĩajare, “Rũgõbibecõarãma” yigũ ñari, —Cũmua cũo yuya mua —ï buerimasare ïnare yiyuju Jesús.

¹¹ ïna usũrijure vãtia sãñarã, Jesure ïacõari, ï rĩjorojua gũsomuniari tuetucõari muquearãne, ado bajiro yivasãñujarã ïna:

—Dios macũne ñaja mu —Jesure ïre yivasãñujarã.

¹² To bajiro ïna yisere ajicõari, oca tutuase rãca ïnare ñagõrotibesuju Jesús, vãtiare rotigũ.

Ï ocare goticudisũoronare Jesús ï besere queti

(Mt 10.1-4; Lc 6.12-16)

¹³⁻¹⁴ Cojorũmu buroju majacõari, ï buerimasare ï bojarãre jirẽoñuju Jesús. To bajiri ï tujũ ïna ejarone, juaãmo cõro, gubo jua jẽnituarirãcu ñarãre beseyuju. To yicõari, ado bajiro ïnare gotiyuju:

—Yũ rãcane ñacõarũarãja mua. To bajicõari, yũ ocare yũre goticudibosarã ñarũarãja mua. ¹⁵ Masa usũriju sãñarãre vãtiare, “Budiya” mua yijama, budirũarãma —ïnare yiyuju Jesús.

¹⁶ Ado bajiro vãme cutirã ñañujarã juaãmo cõro, gubo jua jẽnituarirãcu ñarã ï beseriarã: Simón vãme cutiboar'i Pedro vãme cutigũ. ¹⁷ To yicõari Zebedeo rĩa ñacama Santiago ï bedi Juan. ïna juarãre Boanerges vãme yiyuju Jesús. Ti vãme, Bujõ rĩa yire ùni ñañuju. ^d ¹⁸ Andrés, Felipe, Bartolomé, Mateo, Tomás, Tadeo ñañujarã. Alfeo macũ Santiago, to yicõari, Simón vãme cutigũ, celote yere tũoĩaboar'i ñañuju. ¹⁹ Tũsagu Judas Iscariote vãme cutiyuju. Ï ñañuju Jesure ïsirocar'i. To bajiri juaãmo cõro, gubo jua jẽnituarirãcu ñañujarã Jesús ï beseriarã.

“Vãtia uju ï masise rãca yigũ yami Jesús”, ïna yire queti

(Mt 12.22-32; Lc 11.14-23; 12.10)

²⁰ Bero, vijũ Jesurãca tudiejayujarã ï buerimasa. To ïna bajiro, jãjarã masa rējañujarã. To bajiri, bare bamasibeticõañujarã ïna, Jesús mesa. ²¹ To bajiro ïna bajiñase quetire ajicõari, “Mecurimasũ ñacoacũ yigumi”, Jesure

d 3:17 “Yoaro me jũnisinirã ïna ñajare, Santiago ï bedi Juan ïna juarãre ‘Bajo rĩa’ vãme yiyuju Jesús”, yiyujarã Dios oca buerẽtoburimasa sãgãri.

Īre yiyujarā masa. To bajiro Īre ĩna yisere ajicōari, ĩ yarā, Īre jirā vasujarā ĩna.

²² Gājerā Dios ĩ rotimasirere gotimasiorimasa Jerusalén maca vadiri-arā ado bajiro Jesúre yiyujarā ĩna:

—Ī usujū vātia ujū Beelzebú vāme cutigū sāñagū ñaami. To bajiri Beelzebú ĩ masise rāca vātiare bureaami —yiyujarā ĩna.

²³ To bajiro ĩna yise ñajare, ĩnare jiyuju Jesús. To yicōari, ĩ tujū ĩna ejaro, gotimasiore queti ado bajiro ĩnare gotiyuju:

—Vātia ujū, masa usuriju ĩ yarāre sājaretigu ñaboarine, no yigu, “Īnare bureaya” yigu ñabecumi tia. ²⁴ Cojo sitana rotirimasa ĩna gāmerā quēajama, ĩna masune gāmerā sīayayirā yirāma. ²⁵ To bajirone bajiroja cojo vi ñarāre quēne. ²⁶ Tire bajirone bajiroja vātiare quēne. Vātia ĩna gāmerā bureajama, “Masare rojose yitajato mani” yirā yiborāma. To bajiro ti bajijare, “Beelzebú vāme cutigū ĩ masise rāca masa usuriju sāñarāre vātiare bureaami” yure mūa yiboase, riojo yirā me yaja mūa —ĩnare yiyuju Jesús.

²⁷ To bajiro ĩnare yigoticōari, quēna gajeye gotimasiore queti ĩnare gotiyuju:

—Sīgū, gāji guamū ya vi sājacōari, ĩre ĩ siabetijama, gajeyeūni ěmamasibecumi. ĩre siacōari, ĩ gajeyeūnire ěmamasigūmi yuja. To bajirone bajiaja yure quēne. Vātia ujū ĩ rotiboasere ĩre yirotibeticōari, vātiare yū burease suorine, vāti ĩ rotiajeboariarāre ĩre ěmagū yaja, “Yū yarā ñato” yigu —ĩnare yiyuju Jesús.

²⁸ To bajiro ĩnare yigoticōari, quēna ado bajiro ĩnare yiyuju Jesús:

—Riojo mūare gotiaja yū. Masa jediro rojose ĩna yijama, jediro rojose ĩna ñagōjaquēne, sutiriticōari, Diore ĩna sēnijama, rojose ĩna yisere masiriorucumi. ²⁹ To bajiboarine, Esp'iritu Santojūare rūcubūomena rojose ĩre ĩna yitud'ijama, tirema masiriobetirucumi. To bajiro ĩna yijama, to bajirone rojose ĩnare ñacōa ñarūgūruaroja —yiyuju Jesús.

³⁰ Esp'iritu Santo ĩ masise rāca ĩ yiboajaquēne, “Ī usujū vāti sāñagū ñari, bajigūmi” ĩre ĩna yise ñajare, to bajise ĩnare gotiyuju Jesús.

“Yū yarāma ado bajiro bajirājūa ñaama”, Jesús ĩ yire queti

(Mt 12.46-50; Lc 8.19-21)

³¹⁻³² Jesús, masare ĩ gotimasio ñarone, ĩ tū rujigānirā ado bajiro ĩre yiyujarā ĩna:

—Mū jaco, mū bederā rāca macajūja ejama, mū rāca ñagōruarā —Jesúre ĩre yiyujarā.

³³ To bajiro ĩna yiboajaquēne, ado bajiro ĩnare cadiyuju Jesús:

—¿Ñimo ñati yū jacoma? ¿Ñimarā ñati yū bederāma? —ĩnare yiyuju.

³⁴ To yigūne, ĩ tū rujigānirāre ĩacōari,

—Mūa ñaja yū bederāma, yū jacore bajiro bajirāma. ³⁵ No bojarā yū jacū ō vecagū ĩ rotirore bajiro yirā, ĩna ñarāma yū bederāre bajiro bajirāma, yū jacore bajiro bajirāma —ĩnare yiyuju Jesús.

4

Oterimasū ĩ bajirere Jesús ĩ gotimasiore queti

(Mt 13.1-9; Lc 8.4-8)

¹ Quēna utabucura tū ejacōari, masare gotimasioñuju Jesús. Masa jājarābusa ĩna rējaquearo ĩacōari, cūmuaju vasājacōari, rujiyuju Jesús. Masajūama, utabucura tū ñañujarā ĩna. ² To bajicōari, cojo queti me

tuoĩacõari, “Ado bajiro bajisere bajiro bajiaja” Ìnare yigotigu ñari, ado bajise gotiyuju:

³ —Adi queti muare yu gotisere quẽnaro ajiya mua. Sĩgũ oterimasu veseju ote ajere otegu vacumi. ⁴ Vese ejacõari, ote ajere ì reabaterone, gajeye maaju vẽjaquearoja. To bajiri minia ejacõari, tire bareacõarãma Ìna. ⁵⁻⁶ Gajeyema, gãta joeju reajeoroja. Tijũ, mojoroaca sita ti ñajare, guaro ti judidaboajaquẽne, muiju, asisĩocõagũmi. To bajicõari, oco manijare, sĩnireacoatoja ti. ⁷ Gajeyema, jotayucũ vatoaju vẽjaquearoja. To bajicõari, ti judiboajaquẽne, jotajua bucũaveocoatoja ti. To bajiri rica cutibetoja ti. ⁸ Gajeyema, sita quẽnaroju vẽjaquearoja. To baji, judibucũacõari, quẽnase ñacõari, jairo rica cutiroja. Cojotõ, treinta ñaricari rica cutiroja. Gajetõ, sesenta ñaricari, gajetõ, cien ñaricari rica cutiroja. ⁹ Tire mua ajimasirũajama, quẽnaro tuoĩaña mua —Ìnare yiyuju Jesũs.

“Ado bajiro yigu, gotimasiore queti gotirũgũaja yu”, Jesũs ì yire queti (Mt 13.10-17; Lc 8.9-10)

¹⁰ Tijũ bero, Jesũs sũgũne ì ñaro, ì buerimasa juaãmo cõro, gũbo jua jẽnituarirãcu ñarã, gãjerã ìre ajisũyarã rãca ì tũ rẽjacõari, ado bajiro ìre sẽnĩañujarã:

—¿Gotimasiore queti yũare mu gotise, no yire ùni ñati ti? —Ìre yisẽnĩañujarã Ìna.

¹¹ To bajiro Ìna yisẽnĩajare, ado bajiro Ìnare cudiyuju ì:

—“Ëju Dios yarã quẽnaro ì yirona, yua ñaruajama, ado bajiro yiroti ñaja” Ìna yimasibeticatire Dios sũorine ajimasijama mua. To bajiboarine gãjerãjuama, Dios ì bojabetijare, tire ajimasibeama. ¹² To bajiri, gotimasiore queti rãca gotimasioaja yu, ado bajiro bajirã Ìna ñajare: Adi macarũcũroaye rĩrene tuoĩarã ñari, yu yĩosere Ìacõari, to yicõari, yu gotisere ajicõari, “To bajiro manire yigotigu yami”, manire yimasibeama. To bajiro bajirã ñari, rojose Ìna yisere tuoĩavasoacõari, “Yũare masirioya”, Diore yisẽnibeama. To bajiri yirẽto ecobosabetirũarãma Ìna —Ìnare yigotiyuju Jesũs.

“Ado bajiro yirũaro yaja oterimasu ì bajire queti”, Jesũs ì yigotirẽtobure queti

(Mt 13.18-23; Lc 8.11-15)

¹³ Bero, quẽna ado bajiro Ìnare gotiyuju Jesũs:

—Oterimasu ì bajire quetire muare yu gotisere mua ajimasibetijama, gajeye yu gotirotire quẽne ajimasimenaja mua —Ìnare yiyuju Jesũs.

¹⁴ To yigũne, ado bajiro ti quetire Ìnare gotirẽtobuyuju Jesũs:

—Oterimasuma, yu gotimasisere gotimasiocudirimasure bajiro bajigu ñagũmi. ¹⁵ Ote aje, maaju vẽjaquearere, minia Ìna barere yu yijama, “Ëju Dios quẽnaro ì yirona Ìna ñaruajama, ado bajiro yiroti ñaja” yu yigotimasiosere Ìna ajiboasere, vãtia uju ejacõari guaro ì masiriosere yigu yibu yu —yiyuju.

¹⁶⁻¹⁷ —Gũta joeju vẽjaqueacõari, guaro judibucũaboarere, muiju ì asisĩorere yu yijama, yu yere ajicõari, quẽnaro variquẽnase rãca ajirã ñaboarine, yoaro mene tire Ìna quejerotire, to yicõari, yu gotisere ajirã Ìna ñajare, gãjerã rojose Ìnare Ìna yijama, yoaro mene yu ocare Ìna ajitũjarotire yigu yibu. ¹⁸⁻¹⁹ Jotayucũ vatoaju vẽjaqueacõari, judiboarine jotajua ti bucũaveore yu yijama, yu gotisere ajirã ñaboarine, adi macarũcũro ti bajisejuare tuoĩarejairã ñari, to yicõari, gajeyeũni bojatuõarã ñari, yu

yejuare ñna tʉoĩatujacõari, yu bojarore bajiro yimenare yigũ yibũ yũ. ²⁰ Sita quẽnaroju vẽjaqueare judibũcuacõari, quẽnase rica cutirere cojotõ treinta ñaricari, gajetõ sesenta ñaricari, gajetõ cien ñaricari rica cutirere yu yijama, yu gotmasiosere ajimasicõari, Dios ñ bojarore bajiro quẽnaro yirã yu ocare ñna gotmasiose suori, gãjerã masa quẽne yure ñna ajitirũnurotire yigũ yibũ — ñnare yigotiyuju Jesús.

Sĩabusuoriare tʉoĩacõari, Jesús ñ gotmasiore queti

(Lc 8.16-18)

²¹ Quẽna gaje queti ado bajiro ñnare gotiyuju Jesús:

—Sĩabusuoriare jẽocõari, sotane tiare mubũamenaja mani. Tiare jẽocõari, “Ñajediro ti vianare ãjubusuoato” yirã, vecaju jeorãja mani. Tire bajiro bajaia yu gotmasiose. “Ajimasibeticõato masa” yigũ me, to bajise ñnare gotiaja yũ. “Quẽnaro riojo ajimasiato masa” yigũ, gotirũgũaja. ²² Dios suorine masa ñna ajimasibeticati jediro, quẽnaro ajimasirũarãma. ²³ Tire, mũare yu gotisere mũa ajimasirũajama, quẽnaro tʉoĩañna mũa — ñnare yiyuju Jesús.

²⁴ To yicõari, quẽna ado bajiro ñnare gotiyuju Jesús:

—Mũare yu gotisere quẽnaro ajitirũnũña mũa. Mũa ajitirũnũrũtuatore bajirone “Bũtobũsa ajimasiato” yigũ, mũare ejarẽmorũcũmi Dios. Rẽtobũsaro mũare ñ ejarẽmose ñajare, variquẽnarũarãja mũa. ²⁵ To bajiri, no bojagu Diore ajitirũnũgũre, “Quẽnarobũsa ajimasiato” yigũ, ñ masisere cõarũcũmi Dios. Gãjirema, ñre ajigũ ñaboarine, ñre ñ ajitirũnũbetijare, Dios ñ rotise suorine ñ ajimasiboasere masiriticõarũcũmi ñ. To bajiri Diore masibetimasucõarũcũmi — ñnare yiyuju Jesús.

Ote aje judibũcuare tʉoĩacõari Jesús ñ gotmasiore queti

²⁶ Quẽna ado bajiro masare gotimasioñuju Jesús:

—No bojarã, ʉju Dios yarã quẽnaro ñ yirãma, yu gotimasiosere ajitirũnũnarã rĩne, ñ suorine bũtobũsa ñre bajiro quẽnaro yirã ñarũtuarãma. To bajiro ñna bajijama, ote aje ti judibũcuatore bajiro bajiamã. Oterimasũ otegũmi. ²⁷ Otecõari, tocãrãca ñamiri, ãmũari quẽne, ñ cãnijaquẽne, ñ cãnibetijaquẽne, no yibetoja ñ otere. Ñ codetirũnũcõa ñnabetiboajaquẽne, ti masurione judicõari, bũcuatoja. Ti bũcuamũjasere, “Ado bajiro bũcuatũsaju ti” yimasibetiboajaquẽne, bũcuamũjacoatoja ti. ²⁸ Ñ otere ti masurione judiroja ti. Rĩjoro rujasaviaca judisũoroja. Bero, bũcuamũjacõari jũ cutiroja. To bajicõari rica cutiroja. ²⁹ Ti bũcuaro ñacõari, juagũmi — ñnare yiyuju Jesús.

“Mostaza vãme cutin rica, ajeare bajiro bajaia”, Jesús ñ yire queti

(Mt 13.31-32; Lc 13.18-19)

³⁰ Quẽna ado bajiro gotiyuju Jesús:

—“Rotimũorũgõrũcũmi” yigũ, Dios ñ cõagũ, yu gotimasiosere no bojarã ñna ajitirũnũjama, mũare yu gotisere mojoroaca ajimasiboarine, rojose ñna ñnare cutisere tʉoĩavasoacõari, tocãrãcarũmũri quẽnaro ñnamũjarũgũcõari, quẽnaro ajimasimũjarũgũjama, ado bajiro bajirũaroja: ^e ³¹ Sũgũ ñ ya vesejũre mostaza ajea otegũmi. Gajeye ote aje rẽtoro rujaricaca ñaroja ti, mostaza ajeaca. ³² To bajiri ñ oterica mojoricaca ñaboarine, ti judibũcuacoajama, ote yucãri rẽtobũsaricũ jairicũ ñaroja tin. Jairicũ

^e **4:30** Mostaza ajea ti bajire queti Jesús ñ gotirere, “Ado bajiro yirũaro yaja”, yiyujarã Dios oca masa ñna ucamasirere buerẽtobudiriãrã sũgũri: “Jesús ñ gotimasiosere ajitirũnũrã ñ ñarirodo mojoroaca ñaboarine, jãjarã ñna bajarotire yigũ yiyuju Jesús”, yiyujarã ñna.

ti ñajare, tiu rújariju minia ña ria cutirotijarire quënorãma ña — yigotimasioñuju Jesús.

³³⁻³⁴ Gotimasiore queti rãca rïne ñare gotimasiorügũñuju Jesús, “Ña ajimasiro cõro ajimasiato” yigu. To bajiro yicõari, i buerimasa rïne ña ñaro, quënarõ ñare gotirëtobujeocõañuju.

Mino vatone, oco sabesere Jesús i tujore queti

(Mt 8.23-27; Lc 8.22-25)

³⁵ Tirãmũ muiju i rocasãro, i buerimasare ado bajiro ñare yiyuju Jesús: —Gajecatũajũ jëajaro mani —ñare yiyuju Jesús. ³⁶ To bajiri jãjarã masa Jesũre ajirã ejarãre, i sãñaricũmuajũne i buerimasa rãca ñare jëaveocoasujarã. To bajiri, gaje cũmuariana quëne, ñare jëasũyasujarã. ³⁷ To ña jëatone, bũto mino vasuju. To bajicõari, bũto sabeyuju. Ti saberone, cũmua sagueca yiro, rujacoarũayuju. ³⁸ To ti bajiboajaquëne, rujoa tutuoriaju rãca i rũjoare tutuocõari, cãnisãñañuju Jesús, cũmua gũdejũ. I cãniro ñacõari, ñe yujioujarã ña:

—Yũa uju, i rujareana yaja mani! ¿“To bajiro ti bajijama, quënacõaroja”, yati mũ? —Ñe yiyujarã ña.

³⁹⁻⁴⁰ To bajiro ña yirone,

—¿No yirã bũto güiati mũa? “Rojose mani tãmuoboaajaquëne, manire yirëtobosarũcũmi”, yũre yitũoĩabeaja mũa —ñare yiyuju Jesús. To yigajanocõari, ado bajiro yiyuju Jesús:

—iMino tũjaya! iSabese quëne tũjaya mũa! —yiyuju Jesús.

To i yirone, tũjacoasuju mino. Sabese quëne, sabebesuju yuja.

⁴¹ To bajiro i yiboajaquëne, bũto güicõa ñañujarã ña. To bajiri, ado bajiro gãmerã sēniãñujarã:

—¿Ñimũ ũgũ masũ ñati ñni? Minore, to yicõari, sabesere i tũjarotijama, ñe ajaia —gãmerã yiyujarã Jesús buerimasa.

5

Gerasa vãme cuti maca tũagũre i usũju sãñarãre vãtiare Jesús i bureare queti

(Mt 8.28-34; Lc 8.26-39)

¹ Ũtabũcũra gajecatũajũ Gerasa vãme cuti maca tũju ejayujarã. ²⁻⁵ To ña ejarone, masa rijariarãre ña yujereariavijũre sũgũ ũmũ budiyuju, Jesũre ñagũagũ. Ti vijũ ñañuju i ñaro. Vãti sãñagũ ñañuju. To bajiri no yimasĩnamagũ ñañuju. Cojõji me cõmemane i gũbori sotorire, i ãmorire quëne siaboayujarã. To ña yiboajaquëne, tũasure reacõarũgũñuju i. To bajiro bajigu ñari, ũmũ, ñamirire quëne gũtayucũ joeju vacudirũgũñuju. To bajicõari, masa yujereariavijũre ñacõari, avasãmecũcudirũgũñuju. To bajiro bajicudica yigu, gũtariju quedioca vacudirũgũñuju. ⁶ To bajiro bajiñar'i, sõjũne Jesũre ñabũjacõari, ũmarõjayuju. Jesús tũju ejacõari, i rĩjorojũ gũsomuniari tũtũyuju, ñe rũcũbũogũ. ⁷⁻⁸ To bajiro i yiejasere ñacõari, ado bajiro i usũjũre sãñagũjũare vãtũre yiyuju Jesús:

—Ñni masũ i usũju sãñagũ budiya mũ —Ñe yiyuju Jesús.

To i yijare,

—Jesũ, masirëtogũ, Dios macũ ñaja mũ. ¿No yigu yũa tũ vadiati mũ? “Yũre gõjanabiobesa”, mũre yisēniãja yũ. Dios i ñaro rĩjorojũ, “Rojose mũ yise vaja, rojose mũre yibeaja yũ”, yũre yiya —Jesũre yisēniñuju vãti.

⁹ To i yirone, ado bajiro ñe yiyuju Jesús:

—¿Ñimū vāme cutiati mū? —Īre yiyuju.

To ĩ yisere ajicōari, ado bajiro ĩre cūdiyuju vāti:

—Legión vāme cutiaja, jājarā ñarā ñari —Īre yicūdiyuju.

¹⁰ To bajiri ado bajiro Jesúre sēniñañujarā:

—Gaje sitajū ĩnare cōabesa mū —Jesúre yiyujarā. ¹¹ Burojū jājarā ecariarā yesea macabañañujarā. ¹² ĩnare ĩacōari, ado bajiro Jesúre yisēniñujarā ĩna:

—Yūare mū bureajama, ða yeseajūare yūare sājarotiya —Īre yisēniñujarā ĩna.

¹³ To bajiro ĩna yijare,

—Mūare varotiaja yū —vātiare ĩnare yiyuju Jesús.

To ĩ yirone, masū usujūre sāñaboariarā budicoasujarā yuja, ecariarā yesea, dos mil cōro ñarājuare sājaroana. ĩna sājarone, buro ũmaroja vacōari, utabucuraju rearoderujacōa tujasujarā.

¹⁴ Yeseare coderimasa, to bajiro ĩna bajisere ĩacōari, ũmacoasujarā, ĩna ya macajū vana. Tojū ejacōari, ti macanare, to yicōari, ti maca tū ñarimacarianare quēne tire gotibatoyujarā. To bajiro ĩna yigotisere ajicōari, Jesúre ĩarā vasujarā ĩna, ti macana jediro. ¹⁵ ĩ tujū ejacōari, vātia sāñaboar'ire ĩañujarā ĩna. Sudi sāñacōari, Jesús tū rujiyuju. ĩna bajirore bajiro bajigū ñañuju ĩ yuja. Vātia ĩna sāñajama, tuoāmasibecu ñañuju maji. Quēnaro tuoāgū ñañuju yuja. To bajiro ĩ yimasisere ĩacōari, Jesúre buto güiyujarā ĩna. ¹⁶ Vātia sāñaboar'ĩ ĩ bajisere, to yicōari, yesea ĩna bajirere ĩariarā, gājerāre gotiyujarā. ¹⁷ To bajiri Jesúre buto güirā ñari,

—Vacoasa. Ado mū ñasere bojabeaja —Īre yiyujarā ĩna.

¹⁸ To ĩna yijare, tudiacū, cūmuajū vasājañuju Jesús. To ĩ bajirone, ado bajiro ĩre yiboayuju vātia sāñaboar'ĩ:

—Mū rāca buto varūaja yū quēne —Īre yiboayuju.

¹⁹ To bajiro ĩ yiboajaquēne, ado bajiro ĩre cūdiyuju Jesús:

—“Yū rāca vadibesa. Mū ya vijū tudiasa. Dios yūre ĩ ĩamajare, ĩ masise rāca yū usujū sāñarāre vātiare bureami Jesús”, mū yarāre ĩnare yigotiba —Īre yicūdiyuju Jesús, vātia sāñaboar'ire.

²⁰ To bajiro ĩ yijare, ĩ yarā tujū tudicoasuju ĩ. Tudiejacōari, Decápolis vāme cuti sita ñarimacarianare, Jesús ĩ yirere goticūdiyuju. To bajiro ĩ yigotisere ajicōari, no yimasibesujarā ĩna masa, ti ũnire ajibetirūgūriarā ñari.

Jairo macore Jesús ĩ catiore queti

(Mt 9.18-26; Lc 8.40-56)

²¹ Jesús, tudijēacoasuju quēna, gajejacatūaju. Utabucura tujū ĩ ñaro jājarā masa rējañujarā. ²² To bajirone, Dios ocare ĩna buerivi ũjū quēne ejayuju, Jairo vāme cutigū. Jesúre ĩacōari, ĩ rĭjorojūa gūsomuniari tuetuyuju, ĩre rūcūbūogū. ²³ To yicōari, ado bajiro Jesúre ĩre yiyuju:

—Yū maco bajirocaco yimo. So tū ejacōari, sore mū moañajama, catiocarūocomo —Jesúre ĩre yiyuju.

²⁴ To bajiro Jairo ĩ yisere ajicōari, ĩre sūyasuju Jesús. Jājarā masa ĩre sūyacōari, no bajiro yi vamasīña manojū vasujarā ĩna. ²⁵ To bajiro ĩna bajiro vatoajūre sīgō, gāmorōmi cutigo ñañuju so. Juaāmo cōro, gūbo jua jēnituari cāmari gāmogōre bajiro bajicōarūmuri cutirūgūñuju so. ²⁶ Jājarā ũco yirimasa sore ĩna ũco yire vaja, vaja yigo, gājoa so cuoboarere ĩnare ĩsijeocōañuju. To bajiro ĩnare so yiboajaquēne, butobusa bajiyuju so. ²⁷⁻²⁸ To bajiri gājerāre Jesús ĩ catiore queti ajirio ñari, jājarā masa vatoajū

Jesúre sʷayasuju so. “Jesús sudiro moaĩarʷaja yʷ. Ti rĩne bojaja yʷ. To bajiro yʷ yijama, quẽnaejacoarʷocoja yʷ”, yiyuju so. To bajiro yirio ñari, Jesús sʷyarojʷa ejarʷgũcõari, ĩ sudirore moaĩañuju. ²⁹ So moaĩariĩmarone, gãmogõre bajiro so bajĩñaboare tʷajasuju. To bajiri, “Quẽnaejacoajʷ yʷ”, yimasiñuju so yuja. ³⁰ So moaĩarone, “Yʷ masise sʷorine quẽnaejacoajʷ”, yimasicõañuju Jesús. To bajiri jʷdarʷgũcõari, ado bajiro masare sẽnĩañuju ĩ:

—¿Ñimʷ yʷ sudirore moaĩari? —ĩnare yisẽnĩañuju.

³¹ To ĩ yirone, ĩ buerimasa ado bajiro yiyujarã ĩna:

—¿No yigʷ, “Ñimʷ yʷre moaĩati”, yati mʷ? Mʷ tʷjʷ jãjarã ñaja yʷa, mʷre moaĩarã —ĩre yiyujarã ĩna.

³² To ĩna yiboajaquẽne, ĩre moaĩagũre ĩamacañuju Jesús. ³³ “Ĩre moaĩagõne, quẽnaejacoajʷ yʷ” yimasigõ ñari, nanagõne, Jesús rĩjorojʷa ejacõari, gʷsomuniari tʷetuyuju so. To yicõari, ñajediro so bajirere Jesúre gotiyuju. ³⁴ To so yirone, ado bajiro sore cadiyuju Jesús:

—Yʷ maigõ, “Ĩ sudi gajare yʷ moaĩajama, ĩ masise sʷorine quẽnaejacoarʷocoja yʷ” yitʷoĩagõ ñari, quẽnaejacoajʷ mʷ. To bajiri, “Quẽnaejacoajʷ”, yitʷoĩa variquẽna vasa mʷ —sore yiyuju Jesús.

³⁵ To bajiro sore ĩ yĩñarone, Dios ocare ĩna buerivi ʷjʷ Jairo vãme cʷtigu ya viana ejayujarã. Ejacõari, ado bajiro Jairore gotiyujarã:

—Mʷ maco bajirocacoamo. No yirã gotimasiorimasʷ ĩ vasere bojame-naja mani yuja —Jairore yiyujarã ĩna.

³⁶ To ĩna yiboajaquẽne,

—Tʷoĩasutiritibesʷa mʷ. Yʷ masisejʷare tʷoĩacõa ñañã —ĩre yiyuju Jesús.

³⁷ To yicõari, gãjerãre sʷyarotibesuju Jesús yuja. Pedro, Santiago, ĩ bedi Juan, ĩna idiarãrene sʷyarotiyuju. ³⁸ To yĩ, vanane, Jairo ya vijʷ ejayujarã. Tojʷ ejana, ĩna ĩajama, ĩ maco so bajirocacoajare, bʷto otiñañujarã ĩna, ti vi ejariarã. ³⁹ ĩna otiñarivijʷre sãjaejacõari, ado bajiro ĩnare yiyuju:

—¿No yirã otiati mʷa? “Bajirocacoajʷ” mʷa yiboago, bajirocabecomo. Cãnigõ yigomo —ĩnare yiyuju Jesús.

⁴⁰ To ĩ yisere ajicõari, ĩre ajayujarã ĩna, “Bajirocacoasumo” yimasirã ñari. To bajiro ĩna yiboajaquẽne, ĩnare budirotiyuju Jesús. ĩnare budiroticõari, bajirocario jacʷare, to yicõari, ĩre sʷyarãre quẽne, ũmato jãjasuju Jesús, bajirocario so ñarisõajʷ. ⁴¹ ĩnare ũmato jãjacõari, so ãmore ñiañuju Jesús. To yigʷne, ado bajiro sore yiyuju:

—Talita cumi —sore yiyuju. (“ ‘Daquero, vãmʷrãgũña’ mʷre yaja yʷ” yire ũni ñañuju.)

⁴² To ĩ yirĩĩmarone, quẽna tudicaticõari, vãmʷrãgũ vasuju so yuja. Jʷaãmo cõro, gʷbo jʷa jẽnituari cãmari tʷsaco ñañuju so. So tudicatisere ĩacõari, no yimasibesujarã masa, ti ũnire ĩabetirũgũriarã ñari. ⁴³ Sore catiocõari,

—Sore ĩ catiosere gãjerãre gotibetimasucõama —ĩnare yiyuju Jesús. To yicõari, —Bare sore ecaya mʷa —ĩnare yiyuju Jesús.

6

Nazaret vãme cʷti macajʷ Jesús ĩ vare queti
(Mt 13.53-58; Lc 4.16-30)

¹ To bajiri Capernaum macanare ĩnare gotimasio gajanocõari, ĩ buerimasare ũmato vacoasuju Jesús, ĩ ya macajʷ, Nazaret vãme cʷti macajʷ.

² Toju ususājariarūmu ñarone Dios ocare ña buerivijure sājajecōari, masare gotimasio ñañuju Jesús. Quēnaro ñ gotimasiocere ajicōari, no yimasibesujarā ña:

—¿No bajicōari, to bajise gotimasiomasiati ñ? ¿No bajiro yicōari, ñañañamanire yati? —Jesúre yiyujarā ña, ñ ya macana. ³ Gajeye ado bajiro yiyujarā ña:

—¿Adi macagu yucú moarimasu me ñatique ñma? ¿Mar'ia macu me ñatique? ¿Santiago, José, Judas, Simón mesa gagu me ñatique ñ? To yicōari, mani vatoaju ñarā, ¿ñ bederā rōmiri me ñatique ña? —Jesúre ñre yiyujarā ña, ñ ya macana.

To bajiri, “Ñamasugū me ñaami. Mani ya macagu, mani masigū ñaami” yirā ñari, ñre ajitirūnubesujarā ña. ⁴ To ña yirone, ado bajiro ñnare gotiyuju Jesús:

—Diore gotirētobosarimasu gajeroju Dios ocare ñ gotimasiocudijama, ñre ajirūcuborāma. To bajiboarine, ñ ya macanare, ñ ya vianare quēne, Dios ocare ñ gotimasiojama, ñre ajirūcubomenama —ñnare yiyuju Jesús.

⁵ To bajiri ñ ya macana, ñre ña ajitirūnubetijare, ñañañamani yīomasibesuju ñ. Mojoroaca ñañujarā ñ ñmo ññueocōari ñ catiorarā. ⁶ ñ yarā ñre ña ajitirūnubetire ñacōari, no yimasibesuju Jesús, ñnare bajiro tūoñarāre ñabetirūgūr'ñari. To bajiri, gaje macariju vasuju, masare gotimasiocudigu vacu.

Ñ ocare goticudisuronare Jesús ñ cōare queti

(Mt 10.5-15; Lc 9.1-6)

⁷ Juaāmo cōro, gubo jua jēnituarirācu ñnarāre ñ buerāre jirēoñuju Jesús. ñnare jirēocōari, tocārāca macarire juarāri cōañuju. ñnare cōagūne, masa usurijū sññarāre vātiare, ña bureamasirotire ñnare ujoyuju ñ. ⁸ To yicōari ado bajiro ñnare yiyuju:

—Mua bare sñriajoari, gājoare quēne juaābesa. No bojase mua cuose juaābesa. Tueriayucári rñe juaāsa. ⁹ Gubo sudi mua sññasene sññacōari, sudi mua sññasene sññacōari, vasa —ñnare yiyuju Jesús. ¹⁰ Gajeye ado bajiro ñnare yiyuju Jesús:

—Tocārāca macare mua eajama, mua ejasurivine cñnima. Ti vine ñacōari, ti macanare ñnare gotimasio ñnama maji, gajeroju mua varoto rñjoro. ¹¹ Mua ejarimacana quēnaro mware ña bocaāmibetijama, to yicōari, mua gotisere ña ajirūabetijaquēne, ti macajure ñabeja. Mware ña ajirūabetijare, mua gubo sudi tuyasere sitare varerea, vacoaja. To bajiro mua yijama, “Quēnaro yware bocaāmibeticōari, yware mua ajirūabetijare, rojose mware yirucami Dios” yirā, yiruarāja mua —ñnare yiyuju Jesús.

¹² To bajiro ñ yijare, “Rojose mua yisere yitajacōari, quēnasejuare tūoñavasoaya” ñnare yigotimasiocudirā vasujarā. ¹³ Masa usurijū sññarāre vātiare bureayujarā ña. Jājarā rñjaye cutirāre quēne, uye yuejeoyujarā ña. To ña yijare, quēnajeacoasujarā ña.

Juan vñme cutigure, masare oco rñca bautizarimasure ñ rñjoare ña jatarocare queti

(Mt 14.1-12; Lc 9.7-9)

¹⁴ Jesús ñ bajirñasere, ajijedicōañujarā Galilea vñme cuti sitana. To yicōari, ña uju Herodes quēne ajiyuju, ado bajiro ña yisere:

—Juan vñme cutigu, masare oco rñca bautizarimasune sñaecoboarine, tudicaticoarimi. To bajiri ñañañamani yīoñagūmi —yiyujarā ña, Jesúre.

15 Gãjerãma, ado bajiro yiyujarã:

—Diore gotirêtobosarimasu El'ias ñamasir'i ñagãmi quëna —yiyujarã.

Gãjerãjũama, ado bajiro yiyujarã:

—Diore gotirêtobosarimasu ñamasir'ire bajiro bajigu ñaami —yiyujarã.

16 Herodes quëne, ado bajiro yiyuju:

—Juan ñagãmi quëna. Í rujoare ãre jatarocaroticõacaju yu. To bajiro yu yirotoñoajuquëne, quëna tudicaticoarimi —yiyuju Herodes.

17-18 Juan í siaecoroto rãjoro ado bajiro bajire ti ñajare, to bajiro tãoãñañuju Herodes: Í bedi Felipe manajore Herod'ias vãme cutigore êmacõari, manajo cutiyuju Herodes. To bajiro í yire ñajare, ado bajiro ãre gotirũgũñuju Juan:

—Herod'iare ma manajo cutise quënaabeaja. Dios í rotimasirere ajibeaja ma —ãre yirũgũboayuju Juan.

19-20 To bajiro í yigotisere ajitego ñari, ãre sãarotiruaboayuju Herod'ias. To bajiro so yitãoãñoajuquëne, “Dios í bojarore bajiro quënarõ yigu ñaami Juan” yigu, í gotisere ajirãcãbuõogu ñari, Herod'ias, Juanre so sãarãboasere matayuju Herodes. Juan ãre í gotisere quënarõ ajivariquënegũ ñaboarine, “To bajiro yirãcãja yu”, yimasibesuju Herodes.

21 To bajirãrũgũboa, cojorãma, “Ado bajiro yu yijama, yure matamasibecãmi”, yitãoãñañuju Herod'ias yuja. Tirãma, Herodes í ruyuarãrãma ñañañuju ti. To bajiri ãre moabosarimasa ujarãre, surara ujarãre, toana Galilea sitana ñamasuri masare quëne jirẽõñuju í, “Boserãma yito” yigu. 22 To yicõari, ãna rãjaro bero, Herod'ias maco, ãna ãro rãjorojũare basãñoñuju. So basasere ãacõari, variquënañuju Herodes, í jicõariarã quëne. To bajiri, ado bajiro sore gotiyuju Herodes:

—No bojase ma sãnijama, mure ãsirãcãja —sore yiyuju. 23 To yicõari, ado bajiro sore gotirẽmoñuju:

—Riojo mure gotiaja. Tãoãvasoabetirãcãja. Yu cãose, “Gudareco bojaja” ma yisẽñoñoajuquëne, mure ãsicõarãcãja —Herod'ias macore yiyuju Herodes. 24 To í yisere ajicõari, so jacore sãnĩagõ vasuju so, “¿Ñiere ãre sãnigõti yu?” yigo.

To so yisere ajicõari, ado bajiro sore yi ocasãñuju so jaco:

—“Juan vãme cutigu, masare oco rãca bautizarimasu rujoare bojaja”, ãre yiya —so macore yicãdiyuju Herod'ias.

25 To so yijare, guaro Herodes tãju vacõari, ado bajiro ãre gotiyuju:

—Yucãacane Juan vãme cutigu, masare oco rãca bautizarimasu rujoare bare jeobariabaja joeju jeocõari, yure ãsigũ vayã —ãre yiyuju so.

26 To bajiro so yisere ajicõari, buto sutiritiyuju Herodes. To bajiboarine, í jicõariarã ãna ajiro rãjorojũa, “Riojo mure gotiaja yu. No bojase ma sãnijama, mure ãsirãcãja” í yicõare ñajare, so sãnĩore bajirone yiyuju. 27 To bajiri Juanre sãarãbetiboarine,

—Juan rujoare jatãcõari, ãmiaya —yiroticõañañuju, í surarare.

To í yijare, tubiberiãvijũ vacõari, Juan rujoare jatayuju surara. 28 To yicõari, bare jeobariabaja joeju jeocõari, Herod'ias macore ãsiñuju. To yicõari, sojũa, jacore ãsirẽtoñuju so yuja.

29 Ti queti ajicõari, Herodes tãju ejayujarã, Juan buerimasa. Ejacõari, í rujuri ñaboarere ãmivacõari, yujeyujarã.

*Masa, cinco mil ñarãre Jesús í bare ecare queti
(Mt 14.13-21; Lc 9.10-17; Jn 6.1-14)*

³⁰ Juaãmo cõro, gubo jua jënituarirãcũ ñarã ĩ buerimasa, ĩ goticud-irocticõariarã, tudiejacõari, Jesúrãca rëjañujarã. ĩ rãca rëjacõari, ĩna goticudirere, to yicõari, jediro ĩna yicudirere quëne gotijeocõañujarã. ³¹ Gãjerã ĩna vato ùnone, gãjerã ejavasoacõarũgũñujarã masa. To ĩna bajicõa ñajare, Jesús, ĩ buerimasa quëne, ussãja, bare ba, yimasibesujarã. To bajiri, ado bajiro ĩ buerimasa yiyuju:

—Ita. Őjũ, masa ĩna manibũsarojũ vajaro mani. Tojũ ussãjaruarãja — ĩnare yiyuju.

³² To ĩ yijare, cũmua vasãja vacoasujarã ĩna, masa ĩna manibũsarojũ vana. ³³ To bajiro ĩna yi vaboajaquëne, ti macariana jãjarã masa, Jesús ĩ buerimasa rãca ĩ vasere ĩamasicõari, ũmacoasujarã ĩna, Jesús ĩ ejarotijure vana. ³⁴ To bajiri Jesújua, majaejacõari, jãjarã masa ejacõari ñarãre ĩnare ĩañuju. ĩ ĩajama, ovejare coderimasũ ĩnare ĩ codebetore bajiro bajiyujarã ĩna. To bajiri ĩnare ĩamaiñuju. ĩnare ĩamaigũ ñari, cojo vãme me ĩnare gotimasioñuju. ³⁵ To ĩ yirone, rãioroto rĩjoro, Jesús buerimasa, ĩ tũ ejacõari, ado bajiro yiyujarã:

—Jëre rãioato yaja. Masa manojũ ñaja. ³⁶ To bajiri ĩnare varotiya mũ, “Masa cutojũ bare vaja yibarã vajaro” yirã —ĩre yiboayujarã ĩna.

³⁷ To ĩna yiboajaquëne, ado bajiro ĩnare cãdiyuju Jesús:

—Mũane ĩnare bare ecaya —ĩnare yiyuju ĩ.

To ĩ yijare, ado bajiro ĩre cãdiyujarã ĩna:

—Doscientos gãjoatiiri rãca vaja yiroti ñaboaroja manire, pan ĩna baroti vaja yirã —Jesũre yicãdiyujarã.

³⁸ To ĩna yisere ajicõari, ado bajiro ĩnare sëniñañuju Jesús:

—“¿Nocãrãca pan cõoati mũa?”, yisëniñacudiyi maji —ĩnare yiyuju Jesús.

To bajiri sëniñabujacõari, ĩre gotiyujarã:

—Cojomo cõro pan, juarã vai cõoaja yũ —ĩre yiyujarã.

³⁹ To ĩna yirone,

—Masare tatũcurojũ rujatubuari rujirotiya —ĩnare yiyuju Jesús.

⁴⁰ To ĩ yise ñajare, rujatubuari rujibateyujarã ĩna. Cojojũri cien ñarirãcũ, to yicõari, cincuenta ñarirãcũ rujibateyujarã. ⁴¹ To bajiro ĩnare rujiroticõari bero, cojomo cõro ñaricari pan, to yicõari, juarã vai ñarãre juacõari, õ vecajũ ĩamõocõari, “Quënarõ yaja mũ”, Diore ĩre yiyuju. To yicõari bero, panre iguesurebatecõari, ĩ buerimasa ĩsiñuju, “Rujirãre ĩsibatoya” yigũ. Juarã vaire quëne iguesurebatecõari, ĩ buerimasa ĩsiñuju, “Rujirãre ĩsibatoya” yigũ. ⁴² Sīgũ ruyariaro mano quënarõ baussatijedicõañujarã. ⁴³ ĩna bagajanoro bero, ĩna baruasere, ĩ buerimasa ĩna juarëojama, juaãmo cõro, gubo jua jënituario ñarijibũri ruyayuju.

⁴⁴ Tire bariarã, cinco mil ũmũa ñañujarã. ^f

Oco joene Jesús ĩ vare queti

(Mt 14.22-27; Jn 6.16-21)

⁴⁵ Masa ĩna baruasere ĩ buerimasa ĩna juarëogajanorone, cũmuajũ ĩnare vasãjarotiyuju Jesús:

—Betsaida vãme cuti macajũ yure jëadiyuya. Maji masare vare gotigũ yaja yũ —yiyuju Jesús.

⁴⁶ ĩnare vare gotigajano, burojũ majacoasuju, tojũ Diore sëniũ. ⁴⁷ Ti rãioato bero, utabũcũra jëana, tira gudareco tusasujarã, Jesús buerimasa.

^f **6:44** Rĩamasare, rĩmiare cõmenane, ũmũa bũcũrã ĩrene ĩna cõjama, cinco mil ñañujarã ĩna.

Jesújuama, sīgūne ñacōañuju ĩ maji. ⁴⁸ To bajicōari, ĩ buerimasare ĩacōañuju. To ĩna tusatone, buto mino vasuju. To bajiri jēatimabesujarā ĩna. To ĩna bajiñarone, busurocaroarijau ĩna tujū oco joene vayuju Jesús. To bajivagū, ĩnare rētoarocure bajiro vayuju. ⁴⁹⁻⁵⁰ Oco joeju ĩ vadire ĩarāne, ĩcacoasujarā ĩna. “ĭBajirocar'i vāti ñaami!”, yivasañujarā. To ĩna yiboaajaquēne,

—Gūibesa. Variquēnaña mūa. Yūne ñaja —ĩnare yiyuju Jesús.

⁵¹ To yigūne, ĩna vaticūmuaju vasājacōañuju Jesús. ĩ vasājarone, mino vatujacoasuju yuja. To bajiro ti bajisere ĩacōari, no yimasibesujarā ĩ buerimasa, ti ũnire ĩabetirūgūriarā ñari. ⁵² To bajiro ĩna bajijama, cinco mil ũmūare Jesús ĩ ecarere ĩariarā ñaboarine, “ĩaĩñamanire yimasijeogu ñaami” ĩre yimasimena ñari, to bajiro bajiyujarā.

Genesaret sitanare rijaye cutirāre Jesús ĩ catioire queti

(Mt 14.34-36)

⁵³ To baji, jēanane, Genesaret vāme cuti sitaju jēaejayujarā ĩna. Toju cūmuare siatujoyujarā. ⁵⁴ Cūmuare siagajano, ĩna majatone, Jesúre ĩamasicōañujarā ti macana, tijūana. ⁵⁵ To bajiri masa jedirore gotibatorā ũmacoasujarā ĩna. Tire ajirā ñari, ti macariana rijaye cutirāre Jesús tujū juaejayujarā ĩna. ⁵⁶ ĩ vacudiri macari cōrone mojorimacaju ĩ vajaquēne, jairimacajure ĩ vajaquēne, masa ĩna rējarūgūrijaurire ĩ vajaquēne, to yicōari, Jesús ĩ varoti maarijare quēne, rijaye cutirāre juajecūñujarā. To yicōari,

—Mū sudi gajare ĩnare moañarotire bojaja yūa. To bajiro ĩna yijama, caticoaruarāma —ĩre yiyujarā rijaye cutirāre juajeariarā. To bajiri, ĩre moañariarāma, caticoasujarā.

7

“Masa ĩna yisere ĩacōari, ‘Rojorā ñaama’ yire me ñaja. ĩna tūoñasejuare masicōari, ‘To bajiro yirā ñaama’ yire ñaroja”, Jesús ĩ yigotimasiore queti

(Mt 15.1-20)

¹ Fariseo masa, to yicōari, Dios ĩ rotimasire gotimasioremasa quēne ejayujarā ĩna, Jesús tujū. Jerusalénju vadiriarā ñañujarā. ² Jesús tū eacōari, ĩ buerimasa sīgūri, ĩna baroto rījoro, ĩna ñicua ĩna āmorire ĩna coemasiriarore bajiro ĩna coebetire ĩañujarā ĩna. ³⁻⁴ Jud'io masa ñajediro, ĩna ñicua ye quēnaro ajirūcūbūorā ñañujarā ĩna. To bajirā ñari, ĩna ñicua ĩna yimasiriarore bajiro āmori coecōari rīne, bayujarā ĩna. Masa, bare vaja yirā ĩna rējaroju vaja yirā variarā, tudiejacōari, ĩna ñicua ĩna āmorire ĩna coemasiriarore bajiro yirā, ĩna āmorire coecōasūori rīne, barūgūñujarā ĩna. To yicōari, idiriabajari, oco cūria sotari, no bojase sotari quēne coeyujarā. Bare barā rujirijaurire quēne to bajiro yiyujarā ĩna, jud'io masa. ⁵ Tire buto ajirūcūbūorā ñari, fariseo masa, to yicōari, Dios ĩ rotimasire gotimasioremasa quēne, ado bajiro Jesúre sēniñañujarā ĩna:

—¿No yirā mani ñicua ĩna yimasiriarore bajiro yibeati mū buerimasa? ĩna baroto rījoro, mani ñicua ĩna āmori coemasiriarore bajiro coebeamā — ĩre yiyujarā ĩna, fariseo masa, Dios ĩ rotimasire gotimasioremasa quēne.

⁶ To bajiro ĩna yijare, ado bajiro ĩnare cūdiyuju Jesús:

—“Quēnaro yirā ñaja yūa” yiboarine, rojorā ñaja mūa. Diore gotirētoaromasū, Isa'ias ñamasir'i, mūa bajirotire quēnaro tūoñacōari, ado bajiro ucamasīñuju:

“Ína oca masune yirã, quënaró yure yirũcũbuoama ína. To bajiro yirã ñaboarine, yu bojarore bajiro tuoíabeama.

⁷ Yu yere buecõari, ína masu ína tuoíasere gotimasioama. Tirene, ‘Dios í rotise ñaja’ yiboama. To bajiri yure ína rũcũbuoase vaja, ñie vaja bujamenama ína”, yucamasíñuju Isa’ías, Diore gotirëtobosagu — ñinare yigotiyuju Jesús.

⁸ To yicõari, quëna ado bajiro ñinare yiyuju Jesús:

—Dios í rotisejũare ajitirũnũmenane, maní ñicũa ocajũare quënaró ajitirũnũaja mũa — ñinare yiyuju Jesús.

⁹ To yicõari, quëna ado bajiro ñinare gotirẽmoñuju Jesús:

—Maní ñicũa yejũare ajirũcũbuorã, Dios í rotimasirejũare cũdibeaja mũa. ¹⁰ Dios í roticũmasirere Moisés í ucamasire ado bajiro gotiaja: “Mu jacure, mu jacore quënaró rũcũbuoya”. To yicõari, gaje vãme ado bajiro yaja: “No bojagu í jacure, í jacore, ‘Rojose tãmuõcãgarãja mũa’ ñinare í yijama, ñie sãarotí ñaja”, yigotiaja Moisére Dios í roticũmasire. ¹¹⁻¹² Mũajũama, ado bajirojũa rotiaja mũa: “Í ye rãca í jacũare í ejarẽmobetijama, quënacõaja. ‘Yu gajeyeũni, yu cõose Diore yu ñisroti rĩne ñaja. To bajiri mũare ejarẽmomasibeaja yu’ yicõari, í jacũare í ejarẽmobetijama, quënacõaja”, yirotiaja mũa. ¹³ To yicõari, gajeye jairo tí ñnire bajiro mũa yirotisẽ ñaja. To bajiro yirotirã, “Dios manire í roticũmasirere cũdibeticõato” yirãre bajiro yaja mũa. To yicõari, “Maní ñicũa ína rotimasirejũare ñamasuse ñaja” mũa yituoíajama, “Ñie vaja maja Dios í rotimasire” yirã yaja mũa — fariseo masare, to yicõari, Dios í rotimasire gotimasiorimasare yiyuju Jesús.

¹⁴⁻¹⁶ To bajiro ñinare yigotigajanocõari, masare jirëocõari, ado bajiro ñinare gotiyuju Jesús:

—Ñajediro quënaró ajiya, yu gotimasiosere. Tire ajicõari, “To bajiro manire yigotigu yami”, yiajimasíña mũa: Maní ñicũa, “Maní basãse sũorine ñaja Dios í ñavariquënabeti, ñie maní yirũcũbuose í bojabeti”, yituoíamasiboayuma. To bajiro me bajiaja. Rojose tuoíacõari, mũa ñagõse sũorine bajiaja, Dios í ñavariquënabeti, ñie mũa yirũcũbuosere í bojabetima — masare yiyuju Jesús.

¹⁷ To bajiro ñinare yigotigajano, masa jãjarã vatoaju ñar’i, vacoasuju Jesús, í buerimasa rãca. Viju sãjaejacõari, ado bajiro ñie sëniãañujarã í buerimasa:

—Jëju mu gotimasiosere quënaró yũare gotirëtobuya — Jesúre yiyujarã ína. ¹⁸⁻¹⁹ To ína yisere ajicõari,

—¿Ajimasibeati mũa quëne? —yiyuju í. —Mũa basãse mũa gudajoaju vatoja tí. Tiju bero, rëtobudiroja tí. To bajiri, mũa usarijũrema rojose yimasibeaja tí — ñinare yiyuju Jesús. To bajiro í yijama, “Ñajediro bare maní baboajaquëne, Dios í bojabetire yirã me yirãja maní” yigu yiyuju.

²⁰ To yicõari, ado bajiro ñinare gotirẽmoñuju Jesús:

—Dios í ñajama, masa rojose ína tuoíasejũa ñaja rojosema. ²¹ Masa, rojose ína tuoíajama, ado bajiro yirãma: Juarudirãma. Gãjerãre sãarãma. Manajo cutirã, manaju cutirã quëne, gãjerã rãca ajeriarã cutirãma. ²² Gajeyeũnire gãjerã yere uorãma. Socajairãma. Bojoneose tí ñaboajaquëne, tire yicõarãma. Gãjerãre, “Yu rëtobũsaro quënaró ñaama”, yilãjũnisinirãma. Gãjerã ajiro rĩjorojũa socarãne, “Ado bajise rojose yima”, yigotirãma. “Ñamasurã ñaja yũama”, yituoíarãma. Riojo tuoíamasimenama. Dios yere

rũcũbũomenama. ²³ Adĩ rojose jediro yirãma masa, rojose ãna tũoĩajama —ĩnare yiyuju Jesũs.

Jud'io maso me Jesũre so ajitirũnũre queti
(Mt 15.21-28)

²⁴ To ñar'i, vacoasuju Jesũs. Vacõari, Tiro vãme cuti maca tũju ejayuju. To ejacõari yayioro vijũre sãjarũaboayuju. To bajiboarine yayioro sãjamasibesuju. ²⁵⁻²⁶ To bajiri Jesũs ã ejare queti ajicõari, sĩgõ rõmio ã tũjũre vasuju so. Vãti sãñagõ jaco ñañuju so. Jud'io maso me ñañuju. Sirofenicia sitago ñañuju. Jesũs rĩjorojũa ejacõari, gũsomuniari tuetucõari, ado bajiro buto ãre sẽnĩñuju:

—Yũre ejarẽmoña mũ. Yũ maco so usũju vãti sãñagõ ñaamo. ãre burocaya mũ —Jesũre yiyuju so.

²⁷ To so yisere ajicõari, ado bajiro sore cũdiyuju Jesũs:

—Yũ yarã jud'io masare ejarẽmosũoaja. Yũ yarãre yũ ejarẽmoroto rĩjoro gãjerãre yũ ejarẽmojama, rĩamasa ãna basere ãmacõari, yaiare ecagũre bajiro yigũja yũ —sore yiyuju.

²⁸ To ã yisere ajicõari, ado bajiro ãre cũdiyuju so:

—Yũ mũ, riojo gotiaja mũ. To bajiboarine ãna ujarã ãna bavẽjasere barãma yaia —Jesũre ãre yiyuju so. “Jud'io masare ejarẽmogũ ñaboarine, yũare quẽne mojoroaca ejarẽmomasigũja” yigo, to bajise ãre yiyuju so.

²⁹ To so yisere ajicõari, ado bajiro sore yiyuju Jesũs:

—Quẽnaro tũoĩacõari, gotiaja mũ. Mũ maco usũju sãñagũre vãtire ãre burocacõaja yũ. To bajiri mũ ya vijũ tudiasa —sore yiyuju Jesũs.

³⁰ So ya vijũ tudiejacõari, cãnjesariaro joeju so macore so jesaro ãacõari, “Vãti so usũjũre sãñar'i jẽre budicoasumi”, yimasĩñuju.

Ajibeti, ñagõmasibeti bajigũre Jesũs ã catiore queti

³¹ Tiro maca tũju ñar'i, Sidón vãme cuti macaja rẽtoasuju Jesũs. To rẽto vacũne Decãpolis sita ñarimacarire quẽne rẽtoasuju. To rẽtoacũne, Galilea ũtabũcũra tũju ejacoasuju yuja. ³² To ã ñarone, sĩgũ ajibeti, ñagõmasibeti bajigũre ãmiejayujarã masa. ãre ãmiejacõari, Jesũre sẽnĩñujarã, “Ajibecũre ã ãmori ñujecõari ãre catioato” yirã. ³³ To bajiri ajibecũre gajerojũa ũmato vasuju Jesũs. ãre ũmato vacõari, ã gãmo gojerijũre ã ãmovãsoa rãca tõmesõñuju Jesũs. To yigajano, ã ãmovãsoare gooco eotucõari, ã ñemerore moaĩañuju, ã ñagõmasibetijare. ³⁴ To yicõari, õ vecajũare ãamũocõari, usũ sĩnisãñuju Jesũs. To yigũne, ado bajiro ãre yiyuju:

—Efata —yiyuju Jesũs. (“Ajiya yuja” yire ũni ñañuju ti.)

³⁵ To ã yirone, ajibecũ ñaboar'i ajicoasuju yuja. To bajicõari, quẽnaro ñagõcoasuju ã, ñagõmasibecũ ñaboar'i. ³⁶ To bajiro ãre yigajanocõari, ado bajiro masare yiyuju:

—Gãjerãre gotibetimasucõama mũa —ĩnare ã yiboajaquẽne, butobũsa gotibatorũgũñujarã masa. ³⁷ To bajiro Jesũs ã yisere ajivariquẽnacõari, no yimasibesujarã ãna, ti ũnire ajibetirũgũriarã ñari. To bajiri, ado bajiro Jesũs ã yisere gotiyujarã:

—Ñajediro quẽnaro yimasijeogu ñaami. Ajimenare, “Ajiato” ñagõmenare quẽne, “Ñagõato” yigu ñaami —yiyujarã ãna.

8

Masa, cuatro mil ñaräre Jesús, bare ï ecare queti
(Mt 15.32-39)

¹ Quëna Jesús tujü jãjarã masa rëjacõari, ñna ñaro rïne bare jedicoasuju ñnare. To bajiri ï buerimasare jicõari, ado bajiro yiyuju Jesús:

² —Ado ñaräre ñamaiaja yu. Idiarũmu tusaju yuja, yu rãca ñna ñaro. To bajicõari bare maama. ³ Bamenane ñna ya virijü ñna tudiasere bojabeaja yu. Sígüri sõju vadiriarã ñaama. Ñnare yu tudirotijama, bamenane ñna vajama, ñiorijarã ñari, rijavëjacoaborãma —ñnare yiyuju Jesús.

⁴ To bajiro ï yirone, ado bajiro ïre yiyujarã ï buerimasa:

—Ado, masa manojü ñaja. No bajiro masa ñaro cõro ñna barotire bare bujamasifiña manojü —ïre yiyujarã ñna.

⁵ To ñna yirone,

—¿No cõro jairo pan cõoati mua? —ñnare yiyuju.

—Cojomo cõro jua jënituario ñnaricari ñaja —ïre yiyujarã ñna.

⁶ To ñna yirone, rãcacane masare rujirotiyuju Jesús. To yicõari pan cojomo cõro jua jënituario ñnaricari ñasere juacõari, “Quënarõ yaja mu”, Diore ïre yivariquënañuju Jesús. To yicõari tire iguesurebatecõari, ï buerimasare ïsiñuju. To bajiri ñnajua rujirãre ïsibatoyujarã yuja. ⁷ Vai quëne mojoroaca cõoyujarã ñna. To bajiri vaire juacõari, “Quënarõ yaja mu”, Diore yiyuju Jesús quëna. To yicõari, ï buerimasare ïsibatorotiyuju. ⁸ Sígü ruyariaro mano baussucõtijedicõañujarã. Ñna bagajanoro bero, ñna baruasere juarëõñujarã Jesús buerimasa. Ñna juarëojama, cojomo cõro jua jënituario ñarijiburi ruyayuju. ⁹ Tire bariarã cuatro mil masa ñañujarã. Ñnare ecagajanocõari, ñnare tudirotiyuju Jesús. ¹⁰ To yicõari bero, ï buerimasa rãca cõmuaju vasãjacõari, Dalmanuta vãme cõtí sitajü vacoasujarã.

“Ïããñamani yuare yïõña”, Jesúre ñna yiboare queti
(Mt 16.1-4; Lc 12.54-56)

¹¹ Fariseo masa, Jesús tu ejacõari, ïre sëniãañujarã, “Cudimasibeticõari, rojose tãmuoato ï” yirã:

—“ ‘Dios ï cõagü ñaami’ yuare yimasiato” yigü, õ vecaye ñããñamani yuare yïõña —ïre yiboayujarã.

¹² To bajiro ñna yisere ajicõari, usü sñinisãñuju Jesús. To yicõari, ado bajiro ñnare yiyuju:

—¿No yirã adirodoria ñããñamani rãca rïne yu yisere bojati mua? Riojo muare gotiaja yu. Ñããñamani muare yïõbecuja yu —ñnare yiyuju Jesús.

¹³ To bajiro ñnare yicõa, ñnare jëaveocoasuju Jesús, ï buerimasa rãca.

Fariseo masa pan ùmato vauvasere bajiro ñna bajire queti
(Mt 16.5-12)

¹⁴ Jesúrãca jëana, ñna baroti pan masiritiyujarã. Ñna vaticõmuajure pan cojane cõoyujarã. ¹⁵ To bajiro ñna bajire ñajare, ado bajiro ñnare gotiyuju Jesús:

—Fariseo masa, to yicõari, Herodes quëne “Pan vauvato” yirã, ñna vuosere quënarõ ajicõãña mua —ï buerimasare yiyuju Jesús.

¹⁶ To ï yisere ajimasimena ñari, ñna masune ado bajiro gãmerã yiyujarã ñna:

—Pan mani masiritijare, to bajise gotigü yigümi —gãmerã yiyujarã.

¹⁷ To bajiro ñna gãmerã yisere masicõari, ado bajiro ñnare gotiyuju ï:

—¿No yirã “Pan maja manire”, yati mũa? ¿Yũre ajimasibeati mũa maji? ¿Adi macarũcũroaye rĩne tũoĩarãre bajiro tũoĩacõa ñati mũa maji? ¹⁸⁻¹⁹ ¿Yũ yĩosere ĩarã ñaboarine, ajimasibeati mũa maji? —Īnare yiyuju Jesũs.

To yicõari, ado bajise ĩnare yirẽmoñuju:

—Cojomo cõro ñaricarire panre bũjũocõari, cinco mil masa ñarãre eca-cajũ yũ. Īnare yũ ecaro bero, ¿nocãrãca jibũri rũyacati ti? —Īnare yiyuju Jesũs.

To ĩ yisere ajicõari, ado bajiro ĩre cũdiyujarã ĩna:

—Jũaãmo cõro, gũbo jũa jẽnituario ñarajibũri rũyacajũ —ĩre yicũdiyujarã ĩna.

²⁰ Quẽna ĩnare tudisẽniãañuju:

—Tijũ bero, quẽna cojomo cõro jũa jẽnituario ñaricari panre bũjũocõari, cuatro mil masa ñarãre eca-cajũ yũ. Īnare yũ ecaro bero, ¿nocãrãca jibũri rũyacati ti? —Īnare yiyuju.

—Cojomo cõro, jũa jẽnituario ñarajibũri rũyacajũ —ĩre yicũdiyujarã ĩ buerimasa.

²¹ To bajiro ĩna yicũdisere ajicõari, ado bajiro ĩnare tudisẽniãañuju Jesũs:

—To bajiro yũ yĩlocatire masirã ñaboarine, ¿jẽjũ mũare yũ gotisere ajimasibeati mũa maji? “Fariseo masa, to yicõari, Herodes quẽne, ‘Pan vauvat’ yirã, ĩna vũosere quẽnaro ajicõiaña” yũ yijama, bare mere yaja yũ —Īnare yiyuju Jesũs.

Betsaida vãme cũi macajũre ejacõari, cajẽ ĩabecũre ĩna ãmiejagũre Jesũs ĩ ĩarotire queti

²² Bero, Jesũs, ĩ buerimasa rãca Betsaida vãme cũi macajũre ejayuju. To ĩna ejaro ĩacõari, cajẽ ĩabecũre ãmiejayujarã masa, “Cajẽ ĩabecũre Jesũs ĩ moaĩarone, ĩacoarũcũmi” yirã. ²³ To bajiro ĩna yiejogũre ti maca sojũabũsa ĩre tũa vasuju Jesũs. To yicõari, ĩ cajearire goocone eotucõari, moaĩañuju Jesũs, “Īato ĩ” yigũ. To yicõari, ado bajiro ĩre sẽniãañuju:

—¿Īati mũa? —ĩre yiyuju.

²⁴ To ĩ yirone, cajẽ ĩabecũ quẽnaca ĩasũoyuju. To bajiri ado bajiro cũdiyuju ĩ:

—Masare ĩaja yũ. To bajiro yũ ĩaboajaquẽne, yucãrine vasere bajiro bajiaja —yiyuju.

²⁵ To ĩ yijare, quẽna ĩ cajearire tudimoaĩa quẽnoñuju. To ĩ yirone, quẽnaro ĩacoasuju. Ñajediro quẽnaro ĩre ruyuyuju yuja. ²⁶ To bajiro ĩ bajiro ĩacõari, ado bajiro ĩre gotiyuju Jesũs:

—Macajũre vacõari, mũre yũ ĩarotisere gãjerãre gotibatobecũne, mũa ya vijũ tudiasa —ĩre yiyuju Jesũs.

“ ‘Rotimũorũgõrũcũmi’ yigũ, Dios ĩ cõari ñaja mũa”, Jesũre Pedro ĩ yire queti

(Mt 16.13-20; Lc 9.18-21)

²⁷ To ĩ yiriaro bero, Cesarea de Filipino vãme cũi sita ñarimacarijũre ĩ buerimasa ũmato vasuju Jesũs. To ĩnare ũmato vacũne, ado bajiro ĩnare sẽniãañuju:

—¿Ñimũ ñaami yũre yati ĩna, masa? —Īnare yisẽniãañuju.

²⁸⁻²⁹ To ĩ yisẽniãajare, ado bajiro ĩre cũdiyujarã ĩ buerimasa:

—Sĩgãri, “Juan vãme cũi tigũ, masare oco rãca bautizarimasa, tudicaticõari bajigũmi”, mũre yama ĩna. Gãjerãma, “El'ias ñamasir'i ñagũmi”,

yama. Gãjerãjũama, “Gãji, Diore gotirẽtobosamasir'i ñagãmi”, mũre yama —Jesúre yicũdiyujarã.

To ñna yirone,

—Mũajũama, ¿ñimũ ñaami, yũre yati mũa? —Ñnare yiyuju Jesús.

To ñ yirone, ado bajiro ñre cũdiyuju Pedro:

—Mũ ñaja rojose yũa tãmuoborotire yũare yirẽtobosacõari, rotimũorũgõrocũ, Dios ñ cõar'i —Jesúre yiyuju Pedro.

³⁰ To bajiro Pedro ñ yicũdijare, gãjerãre gotirotibesuju Jesús.

*“Yũre sũarũarãma”, Jesús ñ yire queti
(Mt 16.21-28; Lc 9.22-27)*

³¹ To yicõari, ñ bajiro ñre ado bajiro ñ buerimasare gotisũoyuju Jesús:

—Yũ, Dios ñ roticõacacũ, bũto rojose tãmuorũcũja. Bũcũrã, paia mũjarã, to yicõari, Dios ñ rotimasire gotimasiorimasa quẽne, rojose yũre yicõari, yũre sũarũarãma ñna. Yũre ñna sũaboajaquẽne, idiarũmũ tũsatirũmũne yũre cãtiõrũcũmi Dios —Ñnare yiyuju Jesús.

³² Ñ sũacõrotire riojo ñnare ñ gotise ñajare, ajimasicõañujarã. Tire ajimasicõari, ricati ñre jicãmotocõari,

—“Bajirũaroja” yũare mũ yigotise bajibeticõato —Ñre yiboayuju Pedro.

³³ To ñ yisere aji, Jesũjũama, ñ buerimasa ñna ñnarojũare jũdarũgũ, ñacõari, ado bajiro Pedrorẽ ñre yiyuju:

—jSatanás, vasa mũ! Vãtia mũjũre ñagõbosagũ yaja mũ. To bajiro mũ yijama, Dios ñ tũõĩarore bajiro me tũõĩaja mũ. Masa ñna tũõĩarore bajiro tũõĩagũ yaja —Ñre yiyuju Jesús, Pedrorẽ.

³⁴ To yicõari, ñ buerimasare gãjerãre quẽne ñnare jirẽocõari, ado bajiro yiyuju Jesús:

—No bojagũ yũ yũ ñ ñarũajama, ñ bojasere, ñ ye ñnãrotire tũõĩabecũne, “Jesúre bajiro rojose tãmuorũcũja yũ quẽne” yitũõĩacõari, yũjũare ajisũyarũcũmi. ³⁵ No bojarã, ñna bojaro ñnare cãtirãma, adi macarũcũrore ñasere ñavariquẽnacõari, Diore tũõĩamenama, Dios ñ cãtisere yayibetire cũomena ñarũarãma ñna. To bajiboarine, yũre ajitirũnũrã, yũ oca ñna gotisere ajijũnisinicõari, ñna sũarãma, Dios tũ quẽnaro ñnãrona ñnãrãma. ³⁶ Sũgũ adi macarũcũroju gãjeyẽũni jediro ñ bũjaboajaquẽne, beroju rojose tãmuotũjabetiriaroju ñ vajama, ñ gãjeyẽũni ñ bũjaboare, ñnie vaja manoja. ³⁷ Ñiere Diore ñsimasibecũmi, ñ rijato berojũma “Tudirijabeticõato” yũgũ, “Dios ñ cãtisere yũre ñsiato” yũgũ. Mani rijato berojũma “Tudirijabeticõato” yũgũ, Dios ñ cãtisere ñ ñsise cõro vaja cãti manoja. ³⁸ “Jesúre ajitirũnũcõari, ñ ocare ñna gotimasiose sũorine ñnare rãcũbuobeama adirodoriana” yũĩagũ ñnari, ñna ñaro rĩjorojuã, “Jesúre rãcũbuogu ñaja yũ”, yũbojonebesa. To bajiro yũbojonegũ ñnari, yũ yũ ñ ñarũabetijama, “Yũ yũ me ñaami”, ñre yũĩarũcũja yũ quẽne, Dios ñ roticõacacũ ñnacõari, “Quẽnarẽtogũ ñaja yũ” yũ jacũ ñ yũĩorore bajiro yũgũ ñnari, ñ bususe rãca yũ vadirũmũ. Yũ rãca vadirũarãma Dios ñ cõarã, ángel mesa —Ñnare yiyuju Jesús.

9

¹ To yicõari, gãjeyẽ ñnare gotirẽmoñuju Jesús:

—Riojo mware gotiaja yu. Mwa sīgūri mwa bajireabetone, “Ñajediro wju ñaami yu roticōacacu” Dios mware i yīosere iaruarāja mwa —ñare yiyuju Jesús. 8

Ī buerimasa ĩna ĩaro rĭjorojua Jesús ĩ godovediōre queti
(Mt 17.1-13; Lc 9.28-36)

² Cojomo cōro, coja jēnitarirāmwa bero, Pedro, Santiago, to yicōari Juanre quēne, āmwariburo joeju ĩnare ūmato vasuju Jesús. Toju ĩnare ūmato ejačōari, ĩna ĩaro rĭjorojua ricati ruyugu godovedicoasuju Jesús. ³ Sudi ĩ sãñase buto boticoasuju. To bajicōari, cajemose busuyuju ti. To bajise botise ĩabetirūgũñujarã ĩna. ⁴ To bajicōari, El'ias ñamasir'i, Moisés ñamasir'i rãca Jesús tu ruyuarūgũcōari, ĩ rãca ĩna ñagōsere ĩañujarã ĩna, Pedro mesa.

⁵⁻⁶ To bajiro ĩna bajisere ĩacōari buto güiyujarã. Buto güigu ñari, “To bajiro yigu yiguja” yiri mene, ado bajiro Jesure yiyuju Pedro:

—Yu wju, adoju mani ñajama, quēnamasucōaja. Mwa ñaro cōrone vijāiri mware quēnobosaruarāja yu. Mwa yajāi, Moisés yajāi, to yicōari, El'ias yajāi buabosaruarāja —Jesure yiyoayuju Pedro.

⁷ To bajiro ĩ yiririmarone, bueri buto cajemose ĩnare buebibecōañuju ti. Ti bueri vatoaju ado bajiro ocaruyuju:

—Ānine ñaami yu macu, yu maigã. ĩre quēnaro ajitirãnuña mwa —yi ocaruyuju.

⁸ Ti ocaruyuro bero, ĩaboayujarã. El'iare, Moisére quēne, ĩnare ĩabujabesujarã. Jesús sīgãne ñañuju ĩ yuja.

⁹ To bajiro bajicōari bero, ti buro ĩnare ūmato rojacune, ado bajiro ĩnare rotiyuju Jesús:

—Jēju mwa ĩasere gãjerãre gotibeja maji, Dios ĩ roticōacacu, yu rijato bero, quēna yu tudicatiroto rĭjoro —ñare yiyuju Jesús. ¹⁰ To bajiro ĩna bajirere gãjerãre gotimenane, ĩna masune tuoĩacōa ñañujarã ĩna. Tire tuoĩacōa ñarã ñari, ado bajiro gãmerã yisēniñañujarã:

—¿No bajiro yire ũnire yigu yati, “Rijacoaboarine tudicatirucuja” ĩ yijama? —gãmerã yisēniñañujarã Pedro mesa. ¹¹ To bajiro yirã ñari, ado bajiro Jesure sēniñañujarã ĩna:

—¿No yirã, “Rotimworūgōrucami” yigu, Dios ĩ cōarocu ĩ ejaroto rĭjoro ejarucami El'ias ñamasir'i”, yati ĩna Dios ĩ rotimasire gotimasiorimasa? —Jesure yisēniñañujarã ĩna.

¹² To ĩna yijare, ado bajiro ĩnare cadiyuju Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejasworucami”, ĩna yijama. “Rotimworūgōrucami” yigu, Dios ĩ cōarocu, ĩ ejaroto ñajare, jediro Dios ĩ bojarore bajiro yirã quēnaro ñayuto mani” yigu ejasworucami. “To bajiro yaja” yimasirã ñaboarine, “Rotimworūgōrucami” yigu, Dios ĩ cōarocare ĩatecōari, cojo vãme me rojose ĩre yiruarãma masa, Dios oca ĩna yucamasirejwarema ajimasibeama. ¹³ Riojo mware gotiaja yu. El'ias ñamasir'ire bajiro bajigu jere ejaboayumi. Dios oca masa ĩna ucamasiriarore bajiro yirã, ĩna bojarore bajiro rojose ĩre yiyuma ĩna —ñare yiyuju Jesús, Pedro mesare.

Masu usujju sãñagũre vãtire Jesús ĩ burocare queti
(Mt 17.14-21; Lc 9.37-43)

8 9:1 Dios oca masa ĩna ucamasirere buerētoburimasa ado bajiro yicama ĩna: “9.1 gotirijare, ‘Ñajediro wju ñaami yu roticōacacu’ Dios mware ĩ yīorotire’ Jesús ĩ yijama, ĩ buerimasa sīgūri ĩna ĩaro rĭjorojua Jesús ĩ godovediōre yigu yirimi”, yicama Dios ocare buerētoburimasa sīgūri.

14 Buroju ejararã, ñna rãcana ñna ñarøjure tudiejayujarã. Tudiejacõari, ñna ñajama, Jesús buerimasa rãca jãjarã masa ñañujarã. To bajicõari, ñna rãca, Dios ñ rotimasire gotimasierimasa rãca ñna gãmerã oca josasere ñañujarã. 15 Jesús ñ vadisere ñacõari, bũto variquẽñañujarã. Variquẽnarã ñari, ñ tu õmasujarã ñre sãnirã vana. 16 ñre ñna sãnigajanoro, ado bajiro ñnare sãnĩañuju Jesús:

—¿No bajise ñna rãca gãmerã oca josari mũa? —ñnare yiyuju Jesús.

17 To ñ yisere ajicõari, sīgũ ado bajiro Jesũre cãdiyujũ:

—Gotimasierimasmũ, yũ macũ ñ usũjũ vãti sãñagũ ñnaami. To bajiro bajica yigũ, ñagõbecũ ñnaami. To bajiri “Jesũs, vãtire burocagũmi” yigũ, yũ macũre ãmivabũ yũ. 18 Tocãrãcãjine yũ macũ usũjũ sãñacõari, ñre rojose ñ yijama, biyaroaca rijaquedicõari, ñ risejũ sõmo budi, guji põguẽ, ñ ruju tutuajedicoarũgũami. To bajiro ñ bajijare, mũa buerimasare, “Yũ macũ usũjũ sãñagũre vãtire burocaya”, ñnare yisãniboabũ. ñre burocamasimema —Jesũre yiyujũ ñ.

19 To ñ yisere ajicõari, ado bajiro yiyujũ Jesũs:

—Diore ajitirũnumena masũ ñacõaja mũa. ¿No cõroju mũare gotimasio tũjagũti yũ? Yoaro mũa rãca yũ ñaboajaquẽne, yũ masisere mũare yũ ujosere ajitirũnubeaja mũa maji —ñnare yiyujũ Jesũs. To yigũne, —Adojũã vãti sãñagũre ãmiaya —yiyujũ Jesũs.

20 To ñ yisere ajicõari, Jesús tũju ñre ãmiasujarã. To ñna yirone, vãtijũã, Jesũre ñacõari, masũ usũjũ sãñagũ ñari, rojose yiyujũ, masũjũare. To bajiro ñ yijare, rijaquedigũne, ñ risejũ sõmo budiyujũ. 21 To ñ bajirone, rijaquedigũ jacure ado bajiro sãnĩañuju Jesús:

—¿Nocãrãcarodori ado bajiro bajitũsajari mũa macũ? —ñre yiyujũ Jesũs.

To ñ yisere ajicõari, ado bajiro Jesũre cãdiyujũ ñ:

—Daquẽguaca ñagũjũne to bajiro bajisũocami. 22 Cojõji me jeamejũ rocatãcõarũgũmi. To yicõari, oco vatoajũ quẽne rocaroacõarũgũmi. To bajiro yirũgũmi, yũ macũre sũaru. Yũare mũa ejarẽmomasijama, yũare ñamaicõari, ejarẽmoña mũa —Jesũre yiyujũ ñ.

23 To ñ yisere ajicõari, ado bajiro ñre yiyujũ Jesũs:

—“Yimasigũmi”, ¿yũre yitũoĩabeati mũa? To bajiro yũre mũa yitũoĩajama, ñiejũã josase manoja —ñre yiyujũ Jesũs.

24 To ñ yisere ajicõari, ado bajiro cãdiyujũ ñ:

—“Yũ macũre catiomasiğũmi”, mũare yitũoĩamasicõaja, bajijũjũã. To bajiro tũoĩavũogũ, “Ñabeticõato” yigũ, yũre ejarẽmoña —Jesũre yivasãñuju ñ, rijaquedigũ jacũ.

25 To bajiro ñ yivasãsere ajicõari, jãjarãbũsa masa õmarẽjañujarã, Jesús tũju. To ñna bajisere ñacõari, tutuase rãca ado bajiro vãtire yiyujũ Jesũs:

—Vãti, yũre ajiya. “Masa ñagõbeticõato”, to yicõari, “Ajibeticõato” yigũ ñaja mũa. ¿To bajiri ñni usũre budiya! ¿Quẽna ñre tudisãjabeja! —vãtire yiyujũ Jesũs.

26 To ñ yirone, avasãcõari, rijaquedirotiyujũ vãtijũã. To yicõari, ñ usũjũ sãñaboagu, budicoasujũ yuja. ñ budirone, rijar'ire bajiro bajicoasujũ masũjũã. To bajise ñacõari, “Rijacoajami”, yiyujarã masa. 27 To ñna yiboajaquẽne, Jesús ñ ãmore ñiacõari, ñre tũã vãmũoñuju. To ñ yirone, rũgõcoasujũ yuja.

28 To yicõari bero, to ñnarivijũ sãjañuju Jesús. Ti vijũ sãjajecõari, ado bajiro ñre sãnĩañujarã ñ buerimasa:

—¿No yirã vātire burocamasibeti yua? —İre yiyujarã İna.

²⁹ To bajiro İna yisere ajicōari, ado bajiro İnare cūdiyujū Jesús:

—Jēju yu burocagure bajiro bajirãre muu burocaruajama, Diore sēnicōari rīne burocamasiruarāja muu —İnare yiyujū Jesús.

“Yure sīaruarāma”, Jesús İyigotibabore queti

(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacu, Galilea sitare İ buerimasare ūmato rētoasujū Jesús. Jājarã masa İna ajisere bojabesujū, İ buerimasare goticudigu ñari. Ado bajiro İnare gotiyujū:

—Yure Dios İ roticōacacure masare İsirocarucami sīgū. To bajiro İ yijama, yure sīaruarāma İna. Yure İna sīaboajaquēne, idiarūmu tusatirūmune quēna tudicaticoarucujā yu —İnare yiyujū Jesús.

³² To bajiro İnare İ gotisere ajimasibesujarã İ buerã. To bajirã ñaboarine, İre sēniābesujarã, İre güirã ñari.

“¿Ñimujua ñagūti ñamasugū ñarocu?” Jesús buerimasa İna gāmerã yire queti

(Mt 18.1-5; Lc 9.46-48)

³³ Capernaum vāme cuti macaju İnare ūmato vasujū Jesús. To bajivana, “¿Ñimujua ñagūti ñamasugū ñarocu?”, gāmerã yi vasujarã Jesús buerimasa. To bajiro İna yi vare ñajare, İna ya vijū sājaejicōari, ado bajiro İnare sēniāñujū Jesús:

—Maa vana, ¿no bajise gāmerã oca josa vadi muu? —İnare yiyujū.

³⁴ To bajiro İ yisēniāsere ajiboarine, cūdibesujarã İna, “¿Ñimujua ñagūti ñamasugū ñarocu?” gāmerã yi oca josa vadiriarã ñari. ³⁵ İna cūdibetire, İa, ejarūjucosujū Jesús. To bajicōari, İ buerimasare, juaāmo cōro, gūbo jua jēnituarirācu ñarãre jirēoñujū. To bajiro yicōari, ado bajiro İnare gotiyujū:

—No bojagu ñamasugū İ ñaruajama, “Ñamasugū me ñaja yu” yituoīcōari, masa jedirore moabosarucami —İnare yiyujū Jesús.

³⁶ To yigune, sīgū daquegure jicōari, İna rījorojua İre āmijeoyujū Jesús. To yicōari, ado bajiro İnare gotiyujū:

³⁷ —Āni daquegu, “Ñamasugū me ñaja yu” İ yituoīarore bajiro tuoīarāma, Ūju Dios yarã ñamasurã ñaama. To bajiro ti bajijare, āni daquegure bajiro tuoīarãre, gājerã tu İna ejaro, quēnaro İnare yirāma, yurene quēnaro yirã yirāma. To yicōari, yure quēnaro yirāma, yure cōacacure quēne, quēnaro yirã yirāma —İnare yiyujū Jesús.

“Yure ajitirūnucōari, mani yise ūnire yiguma, mani rācagu ñagūmi”, Jesús İ yire queti

(Mt 10.42; Lc 9.49-50)

³⁸ Ado bajiro Jesúsre gotiyujū Juan:

—Gotimasiorimasu, masa usariju sāñarãre vātiare bureagure İamu yua. “Jesúsre ajitirūnugū ñari, ado bajise muare rotimasiaja yu: ‘Budiya’”, yiñaami, vātiare bureagu. Mani rācagu me İ ñajare, “Tire yibesa”, İre yibu yua —Jesúsre yigotiyujū Juan.

³⁹ To İ yisere ajicōari, ado bajiro İre yiyujū Jesús:

—“Tire yibeticōaña”, İre yibeja. Quēnaro yirimi. No bojagu yure rucubucōari, İaİañamani İ yīoro bero, rojose yure ñagōbecami. ⁴⁰ No bojagu yure ajitirūnucōari, mani yise ūnire yiguma, mani rācagu ñagūmi. ⁴¹ Riojo muare gotiaja yu. Yure ajisuyarã ñamasurã me İna ñaboajaquēne,

yure ajitirūnarā m̄na ñajare, quēnaro m̄are yirā, to bajiro ĩna yise vaja, vaja bujaruarāma ĩna, Dĭos tuj̄u —ĭnare yiyuju Jesús.

“M̄na suorine gājerā rojose ĩna yijama, gūiose ñaja”, Jesús ĩyigotimasiore queti

(Mt 18.6-7; Lc 17.1-2)

⁴² Quēna ado bajiro ĩ buerimasare gotiyuju Jesús:

—Āni daquegure bajiro t̄oĭarāre, yure ajitirūnarāre rojose ĩna ũmato yijama, b̄to rojose t̄am̄uoruarāma. Rojose ĩnare ĩna ũmato yiroto rĭjoro, tocārācurene ĩna ām̄uarĭjure gūta jairica siatucōari, riaga ũc̄uaroju ĩnare rearoderuucōajama, rojose t̄am̄uobetiḅsaborāma —ĭnare yiyuju Jesús.

“B̄to m̄na maise ti ñaboajaquēne, ti suorine Dĭos ĩ bojabeti m̄na yijama, tire reacōaña”, Jesús ĩyire queti

(Mt 18.8-9)

⁴³ “Rētoro rojose t̄am̄uorobe’ yirā, rojose m̄na yisere yitujaya m̄na” yiḡu, ado bajiro ĩnare gotiyuju Jesús:

—“Ȳu āmo suorine rojose yib̄u ȳu” m̄na yit̄oĭamasijama, jatarocaya. M̄are cojo āmo ti manijama, quēnabetoja. To bajiboarine, j̄uāmo rāca m̄na bajireajama, jeame yatibetimeju m̄na vajama, rētob̄saro quēnabetiruaroja. ⁴⁴ Toju ĩna rujurire becoa batujabetiruarāma. To yicōari, jeamere yarocu quēne magūmi. ⁴⁵ “Ȳu ḡubo suorine rojose yib̄u ȳu” m̄na yit̄oĭamasijama, jatarocaya. M̄are cojo ḡubo ti manijama, quēnabetoja. To bajiboarine, j̄uā ḡubo rāca m̄na bajireajama, jeame yatibetimeju m̄na vajama, rētob̄saro quēnabetiruaroja. ⁴⁶ Toju ĩna rujurire becoa batujabetiruarāma. To yicōari, jeamere yarocu quēne magūmi. ⁴⁷ “Ȳu cajea suorine ĩabojacōari, rojose yib̄u ȳu” m̄na yit̄oĭamasijama, tiare āmirocacōaña. Coja cajea m̄are ti manijama, quēnabetoja. To bajiboarine, j̄uājune caje cuticōari, m̄na bajireajama, jeame yatibetimeju m̄na vajama, rētob̄saro quēnabetiruaroja. ⁴⁸ Toju ĩna rujurire becoa batujabetiruarāma. To yicōari, jeamere yarocu quēne magūmi. h

⁴⁹ “Rojose ñaja” yimasiboarine, rojose m̄na yijama, quēnabetoja. To bajiri, “Rojose yibetiruarāja”, yit̄oĭacōa ñarūgūña m̄na. Rojose yiterā ñari, b̄to m̄na bojase ti ñaboajaquēne, tire m̄na yibetijama, b̄tob̄sa Diore ajitirūnarā ñaruarāja m̄na. To bajiro m̄na bajirotire bojaḡumi Dĭos.

⁵⁰ Moa ñaja bare s̄are. M̄na barotire vaib̄ucu rii catisere cūrāma, moa turāja m̄na, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasimenaja m̄na. Moa ocabetire bajiro bajiamā sĭgūri. ĩna suorine quēnaro yimasibeami Dĭos. Moa ocatujabetijure bajiro bajiya m̄na. To bajiro bajirā m̄na ñajama, m̄na suorine quēnaro yimasigūmi Dĭos. Yure m̄na ajitirūn̄u tujabetijama, rojose yibetiḅsaruarāma gājerā. Gājerā quēnaro m̄na yisere ĩacōari, m̄are bajiro quēnaro yiruarāma ĩna quēne. To bajiro bajirā ñari, quēnaro gāmerā yīñaña —ĭ buerimasare yiyuju Jesús.

10

“M̄na manajoare reabetiroti ñaja”, Jesús ĩyire queti
(Mt 19.1-12; Lc 16.18)

h 9:48 gotise, “Toju varona, b̄to rojose t̄am̄uotujabetiruarāma” yire ũni ñaja.

¹ Capernaum ñar'i, Judea sitaju i buerimasare ũmato vasuju Jesús. To eja, Jordán vāme cutirisa jēa, to boejuaju jājarā masa i rāca rējañujarā quēna. Toju ñnare gotimasioñuju, i yirūgūriarore bajirone. ² To ñnare i gotimasio ñnare, i tu ejayujarā fariseo masa. Ejacōari, “Cudimasibeticōari, rojose tāmooato” yirā, ado bajise ire sēniñatoyujarā ñna:

—¿Sīgū i manajore i rocajama, quēnacōati? —İre yisēniñañujarā.

³ To bajiro ire ñna yisēniñasere ajicōari, ado bajiro ñnare cūdiyujaju i:

—¿No bajise rotimasiñujari Moisés? —İnare yiyuju.

⁴ To i yisere ajicōari, ado bajiro cūdiyujarā ñna:

—Ado bajiro rotimasiñuju: “No bojagu i manajore i rocaruajama, ‘Mure rocagu yaja’ yise papera ucacōari, isiroti ñaja”, yimasñuja Moisére Dios i roticūmasire —Jesúre yicūdiyujarā fariseo masa.

⁵ To ñna yirone, ado bajiro yiyuju Jesús:

—Diore ajiterā ñna ñajare, “Būtobusa ñna manajoare rojose yiroma” yigu, manajoa reare beobetimasiñuju Moisés ñamasir'i. ⁶ “Rēmoju ũmare, rōmiore rujeomasiñuju Dios”, yigotiaja Dios oca. ⁷⁻⁸ To yicōari, gajeju ado bajiro gotiaja Dios oca: “Ūmu, rōmio i rujeore ti ñajare, ũmujua, manajo cutigu i jacuare ñnare cāmotadicoarucumi. Manajo cuticōari, juarā ñaboarine, sīgū rujare bajirone ñnararāma”, yigotiaja Dios oca. ⁹ “To bajiruarāma” Dios i yimasire ñajare, mua manajoare reabetiroti ñaja —İnare yiyuju Jesús.

¹⁰ To i yiro bero, vijū ñnacōari, to bajiro i gotisere sēniñañujarā i buerimasa. ¹¹ To ñna yijare, ado bajiro ñnare cūdiyuju Jesús:

—İ manajore rocacōari, gajejo i manajo cutijama, Dios i ñajama, i manajo masu me ñagōmo. Sore ajerio cutigu yigumi. ¹² To bajirone bajiaja rōmiore quēne. So manajure rocacōari, gājire so manaju cutijama, so manaju masu me ñagumi, Dios i ñajama. İre ajeri cutigo yigomo —İnare yiyuju Jesús.

Rīamasare Jesús i ñubuejeore queti

(Mt 19.13-15; Lc 18.15-17)

¹³ Jesús taju rīamasacare juaejayujarā masa, “İ āmori ñujeocōari, Diore ñnare sēnibosato i” yirā. İna juaejasere ĩacōari, ado bajiro ñnare yiyujarā i buerimasa:

—İjadibesa! Gōjanabioro yaja mua —İnare yiyujarā.

¹⁴ To ñna yisere ĩajūnisinigūne, ado bajiro ñnare gotiyuju Jesúsua:

—Rīamasare ñnare matabesa. İnare bajiro tuoñarā ñaama Ūju Dios yarā quēnaro i yirā. ¹⁵ Riojo muare gotiaja yu. Rīamasa ñna yiecorore bajiro quēnaro yiecorā ñaama Ūju Dios yarā —İ buerimasare yiyuju Jesús.

¹⁶ To ñnare yigotigajanocōari, rīamasare i āmori ñujeocōari, Diore ñnare sēnibosayuju.

Gajeyeūni jaigu, Jesúre i sēniñare queti

(Mt 19.16-30; Lc 18.18-30)

¹⁷ Quēna Jesús varūtu vacu i bajirone, sīgū, ũmaejayuju. Ejacōari, i rījoroju gusomuniari tuetugane, ado bajiro Jesúre ire sēniñañuju:

—Gotimasiromasu, quēnagū ñaja mu. Yu rijato beroju “Tudirijabeticōato” yigu, Dios i catisere yure i ĩsisere yu bojajama, ¿no bajiro yiroti ñati yure? —İre yiyuju.

¹⁸ To i yisere ajicōari, ado bajiro ire cūdiyuju:

—¿No yigu, “Quēnagū ñaja mu”, yure yati mu? Dios sīgūne ñaami quēnagūma. ¹⁹ Mu rijato beroju “Tudirijabeticōato” yigu, Dios i catisere

m̄a b̄jaruajama, Dios ĩ rotimasirere c̄diroti ñaja. Tire masiaja m̄a. Dios ĩ rotimasire ȳa yijama, ado bajise yimasirere yaja ȳa: “S̄iabesa. Ḡaji manajo r̄aca ajerio cutibesa. Juarudibesa. Soc̄ane, ‘Rojose yimi’ yigotiyiobesa. Ḡajer̄are yitobesa, ‘Īna ye c̄uogusa’ yigu. M̄a jac̄ure, m̄a jacore quēne quēnaro ĩnare r̄ac̄ub̄oaya”, yigotiaja Dios ĩ rotimasire —ĩre yiyuju.

²⁰ To ĩ yisere ajic̄ari, ado bajiro yic̄diyuju:

—Daqueḡj̄une tire c̄adis̄oadimasic̄aj̄a ȳa —ĩre yic̄diyuju.

²¹ To ĩ yisere ajic̄ari, ĩre ĩamaiñuju Jesús. To bajiri, ado bajiro ĩre gotiyuju:

—Cojo v̄ame r̄uyaja m̄a yiroti, m̄a rijato beroju “Tudirijabetic̄oato” yigu, Dios ĩ catisere m̄a b̄jaruajama: Jediro m̄a c̄osere ḡajer̄are ĩsijeoc̄oãña. To yic̄ari, ti vaja m̄a b̄jasere maioro bajir̄are ĩsima. To bajiro m̄a yijama, õ vecaj̄a Dios ĩ ñaroju quēnase b̄jaruc̄aja m̄a. To bajiro yigajanoc̄ari, ȳare ajis̄ayaya —ĩre yiyuju Jesús.

²² To ĩ yigu, b̄uto sut̄iriti vacoasuju ĩ, gajeyeũni jaiḡa ñari, tire maiḡa.

²³ To yigajanoḡãne, ĩ buerimasare ĩac̄ari, ado bajiro gotiyuju Jesús:

—Gajeyeũni jair̄arema, ȳare ĩna s̄uyar̄ua tuoĩaboajama, b̄uto josar̄aroja ĩnare. To bajic̄ari, yir̄eto ecobosabetir̄uar̄ama —ĩnare yiyuju Jesús.

²⁴⁻²⁵ To bajiro ĩ yisere ajic̄ari, no yimasibesujar̄ã ĩ buerimasa, ti ũnire ajibetir̄ũḡur̄ã ñari. To bajiri quēna ĩnare gotir̄emoñuju Jesús:

—Ȳa buer̄ã, ajiya. No bojar̄ã, ȳare ĩna s̄uyar̄ua tuoĩaboajama, b̄uto josar̄aroja ĩnare. To bajiboarine b̄utob̄usa josar̄aroja gajeyeũni jair̄arema. Vaib̄uc̄u camello v̄ame cutigu, ḡãjojota gojecare s̄ajar̄etobudimasibec̄ami. To bajirone bajaia gajeyeũni jair̄are quēne, ȳare ĩna ajitir̄ũn̄u s̄uyar̄uaboajama. To bajiro ĩna bajijare, yir̄eto ecobosabetir̄uar̄ama —ĩnare yiyuju Jesús.

²⁶ To bajiro ĩnare ĩ gotisere ajic̄ari, no yimasibesujar̄ã ĩna. To bajiri ado bajiro ĩre s̄eniĩar̄emoñujar̄ã:

—Riojo m̄a gotijama, ¿no bajiro bajir̄ãj̄ua Dios t̄aj̄ure ejar̄uar̄ãda? —ĩre yiyujar̄ã.

²⁷ To ĩna yirone, ĩnare ĩac̄ari, ado bajiro ĩnare gotiyuju Jesús̄uama:

—Īna masune ejamasimenama masa, Dios t̄aj̄ure. Diojuama, ñajediro yimasijeoc̄oami. Ñiej̄ua josase maja, ĩrema. ĩ suorine ĩ t̄aju ejamasire ñaja —ĩnare yiyuju Jesús.

²⁸ To ĩ yisere ajic̄ari, ado bajiro ĩre yiyuju Pedro:

—Jediro ȳa gajeyeũnire c̄ũc̄ari, m̄are s̄uyac̄aj̄a ȳa —ĩre yiyuju.

²⁹⁻³⁰ To ĩ yisere ajic̄ari, ado bajiro ĩre c̄diyuju Jesús:

—Riojo m̄are gotiaja ȳa. No bojar̄ã ȳare ajitir̄ũnur̄ã ñari, ȳa ocare gotiroana, ĩna ya vi, ĩna yar̄ã, ĩna jac̄ua, ĩna r̄ia, to yic̄ari ĩna ya veserire quēne, ĩna maise ñaro c̄oro ĩna vaveojama, ĩna c̄uoboare r̄etob̄usaro quēnase b̄jaruar̄ãna ĩna, adi macar̄uc̄urore. Ȳare ajitir̄ũnur̄ã ñari, rojose t̄ãmur̄ã ñaboarine, ado bajiro quēnaro ĩnare yir̄uc̄ami Dios: Jairo viri, jairo veseri, j̄ajar̄ã yar̄ã cuti, to yic̄ari j̄ajar̄ã r̄ia cutireayere ĩsir̄uc̄ami Dios. To yic̄ari, “Īna rijato berोजना tudirijabetic̄oato” yigu, ĩ catisere ĩnare ĩsir̄uc̄ami. ³¹ To bajiboarine, adire quēne quēnaro tuoĩãña m̄ua: Ado bajiro m̄a tuoĩarore bajirone tuoĩaboar̄ãna: “Dios ĩ bojase yir̄ã r̄etoro Dios ĩ bojasere yir̄ã ñari, ñamasur̄ã ñaja ȳa. To bajiri, õ vecaj̄ure quēne ñamasur̄ã ñari, quēnase b̄jaruar̄ãja”, yituoĩaboar̄ãna. To bajiro yir̄ã ñari, ḡajer̄are

ĭacōari, “ĭna ya vi, ĭna yarā, ĭna jacua, ĭna rĭa, to yicōari ĭna ya veserire vaveomena ĭnari, ĭnamasurā me ĭnaama. To bajiri, ō vecajure quēnase mo-joroaca bujarona ĭnaama”, yituoĭaboarāma. To bajiro me bajiruaroja. Adoju ĭnamasurā, ō vecajurema ĭnamasomena ĭnaruarāma ĭna. Adi macarucugojū ĭnamasurā, ō vecajurema ĭnamasurā ĭnaruarāma —ĭnare yiyuju Jesús.

“Yure sĭnaruarāma”, Jesús ĭyigotitusare queti
(Mt 20.17-19; Lc 18.31-34)

³² ĭ buerimasa, Jerusalēnju Jesús ĭnare ĭ ūmato varūtu vajare, “Ujarā ĭre ĭaterā ĭna ĭnaroju ĭ vasere güibeticōami Jesús”, ĭre yituoĭa vasujarā ĭna. ĭnajuama, ĭre suyarā, buto güiyujarā. To ĭna bajirone, juāāmo cōro, gubo juā jēnituarirācū ĭnarāre ĭ buerāre ricati ĭnare jicāmotocōari, ado bajiro ĭnare gotiyuju:

³³ —Quēnaro ajiya mua. Jerusalēnju vana bajiaja mani. Toju mani ejaro, Dios ĭ roticōacacure, sĭgū yure ĭsirocarucumi, paia ujarāre, to yicōari, Dios ĭ rotimasire gotimasioremasa. ĭnajuā, “ĭre sĭaroti ĭnaja”, yure yiruārāma. To yicōari, romano masare yure ĭsiuarāma. ³⁴ To ĭna yijare, yure ajatud'irā, gooco yure eoreatucōari, bajaruarāma ĭna. To yicōari yucātēroju yure jajurocacōaruarāma. Yure jajurocacōari, yujeboaruarāma. To ĭna yiboajaquēne, yure ĭna sĭarirāmū bero, idiarāmū tāsātirāmūne tudicaticoarucūja yu quēna —ĭnare yiyuju Jesús.

Santiago mesa Jesure ĭna sēnire queti
(Mt 20.20-28)

³⁵ To ĭ yiro bero, Zebedeo rĭa, Santiago, to yicōari Juan, Jesurāca ĭagōrā ejayujarā ĭna. Ejacōari, ado bajiro ĭre sēniĭujarā:

—Gotimasioremasu, “Ado bajiro yuare ejarēmoĭna” mure yua yisēnisere, mū cūdisē bojaja yua —ĭre yiyujarā ĭna.

³⁶ To bajiro ĭna yisere ajicōari,

—¿No bajiro muare yu yibosasere bojati mua? —ĭnare yiyuju Jesús.

³⁷ To ĭ yijare, ado bajiro ĭre yiyujarā ĭna:

—“ĭNajediro uju ĭnaja yu” yĭocōari, mū rotisurorirodo ti ejaro, ado bajiro yuare mū ūmato rujĭrotire bojaja yua: Sĭgū mū riojojacatua, gājire mū gācojacatua yuare ūmato rujĭrucūja mū, mū rotĭrore bajirone yua rotĭmasĭrotire yĭgū —ĭre yiyujarā.

³⁸ To bajiro ĭre ĭna yisēniboajaquēne, ado bajiro ĭnare cūdiyuju Jesús:

—Tuoĭamasimenane, yure sēniboaja mua. Yu rāca mua rotĭruajama, ¿mua quēne yure bajirone rojose tāmūorātique mua? —ĭnare yiyuju.

³⁹ To bajiro ĭnare ĭ yirone,

—Bajicōarāja —ĭre yicūdiyujarā.

To bajiro ĭna cūdisē ĭnare, ado bajiro yiyuju Jesús:

—Riojo muare gotĭaja yu. Mua quēne, yu tāmūorotire bajiro rojose tāmūoruarāja. ⁴⁰ To bajiro mua bajiboajaquēne, yu riojojacatua, yu gācojacatua muare rojomasibecūja yu. “ĭna ĭnaruarāma yu macū tū ru-jirona” yu jacū ĭ yicana rĭne rujĭruārāma —ĭnare yiyuju.

⁴¹ Jesús buerimasa juāāmo cōro ĭnarā ĭna ajĭbetone, “To bajiro bojaja yua” ĭna yisere ajicōari, jūnisiniĭujarā ĭna. ⁴² To bajiro ĭna bajĭjare, ĭna jedĭrore jĭrēocōari, ado bajiro gotiyuju Jesús:

—Ujarā, Dios yarā me ĭnarā, ĭna yarāre buto tutuaro rotĭrāma ĭna. Tĭre masĭaja mua. ⁴³ Mūama, yu yarā ĭnari, ĭnare bajiro bajĭbetĭruarāja. Yure ajĭtĭrūnarā, ĭnamasurā ĭnaruarāma, gājerā ĭna bojasere masicōari, quēnaro

ĩnare yiejarẽmorã. ⁴⁴ To bajiri ñamasurã mũa ñarũaajama, gãjerãre moa-bosarũaarãja mũa. ⁴⁵ Dios ĩ roticõacacũ quẽne, to bajirone yaja yũ. “Gãjerã yũ bojasejuare masicõari, quẽnaro yũre yato ĩna” yigũ me vadicaju yũ. “Ĩna bojasere masicõari, quẽnaro ĩnare yirũcũja” yigũ vadicaju yũ. To yicõari, jãjarã rojose ĩna yisere Dios ĩ masĩriorotire ĩnare vaja yibosagũagu vadicaju yũ —ĩnare yiyuju Jesũs.

Caje ĩabecũ Bartimeo vãme cutigure Jesũs ĩ ĩarotire queti
(Mt 20.29-34; Lc 18.35-43)

⁴⁶ Jericó vãme cuti maca ñacõari, ĩna vatone, jãjarã masa ĩnare suyasujarã, Jesũre ĩarã. Toju ĩna vatone, ĩabecũ, Bartimeo vãme cutigũ rujiyuju, maa tu. Timeo macũ ñañuju ĩ. Maioro bajigũ ñari, ĩ barotire, to yicõari, gajeyẽũniaca ĩ suorotire tuoĩagũ, gãjoa sẽnirujiyuju. ⁴⁷ “Jesũs, Nazaret macagũ rẽtoacũ yami” masa ĩna yisere ajicõari, ado bajiro ĩre jivasãñuju:

—Jesũs, Ʋju David ñamasir'i jãnami, “Rotimũorũgõrucami” yigũ, Dios ĩ cõar'i ñaja mũa. Yũre ĩamaĩna mũa —yivasãñuju ĩ.

⁴⁸ To bajiro ĩ yivasãrone,

—jAvasãbesa! —ĩre yiyujarã masa.

To bajiro ĩna yiboajaquẽne, bũtobũsa avasãñuju quẽna:

—Ʋju David ñamasir'i jãnami “Rotimũorũgõrucami” yigũ, Dios ĩ cõar'i ñaja mũa. Yũre ĩamaĩna —Jesũre ĩre yivasãñuju.

⁴⁹ To ĩ yisere ajicõari, tujarũgũñuju Jesũs. To bajicõari,

—Ĩre jiya mũa —masare ĩnare yiyuju.

To ĩ yijare, ĩabecũre jiyujarã ĩna:

—Variquẽnaña. Vãmũrũgũña. Mũre jiami Jesũs —ĩre yiyujarã, ĩabecũre.

⁵⁰ To bajiro ĩna yisere ajicõari, ĩ sudiro joeadore vearocacõañuju, “Guaro vatĩmagũsa” yigũ. To yicõa, vãmũrũgũ vasuju ĩ, Jesũs tũju. ⁵¹ ĩ ejasere ĩacõari, ado bajiro ĩre yiyuju Jesũs:

—¿No bajiro mũre yũ yisere bojati mũa? —ĩre yiyuju, caje ĩabecũre.

To ĩ yijare, ado bajiro ĩre yicũdiyuju:

—Gotimasiogũ, yũ tudĩarotire mũa ejarẽmosere bojaja yũ —ĩre yiyuju caje ĩabecũ.

⁵² To bajiro ĩ yisere ajicõari, ado bajiro ĩre yiyuju Jesũs:

—Vasa mũa. “Yũre ĩamaicõari, ĩarotirũcami” yũre yitũoĩagũ ñari, ĩacoaju mũa yuja. Ñie rojose maja mũre yuja —ĩre yiyuju Jesũs.

To bajiro ĩ yirĩĩmarone, caje ĩabecũ ñaboar'i, ĩacoasuju ĩ yuja. ĩacõari, ĩ quẽne Jesũre suyacoasuju.

11

“‘Rotimũorũgõrucami’ yigũ, Dios ĩ cõagũ ñaja yũ” yĩĩogũ, *Jerusalénju Jesũs ĩ ejare queti*

(Mt 21.1-11; Lc 19.28-40; Jn 12.12-19)

¹⁻² Jerusalén cõñana, Betfagé, Betania vãme cuti macari tũju ejayujarã ĩna. Ti macari tũjure Olivo vãme cuti buro ñañuju ti. Ti buroju ejağũağũne, jũarã ĩ buerãre ado bajiro ĩnare gotiyuju Jesũs:

—Mani varoto riojo ñarĩmacare vasa maji. Toju ejacõari, burro macũ ĩna siaturũgõr'ire bũjarũaarãja mũa, jesaĩañamagũre. ĩre õjacõari, yũre ãmiadibosaba. ³ Ti macagũ, mũa õjaro ĩacõari, “¿No yirã ĩre õjati mũa?”

m̄are ĩ yisēniĭajama, “Mani uju ĩre bojami. No cōro mene t̄uocōaruc̄ami quēna”, ĩre yic̄adiba —ĩnare yiyuju Jesús.

⁴⁻⁵ To ĩ yisere ajic̄ōari, vasujarā ĩna. To ejac̄ōari, maa tu ĩnarivi soje t̄ure ĩna siatur̄uḡōr'ire ĩabujayujarā. ĩabujac̄ōari, ĩre ĩna ōjarone,
—¿No yirā ĩre ōjati m̄aa? —yisēniĭañujarā ĩna, burro ujarā.

⁶ To ĩna yisēniĭase ĩajare, Jesús ĩnare ĩ c̄adirotiriaro bajirone c̄adiyujarā ĩna. To ĩna yirone, ĩnare varotiyujarā burro ujarāju. ⁷ To ĩna yijare, burro mac̄are āmivasujarā, Jesús t̄aju. To yic̄ōari, ĩna ye sudi joeayere vejec̄ōari, burro mac̄a joere jeoyujarā. To ĩna yirone, vajejayuju Jesús. ⁸ J̄ajarā masa ĩañujarā. ĩna ye sudi joeayere vejec̄ōari, ĩ varotijare cū r̄ĭjoro c̄atiyujarā. “Ȳua uju ĩaja mu” yirā, to bajiro yiyujarā, Jesúsre r̄uc̄ub̄uorā. Ḡajerā yuc̄u r̄ujari jasurec̄ōari, maare cū r̄ĭjoro c̄atiyujarā. ⁹ To yic̄ōari, “ “Rotim̄uor̄uḡōr̄uc̄ami” yigu, Dios ĩ cōaḡu ĩaja yu” ȳiic̄ōari, rotis̄uor̄uc̄ami yuja” Jesúsre ĩre yit̄uōiarā ĩnari, buto variquēnañujarā ĩna. ĩre r̄ĭjoro c̄ati vana, ĩre s̄ayarā quēne, ĩre ĩvariquēnarā, ado bajiro avasā vasujarā:

—ĩ“Rotim̄uor̄uḡōr̄uc̄ami” yigu, Dios ĩ cōar'i ĩnaami! ĩQuēnase ĩre yivariquēnato mani! ĩDiore rotibosagu quēnaro ĩ yigu ĩnaami! ¹⁰ ĩUju David ĩnamasir'i j̄anami ĩ rotirirodo, “Quēnarirodo ĩnar̄uaroja” Dios ĩ yiriarodo ejaroado yaja! ĩDiore quēne, quēnase ĩre yivariquēnato mani, āni yua ujure ĩ cōajare! —yivasā vasujarā ĩna.

¹¹ To bajiro ĩna yĭ vato r̄ĭne, Jerusalénju ejayuju Jesús. Ejac̄ōari, Diore yir̄uc̄ub̄uoriavire s̄ajañuju. S̄ajaejac̄ōari, jediro ĩabatojeoc̄ōari bero, “R̄āioato bajiaja” yigu, ĩ buerimasa j̄uaāmo cōro, gubo j̄ua j̄enituarir̄ac̄a ĩnar̄are ūmato tudiasuju, Betania mac̄aju.

Higuera v̄ame c̄atiare, “J̄uaji rica c̄atibetir̄uaroja”, Jesús ĩ yire queti (Mt 21.18-19)

¹² Gajer̄am̄u Betania mac̄a ĩaboa, ĩ buerimasare ūmato vac̄u, ĩnoriyayuju Jesús. ¹³ To bajivac̄ane, s̄ōj̄ane higuera v̄ame c̄atiare ĩabujac̄ōañuju Jesús. Quēnaro j̄u c̄atiyuju. Ti ric̄are bar̄u ojaboayuju. Rica mañuju, t̄ij̄umama. J̄u r̄ĭne ĩañuju. Rica mañuju, rica c̄atirodo me ĩajare. ¹⁴ To bajiri tiare ado bajiro yiyuju Jesús:

—J̄uaji rica manic̄ar̄uar̄aja m̄aa —tiare yiyuju ĩ.

To bajiro ĩ yisere ajiyujarā ĩna, ĩ buerimasa.^ĭ

Diore yir̄uc̄ub̄uoriavij̄u ĩnac̄ōari, gajeyeūni ĩsirivire bajiro ĩna yĭñajare, Jesús ĩnare ĩ tud'ĭaḡōbure queti

(Mt 21.12-17; Lc 19.45-48; Jn 2.13-22)

¹⁵ To bajiro ĩ yiro bero, var̄utu ejacoasujarā, Jerusalénju. Ti mac̄aju ejac̄ōari, Diore yir̄uc̄ub̄uoriavij̄u s̄ajañujarā. Ti vij̄u gajeyeūni ĩsir̄are, ĩnare vaja yir̄are quēne, tud'ĭaḡōbuyuju Jesús. Ḡajerā ye r̄āca ḡājoa vasoarimasa ĩna ḡājoa jeorijaur̄ire tujareayuju. To yic̄ōari, buja ĩsirimasa ĩna rujiri cūmurorire tucaguereayuju. ¹⁶ To yic̄ōari, Diore r̄uc̄ub̄uoriavij̄u gajeyeūni no boasere masa jedirore juarotibesuju. ¹⁷ To yic̄ōari, ado bajiro ĩnare gotiyuju:

—Diore gotir̄ētosarimasa ĩna ucamasire ado bajiro gotiaja: “Ȳu ya vima, masa jediro yare s̄enir̄uc̄ub̄uorā r̄ējariavi ĩnar̄uaroja”, yigotiaja, adi

^ĭ **11:14** Higuera rica c̄atirodo me ĩnabarine, rica c̄atic̄ōari, ti j̄u c̄atir̄uḡūriarore bajiro ti bajijare, “Rica c̄atiroja” yigu, ĩaḡu vaboayuju Jesús.

vire. To bajiro Dios i yimasire ti ñaboajaquêne, ado bajiro mña yĩñase suorine juarudirimasa ya vire bajiro bajiaja ti —Inare yiyuju Jesús.

18 Ti vijũ Diore yirũcũbõriavijũ ñañujarã paia ʋjarã, Dios i rotimasire gotimasiõrimasa quêne. To bajiro Jesús i yisere iacõari, “¿No bajiro yicõari, ire sĩarãti mani?”, gãmerã yĩñagõñañujarã ña, ire gũirã ñari, i gotimasiõsere ajicõari, jãjarã masa ña ajirũcũbõsẽ ñajare. 19 Inare gotimasiõcõari bero, ti rãioatone, i buerimasare ùmato vacoasuju Jesús.

Higuera rica mani ti sñire queti
(Mt 21.20-22)

20 Gajerũmũ busurijũ jẽjũ quẽna maa vana higuera vãme cutiũ, “Rica maniũcarũarãja mña” Jesús i yiriũ tũre ejayujarã ña. To eacõari, higuera sñiar'ire ñañujarã. Ti ñemari quêne sñijedicoasuju ti. 21 To cõrone Jesús i ñagõrere tũõĩabũjacõari, gotiyuju Pedro:

—Gotimasiõrimasũ, ña. Higuera vãme cutiũre, “Jũaji rica maniũcarũarãja mña” mña yimasiricũ sñirocacoasuja ti —Jesũre yiyuju.

22 To i yisere ajicõari, ado bajiro i buerimasare gotiyuju Jesús:

—“Dios i ejarẽmose rãca yimasicõarãja”, yitũõĩa mña. 23 Riojo mũare gotiaja yũ. No bojagũ yũre ajitirũnũgũ, i burore, “Moa riagajũ mña masune rocaroacoasa” i yijama, to bajirone bajirũaroja, “Dios i ejarẽmose rãca yimasicõagũja” i yitũõĩa tũjabetijama. 24 “Yũa sãnijama, yũare ñsicõagũmi” yitũõĩacõari, Diore mña sãnijama, mũare ñsirũcũmi, ñnare yiyuju. 25 Diore sãnirã, mũare rojose yirãre mña masiriojama, mani jacũ õ vecagũ rojose mña yisere masiriorũcũmi i quêne. 26 Gãjerãre rojose ña yisere mña masiriobetijama, mani jacũ quêne rojose mña yisere masiriobetirũcũmi —Inare yiyuju Jesús, i buerãre.

“¿Ñimũ mũre i rotise rãca to bajiro yati mũ?”, Jesũre ña yisẽñĩare queti
(Mt 21.23-27; Lc 20.1-8)

27 To i yiro bero, Jerusalẽnũ ejayujarã quẽna Jesũrãca. To bajicõari, Diore yirũcũbõriavijũ sãjañuju Jesús. Sãjaeacõari, i ñacudirone, i tũ ejarũgũñujarã paia ʋjarã, Dios i rotimasire gotimasiõrimasa, to yicõari, bũcũrã quêne. 28 Ejarãne, ado bajiro ire sãnĩañujarã ña:

—¿Ñimũ mũre i rotise rãca to bajiro yirũgũati mũ? —Ire yisẽñĩañujarã ña.

29 To bajiro ña yisere ajicõari,

—Yũ quêne, ado bajiro mũare sãnĩaja yũ. Yũre mña cãdicõarojũ, “I rotise rãca yaja yũ”, mũare yirũcũja maji. 30 ¿Ñimũ rotiyujari, Juanre, “Oco rãca masare ñnare bautizacudiya” yigũ? ¿Dios rotiyujari? ¿Masajũa rotiyujarique? —Inare yisẽñĩañuju Jesús.

31 To i yisere ajicõari, ña masurione gãmerã ñagõñañujarã ña:

—“Dios, Juanre oco rãca bautizarotiyumi” mani yijama, ado bajiro manire sãnĩajacagumi: “Tire masirã ñaboarine, ¿no yirã ire ajitirũnũbeticati mña?” manire yisẽñĩajacagumi. 32 To yicõari, “Masane, Juanre oco rãca bautizarotiriarãma” mani yijama, manire bũto tud'irũarãma masa, “Diore gotirẽtobosarimasũ ñaboacami Juan” yirã ñari —gãmerã yiyujarã ña. 33 To bajiro gãmerã ñagõrã ñari, ado bajiro ire cãdiyujarã ña:

—Juanre rotir'ire masibeaja yũa —Jesũre yicõañujarã ña.

To ña yisere ajicõari, ado bajiro ñnare cãdiyuju Jesús:

—To bajiro m̄ua c̄udijare, “Í rotise r̄aca yaja yu”, m̄uare yigotibetir̄uc̄aja yu quēne —Ínare yiyuju Jesús.

12

“Jud'io masa ñna ajitir̄ñn̄ubeti ñjare, ḡãjer̄ãj̄uare ūjor̄uc̄umi Dios” yigu, ñre moabosarimasa rojose yir̄ã ñna bajire r̄aca Jesús ñ gotimasiore queti (Mt 21.33-46; Lc 20.9-19)

¹ Gotimasiore queti masare gotiyuju Jesús:

—Sīgũ masu uye vese otegumi. Tire otegajanoc̄ari, matagumi. To yic̄õari, uye oco juarotiju quēnoḡumi. Tiju bero, vecaju ñac̄õari, ñ ñatir̄ñn̄ubosaba”, yigumi. “Uye ti rica cutiro, ḡãjer̄ãre ñsic̄õari, vaja s̄eniruar̄aja. To yic̄õari, m̄ua juajama, ‘Ado c̄õro ñaja mani ye. Ado c̄õro ñaja ñ ye’ yic̄õãima”, ñnare yigumi. To yic̄õari, gajeroju vacoac̄umi yuja. ² To bajiri cojor̄am̄u, “Uye rica cuti buc̄uatoja ti” yigu, ñre moabosarimas̄ure c̄õaḡumi, “Uye, yure ñna c̄ũbosarere yure juabosaya” yigu. ³ Uye veseju ñ ejarone, ñre ñiac̄õari jar̄ama vese coderimasa. To yic̄õa, ñre uye ñsimenane, “Vasa”, yir̄ãma ñna. To bajiri uye juabec̄une tudiejaḡumi, ñre rotic̄õar' i t̄aju. ⁴ To bajiri uye ñ juabetire ñac̄õari, ḡãji ñre moabosarimas̄ure c̄õaḡumi quēna, vese uju, “Uye yure juabosagu vasa” yigu. Uye veseju ñ ejasere ñac̄õari, rujajine ñre yitud'ic̄õari, ñre quēne jar̄ama ñna. To bajiri ñ rujoaju c̄ãmi cutiḡumi ñ. To bajiro ñre yigajanoc̄õari, uye ñsimenane, “Vasa”, ñre yir̄ãma ñna. ⁵ To bajiri uye ñ juabetire ñac̄õari, quēna ḡãji ñre moabosarimas̄ure c̄õaḡumi vese uju. ñre s̄iar̄ama. Bero, j̄ãjar̄ãbusa c̄õar̄ũgũboaḡumi vese uju. ñnare quēne to bajirone yir̄ũgũr̄ama vese coderimasa. Sīgũrire buto jar̄ama. Ḡãjer̄ãre s̄iar̄ama ñna.

⁶ ñnare ñ c̄õariaro bero, sīgũ r̄uyaḡumi yuja, ñ c̄õaroc̄u. ñ ñaḡumi ñ mac̄u, ñ maiḡũ. To bajiri, “Yu mac̄ujuare r̄uc̄ub̄õar̄ama” yit̄uõlagũ, ñre c̄õaboaḡumi. ⁷ To bajiro ñ yic̄õar'ire, veseju ñ ejasere ñac̄õari, ado bajiro ḡãmer̄ã ñaḡõr̄ama vese coderimasa: “Adi vese uju mac̄une ñnaami. To bajiri ñ bajirocaveojama, ñne ñnaami ñre vasoaroc̄u. To bajiri ñre mani s̄ãjama, mani ye sita ñnar̄aroja yuja”, ḡãmer̄ã yin̄aḡõr̄ama ñna. ⁸ To bajiri vese sojuaju ñre ñna vati, ñre s̄iarocac̄õar̄ama ñna —ñnare yiyuju Jesús.

⁹ To bajiro ñnare gotigajanoc̄õari, ado bajiro ñnare gotiyuju quēna:

—¿Ti vese uju tudiejagu, no bajiro ñnare yigujari ñ, ti vese coderimasare? Ado bajiro yigumi: Veseju vac̄õari, ti vese coder̄ãre s̄iar̄uc̄umi. To yic̄õari, ḡãjer̄ãj̄uare coderotiḡumi ñ, ti vesere —ñnare yiyuju Jesús.

¹⁰⁻¹¹ Gajeye ado bajiro gotir̄ũtuasuju Jesús:

—“Uye vese uju mac̄ure rojor̄ã ñna s̄iarocarere bajirone viri buarimasa ḡũta ñna beserocaria ñboarine, ñnamasurica ñnar̄aroja”, yigotiaja Dios oca masa ñna ucamasire. ¿Tire ñabeticatique m̄ua? Ado bajiro gotiaja:

“Ḡũta r̄aca vi quēnorimasa coja ḡũtare rocar̄ama ñna. ñna rocaria ñboarine, gajea ḡũta r̄ẽtoro quēnarica ñnar̄aroja tia. Tia ḡũta suorine quēnarivi quēnor̄uc̄umi Dios. Tia manijama, quēnomasibetiboḡumi. To bajiro bojaḡumi Dios mani uju. To bajiri tia ḡũta suori Dios quēnaro ñ yisere ajimasic̄õari, buto t̄uõia variquēnaja mani”, yigotiaja Dios oca masa ñna ucamasire —ñnare yigotiyuju Jesús, paia ujar̄ãre.]

† 12:10-11 “To bajiro gotiyumi Dios, yu bajiritire t̄uõlagũ”, ñnare yigotigu yiyumi Jesús.

12 Jesús i gotimasiosere ajicōari, “Uye vese coderimasa i yijama, manirene yigu yami. To yicōari, gūtavi quēnorimasa i yijaquēne, manirene yami. Ire rojose mani yisere yigu yami”, yajimasiñujarā ina. To bajiri Jesúre ñiaruaboayujarā. To bajiboarine masare güirā, ire ñiabetesujarā. Ire ñiaruaboa, vacoasujarā ina yuja.

“Ujarā, gājoa manire ina vaja yirotijama, ñinare ñsiroti ñaja”, Jesús i yigotire queti

(Mt 22.15-22; Lc 20.20-26)

13 Bero, fariseo masa, to yicōari, “Uju ñamasugū ñarucami Herodes” yirügüriarā, Jesús tu ina rācanare cōañujarā ina, “Ado bajiro josari mua sēniñajama, cudimasibeticōari rojose tāmucucami Jesús” yirā. 14 To ina yicōariarā, ado bajiro Jesúre sēniñañujarā ina:

—Ajiya gotimasiorimasu. “Riojo gotiami”, mare yimasiaja yua. “Ado bajiro mani yisere bojagami Dios” yigotimasioigū ñari, riojo yuare gotimasioaja mu. “Ado bajiro yu gotimasiojama, yure ajijūnisiniruarāma” yituoñabecane, riojo gotigu ñaja mu. “Ānoama, ñamasurā ina ñajare, ina ajijūnisinibeti vāmejuare ñinare gotimasiorucuja”, yituoñabecu ñaja mu. Masa ñajedirore yuare riojo gotigu ñaja mu. To bajiro yigu mu ñajare, mu tuoñasere ajiruaja yua. ¿Roma macagu ujū, César, gājoa manire i vaja yirotisere mani vaja yijama, quēnacōarōari? ¿Dios i rotimasirere cudimena yirājarique mani, ire mani vaja yijama? —Jesúre yisēniñaboayujarā ina.

15 Jesújuama, “Rojose yure yiruārā, to bajise yure sēniñatoama ina”, yimasicōañuju. To bajiri ado bajiro ñinare yiyuju:

—¿No yirā, “Rojose ire yirāsa” yirā, to bajise yure sēniñatoati mua? —Ñinare yiyuju Jesús. 16—Gājoatii cojotii yure ioña —Ñinare yiyuju Jesús.

To i yijare, gājoatii ire ioñujarā. Gājoatiire iacōari, ado bajiro ñinare sēniñañuju Jesús:

—¿Ñimū rioga tuyati? ¿Ñimū vāme tuyati? —Ñinare yiyuju Jesús.

To i yirone,

—Roma macagu Uju César vāme cutigu rioga tuyaja. To yicōari, i vāme quēne ñaja ti —Jesúre yicūdiyujarā ina.

17 To ina yijare, ado bajise yiyuju Jesús:

—To bajiri aditiire iacōari, “César yatii ñaja”, yimasiaja mua. To bajiri ujarā ina vaja yirotijama, ñinare vaja yiroti ñaja. To bajirone bajiaja Diore quēne. Jediro Dios i cōase ti ñajare, “Yua cuose ti ñaboajaquēne, ti rāca mu bojarore bajiro yiruārāja”, Diore ire yiroti ñaja manire —Ñinare yiyuju Jesús.

To bajiro i yisere ajicōari, no yimasibesujarā ina, ire bajiro quēnaro gotigure ajibetirügüriarā ñari.

“¿Bajirearāma, tudicaticoanajari?”, Jesúre ina yisēniñatore queti

(Mt 22.23-33; Lc 20.27-40)

18-19 To bajicōari, saduceo masa quēne ejayujarā, Jesúre sēniñatorā. “Masa ina rijato bero, ina usari, ina rujari ñaro cōrone quēna tudicatime-nama” yirā ñañujarā saduceo masa. Ado bajiro ire sēniñañujarā:

—Ajiya gotimasiorimasu. Moisés ñamasir'i ado bajiro i yuacūmasire ti ñajare, mare sēniñarā vabu yua. “Sīgū, manajo cutiboa, rīa magūne i bajirocajama, i gagū manajo ñariore manajo cutirucami i bedijua. To bajiri i rāca ñacōari, so macū cutijama, i gagū macū ñarucami”, yimasiñuju Moisés. 20 Sīgū rīa cojomo cōro, jua jēnitarirācu ūmua ñaboacama. Sīgōrene

manajo cutiboacama ñna. Ñasugũ sore manajo cutisũoboacami. Rĩa magũne rijacoacami ã. ²¹⁻²² Ñ rijato bero, gãji ã bedi vasoaboacami. Ñ quẽne rĩa magũne rijacoacami. Ñ bederã quẽne, to bajirone sore manajo cutiboacama. Rĩa manane, rijajedicoacama ñna quẽne. So manajũna ñna rijajediro bero, so quẽne rijacoacamo yuja. ²³ To bajiri bajireacõari, quẽna ñna tudicatijama, ¿ñimujũna ñnaguĩda so manajũ masu ñnarocũma, ñna ñnaro cõrone sore ñna manajo cuticato bero? —Jesũre yisẽniĩlatoyujarã ñna.

²⁴ To ñna yirone, ado bajiro cãdiyujũ Jesũs:

—Dios oca, masa ñna ucamasire ajimasimena ñnaja mũna. Dios ã masisere quẽne masirã me ñnaja. To bajirã ñnari, Moisẽs ã ucamasirere tũoĩacõari, “Ri-ojo me gotiro yaja”, yitũoĩaboaja mũna. ²⁵ Ado bajirojũna bajiaja: Bajireari-arã, ñna tudicatiro bero, manajo cutire, manajũ cutire quẽne manirũaroja. Ángel mesare bajiro bajirã ñnaruarãma ñna. ²⁶ ¿“Masa ñna bajirearo bero, ñna usũri caticõaroja” yirere ãbeticatique mũna? ¿Yucũyõa ãjuriyõa vatoajũ Dios Moisẽre ã ñnagõmasirere ãbeticatique? Dios masune ãre ã gotimasirere ado bajiro ucamasinũmi Moisẽs: “Mũna ñicũna ñnamasiriarã Abraham, Isaac, Jacob, ñna rũcũbuo vadimasicacũne ñnaja yũ”, yigotimasinũmi Dios. ²⁷ Masa bajireariarã ñna usũri ti caticõa ñnabetijama, to bajise yibetimasiborimi. Bajireariarã, quẽna tudicatirãjũna ñna rũcũbuogũ ñnaami. “Ñna usũri ti caticõa ñnare, bajireariarã ñnaboarine, Diore rũcũbuocõa ñnarãma” yire ñnaja. Bũto mavisiaja mũna —ñnare yiyujũ Jesũs.

Dios ã rotimasire ñnamasuri vãmere Jesũs ã gotire queti

(Mt 22.34-40)

²⁸ Sĩgũ, Dios ã rotimasire gotimasiorimasũ ejayujũ. Ejacõari, Jesũrãca ñna ñnagõrore ajaĩñañujũ ã. To bajiri, “Quẽnaro cãdiami Jesũs” yiajigũ ñnari, ãre sãnĩñañujũ ã:

—Dios ã rotimasire ñnamasuse, ¿disejũna ñnati? —ãre yisẽniĩñañujũ ã.

²⁹ To ã yisere ajicõari, ado bajiro cãdiyujũ Jesũs:

—Dios ã rotimasire ñnamasuse ado bajiro gotiaja: “Ajiya mũna, Israel sitana. Dios sĩgũne ñnaami mani ãjũ. ³⁰ Mani ãjũre, Diore bũto mairõti ñnaja. No bojagũre mani mairõ rẽtoro, no bojase mani cõose, mani bojatũoĩase, to yicõari mani moare cutise rẽtoro Diore mairõti ñnaja”, yigotiaja Dios ã rotimasire ñnamasuse. ³¹ To yicõari, gajeye ado bajiro gotiaja ti: “Mũ masu rujũre mũ mairõre bajirone mũ tũanare maiña”, yigotiaja Dios ã rotimasire. Disejũna gajeye Dios ã rotimasire rẽtoro ñnamasuse maja —ãre yiyujũ Jesũs.

³² To bajiro ã yisere ajicõari, ado bajiro ãre yiyujũ Dios ã rotimasire gotimasiorimasũ:

—To bajirone bajiaja. Riojo gotiaja mũ. “Sĩgũne ñnaami Dios. ãre bajiro bajigũ gãji magũmi. ³³ Mani ãjũre Diore bũto mairõti ñnaja. No bojagũre mani mairõ rẽtoro Diore mairõti ñnaja, manire. No bojase mani cõose mani mairõ rẽtoro Diore mairõti ñnaja. Diore mairã ñnari, mani tũoĩase, mani yise, jediro quẽnaro yiroti ñnaja”, yaja. To yicõari, “Mani masu rujũre mani mairõre bajirone jedirore maiña”, yigotiaja Dios ã rotimasire. Gajeye Moisẽre Dios ã roticũmasiriarore bajirone vaibũcurã ecariarãre sãacõari, Diore rũcũbuorã, paire mani ãsijama, quẽnaja. Gajeye no bojase Dios ã rotimasiriarore bajiro paire mani ãsijama, quẽnaja. To bajiboarine to bajiro yirã jediro mani ãsise rẽtobũsaro quẽnaja, Diore, to

yicōari, masare quēne mani maijama —Jesúre yiyuju Dios ĩ rotimasire gotimasiorimasu.

³⁴ To bajiro quēnaro ĩ yisere ajicōari, ado bajiro ĩre yiyuju Jesús:

—Yu ĩajama, Dios yarā ĩre ĩna ajitirānusere ajimasiaja mu. ĩ yu quēnaro ĩ yigu mu ĩnarujama, ĩnasiaja mu —ĩre yiyuju Jesús.

To bajiro Jesús ĩ yiro bero, “Mani rētoro masigū ĩnaami” yituoĩacōari, “Ānoama masimena ĩnaami” yirā, ĩre sēniĩa tujacoasujarā yuja. “Mani rētoro masigū ĩnaami Jesús” yituoĩarā ĩari, ĩre sēniĩarēmobesujarā yuja.

“‘Rotimuo rūgōrucumi’ yigu, Dios ĩ cōarocu, ĩĩimū ĩnarucumi, yituoĩati tũa?” *Jesús ĩ yisēniĩare queti*

(Mt 22.41-46; Lc 20.41-44)

³⁵⁻³⁶ Diore yirūcubuoĩavijū masare gotimasio ĩagūne, ado bajiro ĩnare sēniĩañuju Jesús:

—“‘Rotimuo rūgōrucumi’ yigu, Dios ĩ cōarocu, masu ĩnarucumi. Uju David ĩnamasir'i jānamine ĩnarucumi”, yama Dios ĩ rotimasire gotimasiorimasa. To bajiro ĩna yituoĩaboajaquēne, Esp'iritu Santo ĩ ejarēmose rāca yigu, Diore yigure bajiro, “yu uju” yimasĩñujari Uju David ĩnamasir'i, ĩ jānami ĩ ĩnaboajaquēne, ado bajise ĩ yucajama:

“Yu ujure ado bajiro yirucumi Dios: ‘Yu riojocatua rujiya maji. Mure ĩaterāre, “Rojose yitujaya” ĩnare yu yiro bero, rojose yimasibetiruarāma yuja. To cōrone rotisuoꝛucuja mu’ yirucumi Dios, yu ujure”, yucamasiñumi David.

³⁷ To bajiri, “‘Rotimuo rūgōrucumi’ yigu, Dios ĩ cōarocu, David ĩnamasir'i jānami ĩnarucumi” yucamasire ti ĩnaboajaquēne, ĩno yigu ĩ ujure bajiro bajigatigue? —ĩnare yiyuju Jesús.

To bajiro ĩ yigotisere ajivariquēnañujarā jājarā masa.

“*Rojose tāmuoũarāma Dios ĩ rotimasire gotimasiorimasa*”, *Jesús ĩ yire queti*

(Mt 23.1-36; Lc 11.37-54; 20.45-47)

³⁸ Masare ado bajiro ĩnare gotimasioñuju Jesús:

—Dios ĩ rotimasire gotimasiorimasare bajiro bajibeja tũaama. Dios ĩ rotimasire gotimasiorimasa, sudiro yoaquēnariase sãñacōari, masa ĩna ĩaro rĩjoro vacudĩ variquēnarāma ĩna. To yicōari, jājarā masa ĩna rējarūgũrijaurire ejarūgũrāma. Gāji ĩnare ĩ bocajama, rūcubuose rāca ĩnare ĩ sēnisere ajivariquēnarāma. Dios ocare ĩna buerivirijure quēne ĩnamasuri cūmurorire rujivariquēnarāma. ³⁹ Boserāmuri ti ĩnajaquēne, ĩna baruĩjjama, ĩnamasuri cūmurorire rujivariquēnarāma ĩna. ⁴⁰ Manajua rijaveoriarā ya virire ĩmarā ĩnaboarine, masa ĩna ĩaro rĩjorojua, “‘Quēnaro yirā ĩnaami’ yĩĩato” yirā, “Yoaro Diore sēnirā yaja”, yisocarūgũboarāma ĩna. To bajiro ĩna yise vaja, gājerā rojorā, rojose ĩna tāmuose rētoro rojose tāmuoũarāma ĩna —masare ĩnare yiyuju Jesús.

Manaju rijaveorio maioro bajigo ĩnaboarine, gājoa so sãre queti

(Lc 21.1-4)

⁴¹ Diore yirūcubuoĩavijū ĩnacōari, gājoa sãriaju riore rujiyuju Jesús. Rujicōari, jājarā masa tijere gājoa ĩna sãñasere ĩañuju. Gājoa jairā, jairo sãñujarā. ⁴² To ĩna yĩĩarone, sigō, manaju rijaveorio ejacōari, gājoatii jũatiĩne so sãsere ĩañuju. Mojoroaca vaja cūtiĩiri ĩñañuju ti. ⁴³ Tire so sãro ĩacōari, ado bajiro ĩ buerimasare gotiyuju Jesús:

—Riojo m̄are gotiaja ȳ. Adio maioro bajigo, ḡjerā r̄etro s̄amo so.
44 Ḡjoa jairā ĩna s̄aboajaquēne, jairo r̄yacōaroja ĩnarema. Soma, so c̄ose
ñaro c̄oacane s̄acōamo —ĩnare yiyuju Jesús.

13

*“Diore yir̄uc̄b̄oriavi cagueroca ecor̄aroja”, Jesús ĩyire queti
(Mt 24.1-2; Lc 21.5-6)*

¹ Diore yir̄uc̄b̄oriavi ñar'i, budiasuju Jesús ĩ buerimasa r̄aca. To ĩ
ũmato bajirone, ado bajiro ĩre gotiyuju ĩ buerimasa:

—ĭGotimasiorimasa, ĩaña! Quēnarivi ñaja. Ḡta quēnase r̄aca quēnaro
quēnoñuma ĩna —Jesúre ĩre yiyuju. ² To ĩ yirone, ado bajiro ĩre c̄diyuju
Jesús:

—Jairivi ti ñaboajaquēne, m̄a ĩarivi ñaro c̄rone cagueroca ecor̄aroja.
To bajiri adi viaye gajea ḡta joere gajea jesabeticōar̄aroja —ĩre yiyuju
Jesús.

*“Macar̄uc̄ro ti jediroto r̄joro ado bajiro bajir̄aroja”, Jesús ĩyire queti
(Mt 24.3-28; Lc 21.7-24; 17.22-24)*

³⁻⁴ Tija bero, Olivo v̄ame c̄ti buro joeju rujiyuju Jesús. Ti buro riojojua
ñañuju Diore yir̄uc̄b̄oriavi. To ĩ rujirone, ḡjerā ĩna mano ĩac̄ari,
ĩ buerimasa, Pedro, Santiago, Juan, to yic̄ari Andrés, ado bajiro ĩre
sēniñañujarā ĩna:

—ĭDivato cagueroca ecoroti Diore yir̄uc̄b̄oriavi? ĭNo bajiro ti ba-
jiro ĩac̄ari, “Jesús ejaguagu yiḡmi”, yimasir̄ati yua? ĭNo bajiro ti ba-
jiro ĩac̄ari, “Adi macar̄uc̄ro jediato yaja”, yimasir̄ati yua? —Jesúre
yisēniñañujarā ĩna.

⁵ To bajiro ĩna yisere ajic̄ari, ado bajiro ĩnare c̄diyuju Jesús:

—Roori ñaruar̄aja m̄a, “Socar̄ane, ḡjerā manire yitoroma” yir̄a.
6 J̄jar̄a yitorā ñaruar̄ama, “Ȳne ñaja ‘Rotim̄or̄ḡoc̄ami’ yiḡ, Dios ĩ
c̄aḡ” yir̄a. To bajiro ĩna yisocasere j̄jar̄a masa ĩnare ajis̄yaboar̄ama.

⁷ To bajic̄ari, m̄a t̄ana, to yic̄ari, gajeroana quēne, ḡjerā r̄aca ĩna
ḡmerā s̄asere ajiruar̄aja m̄a. Tire ajic̄ari, güibetiruar̄aja m̄a. “Ba-
jir̄aroja” Dios ĩ yiriarore bajirone bajir̄aroja. To bajiro ĩna ḡmerā
yiñaboajaquēne, adi macar̄uc̄ro jediro me bajir̄aroja. ⁸ Cojo sitana gaje
sitana r̄aca ḡmerā s̄aruar̄ama. Buto sita saber̄aroja. To yic̄ari, cojo
maca me ñioñar̄aroja. To bajiri, rojose t̄m̄os̄or̄ar̄ama masa. ĩna
t̄m̄ose r̄etobusaro rojose t̄m̄oroana yir̄ama yuja. ⁹ Quēnaro t̄oĩama
m̄a: M̄are ñejec̄ari, Dios ocare ĩna buerivir̄iñ̄a ĩjarā r̄jorojua m̄are
juaár̄ar̄ama ĩna. Toju m̄are bajar̄ar̄ama. To yic̄ari, ȳ ocare m̄a
gotimasiojare, macari ĩjarā r̄jorojua m̄are juaár̄ar̄ama ĩna. To yi
vanane, ĩjarā ñamasur̄a r̄jorojua m̄are juaár̄ar̄ama ĩna. To bajiro m̄are
ĩna yijare, ȳ oca quēnasere ĩnare gotiruar̄aja m̄a. ¹⁰ Tire adi macar̄uc̄ro
ñarā masa ñaro c̄rone gotimasiojeo ecor̄aroja. ¹¹ M̄are ñejec̄ari, ĩjarā
r̄jorojua m̄are ĩna juajaro, “ĭNo bajiro ñaḡr̄ati yua?”, yit̄oĩarejaibeja
m̄a. “Ñaḡoña” m̄are ĩna yir̄ir̄marone, Dios ĩ c̄aḡ Esp̄iritu Santo ĩ
ejar̄emose r̄aca, “Ado bajiro gotiruar̄aja yua”, yimasiruar̄aja m̄a —ĩnare
yiyuju Jesús.

¹² Quēna gajeye ado bajiro ĩnare gotir̄emoñuju Jesús:

—Ȳ yere ajiter̄are güiose ĩna yisere ĩaruar̄aja m̄a. S̄iḡ r̄ia ñaboarine,
“ĩnare s̄ato” yir̄a, ñejerotiruar̄ama ĩna. To yic̄ari, jac̄a quēne, “Ȳna

rĩare sĩato” yirã, ĩna rĩare ñejerotiruarãma. ĩna rĩajua quẽne, ĩna jacuare ajijũnisinicõari, gãjerãre sĩarotiruarãma ĩna. ¹³ Yu ocare mua goticudijare, jediro masa muare ĩateruarãma. To bajiro ĩna yiboajaquẽne, no bojarã yare ajitirãnu tujamenarãma, rojose tãmuotujabetiraroju ĩna varoti ñaboarere ĩnare yirẽtobosarũcumi Dios —ĩnare yiyuju Jesũs.

¹⁴ Quẽna gajeye ado bajiro ĩnare gotirẽmoñuju Jesũs:

—Adi macarũcuro jedirirodo, sĩgũ, “Diore rũcũbuobeticõato ĩna” yigu, Dios ĩ bojabetire yirũcumi. Diore yirũcũbuoriaviju ĩ ñasere masiruarãja mua. (Yu, Marcos, adi paperare Jesũs ĩ gotisere yũ ucasere ĩacõari, ajimasiña.) To bajiro Dios ĩ bojabetire ĩ yisere ĩacõari, “Jerusalén maca ti jedirotirãmũ cõñaro bajiaja”, yimasiruarãja mua. To bajiro bajirirãmũ Judea sitana gũtayucũju guaro rudicoajaro ĩna. ¹⁵ Sĩgũ ĩ ya vi joeju jesagũma, rujiacõari, ĩ ya vi jubeaju gajeyeũni ñasere juaatĩmabetirũcumi. ¹⁶ Gãji, veseju moañagũ, ĩ ye sudire juagu tudiatĩmabetirũcumi, rujarĩmarone yũ ejaroti ñajare. ¹⁷ Rõmia macũ sãñarã, ũjurã cuorã quẽne, rojose tãmuoruarãma ĩna, ũmatĩmabetica yirã. ¹⁸ “Buto oco quedirirũmũre bajibeticõato” yirã, Diore senicõa ñarũgũña. ¹⁹ To bajiro bajirirãmũri buto rojose tãmuoruarãma masa. Adi macarũcuro ñasuoariarãmũri masa rojose ĩna tãmuoadire rẽtoro tãmuoruarãma ĩna. Rojose ĩna tãmuoro bero, to bajise rojose tãmuobetiruarãma yuja. ²⁰ “Yoaro mebũsane rojose tãmuoato masa” Dios ĩ yibetijama, sĩgũ catirũyarocũ manibogũmi. “Yu yarã ñaña mua” ĩ yirere cudiriarãre ĩamaigũ ñari, “Yoaro mebũsane rojose tãmuoato ĩna”, yirũcumi Dios.

²¹ To bajiro bajiñariorodire, “Ãnine ñaami ‘Rotimũorũgõrũcumi’ yigu, Dios ĩ cõar'i. Ejayumi” gãjerã ĩna yijama, ĩnare ajibeja mua. To yicõari, gãjerãjuama, “Tone ñagũmi. Ejayuju” muare ĩna yijaquẽne, ĩnare ajibeja mua. ²² Jãjarã yitorã ñaruarãma, “Yũne ñaja ‘Rotimũorũgõrũcumi’ yigu, Dios ĩ cõagũ” yirã, to yicõari, “Diore gotirẽtobosarimasa ñaja yua” yirã. To bajiro yirã, ĩaĩañamani yĩoruarãma, masare yitorã. To bajiro yiruarãma, “Yu yarã ñaña mua” Dios ĩ yirere cudirã, manijũare ajitirãnuato” yirã.

²³ Tire muare yũ gotimasiosere quẽnaro tuoĩaña mua. Ti bajiroto rĩjoro jediro muare gotijeobũ yũ.

*“Dios ĩ roticõacacũ tudiejarũcũja yũ”, Jesũs ĩ yire queti
(Mt 24.29-35, 42, 44; Lc 21.25-36)*

²⁴ Tire rojose ĩna tãmuogajanoro berone, gaje vãme rojose bajirũaroja. Muiju ãmuagu asibetirũcumi yuja. Ñamiagu quẽne busubetirũcumi. ²⁵ Ñocoa quẽne, vẽjacoaruarãma. To yicõari, õ vecaye jediro nũruarũaroja. ²⁶ To bajiro ti bajiro, Dios ĩ roticõagũ õ vecaju yũ rujiadore ĩaruarãma masa. Yu masise rãca, oco bueri vatoaju yũ busubatorujiadire ĩaruarãma. ²⁷ To cõrone, “Yu yarã ñaña” Dios ĩ yirere cudiriarãre judoaga soje, jũnaga soje, varuaga soje, gajecatua varuaga soje ñarã jedirore “Juarẽoato” yigu, ángel mesare cõarũcũja yũ. To yũ yijare, yũ yarã ñaro cõrone juarẽoruarãma ĩna —ĩnare yiyuju Jesũs.

²⁸ To yicõari, quẽna gajeye ado bajiro ĩnare gotirẽmoñuju Jesũs:

—Gotimasiore queti muare gotigũ yaja yũ. Higuera vãme cutiũre tuoĩaña mua. Higuera vãme cutiricũ gajecu bucuamũjacõari, jũ mameaja. Tire ĩacõari, “Mojoroaca rũyaja cãma ti ejaroti”, yimasiaja mani, jud'io masa. ²⁹ Muare yũ gotisere bajiro bajisere ĩacõari, “Mojoroaca rũyaja Jesũs ĩ vadiroti”, yimasiruarãja mua. ³⁰ Riojo muare gotiaja yũ. Adirodo

ñarã mña bajireajediroto rĩjoro, mñare yñ gotirore bajirone bajirũaroja ti. ³¹ Adi macarũcũro ñaro cõrone, to yicõari, õ vecaye quẽne jedicoarũaroja. To bajiboarine, yñ ocama jedibeti mñorũgõcõarũaroja.

³² “Ado cõrone ejarũcũmi Jesús”, yimasigũ magũmi. Ángel mesa quẽne masimenama ñna. Dios macũ ñaboarine, “To cõro ejarũcũja yñ”, yimasibeaja yñ quẽne. Yñ jacũ sigũne masigũmi —ñnare yiyuju Jesús.

³³ —To bajiro bajiroti ti ñajare, roori ñarũarãja mña, “To cõrone tudiejarũcũmi” yñare yimasimena ñari.

³⁴ Quẽna yñ tudiejaroti ado bajiro bajirũaroja: Sĩgũ ñagũmi gaje sitaju varocũ. Ī varoto rĩjoro, ĩre moabosarimasare jirẽogũmi. Īnare jirẽocõari, tocãrãcũrene ricati ñna moarotire ñnare rotigũmi. To yicõari, soje coderimasũre quẽne, “Yñ tudiejarotire yugũ tocãrãcarũmũne quẽnaro bocaĩama”, yigũmi. ³⁵ ĩre bajiro bajirũcũja yñ quẽne. To bajiro bajiroti ti ñajare, roori ñarũarãja mña, “To cõrone tudiejarũcũmi mani uñ” yñare yimasimena ñari. Rãiorijũ, ñami gũdareco, gãjabocũ ñagõrijũ, busurijũ yñ vadirotire masibeaja mña. ³⁶ Roori ñarũarãja mña, “Mani cãniñarone tudiejaromi” yirã. Yñare masimenare bajiro bajibeja. ³⁷ To bajise yñ gotijama, mña rĩrene gotigũ me yaja yñ. Masa jedirore tũoĩacõari gotiaja yñ. Roori ñarũarãja mña —ĩ buerimasare ñnare yiyuju Jesús.

14

“¿No bajiro yigũ ñnaami yitocõari, Jesũre ĩre ñiarãti mani, ĩre sĩarũarã?”, ñna yire queti

(Mt 26.1-5; Lc 22.1-2; Jn 11.45-53)

¹ Juarũmũ ruyayuju yuja Pascua boserũmũ pan ũmato vauvase vũoyamanire basũoriarũmũ. To bajicõari, paia ujarã, Dios ĩ rotimasire gotimasiorimasa quẽne, ado bajiro gãmerã ñagõñañujarã ñna:

—Jesũre sĩarũarã, ¿no bajiro yigũ ñnaami yitocõari, Jesũre ñiarãti mani? —gãmerã yĩñagõñañujarã ñna. ² —To bajiboarine, boserũmũ ñaro ĩre mani sĩajama, tire ĩajũnisinicõari, manire rojose yiborãma masa —gãmerã yĩñagõñañujarã ñna.

Jesũs rũjoare sũtiquẽnase rõmio so yuejeore queti

(Mt 26.6-13; Jn 12.1-8)

³ Betania vãme cuti macajũ cãmi boagu ñaboar'i, Simón vãme cutigũ ya vijũ ñañuju Jesús. Ti vijũ Jesús ĩ barujirone, sigõ, gũta sotũ alabastro vãme cuti rãca veariarũ ãmiejayuju so. Sũtiquẽnase bũto vaja cutise, nardo vãme cutise sãñaritu ñañuju tirũ, so ãmiritũ. To bajiri, Jesús tũaca eja, tirũ ãmũare vẽjeacõari ĩ rũjoa joere ĩre yuejeoyuju so. ⁴ To bajiro so yisere ĩacõari, jũnisiniñujarã sigũri Jesús buerimasa. To bajiro yirãne, ado bajiro gãmerã yiyujarã ñna:

—jairo gãjoa yireago yamo! ⁵ Tire ĩsicõari, jairo gãjoa trescientos denarios rẽtoro bũjacõari, maioro bajirãre ejarẽmoroti ñaboaja ti —gãmerã yiyujarã ñna.^k

To bajiro yicõari, sore tud'iyujarã ñna.

⁶ To bajiro ñna yiboajaquẽne, Jesũjũama, ado bajiro ñnare yiyuju:

—Sore gõjanabiobesa mña. Tire yñare so yuejeojama, quẽnaro yñare yigo yamo. ⁷ Maioro bajirã mña rãca ñacõa ñarũgũrũarãma. No mña bojarirũmũ quẽnaro ñnare ejarẽmomasiũarãja mña. Yũma, mña rãca

^k 14:5 Cojorũmũ moare vaja, cojo denario vaja cutiyuju.

ñacōa ñabetirucuja. ⁸ Adio, quēnaro so yimasiro cōro yure yamo. Yure sutiquēnase so yuejeojama, yure ña yujeroto rījoro yuejeo rījoro cutigo yamo. ⁹ Riojo mware gotiaja yu. Yu bajiroti quēnase quietire, adi macarucuroana jedirore gotibatoruarāma masa. To bajirone bajiruroja sutiquēnase yure so yuejeose queti quēne. So yuejeosere masiritimenane tire gotibatoruarāma —ñinare yigotiyuju Jesús.

“Jesúre ñiato” yigu, ñe ñaterā taju Judas ñ goticudigu vare queti
(Mt 26.14-16; Lc 22.3-6)

¹⁰ Judas Iscariote vame cutigu rāca ñarā ñajediro Jesús buerimasa juaāmo cōro, gūbo jua jēnituarirācu ñañujarā. To bajiboagu, paia ujarā ña ñarojure vasuju, Jesúre ñinare ñisrocaru. ¹¹ Jesúre ñisrocaruasere ajivariquēnacōari,

—Gājoa mware ñisruarāja yua —ñe yiyujarā ña, paia ujarā.

To ña yisere ajivariquēnacōari, tudicoasuju Judas. Jesús tujare ejacōari, “¿Dirīmaro ñnone Jesúre ñinare yu ñisijama, josari mene ñe ñiamasirojari ña?”, yituoñaju ñ.

Jesús ñ batū sare queti
(Mt 26.17-29; Lc 22.7-23; Jn 13.21-30; 1 Co 11.23-26)

¹² Pascua boserūmu pan ũmato vauvase vnoyamani basuoriarūmu, to yicōari oveja macure ña sñariarūmu ejayuju ti. To bajiri Jesús buerimasa ado bajiro ñe sēniñañujarā ña:

—Pascua boserūmu ñajare, mani barotire, ¿noju bare yua quēnoyusere bojati mu? —ñe yisēniñañujarā.

¹³⁻¹⁴ To ña yijare, ado bajiro ñinare yicōañuju Jesús:

—Jerusalénju mware yu gotigu tare vasa mu. To mu ejarone, sīgū, oco vagu mware bocarucumi. ñe suyaja mu. To bajicōari, vi ñ sñarone, ti vi ujure ado bajiro ñe yiba: “Gotimasiorimasu, ‘¿noju ñati Pascua boserūmu adi ñami yu buerimasare yu ũmato barotijau?’ mware yicōami”, yiba mu. ¹⁵ To mu yirone, mware ñorucumi, vecaga sōa, jairisōa, mame quēnogajanoriasōare. Tone mani barotire quēnoyuba mu —ñinare yiyuju Jesús, ñinare varotigu.

¹⁶ To ñ yijare, vaoasujarā ña juarā yuja. To eja, ñ yiriarore bajirone bajiyuju ti. To bajiri tisōaju ña barotire quēnoyuyujarā ña.

¹⁷ To bajiri Pascua boserūmuaye bare bariaju ti ejaro, ñ buerimasa juaāmo cōro, gūbo jua jēnituarirācu ñarā ejacōari, barujiyujarā ña, ñ rāca.

¹⁸ ña bañarone, ado bajiro ñinare yiyuju Jesús:

—Riojo mware gotiaja yu. Sīgū mu rācagu, yu rāca bagu, yure ñaterāre yure ñisrocarucumi —ñinare yiyuju Jesús.

¹⁹ To ñ yisere ajicōari, buto sutiritiyujarā ña. Tocārācune sutiritirā ñari, ado bajiro ñe sēniñañujarā ña:

—¿Yune ñabetiboati, mware ñisrocarocu? —ñe yisēniñañujarā ña.

²⁰ To bajiro ña yisere ajicōari, ado bajiro ñinare cūdiyuju Jesús:

—Mu rācagu sīgū, yu rāca yosebagu ñaami yure ñisrocarocu. ²¹ Dios oca masa ña ucamasire ti gotirore bajiro rojose tāmurocujaja yu, Dios ñ roticōacacu. To bajirocu yu ñajare, yure ñaterāre yure ñisrocarucumi. Yure ñ isrocaroti suorine rojose tāmurocujaja yu. “Masare yirētosarucumi” Dios ñ yimasire ñajare, bajirucujaja yu. To bajiboarine, yure ñisrocarocujajama, rojose tāmurocucumi. Ruyubeticōarocu ñaboayumi —ñinare yiyuju Jesús.

²² ña bañarone, pan āmicōari, “Quēnaja”, Diore yiyuju Jesús. To yigajano, tire matocōari, ñ buerimasare ñinare ñisibatogune ado bajiro ñinare yiyuju ñ:

—Baya m̄ua. Ti ñaja yu ruju rii —ñare yiyuju.

²³ Tire ña bagajanorone, idiriabaja ãmicõari, “Quẽnaro yaja m̄u”, Diore yiyuju quẽna. To yicõari, tibajare ñare ñiñuju. Ña jediro idijedicõañujarã ña. ²⁴ Ñsigũne, ado bajiro ñare gotiyuju Jesús:

—Adi ñaja tirãm̄uana “Rojose mani yirere masirioato” yirã, Diore rãcub̄oriaju joere ña yuejeoriarore bajiro bajise. Yucurema, yu ri' ñaja. Ti suorine, “Gajerodo to bajiro m̄uare yirũcujã yu” Dios ñ yicũmasiriarore bajiro bajirũaroja yuja. To bajicõari, jãjarã masa rojose ña yisere masiriocõari, tuditũoãbetirũcũmi Dios yuja.¹ ²⁵ Riojo m̄uare gotiaja yu. “Rotim̄uorũgõrũcũmi” yigũ, Dios yure ñ cũroto rĩjoro, quẽna juaji yue oco idibetirũcujã yu —ñare yiyuju Jesús.

“Jesũre masibeaja yu' yirũcujã m̄u”, Pedrore Jesús ñ yire queti
(Mt 26.30-35; Lc 22.31-34; Jn 13.36-38)

²⁶ To ñ yiro bero, Diore rãcub̄orã, basayujarã ña. Basagajano, Olivo vãme cuti buroju vacoasujarã ña yuja. ²⁷ To ña vatone, ado bajiro ñare yiyuju Jesús:

—Adi ñamine yure ajitirãnu tujacõari, vaveoruarãja m̄ua jediro. Dios oca masa ña ucamasire to bajiro ti gotijare, to bajise m̄uare gotiaja yu. Ado bajiro gotiaja ti: “Oveja coderimasure bajiro bajigũre sãarũcujã yu. To bajiri ñ yarã ovejare bajiro bajirã rudibatecoaruarãma”, yigotiaja Dios oca masa ña ucamasire, manire gotiro. ²⁸ Yure m̄ua vaveoboajaquẽne, yure ña sãaro bero, quẽna tudicaticõari, Galilea sitaju m̄ua vato bero, yujua, m̄ua rĩjoro ñatujarũcujã —ñare yiyuju Jesús.

²⁹ To ñ yisere ajicõari, ado bajiro ñre yiyuju Pedro:

—Ñnoa jediro, m̄ure ña vaveoboajaquẽne, m̄ure vaveobetirũcujã yuma —Jesũre ñre yiyuju.

³⁰ To ñ yisere ajicõari, ado bajiro ñre cãdiyuju Jesús:

—Riojo m̄ure gotiaja yu. Adi ñami busiyujua gãjabocu juaji ñ ñagõroto rĩjoro, idiaji, “Jesũre masibeaja; ñ rãcagu me ñaja yu”, yisocarũcujã m̄u —Pedrore ñre yiyuju ñ.

³¹ To bajiro ñ yisere ajicõari, ado bajiro cãdiyuju Pedro:

—M̄u rãca yure ña sãarũajaquẽne, “Jesũrãcagu me ñaja yu”, yisocabetirũcujã yu —Jesũre yiyuju Pedro.

To bajiro Pedro ñ yisere ajicõari, gãjerã Jesús buerimasa quẽne, to bajiro yijedicõañujarã ña.

Getseman'i vãme cutoju Jesús ñ jacure ñ sãnigã vare queti
(Mt 26.36-46; Lc 22.39-46)

³² To ña yiro bero, Getseman'i vãme cutoju ñare ñmato vasuju Jesús. Toju ejaçõari, ado bajiro ñare gotiyuju:

—Diore sãniguacu yaja yu. To yu vatoye, ado rujicõaña m̄ua maji —ñare yiyuju ñ.

³³ To yigajanogũne, Pedrore, Santiagore, to yicõari Juanre quẽne ji vasuju Jesús. To vacu, buto tũoãsatiritiyuju ñ yuja. ³⁴ To bajiro bajigu ñari, ado bajiro yiyuju Jesús ñ rãca variarãre:

—Buto tũoãsatiritiaja yu. Sãtiriosene yure sãaro yaja. Adone yure yuñaña maji. Yu cãnibetore bajirone cãnibeja m̄ua quẽne, Diore sãnifãrã —ñare yiyuju Jesús.

¹ 14:24 “Rojose mani yirere masirioato” yirã, Diore rãcub̄oriaju joere judio masa ña yuejeomasirere gotiaja.

³⁵ To yicōari, to sojubusa varēmoñuju Jesús. Va, sita tūcuroju muro-cacūcōari, Diore sēniñuju ī, “Yure ĩna sīarotire yure matabosato ī” yigū.
³⁶ Ado bajiro Diore sēniñuju ī:

—Cacu, ñajediro yimasigū ñaja mū. Yure ĩna sīaroti matamasiaja mū. To bajiboarine, mū bojarore bajirone bajiato —Diore yiyuju.

³⁷ To yigajano, Pedro mesa ĩna cānitoyene ĩna tujū ejayuju. ĩnare yujogūne, ado bajise Pedrore ĩre yiyuju Jesús:

—¿Simón, cāniati mū? ¿No yirā cojo hora cōro cānibetibusarāne, yure yuñabetimasucōati mūa? ³⁸ Yū cānibetore bajirone cānibesa mūa quēne. To bajicōari, Diore sēniña, “Vātia uju Satanás ī yirotisere yicōari, Dios ī bojabetire yirobe” yirā. Riojo mūare masiaja yū. “Dios ī bojasere yirūcūja” yirā ñaboarine, cojojirema rojose tūoñarā ñari, Dios ī bojabetijūare yirūgūaja mūa —Pedro mesare ĩnare yiyuju Jesús.

³⁹ To yicōari, gāme vacū, Diore ī sēniriarore bajirone tudisēniñuju ī quēna.
⁴⁰ To yigajano, vacūne, cāniriarāre ĩnare ejayuju quēna. Būto vūjaejarā ñari, cāniñujarā ĩna. To bajiri rījoro ĩnare ī yiriarore bajiro ĩnare ī sēniñaro, ĩre cūdimasibesujarā ĩna. ⁴¹ To bajiro ĩnare yigajanocōari, Diore sēnigū vasuju Jesús quēna. Diore sēnigū var'i, tudiejacōari, ĩnare yujioyuju:

—¿No yirā cāni manicōati mūa maji? Ado cōrone, Dios ī roticōacacure, rojose yirāre yure ĩsirocarocū vadicoagūmi yuja. ⁴² To bajiri yujiya mūa. ĩre bocarā vajaro. Yure ĩsirocarocū vadiami yuja —ĩnare yiyuju Jesús.

Jesúre ĩna ñiare queti

(Mt 26.47-56; Lc 22.47-53; Jn 18.2-11)

⁴³ To bajiro Jesús ĩnare ī yīnarirīmarone, Judas Iscariote vāme cutigū, Jesús buerimasa rācagūne vayuju yuja. Jājarā ī rāca vayujarā jariaseri cūorā, gājerā yucūjuriri cūorā. Paia ujarā, Dios ī rotimasire gotimasiorimasa, to yicōari bucūrā quēne ĩna cōariarā ñañujarā ĩna. ⁴⁴ Jēre ado bajiro goti vayuju Judas, ī rāca vanare, “ ĩne ñaami Jesús' yīamasiato ĩna” yigū:

—Jesúre sēnicōari, ĩre usuracūja yū. To yū yirone, ĩre ñiacōari, quēnaro ĩre ĩatirūnū vaja mūa —ĩnare yī vayuju.

⁴⁵ To bajiro yir'i ñari, Jesús rījorojūa ejacōari, ado bajiro ĩre yiyuju Judas:
—Gotimasiorimasū, ¿ñati mū? —ĩre yigūne, usuyuju ī.

⁴⁶ To ī yirone, Jesúre ĩre ñiañujarā Judas rāca vadiriarā.

⁴⁷ To ĩna yirone, sīgū Jesús tū rāgōgū, ī jariasere yoveaāmicōari, paia uju ñamasugūre moabosarimasūre gāmoro jatarocōañuju. ⁴⁸ To ī yiro bero, ĩre ñiarā ejarāre ado bajiro yiyuju Jesús:

—¿No yirā gajeyeūni juarudirimasūre ñiarā vanare bajiro jariaseri rāca, yucūjuriri rāca yure ñiarā vadiati mūa? Tocārācarāmūne Diore yirūcūbuoriaviju mūa ñaro mūare gotimasio rujirūgūmū yū. To yū bajiboajaquēne, yure ñiabetirūgūmū mūa maji. ⁴⁹ Diore gotirētobosarimasa, ado bajiro yure mūa yirotirene ucamasiñuma. To bajiri, to bajirone yure yaja mūa —ĩnare yiyuju Jesús, ĩre ñiarā ejarāre.

⁵⁰ Jesúre ĩna ñiasere ĩacōari, ūmarudijedicoasujarā ĩna, ī buerimasa jediro.
⁵¹ To ĩna bajiboajaquēne, gāji mamū, Jesúre ĩna āmivatone, ĩnare sūyasuju ī. Sudijāirine gūmañuju. To ī bajirone, ĩre ñiaboayujarā ĩna, Jesúre āmivana.
⁵² ĩre ñiaca yirā, ī gūmaritore tūaveacōañujarā. To ĩna yigū, sudi magūne ūmacoasuju.

Jud'io masa ɥjarã, “Mɥ masu ye sɥorine s̄iaecorɥcɥja mɥ”, Jesúre ñna yire queti

(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesúre ñiacõari, paia ɥju ñamasugũ tuju ñre ãmiasujarã. Toju rējacõari, ñañujarã paia ɥjarã, Dios ñ rotimasire gotimasiorimasa, to yicõari bɥcɥrã quēne. ⁵⁴ Jesúre ñna ãmivato, sõju yayĩasɥayaju Pedro. Ñnare yayĩasɥacõari, paia ɥju ñamasugũ ya vi matariasãniro rētosãjacoasuju. Sãjacõari, Diore yirũcɥbɥoriavi coderimasa rãca rujuju yu ñ, jea sũmañagũ.

⁵⁵ Paia ɥjarã, to yicõari gãjerã ɥjarã, ñna jediro Jesúre s̄iarɥayujarã. To bajiro yirã ñari, “Rojose masu yigu ñnaami Jesús” yisocarõare macañujarã. ⁵⁶ Jãjarã masa socarãne ñna gotiboajaquēne, ricati rĩne ñna yise ñajare, “To bajiro ñ yire ñajare, ñre s̄iaroti ñaja”, yimasibesujarã ñna maji. ⁵⁷⁻⁵⁸ To bajiboarine, sigũri vãmurũgũcõari, ado bajiro yisocayujarã ñna:

—Ñni Jesús vãme cõtigu ñ ñagõmasisere ajibɥ yɥa. Ado bajiro yimasimi: “Diore yirũcɥbɥoriavire caguerocacõari, idiarũmɥ t̄asatirũmũne quēna gaje vi masa ñna quēnorivi mere quēna tudibɥajeoc̄arɥcɥja”, yimasimi ñ —yisocayujarã ñna.

⁵⁹ To bajiro yisocarã ñaboarine, tocãrãcɥ ricati rĩne gotiboayujarã ñna. To bajiro ñna yise ñajare, “Ñ ye sɥorine rojose tãm̄orɥcɥmi”, Jesúre yimasibesujarã ñna maji.

⁶⁰ To bajiro ñna yisocaboajaquēne, paia ɥju ñamasugũ, vãmurũgũcõari, ado bajiro Jesúre yiyuju:

—To bajiro m̄are ñna yi ocasãsere ¿no bajiro yati mɥ? ¿Cũdibebati mɥ? —Jesúre ñre yiboayuju.

⁶¹ To ñ yiboajaquēne, cojo vãme cũdibeticõañuju. Ñ cũdibetire ñacõari, ado bajiro Jesúre s̄enĩañuju paia ɥju ñamasugũ quēna:

—¿“Rotim̄orũgõrɥcɥmi” yigu, Dios ñ cõar'ine, Dios macũne ñati mɥ? — Jesúre yis̄enĩañuju paia ɥju ñamasugũ.

⁶² To bajiro ñ yisere ajicõari, ado bajiro ñre cũdiyuju Jesús:

—Ñne ñaja yɥ. To bajiri, Dios ñ roticõacacɥ ñari, ñ riojocatɥa rujicõari, masare besegɥagɥ, oco bueri vatoajɥ yɥ rujiadire ñarɥarãja mɥa —paia ɥju ñamasugũre yiyuju Jesús.

⁶³ To ñ yirone, “Jesús ñ yisere ajiteaja” yigu, ñ sudire tãavoyuju paia ɥju ñamasugũ. To yigũne, ado bajiro ñ rãcanare yiyuju ñ:

—“Diore bajiro bajigu ñaja yɥ” yigu yami! No yirã gãjerã, “Rojose yigu ñnaami” yironare macarẽmomenaja mani yuja. ⁶⁴ Mɥa quēne Diore rũcɥbɥobecɥ ñ yisere ajiaja mɥa. To bajiro ñ yise ajicõari, ¿no bajiro ñre yiroti ñati? —Ñ rãcanare yiyuju paia ɥju ñamasugũ.

To bajiro ñ yisere ajicõari, ado bajiro ñre cũdiyujarã:

—Rojose masu yicõami. Ñre s̄iacõaroti ñaja —yicũdiyujarã ñna.

⁶⁵ To yicõari, sigũri, Jesúre gooco eoreatuyujarã ñna. To yicõari, ñ cajere siabibecõari, ñre jayujarã. To yicõari,

—“Ñ, m̄are jaami' yũre yigotiami Dios”, yũare yiya mɥ —Ñre yia-jatud'iyujarã ñna.

Diore yirũcɥbɥoriavi coderimasa quēne, ñre jayujarã ñna.

“Jesúre masibeaja yɥ”, Pedro ñ yire queti

(Mt 26.69-75; Lc 22.56-62; Jn 18.15-18, 25-29)

66 Vi jubeaju Jesúre rojose ña yíñarone, macajájua ñacōañuju Pedro. To ñ narone, sígō, paia uju ñamasugäre moabosarimaso, ejayuju so. 67 Pedro ñ jea sūmañaro ñre ñacōari, ado bajiro ñre yiyuju so:

—Jesús, Nazaret macagu rāca vacudir'i ñagūja ma quēne —ñre yiyuju so.

68 To bajiro so yisere ajicōari, ado bajiro yiyuju Pedro:

—“Riojo yaja ma”, mare yimasibeaja ya. Mare ajimasibeaja —sore yiyuju Pedro. To bajiro yicōari, matariasāñiro sājariasoje ta vasuju Pedro. 69 To ñ ñasere ñacōari, quēna soje ta ñaräre ado bajiro gotiyuju so, moabosarimaso:

—Āni, Jesúrāca vacudir'i ñaami —yiyuju, ñnare gotigo.

70 To bajiro ñnare so yisere ajicōari, quēna, —ñre masibeaja ya —yiyuju Pedro.

To so yiro bero, to ñarā ado bajiro Pedrore yiyujarā ña:

—Riojo yaja. Jesúrāca vacudirügūgāne ñaja ma quēne. Ma quēne Galilea sitagu ñaja ma —Pedrore yiyujarā ña.

71 To bajiro ña yisere ajicōari, ado bajiro cūdiyuju Pedro:

—ñre masibeaja ya. Socu me yaja ya. Socabetimasucōaja. Dios, yure ajigūmi —ñnare yicūdiyuju Pedro.

72 To bajiro ñ yigajanorirñmarone, gājabocu juaji ñagōcōañuju yuja. ñ ñagōsere ajicōari, Jesús ado bajiro ñre ñ gotirere masibajayuju Pedro yuja: “Gājabocu juaji ñ ñagōroto rñjoro idiaji, ‘Jesúre masibeaja ya’ yiracūja ma” ñre ñ yirere masibajayuju. Tire masibajacōari, buto otiyuju.

15

Pilato tujū Jesúre ña ñmiejare queti

(Mt 27.1-2, 11-14; Lc 23.1-5; Jn 18.28-38)

1 Busurocacūse rāca bucārā, paia ujarā, to yicōari Dios ñ rotimasire gotimasiorimasa quēne, ujarā ñajediro tudirējañujarā ña. To bajicōari, Jesús āmorire siacōari, ñre āmiasujarā ña, Pilato vāme cutigu ya viju vana. To bajiri ñ ya viju Jesúre ñmiejayujarā ña. 2 Jesúre ña ñmiejarone, ado bajiro ñre sēñiñañuju Pilato:

—¿Mñe ñati jud'io masa uju? —ñre yiyuju Pilato.

To bajiro ñ yisere ajicōari, ado bajiro ñre cūdiyuju Jesús:

—Ma yirore bajirone bajiaja ya —ñre yiyuju Jesús.

3 To ñ yirone, paia ujarā,

—Cojo vāme me rojose yigu ñaami. Ado bajise rojose yimi —Pilatore yi ocasañujarā paia ujarā. 4 To bajiro Jesúre ña yi ocasāsere ajicōari, ado bajiro Jesúre sēñiñañuju Pilato:

—¿No yigu cūdibēati ma? ¿Cojo vāme me, rojose mare ña yisere ajibēati ma? —Jesúre yiyuju Pilato.

5 To bajiro ñre ñ yisēñiñaboajaquēne, ñre cūdibeticōañuju Jesús. ñ cūdibetire ñacōari, no yimasibesuju Pilato, ñre bajiro bajigure ñabetirügūr'i ñari.

“Jesúre sñaroti ñaja”, ña yire queti

(Mt 27.15-31; Lc 23.13-25; Jn 18.38-19.16)

6 Tocārāca cūma Pascua boserūma jud'io masa ña quēnojama, sígū tubibe ecor'ire ña burotigure ñnare bubosarügūñuju Pilato. 7 Tubiberiaviju ñarā, “Gobierno ñ rotiboasere cūdibeticōari, mani masu rotirāsa” yirā rācagu ñañuju Barrabás vāme cutigu. ñ babarā rāca rojose

yicōari, masare sīañuju ī. To bajiro ī yire vaja tubiberiavijū ñañuju ī. ⁸ To bajiri jājarā masa Pilato tujū ejacōari, ado bajiro ĩre sēniñujarā ĩna:

—Yũare m̄a yibosarūgūcatore bajiro yiya quēna —ĩre yisēniñujarā ĩna.

⁹ To bajiro ĩna yisere ajicōari, ado bajiro ĩnare sēniñañuju Pilato:

—¿Ñimũjare yũ busere bojati m̄a? ¿Jud'io masa yũjare yũ busere bojatique m̄a? —ĩnare yisēniñañuju Pilato. ¹⁰ “Jesũre ĩajūnisinirā ñari, yũ tũ ģmiejama” yitũoĩagũ ñari, ĩre burũ, to bajiro yiyuju.

¹¹ To bajiro ī yiboajaquēne, masare to rējarāre rĩjorojũne ĩnare ocasācōañujarā paia ujarā, “Barrabájũare burotito mani” yirā. ¹² To bajiri Barrabāre ĩna burotijare, quēna ĩnare tudisēniñañuju Pilato:

—To yijama, ¿no bajiro yiguti yũ, Jesũre, “Jud'io masa uju ñaami” m̄a yigujũarema? —ĩnare yisēniñañuju.

¹³ To ī yirone, ado bajiro ĩre avasācūdiyujarā:

—Yucútēroju ĩre jajusīaroticōaña m̄a —ĩre yiyujarā ĩna, Pilatore.

¹⁴ To ĩna yijare, ado bajiro ĩnare sēniñañuju Pilato:

—¿Ñie rojose ī yire sũori ĩre sīarotiguti yũ? —ĩnare yiyuju Pilato.

To ī yiboajaquēne, quēna butobusa tudivasāñujarā ĩna:

—Yucútēroju ĩre jajusīaroticōaña —yivasāñujarā ĩna.

¹⁵ To bajiro ĩna yijare, masa to rējarā ĩna bojarore bajiro yirũagu ñari, Barrabāre bucōañuju Pilato. Jesũjũarema, ĩsurarare ĩsiñuju, “ĩre bajecōari, yucútēroju jajusīato ĩna” yigu.

¹⁶ To bajiri ĩna ya vijũ, Jesũre ģmiejayujarā surara mesa. ĩre ģmiejacōari, ĩna jediro ĩre gānibiarūgũñujarā. ¹⁷ To yicōari, “Ujũre bajigu ñato” yirā, ujarā ĩna sãñarito ũnore, sũarivujorore Jesũre sãñujarā. To yicōari, ĩrujoa joere jotabedo ĩna suariabedone ĩre jeoyujarā. ¹⁸ To bajiro ĩre yicōari, ado bajiro ĩre yiajatud'iyujarā:

—Jud'io masa ujuere m̄are quēnarotiaja yua yuja —Jesũre yiyujarā ĩna.

¹⁹ To yicōari, yucú rāca ī rujoare jayujarā. ĩre jacōari, gooco ĩre eoreatuyujarā ĩna. To yicōari, “M̄are rucubũoaja” yiajatud'irā, ĩrĩjorojũa gũsomuniari tuetuyujarā. ²⁰ To bajiro ĩre yigajanocōari, ujarā ĩna sãñarito ũnore ĩna sãriarore ĩre veayujarā ĩna quēna. To yicōari, ĩsudiũa ĩre sãñujarā quēna. ĩre sudi sãgajanocōari, yucútēroju ĩre jajusīaroana, ĩre ģmiasujarā.

Yucútēroju Jesũre ĩna jajusīare queti

(Mt 27.32-44; Lc 23.26-43; Jn 19.17-27)

²¹ ĩre ģmivanane, sīgũ Cirene vāme cuti sitagu, Simón vāme cutigure, Alejandro, to yicōari, Rufo, ĩna jacũre bocayujarā. ĩre bocacōari, —Jesús ĩgaja vatijāire ĩre gajabosaya —ĩre yi vasujarā ĩna.

²² To yi vanane, Gólgota vāme cuti buroju ejayujarā ĩna. “Rujoco Buro” yire ũni ñañuju “Gólgota” yire. ²³ Toju ejacōari, uye ocore, mirra vāme cutise rāca vũocōari, Jesũre ĩre ioyujarā ĩna. “ĩre jūnise jūni ruyubeticōato” yirā, yiboayujarā. Idibesuju Jesũjũama. ²⁴ To yicōari, yucútēroju Jesũre jajutuyujarā ĩna. To yicōari, Jesús ye sudire bojarā, ado bajiro yiyujarā:

—Ñimũjũa āni sudi ĩ ujarũ ĩaĩarāsa mani —yiajeyujarā, gũtarine reacũĩaĩarāne. To bajiro yiajecōari, ĩye sudi gāmerā ĩsibatoyujarā ĩna.

²⁵ Muiju asitutuatiũa ĩre jajutuyujarā ĩna. ²⁶ Jesús ĩtuyaritērojũre ĩrujoa vecare ucaturiajũ tuyayuju. “Ado bajiro ĩyise sũorine jaju ecomi”, yĩorijũ ñañuju. Ado bajise gotiyuju: “Āni ñaami jud'io masa uju”, yigotiyuju ti.

27 Jesúrāca juarā, jaju ecoyujarā ĩna. Gajeyeūni juarudirimasa ñañujarā. Sīgāre Jesús riojojacatuare, gājirema ĩ gācojacatuajuare jajutuyujarā. 28 To bajiro Jesúre yiyujarā, Dios oca masa ĩna ucamasire, “ ‘Rojorā rācagu ñaami’ ĩre yīaruarāma masa”, Jesúre yimasire ñajare. 29-30 Masa rētoana, ĩna rājoiari yure, yure yiyujarā, “Jaju ecor’ire ĩre ĩateaja” yirā. To yicōari, ĩre ajatud’yiyujarā ĩna:

—“Diore yirācubūoriavire caguerocamasiaja yū. To yicōari, idiarūmu tūsatirūmūne buajeocōamasiaja”, yiboacaju mū. Socū me mū yijama, mū yimasise rāca mū masune yucátērojūre rujicoaya —Jesúre ĩre yiajatud’yiyujarā ĩna.

31 Paia ujarā, Dios ĩ rotimasire gotimasiorimasa quēne, to bajirone Jesúre yiajatud’i ñañujarā ĩna. Ado bajiro yiyujarā:

—Gājerārema catiogū ñaboarine, ĩ masu rojose ĩ tāmūoserema yirētomasibeami —yiajatud’i ñañujarā ĩna. 32 —“Rotimūorūgōrūcūmi” yigū, Dios ĩ cōagū, Israel ñamasir’i jānerabatia mani uju ñaami. To bajiri yucátērojūre rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud’yiyujarā. Juarā Jesúrāca yucátēroju jaju ecoriarā quēne, to bajirone Jesúre yitūd’yiyujarā ĩna.

Jesús ĩ ũsutadire queti

(Mt 27.45-56; Lc 23.44-49; Jn 19.28-30; He 9.1-28)

33 Ūmūrecaji ñarone, rētiacoasuju yuja. Idia hora rētiñañuju. 34 To cōro ti rētiatūsatone, jud’io masa ye rāca ado bajiro tutuaro avasāñuju Jesús:

—Eloi, Eloi, ¿lema sabactani? —yivasāñuju. (“Dios, yū jacū, ¿no yigū yure cāmotadiati mū?” yire ũni ñañuju ti.)

35 Sīgāri toju ñarā, to bajiro ĩ yivasāsere ajicōari, ado bajiro yiyujarā ĩna: —¡Ajiya mūa! Diore gotirētobosarimasū El’ias ñamasir’ire jigū yami —yiyujarā ĩna.

36 To bajiro Jesús ĩ yivasārone, sīgū, Jesús tū ũmaejacōari, ũye oco jiarere ñiabiacōari, yucú gajaju siatucōari, Jesús rise tūjūre ñumūotuyuju. To yigūne, ado bajiro ĩ rācanare yiyuju ĩ:

—Ñagōbesa mūa maji. El’ias ñamasir’i ānire ĩ rujiosere ĩato mani —yiyuju ĩ.

37 Tutuaro avasātusa, ũsutadicoasuju yuja. 38 Tirīmarone, Diore yirācubūoriavi yotoria gasero vorujijedicoasuju ti. “ ‘Dios ĩ ñarisōa’ vāme cuti sōare sājamasibeama masa” yirā, ĩna yotoria gasero ñañuju.

39 Jesús ĩ ũsutadiro, ĩ rījorojua ĩarūgōñuju surara ũjū. To bajiri Jesús ĩ ũsutadisere ĩacōari, ado bajiro yiyuju ĩ:

—Socabesumi. Dios macūne ñaboayumi āni —yiyuju ĩ.

40-41 Galilea sitaju Jesúre ũyavadiriarā rōmiri quēne sōju ĩarūgōñujarā. ĩna ñañujarā ĩ ejarēmoriarā. ĩna rāca ñañuju Mar’ia Magdalena. Gajeo Mar’ia vāme cutigo quēne ñañuju. Sone ñañuju Santiago Mojogū ĩna yigū, to yicōari, José vāme cutigu jaco. Gajeo, Salomé vāme cutigo quēne ñañuju. Gājerā jājarā ñañujarā Jesúre ũyavadiriarā rōmiri, Jerusalénju ĩ rijarere ĩariarā.

Jesúre ĩna yujere queti

(Mt 27.57-61; Lc 23.50-56; Jn 19.38-42)

42-43 Arimatea macagu, José vāme cutigu quēne, ñañuju. Jud’io masa ujarā rācagu, masa ĩna ĩarūcubūogū, “ ‘Rotimūorūgōrūcūmi’ yigū, Dios ĩ cōar’i ñaami”, Jesúre yitūoīagū ñañuju. Tirūmūjūama jud’io masa ĩna

us̄s̄s̄ajariar̄m̄ r̄joroagar̄m̄ r̄āiorotir̄m̄ r̄joroaca ñañuju. To bajiri José, Jesús ĩ rijatore ĩacōari, “Jesúre r̄ac̄ub̄oḡ ñaja ȳ” yit̄oĭatutuacōari, Pilatore s̄eniḡ vasuju, Jesús ruj̄ire āmir̄.^m

⁴⁴ Pilatojua, José ĩ s̄enisere ajicōari, “¿Socabeati? ¿J̄ere rijacoasujari ĩ?”, yit̄oĭañuju. To yiḡ ñari, surara ʉj̄re jiyuju. To bajiri ĩ ejarone,

—¿Rijamasucoati Jesús v̄ame cutiḡ? —Īre s̄eniñañuju ĩ.

⁴⁵ To ĩ yisere ajicōari, —J̄ere rijacoami —Īre yic̄diyuju ĩ, surara ʉj̄.

To ĩ yirone, José ĩ s̄enirore bajirone ĩre c̄diyuju Pilato. ⁴⁶ To ĩ yir'ĭ ñari, sudij̄iri botiqūenarij̄iri r̄aca Jesúre ĩ ḡumarotij̄ir̄ire vaja yicōari, ĩ ruj̄ire rujioḡ vasuju. Īre rujiocōari, ĩre ḡumañuju, tij̄iri r̄aca. To yigajanocōari, masa yujeriavi ḡtavi mame ĩ qūenorotiriavij̄i ĩ ruj̄ire cūñuju. To yicōari, ti vi sojere ḡtane t̄nuobibec̄u vacoasuju ĩ. ⁴⁷ Mar'ia Magdalena, to yicōari gajeo Mar'ia, José v̄ame cutiḡ jaco qūene, Jesús ruj̄ire José ĩ c̄uro ĩañañujar̄ ĩna.

16

Jesús ĩ tudicature queti

(Mt 28.1-10; Lc 24.1-12; Jn 20.1-10)

¹ ʉs̄s̄ajariar̄m̄ ti jediro, qūena moas̄oriar̄m̄ j̄ej̄uaca Mar'ia Magdalena, gajeo Mar'ia, Santiago jaco, to yicōari Salomé v̄ame cutigo qūene, s̄atiqūenase vaja yiyujar̄ ĩna, “Jesús ruj̄ire tur̄asa mani” yir̄. ² To yicōari, muiju ĩ busum̄jado, Jesús ruj̄ire ĩna yujeriavire ĩar̄a vasujar̄ ĩna. ³ Vanane,

—¿Ñim̄ ñar̄ojari, yujeriavi ḡta ĩna biberiare manire t̄nuogobosaroc̄u? —ḡāmer̄a yiyujar̄ ĩna.

⁴ Ejacōari, ĩna ĩajama, ḡta t̄nuo bibeboariaro mañuju. ⁵ Jairicaro ñañuju. To bajiri ti vi s̄ajacōari, siḡ āngel ĩ ruj̄isere ĩañujar̄ ĩna. Sudiro botiriase yoariase s̄añacōari rujiyuju riojojacat̄uaj̄are. B̄uto güiyujar̄ ĩna. ⁶ To ĩna bajirone, ado bajiro ĩnare yiyuju ĩ:

—Ḡuibesa m̄ua. Jesús Nazaret macaḡre, yuc̄t̄eroj̄ ĩna jajus̄īamasiḡre m̄ua macasere masiaja ȳ. Maami adoj̄re. Tudicaticoami. Īre ĩna c̄ūmasir̄j̄re ĩañ m̄ua. ⁷ Vasa m̄ua. ĩ buerimasare ado bajiro ĩnare gotiaya: “Mani r̄joro Galilea sitaj̄ varoc̄ ñañuju. Toj̄ ĩre tud̄īar̄ar̄aja mani, ĩ goticatore bajirone”, ĩnare yigotiaya m̄ua —ĩnare yigotiyuju āngel.

⁸ To ĩ yisere ajicōari, Jesúre ĩna yujeboariavij̄ budicōari, güir̄ ñari b̄uto nanañujar̄. To bajicōari, ḡj̄er̄e gotimenane ūmacoasujar̄ ĩna.

Mar'ia Magdalenare Jesús ĩ ruyuaĭore queti

(Jn 20.11-18)

⁹ Tir̄m̄, Jesús ĩ tudicatar̄m̄, ti semana ñas̄orir̄m̄ ñañuju ti. Busurij̄ j̄ej̄ qūena tudicaticōari, Mar'ia Magdalenare r̄joro ruyuaĭoñuju ĩ. Cojomo c̄oro gaje āmo j̄ua j̄enituarir̄ac̄u so us̄j̄ s̄añariar̄e v̄atiare ĩ bureario ñañuju so. ¹⁰ Jesús ĩ tudicatisere ĩacōari, ĩ buerimasare ĩre t̄oĭas̄utiriti otir̄are gotigo vasuju so. ¹¹ ĩna t̄u ejacōari ado bajiro yiyuju so:

—Qūena catiami Jesús. Īre ĩam̄ ȳ —ĩnare yiboayuju so.

So gotisere ajiboarine, “Riojo gotiamo”, yibesujar̄ ĩna.

^m 15:42-43 “ʉs̄s̄ajariar̄m̄re yir̄, ĩna moat̄asariar̄m̄ r̄āoato bero ñas̄oaja”, yir̄ḡũñujar̄ judío masa. To bajiri, qūenoveo jeoc̄ar̄ḡũñujar̄ ĩna us̄s̄ajarotir̄m̄ ejaroto r̄joro, tir̄m̄re “Moamenane us̄s̄ajac̄a ñar̄asa” yir̄ ñari.

12 Bero, i buerimasa juarã Jerusalénju budicõari ina vacudirone, inare ruyuaioñuju Jesús quëna. Gãjire bajigu ñacõari, inare ruyuaioñuju. To bajiri, ire ñamasibesujarã ina maji. 13 “Jesús ñaami” yĩamasicõari, tudiasujarã ina, gãjerã i buerimasare gotirã vana. Ina gotiboajaquëne, “Riojo gotiama”, yibesujarã ina quëne.

*“Ado bajiro yu oca masare gotimasioruarãja mua”, Jesús iyire queti
(Mt 28.16-20; Lc 24.36-49; Jn 20.19-23)*

14 To yiro bero, cojorãmu i buerimasa juaãmo cõro, gũbo coja jënituarirãcu ñarã ina barujiro, inare ruyuaioñuju Jesús quëna. Inare ruyuaioñuju, ado bajiro inare gotiyuju Jesús:

—Yu tudicatiro bero, gãjerãre yu ruyuaioñere ñacõari, muare ina gotiboasere, “Riojo gotiama”, yituoĩabeju mua. “Jere masiaja” yirãre bajiro tuoĩaboabu mua. Tuoĩavasoaruabeju mua —inare yigotiyuju Jesús. 15 To bajiro yicõari, quëna ado bajiro inare rotiyuju Jesús:

—Masa jedirore yu ocare inare goticudiruarãja mua, “Ajitirãnuato” yirã. 16 No bojagure, yu ocare ajitirãnucõari, oco rãca bautizarotigure, “Rojose maja” ire yĩacõari, rojose tãmuotujabetiriaroju i vaborotire ire yirëtobosarucuja yu. To bajiboarine, no bojagu yu ocare ajitirãnubecurema, rojose ñacõaruaroja ire. To bajiri rojose tãmuotujabetiriaroju varucumi i ùgũma —inare yigotiyuju Jesús. 17 —Yure ajitirãnurã, ado bajiro yiruarãma ina: Yure ajitirãnurã ñari, yu masise suorine masa usuriyu sãñarãre vãtiare burearuarãma. To yicõari, ina masibeti oca ñaboaserene ñagõruarãma. 18 Añare ina ñiaboajaquëne, to yicõari, oco jünise vuore ina idiboajaquëne, no bajibetoja inare. Diore sënicõari, rijarãre amo ñujeoruarãma. To ina yirone, caticoaruarãma —inare yiyuju Jesús.

*Dios i ñaroju Jesús i mujare queti
(Lc 24.50-53)*

19 To i gotiro bero, Dios i ñaroju mani uju Jesúre ãmimuja vasuju Dios. Ire ãmimuja ejacõari, riojojacatuajuare ire rojoyuju Dios. 20 To i mujaro bero, masa ñajedirore Dios oca goticudirã vasujarã ina Jesús i buerimasa yuja. To bajiro ina goticudisere ñacõari, mani uju Jesús inare ejarëmoñuju, “Inare quënarõ ajitirãnuato” yigu. To bajiri i ejarëmose rãca ñaiañamani masare yĩioñujarã ina quëne.

To cõrone ñaja.

Evangelio según SAN LUCAS

¹ Teófilo, ¿ñaboati m̄? Jesús ĩ bajire queti m̄re ucabosaḡu yaja ȳ. Jājarā masa Jesús ĩ bajire quetire ucayuma ĩna. ² Jesús buerā, ȳare ĩna goticatore bajirone ucayuma. ³ To bajiri, ȳ quēne, ti queti jedirore quēnaro buecōari, tire m̄re ucabosaḡu yaja ȳ. ⁴ “Ti quetire quēnaro masijeocōato” yiḡu, m̄re ucabosaja.

Oco rāca masare bautizarimas̄ Juan vāme cutiḡu, ĩ ruyuarē

⁵ Judea sitana ̄j̄, Herodes vāme cutiḡu ĩ ñarirodo ñañujarā Zacar'ias, ĩ manajo Isabel vāme cutigo rāca. Zacar'ias, Ab'ias ñamasir'i jānami ñari, pai ñañuju ĩ. ĩ manajo quēne pai, Aarón ñamasir'i jāneño ñañuju so. ⁶ Dios ĩ ĩajama, quēnarā ñañañujarā ĩna j̄arāj̄une. ĩ rotirore bajirone yiyujarā ĩna. Masa quēne, “Rojose yirā ñaama ĩna”, ĩnare yimasibesujarā. ⁷ Rīa mana rīne bucūrā ñacoasujarā ĩna. B̄to rīa cutiruar̄ḡūboayujarā, bajirāj̄uma.

⁸⁻⁹ Cojor̄m̄ Diore yir̄uc̄b̄oriavij̄u moañañuju Zacar'ias, ĩ yarā rāca. ĩna yir̄ḡūriarore bajiro yiyujarā: “Ñim̄j̄na ‘Dios ĩ ñarisōa’ vāme cuti sōaju ĩ s̄jaro ĩañarāsa mani” yirā, reacūñañujarā, ḡutarine. To yigajanocōari, “Zacar'ias ñaami, tisōaju s̄jaroç̄u” yimasicōari, ĩre s̄jaroṭiyujarā ĩna.

—Quēnase sutisere bueaya m̄ —ĩre yiyujarā ĩna.

To bajiri, tisōaju s̄jaejacōari, bueyuju ĩ, Zacar'ias. ¹⁰ Tire ĩ buetoyene, macaj̄ju ñacōari, jājarā masa Diore sēniñañujarā ĩna. ¹¹ To bajiri quēnase sutise ĩ bueñarone, ĩ bueñaricasabo riojocat̄aj̄uare ruyuar̄ḡūñuju ángel. ¹² To ĩ bajirone ĩre ĩaucacoasuju Zacar'ias. To bajicōari, b̄to ĩre ḡūiyuju. ¹³ To ĩ bajirone, ado bajiro ĩre gotiyuju ángel:

—Ȳre ḡuibesa m̄. Dios ĩre m̄ sēnir̄ḡūserē m̄re ajiami. To bajiri, ado bajiro m̄re yicōami: “Mac̄u cutir̄ocomo so, ĩ manajo. Juan ĩre vāme yato”, m̄re yimi Dios —ĩre yigotiyuju ángel.

¹⁴⁻¹⁷ To yigajano, ado bajiro ĩre gotir̄ūtuasuju, Zacar'iare, ĩ mac̄u ñaroc̄u ĩ bajiroṭire gotiḡu:

—M̄ mac̄u ñaroc̄ure Juanre ĩre ĩacōari, “Ȳre quēnaro r̄uc̄b̄uoc̄ami”, yir̄uc̄ami Dios. Ado bajiro bajir̄uc̄ami m̄ mac̄u: ĩ jacore s̄ñaḡūj̄arene, Esp'iritu Santore cōar̄uc̄ami Dios, Esp'iritu Santo ĩ ejarēmose rāca t̄oñacōari, Dios ĩ bojarore bajiro Juan ĩ yir̄ḡūrotire yiḡu. Masa rojose ĩna t̄am̄oborotire ĩnare yir̄ētosacōari, “Rotim̄or̄ḡōr̄uc̄ami” yiḡu, Dios ĩ cōaroc̄u, Cristo ĩ ruyuaroto r̄joro ruyuar̄uc̄ami m̄ mac̄u. ĩdire mec̄osere, to yicōari, vinore quēne idibetir̄uc̄ami. ĩ suorine jājarā Dios ĩ bojarore bajiro tudit̄oñar̄ama Israel ñamasir'i jānerabatia. Diore gotir̄ētosamasir'i El'ias vāme cutimasir'ire bajiro masare ḡūit̄oñabec̄une gotimasīor̄uc̄ami. Jac̄ua ĩna r̄iare “Tudimaiato ĩna” yiḡu, gotir̄uc̄ami. Diore ajimena, “T̄oñavasoato ĩna” yiḡu, to yicōari, “Rotim̄or̄ḡōr̄uc̄ami” yiḡu, Dios ĩ cōaroc̄ure Cristore yurā, quēnase ĩna t̄oñavasoarotire yiḡu, to bajiro yir̄uc̄ami. To bajiro yiroç̄u ĩ ñajare, ĩ ruyuaro b̄to variquēnar̄uc̄ija m̄. Jājarā masa b̄to variquēnar̄ar̄ama, buç̄uac̄u to bajiro ĩ gotisere ajicōari —Zacar'iare ĩre yigotiyuju ángel.

¹⁸ To ĩ yirone, ado bajiro ĩre yic̄adiyuju Zacar'ias:

—¿No bajiro mu yisere ñacōari, “Riojo yami”, mure yimasirucuaada yu? Rĩa mana bajaia yua. Jere bucuo ñaamo yu manajo. Yu quēne bucū ñaja yu —ire yiyuju, ángeljuare.

¹⁹ To bajiro i yijare, ado bajiro ire gotiyuju ángel:

—Diorācagu ñaja yu, Gabriel vāme cutigu. “Quēnase queti gotiaya” yigu, yare cōami. ²⁰ To bajiri mure yu gotirore bajiro bajiruarōja. Adire yu gotisere quēnaro ajiya mu: Yu gotisere “Bajibetoja” mu yitōiajama, ñagōbecu ñacoarucuja mu. Mu macu i ruyuarō bero tudiñagōcoarucuja mu, bajigujama —Zacar'iare ire yigotiyuju, ángel.

²¹ To ña gāmerā yīñaro ūnone, macajūmu Zacar'iare yucōa ñañujarā ña. Yubusaboana, “¿No yigu to cōro yoaro bajiatī?”, yitōiañujarā ña. ²² To ña yīñarone, budicoayuju i yuja. ña tujare budiejacōari ñare gotimasibesuju, ñagōmasibecu ñari. To i bajisere ñacōari, “Diore yirucubhoriovijū Dios i ruyuaosere ñar'i ñari, bajiami”, yimasicōañujarā ña. ñare gotimasibeticōa tujasuju i. To bajiro bajigu ñari, i āmorine i bajirere ñare gotiyuju.

²³ Diore yirucubhoriovijū i moarūgūrere moagajanocōari, i ya vijū tudicoasuju i yuja. ²⁴ To i baji tudiejato bero, gūda ñacoasuju so, i manajo, Isabel vāme cutigo. To bajiri cojomocārācu muijua cōro vi budibeco bajiñañuju so. ²⁵ To bajiñagōne, ado bajiro yitōiañuju so: “Rĩa manicoad-icajū yu. To bajiri buto bojonerūgūcajū yu. Yucurema Dios yare ñamaicōari, quēnaro i yijare, gūda ñaja yu yuja”, yitōia variquēnarūgūñuju so.

Jesús i ruyuarotire ángel i gotigu ejare queti

²⁶ Isabel vāme cutigo cojomo cōro, coja jēnituarirācu muijua, gūda so ñatasato, quēna gaje queti ire gotirotiyuju Dios, ángel Gabriel vāme cutigure. Galilea sita, Nazaret vāme cuti macaju ire cōañuju Dios. ²⁷ Toju ñañuju so, Jesús jaco ñaroco, Mar'ia vāme cutigo. Mamo, ūmua rāca ñabeco ñañuju so. Ūjū David ñamasir'i jānami, José vāme cutigu manajoroco ñañuju so. ²⁸ To bajiri Gabriel, so tu ejacōari, ado bajiro sore yiyuju:

—¿Ñaboati mu? Gājerā rōmia rētoro quēnaro mure yigu ñari, quēnaro mure codeami Dios —Mar'iare yigotiyuju i.

²⁹ To i yirone, tire ajicōari, buto tōiārejaiyuju so: “¿No yigu to bajise yare yati i?”, yitōiārejaiyuju so. ³⁰ To bajise so yitōiārone ado bajise sore gotiyuju i, Gabriel:

—Yu gotisere tōiārejaibesa mu. Buto mure maiami Dios. ³¹ Yu gotisere quēnaro ajiya. Gūda ñarucōja mu. To bajicōari, macu cutirucōja mu. Macu cuticōari, Jesús ire vāme yirucōja mu. ³² Masigū ñarucami mu macu. Mu macure, “Yu macu ñaami”, ire yirucami Dios. I ñicu, David vāme cuticacu, “Israel ñacacu jānerabatia ūjū ñaña mu” yigu, ūjū ire cūcamu Dios. Ire i cūcatore bajirone mu macure quēne ūjū ire cūrucami i. ³³ To bajiri Israel vāme cuticacu jānerabatiare rotimorogōrucami mu macu. I rotise jedibetiruarōja ti —Mar'iare sore yigotiyuju i ángel.

³⁴ To i yisere ajicōari, ado bajiro ire sēñiñañuju so:

—Ūmua rāca yu ñabetiboajaquēne, ¿no bajiro yare bajiroti ti? —Ire yisēñiñañuju so.

³⁵ To so yisēñiarone, ado bajise sore yigotiyuju i:

—Dios i rotise rāca gūda ñarucōja mu. Esp'iritu Santore mu tujū ire cōarucami. To bajiri mure ejacōari, mure macu yirucami i. To bajiro mure i yijare, mu macu ñarocure, “Quēnagū, quēnaro yigu, Dios macu ñaami”, ire yimasiruarāma. ³⁶ Mu yo Isabel vāme cutigo quēne bucuo ñaboarine,

macu sãñagõ ñaamo so. Cojomo cõro coja jēnituarirãcu muijua jēre guda ñatusajamo so, rĩa magõ ñna yiboacacone. ³⁷ Dios quēnaro sore i yijare, bajiamo so. Disejuane Diorema josase maja. Ī yimasise rĩne ñacõaja. To bajiri bajiamo. Mu quēne, to bajirone bajiruocoja mu —Mar'iare yigotiyuju ĩ.

³⁸ To ĩ yisere ajicõari, ado bajiro yiyuju so:

—Dios ĩ rotirore bajirone yiruocoja yu. To mu yirore bajirone yure yato Dios —yiyuju so, Mar'ia, ángeljuare.

To so yiro bero, vacoasuju ĩ, ángel Gabriel vãme cutigu.

Isabel tujū Mar'ia so ñagõ vare queti

³⁹ Tiju bero, gajeyeũni quēnosãjeo, guaro vacoasuju so, Judea sita buto buri jairoju, Isabelre ñagoaco. ⁴⁰ Toju ejacõari, Zacar'ias ya viju sãjaejacõari, ĩ manajore sēniñaju so. ⁴¹ To so yiro ajicõari, so gudajoa sãñagũ sũca yuguiyuju ĩ. ⁴²⁻⁴³ To ĩ yirone, Esp'iritu Santo ĩ ejarēmose rãca tũoĩacõari, ado bajiro Mar'iare gotiyuju Isabel:

—Yu uju jaco ñaroco ejaja mu. Buto quēnaro mare yiyumi Dios. Mu macu ñarocure quēne, buto quēnaro ĩre yiruacumi. Ñamasugõ me yu ñaboajaquēne, yure ñagõ ejaja mu. ⁴⁴ Yure mu sēniñarone, yu gudajoa sãñagũ sũca variquēnagã, yuguiami. ⁴⁵ “Dios ĩ goticõariarore bajiro bajiruocoja yu” yitũoĩagõ ñari, variquēnaja mu quēne —Mar'iare yiyuju Isabel.

⁴⁶⁻⁴⁹ To bajiro so yirone, variquēnagõ ñari ado bajiro yiyuju Mar'ia:

—Ī bojarore bajiro yirua tũoĩagõ ñaboarine, ñamasugõ me yu ñaboajaquēne, yure ĩamaicõari quēnaro yami Dios. To bajiro yure ĩ yise ñajare, “Ñie rojose mano yure yirētosarũgũgũmi”, Diore ĩre yivariquēnaja yu. Buto quēnaro yami Dios, ĩ bojarore bajiro quēnaro yu yirotire yigu. ĩ ñagũmi masijeogu. Quēnaro yigu ñagũmi. To bajiro quēnaro yure ĩ yise ñajare, “Quēnaro sore yiyumi Dios”, yure yirũgũrũarãma masa ñajediro.

⁵⁰ ĩre rucubũorãre ĩamaicõari, quēnaro yirũgũgũmi Dios. To bajirone yicõa mũorũgõrucumi.

⁵¹ “Gãjerã rētoro masirã ñaja yua” yitũoĩarã, no bojase ñna yiruaboasere ĩnare yirotibesumi Dios.

⁵² Ujarãre ñamasurã ñna ñaruaboasere ĩnare ñarotibeticõari, ñamasumenajuare, “Ñamasurã ñato”, yiyumi.

⁵³ Ñie manare quēnasere ĩnare cõaboarine, gajeyeũni jairãrema ĩnare cõabesumi.

⁵⁴⁻⁵⁵ Adire masiritibecu ñari, to bajiro yiyumi: Mani ñicu, Abrahamre, ĩ beroanare quēne, “Mũa masare, mũa jãnerabatiare quēnaro yicõa ñarucũja yu”, ĩnare yigotimasifũju Dios. Tire masiritibecu ñari, to bajiro yiyumi —Isabelre yigotiyuju Mar'ia.

⁵⁶ Idiarã muijua sore baba cutiñaboa, so ya viju tudicoasuju Mar'ia.

Juan vãme cutigu, masare oco rãca bautizarimasu, ĩ ruyuaru

⁵⁷ Mar'ia so tudiato bero, macu cutiyuju so, Isabel. ⁵⁸ So macu cutisere ajicõari, “Quēnaro sore ejarēmogũ yiyumi Dios”, yitũoĩañujarã ñna, so yarã, so tuana quēne. To bajiro yitũoĩarã ñari, sore variquēna ejayujarã ñna.

⁵⁹ ĩ ruyuaru bero, cojomo cõro, idia jēnituarirũmari ĩ cõtũsato, ĩ tujure ejayujarã masa, ñna yirũgũriarore bajiro sũcare circuncisiõn yirã ejarã. To yicõari,

—Ī jacu vāmene ĩre vāme yito mani —yiboayujarā ĩna.

⁶⁰ To ĩna yiboajaquēne, jacojuama,

—Bajibeaja. Juan vāme cutiami —ĩnare yicōañuju so.

⁶¹ To so yiroy ajicōari,

—Mu ya jūnana ti vāmere vāme cutibeticoayuma —sore yiyujarā ĩnajuama.

⁶² To yicōari, Zacar'iare, ĩna āmorine ado bajise ĩre sēniñañujarā:

—Mu macure, ¿No bajise ĩre vāme yiruati mu? —ĩre yisēniñañujarā ĩna.

⁶³ To ĩna yijare, ñagōbecu ñari, ucarijāi sēniñuju Zacar'ias. Tijāire āmicōari, “Juan vāme cutiami, yu macu”, ĩnare yiuca ĩoñuju ĩ. Ti ũnre ĩabetirūgūriarā ñari, no yimasibesujarā ĩna yuja. ⁶⁴ Tirīmarone, tudīñagōcoasuju Zacar'ias quēna. To bajicōari, “Quēnamasucōaja”, Diore yivariquēnañuju. ⁶⁵ Ti quetire ajicōari, buto gūiyujarā ĩna tuana ñajediro, ti ũnre ajibetirūgūriarā ñari. Judea sitana burori cutoana jediro ti quetire gāmerā gotibatoyujarā ĩna. ⁶⁶ ĩna gotibatosere ajicōari, Zacar'ias macure Dios ĩ ejarēmose ñajare, “¿Bucucacu, no bajiro yigu ñariquīda?”, yituoñañujarā.

Zacar'ias ĩ basare queti

⁶⁷ Cojorūmu Esp'iritu Santo ĩ ejarēmose rāca Diore gotirētosagu, ado bajiro basayuju Zacar'ias:

⁶⁸⁻⁷⁵ —Tirūmūju ado bajiro Diore gotibosamasiñujarā ĩre gotirētosamasiriarā: “Sīgū, Ūju David ñamasir'i jānami, mua jānerabatiare ejarēmogū ruyuarucumi. Ruyuacōari, mua jānerabatiare ĩaterimasa suorine rojose ĩna tāmūoborotire ĩnare yirētososarucumi”, Diore yigotirētosamasiñujarā ĩna. Ado bajiro mani ñicure gotimasiñuju Dios: “Yu goticatore bajiro mure, mua jānerabatiare quēne ĩamaicōari, quēnaro ĩnare yicōa ñarucuja”, manire yigotimasiñuju Dios. Mani ñicure, Abraham vāme cutimasir'ire quēne ado bajiro gotimasiñuju Dios: “Yu ñaja Dios. Riojo mure gotiaja yu. Mu jānerabatiare gājerā ĩna ĩatese suorine rojose ĩna tāmūoborotire ĩnare yirētososarucuja yu. ĩnare gūimenane, yu bojarore bajiro ‘Yimasiato ĩna’ yigu, to bajiro yirucuja yu. Adire masiritibetirucuja yu. To bajiri, ĩna catiñaro cōro ‘Yuare ĩagūmi Dios’ yimasiritimenane, yu bojarore bajiro quēnaro yirūgūrarāma”, yigotimasiñuju Dios. To bajiri, ĩre gotirētososarimasa, ĩna gotimasiriarore bajiro, to yicōari ĩ masune ĩ gotimasiriarore bajirone yiguagu yigūmi Dios yuja. Yoaro mene adi macarucuroju vadicōari, ĩre ajitirūnarāre rojose mani tāmūoborotire yirētososaguagu yigūmi. To bajiro yirocu ĩ ñajare, “Quēnaro yaja mu”, Diore ĩre yivariquēnato mani —yibasavariquēnañuju Zacar'ias.

⁷⁶⁻⁷⁹ To yigajanocōari, “Ado bajiro yirocu ñaja mu”, ĩ macure yibasavariquēnañuju Zacar'ias:

—Yoaro mene ejarucumi mani ũju, “Rotimūorūgōrucumi” yigu, Dios ĩ cōarocu. To bajiro ĩ bajiroti rījoro ñajare, “Rojose mua yirūgūsere yitujacōari, quēnasejuare tuoĩavasoaya mua, ĩre yurā”, yigotimasiorocu ñaja mu. To bajiro mu yisere ajicōari, tuoĩavaso yuñarāre ĩamaicōari, quēnaro yigu ñari, ĩ rāca quēnaro ñacōari, “Ī bojarore bajiro quēnaro yirā ñato” yigu, ĩ yere masimenare ĩnare gotimasiocōari, rojose ĩna tāmūoborotire ĩnare yirētososarocure cōarucumi

Dios. To bajiro yigoti rįjoro cutirotocu ma ñajare, “Masirëtogüre Diore gotirëtobosarimasu ñaami”, mure yįaruarāma masa, —ĩ macure Juanre yibasavariquēnañuju Zacar’ias.

⁸⁰ Yucá manojų bųcųayuju Juan vāme cutigu. Bųcųarūtuacųne, Dios ĩ bojarore bajiro quēnaro yigu ñarūtuasuju ĩ. Masare ĩ gotimasiorotirāmų ti ejaroto rįjoro, yucá manojųre ñarūgūñuju.

2

Jesús ĩ ruyuare queti

(Mt 1.18-25)

¹ To bajiro bajįnarirodojųre masa ñajediro ųju, César Augusto vāme cutigu, ĩ rotirimacarime ñarāre, “Ado cōro ñaama” yimasiru, ĩna vāmere ucaturotisuoyuju ĩ. ² ĩre rotibosarimasų, Cirenio vāme cutigu Siria sitana ųju ĩ ñarirodore masa vāmere ucaturotisuoyuju César. ³ To bajiri, masa ñajediro, ĩna ñicua ĩna ñamasiriarojų vāme ucaturotirā varoti ñañuju.

⁴ To bajiri, José quēne, Galilea sitajųre ñarimaca Nazaret vāme cuti maca ñar’i, Judea sita Belén vāme cuti macajųre vasuju. Ti macajų ruyuamasiñuju ĩ ñicu ñamasir’i, Ғju David. To ĩ bajimasire ñajare, tojų vasuju, José, Mar’ia rāca ĩna vāmere ucurotiguacu. ⁵ ĩere so jacųare sēnicōañuju ĩ. To bajiro yir’i ñari, so rāca vasuju José. “Macų cutirųocomo” Dios ĩ yirio ñari, gųda ñañuju so. ⁶ To bajiri Belén vāme cuti macajų ĩna ejaro, so macų cutirotirāmų ejayuju ti. ⁷ To bajiro sore ti bajijare, vacudirā ĩna cānirivi ĩna ñarotijųre sēniboayujarā ĩna. Masa jųmųcōañujarā, ti vire. To bajiri, vaibųcųrāre bare ecariavijų ejayujarā ĩna yuja. Tojų Dios macųre macų cutiyuju Mar’ia. To yicōari, sųcare sudigaserorine ĩre gųmañuju so, jud’io masa ĩna yirųgųriarore bajiro yigo. To yicōari, cānijesariaro ti manijare, vaibųcųrāre bare ecariacorojų so macųre sāñuju so.

Oveja coderimasa Jesús ĩ ruyuasere ángel ĩ gotire queti

⁸ Belén maca tų ñañujarā ĩna, oveja coderimasa. Ñamire ĩnare ĩatirųnųñañujarā ĩna. ⁹ To ĩna bajirone, ĩna tųjųre ruyuarųgųñuju sįgų ángel, Diore moabosagų. To ĩ bajirone, ĩna tųjų bato busubatoyuju, “ ‘Dios macų ruyuagųmi’ yįamasiato ĩna” yigu. To bajiro ti bajijare, oveja coderimasa bato gųiyujarā ĩna. ¹⁰ To ĩna bajirone, ado bajiro yiyuju ángel:

—Gųibesasa mųa. Masa ĩna ĩavariquēnarotire yigu, quēnase queti mųare gotigu bajiaja yų. ¹¹ Ғju David ĩ ruyuamasicati macajųre, masa rojose ĩna yise vaja ĩnare vaja yibosarocu, yucųne ruyuami. ĩ ñaami mani ųju, “Rotimųorųgōrųcųmi” yigu, Dios ĩ cōagų. ¹² Ado bajiro bajįñagųre ĩre bųjamasiruarāja mųa: Vaibųcųrāre bare ecariavijų ñagųmi. Tojų sudigaserine gųmacoar’i, vaibųcųrāre bare ecariacorojų sāñagųmi ĩ. Tojų ñagųre ĩre ĩabųjacōari, “ĩne ñaami”, yimasiruarāja mųa —ĩnare yigotiyuju ángel.

¹³ To ĩ yįñarirįmarone, gųjerā ángel mesa jįjarā ruyuayujarā ĩna. Ruyuacōari, ado bajise Diore ĩre basavariquēnañujarā ĩna:

¹⁴ —Dios ō vecagų quēnarëtogų, to yicōari, masirëtogų ĩ ñajare, quēnaro ĩre yito mani. Dios ĩ ĩavariquēnarā ĩ rāca quēnaro ñato ĩna —yiyujarā ĩna ángel mesa.

¹⁵ To yigajano, tudicoasujarā ĩna, ō vecajų, Dios ĩ ñarojų. ĩna tudiatro bero,

—Dios manire ĩ queti cōarere ajaia mani. To bajiri, Belénju vaĭato mani —gāmerā yiyujarā ĩna oveja coderimasa.

Oveja coderimasa Jesúre ĩna ĩarā vare queti

¹⁶ To bajiro gāmerā yigajano, guaro vacoasujarā ĩna yuja. Toju ejačōari, Josére, Mar'iare ĩnare ĩabujayujarā ĩna. Sūcare quēne vaibucārē bare ecariacoroju sãñagūre ĩre ĩabujayujarā. ¹⁷ ĩre ĩabujacōari, ángel ĩnare ĩ gotirere to ñarāre ĩnare gotiyujarā. ¹⁸ To ñariarā jediro, ĩna gotisere ajicōari, no yimasibesujarā, ti ũnire ajibetirūgūriarā ñari. ¹⁹ Mar'iajuama ñagōbesuju so, oveja coderimasa ĩna gotisere ajicōari. To bajiboarine, sūca ĩ bajisere buto tuoĭañuju so masuriojuma. ²⁰ To bajiri oveja coderimasa ti quetire gotigajano, tudicoasujarā ĩna. Tudianane, ado bajise Diore ĩre yivariquēna tudiasujarā ĩna:

—Dios manire ĩ queti cōare, riojo ñañuja ti. Masirētogū, to yicōari, quēnarētogū ñagūmi Dios —ĩre yivariquēna vasujarā ĩna.

Diore yirūcubūoriaviju, Jesúre ĩna āmiatone, Simeón vāme cutigu Jesúre ĩ ĩare queti

²¹ Sūca cojomo cōro idia jēnitarirūmuri ĩ ruyuariaro bero ti tusato, circuncisión ĩre yiyujarā. To yicōari, Jesús ĩre vāme yiyujarā ĩna, sūcare. Mar'ia gūda so ñaroto rĭjorojune ángel sore ĩ vāme yirotiarore bajirone ĩre vāme yirā yiyujarā ĩna.

²²⁻²⁴ To ĩna yiriaro bero, Jerusalénju vasujarā ĩna. Moisés ñamasir'ire Dios ĩ roticūmasirere cūdirā bajiyujarā ĩna. Ado bajise roticūmasiñuju ĩ: “Sūca ĩ ruyuaro bero, juarā masa cōro ñarirūmuri bero, buja mūa ecariarāre ĩsima, paiare. Mūa cūbetijama, vaja yicōari, ĩsima, ‘ĩnare soemuoato’ yirā. To bajiro yiba, yare rūcubūorā. To bajiro mūa yijama, sūca ĩ ruyuaroto rĭjoro yare yirūcubūoriavi mūa sājārūgūriarore bajirone sājamasiruarāja mūa quēna. Mūa ĩsijama, buja mame bucuarāre ĩsiruarāja mūa. Ūmū, rōmio, to cōrone ĩsiruarāja mūa. Buja mame bucuarā ĩna manijama, juarā bujare bajirā ñarācare ĩsiruarāja mūa”, yirotimasiñuju Dios. Gajeye ado bajiro yirotimasiñuju Dios: “Mūa macū ruyuasogure, paiare ĩorā, ĩre āmivuarāja mūa, ‘Dios yū ñaami’ yĭorā”, yirotimasiñuju Dios. To bajise Dios ĩ yirotimasire ñajare, Jesúre āmivasujarā, paiare ĩroana.

²⁵⁻²⁶ To bajiri Jerusalénju ejačōari, Diore yirūcubūoriavijure vasujarā ĩna. Tojūre ñañuju Simeón. Diore quēnaro ajirūcubūogu, ĩ rotimasirere quēnaro cūdigu ñañuju ĩ. “ ‘Rotimūorūgōrūcūmi’ yigu, Dios ĩ cōarocū, Cristo, ĩsrael jānerabatiare, yū yarāre ejarēmōrūgūrūcūmi ĩ, ‘Quēnaro ñato’ yigu” yitūoĭagū ñari, ĩ ejarotire yugu bajicōa ñañuju ĩ. Dios ĩ cōagū Esp'iritu Santo ĩ ejarēmose rāca tuoĭagū ñañuju ĩ. To bajiro bajigu ñari, cojorāmu ado bajise tuoĭañuju: “Yū bajirocaroto rĭjoro, ‘Rotimūorūgōrūcūmi’ yigu, Dios ĩ cōarocare Cristore ĩarūcūja yū”, yitūoĭañuju Simeón. ²⁷⁻²⁹ Cojorāmu Esp'iritu Santo Dios ĩ cōagū ĩre ĩ ejarēmose rāca tuoĭamasicōari, Diore yirūcubūoriaviju sājajecoasuju ĩ. Tirāmune Jesúre āmiejayujarā José, ĩ manajo rāca. To ĩna sājajearone, ĩna macure bocaāmicōari, ado bajise Diore yigotiyuju ĩ, Diore variquēnagū:

—Yū ujū, jēre yū ĩaruarūgūcacure yare mū goticatore bajirone ĩre ĩacōaja yuja. To bajiri, variquēnaja yū. Yū bajirocacoajama, quēnacōaroja yuja.

30-31 Īre ajitirūnarā rojose yua tām̄oborotire yuare yirētobosarocure mu cōar'ire Īre Īacōaja jēre.

32 Ī suorine “Israel jānerabatiare quēnaro yiyumi Dios” yimasicōari, Diore masiruarāma Israel jānerabatia me n̄arā quēne —yiyuju Simeón.

33 José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani macu ĩ bajirotire quēnaro goti r̄ijoro cutimasiامي” yirā. 34-35 To yicōari, quēnaro Dios ĩnare ĩ yirotire ĩnare n̄ubuejeoyuju Simeón. To yigajano, Jesús ĩ bajirotire ado bajiro sore gotiyuju quēna, Mar'iare:

—Quēnaro ajiya mu. “Israel n̄amasir'i jānerabatia, Dios ĩ bojasere quēnaro masiatio” yigu, āni sūcare cōañumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yijare, ĩnare Īacōari, “‘Diore rūcub̄orā n̄aja yua’ yigotiboarine, ĩre terā n̄aama”, yimasiruarāma gājerāju. Īre tud'irāma, ĩna rijato beroju rojose tām̄otujabetiriaroju vajedicoaruarāma ĩna. To bajiboarine gājerājuama, jājarā, ānire ajitirūnacōari, Dios yarā n̄acoaruarāma ĩna, rojose tām̄otujabetiriaroju vaborona. M̄ȳama, āni mu macu ĩ bajirotire b̄uto sutiritir̄ucoja mu — Jesús jacore yiyuju Simeón.

36-37 To ĩ yiro bero, Diore yirūcub̄oriavijare n̄añuju Ana vāme cutigo. Aser n̄amasir'i jāneño n̄añuju so, Fanuel maco. Diore gotirētobosarimaso n̄añuju so quēne. So manaju cutiboar'i, cojomo cōro jua jēnitarirāca cūmari so rāca n̄atusacune, sore bajirocaveocoasuju. To ĩ bajiveorio s̄igōne n̄acōarūgūñuju so. To bajiñagō r̄ine, ochenta y cuatro cūmari cūotusasuju. Diore yirūcub̄oriavijū n̄acōari, so quēne Diore ĩre rūcub̄oogo, ĩre so sēnirūm̄ari bare babetirūgūñuju so. 38 Simeón ĩnare ĩ gotiñarone ĩna t̄ȳju ejayuju so Ana. ĩnare ĩ gotisere ajicōari, “Quēnaro yiyuja mu”, Diore ĩre yivariquēnañuju so. To yigajanocōari, “Rotim̄orūgōr̄ucami” yigu, Dios ĩ cōarocure, “Jerusalén macana quēnaro n̄ato” yigu, ĩnare yirētobosarocure ĩ ejarotire tuoia yuñarāre, “Jēre ruyuyumi”, ĩnare yigotibatoyuju Ana.

Nazaret vāme cuti macaju ĩna tudiare queti

39 José, to yicōari, Mar'ia quēne Moisés n̄amasir'ire Dios ĩ roticūmasiriarore bajirone yigajanocōañujarā ĩna. To bajiri, Galilea sitare n̄arimaca, Nazaret vāme cuti macaju Jesúre ĩre āmitudiasujarā ĩna. 40 To baji tudieja, ti macaju n̄acōañujarā ĩna. Toju b̄uc̄ayuju Jesús. Quēnaro masirūtuasuju, ĩ b̄uc̄arūtuatore bajirone. To bajicōari, ruju tutuaquēnagū n̄arūtuasuju ĩ. To bajiro ĩ bajiñarore ĩre yirēm̄orūgūñuju Dios.

Diore yirūcub̄oriavijū Jesús ĩ tujare queti

41 Nazaretju Jesús ĩ n̄atoye, Jerusalénju tocārāca cūmane Pascua boserūmu ĩarā varūgūñujarā ĩ jacua. 42 To bajiri juaāmo cōro, gubo jua jēnitaro n̄aricūmari t̄usac̄ju, Pascua boserūm̄are ĩaḡuacu, ĩ jacua rāca vasuju Jesús. 43-45 Boserūmu ĩagajano, ĩna tudirirūmu, “To bajigūmi” yimasifna manone, tojune tujacoasuju Jesúyama. To ĩ bajiboajaquēne, “Gājerā rāca baba cutivagu bajigūmi”, yit̄oīacōañujarā ĩ jacuyama. To bajiro ĩna yit̄oīa vaboajaquēne, r̄aioriju ĩna t̄ȳjure ejabesuju. To bajiro ĩ bajijare, ĩna yarāre, ĩna rāca vanare, ĩna masirāre sēnīacudīboayujarā ĩna. “Maami”, yicōañujarā ĩnajuama. To bajiro ĩna yijare, Jerusalénjune ĩre macarā tudicoasujarā ĩna.

46 Toju ejacõari, idiarũmu ãre macatusanaju ãre ãabujayujarã ãna yuja. Diore yirũcũbõoriaviju ãñañuju ã. Toju Dios ã rotimasire gotimasiorimasa rãca rujicõari, gãmerã ãagõõñañujarã ãna. 47 ã gotisere ajicõari, “Daquegu ãñaboarine, josasere yua sãnĩaboajaquẽne, quẽnaro tuoĩacõari, yũare cõdiami”, ãre yituoĩañujarã ãna. 48 To ãna yĩñarone, Jesús jacua ãna taju sãjaejacõari, ãre ãaucacoasujarã. To bajicõari, ado bajiro ãre yiyuju ã jaco:

—Macu, ¿no yigu to bajiro yũare bajiveoati mu? Bũto tuoĩarejairãne mũre macamu yua —ãre yiyuju so.

49 To bajiro ãre so yirone, ãjũama ado bajiro sore cãdiyuju ã:

—¿No yirã yũre macari mu? ¿Adi vire yũ jacu ã bojasere yũ yirotire masibeti mu? —ã jacuare yicãdiyuju Jesús.

50 To bajiro ã yisere quẽnaro ajimasibesujarã ãnajuama. “No bajiro yiru yati mani macu”, yituoĩacõañujarã. 51-52 ã jacojuama, quẽnaro ajimasibetiboarine, so usujuma quẽnaro tuoĩacõa ãñañuju.

To bajiro ãnare ã yiro bero, ã jacua rãca tudicoasuju, Nazaretju. Toju bũcũarũtuasuju ã. Bũcũarũtuacũne, ã jacua ãre ãna rotirore bajiro yirũgũñuju ã. To bajicõari, bũtobũsa masirũtuasuju ã. To bajiro ã bajisere ãre ãvariquẽnarũgũñuju Dios. Masa quẽne, ãre ãvariquẽnarũgũñujarã ãna.

3

Juan vãme cutigu, masare oco rãca bautizarimasu, yucũ manojũ ã gotimasiore queti

(Mt 3.1-12; Mr 1.1-8; Jn 1.19-28)

1-2 Cojorãmu yucũ manojũ Zacar'ias macure, Juanre Jordãn vãme cutiyaju ãre gotiroticõañuju Dios. To ãre ã gotiroticõarirodore, Tiberio César, juããmo cõro, cojo gũbo jediro ãnaricũmari ã rotitusaticũmare, cojo sita me ãnarãre rotigu ãñañuju ã. ãre rotibosarã quẽne ãñañujarã ãna. Pilato vãme cutigu Judea sitanare ãre rotibosayuju ã. Gãji, Herodes vãme cutigu, Galilea sitanare ãre rotibosayuju ã. Gãji, Herodes bedi, Felipe vãme cutigu, Iturea, to yicõari, Traconite sita ãnarãre ãre rotibosayuju, ãma. Gãji Lisanas vãme cutigu, Abilinia sitanare ãre rotibosayuju. To bajicõari, paia ujarã ãnamasurã Anãs, Caifãs vãme cutirã ãñañujarã ãna.

Tirodore Juanre gotirotiyuju Dios. 3 To ã yijare, Jordãn vãme cutiya riaga taju ãnacõari, ãre ajirã ejarãre ado bajiro gotirãjacudirũgũñuju:

—Rojose mu yisere tuoĩasutiritiya mu. To yicõari, “Rojose yiruabeaja yua. Diorãca quẽnaro ãnararãja yua” yirã, oco rãca yũre bautizarotiya mu. To bajiro mu yijama, rojose mu yisere mũare masiriorucumi Dios —ãnare yigotiyuju Juan.

4 Ado bajiro Juan ã bajirotire ucamasĩñuju Isa'ias, Diore gotirẽtobosarimasu ãnamasir'i:

“Yucũ manojũ sīgũ masu ado bajiro goticudirũgũrucumi: ‘Mani uju ejarucumi. To bajiri, rojose mu yisere yitujacõari, quẽnasejuare tuoĩavasoaya mu, ãre yurã. Uju, ã vadiroto rĩjoro, quẽnaro quẽnoyurãma masa. Rojoribedo maa, ãñaboaria maare riojo maa gorãma, ã vadiroti maare.

5 Goje ti ãnjama, sita rãca biberãma. Buri cuti maa ti ãñaquẽne, coaquẽnocũrãma. To bajiro yũ yijama, “Jediro rojose mu yisere yitujacõari, quẽnasejuare tuoĩavasoaya mu, mani ujare yurã” yigu yaja yu.

6 To bajiro mua yiro bero, rojose mua tãmuoborotire muare yirëtobosarocure Dios i cõagüre İajediruarãja mua' yigoticud-irügürucumi, yucá manojũ ñacõari", yucamasifñumi Isa'ias ñamasir'i.

7 To bajiri oco rãca Juanre bautizarotirã, ejayujarã jãjarã masa. İna bautizarotirone, ado bajiro İnare yiyuju Juan:

—Oco rãca muare yũ bautizasere bojaboaja mua. Vãtia uju rojose İ yirore bajirone rojose yijairã ñaja mua. To bajiro bajirã ñari, "Rojose yua yise vaja rojose yuare yibetirucumi Dios", yituoİa vadiboaja mua. ¿To bajiro mua bajise suorine rojose mua tãmuorotire masibeatigue mua? 8 Rojosere yitujacõari, "Quẽnaro yirã ñaama" masa muare İna yİİamasirotire yirã, quẽnasejuare yirügũrona ñaja mua. Ado bajiro yituoİabesa mua: "Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirucumi Dios", yituoİabesa. Adiari gütari rãca Abraham jãnerabatiare İ godoveoruajama, godoveomasigũmi Dios —İnare yiyuju Juan.

9 —Oteriyucuri, rica mani yucurire bajiro bajajaja mua. Rica manijare, quẽareacõari, soereariarore bajiro yirucumi Dios. Tire bajirone yiecoruarãja mua quẽne, mua tuoİavasoabetijama. İQuẽnase mua yibetire İacõari, jeame yatibetimeju muare rearucumi Dios! —İnare yiyuju Juan.

10 To İ yigotisere ajicõari, —¿No bajirojua yua yirotire bojati Dios? —İre yisẽniİañujarã İna.

11 To bajiro İre İna yisẽniİarone ado bajiro İnare cudiyuju Juan:

—Juase sudirori cuorã, cojase İsima, sudi magũre. Bare cuorã, bare magũre ecaba —İnare yicudiyuju Juan.

12 Hjure gãjoa sãnibosarimasa quẽne ejayujarã, Juanre oco rãca bautizarotirã. Ejacõari, ado bajiro İre sãnİİañujarã İna quẽne:

—Gotimasiorimasu, yuajuarema ¿ñiere yua yirotire bojati Dios? —İre yisẽniİañujarã İna quẽne.

13 To bajiro İna yirone, ado bajiro İnare gotiyuju Juan:

—Mua ujarã masare İna vaja sãnİrotiro cõrone sãnİña. Ti rëtoro vaja sãnibeticõañã mua —İnare yicudiyuju Juan.

14 Surara quẽne ado bajiro sãnİİañujarã İna:

—¿Yuarema, no bajiro yua yirotire bojati? —İre yisẽniİañujarã.

To bajiro İna yisẽniİarone, ado bajiro İnare cudiyuju İ:

—Gãjerãre ĩmabesa mua. Socarãne gãjerãre rojose ñagõmacabesa. Mua moase vajare, mua ujarã muare İna vaja yiro cõrone cuovariquẽnaña mua —İnare yicudiyuju Juan.

15 Masajuama, Juan İ gotimasiosere ajicõari, "Rotimũorũgõrucumi" yigu Dios İ cõarocure buto tuoİayucõa ñarã ñari, "¿İne ñaruyatigue?", Juanre İre yituoİañujarã, İna usurijuma.

16 To bajiro İna yituoİase ñajare, ado bajiro İnare yiyuju Juan:

—"Rotimũorũgõrucumi" yigu, Dios İ cõagũ me ñaja yũ. Rojose İna yisere yitujacõari, Dios İ bojasejuare yirãre oco rãca bautizarũgũaja yũ. To bajiro yũ yiboajaquẽne, yũ bero ejagu İ moasejua quẽnamasucõaruroja. İma, Esp'iritu Santore cõamasirucumi, masare. "Dios İ bojabetire yaja yua" yimasicõari, tuoİavasoaruarãma, Esp'iritu Santo İ ejarẽmose rãca —İnare yiyuju Juan.

17 Gajeye ado bajiro masare gotiyuju Juan:

—Y_u bero ejaɣ_uama, trigo ajere besegure bajiro yir_uc_umi, masare. To bajiri ti gasere yireacōari, soereariarore bajiro yir_uc_umi, jeame yatibetimej_u masare cōagū. To yicōari, quēnase cōrone juagure bajiro yir_uc_umi, ĩre ajitir_un_ur_ure juavac_u —ĩnare yiyuju Juan.

¹⁸ Masare gotimasioɣ_u, cojo vāme me gotir_ug_uñuju, Cristo quēnaro ĩ yirotire gotimasioɣ_u. ¹⁹ To bajiro ĩnare gotir_ug_uñuju ĩnari, H_u Herodes, ĩ bedi Felipe manajore Herod'ias vāme c_utigore ĩ manajo c_utijare, to yicōari, rojose yijaig_u ĩ ĩajare, “Rojose yig_u yaja m_u”, ĩre yiyuju Juan. ²⁰ To bajiro Juan ĩ yisere ajicōari, rētoro rojose yig_u, tubiberiavij_u Juanre ĩre tubibecūñuju.

Oco rāca Juanre Jesús ĩ bautizarotire queti

(Mt 3.13-17; Mr 1.9-11)

²¹ ĩ tubibe ecoroto rĳoro, rojose ĩna yisere yit_ujacōari, Dios ĩ bojasejuare yir_ur_ure oco rāca ĩnare bautizar_ug_uñuju Juan. To bajiri, Jesús quēne, rojose yibec_u ĩnaboarine, oco rāca Juanre bautizarotig_u ejayuju. To ĩ yiecoro bero, Diore, ĩ jac_ure sēniñuju. ĩre ĩ sēniñarone, ō vecaj_u ũm_uagasero soje jānacoasuju ti. ²² Ti jānarone, bujare bajig_u rujiadicōari, Jesús joere rocajeoyuju Esp'iritu Santo. Jesús joere ĩ rocajeorone, ado bajiro yi ocaruyuyuju ō vecaj_u:

—Y_u mac_u, y_u maig_u masu ĩaja m_u. M_u rāca b_uto variquēnaja y_u —ĩre yi ocaruyuyuju.

Jesús ĩc_ua ĩna vāme c_utimasire queti

(Mt 1.1-17)

²³ Treinta c_umari cōro c_uot_usac_u, masare gotimasios_uoyuju Jesús.

To bajiri manire bajiro ruju c_uticōari ĩ ruyuare ĩajare, “José mac_u ĩnaami”, ĩre yit_uoĩañujar_u masa. To bajiro ĩna yit_uoĩare ĩajare, ĩ jac_ure bajiro bajiyuju José.

José jac_u ĩn_umasiñuju El'i.

²⁴ El'i jac_u ĩn_umasiñuju Matat.

Matat jac_u ĩn_umasiñuju Lev'i.

Lev'i jac_u ĩn_umasiñuju Melqui.

Melqui jac_u ĩn_umasiñuju Jana.

Jana jac_u ĩn_umasiñuju José.

²⁵ José jac_u ĩn_umasiñuju Matat'ias.

Matat'ias jac_u ĩn_umasiñuju Amós.

Amós jac_u ĩn_umasiñuju Nahúm.

Nahúm jac_u ĩn_umasiñuju Esli.

Esli jac_u ĩn_umasiñuju Nagai.

²⁶ Nagai jac_u ĩn_umasiñuju Maat.

Maat jac_u ĩn_umasiñuju Matat'ias.

Matat'ias jac_u ĩn_umasiñuju Semei.

Semei jac_u ĩn_umasiñuju Josec.

Josec jac_u ĩn_umasiñuju Judá.

²⁷ Judá jac_u ĩn_umasiñuju Joanán.

Joanán jac_u ĩn_umasiñuju Resa.

Resa jac_u ĩn_umasiñuju Zorobabel.

Zorobabel jac_u ĩn_umasiñuju Salatiel.

Salatiel jac_u ĩn_umasiñuju Neri.

²⁸ Neri jac_u ĩn_umasiñuju Melqui.

Melqui jacu ñamasiñuju Adi.
Adi jacu ñamasiñuju Cosam.
Cosam jacu ñamasiñuju Elmadam.
Elmadam jacu ñamasiñuju Er.
²⁹ Er jacu ñamasiñuju Jesús.
Jesús jacu ñamasiñuju Eliezer.
Eliezer jacu ñamasiñuju Jorim.
Jorim jacu ñamasiñuju Matat.
Matat jacu ñamasiñuju Lev'i.
³⁰ Lev'i jacu ñamasiñuju Simeón.
Simeón jacu ñamasiñuju Judá.
Judá jacu ñamasiñuju José.
José jacu ñamasiñuju Jonam.
Jonam jacu ñamasiñuju Eliaquim.
³¹ Eliaquim jacu ñamasiñuju Melea.
Melea jacu ñamasiñuju Mena.
Mena jacu ñamasiñuju Matatá.
Matatá jacu ñamasiñuju Natán.
Natán jacu ñamasiñuju David.
³² David jacu ñamasiñuju Isa'i.
Isa'i jacu ñamasiñuju Obed.
Obed jacu ñamasiñuju Booz.
Booz jacu ñamasiñuju Sala.
Sala jacu ñamasiñuju Naasón.
³³ Naasón jacu ñamasiñuju Aminadab.
Aminadab jacu ñamasiñuju Admin.
Admin jacu ñamasiñuju Arni.
Arni jacu ñamasiñuju Esrom.
Esrom jacu ñamasiñuju Fares.
Fares jacu ñamasiñuju Judá.
³⁴ Judá jacu ñamasiñuju Jacob.
Jacob jacu ñamasiñuju Isaac.
Isaac jacu ñamasiñuju Abraham.
Abraham jacu ñamasiñuju Taré.
Taré jacu ñamasiñuju Nacor.
³⁵ Nacor jacu ñamasiñuju Serug.
Serug jacu ñamasiñuju Ragau.
Ragau jacu ñamasiñuju Peleg.
Peleg jacu ñamasiñuju Heber.
Heber jacu ñamasiñuju Sala.
³⁶ Sala jacu ñamasiñuju Cainán.
Cainán jacu ñamasiñuju Arfaxad.
Arfaxad jacu ñamasiñuju Sem.
Sem jacu ñamasiñuju Noé.
Noé jacu ñamasiñuju Lamec.
³⁷ Lamec jacu ñamasiñuju Matusalén.
Matusalén jacu ñamasiñuju Enoc.
Enoc jacu ñamasiñuju Jared.
Jared jacu ñamasiñuju Mahalaleel.
Mahalaleel jacu ñamasiñuju Cainán.

38 Cainán jacu ñamasiñuju Enós.
 Enós jacu ñamasiñuju Set.
 Set jacu ñamasiñuju Adán.
 Adán, Dios i rujeosomasir'i ñamasiñuju i, masa jediro ñicu.

4

Dios i bojabetire v̄tia uju Satanás, Jesúre i yirotiñare queti
 (Mt 4.1-11; Mr 1.12-13)

¹ Jordán ina yirisaju Juan oco r̄ca ñe i bautizaro bero, Esp'iritu Santo bujare bajigu rujiadicōari, Jesús joere rocajeoejagune, ñe ejarēmosoyuju, Dios i bojarore bajiro Jesús i yicōa ñarūgūrotire yigu. To bajivagare yucá manojū ñe ũmato vasuju Esp'iritu Santo. ² Tojūre cuarenta ñarirēmari Esp'iritu Santo i bojarore bajiro vacudiyuju Jesús. To i bajiñarone, v̄tia uju Satanás, ñe ejacōari, “Yū yirotisere yicōari, Dios i bojabetire yato” yigu, ñe rotirūgūboayuju. To bajiro i bajicudirirēmari babesuju Jesús. To bajigu ñari, buto ñiorijayuju. ³ To bajiro i bajijare, ado bajiro ñe yirotiboayuju Satanás:

—Dios macune mu ñajama, adia gūtare, pan godoveoya mu —ñe yirotiboayuju.

⁴ To bajiro Satanás ñe i yiboajaquēne,

—Yibeaja yū. Dios oca masa ña ucamasire ado bajiro gotiaja: “Bare r̄ñe ñamasuse me ñaja. Dios ocare mani cūdisēja ñaja ñamasusema. ‘Bare ti manijare, rijarearuarāja’ yire ti ñaboajaquēne, rijarere Dios i bojabetijama, rijabetiruarāja. Catñarotire rotigu ñaami”, yigotiaja Dios oca masa ña ucamasire —ñe yiyuju Jesús.

⁵ To bajiro i yiroti bero, gūtaū joeju Jesúre ũmato vasuju Satanás. Tojū ũmato ejacōari, adi macarūcuro ñarimacari jediro guaro ñe ñojecōañuju. ⁶⁻⁷ ñe ñogajanocōari, ado bajiro ñe gotiyuju Satanás:

—“Masa ñajedirore rotiya” yigu, yūre cūcami Dios. ña gajeyeñi quēne, yū ye ñaja. To bajiri, yū r̄jorojū gūsomuniari tuetucōari, “Yū uju ñamasugū ñaja mu” yūre mu yirūcubojama, adi sita ñajediro mure ñirucuja yū —Jesúre ñe yiyuju Satanás.

⁸ To bajiro ñe i yigotiboajaquēne, ado bajiro ñe cūdiyuju Jesús:

—Yibeaja yū. Ado bajiro gotiaja Dios oca masa ña ucamasire: “Mani uju Dios sīgūrene, ‘Yū uju ñamasugū ñaja mu’ ñe yirūcubocōari, cūdire ñaja”, yigotiaja Dios oca masa ña ucamasire —Satanáre yicūdiyuju Jesús.

⁹⁻¹¹ To i yiroti bero, Jerusalén macaju Jesúre ñe ũmato vasuju Satanás quēna. Tojū ejacōari, Diore yirūcuboriavi joeju ñe ũmato m̄jasuju. ñe ũmato m̄jaejacōari, ado bajiro yiyuju Satanás:

—Ado bajiro gotiaja Dios oca masa ña ucamasire:

“Ñe moabosarimasa ángel mesare mure coderotirūcumi Dios. Mu quedajama, ‘Gūta joeju rocajeogu, i gūbo jearomi’ yirā, mure boca ñiaruarāma ña”, yigotiaja Dios oca. To bajiro Dios oca ti gotijare, Dios macune mu ñajama, adojūne yūre jatiquedi rujiāñoña mu —Jesúre yiboayuju Satanás.

¹² To bajiro ñe i yiboajaquēne, Jesújūama, ado bajiro ñe yiyuju:

—To bajiro mu yisere cūdibeaja yū. “Dios i yiriarore bajiro yūre boca ñiaruarāma ángel mesa’ yimasirū, yū jatiquediñajama, Dios i bojabetire yigu yiguja yū. Gajeye ado bajiro gotiaja Dios oca masa ña ucamasire: “Dios, ‘Yirucuja’ yiyumi’ yitūōarā, ‘¿Yirū masu yiyujari?’ yimasiruarā,

mua tñoĩarore bajiro mua yiajejama, quẽnabeaja”, yigotiaja Dios oca masa ña ucamasire —İre yiyuju Jesús, Satanáre.

¹³ Rojose İre yirotiyeoboa, vacoasuju Satanás, “Bero İre yirotiĩagüsa” yigü.

Jesús, Galilea sitajü tudiejacõari, İ gotimasiosuore queti
(Mt 4.12-17; Mr 1.14-15)

¹⁴ Satanás İ vato bero, quëna Galilea sitajü tudicoasuju Jesús. Tudiejacõari, Esp'iritu Santore cuogu ñari, İ ejarẽmose rãca disejüna ruayariaro mano quënaró yiyuju Jesús, tojure. To bajiro İ yijare, İ bajise quetire gotibatoyujarã masa, toana jediro, gajeroana quëne. ¹⁵ Dios ocare İna buerivirijü masare gotimasiocudirügüñuju Jesús. To bajiro İ yisere ajicõari, “Quënaró masigü ñaami”, İre yiyujarã İna, İre ajirã jediro.

Nazaret vãme cuti macajü Jesús İ tudiejare queti
(Mt 13.53-58; Mr 6.1-6)

¹⁶ Nazaretjü, İ bucuariaroju tudiejayuju Jesús. Daquegü ñagãjüne jud'io masa İna ususãjariarãmure Dios ocare İna buerivire sãjarügür'i ñari, ususãjariarãmü ti ejaro sãjasuju. Sãjacõari, ejarũju ejayuju. To bajijãboa, vãmurügüñuju, Dios ocare İgotiguagu. ¹⁷ İ vãmurügürone, Diore gotirẽtobosamasir'i, Isa'ias İ ucamasire ñaritutire İre İsiñuju ti viagü. To bajiro İ yirone, titutire jãnacõari, İ İgotirotijure İabujayuju. İabujacõari, ado bajiro İnare İgotiyuju Jesús:

¹⁸ —“Esp'iritu Santore cuogu ñari, İ ejarẽmose rãca tñoĩacõari, muare gotiaja yu. ‘Maioro bajirãre quënaró yu yiroti quetire İnare gotiracuaja mü’ yigü, ‘Rojose yiruaboarine, tire yibeticõato’ yigü, yure cõacami. Sigüri yure masimena, İamenare bajiro bajirã, ‘Yure masiato İna’ yigü, yure cõacami. Gãjerãma, tubibe ecoriarãre bajiro bajirãre, rojose yisejariarãre, ‘Rojose İna yisere yitujato’ yigü, yure cõacami.

¹⁹ “Adirodone ñaja Uju Dios, masare rojose İna tãmuborotire İnare İ yirẽtobosarotirodo”, İnare yigotiaya mü' yigü, yure cõacami”.

“To bajiro bajiruroja ti”, yucamasiñumi Isa'ias, Dios ocare gotirẽtogü —İnare yĩagotiyuju Jesús.

²⁰ To bajiro yĩagoti gajanocõari, İ İaritutire buacõari, ti viagure tuojuju. To yicõa, ejarũjucoasuju yuja, İnare bueguagu. To İ bajirone buto İre İañujarã İna jediro, İnare İ gotisere ajiruarã ñari. ²¹ To bajiro İna bajirone, ado bajiro İnare gotiyuju İ:

—Jere adirodone ñaja, “Bajiruroja” Isa'ias İ yucamasiriarore bajirone bajirirodo —İnare yigotiyuju Jesús.

²² To bajiro İ yisere ajicõari, no yimasibesujarã İna:

—¿No bajiro bajicõari, quënaró gotimasiomasiati İ? ¿Adi macagü José macu me ñatique? —Jesúre İre yiyujarã İna.

²³ To bajiro İna yisere ajicõari, ado bajiro İnare yiyuju Jesús:

—Yure rãcububeaja mua. Ado bajiro yure yitñoĩaja mua: “Capernaum vãme cutojü İañamani İ yirere ajicajü mani. Riojo gotigü, İañamani İ yisere manire quëne yĩoato İ”, yitñoĩaja mua. Mani gotise queti, ado bajiro gotiaja: “Sigü, uco yigü, İ rijajama, İ masune uco yi, caticocami. To bajiro İ bajisere İacõari, ‘Uco yigü masune ñaami’ yimasirãja mani”, yigotiaja. Ti ùnire yure gotirua tñoĩaja mua, ado bajiro yu yisere bojarã ñari: “İañamani yigü masu mü ñajama, Capernaumjü İañamani mü

yīorere bajiro m̄ ya macanare quēne yīoroti ñaja”, yare yiboar̄ja m̄ — ñare yigotiyuju Jesús.

²⁴ To yigajano, ado bajiro ñare gotiyuju quēna:

—Riojo m̄are gotiaja ȳ. Diore gotirētobosarimas̄ gajeroj̄ Dios ocare ñ gotimasiocudijama, ñre ajir̄uc̄ub̄or̄ama. To bajiboarine, ñ ya macanare Dios ocare ñ gotimasiojama, ñre ajiter̄ama. To bajirone bajiaja yare quēne — ñare yiyuju Jesús. ²⁵ —To bajirone bajimasiñuju ti, mani ñic̄uare quēne. Diore gotirētobosamasir'i, El'ias v̄ame cutigure, ñ yar̄ ñamasiriar̄, ñre ajitemasiñujar̄ ña. El'ias ñ ñarirodori yoaro oco quedibetimasiniñuju. Idia c̄ama jediro gaje c̄ama ḡudareco oco quedibetimasiniñuju. To bajiro bajica yiro, bare manimasiniñuju. Manaj̄ma rijaveomasiriar̄, tirodori j̄jar̄ ñamasiniñujar̄ ña. ²⁶ To bajiri El'ias ñ ejar̄emorotire bojar̄, j̄jar̄ ña ñaboajaquēne, ña t̄j̄uare c̄obec̄une, “Sidón v̄ame cuti maca tu ñarimaca, Sarepta v̄ame cuti maca ñaḡoj̄uare sore ejar̄emoaya” yiḡu, ñre c̄omasiniñuju Dios. ²⁷ Eliseo v̄ame cutigu, Diore gotirētobosamasir'ire quēne, to bajirone bajimasiñuju. ñ ñarirodori, mani ñic̄ua ñamasiriar̄, gase boar̄ j̄jar̄ ñamasiniñujar̄ ña. J̄jar̄ ña ñaboajaquēne, ñare catiobetimasiniñuju ñ. ñare catiobetiboarine, ḡajer̄a mas̄j̄uare, Siria sitagure Naamán v̄ame cutigure catiomasiñuju Eliseo — ñare yigotiyuju Jesús, Dios ocare ña buerivi r̄ejar̄are.

²⁸ To bajiro ñ yigotisere ajic̄ari, ña jedirone b̄uto j̄ñisiniñujar̄. ²⁹ To bajiro bajir̄ ñari, Jesúre ñiacoasujar̄ ña. Ḡt̄au ñañuju ti, ña ñarimaca t̄j̄u. “T̄i ḡt̄au joej̄ ñre turocaqueoto mani” yir̄, Jesúre ñia vaboayujar̄ ña. ³⁰ ñre ña ñia vaboajaquēne, no yimasina manone ña vatoane vacoasuju Jesús.

Mas̄ us̄j̄u s̄añaḡare v̄atire Jesús ñ burocare queti

(Mr 1.21-28)

³¹⁻³² Galilea sitare ñarimaca, Capernaum v̄ame cuti macaj̄ vasuju Jesús. Ti macaj̄ ejaç̄ari, us̄s̄aj̄ariar̄m̄ ti ejaro, Dios ocare ña buerivij̄ ñare gotimasioñuju ñ. Uj̄ure bajiro bojonebec̄une quēnaro ñ gotimasiojare, aj̄ñañamani ñ gotise ti ñajare, no yimasibesujar̄ ña.

³³ Ti vire s̄iḡũ am̄ ñañuju, ñ us̄j̄u v̄ati s̄añaḡũ. ñ us̄j̄u s̄añaç̄ari, ado bajiro Jesúre ñre avas̄añuju v̄ati:

³⁴ —Jesús, Nazaret v̄ame cuti macaḡu, ¿no yiḡu ȳa t̄u vadiati m̄? ¡Ȳuare ḡoj̄anabiobesa! ¿Rojose ȳa yise vaja, rojose ȳuare yiḡuaḡu vadiati m̄? M̄ure ñamasiaja ȳa. Rojose yiḡu me, Dios ñ c̄ar'i ñaja m̄ —Jesúre yivas̄añuju v̄ati.

³⁵ To ñ yirone, oca tutuase r̄aca ado bajiro ñre yiyuju Jesús:

—¡Ñaḡobesa m̄! ¡To yic̄ari, ñ us̄j̄ure budigoya! —v̄atire ñre yiyuju Jesús.

To ñ yirone, rijaquedirotiyuju v̄ati, mas̄ure. To yic̄ari, rojose ñre yir̄uaḡu ñaboarine, rojose ñre yibec̄une, ñre budigocoasuju yuja. To ñ bajijare, mas̄j̄uama quēnaejacoasuju. ³⁶ To bajisere ñaç̄ari, ti vi ñar̄ jediro no yimasibesujar̄ ña, ti ñire ñabetir̄ũḡuriar̄ ñari. To bajic̄ari, ña masune ado bajiro ḡamer̄a s̄eñañujar̄:

—¿No bajiat̄i? Aj̄ñañamani oca manire gotimasioḡũ yami. B̄uto masiḡũ ñaami. V̄atia b̄uto masir̄ ña ñaboajaquēne, masa us̄ar̄ij̄ure s̄añar̄are ñare bureamasiami —ḡamer̄a yiyujar̄ ña.

³⁷ To bajiro Jesús ñ yin̄asere masa ña gotibatojare, Galilea sitana tire ajjedic̄oñujar̄ ña.

*Pedro ũmañicore Jesús ĩ catiore queti**(Mt 8.14-15; Mr 1.29-31)*

³⁸ Dios ocare ĩna bueriviju ñar'i, budiasuju Jesús, Simón Pedro ya viju vacu. Ti viju sãjajecõari, Pedro ũmañicore ĩañuju. So ruju buto asicõari, buburibujayuju so. To bajiro so bajijare, Jesús sore ĩ catiosere bojayujarã ĩna. ³⁹ To bajiro ĩna yirone, so tu ejarũgũcõari,

—So ruju asise, tujaya —yiyuju ĩ. To bajiro ĩ yirone, sore ruju asiboase sore tujacoasuju. To bajiro sore ĩ yicatorirĩmarone, vãmũrũgũcõari, bare ĩnare ecayuju so.

*Jãjarã, rijaye cutirãre Jesús ĩ catiore queti**(Mt 8.16-17; Mr 1.32-34)*

⁴⁰ Tiju bero, rãioriju Jesús taju juajayujarã, rijaye cutirãre. To ĩna bajisere ĩacõari, tocãrãcure ĩ amori ñujeocõari, ĩnare catioyuju Jesús. ⁴¹ Vãti sãñarãre quẽne juajayujarã. ĩnare quẽne, ĩna usuriju sãñarãre vãtiare bureayuju Jesús. To ĩ yirone, “Dios macũne ñaami” yimasirã ñari,

—Dios macũ ñaja mu —vãtia ĩna yivasãjare, ĩnare ñagõrotibesuju Jesús, “Masa rojose ĩna tãmũoborotire ĩnare yirẽtobosacõari, “Rotimũorũgõrũcũmi” yigu, Dios ĩ cõar'i ñaami Jesús' masare yiajioroma” yigu.^a

“Gaje macarianare quẽne, quẽnase quetire goticudirocu ñaja yu”, Jesús yire queti

(Mr 1.35-39)

⁴² Gajerũmu, busuriju, masa manojũ vacoasuju Jesús, Diore sẽniguacu. To ĩ bajiboajaquẽne, ti macana, ĩre macasũya, ejacoasujarã ĩna. Toju ĩre ĩabujacõari,

—Yũa rãca tudiaya mu. Gãjerã ĩna ñaroju vabesa mu —ĩre yiyoayujarã ĩna. ⁴³ To bajiro ĩna yisere ajicõari, ado bajiro ĩnare yicũdiyuju Jesús:

—Tudiabeaja yu. Gaje macarianare quẽne, quẽnase quetire goticudirũgũrocu ñaja yu. “Uju Dios yarã quẽnaro ĩ yirona mũa ñarũajama, rojose mũa yisere yitujacõari, yũre ajitirũnuña”, ĩnare quẽne yigotimasioroti ñaja. “To bajiro yicudiatu” yigu, yũre cõacami Dios —ĩnare yicũdiyuju Jesús.

⁴⁴ To bajiri, gaje macariana jud'io masa Dios ocare ĩna bueriviriju sãjacõari, quẽnase quetire gotimasiodirũgũñuju Jesús.

5*Vai sãrimasare Jesús ĩjire queti**(Mt 4.18-22; Mr 1.16-20)*

¹ Cojorũmu Genesaret vãme cutira utabũcũra taju ñañuju Jesús. To ĩ bajiro ĩacõari, jãjarã masa ejayujarã. ĩna ejaro ĩacõari, ĩnare gotimasio ñañuju ĩ. To bajiri ĩ gotimasiosere buto ajirũarã ñari, ĩ ture jãjarãbũsa ejayujarã masa. ² To bajiri ĩ rãgõboarijũre rãgõbibecõañujarã. To ĩna bajijare, juã cũmuari masa maniari jayasere ĩabujayuju ĩ. Vai sãrimasa ĩna bajiyucũrũre coerã ĩna vãgãgoriari ñañuju. Coja ñañuju Pedro yaga. ³ Tia tu ñañuju Pedro, vai sãñar'i ĩ bajiyucũrũre coeñagũ. To bajiri tiare vasãjacõari,

^a 4:41 “Masare ĩ rijabosarotirũmu ti ejabetijare, vãtiare ñagõrotibesuju Jesús”, yiyujarã sãgũri, Dios oca masa ĩna ucamasire buerẽtoburimasa.

—Quēnaca yure ñuviojoya mu —Pedrore ñre yiyuju Jesús. Ñre ñ ñuviojoro bero, cūmuaju sãñacōari, masare gotimasioñuju quēna. ⁴ Ñnare gotimasio gajanocōari, ado bajiro Pedrore ñre yiyuju:

—iŭcuarojũ vijajajacōari, mua bajiyucare rearoderuuya mua! —Ñre yiyuju. ⁵ To bajiro ñ yisere ajicōari, ado bajiro ñre yicadiyuju Pedro:

—Yua uju, jēju ñami yua bajiyucare rearoderuu ñamicatiboabu yua. Vai, mama ñna. To bajiboarine yuare mu rotijare, rearoderuu ñaruarãja quēna —Jesúre yicadiyuju Pedro.

⁶ To bajiri, ŭcuarojũ vijajajacōari, ñna bajiyucare rearoderuucōari, tãajãmuoboayujarã ñna. Ñna tãajãmuoboaro, jãjarã ñna sãjajare, ñna bajiyucari vocoabusa bajiyuju. ⁷⁻¹⁰ To ti bajijare, gãjerã vai sãrimasare jiyujarã ñna, “Yuare ejarēmoroaya” yirã. To ñna yirã, ñna tũju ejacōari, ñna ya cūmuaju vaire juasãñujarã ñna quēne. Juã cūmuajune rujaruabusarojũ yijũmujocōañujarã. Pedro rãcana ñañujarã Zebedeo rã, Juan vãme cutigu, to yicōari, Santiago vãme cutigu. Jãjarã vai ñna sãjaro ñaucajedicoasujarã ñna, ti ñnare ñabetirũgũriarã ñari. Tire ñaucacōari, Jesús tare gusomuniari tuetucōari,

—Masirētogũ ñaja mu. To bajiro yigu ñari, quēnaro yigu mu ñasere masiaja yu. Dios ñ bojarore bajiro yigu me ñaja yuma. Yure baba cutiruarabesuja mu, quēnagũ ñari —Jesúre yiyuju Pedro. To bajiro ñ yisere ajicōari, ado bajiro ñnare yiyuju Jesús:

—Yure güibeticōaña mua. Vai sãrimasa mua ñaserema jēre moaganocōaja mua. To bajiri yucarema masa yure ñna ajitirãnrōtijare yure moabosarã ñarũgũruarãja mua —Ñnare yigotiyuju Jesús.

¹¹ To bajiro ñ yijare, ñna cūmuarire vejamocũ, to yicōari, ñna gajeyeñnare quēne cūcōa, ñre sũyacoasujarã ñna.

Gase boagure Jesús ñ catiore queti
(Mt 8.1-4; Mr 1.40-45)

¹² Cojorãmu macaju Jesús ñ ñaro, ñ tũju ejayuju rijaye cutigu, ñ ruju jediro gase boagu. Jesúre ñacōari, gusomuniari tuetuyuju, ñre rucubogũ. To yicōari, ado bajiro Jesúre ñre yiyuju:

—Yua uju, yua cãmire mu yarũajama, yaya —Ñre yisēniñuju ñ.

¹³ To bajiro ñre ñ yisere ajicōari,

—Mu cãmire yarũcũja yu —Ñre yigũne, ñre moañañuju Jesús. To bajiro ñ yirirĩmarone, ñ cãmire yaticoasuju yuja. ¹⁴ To ñre yigaganocōari, gãjerãre ñre gotirotibesuju Jesús. To bajiro ñre yicōari, ado bajiro ñre yiyuju:

—Yucũacane paire mu rujare ñoaya. Mu rujare ñre ñogũne, Moisére Dios ñ roticũmasiarore bajiro vaibucurã ecariarãre sãcōari, paire ñre ñsima, Diore rucubogũ. To mu yisere ñacōari, “Caticoasumi”, yiruarãma masa —Ñre yiyuju Jesús, gase boaboar ñre.

¹⁵ To bajiro ñ yisere masa ñna masisere ñ bojabetiboajaquēne, Jesús ñ yĩñase quietire ajijedicōañujarã. To bajiri, jãjarãbusa masa ejarũgũñujarã, Jesús tũjare, ñ gotisere ajirã, to yicōari, ñna rijaye cutisere ñre catorotirã. ¹⁶ To bajiro ñna bajiboajaquēne, masa manojũ ñnare cãmotadiveocoarũgũñuju Jesús, Diore ñre sēnigũ vacu.

Micagũre Jesús ñ catiore queti
(Mt 9.1-8; Mr 2.1-12)

¹⁷ Cojorãmu Jesús masare ñ gotimasio ñnare, fariseo masa, Dios ñ rotimasire gotimasiorimasa quēne ajirujiyujarã ñna. Ñna ñañujarã Galilea sita

ñarimacariana, to bajicōari, Judea sita ñarimacariana. Gājerāma, Jerusalén macana ñañujarā. To ñna ajirujirone, Dios ĩ masise rāca rijaye cutirāre ĩnare catioñoñuju Jesús. ¹⁸ To bajiro ĩ yiñarone, micagūre āmiayujarā. ĩre āmiadicōari, Jesús tujū cūruaboayujarā ĩna. ¹⁹ To ñna yiruaboarore jājarā masa ñabibecōañujarā. To bajiri, vijure sājamasibesujarā. “Tire bajicōaja” yirā, vi joeju ĩre āmimujasujarā. ĩre āmimujacōari, Jesús ĩ rūgōro vecare goje yijorayujarā. To yigajano, micagūre ĩ jesarijū rācane ĩre jidirujio ejoyujarā, Jesús tujū. ²⁰ “Micagūre ĩamaicōari, ĩre catiorucami Jesús” ĩna yituoīasere ĩamasicōari, micagūjūare ado bajiro ĩre yiyuju:

—Rojose mū yirere mure masiriocōaja yū —ĩre yiyuju Jesús.

²¹ To ĩ yisere ajicōari, Dios ĩ rotimasire gotimasiorimasa, fariseo masa quēne, ado bajiro tuoīañujarā ĩna:

—¿No yigu to bajise yati ĩ? To bajiro ĩ ñagōjama, Diore ĩre rūcubuobecu yami. Dios sīgūne ñagūmi, ti ũnire yimasigūma —yituoīañujarā ĩna.

²² To bajiro ĩna yituoīasere ĩamasicōari, ado bajiro ĩnare yiyuju Jesús:

—“ ‘Diore bajiro masa rojose ĩna yisere masiriomasaja’ yisocaami”, yure yituoīaboaja mūa. ²³ “Rojose mū yirere masiriocōaja” yū yicōa tujajama, “Socū yami. Socū me yami”, yure yīīamasigū magūmi. To bajiboarine, micagūre, “Vūmurūgūcōari, vasa” ĩre yū yijama, “Socū me yami. Rojose ĩ yirere masiriocōami”, yure yīīamasirāja mūa. ²⁴ To bajiri, “ ‘Dios ĩ roticōacacū ñari, Diore bajirone masare rojose ĩna yisere masiriomasigū ñaami’ yure yīīamasiato” yigu, āni micagūre ado bajiro ĩre yaja yū: “Vūmurūgūña mū. Mū jesarijūre āmiña. To yicōari, mū ya vijū tudiasa”, ĩre yaja yū —ĩre yiyuju Jesús.

²⁵ To ĩ yirirīmarone, masa jediro ĩna ĩaro rījoro vūmurūgūcōari, ĩ jesarijūre āmi, ĩ ya vijū vacoasuju ĩ yuja. “Quēnaro yaja mū”, Diore ĩre yivariquēna vasuju ĩ. ²⁶ To bajiro Jesús ĩ yisere ĩaucacoasujarā masa. “Ti ũnire ĩabetirūgūcaju mani. Āni, Dios ĩ masise rāca yigu yami” yituoīacōari, “Quēnaro yaja mū”, Diore ĩre yivariquēnañujarā ĩna.

Lev'ire Jesús ĩ jire queti

(Mt 9.9-13; Mr 2.13-17)

²⁷ Micagūre catiocōari bero vacoasuju Jesús. To bajivacu, Lev'i vāme cutigure ĩañuju. Ujare gājoa sēnibosarimasū ñañuju. Gājoa sēnirā ĩna rujirijure gājoa sēnirujiyuju. To ĩ bajiro, ĩre ĩacōari, ado bajiro ĩre yiyuju Jesús:

—Yure ajisuyaya —ĩre yiyuju.^b

²⁸ To bajiro ĩ yisere ajicōari, ĩ yere juabecūne, Jesúre suyacoasuju ĩ yuja.

²⁹ Bero, ĩ ya vijū ejacōari, Jesúre rūcubuoogu, jairo bare quēnorotiyuju Lev'i. To yicōari, Jesúre, ĩ buerimasare quēne jiyuju. Ujare gājoa sēnibosarimasare, to yicōari, gājerāre quēne jirēoñuju ĩ. ĩna ñañujarā “Rojose yirā ñaama” masa ĩna yīārā. To bajiri, jājarā ñañujarā ĩ jirēoriarā. ³⁰ To bajiri, Jesúrāca ĩna bañarone, ejayujarā fariseo masa, Dios ĩ rotimasire gotimasiorimasa quēne. ĩna ñañujarā, Moisére Dios ĩ roticūmasirere buto ajirūcuborā, rojose yirā rāca ñarūamena. To bajiri, ĩna bañaroju ejacōari, ado bajiro Jesús buerimasare ĩnare sēniñañujarā:

—¿No yirā ānoa rojose yirā rāca bati mūa? —ĩnare yisēniñañujarā ĩna.

³¹ To bajiro ĩna yisere ajicōari, ado bajiro ĩnare cūdiyuju Jesús:

^b 5:27 Leví, jua vāme, vāme cutigu ñañuju. Gaje vāme, Mateo vāme cutiyuju. Leví, hebreo oca rāca, Mateo romano oca rāca yiruaro yaja.

—Catiquēnarāma, uco yigure bojamenama. Rijaye cutirā rīne ĩre bojarāma ĩna. ³² To bajiro bajiaja yure quēne. “Rojosere yirā me ñaja yua” yirāma, yure bojamenama. “Rojose yirā ñaja yua” yirā rīne yure bojarāma. Quēnase yirāre jiguaḡu me, adi macarucurojore vadicaḡu yu. Rojosere yirā, “Rojose ĩna yisere yitujato” yigū, vadicaḡu yu —ĩnare yiyuju Jesús.

“Mani sutiritisere ĩacōari, quēnaro manire ejarēmocumi Dios” yirā, bare babetire queti

(Mt 9.14-17; Mr 2.18-22)

³³ To ĩ yiro bero, Jesúre sēniñañujarā sīgūri:

—Juan vāme cutigū, masare oco rāca bautizarimasu buerimasa, to yicōari, fariseo masa quēne, mani ñicua ĩna yimasiriarore bajiro Diore ĩna sēnirirūmūre bare babetirūgūama. ¿No yirā tire yibeati ma buerāma? —Jesúre yisēniñañujarā ĩna.

³⁴ To ĩna yisere ajicōari, ado bajiro ĩnare gotimasioñuju Jesús:

—Sīgū ĩ āmosiarirūmure ĩre variquēnaejarēmorā ñarāma. To ĩ ũmato yiñaro cōro ĩre variquēnaejarēmocōa ñarāma. ĩnare bajiro bajiamā yu buerā. Yu rāca ñari, variquēnacōa ñaama. “Sutiritimena ñari, no yirā bare babeticōa yimenama” yimasire ñaja. ³⁵ To bajiboarine, cojorāmu yure ĩna ñiavato ĩacōari, bare bamenane Diore sēnirūgūrāma, “Mani sutiritisere ĩacōari, quēnaro manire ejarēmoato Dios” yirā —ĩnare yiyuju Jesús.

³⁶ To yicōari, quēna gaje gotimasioire queti ado bajise ĩnare gotirēmoñuju Jesús:

—Mame oca yu gotimasiose ricati ti ñajare, yu ye rāca mani ñicua ĩna yimasirere ma tōiavnojama, quēnabeaja. Sudiro bucūase ti vojama, sudiro mamasere voāmicōari, tiatumenaja mani, bucūase vorijure. To bajiro mani yijama, sudiro mamasere yirojocōarāja mani. To bajicōari, bucūase rāca quēnaro ruyubetoja mamaseagaju rāca mani tiaturijū ñari. To bajiri bucūase, mamase rāca mani tiavnobetore bajiro, mame oca yu gotimasiosere, mani ñicua oca rāca tōiavnobesa ma. ³⁷ To bajirone bajiaja uye oco quēne. Mame uye ocore, vaibucūgaserone quēnorijaoa bucūjoajure jiomēnaja mani. Bucūjoajure mani jiojama, jāmušnituca yiro, yivocōaroja tijoajure. To bajiro mani yijama, uye ocore, vaibucūgaserone quēnorijaoare quēne to bajirone yireacōa tujana yirāja mani. ³⁸ “To bajirobe” yirāma, mame uye ocore vaibucūgaserone quēnorijaoa, mamajoajure jiore ñaroja. To yicōari, uye oco, vaibucūgaserone quēnorijaoa quēne, cojoro cōro quēnaro ñararoja. To bajiri mame uye ocore, bucūjoajure mani jiobetore bajiro mame oca yu gotimasiosere, mani ñicua oca rāca tōiavnobesa ma. ³⁹ To bajiro mure yaja yu, ado bajiro ti bajijare: Mani gotise queti ado bajiro bajiaja: “Uye oco tirūmuju ĩna quēnorere idirūgūrāma, uye oco mame ĩna quēnose idirūamenama, ‘Tirūmuaye ĩna quēnorejua quēnaja’ yirā”, yigotiaja mani gotise. To bajirone bajiaja mame oca yu gotimasiose quēne. Jājarā tirūmuaye ocare ajirūcūbusejarāma, mame oca yu gotimasiosere ajiterāma, “Tirūmuaye ocajua quēnaja” yirā —ĩnare yiyuju Jesús.

6

Ususājararāmu ñaboajaquēne, Jesús buerimasa trigo ajere tūnejuacōari ĩna bare queti

(Mt 12.1-8; Mr 2.23-28)

¹ ʘsusājariarūmu ti ejaro, trigo oteriavese cūtove vasujarā, Jesūrāca. To bajivanane, trigo ricare tūnejuacōari, ina āmorine ti gasere sīguēreacōari, bayujarā ina. ² Tire ina basere iacōari, sīgūri fariseo masa ado bajiro inare yiyujarā:

—ʘsusājariarūmu yire mere yaja mu —Inare yiyujarā.

³ To bajiro ina yisere ajicōari, ado bajiro inare cūdiyuju Jesūs:

—¿David ñamasir'i, i babarā rāca ñiorijacōari, inare i ũmato bamasirere masibeati mu? ⁴ Ñiorjarā ñari, “Mani rāca ñagūmi Dios” masa ina yirivijure sājacōari, Diore ire rūcuborā pan gājerā ina cūboarerene juacōari, i babarā rāca bamasiñuju i. To bajiri Moisés ñamasir'i i gotimasirema, “Paia rīne baruarāma” i yimasiboarerene bamasiñujarā ina. To bajiro ina yiboajaquēne, ti vaja rojose inare yibetimasīñumi Dios. ⁵ Yu, Dios i roticōacacu, “ʘsusājariarūmure ado bajiro mu yijama, quēnaja. To bajiroju mu yijama, quēnabeaja”, yirotigū ñaja yu —Inare yicūdiyuju Jesūs, fariseo masare.

Āmo ñujobecure Jesūs i ñujorotire queti

(Mt 12.9-14; Mr 3.1-6)

⁶ Gaje semana gaja, ʘsusājariarūmu ti ejaro, Dios ocare ina bueriviju tudivasuju Jesūs quēna. Sājacōari, toanare gotimasioñuju. Ti viju ñañuju sīgā, riojojacatua āmo ñujobecu. ⁷ Dios i rotimasire gotimasiorimasa, to yicōari, fariseo masa quēne ñañujarā. “Jesūs, rojose yimi' ʘjarāre ire yigotiyiorāsa” yirā, Jesūre ire iacodeyujarā ina. “Adirāmu ʘsusājariarūmure āni āmo ñujobecure i masise rāca i ñujorotijama, ‘Dios, Moisére i roticūmasirere cūdibecu yimi' yigotiruarāja mani”, yitūoñañujarā. ⁸ To bajiro ina yitūoñasere iamasicōañuju Jesūs. To bajigu ñari, ado bajiro yiyuju, āmo ñujobecūjare:

—Vāmurāgūña —ire yiyuju.

To i yirone, vāmurāgūñuju i.

⁹ To bajiro ire yicōari, Dios i rotimasire gotimasiorimasare, to yicōari, fariseo masare quēne ado bajiro inare sēniñañuju Jesūs:

—¿ʘsusājariarūmure quēne, no bojagu masare quēnaro mani yijama, quēnabetojari? ¿Disejuare yiroti ñati? ¿Quēnasejuare, rojosejuare yiroti ñati ti? ¿Rijaye cūtirāre catiořejare yiroti ñatique? To yiterā, ĩnare sīacōaroti ñatique? —Inare yiyuju Jesūs.

¹⁰ I sēniñasere ina cūdisere ajiru, tocārācurene inare iaboayuju. Ina cūdibeto iaboacu, ado bajiro ire yiyuju, āmo ñujobecūjare:

—Mu āmore ñujoya mu —ire yiyuju Jesūs.

To i yirone, i āmore i ñujorone, quēnaejacoasuju yuja. ¹¹ To bajiro ire i yijare, Jesūre buto jūnisiniñujarā ina Dios i rotimasire gotimasiorimasa, to yicōari, fariseo masa quēne. “¿No bajiro yicōari, Jesūre sīarotirāti mani?”, gāmerā yīñagōñujarā ina.

Ī ocare goticudisūoronare Jesūs i besere queti

(Mt 10.1-4; Mr 3.13-19)

¹² Cojorāmu buroju majasuju Jesūs, Diore sēniguacu. Toju Diore sēni ñamicūtibusuocoasuju i. ¹³ I sēni busuorirāmure, i buerimasare jirēoñuju Jesūs. To bajiri i tu ina ejarone, juaāmo cōro, gūbo jua jēnituarirācu ñarā inare beseyuju, i ocare goticudibosaronare. ¹⁴⁻¹⁵ Ado bajiro vāme cūtirā ñañujarā: Simón vāme cūtiboar'i Pedro vāme cūtigū, i bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā.

Alfeo macu, Santiago, to yicōari, Simón vāme cutigu, celote yere tuoīaboar'i ñañuju. ¹⁶ Santiago macu, Judas vāme cutigu ñañuju. Tusagu Judas Iscariote vāme cutiyuju. Ī ñañuju Jesúre ĩsirocar'i. To bajiri juaāmo cōro, gubo jua jēnituarirācu ñañujarā Jesús ĩ beseriarā.

Masa jājarāre gotimasiocōari, rijaye cutirāre Jesús ĩ catiore

(Mt 4.23-25)

¹⁷ Ī beseriaro bero, ĩna rāca rojaejayuju ĩ, rujatūcurorijū. Toju gājerā Jesús buerimasa ĩre ñayuyujarā ĩna. Judea sita ñarimacariana, gājerāma, Jerusalén macana ñañujarā. Gājerā moa riaga tuana, Tiro macana, to yicōari, Sidón macana quēne ñañujarā ĩna. Ī gotimasiosere ajiruarā, to yicōari, ĩ catiosere bojarā, ĩre ñayuyujarā ĩna. ¹⁸ ĩna usurijure vātia sāñarā ñari, rojose tāmūorā quēne ñañujarā. ĩna usurijure sāñarāre vātiare bureayuju Jesús. ¹⁹ To yicōari, tocārācu rijaye cutirāre quēne catioyuju. To bajiro ĩ yisere ĩacōari, masa jediro ĩre moaīarūayujarā, “Manire quēne catioato” yirā.

Variquēnaronare, to yicōari, rojose tāmūoronare Jesús ĩ gotimasiore queti

(Mt 5.1-12)

²⁰ ĩnare catiogajano, ĩ buerimasare ĩacōari, ado bajiro ĩnare gotiyuju ĩ:
—“Masimena ñari, mu ejarēmose buto bojaja yua”, Diore ĩre yisēnirūgūrāma, ĩ yarā ñarāma. To bajiri, rojose tāmūoobarine, Dios taju variquēnaronā ñarāma.

²¹ Yucūrire Dios ĩ bojabetire yicōari, tuoīasutiritiñarā quēne, variquēnaronā ñarāma, beruju ĩna tuoīasutiritisere Dios ĩnare ĩ yirētobosaroti ti ñajare.

²² Dios ĩ roticōacacure, yure mua ajitirūnuse suorine gājerā mware ajatud'icōari, “Rojorā ñaama” mware ĩna yisocaboajaquēne, variquēnaruarāja mua. ²³ To bajiro mware ĩna yiboajaquēne, buto variquēnaña mua, “Beruju Dios taju ejarā, quēnase bujaruarāja” yimasirā ñari. Mua rījoroana, Diore gotirētobosamasiriarāre quēne, rojose mware ĩna yirore bajirone ĩnare quēne rojose yimasinujarā masa.

²⁴ Gājerāma, gajeyēni jairo cuovariquēnarā ñari, Diore bojamena ñarāja mua. Adigodoju variquēnarā ñaboarine, berojuma sutiritiruarāja.

²⁵ Gājerāma, “Disejua yware ruyabeaja” yivariquēnarā ñari, Diore bojamena ñarāja mua. Adigodojūre variquēnarā ñaboarine, berojuma variquēnabetiruarāja mua.

Gājerāma, mua rijato bero mua bajirotire tuoīamenane, adigodoayere tuoīacōari ajarāma, beruju, otiruarāja mua.

²⁶ Masa, “Quēnaro yirā ñaama” mware ĩna yisere ajicōari, variquēnaboaja mua. To bajirone bajimasiñuju tirūmaju. “Diore gotirētobosarimasa ñaja yua” yitomasiriarāre, “Quēnaro yirā ñama” ĩnare yirūcubūomasiboayujarā mua ñicua.

“Manire ĩaterāre quēne mani ĩamaijama, quēnaja”, Jesús ĩ yigotimasiore queti

(Mt 5.38-48; 7.12)

²⁷ Yure ajitirūnūre ado bajise mware rotiaja yu: Mware ĩaterāre quēne ĩamaiña. ĩnare ĩamaicōari, quēnaro yiya. ²⁸ Rojose mware yirāre quēne quēnaro ĩna ñarotire, Diore ĩnare sēnibosaya mua. ²⁹ Cojojacatua, mua vayujuare ĩ jajama, gajejacatūare quēne ĩre jarotiya. Sīgū, mua sudirore

joeagarore i veaãmijama, jubeagarore quêne ìre veaĩsicõaña. ³⁰ No bojarã mua gajeyeũnire ìna sãnijama, ìsiña. Mua gajeyeũnire juarudigure, “Yure tãoya”, ìre yibesa mua.^c ³¹ Gãjerã quẽnaro muare ìna yisere bojaja mua. To bajiri quẽnaro muare ìna yisere bojarã ñari, quẽnaro ìnare yiya mua quêne.

³² Muare ìmairã rĩne mua ìmajama, ¿“Quẽnaro yaja mua”, muare yĩagãjari Dios? Yibecãmi. Rojose yirã quêne, ìnare mairã rĩrene ìnare ìmairũgũrãma ìna. ³³ Quẽnaro muare yirã rĩrene quẽnaro mua yijama, ¿“Quẽnaro yaja mua”, muare yĩagãjari Dios? Yibecãmi. Rojose yirã quêne, quẽnaro ìnare yirã rĩrene quẽnaro yirũgũrãma ìna. ³⁴ Muare tuomasirã rĩrene no bojasere mua vasoajama, ¿“Quẽnaro yaja mua”, muare yĩagãjari Dios? Yibecãmi. Rojose yirã, ìnare tuomasirã rĩrene ìna sãnisere ìnare ìsirãma ìna quêne. ³⁵ To bajiri ado bajiro muare gotiaja yu: Muare rojose yirãre quêne, ìnare maiña mua. ìnare quêne quẽnaro yiya. “Mani ìsisere manire tuõuarãma” yitũõiamenane, ìnare ìsiña. To bajiro ìnare mua yijama, quẽnamasusere muare ñjorucãmi Dios. “Quẽnaro yaja mu” Diore yimenarene, to yicõari, rojose yirãre Dios ì mairõre bajirone mua majama, “Dios rĩa ñaja yua” yĩõrã yirãja mua. ³⁶ Mani jacã Dios ì ìmairõre bajirone mua quêne, masare ìmaiña —ì buerimasare yigotiyuju Jesús.

“Rojose yirã ñaama. Ti sũõri rojose tãtuõuarãma’ yiruarã, ìnare ìabesebesa”, Jesús ìyigotimasiore queti

(Mt 7.1-5)

³⁷ Quẽna ado bajiro gotiyuju Jesús:

—“Rojose yirã, ñaama. To bajiro yirã ñari, rojose tãtuõuarãma”, gãjerãre ìnare yĩabesebesa. To bajiro mua yijama, “Rojose yirã ñaama”, muare yĩaromi Dios. Gãjerã rojose muare ìna yisere mua masiriojama, rojose mua yisere muare masiriorucãmi Dios quêne. ³⁸ No bojase ìna cuõbetijama, ìnare ìsiña. To bajiro mua yijama, ìnare mua ìsirere ìacõiacõari, mua ìsise rõtõbasaro muare ìsirucãmi Dios —ìre ajitirãnurãre yigotiyuju Jesús.

³⁹ To yigũne, adi gotimasiore quetire ìnare gotiyuju:

—Sĩgũ ìabecu, gãji ìabecure ì tãavajama, gojeju reasãcõanama, ìna juarãjũne. ⁴⁰ Gajeyerema, ìnare buegu rõtõbasaro masirã me ñaama ì buerã. To bajiboarine quẽnaro ìna buejeocõajama, ìnare buerimasare bajirone masirãma ìna quêne.

⁴¹⁻⁴² Gajeyerema, ado bajiro yirãre bajiro yaja mua: Gãji buto rojose ì yibetiboajaquêne, “Mu cajeare sũjuriroaca sãñaaja. Tijucare amirocato” yirãre bajiro yaja mua. Tire buto ìatirãnurã ñaboarine, mua cajeajure jairisũjuro sãñarijaure tijaure “Amirocaya”, yimasibeaja mua, “Buto rojorã ñaja yua” yitũõĩamasimena ñari. Mua rãcagu ì yisejuare ìacõari, “Riojo tuõĩabeaja mu. ‘Quẽnasejuare tuõĩavasoaya’ yirã, riojo mure gotiruarãja” yigotirã ñaboarine, “Adi ñaja quẽnase. Tijua ñaja rojose”, yimasimenaja, ì rõtõro rojose yirã ñari. “Quẽnaro yirã ñaja yua” yitũõĩaboarine, rojorã ñaja mua. “Buto rojorã ñaja yua” mua yitũõĩamasiro beroju, mua rãcagure ejarẽmomasirãja mua, “Quẽnaro riojo ñato ì” yirã —ì buerãre ìnare yigotimasioñuju Jesús.

^c **6:30** “Ado bajiro gotigu yiyuju Jesús”, yicama Dios ocare gotirõtõburimasa: “Mani vayujuare jagure, to yicõari, gajeyeũni manire emagũre, to yicõari, gãjerãre no bojase rojose manire yirãre Jesús ì yijama, ìnare gãmebeticõari, quẽnasejuare yiroti ñaja’ yigu yiyuju”, yicama ìna.

“Ti rica cutise suorine yucáre ĩamasiaja mani”, Jesús ĩyigotimasiore queti (Mt 7.17-20; 12.34-35)

⁴³ —Gajeyerema, yucá vānaricu, “Quēnase rica cutiricu ñaja” mani yiboaricane, quēnabeti rica cutibetoja. To yicōari, vānabeti, “Quēnabeti rica cutiricu ñaja” mani yiboaricane, quēnase rica cutibetoja. ⁴⁴ Ti rica cutise suorine yucáre ĩamasiaja mani. Quēnase bare higos vāme cutiu ricare juaroana, vātijota yucárijure macamenaja mani. To yicōari, uye juaroana, vidiroju ñaricu savajotajure macamenaja mani. ⁴⁵ To bajirone bajiaja masare quēne. Sīgūri quēnase tuoĭarā ñari, quēnase yirāma. Gājerā, rojose tuoĭarā ñari, rojose yirāma. To bajiro bajiaja mña ñagōse quēne. Masa ĩna ñagōsere ajicōari, “Rojose tuoĭarā ñaama. Quēnase tuoĭarā ñaama”, yimasiaja mña. To bajiri ĩna usuriju ĩna tuoĭabujuoñaserene, ĩna riseriju ñagōburūgūama ĩna —ĩnare yigotiyuju Jesús.

“Quēnaro ĩre ajitirānārā, to yicōari, ĩre ajiboarine, ĩre cudimenama, ado bajiro bajirāma”, Jesús ĩyigotimasiore queti (Mt 7.24-27)

⁴⁶ Quēna ado bajiro ĩnare yiyuju Jesús:

—¿No yirā yu rotisere cudibetiboarine, “Yua ujū” yure yati mña? ⁴⁷ Yu gotimasiosere ajicōari, yu rotirore bajiro yiguma, ado bajiro yigu ũgūre bajiro bajigu ñagūmi: ⁴⁸ ĩ ũgū ñagūmi gūtājāijū gojeri coaejocōari, botari rūgōcōari, vi buagure bajiro bajigu. Vi ĩ buaro bero, buto oco quediroya. To bajicōari, riaga jaicoatoja. Ti vijū ti jaijacoaboajaquēne, juriaquedibetoja ti vi. ⁴⁹ Yure ajiboarine, yu rotirore bajiro yibecujua ñagūmi sita vajaroyū vi buagure bajiro bajigu. Ti vi ĩ buaro bero, buto oco quediroya. To bajicōari, riaga jaicoatoja. Ti vijure ti jaijarone, yoaro mene juriaquedicoatoja —ĩnare yigotiyuju Jesús.

7

Surara ujure moabosarimasure Jesús ĩcatiore queti (Mt 8.5-13)

¹ Gotimasiore queti ĩnare gotigajanocōari, Capernaum vāme cuti macaju vasuju Jesús. ² Ti macajure ñañuju romano masu. Surara ujū ñañuju ĩ. ĩre moabosarimasu, ĩ maigū, buto rijayuju. Bajirocacuju yiyuju ĩ. ³ To bajiri ti macaju Jesús ĩ vadire ajicōari, “ĩre catiogū vadiato Jesús” yigu, jud’io masa bucurāre ĩnare cōañuju ĩ, “ĩre jiaya” yigu. ⁴ To bajiri Jesús tujū ejacōari, ado bajiro ĩre yisēniñujarā ĩna:

—Yua tuagu, romano masu, surara ujū, ĩ queti cōarā bajiaja yua. “Vadiato Jesús. Yu maigū, yure moabosagu, buto rijaami. To bajiri rijacu yami. ĩre catiogū vadiato” ĩ yijare, bajibu yua. ⁵ Mani yarā, jud’io masare maiami. To bajiri ĩne Dios ocare yua buerotivire buaroticami. To yigu ĩ ñajare, ĩre sēnibosarā bajibu yua. ¿ĩre moabosagure catiogū varuabeati mña? —Jesúre yisēniñujarā ĩna.

⁶ To bajiro ĩna yijare, ĩna rāca vacoasuju Jesús. ĩ cōñatone, gājerā ujū ĩ cōariarā ĩre bocayujarā ĩna. ĩre bocacōari, ado bajise ĩre queti gotiyujarā ĩna:

—“Yu ujū, quēnagū ñaja mña”, mñare yami romano masu. “Yuma, rojose yu yisere tuoĭabojonegū ñari, yu ya vire ĩre sājaretimasibecuja yu. ⁷ To bajiri, ĩre boca bojoneaja yu”, mñare yami. No yigu sājabecuja mña. “Sājabetiboarine, ĩ ñagōtuoĭasene catiomasicōagūmi”, mñare yami. ⁸ “Gājerā surara ujarā

beroagu ñaja yu. To bajiri, yu quêne, gãjerã surarare rotigũ ñaja yu. Sîgũre, ‘¡Vasa!’ yu yijama, vajami. Gãjire, ‘Vayá’ yu yijama, vadiami. To yicõari, yure moabosarimasure, ‘Tire yiya’ yu yijama, yirũgũami. To bajiri, i roque rotigũ masu ñari, adoju sãjadibetiboarine, i ñagõtuõiasene cati-coarucami”, mure yami —Jesúre yiyujarã ña, romano masu i gotirotirã.

⁹ To bajiro i yirere ajicõari, no yimasibesuju Jesús. To bajiri, judarũgũcõari, jãjarã ñre sũyarãre ado bajiro ñnare gotiyuju:

—Riojo mure gotiaja yu. Israel ñamasir'i jãnerabatia yu yarã ñaboarine, “Masigũ, to yicõari, quẽnagũ ñari, yure yirẽmorucami” romano masu yure i yitõõiarore bajiro tuõõagũre ñabetirũgũaja yu —ñnare yigotiyuju Jesús.

¹⁰ To bajiro i yiro bero, romano masu i gotirotiriarã, vijure sãjacõari, ña ñajama, ñre moabosagure catiquẽnagũ ñagũre ñre ñañujarã ña.

Bajirocar'ire Jesús i catiore queti

¹¹ To i yiriaro bero, gaje macaju vasuju Jesús, Na'in vãme cuti macaju. I buerã quêne gãjerã quêne, jãjarã masa i rãca vasujarã ña. ¹² Ti macaju ña ejaro, bajirocar'i rujãrre gajavayujarã ña, ñre yujeroana. Jãjarã masa ña rãca vayujarã ña. I ñaboar'i jaco quêne, vayuju. Manaju rijaveorio ñañuju so. Sîgũne macu cutirio ñari, bũto otiyuju. So oti vadone sore bocayuju Jesús. ¹³ Sore ñamaicõari,

—To cõrone otitujaya mu —sore yiyuju i.

¹⁴ To yicõari, so macu rujãri ña gajarijotire i moaãejarũgũrone, tujarũgũcõañujarã ña. ña tujarũgũrone,

—“Vũmarũjuña” mure yaja yu —ñre yiyuju Jesús.

¹⁵ To i yirone, vũmarũjuri, ñagõñuju i yuja, bajirocar'i. To i bajiro ñacõari, i jacore tũaisiñuju Jesús. ¹⁶ ñre i catiosere ñacõari, gũiyujarã masa, ti ñnare ñabetirũgũriarã ñari. To bajirã ñari,

—Diore gotirẽtobosarimasu ñamasugũ mani tũjũre ejaami yuja. I yarã mani ñajare, manire ñamaicõari, Jesús sũorine manire ejarẽmoami Dios —Diore yirũcũbuo variquẽnañujarã ña.

¹⁷ To bajiro Jesús i yisere ajijedicõañujarã ña, Judea sitana. Ti sita sojuana quêne, tire ajiyujarã ña.

Juan vãme cutigu, masare oco rãca bautizarimasu i cõariarã, Jesúre ña sẽnĩare queti

(Mt 11.2-19)

¹⁸ Jesús i yĩnasere masijeocõañuju, Juan, i buerimasa ña gotise ti ñajare. ¹⁹ Tire ñre ña gotiro bero, juarã i buerãre sẽnĩaroticõañuju Juan:

—Jesúre, “¿Mũne ñati, ‘Rotimũorũgõrucami’ yigu, Dios i cõar'i, ‘Yu bero ejarucami’ Juan i yigotimasiocacu? ¿Gãjire yuroti ñatique maji?”, Jesúre yisẽnĩaaya —ñnare yicõañuju Juan.

²⁰ To bajiro i yicõariarã, Jesús tu ejacõari, ado bajiro ñre sẽnĩañujarã ña:

—Juan vãme cutigu, masare oco rãca bautizarimasu buerã ñaja yu. “Ñre sẽnĩaaya” i yicõajare vabu yu. ¿Mũne ñati, “Rotimũorũgõrucami” yigu, Dios i cõar'i, “Yu bero ejarucami” Juan i yigotimasiocacu? ¿Gãjire yuroti ñatique maji? —ñre yisẽnĩañujarã ña.

²¹ To bajiro ña yisẽnĩarã ejarone, jãjarã rijaye cutirãre catiõõoñuju Jesús. Masa usuriju sãñarãre vãtiare quêne bureaõõoñuju. To yicõari, caje ñamenare quêne ñnare ñarotõõoñuju. ²² To bajiri, Juan i cõariarã ña sẽnĩasere ajicõari, ado bajiro ñnare cãdiyuju Jesús:

—Ado bajiro Juanre gotiba mua: “Jesús i masise rāca i yijare, iabetiboariā quēne ĩama. Rujasagueri vaboariarā quēne, quēnaro vama. Gase boariarāre quēne, ĩna cāmi yatibu. Ajimena ĩaboariarā quēne, ajima. Bajireariarā quēne, tudicatima. To yicōari, maioro bajirāre quēne, Dios oca quēnasere gotimasio ecoma ĩna”, yigotiba, Juan taju ejačōari. ²³ To bajiri, “ ‘Quēnase bujaruarāma yure ajitirūnarā, “Socū me yami”, yure yituoīarāma’ yimi”, ĩre yigotiaya —ĩnare yiyuju Jesús, Juan i sēniarotiriarāre.

²⁴ To bajiro i yisere ajicōari, ĩna vase rācane, Juan vāme cutigu, masare oco rāca bautizarimasu ĩnare quetire gotiyuju Jesús, jājarā ĩre ajisayarāre:

—Yucá manojū vana, ĩnimu ũgūre tuoīa vacati mua? ¿Masa ĩna bojasere bajiro yirūa tuoīagūre ĩarā vacati mua? “To bajiro tuoīagū me ĩacami”, yimasiaja mua. ²⁵ ¿ĩnimu ũgūre tuoīarā vacati mua? ¿Quēnase sudi sāñagūre tuoīa vacati? To bajiro me tuoīariarāja mua. “Quēnase sudi sāñarāma, quēnarivirijū, ujarā ya virijū ĩnarāma”, yimasiaja mani. ²⁶ ¿ĩnimu ũgūre tuoīa vacati mua? ¿Diore gotirētobosarimasare tuoīa vacatique mua? Riojo mware gotiaja yū. Gājerā Diore gotirētobosarimasare rētoro ñagūre ĩariarāja mua. ²⁷ Juan i bajiro tire gotiro, ado bajise gotiaja Dios oca masa ĩna ucamasire:

“ ‘“Rotimūorūgōrūcūmi” yigu, mure yū cōaroto rījoro, mure gotiyurocure cōasūorūcūja yū maji’ yami Dios. ‘ĩnarūcūmi ado bajise gotirocū: “Yoaro mene ejarūcūmi, ‘Rotimūorūgōrūcūmi’ yigu, Dios i cōarocū. To bajiri rojose Dios i bojabetire yitūjacōari, i bojasejūare yi yuya mua” yigotirocū ĩnarūcūmi’ yami Dios”, yigotiaja Dios oca masa ĩna ucamasire.

²⁸ Diore gotirētobosarimasa ĩna gotimasire rētoro ñamasuse ñaja, Juan, Diore i gotirētobosasejūa. To bajiro ti bajiboajaquēne, Juan i gotise rētoro ñamasuse ñaja yū gotiroticōarā ĩna gotise. “Ujū Dios yarā quēnaro i yirona mua ĩnarūajama, Jesúre ajitirūnūña” ĩna yigotisere yaja yū. Ñamasurā ñaama, “Ñamasurā me ñaama Jesús i gotiroticōarā” mua yīlāboajaquēne —i rāca ĩnarāre ĩnare yiyuju Jesús.

²⁹ Juan i gotimasiorere ajitirūnūñujarā ĩna, ujure gājoa sēnibosarimasa. Gājerā quēne, jājarā ĩre ajitirūnūñujarā ĩna. “Mū gotirote bajirone bajiaja. Rojose yirā ñaja yūa” yituoīacōari, Juanre bautizarotiyujarā ĩna, Diore rācūbūorā. ³⁰ ĩna bautizarotiboajaquēne, fariseo masa, Dios i rotimasire gotimasiorimasa quēne, Juan i gotisere ajicōari, “Bajibeaja ti”, yituoīañujarā ĩnajuama. Dios i bojasere yirūabesujarā. To bajiri Juanre bautizarotibesujarā ĩnama.

³¹ Quēna ado bajiro ĩnare gotiyuju Jesús:

—Ado bajiro yirāre bajiro yirā ĩnarāja mua, adirodoriana: ³² Daquerā, gājerā rāca ajerūamenare bajiro yirā ĩnarāja. ĩna ajeritūcurojū rujicōari, gājerājūare, ado bajiro ĩnare gotirujirāma: “ ‘Basavariquēnato mani’ yirā, mware jutibosaboabū yūa. To bajiro yūa yiboajaquēne, basabejū mua. To bajiri, ‘Rijariarāre būcūrā ĩna oticatore bajiro sutiriose boca otiruarāja mua, yūa basañarone’ yiboabū yūa. To yūa yiboajaquēne, otibejū mua”, ĩnare yigotirāma, ĩna rāca ajerūamenare. ³³ ĩna rāca ajerūamenare bajiro yirā ĩnarāja mua, adirodoriana. Juan, quēnase bare babeti, quēnase idire idibeti bajañajuju i. To bajiro bajigu i ĩnare, “Vāti sāñagū ñagūmi”, ĩre yituoīacajū mua, ĩre ajiterā ñari. ³⁴ ĩ bero gotimasiosūocajū yū, Dios i roticōacacū. Yūjuama, quēnase bare ba, quēnase idire idi bajiñaja yū.

To bajiro yigu yu ñajare, “Jairo bagu ñaami. Idimecagũ ñaami. Ujũre gãjoa sēnibosarimasa, gãjerã rojose yirãre quēne ñnare baba cutiami”, yure yĩñajūnisiniaja muu, yure quēne ajiterã ñari. ³⁵ To bajiro Juanre quēne, yure quēne muu yise ti ñaboajaquēne, Dios ĩ masise rãca yu yise ti ñajare, herojũ, “Quēnaro yirã yiboayuma”, yure yimasiruarãja muu —ĩ rãca ñarãre yiyuju Jesús.

Fariseo masu ya viju Jesús ĩ ñare queti

³⁶ Sīgũ fariseo masu ñañuju ĩ, Simón vãme cutigu. “Bare bagu vaja”, Jesũre yiyuju ĩ. To bajiro ĩ yijare, ĩ taju vasuju Jesús. Sãjaecõari, barujiyuju ĩ. ³⁷ Ti macaju rōmio ñañuju rojose yigo. To bajiri, Simón ya viju bare bagu Jesús ĩ ejasere ajicõari, gũta sotu alabastro vãme cuti rãca veariaru ãmiejayuju so. Sutiquēnase sãñaritu ñañuju tiru. ³⁸ Jesús gũbori veca ejarãgũcõari, otiyuju so. So otirone, so caje oco reajeoyuju ti, ĩ gũborire. To yicõari, so joa ñajone tire vejacaroyuju. Tire vejacarocõari, ĩ gũborire usuyuju. To yicõari, sutiquēnase so juadirere Jesús gũbori joere yuejeoyuju. ĩre rãcũbũogo yiyuju, to bajiro so yijama. ³⁹ To bajiro so yiro ñacõari, ado bajiro tuoñañuju Simón, Jesũre, “Bare baguaba” ĩre yir'ijua: “Diore gotirētosagũ masu ĩ ñajama, iso rōmiore, ‘Rojose yigo ñaamo’ yĩñamasicõari, sore moañarotibetibogũmi”, yituoñañuju ĩ. ⁴⁰ To bajiro Simón ĩ tuoñasere masicõari, ado bajiro yiyuju Jesús:

—Gotimasiore queti mure gotigũagu yaja yu.

To ĩ yirone,

—Yure gotiya —Jesũre ĩre yicũdiyuju ĩ.

⁴¹ To bajiro ĩ yicũdirone, ado bajiro ĩre gotiyuju Jesús:

—Umuu juarã ñarãma ñna, gãjijũare gãjoa vasoariarã. Sīgũ, juu cãma moaroto cõro vaja mogũmi ĩ. Gãjijũama, juarã muijua moaroto cõro vaja mogũmi. ⁴² Gãjoa tuoñaboarãma ñna, bajirãjuma. To bajiri ñna gãjoa mano ñacõari, “Tone bajicõato. Yure muu vaja mosere muare masiriocõaja yu”, ñnare yigũmi, ñnare maigũ ñari. To bajiri, ado bajiro mure sēniñaja yu: Gãjoa vasoariarãre ñnare ĩ masiriore ñajare, ¿nijua buto ĩre maigũjari? — ĩre yisēniñañuju Jesús.

⁴³ To bajiro ĩre ĩ yisēniñarone,

—Yu tuoñajama, jairo ĩre vaja mor'ijua, buto ĩre maigũmi —ĩre yicũdiyuju Simón.

To ĩ yirone,

—Riojo yaja mu —ĩre yiyuju Jesús.

⁴⁴ To yigoticõari, rōmiojuare sore ñagũne ado bajiro Simónre yiyuju Jesús:

—¿Adiore ñati mu? Yure jiboarine, mu ya vi yu ejaro, yu gũborire yu coerotire oco yure ñsibeju mu. To bajiboarine adioma so caje oco rãca yu gũborire coemo soma. To yicõari, so joa ñajone yu gũborire vejacoecaromo so. ⁴⁵⁻⁴⁶ Yure sēnigũne, ejarãre mani yarã ñna yirũgũrore bajiro yure usubeju mu. To bajiro mu bajiboajaquēne, sãjaejagone yu gũborire so usurojũne usutajabeticõa ñaamo adioma, yure rãcũbũogo. Mũma, yu rãjoa joere uye sutiquēnase yure yuejeobeju mu. Yure rãcũbũobecu ñari, bajibu mu. To mu bajiboajaquēne, sojuama, uye sutiquēnase jairo vaja cutisere yu gũbori joere yuejeoamo so. ⁴⁷ To bajiri quēnaro ajiya mu. Buto yure so maisere yĩõomo so. Tire ñacõari, ado bajiro sore yimasiaja mani: “‘Rojose yijaigo yu ñaboajaquēne, rojose yu yisere yure masiriogũmi Dios’ yituoñagõ ñaamo”, yimasiaja mani. To bajiboarine, “Diore maibetibũsaja” yigũre ñacõari, ado bajiseju yimasiaja mani: “‘Buto rojose yilbecu yu ñajare, Dios

mojoroaca yure ĩ masiriojare, ĩre maibetibꝯsacōaja' yitꝯoĩagũ ñaami", ĩre yimasiaja mani —Simónre yiyuju Jesús.

⁴⁸ To yicōari, rōmiore ado bajiro sore yiyuju Jesús:

—Rojose mꝯ yirũgũrere mꝯre masiriocōamꝯ yꝯ —sore yiyuju Jesús.

⁴⁹ To bajiro ĩ yirone,

—¿No yigꝯ to bajise yati ĩ? To bajiro ĩ ñagōjama, Diore rꝯcꝯbꝯobecꝯ yami. Dios sīgũne ñagũmi ti ũnire yimasigũma —yitꝯoĩañujarã ĩna, gãjerã “Baroaya” yigꝯ, Simón ĩ jiriarãjꝯa.

⁵⁰ To bajiro ĩna yitꝯoĩajare, ado bajiro sore yiyuju Jesús:

—“Rojose yꝯ yirũgũsere yure masiriocōañumi Dios” mꝯ yitꝯoĩase ñajare, rojose tãmꝯotꝯjabetiriarojꝯ mꝯ vaborotire mꝯre yirētosobabꝯ yꝯ. To bajiri, “Dios ĩ ĩajama, quēnagō ñaja yꝯ”, yitꝯoĩa variquēna vasa mꝯ —sore yiyuju Jesús.

8

Jesúre, ĩ buerimasare quēne ĩnare ejarēmorũgũriarã rōmiri

¹ Tiju bero, cojo maca me ejacudiyuju Jesús, Dios oca quēnasere masare gotimasiocudigꝯ. “Ŭjꝯ Dios yarã quēnaro ĩ yirona mꝯa ñarꝯajama, rojose mꝯa yisere yitꝯjacōari, yure ajitirãnuña”, ĩnare yigotimasiocudiyuju. Ti macarijꝯre ĩ rãca vasujarã ĩna, ĩ ocare goticudisꝯorona, jꝯaãmo cōro, gꝯbo jꝯa jēnituarirãcꝯ ñarã. ² Rōmia quēne, ĩna usurijꝯ sãñarãre vãtiare Jesús ĩ bureariarã, to yicōari, rijaye cutiriarã ĩ catioriarã quēne ñabajiyujarã ĩna, Jesúre suyarã. Sīgō, María Magdalena vãme cutigo ñañuju so. Cojomo cōro gaje ãmo jꝯa jēnituarirãcꝯ so usꝯjꝯ sãñariarãre vãtiare ĩ bureario ñañuju so. ³ Gajeo, Juana, Cuza manajo, ñañuju so. Cuza, Herodes ya vijꝯ codegꝯ ñañuju ĩ. Gajeo, Susana vãme cutigo ñañuju so. Gãjerã rōmia quēne, jãjarã ñañujarã ĩna, Jesúre suyarã. ĩna cꝯosere Jesúre, ĩ buerimasare quēne ĩnare ĩsirũgũñujarã ĩna, ĩnare ejarēmorã.

Oterimasꝯ ĩ bajirere Jesús ĩ gotimasiore queti
(Mt 13.1-9; Mr 4.1-9)

⁴ Jesúre ajirã ĩ tꝯjꝯ rējarũtuasujarã ĩna, gajemacari ñarã quēne. To ĩna bajiro, ado bajise gotimasiore queti ĩnare gotiyuju ĩ:

⁵ —Sīgũ oterimasꝯ, vesejꝯ ote ajere otegꝯ vacꝯmi. Vese ejacōari, ote ajere ĩ reabaterone, gajeye maajꝯ vējaquearoja. To bajiri tire cudarãma masa, maa vana. To yicōari, minia ejacōari, tire bareacōarãma ĩna. ⁶ Gajeyema, gũta joejꝯ reajeoroja. To bajicōari, judiboarine, oco manijare, sñireacoatoja ti. ⁷ Gajeyema, jotayucá vatoajꝯ vējaquearoja. To bajicōari, ti judiboajaquēne, jotajꝯa bꝯcꝯaveocoatoja ti. ⁸ Gajeyema, sita quēnarojꝯ vējaquearoja. To baji, judibꝯcꝯacōari, quēnase ñacōari, jairo rica cutiroja. Cojotō cien ñaricari rica cutiejoroja —ĩnare yigotiyuju Jesús.

To yigajanocōari,

—Tire mꝯa ajimasirꝯajama, quēnaro tꝯoĩaña mꝯa —ĩnare yiyuju Jesús.

“Ado bajiro yirꝯaro yaja oterimasꝯ ĩ bajire queti”, Jesús ĩ yigotirētobure queti

(Mt 13.10-23; Mr 4.10-20)

⁹ Tiju bero, ado bajiro Jesúre sēniãañujarã ĩ buerimasa:

—Oterimasꝯ ĩ bajire queti mꝯ gotimasiose, ¿no yire ũni ñati ti? —ĩre yisēniãañujarã ĩna.

¹⁰ To bajiro ĩna yisēniãajare, ado bajiro ĩnare cãdiyuju ĩ:

—“Uju Dios yarã quênaro ï yirona yua ñarujajama, ado bajiro yiroti ñaja” ña yimasibeticature Dios ï masise rãca ajimasiasia muma. To bajiboarine, gãjerãjuama, yu yĩosere ñarã ñaboarine, to yicõari, yu gotisere ajirã ñaboarine, “To bajiro manire yigotigũ yami”, yimasimenama.

¹¹ “Ado bajiro yirũaro yaja” oterimasu ï bajire quetire yu gotise: Ote ajere yu yijama, Dios ocare yigu yibu yu. ¹² Ote aje, maaju vëjaquearere yu yijama, “Uju Dios yarã quênaro ï yirona ña ñarujajama, ado bajiro yiroti ñaja” yu yigotimasiosere quênaro ajimasimenare yigu yibu yu. Minia, ejacõari, ote ajere ña basere yu yijama, vãtia uju ejacõari, Dios ocare ña ajimasiboasere guaro ï masirosere yigu yibu yu. To bajiro yami vãtia uju, “Dios ocare ajitirũnacõari, quênaro yirëto ecoroma ña” yigu. ¹³ Gãta joeju vëjaqueacõari, guaro judibucũaboarere yu yijama, yu yere ajicõari, quênaro variquênase rãca ajirã ñaboarine, yoaro mene tire ña quejerotire yigu yibu. Sínirearere yu yijama, yu yere ajirã ñaboarine, rojose ña tãmuojama, yoaro mene yu ocare ña ajitujarotire yigu yibu. ¹⁴ Jotayucã vatoaju vëjaqueacõari, judiboarere jotayucãju ti bucũaveorere yu yijama, yu gotisere ajirã ñaboarine, tuõiarejairã, to yicõari, gajeyeũni bojatuõarã ñari, yu yejuare ña tuõatujarotire yigu yibu. To bajiro bajirã, yu yere ajisũoboarine, yu bojarore bajiro yimenama ña. ¹⁵ Sita quênaroju vëjaqueare judibucũacõari, quênase rica cutirere yu yijama, yu yere ajimasicõari, Dios ï bojarore bajiro quênaro yirãre yigu yibu —ñare yigotiyuju Jesús.

Sĩabusuoriare tuõiacõari, Jesús ï gotimasioire queti

(Mr 4.21-25)

¹⁶ Quëna gaje queti ado bajiro ñare gotiyuju Jesús:

—Sĩabusuoriare jëocõari, sotũne tiare mubũamenaja mani. Tiare jëocõari, “Ñajediro ti vianare ujubusato” yirã, vecaju jeorãja mani. Tire bajiro bajiaja yu gotimasiose. “Ajimasibeticõato masa” yigu me, to bajise ñare gotiaja yu. “Quênaro riojo ajimasiato ña” yigu, gotirũgũaja. ¹⁷ Dios sũorine masa ña ajimasibeticati jediro, quênaro ajimasirũarãma.

¹⁸ No bojagũ Diore ajitirũnũgũre, “Quênarobusa ajimasiato” yigu, ï masisere cõarucũmi Dios. Gãjirema, ñre ajigũ ñaboarine, ñre ï ajitirũnũbetijare, ï ajimasiboasere masiriojeocõarucũmi ï. To bajiri ñre masibetimasucõarucũmi ï. To bajiro ti bajijare, mũare yu gotisere quênaro mũa ajimasirũajama, Dios ï bojarore bajiro quênaro yimũorũgõña mũa —ĩ buerimasare yigotiyuju Jesús.

“Yu yarãma, ado bajiro bajirãju ñaama”, Jesús ï yire queti

(Mt 12.46-50; Mr 3.31-35)

¹⁹ Jesús, masare ï gotmasio ñarone, ï jaco, ï bederã rãca ñre ñarã ejaboayujarã ña. To bajiboarine jãjarã masa ña ñajare, ï tũju ejamasibesujarã. ²⁰ ï tu ña ejamasibetijare, sīgã, ado bajiro Jesũre ñre yiyuju:

—Mũ jaco, mũ bederã quëne macajũju ejama, mũ rãca ñagõruarã — Jesũre ñre yigotiyuju.

²¹ To bajiro ï yigotisere ajicõari, ñre ajinãrãjuare ado bajiro ñare yiyuju Jesús:

—No bojarã Dios ocare ajicõari, ï rotirore bajiro yirã ñarãma yu bederãre bajiro bajirã, yu jacore bajiro bajirã —ñare yiyuju Jesús.

Mino vatone, oco sabesere Jesús ï tũjore queti

(Mt 8.23-27; Mr 4.35-41)

22 Cojorãmu Jesús i buerã rãca cūmuaju vasãjacõari,
—Gajecatuaju jējaro mani —ĩnare yiyuju Jesús.

23 Īna jēatone, bũto mino vasuju. To bajicõari, bũto sabeyuju. Ti saberone, cūmua sagueca yiro, oco sãjacõari, rujacoarũayuju. To ti bajiboajaquẽne, cãnigũ yiyuju Jesús. 24 Ī cãniro ĩacõari, ĩre yujiouyujarã ĩna:
—Yua uju, ĩrujareana yaja mani! —ĩre yiyujarã ĩna.

To bajiro ĩna yijare,

—ĩMino tujaya! ĩSabese quẽne tujaya mua! —yiyuju Jesús.

To ĩ yirone, tujacoasuju mino. Sabese quẽne sabebesuju yuja. 25 To yicõari,

—“Rojose mani tãmuoboajaquẽne, manire yirẽtobosarũcumi”, yure yitũoĩarã me ñaja mua —ĩnare yiyuju Jesús.

To bajiro ĩ yisere ĩacõari, no yimasibesujarã ĩ buerimasa.

—¿Ñimu ũgũ masu ñati ãni? Minore, to yicõari, sabesere ĩ tujarotijama, ĩre ajaiaja —gãmerã yiyujarã ĩna, ĩre gũirã.

Gerasa vãme cuti maca tuagure ĩ usũju sãñarãre vãtiare Jesús ĩ bureare queti

(Mt 8.28-34; Mr 5.1-20)

26 Utabũcũra gajecatuaju Gerasa vãme cuti maca tujũ ejayujarã. 27 Toju ejaõari, Jesús ĩ majatone, sĩgũ ũmu, ti macaju ñaboar'i, ĩre bocayuju ĩ. Sudi magũne, yoaro masa rijariarãre ĩna yujereariaviju ñarũgũñuju ĩ. Vãtia sãñagũ ñañuju. 28-29 To bajigu ñari, cojoji me ĩ masu ĩ bojasere yimasibeticõari, vãtia ĩna bojasejuare yirũgũñuju ĩ. To bajiro bajigu ĩ ñajare, cõemane ĩre siaboayujarã ĩna. ĩre ĩna siaboajaquẽne, tũasure reacõarũgũñuju ĩ. To yicõari, yucũ manojũ varũgũñuju, ĩre sãñarã vãtia to bajiro ĩre ĩna varotijare. To bajiri Jesũre ĩ bocarone,

—Ãni masu usũju sãñarã, budiya mua —vãtiare ĩnare yiyuju Jesús.

To ĩ yirone, masujua, vãtia suorine avasãcõari, Jesús rĩjorojua gũsomuniari tuetuyuju. To ĩ bajirone, vãtiajua, masu usũju sãñacõari, ado bajiro Jesũre sãñiãavasãñujarã:

—Jesús, masirẽtogũ, Dios macu ñaja mu. ¿No yigu yua tu vadiati mu? “Yũare gõjanabiobesa”, mũre yisẽniaja yua. “Rojose mua yise vaja, rojose mũare yibeaja yu”, yũare yiya —Jesũre yisẽniñujarã.

30 To ĩna yirone, ado bajiro vãtia sãñagũre sãñiãañuju Jesús:

—¿Ñimu vãme cutiati mu? —ĩre yiyuju.

31 To ĩ yisere ajicõari, ado bajiro ĩre cãdiyuju vãtiajua:

—Legiõn vãme cutiaja yua —ĩre yiyujarã. Jãjarã ĩ usũjũre sãñarã ñari, to bajiro ĩre yicãdiyujarã vãtia. To yicõari, bũto Jesũre sãñiñujarã:

—Tũsabetigoje tubibe ecocõari, josari tãmũoriaroju yũare cõabesa mu —Jesũre ĩre yisẽniñujarã.

32 Buroju jãjarã ecariarã yesea macabañañujarã. ĩnare ĩacõari, ado bajiro Jesũre sãñiñujarã vãtiajua:

—Yũare mu bureajama, õa yeseajuare yũare sãjarotiya —ĩre yiyujarã ĩna. To bajiro ĩre ĩna yijare,

—Mũare varotiaja yu —vãtiare ĩnare yiyuju Jesús.

33 To ĩ yirone, masu usũjũre sãñaboariarã budicoasujarã yuja, yeseajuare sãjaroana. ĩna sãjarone, buro ũmaroja vacõari, utabũcũraju rearoderujacõa tujasujarã.

³⁴ Yeseare coderimasa, to bajiro ña bajisere ñacōari, ũmacoasujarã, ña ya macaja vana. Toju ejacōari, ti macanare, to yicōari, ti maca tu ñarimacarianare quēne, tire gotibatoyujarã. ³⁵ To bajiro ña yigotisere ajicōari, Jesúre ñarã vasujarã ña, ti macana. Ī tuju ejacōari, vátia sãñaboar'ire ñañujarã ña. Sudi sãñacōari, Jesús tu rujiyuju. Ña bajirore bajiro bajigu ñañuju ĩ yuja. Vátia ña sãñajama, tuoĩamasibecu ñañuju maji. Quēnaro tuoĩagũ ñañuju yuja. To ĩ bajisere ñacōari, Jesúre buto güiyujarã ña.

³⁶ Vátia sãñaboar'i ĩ bajisere ñariarã, gãjerãre gotiyujarã. ³⁷ To bajiri, Gerasa vãme cuti macana to sojuã vadiriarã quēne, Jesúre buto güirã ñari, —Vacoasa. Ado mu ñasere bojabeaja —ĩre yiyujarã ña.

To ña yijare, tudiacu, cūmuaju vasãñajuju Jesús. ³⁸ To ĩ bajirone, ado bajiro ĩre yiboayuju vátia sãñaboar'i:

—Mu rãca buto varuaja yu quēne —ĩre yiboayuju. To bajiro ĩ yiboajuquēne, ado bajiro ĩre cadiyuju Jesús:

³⁹ —Yu rãca vadibesa. Mu ya vijũ tudiasa. “Dios ĩ masise rãca yu usaju sãñarãre vátiare bureami Jesús”, mu yarãre ñare yigotiba —ĩre yicadiyuju Jesús, vátia sãñaboar'ire.

To bajiro ĩ yijare, ĩ yarã tuju tudicoasuju ĩ. Tudiejacōari, ĩ ya maca ñarã jedirore, ti quetire goticudiyuju.

Jairo macore Jesús ĩ catiore queti

(Mt 9.18-26; Mr 5.21-43)

⁴⁰ Jesús tudijëacoasuju quēna, gajejacatuaju. Toju ĩ ejarotire yucōa ñañujarã ña, masa. To bajiri ĩ jëaeja majatone buto variquēnase rãca ĩre sēniñujarã ña. ⁴¹⁻⁴² To ña bajirone, Dios ocare ña buerivi uju quēne ejayuju, Jairo vãme cutigu. Jesúre ñacōari, ĩ rĩjorojuã gusomuniari tuetuyuju, ĩre rucubogũ. To yicōari, ado bajiro Jesúre ĩre sēniñuju:

—Yu maco sīgōne ñagō, juaãmo cōro, gubo juã jënituari cūmari tusaco ñaamo so. Bajirocaco yimo. So tu ejacōari, sore mu moañajama, caticoaruocomo —Jesúre ĩre yisēniñuju.

To bajiro Jairo ĩ yisere ajicōari, ĩre suyasuju Jesús. Jãjarã masa ĩre suyacōari, no bajiro yi vamasina manojũ vasujarã ña. ⁴³ To bajiro ña bajivatoajure sīgō gãmorōmi cutigo ñañuju so. Juaãmo cōro, gubo juã jënituari cūmari rijañañuju. Uco yirimasa, sore ña uco yire vaja, vaja yigo, gãjoa so cuoboarere ñare ĩsijeocōañuju. To bajiro ñare so yiboajuquēne, quēnaejabesuju so. To bajiri gãjerãre Jesús ĩ catiore quetire ajirio ñari, jãjarã masa vatoaju Jesúre suyasuju so. ⁴⁴ ĩ suyarojuã ejarũgacōari, ĩ sudiro gajare moañañuju. So moañarirĩmarone, sore quēnaejacoasuju yuja. ⁴⁵ So moañarone, ado bajiro masare sēniñaju ĩ:

—¿Ñimu yu sudirore moañari? —ñare yisēniñaju.

—Mure moañaña maja —ĩre ña yicadijedicōajare, ĩ buerimasu, Pedro vãme cutigu, ado bajiro Jesúre yiyuju ĩ:

—¿No yigu “¿Ñimu yure moañari?”, yati mu? Mu tuju jãjarã ñaja yua, mure moañarã —ĩre yiyuju Pedro.

⁴⁶ To ĩ yiboajuquēne,

—Sīgō rōmio, “Quēnaejagosa” yigo, yure moañamo so. Yure moañagōne, “Yu masise suorine quēnaejacoajamo”, yimasicōamũ yu —ñare yiyuju Jesús. ⁴⁷ To bajiro ĩ yijare, “Jëre ĩre yu moañasere masicōami” yigo ñari, nanagōne, Jesús rĩjorojuã ejacōari, gusomuniari tuetuyuju so. To yicōari, ñajediro so bajirere Jesúre gotiyuju. ⁴⁸ To so yirone, ado bajiro sore cadiyuju Jesús:

—Y_u maigō, “Ī sudiro gajare y_u moaĭajama, quēnaejacoar_uocoja y_u” m_u yit_uoĭase ñajare, “Quēnaejato”, m_ure yib_u y_u. To bajiri, “To bajiro y_ure yimi”, yit_uoĭa variquēna vasa m_u —sore yiyuju Jesús.

⁴⁹ To bajiro sore ĩ yĭnarone, Dios ocare ĩna buerivi _uja Jairo vāme cutig_u ya viag_u ejayuju. Ejacōari, ado bajiro Jairore gotiyuju:

—M_u maco bajirocacoamo. No yig_u m_u ya vij_u gotimasiorimas_u ĩ vasere bojabec_uja m_u yuja —Jairore yiyuju ĩ.

⁵⁰ To ĩ yisere ajicōari, ado bajiro Jairore gotiyuju Jesús:

—T_uoĭasutiritibesa m_u. Y_u masisejuare t_uoĭacōa ñaña. M_u t_uoĭacōa ñajama, tudicaticoar_uocomo so —ĭre yiyuju Jesús.

⁵¹⁻⁵³ To yi vanane, ejayujarā Jairo ya vij_ure. Toj_u ejana ĩna ĭajama, ĩ maco so bajirocacoajare, b_uto otiñañujarā ĩna, ti vi ejariarā. To bajiro ĩna yĭñajare, ado bajiro ĩnare yiyuju Jesús:

—Otibesa m_ua. “Bajirocacoajamo” m_ua yiboago, cānigō yamo —ĭnare yiyuju Jesús.

To ĩ yijare, ĭre ajayujarā ĩna, “Bajirocacoamo” yimasirā ñari. To yicōari, bajirocario so jesari sōajare ĩnare jājarotibesuju Jesús. Pedro, Santiago, Juan, to yicōari bajirocario jac_uare quēne tocārāc_une ĩnare jājarotiyuju Jesús. ⁵⁴ Jājaejacōari, bajirocario āmore ñiag_une, ado bajiro sore yiyuju Jesús:

—Daquero, v_um_ur_ug_uña —sore yiyuju.

⁵⁵ To ĩ yirone, bajirocario cativ_um_ur_ug_ucōa_uju so yuja. To so bajisere ĩacōari,

—Bare sore ecaya m_ua —ĭnare yiyuju Jesús.

⁵⁶ So tudicatisere ĩacōari, no yimasibesujarā so jac_ua, ti ũnire ĩabetir_ug_uriarā ñari. To bajiro ĩna bajisere ĩacōari, ĩna macore ĩ catiosere gotirotibesuju Jesús.

9

Ī ocare goticudis_uoronare Jesús ĩ cōare queti

(Mt 10.5-15; Mr 6.7-13)

¹ Cojor_um_u, juaāmo cōro, gubo jua jēnituairirāc_u ñarāre ĩ buerimasare jirēoñuju Jesús. ĩnare jirēocōari, masa _us_uriju sāñarāre vātiare ĩna burea-masirotire, to yicōari, rijaye cutirāre ĩna cationasirotire ĩnare _ujoyuju ĩ. ² To bajiro yicōari, ĩnare ĩ cōaroto rĭjoro ado bajiro ĩnare yiyuju:

—“_Uju Dios yarā quēnaro ĩ yirona m_ua ñar_uajama, rojose m_ua yisere yit_uajacōari, Jesúre ajitir_uñ_uña”, yigotimasiodir_uona ñaja m_ua. To bajicōari, rijaye cutirāre cationona ñaja —ĭnare yirotiyuju Jesús. ³ To yicōari, quēna ado bajiro ĩnare yiyuju Jesús:

—No bojase m_ua c_uose juaábeja. Tueriayuc_uari, m_ua bare s_uriajoari, to yicōari, g_ujoare quēne juaábeja. Gajeye sudi juaámenane, m_ua sāñasene sāñacōari, vaja. ⁴ Tocārāca macare m_ua ejajama, m_ua ejas_uorivine cānima. Ti vine ñacōari, y_u ocare goticudir_uarāja m_ua maji, gajeroj_u m_ua varoto rĭjoro. ⁵ M_ua ejarimacana, quēnaro m_uare ĩna bocaāmibetijama, to yicōari m_ua gotisere ĩna ajiruabetijaquēne, ti macajure ñabeja. M_uare ĩna ajiruabetijare, m_ua gubo sudi tuyasere sitare varerea, vacoaja. To bajiro m_ua yijama, “Quēnaro y_uare bocaāmibeticōari, y_uare m_ua ajiruabetijare, rojose m_uare yir_uc_umi Dios” yirā yir_uarāja m_ua —ĭnare yiyuju Jesús.

⁶ To bajiro ĩ yijare, ĩ ocare goticudirā vasujarā ĩna: “Rojose m_ua yisere yit_uajacōari, quēnasejuare t_uoĭavasoaya” ĩnare yigoticōari, Cristo s_uorine

quēnaro Dios ī yirotere gotimasiocudiyujarā ĩna. Rijaye cutirāre quēne catiocudiyujarā, ĩna vati macari ñaro cōrone.

Jesús ī bajiñasere ajicōari, “¿Ñimū ũgū ñarojari?”, Herodes īyituoĩare queti (Mt 14.1-12; Mr 6.14-29)

⁷⁻⁹ Jesús ī bajiñasere, to yicōari, ī goticudirotiriarā ĩna bajiñasere quēne ajiyeocōañuju Galilea vāme cuti sita ñarā ujū, Herodes vāme cutigu. To yicōari, Jesús ī bajiñasere masa ĩna tuoĩasere quēne ajiyuju Herodes. Ado bajiro tuoĩañujarā sīgūri:

—Juan vāme cutigu, masare oco rāca bautizarimasune sīacoboarine, tudicaticoarimi —yituoĩañujarā.

Gājerāma, ado bajiro yiyujarā:

—Diore gotirētobosarimasū El'ias ñamasir'i ñagūmi quēna —yiyujarā.

Gājerājūma, ado bajiro yiyujarā:

—Diore gotirētobosarimasa ñamasiriarā rācagu tudicatar'i ñagūmi quēna —yiyujarā ĩna, Jesúre.

Herodejūma, ado bajiro yiyuju:

—Juan me ñagūmi. Ī rñjoare jatarocaroticōacajū yū. To bajiri, ¿ñimū ũgū ñarojari ī? —yiyuju Herodes. To bajiro yigu ñari, Jesúre ĩaruarũgūboayuju ĩ.

Masa, cinco mil ñarāre Jesús ī bare ecare queti (Mt 14.13-21; Mr 6.30-44; Jn 6.1-14)

¹⁰ Ī goticudiroticōariarā, tudiejacōari, Jesúrāca rējañujarā juaāmo cōro, gūbo jua jēnituarirācu ñarā ĩ buerimasa. Ī rāca rējacōari, ĩna yicudirere ĩre gotiyujarā. To bajiro ĩna yiro bero, ĩnare ũmato vasuju Jesús, masa ĩna manibūsarojū, Betsaida vāme cuti macajū. ¹¹ To bajiri Jesús ī vati quetire ajicōari, ĩre sūyaejasujarā jājarā masa. ĩna ejasere ĩacōari,

—Yūre ajirā, ado mūa ejase quēnaja —ĩnare yiyuju Jesús.

To yicōari, ado bajiro ĩnare gotimasioñuju:

—Ujū Dios yarā quēnaro ī yirona mūa ñarūajama, rojose mūa yisere yitujacōari, yūre ajitirūnuña —ĩnare yigotimasioñuju. To yicōari, rijaye cutirāre catioyuju.

¹² To bajiro yifnarone, rāioroto rñjoro, juaāmo cōro, gūbo jua jēnituarirācu ñarā Jesús buerimasa, ĩ tñ ejacōari, ado bajiro ĩre yiyujarā:

—Masa manojū ñaja. To bajiri, “Masa cutojū bare vaja yibamasiato ĩna” yigu, to yicōari, ĩna cānirotijurire “Vaja yicōari, cāniato ĩna” yigu, masare ĩnare varotiya mū —Jesúre yiyujarā ĩna.

¹³ To bajiro ĩna yiboajaquēne,

—Mūane ĩnare bare ecaya —ĩnare yiyuju ĩ.

To ĩ yirone,

—Jairo bare cūobeaja yūa. Bajiboarine, cojomo cōro pan, juarā vai cūoaja yūa. ĩna barotire, no bajiro vaja yibosamasimenaja mani —ĩre yiyujarā.

¹⁴ ĩna tujure cinco mil ũmūa ñañujarā ĩna. To bajiro ĩna yisere ajicōari, ado bajiro ĩnare yiyuju Jesús, ĩ buerimasare:

—Masare rujatubuari ĩnare rujirotiya. Tocārācatubware “Cincuenta ñarirācu rujiya”, ĩnare yiya mūa —ĩnare yiyuju Jesús, ĩ buerimasare.^d

¹⁵ To bajiro ĩ yijare, ĩ rotirore bajirone ĩnare rujirotijeoyujarā ĩna, Jesús buerimasa. ¹⁶ To bajiro ĩna rujiyediro ĩacōari, cojomo cōro ñaricari panre,

^d 9:14 Rīamasare, rōmiare cōmenane, ũmūa būcūgā rīrene ĩna cōjama, cinco mil ñañujarā ĩna.

juarã vai ñarãre quêne juacõari, õ vecajua ñamõñuju Jesús. To yicõari, “Quênaro yaja mu”, Diore ñre yiyuju. To yicõari, panre iguesurebatecõari, ñ buerimasare ñsiñuju, “Rujirãre ñare ñsibatoya” yigu. Juarã vaire quêne vêtãrebatecõari, ñ buerimasare ñsiñuju, “Rujirã jedirore ñare ñsibatoya” yigu. ¹⁷ Sīgũ ruyariaro mano quênaro baũsũcũtjedicõañujarã. Ña bagajanoro bero, ña baruasere ña juarẽojama, juaãmo cõro, gũbo jua jẽnituario ñarjibarĩ ruyayuju.

“*‘Rotimõorãgõrucũmi’ yigu, Dios ñ cõar’i ñaja mu*”, *Jesúre Pedro ñ yire queti*

(Mt 16.13-19; Mr 8.27-29)

¹⁸ Cojorãmu ñ buerimasa rĩne ña ñaro, ñ jacure sēniñuju Jesús. Ñ jacure sēnigajanocõari, ado bajiro ñare sēniñañuju ñ:

—¿Ñimũ ñaami yure yati ña masa? —Ñare yisēniñañuju.

¹⁹ To ñ yisere ajicõari ado bajiro ñre cũdiyujarã ñ buerimasa:

—Sīgũri, “Juan vãme cũtigũ, masare oco rãca bautizarimasmũ, tudicat-icõari bajigũmi quēna”, mure yama ña. Gãjerãma, “El’ias ñamasir’i ñaami”, yama ña. Gãjerãjũama, “Diore gotirẽtobosamasir’i ñaami”, mure yama —Jesúre yicũdiyujarã.

²⁰ To ña yirone, ado bajiro ñare tudisēniñañuju Jesús:

—Mũama, ¿ñimũ ñaami yure yati mũa? —Ñare yiyuju.

To ñ yirone, ado bajiro ñre cũdiyuju Pedro:

—Mũ ñaja rojose yua tãmõoborotire yuare yirẽtobosacõari, rotimõorãgõrocũ, Dios ñ cõar’i —Jesúre yiyuju.

²¹ To bajiro Pedro ñre ñ yisere ajicõari, gãjerãre gotirotibesuju.

“*Yure sãaruarãma*”, *Jesús ñ yire queti*

(Mt 16.21-28; Mr 8.31-9.1)

²² To yicõari, ado bajiro ñare gotiyuju ñ:

—Yũ, Dios ñ roticõacacũ, bũto rojose tãmõorũcũja. Bũcũrã, paia ñjarã, to yicõari, Dios ñ rotimasire gotimasiorimasa quêne, rojose yure yicõari, yure sãaruarãma ña. Yure ña sãaboajaquêne, idiarãmu tũsatirãmũne yure catorũcũmi Dios —Ñare yigotiyuju Jesús.

²³ To yicõari, ñ buerimasare gãjerãre quêne ñare jirẽocõari, ado bajiro gotiyuju Jesús:

—No bojagu yũ yũ ñ ñarũajama, ñ bojasere, ñ ye ñarotire tũõĩabetirũcũmi. Tũõĩabeticõari, “Jesúre bajiro rojose tãmõorũcũja yũ quêne” yitũõĩacõari, yũyuare ajisũyarũcũmi. ²⁴ No bojarã, ña bojaro ñare cũtirema adi macarũcũrore ñasere ñavariquēnacõari, Diore tũõĩamenama, Dios ñ catisere yayibetire cũomena ñarũarãma ña. To bajiboarine, yure ajitirũnũrã, yũ oca ña gotisere ajijũnisinicõari, ña sãarãma, Dios tũ quēnaro ñarona ñarãma.

²⁵ Sīgũ adi macarũcũroju gãjeyeũni jediro ñ bajaboajaquêne, beroju rojose tãmõotũjabetiriaroju ñ vajama, ñ gãjeyeũni ñ bũjaboare ñie vaja manoja.

²⁶ Masa ña ñaro rĩjoroju, “Jesúre rũcũbũogu ñaja yũ”, yibojonebesa. To bajiro yibojonegũ ñari, yũ yũ ñ ñarũabetijama, “Yũ yũ me ñaami”, ñre yũĩarũcũja yũ quêne, Dios ñ roticõacacũ ñacõari, “Quēnarẽtogũ ñaja yũ” yũ jacũ ñ yũĩoro bajiro yigu ñari, ñ bususe rãca yũ vadirũmũ. Yũ rãca vadirũarãma Dios ñ cõarã, ángel mesa. ²⁷ Riojo mure gotiaja yũ. Mũa

sīgūri m̄ua bajireabetone, “Ñajediro ɯju ñaami yu roticōacacu” Dios m̄uare ī yīōsere ĩaruarāja m̄ua —ĭnare yigotiyuju Jesūs.^e

Ī buerimasa ĩna ĩaro rĭjorojua Jesūs ĩ godovediōre queti
(Mt 17.1-8; Mr 9.2-8)

²⁸ To bajiro ĩnare ĩ yigotiriario bero, cojomo cōro, gaje āmo idia jēnituario t̄asatir̄um̄u cōro, Pedro, Juan to yicōari Santiagore quēne buro joeju ĩnare ūmato vasuju Jesūs. ²⁹⁻³² Toju ĩna ejaro bero, Diore sēnigū vasuju Jesūs. To ĩ bajitoye, b̄uto ĩnare v̄ujaejayuju Pedro mesare. To ĩna bajiñarone, Jesūjua, Diore sēniñagūne, ricati ruyugu godovedicoasuju. To ĩ bajisere ĩacacoasujarā ĩna. Sudi ĩ s̄āñase b̄uto boticoasuju. To bajicōari, cajemose busuyuju ti. To ĩ bajirone, Moisés ñamasir'i, El'ias ñamasir'i rāca Jesūs tu ruyuarūgūñujarā ĩna. ĩna quēne, busubatese rāca ruyuyujarā ĩna. To bajicōari, Jerusalén vāme cuti macaju ĩ s̄iaecrotire Jesūrāca ĩna gāmerā ñagōñasere ĩañujarā Pedro mesa. ³³ To bajiri Jesūrāca ñagōgajanocōari, ĩna cāmotadirir̄imarone, ado bajiro Jesūre gotiyuju Pedro:

—Yu ɯju, adoju mani ñajama, quēnamasucōaja. M̄ua ñaro cōrone vijāiri m̄uare b̄uabosaruarāja yua. M̄u yajāi, El'ias yajāi, to yicōari, Moisés yajāi b̄uabosaruarāja —Jesūre yiboayuju Pedro.

“To bajiro yigu yigūja” yiri mene yicōañuju. ³⁴ To bajiro ĩ yirir̄imarone, bueri b̄uto cajemose ĩnare buebibecōañuju ti. To bajiro ĩnare ti bajirone, b̄uto güiyujarā ĩna Pedro mesa. ³⁵ To bajicōari, bueri vatoaju ado bajiro ocaruyuju:

—Ānne ñaami yu macu, “Rotim̄orūgōr̄uc̄uja m̄u” yigu, yu cōagū. ĩre quēnaro ajitir̄un̄ña m̄ua —yi ocaruyuju.

³⁶ To bajiro ti ocaruyuro bero, ĩaboayujarā. El'iare, Moisére quēne ĩnare ĩabujabesujarā. Jesūs sīgūne ñañuju ĩ yuja. To bajisere ĩariarā ñaboarine, yoaro, gājerāre tire gotimenane bajicōañujarā ĩna.

Mas̄u ɯs̄uj̄u s̄āñagūre vātire Jesūs ĩ burocure queti
(Mt 17.14-21; Mr 9.14-29)

³⁷ Ti buroju majariarā, gajer̄um̄uju rojaejayujarā ĩna quēna. Ti buro judoju, jājarā masa ĩre yurā bajiñarāre ĩnare ejayujarā. ³⁸ Jesūs ĩ ejasere ĩacōari, sīgū, ado bajiro ĩre sēniñuju:

—Gotimasiorimasu, yu macure ĩamaiña m̄u. Sīgūne ñagū ñaami. ³⁹ ĩ usujure vāti s̄āñānaami. To bajiro ĩ bajijare, biyaroaca rijaquedicōari, ĩ riseju sōmo budir̄ūgūami. ⁴⁰ To bajiri m̄u buerimasare, “Yu macu usuju s̄āñagūre vātire burocaya”, ĩnare yisēniboabu yu. ĩre burocamasimema —Jesūre yiyuju ĩ.

⁴¹ To ĩ yisere ajicōari, ĩ buerimasare, to yicōari, ĩre ajirā ejariarāre quēne ado bajiro ĩnare yiyuju Jesūs:

—Rojosere t̄uōīarā ñari, Diore ajitir̄un̄mena masu ñacōaja m̄ua. ¿No cōroju m̄uare gotimasio t̄ujagati yu? Yoaro m̄ua rāca yu ñaboajaquēne, yu masise m̄uare yu ɯjosere ajitir̄un̄beaja m̄ua maji —ĩnare yiyuju Jesūs. To yicōari, —Adojua m̄u macure āmiaya —ĩre yiyuju, vāti s̄āñagū jac̄ujuare.

^e 9:27 Dios oca masa ĩna ucamasirere buer̄etoburimasa sīgāri ado bajiro yicama ĩna: “9.27 gotir̄ijure, ‘Ñajediro ɯju ñaami yu roticōacacu’ Dios m̄uare ĩ yīōrotire’ Jesūs ĩ yijama, ĩ buerimasa sīgāri ĩna ĩaro rĭjorojua Jesūs ĩ godovediōre yigu yirimi”, yicama Dios ocare buer̄etoburimasa sīgāri.

42 To bajiro ĩ yijare, ĩ macure Jesús taju ĩ ãmivatone, ĩ usuju sãñagũ vãti, ĩre rijaquedirotiyuju. To bajiro ĩ yijare, rijarocacũcoasuju. To bajiro ĩ bajirone,

—To cõrone ĩre yitujaya —yicõari, vãtire ĩre burocacõañuju Jesús.

Vãti ĩ budirone, catiquẽnagũ ñacoasuju daquegujua. To ĩ bajirone, ĩ jacure ĩre tããsiñuju Jesús. 43 To bajiro Jesús ĩ yisere ĩacõari, no yimasibesujarã masa jediro, ti ãnire ĩabetirũgũriarã ñari. “Jesús ĩ yĩose rãca ‘Masirẽtogũ ñaja yu’ manire yĩogũ yami Dios”, yitũoĩañujarã ĩna jediro.

“Yure sãruarãma”, Jesús ĩ yigotibabore queti

(Mt 17.22-23; Mr 9.30-32)

Jesús ĩ yisere masa ĩna tũoĩañarone, ado bajiro ĩ buerimasare gotiyuju ĩ:
44 —Mũare yu gotisere ajicõari, masiritibeja mũa. Yure Dios ĩ roticõacacure masare ĩsirocarucumi sũgũ —ĩnare yiyuju Jesús.

45 To bajiro ĩ yiboajaquẽne, ajimasibesujarã ĩna. “Ajimasibeticõato” Dios ĩ yijare, bajiyujarã. To bajicõari, “Yure gotiquẽnoña”, yimasibesujarã, ĩre gũirã ñari.

“¿Ñimujua ñagũti ñamasugũ ñarocu?”, Jesús buerimasa ĩna yĩ oca josare queti

(Mt 18.1-5; Mr 9.33-37)

46 “¿Ñimujua ñagũti ñamasugũ ñarocu?”, gãmerã yĩ oca josayujarã Jesús buerimasa. 47 To bajiro ĩna gãmerã yisere ĩamasicõari, sũgũ daquegure jicõari, ĩ taju ĩre rãgõrotiyuju Jesús. 48 To yicõari, ado bajiro ĩnare gotiyuju:

—Ãni daquegu, “Ñamasugũ me ñaja yu” ĩ yitũoĩarore bajiro tũoĩarãre, gãjerã tũ ĩna ejaro, quẽnaro ĩnare yirãma, yurene quẽnaro yirã yirãma. To yicõari, yure quẽnaro yirãma, yure cõacacure quẽne quẽnaro yirã yirãma. To bajiri, ado bajise mũare gotiaja yu: Yure ajitirũnugũ, gãjerã ĩna bojasere masicõari, quẽnaro ĩnare yiejarẽmogũ ñarucumi ñamasugũma —ĩ buerimasare yigotiyuju Jesús.

“Yure ajitirũncõari, mani yise ãnire yigũma, mani rãcagu ñagũmi”, Jesús ĩ yire queti

(Mr 9.38-40)

49 To bajiro ĩ yigotiro berone, ado bajiro Jesũre gotiyuju Juan:

—Gotimasiorimasu, masa usuriju sãñarãre vãtiare bureagure ĩamu yua. “Jesũre ajitirũnugũ ñari, ado bajise mũare rotimasiaja yu: ‘Budiya’”, yĩñami, vãtiare bureagu. Mani rãcagu me ĩ ñajare, “Tire yibesa”, ĩre yibu yua —Jesũre yigotiyuju Juan.

50 To ĩ yisere ajicõari, ado bajiro ĩre yiyuju Jesús:

—“Tire yibeticõaña”, ĩre yibeja. Quẽnaro yirimi —ĩre yiyuju Jesús. To yicõari, ĩ buerimasa jedirore ado bajiro yiyuju:

—Ado bajiro ti bajijare, to bajiro yaja yu: No bojagu yure ajitirũncõari, mani yise ãnire yigũma, mani rãcagu ñagũmi —ĩnare yiyuju Jesús.

Santiago, to yicõari, Juanre, “Samaria sitaju ñarimacanare rojose ĩnare yirua tũoĩabesa”, Jesús ĩ yire queti

51 Dios õ vecaju ĩ ñaroju ĩre ĩ ãmimujarotirũmu ti cõñarũtuadjare:

—Jerusalénju mani varoti ejacoaju. To bajiri varũtu vajaro mani —ĩ, buerãre yĩ vasuju Jesús.

52 Varũtu vacũne, ĩ rãcanare ĩ ejaroti quetire, “Goti rĩjoro cãtiaya”, ĩnare yicõañuju ĩ. To ĩ yicõariarã, Samaria sitaju ñarimacaju ejacõari, “Jesús ĩ

cānirotijure macayurā bajibū yua”, yiboayujarā ĩna. ⁵³ To bajiboarine ti macanajua, Jesús ĩ ejasere bojabetesujarā ĩna. “Jerusalénju vacu bajigumi” yimasirā ñari, ĩre ĩaterā bajiyujarā ĩna.^f ⁵⁴ To bajiro ĩna bajise ñajare, ado bajiro Jesúre sēniñajuarā, Juan, ĩ gagu Santiago rāca:

—Yua ujū, ¿“Ō vecaye jea ujūvējase rāca ĩnare soereacōaña ma”, Diore yua yisēnisere bojati mu? —ĩre yisēniñaboayujarā ĩna.

⁵⁵ To bajiro ĩre ĩna yisēniñarone, judarūgūcōari, ado bajiro oca tutuase rāca ĩnare gotiyuju Jesús:

—¿No yirā to bajise tūoĩati ma? To bajiro ma yitūoĩajama, vāti ĩ bojarore bajiro tūoĩarā yaja ma —ĩnare yigotiyuju Jesús.

⁵⁶ To bajiro ĩnare yigajanocōari, Samaria sitana ĩnare ĩna bojabetijare, gaje macajua vacoasujarā ĩna.

“Yure ma ajisuyarajama, josaruroja ti”, Jesús ĩ yigotimasiore queti (Mt 8.19-22)

⁵⁷ ĩna varūtuatone, sīgū ĩna rāca var’i, ado bajiro Jesúre ĩre yiyuju:

—No bojaro ma vato cōrone mure sayarūaja ya —Jesúre ĩre yiyuju ĩ. ⁵⁸ To ĩ yirone, ado bajiro ĩre cūdiyuju Jesús:

—Buyairoarema, ĩna gojeri ñacaju. Miniare quēne, ĩna jiburi ñacaju. To ĩna bajiboajaquēne, ya, Dios ĩ roticōacacuma, cānirijaju magūre bajiro bajiaja ya. To bajiri yure ma sayajama, buto mure josaruroja —ĩre yicūdiyuju Jesús.

⁵⁹ To ĩre ĩ yiro bero, ado bajiro gājijūare yiyuju Jesús:

—Yure sayaya ma —ĩre yiyuju.

To ĩ yiboajaquēne, ado bajiro Jesúre cūdiyuju ĩ:

—Yū ujū, yure yuya ma maji. Yū jacu ĩ bajirocacoajare, ĩre yujeguacu yaja ya. ĩre yujecōari bero, mure sayarūcūja ya —Jesúre ĩre yiboayuju.

⁶⁰ To bajiro ĩre ĩ yiboajaquēne, ado bajiro ĩre cūdiyuju Jesús:

—Yucūne yure sayaya ma. “Uju Dios yarā quēnaro ĩ yirona ma ñarūajama, Jesúre ajitirūñā”, yigoticudiaya ma. Yure ajitirūñamena, rijariarāre bajiro bajirā ñarāma. ĩnajua rijariarāre yujeato ĩna —ĩre yicūdiyuju Jesús.

⁶¹ To bajiro ĩre ĩ yiro bero, quēna gāji ado bajiro Jesúre yiyuju:

—Ma rāca ya varoto rījoro, ya ya vianare ĩnare vare gotigūacu yaja ya maji —Jesúre ĩre yiboayuju ĩ. ⁶² To bajiro ĩ yiboajaquēne, ado bajiro ĩre cūdiyuju Jesús:

—“Diore rotibosagure mure ajitirūñū sayarūcūja” yiboarine, gaje vāme tūoĩavūoguma, Uju Dios ya me ñagūmi —ĩre yicūdiyuju Jesús.

10

Setenta y dos ñarirācure ĩ ocare Jesús ĩ goticudiroticōare queti

¹ Tījū bero, Jesús ĩ buerimasare ĩ goticudirotisūoriarā mere, gājerāre beseyuju Jesús. Setenta y dos ñarirācū beseyuju. ĩnare besecōari, “Yū ocare goti rījoro cūtiaya”, ĩnare yicōañuju ĩ. ĩ goticudiroti macari ñaro cōrone juarāri cōañuju.

² ĩnare ĩ cōaroto rījoro, ado bajiro ĩnare yiyuju:

^f 9:53 Samaria sitana, samaritanos vāme cūtiujarā ĩna. ĩna rāca gāmerā ĩaterā ñañujarā judío masa. “Jerusalénju Diore quēnase ĩre yirūcūboroti ñaja” judío masa ĩna yitūoĩasere bajiro tūoĩarā me ñañujarā samaritano masa.

—Ote jairo bucuaroja. To bajiro ti bajijare, ote ujure sēniña, “Moabosarimasa cōato ĩ” yirā —Īnare yiyuju Jesús. 3

³ To bajiro Īnare yigoticōari, ado bajiro Īnare yiyuju quēna:

—Ovejare, buyairoa vatoaju ġuioeroju Īnare cōagare bajiro muare gotimasiocudirotiaja yu —Īnare yiyuju. ⁴ —No bojase mua cuose juaábeja. Gājoare, barere quēne juaábeja. ġubo sudi juaámenane, mua cudasene cudacōari, vaja. Maaju masare mua bocaajama, Īnare sēniña, rētoocaruarāja mua, yoaro Īnare queti gotimaniamenane —Īnare yiyuju Jesús.

⁵ —Viju ejacōari, “¿Ñati mua?” Īnare yigajanocōari, “‘Quēnaro ñaña mua’ muare yaja yu”, Īnare yiba, ti vianare. ⁶ To mua yirone, ti viana quēnaro muare ĩna bocaámijama, mua yirore bajiro quēnaro ñaruarāma. Quēnaro muare ĩna bocaámibetijama, “‘Quēnaro ñaña’ yu yibetiriarāre bajirone ñacōaña mua” Īnare yi, vacoaja mua. ⁷ No bojarā gājerāre moabosarimasa, vaja bujarāma. To bajirone bajiruaroja muare quēne. Quēnaro muare bocaámirā tūne ñacōari, Īnare mua gotimasiose vajane ĩna basene ba, ĩna idise idi yicōa ñaruarāja mua. Mua ejarivine ñacōaruarāja mua, gaje viri cānicudimenane. ⁸ Macaju mua ejariviana, no bojase bare muare ĩna ecasene ba variquēnama. ⁹ Rijaye cutirāre catioba. To yicōari, “Uju Dios yarā quēnaro ĩ yirona mua ñaruajama, rojose mua yisere yitujacōari, Jesúre ajitirānuña”, ti macanare yigotimasioma. ¹⁰ To bajiboarine yu cōarimacajure mua ejaro, muare quēnaro ĩna bocaámibetijama, ti maca ġudarecoju jājarā ĩna ĩaro rĳoroju ejacōari, ado bajiro Īnare gotiba mua: ¹¹ “Uju Dios yarā quēnaro ĩ yirona mua ñarotire gotirā bajiboabu yu. To bajiri, ‘Quēnaro yuare bocaámibeticōari, yuare mua ajiruabetijare, rojose muare yirucami Dios’ yirā, adi macaye sitare yu ġubo sudi tuyasere varereaja yu”, Īnare yigotiba mua. ¹² Riojo muare gotiaja yu. Ti macana muare ĩna ajirubeti vaja Diojuma, rojose Īnare yirucami masare ĩ beserirāmu ti ejaro. Sodoma macana ñamasiriarā rētoabusaro rojose tāmurouarāma ĩna, muare quēnaro bocaámimenama —Īnare yiyuju Jesús.

Īre ajitirānubeti macariana ĩna bajisere to yicōari, ĩna bajiro tire tūoīacōari, Jesús ĩ gotire queti

(Mt 11.20-24)

¹³ To bajiro Īnare yigoticōari, macariana ĩre ĩna ajitirānubetire gotiyuju Jesús:

—Coraz'in macana, to bajicōari, Betsaida macana quēne, buito rojose tāmurouarāma. Ti macarianare ĩaĩañamani yu yĳocatore bajiro, Tiro vāme cuti macanare, Sidón vāme cuti macanare quēne ĩaĩañamani yu ĳojama, tirāmuju rojose ĩna yisere tūoĳasutiriticōari, yitujacoaboriarāma ĩnama. “Rojose yu yisere yiruabeaja” yisutiritirā ñari, sutiritirā ĩna sāñaseju sudi vasoacōari, to yicōari, ĩna rujoariju oja majeoboriarāma. ¹⁴ Sidón macana, to bajicōari, Tiro macana ñamasiriarā rētoabusaro rojose tāmurouarāma ĩna, Dios, masare ĩ beserirāmu ti ejaro. ¹⁵ Capernaum macanaju, “Quēnarā ñari, o vecaju Dios ĩ ñaraju ñarona ñaja mani”, yitūoĳaboarāma ĩna. To bajiro ĩna yitūoĳaboajuquēne, Dios taju ñabetiruarāma. Rojose tāmurotjabetiriaroju ñaja ĩna cōaecorotoma. ¹⁶ Mua gotisere

ġ 10:2 To bajiro ĩ yijama, ado bajiro yigu yiyuju: “Jājarā ñarāma yu ocare ajicōari, yuare ajitirānuona. To bajiboarine, mojoroaca ñarāma yu ocare gotirāju. To bajiro ti bajijare, Diore sēniña, “Jājarābusa yu ocare gotirimasare cōato ĩ” yirā’ yiyuju Jesús”, yiyujarā Dios oca masa ĩna ucamasire buerētoburimasa.

ajicōari, “Riojo yama” m̄are ĩna yijama, ȳene, “Riojo yami” yirā yiruarāma. M̄are ĩna ajitejama, ȳre ajiterā yiruarāma. To bajiro ĩna yijama, ȳre cōacacure, ȳ jacure, ajiterā yiruarāma —ĩnare yiyuju Jesús, ĩgotiroticōarāre.

Jesús ĩgotiroticōariarā ĩna tudiejare queti

¹⁷ Tiju bero, ĩgotiroticōariarā, setenta y dos ñarirācu Jesús tu tudiejayujarā quēna. Variquēnase rāca tudiejarāne, ado bajiro ĩre gotiyujarā ĩna:

—Masa us̄riju s̄ñarāre, v̄tiare, “Jesús ĩrotise rāca m̄are budirotiaja” ȳna yijama, c̄dima ĩna —Jesúre yigotiyujarā ĩna.

¹⁸ To ĩna yirone,

—Ȳn rotise rāca v̄tia ũju, Satanás yarāre m̄a burearone, ō vecaju b̄jo ĩ yabesere bajiro Satanás ĩ quedirujiasere ĩamu. ¹⁹ “Āñare, cotibajare ĩnare c̄daboarine, rojose t̄m̄obeturarāja m̄a” yigu, ȳn masisere m̄are ũjocaju ȳn, “Rojose yirā jediro, to yicōari, v̄tia quēne rojose m̄are yibeticōato” yigu. ²⁰ Ȳn ejarēmose rāca masa us̄riju s̄ñarāre, v̄tiare, m̄a burearere t̄oia variquēnaboarine, “Ado cōro ñaama ȳn rāca ñarūgūrona” Dios ĩ yucatu ecocana ñari, tijare butobusa t̄oia variquēnaroti ñaja — ĩnare yigotiyuju Jesús.

*“Quēnaja”, Diore Jesús ĩyivariquēnare queti
(Mt 11.25-27; 13.16-17)*

²¹ To yigajanocōari, Esp̄iritu Santo ĩ ejarēmose rāca, “Quēnaja”, Diore yivariquēnagū, ado bajiro yiyuju Jesús:

—Cacu, ō vecagu ũju ñaja m̄. Adi macaruc̄rore quēne, ñajediro ũju ñaja m̄. “Īre masiaja ȳna” yit̄oĭaboarāre, “Ȳn ocare ajimasibeticōato ĩna” yigu, ĩnare masirioaja m̄. To yicōari, “Masimena ñaja ȳna” yirājuare, “Ajimasiato” yigu, ĩna ajimasirotire yirēm̄orūgūaja m̄. To bajiro m̄a yijama, m̄a bojarore bajiro yigu yaja m̄ —Diore yiyuju Jesús.

²² To yicōari, ado bajiro ĩ rāca ñarājuare gotiyuju Jesús:

—Ȳn jacu ĩ ejarēmose s̄orine jediro yimasijeogu ñaja ȳn. “Tire yimasiat” yigu, adi macaruc̄roj̄re ȳre cōacami ȳn jacu. To bajiro yare yicacu ñari, ȳn yisere masijeoc̄ami ȳn jacu. Ȳn quēne, ĩ yisere masijeoc̄aja. “Īre masiato” yigu, ȳn beserā r̄ne ȳn jacure masiama —ĩnare yigotiyuju Jesús.

²³⁻²⁴ To yicōari, ĩ buerimasa r̄ne ĩna ñaro, ado bajiro ĩnare gotiyuju Jesús:

—Variquēnaña m̄ama. Ȳn ȳiosere t̄oia cōari, ȳn bojarore bajiro t̄oĭavasoariarā ñari, tire ȳn gotimasiosere ajimasiaja m̄ama. Riojo m̄are gotiaja ȳn. Tir̄m̄uju jājarā Diore gotir̄etobosamasiriarā yucu m̄are ȳn ȳiosere ĩar̄amasiboayuma. Ȳn gotimasiosere m̄a ajisere ajir̄amasiboayuma. To bajiri m̄ama, jairo ȳn ȳiosere masirā ñari, to yicōari, ȳn gotimasiosere ajirā ñari, variquēnaña m̄a —ĩnare yiyuju Jesús, ĩ buerāre.

Dios ĩrotimasirere gotiḡne, samaritano mas̄ ĩyirere Jesús ĩgotire queti

²⁵ To bajiro Jesús ĩ ȳñarone, s̄igū Dios ĩrotimasirere gotimasiorimas̄, ĩre s̄enīar̄u, v̄m̄ar̄agūñuju. “Ado bajiro ȳn s̄enīajama, josase ti ñajare, c̄dimasibeticōari bojoneose t̄m̄or̄uc̄ami” yit̄oĭagū ñari, ado bajise ĩre s̄enīañuju:

—Gotimasiorimas̄, ȳn rijato beroju “Tudirijabeticōato” yigu, Dios ĩ catisere ȳre ĩ ĩsire ȳn bojjama, ¿no bajiro yiroti ñati ȳre? —Īre yis̄enīañuju.

26 To ĩ yisere ajicōari, ado bajiro ĩre cūdiyujū:

—¿No bajiro yati ti, Dios ĩ rotimasire, tire buegū mū ĩajama? —ĩre boca yisēniācōañujū Jesús.

27 To bajiro ĩ yisere ajicōari, ado bajiro Jesúre cūdiyujū ĩ:

—Dios ĩ rotimasire, ado bajiro yaja ti: “Mani ĩjũre, Diore bũto mairoti ñaja. No bojagũre mani mairo rētoro, no bojase mani cūose, to yicōari, mani bojatũoĩase rētoro Diore mairoti ñaja”. To yicōari, “Mū masu rujũre mū mairore bajirone mū tũanare maiña” yigotiaja Dios ĩ rotimasire ñamasuse —Jesúre yicūdiyujū Dios ĩ rotimasire gotimasiorimasũ.

28 To bajiro ĩ yisere ajicōari,

—Riojo cūdiaja mū. To bajiro mū yirũgũjama, mū rijato berojũ “Tudiri-jabeticōato” yigũ, Dios ĩ catisere mare ĩ ĩsiserẽ bũjarũcũja mū —ĩre yiyujū Jesús.

29 To bajiro ĩ yisere ajicōari, “Ti vāme ñaro cōrone cūdijeobeami” yitũoĩagũ ñari, “Quēna gaje vāme yũ sēniñajama, gotimasibeticōari, bojone-oro tũjarũcũmi” yigũ, Jesúre ĩre sēniñañujū ĩ quēna:

—¿Ñimarā ñati yũ tũana, yũ maironama? —ĩre yisēniñañujū.

30 To bajiro ĩ yisēniñajare, gotimasiore queti gotiyujū Jesús:

—Sĩgũ jud'io masũ, Jerusalénjũ rojacũmi Jericójũ ejagũ vacũ. Maa ĩ vatone, ĩre ñiarāma juarudirimasã. ĩre ñiacōari, sudi ĩ sãñasere, to yicōari, ĩ gajeyeũni ñajediro ĩre ĩmajecōarāma ĩna. To yicōari, masacatibecũjũ ĩre quēasĩacōarāma ĩna. To yi, vacoanama ĩna. 31 To ĩna yi vato bero, vagũmi pai. ĩre ĩarũabecũ ñari, ĩre gānirētocoacũmi. 32 ĩ bero, paire moabosarimasũ vagũmi. ĩ quēne ĩre ĩacōari, gānirētocoacũmi. 33-34 ĩna rētoro bero, samaritano masũ vagũmi. ĩre ĩamaicōari, ĩ tũre tũjarũgũ ejagũmi. To bajicōari, ĩ cāmire ĩre ũco yigũ, olivo ũyene, to yicōari, ũye oco rāca ĩ cāmire ĩre tugũmi. To yicōari, sudigase rāca ĩ cāmire ĩre dũreagũmi. Dũreagajanocōari, ĩ yũ burro vāme cutigũ joejũ ĩre āmijeo, vacoacũmi samaritano masũ. Vacudirimasã ĩna cānirivijũ ĩre āmiejocōari, ĩre codegũmi.^h 35 To bajiro ĩre yicodēñaboa, gajerũmũ ti vi ĩjũre ĩre gājoa ĩsigũmi, juarũmũ moare vaja yire cōro. To yicōari, ado bajiro gotigami: “Rojorā ĩna quēasĩacōar'ire ĩre vaja yibosagũ yaja yũ, ado ĩre mũ coderoti vaja. ĩto bajiri quēnaro ĩre codeba mũ! ĩre mũ codero bero, yũ vaja mojama, ado quēna gāme vagũ, mare vaja yicōarũcũja yũ” ĩre yigũmi, ti vi ĩjũre —yigotiyujū Jesús, Dios ĩ rotimasire gotimasiorimasũre.

36 To bajiro ĩre yigotigajanocōari, ado bajiro ĩre sēniñañujū Jesús:

—Ti quetire, ¿no bajiro tũoĩati mũ? ĩna idiarā ñariarā, ¿nijũa ĩre ĩamaiñujari ĩ? —ĩre yisēniñañujū Jesús.

37 To bajiro ĩ yisēniñarone,

—“Maioro bajigũ ñaami” yĩasutiriticōari, quēnaro ĩre yir'ijũa ñarimi ĩre mair'ima —Jesúre yicūdiyujū Dios ĩ rotimasire gotimasiorimasũ.

To bajiro ĩ yirone, ado bajiro cūdiyujū Jesús:

—Riojo yare cūdiaja mū. To bajiri, mũ quēne to bajirone yiya. Maioro bajirāre mũ ĩajama, ĩnare ejarēmoña —ĩre yiyujū Jesús.

Marta mesa ya vijũ Jesús ĩ ejare queti

38-39 ĩ buerimasã rāca Jerusalénjũ varũtu vacũne, gaje macajũ ĩnare ũmato ejayujū Jesús. Tojũre Marta vāme cutigo, so bedeo, Mar'ia rāca

^h 10:33-34 Samaria sitana, samaritano masa vāme catiyujarā ĩna. ĩna rāca gāmerā ĩateyujarā judío masa.

ñañuju so. To bajiri ña ya viju Jesús ĩ ejarone, ĩre bocacđari, ĩre sēniñuju Marta. Sājaejacđari, Jesús ĩ gotimasio ñaro tare rujyuju so bedeo, Mar'ia, ĩre ajirujigo. ⁴⁰ To bajiro so bajijare, Martajua, “Jairo moare ti ñajare sīgōne ñari, moatimabeaja yu” yigo, Jesúre ado bajiro ĩre yiboayuju so:

—Yu uju, yu sīgōne yu moasejuarema t̄oĩabeaja mu. Yu bedeo, yure ejarēmobeamō so. To bajiri, “Mu gagore sore moejarēmoña”, sore yiya mu —Jesúre ĩre yiboayuju Marta.

⁴¹ To bajiro so yisere ajicđari, ado bajiro sore c̄adiyuju Jesús:

—Marta, yu maigō, moarere t̄oĩarejaibesa mu. ⁴² Mu bedeo, quēnasejuare t̄oĩamasiamo so. To bajiri yu gotisere ajigo yamo. To bajiro so bajijare, sore moarotire maja —sore yic̄adiyuju Jesús.

11

Diore mani sēnirotire Jesús ĩ gotimasioire queti
(Mt 6.9-15; 7.7-11)

¹ Cojor̄amu ĩ jacure ĩre sēniñuju Jesús. To ĩ yigajanorone, sīgū ĩ buerimasu ado bajiro ĩre sēniñaju:

—Juan vāme c̄atigu, masare oco rāca bautizarimasu, ĩ buerāre Diore ña sēnirotire gotimasioñuju ĩ. To bajiri, ¿yure quēne Diore yua sēnirotire yure gotimasio ḡati mu? —Jesúre yisēniñaju ĩ.

² To bajiro ĩ yijare, ado bajiro ĩ buerimasare gotimasioñuju Jesús:

—Diore mua sēnijama, ado bajiro sēniuarāja mua:

“Yu jacu, masa ñajediro, ‘Quēnar̄etogū ñaja mu’ mare yir̄uc̄b̄oato ña. Adi macar̄uc̄roana, mu bojase r̄ine yua yiroire t̄oĩa yur̄ūḡaja yua. J̄ere ō vecaju mu ñaroju mu yarā mu rotirore bajirone yīnarāma. To bajiri adi macar̄uc̄rojare quēne mu rotirore bajiro r̄ine yirere bojaja yua.

³ Tocār̄acar̄um̄e yua barotire c̄oña mu.

⁴ ‘Rojose yua yisere masiroya’ mare yisēniaja yua, rojose yure yir̄are quēne masiriorā ñari.

Rojose yua yiroire masigū ñari, ‘Tire yibetic̄oato ña’ yigu, yure matabosaya”. Ado bajiro Diore mua sēnijama, quēnaja —yiyuju Jesús, ĩ buerimasare.

⁵⁻⁶ To yicđari, gotimasioire queti ado bajiro ñare gotiyuju:

—Sīgū, vacudigu, ñami ḡadarecoju ĩ baba ya vijure ejagumi. ĩ ejaro ĩacđari, bare ĩre ecaroti ti manijare, gaje viagu ĩ babare sēnigū vacoacumi. ĩ ya viju eacđari, “Yu baba ĩ ejaro ĩre yu ecaroti ti manijare, mare bare sēnigū bajibu yu”, ĩre yigumi. ⁷ To bajiro ĩ yirone, ado bajiro ĩre c̄adigumi: “Yure gōjanabiobesa mu. J̄ere sojere bibecđamu yu. Yu, yu r̄ia quēne c̄anirā yaja yua. To bajiri, vāgācđari, mare ĩsimasibeaja yu”, ĩre yic̄adic̄ogūmi. ⁸ ĩre ĩ ĩsir̄abetiboajaquēne, ĩre ĩ sēnit̄ajabetijare, ĩ bojasere ĩsic̄ar̄uc̄umi.

“Diore mua sēnijama, mare c̄adir̄uc̄umi”, Jesús ĩ yigotimasioire queti
(Mt 7.7-11)

⁹ To bajiri quēnaro yure ajiya mua. Diore mua sēnijama, c̄ar̄uc̄umi. ĩre sēnicđari, mua macajama, bujar̄uarāja mua. Sīgū no bojase ĩre ti r̄ayajama, ḡaji ya viju eacđari s̄ajar̄u, sēniagūmi. ĩ sēniñajare, ĩre s̄ajaroticđari, ĩre ejarēmogūmi. To bajirone bajiaja Diore sēniar̄are quēne. ĩre mua sēnisere ajicđari, quēnaro mare yiejarēmor̄uc̄umi. ¹⁰ “Dios manire

ejarēmōrūcūmi” yitūōīarā ñari, ĩre ĩna sēnisere ĩnare cōarūcūmi. ĩna maca-
jaquēne, bujaruarāma —ĩ buerimasare yiyuju Jesús.

¹¹ To yicōari, quēna ado bajiro ĩnare gotimasioñuju Jesús:

—“Vai bojaja yu” mña macu ĩ yisēnijama, ¿aña, bar'i merene ĩsirātique
mña? ĩsimenaja mña. ¹² “Gājabocu ria bojaja yu” mña macu ĩ yijama,
¿cotibajare ĩsirātique mña? ĩsimenaja mña. ¹³ Diore bajiro quēnase yirā me
ñaboarine, mña ĩrare quēnaro yaja mña. To bajiri tire masicōari, ado bajiro
Diore yimasiaja mani: “No bojarā Esp'iritu Santore cōoruarā, mani jacu ō
vecagñe ĩna sēnijama, ĩnare cōarūcūmi”, yimasiaja mani —ĩ buerimasare
yiyuju Jesús.

*“Vātia ũju ĩ masise rāca yigū yami Jesús”, ĩna yire queti
(Mt 12.22-30; Mr 3.20-27)*

¹⁴ Sīgū vāti sāñagū ñañuju. “ĩñagōbeticōato!” yigū, ĩ usujure sājacōari,
ñañuju. ĩre Jesús ĩ burocarone, ñagōmasicoasuju masujua. Tire ĩacōari, no
yimasibesujarā masa, ti ũnire ĩabetirūgūriarā ñari. ¹⁵ Sīgāri, ado bajiro
Jesúre ĩre yitūōīañujarā ĩna:

—ĩ usujū vātia ũju Beelzebú vāme cutigu sāñagū ñaami Jesús. To bajiri
Beelzebú ĩ masise rāca vātiare bureaami —Jesúre ĩre yitūōīañujarā ĩna.

¹⁶ Gājerāma, ado bajiro Jesúre yiyujarā:

—“Dios ĩ cōagū ñaami” yua yīāmasirotire yigū, ō vecaye ĩaīañamani yūare
yīōña —Jesúre ĩre yiboayujarā ĩna. ¹⁷ “Beelzebú sāñagū ñaami” socarāne
ĩna yitūōīasere masicōari, ado bajiro ĩnare gotiyuju Jesús:

—Cojo sitana rotirimasa ĩna gāmerā quēajama, ĩna masune gāmerā
sīayayirā yirāma. To bajirone bajiroja cojo macanare quēne, cojo vi
ñarāre quēne. ¹⁸ To bajirone bajiroja vātiare quēne. Vātia ĩna gāmerā
bureajama, “Masare rojose yitūjato mani” yirā yiborāma. To bajiro ti
bajijare, “Beelzebú vāme cutigu ĩ masise rāca masa usurijū sāñarāre vātiare
bureaami” yūre mña yiboase, riojo yirā me yaja mña. ¹⁹ To bajiro yūre
mña yitūōīaboajama, mña buerā quēne masa usurijū sāñarāre vātiare ĩna
bureasere, “Vāti ĩ masise rāca burearāma ĩna quēne” yirāre bajiro yaja
mña. To bajiro mña yijama, “Tūōīamavisiarā yaja mña”, mñare yiruarāma
ĩna, mña buerā. ²⁰ Ado bajirojua tūōīarona ñaboaja mña: “Vātia ũju ĩ masise
rāca me yami. Esp'iritu Santo ĩ masise rācajua vātiare bureaami”, yūre
yitūōīarona ñaja mña. To yicōari, “ ‘Rotimūorūgōrūcūmi’ yigū, Dios ĩ cōar'i
ñaaami”, yitūōīamasiroti ñaja mñare.

²¹ “To bajiro yimasiroti ñaboaja” yigū ñari, “Quēnabusaro yimasiatō”
yigū, quēna gajeye gotimasiore queti mñare gotiaja yū: Sīgū, guamu,
jairo besu cōogu ñari, ĩ ya viayere quēnaro ĩ ĩatirūñajare, no bajiro yicōari
juarudimasimenama. ²² To bajiboarine, “Jairo cōogu yū ñajare, yūre
ēmamasigū magūmi” ĩ yitūōīaboasere, gāji ejacōari, ĩre quēagūmi. To yicōari,
ĩ besure, ĩ gajeyeũnire quēne ēmacōari, gājerā ĩ babarāre ĩsibatogūmi ĩ rētoro
tīmagū. Tire bajiro bajiaja yūre quēne. Vātia ũju, masigū ĩ ñaboajaquēne,
yujua, ĩ rētoro masigū ñaja yū. ĩ rotiboasere ĩre yirotibeticōari, vātiare yū
burease sūorine, vāti ĩ rotiajeboariarāre ĩre ēmagū yaja, “Yū yarā ñato”
yigū.

²³ No bojarā yū gotiboasere ajitirūñamenama, yūre ajitirūñaboronare
matarā yirāma. No bojarā, “Jesúre ajitirūñuña” yūre yigoticudibosame-
nama, “ĩre ajibesa” yirāre bajiro bajirā ñarāma —ĩnare yiyuju Jesús.

Vāti, masu usujure sãnar'i, budicõari, i tudisãjare queti
(Mt 12.43-45)

²⁴ Quëna ado bajiro yiyuju Jesús:

—Vāti, masu usujure budicõari, oco manoriju vacudigumi. Tujariajau bujabecu ñari, ado bajiro tuoïagumi: “Yu budiriarojune vacoarocu ñagãja yu”, yituoïagumi. ²⁵ Masu usujure i budigoriarore tudiejagu i ñajama, gõjanabiose mano, quënarivire bajiro masu usujure ñaejagumi. ²⁶ To bajiro i usujure ñaejacõari, cojomo cõro juã jënituarirãcu vãtia i rëtoro rojose yirãre ùmato ejaçumi. To yicõari, ñna ñaro cõrone masu usujure sãjarãma ñna. To bajiri, rëtorobusa rojose yigu ñagumi masu yuja. To bajirone bajiruaroja muare adirodoriana rojose yirãre quëne. Vãtiare yu bureacõaboajaquëne, yure ajitirũnumena ñari, butobusa rojose yirã ñaja mua —ñnare yiyuju Jesús.

²⁷ To bajiro i yisere ajicõari, sigõ rõmio masa vatoaju ñacõari, ado bajiro Jesúre ñre yiyuju:

—Buto variquënegõmo so, muare ùjubucõorio —ñre yiyuju so.

²⁸ To so yirone, ado bajiro sore cudiyuju Jesús:

—To bajiro yure mu yiboajaquëne, Dios ocare ajicõari, i rotisere quënarõ yirã ñarãma buto variquënarãma —sore yicudiyuju Jesús.

“Ñañamani mu yĩosere bojaja yua”, ñna yire queti
(Mt 12.38-42; Mr 8.12)

²⁹ Jesús tujure jãjarãbusa masa ñna ejarũtuatone, ado bajiro ñnare gotiyuju Jesús:

—Mua adirodoriana, rojose yirã jãjarã ñaja mua. Yure ajiterã ñari, ñañamani muare yu yĩosere bojaboaja mua. To bajiro mua bojaboajaquëne, muare yĩobeticuja yu. To bajiboarine Jonás ñamasir'i Diore gotirëtosarimasu i bajimasirere bajiro bajĩoroti ñaroja. ³⁰ Jonás ñna taju i ejaroto rijoro i bajimasirere ñnare i gotisere ajicõari, “Diore gotirëtosagu ñaami”, ñre yituoïamasiñujarã ñna, N'inine vãme cuti macana ñamasiriarã. Ti ùnire bajiro bajirucuja yu quëne, Dios i roticõacacu ñari. To bajiro yu bajise ñajare, “Dios i cõar'ine ñañumi”, yimasiruarãma masa.¹ ³¹ “Uju Salomón quënarõ masigũ ñañuju” yire quetire ajicõari, Sabá sitana ujo ñamasirio, sõju vadicõari, ñre ajigo ejamasiñuju so. Salomón rëtoro ñamasugũ ñaja yu. To bajiro yu bajiboajaquëne, muajuama, yure ajitirũnubeaja mua. To bajiri masare Dios i beserirũmu ti ejarõ, ado bajiro bajiruaroja muare: Salomón tu ejamasirio, tudicaticõari, “Mua ye sũorine rojose tãmuõuarãja”, muare yiruocomo so, yu gotisere ajirã ñaboarine, rojose mua yitujabetijare, ñnare yiyuju Jesús. ³² N'inine macana ñamasiriarã, Jonás ñamasir'i Dios oca i gotisere ajicõari, rojose ñna yisere sutiriticõari, yitujamasiñujarã ñna. Jonás rëtoro ñamasugũ ñaja yu. To bajiro yu bajiboajaquëne, muajuama, rojose mua yisere yitujabeaja mua. To bajiro yirã mua ñajare, masare Dios i beserirũmu ti ejarõ, ado bajiro bajiruaroja: N'inine maca ñamasiriarã, tudicaticõari, “Mua ye sũorine rojose tãmuõuarãja”, muare yĩaruarãma —ñnare yiyuju Jesús.

³³ To yicõari, quëna gaje queti, gotimasiore queti ado bajiro ñnare gotiyuju Jesús:

¹ **11:30** “Ti ùnire bajiro bajirucuja” Jesús i yijama, rijacoaboarine, i tudicatirotire tuoïacõari, yiyuju.

—Sĩabusuoriare jẽocõari, sotũne tiare mubũamenaja mũa. Tire jẽocõari, “Ñajediro ti vianare ãjubusuato” yirã, vecajũ jeorãja mũa —ĩnare yigotiyuju Jesũs.Ĵ

³⁴⁻³⁵ To yicõari, quẽna gaje gotimasiore queti ĩnare gotiyuju:

—Mũa caje quẽnaro ti ruyujama, “Tine ñaja quẽnamasuse”, yĩĩamasiasia mũa. To bajiboarine, mũa caje quẽnaro ti ruyubetijama, quẽnabetire ĩacõari, mũa masune, “Ti ñaja quẽnamasuse”, yisocarãja mũa. Tire bajiro bajiaja mũa tũoĩase quẽne. Dios ĩ bojarore bajiro quẽnaro mũa tũoĩajama, ñajediro quẽnaro riojo tũoĩamasiruarãja mũa. ĩ bojabetire mũa tũoĩajama, “Riojo tũoĩamasiasia” mũa masune yisocañarã rĩne, ñajediro riojo tũoĩamasimena ñacoarũarãja mũa. To bajiri, quẽnabetire ĩacõari, “Mani masune, ‘Ti ñaja quẽnamasuse’ yisocarobe” yirã, Dios ĩ bojarore bajiro quẽnaro tũoĩañã mũa. ³⁶ Dios ĩ bojarore bajiro quẽnase rĩne mũa tũoĩajama, ñajediro quẽnaro riojo tũoĩamasiruarãja mũa —ĩnare yiyuju Jesũs.

Fariseo masa, to yicõari, Dios ĩ rotimasire gotimasiorimasa quẽne, “Rojose tãmuorũarãja mũa”, Jesũs ĩnare ĩyire queti

(Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, sigũ fariseo masũ,

—Yũ ya vijũ yũ rãca bagũ vayã mũ —Jesũre yiyuju.

To bajiro ĩ yirĩ ñari, ĩ tãjũ sãjaejacõari, ĩ ãmori coebecũne, bæjarũju vasuju Jesũs. ³⁸ To ĩ bajiro ĩacõari, “ “Manire ĩvariquẽnato Dios” yirã, mani ñicua ĩna yimasiriarore bajiro ãmori coecõari rĩne, baroti ñaja’ yirotimasirere yirũcũbũobeami Jesũs” ĩre yĩĩagũ ñari, no yimasibesuju fariseo masũ.

³⁹ To bajiro ĩre ĩ yitũoĩasere ĩamasicõari, ado bajiro ĩre gotiyuju Jesũs:

—Idiriabaja, bare jeobariabajare bajiro bajiaja mũa, fariseo masa. Idiriabaja, bare jeobariabaja joema coeriabajari ñaboarine, jubejũama bũto ueri cutibajarire bajiro bajiaja mũa. Mũa usũri bajisejũarema tũoĩabeaja mũa. To bajirã ñari, “Quẽnaro yirã ñaja yũ” yitũoĩaboarine, rojosere quẽne tũoĩarã ñari, rojorã ñaja mũa. ĩũorã ñari, “Ĩnare yitocõari, ĩna cũboasere ĩmarũarãja”, yitũoĩarã ñaja mũa. ⁴⁰ Tũoĩamasimenare bajiro bajirã ñaja mũa, “Rojorã ñaja mani” yimasimena ñari. ĴDios, mani rujũrere rujeor’i, mani usũrere quẽne rujeobesujarique ĩ? Mani usũrere rujeor’i ñari, quẽnaro mani tũoĩasere quẽne bojaami Dios. ⁴¹ Rojasere tũoĩatũjaya. To bajiro mũa yijama, Dios ĩ bojarore bajiro tũoĩarã ñari, quẽnaro yirã masũ ñarũarãja mũa.

⁴² Bũto rojose tãmuorũarãja mũa, fariseo masa. Dios ĩ rotimasirere buerẽtobucõari, ñamasuse mejũare ajitirũnũrãja mũa. To bajiro yirã ñari, bare sãvũorere, an’is, menta, comino vãme cutire mojoroaca ti vaja cutiboajaquẽne, Diore yirũcũbũoriavi moabosarimasare ĩsiaja mũa. To bajiro yirã ñaboarine, Dios ĩ rotimasire ñamasusejũarema ajitirũnũmenaja mũa. Ado bajiro bajiaja ñamasuse: Quẽnaro riojo yire, gãjerãre ĩmaire, to yicõari, Diore maire quẽne ñaja ñamasuse. Tire quẽne yirũgũrona ñaja mũa.

⁴³ Bũto rojose tãmuorũarãja mũa, fariseo masa. Boserũmũ ñaro rũcũbũoriajajũ baruji variquẽnaja mũa. Dios ocare ĩna buerivirijũ quẽne rũcũbũoriajajũ rujivariquẽnaja. Masa ĩna ñarijũ mũa ejajama, rũcũbũose rãca mũare ĩna sãnisere bojarũgũja mũa.

Ĵ **11:33** To bajiro Jesũs ĩ yijama, ĩ oca riojo masirãma, “Gãjerãre gotimasioroti ñaja” yigũ, yiyuju.

⁴⁴ Buto rojose tãmuoruarãja mua. Masa, gojere bajiro bajaiaja mua. Ti goje joere vaboarine, “Masa ña yujeriagoje ñaroja” yimasimenama, õ eñerocaju ti ñajare. Tire bajiro bajaiaja muare quêne. Rojose mua tuoiasere masimena ñari, “Rojorã råca ñaja mani”, muare yimasibeama masa, mua taju ejarã — ñare yigotiyuju Jesús, fariseo masare.

⁴⁵ To bajiro ñ yigotirone, sīgã Dios ñ rotimasire gotimasiorimasu ñañuju ñ. Ado bajiro Jesúre yiyuju:

—Gotimasiorimasu, tuoïamasiri mene goticõaja mu. Fariseo masare to bajiro mu yijama, yuare quêne tud'igã yaja mu — Jesúre ñre yiyuju.

⁴⁶ To bajiro ñ yirone, ado bajiro ñre cãdiyuju Jesús:

—Mua, Dios ñ rotimasire gotimasiorimasa quêne buto rojose tãmuoruarãja. Dios ñ rotimasire masirã ñari, ñ rotimasire rëtobusaro yirotirügũaja mua. “Cojo vãme me mani rotise ñajare, cãdijeomasimenama ñna” yimasirã ñaboarine, ñare ñamaimenane, “Ñajediro yua gotirëtobuse riojo ñaja”, masare ñare yirügũaja mua.

⁴⁷ Buto rojose tãmuoruarãja mua. Diore gotirëtobosamasiriarãre mua ñicua ñna sïamasiriarãre ñna yujemasirijau joere quënarijauri quënoaja mua, “Quënarã ñañuma” yirã. ⁴⁸ To bajiro mua yijama, “Quënarã ñañuma” yirã me yaja mua. Ado bajirojua yirã yaja: “Diore gotirëtobosamasiriarãre mani ñicua ñna sïamasire quëñañuja ti” yirã yaja mua, mua ñicua rojose ñna yiriarore bajiro rojose yirã ñari.

⁴⁹ To bajiro mua yiroto rïjorojune masicõañumi Dios, quënarõ tuoïagũ ñari. Ado bajiro yiyumi, mua ñicua, to yicõari, muare quêne tuoïayugu ñari: “Jud'io masa vatoaju yure gotirëtobosarãre, to yicõari, gãjerã yã oca goticudirimasare quêne cõarucãja yu. ñare sïaruarãma ñna. Gãjerãrema, rojose ñare yiruarãma”, jud'io masare muare yiyumi Dios. ⁵⁰⁻⁵¹ To bajiri mua ñicua ñna yimasire, mua yisere quêne ado bajiro muare yirucumi Dios: Abel ñamasir'ire mua ñicua ñna sïasomasiere, to yicõari Diore gotirëtobosarimasare mu ñicua ñna sïamasire, to yicõari Diore yirucuboriavi jubejau ñarijau soemoriujau taju mua ñicua Zacar'iare ñna sïatasamasire ti ñajare, buto rojose tãmuoruarãja mua adirãmuri ñarã. ñna bajimasiriarore bajirone Diore mua ajitirũnubeticõa ñajare, ñna sïamasire vaja rojose ñare ñ yiroti rëtobusaro rojose muare yirucumi Dios, adirãmuri ñarãre.

⁵² Buto rojose tãmuoruarãja mua, Dios ñ rotimasire gotimasiorimasa. Tire buerëtobucõari, ñamasuse mejuare ajitirũnucõari, gotimasiovadicaju mua. To bajiro mua yijama, “Ûju Dios yarã quënarõ ñ yirã ñabeticõato mani” yirãre bajiro yirãja mua. To yicõari, “Gãjerã, Ûju Dios yarã quënarõ ñ yirã ñabeticõato ñna” yirã yaja mua. Dios yarã ñna ñarãboajaquêne, ñare matarã yaja mua. To bajiri mua quêne ñ yarã ñabeticuarãja mua — ñre yicãdiyuju Jesús, Dios ñ rotimasire gotimasiorimasare.

⁵³⁻⁵⁴ To yigajano, ñre jivar'i ya vijare Jesús ñ budiato, buto ñre jũnisiniñujarã Dios ñ rotimasire gotimasiorimasa, fariseo masa quêne. ñre jũnisinirã ñari, buto ñre sënĩagõjanabioyujarã ñna. “Ñ cãdimasibetijama, ñre ocasãrãsa mani” yirã, quënarõ ajisuya vasujarã.

12

“*‘Quënarõ yirã ñaja yua’ yituoïaboarine, ‘Rojorã ñaama’ ñare yĩlamicõari, ñna gotimasiosere ajibesa*”, Jesús ñ yire queti

¹ “Rojose Jesúre yirása” yirã, ãre ãna ajicode ñarone, jãjarã masa ã tujãre rãjañujarã ãna. Jãjarã masu rãjarã ñari, ãna masune gãmerã cudarorijã ñañujarã ãna. To ãna bajiñarone, Jesús ã buerimasajuare ado bajiro gotisoyuju ã:

—Fariseo masa “Pan vauvato” yirã, ãna vuosere quẽnaro ajicõiaña mua. “Quẽnaro yirã ñaja yua” yituoĩaboarine, rojose yirã ñaama. ² Masa ãna masibeti jediro, ã beserirãmu ti ejaro, “Quẽnaro tire masiato” yigu, masare ãnare gotirucumi Dios. ³ Masa ãna ajibeto yayioroaca mua ñagõsere, “Jediro ajiato” yigu, mua ñagõrere gotirucumi Dios —ã buerimasare yigotiyuju Jesús.

“Masa rojose yirãre güimenane, Diojuare güiroti ñaja mũare”, Jesús ã yire queti

(Mt 10.26-31)

⁴ To yicõari, quẽna ado bajiro ã buerimasare gotiyuju Jesús:

—Yua babarãre ado bajiro mũare gotiaja yu: Mũare sãruarãre güibeja mua. Mua usurijurema sãmasimenama ãna. ⁵ Diojuare mua güijama, quẽnaja. ã ñaami mani catisere rotigu. ã masu masiami. To bajiri rojose tãmuotujabetiriaroju mũare reamasicõami.

⁶ Cojomocãrãcu miniare mani vaja yijama, juatii gãjoatiiri rãca vaja yire ñaroja ti, mojoroaca vaja cutirã ãna ñajare. To cõroaca vaja cutiboarine, Dios ã rotibetone rijagu magũmi. ⁷ Masajuare, Dios ã ãajama, jairo vaja cutirãre bajiro manire ãaami. Manire bũto maiami ã. To bajiro bajigu ñari, mani rujoajoare, cojojoara ruayabeto cõãajeogu ñaami. To bajiri rojose mũare yirãre güibeja —ã buerimasare yiyuju Jesús.

“Masa ãna ãaro rãjorojua, ‘Jesúre ajitirãnugũ ñaja yu’ mũa yijama, quẽnaja”, Jesús ã yire queti

(Mt 10.32-33; 12.32; 10.19-20)

⁸ Quẽna ado bajiro ã buerimasare gotiyuju Jesús:

—Ado bajiro mũare gotiaja yu: Masa ãna ãaro rãjorojua, “Jesúre ajitirãnurã ñaja yua” yirãrema, yu quẽne õ vecaju yu jacu yarã ángel mesa ãna ãaro rãjorojua, “Ánoa ñaama yu yarã”, yĩorucuja yu. ⁹ To bajiboarine masa ãaro rãjorojua, “Jesúre ajitirãnurã me ñaja yua” ãna yijama, yu quẽne, Dios ã roticõacacu, õ vecaju yu jacu yarã ángel mesa ãna ãaro rãjorojua, “Yua yarã me ñaama ãnama”, yirucuja yu.

¹⁰ No bojarã, Dios ã roticõacacure rojose yure ãna ñagõro bero, sutiriticõari, Diore ãna sãnijama, rojose ãna yisere masiriorucumi. To bajiboarine, Esp'iritu Santo ã masise rãca moagũre, “Satanás ye rãca moami” ãna yitud'ijama, Esp'iritu Santojuare rojose yirã yirãma. Tirema gajerodo ti ñacoaboajaquẽne, masiriobetirucumi Dios.

¹¹ Yua ocare mua gotimasiojare, mũare ñejeçõari, Dios ocare ãna buerivirijã ujarã rãjorojua mũare juaãruarãma ãna. To yicõari, macari ujarã rãjorojua mũare juaãruarãma ãna. To yi vanane, ujarã ñamasurã rãjorojua mũare juaãruarãma. Ujarã rãjorojua mũare ãna juaejaro, “¿No bajiro ñagõrãti yua?”, yituoĩarejaibeja mua. ¹² “Ñagõña” mũare ãna yirirĩmarone, mani jacu Dios ã cõagũ, Esp'iritu Santo ã ejarẽmose rãca “Ado bajiro gotiruarãja yua”, yimasiruarãja mua —ã buerimasare yigotiyuju Jesús.

“Jairo gajeyeũni mani cuobetijaquẽne, no yibeaja”, Jesús ã yire

¹³ To bajiro ã yiro bero, ado bajiro Jesúre sãnĩañuju sīgũ:

—Gotimasiorimasu, yu jacu ñamasicacu gajeyeünire cõobeaja yu. Yu gagu, tire juacũcacu ñaboarine, yure ñsirũabeami. To bajiri, “Í ye ñarotire ñre ñsiña mu” ñre yiya, yu gagure —Jesúre ñre yiboayuju í.

¹⁴ To bajiro í yisere ajicõari, ado bajiro ñre cadiyuju:

—“Tire yirotirimasu ñarucuja mu” yigu me, yure cõacami Dios —Ñre yicudiyuju Jesús.

¹⁵ To yicõari, masa jedirore ado bajiro gotiyuju:

—Gãjerã ye gajeyeünire bojañabesa. To yicõari, gajeyeüni cãtirã mua ñajama, bũto tire maibesa. Jairo mani cõojama, mani cõobetijaquẽne, no yibeaja. Ti sũori me variquẽnare ñaroja —Ñnare yiyuju Jesús.

¹⁶ To yicõari, gotimasiore queti ñnare gotimasioñuju Jesús:

—Sĩgũ masu gajeyeüni jaigu ñagũmi. Í ote quẽne, jairo rica cãtiroja ti. ¹⁷ Jairo ti ricacũto ñacõari ado bajiro tũoĩagũmi: “¿No bajiro yigũti yu? Nojua cũmasiriaro maja yu”, yitũoĩagũmi. ¹⁸ To bajiro yitũoĩagũne, “Ado bajiro yirucuja yu”, yitũoĩabujagũmi. “Bare cũriavirire caguereacõari, gaje viri jacabũsariviri bũarucuja yu. To yicõari, ti virijure yu barere, yu gajeyeünire quẽne cũrucuja yu. ¹⁹ To yigajanocõari, ado bajiro tũoĩa variquẽnarucuja yu: ‘Guaro jedibetirũaroja ti, yu cõose. To bajiri, usũsãja, quẽnaro bare ba, idire idi, yivariquẽna ñarucuja yu’”, yitũoĩaboagũmi, socũne. ²⁰ To bajiro í yitũoĩañarone, ado bajiro ñre yigũmi Dios: “Tũoĩamasibecũre bajiro yaja mu. Mu rijato bero mu bajiro tire tũoĩabecũne yicõaja mu. Adi ñamine rijacoarucuja mu. To bajiri mu cõosema, ¿ñimũ yejua ñarũaroadã?”, ñre yigũmi Dios. ²¹ Tire bajirone bajiaja Diore tũoĩamenane, jairobũsa gajeyeüni juacũrũtuanarema. “Disejua rayabetirũaroja yũare” ñna yiboajaquẽne, Dios í ñajama, “Yu ye quẽnasejũare bũjabetirona ñaama, yure ajitirũnũmena ñari”, ñnare yĩĩaami Dios —Ñnare yiyuju Jesús.

“Írĩa mani ñajare, manire ñatirũnũrucũmi Dios”, Jesús ñ yire queti (Mt 6.25-34)

²² To í yiro bero, ado bajiro í buerimasare gotiyuju quẽna:

—To bajiro Dios í yĩĩase ti ñajare, adi macarucũrojũre mua bajiro tire tũoĩarejaibesa mua. “¿No bajiro bũjacõari, bare ba, idi, sudi sãña, yicatiñarãti yũã?”, yitũoĩarejaibesa. ²³ Quẽnamasuse mani usũre, to yicõari mani rujure manire ñsiñũmi Dios. To bajiri mani baroti, mani idiroti, to yicõari sudi mani sãñarotire quẽne cõarũgũrucũmi í. ²⁴ Minia ñna bajisere tũoĩañã mua. Ñna otebetiboajaquẽne, to yicõari, bare ñna juarẽocũbetiboajaquẽne, ñnare bare cõarũgũmi Dios. “Miniare quẽne ñamaigũ ñari, manire roque rẽtoro maigũmi”, ¿yimasibeati mua? ²⁵ “Adi macarucũrojũre ñarã yoaro catirũarãja yũã” mua yitũoĩarejaiboase, “Yoarobũsa catiato” yiro, mũare ejarẽmomasibeaja ti. ²⁶ To bajiro ti bajijare, mua catiñarotire tũoĩarejaibesa.

²⁷ Sudi mua sãñarotire quẽne tũoĩarejaibesa. Go bũcũasere tũoĩañãsaque mua: Moabeti, to yicõari, sudi sãñarua tũoĩarejaibeaja ti. To bajiboarine, Ñju Salomón ñamasir'i gajeyeüni jaigu í ñaboajaquẽne, quẽnase í sudi sãñamasire rẽtoro quẽnase ñaja ti. ²⁸ Gore bũto quẽnase ñarotirũgũmi Dios. Quẽnase ñaboarine, yoaro mene sũnicoatoja. Ti sũniro ñacõari, bare quẽnorũarã, tire juacõari, soerãma masa. To bajiri yoaro catise me ti ñaboajaquẽne, tire quẽnorũgũmi Dios. Go rẽtoro manire roque maigũ ñari, “Manire sudi cõarucũmi Dios”, yimasiroti ñaja mũare. “To bajirone

yigumi Dios”, yiajitiŕānabetibūsarā űaja mūa. ²⁹ To bajiri, “¿No bajiro bujacōari, bare ba, idi, yicatiűarāti yūa?”, yitūōiarejaibesa. ³⁰ Dios yarā me űarāma, tire buto tūōiarejairāma. Maniūarema, mani jacū űagūmi, “Ti rūyaja, ĩnare” yimasigū. ³¹ To bajiri, “Uū Dios yarā, quēnaro ĩ yirā űaja mani. ĩ bojarore bajiro quēnase rĭne yiruarāja”, yitūōiarūgūűa mūa. To bajiro mūa yijama, adi macarūcūroaye mūa cūobetire bujaruarāja mūa.

Ō vecaju Dios tūju quēnase mani bujaroti queti
(Mt 6.19-21)

³² Jājarā me űaja mūa. To bajiboarine tūōiarejaibesa. Uū Dios quēnase mūare cōavariquēnarūgūami. To yicōari, ĩ űaroju ō vecaju variquēnase rāca mūare bocaāmirūcūmi. ³³ Jediro mūa cūose gājerāre ĩsijeocōaűa. To yicōari, ti vaja bujacōari, maioro bajirāre ĩsima. To bajiro mūa yijama, ō vecaju Dios ĩ űaroju quēnase bujaruarāja mūa. Mūare quēnaro Dios ĩ yise jedibetiruarōja. Tojūre juarudirimasa ejabetiruarāma. To yicōari, quēnaro mūare Dios ĩ yisere barearā manama. ³⁴ Ō vecaye quēnase mūa bujaroti jedibetiroti ti űajare, mūa cūosejūare tire tūōiarejaimenane, “Quēnaro yūa yise vaja ō vecaju vaja tacūrā yaja” yitūōiācōari, quēnaro yirūgūűa —ĩ buerimasare yigotiyuju Jesús.

“Yū tudiejarotire quēnaro tūōiayuyū”, Jesús ĩ yire queti

³⁵⁻³⁶ Ado bajiro ĩnare gotiyuju Jesús:

—Adi macarūcūrore vaveorūcūja yū. To bajiboarine, tudivadirūcūja quēna. Yū manitoye quēne, yū bojarore bajiro quēnaro yicōa űama, yū tudiejarotire tūōiayurā űari —ĩnare yiyuju Jesús.

To bajiro yigajanocōari, gotimasiore quetire tūōiācōari, ĩnare gotiyuju Jesús:

—Sīgū uū gājerā ĩna āmosiarirūmū, boserūmū ĩna yiro, ĩagū vacoacūmi ĩ. To bajiri ĩ tudiejaroto rĭjoro ĩre moabosarimasa ĩre yurāma ĩna. “¿No cōro tudiejaroti ĩ?”, yirūgūrāma ĩna. Tudiejacōari, “Manire ĩ jirone, guaro sojere jānaruarāja mani”, yitūōiarāma ĩna. ³⁷ To bajiri cānibetiriarā űari, ĩna uū ĩ tudiejaro, buto variquēnarāma ĩna. To cōrone ĩna uū ĩnare rujirotigūmi. ĩnare rujiroti, ĩ masune ĩnare bare ecagūmi, ĩna uū űaboarine. ³⁸ To bajiri űami gudareco ti űacoaboajaquēne, cānibetiriarā űari, ĩna uū ĩ tudiejaro, ĩre ĩacōari, buto variquēnarāma ĩna.

To bajiri uū ĩ manitoyeju ĩ tudiejarotire yurā, ĩna cānibetiriarore bajiro bajicōa űaruarāja mūa, yare yurā űari. Yū bojarore bajiro quēnaro yicōa űama mūa. To bajiro mūa bajijama, yū tudiejaro ĩacōari, buto variquēnaruarāja —ĩnare yigotiyuju Jesús.

³⁹ To yicōari, quēna gaje queti gotiyuju:

—Adi quetire quēne tūōiaűa: Sīgū vĭ uū, “Adi űami juarudirimasu ejarūcūmi” ĩ yimasijama, roori űabogūmi, ĩre matarū. ⁴⁰ To bajiri, “Dios ĩ roticōagū ĩ tudiejarotire mani masibetirĭmarone tudiejaromi” yirā, roori űarūgūruarāja mūa —ĩnare yigotiyuju Jesús.

“Ado bajiro bajigūmi yū tudiejarotire roori űagūma”, Jesús ĩ yire queti
(Mt 24.45-51)

⁴¹ To bajiro ĩ yijare, sīgū ĩ buerimasū, Pedro vāme cūtigū, ado bajiro Jesūre ĩre sēnĭűaűuju ĩ:

—Yū uū, ¿tire yūa rĭrene gotigū yati mū? ¿Jedirore gotigū yatique mū? — ĩre yisēnĭűaboayuju ĩ.

⁴² To ï yirone, ado bajiro ïre cadiyuju Jesús, gaje queti, gotimasiore rāca gotigu:

—Ado bajiro bajirucami yure quēnaro ajitirūna tujabecu, quēnaro tūoīagā: Uju, gajeroju ñagnacu, ï varoto rījoro, “Yu ya vianare yure codebosaba” yigu, ïre moabosarimasare ï cūvar'ire bajiro bajigu ñagūmi. ⁴³ ï uju, ï rotiriarore bajirone ï moayurere tudiejacōari, ï ñaejajama, quēnaro ïre yigūmi, ïre moabosarimasare. ⁴⁴ Riojo mūare gotiaja yu. Uju ï bojarore bajirone ï yire ti ñajare, ï cūose jedirorene, ïre ñatirūnrotigūmi. ⁴⁵ Ado bajiro bajirucami yure quēnaro ajitirūnubecuma: Rojose yigu ï ñajama, uju ï vato bero, “Yoatoju tudiejagūmi” yitūoīagū ñari, ï ujure moabosarimasare rojose yigūmi. To yicōari idimecārūgūrāre baba cuticōari, ña rāca idirūgūgūmi ï quēne. ⁴⁶ To ï yiñarone, ï uju, tudiejagūmi. Tudiejacōari, ï rotiriarore bajiro ï yibetire ti ñajare, rojose ïre yigūmi. To bajiri “Quēnaro yirā ñaja yua” yiboarine, ña yirore bajiro yimena rojose ña tāmūorore bajirone tāmūogūmi.

⁴⁷ No bojagu ï uju ï bojasere masiboarine, ï rotiriarore bajiro ï yibetijama, tudiejacōari, buto ïre quēasīacōagūmi ï uju. ⁴⁸ Gājijua, uju ï bojasere masibecane ï yijama, tudiejacōari, quēnabusane ïre quēagūmi ï uju —ñare yigotiyuju Jesús.k

“Yure mūa ajitirūnūserē ñacōari, mūare ñajūnisiniruarāma”, Jesús ï yire queti (Mt 10.34-36)

⁴⁹⁻⁵⁰ Quēna ado bajiro ñare gotiyuju Jesús:

—“ ‘Rojose tāmūotujabetiraroju mani vaborotire manire yirētobosarucami Jesús’ yivariquēnarona ñato” yigu, vadicaju yu. To bajiro bajicacu ñari, gājerā tire tūoīamenare ñare soereaguagure bajiro bajicaju yu. To bajicacu ñari, guaro ñare yu rijabosarotire bojaja yu. ⁵¹ “ ‘Quēnaro ñato ña masa’ yigu, vayumi Jesús”, yure yitūoīabesa mūa. Dios ï bojabeti yirā, yu ocare ajjūnisinicōari, yure ajitirūnūrāre ñateruarāma ña. To bajiri ado bajiroju yure yitūoīaña: “ ‘ ï sūori ricatire tūoīaruarāma masa’ yigu bajiyumi Jesús”, yure yitūoīaña. ⁵² “Ado bajiro bajiruaraja” yigu yaja yu: Cojo viana ñaboarine, sīgūri yure ajitirūnūrā ña, gājerājua yure ajiterā ña, bajiruarāma. ⁵³ ï macu, yure ï ajitirūnūjama, ï jacūjua ïre ñaterucami. Jacūjua, yure ï ajitirūnūjama, ï macūjua, ïre ñaterucami. So macojua, yure so ajitirūnūjama, so jacoju, sore ñaterucocomo. Jacojua, yure so ajitirūnūjama, so macojua, sore ñaterucocomo. So jējojua yure so ajitirūnūjama, so ūmañicojua, sore ñaterucocomo. So ūmañicojua yure so ajitirūnūjama, so jējojua, sore ñaterucocomo —ñare yigotiyuju Jesús.

Rodori bajisere ï gotimasiore queti

(Mt 16.1-4; Mr 8.11-13)

⁵⁴ To yicōari, ado bajiro ñare gotirūtuasuju Jesús, jājarā masare:

—Muiju ï rocasātoju bueri ti vadijama, “Oco quedirūaja”, yīamasiaja mūa. ⁵⁵ To yicōari, mino varuagūmuaye ti vēatujama, “Buto asirucami muiju”, yīamasiaja mūa. ⁵⁶ ñamasuse mere ñamasicōari, “Masirā ñaja yua”, yitūoīaboaja mūa. ñamasusejuare masibeaja mūa. Adirūmūri yu yisere ñarā

k 12:48 Adi vāmere yigu yiyuju Jesús: Adi macarucaroju Jesús ï tudiejarone, uju ïre moabosarimasare ï yiriare bajiro ñare yirucami Dios. To bajiri Dios ï bojasere quēnaro masirāre, “Quēnaro yiya”, yami Dios. ï bojasere quēnarobusa masirā, “Butobusa masiña”, yami Dios. Mani masiro cōro mani yisere bojamū Dios.

ñaboarine, “Dios ĩ roticōar'i ñari, yami”, yĩamasibeaja mña —Īnare yiyuju Jesús.

*“Rojose mña yigũre oca quēnoña”, yire queti
(Mt 5.25-26)*

⁵⁷ Ado bajiro Īnare gotiyuju Jesús quēna:

—¿No yirã mña masune yũ yisere ĩacōari, “¿To bajirojũa yiroti ñatique?”, yitũoĩabeati mña? ⁵⁸ Gãjire rojose mña yijama, oca quēnorimasũ tũjũ mña ejaroto rĩjoro, ĩ rãca oca quēnoroti ñaja mña juarãne. Oca quēnorimasũ tũ ejamenane, mña oca quēnobetijama, masare coderimasũre juarotirũcũmi, mñare. Ījũa, mñare tubiberũcũmi. ⁵⁹ Riojo mñare gotiaja yũ. Rojose mña yire vaja mña vaja yibetijama, budimenaja mña. Tire bajirone bajirũaroja. Dios ĩ vaja sēnirirũmũ ejaroto rĩjorojũa, rojose mña yir'ire ĩre oca quēnoña. Mña gãmerã oca quēnobetijama, Dios ĩ vaja sēnirirũmũ ti ejaro, rojose tãmũotũjabetiriaroju, tudibudiyamanoju mñare cōarũcũmi —Īnare yigotiyuju Jesús.

13

“Rojose mña yisere yitũjacōari, Dios ĩ bojarore bajirojũa mña yibetijama, rojose mña yise vaja bajiyayirũarãja mña quēne”, Jesús ĩ yire queti

¹ Tirũmũne queti gotirã Jesús tũjũ ejayujarã ĩna. ĩ tũjũ ejacōari, ado bajise ĩre gotiyujarã ĩna:

—Galilea sitana, Diore yirũcũbuoriavijũ sãjaejacōari, Diore rũcũbuorã, vaibũcũrãre sĩañujarã ĩna. To ĩna bajirone, Ʋjũ Pilato ĩ yarãre ĩnare sĩaroticōañuju —Jesúre yigotiyujarã ĩna.

²⁻³ To bajiro ĩna yigotisere ajicōari, ado bajiro ĩnare gotiyuju Jesús:

—Galileana ĩna bajiyayirere mñare gotirũcũja yũ: Bũto rojose ĩna yise vaja me bajiyayiyujarã ĩna. Gãjerã Galileana rētoro rojose yirã me ñaboayujarã ĩna. Mña quēne, rojose mña yisere mña tũoĩavasoabetijama, bajiyayicoarũarãja mña. ⁴⁻⁵ Siloé vãme cũi macajũre cojo vi, juriaquediato, juããmocãrãcũ, cojo gũbo jedi, gaje gũbo idia jēnitarirãcũ masare sĩañuju ti. Bũto rojose ĩna yire vaja me bajiyayiyujarã ĩna quēne. Gãjerã Jerusalén macana rētoro rojose yirã me ñaboayujarã ĩna. Mña quēne rojose mña yisere yitũjacōari, Dios ĩ bojarore bajirojũa mña yibetijama, bajiyayicoarũarãja mña —Īnare yigotiyuju Jesús.¹

Higuera vãme cũiũ rica manire tũoĩacōari, Jesús ĩ gotimasiore

⁶ Quēna gaje queti gotimasiore queti ĩnare gotiyuju Jesús:

—Sĩgũ masũ vese cũiũ ñagũmi. ĩ ya vesere higuera vãme cũiũre otegũmi. ĩ oter'i, “Bũcũna, rica cũiũcoatoja ti” yigũ, ĩagũ vacũmi. Vaejacōari, ĩaboagũmi. Rica manicōaroja. ⁷ To ñagũmi, ĩ vesere codebosarimasũ. To bajiri, ĩjuare ado bajiro gotigũmi: “Jēre idia cãmã tiare rica macaboaja yũ. Rica manirũgũaja ti. Quēarocacōaña mũ, tiũre. Rojoricũ ñaja ti. Gaji ote vasoaroti ñaja”, ĩre yigotigũmi. ⁸⁻⁹ To ĩ yiboajaquēne, ado bajiro ĩre cũiũgũmi vese coderimasũ: “Maji. Quēarocabeticōato mani. Adi cũmare quēne quēnaro tiare ĩacoderũaja yũ. Sita quēnase tu, vaibũcũrã gũda quēne tu, quēnaro tiare code, gaje cãmã gãme tudĩũarũarãja mani quēna. To

¹ 13:4-5 13.2-5 “Īna bajiyayirotire Jesús ĩ gotijama, ĩna rijato beroju, rojose ĩna tãmũotũjabetirotire yigũ yiyuju”, yitũoĩaama sĩaĩri, Dios oca masa ĩna ucamasire buerētoburimasa.

cõrone ti rica manicõajama, quẽarocaruarãja mani”, ãre yicugudimi vese coderimasu —ĩnare yigotiyuju Jesúsm

Ususãjariarũmu rõmiore Jesús ĩ catiore queti

¹⁰ Ususãjariarũmu ti ñaro Dios ocare ña bueriviju masare gotimasio ñañuju Jesús. ¹¹ ĩnare ĩ gotimasio ñarojũre ñañuju sĭgõ rõmio. Yoaro, juaãmo cõro, cojo gũbo jedi, gaje gũbo idia jẽnituarirãca ñaricãmari so usũju vãti ĩ sãñajare, mubiarine ñacõañuju so. ¹²⁻¹³ To so bajiñasere ĩacõari, sore yiyuju. —Jẽre mu rijaye cutise mure jedicoaju ti —sore yiyuju Jesús.

To yigũne, so suyarojua joere ĩ ãmori ñujeoyuju. ĩ ñujeorirĩmarone, riojo vãmujocoasuju so yuja. Vãmujogone, ado bajiro gotiyuju:
—Jesús suorine quẽnaro yure yami Dios —yigotiyuju so.

¹⁴ To bajiro so yiboajaquẽne, Dios ocare ña buerivi uju, so quẽnaejasere ĩacõari, Jesúre ĩajũnisiniñuju ĩ. “Ususãjariarũmure catorotibeama ujarã. To bajiri, ‘Rojose yigu ñaami’”, Jesúre yijũnisiniñuju ĩ. To bajiro Jesúre ãre yijũnisinigũ ñari, ado bajiro masajuare gotiyuju:

—Tocãrãca semana, cojomo cõro coja jẽnituarirãcarãmuri, moariarãmuri ñaja ti. To cõroju mua catirotire sẽnirã vadirũgũroti ñaja. Adirãmũ ususãjariarũmu ãnorema to bajiro yirã ejabesa mua —ĩnare yigotiyuju ĩ.

¹⁵ To bajiro ãnare ĩ yirone, ado bajiro ãre gotiyuju Jesús:

—“Quẽnaro yirã ñaja yua” yitũoĩaboarine, rojorã ñaja mua. Ususãjariarũmu ti ñaboajaquẽne, mua ta vecuare, burroare, bare ecariaviju ñarãre ãnare jojiocõari, ña oco idiroju tũa varũgũaja mua. ¹⁶ To bajiro mua yirũgũse ñajare, adiore yu catiosere ĩacõari, bũto variquẽnaroti ñaboaja mũare. Vailũcu me ñaamo. Mani yo, Abraham ñamasir'ĩ jãneñone ñaamo so. Vãtia uju sore siacõari, cuogũre bajiro yiyumi. Juaãmo cõro, cojo gũbo jedi, gaje gũbo idia jẽnituarirãca cãmari to bajiro sore cuoñañumi. To bajiro sore ĩ yicũoñajare, “Ususãjariarũmũne sore catiocõaroti ñaroja”, yibu yu. Mua quẽne yure bajiro tũoĩamasĩña —ãre yiyuju Jesús, ti vi ujure.

¹⁷ To bajiro ĩ yisere ajicõari, “Riojo gotiami”, yibojoneñujarã ña, ãre tud'iriarã. Gãjerãjuama, bũto variquẽnañujarã ña, jediro quẽnase rĩne Jesús ĩ yirũgũsere ĩacõari.

*“Mostaza vãme cutiu rica, ajeare bajiro bajiaja”, Jesús ĩ yire
(Mt 13.31-32; Mr 4.30-32)*

¹⁸ Higuera, rica manire sĭgũ ĩ rocare queti Jesús ĩ gotiro bero, ado bajirone masare gotimasioñuju:

—“Rotimũorũgõrũcuja mu” yigu, Dios ĩ cõagũ, yu gotimasiosere no bojarã ña ajitirũnũjama, mũare yu gotisere mojoroaca ajimasiboarine, rojose ña ñare cutisere tũoĩavasoacõari, tocãrãcarãmuri quẽnaro ñamũjarũgũcõari, quẽnaro ajimasimũjarũgũjama, ado bajiro bajirũaroja: n ¹⁹ Sĭgũ ĩ ya vese mostaza ajea otegũmi. To bajiri ĩ oterica mojoricaca ñaboarine, ti judibũcuacoajama, ote yucũri rẽtobũsaricu jairicu ñaroja tiu. Jairicu ti ñajare, tiu rãjũrijũ minia ña ria cutirotijũrĩre quẽnorãma ña —ĩnare yigotimasioñuju Jesús.

¶ 13:8-9 “Adi quietire Jesús ĩ gotijama, ‘Masa rojose ña yise vaja rojose tãmuotujabetiriaroju ãnare reategũ ñari, rojose ña yisere yitũjacõari, ĩ bojasejũare ña yirotere yugũmi Dios’ yimasioũ yiyuju ĩ”, yiyujarã sĭgũri, Dios oca masa ña ucamasire buerẽtoburimasa. **¶ 13:18** Mostaza ajea ti bajire quieti Jesús ĩ gotirere, “Ado bajiro yirũaro yaja”, yiyujarã Dios oca masa ña ucamasirere buerẽtobudiriarã sĭgũri. “Jesús ĩ gotimasiosere ajitirũnrã ĩ ñarirodo mojoroaca ñaboarine, jãjarã ña bajarotire yigu yiyuju Jesús”, yiyujarã ña.

“Pan vauvasere bajiro bajiaja” Jesús ÿ yire queti

(Mt 13.33)

²⁰ Quēna ado bajiro gotimasioñuju Jesús:

—“Rotimuoṛāgōṛucija mu” yigu, Dios ÿ cōagū, yu gotimasiosere no bojarā ña ajitirūñujama, muare yu gotisere mojoroaca ajimasiboarine, rojose ña ñare cutisere tuoīvasoacōari, tocārācarāmuri quēnaro ñamujarūgūcōari, quēnaro ajimasimujarūgūjama, ado bajiro bajiruaroja: ²¹ Rōmio, pan quēnogoago, trigo vetare idiaji vasācōari, pan ūmato vauvasere vuogomo so. To so yijare, jairo vauvaroja ti. Tire bajirone bajiruaroja, Diore rotibosagure yure ajitirūnarā jājarābusa mu bajuroti —ñare yigotimasioñuju Jesús.

“Eyabetisoje ñaja Dios tujū vana sājariaro”, Jesús ÿ yigotimasiore queti

(Mt 7.13-14, 21-23)

²² Jerusalénju vacu ñaboarine, tocārāca maca ÿ rētorimacarire ñare gotimasiovasuju Jesús. ²³ To ÿ bajivatone, sīgū ÿ rācagu ÿre sēniñañuju ÿ:

—¿Yu ujū, masa rojose tāmūotujabetiriaroju vaborona Dios ÿ yirētobosarona, mojoroaca ñarāti? —ÿre yisēniñañuju, Jesúre.

To bajiro ÿ yisere ajicōari, ÿ rācanare ado bajiro ñare gotimasioñuju Jesús:

²⁴ —Uju Dios yarā quēnaro ÿ yirā mu ñaruajama, eyabetisojere sājarāre bajiro josaruarāja mu. Ti josaboajaquēne, ÿ yarā ñaña mu. Riojo muare gotiaja yu: ÿ yarā mejuama, jājarā ñaruarāma ō vecaju eyabetisoje sājaruaboarā. ²⁵⁻²⁶ Soje bibero bero ejaruārāma ña. To bajicōari, sojere jānamasimena ñari, ado bajiro yure sēniñaboaruarāma ña: “Uju, soje jāñaña mu” yure yiboaruarāma. To ña yirone, “Muare masibeaja yu”, ñare yirucija yu. To bajiro ñare yu yisere ajicōari, ado bajiro yure yiruārāma ña: “Mu rāca bare ba, idi, yicanane ñaja yu. Yu ya macajure ejacōari, yuare gotimasiocaju mu”, yiboaruarāma ña. ²⁷ To ña yirone, “Jēre muare masibeaja’ yigotigajanomu yu. ¡Vasa! Rojorā ñaja mu”, ñare yirucija yu. ²⁸ To yu yirone, ña ñicua, Abraham, Isaac, Jacob, to yicōari Diore gotirētobosamasiriarā ñajediro Dios tujū quēnaro ña ñasere ñacōari, buto sutiritiruārāma ña, ñare yu sājarotibetijare. To bajicōari, buto rojose tāmūorā ñari, guji pōguē, oti, yiruārāma ña. ²⁹ To bajiboarine Dios tujū ejaruārāma gājerā. Muju ÿ jiado vadiriārā, ÿ rocasāto vadiriārā, to yicōari varuaga soje vadiriārā, gajejacetua varuaga soje vadiriārā ñaruarāma. Tojure ÿ rāca barujiaruārāma ña.^o ³⁰ Jājarā adoju ñamasurā, ō vecajuarema ñamasumena ñaruarāma ña. Adi macarucuroju jājarā ñamasumenama, ō vecajuarema ñamasurā ñaruarāma —ñare yigotimasioñuju Jesús.^p

³¹ To bajiro ÿ yigotimasiorone, Jesús tujū ejayujarā fariseo masa sīgāri. ÿ tujū ejacōari, ado bajiro gotiyujarā ña:

—Gajeroju vacoasa mu. Uju Herodes, mure sīaru macañañuju ÿ —Jesúre yigotiyujarā ña.

³² To bajiro ña yisere ajicōari, ado bajiro ñare cūdiyuju Jesús:

—Herodere quēnaro tuoīagūre ado bajiro ÿre gotiba mu: ³³ “Moaroti ñaja yure maji. Masa usūrijū sāñarāre vātiare ñare burearoti, to yicōari rijaye cutirāre catioroti ñaja yure maji. Yuma, yu bajīñarotire quēnaro

O 13:29 Diorāca ña barujirotire Jesús ÿ yijama, Diorāca quēnaro ña ñarotire yigu yiyuju, yiyujarā Dios oca masa ña ucamasire buerētoburimasa. **P 13:30** “To bajiro Jesús ÿ yijama, judío masa Dios ÿ besesuoboariārā jājarā ÿ tujū ña ejabetirotire, to yicōari, judío masa me ñarā ÿ besetasarā ÿ tujū ña ejarotire yigu yiyuju ÿ”, yituoīañujarā sīgāri Dios oca masa ña ucamasire buerētoburimasa.

masiaja yu. To bajiri Jerusalénjune vacu bajaiaja yu. To bajiro yure varotiami Dios. Tone Diore gotirêtosamasiriarâre sîarearûgûmasiñujarâ ina, masa. Tone yure quêne sîaruarâma ina”. To bajiro yu gotisere yure gotibosaba mua —înare yicadiyuju Jesús.

Jerusalén macana ina bajiro tire Jesús i tuoïasutiritire queti
(Mt 23.37-39)

³⁴ To bajiro îna yigajanocôari, Jerusalén macanare îre ina sîarocarô bero ina bajiro tire tuoïacôari, ado bajiro yiyuju Jesús:

—Jerusalén macana, Diore gotirêtosamasiriarâre sîamasiriarâ jānerabatia ñacôama ina. Dios i cōamasiriarâre i ocare gotimasiorimasare gûtane îna reasîamasiriarâ jānerabatia ñaama. Cojoi me gājaboco so querujū ēñeroca so rîare so juarêorore bajiro îna yiruaboacaju yu, îna coderu. To bajiro yu yiruaboajaquêne, înajua yure bojabeticama. ³⁵ To bajiri jêre “Îna ñarijare codetujacôaja yu yuja”, yituoïami Dios. Riojo gotiaja yu: “ ‘iRotimorûgôrucumi’ yigū, Dios i cōar'i vadiami! ¡Quênase îre yivariquênato mani! ¡Diore rotibosagu i ñajare, îre quênaro yato Dios!”, yure ina yiroto rîjoro, quêna juaji yure îabetiruarâma ina —îna yituoïa ñagôñuju Jesús, Jerusalén macanare.

14

Ucugure Jesús i catiore queti

¹ Ușusâjariarûmu ti ñaro, fariseo masa uju ya vijure bagu vasuju Jesús. Toju i ejaro, “Jesús, rojose yimi” ujarâre yi ocasâruarâ, Jesûre quênaro îacodeyujarâ ina, fariseo masa, Dios i rotimasire gotimasiorimasa quêne. ² Toju ñañuju sîgû, i ruju jediro ucugu. ³ To bajiri fariseo masa, Dios i rotimasire gotimasiorimasa quêne ina tuoïasere masicôari, ado bajiro îna sênîañuju Jesús:

—¿Adirûmu ususâjariarûmure rijaye cutirâre manire catorotibeati Dios oca masa ina ucamasire? —îna yisênîañuju i.

⁴ To bajiro i yiboajaquêne, îre cûdibesujarâ înajua. To bajiri ucugure jicôari, îre catioyuju Jesús. To yicôari, îre varotiyuju. ⁵ Îre varoticôari, i vato bero ñarâre ado bajiro îna gotiyuju i:

—Ta vecu mua ecar'i, gojeju i quediocasâjama, “Ușusâjariarûmu ñaja” yirâ, çâmirâ vamenada mua? —îna yigotiyuju Jesús.

⁶ To i yisere ajicôari, no bajiro îre cûdimasibesujarâ ina.

“Masa, ñamasumenajure, ‘Ñamasurâ ñato’ yigū yirucumi Dios”, yire queti

⁷ To i yiro bero, toju barâ ejarâ, rûcubûoriajûrîre rujirûayujarâ ina. To ina bajisere îacôari, ado bajiro îna gotimasioñuju Jesús quêna:

⁸⁻⁹ —No bojagu i âmosiarotire “Îarâ vadiato” yigotiecorâ mua ñajama, i tujû ejarâne, rûcubûoriaju rujibeja. To bajiro mua bajibetijama, rûcubûoriaju mua rujiro bero gâji mua rêtoro ñamasugû i eajama, ado bajiro muare gotirucumi vi uju: “Tusarojua rujiaya muama. Anijua, mua bero ejağujua, adore rujirucumi”, muare yirucumi. To bajiro i yirone, buto bojoneruarâja mua. ¹⁰ To bajiri “Îarâ vadiato” muare ina yijama, ina tujû ejacôari, tusarojua rujiba mua. Vi uju, muare îacôari, “Rûcubûoriajûru rujiaya mua”, yirucumi. To bajiro muare i yiro ajiri, muare yirûcubûoruarâma ina, rujirâ quêne. ¹¹ Ado bajiro ti bajijare, to bajiro bajaiaja: No bojagure, ñamasugû ñarugure, “Ñamasugû me ñato”,

Īre yirucami Dios. No bojagure, “Ñamasugũ me ñaja yu” yigu, quẽnaro gãjerãre yirucabogujare, “Ñamasugũ ñato”, Īre yirucami Dios —Īnare yigotimasioñuju Jesũs.

Maioero bajirãre Jesũs ĩ mairotire queti

¹² To yigajanocõari, viagure ado bajiro ĩre gotiyuju Jesũs:

—Gãjerãre mu barotijama, mu babarãre, mu yarãre, to yicõari, jairo cuorãre mu tuanare, ĩnare barotibeticõaña. Īnare mu barotijama, bero ĩnajua quẽna barotirãma, cuorã ñari yibeticõaña. ¹³ To bajiri, gãjerãre mu barotijama, ñie cuomenare, micarãre, rujasagueri vanare, to yicõari, ĩamenare quẽne barotiya mu. ¹⁴ ĩnajumama mure bare ecamasimenama ĩna, mojoroaca cuorã ñari. To bajiro ĩnare mu yijama, buto variquẽnarucuja mu. Beroju ĩ bojarore bajiro yiriarãre rijariarãre, ĩ catiorirãmujmu mure vaja yirucami Dios, to bajiro mu yise vaja —viagure yigotiyuju Jesũs.

“Ī macu ĩ ãmosiaguadijare, masare jirõogũmi uju”, Jesũs ĩ yigotimasiore queti

(Mt 22.1-10)

¹⁵ To bajiro ĩ yisere ajicõari, sīgũ, Jesũrãca barujiḡu, ado bajiro ĩre gotiyuju:

—Uju Dios taju õ vecaju ĩ rãca barona variquẽnaruarãja mani —Jesũre ĩre yigotiyuju.

¹⁶ To bajiro ĩ yisere ajicõari, ado bajiro ĩre cudiyuju Jesũs:

—To bajirone bajiboroja, Dios taju mu ejajama —ĩre yicudiyuju Jesũs. To yicõari, gotimasiore quetire gotiyuju:

—Cojorãmu sīgũ masu quẽnaro boserãmu yigumi. Tirũmu ñaroto rĩjoro jãjarã masare jigumi, ĩnare ùmato baru. ¹⁷ To bajiri boserãmu ti ejaro, ĩre moabosagure cõagũ, ado bajiro ĩre yigumi: “Yu rãca barona barã vadiato ĩna. ‘Bare quẽnogajanoaja yu jẽre’, muare yicõami’ ĩnare yigotiba”, ĩre yigotigumi, ĩre moabosarimasure. ¹⁸ To bajiro ĩ yicõar’i, gãjerãre jicudi-boagumi. ĩna ñajediro ricatine ĩre boca cudirãma ĩna. ĩ jisogũ ado bajiro ĩre cudigumi: “Cojotũcuro oteriatũcuro vaja yibu yu. Tojare ĩaguacu yaja yu. To bajiri, ‘Ī taju bagu varuaboarine, vamasibeaja’ yure yigotibosaba”, ĩre yicudigumi. ¹⁹ Gãjima, ado bajiro ĩre cudigumi: “‘Cojomocãrãcu ta vecua vaja yibu yu. ĩnare ĩaĩaguacu yaja’ yicõami. To bajiri, ‘Vadimemi’ ĩre yicõama, mu ujure”, ĩre yicudigumi, ĩ quẽne. ²⁰ Gãjijumama, ado bajiro yigumi quẽna: “Manajo caticoaju yu, yucucane. To bajiri boserãmu ĩagũ vamasibeaja yu”, ĩre yicudigumi. ²¹ To bajiro ĩna yijare, ĩ uju ya vijũ tudiejacõari, ĩna yicõasere ĩre gotigumi. To bajiro ĩna yicõasere ĩ gotiro ajjũnisinigãmi ĩ uju. Jũnisinigãne, ado bajiro rotigumi quẽna: “¡Guaro vasa mu! ¡Macari ñajediro vasa mu! ĩie cuomenare, micarãre, ĩamenare, rujasagueri vanare, ĩnare jiba. ĩnajua, yu taju barã vadiato ĩna”, ĩre yigotigumi, ĩre moabosarimasure. ²² To bajiri uju ĩ yirore bajiro yigoticudigumi ĩre moabosarimasu. ĩ goticudiro bero, tudiejacõari, ado bajiro ujure gotigumi: “Uju, yure mu roticõarore bajirone ĩnare gotigajanomu yu yuja. Masa bojarẽmocõaja maji”, yigotigumi. ²³ To bajiro ĩ yijare, ado bajiro ĩre rotigumi uju quẽna: “Maca tusaroanare maa turi ñarãre quẽne ĩnare jijeocõama mu. ‘Yu vi jũmũcoajaro’ yigu yaja yu. ²⁴ Yu rãca baroadiato’ yu yicõaboarãjumama, yu rãca babetiruarãma ĩna”, ĩre yigumi ĩ uju —ĩre yigotiyuju Jesũs.

“Yure ajitirānugū ĩ masu rujure ĩ mairo rētoro yure maigūmi”, Jesús ĩ yire queti

(Mt 10.37-38)

²⁵ Tirūmuri jājarā masa Jesúrāca vasujarā ĩna. To ĩna bajiro judarūgū, ĩnare ĩacōari, ado bajiro gotiyuju Jesús:

²⁶ —No bojagu yu buegu, ĩ jacure, ĩ jacore, ĩ manajore, ĩ rīare ĩ mairo rēto busaro yure maigūmi. To bajicōari, catiquēnagū ñagū quēne, rijaye tāmno gajajuagu ñaboarine, yure maigūmi. ²⁷ No bojagu, “Jesúre bajiro rojose tāmno sɣarucɣa yu” yituoĭabecu, yure ajitirānugū ñamasibecumi — ĩnare yigotiyuju Jesús.

²⁸ To yigajanocōari, gotimasiore queti ĩnare gotiyuju ĩ:

—Ūmarivi quēnoru, “Ti vire yu quēnojama, ¿vaja tɣjacoaruaboati?” yigu, ĩ ye gājoare cōiagūmi. ²⁹ ĩ cōiabetijama, ti vire ĩ quēnogajanobetone, ĩ vaja yiñaboase gājoa jediveocoatoja ti, ĩre. To bajiri ĩ vire quēnogajanobecumi. Gājerā, ĩ quēnogajanobeto ĩacōari, ĩre ajarāma ĩna. ³⁰ “Adi vire quēno boarine, gajanomasibeami ĩ”, ĩre yijarāma ĩna — ĩnare yigotiyuju Jesús.

³¹ To yigajano, gaje queti ĩnare gotirūtuasuju:

—Ūju, gāji ũju rāca ĩna gāmerā quēajama, ado bajiro tuoĭagūmi: “¿Yua diez mil ñarirācu yure moabosarimasa rāca, veinte mil masa cuogure quēarētocūrājari yua?”, ¿yituoĭasuo becujarique? ³² “ĩnare quēarētomasimenaja yua” ĩ yituoĭajama, “¿No bajiro yua yiro tire bojati mu, ‘Yua rāca gāmerā quēabeticōato’ yirā?”, ĩ ũmuare yisēniĭa roticōagūmi, gāji ũju tujure. ³³ To bajiri, vi buagure, to yicōari, gāmerā sĭaroana ũjure bajiro bajiaja yu. Jēre yu yiro tire cōĭajeocaju yu. To yicōari, “To bajiro ĩna yijama, yu buerā ñaruarāma”, yimasiaja yu. To bajiro yigu yu ñajare, ado bajisere tuoĭamasiña mu: No bojagu, jediro ĩ cuosere yu bojarore bajiro yu yiro tisere bojabecu, yure ajitirānugū ñamasibecumi — ĩnare yigotiyuju Jesús.

“Yure ajitirānūrā, moa ocasere bajiro ĩna bajijama, quēnaja”, Jesús ĩ yire queti

(Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare säre. Muā barotire vaibecu rii catisere cūrāma, moa turāja muā, “Boarobe” yirā. ³⁵ Moa ti ocaboase ti ocabeticoajama, “Quēna tudiocato” yirā, no bajiro yimasimenaja muā. To bajiri, tire reacōarāja muā. Moa ocatujabetire bajiro muā bajijama, quēnaja. Tire muā ajimasirujajama, quēnaro tuoĭaña muā — ĩnare yigotiyuju Jesús.¶

15

Oveja coderimasure bajiro manire Dios ĩ maitujabeti queti

(Mt 18.10-14)

¹ Jesúre ajirā ĩ taju ejarūgūñujarā. ĩna ñañujarā rojose yirā, ũjure gājoa sēnibosarimasa, to yicōari, gājerā quēne. ² To bajiri fariseo masa, Dios ĩ rotimasire gotimasiorimasa quēne ñañujarā. Ado bajiro Jesúre gōjañujarā ĩna:

—Rojose yirāre maiami. ĩna rāca barūgūami — ĩre yigōjacodeyujarā ĩna.

¶ 14:35 Adi quetire Jesús ĩ yijama, ado bajiro yigu yiyuju, yiyujarā Dios oca buerētoburimasa: ĩre ajitirānūmenama, moa ocabetire bajiro ñarā yirāja muā. To bajiri muā sɣarujajama, yu sĭgārene muā ajitirānū sɣajajama, quēnaja.

³ To bajiro ñna yijare, gotimasiore queti ado bajiro ñnare gotimasioñuju Jesús:

⁴—Sīgũ ñagũmi cien ovejare codegũ. Cojorũmũ sīgũ oveja yayicoacũmi. To bajiri ñnare coderimasũ, ruyarãre, noventa y nueve ñarãre ta vesejũ ñnare cũcõari, yayir'ire macagũ vacoacũmi ñ, “Bujacõariju tujarũcujã” yigu. ⁵ Yayir'ire bujacõari, buto variquẽnagũne, ñre gaja tudicoacũmi, ñ ya viju. ⁶ Ñ ya vi ejacõari, ñ babarãre, ñ tuanare quẽne, rẽjarotigũmi. “Oveja yayir'ire bujabũ yũ. Mũa quẽne yũre variquẽna ejarẽmoña”, ñnare yivariquẽnagũmi. ⁷ Tire bajiro bajiroja õ vecaju Dios ñ ñaroju. Oveja yayir'ire bujacõari, ñ variquẽnariarore bajiro variquẽnarãma ángel mesa, Diore moabosarã, sīgũ masũ, rojose ñ yisere yitujacõari, Dios ñ bojasejuare ñ yijama. Socarãne gãjerãma, “Quẽnarã ñaja yũa” yitũoĩarãrema variquẽnamenama ángel mesa —ñnare yigotimasioñuju Jesús.

Gãjoatiire yiyayiocõari, titiire bujagone, so variquẽnariarore bajiro manire Dios ñ maitũjabeti queti

⁸ To yicõari, gaje queti gotirẽmoñuju Jesús quẽna:

—Rõmio, juaãmocãrãcatiiri, gãjoatiiri cũogo ñagõmo. Cojotii ti yayiro ñacõari, sãabusuoriare so ya vire sãabusuogomo so. To yicõari, quẽnaro tumacagõmo, “Titiire bujacõariju tujarũcujã” yigo. ⁹ Titiire bujacõari, buto variquẽnagõne, so babarãre, so tuanare quẽne rẽjarotigomo. “Gãjoatiire yayiritiire bujabũ yũ. Mũa quẽne yũre variquẽnaejarẽmoña”, ñnare yivariquẽnagõmo. ¹⁰ Tire bajiro bajiroja õ vecaju Dios ñ ñaroju. Gãjoatiire bujacõari, so variquẽnariarore bajiro variquẽnarãma ángel mesa, Diore moabosarã, sīgũ masũ, rojose ñ yisere yitujacõari, Dios ñ bojasejuare ñ yijama —ñnare yigotimasioñuju Jesús.

Ñ macũ ñ tudiejaro ñacõari, rojose yiboar'irene ñ jacũ ñ masirioreaye Jesús ñ gotimasiore queti

¹¹ To yicõari, gaje queti gotirẽmoñuju Jesús quẽna:

—Sīgũ masũ juarã rĩa cutigũ ñagũmi. ¹² Ñ bedijua, ñ jacure ado bajise ñre yigũmi: “Cacũ, yũ ye ñarotire yũre ñsiña mũ”, ñre yigũmi. To bajiro ñ yijare, ñnare ujojeocõagũmi ñ jacũ, ñna ye ñarotire. ¹³ To ñ yiro beroagarũmarine, ñ macũ, ñ bedijua gaje sitaju varũ ñ yere ñsigũmi ñ. Ti gãjoa rãcane vacoacũmi, gaje sitaju vacũ. Tojũ ejacõari, rujajine ñ gãjoare yibaterajeocõagũmi. ¹⁴ To bajiro yireacõari bero, josari tãmũogũmi, tojare. To ñ bajiñarone, ti sitaju bare quẽnaro manojã. To ti bajijare, buto ñnoriyasũogũmi. ¹⁵ To bajiro bajiboacũ, toagure moare sãnigũmi ñ. To bajiri ecariarã yeseare ñre coderotigũmi ñ. ¹⁶ Ñnare codeñagũju, yesea ñna basene barũaboagũmi, mano ñnoriyagũ ñari, ñnimũjuane ñre ñna bare ecabecũ ñari. ¹⁷ To bajiñaboacũ, tũoĩagũmi ñ: “Yũ jacũ moabosarimasarema jãjarã ñna ñnaboajaquẽne, ñna base rũyaquẽnacũda ti. No yigu yũma adojure ñnoriya ñnati yũ”, yitũoĩagũmi. ¹⁸ To yĩ, “Baũ. Cacũ ya viju tudiarocũ ñagũja yũ. Tojure tudiejacõari, ado bajise Cacũre ñre yirũcujã yũ: ‘Cacũ, rojose yicajũ yũ, Diore, mũre quẽne. ¹⁹ To bajiri macũ yũre mũ yise bojabeaja yũ. Mũre moabosarimasare bajirojũa yũre yiyã mũ’ yũ jacũre ñre yicõã ejarũcujã yũ”, yitũoĩagũmi. ²⁰ To yĩ, ñ jacũ ñ ñarõjuã tudicoacũmi, maane.

To bajiro ñ bajivato, sõjũne ñ jacũ bocañacõari, ñre ñamaigũmi. To bajiri ñre vabocõari, jabario, usu, ñre yigũmi, ñ jacũ. ²¹ To bajiro ñ yirone, “Cacũ, Diore rojose ñre yicajũ. Mũre quẽne rojose mũre yicajũ yũ. To bajiri macũ yũre mũ yise bojabeaja yũ”, ñre yigũmi. ²² To bajiro ñ yiboajaquẽne,

Īre moabosarimasare jicōari, “Sudi quēnase masure juaáya. To yicōari, Īre sudi sãña. Āmo sãriabedore quēne Īre sãña. Gũbo sudire quēne Īre sãña. ²³⁻²⁴ To yicōari, ta vecu mame jaigure Īre sãña mu. Īre bacōari, basavariquēnato mani. Yu macure, ‘Rijacoarimi’ Īre yirũgũboabu yu. Caticōañumi”, Īnare yigumi ĩ jacu. To yicōari, Īre basajeorãma ĩna.

²⁵ To bajiro ĩna yiñarijũre ĩ macu ñasuoũjuama, vesejune bocañacōagũmi. To bajiñaboacu, tudiacumi yuja. Tudiacu, ĩ ajicōñarũtu vajama, to basa ocaruyu ñarãma ĩna. ²⁶⁻²⁷ Tire ajicōari, ĩ jacure moabosarimasare Īre sēniãgũmi, “¿Ñiere yirã yiri ĩna?” yigu. To bajiro ĩ yirone, “Mu bedi tudiejami. To bajiri ta vecu mame jaigure sãrotimi mu jacu, mu bedi ĩ tudiejajare”, Īre yigumi ĩ. ²⁸ To bajiri tire ajicōari, bũto jũnisinigũmi, ĩ gagu, vire sãjaruabecu. To bajiri ĩ jacu tire, “¡To bajibeticōaña mu!” yigu, budiacumi. ²⁹ To bajiro ĩ bajirone, ado bajise ĩ jacure Īre yigumi: “Tocãrãca cãma mu ye moarere mure moabosarũgũboacaju yu. To bajiboarine, divatojuane no sigũ vaibucucaca cabrito vãme cutiguacare, ĩ babarã rãca basavariquēna bato ĩna’ yigu, yure ĩsibeticaju mu. ³⁰ To bajiboarine, mu macu rojorã rōmiri rãca mu ye gãjoare yireagu varĩjuarema, ta vecu mame jaigure sãcōari, basavariquēnaja mu”, Īre yigumi, ĩ jacure.

³¹ To bajiro ĩ yijare, ado bajiro Īre cudigumi ĩ jacu: “Ado yu rãcane ñacōarũgũaja mu. To bajiri yu cuose jediro mu ye ñaja ti. ³² Yucurema basavariquēnato mani, mu bedi, ‘Rijacoarimi’ yu yirũgũboagu, gãme tudiejami. Īre bujacōaja mani yuja”, Īre yigumi ĩ jacu —Īnare yigotimasioñuju Jesús.

16

Ījũre moabosarãre Īre rotibosarimasu socũne quēnaro yitocōari, rojose ĩ yirere Jesús ĩ gotimasiore queti

¹ Ado bajise ĩ buerimasare gotiyuju Jesús quēna:

—Sigũ gajeyeũni jaigu ĩ yere codebosagure Īre cuogumi. Gãjerãju, “Mu yere yibatereagu yami”, Īre yigotirãma. ² To bajiro ĩna yisere ajicōari, ĩ yere codebosagure Īre jicōari, ado bajiro Īre yigumi: “Gãjerã, mu yibatereasere gotiama. To bajiri mu yisere cōari, ucatucōaña mu. Yu yere codebosabetirucuja mu yuja”, Īre yigotigumi ĩ uju. ³ To bajiro ĩ yijare, ado bajiro tuoĩarejaigumi Īre codebosarimasu: “¿No bajiro bajiguti yu? Yu uju yure bucōarucumi yuja. No gajeye moare bujabecuja yu yuja. Ote oteroti ñarore coatĩmabecuja yu. Bojoneose, gãjerãre gãjoa sēnibecuja yu”, yituoĩarejaigumi ĩ. ⁴ To bajiro yituoĩarejaiboacu, “Jẽre yu yirotire masiaja yu yuja, ‘yu uju yure ĩ buro bero, gãjerã ĩna ya viriju yu ejaro yure ĩamaiato ĩna’ yigu”, yigumi. ⁵ To bajiri ĩ ujure vaja morãre ĩnare jijeocōagũmi. To bajiro yituoĩar’i ñari, sigũ ĩ ejaro, ado bajiro Īre yigumi: “¿No cōro yu ujure vaja moati mu?”, Īre yisēniãgũmi. ⁶ To bajiro ĩ yisēniãrone, “Cien ñarirajeri uyerajeri bare roagu sãvuorere tire vaja moaja yu”, Īre yigumi. To bajiro ĩ yirone, “Jau. Rujiya. ‘Adi mu vaja more tuyarijũrore mojoroaca cincuenta ñaro vaja moaja’ yuicatu vasoatoya”, Īre yigumi. ⁷ To bajiro Īre yigajanocōari, gãji ĩ ejaro, Īre sēniãgũmi: “¿No cōro vaja moati muma?”, Īre yigumi. “Cien jiburi pan quēnorotire vaja moaja yu”, Īre yigumi. To bajiro ĩ yirone, “Adi mu vaja more ñarijũrore mojoroaca ochenta jiburi vaja moaja yuicatu vasoatoya”, Īre yigumi. To yicōari, gãjerãre quēne

to bajiro rīne yigūmi. ⁸ To bajiro ī yiro ajicōari, “Quēnaro yigū me ñaboarine, tuoīamasigū ñaami”, yituoīagūmi ī uju, ĩre — ĩnare yigotiyuju Jesús, ĩ buerimasare.

—To bajiro tuoīaama ĩna, jājarā masa, Diore ajiterā. Gajeyeūnire buto tuoīarā, masare yitocōari, vaja bujamasiama ĩna. Yure ajitirūnarājuama, “Quēnabusaro Dios ĩ bojarore bajiro ajitirūnato ĩna” yirā, quēnaro mua yīrotire tuoīabetibusacōaja mua.

⁹ To bajiri ado bajiro mware gotiaja yu: Rijanane mua yere, mua gajeyeūnire juavamasibetiruarāja. To bajiri mua cwosere maioro bajirāre ĩsīna mua. To bajiro mua yijama, mua rijato bero, ĩnare quēnaro yīriarā mua ñajare, Dios ĩ ñaroju quēnaro mware ĩvariquēnaruarāma ĩna.

¹⁰ Gajeyere quēne mware gotiaja yu. Gajeyeūni, gājoa codebosarimasu mojoroaca ñasere quēnaro codeguma, jairo ñasere quēne quēnaro codemasiami. Gājima, gajeyeūni, gājoa codebosarimasu ñagū mojoroaca ñasere codemasibecuma, jairo ñasere quēne codemasibecumi. ¹¹ Adi macarucurojare Dios mware ĩ ĩsise “Dios ĩ cōase ñaja” yituoīacōari, mua gājoare, gajeyeūnire, mua cwosere quēnaro mua cwomasijama, Dios, buto variquēnacōari, ĩ tuayere quēnamasusere mware uxorucumi, tuoīamasireayere, moamasireayere, to yicōari mua ñarotiyere quēne. ¹² Adi macarucuroyere ĩ cōasere mua cwomasibetijama, quēnamasuse mua cwoborotire ujobetirucumi Dios.

¹³ Diore yirucubhorāma, adi macarucuroyere tuoīarucubhomenama, “Diojua ñaami ñamasugū” yituoīarā ñari — ĩnare yigotiyuju Jesús.

Gajeyeūnire, gājoare buto bojarāre Jesús ĩ gotire queti

¹⁴ To bajiro ĩ yisere ajicōari, ñagōjuruñujarā fariseo masa, gajeyeūnire, to yicōari, gājoare quēne, tire buto bojarā ñari. ¹⁵ To ĩna yijare, ado bajiro ĩnare gotiyuju Jesús:

—Quēnase mua yijama, “ ‘Quēnarā ñaama’ manire yīīato masa” yirā, yitorūgūaja mua. To bajiro mua yiboajaquēne, mua tuoīasere ĩamasigū ñaami Dios. To bajiri, “Quēnamasucōaja” masajuama ĩna yīīaboasere, Diojuma, “Quēnabetimasucōaja” yīīaami — fariseo masare ĩnare yiyuju Jesús.

“Yu uju ñaami Dios’ mua yijama, ĩ rotisere cwūdiroti ñaja”, Jesús ĩ yire queti

¹⁶ Quēna ado bajiro ĩnare gotimasioñuju Jesús:

—Rēmojare Dios yere Moisés ĩ rotimasirere, Diore gotirētobosamasiriarā masare ĩna gotimasiorama, Juan vāme cutigu, masare oco rāca bautizarimasu ĩ gotimasioriajune tusaja. “Uju Dios yarā quēnaro ĩ yirā mua ñarūajama, rojose mua yisere yitujacōari, Jesúre ajitirūnūña” yisejua ñaja ñamasusema. Tire ajirā ñari, quēnaro yure ajivariquēnasuyasuoadicama jājarā masa.

¹⁷ Adirūmariaye ñamasuse ti ñaboajaquēne, Moisére Dios ĩ roticūmasire, to yicōari, Diore gotirētobosarimasa ĩna gotimasiosire ñajediro ñacōarūgūrojoja. Adi macarucuro jediroto rījoro, cojo vāme godocutibetirūrojoja. Ñajediro Dios ĩ gotiriarore bajirone bajirūrojoja — ĩnare yigotimasioñuju Jesús.

“Ī manajore rocacōari, gajeore ĩ manajo cutijama, quēnabeaja”, Jesús ĩ yire queti

(Mt 19.1-12; Mr 10.1-12)

¹⁸ Quēna ado bajiro ĩnare gotimasioñuju Jesús:

—Sīgū ī manajore rocacōari, gajeore ī manajo cutijama, ī manajo masu me ņaamo. Sore ajerio cutigū yami, Dios ī ĩajama. To yicōari, manaju rocaro rāca ī manajo cutijaquēne, ī manajo masu me ņaamo. Sore ajerio cutigū yami, Dios ī ĩajama —Īnare yigotimasiñuju Jesús.

Sīgū gajeyeūni jaigu, to yicōari, Lázaro vāme cutigū rāca ĩna bajirere Jesús ĩ gotire queti

¹⁹ To bajiro yigajanocōari, quēna ado bajiro Īnare gotiyuju Jesús:

—Sīgū ņagūmi jairo gajeyeūni cuogu. Quēnase sudi, vaja jacase rīne sāñarūgūgūmi. Tocārācarūmīne bare quēnase rīne ba, boserūmū quēno, variquēnarūgūgūmi. ²⁰ Ī ya vi soje tuaca ņie cuobecu, maioro masu bajigu rujigūmi, Lázaro vāme cutigu. Ī rujuri cāmi boagu ņagūmi ī. ²¹ Ī bar-easere barua rujigūmi. To ī bajirujirone, ī cāmire ĩre verogōjanabiorāma yaia. ²²⁻²³ Cojorūmū rijacoacūmi Lázaro. Ī rijato bero, ō vecaju ī ņicu Abraham taju ī usure āmicōanama ángel mesa. Bero, gajeyeūni jaigu quēne bajirocacoacūmi. Bajirocacōari, yuje ecogūmi. To bajicōari, rojose tāmūotujabetiriaroju cōaecogūmi. Toju ņacōari, ĩamūogūne, Abraham, Lázaro rāca ĩna ņaro ĩabujagūmi, ō vecaju ņarāre. ²⁴⁻²⁵ Īnare ĩabujacōari, Abrahamre ado bajise avasāĩamūogūmi: “ņicu, yure ĩamaiña. Adi jeamere buto rojose tāmūoaja yu. Lázarore, yu taju ĩre cōaña. Mojoroaca oco juaádiato”, ĩre yĩavasāgūmi. To ĩ yirone, ado bajiro ĩre cudigūmi Abraham: “Tuōiaña jānami. Mū ya macaju ņagū quēnasere cuocaju mū. Variquēnacaju mū. Lázarojuama toju ņagū buto rojose tāmūocami. Yucūrema, quēnaro variquēnaro ņagū bajiami yuja. Mūjuama buto rojose tāmūogū bajijaja mū yuja. ²⁶ Gajeyerema jairigoje ņamatacōaja. To bajiri mū tujure ejamasibeaja yua. Mūajua quēne yua tujure ejamasibeaja mūa”, ĩre yicudigūmi Abraham.

²⁷ To bajiro ī yijare, gajeyeūni jaigu ņaboar'i ado bajiro ĩre yigūmi: “‘Lázarore yu jacu ya vijū ĩre cōaña’ yigu yaja. ²⁸ Yu bederā cojomocārācu ņarāre, Lázarore ĩre gotiroticōaña. ‘Īna quēne, adoju rojose yu tāmūore bajiro bajiroma’ yigu yaja”, Abrahamre yigotiboagūmi. ²⁹ To ĩ yirone, “Moisés, to yicōari, Diore gotirētobosamasiriarā quēne ĩna ucārere jēre tire cuorāma ĩna, mū yarā. Tire bueato ĩna”, ĩre yicudigūmi Abraham. ³⁰ To ĩ yirone, “Bajibeaja. Buemenama. ‘Rijar’ine tudicaticōari, gotiami manire’ yirā, ĩre ajirūcūbuocōari, tuōĩvasoaruarāma ĩna”, ĩre yiboagūmi, jeameju rojose tāmūoñagū. ³¹ To ĩ yirone, ado bajiro ĩre cudigūmi Abraham quēna: “Moisés, to yicōari, Diore gotirētobosamasiriarā, ĩna ucamasirere mū bederā ĩna ajitirūñubetijama, rijar’i, ĩnare ĩ gotiboajaquēne, ĩre ajimenama”, yigūmi Abraham —Īnare yigotiyuju Jesús, fariseo masare.

17

“Mūa suorine gājerā rojose ĩna yijama, gūiose ņaja”, Jesús ĩ yigotimasiore queti

(Mt 18.6-7, 21-22; Mr 9.42)

¹ Ī buerimasare ado bajiro gotimasioñuju Jesús:

—Rojose yirā jājarā ņarāma. To bajiri gājerāre rojose ūmato yīruarāma. To ĩna yise suori buto rojose tāmūoruarāma. ² Rojose ĩnare ĩna ūmato yiroto rījoro, tocārācurene ĩna āmūarijūre gūta jairica siatucōari, riaga ūcuaroju ĩnare rearoderuocōajama, rojose tāmūobetibusaborāma.

³ To bajiri, “Rojose mani ūmato yijama, rojose tām̄uoborāja” yirā, quēnaro t̄uoīamasirine ñarūgūña m̄ua. Sīgū rojose m̄uare ī yijama, “Rojose yure yib̄u m̄u”, ĩre yiya. To bajiro m̄u yisere ajicōari, “Riojo yaja m̄u” ĩ yis̄utiritijama, rojose m̄uare ĩ yisere ĩre masirioya m̄ua. ⁴ Tocārācajine rojose m̄uare ĩna yijama, ĩnare masirioya, rojose m̄uare ĩna yiro cōrone, “J̄uaji rojose m̄uare yibetir̄uc̄aja” yirāre —ĩnare yiyuju Jesús.

“Dios ĩ rotimasirore bajirone yir̄uaja ȳua” yirā, Jesús buerā ĩna sēniboare queti

⁵ To bajiro ĩ yisere ajicōari,

—“Tocārācajine masiriof̄imamenaja” yit̄uoīarā ñari, ȳua masiriof̄imarotire Dios ĩ ejar̄ēmosere bojaja —yiyujarā ĩna.

⁶ To bajiro ĩre ĩna yirone, ado bajiro ĩnare gotiyuju Jesús:

—Mojoroaca yimasirā ñaboarine, “Dios ĩ ejar̄ēmose rāca yimasicōarāja” yirā, ic̄u morera vāme c̄utiare, “M̄ua masune v̄uevati, r̄āgōaya” m̄ua yirotijama, to bajirone bajir̄uaroja ti —ĩnare yigotiyuju Jesús.

“Ūj̄ure moabosarimas̄u, ado bajiro bajire ñaroja”, Jesús ĩ yire

⁷ To yigajanocōari, ado bajiro ĩnare gotir̄ūtuasuju ĩ quēna:

—To bajiri, ĩaīañamani m̄ua yijama, ado bajiroj̄ua t̄uoīama m̄ua: Moabosarimas̄u c̄uorā ĩre m̄ua rotisere t̄uoīaña: Ovejare m̄uare codebosaḡuar̄ire, ĩ tudiejaro, “M̄uj̄ua bas̄uoya”, ĩre yimenaja m̄ua. ⁸ Ado bajiroj̄ua ĩre yir̄āja m̄ua: “Ȳua barotire roabosaya. Roagajanocōari, ȳuare ecaba. Ȳua bagajanoro bero, m̄uj̄ua bar̄uc̄aja m̄u”, ĩre yir̄āja m̄ua. ⁹ M̄ua moarotisere ĩ moaro ĩacōari, “Quēnaja ti”, ĩre yimenaja m̄ua, “Ȳuare moabosarimas̄u ñaami” ĩre yit̄uoīarā ñari. ¹⁰ To bajiro ĩre m̄ua yit̄uoīarore bajirone t̄uoīaḡūmi ĩ quēne. To bajiri, “‘Quēnaro yaja m̄ua’ manire yato Dios” yit̄uoīacōari, “Ñamasurā ñaja” yirāre bajiro yisocabesa. “No bojagure moabosarimas̄u, ĩ moarotiecorore bajiro bajiḡu ñaja”, yit̄uoīarūgūña —ĩnare yigotiyuju Jesús.

Gase boarāre Jesús ĩ catiore queti

¹¹ To bajiri Galilea sita, Samaria sita rāca vatojere var̄ūtuasuju ĩ, Jesús, Jerusalén macaja vac̄u. ¹² Var̄ūtu vac̄une, gaje maca ejayuju. Ti macajure ĩ ejaro, j̄uaāmocārāc̄u ruj̄uri gase boarā ĩre bocayujarā ĩna. ĩ t̄uaca ejamenane, sōj̄u ñarine ado bajiro ĩre yivasāñujarā ĩna:

¹³ —Jesús ȳua ūju, ȳuare ĩamañña m̄u —ĩre yiyujarā.

¹⁴ To bajiro ĩna yivasārone, ĩnare ĩacōari, ado bajiro ĩnare yiyuju Jesús:

—Paiare m̄ua ruj̄urire ĩoaya. To m̄ua yijama, caticoar̄uarāja m̄ua —ĩnare yiyuju ĩ.

To bajiro ĩ yijare, vacoasujarā ĩna. Maa ĩna vato r̄ine ĩna cāmi boaboare yaticoasuju ti yuja. ¹⁵ To bajiro sīgū ruj̄u gase boaḡu ñar̄'i, ti yatiro ĩacōari, judar̄ūgū, Jesús t̄uj̄u tudicoasuju quēna. Tudiac̄une, variquēnagū ñari, “Quēnaro yure yami Dios”, yivasā var̄ūtuasuju ĩ. ¹⁶ Jesús t̄uj̄ure tudiejacōari, muqueayuju ĩ. To bajicōari, ado bajiro Jesúre gotiyuju:

—Ȳu gase boaboase m̄u s̄uorine ti yatijare, b̄uto quēnaja —Jesúre ĩre yigotiyuju. ĩ ñañuju samaritano mas̄u. ¹⁷⁻¹⁸ To bajiro ĩ yisere ajicōari, ado bajiro yiyuju Jesús:

—J̄uaāmocārāc̄ure gase boariarāre ȳu catioboajaquēne, āni samaritano mas̄u, ĩ sīgūne tudidiامي, “Quēnaro yure yami Dios” yiḡu vaḡu —ĩ rācanare ĩnare yigotiyuju Jesús.

19 To bajiro yigajanocōari, ĩ catior'ire ado bajiro ĩre yiyuju:
—Vāmurūgūña. Vasa. “Yure ĩamaicōari, catiorucami Jesús” mu
yituoĭajare, mre catiobu yu —ĩre yigotiyuju Jesús.

“Dios ĩ roticōagū, ĩno cōro ejaguti ĩ?”, Jesúre ĩna yisēñiare
(Mt 24.23-28, 36-41)

20-21 Cojorām adu bajiro Jesúre sēñiñañujarā fariseo masa:
—ĩNo cōro ejacōari, rotisuguti Dios ĩ cōarocu? —ĩre yisēñiñañujarā ĩna.
To bajiro ĩre ĩna yisēñiarone adu bajiro ĩnare cudiyuju Jesús:
—Mua yutuōiare bajiro bajibeaja ti. Ruyurone, “Adine ñaja. Ise ñaja”
yimasñamanire bajiro bajise ñaja, Dios ĩ roticōagū ĩ ejasema. Jēre mua
vatoane ñaboaja ti —ĩnare yiyuju Jesús.

Jesús adi macarucuro ĩ tudiejaroti queti

22 To bajiro yicudigajanocōari, ĩ buerāre adu bajiro ĩnare gotiyuju Jesús:
—Yoaro yu rāca ñarūaboarāja mua. To bajiro mua bajiboajaquēne, mua
rāca ñacōa ñabetirucuja yu. 23 To bajiri yu tudivadiroto rñjorore, “ĩne ñaami.
Tudiejami. Tone ñami”, mre yisocararāma. To bajiro ĩna yijama,
ĩnare ajibetiruarāja mua. 24 Ūmūagasero jediroju bujo ĩ yabesere masa
ĩna ĩarore bajiro yu vadore yure ĩare ñarūaroja. 25 To bajiro yu bajiroti
rñjorore, adirodoana jairo rojose yure ĩna yisere rojose tāmōroti ñaja ti.
“Dios ĩ cōagū me ñaami” yica yirā, yure sĭarotiruarāma masa. 26 Yure ĩna
sĭaro bero, tudicaticōari, quēna vadirucuja yu, adi macarucurojare. Noé
ñamasir' ĩ ĩñiarodo masa ĩna bajiñamasiriarore bajiro bajiñaruarāma, Dios
ĩ roticōacacu, yu tudiejarirūmure quēne. 27 Adi macarucuro ti rujaroto
rñjoro bare ba, idi, manajo cuti, yicōa ñamasñujarā ĩna. Diore tuoĭari mene,
“ĩTo bajiroado yatique?” yimenane, jairica cūmua quēnogajanocōari, Noé
ĩ vasājaro ũnone to bajiro yicōa ñamasñujarā ĩna. “To bajiroado yiroja” ĩna
yimasibetone, ĩnare ruureacōañuju Dios. To bajirone bajiruarāma masa,
yu tudiejarirūmure quēne. 28 To bajirone bajiñamasñujarā masa, Lot
ñamasir' ĩ ĩñiarodoana quēne. Sodoma macana bare barā, idirā, gajeyeūni
gāmerā ĩsirā, gājerā vaja yicōari cuorā, gājerāma, oterā, viri buarā, yicōa
ñamasñujarā ĩna, Diore tuoĭamenane. 29 Sodomajure ñaboar' ĩ Lot ĩ rudiro
bero, ō vecaye jea ũjuse azufre vāme cutise rāca Dios ĩ soereamasiriarore
bajiro bajirone bajiruaroja ti. 30 To bajirone bajiñaruarāma masa, Dios ĩ
roticōacacu yu tudiejarirūmure quēne.

31 To bajiri, quēnaro ñaña mua, rojosere yimenane. Yu gotisere quēnaro
tuoĭamujarūgūña, “No bojarijaune vagumi” yituoĭarā ñari. No yimasñi
maniruaroja. Sīgū ĩ ya vi joeju jesaguma, rujiacōari, ĩ ya vi jubeaju
gajeyeūni ñasere juaátimabetirucumi. Gāji, veseju moañagū, ĩ ye sudire
juagu tudiatimabetirucumi, rujarimarone yu ejaroti ti ñajare. 32 Lot manajo
so bajimasirere tuoĭaña mua. Gajeyeūnire ũmaveovaco ñari, tire maigō,
ĩatococa yigone, moatutune godovedirocacoasuju so.

33 No bojarā, no ĩna bojarone ñare cutirāma adi macarucuro ñasere
ĭavariquēnacōari, Diore tuoĭamenama, Dios ĩ catisere yayibetire cuomena
ñaruarāma ĩna. To bajiboarine, yure ajitirūnārā, yu oca ĩna gotisere
ajjūnisinicōari, ĩna sĭarāma, Dios tujū quēnaro ñarona ñarāma.

34 Gajeyerema adi macarucuroju yu tudivadoju, ñami ti ñajama juarā
ūmua cāñiñarāre ejacōari, sīgū āmiecorucumi. Gājima, āmiecobetirucumi.
35 Ūmua ti ñajama, rōmia juarā trigore vāiaabo ñaruarāma. To bajiri,
sīgō āmiecorucocomo. Gajeoma, āmiecobetirucocomo. 36 Juarā ũmua

veseju moañaruarāma. To ina yīñarone, sīgū āmiecorucūmi. Gājima, āmiecobetirucūmi —Inare yigotiyuju Jesús.

³⁷ To bajiro Inare ī yigotirone,

—¿Nojare to bajise bajiroti ti? —Ire yisēñīañujarā ī buerimasa.

To bajiro Ire Ina yisēñīarone, ado bajiro cūdiyuju Jesús:

—Rijar'i, ī boacūñarorema, yuca ejarāma Ina —Inare yicūdiyuju Jesús.†

18

“Yūare ejarēmogūmi, yūa sēñijama' yitūoñarā ñari, Diore sēnitujabetiroti ñaja”, Jesús ī yire queti

¹ “Diore Ire sēnitujabeticōato Ina” yigu Inare gotimasioñuju ī:

2—Cojo macare sīgū masū ñagūmi masa Ina yisere ĩacōiarimasū. Diore, to yicōari, masare quēne rūcūbūobecu ñagūmi. ³ Ī ya macajure sīgō ñagōmo manaju rijaveorio. Biyarocaca ado bajiro Ire sēnigō ejaboagomo: “Yure ejarēmōña mū. Rojose yure yami”, Ire yiboagomo. ⁴ To bajiro so yiboajaquēne, sore yibosadabecūmi. To bajiboarine, buto Ire so sēnicōa ñajare, ado bajiro tūoñagūmi yuja: “Diore, to yicōari, masare quēne rūcūbūobecu ñaja yū. ⁵ To bajiro bajigu ñaboarine, buto so sēnigōjanabiocōa ñajare, sore ejarēmorucūja yū. Sore yū ejarēmobetijama, yure gōjanabiocōa ñabogomo”, yitūoñagūmi —Inare yigotiyuju Jesús.

⁶ Ti quetire gotigajanocōari, “Ado bajiro yirūaro yaja”, Inare yiyuju:

—Masa Ina yisere ĩacōiarimasū ī yirere ajīlasaque mūa: ⁷⁻⁸ ¿Dios, ī ejarēmose bojarā Ire sēnitujamenare, ī yarāre, yoaro Inare ejarēmobecūtique ī? To bajiro yibecūmi Diojūama. Mūa sēniro cōrone tocārācagine mūare cūdimasiamī. To bajiri, ¿“Yūare ejarēmogūmi Dios” yitūoñacōari, Ire sēnitujamenare, tudivagu, bjarucūada yū? —yiyuju Jesús.

Fariseo masū, gājoa sēnirimasū rāca Diore Ina sēnirere Jesús ī gotimasiore queti

⁹ Quēna gaje queti Inare gotimasioñuju. Ire ajirā sīgūri ado bajise yitūoñañujarā Ina: “Quēnaro yirā ñaja yūama”, yitūoñañujarā Ina. To bajiro yicōari, “Rojorā ñaama Inama”, gājerāre yīñarā ñañujarā Ina. To bajiro yirā Ina ñajare, ado bajise queti Inare gotiyuju Jesús:

¹⁰ —Ūmūa juarā ñarāma Ina, Diore yirūcūbūoriavijū Ire sēnirā vana. Sīgū fariseo masū ñagūmi. Gāji, ūjare gājoa sēnibosarimasū ñagūmi ī. ¹¹ Fariseo masū, Diore yirūcūbūoriavijure sājaejarūgūcōari, ado bajiro Diore Ire yigūmi, ī tūoñase rāca: “Dios, mūre variquēnaja yū, gājerāre bajiro bajibetir'i. Gājerāma, juarudirā ña, yitorā ña, gājerā manajoare ajeriarā cūtirā ñarāma Ina. Ado ejaḡu, ūjare gājoa sēnibosarimasū, Ire bajiro bajigu me ñaja yū. To bajiri mūre variquēnaja yū. ¹² Tocārāca semana juaji bare babeaja yū, mū rotimasirere cūdigū ñari. Yū moase vaja juāāmocōro ñaritiiri vaja tagū, cojotii mū ya vire cūbosarūgūaja yū”, Diore Ire yigūmi. ¹³ Gājjijūa gājoa sēnibosarimasū ōjūne tujacōari, ō vecajure ĩamūobecūmi, ī rojosere bojone, sūtiritimasucōagū ñari, ī cotitērore jagūne, ado bajise Diore sēnigūmi: “Dios, yure ĩamaiña mū. Rojose yū yisere yure masirioya mū”, Diore yisēnigūmi. ¹⁴ Yure quēnaro ajiya mūa: Rojose ī yisere sūtiriticōari, Diore sēnigūma, rojose ī yisere masirio ecocōari, ī ya vijū tudiacūmi. Gājjijūama,

† 17:37 “Yuca ejarāma, masū boagu ī ñarore” ī yijama, “Rojose yirāma, no bojarone ñacōarāma” yigu yiyuju Jesús.

fariseo masu, i ya vija tudiajama, “Rojogu ñaami”, Dios i yilagū ñagūmi. To bajiro ti bajijare, ado bajiro mware gotiaja ya: “Quēnaro yirā mani ñajare, ‘Quēnarā ñaja mua’ manire yilagūmi Dios” yituoīarāre, “Quēnarā me ñaama. Rojorā ñaama”, yilagūmi Dios. No bojagure, “Quēnagū me ñaja ya” Diore yisutiritigujare, “Quēnagū ñaami”, ĩre yīaracumi Dios —ĩnare yigotiyuju Jesús.

Rīamasare Jesús ĩ ĩubuejeore queti
(Mt 19.13-15; Mr 10.13-16)

¹⁵ Jesús taju rīamasacare juaejayujarā masa, “Ī āmori ñujeocōari, Diore ĩnare sēnibosato ĩ” yirā. ĩna juaejasere ĩacōari, ado bajiro ĩnare yiyujarā ĩ buerimasa:

—juadibesa! Gōjanabioro yaja mua —ĩnare yiyujarā. ¹⁶ To bajiro ĩnare ĩna yiboajaquēne, rīamasare jirēocōari, ado bajiro ĩ buerimasajure yiyuju Jesús:

—Rīamasare, “Jiadibesa” ĩnare yibesa. “Quēnaro yure yiracumi Dios” yituoīarā ñaama rīamasa. ĩna tuoīarore bajiro tuoīarā ñaama Uju Dios yarā. ¹⁷ Riojo mware gotiaja ya. Rīamasa ĩna yiecorore bajiro yiecorā ñarāma Uju Dios yarā —ĩ buerimasare yiyuju Jesús.

Gajeyeūni jaigu, Jesúre ĩ sēniāñuju
(Mt 19.16-30; Mr 10.17-31)

¹⁸ Sīgū uju, ado bajiro Jesúre ĩre sēniāñuju:

—Gotimasiorimasu, quēnagū ñaja mu. Yu rijato beroju “Tudirijabeticōato” yigu, Dios ĩ catisere yare ĩ ĩsire ya bojajama, ¿no bajiro yiroti ñati yare? —Jesúre ĩre yiyuju.

¹⁹ To ĩ yisere ajicōari, ado bajiro ĩre cūdiyuju:

—¿No yigu, “Quēnagū ñaja mu”, yure yati mu? Dios sīgūne ñaami quēnagūma. ²⁰ Mu rijato beroju “Tudirijabeticōato” yigu, Dios ĩ catisere mu bujaruajama, Dios ĩ rotimasirere cūdiroti ñaja. Tire masiaja mu. Dios ĩ rotimasire ya yijama, ado bajise yimasirere yaja ya: “Gāji manajo rāca ajerio cutibesa. Sīabesa. Juarudibesa. Socane, ‘Rojose yimi’ yigotiobesa. Mu jacure, mu jacore quēne quēnaro ĩnare rācābuoya”, yigotiaja Dios ĩ rotimasire —ĩre yiyuju.

²¹ To ĩ yisere ajicōari, ado bajiro yicūdiyuju:

—Daquegūjane tire cūdisuoadicaju ya —ĩre yicūdiyuju.

²² To ĩ yisere ajicōari, ado bajiro ĩre gotiyuju Jesús:

—Cojo vāme ruajaja mu yiroti, mu rijato beroju “Tudirijabeticōato” yigu, Dios ĩ catisere mu bujaruajama: Jediro mu cūosere gājerāre ĩsijeocōaña. To yicōari, ti vaja bujacōari, maioro bajirāre ĩsima. To bajiro mu yijama, o vecaju Dios ĩ ñaroju quēnase bujaracuja mu. To bajiro yigajanocōari, yure ajisayaya —ĩre yiyuju Jesús.

²³ To ĩ yigu buto sūtiriti vacoasuju ĩ, gajeyeūni jaigu ñari, tire maigū. ²⁴ Ī sūtiritisere ĩacōari, ado bajiro ĩ buerimasajure gotiyuju Jesús:

—Gajeyeūni jairārema, yure ĩna sūyarua tuoīaboajama, buto josaruaroja ĩnare. To bajicōari, yirēto ecobosabetiruarāma. ²⁵ Vaibucu camello vāme cutigu, gājojota gojecare sājarētobudimasibecumi. To bajirone bajaiaja gajeyeūni jairāre quēne, yure ĩna ajitirūnu sūyarūaboajama. To bajiro ĩna bajijare, yirēto ecobosabetiruarāma —ĩnare yiyuju Jesús.

²⁶ To bajiro ĩnare ĩ yisere ajicōari, no yimasibesujarā ĩna. To bajiri ado bajiro ĩre sēniāñujarā:

—Riojo mu gotijama, ¿no bajiro bajirãjua Dios tujare ejaruarãda? —Ïre yiyujarã.

²⁷ To bajiro ïna yisere ajicõari, ado bajiro ïnare cãdiyuju Jesús:

—Ïna masune ejamasimenama masa, Dios tujare. Diojuma, ñajediro yimasijeocõami. Ñiejua josase maja ïrema. Ï suorine ï tujã ejamasire ñaja —ïnare yiyuju Jesús.

²⁸ To ï yisere ajicõari, ado bajiro ïre yiyuju Pedro:

—Yu uju, jediro yua gajeyeünire cõcõari, mare suyacaju yua —Ïre yiyuju.

²⁹⁻³⁰ To ï yisere ajicõari, ado bajiro ïre cãdiyuju Jesús:

—Riojo mure gotiaja yu. No bojarã yure ajitirãnarã ñari, yu ye gotiroana, ïna ya vi, ïna yarã, ïna manajoa, ïna jacua, ïna rãa, to yicõari ïna ya veserire quene ïna vaveojama, ïna cuoboare rëtohusaro quenase bjaruarãma ïna, adi macarucurore. To yicõari, ïna rijato berojama “Tudirijabeticõato” yigu, ï catisere ïnare ïsirucami Dios —ïnare yicãdiyuju Jesús.

“Yure sjaruarãma”, Jesús ï yigotitusare queti

(Mt 20.17-19; Mr 10.32-34)

³¹ Jerusalenju ïnare ïmato varũtu vacune, juaãmo cõro, gũbo jua jënituarirãcu ñarãre ïnare gotiru, ricati ïnare jicãmotoyuju Jesús. To bajiro yicõari, ado bajiro ïnare yiyuju:

—Quenaro ajiya mu. Jerusalenju vana bajiaja mani. Dios ï roticõacacu, yu bajiro tire jairo ucayuma tirũmana Diore gotirëtobosamasiriarã. Ñajediro ïna ucarere bajirone bajijeocõararoja yure. ³²⁻³³ Romano masare yure ïsiruarãma. To ïna yijare, yure ajatud'irã, gooco yure eore-atucõari, bjaruarãma ïna. To yicõari, yucãtëroju yure jajurocacõarãma. Yure jajurocacõari, yujeboarãma. To ïna yiboajaquene, yure ïna sjarirũmu bero, idiarũmu tusatirũmane tudicaticoarucuja yu quena —ïnare yiboayuju Jesús.

³⁴ To bajiro ïnare ï yisere ajimasibesujarã ïna, ïna ajimasiro tire Dios ï cõabetijare.

Caje ïabecure Jesús ï ïarotire queti

(Mt 20.29-34; Mr 10.46-52)

³⁵ Jericó vãme cuti macaju ï cõñatone, caje ïabecu rujiyuju, maa tu. Maioro bajigu ï barotire, to yicõari, gajeyeüniaa ï suorotire tuoãgã, gãjoo sënigũ bajiyuju. ³⁶ Masa jãjarã ïna rëtosere ajicõari,

—¿No bajiro bajiatu ti? —Ïnare yisënĩañuju ï.

³⁷ To bajiro ïnare ï yisënĩarone,

—Jesús Nazaret macagu, rëtoacu yami —Ïre yiyujarã ïna.

³⁸ To bajiro ïna yisere ajicõari, ado bajiro Jesúre jivasãñuju ï:

—Jesús, yua uju, Uju David ñamasir'i jãnami, “Rotimõorõgõrucami” yigu, Dios ï cõar'i ñaja mu. Yure ïamaiña mu —yivasãñuju ï.

³⁹ To bajiro ï yivasãrone,

—¡Avasãbesa! —Ïre yiyujarã ïna, Jesúre ïre rãjoro cuti vana.

To bajiro ïna yiboajaquene, butobusa avasãñuju quena:

—Uju David ñamasir'i jãnami, “Rotimõorõgõrucami” yigu, Dios ï cõar'i ñaja mu. Yure ïamaiña —Jesúre ïre yivasãñuju.

⁴⁰⁻⁴¹ To ï yisere ajicõari, tujarũgũñuju Jesús. To bajicõari,

—Īre jiya m̄ua —masare ĩnare yiyuju. To bajiro ĩ yijare, Jesús t̄uja ĩre jiejoyujarā ĩna. To ĩna jiegoro ĩacōari, —¿No bajiro m̄ure yu yisere bojati m̄u? —Īre yiyuju Jesús, caje ĩabec̄ure.

To ĩ yijare, ado bajiro ĩre yic̄diyuju:

—Yu ɯju, tudīarɯaja yu —Īre yiyuju.

⁴² To bajiro ĩ yisere ajicōari, ado bajiro yiyuju Jesús:

—“Yure ĩamaicōari, ĩarotiruc̄ami” yure yit̄oĭagū ĩari, ĩacoaju m̄u. ĩie rojose maja m̄ure yuja —Īre yiyuju Jesús.

⁴³ To bajiro ĩ yirirīmarone, caje ĩabecu ĩaboar'i, ĩacoasuju ĩ yuja. ĩacōari, ĩ quēne Jesúre s̄yacoasuju. “Quēnaro yaja m̄u”, Diore ĩre yivariquēna vasuju ĩ. Masa quēne tire ĩarā, “Quēnaro ĩre yami Dios”, yiyujarā ĩna quēne.

19

Zaqueo rāca Jesús ĩ bajire queti

¹ To bajiri, Jericó vāme cuti macare rētoacu bajiboayuju Jesús. ² To ĩ bajivatore, sīgū ti macagu ĩaņuju, Zaqueo vāme cutigu. ĩ ĩaņuju gājoa sēnibosarimasa ɯju. Gajeyeūni jaigu ĩaņuju. ³ To bajiri, Jesús ĩ rētoato b̄uto ĩarɯaboayuju. ĩre ĩarā jājarā ĩna ĩajare, ĩre ĩabujabesuju ĩ, yeguaca ĩari. ⁴ To bajiri, Jesús ĩ varoti maa t̄uja ĩ r̄joro ūma va, yuc̄aju m̄jasuju, Jesúre ĩre ĩaru. ⁵ ĩ jesaro ēñeroca ejayuju Jesús. To bajicōari, ĩre ĩam̄oņuju, Zaqueore. ĩre ĩam̄ogūne,

—Zaqueo, guaro rujiaya m̄u. Yucu m̄u ya viju tujaruc̄aja yu —Īre yiyuju Jesús.

⁶ To bajiro ĩre ĩ yirone, guaro rujiacōari, variquēnagūne, Jesúre ĩre ūmato vasuju Zaqueo, ĩ ya viju. ⁷ To bajiri Zaqueo ya viju Jesús ĩ ĩasere ĩacōari, ado bajiro gāmerā yiyujarā masa:

—Rojogu t̄ure ĩagū bajiami —yiyujarā ĩna.

⁸ ĩ ya viju ĩacōari, ado bajiro Jesúre gotiyuju Zaqueo:

—Yu c̄ose, gajeyeūnire, maioro bajirāre ḡdareco ĩnare ĩsiruc̄aja yu. Gājerāre ĩnare yit̄ocōari, ĩna ye ĩaboasere ēmacaju yu. To bajiri ĩnare yu ēmacati rētoro ĩnare ĩsiruc̄aja yu. Babarirācaji ĩnare yu ēmacati rētobusaro ĩnare ĩsiruc̄aja —Jesúre ĩre yiyuju ĩ.

⁹⁻¹⁰ To bajiro ĩre ĩ yisere ajicōari, ado bajiro ĩre gotiyuju Jesús:

—Quēnaro yaja m̄u. Abraham Diore ĩ ajitirūn̄amasiriarore bajiro Diore ajitirūn̄aja m̄u. To bajiro yigu m̄u ĩajare, m̄ure, to yicōari, m̄u ya vianare quēne, rojose m̄ua yisere m̄uare masiricōaja yu. To yicōari, rojose m̄ua t̄am̄oborotire m̄uare yirētobosaruc̄aja yu. Yayirāre bajiro bajirāre, rojose t̄am̄oboronare, ĩnare yirētobosagu vadicaju yu, Dios ĩ roticōacacu —Īre yigotiyuju Jesús.

Moabosarimasa ĩna bajirere Jesús ĩ gotimasiore queti

(Mt 25.14-30)

¹¹ To bajiro ĩre ĩ yigotisere ajicōari, ado bajiro t̄oĭaboayujarā masa: “Jerusalēnju ĩ ejaroti mojoroaca ti r̄yajare, yuc̄acane Israel vāme cuti sitare manire jarotis̄oruc̄ami Jesús, Dios ĩ roticōar'i, romano masare bucōari”, yit̄oĭaboayujarā ĩna. To bajiro ĩna yit̄oĭasere ĩamasicōari, gotimasiore quetire ado bajiro ĩnare gotiyuju Jesús:

¹²⁻¹³ —Sīgū ĩagūmi gaje sitaju varocu, ɯju ĩamasugū ĩ ĩaroju, ɯju ĩ ĩarotire sēnigū, “Yu ya macanare rotigusa” yigu. ĩ varoto r̄joro, ĩre moabosarimare j̄uaāmocār̄ac̄ure jirēogūmi. ĩnare jirēocōari, ĩ ye gājoare ĩnare

bategumi. “Yū manitoyeju adi gājoa rāca vaja yicōari, m̄a vaja yisere gājerāre ĩsirā, jaibusaro vaja sēnima, ‘Jaibusaro gājoa bujarāsa’ yirā”. To yigajano, vacoacumi. ¹⁴ To bajiro ĩ bajiboajaquēne, ĩ ya macana uju ĩ űasere bojamenama ĩna. “Yūa uju ĩ űasere bojabeaja” yirā, ĩna rācanare gotiroticōarāma, uju űamasugāre.

¹⁵ To bajiro ĩnare ĩna yicōaboajaquēne, ĩna uju ĩre cūgūmi uju űamasugū. To bajiro ĩ yir’i űari, ĩ ya macanare ĩnare rotigu tudiejagumi. Tudiejacōari, ĩ gājoa ĩsiriarāre ĩnare jicōagūmi, “Tire quēnaro yimasiboayujari ĩna” yigu. ¹⁶ ĩ moarimasu ejasuoḡu, ado bajiro ĩre yigumi: “Gājoa yure m̄a ĩsicati rāca mure bujarēmobosabu yu, juaāmocārācaji yure m̄a ĩsicati rētoḡusaro”, ĩre yigumi, ĩ ujure. ¹⁷ To bajiro ĩ yijare, “Yure quēnaro moabosayuja m̄a. Yū yicatore bajiro yure cūdiyuja m̄a. Mojoroaca mure yu ĩsicati rāca yu yicatore bajiro yigu m̄a űajare, űamasuse moare mure moarotiaja yu. Juaāmocārāca macarianare rotirucuja m̄a”, ĩre yigumi ĩ uju. ¹⁸ ĩ bero gāji ejagumi: “Gājoa yure m̄a ĩsicati rāca mure bujarēmobosabu yu, cojomocārācaji yure m̄a ĩsicati rētoḡusaro”, ĩre yigumi, ĩ ujure. ¹⁹ To bajiro ĩ yijare, “Cojomocārāca macarianare rotirucuja m̄ama”, ĩre yigumi ĩ uju.

²⁰⁻²¹ ĩ bero, ĩ ujure ĩḡu ejagumi gāji: “Adine űaja m̄a gājoa, yure m̄a ĩsicati. Sudigaserone gūmacōari, cūcaju yu, ‘Buto roticōari ĩ bojarore bajiro yirere bojagu űacami’ mure yigūigu űari”, ĩre yigumi. ²² To bajiro ĩ yijare, ado bajiro ĩre cūdigumi ĩ uju: “To bajiro yure yituoīagū űaboarine, yure quēnaro moabosabetir’i m̄a űajare, rojose mure yirucuja yu. ²³ Gājoa mure yu ĩsicati rāca vaja yicōari, m̄a vaja yisere gājerāre ĩsicōari, jaibusaro vaja sēnibetiboarine, gājoa cūriavijua m̄a cūjama, jaibusaro yure bujarēmobosaboriaja m̄a”, ĩre yitud’igumi ĩ uju. ²⁴⁻²⁵ To bajiro yigotigajano, ĩ tu rūḡōrāre ĩacōari, ado bajiro ĩnare rotigumi: “Ānire gājoa yu ĩsiboacatire ēmaña. Tire ēmacōari, juaāmocārācaji ĩre yu ĩsicati rētoḡusaro bujarēmocōari cūḡujare ĩre ĩsiña”, ĩnare yigumi ĩna uju. To bajiro ĩ yiroḡiboajaquēne, “Jere jairo cūoami ĩma”, ĩre yicōarāma, ĩna ujure. ²⁶ To bajiro ĩre ĩna yisere ajicōari, ado bajiro gotigumi ĩna uju: “No bojagu ĩre yu ĩsise rāca yu bojarore bajiro yigu, quēnase bujarucumi. No bojagu ĩre yu ĩsise rāca yu bojarore bajiro yibecarema, ĩre yu ĩsiboacatire ĩre ēmarucuja yu, ‘Yū bojarore bajiro yimasibeami’ yigu. ²⁷ Uju yu űasere bojamenarema, yu ṟjorojua jiejocōari, ĩnare siareacōaña m̄a”, yigumi ĩna uju —ĩnare yigotiyuju Jesús.^s

“*Rotimuoḡōṟucumi’ yigu, Dios ĩ cōagū űaja yu*” yīḡu, *Jerusalénju Jesús ĩ ejare queti*

(Mt 21.1-11; Mr 11.1-11; Jn 12.12-19)

²⁸ To bajiro yigotigajanocōari, varūtu vasuju Jesús, Jerusalén űaejari maajure. ²⁹⁻³⁰ Varūtuacōari, ejayuju, Betfagé, Betania vāme cūti macari tujure. Ti macari tujure, Olivo vāme cūti buro űañuju ti. Ti buroju ejaḡuḡune, juarā ĩ buerāre ado bajiro ĩnare gotiyuju ĩ:

—Mani varoto riojo űarimacare vasa maji. Toju ejacōari, burro macu ĩna siaturḡōr’ire bujaruarāja m̄a, jesaĩañamagūre. ĩre ḡjacōari, yure āmiadibosaba. ³¹ Ti macagu sīḡū, m̄a ḡjaro ĩacōari, “¿No yirā ĩre ḡjati?” m̄are ĩ yisēñĩajama, “Mani uju ĩre bojami”, ĩre yicūdiba —ĩnare yiyuju Jesús.

^{S 19:27} “ ‘Uju űaami’ yure yiṟcūbuomenare rojose tāmuotujabetiriaroju ĩnare rearucuja yu’ yigu, yiyuju Jesús”, yama ĩna Dios oca buerētoḡurimasa.

32 To ĩ yisere ajicōari, vasujarā ĩna. To ejacōari, Jesús ĩ gotiriarore bajirone burro macure ĩabujayujarā ĩna. 33 ĩre ĩna ōjarone, —¿No yirā ĩre ōjati ma? —yiyujarā ĩna, burro ujarā.

34 To bajiro ĩna yirone,

—Mani uju bojaami —ĩnare yicadiyujarā ĩna.

35 To bajiro ĩnare yigajanocōari, burro macure amivasujarā, Jesús taju. To yicōari, ĩna ye sudi joeayere vejecōari, burro macu joere jeoyujarā. To yigajanocōari, Jesúsre ĩre vajejarotiyujarā ĩna. 36 To bajiri burro joere jesamaja vasuju Jesús, Olivo vame cuti buru majacu. To ĩ jesamaja vatone, ĩna ye sudi joeayere vejecōari, ĩ varotijere cū rĳoro cutiyujarā. “Yu uju űaja mu” yirā, to bajiro yiyujarā, Jesúsre rucubhorā. 37 To bajiro ĩna yi vati maajure jesamaja, joe jeacōari, Jerusalenju ĩ rojaroto rĳorore, “Quenaro yaja”, Diore yivasā variquēnañujarā ĩna, jājarā. Dios ĩ masise rāca ĩaĩaűamani Jesús ĩ yĳorere tuoĩacōari, ado bajiro yivasā variquēnañujarā:

38 —“Rotimhorugōrucumi” yigu, Dios ĩ cōar'i, űaami. ĩDiore rotibosagu quenaro ĩ yigu űaami! Manire ĩvariquēnagūmi Dios. Quēnagū masune űaami —yivasā variquēnañujarā ĩna.

39 To bajiro ĩna yivasā űarone, sĳūri űañujarā fariseo masa quēne. To bajiri Jesúsre rucubhorā ĩna yivasāsere ajicōari, ado bajiro Jesúsre yiboayujarā ĩna:

—Ma buerāre avasārotibeticōaűa mu —ĩre yiboayujarā ĩna.

40 To bajiro ĩre ĩna yiboajaquēne, ado bajiro ĩnare cadiyuju Jesús:

—To bajiro ĩna yivasābetijama, adiari gātarijuare avasāroticōarucumi Dios —ĩnare yicadiyuju Jesús.

41 To yi va, Jerusalén maca tuaca ejagune, ti macare ĩagune, otiyuju Jesús. 42 Ado bajiro yiotiyuju:

—Yucune Jerusalén macana, variquēnarere ĩnare Dios ĩ cōaraboasere, ĩna masune ajitirānu sayamasibeama. To bajiri quenaro űvariquēnamasibetiruarāma. 43-44 Masa rojose ĩna tāmhosere yu suorine Dios ĩnare ĩ yirētosasere masimena űari, buto rojose tāmhoruarāma ĩna. ĩnare quēuarā vadiruarāma gājerā. Adi macajure vadicōari, ĩnare gānibiaquearuarāma, “Rudiroma” yirā. Gānibiaqueacōari, quenaro sĳajecōaruarāma, ĩnare. Virire quēne, gajeyeūnre quēne jediro reajeocōaruarāma ĩna. To bajiro ĩna yireacōaro bero, adi maca űaboariaro, rujatūcuro űararoja ti —yiotiyuju Jesús, Jerusalén macare ĩagune.

Diore yirucubhoraviju űacōari, gajeyeūni ĩsirivire bajiro ĩna yiñajare, Jesús ĩnare ĩ tud'ĩagōbure queti

(Mt 21.12-17; Mr 11.15-19; Jn 2.13-22)

45-46 To bajiro yigajano, varūtu vaejacoasuju ĩ, Jerusalenju. To ejacōari, Diore yirucubhoraviju sĳaűuju ĩ. Sĳajecōari, ti viju ĩsiñarāre āgōbucōaűuju ĩ. ĩnare āgōbucōagūne, ado bajiro ĩnare gotiyuju:

—Dios ĩ rotimasire masa ĩna ucamasire ado bajiro gotiaja: “Yu ya vima, yure sēnirucubhorā rĳariavi űararoja”, yigotiaja, adi vire. To bajiro ĩ yimasire ti űaboajaquēne, ma suorine juarudirimasa űarivire bajiro bajiaja ti —ĩnare yigotiyuju Jesús.

47 To bajiro ĩnare ĩ yĳōburiaro bero, tocārācarūmuri ti vine masere buerūgūnju Jesús. To ĩ yisere, paia ujarā, Dios ĩ rotimasire gotimasiōrimasa quēne, masa ujarā quēne, “¿No bajiro ĩre sĳarāti mani?”,

yituoïarügũñujarã ãna. ⁴⁸ No bajiro yimasibesujarã ãna, bajirãjuma, masa ñajediro buto ãre ãna ajitirũna suyajare.

20

“¿Ñimũ mure ã rotise rãca to bajiro yati mũ?”, *Jesũre ãna yisẽniãre queti*
(Mt 21.23-27; Mr 11.27-33)

¹ Cojorũma, Diore yirũcũbuoriavijũ masare gotimasioñuju Jesũs. “Rose mũa yisere yitujacõari, quẽnasejũare tuoïavasoaya” ãnare yigoticõari, ã suorine quẽnaro ãnare Dios ã yirotire gotimasioñuju ã. To bajiro ã yigotimasio ñarone, ãre sãnĩarã, ã tũre ejayujarã bucãrã, paia ujarã, Dios ã rotimasire gotimasiorimasa quẽne. ² Ado bajiro ãre yisẽniãñañujarã ãna:

—¿Ñimũ mure ã rotise rãca to bajiro yirũgũati mũ? —ãre yisẽniãñañujarã ãna.

³ To bajiro ãna yisere ajicõari,

—Yũ quẽne, ado bajiro mũare sãnĩaja yũ: ⁴ ¿Ñimũ rotiyujari, Juanre, “Oco rãca masare ãnare bautizacudiya” yigũ? ¿Dios rotiyujari? ¿Masajũa rotiyujarique? —ãnare yisẽniãñañuju Jesũs.

⁵ To ã yisere ajicõari, ãna masune gãmerã ñagõñujarã ãna:

—“Dione, Juanre oco rãca masare bautizarotiyumi” mani yijama, ado bajiro manire sãnĩajacagũmi: “Tire masirã ñaboarine, ¿no yirã ãre ajitirũnũbeticati mũa?” manire yisẽniãñajacagũmi. ⁶ To yicõari, “Masane, Juanre oco rãca bautizarotiriarãma” mani yijama, gãtarine manire reasĩaruarãma masa, “Diore gotirẽtobosarimasũ ñaboacami Juan” yirã ñari —gãmerã yĩñagõñujarã ãna. ⁷ To bajiro yirã ñari, ado bajiro ãre cãdiyujarã ãna:

—Juanre rotir'ãre masibeaja yũ —Jesũre yicãdiyujarã ãna.

⁸ To ãna yisere ajicõari, ado bajiro ãnare cãdiyuju Jesũs:

—To bajiro mũa cãdijare, yũre rotigũ vãmere gotibetirũcũja yũ quẽne —ãnare yiyuju Jesũs.

“Jud'io masa ãna ajitirũnũbetijare, gãjerãjũare ujørũcũmi” yigũ, moabosarimasa rojose yirã ãna bajire rãca Jesũs ã gotimasiore queti

(Mt 21.33-44; Mr 12.1-11)

⁹ To bajiro ãnare yigajanocõari, gotimasiore queti ado bajiro ãnare gotiyuju Jesũs:

—Sĩgũ masũ uye vese otegũmi. Tire otegajanocõari, gãjerãre, “Yũre ãtirũnũbosaba”, yigũmi. “Uye ti rica cutiro, gãjerãre ãsicõari, vaja sãnĩuarãja. To yicõari, mũa juarotire, ‘Ado cõro ñaja mani ye. Ado cõro ñaja ã ye’ yicõĩama”, ãnare yirotigũmi. To yicõari, gajerojũ vacoacũmi. ¹⁰ To bajiri cojorũma, “Uye rica cuti bucũacoatoja” yigũ, ãre moabosarimasũre cõagũmi, “Uye, yũre ãna cũbosarere yũre juabosaaya” yigũ. Uye vesejũ ã ejarone, ãre ñiacõari jarãma vese coderimasa. To yicõa, ãre uye ãsimenane, “Vasa”, yirãma ãna. To bajiri uye juabecũne tudiejagũmi, ãre roticõar'ã tũju. ¹¹ To bajiri uye ã juabetire ãcõari, gãjire cõagũmi quẽna, vese uju, “Uye yũre juabosagũ vasa” yigũ. Uye vesejũ ã ejasere ãcõari, rujajine ãre yitud'icõari, ãre quẽne jarãma ãna. To bajiro ãre yigajanocõari, uye ãsimenane, “Vasa”, ãre yirãma ãna. ¹² To bajiri uye ã juabetire ãcõari, quẽna gãjire cõagũmi vese uju. Uye vesejũ ã ejasere ãcõari, ãre quẽne jarãma ãna. To bajiri cãmi cãtigũmi. To yicõari, ãre ñiacõari, vese sojuajũ rocarãma ãna.

¹³ To bajiro ti bajijare, “¿No bajiro yiguti yũ?”, yituoïagũmi uju. “Yũ maigũre, yũ macũre ãre cõarũcũja yũ. ãjũare rũcũbuorãma ãna”, yituoïagũmi.

14 To bajiro yituoĩacõari, i macure cõagũmi. To bajiro i yituoĩaboajaquẽne, i macu veseju i ejasere iacõari, ado bajiro gãmerã ñagõrãma vese coderimasa: “Adi sita uju i bajirocaveojama, i macune ñaami vasoarocu. To bajiri ire mani sĩajama, mani ye sita ñaruarõja yuja”, gãmerã yirãma ñna. 15 To bajiri vese sojuaju ire ñna oja vanama. To yicõari, sĩarãma ñna yuja —ĩnare yiyuju Jesús, ti quetire gotigu.

To bajiro ñnare yigajanocõari, ado bajiro ñnare gotiyuju quẽna:

—¿Ti vese uju tudiejagu, no bajiro ñnare yigujari i, ti vese coderimasare?

16 Ado bajiro yigumi: Veseju vacõari, ti vese coderãre sĩagũmi. To yicõari, gãjerãre coderotigumi, ti vesere —ĩnare yiyuju Jesús.

To bajiro i yisere ajimasicõañujarã jud'io masa. To bajiri,

—¡Bajibeticõato ti! —yiyujarã ñna. “Uju macure sĩariarãre bajiro bajiaja mua’, manire yami” yimasicõañujarã ñna.

17 To bajiro ñna yirone, ñnare iacõari, ado bajiro ñnare yiyuju Jesús:

—¿Uye vese uju i macure rojorã ñna sĩarocarere bajirone gõtavi quẽnorimasa coja gõtare rocaruarãma” Dios oca masa ñna yiucomasirere iabeticatique mua? Ado bajiro gotiaja:

“Gõta rãca vi quẽnorimasa coja gõtare rocarãma ñna. Ñna rocaria ñaboarine, gajea gõtã rëtoro quẽnarica ñaruarõja tia. Tia gõtã suorine quẽnarivi quẽnorucami Dios. Tia manijama, quẽnomasibetibogumi”, yigotiaja Dios oca masa ñna ucomasire.

18 To yigajano, ado bajiro gotirũtuasuju i Jesús:

—No bojarã, yu ocare ajiterã, rojose tãmõoruarãma ñna —ĩnare yiyuju Jesús.

19 To bajiro Jesús i gotimasiosere ajicõari, “Manirene mani bajisere yigu yami”, yiajimasĩñujarã paia ujarã, Dios i rotimasire gotimasiorimasa quẽne. “Uju macure sĩariarãre bajiro bajiaja mua’ manire yami”, yiajimasĩñujarã ñna. To bajiro yirã ñnari, Jesũre ñnaruaõayujarã ñna. To bajiboarine masare gũirã, ire ñnabesujarã.

“Ujarã gãjoa manire ñna vaja yirotijama, ñnare iĩsiroti ñnja”, Jesús i yigotire queti

(Mt 22.15-22; Mr 12.13-17)

20 Jesũre ñnaruarã ñnari, gãjerãre cõañujarã ñna, Jesús tujũ. To bajiri, “Mani uju César i rotisere quẽnabeaja’ i yisere ajirudirã vasa. To bajiro i yise ti ñajama, ire gotiyiorãsa mani, Pilatore”, yituoĩaboayujarã. To bajiri Jesús tujũre i gotisere ajirãre bajiro bajitoyujarã ñna cõariarã. 21 Jesús tu ejacõari, ado bajiro ire sēniĩañujarã ñna:

—Ajiya gotimasiorimasa. “Riojo gotigu ñnja mu”, yimasiaja yua. “Ado bajiro mani yisere bojagumi Dios” yigotimasioigũ, ñnaro cõrone riojo yuare gotimasioaja mu. “Ado bajiro yu gotimasiojama, yuare ajijũnisiniruarãma” yituoĩabecune, riojo gotigu ñnja mu. Masa ñnãjẽdĩrore riojo gotigu ñnja mu. To bajiro yigu mu ñnjare, mu tuoĩasere ajirũaja yua. 22 ¿Roma macagu uju, César, gãjoa manire i vaja yirotisere mani vaja yijama, quẽnacõarõjari? ¿Dios i rotimasirere cudimena yirãjarique mani, ire mani vaja yijama? — Jesũre yisēniĩaboayujarã ñna.

23-24 Jesũjũama, “Rojose yuare yiruarã, to bajise yuare sēniĩatoama ñna”, yimasicõañuju. To bajiri, ado bajiro ñnare gotiyuju:

—Gãjoatii cojotii yure iõña mua.

To i yijare, gãjoatii ãmiadi, ire iõñujarã ñna. Gãjoatiire iacõari, ado bajiro ñnare sēniĩañuju Jesús:

—¿Ñimũ rioga tuyati? ¿Ñimũ vāme tuyati? —Īnare yiyuju Jesús.

To ĩ yirone,

—Roma macagũ Ƴju César vāme cutigũ rioga tuyaja. To yicōari, ĩ vāme tuyaja ti —Jesúre yicũdiyujarã ĩna.

²⁵ To ĩna yijare, ado bajise yiyuju Jesús:

—To bajiri aditiire ĩacōari, “César yatii ñaja”, yimasiaja mani. Ƴjarã manire ĩna vaja yirotijama, ĩnare vaja yiroti ñaja, manire. To bajirone bajiaja Diore quēne. “Dios sũori bajiaja” mani yimasijama, “Yua cũose ti ñaboajaquēne, ti rāca mũ bojarore bajiro yiruarãja”, Diore ĩre yiroti ñaja, manire —Īnare yiyuju Jesús.

²⁶ To bajiro ĩ yisere ajicōari, no yimasibesujarã ĩna, to bajise quēnaro ñagōgũre ajibetirũgũriarã ñari. To bajiri, ĩre sēniĩatũajacōañujarã yuja. Jesús rojose ĩ yibetijare, ĩna ujure ocasāmasibesujarã ĩna.

*“¿Bajirearãma, tudicaticoanjari?”, Jesúre ĩna yisēniĩatore
(Mt 22.23-33; Mr 12.18-27)*

²⁷⁻²⁸ To bajicōari, saduceo masa quēne sīgũri ejayujarã, Jesúre sēniĩatorã. “Masa ĩna rijato bero, ĩna usũri ĩna rujuri ñaro cōrone quēna tudicatime-nama” yirã ñañujarã saduceo masa. Ado bajiro ĩre sēniĩañujarã:

—Ajija, gotimasiorimasũ. Moisés ñamasir'i ado bajiro ĩ yiacũmasire ti ñajare, mũre sēniĩarã vabu yua. Ado bajiro yimasĩnju Moisés: “Sīgũ, manajo cutiboa, rĩa magũne ĩ bajirocabama, ĩ gagũ manajo ñariore manajo cutirũcumi ĩ bedijua. To bajiri ĩ rāca ñacōari, so macũ cutijama, ĩ gagũ macũ ñarũcumi”, yimasĩnju Moisés. ²⁹ Sīgũ rĩa cojomo cōro, jua jēnituarĩrãcũ ũmũa ñaboacama. Sīgōrene manajo cutiboacama ĩna. Ñasũogũ sore manajo cutisũboacami. Rĩa magũne rijacoacami ĩ. ³⁰⁻³¹ ĩ rijato bero, gãji ĩ bedi vasoaboacami. ĩ quēne rĩa magũne rijacoacami. ĩ bederã quēne, to bajirone sore manajo cutiboacama. Rĩa manane, rijajedicoacama ĩna quēne. ³² So manajua ĩna rijajediro bero, so quēne rijacoacamo yuja. ³³ To bajiri bajireacōari, quēna ĩna tudicatijama, ¿ñimũjua ñaguĩda so manaju masu ñarocũma, ĩna ñaro cōrone sore ĩna manajo caticato bero? —Jesúre yisēniĩatoyujarã ĩna.

³⁴⁻³⁵ To ĩna yirone, ado bajiro cũdiyuju Jesús:

—Bajireariarã, “Quēnarã ñaama” Dios ĩ yĩarã, quēna tudicatiro bero, manajo cutire, manaju cutire quēne manirũaroja. ³⁶ Tudirijabetirona ñari, to bajiro bajiruarãma. Ő vecaju ángel mesare bajiro bajirã ñaruarãma. To bajicōari, ĩ sũorine tudicatiriarã ñari, Dios rĩa ñaruarãma —Īnare yicũdiyuju Jesús. ³⁷ —¿“Masa ĩna bajirearo bero, ĩna usũri caticōaroja” yirere ĩabeticatique mũa? ¿Yucũyoa ũjuriyoa vatoaju Dios Moisére ĩ ñagōmasirere ĩabeticatique? Dios masune ado bajiro gotimasĩñumi ĩ oca masa ĩna ucamasire rāca: “Mũa ñicua ñamasiriarã Abraham, Isaac, Jacob, ĩna rũcũbuo vadimasicacũne ñaja yũ”, yigotimasĩñumi Dios. ³⁸ Masa bajireariarã ĩna usũri ti caticõa ñabetijama, to bajise yibetimasiborimi. Bajireariarã, quēna tudicatirãjua ĩna rũcũbuogu ñagũmi. Masa ĩna usũri ti caticõa ñabetiboajaquēne, “Diore rũcũbuorã ñarãma”, yimasĩña maja. “Īna usũri ti caticõa ñajare, bajireariarã ñaboarine, Diore rũcũbuocõa ñarãma”, yire ñaja —Īnare yiyuju Jesús.

³⁹⁻⁴⁰ To ĩ yise ñajare, saduceo masa, ĩre sēniĩarēmobesujarã, ĩre gũirã ñari. To bajiri, ado bajiro Jesúre yiyujarã sīgũri, Dios ĩ rotimasire gotimasiorimasaajama:

—Gotimasiorimasu, quēnaro cūdiaja mu —ĭre yiyujarā ĩna.

“*‘Rotimuoꝛūgōꝛucumi’ yigū, Dios ĩ cōarocu, ĩñimū ñarucumi, yituoĩati ma?*”, *Jesús ĩ yisēniāre queti*

(Mt 22.41-46; Mr 12.35-37)

⁴¹⁻⁴³ To bajiro ĩre ĩna yiboajaquēne, ado bajiro masare gotiyuju Jesús:

—“*‘Rotimuoꝛūgōꝛucumi’ yigū, Dios ĩ cōarocu, masu ñarucumi. Uju David ñamasir’i jānamine ñarucumi*” yise ñaja. To bajiro ma yituoĩaboajaquēne, Diore yigūre bajiro, “*yū uju*”, yimasĩñujari Uju David ñamasir’i, ĩ jānami ĩ ñaboajaquēne, ado bajise ĩ yucajama:

“*Yū ujure* ado bajiro yirucumi Dios: ‘*Yū riojojacatu rujiya maji. Mure ĩaterāre, “Rojose yitujaya” ĩnare yū yiro bero, rojose yimasibetiuarāma yuja. To cōrone rotisuoꝛucūja mu’ yirucumi Dios, yū ujure*”, yuucamasĩñumi David.

⁴⁴ To bajiri, “*‘Rotimuoꝛūgōꝛucumi’ yigū, Dios ĩ cōarocu, David ñamasir’i jānami ñarucumi*” yuucamasire ti ñaboajaquēne, ĩno yigū ĩ ujure bajiro bajigutique? —ĩnare yiyuju Jesús.

“*Rojose tāmuoꝛuarāma Dios ĩ rotimasire gotimasiorimasa*”, *Jesús ĩ yire queti*

(Mt 23.1-36; Mr 12.38-40; Lc 11.37-54)

⁴⁵⁻⁴⁶ To bajiro ĩnare yigajanocōari, masa ĩna ajjediro, ado bajiro ĩ buerimasare gotiyuju Jesús:

—Dios ĩ rotimasire gotimasiorimasare bajiro bajibeja muama. Dios ĩ rotimasire gotimasiorimasa, sudiro yoaquēnariase sãñacōari, masa ĩna ĩaro rĩjoro vacudi variquēnarāma ĩna. To yicōari, jājarā masa ĩna rējarūgūriaurire ejarūgūrāma. Gāji ĩnare ĩ bocajama, rūcubuoose rāca ĩnare ĩ sēnisere ajvariquēnarāma. Dios ocare ĩna buerivirijure quēne ñamasuri cūmurorire rujivariquēnarāma. Boserāmari ti ñajaquēne, ĩna bajama, ñamasuri cūmurorire rujivariquēnarāma ĩna. ⁴⁷ Manajua rijaveoriarā ya virire ēmarā ñaboarine, masa ĩna ĩaro rĩjorojua, “*‘Quēnaro yirā ñaama’ yĩato*” yirā, yoaro Diore sēnirā yaja, yisocarūgūboarāma ĩna. To bajiro ĩna yise vaja, gājerā rojorā, rojose ĩna tāmuose rētoro rojose tāmuoꝛuarāma ĩna —ĩnare yiyuju Jesús.

21

Manaju rijaveorio maioro bajigo ñaboarine, gājoa so sãre queti

(Mr 12.41-44)

¹ Diore yirucubuoꝛiavijū ñacōari, gājoa jairā gājoa sãriajujure gājoa ĩna sãñasere ĩañuju Jesús. ² To ĩna yĩnarone, sīgō, manaju rijaveorio, gājoatii juatiine so sãsere ĩañuju. Mojoroaca vaja cūtitiri ñañuju ti. ³ Tire so sãro ĩacōari, ado bajiro ĩ buerimasare gotiyuju Jesús:

—Riojo muare gotiaja yū. Adio maioro bajigo, gājerā rētoro sãmo so. ⁴ Gājoa jairā ĩna sãboajaquēne, jairo ruyacōaroja ĩnarema. Soma, so cuose ñaro cōroacane sãcōamo —ĩnare yiyuju Jesús.

“*Diore yirucubuoꝛiavire jud’io masa me ñarā caguerocacōaruarāma*”, *Jesús ĩ yire queti*

(Mt 24.1-2; Mr 13.1-2)

⁵⁻⁶ Diore yirucubuoꝛiavire ĩacōari, sīgūri ĩ buerimasa ado bajiro Jesúre ĩre yiyujarā:

—Quēnarivi ñaja. Gūta quēnase rāca quēnaro quēñoñuma ña. Diore rūcubhorā ña cūre quēne quēnase ñaja —Jesúre ñre yiyujarā ña.

To bajiro ña yisere ajicōari, ado bajiro gotiyuju Jesús:

—Adi vi mua ñarivi ñaro cōrone cague vējajedicoararoja. To bajiri adi viaye gajeja gūta joere jesabetiraroja —ñare yiyuju Jesús.

“Macarucuro ti jediroto rījoro ado bajiro bajiraroja”, Jesús ñyire queti (Mt 24.3-28; Mr 13.3-23)

⁷ Ado bajiro Jesúre ñre sēniñañujarā ña:

—¿Divato cagueroca ecoroti Diore yirūcubhorivi? ¿No bajiro ti bajiro ñacōari, “Jesús ejaguagu yigumi”, yimasirāti yua? ¿No bajiro ti bajiro ñacōari, “Adi macarucuro jediato yaja”, yimasirāti yua? —Jesúre yisēniñañujarā ña.

⁸ To bajiro ña yisere ajicōari, ado bajiro ñare cūdiyuju Jesús:

—Roori ñaruarāja mua, “Socarāne, gājerā manire yitoroma” yirā. Jājarā yitorā ñaruarāma, “Yune ñaja ‘Rotimorūgōrcumi’ yigu, Dios í cōagā” yirā. To yicōari, “Adi macarucuro ti jediroti cōñaja”, yitoruarāma. To bajiro ña yiboajaquēne, ñare ajitirānubetiruarāja mua. ⁹ To bajicōari, mua tuana to yicōari, gajeroana quēne gājerā rāca ña gāmerā sīasere ajiruarāja mua. Tire ajicōari, güibetiruarāja mua. “Bajiraroja” Dios í yiriarore bajirone bajiraroja. To bajiro ña gāmerā yīñaboajaquēne, adi macarucuro jediro me bajiraroja.

¹⁰ Cojo sitana, gaje sitana rāca gāmerā sīaruarāma. ¹¹ Buto sita saberaroja. To yicōari, cojo maca me ñioñararoja. To bajicōari, cojo sita me gajeye rojose cōarucumi Dios, “Rojose tāmooato masa” yigu. Vecajere ñañamani güiose Dios í yīiose ñaruaroja.

¹² To bajiro ti bajiroto rījoro, muare ñejecōari, rojose muare yiruarāma masa. Dios ocare ña bueriviju ujarā rījorojua muare juaácōari, muare goti yiroruarāma ña. To yicōari, muare tubiberuarāma. Yū ocare mua gotimasiojare, macari ujarā rījorojua muare juaáruarāma ña. To yī vanane, ujarā ñamasurā rījorojua muare juaejaruarāma ña. ¹³ To bajiro muare ña yijare, yū oca quēnasere ñare gotiruarāja mua. ¹⁴ Muare ñejecōari, ujarā rījorojua muare ña juaároto rījoro, “¿No bajiro ñagōrāti yua?”, yitūōiarejaibetiruarāja mua. ¹⁵ Mua ñagōrotiju ti ejaro, “Ado bajiro ñagōroti ñaja”, yimasiruarāja. Mua ñagōjama, mua masise rāca me ñagōruarāja. Yū masise rāca ñagōruarāja. Yū masise muare yū cōajare, mua ñagōsere ajicōari, “Socarā yaja mua”, muare yibetiruarāma muare ñaterā —ñare yiyuju Jesús. ¹⁶ —Mua jacua, mua bederā, mua yarā, mua rācana quēne, muare ñsireuarāma ña. To bajiro ña yijare, sīaecoruarāja mua sīgūri. ¹⁷ Yūre ajitirānurā mua ñajare, muare ñateruarāma jājarā masa. ¹⁸ To bajiro muare ña yiboajaquēne, ñie muare godocutiraroja. Dios í ejarēmose rāca í taju ejacōari, quēnaro ñacōa ñarūgūruarāja mua. ¹⁹ Yūre mua ajitirānū tujabetijama, to bajirone bajiruarāja mua.

²⁰ Jerusalén macajere surara ña gāñibiasere mua ñajama, “Jerusalén maca ti jedirotirāmū cōñaro bajiaja”, yimasiruarāja mua. ²¹⁻²² Jerusalén maca jedirotire Dios oca masa ña ucamasire ti gotirore bajiro bajiraroja. Rojose tāmuarāmūri ñaruaroja. To bajiroti ti ñajare, Jerusalén maca tuana, Judea sitana, Jerusalén macaju rudibeticōato ña. Gūtayucujaju guaro rudicoajaro ña. Jerusalén macana quēne, guaro rudicoajaro ña. ²³ To bajiro bajirirāmure buto rojose tāmuarāma masa, í bojasere ña yibetire Dios í ñañūnisinjare. Rōmia macū sāñarā,

ũjurã c̄uorã quẽne, rojose tãmuoruarãma ãna, ũmatĩmabetica yirã.
 24 Sīgũrire jasĩaruarãma jud'io masa me ñarã. Gãjerãre, s̄iaecomenare ãnare ñejebatecoaruarãma, gajerorijũ. To yic̄õari, ãna ye s̄ita c̄uoruarãma jud'io masa me ñarã, “To c̄õrone rotitujaruarãma” Dios ĩ yit̄uõĩariarũmu ti ejaroto rĩjoro.

“Dios ĩ rotic̄õacacũ tudiejarũcũja yũ”, *Jesús ĩ yire queti*
 (Mt 24.29-35, 42-44; Mr 13.24-37)

25 Jud'io masa me ñarã ãna rotirirodo jedirijau, muiju ũmuagu, to yic̄õari, ñamiagu quẽne, ñocoa quẽne, buto gũiose bajĩoruarãma. Tire ĩagũiruarãma adi macarũcuroana ñajediro. Moa riaga buto jacase saberuaroja. To bajiro ti busisere ajigũic̄õari, no yimasibetiruarãma ãna. 26 Ő vecayere nuũobatorũcũmi Dios. To bajiro ti bajiro ĩac̄õari, “Adi macarũcuro jediato yaja” yit̄uõĩac̄õari, buto gũiruarãma ãna. Sīgũri ĩamecũ vanane, rijavẽjaruarãma ãna. 27 To bajic̄õari, yũ masise rãca, buto bususe rãca, oco bueri vatoajũ adi macarũcurojũre Dios ĩ rotic̄õacacũ yũ rujiadire ĩaruarãma ãna. 28 To bajiri, adi gũiose ti bajisũorore ĩac̄õari, t̄uõĩatutuaruarãja mũa. T̄uõĩatutuac̄õari, ĩamũoruarãja mũa, “Yucũacane rojose tãmuotujabetiriaroju mani vaborotire manire yirẽtobosaguagu yigũmi Dios” yimasirã ñari —ĩnare yigotiyuju Jesús, ĩ buerãre.

29 To yigajanoc̄õari, gotimasiore queti gotiyuju quẽna:

—Yũcũre t̄uõĩañã mũa. 30 Yucũ gajecu bũcũamũjac̄õari, jũ mameaja. Tire ĩac̄õari, “Mojoroaca r̄uyaja cũma ti ejaroti”, yimasiaja mani, jud'io masa. 31 Tire bajiro mũare yũ gotise ti bajisere ĩac̄õari, “Mojoroaca r̄uyaja Diore rotibosagu, Jesús ĩ vadiroti”, yimasiruarãja mũa.

32 Riojo mũare gotiaja yũ. Adirodo ñarã mũa bajireajediroto rĩjoro, mũare yũ gotirore bajirone bajiruaroja ti.† 33 Adi macarũcuro ñaro c̄õrone, to yic̄õari, õ vecaye quẽne jedicoaruaroja. To bajiboarine, yũ ocama, jedibeti muorũgõcõaruaroja.

34 To bajiri yũ vadirotire masiritibesa. Idire mecũose idimecũc̄õari, yure mũa masiritijama, quẽnabetoja. To bajic̄õari, gajeyeũni mũa c̄uose, to yic̄õari, gajeye mũa c̄uorũna t̄uõĩasere buto t̄uõĩarã ñari, yure mũa masiritijama, quẽnabetoja. 35 “To c̄õrone ejarũcũmi” jãjarã masa ãna yimasibetirĩmarone, tudiejarũcũja yũ. To yũ bajijare, masa ñajediro yure rudimasibetiruarãma ãna. 36 To bajiro bajiroti ti ñajare, roori ñaruarãja mũa. To bajic̄õari, ado bajiro Diore s̄enirũgũruarãja mũa: “ ‘Dios ĩ rotic̄õacacũ ĩ tudivadiroto rĩjoro, rojose tãmuoroti ti ñaboajaquẽne, ĩre ajitirãnũ tujabetic̄õari, õ vecajũ ĩ rĩjorojũna bojonemenane ejato’ yigũ, yũare ejarẽmoña”, ĩre yis̄enirũgũruarãja mũa —ĩnare yigotiyuju Jesús.

37 Tocãrãcarũmurine Diore yirũcũbũoriavijũ masare gotimasiorũgũñuju Jesús. Ñamirema ãnare vaveoc̄õari, Olivo vãme c̄ũti buroju cãnirũgũñuju. 38 Quẽna busurijũ jãjarã masa ĩre ajirã sãjarũgũñujarã ãna, Diore yirũcũbũoriavijũ.

22

“¿No bajiro yic̄õari, *Jesúre ñiarãti mani, ĩre s̄iaruarã?*”, *ĩna yire*
 (Mt 26.1-5, 14-16; Mr 14.1-2, 10-11; Jn 11.45-53)

† 21:32 Griego masa ye rãca “esta raza” yiroma, judío mesare yiroma yaja. To bajic̄õari, “esta generación” ti yijama, adirodo ñarãre yiroma yaja.

1 Pascua boſerũmũ pan ũmato vauvase vnoyamani baſuoriarũmũ cõñañuju. 2 To bajicõari, paia ujarã, Dios i rotimasire gotimasiorimasa quẽne, Jesũre ſiaruarã, maſare gũirã ñari, “¿No bajiro yicõari, ñe ñiarãti mani?”, gãmerã yiñagõñañujarã ña.

3 To ña yituoĩañaſtoyene, Judas Iſcariote vãme cutigu rãca ñarã ñajediro Jesũ buerimasa, juaãmo cõro, gũbo jua jẽnituarirãca ñañujarã. To bajiboagũre, i uſujũre ſãjacoasuju vãtia uju, Satanãſ vãme cutigu. 4 To bajiri, i uſuju vãtia uju i ſãjare, i ſuorine rojose tuoĩacõari, paia ujarã, Diore yirũcũbuoriavi coderã ña ñarojũre vacoasuju Judas. Ña tuju ejaçõari, Jesũre i iſirotire gãmerã ñagõñañujarã ña. 5 Jesũre i iſirotire aji-variquẽnacõari,

—Gãjoa mũre iſiuarãja yua —ñe yiyujarã. 6 To ña yisere aji-variquẽnacõari, tudicoasuju Judas. Jesũ tuju ejaçõari, “¿Dirĩmaro ũnone Jesũre ñare yũ iſijama, joſari mene ñe ñiamasirojarã ña?”, yituoĩañuju i.

Jesũ i baſare queti

(Mt 26.17-29; Mr 14.12-25; Jn 13.21-30; 1 Co 11.23-26)

7 Pascua boſerũmũ pan ũmato vauvase vnoyamani baſuoriarũmũ, to yicõari, oveja macũre ña ſiariarũmũ ejayuju ti. 8 To bajiri Pedrore, Juanre ado bajiro ñare yicõañuju Jesũ:

—Adi ñami bare mani barotire quẽnoyurã vasa mũa —ñare yicõañuju.

9 To bajiro i yisere ajiçõari,

—¿Noju bare quẽnoyurãti yua? —ñe yisẽniñañujarã ña.

10-11 To bajiro ña yisẽniñarone, ado bajirone ñare cadiyuju Jesũ:

—Yũre quẽnaro ajiya mũa. Macaju mũare yũ gotigu tũre vasa mũa. To mũa ejarone, ſigũ, oco vagũ mũare bocaruçumi. Ñe ſuyaja mũa. To bajicõari, vi i ſãjarone, ti vi ujuẽre ado bajiro ñe yiba: “¿Noju ñati Pascua boſerũmũ adi ñami yũ buerimasare yũ ũmato barotijaũ?” mũre yicõami gotimasiorimasa”, yiba mũa. 12 To mũa yirone, mũare iorũcumi, vecajua ſõa, jairiſõa, quẽnogajanoriasõare. Tone mani baroti quẽnoyuba mũa —ñare yiyuju Jesũ, ñare varotigu.

13 To i yijare, vacoasujarã ña juarã yuja. To eja, i yiriarore bajirone bajiyuju ti. To bajiri tiſõaju ña barotire quẽnoyuyujarã ña.

14 To bajiri Pascua boſerũmũaye bare bariaju ti ejaro, i buerimasa juaãmo cõro, gũbo jua jẽnituarirãca ñarã ejaçõari, barujiyujarã ña, i rãca.

15 To bajiñarãne, ñare ũmato baũagũne, ado bajiro ñare gotiyuju Jesũ:

—Rojose yũ tãmuoroto riõoro, mũa rãca Pascua boſerũmũ bare bũto barua tuoĩacaju yũ. 16 Dios i roticõacacu ñari, mũare yũ ũmato baro bero, quẽna tudibabetirũcũja. To bajiboarine, adi macaruçuroju yũ tudivado beroju yũre roticõacacu i ñarojũre tudi mũa rãca quẽnaro bavariquẽnarũcũja yũ, rojose tãmuoboriarãre yũ yirẽtobosarã rãca —i buerimasare ñare yiyuju Jesũ.

17 To yigajano, idiriabaja ãmicõari,

—Quẽnaro yaja mũa —Diore yiyuju.

To yicõari, tibaja ñare iſigũne, ado bajiro yiyuju i:

—Mũa jediro adire idiya. 18 Riojo mũare gotiaja yũ. “Rotũroũgõũcũja mũa” yigũ, Dios yũre i cũroto riõoro, yũe oco idibetirũcũja yũ —ñare yiyuju.

¹⁹ To yigajanocōari, pan āmicōari, “Quēnaja”, Diore yiyuju Jesús. To yigajano, tire mutocōari, ī buerimasare īsibatogune, ado bajiro ĩnare gotiyuju ī:

—Ti űaja yu ruju ri. Mũare rijabosarućaja yu. Yu rijato bero, mũare yu rijabosare ṯoĩacōari, yũre ṟucuḇorā, ado bajirone ṟejacōari, barũgũruarāja —ĩnare yigotiyuju ī.

²⁰ To yicōari, bare ĩna baro bero, uye oco sãñaribajare āmicōari, ado bajiro ĩnare gotiyuju Jesús quēna:

—Adi űaja tiṟmũana, “Rojose mani yirere masirioato” yirā, Diore ṟucuḇoriaju joere ĩna yuejeoriarore bajiro bajise. Yucũrema, yu ri'ĩ űaja. Ti suorine, “Gajerodori ado bajiro masare quēnaro yiruc̱aja yu” Dios ī yigotimasiriarore bajiro bajiruaroja yuja. Yu rijato bero, mũare yu rijabosare ṯoĩacōari, yũre ṟucuḇorā, ado bajirone ṟejacōari, idirũgũruarāja —ĩnare yiyuju Jesús.

²¹⁻²² To yigajano, ado bajiro ĩnare gotiyuju quēna:

—Dios ī ṯoĩariorore bajiro rojose ṯmũoruc̱aja yu, Dios ī roticōacacu. To bajiro bajirocu yu űajare, s̱gũ m̱a ṟacagu, yu ṟaca bagu, yũre ĩaterāre yũre ĩsirocaruc̱ami. Yũre ī gotiyirose suorine rojose ṯmũoruc̱aja yu. “Masare yiṟetobosarućami” Dios ī yimasire űajare, ṯrotire yigu bajiruc̱aja yuma. To bajilboarine, yũre gotiyirogujuma, rojose ṯmũoruc̱ami —ĩnare yigotiyuju Jesús, ī buerimasare.

²³ To bajiro ī yisere ajicōari,

—¿Nimujua űati, ĩre ĩsirocaruc̱ama? —ĩna masune gāmerā yis̱eniãñujarā ĩna.

“¿Nimujua űagũti űamasugũma?” Jesús buerimasa ĩna gāmerā yire queti

²⁴ To bajiro gāmerā yigajanocōari,

—¿Nimujua űagũti űamasugũma? —gāmerā yi oca josayujarā ĩna. ²⁵ To bajiro ĩna yijare, ado bajiro ĩnare gotiyuju Jesús:

—Ujarā, Dios yarā me űarā, ĩna yarāre ḇuto tutuaro rotirāma ĩna. To bajiro yirā ĩna űaboajaquēne, “Masare quēnaro yirā űaama”, y̱iaruc̱uḇore űaja. ²⁶ Mũama, yu yarā űari, ĩnare bajiro bajibetiruarāja. Yũre ajitiṟnugũ, űamasugũ űaruc̱ami, gājerā bedire bajiro bajiṯoĩagũ. To bajiro yu yijama, “Gājerā ĩna bojasere masicōari, quēnaro ĩnare yiṟuc̱uḇogũ űaruc̱ami” yigu yaja yu. ²⁷ ¿Nijua ṟetoro űamasugũ űarajari, rotigujua, rotiecogujua? Moarotigu űagũmi űamasugũma. To bajiro ti bajilboajaquēne, yujua, mũa uju űabobarine mũa bojasere masicōari, quēnaro mũare yigu űaja yu.

²⁸ Rojose ṯmũoadicaju yu. To bajiro bajigu yu űaboajaquēne, yũre ajitiṟnuc̱o űaja mũa. ²⁹⁻³⁰ To bajiro bajirā mũa űajare, ado bajiro quēnaro mũare yiruc̱aja yu: “Rotim̱orũg̱ḏruc̱aja m̱” yigu, yu jacu yũre ī c̱uroju, “Rotiruarāja mũa quēne” yigu, mũare c̱uruc̱aja yu quēne. To c̱orone juaāmo c̱oro, cojo gubo jua j̱enituario űariaserire rujiruarāja mũa. To yicōari, mani yarā, jud'io masa, juaāmo c̱oro, cojo gubo jua j̱enituariṟacu űarā masatubuarire rotiruarāja mũa. Yũre ajitiṟnũṟare, to yicōari, yũre ajitiṟnũmenare ĩac̱oĩamasiruarāja. To yicōari, yu ṟaca bare ba, idi y̱iĩnarũgũruarāja mũa —ĩnare yiyuju Jesús.

“ Jesúsre masibeaja yu' yiruc̱aja m̱”, Pedrore Jesús ĩyire queti
(Mt 26.31-35; Mr 14.27-31; Jn 13.36-38)

³¹ To yigajanocōari, ī buegure Pedrore ado bajiro gotiyuju Jesús:

—Quēnaro yure ajiya m̄ua. Vātia ʉju, “¿Jesúre ajitir̄unur̄a masu ñati ña?” yīiar̄u, rojose ñare cōar̄aja ya”, Diore yisēniñañuju ī, m̄uare. To bajiro ī yijama, “Rojose ñare ya cōajama, Jesúre ajitir̄un̄u tujacoanama ña” yigu, yiyuju ī, tire. ³² To bajiro Diore ī yiboajaquēne, Diore m̄ure sēnibosab̄u ya, “Yure ajitir̄un̄ub̄etiboarine, quēna yure ajitir̄un̄ato ī” yigu. To bajiri yure ajitir̄un̄ub̄etiboarine, quēna yure m̄u ajitir̄un̄uro bero, gājer̄a ya buer̄a ñar̄are ejar̄ēmoma, quēnaro yure ña ajitir̄un̄ucōa ñar̄uḡūrotire yigu —Pedrore ñre yiyuju Jesús.

³³ To bajiro ñre ī yisere ajicōari, ado bajiro Jesúre ñre yiyuju Pedro:

—M̄ure ña tubibeboajaquēne, m̄ure ña śiacōajaquēne, m̄u rāca ñacōa ñaḡū ñari, śiaecomasiaja ya quēne —Jesúre ñre yiyuju Pedro.

³⁴ To ī yisere ajicōari, ado bajiro ñre c̄adiyuju Jesús:

—Riojo m̄ure gotiaja ya. Busiȳuj̄ma ḡajaboc̄u ī ñaḡōroto r̄joro idiaji, “Jesúre masibeaja; ī r̄acaḡu me ñaja ya”, yir̄uc̄aja m̄u —Pedrore ñre yiyuju ī.

³⁵ To yigajanocōari, ī buerimasare ado bajiro ñare sēniñañuju Jesús:

—¿M̄ua c̄osere, m̄ua barere, gajeye ḡubo sudire quēne tire m̄uare juarotibeticōari, “Juar̄ari, vacōari, ya ocare gotibosacudiaya” yigu, m̄uare ya yirots̄uoc̄atir̄um̄ure ñie m̄uare godoc̄uoc̄ati? —ñare yisēniñañuju.

—Ȳnare godo c̄uobeticaj̄u —yic̄adiyujar̄a ña.

³⁶ To bajiro ña yic̄adisere ajicōari, ado bajiro ñare gotiyuju Jesús:

—Yuc̄urema m̄ua c̄osere, m̄ua barere, to yicōari, m̄ua ḡājoare quēne juaya. Jariase c̄uobec̄u, sudiro yoariase, ī ḡuboj̄u t̄sariasere ĩsicōari, jariasere vaja yiya. ³⁷ Masa rojose yure ña yirots̄uoc̄atire quēnaro m̄ua t̄uōĩamasirots̄uoc̄atire yigu, to bajise m̄uare yaja ya. Ado bajiro yure gotiyuja Dios oca masa ña ucamasire: “Rojor̄are ñare ña yirore bajiro ñre yir̄uar̄ama, rojose ī t̄am̄orotire yir̄a”, yure yigotiyuja ti. Diore gotir̄etobosarimasa, “Ado bajiro bajir̄uaroja” ña yucamasire ñajare, to bajiro yure yir̄uar̄ama. Ñajediro ña ucamasirere bajirone bajijeocōar̄uaroja yure —ñare yiyuju Jesús.

³⁸ To bajiro ñare ī yisere ajimasibeticōari, ado bajiro ñre yiyujar̄a ña, ī buer̄a:

—Ȳna ʉju, ñañ̄a m̄u. Adone juaj̄ai, jariase c̄uoa ja yua —yiyujar̄a ña.

To bajiro ña yijare,

—To bajiro masu yimenaja mani —ñare yic̄adiyuju Jesús yuja.

Getseman'i v̄ame c̄utoj̄u vesej̄u, Jesús ĩ jac̄ure ĩ sēniḡū vare
(Mt 26.36-46; Mr 14.32-42)

³⁹ To yigajanocōari, Jerusalén v̄ame c̄uti macaj̄u ñar̄'i, Olivo v̄ame c̄uti buroj̄u ī buerimasare ī ūmato var̄uḡūriarore bajirone ñare ūmato vasuju Jesús. ⁴⁰ Toj̄u ejacōari, ado bajiro ñare gotiyuju Jesús:

—Vātia ʉju Satanás ī yirots̄isere yicōari, “Dios ī bojabetire yirobe” yir̄a, Diore sēniña —ñare yiyuju Jesús.

⁴¹⁻⁴² To bajiro ñare yicōa, ī sīḡūne to sojub̄usa vasuju ī. ĩacōarine ñaḡū, ḡusomuniari t̄uetucōari, ado bajiro Diore sēniñañuju ī:

—Cac̄u, yure ña śiaroti matamasiaja m̄u. To bajiboarine, m̄u bojarore bajirone bajiato —Diore yiyuju.

⁴³ To bajiro ñre yigajanorone, ángel Diore moabosaḡu ruyuyaju ī. Ruyucōari, “Dios ī bojarore bajiro yicōa ñato” yigu, Jesúre ejar̄ēmof̄ñuju ī. ⁴⁴ To ī yiro bero, rojose ī t̄am̄orotire t̄uōĩa s̄atiritiḡu ñari, b̄utobusa Dios

ĩ ejarẽmorotire sẽnitujabesuju Jesús. To bajiro bajiñagũ rĩne, buto ri'i rãca vusase usaca budicõari, “tapi, tapi, tapi” yivẽjareacũñuju ti, sita joejare.

⁴⁵ Diore sẽnigajano, vãmurũgũcõari, ĩ buerã tu tudiejayuju. ĩ gotirere buto tuoĩasutiriticodeboa, cãnicoasujarã. ⁴⁶ ĩna tu ejacõari,

—Cãnibesa mua. Vãmurũgũcõari, Diore sẽnĩña, “Vãtia uju Satanás ĩ yirotisere yicõari, Dios ĩ bojabetire yirobe” yirã —ĩnare yiyuju Jesús.

Jesúre ĩna ñiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ĩnare ĩ gotiñarirĩmarone, jãjarã masa vayujarã ĩna. ĩnare ũmato vagu, Judas Iscariote vãme cutigu, Jesús buerimasu ñar'ine ñañuju ĩ. To bajivadi, Jesús rĩjorojua ejacõari, socane ĩre buto ĩamaigũre bajiro ĩre usugũagu yiyuju. ⁴⁸ To ĩ yirone, ado bajiro ĩre gotiyuju Jesús:

—Judas, ¿Dios ĩ roticõacacure yure sãaronare, “To bajiro usugotigusa”, yituoĩaboati mu? —ĩre yiyuju Jesús.

⁴⁹ To bajiro ĩ yirone, Jesúre ĩna ñiaruaro ĩamasicõari,

—Yua uju, ¿jariase rãca ĩnare jasurereacõarãti yua? —yisẽnĩñañujarã ĩna, ĩ buerã.

⁵⁰ To yisẽnĩnarãne, sīgũ ĩ buegu, ĩ jariase yoveaãmicõari, paia uju ñamasugũre moabosarimasure gãmoru jatarocacõañuju. ⁵¹ To ĩ yisere ĩacõari, ado bajiro ĩre yiyuju Jesús:

—Yibesa mua —ĩnare yiyuju Jesús, ĩ buerãre.

To yicõari, gãmoru jataroca ecogũjũare ĩ gãmorore ãmitucõari, ñariarore bajirone yiquẽnocõañuju Jesús. ⁵² To yicõari, ĩre ñiaruarãre, paia ujarãre, Diore yirũcũbũoriavi coderimasare, to yicõari, bucũrãre quẽne, ado bajiro ĩnare yiyuju Jesús:

—¿No yirã gajeyẽni juarudirimasure ñiarãre bajiro jariaseri rãca, yucũ rãca yure ñiarã vadiati mua? ⁵³ Tocãrãcarũmurine Diore yirũcũbũoriaviju mua ñaro gotimasiorũgũmu ya. To bajiboarine yure ñiabetirũgũmu mua maji. Yucũrema Dios ĩ tuoĩacatore bajirone bajiruaroja. To bajiri, Satanás sũorine rojose mua bojarore bajiro yimasiruarãja mua yuja —ĩnare yiyuju Jesús.

“Jesúre masibeaja yu”, Pedro ĩyire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro ĩ yirone, Jesúre ñiacõari, paia uju ñamasugũ tuju ĩre ãmiasujarã. Toju ejacõari, sãjasujarã ĩna. ĩre ĩna ãmivato, sõju yayĩasuyayuju Pedro. ⁵⁵ To bajiri Jesúre ãmivariarã sīgũri toju ejacõari, macajũ tũcuro gudarecoju tujayujarã. Tone jea riocõari, rujiyujarã ĩna, jea sũmañarã. To ĩna bajiñarone, ejacõari, ĩna rãca rujiyuju Pedro quẽne, jea sũmagũ. ⁵⁶ Jeame tu rujiũ ñari, quẽnaro ruyuyuju ĩ. To bajiro ĩ bajijare, sīgõ paia uju ñamasugũre moabosarimaso, jeame tu ĩ rujiro ĩre ĩamasicõari,

—Jesúrãcagũne ñaami —Pedrore yiyuju so.

⁵⁷ To bajiro so yisere ajicõari, ado bajiro sore yiyuju Pedro:

—Ĩre masibeaja yu —sore yiyuju.

⁵⁸ To ĩ yiro beroaca, ĩre ĩacõari,

—¿Jesúrãcagu ñabetiboati mu? —ĩre yiyuju gãji.

To bajiro ĩ yisere ajicõari,

—Ĩ me ñaja yu —yiyuju ĩñama.

⁵⁹ Cojo hora bero, gãji, Pedro ĩ ñagõsere ajicõari, ĩ babarãre ado bajiro yiyuju:

—Jesúrācagune ñaami, Galilea sitagu ñari —yiyuju ĩ.

⁶⁰ To bajiro ĩre ĩ yisere ajicōari, ado bajiro yiyuju Pedro:

—“Riojo yaja mu”, mure yimasibeaja yu. Jesúre masibeaja —ĩre yiyuju Pedro.

To bajiro ĩ yiririmarone, gājabocu ñagōcōañuju yuja. ⁶¹ ĩ ñagōrone, Jesús, judarūgūcōari, Pedrore ĩañuju ĩ. ĩ judarūgū ĩarone, Jesús ĩre ĩ gotirere masibujayuju Pedro yuja, “Gājabocu ĩ ñagōroto rĭjoro, idiaji, ‘Jesúre ajisuyagu me ñaja yu’ yirucuja mu” Jesús ĩ yirere. ⁶² Tire masibujacōari, vacoasuju. Vacōari, buto otiyuju.

Jesúre ĩna ajatud'ire queti

(Mt 26.67-68; Mr 14.65)

⁶³ To bajiri, Jesúre ĩacoderimasa, ĩre jacōari, ajatud'iyujarā ĩna. ⁶⁴ ĩ cajere siabibecōari, ĩre jayujarā. To yicōari,

—“ ĩ, mure jaami’ yure yigotiami Dios”, yuare yiya mu —Jesúre ĩre yisēniĭa tud'iyujarā ĩna.

⁶⁵ To yicōari, cojo vāme me ĩre yiajatud'iyujarā ĩna.

Jud'io masa ujarā ñamasurā, “¿Dios macune ñati mu?”, Jesúre ĩna yisēniĭare queti

(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia ujarā quēne, to yicōari, Dios ĩ rotimasire gotimasierimasa quēne, Jesús ture rējañujarā ĩna. Rējacōari, ĩre āmiasujarā ĩna, ujarā ñamasurā tujare. Toju ejacōari, ado bajiro Jesúre yiyujarā ĩna:

—“Rotimūorūgōrucami” yigu, Dios ĩ cōagū mu ñajama, yuare gotiya —Jesúre ĩre yiyujarā ĩna.

To bajiro ĩre ĩna yisere ajicōari, ado bajiro cūdiyuju Jesús:

—“ĩne ñaja yu” yu yijama, yure ajirūamenaja mua. ⁶⁸ Yujua, yu sēniĭajama, yure cūdimenaja mua —ĩnare yiyuju Jesús. ⁶⁹ To yigajanocōari, ado bajiro ĩnare gotiyuju quēna:

—Yu bajiro tire masibeticōari, to bajiro yure yaja mua. Dios ĩ roticōacacu ñari, yoaro mene ĩ riojojacatua rujicōari muare yu besero ĩaruarāja mua —yiyuju Jesús.

⁷⁰ To bajiro ĩ yisere ajicōari,

—¿“Dios macune ñaja yu” yigu yati mu? —ĩre yisēniĭañujarā ĩna jediro.

To bajiro ĩna yisere ajicōari,

—To bajirone bajiaja. ĩne ñaja yu —ĩnare yicūdiyuju ĩ yuja.

⁷¹ To bajiro ĩ yisere ajicōari, ado bajiro gāmerā ñagōñujarā ĩna:

—“Dios ĩ cōacacu, ĩ macu ñaja yu” ĩ yise suorine Diore rojose yigu yami. No yirā gājerāre, “Rojose yigu ñaami” yironare macarēmomenaja mani yuja —gāmerā yiyujarā ĩna.

23

Pilato tujū Jesúre ĩna āmiejare queti

(Mt 27.1-2, 11-14; Mr 15.1-5; Jn 18.28-38)

¹⁻² To yigajanocōari, Jesúre ĩre āmiasujarā ĩna jediro, Pilato vāme cūtigū ya viju vana. ĩ tujū ĩre āmiejacōari, ado bajiro Jesúre gotiyiroyujarā ĩna:

—Ānire bujabu yua. Ado bajiro yimi: “Uju Césare gājoa muare ĩ vaja yirotisere mua vaja yijama, quēnabeaja. To yicōari, ‘Rotimūorūgōrucami’ yigu, Dios ĩ cōagū ñaja yu”, yimi —Jesúre ĩre yigotiyiroyujarā ĩna.

3 To bajiro ĩna yise ñajare, ado bajiro Jesúre sēniñañuju Pilato:

—¿Mune ñati jud'io masa uju? —Īre yiyuju Pilato.

To bajiro ĩ yisere ajicōari, ado bajiro ĩre cadiyuju Jesús:

—To bajirone bajiaja —Īre yiyuju Jesús.

4 To ĩ yirone, paia ujarāre, to yicōari, jājarā masa to ñarāre quēne ado bajiro ĩnare yiyuju Pilato:

—Yu ĩajama, ñie rojose yigu me ñaami —Īnare yiboayuju Pilato.

5 To bajiro ĩ yiboajaquēne, buto avasāñujarā ĩna:

—Galilea sitajure gotimasiosoyumi. Bero, Judea sitana ñajedirore gotibatomavisioami —Īre yiyujarā ĩna.

Herodes tujū Jesúre ĩna āmiejare queti

6-7 To bajiro ĩna yisere ajicōari, ado bajiro ĩnare sēniñañuju Pilato:

—¿Āni, Jesús Galileagu ñati? —Īnare yisēniñañuju ĩ.

To ĩ yirone,

—Toagune ñaami —yicadiyujarā ĩna.

To bajiro ĩna yijare,

—Uju Herodes ya sitagu ĩ ñajare, Herodejua ĩre ĩacōiato —Īnare yiyuju Pilato.

Tirūmure Jerusalénjane ñañuju Herodes quēne, Pilato ĩ ñarimacane. To bajiri tire masicōari, Herodes tujū Jesúre cōañuju Pilato. 8 To bajiri, Jesús ĩ ejaro, ĩre ĩacōari, buto variquēnañuju Herodes, buto ĩre ĩaruarūgūr'i ñari. Yoaro ĩre ĩaruaboayuju. Jesús ĩ yirere ajirūgūr'i ñari, ĩ ĩaro rĭjorojua quēne, ĩaĩañamani Jesús ĩ yĭosere buto ĩaruayuju ĩ. 9 To bajiro yigu ñari, yoaro Jesúre sēniñañuju ĩ. To bajiro ĩ yiboajaquēne, ĩre cadiyuju Jesús. 10 Paia ujarā, Dios ĩ rotimasire gotimasiorimasa buto rojose avasāgotiyiro ñañujarā ĩna. 11 To bajiri, Jesús ĩ cadiyeti ĩaboana, ĩre ajatud'iyujarā Herodes, ĩ surara quēne. To yigajanocōari, quēnariase sudiro Jesúre sācōari, ĩre tuocōañujarā, Pilato tujure quēna. 12 Tirūmune Herodes, Pilato rāca gāmerā oca quēnoñujarā ĩna, gāmerā ĩateboariarā.

“Jesúre sĭaroti ñaja”, ĩna yire queti

(Mt 27.15-26; Mr 15.6-15; Jn 18.39-19.16)

13 ĩ tujū Jesúre ĩ tuocōajare, paia ujarāre, masa ujarāre to yicōari, masa to ñarāre quēne jirēoñuju Pilato. 14 ĩna ejaro, ado bajiro yiyuju ĩ:

—“ Uju César ĩ rotisere cadiyibesa mua' yigotimavisioami” yirā, jēju ānire yu tujū āmiejabu mua. To bajiro mua yise ñajare, mua ajiro ĩre quēnaro sēniñaboabu yu. Yu ĩajama, ñie rojose yibecu ñaami. 15 Herodes quēne, “Ñie rojose yibecu ñaami” yigu ñari, yu tujū ĩre tuocōañumi. “Ñie rojose ĩ yiro cōro ĩre sĭañā manoja”, yaja yu. 16 To bajiri ĩre bajegajanocōari, bucōararāma yu surara —ĩnare yigotiboayuju Pilato, to rējararāre.

17 Tocārāca cāma Pascua boserūmu jud'io masa ĩna quēnojama, sĭgū, tubibe ecor'ire ĩna burotigure ĩnare bubosarūgūñuju Pilato.

18 To bajiri, “Jesúre ĩre bucōaracuja yu” ĩ yisere ajicōari, ado bajiro Pilatore avasājedicōañujarā masa:

—¡Bajibeticōato! ¡Barrabájuaire bucōari, Jesújuare sĭarotiya mu! —yivasā jedicōañujarā ĩna.

19 Barrabás vāme cutigu, “Gobierno ĩ rotiboasere cadiyibeticōari, mani masu rotirāsa” yitūoĩacōari, ĩ babarā rāca masare sĭar'i ñañuju. To bajiro ĩ yire vaja tubiberiaviju ñañuju ĩ.

20 To ña yiro bero, quëna ado bajiro gãme tudisëniñañuju Pilato. To bajiro ña yivasã ñaboajaquëne, Jesúre bucõaru, quëna ï budirotire sëniñaboayuju Pilato. 21 To bajiro ï yirone,

—¡Yucátëroju ïre jaju sïaroticõaña mu! ¡ïre jajutuya! —ïre yivasã cãdiyujarã ña.

22 To bajiro ña yirone, jëre juañi ñnare ï gotiboasere gotiboayuju ï quëna:

—¿Ñie rojose ï yire sãori ïre sïarotiguti ya? ïre quënarõ sëniñamu ya. Yu ñajama, ñie rojose yibecu ñaami. To bajiri, ïre bajegajanocõari, bucõaruarãma ya surara —ñnare yigotiboayuju Pilato quëna.

23 To ï yiboajaquëne, ña yiriarore bajiro, ïre avasãtjabetesujarã ña, Jesúre sïaruarã. To bajiro ña yivasãcõa ñajare, ña rotirore bajiro cãdigu, Barrabãjuare ïre bucõañuju. 24-25 To yicõari, Jesújuarema ï yarã surarare ïsiñuju, “Yucátëroju ïre jajusiato ña” yigu.

Yucátëroju Jesúre ña jajusiare queti

(Mt 27.32-44; Mr 15.21-32; Jn 19.17-27)

26 To bajiri Jesúre ñmicoasujarã ña, ïre sïarã vana. ïre ñmivanane, sïgũ Cirene vãme cuti sitagu, Simõn vãme cutigure bocayujarã. ïre bocacõari,

—Jesús ï gaja vatijãire ïre gajabosaya —ïre yi vasujarã ña.

27 Jãjarã masa Jesúre sũyayujarã ña. Rõmia quëne, ïre sũyacõari, otiyujarã ña. 28 To bajiro ña otisere ajicõari, judarũgũñuju Jesús. Jãdarũgũcõari, ado bajiro ñnare gotiyuju ï:

—Mũa Jerusalen macana rõmiri, yure otibesa. Mũa bajirotire, to yicõari, mũa rĩa ña bajirotire tũoĩacõari, otiya. 29 No bojarirãmu ejarũaroja bũto rojose mũa tãmũorotirãmu. Tirũmũre ado bajise tũoĩaruarãja mũa: “Rĩa mana rõmiri rojose tãmũorã ñaboarine, bũto sutiritibetirũarãma, ‘Bũcurã rĩne bajirearuarãja yua’ yitũoĩarã ñari”. 30 To bajiri, “Josari rojosere tãmũorobe; rojose mani yise vaja rojose manire cõaracũmi Dios” yirã, guaro bajireadarotire yirã, “Gũtayucari yũare tãjoreadaya”, yitũoĩaruarãma. 31 Yu yirore bajirone bajirũarãja mũa. Ado bajiro ya gotisere ajitũoĩaña mũa: “Ñie rojose yibecu ñaami” yure yirã ñaboarine, yure rojose yama ña. To bajiri, “Rojorã ñaama” mũare yĩarã ñari, rëtobũsaro mũare rojose yirũarãma ña —ñnare yigotiyuju Jesús, ïre otisũyarãre.

32 To bajiri gãjerã juarã rojose yiriarãre jua vasujarã, Jesúrãca, ñnare sïaruarã. 33 ñnare jua va, Rujoco Buro vãme cuti buroju majaejayujarã. Toju Jesúre, to yicõari, rojorãre quëne, yucátëroriju jajutuyujarã ña. Sïgũre Jesús riojocatũare, gãjirema ï gãcojocatũajuare jajutuyayujarã. 34 Jesús ïre ña jajuturo bero, ado bajiro Diore sëniñuju ï:

—Cacu, yure sïarãre rojose ña yisere masirioya mu. “Rojose yirã yirãja yua” yimasimenane yama ña.

To bajiro ï yiro bero, Jesús ye sudire bojarã, ado bajiro yiyujarã surara: “Ñimũjua ï sudire ï ujarõ ñarãsa mani” yirã, gãtarine reacũia ajeñañujarã. To yiajecõari, ï sudire gãmerã ïsibatoyujarã ña. 35 Tire ñacõari, Jesúre ajatud'iyujarã masa. ña ujarã quëne, ado bajiro Jesúre ajatud'iyujarã ña:

—Gãjerãre rijaye cutirãre catiorũgũmi. To bajiri, “Rotimũorũgõrucũmi” yigu, Dios ï cõagũ ï ñajama, ï masune rujiadimasiato —yiajatud'iyujarã ña.

U 23:30 “ ‘Rojose ña yise sũorine rojose ña tãmũorotire tũoĩamecũrã, gãtayucari, burori, yũare tooya’, yirũarãma’ yaja Ap 6.16-17. To bajiboarine Lc 23.30 gaje vãme yirũaro yaja”, yiyujarã Dios ocare buerëtoburimasa sïgũri.

36-37 Surara quêne ìre ajatud'iyujarã Ìna. Ì tujũ ejacõari, uye oco jiasere Jesúre idirotiboyujarã. Ìre idirotirãne, ado bajiro ìre ajatud'iyujarã Ìna:

—Mũ jud'io masa uju mũ ñajama, mũ masune rujiaya —Ìre yia-jatud'iyujarã Ìna.

38 Jesús Ì jaju ecoritërojare Ì rãjoa vecare griego masa oca, romano masa oca, jud'io masa oca Ìna ucaturia jũro tuyayuju. Ado bajise yirijũro ñañuju ti: “Àni ñaami jud'io masa uju”, yũcare ñañuju.

39 To bajicõari, sigũ rojogu Jesúrãca yucátëroju jaju ecor'ì ado bajiro ìre tud'iyuju Ì quêne, Jesúre:

—¿“Rotimũorũgõrũcũmi” yigũ, Dios Ì cõagũ me ñatique mũ? Ì mũ ñajama, rujiacõari, yũare yirëtobosaya —Ìre yitud'iyuju Ì quêne.

40 To bajiro Ì yisere ajicõari, gãjjũama, ado bajiro ìre boca yiyuju Ì:

—Rojose mani yire sũori manirema jajutuama Ìna. To bajiri, ¿Dios tujũ ejacõari, rojose mũ yise vaja rojose mũre Ì yirotire gãibeatique mũma?

41 Manima, mani masu ye sũorine bajiaja. To bajiboarine, Ìjũama, ñie rojose yibecu ñaami —boca yiyuju.

42 To bajiro yigajanocõari, ado bajiro Jesújũare gotiyuju Ì:

—Jesús, “Rotimũorũgõrũcũmi” yigũ, mũre cõar'ì Dios Ì cũro bero, yũre Ìmaicõari, rojose yũ yise vaja rojose tãmũotujabetiraroju yũ vaborotire yũre yirëtobosaba —Jesúre yigotiyuju Ì.

43 To Ì yisere ajicõari,

—Yũre quẽnaro ajiya mũ. Adirũmũne yũre ajitirũnarã Ìna variquẽna tujabetoju yũ rãca ñarũcũja mũ —Ìre yicũdiyuju Jesús.

Jesús Ì usũtadire queti

(Mt 27.45-56; Mr 15.33-41; Jn 19.28-30)

44-45 Jesúre Ìna jaju sũariarũmũne, ãmũrecaji ñarone, rëtiañuju yuja. Idia hora cõro rëtiañañuju. Idia hora rëtiasatone, Diore yirũcũbuoriaviju sudigasero yotoriario vorujjedicoasuju ti. Tiase yotoriario, “ ‘Dios Ì ñarisõa’ vãme cõtũ sõare sãjamasibeama masa”, yimasiriario ñaboayuju. 46 To ti bajirone,

—¡Cacu, yũ usũre mũ tujũ cõaja yũ! —Diore yivasã, usũtadicoasuju Ì yuja.

47 To bajiro Ì bajijare, ado bajiro yiyuju surara uju:

—Riojone bajiboayuja. Ñie rojose yigũ me ñamasiboayumi ãni —yiyuju Ì.

48-49 Jãjarã masa ñañujarã, Jesúre Ìna sũarore Ìarã vadiriarã. Jesúre masirã quêne, Galilea sitana rõmiri ìre sũyaboariarã quêne, ìre Ìna sũasere sõju Ìarũgõñujarã Ìna quêne. Tire Ìagajanocõari, bũto sutiritirãne tudijedicoasujarã Ìna.

Jesúre Ìna yujere queti

(Mt 27.57-61; Mr 15.42-47; Jn 19.38-42)

50 Arimatea macagu, José vãme cõtigu ñañuju. Jud'io masa ujarã rãcagu, masa Ìna Ìarũcũbuogu, quẽnaro yigũ ñañuju Ì. To bajicõari, Diore quẽnaro ajirũcũbuogu, Ì rotimasirere quẽnaro cũdigũ ñañuju. 51 Ujarã Jesúre Ìna sũarũasere bojabesuju Ìjũama. “ ‘Rotimũorũgõrũcũmi’ yigũ, Dios Ì cõar'ì ñaami”, Jesúre yitũoĩagũ ñañuju. 52 Jesús rujarire ãmirũ, Pilatore sãnigũ vasuju Ì. 53 Ìre sãnĩcõari, Jesús rujarire ãmirũjicõari, sudijãiri botirijãiri rãca ìre gãmañuju. To yigajanocõari, masa yujeriavi gãtavi Ìna quẽnoriaviju Ì rujarire cũñuju. Gãjerãre yujelãña manivĩ ñañuju ti vi.

54 Tirūmujama jud'io masa İna ususājariarūmu rījoroagarūmu rāiorotirūmu rījoroaca ņaŋuju.^V

55 Jesūrācana rōmiri, Galilea sitana vadimasiriarā rōmiri Jesúre İre yujeroanare İasuyayujarā İna. İnare sūya, eja, İna yujerivire İacōari, Jesús rujerire İna cūrove İaŋujarā İna. 56 İgajanocōari, tudicoasujarā. Tudie-jacōari, İna ņariviju sūtiqūēnasere rijariarā rāca cūrere quēnoŋujarā İna. To yigajanocōari, ususājariarūmu ti ejaro, Dios İ rotimasiriarore bajiro ususājajarā İna.

24

Jesús İ tudicature queti

(Mt 28.1-10; Mr 16.1-8; Jn 20.1-10)

1 Gaje semana İna moasūoriarūmu ti busumujado Jesús rujerire İna yujerivire İarā vasujarā rōmia, sūtiqūēnase İna quēnore, “Tuto mani” yirā. 2 Ejacōari, İna İajama, gūta tūnuobibeboaria maŋuju. 3 To bajiri ti vi sājacōari, İaboayujarā İna. İ rujeri maŋuju. 4 To bajiro ti bajiro İacōari, “¿No bajiro bajiyujari ti?” İna yitūoİarone, İna tūre ángel mesa juarā ruyuarūgūcōaŋujarā İna. Buto yaase sudi sāŋarā ņaŋujarā İna. 5 To bajiro İna bajirone, buto güirāne, gusomuniari tuetucōari, mureacūcoasujarā İna. To İna bajirone, ado bajiro İnare gotiyujarā İna, ángel mesa:

—¿No yirā rijariarā yujeriaroju Jesúre macati ma? 6 Maami adorema. Jere caticoami. Maa rāca Galileaju ņagū, ado bajiro mūare İ goticature tūoİaŋa ma: 7 “Dios İ roticōacacu, rojorāre İsiecorucūja yu. Yure jajutu sīaruarāma İna. To bajiboarine yure İna sīaro bero, idiarūmu tūsatirūmūne quēna tudicaticoarucūja yu”, mūare yicami Jesús —İnare yigotiyujarā İna ángel mesa.

8-10 To bajiro Jesús İnare İ gotirere tūoİabuajacōari, tudicoasujarā İna. Toju ņaŋujarā Jesús buerimasa juaāmo cōro, gūbo, coja jēnituarirācu ņarā, gājerā İ rāca ņarā quēne ņaŋujarā İna. To bajiri İna tūjere tudiejacoasujarā İna, rōmia. Ado bajiro vāme cūtirā ņaŋujarā İna: Mar'ia Magdalena vāme cūtigo ņaŋuju so. Bero Juana, bero gajeo Mar'ia, Santiago jaco ņaŋuju so. To yicōari, gājerā quēne ņaŋujarā İna. To bajiri Jesús buerimasa tūju ejacōari, jediro İnare bajirere gotiyujarā İna. 11 To bajiro İnare İna gotiboajaquēne, İnare ajitirūnūbesujarā Jesús buerimasa. “Mecurā yama İna”, yitūoİaŋujarā İna.

12 To bajiboarine, Pedrojuama, İna gotisere ajicōari, ūmacoasuju İ. Ūma vaejacōari, sojeju mubiar'İ, İasōŋuju İ. Jesúre İna gūmaboare rİne ņaŋuju ti. Tire İacōari, “¿No bajiro bajicōari, bajiyujari ti?” yitūoİarejaigūne, tudicoasuju İ.

Emaús vāme cūti macaju vanare Jesús İnare İ ruyuaİore queti

(Mr 16.12-13)

13 Tirūmūne Jesūrāca ņariarā juarā vasujarā İna, Emaús vāme cūti macaju vana. Jerusalénju ņacōari, Emaús vāme cūti macajure varia maa, once kilómetros ņaŋuju ti. 14 To vanane, Jesús İ bajirocarere gāmerā queti gotivasujarā İna. 15 To bajiro İna yi vatone, İnare ēmaŋuju Jesús. 16 İnare İ ēmūboajaquēne, “Jesúne ņaami”, yimasibesujarā, Dios, İre İna

^V 23:54 “Ususājariarūmure yirā, İna moatasariarūmu rāioato bero ņasuoaja”, yirūgūŋujarā judío masa. To bajiri, quēnoveo jeocōarūgūŋujarā İna ususājariarūmu ejaroto rījoro, tirūmure “Moame-nane ususājacōa ņarāsa” yirā ņari.

Īamasiborotire Īnare Ī masiriocōajare. ¹⁷ To bajiri Ī rāca vacōa ñañujarā Īna. To bajivacune,

—¿Ñie ūni quetire gāmerā gotiati mua? —Jesús Īnare Ī yisēniārone, sutiritirāne, tujarūgūñujarā Īna.

¹⁸ To bajicōari, sīgū, Cleofas vāme cutigu ado bajiro Jesúre sēniāñuju Ī:

—¿Muma Jerusalénjare vacudigu ñaboarine, adirāmari bajiñasere masibeati mu? —Jesúre Īre yisēniāñuju Ī.

¹⁹ To bajiro Ī yisere ajicōari, ado bajiro Īre yiyuju Jesús:

—¿No bajiro bajise ūnire yigu yati mu? —Īnare yisēniāñuju Ī.

To bajiro Ī yisere ajicōari, ado bajiro Jesúre Īre cadiyujarā Īna:

—Jesús, Nazaret macagure Īna yimasisere yaja yua. Īma, Diore gotirētobosagu ñari, quēnaro masare gotimasicōari, Īañāmanire yīlogū Ī ñajare, Dios, to yicōari masa jediro, “Quēnagū ñaami”, Īna yīlagū ñaboami. ²⁰ To bajiro yigu Ī ñaboajaquēne, paia ujarā, mani ujarā rāca Īre sīaroticōamasifūma Īna. Yucūtēroju Īre jajusīarotimasiñuma. ²¹ “Īma, Israel sitanare, quēnaro yua ñarotire yiejarēmorocu ñagūmi”, yituoīamasiboabu yua. Īre Īna sīamasirirūmu rāca mani cōīajama, idiarūmu tusatirūmu ñaja. ²²⁻²⁴ “Ī rujurire bujabeju yua”, yima. “To yua Īañarone, yuare ruyuaīoma ángel mesa. Yuare ruyuaīocōari, ‘Jēre tudicaticoami Jesús’”, Īnare yigotiyujarā Īna. “To bajiro yima” Īna yigotisere ajicōari, no yimasibetiboana, yua rāca ñarā, sīgūri Īarā vasuma Īna. Toju vaejacōari, rōmia Īna gotiriarore bajirone Jesús rujuri ti manore Īañujarā Īna quēne —Jesúre yigotiyujarā Īna, Emaús vāme cuti macaju vana.

²⁵ To bajiro Īna yisere ajicōari, ado bajiro Īnare yiyuju Jesús:

—Tuoīamasimenare bajiro bajiaja mua. Diore gotirētobosarimasa ñamasiriarā “Rotimūorūgōrūcūmi” yigu, Dios Ī cōarocu Ī bajirotire Īna ucamasire ti ñaboajaquēne, “Riōjo gotiriarāma”, yituoīabeaja mua maji. ²⁶ “‘Rotimūorūgōrūcūmi’ yigu, Dios Ī cōarocu, Ī rotiroto rījoro, rojose tāmūorūcūmi”, yīucamasifūma Īna jediro —Īnare yiyuju Jesús.

²⁷ To yigajanocōari, “Rotimūorūgōrūcūmi” yigu, Dios Ī cōarocu Ī bajirotire Moisés Ī ucamasirere, gājerā ñajediro Diore gotirētobosamasiriarā Īna ucamasirere quēne Īnare gotirētobuyuju Ī.

²⁸ To bajiro Īnare goti vacu rīne, Īna vati macare ejacōari, Īna tujaro ūnone Jesújuama, rētoarocure bajiro bajiyuju. ²⁹ To Ī bajiboajaquēne, Īre rētoarotibesujarā Īna.

—Vabesa mu. Adone yua rāca tujaya. Rāioato bajaia —Īre yiyujarā.

To bajiro Īre Īna yijare, Īna ya vijū Īna rāca sājasuju Ī. ³⁰ Īna sājaecōari bero, Īna rāca barujigune, pan āmicōari, “Quēnaja”, Diore yigotiyuju Jesús. To yigajanocōari, panre mutocōari, Īnare Īsibatoyuju Ī. ³¹ To Ī yirone, Īre Īna Īmasirotire cōañuju Dios. Īre Īna Īmasirirīmarone, yayicōa tujasuju Jesús. ³² To Ī bajirone, ado bajiro gāmerā yiyujarā Īna:

—Manire ēmūcōari, quēnaro Ī gotirūtu vadisere ajivariquēnamu mani. To bajiri, “Jesúne ñaami”, yīamasiroti ñaboabu ti —gāmerā yiyujarā Īna.

³³ To yīñarāne, Jerusalénju tudicoasujarā Īna, Jesús buerimasa, juaāmo cōro, gūbo coja jēnitarirācu ñarā, to yicōari gājerā Īna rācana quēne Īna ñaroju. ³⁴ To bajiri, Īna tudiejaro Īacōari, ado bajiro Īnare gotiyujarā Īna:

—Mani uju tudicaticoasumi. Pedrore ruyuaīoñuju Ī —Īnare yigotiyujarā Īna.

35 To bajiro ñna yigotigajanorone, Jesúrãca ñna vare quetire, to yicõari, panre mutocõari, ñnare ñ isibatorone, ñre ñna ñamasirere ñnare gotiyujarã ñna, Emaús maca variarãña.

*Ñ buerã vatoajure Jesús ñ ruyuaõore queti
(Mt 28.16-20; Mr 16.14-18; Jn 20.19-23)*

36 To bajiro ñna gotiñarone, ñna vatoaja ruyuarügũñuju Jesús. Ruyuarügũcõari,

—¿Ñnati mua? Quẽnaro ñaña mua —ñnare yiyuju ñ.

37 To bajiro ñ yiejaro, ñre ñaucacõari, buto güiyujarã ñna. “¡Bajirocar'i vãti ñnaami!”, yituoïagüiyujarã ñna. 38 To ñna yigüisere ñacõari, ado bajiro ñnare yiyuju Jesús:

—¿No yirã yare ñaucati? ¿No bajiro yirã, “Jesús me ñnaami”, yituoñati mua?

39 Yũne ñaja. Yũ ñmorire, yũ gũborire, ñna jajumasise godore ñaïsaque mua. Yũre moaïña mua. Bajirocar'i vãtima, gãa maami. Ri'i maami. Yũma ri'i cutijedicõaja yũ. ñaña mua —ñnare yiyuju Jesús.

40 To bajiro ñnare yigotigajanocõari, ñ ñmorire, ñ gũborire quẽne ñnare ñoñuju ñ. 41 To bajiro ñnare ñ yiboajaquẽne, “Ñne ñ ñajama, quẽnamasucõaboroja”, ñre yituoïacõa ñañujarã ñna maji. To bajiro ñre ñna yituoïacõa ñajare, ado bajiro ñnare yiyuju ñ:

—¿Bare cõoati mua? —ñnare yisẽniñuju ñ.

42 To bajiro ñ yijare, vai sesoriajuria ñre ñsiñujarã ñna. 43 ñre ñna ñsironne, ñna ñaro rñjorojua bayuju ñ. 44 Tire bagajanocõari, ado bajiro ñnare gotiyuju:

—Yũ bajirocaro to rñjorojua yũ bajirotire muaare goticaja yũ. Moisés ñ ucamasire, to yicõari, Diore gotirẽtobosarimasa ñamasiriarã Salmo ñna ucamasire quẽne yũ bajirotirene yimasinuma —ñnare yigotiyuju Jesús.

45 To bajiro ñnare yigoticõari, Dios oca masa ñna ucamasirere ñna ajimasirotire ñnare ujoyuju ñ. 46 To yigajanocõari, ado bajiro ñnare gotimasioñuju ñ:

—Ado bajiro yũ bajirotire gotiaja Dios oca masa ñna ucamasire: “Rotimõorügõrucumi” yigũ, Dios ñ cõarocũ bajirocacoarucumi. Bajirocaboarine, ñ bajirocaro bero, idiarũmũ tusatirũmũne tudicaticoarucumi.

47 ñ tudicatio bero, Jerusalén macanare gotimasioruarãma. ñnare ñna gotimasioro bero, adi macarucaro ñarã jedirore ado bajiro gotimasioruarãma: ‘Rojose mua yisere tuoñasatiriticõari, yitujaya mua. To bajiro mua yijama, rojose mua yise vaja muaare Cristo ñ vaja yibosare ñajare, rojose mua yisere masirio variquẽnarucumi Dios’ yigotimasioruarãma”, yigotiaja ti, Dios oca masa ñna ucamasire. 48 Mũama, to bajiro yũ bajisere ñarã ñari, “Riojone ñaja. To bajirone bajicaja”, gãjerãre yigotimasioruarãja mua. 49 Dios ñ yicatore bajirone mua rãca ñarocure Esp'iritu Santore muaare cõarucuja yũ. To bajiri, adi macane Jerusalenne yuñaruarãja mua maji. Esp'iritu Santo rujiejacõari, Dios ñ masisere muaare ujoyucumi. To bajiro ñ yiro bero, yũ ocare goticudirã varuarãja mua —ñnare yigotiyuju Jesús.

*Dios ñ ñarõju Jesús ñ mũjare queti
(Mr 16.19-20)*

50 To bajiro ñnare ñ yiro bero, Betania vãme cuti maca tãju ñ buerimasare ñmato vasuju ñ. Tojũ ejacõari, ñ ñmori ñnumõori,

—Quẽnaro muaare yato Dios —yiyuju ñ.

⁵¹ To bajiro ñare ï yĩñarone, ï ñaroju ïre ãmimujacoasuju Dios. ⁵² Dios ïre ï ãmimujatone, muqueacõari, Jesúre rãcubuooyujarã ña. To yigajanocõari, Jerusalénju quẽnaro variquẽnarã tudicoasujarã ña yuja. ⁵³ Tudiejacõari, tocãrãcarãmuri Diore yirãcubuoiriavijũ sãjacõari, “Quẽnaro yaja mũ”, ïre yivariquẽnarũgũñujarã ña.

To cõro ñaja.

Evangelio según SAN JUAN

¹ Dios macu Jesucristo suorine Diore masiama masa. Rëmojune jëre ñie manojurene ñacõamasifñuju Jesús, i jacu rãcane. Jesúne, Dios ñacoadamasifñuju. ² Macarucuro, õ vecayere quëne, tire Dios i rujeoroto rñjoroju jëre i rãcane ñacõamasifñuju i macu. ³ Macarucurore, õ vecayere quëne ñajediro i macu suorine tire rujeomasifñuju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabet-icõato” yigu, Dios i catisere isigü, ñacoadimasifñuju Dios macu. I jacu i catisere i macu i isise suorine Diorãca quënarõ ñaama masa, ire masirã yuja. ⁵ Diore ajimenajuma, rojose yirã ñari, “Riojo ñamasusere masiaja yuma”, yituoïaboarãma. To bajiro yirã ñaboarine, “Diorãca quënarõ ñato” yigu, Jesucristo i isisere masa jediro ña ajibetirotire yirã, yimasimenama Diore ajiterã.

⁶⁻⁷ Sígü ñacami Juan vãme cutigu. Masare, “Rojose yirãabeaja yua. I suorine Diorãca quënarõ ñaja yua” yirãre oco rãca ñnare bautizagu ñacami. Ire goti rñjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagümi” i macure masa jediro ña yituoïarotire bojagu ñari, to bajiro ire goti rñjoro cutirotiyumi Dios. ⁸⁻⁹ Riojo ñamasuse Juan i gotimasiocatima i masune tuoïaquënocõari, i goticati me ñacaju ti. Dios macu adi macarucurojore ejacacu yejua ñacaju ti, riojo ñamasuse Juan i gotimasiocati. “Rojose mani tãmuoborotire manire yirëtobosarocu ñaami” Dios macure masa ña yituoïarotire yigu, ire goti rñjoro cutirimasu ñacami Juanma.

¹⁰ Jesúma, adi macarucurojore manire bajiro rujü cuticõari i ruyaroto rñjorojune jëre ñacõañuju i. I suorine adi macarucurore Dios i rujeomasire ti ñaboajaquëne, ire ñacõari, “Ñni, Dios macu ñaami”, ire yimasibeticama ña, adi macarucuroana masa. ¹¹ Jud'io masa, “Yu rã ñaja mua” Dios i yigoticuõboariarã taju manire bajiro rujü cuticõari, ña rãca i ñarügüboajaquëne, ire ñatecama ña. ¹² Ire ña ñateboajaquëne, sigüri ire yua ajitirãñujare, “Yu rã ñaja mua”, yuare yiañumi Dios. ¹³ “Jud'io masa ñari, Dios rã ñaja yua”, yimasifña manojaja. Gãjerã masa quëne, to bajiro yimasibeama. To yicõari, “Mani masune mani tuoïase suorine Dios rã ñaja mani”, yimasifña manojaja. Ado bajirojua bajiaja: “‘Yu rã ñaja mua’ i yiamajare, i rã ñacoaju”, yirejua ñaja.

¹⁴ Dios macu manire bajiro rujü cuticõari, yua rãca bajinarügücam. Yuare ñamaicõari, quënarõ yirügücam. To yicõari, Dios yere gotigu, riojo gotimasiorügücam. “I ñacami Dios macu. Sígüne ñagü, i jacure bajiro ñamasugü ñacami”, ire yimasijaja yua, ire ñacana. ¹⁵ Irene goticami Juan vãme cutigu, masare oco rãca bautizarimasu. Jesús i ejarone, ado bajiro masare goticami:

—Ñnane ñaami muare yu goti rñjoro cutiguma. I bajirotire gotigu, ado bajiro muare yigotiadicaju yu: “Yu bero sigü ejarucami. Yu rñjorojune jëre ñacõañumi. To bajigu i ñajare, yu rëtorõ ñamasugü ñaami ñma” muare yigotiadicaju yu —yicami Juan, Jesús i bajirotire gotigu.

¹⁶ Masare maimasucōagū ñari, mani ñajedirorene quēnaro manire yirūgūami Dios macu. ¹⁷ Moisés ñamasir'i suorine masare Dios ī rotimansirere masire ñaja. Jesucristo suorine Dios manire ī maisejuarema masire ñaja. Ī ocare quēne, riojo ñamasusere, Jesucristo suorine tire masire ñaja. ¹⁸ Nijūane Diore ĩre ĩagū magūmi. To bajiboarine ī macu sīgūne ñagū, ĩ jacu rācagu ñari, ĩ jacure bajirone tuoĩagū ñari, ĩ jacu ī bajisere riojo manire gotimasiocami.

Juan vāme catigū, masare oco rāca bautizarimasu, Jesucristore ī goti rījoro catibosare queti

(Mt 3.11-12; Mr 1.7-8; Lc 3.15-17)

¹⁹ To bajiri paiare, ĩnare ejarēmorāre quēne cōañuma ĩna ujarā, Jerusalén macana. “¿Ñimū ñati mu?” masare oco rāca bautizagure Juanre ĩre yisēñiama” yirā, ĩnare cōañuma. ²⁰ To bajiro ĩre ĩna yisēñisere ajicōari, ado bajiro ĩnare yicūdicami Juan:

—Yuma, masa rojose ĩna tāmūoborotire ĩnare yirētobosacōari, “Rotimūorūgōrucūmi” yigu, Dios ī cōagū me ñaja yu —ĩnare yicami Juan.

²¹ To bajiro ī yirone, ĩre sēñiāquēnocama ĩna:

—¿Ñimū ũgūjua ñatique mu, to yijama? ¿El'ias, Diore gotirētobosamasir'i, gāme tudicaticōari, bajiatique mu? —ĩre yisēñiācama.

—Ī me ñaja yu —yicōacami quēna.

To bajiro ī yirone, ĩre sēñiācama quēna:

—¿Mūne ñatique Diore ĩre gotirētobosarimasu, “Ejarucūmi” ĩna yigu? —Juanre yisēñiācama.

—Ī me ñaja yu —yicōacami quēna.

²² To bajiro ī yise ñajare:

—¿Ñimū ũgūjua ñati mu? —ĩre yicama ĩna. —Yūare sēñiāroticōarāre, “Ī ñaami”, ĩnare yigotirūaja yua. ¿Ñimū ũgū ñaja yu, yatique mu, mu masune mu yijama? —ĩre yisēñiācama quēna, Juanre, masare oco rāca bautizagure.

²³ To bajiro ĩna yisere ajicōari, ado bajiro ĩnare yicūdicami:

—Yūne ñaja, yucá manoju masare gotimasiocudirūgūgūma. Ado bajiro yigotirūgūaja yu: “Mani uju ejarucūmi. To bajiri rojose mūa yisere yitūjacōari quēnasejuare tuoĩavasoaya, ĩre yurā”, yirūgūaja yu. To bajiro yu yigotirotire jēre tirāmujane, “To bajiro yirucūmi ĩ”, yiuca rījoro caticōamasifūmi Diore ĩre gotirētobosarimasu, Isa'ias ñamasir'i —yicūdicami Juan, ĩre sēñiārāre.

²⁴ Fariseo masa ĩna cōariarā ñacama ĩna, Juanre sēñiācana. ²⁵ Quēna ĩre sēñiācama ĩna:

—To bajise yigu ñaboarine, Cristo me ñaboarine, El'ias ñamasir'i me ñaboarine, Diore gotirētobosarimasu “Ejarucūmi” ĩna yigu me ñaboarine, ¿no yigu oco rāca masare bautizatique mu? —Juanre yisēñiācama.

²⁶ To bajiro ĩna yisere ajicōari ado bajiro ĩnare yicūdicami:

—Yuma, masa rojose ĩna yisere yitūjacōari, Dios ī bojasejuare yirāre oco rāca ĩnare bautizagu ñaja yu. To bajiboarine mani ñarigodoju jēre ñagūmi, “To ñagūmi” mūa yimasibecu. ²⁷ Yu bero masare gotigu ñaboarine, yu rētoro ñamasugū ñagūmi ĩna. Ñamasurā rīne ĩre yibosamasiama, ñamasugū masu ī ñajare —ĩnare yicūdicami Juan.

²⁸ To bajiri, adi ñajediro bajicaju Betania vāme cuti macaju. Ti maca ñacaju Juan, masare oco rāca ī bautizacatiya Jordán vāme cutirisa gaje-jacatuaju.

²⁹ Gajerūmu, yua taju Jesús ī vadone ĩre ĩacami Juan vāme cutigu, masare oco rāca bautizarimasu. ĩre ĩacōari ado bajiro masare yigoticami:

—Īaña muu yuja. ĩne ñaami Dios yu, oveja macure bajiro masare rijabosarocu. No bojarāre “Rojose yu yise vaja yure rijabosayumi” ĩre yironare rojose ĩna yise vaja ĩnare rijabosarocu. ³⁰ ĩ yirotere goti rĳoro cutigu ado bajiro muare yigoticaju yu: “Masa ĩna ĩaro rĳorojna yu gotimasioro bero gotimasiorucumi gāji” muare yicaju yu. “Yu rĳorojne jēre ñacoayumi ĩma. To bajiri yu rētoro ñamasugū ñaami” muare yicaju yu. ³¹ Yu quēne, “Ī ñagūmi” yimasibeticaju yu maji. To bajiboarine, “ĩne ñagūmi ‘Rotimūorūgōrucumi’ yigu, Dios ĩ cōar’i” mani yīamasirotere bojagu ñari, oco rāca masare bautizadica yu —yuare yicami Juan.

³²⁻³⁴ Quēna gajeje ado bajiro yuare yigoticami:

—ĩre ĩaboarine, “ĩne ñagūmi ‘Rotimūorūgōrucumi’ yigu, Dios ĩ cōar’i”, yimasibeticaju yu maji. To bajiboarine Dios ado bajiro yure yi ocaruyucami ĩ, “Masare oco rāca bautizarucija mu” yure yi ocaruyucōari: “Yu cōagū, Esp’iritu Santo, bujare bajigu rujiadicōari, ĩ joere rocajeorucumi. ĩne ñarucumi, ‘Rojose ĩna yisere quēnaro masicōari, tūoĭvasoatĭmato ĩna’ yigu, Esp’iritu Santore cōarocu”, yure yi ocaruyucami Dios. To bajiro yure ĩ yicatore bajirone ĩamu yu yuja. To bajiri, “Dios macu ñaami”, yimasiaja yu yuja —yigoticami Juan, yuare gotigu.

Jesúre ĩre ajisuyasūoriarā queti

³⁵ Gajerūmu oco rāca masare ĩ bautizacatoju ñacami Juan quēna. ĩ rāca ñacaju yua, juarā, ĩ buerā. ³⁶ To yua ñaro, Jesús ĩ rētoato ĩre ĩacōari, ado bajiro yuare goticami Juan:

—Īaña. ĩne ñaami Dios yu, oveja macure bajiro masare rijabosarocu —yuare yicami Juan.

³⁷ To bajiro Juan ĩ yisere ajicōari, Jesúre ĩre suyacaju yua yuja. ³⁸ To ĩre yua suyatone, judarūgū ĩacōari,

—¿Ñiere bojarā bajiati muu? —yuare yisēniĭacami.

To bajiro ĩ yisēniĭarone:

—Gotimasiorimasu, ¿noju ñari mu ñaro? —ĩre yisēniĭacaju yua.

³⁹ To bajiro ĩre yua yirone,

—Īarā vayá —yuare yicadicami.

To bajiro ĩ yijare, ĩre suyaejacoacaju yua, ĩ ñarojore. Muju ĩ rocasāroto rĳoro ejacaju yua, tojare. To bajiri ĩ rāca bajiña, tojane cānicoacaju yua yuja.

⁴⁰ Juan vāme cutigu, masare oco rāca bautizarimasu ĩ gotisere ajicōari, yu rāca Jesúre ĩre suyacacu ñacami Andrés. Simón Pedro vāme cutigu bedi ñacami. ⁴¹ Jesúre ĩre ĩamasicōari, guaro ĩ gagu Simónre ĩre jigū vacoacami. ĩre bujacōari ado bajiro ĩre gotiyuju:

—“Rotimūorūgōrucumi” yigu, Dios ĩ cōagū, Cristo mani yitūoĭayunārūgūgūre ĩamu yu yuja —ĩre yiyuju Andrés.

⁴² To bajiro ĩre yi, yua cutojna ĩre jicoayumi Andrés. Simónre ĩre ĩacōari, ado bajiro ĩre yicami Jesús:

—Simón ñaja mu, Jonás macu. To bajiboarine Pedro vāme cutirucija mu yuja —Simónre ĩre yicami Jesús. (Gāta yire ũni ñaja ti, “Pedro” yire.)

⁴³ Gajerāmũ Galilea vāme cūti sitajũare yũare ũmato vacami Jesús. To bajiri tojũre ejacōari, Felipe vāme cūtigũre ĩre bũjacami yuja. ĩre bũjacōari, ado bajiro ĩre yicami Jesús:

—Yũ rāca vayá. Yũre ajitirũnũ sũyaya mũ —ĩre yicami.

⁴⁴ Betsaida vāme cūti macagũ ñacami Felipe. Ti macanane ñacama Pedro, ĩ bedi Andrés quēne. ⁴⁵ Jesũre ĩamasicōari, Natanael vāme cūtigũre ĩre gotigũ vacoacami Felipe. ĩre bũjacōari, ado bajiro ĩre gotiyuju ĩ:

—“Bajirũcũmi” Moisés ñamasir'i ĩ yũcamasir'ire ĩamũ yũ yuja. Diore ĩre gotirēto bosarimasa quēne, “To bajirũcũmi” ĩna yũcamasir'ire ĩamũ yũ yuja. ĩ ñaami Nazaret vāme cūti macagũ, Jesús vāme cūtigũ, José vāme cūtigũ macũ —Natanaelre ĩre yigotiyuju ĩ.

⁴⁶ To bajiro ĩ yirone,

—¿ĩma Nazaret vāme cūti macagũ ñaboarine, quēnagũ ñaguĩda? — Felipere ĩre yisēniĩañuju Natanael.

—Vayá. ĩre ĩaĩtoque mani —ĩre yiyuju Felipejũama.

To bajise gāmerã yicōari, yũa tũjũ vadicoayuma ĩna yuja.

⁴⁷ Natanael ĩ vadore ĩacōari ado bajiro yicami Jesús:

—Ō tũsagũ, Israel ñamasir'i jānami Dios ĩ bojasere yigũ vadiami. Masare yitogũ me ñaami —yicami Jesús.

⁴⁸ To bajiro ĩ yirone,

—¿No bajiro yicōari yũre ĩamasiati mũ? —ĩre yicami Natanael.

To bajiro ĩ yirone,

—Felipe mũre ĩ jiroto rĩjorojũne higuera vāme cūtiũ ěñeroca mũ ñarojũne jēre mũre ĩacōamũ yũ —ĩre yicami Jesús.

⁴⁹ To bajiro ĩ yisere ajicōari:

—Gotimasiomasũ, Dios macũ ñaja mũ, yũare Israel ñamasir'i jānerabatiare rotimũorũgōrocũ —ĩre yicami Natanael.

⁵⁰ To bajiro ĩ yisere ajicōari ado bajiro ĩre yicũdicami Jesús:

—“¿Higuera vāme cūtiũ ěñeroca mũ ñarojũne jēre mũre ĩacōamũ yũ” mũre yũ yiserene ajicōari, “‘Rotimũorũgōrũcũmi’ yigũ, Dios ĩ cōar'i ñaami”, yũre yimasiati mũ? Adi rētoro ĩaĩañamanire mũre yĩĩorũcũja yũ —ĩre yicami Jesús.

⁵¹ Gajeye quēna ado bajiro yũare yicami Jesús:

—Ñamasusere riojo mũare gotiaja yũ: Ĕmũagasero soje ti jānarone, yũ, Dios ĩ roticōacacũre, to yicōari, Diore moabosarãre ĩna mũjatore, ĩna rujiadore quēne ĩarũarãja mũa —yũare yicami Jesús.

2

Caná vāme cūti maca ĩna āmosiare queti

¹ Jũarāmũ bero, Galilea sita Caná vāme cūti macajũre sīgũ ĩ manajo cūtirũmũ bošerũmũ ñasũocajũ ti. Jesús jaco quēne ñacamo so, tojũre. ² Jesũre, to yicōari, yũa ĩ buerãre quēne, yũare jicama ĩna. To bajiro ĩna yicana ñari, yũa quēne Jesũrãca ñacajũ tojũre. ³ Yũa idiĩnaro rĩne yũe oco jedicoacajũ. To ti bajirone, ado bajiro Jesũre yicamo ĩ jaco:

—Yũe oco jedicoajũ yuja —ĩre yicamo.

⁴ To so yirone,

—¿Caco, no yigo tire yũre gotiati mũ? Maji, ĩaĩañamani Dios ĩ masise rāca yũ yĩĩoroti ejabeaja maji —sore yicami Jesús.

⁵ To bajiro ĩ yisere ajicōari ado bajiro ĩnare yicamo so, uye oco iorimasare:

—Ī rotirore bajiro yiya —ĩnare yicamo so.

⁶ Tore ñacaju oco varia sotari, gātane ĩna vearia sotari. Cojomo cōro, coja jēnituario ñari sotari ñacaju ti. “Ado bajiro mani yijare, ‘Rojose mana ñaja mua’ manire yiĩaami Dios” yirã ĩna coeri sotari, oco sotari ñacaju ti. Ti sotari cincuenta, to yicōari, setenta litros cōro juari sotari ñacaju. ⁷ To bajiri ado bajiro uye oco iorimasare ĩnare yicami Jesús:

—Oco jiojãmũoña adi sotarire —ĩnare yicami.

To bajiro ĩ yisere ajicōari, ti sotari ñaro cōrone jiojãmũocama ĩna. ⁸ ĩna jiojãmũogajanoro ĩacōari, ado bajiro ĩnare yicami Jesús:

—Boserũmu ũmato yirimasare mojoroaca vaãmi vati, ĩre ioaya —ĩnare yicami Jesús.

ĩnare ĩ yirotirore bajirone iocama ĩna. ⁹ Tire ĩ idiroto rĭjorojũne oco jēre uye oco godovedicoasuja ti, ti sotu ñaro cōrone. “Toaye uye oco ñaroja”, yimasibeticami. Tire iorimasa rĩne masicama ĩna. Tire idicōari, mame manajo cutirocure jicami boserũmu ũmato yirimasu. ¹⁰ ĩ ejarone, ado bajiro ĩre yicami:

—Gãjerãma, ĩna boserũmu yisũo vajama, quēnasejũare iosũocama. Jairo masa ĩna idiro beroju, quēnabetibũsare iocama ĩna yuja. Mũma quēnasejũare ruayuja mu, yucũaca ĩna ioserema —ĩre yicami boserũmu ũmato yirimasu.

¹¹ To bajiro Jesús ĩ yicati, ĩaĩañamanire Dios ĩ masise rãca ĩ yiĩosũocati ñacaju ti Galilea sita, Canã vãme cuti macajure. ĩaĩañamanire ĩ yiĩojama, “ ‘Rotimũorũgōrũcũmi’ yigu, Dios ĩ cōacacu ñaja yu” yigu yiĩosũocami. To bajiro ĩ yiĩosere ĩacōari, butobusa ĩre ajitirũnũcaju yua, ĩ buerã.

¹² Boserũmu ti jediro bero, Capernaum vãme cuti macaju ũmato vacami Jesús. ĩ jaco, ĩ bederã, to yicōari yua ĩ buerã quēne, ĩ rãca vacaju yua. Yoarobusa ñacaju yua, ti macajure.

Diore yirũcũbuoriaviju ñacōari, gajeyeũni ĩsiriavire bajiro ĩna yiĩajare, Jesús ĩnare ĩ tud'ĩãgōbure queti

(Mt 21.12-13; Mr 11.15-18; Lc 19.45-46)

¹³ Yua jud'io masa Pascua boserũmu yua yirotirũmuri cōñaro Jerusalenju ejacaju yua, Jesurãca. ¹⁴ Toju Diore yirũcũbuoriaviju ta vecua ĩsirimasa, oveja ĩsirimasa, buja ĩsirimasa quēne ñacama. Gãjerã ye rãca gãjoa vasoarimasa quēne ĩna rujiri cũmuroriju rujicama ĩna. ¹⁵ To bajiro ĩna yiĩasere ĩacōari bajeriamare quēnocami Jesús. To bajiro yicōari ĩna yarã ta vecuare, ovejare Diore yirũcũbuoriaviju ñarãre ĩnare bajeãgōbucami. Gãjoa vasoarimasa ye gãjoatiirire varebatereacōacami. To yicōari ĩna gãjoa jeoriãurire tucaguereacami. ¹⁶ To yicōari, buja ĩsirimasare ado bajiro yicami yuja:

—ãnoa mua ĩsironare juabudi vasa mua. Yu jacu ya vire gajeyeũni ĩsiriavi godoveobesa mua —ĩnare yicami Jesús.

¹⁷ To bajiro ĩ yisere ajicōari, Dios oca masa ĩna ucamasirere ado bajiro tũoĩabũjajacaju yua, ĩ buerã: “Mu ya vire quēnaro ĩna yirũcũbuobetijare, ĩnare ĩajũnisinirũcũja yu. To bajiro yu yise ñajare yure sũarocarũarãma ĩna”, yirere tũoĩabũjajacaju yua.

¹⁸ To ĩ yirone, to ñacana jud'io masa Jesure ĩre sēniñacama:

—“Dios ĩ masise rāca yigũ yaja yũ” mũ yijama, ¿no bajiro yũare yĩoghada mũ? —Īre yisēniĩacama ĩna, Jesũre.

¹⁹ To bajiro ĩna yisere ajicōari ado bajiro ĩnare yicudicami Jesũs:

—Adi vi Diore yirũcũbũoriavire mũa caguerocacōajama, idiarũmũ tũsatirũmũne quēna ti vire bũajeocōarũcũja yũ —Īnare yicami.

²⁰ To bajiro ĩ yisere ajicōari,

—Cuarenta y seis ñaricũmari josayujarã ĩna, adi vire bũañarã. ¿Mũma, “Idiarũmũ berone quēna bũajeocōarũcũja”, yiboati mũ? —Jesũre ĩre yicama ĩna.

²¹ Jesũs to bajiro Diore yirũcũbũoriavire ĩ yijama, ĩ masu rujũrene yigũ yicōañumi. ²² Ī bajirocaro bero gãme ĩ tudicatiato, “To bajiro bajirũaroja” ĩ yigoticatire tũoĩabũjacũja yũ, ĩ buecana. Tire tũoĩabũjacōari, Dios ocare masa ĩna ucamasirere, Jesũs ĩ goticatire quēne ajitirũnũcũja yũ.

“Masa jediro ĩna tũoĩasere ĩamasigũ ñaami Jesũs”, yire queti

²³ Jerusalēnjũ Pascua boserũmũ ĩna yĩñaro, quēna gajeye ĩañañamanire masare yĩocami Jesũs. To bajiro ĩ yĩojare, “ ‘Rotimũorũgōrũcũmi’ yigũ, Dios ĩ cōar’i mani cũ ñaami”, ĩre yiajiritirũnũcama jãjarã masa. ²⁴⁻²⁵ Jesũjũama to bajiro ĩna yiajiritirũnũsere ĩamasicōari, “Socarã mene yama”, yibeticōacami, masa jediro ĩna tũoĩasere ĩamasigũ ñari.

3

Jesũs, Nicodemo rāca ĩ ñagōre queti

¹ Sīgũ fariseo masũ, Nicodemo vãme cutigũ ñacami. Jud’io masa vatoajure ñamasugũ ñacami ĩ. ² Ñamijũ Jesũre ĩre ĩagũ ejayuju. ĩ tũjare ejacōari, ado bajiro Jesũre ĩre yiyuju:

—Gotimasiiorimasũ, “Mũre cũñumi Dios, ‘Masare gotimasioato’ yigũ”, mũre yimasiaja yũ. Sīgũ mũ yirore bajirone yĩoñamanire yigũre ĩabeticũja. To bajiri, “Diorãca ñacōari, yami”, yimasiaja yũ —Jesũre ĩre yiyuju.

³ To bajiro ĩ yisere ajicōari, ado bajiro Nicodemore gotiyuju Jesũs:

—Riojo mũre gotiaja yũ. No bojarã, quēna gãme ruyuamenama, Dios ĩ ñarojũre ejamasimenama —Nicodemore yiyuju Jesũs.

⁴ To bajiro ĩ yijare, ado bajiro Jesũre sēniĩañuju Nicodemo:

—¿No bajiro bũcũ ñacoaboarine, quēna gãme tudiruyuoare ñarojari? ¿Quēna ĩ jacore sãjacoacũjarique ĩ, quēna gãme tudiruyuarũ? —Jesũre ĩre yiyuju Nicodemo.

⁵⁻⁶ To bajiro ĩ yisere ajicōari, ado bajiro ĩre cadiyuju Jesũs:

—“Quēna gãme ruyuaroti ñaja” yũ yijama, masa sũorine gãme ruyuarotire yigũ me yaja. “Quēna gãme ruyuaroti ñaja” yũ yijama, “ ‘Dios ĩ cōagũ, Esp’iritu Santo ĩ ejarēmose rāca Diorãca quēnaro ñacōari, ĩ bojarore bajiro yirã ñato’ yigũ, ĩ yirotire sēniroti ñaja”, yigũjũ yaja. “Dios ĩ bojabeti yirũabeaja yũ. ĩ sũorine ĩ rāca quēnaro ñaja yũ” yirã, oco rāca bautizarotiriarã, to yicōari, Esp’iritu Santo ĩ ejarēmose rāca Diorãca quēnaro ñarã, ĩna rĩne ñarãma Dios ĩ ñarojũre ejacōari, ĩ rāca ñamũorũgōrona. ⁷ “Dios ĩ cōagũ, Esp’iritu Santo ĩ ejarēmose rāca Diorãca quēnaro ñarã, ĩna rĩne Dios ĩ ñarojũre ejacōari, ĩ rāca ñamũorũgōrũarãma” mũre yũ yisere, ajiyamanire bajiro ajimavisiabesa mũ. ⁸ Mino no ti bojarone vēatucōaroja ti. Mino ti vēatujama, ajaia mani. To bajiboarine, “Toaye vadoja. Tojũare vatoja”, yimasibeaja mani. Tire bajirone bajigũ ñaami

Dios ĩ cōagũ, Esp'iritu Santo. “Esp'iritu Santo ĩ ejarēnose rāca quēnaro ñacōari, ĩ bojarore bajiro yigu ñato” yigu, gājire ĩ yivotire masibeama masa —Nicodemore yiyuju Jesús.

⁹ To bajiro ĩ yirone, quēna gāme sēñiaquēnoñuju Nicodemo:

—¿No bajiro bajiroada ti? —Jesúre ĩre yisēñia quēnoñuju ĩ.

¹⁰ Ado bajiro ĩre cadiyuju Jesús:

—¿Israelita masare ĩnare gotimasiogũ ñaboarine, adi quetirema masibeati mu? ¹¹ Riojo mure gotiaja yu. Mani ĩase, Dios ĩ yiserene, mure gotirũgũaja yu. To bajiboarine yu gotirũgũsere ajicōari, “To bajiro me bajiaja”, yicōarũgũaja mu. ¹² Adi macarucuroayere yu gotisere ajitegu ñari, Dios ĩ bajisere ĩabujayamanire yu gotiaquēne, ajiterucuja mu —ĩre yiyuju Jesús.

¹³ Gajeye quēna ado bajiro ĩre gotiyuju Jesús:

—Sĩgũ, Dios ĩ ñarøjare mujar'i maami. Yu sĩgũne ñaja yu, Dios ĩ ñarøjare rujiadicōari, tudi gāme mujarocuma. Dios ĩ roticōacacu ñaja yu Diorācagu.

¹⁴ Tirāmuju Moisés ñamasir'i, yucú manojũ ñacudigu yucú joeju añare bajigu ñagũre cōmene quēnor'ire ĩre jeomasiñuju, “Aña cūnicoriarã ĩre ĩamuoato ĩna” yigu. To bajiro ĩ yir'ire ña cūnicoriarã, ĩre ĩamuoarãju, catiocamasiñujarã ĩna quēna. To bajiro bajiruroja yure quēne, Dios ĩ roticōacacure quēne. Yucútēroju yure jajutucōari, vãmurogõrguarãma ĩna, yu bajirocarotire yirã. ¹⁵ To bajise bajirocu ñari, no bojarã, “Jesu-cristo ĩ bajirocare suorine yure ĩavariquēnacōari quēnaro yirucumi Dios” yituoĩarãre ĩna rijato beroju “Tudirijabeticōato” yigu, yu catisere ĩnare ĩsirucuja yu —Nicodemore ĩre yiyuju Jesús.

Ñajediro masare maigũ ñari, ĩ macure Dios ĩ cōare queti

¹⁶ —Ñajediro masare maimasucōagũ ñari, ĩ macu sĩgũne ñagũre ĩre cōañumi Dios, “Masare rijabosato” yigu. To bajiro ĩ yire ñajare, “Jesu-cristo ĩ bajirocare suorine yure ĩavariquēnacōari, quēnaro yirucumi Dios” yituoĩarãma, ĩna rijato beroju “Tudirijabeticōato” yigu, Dios ĩ catisere ĩ ĩsiriarã ñarãma. ¹⁷ Adi macarucuroanare, “Rojose ĩna yise vaja rojose ĩnare yato” yigu me, ĩ macure cōañumi Dios. Ado bajiroju yiyumi. “Mure ajitirũnũrona ĩna rijato beroju, rojose tãmũotujabetiriaroju ĩna vaborotire ĩnare yirētosarucuja mu” yigu, ĩ macure cōañumi Dios.

¹⁸ “Dios macu ñagũmi” Jesúre yituoĩagũre rojose tãmũotujabetiriaroju ĩre cōabetirucumi Dios. Dios macu sĩgũne ñagũre, “Dios macu me ñagũmi” ĩre yiguarema, to bajiro ĩre ĩ yise vaja rojose tãmũotujabetiriaroju ĩre cōarucumi Dios. ¹⁹ ĩ macure adi macarucuroju ĩnare rearucumi. ĩ macu suorine Diorãca quēnaro ñaama masa, ĩre masirã. Masajuama rojose yitujarũamena ñarã ñari, quēnasejuare tuoĩavasoarũamenama ĩna. To bajiri Dios macure ajitirũnũmenama. To bajiro yirã ĩna ñajare, ĩnare rearucumi Dios.

²⁰ Rojose yirã, Dios macure terãma ĩna. “Masa rĩjoroju, ‘To bajise rojose yicaju mu’ yure yiro mi Jesús” yibojonerã ñari. ²¹ Dios ĩ bojasere quēnasejuare yirãma, Dios macure ajitirũnũrãma ĩna. Yajiroju yirudibeama ĩnajuama, “ ‘Dios ĩnare ĩ yirēmojare, quēnasejuare yirũgũama’ yimasiatu ĩna” yirã.

Juan masare oco rāca bautizarimasu, Jesús ĩ ñasere ĩ tudigotire

²² Nicodemore Jesús ĩ gotiro bero, vacoacaju yu, Judea sitaju. Tojuare yoarobusa ñacaju yu. Toju masare oco rāca bautiza ñarũgũcaju yu.

²³ Juan, oco rāca bautizarimasu, Salim vāme cuti maca taju Enón vāme cuti macaju oco rāca masare bautizarūgūñuju ī quēne. Tojare riaga jairo ti oco catijare, ĩnare bautiza ñarūgūñuju ī. Jājarā masa ĩre bautizarotirā ejarūgūñujarā ĩna, tojare. ²⁴ Ado bajiro yifāmasifñuju Juan, tubiberiaviju ī tubibe ecoroto rījoro: ²⁵ Oco rāca masare Juan ī bautiza ñarone, gāji jud'io masu, Juan buerā tujare ejayuju ī. Ejacōari, “To bajiro me bajaia. Ado bajirojua mani yijare, ‘Rojose mana ñaja mua’ manire yifāgāmi Dios” yigu, ĩna rāca oca josayuju ī. ²⁶ ĩ rāca ĩna oca josariaro bero, Juan taju ejacōari, ado bajiro ĩre gotiyujarā ī buerā:

—Gotimasiorimasu, Jordán vāme cutirisa ijacatujaju mu ĩagoticacu, mu yirūgūrore bajirone masare oco rāca ĩnare bautizarūgūñuju ī. To bajiri jājarā masa mani tujare ejaborona, ī tujua rīne varūgūrāma ĩna, ĩre yigotiyujarā ĩna —Juanre, masare oco rāca bautizarimasare.

²⁷ To bajiro ĩna yisere ajicōari, ado bajiro ĩnare gotiyuju Juan:

—Ñie manane ñaborāma masa, Dios ī cōabetijama. Mani bajirūgūse quēne Dios ī bojasere bajirone bajirūgūaja ti. ²⁸ “Rotimorūgōrcami” yigu, Dios ī cōar'i me ñaja yu. “ Ī ejaroto rījoro, ĩre goti rījoro catiato’ yigu, Dios ī cōar'i ñaja yu”, jēre muare yigoticōacaju yu —ĩnare yiyuju Juan, ī buerimasare.

²⁹ To yicōari, “Āmosiagu babare bajiro bajaia yu” yigu, ado bajiro ī buerāre ĩnare gotimasioñuju Juan:

—Āmosiariarūmu so manaju ñarocu babare ajisuyaroco me ñagōmo. So manaju ñarocujare ajisuyaroco ñagōmo. So manajare so ajisuyasere ĩacōari, buto variquēnagūmi ī baba. Tire bajirone, “Masa jājarāre oco rāca bautizarūgūñuju ī quēne” mua yisere ajicōari, buto variquēnaja yu quēne. ³⁰ Yu rētoro ñamasugū ñaami ĩma. To bajiri, yare ĩna rācuboro rētoro ĩre ĩna rācubosere bojaja yu —ī buerāre yiyuju Juan.

“Gāji magāmi Jesure bajiro bajigu”, yire queti

³¹ Dios taju vadir'i ñaami jediro uju ñamasugū. Gāji ī cōro ñamasugū magāmi. Adi macarucurojare ruyuararā, adi macarucuroayere ĩarā ñari, tirene gotiaja mani. Dios taju vadir'ima ō vecayere, to yicōari, adi macarucuroayere quēne quēnaro masigū ñari, jediro uju ñamasugū ñaami. ³² ĩma, ī ĩarere, ī ajirere gotiami ī, Dios yere. To bajiboarine ī gotisere ajitirūnabeama masa. ³³ “Jesús ī yirore bajiro bajiroja” ĩre yiajiguma, to bajiro ī yiajise sōrine “Socagu me ñaami Dios” yigu ñagūmi. ³⁴ Esp'iritu Santore ĩre cōañumi ī macare adi macarucurojare ī cōar'ire, “Ī tuoīarore bajiro tuoīamasiato” yigu. To bajiro ī yir'i ñari, Dios ocarene goticami Jesús. ³⁵ Mani jacu Dios, ī macare maigū ñari, “Ñajedirore rotiya mu”, ĩre yicūñumi. ³⁶ No bojagu, Dios macare ajitirūnugūma, Dios ī catisere cōogu ñaami. To bajiboarine no bojagu Dios macare ajitirūnabecuma, Dios ī catisere cōobeami. To bajiro ī bajijare, rojose ī yisere ĩajūnisini tujabecune, rojose ī yise vaja, rojose ĩre yirucami Dios, rojose tāmnotujabetiriaroju ĩre rocagu.

4

Jesús, Samaria sitago oco vago ejagore “Yure ioya”, ĩyire queti

¹ To bajiri, “Juan rētoḃusaro masare oco rāca bautizarūgūñuju Jesújua. To bajiri Juan buerimasa rētoḃusaro ñañujarā Jesús ī buerimasajua” yire quetire ajiyujarā fariseo masa. ² (Quēnaro masuma, masare oco rāca

bautizabetirũgũcami Jesús. Yũajũa, ã buerimasajũa masare oco rãca ãnare bautizarũgũcaju.) ³ To bajiri, “Jesús masare oco rãca bautizagu yigumi” fariseo masa ãna yitũoĩasere masicõari, Judea sitare ñacana vacoacaju yũa Jesurãca, Galilea sitaju tudiana yuja.

⁴ To vana, Samaria sitare rẽtoaroti ñacaju yũare. ⁵ To bajiri tojũre ejacoacaju yũa, Sicar vãme cuti macajũre. Ti macama Jacob ñamasir'i, ã macu Josere ã ãsimasire sita taju ñacaju ti. ⁶ Tojũre ñacaju oco goje, Jacob ñamasir'i ya goje. Bogagu ñari, ti goje tũre ejarũju ejacami Jesús. Æmũrecaji cõro muiju tũsacami. ⁷⁻⁸ Yũa ã buerãjuama gaje macaju bare vaja yirã vacoacaju yũa. Tojũre Jesús ã rujirone, sũgõ Samaria sitago oco vago ejayumo so. So oco vago ejaro ãacõari, sore oco sãnĩũju Jesús:

—Oco yũre ioya —sore yiyuju ã.

⁹ Sore ã oco sãnirone, ado bajiro ãre yiyuju so, Samaria sitago:

—¿No yigu jud'io masu ñaboarine, Samaritana yũ ñaboajaquẽne, yũre oco sãnĩati mu? —Jesũre yiyuju so. Samaritano masa, jud'io masa rãca gãmerã terã ñacoayuja yũa. To bajiri, to bajiro Jesũre ãre yiyuju so.

¹⁰ To bajiro so yisere ajicõari:

—Dios ã ãsirotire mu masijama, “ã ñaami yũre oco sãnigũ” mu yimasijama, yũjũare oco sãnibogoya mu. Yũre mu oco sãnijama, oco catireayere mũre ioboguja yũ —sore yiyuju Jesús.

¹¹ To bajiro ã yijare,

—Ñiene oco vabecuja mu. Æmũarigoje ñaja adi goje. ¿Nojũayere yũre catorotirema yũre oco iogũada mu? ¹² Mani ñicu Jacob ñamasir'i adi gojere cũmasiũnumi ã. ã quẽne idimasiũnu, adi goje ocore. ã rãa quẽne idiyujarã. ã yarã vaibũcũrã ecariarã quẽne idiyujarã. Mũma, ¿“ã rẽtoro ñamasugũ ñaja yũ” yigu yatique mu? —Jesũre ãre yiyuju so.

¹³ To bajiro so yijare, ado bajiro sore cãdiyuju Jesús:

—No bojarã adi goje ocore idiboariarã, quẽna gãme oco idirũacõarũarãma. ¹⁴ No bojarã oco catireayere masare yũ iorãma, quẽna gãme oco idirũabetirũarãma. ãnare yũ oco iose sũorine Diorãca quẽnaro ñacõa ñarũgũrũarãma —sore yigotiyuju Jesús.

¹⁵ To bajiro ã yisere ajicõari:

—Tijũare idirũaja yũ quẽne, “Quẽna adi gojeayere tudi oco vacõari, idirobe yũ” yigo —Jesũre ãre yiyuju so.

¹⁶ To bajiro so yirone,

—Vasa. Mu manajũre ãre jiaya. ãre ji, vaba quẽna adoju —sore yiyuju Jesús.

¹⁷ To bajiro ã yijare,

—Manaju magõ ñaja yũ —yicãdiyuju so.

To so yisere ajicõari, ado bajiro sore yiyuju Jesús:

—“Manaju magõ ñaja yũ” mu yiserema soco me yaja mu.

¹⁸ Cojomocãrãcũju manajũa cutirio ñaja mu. Quẽna yucu mu rãca ñagũ quẽne, mu manaju masu me ñaami. To bajiri, “Manaju magõ ñaja yũ” mu yiserema soco me yaja mu —sore yiyuju Jesús.

¹⁹ To bajise sore ã yisere ajicõari, ado bajiro ãre yiyuju so:

—Diore gotirẽtobosagu ñaja mu, mũre yimasijaja yũ —yiyuju so, so bajisere ã gotise ñajare. ²⁰ —Mani ñicũa, adi burõju ejacõari, vaibũcũre soemũomasĩũjarã, Diore ãre yirũcũbũorã. To bajiboarine mũama, jud'io

masama, “Jerusalénja rîne yirügüroti ñaja”, yirügüaja mua —Jesúre yiyuju so.

²¹ To bajiro so yijare, ado bajiro sore yiyuju Jesús:

—Mure yu gotisere ajitirñuña mu: Cojorũma adi bureore quẽne, to yicõari Jerusalénjare quẽne Diore, mani jacure, ñe yirũcũborã vabedirũarãma masa. ²² Mũama, Diore quẽnaro mua masibecũrene rũcũboaja mua. Yũajũama, mua rẽtoro ñe masiaja yua. Yua, jud'io masa sũorine masa rojose ña tãmuoborotire ñare yirẽtobosarũcumi Dios. ²³ “Cojorũma Diore ñe yirũcũborã vabedirũarãma” mure yu yigotiserema yoato mene bajiro tirene mure gotiaja yu. Masa, Diore rũcũborã masuma, Esp'iritu Santo ñ bojarore bajiro tuoĩacõari, ñe rũcũboama ña. To bajiro ñe yirũcũbosere bojaami mani jacu. ²⁴ Ñabũjayamagũ ñaami Dios. To bajiri, masa ñe ña rũcũboomasucõarũajama, socarã mene Esp'iritu Santo ñ bojarore bajiro tuoĩacõari, ñe rũcũborãma —sore yiyuju Jesús.

²⁵ To bajiro ñ yisere ajicõari ado bajiro yiyuju so:

—“Diore gotirẽtobosagu ejarũcumi, Cristo ña vãme yigu”, yimasiaja yu. Ejarõari, yũare quẽnaro gotiquẽnoeorũcumi —Jesúre yiyuju so.

²⁶ To bajiro so yirone,

—Ñe ñaja yu, mure ñagõgũma —sore yicami Jesús.

²⁷ To bajiro sore ñ yĩnarone, tudiejacaju yua, ñ buerã. To rõmio rãca ñ ñagõñajare, no yimasibeticaju yua, tiũnire ñabedirũgũriarã ñari. To bajiboarone, “¿Ñie ñnire bojati mu? ¿No yigu so rãca gãmerã ñagõri mua?”, ñe yisẽniãabeticaju yua. ²⁸ Yua tudiejarone oco varia sotare ñmibecone, so ñariaroju vacoacamo so. So ñariaroju tudiejacõari, ado bajiro masare ñare yigoticudiyuju so:

²⁹ —Jediro yu yiadirere, “Ado bajiro yicaju mu” yũare yigotigũre ñarã vayã mua quẽne. ¿Diore gotirẽtobosagu, Cristo me ñagũ yiguida ñ? —Ñare yiyuju so.

³⁰ To bajiro so yirere ajicõari, Jesúre ñarã, yua tũjare vayuma ña. ³¹ Ña ejaroto rĩjoro ado bajiro Jesúre yiboacaju yua:

—Gotimasiorimasu, baya —ñe yiboacaju yua.

³² To bajiro ñe yua yiboajaquẽne, ado bajiro yũare sucõicami Jesús:

—Jẽre yũrema yu bare ñacõaja mua masibeti —yũare yicõacami.

³³ To bajiro ñ yirone,

—¿Sĩgũ ñe bare cũgũ ejarida ñ? —yua masune gãmerã yisẽniãacaju yua.

³⁴ To bajiro yua gãmerã yĩñagõsere ajimasicõari, ado bajiro yũare yicami Jesús:

—Yũre cõacacu ñ bojasere yu yijama, ti moarere yu yigajanojama, tine ñaja yu barere bajiro bajise. Masama bare bavariquẽnarũgũama. Yũma yũre cõacacu ñ bojasere bajiro yicõari, variquẽnarũgũaja yu. ³⁵ “Babari mũijua rũyaja maji, ote ti bũcũaroti, tire mani juarẽoroti”, tocãrãca cũmari yirũgũaja mua. Dios ocare masare gotimasiorõtiju ejabaja maji”, yitũoĩabesa. “Masare Dios ocare mani gotimasiorõtiju ejabaja maji”, yitũoĩabesa mua. Yũma ado bajiro yaja: Jẽre ote bũcũacoaju yu. Yũcũacane tire juaroti ñaja. Ñãsaque. Jãjarã masa yũre ajitirũnũrona vadiama ña. Ado cõrone ñare mua gotimasiojama, quẽnamasucõaja, mũare yaja yu. ³⁶⁻³⁷ Socaro me bajiaja bũcũrã ña gotimasire: “Sĩgũ ñagũmi otegu. Gãji ñagũmi ti rica cutiro boca juarẽogũ”, yiyujarã bũcũrã. To bajiro masune bajiaja ti, yu ocare gotimasiorãre quẽne. Tũoĩasaque mua: Sĩgũri ñaama yu ocare masare gotimasiosorã. Oterimasare bajiro

bajirã ñaama. Ìna bero ñnare gotimasiorã, ti rica cutiro boca juarëorãre bajiro bajirã ñaama gãjerã. Ìnajua ñna gotimasiorone, ñnare ajitirũnũama masa yuja. To bajiri goti rĩjoro cutiriarã ñna, bero gotimasiorã ñna, bajiamã ñna. No bojagũ otericare juarëogũ, vaja bujagũ yigũmi. To bajirone bajirãma yũ ocare masare gotimasiorã quëne, variquënarere bujarã. Ìna gotimasiose ti ñajare, yare ajitirũnũama masa. To bajiri yare ajitirũnarã ñnari, Diorãca quënarõ ñnarũgũruarãma, ñna rijato berojũ quëne. To bajiro ñna bajisere ñacõari, ñnare gotimasiosũoboariarã, bero ñnare gotimasiorã rãca buto variquënaruarãma ñna. ³⁸ Tirũmũju quëne mũare cõacajũ yũ, mũa gotimasiose sũorine masa ñna ajitirũnũrotire yigũ. Yũ ocare ñnare gotimasiosũoriarã me ñaja mũa, bajirãjũma. To bajiri, gãjerã ñna gotimasioboariarã ñnaama, mũajũa mũa gotimasiorone, yare ajitirũnũrona — yũare yigoticami Jesús, ñ buerimasare.

³⁹ To bajiro ñnare ñ yiro bero, “Jediro yũ yiadirere, ‘Ado bajiro yicajũ mu’ yũare yigotimi ñ” rõmio so yigotisere ajicõari, jãjarã ti macariana Samaria sitana, ado bajiro Jesũre tũoĩacama ñna: “Diore gotirëtobosagũ, Cristo ñnaami”, Jesũre yitũoĩacama ñna. ⁴⁰ To bajiro yitũoĩarã ñnari, Jesús tũ vadieja, ñre ñavariquënacõari, yũare tujaroticama ñna. To bajiri, ñna rãca juarũmu ñnacajũ yũa. ⁴¹ Ìna rãca ñnacõari, Jesús ñ masune ñnare ñ gotimasiosere ajicõari, “Diore gotirëtobosagũ, Cristo ñnaami”, yitũoĩacama jãjarãbusa. ⁴² Jesũre ñre ajitirũnũcõari, ado bajiro sore yicama ñna, rõmiore:

—Jëre, ñre ajitirũnũaja yũa, mũa gotise rĩne me. Yũcũne yũa masune ñre ajicõari, “To bajiro masu bajigũ ñnaami”, ñre yiajiritirũnũaja yũa yuja. “Ìne ñnaami adi macarũcũroana rojose mani tãmũoborotire manire yirëtobosarocũ”, yimasiaja yũa yuja —sore yicama ñna, ti macana.

Ñamasugũ macũre Jesús ñ catioire queti

⁴³ To yiro bero juarũmu bajiña, vacoacajũ yũa quëna, Jesũrãca, Galilea sitajũare vana. ⁴⁴ Ado bajiro yũare yigoticami Jesús, ñna gotimasirere gotigũ:

—“Diore gotirëtobosarimasare ñna ye sitana ñnare rãcũbuobeama” yise socaro mene yigotiaja ti —yũare yigoticami Jesús.

⁴⁵ Galilea sitajũre Jesús ñ ñnarirojũre ñ rãca yũa ejatone quënarõ yũare yicama toana. Ìna quëne Jerusalénju Pascua boserũmu ñnaro ñarã variarã tudiejariarã ñnacama ñna. To bajiri jediro Pascua ñnaro Jesús ñ yicature ñariarã ñnañuma ñna quëne.

⁴⁶ To bajiro bero Galilea sita Canã vãme cuti macajũ ejacajũ yũa quëna, Jesũrãca. To ñnacajũ, ocõrene yũe oco ñ godoveocato. Tojũre ñnacami sigũ masũ ujure rotibosagũ. Ì macũ, Capernaum vãme cuti macajũ buto rijañañuju ñ. ⁴⁷ To bajiri, Judea sitajũ ñnar ñ Galilea sitajũare Jesús ñ vadisere ajicõari, ñre ñagũ ejacami ujure rotibosagũ. Jesús tũjũre ejacõari ado bajiro ñre yicami:

—Yũ ya vijũ vayã. Yũ macũ bajirocacũ yimi. ñre catiogũ vayã —Jesũre, ñre yicami.

⁴⁸ To bajiro ñ yisere ajicõari, ado bajiro ñre yicami Jesús:

—Ñaiañamanire yũ yĩosere mũa ñabetijama, “Dios ñ masise rãca yigũ yami”, yũre yiajiritirũnũbetirũarãja mũa —ñre yicami Jesús.

⁴⁹ To bajiro ñ yiboajaquëne:

—Yũ rãca mũa vadibetijama, bajirocacoarũcũmi yũ macũ —Jesũre ñre yicami.

⁵⁰ To bajiro ĩ yijare yuja:

—Mũ ya vijũ tudiasa. Jĕre ĩre catiocōaja yũ —ĩre boca yicōacami Jesũjuama.

To bajise ĩre ĩ yisere ajicōari, Jesũre ĩre ajitirũnũcamĩ. To bajiri ĩ ya vijũ tudicoacami yuja. ⁵¹ ĩ ya vire ĩ cōñarũtuatone, ĩre moabosarimasa bocacōari, ado bajiro ĩre yigoti bocayujarã ĩna:

—Jĕre mũ macũ quĕnacocami yuja —ĩre yiyujarã ĩna.

⁵² To bajiro ĩna yĩrone,

—¿No cōro masune tudiquĕnasũori ĩ, yũ macũ? —ĩnare yisĕniĩañuju.

—Ñamica, ũmũrecaji ñaro masune ĩre tũjamasimũ ti —ĩre yiyujarã ĩna, ĩna ũjũre.

⁵³ To bajiro ĩre ĩna yibocarone, “To cōro muiju ĩ tũsatone, Jĕre mũ macũre catiocōaja yũ’ yũre yimasimi Jesũs”, yitũoĩamasiñuju ĩ. To bajiri ĩ quĕne, ĩ yarã quĕne, “ ‘Rotimũorũgōrũcamĩ’ Dios ĩ yicōagũ, manire ejarĕmorocũ ñaami”, Jesũre ĩre yiajtitirũnũñujarã ĩna.

⁵⁴ Ti ñacajũ quĕna gaje ĩaĩañamani Jesũs ĩ yĩobabocati, Judea sitare ñacōari, Galilea sitajũ tudiejacōari, ĩ yĩocati.

5

Micagũre Betzata utara tũju ñagũre Jesũs ĩ catiore queti

¹ To ĩ yiro bero, jud'io masa ĩna bajimasirere tũoĩacōari, boserũmũ ti ejaare, Jerusalĕnjũ yũare ũmato vacami Jesũs. ² Ti macana ĩna vajanare, “Sãjaroma ĩna” yirã, ĩna matagãniriacũni soje, Oveja vãme cuti soje ñacajũ ti. Ti soje tũre ñacajũ masa ĩna guarita. Hebreo ocama Betzata vãme cuticajũ tira. Tira tũre cojomocãrãca viriaca sitane ĩna veariaviriaca ñacajũ, rijaye cutirã ĩna cũñariviriaca. ³ Tojũre jãjarã ñacama rijaye cutirã. Caje ĩamena, rujasagueri vana, micarã quĕne, to cũñacama. Tira oco ti saberotire yurã, bajicũñacama ĩna. ⁴ Dios tũagu, ángel, tocãrãcaji tirajũre ĩ ejarone, tira oco saberũgũñuju ti. To ti bajirone, no bojagũ rijaye cutigũ, varocarocasũogũ rĩne guaro catirũgũñuju ĩ. ⁵ Tojũ rijaye cutirã vatoajũ ñacami sũgũ treinta y ocho cãmari rijañar'i. ⁶ ĩ cũñaro ĩacōari, yoaro ĩ cũñarũgũrere ĩamasicōari, ado bajiro ĩre sĕniĩacami Jesũs:

—¿Quĕna tudicati quĕnaejacoarũati mũ? —ĩre yicami Jesũs.

⁷ To bajiro ĩ yisere ajicōari, ado bajiro ĩre yicami:

—Sũgũjuama oco ti saberone yũre ãmiroñuagũ maami. Tocãrãcaji oco ti sabero, gãjerãjuũ rĩne yũ rĩjoro ñũñaveocōarũgũama ĩna —ĩre yicami, Jesũre.

⁸ To bajiro ĩ yirone,

—Vũmũrũgũña. Mũ cũñaritore ãmiña. To yicōari, vasa —ĩre yicami Jesũs.

⁹ To ĩ yirĩrĩmarone, quĕnaro catiquĕnagũ ñacoacami ĩ yuja. ĩ cũñaritore ãmi, vasũocami yuja. Tirũmũ ñacajũ jud'io masa yũa usũsãjariarũmũ. ¹⁰ To bajiri ĩ cũñaritore ĩ gaja vato ĩacōari, ado bajiro ĩre yicama jud'io masa ũjarã:

—Yucũma usũsãjariarũmũ ñaja. To bajiri mũ cũñaritore gajabesa mũ. To bajiro mũ yijama, moare ñaja ti —ĩre yicama sũgũri, Jesũs ĩ catiocacũre.

¹¹ To bajiro ĩna yiro, ado bajiro ĩnare cudicami Jesũs ĩ catiocacũ:

—Yũre catiogũ, “Mũ cũñaritore ãmiasa”, yũre yimi —ĩnare yicami.

¹² To bajiro ĩ yisere ajicōari, ado bajiro ĩre sĕniĩacama ĩna:

—¿Ñimũ ñari, “Mũ cũñaritore ãmiasa” mũre yigũma? —ĩre yisĕniĩacama ĩna.

13 To bajiro ĩre ĩna yisēniĭaboajaquēne, tojũre jãjarã masa vatoaju Jesũs ĩ vayayicoajare, “Ī ñaami”, ĩnare yigotimasibeticami. 14 Tiju bero, Diore yirũcũbuoriaviju yũ ñaro, rijarũmari cutir'ire ĩre ĩabũjacami Jesũs quēna. ĩre ĩabũjacõari, ado bajiro ĩre yicami Jesũs:

—Ajiya. Quēnaro quēna tudicaticoaju mũ. Quēna gãme rojose yibesa, “Bũtobũsa rojose tãmuorobe” yigu —ĩre yicami Jesũs.

15 To bajiro ĩ yiro bero micase rijaye cutiboacacũ, ĩre sēniĭaboariarã tãju ejacõari, “Jesũne ñaami, yũre catiogũ”, ĩnare yigotiyumi ĩ. 16 To bajiri usũsãjariarũmure micaboacacure Jesũs ĩre ĩ catiocatore bajiro gãjerãre to bajirone ĩ yirũgũjare, josari ĩ tãmuorotire yirã, ĩre rojose yisũyacama ĩna, jud'io masa ujarã. 17 “Usũsãjariarũmũ ti ñaboajaquēne, masare ĩ catiose vaja, rojose tãmuoato ĩ” yirã ĩna ñaboajaquēne, ado bajiro ĩnare yicami Jesũjuama:

—Masa rijaye cutirãre catiotũjabeccũ ñaami Dios, yũ jacũ. To bajiri ĩnare catiotũjabeaja yũ quēne —ĩnare yicami Jesũs.

18 “Usũsãjariarũmure Dios ĩ moarotibetiboajaquēne, moami Jesũs”, ĩre yijũnisinica jud'io masa ujarã, ĩre sũaruarã. To yicõari, “Dios ñaami yũ jacũ” ĩ yisere ajicõari, “Diore bajiro ñamasugũ ñaja yũ' yigu yami”, yicama ĩna. To bajiro yirã ñari, bũtobũsa jũnisinirã ñari, ĩre sũaru tũoĩacama ĩna.

“Dios macũ ñari, ĩ rotirore bajiro yimasiaja yũ”, Jesũs ĩ yire

19 To bajise ĩna yitũoĩasere ĩamasicõari ado bajiro ĩnare yicami Jesũs:

—Ñamasusere riojo mũare gotiaja yũ: Dios macũ ñari, yũ bojase yibeaja yũ. Yũ jacũ ĩ yisere ĩacõari, ĩ yirore bajirone yaja yũ. Jediro yũ jacũ ĩ yirore bajirone yũ quēne ĩ macũ quēne, to bajirone yaja. 20 Yũ jacũ yũre maiami. Yũre maigũ ñari, jediro ĩ yisere yũre ĩoami. Adirũmuriaye rētoro josasere yũre yĩiorũcumi. To bajiro ĩ yisere yũ yĩiosere ĩacõari, no yimasibetirũarãja mũa quēne, ti ũnire ĩabetirũgũriarã ñari. 21 Bajireariarãre catiorũgũami yũ jacũ. To bajiri yũ, ĩ macũ quēne, ĩ yirũgũrore bajirone yirũgũaja yũ, no yũ bojarãre. 22 Masa rojorãre beserocũ me ñaami yũ jacũ. “ĩnare beserocũ ñaja mũ”, yũre yicami. 23 To bajiro yũre yicami, ĩre quēnaro ĩna yirũcũbuorore bajirone yũre quēne “Yirũcũbuoato ĩna” yigu. Quēnaro yũre yirũcũbuobecũma, yũ jacũre, yũre cõacacure quēne yirũcũbuobecũ yigumi —jud'io masa ujarãre yicami Jesũs.

24 To bajiro ĩnare yigajanocõari, ado bajiro goticami Jesũs:

—Ñamasusere riojo mũare gotiaja yũ: No bojagũ yũ ocare ajicõari, yũre cõacacure ajitirũnũgũma, Dios ĩ catisere cũogũ ñaami. ĩ ũgũrema, rojose tãmuotũjabetiriaroju ĩre cõabetirũcumi Dios. 25 Ñamasusere riojo mũare gotiaja yũ: Adirũmuri bajiro tirene mũare yaja yũ: Yũre ajitirũnũmenama, bajireariarãre bajiro bajirãma, ĩna rijato beroju “Tudirijabeticõato” yigu, Dios ĩ catisere cũomena ñari. To bajiboarine Dios macũre yũre ajitirũnũruarãma sũgũri. ĩnajuare, “ĩna rijato beroju tudirijabeticõato” yigu, Dios ĩ catisere ĩnare ĩsirũcũja yũ. 26 Masare yũ jacũ ĩ catiorũgũrore bajiro yũre ĩ catioroticati ñajare, ĩ catisere ĩnare ĩsimasiaja yũ. 27 To yicõari, Dios macũ ñaboarine, masũre bajiro rujũ cuticõari, masa vatoaju ñar'i yũ ñajare, “Masare besemasirũcũja mũ”, yũre yicami yũ jacũ. 28 To bajiro yũ yisere ajiyamanire bajiro ajitũoĩabesa mũa. Bajireariarã jediro ĩnare yũ jiro, ĩna ajijedirotirũmũ ejarũaroja. 29 To cõrone yũ jisere ajicõari, yũ tãju eja-jedirũarãma ĩna, tudicatiaa yuja. Yũ tũ ejacõari, quēnaro yirũgũriarãma, Diorãca quēnaro ñacõa ñarũgũruarãma ĩna. Rojose yirũgũriarãrema rojose

tām̄uot̄ujabetiriaroju ĩnare cōar̄uc̄uja yu yuja —ĩnare yigoticami Jesús, jud'io masa ujarāre.

“Ado bajiro yure ĩna yire s̄hori, ‘Rotim̄or̄üḡōr̄uc̄umi” yigu, Dios ĩ cōar'i ñaami’ yure yimasiroti ñaja”, Jesús ĩ yire queti

³⁰ Quēna ado bajiro ĩnare goticami Jesús:

—Yu bojarore bajiro yigu me ñaja yu. Yure cōacacu ĩ bojarore bajiro yir̄na t̄uoĭagū ñari, masare rojose yir̄re, to yicōari quēnase yir̄re yu ĩabesejama, quēnaro riojo yaja yu. ³¹ “To bajiro yigu ñaja yu” yu masurione yu yijama, “Socu yami”, yure yiroti ñaboroja. ³² To bajiboarine, ñaami s̄igū, yure gotibosagu. Yure ĩ gotibosase, quēnaro riojo ñaja ti. ³³ Gāji quēne, “ĩne ñaami ‘Rotim̄or̄üḡōr̄uc̄umi’ yigu Dios ĩ cōar'i”, yure yigotibosayumi, Juan, masare oco rāca bautizarimasu. ĩ t̄ujure m̄ua ejar̄emorimasare s̄eniĭaroticōañuja m̄ua. Quēnaro riojo m̄uare c̄udiyumi. ³⁴ “Rotim̄or̄üḡōr̄uc̄umi” yigu Dios ĩ cōar'ire yure ĩ gotibosajaquēne, yure ĩ gotibosabetijaquēne, no yibeaja ti, yure, Dios ĩ cōacacu ñari. Juan yure ĩ gotibosarere m̄uare gotiaja yu, tire ajitir̄un̄cōari, rojose t̄ām̄uot̄ujabetiriaroju m̄ua vabetirotire bojagu ñari. ³⁵ S̄ibusuocōari quēnaro riojo ĩamasire ñaja. Tire bajirone bajicami Juan, quēnaro riojo yure gotibosacacu ñari. ĩre ajivariquēnañuja m̄ua maji. ³⁶ To bajiro m̄uare yiboarine, “S̄igū ñaami yure gotibosagu” yu yijama, Juanre t̄uoĭagū me yaja yu. Juan yure ĩ gotibosacati r̄ētoro ñamasuse ñaja. Tima ĩañañamanire m̄uare yu ȳiōr̄üḡuse, yu jacu yure ĩ rotise ñaja. Tire ĩacōari, “Socu me yami. Dios ĩ cōar'i ñaami”, yure yimasiana masa. ³⁷⁻³⁸ Yu jacu yure cōacacu quēne, ĩ masune, “Yu macu, yu cōagū ñaami” yigu ñari, masa ĩna ajimasirotire ĩnare cōar̄üḡūami. ĩ cōacacure yure ajitir̄un̄mena ñari, ĩre ajimena, to yicōari, ĩ ocare ajitir̄un̄mena ñaja m̄ua.^a ³⁹⁻⁴⁰ Dios ocare masa ĩna ucamasirere b̄uto buer̄üḡūboaja m̄ua, “Ti ocare mani buejama, Diorāca quēnaro ñacōari, mani rijato beroju ĩ rāca quēnaro ñacōa ñar̄üḡūuarāja mani” yir̄ā. To bajiboarine yu bajiserene m̄uare ti gotiboajaquēne, yure ajir̄uabeaja m̄ua. Yure m̄ua ajitir̄un̄ujama, Diorāca quēnaro ñacōari, m̄ua rijato beroju ĩ rāca quēnaro ñacōa ñar̄üḡūborāja m̄ua.

⁴¹ “Quēnaro yure yir̄uc̄ub̄oato masa” yigu me, adi macar̄uc̄urojere vadicaju yu. ⁴² M̄ua t̄uoĭasere ĩamasiaja yu. To bajiri, “Diore mairā me ñaja m̄ua”, m̄uare yimasiaja yu. ⁴³ Yu jacu yure ĩ roticōajare, adoju vadicaju yu, m̄uare gotimasioḡū. To bajiro yu bajiboajaquēne, yure ajitir̄un̄beaja m̄ua. No bojagu, Dios ĩ cōabec̄urema, “Masa quēnaro yure yir̄uc̄ub̄oato ĩna” yigu ĩ vadijama, ĩj̄uare ajitir̄un̄uarāja m̄ua. ⁴⁴ M̄ua masune quēnase gāmerā yir̄uc̄ub̄orere bojar̄üḡūaja m̄ua. Dios s̄igūne ñaami mani uju. To bajigu ĩ ñaboajaquēne, “Quēnase manire yato Dios” yir̄ā, no bojase m̄ua yirotire yit̄uoĭabetir̄üḡūaja m̄ua. To bajiro bajirā ñari, yure ajitir̄un̄beaja m̄ua. ⁴⁵ Yu jacu t̄ujere m̄ua ejaro, “Yure ajitir̄un̄abeticama”, m̄uare yigotiyirobetir̄uc̄uja yu. Moisés ñamasir'ine ñaami to bajisere m̄uare yigotiyiroḡu. “Moisés ñamasir'i ĩ rotimasirere quēnaro mani ajitir̄un̄ujama, Dios t̄uju var̄uarāja mani”, yit̄uoĭaboaja m̄ua. ⁴⁶ To bajiboarine yu bajirotirene ucamasin̄umi Moisés. To bajiri ĩ ucamasirere

^a 5:37-38 “Diore ajimena, to yicōari, ĩre ĩmena ñaja m̄ua’ Jesús ĩ yijama, ‘ĩre ĩarā ñaboarine, to yicōari, ĩre ajirā ñaboarine, ‘Dios macu ñaami’ yimasibeama’ yigu yiyuju”, yiyujarā Dios ocare masa ĩna ucamasire buer̄ētohurimasa.

mua ajitirūnumasucōajama, yure quēne ajitirūnaborāja mua. ⁴⁷ Ī uca-
masirere quēnaro ajitirūnumena űari, yure quēne ajitirūnabeaja mua, —
Īnare yicami Jesús, jud'io masa űjarāre.

6

Masa, cinco mil űarāre Jesús ĩ bare ecare queti

(Mt 14.13-21; Mr 6.30-44; Lc 9.10-17)

¹ To bajiro Īnare ĩ yiro bero, utabucara Galilea vāme cutira gajeja-
catuajaju yuare ũmato jēacami Jesús. Gaje vāme, Tiberias vāme cuticaju
tira. ² “Dios macune űaja yu” yigu, rijaye cutirāre Jesús ĩ catorūgūse-
re ĩacōari, jājarā masa ĩre suyarūgūcama ĩna. ³ Gajejacatuajaju ejacōari, burore
yuare ũmato majacōari, rujicami Jesús. ⁴ Pascua boserūmu jud'io masa
yua quēnorotirūtm cōñacaju. ⁵ To bajiri jājarā masa Jesúre ĩre suyarūgūrā
ĩna vadore ĩacōari, ado bajiro Felipere ĩre yicami Jesús:

—Īnare ecaruarā, ĩnoju bare vaja yirāti mani? —ĩre yicami.

⁶ “Ado bajiro yirucuja yu” yimasiboarine, “Mu ejarēnose rāca ecama-
sicōaruarāja’ Felipe yure ĩ yicadiro ajigusa” ĩre yigune, yicōañumi Jesús.
⁷ To bajiro ĩ yijare ado bajiro ĩre yicadicami Felipe:

—Doscientos gājoatiiri rāca vaja yiboarine, ĩnare ecajeomasibetiborāja
mani —Jesúre ĩre yicami.

⁸ To ĩ yirone, yua rācagu, Pedro bedi Andrés vāme cutigu, ado bajiro
Jesúre yicami:

⁹ —Sīgū daquegu, cojomo cōro pan cebada vāme cutise, to yicōari, juarā
vaire cuoboami, bajigujuma. Masa jājarā ĩna űajare, tĵariaro manima-
sucōaja ti —Jesúre ĩre yicami Andrés.

¹⁰ To bajiro ĩ yirone,

—Masare ĩnare rujirotiya —yicami Jesús.

Tojure tatūcuro űacaju. To bajiri, ta joeju rujicama. Cinco mil ũmua
ñacama ĩna.^b ¹¹ ĩna rujijediro ĩacōari, pan daquegu ĩ baborotirene juacōari,
“Quēnaro yaja mu”, Diore yivariquēnacami Jesús. To yicōari ĩ buerāre
yuare ĩsicami, “Rujirāre ĩsibatoya” yigu. Vaire quēne, to bajirone yicami.
Sīgū ruvariario mano quēnaro bausucutijedicōacama. ¹² ĩna bagajanoro
ĩacōari, ado bajiro yuare yicami Jesús:

—ĩna baruasere juarēoña. Bajirearobe tĵuma —yuare yicami Jesús.

¹³ To bajiro yuare ĩ yijare, cebada vāme cutise cojomo cōro pan űaboarere
yua juarēojama, juāmo cōro, gubo juā jēnituario űarijiburi ruyacaju. ¹⁴ To
bajiro ĩaűaűamanire Jesús ĩ yĵoro ĩacōari, ado bajiro yicama masa:

—Diore gotirētobosarimasu, adi macarucurojare vadicōari, manire
rotirocune űaami —Jesúre ĩre yicama masa.

¹⁵ To bajiro ĩna yijare, “Yu bojabetiboajaquēne, yure āmivacōari ũju yure
cūruama” yimasicōari, ĩ sīgūne buro joejure majacoacami Jesús.

Oco joene Jesús ĩ vare queti

(Mt 14.22-27; Mr 6.45-52)

¹⁶ Ti rāioato ĩacōari, utabucarare rojaejacaju yua, Jesús buerimasa.
¹⁷ Rojaeja, cūmua vasāja jēacaju yua, gajejacatuajaju Capernaum vāme cuti
macaju vana. Ti rētiacoaboajaquēne, ejabeticōacami Jesús. ¹⁸ To yua
bajijēarūtuate, buto mino vacaju. To bajica yiro, buto sabetucōacaju

b 6:10 Rīamasare, rōmiare cōmenane, ũmua bucārā rĵrene ĩna cōjama, cinco mil űaűjarā ĩna.

ti. ¹⁹ Cinco o seis kilómetros cõro yua jéatusatone, yua tujá oco joene vadícamí Jesús. Oco joene í vadire íarâne, ucacajá yua. ²⁰ To bajiro yua bajíboajaquêne, ado bajiro yuare yicami Jesús:

—Güibesá. Yüne ñaja —yuare yí vadícamí Jesús.

²¹ To bajiro yuare í yijare, variquēnarâne, íre sácájá yua. Íre yua sárirímarone jēaejacoacájá yua yuja.

Jesúre masa ñna macare queti

²²⁻²⁴ Utabucara gajecatuajá tujacana, cūmuane yua í buerá Jesús í manone yua jēasere íacama ñna. To bajiri gajerámá yua tudijēaejabetore íacõari, Jesúre quêne íre íabeticõari, Tiberias macana ñna ejase cūmune jēaejayuma, Capernaum vāme cuti macájá, Jesúre macarā.

“Pan quēnamasusere bajiro bajigá ñaja yá”, Jesús í yire queti

²⁵ Yuare íabujacõari, ado bajiro Jesúre yisēniíacama ñna:

—Gotimasiórimasá, ¿Divato adóre ejari má? —Íre yisēniíacama ñna.

²⁶ To bajiro ñna yisēniíasere ajicõari:

—Ñamasusere riojo muare gotíaja yá. Íaíañamanire yá yíiosere íari, “To bajiro yigá í ñajare, íre ajitiráná sáyarotí ñaja” yirá me yare macasáyaja má. “Quēnaro baúsucutiríarojá bare ecagá ñaami” yirá ñari, bajíaja má. ²⁷ Bare má bojamasusejúama yoaro meacane muare jediveocoatoja ti. To bajiri má barotire tuoírejaibeticõaña má. Gajeye barere bajiro bajise ñaja, Dios í roticõacacá yare ajitiránuräre yá ísisema. Jedibetiruroja tima. “‘Tire ísimasiámi’ yare yimasiato ñna” yigá, íaíañamanire yá yíiorügúrotire yare ujocami Dios. To bajiri, bare jedibetijúare bojará, Dios í bojasere yíya má —ínare yicami Jesús.

²⁸ To bajiro í yijare, íre sēniíacama ñna:

—¿No bajiro yua yírotire bojati Dios? —Íre yisēniíacama.

²⁹ To bajiro ñna yisere ajicõari ado bajiro ínare yicadicami Jesús:

—Dios í cõacacure yare má ajitiránusere bojaami Dios —ínare yicami Jesús yuja.

³⁰ To bajiro í yijare,

—¿Ñie ünire Dios í masise ráca íaíañamanire yuare yíiorucuada má, tire íacõari “Yure ajitiránuato ñna” yuare yigá? ³¹ Mani ñicua ñamasiriará yucá manojá ñacudirá, maná vāme cutisere bamasiñujarā ñna. To bajirone gotíaja Dios ocare masa ñna ucamasire. Tuoísaque: “Bare Dios í ñaroayere manire ecagá yivējañumi”, yigotíaja Dios oca, masa ñna ucamasire —Jesúre íre yicama. To bajiro ñna yijama, “Moisés ñamasir'i suorine bajiríaroja ti” yirá yicama.

³² To bajiro ñna yisere ajicõari, ado bajiro cudicami Jesús:

—Ñamasusere riojo muare gotíaja yá: Moisés ñamasir'i me Dios í ñaroayere barere ínare cõacami. Yá jacune ñaami í ñaroayere barere ínare cõacamá. To bajirone bajíaja pan quēnamasusere quêne. Tire muare cõami Dios. ³³ Tire má bajama, má rijato berojá, “Tudiríabeticõato” yigá, Dios í catisere ísiecoruarāja má.

³⁴ To bajiro í yirone,

—To yijama, pan quēnamasusere yuare ecarügúma má —Íre yicama ñna yuja.

³⁵ To bajiro ñna yijare, ado bajiro ínare yicami Jesús yuja:

—Yüne ñaja pan quēnamasuse Dios í cõase. To bajiri, no bojagá yare ajitiránugáma, baúsucutirügügäre bajiro bajigámi. To bajiri, disejúane

Dios ĩ ejarēnose ĩre ruꝑabetiruaroja. ³⁶ To bajiro yu bajiboajaquēne, yure ajitirūnubeaja mna, yure ĩarā űaboarine. Jēre tirene mure gotiboabu yu. ³⁷ No bojarā yure ajitirūnūrāma, yu jacu űorine yu bojarore bajiro quēnasejuare tuoĭavasoariarā űaama. No bojagu yure ajitirūnūgāre, “Mure bojabeaja”, ĩre yibetirūcūja yu. ³⁸ Adojure vagu, yu bojasere yiru me rujiadicaju yu. Yu jacu ĩ bojasejuare yiru, vadicaju yu. ³⁹ Ado bajiro bojaami yu jacu, yure cōacacu: ĩ űorine yure ajitirūnūrā űajediro, űatūsarirūmure rojose tāmōtūjabetiriaroju ĩna vasere bojabeami. ĩ tūju ĩna űasejuare bojaami. ⁴⁰ No bojagu, “Dios macu űaja mū” yure yimasicōari, yure ajitirūnūgāre, Dios ĩ catisere ĩ cūosere bojaami yu jacu —ĩnare yicami Jesús.

⁴¹ “Pan quēnamasusere bajiro bajigu űaja yu Dios ĩ űaroju rujiadicacu” Jesús ĩ yisere ajicōari, űagōjaicama jud'io masa űjarā. ⁴² Ado bajiro gāmerā yicama:

—¿Adi macagu, José macu me űatique? ĩ jacure, ĩ jacore quēne masiaja mani. To bajigu űaboarine, “Dios ĩ űaroju rujiadicaju yu”, manire yisocaboami —gāmerā yicama ĩna.

⁴³ To bajiro ĩna gāmerā yiűajare, ado bajiro ĩnare yicami Jesús:

—Yure űagōmacabesa mna. ⁴⁴ Yu jacu űorine yu bojarore bajiro quēnasejuare tuoĭavasoariarā rīne űaama yure ajitirūnūrā. űatūsarirūmu ĩnare catorūcūja yu. ⁴⁵ Diore gotirētobosariarā yure ajitirūnūrōna ĩna bajirotire yirā, gotirā ado bajiro ucayuma ĩna: “Dios ĩ masise űorine masiruarāma ĩna jedirone”, yuucayuma ĩna. To bajiri yu jacu ĩ masise űorine yu bojarore bajirojuare tuoĭavasoacōari, yure ajitirūnūuarāma.

⁴⁶ Masu, niıane yu jacure ĩagū maami. Yu sīgūne ĩ tūjare rujiadicacu űari, ĩre ĩacacu űaja yu. ⁴⁷ űamasusere riojo mure gotiaja yu: No bojagu yure ajitirūnūgūma, Dios ĩ catisere cūogu űaami. ⁴⁸ Pan quēnamasusere bajiro bajigu űaja yu. ⁴⁹ Mna űicua yucū manojū manā vāme catisere bare, Dios ĩ cōarūgūrere barūgūriarā űaboarine bajireajedicoasuma ĩna. ⁵⁰ Yurema, pan quēnamasusere bajiro bajigure, masa ĩna ajitirūnūjama, bajireacoaboarine, quēna tudicaticōari, quēnaro űarūgūruarāma ĩna. ⁵¹ Yune űaja pan quēnamasusere bajiro bajigu Dios ĩ cōacacuma. No bojarā yure barā ĩna rijato beroju, quēna tudicaticōari, quēnaro űarūgūruarāma. To bajiro ĩna bajirotire yigu, ĩnare rijabosarūcūja yu —jud'io masa űjarāre yicami Jesús.

⁵² To bajiro ĩ yisere ajicōari, ĩna masune ado bajiro gāmerā yicama ĩna:

—¿No bajiro ĩ rujure manire ecariquīda ĩ? —gāmerā yicama ĩna.

⁵³ To bajiro ĩna yisere ajicōari, ado bajiro ĩnare yicami Jesús:

—űamasusere riojo mure gotiaja yu: Yure, Dios ĩ roticōacacure, yu rujure mna babetijama, yu ri'ire quēne mna idibetijama, mna rijato beroju “Tudirijabeticōato” yigu, Dios ĩ catisere cūobetiruarāja mna. ⁵⁴ No bojagu yu rujure bagu, yu ri'ire idigu űaami Dios ĩ catisere cūogu. To bajicōari, ĩ rijato beroju űatūsarirūmure tudicaticōari, quēnaro űarūgūrūcūmi. ⁵⁵ Yu ruju űaja bare űamasuse. To bajicōari, yu ri' ĩna idire űamasuse. ⁵⁶ To bajiri yu rujure bacōari, yu ri'ire idiguma, yu rācagu űagūmi. Yūja quēne, ĩ rācagu űaja yu. ⁵⁷ Yu jacu, yure cōacacu catirere cūogu űaami. To bajiri ĩ űorine catiaja yu. To bajirone bajirūcūmi yure

C 6:39 űatūsarirūmure ĩ yijama, adi macarūcuro ti jediro tudiejacōari, masare ĩ ĩabeserirūmure yigu yiyuju Jesús.

ajitirānagū quēne. Yn s̄orine ī rijato berojn quēna tudicaticōari, yn rāca quēnaro űacōa űarūgūrucami. ⁵⁸ To bajiri pan quēnamasusere bajiro bajigu, Dios ī űarojn rujiadicacu űaja yn. Yma ma űicuae ō vecaye bare Dios ī cōare manā vāme catisere bajiro bajigu me űaja. Ma űicua, manā vāme catisere bariarā űaboarine, bajireajedyuma űna. No bojagn yure ajitirānagūma, ī rijato berojn quēna tudicaticōari, yn rāca quēnaro űacōa űarūgūrucami —ĭnare yicami Jesús, jud'io masa űjarāre.

⁵⁹ Ado bajiro ī gotimasio űajama, Capernaum vāme cati maca űarivi, Dios ocare űna buerivijn űacōari, ĭnare gotimasiocami Jesús.

“Yn ocare ajitirānagūrema, ‘Tudirijabeticōato’ yigu, Dios ī catisere ĩsirucija”, Jesús ĩyire queti

⁶⁰ To bajiro ī gotisere ajicōari, jājarā ĩre s̄uyarā, ado bajiro gāmerā yicama űna:

—To bajiro ī yigotimasiose, no bajiro yimasiriaro maja. Tire ajivariquēnagū magūmi —gāmerā yicama űna.

⁶¹ To bajiro űna gāmerā yisere masicōacami Jesús. To bajiri, ado bajiro ĭnare yicami:

—To bajiro maare yn yigotimasiosere ajitebesa ma. ⁶² “Riojo me yami” ma yituoĭajama, Dios ī roticōacacu ō vecajn yn vadicatorjare quēna yn tudimujatore ĩacōari, “Riojo yiyumi”, yituoĭaboaruarāja ma. ⁶³ “Yn rujare űna base s̄orine, űna rijato berojn ‘Tudirijabeticōato’ yigu, Dios ī catisere s̄oruarāma masa” yn yijama, yn rujare yigu me yaja yn. Yure masa űna ajitirānusejare yigu yaja. Yure ajitirānūrārema Esp'iritu Santore ĭnare cōarucija yn, űna rijato berojn, “Tudirijabeticōato” yigu. ⁶⁴ To bajiro yn yigotisere, “Socu yami”, yituoĭaja ma s̄igūri —ĭnare yicami Jesús.

Rēmojne, “ĭna űaruarāma ‘Socu yami’ ” yure yituoĭarā, to yicōari, “ĭ űarucami yure ĩsirocarocu” yimasigū űari, to bajiro ĭnare yicami.

⁶⁵ To bajiro yigajanocōari, ado bajiro ĭnare gotiquēnocami:

—“Yure s̄uyarā s̄igūri, ‘Socu yami’, yure yituoĭaama” yimasigū űari, “űimarā yure ajitirānūrā maniborāma, yn jacu s̄orine quēnasejare űna tuoĭavasoabetijama”, maare yibu yn. To bajiri yn jacu s̄orine quēnasejare tuoĭavasoarā me űari, “Socu yami”, yure yaja ma s̄igūri —ĭnare yicami Jesús.

⁶⁶ To bajiro ĩyisere ajicōari, jājarā ĩre s̄uyaboacana ĩre cāmotadicōari, juaji ĩ rāca vacudibeticama űna yuja. ⁶⁷ To bajiro űna bajiro ĩacōari, juāāmo cōro, gubo juā jēnituariaracu űnarāre ado bajiro yuare sēniĭacami Jesús:

—¿Ma quēne, “ĭre cāmotadito mani”, yure yituoĭati ma? —yuare yisēniĭacami.

⁶⁸ To bajiro ĩyisere ajicōari, ado bajiro ĩre yicadicami Pedro:

—űimujna mure bajiro bajigu magūmi. Yna rijato berojn, “Tudirijabeticōato” yigu, Dios ī catisere yuare m̄ ĩsere gotiaja m̄. ⁶⁹ Mure ajitirānaja yna. “Rojose yigu me, Dios ī cōar'i űaja m̄”, mure yimasiaja yna —Jesūre ĩre yicami Pedro.

⁷⁰ To bajiro ĩyisere ajicōari ado bajiro yuare yicami Jesús:

—Maarema, juāāmo cōro, gubo juā jēnituariaracu űnarāre yune maare bese juabeticati yu? To yn yicana ma űaboajaquēne, ma vatoare űaami sigū vātia űjare cudigu —yuare yicami Jesús.

⁷¹ To bajise ĩyijama, Simón macu Judas Iscariotere yigu yiyumi Jesús, yna juāāmo cōro, gubo juā jēnituaro rācagu űaboarine, ĩre ĩsirocarocu ĩ űajare.

7

Jesús bederã ñaboarine, ñre ñna ajitirãñabetire queti

¹ To bajiro ñ yiro bero, quẽna Galilea sitajũ yũare ãmato vacudicami Jesús. Judea sitajũ ñarũabeticami, ti sitana jud'io masa ƚjarã ñre ñna sãarũajare. ² Yucũ manojũ ñna ñicũa ñna ñacudimasirere tũoĩariarũmũri, Enramadas vãme cuti boserũmũ cõñacajũ. ³ To bajiri, Jesús bederã ado bajiro ñre yicama:

—Judea sitajũ mũre sũyaboacana, jãjarã ñarãma. To bajiri adojũre tujabesa. Tojũane tudicoasa mũ, ñna quẽne, “Ñãñãñamanire mũ yĩorũgũsere ñato ñna” yigũ. ⁴ No bojagũ, jãjarã masa ñre ñna ñamasirotire ñ bojjajama, masa mojoroaca ñarojũre yĩocudibecũmi. Ñãñãñamanire yĩomasigũ ñari, jãjarã ñna ñarojũare yĩoaya mũ —ñre yicama ñna, Jesús bederã.

⁵ Jesús bederã ñaboarine, “‘Rotimũorũgõrucũmi’ yigũ, Dios ñ cõar'i ñaami”, ñre yitũoĩarã me ñacama. ⁶ To bajiri ado bajiro ñnare yicami Jesús:

—Judeajũ yũ varoti ejabeaja maji. No bojarigũmũ mũa vajama, mũarema quẽnacõaja. ⁷ Diore ajimena mũa ñajare, mũare ñatemena. Yũrema ñateama ñna, “Mũa yirũgũse, rojose ñaja ti” ñnare yũ yijare. ⁸ Enramadas boserũmũ ñarã vasa mũama. Yũrema, yũ varoti ejabeaja maji —ñ bederãre yicami Jesús.

⁹ To bajiro ñnare ñ yiro bero, Galilea sitajũre ñnacõacajũ yũa maji.

Enramadas vãme cuti boserũmũre Jesús ñ gotimasiore queti

¹⁰ Ñ bederã ñna vato bero, Jesús quẽne, Enramadas boserũmũ ãmato ñagũ vacami. To bajilboarine, yayioroaca yũare ãmato ejacami. ¹¹ To ñacama jud'io masa ƚjarã quẽne. Ñre macaboacama.

—¿Nojũ ñnati ñ? —yicudiboacama.

¹²⁻¹³ Tirũmũire jãjarã masa Jesũre ñagõjai ñacama ñna. Sĩgũri ado bajiro yicama:

—Quẽnaro yigũ ñagũmi —yicama ñna.

Gãjerãjuama:

—Quẽnaro yigũ me ñagũmi. Masare yitogũ ñagũmi —boca yicama. ƚjarãre gũirã ñari, ñna masune yayioroaca gãmerã ñagõcõa ñacama ñna, Jesũre gõjarã.

¹⁴ Enramadas boserũmũ ñna yĩ gũdareco cutiato, Diore yirũcũbũoriavire sãjacõari, masare ñnare gotimasiocami Jesús yuja. ¹⁵ Ñ gotimasiosere ajicõari, no yimasibeticama jud'io masa ƚjarã:

—Buebetir'i ñaboarine, ¿no yigũ to bajise gotimasiasiatĩ? —yicama ñna.

¹⁶ To bajiro ñna yisere masicõari,

—Yũ gotimasiosema yũ ye me ñaja. Yũre cõacacũ ye ñaja ti. ¹⁷ Dios ñ bojasere mũa yirũajama, “Dios ñ yerene gotimasioami”, yimasiborãja mũa. ¹⁸ No bojagũ no ñ tũoĩasene gotigũma, masa quẽnase ñre ñna yirũcũbũosere bojjagũmi. No bojagũ ñre cõacacũre Diore masa quẽnase ñre ñna yirũcũbũosere bojjagũma, riojo masune gotigũ ñagũmi. Ñie ñnijuare masare ñnare yitobecũmi.

¹⁹ ¿Moisẽs ñamasir'i Dios ñ rotimasirere mũare cũbesujarique ñ? Tire cũorã ñaboarine no bojagũ mũa vatoare Dios ñ rotimasirere cãdijeogũ maami. Rojose yũ yibetiboajaquẽne yũre sãarũaja mũa —masare yicami Jesús.

²⁰ To bajiro ñ yisere ajicõari, ado bajiro ñre cãdicama ñna masa:

—Vāti mu usujare sājacōari, rojose mure yitogu yigumi. Nīmujua mure sīaruagu magūmi —Īre yicama ĩna, Jesúre.

²¹ To bajiro ĩna yijare,

—Ususājariarūmu ĩaboajaquēne, sīgū rijagure yu catioro ĩacōari ĩaucacaju mña, “Ususājariarūmu ĩaboajaquēne moami” yīīaterā. ²² Moisés ĩamasir'i sūcacare circuncisión yirere mñare rotiyumi ĩ. Ī masu me tire rotisoyumi. Jēre ĩ ĩicajune to bajirone yicoadimasīñujarā ĩna. To bajiro rotimasire ĩajare, ususājariarūmu ti ĩaboajaquēne, sūcare circuncisión yaja mña. ²³ Moisés ĩamasir'i ĩ rotimasirere cudirā ĩari, ususājariarūmu ti ĩaboajaquēne sūcare circuncisión yaja mña. Yujarema ususājariarūmu ti ĩaboajaquēne sīgū rijagure yu catiojama, ¿no yirā yure jūnisinati mña? ²⁴ Nīe manone rujajine quēnaro tuoĩabetiboarine, “Rojose ĩre ĩaja”, yure yibesa mña. “Rojose ĩre ĩaja” mña yijama, quēnaro tuoĩa rĭjoro yicōari, “Rojose ĩre ĩaja”, yure yiya mña —ĩnare yicami Jesús, masare.

“Dios ĩ ĩarojare vadicacu ĩaja yu”, Jesús ĩ yire queti

²⁵ To bajiro ĩ yisere ajicōari, Jerusalén macana sīgūri ĩna masune gāmerā sēniācama ĩna:

—¿Sīaruarā, ĩna macagu me ĩaruyati ĩ? ²⁶ Ado mani jediro rĭjorojare ĩagōñāami ĩ. To ĩ bajiboajaquēne sīgū ĩre boca yimatagu maami. Adoana ujarā, “Cristo Dios ĩ cōagū, mani uju ĩagūmi ĩ”, ¿yituoārāda ĩna? ²⁷ “Ti macagu vayumi”, yimasaja mani. Cristorema, “Ī ejaro, ‘Toagu vayumi’ yimasibetiruarāja mani”, yiadire ĩaja —ĩna masune gāmerā yicama ĩna, Jerusalén macana sīgūri.

²⁸ To bajiro ĩna yisere ajicōari, Diore yirūcubūoriaviju gotimasio ĩnacacu, oca tutuase rāca ĩagōcami Jesús yuja:

—Yure ĩacōari, “Ti macagu ĩaami”, yure yituoĩaboaja mña. To bajiro mña yituoĩajama, yure cōacacure riojo yigure masibeaja mña. ²⁹ Yuma ĩre masaja. Ī cōacacure ĩaja yu. Ī ĩarojune vadicaju yu —ĩnare yicami Jesús.

³⁰ To bajiro ĩ yijare, buto ĩre ajijūnisinirā ĩari, ĩre ĩiaruaboacama ĩna, jud'io masa ujarā. To bajiboarine ĩre ĩiamasibeticama ĩna, “To cōrone ĩiaecorucami” Dios ĩ yiriarūmu ti ejabetijare. ³¹ Gājerāma jājarā ĩre ajitirūncama ĩna. To bajiri ado bajiro yicama ĩna:

—Cristo, Dios ĩ cōar'i ĩagūmi āni. No bojagu ĩ rētoro ĩaĩañamanire yigu manirucami —yicama ĩna, ĩre ajitirūnarā.

Jesúre ĩre ĩiaruarā, Diore yirūcubūoriavire coderimasa ĩna ejare queti

³² Masa Jesús ĩ bajisere yayioroaca ĩna gotiro ajiyuma fariseo masa. To bajiri, Diore yirūcubūoriavi coderimasare Jesúre ĩre ĩiarotiyuma ĩna, paia ujarā quēne. ³³ ĩna ejaro ĩacōari ado bajiro yicami Jesús:

—Yure cōacacu tujū quēna tudiarucuja yu. To bajiri yoaro meaca adore masa tujure ĩarucuja yu. ³⁴ Yure macaruarāja mña. To bajiboarine yure bujabetiruarāja mña. Yu ĩarojare no bajiro yi vamasibetiruarāja mña —masare ĩnare yigoticami Jesús.

³⁵ To bajiro Jesús ĩ yisere ajicōari, jud'io masa ujarā ĩna masune gāmerā sēniācama ĩna:

—¿Nojare variquīda ĩ, ĩre mani bujabetirotojarema? Mani ĩaro sojuaju vacōari griego masa rāca vusarā tujū varu yigumi, ĩ yijama. Tojare vacōari, gājerā masare, o mani yarāre gotimasiogū varu yigumi, ĩ yijama. ³⁶ “Yure macaboarine yure bujabetiruarāja mña. To bajicōari yu ĩarojare vamasibetiruarāja mña” ĩ yijama, ¿no yire ũnire yati ĩ? —gāmerā yīñagōcama ĩna.

“Masa Diorāca quēnaro ñaruarā, ado bajiro bajirāma”, Jesús i yire queti

³⁷ Masa manojū ĩna ñicua ĩna ñacudimasirere t̄uoiatusariar̄m̄u, tir̄m̄u ñacaju rujar̄m̄u masuma. Tir̄m̄ure v̄m̄ur̄ḡuc̄ōari, oca tutuase rāca ñaḡōcami Jesús:

—Sīgū ĩ oco idir̄ujama, oco sēniḡami. Tire bajirone, no bojaḡu Diore ĩ masir̄ujama, yū t̄ujure vadicōari ĩre yū catiorotire sēniḡu ejato ĩ. ³⁸ Ajiya m̄ua. Ado bajiro gotiaja Dios ocare masa ĩna ucamasire: No bojarā ȳure ajitir̄un̄r̄arema, “ĩna us̄urij̄u oco masare catiose, riagare bajiro ūmayuc̄ōa ñar̄uaroja, ‘Diorāca quēnaro ñac̄ōa ñar̄ūḡūr̄ajaro’ yiro”, yigotiaja Dios oca —masare ĩnare yigoticami Jesús.

³⁹ To bajiro ĩ yijama, “Ȳure ajitir̄un̄r̄are ĩna us̄urij̄ure, Dios ĩ c̄ōaḡu Esp̄iritu Santo ejac̄ōari quēnaro ĩnare ejar̄emoc̄ōa ñar̄ūḡūr̄uc̄ami, ĩna rijato beroj̄u tudir̄ijabetic̄ōari, Diorāca quēnaro ñaronare” yiḡu yicami Jesús. Ō vecajure, quēnase ĩre yir̄uc̄ub̄oriav̄ure Jesús ĩ tudiejabetijare, Dios ĩ c̄ōaḡu Esp̄iritu Santore adi macar̄uc̄ogore Jesúre ajitir̄un̄ncanare c̄ōabesumi Dios maji.

Ricatiri r̄ine masa ĩna t̄uoiare queti

⁴⁰ Jesús ĩ ñaḡōsere ajic̄ōari, sīgūri ado bajiro yicama:

—Diore ĩre gotir̄ētobosarimasa, Dios ocare ucara, “To bajir̄uc̄ami” masa ĩna yiucomasir̄i masune ñaami —yicama ĩna, sīgūri.

⁴¹ Gājer̄aj̄uma ado bajiro yicama ĩna:

—Cristo, “Rotim̄or̄ūḡōr̄uc̄ami” yiḡu, Dios ĩ c̄ōar̄i masune ñac̄ōaami —yicama ĩna.

Gājer̄āma ado bajiro yicama:

—Cristo me ñaami. No bajiro yiḡu, Galileaḡune Cristo ñabec̄ami. ⁴² Dios ocare masa ĩna ucamasire ti gotijama, ado bajiro yaja: “Ūj̄u David ñamasir̄i jānerabatia jānami ñar̄uc̄ami Cristo. To bajiri David ñamasir̄ire bajirone Belén macaḡune ñar̄uc̄ami ĩ quēne”, yigotiaja Dios oca —yicama ĩna.

⁴³ Ado bajise ricatiri r̄ine Jesúre ĩre yit̄uoiacama ĩna. ⁴⁴ Sīgūri ĩre ñiar̄uaboacama. To bajiboarine ĩre ñiamasibeticama.

Jud'io masa ujarā, Jesúre ĩna ajitir̄un̄betire queti

⁴⁵ Diore yir̄uc̄ub̄oriavire coderimasa Jesúre ĩre ñiamasibetic̄ōari, fariseo masa, paia ujarā t̄ujure tudiacama ĩna. Ñie manane ĩna ejaro ĩac̄ōari ado bajiro ĩnare yisēniāñujarā ĩna paia ujarā:

—¿No yirā ĩre āmiadibeti m̄ua? —ĩnare yiyujarā ĩna.

⁴⁶ Ado bajiro ĩnare yic̄diyujarā Diore yir̄uc̄ub̄oriavire coderimasa:

—ĩre bajiro ñaḡōrā manicama ĩna —yiyujarā ĩna.

⁴⁷ To bajiro ĩna yijare, fariseo masaj̄ua ado bajiro ĩnare yiyujarā:

—¿To yitoḡu ĩ yiserene ĩre ajiri m̄ua? ⁴⁸ M̄ua ujarā ñaja ȳua. Ȳuama sīgū ĩre ajitir̄un̄ḡu maja. Mani ujarā quēne sīgū ĩre ajitir̄un̄ḡu maami. ⁴⁹ Adoana masa Moisés ñamasir̄i ĩ rotimasirere masibetic̄ōari, Jesúre ĩre ajitir̄un̄r̄ama. To bajiro ĩna bajijare, ĩnare rear̄uc̄ami Dios —yiyujarā ĩna fariseo masa.

⁵⁰ Nicodemo ñamij̄u Jesúre ĩre ĩaḡu ejar̄'i, fariseo mas̄u ñañuju ĩ quēne. ĩ babar̄are ado bajiro ĩnare yiyuju ĩ:

⁵¹ —¡Majique! Moisés ñamasir̄i manire ĩ rotimasirere yirā, ĩ gotisere ajic̄ōari, ĩre sēniābetiboarine, “Rojose ñaja ti, ĩre”, yimasibeaja mani —yiyuju Nicodemo, ĩ babar̄are.

⁵² To bajiro ĩ yijare,

—¿Mũ quēne Galileagũ ñatique mũ? Dios ocare masa ĩna ucamasiriaturire ĩaĩasaque mũ. Tire mũ buero bero, “Diore gotirētobosarimasũ Galileajũ vadir’i manirũcũmi” yuicaturere masirũcũja mũ quēne —Īre yiyujarã ĩna, Nicodemore tud’irã.

⁵³ To bajiro ĩre yicõa, ĩna ya virijũ tudijedicoasujarã ĩna.

8

Rõmio manajũ cutiboarine, gãji rãca ajeri cutigore Jesús tũjũre so ejare queti

¹ Macajũ yũa tujarone, Olivo vãme cuti burojũ majacoacami Jesús. ² Gajerãmũ, busurijũ, Diore yirũcũbũoriavijũ tudiejacami quēna Jesús. Ī ejaro ĩacõari jãjarã masa ĩ tũre rējacama. To bajiro ĩna bajijare, rujiõari yũare gotimasioacami Jesús.

³ To bajiro yũare ĩ yigotimasio ñarone, fariseo masa, Dios ĩ rotimasire gotimasiorimasa quēne ejacama. Sĩgõ rõmio manajũ cutiboarine gãji rãca ajeri cutigore yũa ĩaro rĩjorojũare sore jiaejocama ĩna. ⁴ To yicõari, ado bajiro Jesũre ĩre yicama ĩna:

—Yũare masiogũ, adio rõmio manajũ cutiboarine gãji rãca so ajeri cutisere ĩamũ yũa. ⁵ Moisés ñamasir’i ĩ rotimasire ado bajiro yirotiaja ti: “To bajiro yirãrema gũtane ĩnare reasĩaña”, yaja ti. Mũma, ¿no bajiro tũõĩati mũ? —Jesũre ĩre yicama.

⁶ “Moisés ĩ yiriarore bajirone Jesús manire ĩ cũdibetijama, ‘Jesũs, rojose yimi’ ” ãjarãre yi ocasãruarã, Jesũre sēniĩatoboacama ĩna. To bajiro ĩna yisēniĩatobojaquēne, mubiacoacami ĩ ģmo vãsoane ucacami Jesús, sita tũcurojũre. ⁷ Īre ĩna sēniĩatũjabetijare, vãmũrũgũcõari, ado bajiro ĩnare yicami Jesús yuja:

—Mũa rãcagũ, “Rojose yibecũ ñaja yũ” yigũ, gũtane mũare ũmato ro-cavasũoato —ĩnare yicami Jesús.

⁸ To bajiro yicõa, quēna mubiacoacami Jesús. Mubiacoacami, sita tũcurore ucacõa ñacami quēna. ⁹ To bajiro ĩ yisere ajicõari, “Rojose yibeticajũ” yigũ manicami. To bajiri, sore gũtane rocavamenane, bũcũrã vasũo, tijũ bero gãjerã vajedicoacama ĩna. To ĩna baji veogo, so sĩgõne Jesũrãca tujacamo so. ¹⁰ To ĩna bajiro bero, vãmũrũgũcõari, so sĩgõne so ñaro ĩacõari, ado bajiro sore sēniĩacami Jesús:

—¿Nojũ ñati ĩna yuja, “Rojose yimo” mũre yirãma? ¿Rojose mũ yise vaja, sĩgũjũama mũre sĩamenane, vacoajari ĩna? —sore yicami Jesús.

¹¹ To bajiro ĩ yijare,

—Yũre sĩamenane, vacojama —Jesũre yicamo.

To so yisere ajicõari, ado bajiro sore yicami Jesús:

—Yũ quēne, “Rojose mũ yire vaja rojose tãmũõũocõja”, yibeaja yũ. Vasa. Quēna gãme rojose yibeja mũ yuja —sore yicami Jesús.

“Yũ sũorine Diore masire ñaja”, Jesús ĩ yire queti

¹² Quēna ado bajiro masare ĩnare yigoticami Jesús:

—Yũ sũorine Diore masiama masa. Yũre ajitirũnumasurãma, Diore masimenare bajiro bajibetirũarãma ĩna. Yũre ajitirũnrãre catioaja yũ, ĩna rijato berojũ, “Quēnaro catijedicõa ñarũgũrãjaro” yigũ —ĩnare yicami Jesús.

¹³ To bajiro ĩ yisere ajicõari, ado bajiro yicama fariseo masa:

—“To bajiro bajigu ñaja yu” mu yiboajaquene, nijuane gāji mami, “Riojo gotiami” mure yiguma. To bajiri to bajiro mu yiboase vaja maja ti. To bajiro yitocōagū vaja mu —Jesúre ire yicama.

¹⁴ To bajiro ina yijare, ado bajiro inare yicadicami Jesús:

—Yu vadicatojore masiaja yu. Yu varotore quene masiaja yu. To bajiri yu masune yu gotise ñaboarine, socase me ñaja ti. Muma, yu vadicatojore, to yicōari, yu varotore quene masibeaja mua. ¹⁵ Masa ñari, riojo masimenane, “Rojose yirā ñaama”, gājerāre yīīabeserūgūaja mua. Yuma, masa ina yisere īabesege me yaja. ¹⁶ To bajiboarine masa rojose ina yisere yu īabesejama, yu sigūne īabesebeaja yu. Yu jacu, yure cōacacu, yu rācane īabeseami. To bajiri, masare, “Rojose yirā ñaama” yu yijama, riojo masune inare gotiaja yu. ¹⁷ Mua ñicua ina rotimasirere ado bajiro yucamasire ñaja ti: “Rojose yimi’ juarā ina yijama, inare ajiya”, yaja ti, mua ñicua ina rotimasire. ¹⁸ To bajiri, “To bajiro bajigu ñaja yu”, masare yīīorūgūaja yu, yu masu quene. Yu jacu yure cōacacu quene, ī masune, “Yu macu yu cōagū ñaami” yigu ñari, masa ina ajimasirotire inare cōarūgūami —inare yicami Jesús.

¹⁹ To bajiro ī yisere ajicōari, ado bajiro ire sēniīacama ina:

—¿Noju ñati mu jacu? —Ire yicama, Jesúre.

To bajiro ina yijare inare cadicami Jesús:

—Yure īamasibeaja mua. To bajiri yu jacure quene masibeaja mua. Yure mua īamasijama, yu jacure quene masiborāja mua —inare yicami Jesús.

²⁰ Diore yirūcubūoriaviju, masa ina gājoa sāriaju tujare rūgōcōari, to bajise masare inare yigotimasiocami Jesús. Toju jud’io masa ujarā ina moariju ti ñaboajaquene, Jesúre ñiamasibeticama, ire ina ñiaroticu maji ti ejabetijare.

“Yu vatojore no bajiro yi vamasibetiruarāja mua”, Jesús ī yire

²¹ Quēna ado bajiro masare yigoticami Jesús:

—Varucuja yu. Yu vato bero, yure macaboaruarāja mua. Yure bujamena rīne rojose mua yise rācane bajireacoaruarāja mua. To bajiri yu vatojore vamasibetiruarāja mua —inare yicami Jesús.

²² To bajiro ī yisere ajicōari, ado bajiro gāmerā yicama ina, jud’io masa ujarā:

—¿Ī masune sīayayiru yati ī, “Yu varotojore vabetiruarāja mua” ī yijama? —gāmerā yicama ina.

²³ To bajiro ina yisere ajicōari:

—Muma, adigodoana ñaja. Yuma, ō vecagūju ñaja. Adi macarucuroana Diore ajimena ñaja muma. Yuma, adi macarucuroagu me ñaja yu. ²⁴ To bajiri, “Rojose mua yise rācane bajireacoaruarāja mua”, mure yibu yu. “Īne ñaja yu” yu yirore bajiro yure mua ajitirūnūbetijama, rojose mua yise rācane bajireacoaruarāja mua —inare yicami Jesús.

²⁵ To bajiro ī yisere ajicōari, ado bajiro ire sēniīacama ina:

—¿Nimu ūgū ñati mu? —Ire yicama ina, Jesúre.

To bajiro ina yirone, inare cadicami Jesús:

—Mure gotisūogūjune, “Ī ñaja yu” mure yisūoadicaju yu. ²⁶ Jairo mure yu gotiroti ñaboaja ti. Rojose mua yisere īacōari, “Ado bajiro rojose yaja mua” cojoji me mure yu yiborotine bajicōaja ti. To bajiboarine masare adi macarucuroanare mure yu gotijama, yure cōacacu ī gotirotise rīne gotirūgūaja yu —inare yicami Jesús.

²⁷ To bajiro ĩ yiboaјаquēne, “Yure cōacacu’ yigu, ‘Diore, ĩ jacure’ yigu yami”, yiaјimasibeticama ĩna. ²⁸ To bajiri ado bajiro ĩnare yigoticami Jesús:

—Dios ĩ roticōacacune ñaja yu. Yucútēroјu masa yure ĩna jajuturo bero bajisere ĩacōari, “Rioјo yiyumi. To bajiro masune bajigu ñañumi”, yure yimasiruarāja mña. “Ī masurione ĩ tuoļasere me gotirūgūñumi. Ī jacu ĩre ĩ gotimasiorotisere gotirūgūñumi”, yimasiruarāja mña. ²⁹ Yure cōacacu yu rācane ñacōa ñarūgūami. Ī bojase rīne yaja yu. To bajiri yure vaveobetirūgūami —masare yigoticami Jesús.

³⁰ To bajiro Jesús ĩ yisere ajicōari, jājarā masa ĩre ajitirūncama.

“Dios rīa me ñaama roјose yirā”, Jesús ĩ yire queti

³¹ To bajiri jud'io masare ĩre ajitirūnrāre ado bajiro goticami Jesús:

—Mñare yu gotimasiorūgūsero mña ajitirūnu tujabetijama, yu buerā masune ñaruarāja mña. ³² To bajiro bajirā rīne Dios ocare socabere ajimasiruarāja mña. Ti ocare ajimasicōari, roјose mña yiseјasere yitujaruarāja mña, Dios ĩ bojaseјuare yiruarā —ĩnare yicami Jesús.

³³ To bajiro ĩ yijare, ado bajiro yicama ĩna:

—Abraham ñamasir'i jānerabatia ñari, Dios yarā ñaja yu. To bajiri, ¿no bajiro yigu, “Roјose mña yiseјasere yitujaruarāja mña, Dios ĩ bojaseјuare yiruarā”, yure yati mu? —Jesúre ĩre yicama ĩna.

³⁴ To bajiro ĩna yisere ajicōari, ado bajiro yicami:

—Ñamasusere rioјo mñare gotiaја yu: No bojarā roјose yirāma, roјose yiseјarā ñari, roјose yitujamasibeama. ³⁵ Sīgū ĩ uјure moabosarimasu, “Ado yure moarotigu rācane ñacōa ñarūgūrucaja yu”, yimasibeami. Uјu macuјuama, ĩ rācane ñacōa ñarūgūrucami. To bajiri, Dios rīama, ĩ rācane ñacōa ñarūgūruarāma. ³⁶ To bajiri, roјose mña yiseјasere yu suorine “Yitujaruarāja” mña yijama, “Roјose maja ĩnare”, mñare yirucaja yu yuја. ³⁷ “Abraham ñamasir'i jānerabatia ñaja yu” mña yisere masiaја yu. To bajiro yirā ñaboarine, yu gotisere ajitirūnubeticōari yure sīaruaja mña. ³⁸ Yu јacu yure ĩ yīlocatire mñare gotiaја yu. Mñama, mña јacu roјose yigu ĩ rotisere cudirā ñaja —ĩnare yicami Jesús.

³⁹ To bajiro ĩ yisere ajicōari, ado bajiro yicama ĩna:

—Abraham ñamasir'ine ñañumi, “yu јacu” yu yiguma —Jesúre ĩre yicama ĩna.

To bajiro ĩna yirone, ado bajiro ĩnare yicami Jesús:

—Abraham ĩ yirūgūriarore bajirone yiborāja mña, ĩ rīa mña ñajama. ⁴⁰ Yu јacu, Dios oca socase mere ĩ gotirotirore bajirone mñare yu gotimasioboјаquēne, yure sīaruaja mña. Abraham ñamasir'ima ti ũnire yibetirūgūmasiñumi. ⁴¹ Yure sīaruarā, mña јacu masu roјose yigu ñadir'i ĩ yirūgūrore bajirone yirā ñaja mña —ĩnare yicami Jesús.

To bajiro ĩ yijare, ado bajiro ĩre yicama:

—Yu јacu masuma, Dios ñaami. Gāјi mami yuarema. Ī rīa masune ñaja yuama —Jesúre ĩre yicama ĩna.

⁴² To bajiro ĩna yisere ajicōari, ado bajiro ĩnare cudicami Jesús:

—Mña јacu masune Dios ĩ ñajama, yure maiboriarāja mña. Yu masu me vadicaја yu. Dios yure ĩ cōјare vadicaја yu. Dios tuju vadicōari adone ñaja yu. ⁴³ ¿No yirā yu gotisere ajimasibeati mña? Yu gotimasiosere ajirūamena ñari, tire yujimasibeaja mña. ⁴⁴ Mña јacuma, vātia uјu ñaami. Ī rīa ñaja mña. To bajiri ĩ boјasere bajirone mña quēne yirua tuoļaja mña.

Rêmojune masare sîarimasune ñacoayumi vâtia uju. Riojo gotibetirügüami. Yitorimasu, socase jacu ñaami. Í gotijama, socarügüami. Rêmojune to bajirone bajicoayumi. ⁴⁵ Yurema socabeti quetire gotigu yu ñajare, yure ajitirûnubeaja mua. ⁴⁶ Sîgü, “Ado bajise rojosere yicaju mu”, yure yimasigü mami. To bajiri, riojo mûare yu gotiboajaquêne, ¿no yirâ yure ajitirûnubeati mua? ⁴⁷ Dios rîa mua ñajama, í ocare ajiboriarâja mua. Í rîa me ñari yure ajirubeaja mua — ñare yicami Jesús.

“Abraham ñamasir'i rîjorojune ñacoadicaju yu”, Jesús í yire

⁴⁸ To bajiro í yirone, cudicama jud'io masa ujarâ:

—“Samaria sitagu, vâti sâñagü ñaja mu” mure yua yirügüse riojone yiyuja yua —Jesúre îre yicama jud'io masa ujarâ yuja.

⁴⁹ To bajiro îna yisere ajicðari, ado bajiro ñare yicami Jesús:

—Vâti sâñagü me ñaja yuma. Yu jacu Diore quênase îre yirûcubuoaja yu. Mûama, yure rûcubuoabeaja mua. ⁵⁰ “Quênaro yure yirûcubuoato îna masa” yigu me vadicacu ñaja yu. Sîgüne ñaami, quênaro masa yure îna yirûcubuosere bojaguma. Yure rûcubuoemenare îamasigü ñaami. Îamasicðari, rojose yure îna yise vaja rojose tãmûorotirucumi. ⁵¹ Ñamasusere riojo mûare gotiaja yu. No bojarâ yu gotisere ajitirûnurâma, bajireabetiruarâma îna — ñare yicami Jesús.

⁵² To bajiro í yisere ajicðari, ado bajiro Jesúre yicama jud'io masa ujarâ:

—To bajiro mu yisere ajicðari, “Vâti sâñagü masune ñaami”, mure yimasiaja yua yuja. Abraham ñamasir'i, Diore gotirêtobosarimasa ñamasiriarâ quêne, bajireajedicoasuma îna. To bajiro îna bajire ti ñaboajaquêne, “Yure ajitirûnurâma bajireabetiruarâma îna”, yiboaja mu. ⁵³ Yua ñicu Abraham ñamasir'i, ñamasugü ñamasifuju îma. ¿Í rêtoro ñamasugü ñatique mu? Abraham quêne, Diore gotirêtobosarimasa quêne bajireajedicoasuma îna. To yijama, ¿ñimû ügü ñati mu? —Jesúre îre yicama îna.

⁵⁴ To bajiro îna yijare, ñare cudicami Jesús:

—Yu masurione, “Quênagü ñaja yu. Quênase yigu ñaja yu” yu yiboajama, ñie vaja maja ti. Yu jacu ñaami quênase yure yirûcubuoogu, “Îne ñaami yua Dios” mua yiboagu. ⁵⁵ Îre masibeaja mua. Yuma, îre quênaro masiaja. “Îre masibeaja” yu yijama, mûare bajirone socagu ñaboguja yu. Yuma, quênaro masune îre masicðaja yu. Í yirore bajirone îre cudiaja yu. ⁵⁶ Mûa masa ñicu, Abraham ñamasir'i, “Cojorâmu ejarucumi Dios í cðagü, ñajediro masa uju” yigu, variquêna yuñamasifumi. To bajiri adi macarucurojare yu ejaro îacðari, variquênamasucðacami — ñare yicami Jesús, jud'io masa ujarâre.

⁵⁷ To bajiro í yisere ajicðari, ado bajiro îre yicama îna, Jesúre:

—Vucu me ñaja mu. Cincuenta cãmari cubetiboarine, ¿no yigu, “Abraham ñamasir'ire îre îacaju yu”, yati mu? —Îre yicama îna.

⁵⁸ To bajiro îna yijare, ado bajiro ñare yicami:

—Ñamasusere riojo mûare gotiaja yu. Abraham ñamasir'i í ñaroto rîjorojune jêre ñacðacaju yu — ñare yicami Jesús.

⁵⁹ To bajiro í yisere ajicðari, gütari juacama, îre rearuarâ. To bajiro îna yirone, ñare rudicða budiacami Jesús, Diore yirûcubuoariavire ñaboacacu.

9

Caje ñabecu ruyuar'ire Jesús í îarotire queti

¹ To bajivacune, sīgū rēmone caje ĩabecu ruyuar'ire ĩre ĩabujacami Jesús.

² To ĩ bajisere ĩacōari, ado bajiro ĩre sēniĩacaju yua, ĩ buerimasa, Jesúre:

—Gotimasiogū, ¿no yigu rēmone ĩabecu ruyuyujari ĩma? ¿ĩ jacujua o ĩ masu ye s̄ori bajiyujarique? —Jesúre ĩre yisēniĩacaju yua.

³ To bajiro yua sēniĩarone, ado bajiro yuare cudicami Jesús:

—Ī masune rojose ĩ yire vaja me, ĩ jacua quēne rojose ĩna yire vaja me, to bajigu ruyuyumi ĩ. “Dios ĩ masisere masirĕjaro masa” yigu, to bajigu ruyuyumi. ⁴ Īmua ti ĩaro moamasiaja mani. Rāioro berojuma moamasibeaja mani. To bajirone bajiaja mani catise quēne. Ado ĩarāma, moamasiaja mani. To bajiboarine, no bojarirūmua mani bajireacoajama, moamenaja mani. To bajiri, yure cōacacu ĩ rotirore bajirone quēnaro yirūgūroti ĩaja. ⁵ To bajiri adi macarucurojare masa rujare bajiro ruju cuticōari, yu ĩasere ĩacōari, to yicōari, yu gotimasiore ajičōari, Diore masiama masa. Ti ĩaja yu moare —yicami Jesús.

⁶ To bajiro yigajanogūne, sita tūcurojare gooco eoreacūcami. To yicōa, ĩ goocone sitare yierocami. To yicōari, ĩabecure tine tucami, ĩ cajere. ⁷ To bajiro ĩre yicōari ado bajiro ĩre yiroticami, ĩabecure:

—Siloé vāme cutirita, masa ĩna guarūgūritaju vasa. Toju ejacōari, mu cajere coeba —ĩre yicami Jesús, ĩabecure. (Hebreo oca rāca “siloé” ĩna yijama, “cōar'i” yirā yicama.)

To bajiri Jesús ĩ coerotisere ajičōari, ĩ coerotirore bajirone ĩ cajere coegu vacoacami ĩabecu. Ī cajere coegajanogūne, ĩacoasuju. To bajiri ĩ ya viju tudicoasuju. ⁸ Ī tudiejaro ĩacōari, ĩ yarā, ĩre ĩarūgūriarā, ado bajiro ĩre yiyujarā ĩna:

—“¿Yure ĩamaicōari, yure ĩsiĩna” yirujirūgūgū me ĩnati ĩma? —yiyujarā ĩna.

⁹ To bajiro ĩna yirone,

—Īne ĩnaami —yiyujarā ĩna sīgūri.

Gājerājuama:

—Ī me ĩnaami. ĩre bajigune ĩnaami, bajigujuma —yiyujarā gājerāju.

To bajiro ĩna yisere ajičōari ĩ masune,

—Īne ĩaja yu —yigotiyuju ĩ.

¹⁰ To bajiro ĩ yigotijare ado bajiro ĩre yisēniĩañujarā masa:

—¿No bajiro yicōari, ĩacoati mu yuja? —ĩre yiyujarā ĩna.

¹¹ To bajiro ĩna yijare,

—Sīgū, Jesús vāme cutigu ĩ goocone sitare yierocōari yu cajere tumi. Tire tucōari, ado bajiro yure yirotimi: “Siloé vāme cutiritaju vacōari, mu cajere coeba”, yure yimi. To bajiri tiraju ejacōari, yu cajere coebu yu. To bajiro yigune, ĩacoaju yu yuja —ĩnare yiyuju ĩ.

¹² To bajise ĩnare ĩ yigotijare, ado bajiro ĩre yisēniĩañujarā masa:

—¿Noju ĩnarojari, to bajiro mure yir'ima? —ĩre yisēniĩaboayujarā ĩna.

—Ba. Masibeaja yu —yiyuju ĩabecu ĩnaboar'i.

¹³ To bajiro ĩ yisere ajičōari, fariseo masa tujare ĩabecu ĩnaboar'ire ĩre jiasujarā ĩna. ¹⁴ Ī goocone sitare yierocōari ĩabecure Jesús ĩ caje ĩaroticatirūmuma, jud'io masa ĩna us̄s̄ajarirūmua ĩacaju ti. ¹⁵ To bajiri ĩabetiboacure ĩna ĩmiejaro ĩacōari, ado bajiro ĩre yisēniĩañujarā fariseo masa:

—¿No bajiro yicōari, ĩabetirūgūboagune, ĩacoati mu yuja? —ĩre yisēniĩañujarā fariseo masa.

To bajiro ĩre ĩna yirone,

—Ī goocone sitare yierocōari, yu cajere tumi. Tire coegune ĩacoaju yu yuja —Īnare yigotiyuju ĩ.

¹⁶ To bajiro ĩ yirone,

—Mure to bajiro yir'ima, Dios ĩ cōar'i me ñagūmi. Ūsasājararūmure rūcūbuobesumi —yiyujarā ĩna.

Gājerājuama ado bajiro yiyujarā ĩna:

—Rojose yigu ĩ ñajama, ado bajiro ĩaĩañamanire yibetiborimi —yiyujarā gājerājuama.

To bajiri ricatiri rīne tuoĩañujarā ĩna fariseo masa. ¹⁷ To yicōari bero, quēna gāme sēniñañujarā ĩna, ĩabecu ñaboar'ire:

—Muma, ¿no bajiro tuoĩati mu, “Īato” mure yir'ire? —yiyujarā ĩna.

To bajiro ĩna yirone,

—“Diore gotirētobosarimasu ñagūmi”, yaja yuma —yiyuju ĩ.

¹⁸ “Īabecu ruyuar'i ñaboarine, ĩacoasumi yuja”, yiruabesujarā ĩna maji. To bajiri ĩabetiboar'i jacuare jicōañujarā ĩna. ¹⁹ ĩna ejaro, ado bajiro ĩnare yisēniñañujarā ĩna:

—¿Mua macu, ĩabecu ruyuacacu mua yigune ñati ānima? ¿No bajiro yicōari ĩabecu ñaboarine, ĩacoasujari ĩ yuja? —yisēniñañujarā ĩna, ĩ jacuare.

²⁰ To bajiro ĩna yisēniñajare, ĩnare gotiyujarā ĩna:

—Īne ñaami yua macune, ĩabecu ruyuacacune. ²¹ To bajiboarine, “Ado bajiro yicōari, ĩaami yuja”, yimasibeaja yua. Ī cajere ĩarotir'ire masibeaja yua. Īre sēniñaña mua. Bucu ñaami jēre. Ī masu mure gotiato —yiyujarā ĩ jacua.

²² Jud'io masa ujarāre ĩnare güirā ñari, “Jesune ñaami ĩre ĩarotir'i” ĩnare yiterā ñari, to bajise yiyujarā ĩ jacua. Jud'io masa ujarā ado bajiro yituoĩañujarā ĩna:

—“Jesús ñaami ‘Rotimurögörucumi’ yigu, Dios ĩ cōar'i, mani uju” yirāre sājarotibetiruarāja mani, Dios ocare ĩna buerivirijure —yituoĩañujarā ĩna.

²³ To bajiri, “Manire sājarotibetoma” yirā, “Bucu ñaami. Īre sēniñaña”, ĩnare yiyujarā ĩabetiboar'i jacua.

²⁴ To bajiro ĩna yijare, ĩabetiboar'ire ado bajiro ĩre yiyujarā ĩna quēna:

—Dios sīgūrene quēnase ĩre yirūcūbuoya, mu cajere ĩarotir'i ĩ ñajare. Jesujuarema, “Rojose yigu ñaami”, ĩre yimasiaja yua —ĩre yiyujarā ĩna.

²⁵ To bajiro ĩna yisere ajicōari, ado bajiro yiyuju ĩ:

—“Rojose yigu, quēnase yigu ñagūmi”, ĩre yimasibeaja yu. “Īabecu ñaboacacu, yucurema ĩagū ñaja yu yuja”, yimasiaja yu, tirema —yiyuju ĩ.

²⁶ To bajiro ĩ yisere ajiboarine, quēna ĩre sēniñañujarā ĩna:

—¿No bajiro mure yiri ĩ, “Īato ĩ” mure yigu? —ĩre yiyujarā ĩna.

²⁷ To bajiro ĩna yijare, ado bajiro ĩnare cūdiyuju ĩ:

—Jēre mure gotiboabu yu. Yure ajibeaja mua. ¿No yiruarā quēna gāme gotire bojati mua? ¿Mua quēne ĩ buerā ñaruaatique? —ĩnare yiyuju ĩ.

²⁸ To bajiro ĩ yisere ajicōari, ĩre tud'iyujarā ĩna:

—Muma, ĩ buegu ñaja mu. Yuma, Moisés ñamasir'i ĩ rotimasirere buerā ñaja yuma. ²⁹ “Moisés ñamasir'ire ñagōñumi Dios”, yimasiaja yua. Mure cator'irema masibeaja yua. “Toju vadir'i ñagūmi”, yimasibeaja yua, ĩrema —yiyujarā ĩna.

³⁰ To bajiro ĩna yisere ajicacōari, ado bajiro ĩnare cūdiyuju ĩ:

—Yu cajere ĩ ĩarotibojajuquēne, “Toju vadir'i ñañumi”, yimasibeaja mua.

³¹ “Rojose yirārema ajibecumi Dios. Īre rūcūbuocōari, ĩ bojasere yirā rīrene

ajigami Dios”, yimasiaja mani. ³² “Īabecu ruyuar'ire sīgū ĩre ĩaroticōañuju” yire ajiyamanicaju ti. ³³ Yure ĩarotiguma, Dios ĩ cōagū me ĩ ñajama, yure no yimasibetiborimi —ĩnare yiyuju ĩ.

³⁴ To bajiro ĩ yijare, ado bajiro ĩre yiyujarā ĩna:

—Rēmone rojose rāca ruyuar'i ñaja mu. To bajigu ñaboarine, “Īnare gotimasiorucija yu”, ¿yituoĭaboati mu, yuare? —ĩre yiyujarā ĩna, ĩabecu ñaboar'ire.

To yicōa, ĩre bucōañujarā ĩna, Dios ocare ĩna bueriviju ñaboagure.

“Yure ajitirūnūmenama, caje ĩamenare bajiro bajiamā”, Jesús ĩ yire queti

³⁵ Īabecu ñaboar'ire ĩre ĩna bucōasere ajicaju yua, Jesúrāca. To bajiri ĩre ĩabujacōari, ado bajiro ĩre yicami Jesús:

—¿Dios ĩ roticōacacure ajitirūnūati mu? —ĩre yicami Jesús.

³⁶ To bajiro ĩ yirone, ado bajiro ĩre cūdicami:

—Yure gotiya. “Ī ñaami”, yiya. ĩre ajitirūnūajaja —Jesúre ĩre yicami.

³⁷ To bajiro ĩ yirone, ado bajiro ĩre cūdicami Jesús:

—Jēre ĩre ĩaja mu. ĩne ñaja yu, ado mu rāca ñagōgūne —ĩre yicami Jesús.

³⁸ To bajiro ĩ yirone,

—Yu cju, mure ajitirūnūajaja yu —Jesúre ĩre yicōa, ĩ rĭjorojuare gūsomuniari tuetucami, “Ñamasugū masune ñaja mu” ĩre yirūcubogū.

³⁹ To ĩ yiro bero, ado bajiro masare yicami Jesús:

—Īamenare bajiro bajirā ñaama Dios ocare ajitirūnūmena. “Quēnaro Diore ajitirūnūato ĩna” yigu, adi macarucurojore vadicaju yu. To bajiboarine Diore ajitirūnūmena ñaboarine, “ ‘Diore ajitirūnūrā ñaja yua’ yirāma, rojose tāmūotujabetiriaroju varuarāma ĩna” yiguagu vadicaju yu —ĩnare yicami Jesús.

⁴⁰ To bajiro ĩ yijare, to ñacana fariseo masa sīgūri, Jesúre ĩre sēniāacama ĩna:

—¿“Dios ocare masimena ñaama ĩna quēne” yigu, yuare yati mu? —Jesúre ĩre yicama ĩna.

⁴¹ To bajiro ĩna yirone,

—“Dios ocare quēnaro masibeaja yua” muu yigotijama, rojose maniboriaroja ti, muare. “Jēre Dios ocare masiaja yua” yirā ñari, yure muu ajitirūnūbetijare, rojose ñacōa ñaja muare —ĩnare yicami Jesús.

10

Ovejare ĩatirūnūgūre bajiro Jesús ĩre ajitirūnūrāre ĩ codese

¹ Quēna masare gotimasioḡū ado bajiro yicami Jesús:

—Ñamasusere riojo muare gotiaja yu. No bojagu oveja ĩna ñarisānirore, sojere sājabecu, soje manijurene joresājagūma, juarudirimasu o gājerā yarāre ēmacudirimasu ñagūmi. ² Sojene sājagūma, ĩnare coderimasu ñaami. ³ Ovejare coderimasure, “Sājajaro ĩ” yigu ĩre soje jānabosagumi, ti sāniro sojere codegu. ĩ sājatone ĩ oca jedisere ajimasicōarāma ĩna oveja. ĩna vāmene ĩnare jibugumi, ĩnare masigū ñari. ⁴ ĩnare jibujeocōari, ĩnare rĭjoro cuti vacumi. ĩ ocare ajimasicōari, ĩre sūyarāma ĩna. ⁵ ĩna ajimasibecurema sūyamenama ĩna. ĩ ocare ajimasibeticōari, ĩre rudiruarāma ĩna —ĩnare yicami Jesús, masare.

⁶ Ado bajise ĩnare yigotimasioboacami Jesús. ĩnajūama boca ajimasibeticama.

“Oveja ña sãjarisojere bajiro bajigu ñaja yu”, *Jesús i yire queti*

⁷ Ña ajimasibetire masicõari, ado bajiro ñare goticami Jesús quëna:

—Ñamasusere riojo mware gotiaja yu. Yu ñaja soje, oveja ña sãjarisojere bajiro bajigu. Ovejare bajiro bajirã ñaama masa. ⁸ Yu rñjoro ejariarãma, “Rotimurõgõrucami” yigu, Dios i cõagũ ñaja yu”, yisocariarãma. Ña ñaro cõrone juarudirimasare bajiro bajirã ñacoayuma ña, yure ajitirũnarãre, “Ajitirũnabeticõaña” yirã. To bajiro ñare ña yiboajaquëne, yure ajitirũnarãjuma, ñare cudibesuma ña. ⁹ Yu ñaja sojere bajiro bajigu. No bojarãre yure ajitirũnarãre, rojose tãmuotujabetiriaroju ña vaborotire ñare yirõtobosarucija yu. Ovejare coderimasare bajirone quënarõ ñare ñacoderũgũrucija yu. To bajiri ñie gũiose mano quënarõ ñacõa ñarũgũruarãma ña.

¹⁰ Juarudirimasa, masare juarudiruarã, ñare sãama ña. Yujuma, “Sĩgũ ruayabeto catireayere quënarõ cuojedicõato ña” yigu, vadicaju yu. ¹¹ Yu ñaja ovejare quënarõ coderimasare bajiro bajigu. Ovejare quënarõ coderimasare ñe ña sãarũaboajaquëne, quënarõ ñare codecõa ñarucami. Ñe bajiro bajigu ñaja yu. Yure ajitirũnarã rojose ña yise vajare yune ñare vaja yibosarocu ñaja yu. ¹² Sĩgũ, vaja bojagu rñe i moajama, quënarõ ovejare codetirũnabecami. Buyairo i ejaro ñacõari, ovejare vaveocoacami i, ñe rudigu. I yarã oveja me ña ñajare, ñare vaveocoacami. To bajiri, buyairo jiaejacõari, ovejare ñare ãgõbatereacõagũmi. ¹³ Vaja bojagu masune moagũ ñari, ovejare ñare maibecune, ñare vaveorucami, i yarã me ña ñajare.

¹⁴⁻¹⁵ Yu ñaja ovejare quënarõ coderimasare bajiro bajigu. Dios, yu jacu yure i masirore bajirone yu quëne ñe masiaja. Tire bajirone yure ajitirũnarãre quëne ñare ñamasiaja yu. Ñajua quëne, yure ñamasiamã ña. Ñare rijabosarocu ñaja yu. ¹⁶ Yure ajitirũnarõna, sĩgũri, jud'io masa me ñaruarãma. Ñare quëne ñare jirẽorucija yu. Ña quëne yure cudiruarãma ña. To bajiri cojorũmu cojo masare bajirone bajicõa ñarũgũruarãma ña, gãmerã ñamairã. To bajiri yu sĩgũne quënarõ ñare coderũgũrucija yu.

¹⁷ Yure ajitirũnarãre ñare rijabosaruaja yu, “Ña rijato beroju rojose tãmuotujabetiriaroju vatoma ña” yigu. Yu rijato beroju quëna tudicatirucija yu, bajigujama. Yure ajitirũnarãre yu rijabosaruajare, yu jacu buto yure maiami. ¹⁸ Masare yu rijabosaruabetijama, no bajiro yicõari yure sãabetiborãma ña. Masare yu rijabosaruase ñaja yu bojarore bajirone yu yiroti. To bajiri, quëna yu tudicatirujama, caticoa masiaja yu. To bajiro yu yimasirotire yure cũcami yu jacu —masare yigoticami Jesús.

¹⁹ To bajiro i yisere ajicõari, jud'io masa ujarã ricatiri rñe tũõiacama ña. ²⁰ Jãjarã ña rãcana ado bajiro yicama:

—Vãti sãñagũ, mecũrimasu i ñaboajaquëne, ¿no yirã ñe ajiati mwa? — ñare yicama ña.

²¹ Gãjerãjuma, ado bajiro yicama ña:

—Vãti sãñagũ i ñajama, to bajise ñagõbetiborimi; to yicõari, caje ñamenare quëne ñare ñarotibetiborimi —yicama ña.

Jud'io masa ujarã, Jesúre ña ajirũabeti queti

²² Jerusalénju Diore yirũcũbuoriavijure ñarãre Diore rũcũbuomenare ñare bucõari, ña quënorere tũõĩariũmũri ñacaju ti, tirũmũri. Juebũcũrũmũri ñacaju ti. ²³ To bajiri Diore yirũcũbuoriaviju sãjacõari,

Salomón vāme cūtijacatuajūare vacaju yua Jesúrāca. ²⁴ To bajiro yua bajīnarone, Jesús taju jud'io masa ūjarā rējacōari, ado bajiro ĩre sēniīacama:

—¿No cōrojū, “Ī me űaami. Īne űaami”, mure yimasirāti yua? “Rotimūorūgōrucūmi” yigū, Dios ĩ cōar'i mū űajama, yucane riojo yūare gotiua —Jesúre ĩre yicama ĩna.

²⁵ To bajiro ĩna yisere ajicōari, ado bajiro cūdicami Jesús:

—Ĵere mūare gotiboaja yū. Yure ajibeaja mūa. Yū jacū ĩ rotisene cojoji me mūare yīōcōarūgūboaja yū. Tire ĩacōari, “Īne űaami”, mūare yiroti űarūgūboaja ti. ²⁶ Yū yarā me űaja mūa, bajirājūma. To bajiri yure ajitirūnūbeaja mūa. ²⁷ Oveja ĩna ūjū ocare ĩna ajimasirore bajirone yū yarā yure ajimasīama ĩna. Yū quēne quēnaro ĩnare masīaja. To bajiri yure ajitirūnū sūyaama ĩna. ²⁸ Dios ĩ catisere ĩnare ĩsīaja yū. To bajiri űiūane yure jicāmoto ecobetirūcūmi. To bajiri, ĩna rijato berojū, quēna tudicatijedicōari yū rāca quēnaro űacōa űarūgūruarāma. ²⁹ “Īnare cūoato” yigū, yū jacū yure cūcami. űiūane ĩ rētoro masigū magūmi. To bajiri űiūane yure jicāmoto veomasibetirūcūmi. ³⁰ Yū, yū jacū rāca sīgūne űaja yua —yicami Jesús, jud'io masa ūjarāre.

³¹ To bajiro ĩ yirone, gūtarire juacama ĩna, ĩre rearuarā. ³² To bajiro ĩna yisere ĩacōari, ado bajiro ĩnare yicami Jesús:

—Yū jacū ĩ masisene cojoji me mūa ĩaro rĳjorojūa ĩaĩaűamanire yīiorūgūmū yū. ¿Di vāme yū yīōsere ĩacōari, “Rojose yigū yami” yirā, gūtane yure rearuati mūa? —Īnare yicami Jesús.

³³ To bajiro ĩ yirone, ado bajiro ĩre cūdicama ĩna jud'io masa ūjarā:

—Īaĩaűamanire mū yīōse sūori me gūta rāca mure rearuarāja yua. Ruja-jine Diore mū yise vaja mure rearuarāja yua. Yūare bajiro masū űaboarine, “Dios űaja yū”, yiboaja mū —ĩre yicama ĩna, Jesúre.

³⁴ To bajiro ĩna yijare, ado bajiro ĩnare yicami Jesús:

—“‘Yure bajiro bajirā űaja mūa’ yiyumi Dios”, yucamasire űaja, mūa űicūa ĩna rotimasire. ³⁵ “Dios ocare masa ĩna ucamasire riojo űamasuse űaja”, yimasīaja mani. “Ī ocare ajitirūnūrāre, ‘Yure bajiro bajirā űaja mūa’ yiyumi Dios”, yimasīaja mani. ³⁶ “Mū sīgūne űaja mū, yure bajiro bajigū” yigū, adi macarūcūrojūre yure cōacami Dios. To bajiro ĩ yicacū yū űaboajaquēne, “Dios macū űaja yū” yū yirone, ¿no yirā, “Diore yīajegu yaja mū”, yure yati mūa? ³⁷ Yū jacū ĩ yirore bajirone yū yibetijama, yure ajitirūnūbesa. ³⁸ Yū jacū ĩ yirore bajirone yū yijama, yure ajitirūnūbetiboarine, yū yīōsere ĩacōari, “Dios macū űaami”, yitūōaroti űaja mūare. To bajiri, “Yū jacū rācane űaja yū. Ī quēne yū rācane űaami” yū yigotimasiosere ajicōari, “Riojo gotiami”, yure yimasirona űaja mūa —ĩnare yicami Jesús.

³⁹ To bajiro ĩ yisere ajicōari, ĩre űiarūaboacama ĩna. Jesújūama boca rudicoacami.

⁴⁰ To bajivacū, Jordán vāme cūtirisa gajejacatuajū yūare ūmato jēacoacami Jesús. Tojū ejacōari, masare oco rāca Juan ĩ bautiza űacatojūre tujacajū yua yuja. ⁴¹ Tojūre jājarā masa ĩre ĩarā ejacama. Jesúre ĩre ĩacōari, ado bajiro gāmerā yicama ĩna:

—Īaĩaűamanire yīōbetiboarine, jediro Jesús ĩ bajisere gotigū, socū mene gotiyumi Juan —gāmerā yicama masa.

⁴² Tojūre jājarā masu, Jesúre ĩre ajitirūnū sūyasūocama ĩna yuja.

11

Lázaro i bajirocare queti

¹⁻² Sigũ ñacami Lázaro vãme cutigũ. Ī bederã rōmiri ñacama Mar'ia, gajeo Marta. Īna ñacama Betania vãme cuti macana. Mar'ia ñacamo so, Jesús gũborire sutiquẽnase tucõari so joa ñajone vejacarocaco. Bũto rijayuju Lázaro. ³ Lázaro ĩ rijaro ñacõari, ĩ bederã rōmiri Jesũre ĩre oca cõañuma ĩna:

—Mu baba Lázaro bũto rijami —ĩre yi oca cõañuma ĩna.

⁴ Tire ajicõari, ado bajiro yũare yicami Jesús:

—Rijaye ĩre sãbetoja. “Quẽnarẽtogũ ñaami Dios. Ī cõrone quẽnagũ ñaami ĩ macũ quẽne’ yirũcũbuorãjaro masa” yigũ, rijagu bajigumi —yũare yicami Jesús. “Ĩre rijaye ĩre sãbetoja” yigũ, “Rijayayicõa tũjabetirũcumi” yirũne yicõañumi.

⁵ Lázarore, ĩ bederã rōmiri Martare, to yicõari, Mar'iare quẽne ĩnare maicami Jesús. ⁶ To bajilboarine, “Bũto rijami Lázaro” ĩna yisere ajiboarine, vabeticami Jesús maji. Tone yũa ñacatone juarũmu ñacõacaju yũa maji, Jesũrãca. ⁷ To baji, juarũmu bero yũare ĩ buerãre ado bajiro yũare yicami Jesús:

—Ita quẽna, Judea sitaju. Lázaro ĩ ñaroju vajaro mani —yũare yicami Jesús.

⁸ To bajiro ĩ yisere ajicõari, ado bajiro ĩre sẽnĩlacaju yũa:

—Cãnũbusane toana jud'io masa ujarã gãta rãca mũre rearũacama ĩna. ¿Tojũre quẽna tudivaroti tũoĩati mu, yũare gotimasiogũ? —Ĩre yisẽnĩlacaju yũa, Jesũre.

⁹ To yũa yirone, ado bajiro yũare cũdicami Jesús:

—Adi macarũcurojũre mani catiro cõro quẽnaro cõĩamasiami Dios. Ī bojaro cõro catirũarãja mani. No bojarã Diore masirã, Dios ĩ bojasere yitũjabeama, yũre ajitirũnrã ñari. ¹⁰ Diore masimenajũama, Dios ĩ bojasere yirũabeama, yũre ajitirũnumena ñari —yũare yicami Jesús.

¹¹ Tire yũare goticõa, quẽna gajeje yũare gotirẽmocami:

—Mani baba Lázaro, cãnicoarimi. To bajiri ĩre yujiogũacu yaja yũ —yicami Jesús.

¹² To bajiro ĩ yijare, ado bajiro ĩre yicaju yũa:

—Cãnigũ ĩ bajijama, caticoarũcumi —ĩre yicaju yũa, Jesũre.

¹³ “Cãnigũ bajigumi” Jesús ĩ yisere ajicõari, “Ī usũsãjarere yigumi”, yicõacaju yũa. To bajiro yũa yitũoĩaboajaquẽne, Jesũjuama, “Bajirocararimi” yirũne yicõañumi Jesús. ¹⁴ To bajiri, “Yũre quẽnaro ajimasi-beama ĩna” yigũ, riojo yũare goticami Jesús:

—Lázaro bajiyayicoarimi —yicami yuja. ¹⁵ —Variquẽnaja. Quẽnaro ĩ tũjũre vabeju yũ, “Riojo Dios macũne ñaami” mũna yirũcũbuorotire yigũ. To bajiri, ita. Ītato, Lázarore —yũare yicami Jesús.

¹⁶ Jesús buerimasũ yũa rãcagu, Tomás vãme cutigũ ñacami. Cojoji ruyuarãne, juarã ruyuar'i yũa yicacu ñacami. Ado bajise yũare yicami:

—Ita mani quẽne. Jesũrãcane bajiyayirãsa —yũare yicami Tomás.

“Yũ ñaja masare catiomasigũ”, Jesús ĩ yire queti

¹⁷ To bajiri, Betaniaju yũa ejarone, —Babarirũmuri tũsaju, Lázarore ĩna yujero bero —yũare yigoticama masa.

¹⁸ Jerusalén macaju ñacõari, vajama, tres kilómetros vaejariaro ñacaju Betania maca. ¹⁹ Jerusalén maca vadiriãrã jud'io masa jãjarã ejayuma,

Lázaro ĩ bajirocajare otirã. “Quēnabeti bajaiaja ti m̄ua gagu ĩ bajiyayise” Martare, to yicōari Mar'iare quēne yiotirã ejayuma ĩna. ²⁰ To bajiro ĩna yiñarone, “Vadiami Jesús” ĩna yisere ajicōari, yuare bocago, vadicoayumo Marta. To so bajiro ũnone, so bedeo, Mar'iajuma, vadibesumo. Vijune ñacōañumo so. ²¹ Jesús tuj̄u ejaçōari, ado bajiro ĩre yicamo Marta:

—Yu uju, adone m̄u ñajama, yu gagu bajiyayibetiborimi. ²² ĩ bajirocato bero ti ñaboajaquēne, “Diore m̄u sēnijama, m̄u sēnirore bajirone m̄ure cadir̄ucami Dios”, yimasiaja yu —Jesúre ĩre yicamo so, Marta.

²³ To so yisere ajicōari,

—M̄u gagu quēna caticoar̄ucami —sore yicami Jesús.

²⁴ To bajiro ĩ yijare,

—Soc̄u me yaja m̄u. Ñatusarir̄um̄u masare Dios ĩ catiorir̄um̄u, quēna caticoar̄ucami yu gagu —ĩre yicamo so.

²⁵⁻²⁶ To so yisere ajicōari, ado bajiro sore yicami Jesús:

—Yu ñaja masare catioḡu masuma. No bojarã yure ajitir̄un̄r̄ama bajiyayicoaboarine, quēna tudicaticōar̄ar̄ama ĩna. To ĩna bajiro bero, juaji tudir̄ijabetir̄ar̄ama. ¿Tire ajitir̄un̄ati m̄u quēne? —Martare sore yisēñiacami Jesús.

²⁷ To bajiro ĩ yisere ajicōari,

—“Yu uju, m̄u yirore bajirone bajaiaja ti. M̄une ñaja, ‘Rotim̄or̄öḡor̄ucami’ yiḡu, Dios ĩ cōar'i, masa ñajediro uju. Dios mac̄u ñaja m̄u, adi macar̄uc̄roj̄ure vadir'i”, m̄ure yimasiaja yu —Jesúre ĩre yicamo so.

Lázaro masa boero tuj̄u Jesús ĩ otire queti

²⁸ To yicōa, so bedeo Mar'iare, sore jigo, tudicoacamo Marta. So tuj̄u ejaçōari, ado bajiro Mar'iare sore gotirudiyuju so, yayioroaca:

—Manire gotimasiorimasu tone ñaami. “Vadiato”, m̄ure yimi —sore yiyuju Marta, so bedeo.

²⁹ To sore so yigoticōar̄oj̄uma, guaro v̄um̄u budi vadicoayumo so Mar'ia, Jesúre ĩre ĩagoago. ³⁰ Jesúr̄aca ti macaj̄u ejaçōari yu maji. Marta yuare so bocacatoj̄u ñacōacaj̄u yu maji. ³¹ Mar'ia r̄aca ñañuma ĩna jud'io masa, so gagu ĩ bajiyayijare otirã. To bajiri Mar'ia guaro so v̄um̄u vado ĩacōari sore sayayuma ĩna quēne. “Masa boero tuj̄u otigo, vaco bajigomo” yirã baji ruyuyuma ĩna.

³² Mar'ia, Jesús tuj̄u ejaçōari, ĩ ḡabori tuj̄u ḡusomuniari tuetucamo so, ĩre r̄uc̄uoḡo. To yicōari, ado bajiro ĩre yicamo so:

—Yu uju, c̄an̄u m̄u ejaçama, yu gagu bajiyayibetiborimi —Jesúre ĩre yicamo so, Mar'ia.

³³ Mar'ia so otisere ĩacōari, so r̄aca vadicana jud'io masa quēne ĩna otisere ĩacōari, Jesús, b̄uto s̄atir̄iticami. ³⁴ To bajicōari ĩnare sēñiacami Jesús:

—¿Noju ĩre yujemasiri m̄u? —ĩnare yisēñiacami Jesús.

To bajiro ĩ yirone,

—Adoj̄u ĩaḡu vadĩasa yu uju —ĩre yicama ĩna.

³⁵ To bajiro ĩre ĩna yirone, oticami Jesús. ³⁶ Jesús ĩ otisere ĩacōari, ado bajiro yicama ĩna jud'io masa, s̄iḡuri:

—Īñasaque. Lázarore b̄uto ĩre maiboayumi —ḡamerã yicama ĩna.

³⁷ To bajiro ĩna yirone, ḡajerã s̄iḡuri ado bajiro yicama:

—Caje ĩabecure ĩaroticacu ñaboarine, ¿no yigũ Lázaroema, “Rijabeticõato”, yimasibesujari? —gãmerã yicama ĩna sĭgũri, to ñacodecana.

Lázaro ĩ tudicatire queti

³⁸ Bũto sutiritigune, ejarũgũcami Jesús, Lázaro masa boero tũjũre. Gũtavi ñacaju ti, bajirocar'ire ĩna yujeriaju. Gũtane bibe ecoyuja. ³⁹ Tojũre ejaũgũne,

—Gũtare tũnuo gocõaña —ĩnare yicami Jesús.

To bajiro ĩ yirone ado bajiro ĩre yicamo so, Marta, Lázaro ñaboar'i bedeo:

—ĭYũ uju, majique! Babaricãrãcarũmu tusacoaju ĩ bajiyayiro bero. Jẽre ãni suticoacũmi —Jesũre yicamo so.

⁴⁰ To so yiboajaquẽne, ado bajiro sore yicami Jesús:

—Yũre mu ajitirũnũjama, rẽtoro ñamasusere Dios ĩ yimasisere ĩarũocoja mu, mũre yibũ yũ —sore yicami Jesús.

⁴¹⁻⁴² To bajiri yuja, gũtare tũnuogocama masa. ĩna tũnuogorone, õ ve-
cajũare ĩarũocõari, ado bajiro yicami Jesús:

—Cacu, “Quẽnaja” mũre yaja, yũre mu ajise ñajare. Tocãrãcaine mũre yũ sẽniro ajirũgũaja mu. To bajiri, “ ‘Dione ñaami Jesũre ĩre cõar'ĩ’ yimasiato ĩna” yigũ, ĩna ĩaro rĩjoroju yũ yimasirotire mũre sẽniaja yũ —Diore yicami Jesús.

⁴³ To yigajanogũne, tutuase avasãcami Jesús yuja:

—Lázaro, budiaya mu —yicami Jesús.

⁴⁴ To bajiro ĩ yirone, bajirocar'ire ĩna yujer'i ñaboarine, budicoadicami Lázaro. ĩ ricarire to yicõari, ĩ rujũre quẽne sudine dũrear'i ñacami. ĩ gũbori, ĩ rujõa quẽne sudine gũmar'i ñacami. To bajiri,

—ĩre õjaña mu. Vajaro ĩ —ĩnare yicami Jesús.

“¿No bajiro yicõari, Jesũre ĩre sũarãti mani?”, ĩna yire queti

(Mt 26.1-5; Mr 14.1-2; Lc 22.1-2)

⁴⁵ To bajiro Jesús ĩ yĩosere ĩacõari, jãjarã jud'io masa, Mar'iare baba cuticana, Jesũre ĩre ajitirũnũ sũyasũocama ĩna. ⁴⁶ Gãjerãma, Jesús ĩ yĩosere ĩacõari, fariseo masare gotirã vasujarã ĩna. ⁴⁷ ĩna gotisere ajicõari, fariseo masa, paia ujarã rãca rãjañujarã ĩna. Rẽjacõari, jud'io masa ujarãre, Dios ĩ rotimasire gotimasiorimasare quẽne jirẽocõañujarã ĩna. To bajiri ĩna rãca ado bajiro gãmerã ñagõñujarã ĩna:

—¿No bajiro ĩre yirãti mani? Bũto masune ĩaĩañamanire yĩogũ yami.

⁴⁸ To bajirone ĩre mani yibõa tũjajama, masa jediro ĩre ajitirũnũrũarãma. To bajicõari, Diore yirũcũbũoriavire caguereacõarũarãma romano masa. To yicõari mani ñarimacarire reajeocõarũarãma ĩna —gãmerã yiyujarã ĩna.

⁴⁹ Ti cãmare paia uju ñamasugũ Caifãs vãme cutigũ ñacami. To bajiro ĩna yisere ajicõari, ado bajiro ĩnare gotiyuju ĩ:

—Masibeaja mu. ⁵⁰ Mani ye jedirore ĩna reajama, quẽnabetõja. To bajiri ĩaĩañamanire yĩogũ, manire rijabosato ĩ —yiyuju Caifãs.

⁵¹⁻⁵² ĩ masurione to bajise tũoĩacõari, yibesuju Caifãs. Paia uju ñamasugũ ñari, Dios sũorine to bajiro gotiyuju, Jesũre ĩre sũaruagũ ñaboarine. “Jud'io masa rĩrene ĩnare rijabosabetirũcũmi Jesús. No bojarã Jesũre ĩre ajitirũnũrona Dios rĩa ñaronare adi macarũcũroanare ĩnare rijabosarũcũmi Jesús” yimasibecu ñaboajaquẽne, ĩ tũoĩasere Caifãre cõañuju Dios. ⁵³ To bajiri, Caifãs ĩ gotiriarũmũne, “¿No bajiro yicõari Jesũre ĩre sũarãti mani?”, gãmerã yisũoyujarã ĩna, jud'io masa ujarã.

⁵⁴ To bajiri, jud'io masa İna ñarorema ñacudibeticami Jesús yuja. To ñabecune, yucú manojũ ñarimaca, Efra'in vāme cuti macajũa yũare ũmato vacoacami Jesús.

⁵⁵ Pascua boserũmũ İna yiroto mojoroaca ruyacoadicajũ ti. To bajiri, jãjarã masa vacama Jerusalénjũ, “ ‘Rojose mana ñaja mũa yuja’ manire yĩlato Dios” yirã, paia İna yirotirere yirã vana. ⁵⁶ Tojũre ejacõari, Jesúre macaboayujarã İna. İre macaboana, Diore yirũcũbũoriavijũre ejacõari ado bajiro gãmerã sēniñañujarã İna, Jesús ĩ ejabetijare:

—¿Mũama no bajiro tũoĩati mũ? ¿Boserũmũ vadibetimasucõagũ yiguida? —gãmerã yiyujarã İna, Jesús ĩ ejabetijare.

⁵⁷ Fariseo masa, to yicõari, paia ujarã quēne, “Jesúre mũa İabũjajama, yũare gotiba. İre ñiarũarã yaja yũa”, yiyujarã İna, masare.

12

Jesús gũborire sũtiquēnasene rõmio so yuejeore queti

(Mt 26.6-13; Mr 14.3-9)

¹ Cojomo cõro, coja jēnituarirũmũri Pascua boserũmũ ñaroti ti ruyarũtuato Betania vāme cuti macajũ vacajũ yũa, Jesúrãca. Lázaro ĩ ñarimaca ñacajũ ti maca Betania. To ñacajũ Lázarore, bajirocaboar'irene Jesús ĩre ĩ catiocato. ² Jesús ĩ ejaro İacõari, ĩre rũcũbũorã ĩre bare quēnoecacama toana rõmiri. Lázaro bedeo, Marta ñacamo, yũare bare jeogo. Lázaro quēne ñacami, yũa rãca bagũ. ³ Yũa bañarone sũtiquēnase nardo vāme cutisere ãmiejacamo Lázaro bedeo ñatusago, Mar'ia vāme cutigo. Trescientos gramos cõro ñacajũ ti. Jairo vaja cutise ñacajũ. Tine Jesús gũborire yuetucamo so. Yuetucõari so joa ñajone tire vejacarocamo so. Vi jũmũrone sũtijũmũcoacajũ ti.

⁴ Tone ñacami Judas Iscariote quēne. ĩ quēne yũare bajirone Jesús buegũ ñacami. ĩ ñañumi Jesúre İaterãre İsirocarocũ. Jesús gũborire so yueturo İacõari, ado bajiro sore yicami:

⁵—Tire sũtiquēnasere İsicõari, trescientos ñaritiiri juaroco ñaboayumo so. Ti vaja juacõari, maioro bajirãre İnare mani İsijama, quēnaboyuja ti —sore yicami Judajũama.

⁶ Maioro bajirãre maibetiboarine to bajiro yicõacami ĩ. Juarudirimasũ ñari to bajise yicami ĩ. ĩ ñarũgũcami yũa gãjoare juabosarimasũ. To bajiro yica yigũne yũa gãjoare juarudicõarũgũñumi ĩ. ⁷ To bajiri Judas to bajise sore ĩ yijare, ado bajiro ĩre yicami Jesús:

—Tone yicõato. Yũre İna yujeroto rĩjoro yuejeo rĩjoro cutigo yamo so. ⁸ Maioro bajirã mũa rãca ñacõa ñarũgũrũarãma, mũa ejarẽmorona. Yũma, mũa rãca ñacõa ñabetirũcũja —İre yicami Jesús.

Lázarore İna sũarũare queti

⁹ “Betania macajũ ñaami Jesús” İna yisere ajicõari jud'io masa jãjarã ejacama. Jesús sũgũrene ĩre İarã ejarã me, bajicama İna. Lázarore, Jesús ĩ catior'ire İarã rãcane vayuma İna. ¹⁰⁻¹¹ Lázarore quēne sũarũayujarã İna paia ujarã, ĩre Jesús ĩ catiore sũorine, jãjarãbũsa Jesũjũare ajitirũnũ sũyacõari, İnare İna cãmotadise ñajare.

“ ‘Rotimũorũgõrũcũmi’ yigũ, Dios ĩ cõagũ ñaja yũa” yĩlogũ, *Jerusalénjũ Jesús ĩ ejare queti*

(Mt 21.1-11; Mr 11.1-11; Lc 19.28-40)

12-13 Jerusalénju Pascua boserũma ĩna yiñarore ĩarã, jãjarã masa ejayuma ĩna. To bajiri Mar'ia Jesũre so yuetucatirũma beroagarũma ñacaju tirũmama. To bajiri tirũmurene Jesús ĩ ejarotire ajicõari, jejejũ ũni rujañoquerire jasurejuacõari Jesũre bocacama. ĩre bocarã, ado bajiro yivasã variquẽnacama ĩna:

—ĩ“Rotimũorũgõrũcumi” yigũ, Dios ĩ cõar'ia ñaami! ĩQuẽnase ĩre yivariquẽnato mani! ĩDiore rotibosagu quẽnaro ĩ yigu ñaami! —Jesũre ĩre yivasã variquẽnacama ĩna.

14 To bajiro ĩna yi vatone, burro vãme cutigũre ĩre bujacõari, ĩre vajejacami Jesús, “To bajirone bajirũcumi” Dios oca, masa ĩna yiucomasire ñajare. Ado bajiro yiucomasiñuma ĩna:

15 “Mũa Jerusalén macana, gũibetirũarãja mũa. Mũa uju ñarocu burro vãme cutigu joeju jesacõari, vadirũcumi”, yiucomasiñuma.

16 Maji to bajiro ĩna yiucomasirere ajimasibeticaju yũa, ĩ buerimasa. Jesús masare rijabosacõari Dios ĩ ñaroju ĩ tudimũjato bero, “Dios ocare masa ĩna ucomasire, Jesús ĩ vaditotirene gotiyuja ti”, yimasicaju yũa yuja.

17 ĩere ĩna yujerijure Lázarore Jesús ĩ catiocatire ĩacana, masa jedirotorene gotibatocõañuma. 18 To bajiri, ĩããñamanire Jesús ĩ yĩlocatire ajicõari Jesũre ĩarã ejacama jãjarã masa. 19 To bajiro masa ĩna yisere ĩacõari fariseo masa ĩna masune gãmerã ñagõñujarã ĩna:

—ĩãã. Masa jediro ĩ ocare ĩre ajitirũnũama ĩna yuja. No yiriario maja mani —gãmerã yiyujarã fariseo masa.

Griego masa Jesũre ĩna macare queti

20 Pascua boserũmure Jerusalénju Diore rũcũbuorã vana rãca sũgũri vusacama griego masa. 21 Felipere sũniarã ejayujarã ĩna. Galilea sita Betsaida vãme cuti macagu ñacami Felipe. Jesús buegu ñacami ĩ quẽne. Ado bajiro Felipere yiyujarã ĩna:

—Jesũrãca ñagõruaja yũa —Felipere ĩre yiyujarã ĩna.

22 To bajiro ĩna yisere ajicõari, Andrere ĩre gotigu vasuju Felipe. To bajiri ĩna juarã Jesũre gotirã ejacama, yũa tũju. 23 ĩna gotisere ajicõari, ado bajiro yicami Jesús, ĩnare:

—Yũ ñaja Dios ĩ roticõacacu. Yũre ĩna sũarotirũmũ cõñaja ti. Yũre ĩna sũaro bero, “Rẽtoro quẽnagũ ñaami”, yũre yimasirũarãma masa. 24 Ñamasusere ri-ojo mũare gotiaja yũ: Yũ rijabosabetijama, masa ñajediro, Diorãca quẽnaro ñabeticõari, ĩna bajirearo bero, rojose tãmũotujabetiriarioju varũarãma. Trigo aje otieriaro bajirone bajiaja ti. Trigo ajea, sita eñeroca tiare ĩna coacũbetijama, judibetoja ti. Tiare ĩna coacũjama, judicõari, jairo rica cutirũaroja ti. To bajirone bajirũaroja yũre quẽne. Yũre ĩna yujejare, yũ suorine ĩna rijato bero quẽnaro catijedicõa ñarũgũrũarãma jãjarã yũre ajitirũnũrona. 25 No bojarã, no ĩna bojarone ñare cutirãma adi macarũcuro ñasere ĩvariquẽnacõari, Diore tuoĩamenama, Dios ĩ catisere cuomena ñarũarãma ĩna. To bajiboarine, yũre ajitirũnũrã, “ĩ oca yũa gotise ñajare, yũare ĩna sũacõajama, quẽnacõaroja” yirãma, Dios ĩ catisere suorã ñarũarãma. 26 No bojagu yũ bojasere yirũagu, quẽnaro yũre ajitirũnu sũyaroti ñaja. To bajiro bajigũma, yũ rãca ñacõa ñarũgũrũcumi. To bajiro bajigũrema quẽnaro ĩre rũcũbuorũcumi yũ jacu —ĩnare yicami Jesús.

“Masare rijabosarũcũja yũ”, Jesús ĩ yire queti

27 To bajiro yicõari, ado bajiro ñagõcumi Jesús quẽna:

—Buto t̄noĩas̄utiritiaja yu. ¿No bajiro yiḡuti yu? ¿“ ‘Cacu rojose t̄am̄uoromi’ yiḡu, yure matabosaya”, yiḡuti yu? To bajiro yibetir̄uc̄uja yu. Tire t̄am̄uor̄ane vadicas̄u ñaja yu —yicami Jesús.

²⁸ To bajiro yic̄ōa, Dioj̄uare s̄enicami yuja:

—Cacu, m̄u bojarore bajirone bajiato. Masa m̄ure r̄ac̄ub̄uor̄ajaro — Diore ĩre yicami Jesús yuja.

To bajiro ĩ yirone, ð vecaj̄u ocaruyuc̄aj̄u:

—M̄u s̄uori “Masa qūenaro yure yir̄ac̄ub̄uor̄oato” yiḡu, yicoadicaj̄u yu. To bajiri, yir̄uc̄uja yu qūena, m̄u bajirotire —ȳi ocaruyuc̄aj̄u ð vecaj̄u.

²⁹ Tire ajir̄ane,

—B̄ujo ñaromi —yicaj̄u yua s̄iḡuri.

Ḡajer̄ama:

—Ángel ĩre ñaḡoḡu yir̄omi —yicama ĩna.

³⁰ To bajiro masa ĩna yisere ajic̄ōari, ado bajiro yicami Jesús:

—“Yure yiro me”, ȳi ocaruyuaaja ti. M̄uare “Ajiao” yiro, yaja.

³¹ Yuc̄acane rojose yure yir̄are ĩabes̄es̄uor̄uc̄ami Dios. To bajiro ĩ yis̄uorone masare ĩnare rojose yirotiḡure yir̄et̄or̄uḡur̄uc̄uja yu. To yu yirone, masare ĩ rotir̄uḡuboasere rotimasibetir̄uc̄ami ĩ yuja. ³² Yuc̄at̄er̄oj̄u masa yure ĩna jajutuse s̄uorine masa ñajediro uju ñar̄uc̄uja yu yuja. To bajiro yu bajise s̄uorine, “Dios mac̄u, yu uju ñar̄uc̄uja m̄u, m̄u masise r̄aca yure ejar̄emoroc̄u”, yir̄uar̄ama j̄ajar̄a ad̄i macar̄uc̄uroana.

³³ To bajiro ĩ yijama, “Ado bajiro s̄iaecor̄uc̄uja” yiḡu yicami. ³⁴ To bajiro ĩ yijare, ado bajiro ĩre c̄adicama masa:

—Dios ocare masa ucamasire ti gotijama, “ ‘Rotim̄uor̄uḡor̄uc̄ami’ yiḡu, Dios ĩ c̄ōaroc̄u bajirocabetir̄uc̄ami”, yigotiaja ti. To bajiro ti yigot̄iboajaqūene, ¿no yiḡu, “ ‘Rotim̄uor̄uḡor̄uc̄ami’ yiḡu, Dios ĩ c̄ōaḡure yure jajutur̄uar̄ama ĩna”, yati m̄u? ¿Ñim̄uj̄ua Dios ĩ rotic̄ōar' i masuma ñati? —Jesúsre ĩre yicama ĩna.

³⁵ To bajiro ĩna yijare, ado bajiro c̄adicami Jesús:

—Yu s̄uorine riojo ñamasusere masiama masa, ĩna masir̄uajama. Yoaro mene m̄uare vaveoḡuagu yaja yu. To bajiri yure qūenaro ajitir̄un̄atusaya m̄ua, “Ĭ yirore bajirone yir̄asa mani” yir̄a. To bajise m̄ua yijama, rojose t̄am̄uot̄ujabetir̄iaroju vabetir̄uar̄aja m̄ua. Diore masimenaj̄ama, rojose t̄am̄uot̄ujabetir̄iaroju ĩna varotire masibeama. ³⁶ To bajiri, m̄ua r̄aca yu ñarone yure ajitir̄un̄aña, “Ĭre bajirone Diore masicoar̄uar̄aja mani” yir̄a — ĩnare yicami Jesús.

To bajiro masare ĩnare yigotigajanoc̄ōa, ĩna masibetoju vac̄ōari, ĩnare yayicami Jesús.

Jud'io masa Jesúre ĩna ajitir̄un̄abetire queti

³⁷ Jesús, jairo ĩaĩañamanire ĩnare ĩ ȳiĩboajaqūene, ĩre ajitir̄un̄abeticama masa. ³⁸ “To bajiro bajir̄uaroja ti” Isa'ias ñamasir' i, ĩ yimasire ñajare, bajicaj̄u ti. Ado bajiro yiucomasiñumi:

“Yua uju, m̄ure yua gotir̄et̄obosasere ajiboarine, to yic̄ōari, m̄u ȳiĩosere ĩboarine, m̄ure ajitir̄un̄uḡu maami”, yiucomasiñumi Isa'ias ñamasir' i.

³⁹ Dios ĩ c̄ōaroc̄ure ajitir̄un̄abetironare yiḡu ado bajiro ucamasíñumi Isa'ias ñamasir' i qūena:

⁴⁰ “Ĭre ĩna ajitir̄un̄abeti vaja ĩna masiboasere ĩnare masir̄iojeoc̄ōar̄uc̄ami Dios. To bajiro ĩ yise ñajare, ĩre ajimasibetir̄uar̄ama. Riojo

ina ajimasijama, rojose ina yirügüsere tuoıasutiriticõari, tuoıavasoaborãma ina. Yure ina sënijama, yure ina cãmotadicõa tujaborotire inare yirëtobosaboguja yu, yigotiami Dios”, yucamasifñumi Isa'ias ñamasir'i.

41 “Cristo rëtoro ñamasugü maami” Dios i yïosere ñacõari, to bajiro yiuca-masiñumi Isa'ias.

42 “To bajiro bajiruaroja” Isa'ias i yucamasire ñaboajaquëne jãjarã jud'io masa, to yicõari ina ujarã quëne sigüri Jesüre ire ajitirünucama ina. To bajirã ñaboarine, masa ina ajiro rïjorojua, “Jesüre ajitirünurã ñaja”, yibeticama ina bajirãjuma, fariseo masa, “Jesüre ajitirünurãre sãjarotibetiruarãja mani, Dios ocare mani buerivijare” ina yire ñajare. To bajiri inare güirã, “Yure masiroma” yirã, tire gotibeticama ina. 43 To bajiro yirã ñari, Dios ye rëtobusaro masa yejuare rücubuerore bojacama ina.

“Yure ajitirünumenare rojose ina tãmutujabetiriaroju inare cõarucumi Dios”, Jesús i yire queti

44 Ruyugoaro goticami Jesús:

—Yure ajitirünurãma, yu sigãrene ajitirünurã me yama. Yu jacu yure cõacacure quëne ajitirünurã yama. 45 Yure ñarãma, yu jacure quëne ñarã yama. 46 Yu suorine Diore masiama masa. Adi macarucurojure vadicaju yu, “Yure ajitirünucõari, rojose yitujato” yigu. 47 Yu ocare ajiboarine yure ina ajitirünubetijama, yu me ñaja rojose tãmutujabetiriaroju inare cõarocuma. Adi macarucuroanare rojose yiguagu vadicacu me ñaja yuma. Yure ajitirünurãre ina ñaro cõrone rojose tãmutujabetiriaroju ina vaborotire inare yirëtobosaguagu vadicaju yu. 48 To bajiboarine, yure rücububeticõari, yu ocare ajitirünumenama, ñatusarirümü rojose tãmutujabetiriaroju varuarãma ina. 49 Yu masurione tuoıacõari, tire gotigu me yaja yu. Yu jacu yure cõacacu i gotirotise rñe gotiaja yu. 50 “Yu jacu i rotisere ina ajitirünujama, ina rijato beroju, tudirijabeticõari, yu rãca quënarõ ñacõa ñarügũuarãma ina”, yimasiaja yu. To bajiri yu gotijama, yu jacu yure i yirotirore bajirone gotiaja yu —masare yicami Jesús.

13

İ buerimasare ina guborire Jesús i coere queti

1-3 Pascua boserümü yua batusaroto rïjoro, jëre, “Yu jacu tujü adi macarucurore yu vaveoroto mojoroaca ruyaja yuja”, yimasicõacami Jesús. Simón macure, Judas Iscariotere, “Jesús vajanare inare ocasãrucuja yu, İre ñiato ina’ yigu” yirere ire cõañumi i, vãtia uju. Jëre tire masicõañumi Jesús. “Dios tujü vadicacu ñaja yu. To bajiri i tujü quëna tudiarucuja yu. Rëmojne, ‘No yiyamagü ñaja mu. No mu bojasere yimasiaja mu’ yure yicoadicami Dios”, yimasicõacami Jesús. Rëmojne adi macarucuroanare, ire ajitirünucanare, yure maicoadicami “Mure maimasucõaja yu” yigu, ado bajiro bajicami Jesús adi macarucurojure i ñatusacatirümüri. Tire mure gotiguagu yaja yu.

4 Yua batusañarone, vãmurügücõari, joeado i sãñaritore veacami Jesús. To yicõari, i ruju gudarecore toallare siatucami. 5 To yicõari, rujabajaju ocure jiocami. Jiojeo, yua guborire coecami Jesús. Coecõari, toalla rãca yua guborire carocami.

6 Pedro guborire i coegnadone, ado bajiro ire boca yicami:

—¿Yu uju ñaboarine, yu guborire coeguagu yati mu? —yicami Pedro.

7 To bajiro i yijare, ado bajiro ire cudicami Jesús:

—Yucucacarema mña guborire yu coesere tuoiamasibeaja mña maji. Bero tire ajimasiruarāja mña —yicami Jesús.

8 To bajiro i yiboajaquēne:

—Yu guborire coebetirucuja mñ —Jesúre ire yicami Pedro.

To bajiro i yirone,

—Mñ guborire yu coebetijama, yu rācagu me ñarucuja mñ —Pedrore ire yicami Jesús.

9 To bajiro i yisere ajicōari, ado bajiro ire cudicami Pedro:

—To mñ yiro ñnoma yu gubori rīne coebesa. Yu ñmorire quēne, yu ñjoare quēne coeya —Jesúre ire yicami Pedro.

10 To bajiro i yisere ajicōari, ado bajiro ire cudicami Jesús:

—Jēre guacōar'irema, jediro i rujure coere maja. Gubori rīne coejama, quēnaja. Ħeri manare bajiro bajirā ñaja mña. To bajiboajaquēne sīgū ñaami mña rācagu ñeri cutigure bajiro bajigu —yuare yicami Jesús.

11 “Ī ñaami yure ĩsirocarocu” yimasicōari, “Mña jedirone ñeri mana ñajedicōa bajibeaja mña”, yuare yicami Jesús.

12 Yu guborire coegajanocōari, quēna i veacūcatiasere sãñacami Jesús.

To yigajano, quēna gāme ejarūjucōari ado bajiro yuare goticami Jesús:

—¿Mña guborire yu coesere ajimasiati mña? 13 “Yuare gotimasiogū, yua uju”, yure yaja yu. Ī masune ñaja yu. To bajiro yure mña yijama, quēnaja. Riojone yaja mña. 14 Yu, mña uju, muare gotimasiogū ñaboarine, mña guborire yu coejare, mña masu quēne, mña gāmerā gubori coejama, quēnaja. 15 “Yu yirore bajirone yato ĩna” yigu, muare yīlogū yaja yu. 16 Ñamasusere riojo muare gotiaja yu: Sīgū moabosarimasu ñamasugū me ñaami ĩ. Ī ujujuama ñamasugū ñaami. Sīgū gāji ĩ cōar'i ĩ ñajama, ñamasugū me ñaami. Ñamasugūjuama ire cōar'i ñaami. To bajiri mña uju ñari, “Yu yirore bajirone mña masu quēne gāmerā ejarēmoña mña”, muare yaja yu. 17 Yu gotisere ajicōari, quēnaro mña yijama, variquēnaruarāja mña.

18 Mña jedirorene yigu me yaja yu adirema. Yu besecanare, muare quēnaro masiaja yu. Yucucacane yu bajiroti Dios i goticūcati ejaruaroja ti. Ado bajiro yigotiaja ti, Dios ocare masa ucamasire: “Yu rāca bagu ñaboarine yure ĩsirocarocu ñaami”, yigotiaja Dios oca. 19 Ti bajiroto rījoroaca muare gotiaja yu. To bajiro ti bajiro ĩacōari, “Rotimorogōrucami” yigu, Dios ĩ cōar'i ñaami”, yure yiajitirānruarāja mña. 20 Ñamasusere riojo muare gotiaja yu: Yu cōarāre ajitirānruāma, yure quēne ajitirānruarāma. No bojarā yure ajitirānruāma, yure cōacacure quēne ajitirānuama —yuare yicami Jesús.

“Sīgū mña rācagu yure ĩaterāre yure ĩsirocarucami”, Jesús ĩyire queti
(Mt 26.20-25; Mr 14.17-21; Lc 22.21-23)

21 To bajiro yigoticōari bero, buto tuoiasutiriticami Jesús. To bajiri quēnaro riojo yuare goticami:

—Ñamasusere riojo muare gotiaja yu. Sīgū mña rācagu, yure ĩaterāre yure ĩsirocarucami —yuare yicami Jesús.

22 To bajiro i yisere ajicōari, yua i buerimasa, yua masune gāmerā ĩacaju yua, “¿Ñimujuare yati?” yirā ñari. 23 Yure i buegure buto yure maicami Jesús. To bajiri yua batūscatire i tuaca barujicaju yu. 24 “¿Ñimujuare yati mñ?” ire yisēñiāto” yigu, yure sōjucami Pedro. 25 To bajiro i yiro ĩacōari, Jesús tabūscaca vñuacaju yu, ĩre sēñilagū:

—Y_u u_{ju}, ¿ñimujua ñati mure ãaterãre ãsirocarocuma? —Ïre yisēniñacaju y_u.

²⁶ To y_u yirone, ado bajiro yure cadicami Jesús:

—Pan yosecōari, y_u ãsigũne ñarucami yure ãsirocarocuma —yicadicami Jesús.

To yicōa yuja, Simón mac_u Judas Iscariotere, ãsicami ã yuja. ²⁷ Tire bocaãmicōari, ã barone ã usujare vãtia u_{ju} sãjacoa ruyucami Judare. To bajiro ã bajijare, ado bajiro ãre yicami Jesús:

—M_u yirua tũoãasere yidaya m_u —Judare ãre yicami Jesús.

²⁸ ã rãca baru_ujicana sãgũjuama to bajiro ã yisere ajimasibeticaju y_u. ²⁹ Y_ua ye gãjoare coderimasu ã ñajare, “ ‘Boserũm_u ñaro mani baroti vaja yia_ya’ ãre yigu yigumi Jesús”, yitũoãaboacaju y_ua sãgũri. Gajeyerema, “ ‘Maioro bajirãre gãjoa ãsiaya’ yigu yigumi ã yijama”, yicōacaju y_ua.

³⁰ Bagajano, vacoacami Judas yuja. Jẽre ñamij_u ñacaju ti.

“Gãmerã ãmaiña”, Jesús ã yire queti

³¹ Judas ã budiato bero, ado bajiro yure yicami Jesús:

—Yucacane, “Quēnamasugũ ñaami Dios ã roticōacacu”, yimasiroti ñaja. To bajiro yure yirã ñari, “Quēnamasugũ ñaami Dios quēne”, yimasiroti ñaja ti. ³² Diore masa ãna rucubuo_ujama, yure quēne, “Ïre rucubuo_uuarãma”, yirucami Dios. Yoaro mene to bajiro yiguag_u yami Dios. ³³ Y_u rãre bajiro bajirã ñaja m_ua. M_ua rãca yoaro ñacōa ñabetirũgũruc_uja y_u. Yure macaboaruarãja m_ua. Cãnu jud'io masa ujarãre y_u gotimasirore bajirone mure quēne gotiaja y_u. “Y_u varotore vamasimenaja m_ua”, mure yaja y_u. ³⁴ Yucane mame rotisere mure gotiaja y_u: Ado bajiro bajiñama m_ua: Mure y_u ãmaiadicatore bajirone m_ua quēne gãmerã ãmaiña. ³⁵ M_ua gãmerã ãmairo ãcōari, “Jesús buerimasa ñaama”, mure yĩaruarãma ãna, masa jediro —yure yicami Jesús.

“Jesũre masibeaja y_u’ yiruc_uja m_u”, Pedrore Jesús ã yire queti
(Mt 26.31-35; Mr 14.27-31; Lc 22.31-34)

³⁶ To bajiro ã yisere ajicōari, Jesũre sēniñacami Pedro:

—Y_u u_{ju}, ¿no_u vacu yati m_u? —Ïre yicami Pedro.

To bajiro ã yijare,

—Yucacarema y_u varotojare vamasibec_uja m_uma maji. Ado beroju yure s_uyaruc_uja m_u —Pedrore ãre yicami Jesús.

³⁷ To bajiro ã yirone,

—Y_u u_{ju}, ¿no bajijare yucacarema m_u rãca s_uyamasibec_uada y_u? M_u sãacoroti ñaboajaquēne, y_uju sãacoruc_uja y_u —Jesũre yicami Pedro.

³⁸ To bajiro ã yirone, ado bajiro ãre cadicami Jesús:

—¿Socabetiboatime m_u? Ñamasusere riojo mure gotiaja y_u: Gãjabocu ã ñagōroto rãjoro idiaji, “Jesũre ãre masibeaja y_u”, yiruc_uja m_u —Pedrore ãre yicami Jesús.

14

“Y_u s_uorine Dios tujare ejamasire ñaja”, Jesús ã yire queti

¹ To bajiro Pedrore ãre yigajanocōari ado bajiro yure yigoticami Jesús quēna:

—Bũto tũoãarejaibeticōaña m_ua. Diore ãre ajitirũnucōari, yure quēne ajitirũña. ² Y_u jac_u ya vijare jairo m_ua ñarotijauri ñaja ti. To ti bajibetijama, mure gotibetibog_uja y_u. Toju m_ua ñarotire mure quēnoyug_u var_u bajiaja y_u. ³ Toju m_ua ñarotijaurire quēnogajanocōari, quēna gãme vadiruc_uja y_u.

“Tojüre yu ñaro yu rāca ñarājaro” yigu m̄are juagu ejaruɕaja yu quēna. ⁴Yu vaejarotore masiaja m̄a. To bajiri toju vaejaria maare masiaja m̄a — yuare yicami Jesús.

⁵To bajise i yiboajaquēne, ado bajirojua ire yicami Tomás:

—Yu aju, m̄ varotore masibeaja yua. ¿No bajiro yicōari, to varia maare masiruarāda yua? —Jesúre ire yicami.

⁶To bajiro i yirone ado bajiro ire yicadicami Jesús:

—Yune ñaja varia maare bajiro bajiguma. Yu suorine Dios tujure ejare ñaja ti. Yu suorine riojo ñamasusere masire ñaja ti. “Ína rijato beroju tudirijabeticōato” yigu, Dios i catisere masare ñare Ísigū ñaja yu. To bajiri, yure ajitirūnarā rīne yu jacu tujure ejaruarāma. ⁷Yure m̄a masijama, yu jacure quēne ire masiruarāja m̄a. Yure iarā ñari, “Í jacure masiaja yua”, yimasiruarāja m̄a —yuare yicami Jesús.

⁸To bajiro i yirone, ado bajiro ire yicami Felipejama:

—Yu aju, m̄ jacure yuare ioña m̄. To m̄ yicōaroju, “Riojo gotiami yuare”, yimasiruarāja yua yuja —Jesúre ire yicami Felipe.

⁹To bajiro Felipe i yijare,

—Tirūmujune m̄a rāca ñacōa suoadicaju yu. ¿No yigu to yu bajiboajaquēne yure íamasibea m̄ maji? No bojagu yure íagūma, yu jacure íagū ñaami. To bajiri, “M̄ jacure yuare ioña”, yibeticōaña m̄. ¹⁰“Yu jacu rācane ñacōaja yu. Í quēne yu rāca ñaami”, m̄are yaja yu. Tire ajicōari, ¿“Riojone gotiami”, yure yibetimasucōati m̄a, yure ajitirūnarā? Muare yu gotirūgūserema yu masune yu tuoľase mere muare gotiaja yu. Yu jacu, yu rācane ñacōarūgūgū i yise ñajare, jediro yicoadicaju yu. ¹¹“Yu jacu rācane ñaja yu. Í quēne yu rācane ñaami” yu yisere yure ajitirūña. Yu gotisere ajicōaboa yure m̄a ajitirūnubetijama, íaíañamanire yu yioadiriūgūcatire tuoľacōari, yure ajitirūña m̄a. ¹²Ñamasusere riojo m̄are gotiaja yu: No bojagu “ ‘Rotim̄orūgōr̄uɕami’ yigu, Dios i cōar'i ñaami” yure yiajitiirūnagūma, yu yirore bajirone yir̄uɕami. Yuc̄uacane yu jacu tu vaguagu yaja yu. Dios tu yu tudiajare, íaíañamani yu yiocati rēto busaro íaíañamanire yioarāja m̄a quēne. ¹³Yure ajitirūnarā ñari, güimenane sēnirūgūma m̄a. To bajiro m̄a yijama, no m̄a bojasere m̄a sēniro cōrone m̄are ísirūgūr̄uɕaja yu, “ ‘Quēnamasugū ñaami’ yu jacure yimasiato ína” yigu. ¹⁴Yure ajitirūnarā ñari, güimenane yure m̄a sēnijama, no m̄a sēnirore bajirone m̄are c̄dir̄uɕaja yu —i buerāre yuare yicami Jesús.

“Esp'iritu Santore cōar̄uɕami Dios”, Jesús i yire queti

¹⁵To bajiro yigajanocōari, ado bajiro yuare goticami Jesús quēna:

—Yure m̄a maimasucōajama, yu rotisere c̄dir̄uarāja m̄a. ¹⁶To bajiro m̄a yijama, yu jacure ire sēnir̄uɕaja yu, “Yure ñavasoarocure ire cōato i” yigu. Í cōaroc̄u ñaami Esp'iritu Santo riojo gotigu. M̄a rāca ñacōarūgūr̄uɕami, m̄are yir̄emogū. ¹⁷Diore ajimena Dios i cōagū Esp'iritu Santore masibeam̄a ína. To bajiri ína usurijure ire s̄jarotimasibeam̄a. M̄a rāca i ñajare, ire masirā ñaja m̄ama. M̄a usurijure ñacōarūgūr̄uɕami.

¹⁸Vaguagu yaja yu. M̄a rāca ñagū vadir̄uɕaja yu quēna. ¹⁹Yuc̄uacane vaguagu yaja yu. To bajiri yure ajimenama, yure íabetiruarāma. M̄a rāca yu ñarūgūrotire masiruarāja m̄ama. Yu rijato bero quēna gāme caticōaroc̄u yu ñajare m̄a quēne, yure ajitirūnarā, m̄a rijato beroju quēna gāme caticōari ñacōarūgūr̄uɕarāja m̄a quēne. ²⁰Yu jacu rāca ñacōaja yu. M̄a rāca quēne ñacōaja yu. M̄ajua quēne, “Yu rācane ñacōaja m̄a” yu yirore

bajirone, yu tudicaturirãmũ, “Socũ mene yiyumi Jesús”, yimasiruarãja mũa yuja. ²¹ Yu rotisere cudigũma, yũre maigũ ñaami. Yũre maigũrene ãre mairũcumĩ yũ jacũ quẽne. Yu quẽne ãre mairũcũja yũ. ãre maicõari, ã rãca ñagũ ejarũcũja yũ. To yũ bajiro yũre ãbetiboarine ã rãcane yũ ñasere “Masiatõ” yigũ ãre rotirũcũja yũ —yũare yicami Jesús.

²² To bajiro ã yisere ajicõari, Judas Iscariote me, gãji Judas vãme cutigũ, ado bajiro ãre sãnĩlacami:

—Yuũ ujũ, ¿no yigũ gãjerãre ãnare yĩĩobecũne, yũã rĩrene yũare yĩĩorũcuada mũa? —Jesũre ãre yisãnĩlacami Judas.

²³ To bajiro ã yirone, ado bajiro cudicami Jesús:

—No bojarã yũre mairã, yũ gotisere ajitirũnũrũãma. To bajiri yũ jacũ ãnare mairũcumĩ. To bajiri yũ quẽne, yũ jacũ quẽne, ãna tũ ñarã vadirũarãja yũã. ²⁴ No bojagũ yũre maibecũma, yũ gotisere ajitirũnũbecũmi. Mũare yũ gotisema yũ masune yũ tũõĩarũjeose mere mũare gotiaja yũ. Yu jacũ yũre cõacacũ ã gotirotisere gotiaja yũ.

²⁵ Maji mũa rãca ñagũ ñari, tire mũare gotiaja yũ. ²⁶ Yũre ñavasoarocũre, Esp'iritu Santore ãre cõarũcumĩ yũ jacũ. Ñajediro mũare yũ gotiadicature, “Masiritiroma” yigũ, mũare ejarẽmorũcumĩ —yũare yicami Jesús.

²⁷ Gajeye quẽna ado bajiro yũare goticami Jesús:

—Mũare vare gotigũagũ yaja yũ. Mũare yũ rijabosaroti ñajare, Diorãca quẽnaro ñarũarãja mũa. Yũre ajimenajũama, “Ado bajiro mani yijama, quẽnaro ñarũarãja mani” yiboarine, Diorãca quẽnaro ñamasibetirũarãma. To bajiri, tũõĩarejaibesa mũa. To bajicõari, gãibesa. ²⁸ “Vagũagũ yaja yũ. To bajiboarine mũa rãca ñagũ vadirũcũja yũ quẽna” yũ yisere ajibũ mũa. Socarã mene yũre mũa maijama, “Yu jacũ tũjũre vagũagũ yaja yũ” yũ yisere ajicõari, quẽnaro variquẽnaboriarãja mũa. ã ñaami yũ rẽtobũsaro ñagũ. ²⁹ Yu bajiroto rĩjoro tire mũare gotiaja yũ. To bajiri to ti bajiro ãcõari, bũtobũsa yũre ajitirũnũrũarãja mũa.

³⁰ Gajeye jairo mũare ñagõrẽmobetirũcũja yũ. Diore ajimenare rojose yirotigũ, vãtia ujũ, jẽre vadicoagũmi. To bajiboarine, yũre rotimasigũ me ñaami ãma. ³¹ Yu jacũ ã rotirore bajirone yaja yũ. To bajiro yũ yisere ãcõari, “ã jacũre maigũ masune ñacõaami”, yimasiruarãma masa —yũare yicami Jesús.

To bajiro yigajanocõari,

—Ita. Vajaro mani —yũare yicami Jesús yuja.

15

“Ëyebũ ñamasuribure bajiro bajigũ ñaja”, Jesús ã yire queti

¹ —Ëyebũ ñamasuribure bajiro bajigũ ñaja yũ. Tibure ãtirũnũgũre bajiro bajigũ ñaami yũ jacũ. ² To bajiri tibũ rũjũri ti rica manijama, jasurereacõarũcumĩ. Ti rica cutijama, quẽnaro ãtirũnũrũcumĩ. “Jairobũsa rica cutiatiõ” yigũ, sãnirirũjũrũrema, tire bejareacõarũcumĩ. ³ Rica cuti rũjũrũre bajiro bajirã ñaja mũa, mũare yũ gotimasiosere ajitirũnũrũ ñari. To bajiri yũ jacũ sũorine jẽre rojose mana ñacoadicajũ mũa. ⁴ Quẽnaro yũ rãca ñacõarũgũma mũa. To bajiro mũa bajijama, mũa rãcane ñacõarũgũrũcũja yũ. Ëyebũ rũjũ tibũjũre ti tuyabetijama, rica manoja ti. To bajirone bajirũarãja mũa. Yu rãca mũa ñabetijama, quẽnase yimasibetirũarãja mũa yuja.

⁵ Y_u ñaja y_ebure bajiro bajiguma. Tib_u rujurire bajiro bajirã ñaja m_ua. No bojarã y_u rãca ñarãma, ña rãca y_u ñajare, quēnase rīne yiruarãma ña. To bajiro ña bajijama, jairo rica cutirãre bajiro bajirã ñaruarãma ña. Y_u manijama, ña masurione Dios ĩ İavariquēnasere yimasibetiruarãma ña. ⁶ No bojag_u y_u rãca ñabecurema ĩre rocacōarucami y_u jac_u. Sīnirurj_ure āmicōari, jeamej_u tīarocagure bajiro ĩre yicōarucami y_u jac_u.

⁷ Y_u rãcane ñacōari, m_uare y_u gotimasiosere masiritibeticōari, m_ua bojasere y_ure m_ua sēniro cōrone m_uare ĩsiruc_uja y_u. ⁸ Quēnase rīne m_ua yirūgūserē ĩacōari, y_u jac_ure quēnase ĩre yirūc_ub_uoruarãma masa. To bajiri, “Jesúre ĩre ajitirūnrã ñaama”, m_uare yimasiruarãma ña. ⁹ Y_u jac_u y_ure ĩ mairore bajirone m_uare quēne maiaja y_u. Y_u mairã ñaja m_ua. To bajiri quēnase rīne yirūgūña m_ua, y_u bojarore bajirone yirã. ¹⁰ Y_u rotisere m_ua cūdirūgūjama, y_u mairã ñarūgūruarãja m_ua. To bajirone yaja y_u quēne. Y_u jac_u y_ure ĩ rotisere cūdirūgūaja y_u. To bajiri y_ure mairūgūami y_u jac_u.

¹¹ “Y_ure bajirone quēnaro variquēnaro ñato ña” yig_u m_uare gotiaja y_u. ¹² Ado bajiro m_uare rotiaja y_u: M_uare y_u maiadicatorē bajirone gāmerã maiña m_ua. ¹³ Sīgū ĩ babare maigū ñari, ĩ rijabosajama, tij_ua ñaja ñamasuse gāmerã maireayema. ¹⁴ Y_u rotirore bajiro m_ua cūdijama, y_u babarã ñaruarãja m_ua. ¹⁵ To bajiri, “Y_ure moabosarimasa ñaja m_ua”, m_uare yibeaja y_u yuja. Moabosarimasama ña ũja ĩ yisere masinenama ña. “Y_u babarã ñaja m_ua”, m_uare yaja y_u yuja. Jediro y_u jac_u y_ure ĩ gotiadicatire m_uare gotimasioadica_uja y_u. To bajiri y_u babarã ñaja m_ua. ¹⁶ Y_ure besecana me ñaja m_uama. Y_uj_ua m_uare besecaj_u y_u. “Quēnase rīne yato ña” yig_u, m_uare besecaj_u y_u. To bajiro m_ua yijama, gājerã m_uare ĩacōari, m_uare ajicōari y_ure ajitirūnruarãma ña quēne. To bajiri Dios ĩ catisere c_uoruarãma ña quēne. To bajiri, quēnase m_ua yijama, y_ure m_ua sēnirore bajirone m_uare ĩsirucami y_u jac_u. ¹⁷ Ado bajiro m_uare rotiaja y_u: Gāmerã ĩamaiña m_ua —y_uare yicami Jesús.

“Diore ajimena, m_uare ĩatud'iruarãma”, Jesús ĩyire queti

¹⁸ Quēna ado bajiro y_uare gotimasiocami Jesús:

—Diore ajimena m_uare ña ĩatud'ijama, “Y_ua rīrene ĩatud'irã me yirãma ña. Jesúre quēne ĩre ĩatud'icoadicama ña”, yit_uoĩamasiruarãja m_ua. ¹⁹ Diore ajimenama, ĩnare bajiro t_uoĩarãre maiama ña. To bajiri ĩnare bajiro m_ua t_uoĩajama, m_uare quēne maiboriarãma ña. Diore ajimena rãca m_ua ñarore m_uare besecaj_u y_u, “T_uoĩavasoacōari, y_ure ajitirūnrãjaro” yig_u. To bajiri m_uare ĩatud'iamā Diore ajimena yuja. ²⁰ M_uare y_u gotisere masiritibesa m_ua: “Moabosarimas_uma, ñamasugū me ñaami. Ūj_uj_uama ñamasugū ñaami ĩma” yig_u, m_uare gotib_u y_u. Diore ajimenama, m_ua ũj_ure, y_ure rojose yis_uyarūgūama. To bajiri m_uare quēne rojose yis_uyaruarãma. To bajiboarine t_uoĩavasoacōari, y_u gotimasiosere cūdirūgūama. To bajiri m_uare quēne m_uare cūdiruarãma. ²¹ Y_ure cōacacure quēne masibeama Diore ajimena. To bajiri y_ure ajitirūnrã m_ua ñajare, m_uare quēne rojose yis_uyaruarãma ña.

²² Masare gotimasio_gū y_u vadibetijama, “Rojose yirã ñaja mani. Dios ĩ rotiriarore bajirone cūdibeaja”, yimasibetiboriarãma, Diore ajimena. ĩnare y_u gotimasio_{ro} bero ñajare, “Rojose mana ñaja”, yimasibeama ña yuja. ²³ No bojarã y_ure ĩatud'irã, y_u jac_ure quēne ĩatud'irã yama ña. ²⁴ ĩna ĩaro rĭjoroj_ua Dios ĩ masise rãca ĩaĩaĩamanire y_u yĭobetijama, “Y_uare Dios ĩ masise rãca ĩaĩaĩamanire ĩ yĭobetijare, ‘Dios ĩ cōar'i, Cristo ñaami’ ĩre

yimasibeaja yu”, yiboriarāma ina. Dios i masise rāca iāiāñamanire yu yīoro iacana ñaama ina. Tire iacana ñaboarine ina iatirūnubeti vaja rojose inare ñacōa ñaja. To bajiri, yure iateama ina. Yu jacure quēne ire teama ina. ²⁵ Dios ocare masa ina ucamasire ti gotirote bajirone bajiaja ti yuja, yucarirema. Ado bajise gotiaja ti: “Ñie manone yure iateama ina”, yigotiaja ti —yure yicami Jesús.

²⁶ To bajiro yicōari, gajeyere quēna ado bajiro yure gotimasiocami Jesús:

—Dios i cōagū Esp'iritu Santore socabecure mure cōarucija yu, yu gotimasirūgūse “Ajimasiato” yigu, mure ejarēmocure. ²⁷ Yu gotimasiosurojone yu rācane ñacoadicaju mure. To bajiri, yu gotimasiocaire ajicana ñari, iāiāñamanire yu yīocaire iacana ñari, masare gotimasiomasiruarāja mure —yure yicami Jesús.

16

¹ Quēna ado bajiro yure gotimasiorūtuacami Jesús:

—“Yure ajiquejeroma” yigu, adire mure gotiaja yu: ² Dios ocare mani buerūgūriviju mure ñarore mure bucōaruarāma ina. To bajiro yicōari mure sīarāne, “Dios i bojasere bajiro ānoare ire sīabosaja mani”, yitōiaboaruarāma ina. ³ To bajiro ina yijama, yure quēne, yu jacure quēne masimena ñari, yiruarāma ina. ⁴ “ “To bajiro masune bajiruarōja ti” yiquīda i Jesús’ yitōiāmasirājaro ina” yigu, mure gotiaja yu.

Esp'iritu Santo i ejarēmoritire Jesús i gotimasiore queti

Rēmōjore mure gotisogū, mure gotibeticaju yu maji, “Ina rāca ñarucija yu maji” yigu ñari. ⁵ Yure cōacacu taju vaguagu yaja yu yuja. To yu bajiboajaquēne, “¿Noju vaguagu yati mu?”, yure yisēniābeaja mure. ⁶ Sēniāmenane, mure yu yigotiserene tōiāsutiritiaja mure. ⁷ To bajiri, riojo mure gotiaja yu. Yu vacoajama, mure quēnaruarōja. Yu vabeti-jama, mure ejarēmocū, Esp'iritu Santo mure rāca ñagū vadibetibogami. Yu vajama, ire cōarucija yu. ⁸ Esp'iritu Santo i vadijama, i ejarēmose rāca, “Riojo manire yiyumi Dios. Rojose yirā ñaja mani”, yimasiruarāma masa. I ejarēmose rāca quēnase masune yirere masiruarāma ina. Gajeyere quēne, i ejarēmose rāca ado bajiro tōiāmasiruarāma masa: “Diore mani cūdibeti vaja rojose tāmōtūjabetiriarōju manire cōarucami Dios”, yimasiruarāma. ⁹ Yure ina ajitirūnubeti vaja rojose tāmōtūjabetiriarōju ina varotire Esp'iritu Santo i ejarēmose rāca masiruarāma. ¹⁰ Yu jacū i ñarōjore yu varoti ti ñajare, yure iabetiruarāja mure. Yu jacū tū ñacōari, yu cōagū Esp'iritu Santo i ejarēmose rāca, “Quēnaro riojo yigu ñañumi”, yimasiruarāja mure. ¹¹ “Masare rojose yirotigūre vātia mure rojoroju, rojose tāmōato” yigu, ire yu cōarotire Esp'iritu Santo i ejarēmose rāca masiruarāja mure.

¹² To bajiro yigajanocōari, ado bajiro yure yigotimasiocami Jesús:

—Jairo mure yu gotiroti ñaboaja ti. To ti bajiboajaquēne yucane mure yu gotijeocōajama, ajimasimenaja mure maji. ¹³ Dios i cōagū Esp'iritu Santo mure tū ejacōari, i ejarēmose rāca riojo masu ajimasijeoruarāja mure. I sīgū i ejarēmose rīne bajibetiruarōja. Yu jacū i rotise rāca ejarēmocū. To yicōari, “Ado bajiro bajiruarōja” i yise rāca ajimasiruarāja. ¹⁴ To yicōari, mure rāca yu yīnarūgūcāire mure ajimasitire mure ejarēmocū Esp'iritu Santo, “ Jesús, quēnamasugū ñaami’ ire yirucūbōato ina” yigu.

¹⁵ Ñajedirone yu jacu yure ĩ rotirore bajirone m̄uare gotiaja yu quēne. To bajiri, “M̄ua r̄aca yu yiadicatire m̄uare gotimasior̄uc̄ami Esp'iritu Santo”, m̄uare yibu yu —yuare yicami Jesús.

¹⁶ To yigune, quēna ado bajiro goticami Jesús:

—Yuc̄une yu jacu t̄aju vaguagu yaja yu. To bajiri yure ĩabetiruar̄aja m̄ua. To bajiboarine quēna yoaro mene yure ĩac̄oaruar̄aja m̄ua —ĩbuer̄are yuare yicami Jesús.

“T̄uoĭasutiritir̄a ñaboarine, variquēnaruar̄aja m̄ua”, Jesús ĩyire queti

¹⁷ To bajiro ĩyisere ajic̄oari, s̄īḡari ĩbuer̄a, ado bajiro ḡāmer̄a yisēniĭacaju yu:

—¿No yire ũnre yigu yati ĩ? —ḡāmer̄a yicaju yu. —“Yu jacu t̄aju vaguagu yaja yu. To bajiri yure ĩabetiruar̄aja m̄ua. To bajiboarine quēna yoato mene yure ĩac̄oaruar̄aja m̄ua”, manire yami —ḡāmer̄a yicaju yu. ¹⁸ —“Yoato mene yure ĩaruar̄aja” manire ĩ yijama, ¿no bajiro bajiru yati? “Tire yigu yami”, yiajimasibeaja mani —ḡāmer̄a yicaju yu.

¹⁹ To yu yīnarone, “Yuare sēniaruama ĩna”, yimasic̄oacami Jesús̄uama. To bajiri ado bajiro yuare yicami:

—“Yoaro mene yure ĩabetiroana yaja m̄ua. To bajiboarine quēna yoato mene yure ĩacoaruar̄aja m̄ua”, m̄uare yibu yu. To bajiro yu yiserene, ¿m̄ua masune ḡāmer̄a sēniĭati m̄ua? ²⁰ Riojo ñamasusere m̄uare gotiaja yu. T̄uoĭasutiritir̄a ñari, otiruar̄aja m̄ua. Diore ajimenama, variquēnaruar̄ama ĩna. M̄uama, t̄uoĭasutiritir̄a ñaboarine yoaro mene quēna variquēnacoaruar̄aja m̄ua. ²¹ Adire bajiro bajiruaroja ti: S̄īḡo r̄omio, macu cutigoago, t̄uoĭasutiritigomo so, “Josari t̄am̄uor̄ucoja” yigo. So macu cutiro berojuma, tire t̄uoĭasutiritibecone, variquēna masiri-oc̄oaḡomo so. ²² Tire bajirone m̄ua quēne yuc̄rema t̄uoĭasutiritiaja m̄ua. To bajiboarine quēna m̄uare ĩaḡu vadir̄uc̄aja yu. Yuare ĩac̄oari, b̄uto variquēnaruar̄aja m̄ua quēna. To bajiro m̄ua variquēnasere ḡāji, “Variquēnabetic̄oña m̄ua”, yibetir̄uc̄ami.

²³ Tir̄umu ti ejarone yuja, ñiejuare yure sēniĭabetiruar̄aja m̄ua yuja. J̄ere masic̄oaruar̄aja m̄ua. Riojo ñamasusere m̄uare gotiaja yu: “‘Rot̄im̄uor̄uḡōruc̄ami’ yigu, Dios ĩ c̄oari ñaami” yure yiajiritir̄un̄ar̄a ñari, yu jacure m̄ua sēnijama, m̄ua sēniro c̄orone m̄uare ĩsir̄uc̄ami. ²⁴ “Jes̄ure ajitir̄un̄ar̄a ñaja yu”, yisēnibeticaju m̄ua maji, yu jacure. Ado beroma yuja, “Jes̄ure ajitir̄un̄ar̄a ñaja yu”, yisēnir̄uḡūña m̄ua. To bajiro m̄ua yijama, m̄uare ĩsir̄uc̄ami yu jacu, “Quēnaro variquēnato ĩna” yigu —yuare yicami Jesús.

“Rojose yure ĩna yiboajaquēne, rojosere yibetic̄oari, Dios ĩ bojasejuare yicoadicaju”, Jesús ĩyire queti

²⁵ Gajeye quēna ado bajiro yuare yigoticami Jesús:

—M̄uare yu gotijama, gotimasiore r̄aca m̄uare goticoadicaju yu maji. Bero m̄uare yu gotijama, gotimasiore r̄aca me m̄uare gotir̄uc̄aja yu. To bajiro yu jacu yere m̄uare yu gotijare, quēnaro ajimasiruar̄aja m̄ua. ²⁶ Yu jacu t̄aju yu tudiejato berone, “Yuare sēnibosaya m̄u”, yure yibetiruar̄aja m̄ua. M̄ua masune, yu jacure ḡüimenane, “Jes̄ure ajitir̄un̄ar̄a ñaja yu”, ĩre yisēnir̄uḡūruar̄aja m̄ua. ²⁷ M̄uare maiami yu jacu, yure m̄ua maijare. “Dios ĩ c̄oari ñaami” m̄ua yiajiritir̄un̄ajare, m̄uare maiami ĩ. ²⁸ Yu jacu t̄u ñar'i, adi macar̄uc̄urojare vadicaju yu. To bajiri adi macar̄uc̄uroanare

vaveocoarũcũja yũ, quẽna yũ jacũ tũ tudiacũ —yũare yicami Jesús, ï buerãre.

²⁹ To bajiro ï yisere ajicõari ïre cũdicaju yũa yuja:

—Yũcũrema gotimasiore rãca me, mũ gotisere quẽnaro ajimasiaja yũa yuja. ³⁰ “Ñajediro masigũ ñaja mũ”, yĩamasiaja yũa yuja. Mũre yũa sãnĩaroto rĩjorojũne jẽre yũa sãnĩarotire masicõaja mũ. To bajiri, “Dios tũ vadir’i ñaja mũ”, mũre yiajiritũnũaja yũa yuja —Jesũre ïre yicaju yũa.

³¹ To bajiro yũa yijare, ado bajiro yũare cũdicami Jesús:

—¿Socarã mene, “Quẽnaro mũre ajitirũnũaja yũa”, yũre yati mũa?

³² Riojo mũare gotiaja yũ: Yũcũne yũre cãmotadijedicoarũarãja mũa. To bajiro mũa bajiboajaquẽne, sĩgũne ñabetirũcũja yũ. Yũ rãcane ñacõa ñarũcũmi yũ jacũ. ³³ Ti jediro mũare gotiaja yũ, “Yũre ajitirũnũcõari, quẽnaro ñacõarũarãja mũa” yigũ. Adi macarũcũroana, Diore ajimena, rojose mũare ñna yijare, rojose tãmũorũarãja mũa. To bajiboarine, tũoĩatĩmama: Masa rojose yũre ñna yĩboajaquẽne, rojose yibeticõari, Dios ï bojasejũare yicoadicaju yũ. To bajiri, mũa quẽne yũre bajirone yimasirũarãja mũa —yũare yicami Jesús, ï buerãre.

17

Ï buerimasare Diore Jesús ï sãnibosare queti

¹ To bajiro yicõari bero, õ vecajũare ïamũocõari, ado bajiro yicami Jesús:

—Cacũ, mũ tũju yũ tudiaroti mojoroaca rũyaja ti yuja. Masa, “Quẽnamasugũ ñaami” yũre ñna yimasirotire yigũ, ejarẽmoña. To bajiro mũ yijama, yũ sũorine, “Quẽnamasugũ ñaami”, mũre quẽne yirũarãma ñna.

² Mũ macũ ñaja yũ. “Masare ñajedirore rotimasiato ï” yigũ yũre cõacaju mũ. Mũ sũorine yũre ajitirũnũrã, “Ïna rijato bero quẽnaro catijedicõa ñarũgũrãjaro” yigũ yũre cõacaju mũ. ³ Ado bajiro bajiamã ñna tudirijabetirere cũorãma: Dios ñamasugũre, mũre masiamã. To yicõari, mũ roticõacacũre quẽne yũre masiamã.

⁴ Adi macarũcũroju yũ ñaro, yũ sũorine quẽnase mũre yirũcũbũocoadicama ñna masa. Yũre mũ yirotirũgũro cõrone jẽre mũre yibosagajanoaja yũ. ⁵ Adi macarũcũro ti ruyaroto rĩjorojũne mũre bajirone rũcũbũo ecogũ ñacoadicaju yũ. To bajiri, mũ tũju yũ tudiejaro, quẽna yũre ñna yirũcũbũorotire yigũ, yũre yirẽmoña mũ.

⁶ Yũ buerimasa mũre ajimena rãca ñna ñarore mũ besecana ñna. Ñnare besecõari, yũre ïsicaju mũ. To bajiri yũ sũorine mũre masiamã ñna yuja. Mũ yarã ñacõari, mũ ocare cũdirã ñnaama. ⁷ To bajiri jediro yũ gotimasiose, to yicõari, ïaĩañamani yũ yĩosere ïacõari, “Dios sũorine yami”, yimasiamã ñna. ⁸ Mũ ocare yũre mũ gotiroticatore bajirone ñnare goticoadicaju yũ. Tire ajicõari, “Dios tũ vadir’i, Dios ï cõar’i ñaami”, yũre yimasiamã ñna yuja.

⁹ Mũre ñnare sãnibosaja yũ. Mũre ajimenarema ñnare mũre sãnibosabeaja yũ. Yũre mũ ïsicana ñajare, sãnibosaja yũ. ¹⁰ Yũ yarã ñarã ñari, mũ yarãne ñarã bajiamã. Ñna sũorine yũre quẽnase yirũcũbũoama masa.

¹¹ Yũcũacane mũ rãca ñagũ vagũagu yaja yũ. To bajiri adi macarũcũrore vaveoacu yaja yũ yuja. Yũre ajitirũnũrãma, adi macarũcũroju tujacõarã yama ñna. Cacũ, rojose yigũ me ñaja mũ. Mũ masise, yũre mũ ïsicati rãcane ãnoare ñnare ïatirũnũña. Cojoro cõro tũoĩarã ñaja mani. Manire bajirone ñna quẽne “Sĩgũre bajirone tũoĩato ñna” yigũ, ñnare ïatirũnũña.

¹² Adi macarũcũrojũre ñna rãca ñagũ yũ yimasirotire yũre mũ ïsicati ñajare, quẽnaro ñnare ïatirũnũcoadicaju yũ. “Sĩgũ rojose tãmũotũjabetiriaroju

vatomi” yigu quēnaro ĩnare ĩatirũnũcoadicaju yũ. To bajiboarine sĭgũ ñaami rojose tãmuotajabetiriaroju varocu. “To bajiro bajirũaroja” mũ yicature masa ĩna ucamasicati ti goticatore bajirone yigu bajirũcumi ĩna.

¹³ Yũcũacane mũ tũ vaguagu yaja yũ yuja. Adi macarũcurojũre ñagũ maji adire mũre sēniaja yũ, “Yũre ajitirũnrã, yũ variquēnarore bajirone ĩna quēne quēnaro variquēnajedicõato ĩna” yigu. ¹⁴ Ānoa yũ buerã, yũre mũ gotiroticature ajicõari tũoĩvasoacana ñaama ĩna. To bajiri mũre ajimena ĩna tũoĩare bajirone tũoĩabeama ĩna yuja. Yũre bajirone tũoĩarã ñama. To bajiro bajirã ĩna ñajare, ĩnare ĩateama masa, mũre ajimena. ¹⁵ Yũre ajitirũnrãre, “‘Mũre ajimena rãca vatoaju ñabeticõato ĩna’ yigu, ĩnare juacoasa mũ”, mũre yibeaja yũ. Ado bajirojũa mũre sēniaja yũ. Quēnaro ĩnare yirēmoña, “Vãtia ujure ĩre cudiroma ĩna” yigu. ¹⁶ Mũre ajimena ĩna tũoĩarore bajirone tũoĩagũ me ñaja yũ. To bajiri, yũre ajitirũnrã quēne, mũre ajimena ĩna tũoĩarore bajiro tũoĩarã me ñaama ĩna. ¹⁷ Riojo ñamasuse ñaja ti mũ oca. To bajiri yũre ajitirũnrãre ĩnare yirēmoña mũ, mũ ocare “Quēnaro ajimasiato ĩna” yigu. Mũ ocare ajimasicõari, “Quēnase rĩne yirã ñato” yigu, ĩnare yirēmoña. ¹⁸ Mũre ajimena vatoajũre yũre cõacaju mũ. Yũ quēne, to bajirone mũre ajimena vatoajũre yũre ajitirũnrãre ĩnare cõaguagu yaja yũ. ¹⁹ “Yũ bajirotire mũ tũoĩacature bajirone bajirũaroja ti”, mũre yaja yũ, “Yũ suorine quēnase ĩnare ejarũaroja” yimasigũ ñari. To bajiro mũre yaja yũ, “Yũre ĩacõari, ‘Dios ocare socabetire Jesũs ĩ cudiore bajirone cudiřasa mani’ yato ĩna” yigu —yicami Jesũs, Diore sēnigũ.

²⁰ Gajeye ado bajiro Diore sēnicami Jesũs:

—Yũ rãca ñacõari, yũre ajitirũnrã rĩrene ĩnare sēnibosagu me yaja yũ. Ānoa ĩna gotimasiose ti ñajare, “Gãjerã quēne, yũre ajitirũnrũarãma” yigu, ĩnare quēne sēnibosaja yũ. ²¹ “Yũre ajitirũnrã ñajediro sĭgũre bajiro ñato ĩna” yigu, mũre sēniaja yũ, to yicõari, “Mani rãca quēne ñacõa ñato ĩna” yigu. Cacũ, yũ rãca ñaja mũ. Yũ quēne, mũ rãca ñaja. To mani bajirore bajirone sĭgũre bajiro ĩna ñasere bojaja yũ. To bajiro ĩna bajiro ĩacõari, “Socu mene Dios ĩ cõar’i ñañumi Jesũs”, yitũoĩvasoarũarãma masa. ²² “‘Diorãca ñaami’ masa yũre yirũcũbũoato” yigu, yũre ejarēmoadicaju mũ. To bajirone yũre ajitirũnrãre quēne, yũre mũ ejarēmocatore bajirone ĩnare ejarēmorũcũja yũ, masa, ĩnare ĩacõari “‘Diorãca ñaama’ ĩnare yirũcũbũoato” yigu. To bajiro ĩnare yirũcũja yũ, mani bajirore bajirone, “Sĭgũre bajiro ñato ĩna” yigu. ²³ ĩna rãca ñarũgũaja yũ. Mũ quēne, yũ rãca ñarũgũaja mũ. To bajiri sĭgũre bajirone tũoĩarũarãma ĩna. To bajiro ĩna bajiro ĩacõari, “Dios ĩ cõar’ine ñañumi Jesũs”, yimasirũarãma masa. “Ī macũre ĩ mairore bajirone ĩnare quēne maĩami Dios”, yimasirũarãma masa.

²⁴ Cacũ, yũre ajitirũnrã yũre mũ ĩsicana ñaama ĩna. To bajiri yũ rãca ĩna ñarotire bojaja yũ, mũ rãca yũ rotiñarore “Īarãjaro ĩna” yigu. To bajiri, mũ rãca yũ rotisere ĩacõari, “Adi macarũcuro ti ruyuaroto rĩjorojũne Jesũre maicoayumi Dios” ĩna yimasirotire bojaja yũ. ²⁵ Cacũ rojose yigu me ñaja mũ. Mũre ajimenama, mũre masibeama ĩna. Yũma, mũre masi-aja yũ. Ānoa yũ buerã quēne, “Dios ĩ cõar’ine ñaami”, yũre yimasiamã ĩna. ²⁶ “Ado bajiro bajigu ñaami Dios”, ĩnare yigotimasiocoadicaju yũ, yũre ajitirũnrãre. To bajirone ĩnare gotimasiocõaja yũ maji, yũre mũ mairore bajirone “Gãjerãre maĩato ĩna” yigu. To yicõari, “Īna rãca yũ ñacõa ñarũgũrotire masiato ĩna” yigu to bajiro yũre ajitirũnrãre ĩnare gotimasioaja yũ —Diore ĩre yicami Jesũs.

18

Jesúre ñna ñiare queti

(Mt 26.47-56; Mr 14.43-50; Lc 22.47-53)

¹ To bajiro Diore Jesús i yisēniro bero, Cedrón vāme cūti cora gajejaca-
catuaju vacaju yua, i rāca. To vanane, olivo vāme cūtisere oteriavesejūre
jiacaju yua. ² Tocārācaine ti vesejūre rējacaju yua. To bajiri Judas,
Jesúre ñaterāre ñsirocacacu quēne, yua rāca rējārūgūcacu ñari, tojūre quēnaro
masicami. ³ To bajiri ti vesere masigū ñari, surarare, to yicōari, Diore
yirūcubūoriavi coderimasare ūmato ejacami Judas. Paia ūjarā, to yicōari,
fariseo masa ñna cōariarā ñacama. Jariaserine besu cūocama ñna. Sīgūri
siabusuoriari, gājerā mājorijāirire bajise siare cūocama ñna. ⁴ Jēre, “To
bajirone yūre yiruarāma” yigoticacu ñari, ñnare bocagūacami Jesús. ñnare
bocacōari ado bajiro ñnare sēñifacami:

—¿Ñimūre macati mūa? —ñnare yicami Jesús.

⁵ To bajiro i yirone,

—Jesús Nazaret macagūre macaja yua —ñre yicūdicama ñna.

To bajiro ñna yirone,

—Yūne ñaja —ñnare yicūdicami ñjūama.

Judas, Jesúre ñaterāre gotiyiror’i quēne ñna rāca ñacami. ⁶ “Yūne ñaja yū”
Jesús i yirone, jūdavējacoacama ñna. ⁷ To ñna bajirone, ñnare tudisēñifacami
Jesús:

—¿Ñimūre macarā bajiati mūa? —ñnare yicami Jesús.

To bajiro i yirone,

—Jesús Nazaret macagūre macaja yua —yicama ñna.

⁸ To bajiro ñna yisere ajicōari:

—“Yūne ñaja yū”, jēre mūare yibū yū. Yūrene mūa macajama, yū
rācanare ñnare varotiya maji —ñnare yicami Jesús.

⁹ To bajiro i yijama, “To bajirūaroja ti’ i yigoticatore bajiro bajiato”
yigu yicami. Ado bajise Diore ñre yicami: “Cacu, yūre mū ñsicanare quēnaro
ñnare ñatirūnūcoadicaju yū, ‘Sīgū bajiyayiro mi’ yigu”, yicami Jesús.

¹⁰ Jesúre ñna ñiarūaro ñacōari, i jariasere yoveacami Pedro. Tiasene paia
ūju ñamasugūre moabosarimasūre, Malco vāme cutigūre riojojacatuaga
gāmōrore ñre jatarocacōacami Pedro. ¹¹ To bajiro i yijare, ado bajiro
Pedrore ñre yicami Jesús:

—Mū jariasere tudisuacōaña quēna. Rojose yū tāmūortire yū jacū
i bojacatire, “Tāmūorūabecami”, ¿yūre yiboatime mū? —Pedrore ñre
yicami Jesús.

Anás ya vijū Jesúre ñna ñmiejare queti

(Mt 26.57-58; Mr 14.53-54; Lc 22.54)

¹² To bajiro i yirone surara, ñna ūju rāca, Diore yirūcubūoriavi coderi-
masa quēne Jesúre ñiacama ñna. ñre ñiacōari, i āmobearire siacama ñna. ¹³ To
yicōari, Anás ya vijū ñre āmicoacama ñna yuja. Caifás ūmañicu ñacami Anás.
Ti cūmare paia ūju ñamasugū ñacami Caifás. ¹⁴ Caifás ñañūju: “ñre mani
siabetijama, mani ñaro cōrone siajecōaruarāma ñna romano masa. To bajiri
manire rijabosagūre bajirone bajiato i”, yigotir’i ñañūju i.

“Jesúre masibeaja yū”, Pedro i yire queti

(Mt 26.69-70; Mr 14.66-68; Lc 22.55-57)

¹⁵ Pedro rāca, Jesúre ĩna āmivato sųyacaju yu. Paia uju űamasugūre quēnaro ĩ masigū űacaju yu. To bajiri josari mene paia uju ya vi ta biberiasāniro rētosājacoacaju. ¹⁶ Pedrojuama ta biberiasāniro sųyarojuajune sājabecune tujacoacami. To bajiri paia uju űamasugūre masigū űari, ta biberiasānirore coderimaso rāca űagōgū tudibudicoacaju yu. To yicōari Pedrore ĩre jisōcaju yu. ¹⁷ To cōrone ta biberiasānirore coderimaso, Pedrore ĩre sēniācamo so:

—¿Jesús buerimasa rācagu me űati mu? —ĩre yicamo so, Pedrore.

To so yirone,

—Ī me űaja yu —sore yicami Pedro.

¹⁸ Ti usajare, paia uju űamasugūre moabosarimasa, Diore yirūcubūoriavi coderimasa quēne jea riocōari, sūmañacama ĩna. Pedro quēne ĩna rāca sūmañacami.

Paia uju űamasugū, Jesúre ĩ sēniāre queti

(Mt 26.59-66; Mr 14.55-64; Lc 22.66-71)

¹⁹ Jesúre ĩna āmiejaro, ĩacōari, paia uju űamasugū, ado bajiro ĩre sēniāñuju: —¿Nocārācu űati mu buerā? ¿űie űnire ĩnare gotimasiōrūgūati mu? —ĩre yisēniāñuju ĩ, Jesúre.

²⁰ To bajiro ĩ yijare, ado bajiro cūdiyuju Jesús:

—Masa ĩaro rĳoroju gotisūoadicaju yu, Diore yirūcubūoriavijure, to yicōari, ĩ ocare mani buerūgūrivirijure quēne. Disejuane yayioroaca yu gotimasiore maja. ²¹ ¿No yigu yujuare sēniāti mu? Yure ajicanajuare ĩnare sēniālasaque. Yu gotirūgūcatire mure gotiruarāma ĩna. Tĳre masirāma ĩna —ĩre yiyuju Jesús, paia uju űamasugūre.

²² To bajiro Jesús ĩ yisere ajicōari, sĳgū, Diore yirūcubūoriavi coderimasa Jesús riogare jayuju. ĩre jacōari,

—To bajiro mu yicūdjama, paia uju űamasugūre ĩre rūcubūogu me yaja mu —Jesúre ĩre yiyuju Diore yirūcubūoriavi coderimasa.

²³ To bajiro ĩ yirone, ĩre cūdiyuju Jesús:

—Riojo me yu yijama, “Ado bajiro yaja mu”, yure yigotiya mu. Riojo yu yiboajaquēne, ¿no yigu yure jati mu? —ĩre yiyuju Jesús.

²⁴ To bajiro ĩre yisēniācōari bero, ĩre ĩna siarere jojiorotibecune paia uju űamasugū Caifás vāme cutigu tjuare Jesúre cōañuju Anás.

Quēna, “Jesúre masibeaja yu”, Pedro ĩyire queti

(Mt 26.71-75; Mr 14.69-72; Lc 22.58-62)

²⁵ To ĩna yĳñaro űnone jea sūmacōa űacami Pedro. ĩ rāca jea sūmañarā ado bajiro ĩre yisēniācamo ĩna:

—¿Ī buerimasa me űati mu quēne? —ĩre yisēniācamo ĩna.

To bajiro ĩna yirone, —Bajibeaja. Ī me űaja yu —yicami Pedro.

²⁶ To bajiro ĩ yirone, sĳgū paia ujure moabosarimasa Pedrore ĩre sēniācamo:

—Olivo vāme cutisere oteriveseju, ĩ rāca mu űaro, mure ĩamu yu —ĩre yicami. ĩ űacami Pedro ĩ gāmoro jatacaca.

²⁷ To bajiro ĩ yisēniāsere ajicōari,

—Ī me űaja yu —yicōacami quēna Pedro.

To bajiro ĩ yirĳmarone, gājabocu űagōcōacami yuja.

Pilato tjuju Jesúre ĩna āmiejare queti

(Mt 27.1-2, 11-14; Mr 15.1-5; Lc 23.1-5)

²⁸ Tiju bero, Caifás ya vi ñariarã, Pilato ya vijuare Jesúre ñre ãmivacama. Jud'io masa ujũ ñaboarine, Roma vãme cuti macagu ñacami Pilato. To cõrone busumajacoacaju yuja. Ñ ya vire sãjabeticama ñna jud'io masa, “Gãjerã masa ya vi mani sãjajama, Pascua bare bamasimenaja mani” yitũoĩarã ñari. ²⁹ To bajiri, Pilato ñna rãca ñagõru budiacami ñ yuja:

—¿Ñie rojose ñ yise suori ñre ocasãti mua? —yicami Pilato, jud'io masare.

³⁰ To bajiro ñ yisẽniãrone, ado bajiro ñre cudicama ñna:

—Rojose ñ yibetijama, mua tu ñre ãmiejobetiboriarãja yua —ñre yicama ñna.

³¹ To bajiro ñna yirone,

—ñre ãmicoasa mua. Mua masune rojose ñ yisere ñacõiajeocõari, rojose ñ yise vaja rojose ñre yiba mua yuja —ñare yiboacami Pilato, jud'io masare.

To bajiro ñna ñ yirone,

—Yua, jud'io masama, masare sãamasibeaja —Pilatore ñre yicama ñna.

³² “Yucãtẽroju yure jajutusãacõaruarãma masa” Jesú ñ yicatore bajirone bajicaju ti. ³³ Quẽna sãjacõari, Jesúre ñre jiyuju Pilato. To yicõari, ado bajiro Jesúre ñre yisẽniãñuju:

—¿Jud'io masa ujũ masune ñati mua? —Jesúre ñre yiyuju Pilato.

³⁴ To bajiro ñ yirone,

—¿Mua masu tũoĩarine, to bajise yure yisẽniãti mua? ¿Gãjerã mure ñna gotijare, to bajise yure sẽniãti que mua? —ñre yiyuju Jesú, Pilatore.

³⁵ To bajiro ñ yijare,

—Jud'io masu me ñaja yu, tia. Mua yarãne, paia ujarã rãca, yu tu mure ãmiejoama ñna. ¿Ñie ñni rojose yirori mua? —Jesúre ñre yiyuju Pilato.

³⁶ To bajiro ñ yisere ajicõari, ado bajiro ñre cudiyuju Jesú:

—Masa ujũ mua yigũre bajiro bajigu me ñaja yu. To bajiro bajigu yu ñajama, yure suyirimasa yure ñaterãre ñna rãca gãmerã quẽaboriarãma ñna, “Yure ñiaroma ñna” yirã. To bajiri, masa ujũ mua yigũre bajiro bajigu me ñaja yu. Yure rotise adone ñabeaja —Pilatore ñre yiyuju Jesú.

³⁷ To bajiro ñ yirone,

—To yijama, ¿ujũ ñati mua? —yiyuju Pilato.

To bajiro ñ yirone ñre cudiyuju Jesú:

—Mua yirore bajirone bajiaja yu. Ujũne ñaja yu. Adi macarucurojũre vadicõari ruyucacaju, riojo ñamasusere gotiru. No bojarã yu gotisere ajivariquẽnarãma, yure ajitirũnarã ñaama —Pilatore ñre yiyuju Jesú.

³⁸ To bajiro ñ yirone,

—¿Ñie ñnure yigu yati mua, ñamasuse ñaja mua yiserema? —Jesúre ñre yiyuju Pilato.

“Jesúre sãaroti ñaja”, ñna yire queti

(Mt 27.15-31; Mr 15.6-20; Lc 23.13-25)

To bajiro Jesúre ñre yisẽniã gajanocõari, budiejacami Pilato, jud'io masare gotigũagu quẽna:

—Yu ñajama, ñie rojose yigu me ñaami. ³⁹ Tocãrãca cãmari Pascua mua yiro cõro, sigũ tubibe ecor'ñre mure bubosarũgũaja yu. To bajiri, ¿mua jud'io masa ujũre yu bubosasere bojati mua? —ñare yicami Pilato, jud'io masare.

⁴⁰ To bajiro ñna ñ yijare, ado bajiro ñre avasãcudicama ñna:

—ñrema bubesa mua! ¡Barrabãjũare ñre bucõãña! —yivasãcama ñna, Pilatore.

Barrabãjũama, juarudirimasu ñañuju.

19

1 To bajiro ña yisere ajicōari, Jesúre ñe bajerotiyuju Pilato yuja. 2 Jesús rujoa joere jotabedo suariabedo ñe jeoyujarã surara. To yicōari, ujarã ña sãñarito ñnore sũarivujorore ñe sãñujarã ña. 3 To bajiro ñe yigajanocōa, ñ tubusa ejarũgücōari, ado bajiro ñe yiyujarã ña:

—Jud'io masa ujure mare quēnarotiaja yua yuja —yiajatud'iyujarã ña, Jesúre.

To yicōari ñ riogare ñe jayujarã ña.

4 To bajiro ña yiro bero quēna budiejacōari jud'io masare ado bajiro ñnare yicami Pilato yuja:

—¡Ñaña mua! Yu ñajama, ñiejua rojose yigu me ñaami. Mua quēne ñe ñacōari, “Yure bajiro tuoïato” yigu, ñe buaja yu —ñnare yicami Pilato.

5 To bajiro ñ yirone, jotabedo jesacōari, sũarivujorore sãñacōari budi-adicami Jesús. To cōrone yuja ado bajiro masare yicami Pilato:

—¡Ñaña mua! Ñni ñaami ñ yuja —ñnare yicami Pilato.

6 To bajiro ñ yirone, Jesús ñ budiadore ñacōari ado bajiro avasãcama ña paia ujarã, Diore yirũcũbũoriavi coderimasa quēne:

—¡Yucútẽroju ñe jajutuya! ¡Ñe jajutuya! —yivasãcama ña.

To bajiro ña yirone,

—¡Mua masune ñe ñmivacōari yucútẽroju ñe jajutuaya mua! Yujua yu ñajama, ñiejua rojose yigu me ñaami —ñnare yicami Pilato, jud'io masare.

7 To bajiro ñ yisere ajicōari, ado bajiro ñe cũdicama jud'io masa:

—Yua ñicua ña rotimasiriarore bajirone yirã “Rijacoajaro” yaja yua, “Dios macu ñaja yu” ñ yise vaja —Pilatore ñe yicama ña.

8 To bajiro ña yisere ajicōari bũtobusa gũiyuju Pilato. 9 To bajiri quēna viju ñe jicōari ñe sēniñañuju Pilato:

—¿Noagu masu ñati mu? ñe yisēniñañuju Pilato.

To bajiro ñ yisēniñaboajaquēne —ñe cũdibesuju Jesús.

10 To bajiri quēna ñe tudisēniñañuju Pilato:

—¿Yure cũdibeatime mu? Gãjerãre mare yucútẽroju yu jajutur-otirũajama, jajutu rotimasiaja yu. Mare yu burũajaquēne bucõamasiaja yu. ¿Ñe masibeatigue mu? —Jesúre ñe yiyuju Pilato.

11 To bajiro ñ yirone,

—No bajiro yicōari rotimasibetiboguja mu, Dios ñ bojabetijama. Masare rotirocare mare cũcami Dios. To bajiri mu tujure yure cõagũre, mu rẽtoro rojose masu ñacõaja ti —Pilatore ñe yiyuju Jesús.

12 To bajiro ñ yisere ajicōari, “¿No bajiro yicōari, Jesúre ñe bucõaroti ñaboati ti?”, yitũoïañuju Pilato yuja. To bajiro ñ yitũoïaboajaquēne, ado bajiro yivasãcama jud'io masa:

—Ñe mu bucõajama, uju ñamasugũ César vãme cutigu rãcagu me ñarũcujaja mu. No bojagu ñe sēnibecũne, “Uju ñarũcujaja yu” yiguma, César ñ ñategu ñaami. To bajiri, ñe mu bujama, quēnabeaja —Pilatore ñe yivasãcama ña.

13 To bajiro ña yisere ajicōari, Jesúre ñe jiburoticami Pilato yuja. To yicōari, rotigu ñ rujirijure ejarũjũcoacami Pilato. Gabata vãme cuticaju hebreo ocarema. “Gãtane bũoriaju” yire ñni ñacaju ti. 14 Pascua boserãmu bare basũoriarãmu rĩjoroagarãmu, ñacaju ti. Uũmãrecaji ñaro ado bajiro ñnare yicami Pilato, jud'io masare:

—Ñni ñaami mua uju —ñnare yicami.

15 To bajiro ñ yisere ajicōari, bũto avasãcama ña quēna:

—¡Sĭacōaroti ñaja! ¡Sĭacōaroti ñaja! ¡Yucútēroju ĩre jajutusĭarotiya m̃u! — Pilatore ĩre yĭavasā c̃udicama ĩna.

To bajiro ĩre ĩna yĭse ñajare, ado bajiro ĩnare yĭcami Pilato:

—¿No yĭg̃u m̃ua uĭjare jajutusĭarotiguada yu? —ĩnare yĭcami Pilato.

To bajiro ĩ yĭjare, ado bajiro ĩre c̃udicama paia uĭjarā:

—César sĭg̃une ñaami yua uĭjma. Ñim̃ujna g̃āji maami —yĭcama ĩna, Pilatore.

¹⁶ To bajiro ĩna yĭsere ajicōari, “Yucútēroju ĩre jajusĭato ĩna” yĭg̃u, Jesúre ĩnare ĭsicami Pilato. To bajiri Jesúre ĩre āmicoacama ĩna yuja.

Yucútēroju Jesúre ĩna jajusĭare queti

(Mt 27.32-44; Mr 15.21-32; Lc 23.26-43)

¹⁷ ĩre ĩna āmiato, yua quēne s̃uyacaju yua. ĩre āmivacōari, yucútērore ĩre garoticama ĩna. Hebreo ocama Gólgota vāme c̃uti buroju ĩre āmivacama ĩna. “R̃ujoco Buro” yire ũni ñacaju ti. ¹⁸ Toju ĩre āmiejacōari, Jesúre yucútēroju ĩre jajutucama ĩna. ĩ tu g̃ājerā juarā ĩnare jajutucama. Sĭg̃ure ĩ riojojacatua, g̃ājire ĩ g̃ācojacatua ĩnare jajutucama ĩna. ¹⁹ Jesús ĩ tuyaritērojure ĩ rujoa vecare ĩ vāmere ucaturotiyumi Pilato. Ado bajise yituyacaju: “Jesús Nazaret macag̃u, jud'io masa uĭju” yuucature ñacaju ti. ²⁰ Jājarā jud'io masa tire ĩacama ĩna. Maca tuacane ñacaju ti, Jesúre ĩna jajutucato. ĩ rujoa veca vāme tuyase griego oca, hebreo oca, lat'in oca quēne ñacaju ti. ²¹ To bajiri jud'io masa paia uĭjarā ado bajiro ĩre yĭcama, Pilatore:

—“Jud'io masa uĭju ñaami” m̃u yuucarotiboare quēnabeaja ti. “‘Jud'io masa uĭju ñaja yu’ yiboami”, yuucavasoarotiya m̃u —Pilatore ĩre yĭcama ĩna.

²² To bajiro ĩna yiboajaquēne, ado bajiro ĩnare c̃udicami Pilato:

—Jēre uca ecocoamu. To bajiro ñacōato —ĩnare yĭcami Pilato.

²³ Yucútēroju Jesúre jajutugajanocōari, ĩ sudi s̃añaboarere juacama ĩna surara. Babaricārācaju vocōari, g̃āmerā batocama ĩna. To bajiri, cojasene r̃uyacaju ti, ĩna āmirotiasē. Jesús ĩ s̃añarito joeado tiayamano ñacaju ti. Riojone suam̃ujagajanoriaro ñacaju ti. ²⁴ To bajiri ado bajiro g̃āmerā yĭcama surara:

—Tiasere vobeticōato mani. “Ñim̃ujna tiasere ĩ āmiujaro ĩarāsa mani” yirā, g̃ūtariacane reac̃ũĭacama ĩna.

To bajiro ĩna yĭjama, Dios ocare masa ĩna ucamasire ti gotiriarore bajirone bajicaju ti yuja, ado bajiro ti yimasire ñajare: “Yu ye sudire g̃āmerā batoruarāma ĩna. ‘Ñim̃ujna tiasere ĩ āmiujaro ĩarāsa mani’ yiruarāma ĩna. To yirāne g̃ūtariacane reac̃ũaruarāma ĩna”, yigotĭaja Dios ocare masa ĩna ucamasire. To bajiri, to bajirone yĭcama surara.

²⁵ Jesús yucútēroju ĩ tuyaro tuju adocārācu ñacaju yua: ĩ jaco, to yicōari, so yo Cleofas manajo Mar'ia vāme c̃utigo, gajeo Mar'ia Magdalena, ñacaju yua. ²⁶ Yu Jesús ĩ buecacu, ĩ maig̃u quēne ñacaju yu. ĩ jaco rāca yu ñasere ĩacōari ado bajiro yĭcami Jesús:

—Caco, ĩ ñar̃uc̃ami m̃u mac̃ure bajiro bajigu —sore yĭcami Jesús, yujare.

²⁷ To yicōari, yujare ado bajiro yĭcami:

—M̃u jacore bajiro bajigo ñar̃uc̃ocomo so —yure yĭcami Jesús.

To bajiro ĩ yĭse ñajare, yu ya vij̃u sore ũmato ñar̃ug̃ūcaju yu yuja.

Jesús ĩ us̃utadire queti

(Mt 27.45-56; Mr 15.33-41; Lc 23.44-49)

²⁸ Jesús, to bajise yuare ï yiro bero, “Dios ï bojadicatoro bajirone jêre adi macarucurojore yijeocōaja yu yuja” yigū ñari, Dios ocare masa ña ucamasire, “Ti gotirore bajirone bajiato ti” yigū,

—Bogoaja yure —yicami Jesús yuja.

²⁹ To ñacaju uye oco jiaso. Tire, sudiro buruane ñiabiacoari, hisopo vāme cutiricu gajane siatucama ña, tiburuare. To yicōari, Jesús rise tujere ñumotucama ña. ³⁰ Uye oco jiaso veroiacoari ado bajiro yicami Jesús:

—Dios ï roticōacatore bajirone jêre yijeocōaja yu yuja. To cōrone ñaja — yicami Jesús.

To yigūne, murocayo, usutadicōa tujacami Jesús yuja.

Surara, Jesús varubure ï sarejorare queti

³¹ Pascua boserūmu bare basuoriarūmu rījoroagarūmu ñacaju ti. Gajerūmu yua jud'io masa ususājariarūmu ñacaju. To bajiri yucátēroju rijariarā rujari tuyasere bojabeticama ña. To bajiri Pilatore ïre sēniñujarā jud'io masa ujarā:

—Yucátēroju tuyarāre ña ñicugūri gōare jatūrerotiya mu, “Guaro rija-coajaro” yigū. To yicōari ña rujarire rujiro rotiya —ïre yiyujarā ña, jud'io masa ujarā.

³² To bajiri Pilato ï rotijare, ï yarā surara vacōari, yucátēroju Jesús taju juarā tuyarāre ña ñicugūri gōare jatūrecama ña. ³³ Jesús tujere ejarūgūcōari, “Jêre usutadicoasumi ānima”, ïre yīlacama ña. To bajiri ï ñicugūri gōare jatūrebeticama ña.

³⁴ To bajiboarine Jesús varubure sīgū surara sarejoracami. ï sarejorarone, ri'ï, oco rāca budicaju. ³⁵ Yu, tire gotigu, tire iacacu masune ñacōaja yu. “Riojo gotiaja tire”, yimasiaja yu. Muare quēne, quēnabusaro “ Jesús ñaami Dios macu mani uju, ï masise rāca manire ejarēmogū’ yimasiatō ña” yigū, riojo tire gotiaja yu. ³⁶ To bajiro ti bajijama, Dios ocare masa ña ucamasire ti gotirore bajirone jediro bajicaju ti. Ado bajiro gotiaja Dios oca: “Cojo gōaro ïre gōaro jajeabetiruarāma ña”, yigotiaja ti Dios oca. ³⁷ Gajeju Dios oca ti gotijama, ado bajiro gotiaja: “Sarejora ecor'ire ïaruarāma masa”, yigotiaja Dios oca.

Jesúre ña yujere queti

(Mt 27.57-61; Mr 15.42-47; Lc 23.50-56)

³⁸ To ña yiro bero, Arimatea vāme cuti macagu José, Jesús rujarire āmiru Pilatore sēniñuju ï. Jesúre ïre ajitirūnucacu ñacami José. To bajiboarine gājerāre gotibatobeticami, jud'io masa ujarāre güigu. To bajiri, “Āmiña” Pilato ï yijare, Jesús rujarire rujiogu vasuju José. ³⁹ Nicodemo ñamiju Jesúrāca ñagōgū ejar'ï quēne ejayuju. Treinta y cuatro kilo cōro rācuse sutiquēnasere juajayuju ï. Mirra vāme cutise, áloe vāme cutise rāca vuore ñañuju ti sutise. ⁴⁰ To bajiri José, Nicodemo rāca, Jesús rujarire rujiocōari sudijāiri botiquēnarijāirine sutisere tucōari, ïre gūmañujarā ña. Yua jud'io masa, to bajiro yirūgūcaju yua, bajirearāre yujerā. ⁴¹ Jesúre yucátēroju ña jajutusīacato, ote vese taju ñacaju ti. Ti vesejore masa yujeriavi gūtavi mame quēnoraviyare ï rujarire cūñujarā. Gājerāre yujeiñamanavi ñañuju ti vī. ⁴² Ususājariarūmu, Pascua bare basuoriarūmu ti ejaroto mojojoca rayacaju ti. To bajiri ti vijū Jesús rujarire cūñujarā ña, sōju me ti ñajare.

20

*Jesús ĩ tudicatire queti**(Mt 28.1-10; Mr 16.1-8; Lc 24.1-12)*

¹ Gaje semana ĩna moasħoriarũmu busuriju jẽju rẽtiabusarõjne vasuju so Mar'ia Magdalena. Jesũre ĩna yujeriavi tũ ejacõari, so ĩajama, gãta tũnuobibeboaria mañuju. ² To ti bajiro ĩacõari, ũmadi, yũa tũju ejacamo so. Pedro, yũ, Jesũs bũto ĩ maicacu, ñacaju yũa. Yũa tũjũre ejacõari, ado bajiro yũare goticamo so:

—Mani uju rujuřire ģmicoasuma ĩna. “Toju ĩ rujuřire cũriarãma ĩna”, yimasibeaja yũ —yũare yicamo so.

³ To so yisere ajicõari, Pedro rãca ĩarã vacoacaju yũa. ⁴ Yũa juarã, cojoro cõro ũmacaju yũa. Pedro rẽtõbusaro ũmacaju yũju. To bajiri, yũju ĩ rĩjoro ejacoacaju yũ. ⁵ Mubiacõari, ti vire ĩasõcaju yũ. ĩre ĩna gũmaboare rĩne ñacaju. Sãjabeticaju yũ, bajigũjuma. ⁶ Yũ beroju ejacami Pedrojuma. ĩma ĩre ĩna yujeriaviju sãjacoacami. ĩ quẽne, Jesũre ĩna gũmaboare rĩrene ĩacami. ⁷ Jesũs rujoare ĩna gũmario ricatiju ti jesaro ĩacami. ĩre ĩna dũreariaboare gajeroju jesacaju ti. ⁸ To cõrone yũ quẽne ĩ rĩjoro ejasħocacu quẽne sãjacoacaju yũ. Tire ĩacõari, “Tudicaticoasumi Jesũs”, yimasicaju yũ yuja. ⁹ “Rijacoaboarine tudicaticoarũcumi Jesũs” Dios ocare masa ĩna ucamasire ti yigotisere ajimasibeticaju yũ maji. ¹⁰ To bajicõa, yũ ya viju tudicoacaju yũ yuja.

*Mar'ia Magdalenare Jesũs ĩ ruyuaĩore queti**(Mr 16.9-11)*

¹¹ Mar'ia Magdalenama, Jesũre ĩna yujeriavi tũjne oticõa tujasumo so. Otiñagõne, mubiacõari, ti vire ĩasõcõañuju so. ¹² ĩasõcõagõne, juarã ángel mesa, botiquẽnase sãñacõari rujuřire ĩañuju so. Sĩgũ Jesũs rujoa ñariarojuare rujiyuju ĩ. Gãji, ĩ gũbori ñariarojuare rujiyuju. ¹³ So otiñaro ĩacõari, sore sẽnĩañujarã ĩna, Mar'ia Magdalenare:

—¿No yigo otiati mu? —sore yiyujarã ángel mesa.

To bajiro ĩna yirone,

—Yũ uju rujuřire ģmicoasuma ĩna. “Toju ĩ rujuřire cũriarãma ĩna”, yimasi-beaja yũ —yiyuju so.

¹⁴ To bajiro ĩnare yigotigajanocõari, judarũgũgõne Jesũre ĩañuju so. ĩre ĩaboarine, “Jesũne ñaami”, yimasibesuju so. ¹⁵ To cõrone ĩju sore sẽnĩañuju ĩ:

—¿No yigo otiati mu? ¿Ñimũre macati mu? —sore yiyuju Jesũs.

“Adi vese coderimasũ ñagũmi”, yitũoĩacõañuju so. To bajiri ado bajiro ĩre yiyuju so:

—ĩ rujuřire mu ģmicũjama, “To cũmu yũ”, yũre yigotiya. Āmigõ varũo yaja yũ —ĩre yiyuju so.

¹⁶ To so yirone, ado bajiro sore yiyuju Jesũs yuja:

—Mar'ia —sore yiyuju.

To bajiro ĩ yirone hebreo ocane ado bajiro ĩre yiyuju so:

—Rabuni —yiyuju so. “Gotimasiogũ” yire ũni ñaja ti.

¹⁷ To so yirone, ado bajiro sore cadiyuju Jesũs:

—Yũre moaĩabesa maji. Yũ jacũ tũju mũjabeaja yũ maji. Vasa. Yũ yarãre ĩnare gotiaya: “Dios mani jacũ, mani rãcũbuogũ, ĩ ñaroju vacũ yimi”, ĩnare yigotiaya —sore yigotirotiyuju Jesũs, Mar'ia Magdalenare.

¹⁸To bajiro ĩ yirio, yuare gotigo ejacamo so. “Mani ujure ĩamu yu”, yuare yicamo so. To yicōari, Jesús ĩ gotiroticōariarore bajirone yuare goticamo.

Ī buerimasare Jesús ĩ ruyuaĩore queti
(Mt 28.16-20; Mr 16.14-18; Lc 24.36-49)

¹⁹Moasuoĩarũmũ rãioati ñamire yua Jesús ĩ buecana vijure rējacōari, ñacaju yua. Yua yarã jud'io masare ĩnare güirã ñari, sojere tubibecōari ñacaju yua. To bajiro yua bajiñaro yua vatoane ruyuarũgũcōacami Jesús:

—¿Ñati mũa? Quēnaro ñaña mũa —yuare yicami Jesús.

²⁰To yigũne, ĩ ãmorire ĩna jajucatiŕe, ĩ varubũre ĩna sarecatiŕe yuare ĩocami Jesús. Yua ĩ buecana yua ujure ĩacōari, bũto variquēnacaju yua yuja.

²¹To bajiri quēna ado bajiro yuare gotirũtuacami Jesús:

—Quēnaro ñaña mũa. Yu jacũ masa tũju yũre ĩ cōacatore bajirone yu quēne mũare cōaja yu yuja —yuare yicami Jesús.

²²To yigũne, yuare jutijeocami. Jutijeogũne, ado bajiro yicami:

—Dios ĩ cōagũre Esp'iritu Santore bocaãmiña mũa. ²³Īre bocaãmicōari, gãjerã rojose ĩna yisere mũa masiriojama, Dios quēne rojose ĩna yisere masiriorũcumi. Rojose ĩna yisere mũa masiribetijama, Dios quēne rojose ĩna yisere masiribetirũcumi —yuare yicami Jesús.

Jesús ĩ tudicatiŕo Tomás ĩ ĩare queti

²⁴Yuare Jesús ĩ ruyuaĩororema, Tomás yua rãcagu cojoji ruyuarãne, juarã ruyuar'i yua yicacũ manicami maji. ²⁵Jesús ĩ ruyuaĩoro bero Tomãre ĩabujacōari, “Mani ujure ĩre ĩamu yua”, ĩre yiboacaju yua. To bajiro ĩre yua yiboajaquēne ado bajiro yuare boca cãdicami Tomás:

—Ī ãmorire ĩre ĩna jajucati gojerire ĩacōari yu tũmeĩabetijama, to yicōari ĩ varubũre ĩna sarecatiŕe yu moaĩabetijama, “Īne ñaami”, yimasibecũja yu —yuare boca yicami Tomás.

²⁶Cojomo cõro idia jēnituarĩrũmũri bero quēna rējacaju yua. Tirũmũ yua rējarĩrũmũre Tomás quēne ñacami yuja. Soje turiaro ti ñaboajaquēne yua vatoane ruyuarũgũcami Jesús quēna.

—¿Ñati mũa? Quēnaro ñaña mũa —yuare yicami Jesús.

²⁷To yicōa, ado bajiro Tomãre ĩre yicami:

—Yu ãmorire ĩacōari, mũa ãmo vãsoane yũre tũmeĩaña mũa. Mũa ãmo vãsoane yu varubũre ĩna saremasirijũre tũmeĩaña. “Ī me ñagũmi”, yibeja yuja. “Īne ñaami”, yimasĩña mũa yuja —ĩre yicami Jesús.

²⁸To bajiro ĩre ĩ yirone,

—Yu uju, Dione ñaja mũa —Jesũre yicami Tomás.

²⁹To bajiro ĩ yirone, ado bajiro ĩre cãdicami Jesús:

—Tomãs, yũre ĩagũ ñari, “Īne ñaja mũa”, yũre yaja mũa. Gãjerãma yũre ĩabetiboarine mũa yirore bajirone yũre ĩna yijama, quēnaro variquēnarũarãma ĩna —Tomãre ĩre yicami Jesús.

“ Masa, Jesũre ĩre ajitirũnrãjaro' yigu, adi quetiŕe ucaja yu”, Juan ĩ yire

³⁰Gajeye jairo ĩaĩañamanire yĩocami Jesús, yuare ĩ buerãre. Ti ñaro cõrone ucajeobeaja yu, adi queti ucaju. ³¹Yu ucasema, “Mani rijato beroju, rojose tãmuotũjabetirĩaroju mani vaborotire manire yirētobosacōari, ĩ rotĩrotire yigu, Dios ĩ cōar'i, to yicōari, ĩ macũ ñagũmi Jesús” mũa yitũoĩarotire yigu, ucaja yu. To bajiro Jesũre mũa yitũoĩajama, mũa rijato beroju, “Tudirĩjabeticōato” yigu, Dios ĩ catĩsere ĩsĩcorũarãja mũa quēne.

21

Ī buerimasa, cojomo cōro jua jēnituairācū ñarāre Jesús ĩ ruyuaĩore queti

¹ Tijū bero, quēna yuare ruyuaĩocami Jesús, ĩ buecanare. Tiberias vāme cutira tūsarojū yuare ruyuaĩocami ĩ. Ado bajiro bajicami: ² Adocārācū ñacaju yua, rējacana: Simón Pedro vāme cutigu, Tomás yua rācagu cojoji ruyuarāne, juarā ruyuar'i yua yicacū, Natanael, Galilea sitagu Caná vāme cuti macagu, yua Zebedeo rīa, gājerā juarā Jesús ĩ buecana ñacaju yua. ³ To yua bajīñarone, ado bajiro yicami Pedro:

—Vai vayagūacū yaja yū —yicami.

To bajiro ĩ yijare,

—Yua quēne mū rāca vana yaja —ĭre yicaju yua.

To yi, ĩ rāca vacoacaju yua. Va, cūmua vasājacaju yua. Ti ñamire vai yaya ñamicutiboacaju yua. ⁴ Ti busumujadone utabucura tūne yuare ruyuaĩocōacami Jesús. To ĩ bajiboajaquēne, “ĭne ñagūmi”, yimasibeticaju yua. ⁵ Ado bajise yuare yicami:

—¿Vai sīabeati mūa? —yuare yicami Jesús.

To bajiro ĩ yijare,

—Vai vayaboaja yua. Sājabeama —ĭre yicaju yua.

⁶ To yua yirone,

—ĭcūmua riojocatūare bajīure rocaroaya mūa! To bajiro mūa yijama, vai sīaruarāja mūa —yuare yicami Jesús.

To ĩ yirotirore bajirone yicaju yua. Jājarā vai ĩna sājajare, no yi tūamuo sātīmabeticaju yua. ⁷ Tire ĩaboacū, yū, Jesús ĩ maicacū ado bajiro ĭre yicaju yū, Pedrore:

—Mani ũjūne ñaami —ĭre yicaju yū.

Tire ajicōari, ĩ sudiro veacūcatiasere guaro sāña, jatirocaroa, bacōa jājacami ĩ, Jesús ĩ ñarojuare. ⁸ Cien metros cōro vijariarojuare jayacaju yua. To bajiri jabua cutojure bajīure sājacanare vaire vejajājacaju yua. ⁹ Jājaeja, majacōari, jeame ũjurime vecare vai jesarāre ĩnare ĩacaju yua. To bajicōari, pan quēne jesacaju ti. ¹⁰ Yua ejaro ĩacōari ado bajiro yuare yicami Jesús:

—Gājerā vai juadirēmoña yucūacane mūa vayasīarāre —yuare yicami Jesús.

¹¹ To bajiro ĩ yisere ajicōari, cūmuajure ejasājacami Pedro. To yicōari, bajīure boeju vejamocūcami, jacarā vai sāñaricure. Ciento cincuenta y tres ñarirācū ñacama vai ñajediro. Jājarā ĩna ñaboajaquēne, surebeticaju ti, bajijū. ¹² To ĩ yiro bero, ado bajiro yuare yicami Jesús:

—Bayujiroaya —yuare yicami Jesús.

—¿ĭnimū ñati mūa? —ĭre yisēniābeticaju yua, “Mani ũjūne ñaami” yirā ñari.

¹³ To yicōa, yua tujū ejarūgū, panre yuare ĩsibatocami. Vaire quēne, to bajirone yicami.

¹⁴ Idiaji yuare ruyuaĩocoacami, ĩ sīaecocato bero tudicaticōari.

Simón Pedro rāca Jesús ĩ ñagōre queti

¹⁵ Yua bayujigajanoro bero, Pedrore ĭre sēniācami Jesús:

—¿Mū rācana yure ĩna mairo rētoro yure maiati mū Pedro, Jonás macū? —ĭre yisēniācami Jesús.

To bajiro ĩ yirone,

—Yū ũjū mure maiaja yū. Mure yū maisere masiaja mū —Jesúre ĭre yicami Pedro.

To bajiro ĩ yijare,

—¡Oveja rñare ñna ecarũgũriarore bajirone yu yarãre yure gotimasio-bosaba mu! —Ñre yicami Jesús.

¹⁶ Quẽna tudisẽniĩacami Jesús, Pedrorre:

—¿Yure maimasucõati mu Pedro, Jonás macu? —Ñre yicami Jesús.

To bajiro ñ yirone Pedrojũama:

—Yu ujũ mure maiaja yu. Mure yu maisere masiaja mu —Jesúre ñre yicami Pedro quẽna.

To bajiro ñ yijare,

—¡Ovejare coderiarore bajirone yu yarãre yure codebosaba mu! —Ñre yicami Jesús.

¹⁷ To yicõa, quẽna ñre tudisẽniĩaquẽnocami Jesús:

—¿Yure maiati mu Pedro, Jonás macu? —Ñre yicami Jesús.

Idiaji, “¿Yure maiati mu?” Jesús ñ yisere ajicõari, sutiriticoacami Pedro yuja. To bajiri ado bajiro Jesúre ñre yicami Pedro:

—Yu ujũ, ñajediro masigũ ñaja mu. Mure yu maisere masiaja mu —Jesúre ñre yicami Pedro.

To bajiro ñ yijare,

—Ovejare ñna ecarũgũrore bajirone yu yarãre yure gotimasio-bosaba mu. ¹⁸ Socu mene mure gotiaja yu. Tirũmju mamũ ñagũjũma sudi sãñacõari, no mu bojarone vacudirũgũcaju mu maji. Bucu mu ñatone mu ãmorire siacõari, mu varuabetojure mure ãmiruarãma ñna —Pedrorre ñre yicami Jesús.

¹⁹ To bajise Pedrorre ñ yijama, ñ siaecoroti vãmere gotimasio-gũ yicami. To bajiro mu yiecosere ñacõari, “Diore rucũbuoruarãma masa” yigu, to bajise goticami Jesús, Pedrorre. To yigajanogũne,

—Vayá yu rãca. Yure ajitirũnu suyaya —Ñre yicami Jesús.

“Jesús ñ maimasugũ ñacaju yu”, Juan ñ yire queti

²⁰ Judati ñacõari ñnare yu suyaro yure ñacami Pedro. Yu ñacaju Jesús ñ buecacu, bũto ñ maicacu. Yune ñaja Jesús, Pascua boserũmu yure ñ ñmato batũsacatirũmu ñ tũbusaca ñacõari, “¿Ñimũ ñati, mure ñaterãre ñsirocarocũma?” Jesúre yisẽniĩacacu. ²¹ Yure ñacõari, ado bajiro Jesúre ñre yisẽniĩacami Pedro:

—Yu ujũ, ñanima, ¿no bajiro bajirijariquĩda? —Jesúre ñre yisẽniĩacami Pedro.

²² To bajiro ñ yirone, ado bajiro ñre cũdicami Jesús:

—Quẽna yu tudivadirotoju ñ catirotire yu bojajama, caticõa ñarũgũrucũmi maji. No bajiro mure yibeaja ti, mu masibetijaquẽne. Mũma yure ajitirũnu suyaya mu —Pedrorre ñre yicami Jesús.

²³ To bajiro ñ yirone, yũjũarema, “‘Rijabetirũcũmi’ yigu yigũmi” yirene masicõacama ñna. To bajiboarine Jesũjũama, “Rijabetirũcũmi”, yibeticami. Ado bajirojũa yicami ñ: “Yu tudiejarijũ ñ catisere yu bojajama, caticõarũcũmi maji. Tire mu masibetijama, no yibeaja mure” yigu yicami Jesús. Tire quẽnaro ajimasibeticõari, “Rijabetirũcũmi Juan” yire queti gotibatoyuma ñna.

²⁴ Juan ñaja yu, Jesús ñ buecacu. Yune ñaja, adi paperare ucagu. Yu gotisere, “Riojo gotiaja ti”, yimasiaja mani.

²⁵ Gajeye jairo ñaja Jesús ñ yĩocati. Jediro Jesús ñ yirũgũcatire mani ucajeocõajama, adi macarũcũrore tũjabetiboroja paperatutiri.

To cõrone ñaja.

HECHOS de los Apóstoles

“Esp'iritu Santore m̄are cōaruc̄aja yu”, Jesús ĩyire queti

¹⁻² ¿Teófilo, ñaboati mu? Tir̄m̄u m̄are papera cōas̄ocaj̄u yu. Ti papera r̄aca Jesús ĩ yis̄orere masare ĩ gotimasiorere m̄are ucac̄ocaj̄u yu. ĩ bueriar̄a ȳre ĩna goticato cōro ucajeoc̄ocaj̄u yu. ĩ ruyuarere ucas̄ocaj̄u yu. To yic̄ōari, ĩ s̄iaecorere, tudicatic̄ōari ð vecaj̄u ĩ m̄jarere quēne ucacaj̄u yu. Ò vecaj̄u ĩ m̄jaroto r̄joro, ĩ bueriar̄are ĩnare gotimasiorotic̄ōaḡu, Esp'iritu Santo ĩ ejar̄emose r̄aca, “Ado bajiro yiba m̄a” ĩnare ĩ yigotic̄ūre ucacaj̄u yu. ³ ĩ rijato bero, tudicatic̄ōari ĩ cōaronare cojoji me ĩnare ruyuañōñuju Jesús. To bajic̄ōari, cuarenta ñarir̄m̄ari ĩna r̄aca ñaḡu, ĩnare ĩ ũmato yir̄ḡūriarore bajiro ĩnare ũmato yic̄ōa ñañuju, “Īne ñaami” ĩna yimasirotire yigu. To bajiñaḡu, “Yu rijabosare s̄orine ȳre ajitir̄n̄ar̄e ĩvariquēnaami Dios yuja”, ĩnare yigotimasioñuju.

⁴ ĩna r̄aca ñaḡuju, ado bajiro ĩnare gotiyuju Jesús maji:

—Adone ñac̄ōama maji, Jerusalénne. Dios mani jac̄u ĩ gotirere bajirone ĩ cōaḡu Esp'iritu Santo ejarotire yuba m̄a. Tire m̄are yu goticatire ajicaj̄u m̄a. ⁵ Tir̄m̄uju oco r̄aca m̄are bautizacami Juan, “Dios ĩ bojabeti yir̄abeaja” m̄a yit̄oñajare. To bajiri, yoaro mene Esp'iritu Santore m̄are cōaruc̄ami Dios, m̄a r̄aca ñaroc̄are, “Dios ĩ bojarore bajirone yimasiato” yiroc̄are —ĩnare yiyuju Jesús.

Jesús ð vecaj̄u ĩ m̄jare queti

⁶ To bajiri, Jesúr̄aca r̄ejar̄a ado bajiro s̄enñañujar̄a ĩna:

—Tir̄m̄uju romano masa, mani Israel ñamasir'i jānerabatia ye sitare ēmac̄ōari, moarotis̄oadimasiñuma ĩna. ¿Yuc̄rema, ĩnare buc̄ōari, “Rot̄m̄or̄ḡōruc̄aja mu’ yigu, Dios ĩ cōaḡu ñaja yu”, yigotiguti mu? —Jesúre ĩre yiyujar̄a ĩna.

⁷ To bajiro ĩna yijare, ado bajiro ĩnare c̄diyuju Jesús:

—No bajiro yic̄ōari, masimenaja m̄ama. Dios mani jac̄uma ĩ masise r̄aca ĩ yirotire, ĩ s̄iḡne masiami. ⁸ To bajiboarine, Dios ĩ cōaḡu Esp'iritu Santo ĩ vado, ĩ masise m̄are ejar̄aroja ti. To bajiri, ḡajer̄a masa t̄ju vac̄ōari ȳre gotibosar̄a var̄ar̄aja m̄a. Jerusalénj̄ure, adi maca Judea sita jediro, Samaria sitaju quēne, macar̄uc̄aro ñaro cōrone ȳre gotibatocudibosar̄ar̄aja m̄a —ĩnare yiyuju Jesús ĩ buer̄are.

⁹ To bajiro ĩnare gotigajanoḡane, ĩre ĩna ñañarone m̄jacoasuju Jesús. Buerigasero ejac̄ane yayicoasuju. To bajiro ĩ bajiro bero ĩre tudĩñabesujar̄a yuja. ¹⁰ ĩ m̄javeoro bero to bajirone vecaj̄ure ĩam̄oc̄ōa ñañujar̄a ĩna maji. To ĩna bajirone ĩna vatoaju juar̄a ángeles ruyuar̄ḡūc̄ōañujar̄a ĩna. Buto botise sudi s̄añar̄a ñañujar̄a ĩna. ¹¹ To bajic̄ōari, ado bajiro ĩnare gotiyujar̄a ĩna:

—M̄a Galileana, ¿ñiere yir̄a ũm̄agaseroj̄ure ĩam̄oc̄ōa ñati? Jesús, m̄a r̄aca ñar'i, ũm̄agaseroj̄u ĩ m̄jato m̄a ĩarore bajirone tudir̄ujadir̄uc̄ami quēna —Jesús bueriar̄are yiyujar̄a ángeles.

Judare, Mat'ias ĩ ñavasoare queti

¹² To bajiri, Olivo v̄ame c̄ati buro ñañujar̄a ĩna, Jesús ĩ bueriar̄a, ĩ cōarona. To bajiri Jerusalénju tudicoasujar̄a ĩna yuja. Ti buro t̄acane ñañuju ti,

ti maca. ¹³ Ti macaju ejačõari, viju vecaga sõajure ñañujarã ña. Ado bajise vãme cutiyujarã ña: Pedro, Juan, Santiago, Andrés, Felipe, Tomás, Bartolomé, Mateo, gãji Santiago Alfeo macu ñañuju ĩ. Gãji Simón Celote ña yigũ ñañuju. Gãji, Santiago macu Judas ñañuju ĩ. Tocãrãcu ñañujarã ña. ¹⁴ Sīgãre bajirone tuoĩacõari, rëjarũgũñujarã ña, Diore sënirã. Jesús bederã, ĩjaco Mar'ia, gãjerã rõmia quëne ñañujarã ña.

¹⁵ Tirãmurire ña rãca rëjarũgũñujarã ña, Jesúre ajitirãnurã. Ciento veinte cõro ñariarãma ña. Ña vatoaju vãmurãgũcõari, ado bajiro ñnare gotiyuju Pedro:

¹⁶ —Ajiya mũa, yu yarã. Tirãmũju Esp'iritu Santo ĩ ejarẽmose rãca Judas ĩ bajiro tire ucamasĩñuju, mani ñicu David ñamasir'i, Jesúre ĩre ñiacanare ùmato ejacacũre. ¹⁷ To bajiri Judas yua rãcagu ñaboacami. ĩ ye moare quëne ñaboacaju ti. ¹⁸ Judas, ĩ masune rojose yicõari, rijacoasuju ĩ. ĩ rujoajuane quediruji, tũasiarocayocõa tũjasuju. To baji, tuvagua potogũne, ĩ gũdamisi budibatecoasuju ti. To ĩ bajiro bero, rojose ĩ yire vaja gãjõa ñarãre juacõari, ti sitare vaja yiyujarã ña gãjerã. ¹⁹ To bajiri to ña yijare, Jerusalén ñarã, Acéldame vãme yiyujarã ña, ti sitare. Ña ocarema ri'i vese yire ùni ñañuju ti. ²⁰ “To bajiro bajirũaroja” David ñamasir'i ĩ yimasire socase me ñañuja, ado bajiro ĩ ucamasirema:

“Masa mano ñato ĩ ya vi. To bajiro bajicõari ĩ ye moare ñaboarere, gãji moavasõato”, Diore yuicabosayuju David ñamasir'i, Judas ĩ bajiro tire goti rĩjoro yigu.

²¹⁻²² To bajiro David ñamasir'i ĩ yuucamasire ti ñajare, Judare ĩre vasoagu, Jesús ĩ rijato bero quëna ĩ tudicatiro ĩacacũre, Juan, Jesúre ĩ tuñĩabiaro ĩacacũre, yua Jesús ĩ cõasucõana rãca vacudicacũre macato mani —yiyuju Pedro.

²³ To bajiro ĩ yiro bero, juarãre ùmũare beseyujarã ña. “José vãme cutigu quënegũmi” yicõari, “Gãji, Mat'ias vãme cutigu quënegũmi”, yiyujarã ña. Josere, Justo ĩre yiyujarã gãjerã. Gaje vãmerema, Barsabás ĩre yiyujarã. ²⁴ To bajiro yicõari, ado bajiro Jesúre ĩre sëniñujarã ña:

—Jesús yua uju, mu masiaja ñajediro masa ña tuoĩasere. To bajiri ãnoare, “Nijua ñati mu besegu” yũare ĩõña mu. ²⁵ Judare vasoarocu yua rãca moarocũre ĩõña yũare. Rojose yiru Judas yũare vaveocami. To bajiri yucãrrema rojose ĩ yicati vaja, rojose tãmũotujabetiriarõju ñagũmi —yisëniñujarã ña, Jesúre.

²⁶ To yigajano, José vãme ucatuyujarã ña, gũtajure. To yicõari, gajea gũtare Mat'ias vãme ucatuyujarã. “Tiarire reacũĩato mani, ĩñimũju ñati Dios ĩ beseguma?”, yiyujarã ña. Gũtarire reacũĩacõari, “Mat'iane ñaami Dios ĩ beseguma”, yimasĩñujarã ña. To bajiri, juaãmo cõro, coja gũbo jënituarirãcu ñañujarã maji. To bajiri, Mat'ias rãca ñarã, juaãmo cõro juã jënituarirãcu ñañujarã yuja.

2

Dios ĩ cõagũ Esp'iritu Santo ĩ ejare queti

¹ Pentecostés boserãmure Jesúre ajitirãnurã rëjañujarã ña. ² To bajiro ña bajĩnarone, ñaro tusarone busi ocaruyuyuju õ vecaju. Buto mino cutiejarore bajiro ejayuju, ña ñarivijure. ³ To bajicõari, jea ùjusere bajise ruyuyuju. To bajicõari tocãrãcũrene ñnare quedireajeoyuju. ⁴ To bajiro ti bajirone, Dios ĩ cõagũ, Esp'iritu Santo ñnare ejayuju, tocãrãcũrene.

Ejacōari, ĩna ñagōmasirotire ĩnare ɯjoyuju. To bajiro ĩ yijare, tocārācune ricatiri rĭne ñagōjedicuasujarā ĩna, gājerā masa yere.

⁵ Pentecostés boserūmu ñaro, jud'io masa Jerusalén macajure boserūmu ĩarā ejariarā ñañujarā, Diore rūcuborā. Jud'io masa ñaboarine, ricatiri rĭne ñagōrā ñañujarā, gaje macariana vadiriarā ñari. ⁶ To bajiri mino vatore bajiro ti būsise ajicōari, jājarā masa rējañujarā ĩna, ti būsirojure. To ejacōari ĩna ajijama, ricati oca ñagōrā ñaboarine, sīgū ruyariaro mano ĩna ocare ajijujarā ĩna. To bajiri, no bajiro yimasīña mañuju ĩnare. ⁷ No yimasibeticōari, ĩna masune ado bajiro gāmerā yiyujarā ĩna:

—¿Galileana me ñati, mña ĩajama? ⁸ Galileana, mña ocare, yna ocare quēne ñagōmasimena ñaboarine, ānoajuama, ¿no bajiro yicōari, mani ocare ñagōmasiati ĩna yuja? ⁹⁻¹⁰ Adocārāca sitana vadiriarā ñaja mani: Partia, Media, Elam, Mesopotamia, Judea, Capadocia, Ponto, Asia, Frigia, Panflia, Egipto, to yicōari, Cirene maca adojuana Africana quēne, Roma macaju vadiriarā sīgūri jud'io masa quēne ñaama. ¹¹ To yicōari, gājerā jud'io masare bajiro Diore rūcuborā Roma macaju vadiriarā ñaama ĩna quēne. Creta, Arabia vadiriarā quēne ñaama. To bajiro mani bajiboajuquēne, Dios quēnaro manire ĩ yīñasere mani oca rāca manire gotiama, Galileana ñaboarine —gāmerā yiyujarā ĩna.

¹² To bajiro yituoĭarejaica yirā, no bajiro yimasibesujarā ĩna. To bajiri ado bajiro gāmerā yicōa ñañujarā:

—¿Ñie ũnire yirā, to bajiro yati ĩna? —gāmerā yisēniñañujarā ĩna.

¹³ Gājerājuama:

—Mecurā yama, yiajatud'iyujarā ĩna —Jesús buerimasa ñariarāre.

To rējarāre Pedro ĩ gotimasiore queti

¹⁴ To bajiro ĩna yiajatud'isere ajicōari, juāmo cōro, coja jēnituarirācu ñarā rāca vūmūgūñuju Pedro. Vūmūgūcōari, bato tutuase rāca ado bajiro gotiyuju Pedro, to rējarā ĩna ajjediro:

—Quēnaro ajiya yu yarā, yu gotisere, Jerusalén ñarā quēne. ¹⁵ “Mecurā yaja mña”, yuare yirāja mña. Mecurā me yaja yna. Busuriñaca ñaja maji. Masa mecuriaju ejabeaja maji. ¹⁶ Ado bajiroju bajiaja: Yuare mña ĩase, “To bajiro bajiruroja”, yiyuju Diore gotirētobosamasi'ri, Joel. Ado bajiro yuicamasiñuju:

¹⁷ “Adi macarucuro ñatusarirūmūre Esp'iritu Santore ĩre cōarucija yu, jediro masare. To bajiri, ĩ suorine mña rĭa, Diore gotirētobosarūarāma ĩna. Mamarāma, yu yīosere ĩamasirūarāma ĩna. Bucurāma, yu cōasere cājirirūarāma.

¹⁸ Tirūmūre Esp'iritu Santore cōarucija yu, yuare ajitirūnūrāre. Ūmūare, rōmiare quēne ĩre cōarucija yu. To bajiri yu ocare gotimasiogūarāma ĩna.

¹⁹ To bajiri ō vεcaju ĩaĭañamanire mūare yīogū, adigodo quēne ĩaĭañamanire yīogucija yu. Rĭ' ĩnaruroja ti. To bajicōari, jea ũjuse, bueri buemajaruroja ti.

²⁰ Ūmūagu muiju quēne rētiacoarucūmi. Ñamiagu muiju quēne rĭ're bajirone sūagū ñacoarucūmi. Ti jediatone, Dios rojose yirāre ĩabeserirūmū ejaro bajiruroja. Ñamasurirūmū ñaruroja, Jesús to bajiro ĩ yīorirūmū. Gajerūmū tire bajiro bajibetiruroja yuja. Gūiorirūmū ñaro yiruroja yuja.

21 To bajiboajaquēne no bojarā, ‘Yu ujū, rojose yigu ñaja yū. Rojose yū yisere masirioya mu’ yirāre rojose ina yise vaja rojose tāmōtūjabetiriaroju ina vaborotire inare yirētobosarucija yū, yami Dios”, yuucamasiñuju Joel —yiyuju Pedro.

22 To yicōa, quēna tudigotiyuju Pedro:

—Dios ī beserimasa ajiya mua. Nazaret macagu Jesús īaīañamanire Dios ī masise rāca mware yīoñumi. To bajiri, “Dios ī rotirore bajiro yiyumi Jesús”, yimasijaja mua, tire īacana ñari. 23 To bajiro yimasirā ñaboarine, Jesúre īaterāre ocasāñuja mua. To yicōari, yucátēroju inare jajurotiyuja mua, īre. Tire mua yiroto rījorojuone masicōañuju Dios. “To bajiro rojose īre ina yiboajaquēne, quēnasejuare yirucija yū” yigu, īre cōañuju Dios, Jesúre. To bajiri mware matabesumi, “Jesúre īre sīato ina” yirā, īre īaterāre mua īsiboajaquēne. 24 To bajiro Jesúre mua yiboajaquēne, Diojuama, Jesús ī sīaacoro bero, quēna īre catiocōañumi. To bajiri rijayayicōa tūjabesumi Jesús, no yiyamagū ñari. 25 To bajiri tirāmujū manī ñicu David ñamasir'i, Jesús ī bajirotire yigu, ado bajiro ucamasiñumi ī:

“Cacu, yū rācane ñaja mū. Yūre mū ejarēmose ti ñajare, ñiere güibeaja yū.

26 Tire yū tūoīajama, yūre quēnamasucōaja. To bajiri buto variquēnagū quēnase mure ñagōaja yū. To bajiri, ‘Yu ruju ti yayiboajaquēne, quēna tudicaticoarucija yū’ yitūoīa tutuaja yū.

27 Cacu, masijaja yū, ina yujerojuone ñacōa ñabetirucija yū. Mū macu ñaja yū. Mure rūcubuoaja yū. To bajiri yū ruju boarocabetiruroja ti.

28 To bajiri quēna yūre catiorucija mū. To cōrone buto variquēnarucija yū, mū rāca ñagū ñari”, yuucamasiñumi David, Jesús ī yirotirene yigu.

29 Ī tūoīase mere yimasiñuju ī. Ī rijato, adone īre yujerocamasiñujarā, īrema. “Ado ñaja īre yujeriaro”, yimasijaja manī. 30 To bajiro bajirotire goti rījoro cutirimasu ñamasīñuju David. “Beroju ‘Rotimōrōgōrūcūmi’ yigu, Dios ī cōagū, yū jānami ñarucūmi. Yūre bajiro ujū ñarucūmi”, yimasiñuju David, Diore gotirētobosagu. 31 To bajiro ti bajirotire masigū ñari, “Rotimōrōgōrūcūmi” yigu, Dios ī cōarocu Cristo rijacoaboarine, ī tudicatirotire ucamasiñuju. “Īna yujerojuone ñacōa ñabetirucūmi Cristo. To bajicōari, ī ruju quēne, boabetiruroja. To bajigu ñari, tudicaticoarucūmi quēna”, yuucamasiñuju. 32 Jesús ī rijato bero, īre tudīacaju yūa. To bajiri, “Dios īre catioyumi”, yimasijaja yūa. 33 Jesúre, ō vecaju ñacōari, īre jiyuju Dios. To bajiri rūcubuoarijare Dios ī rujiro riojojacatuajuare rujigūmi. Tojare Dios ī gotiriarore bajirone, “Esp'iritu Santore rotiya mū”, Jesúre īre yiyuju. To bajiri Jesúju yūare cōañumi, Esp'iritu Santore. Jēju mua īase, mua ajise quēne, Esp'iritu Santo ī ejajare, bajibu ti. Tine ñaja ti, Dios ī cōagū Esp'iritu Santo ī ejase. 34 Quēna David ñamasir'i ī bajimasirere gotiaja yū. David ī masu ī bajirotire yigu me, ucamasiñuju. Ī ruju, Dios ī ñarōjare mūjabetiriaroja. To bajiboarine Jesús ī mūjarotire yigūne, ado bajiro yuucamasiñuju David:

“ ‘Yu riojojacatua rujiya maji.

35 Mure īaterāre, “Rojose yitūajaya” inare yū yiro bero, rojose yimasibetiruarāma yuja. To cōrone rotisōrucija mū’ yirucūmi Dios, yū ujare”, yuucamasiñumi David.

36 To bajiri, ‘Israel ñamasir'i jānerabatiare, ‘Socase me ñaja’ yimasirājaro” yigu, mware gotiaja yū. Jesúre, yucátērojure mua sīar'irene, manī ujū ñamōrōgōrocure cōañuju Dios —yiyuju Pedro, masare.

³⁷ To bajiro ī yisere ajicōari t̄oōarejai s̄utiritiyujarā ĩna. To bajiri, Pedro rācanare s̄ēniāñujarā:

—¿Ȳna yarā, no yirāti ȳna? —yiyujarā ĩna.

³⁸ To bajiro ĩna yirone, c̄udiyuju Pedro:

—Rojose m̄ua yisere s̄utiriticōari t̄oōavasoaya. To yicōari, oco rāca bautizarotiya m̄ua, “ ‘Ȳnare rijabosar’i ñaami’ Jes̄ure ĩre yit̄oōarā ñaja ȳna” yirā. To bajiro m̄ua yijama, rojose m̄ua yisere masiriocōari, Esp’iritu Santore m̄uare cōaruc̄ami Dios. ³⁹ Esp’iritu Santore m̄uare cōaruc̄ami, m̄ua r̄iare quēne, m̄ua jānerabatiare quēne, s̄ōjuanare quēne. “Ȳn r̄ia ñaruarāja m̄ua” ī yirere c̄udirā ñajedirore ĩre cōaruc̄ami Dios —yiyuju Pedro.

⁴⁰ Ti r̄ine gotiḡa me yiyuju Pedro. Jairo ĩnare gotimasioñuju. To yiḡane ado bajiro gotiyuju:

—Masa adir̄am̄uana rojose yirā rāca ñabesa m̄ua. Cāmotadicoasa m̄ua, “Rojose t̄am̄otajabetiriaroju ĩna rāca vatobe” yirā —yiyuju Pedro.

⁴¹ To bajiro ī yigotisere quēnaro ajiyujarā ĩna. To bajiri tres mil cōro ñarā, ñarēmoñujarā ĩna, Jes̄ure ajitir̄anurā. To bajiri, ĩnare bautizarotiyujarā ĩna, “Rojose yir̄abeaja. Dios yarā ñaja ȳna yuja” yirā. ⁴² To bajiri Jes̄ús ī gotiroticōas̄oriarā rāca r̄ējañujarā ĩna. Tocārācar̄am̄ne ĩna rāca r̄ējar̄uḡñujarā. To bajiri s̄iḡure bajiro t̄oōiañujarā ĩna. To bajicōari Diore s̄ēnir̄uḡñujarā ĩna. Bare barā quēne, Jes̄ús ī yirotiriarore bajirone yibayujarā ĩna.

Jes̄ure ajitir̄anurā ĩna bajire queti

⁴³ Tir̄am̄uri Jes̄ús ī gotiroticōas̄oriarā jairo ĩaīñamanire yiyujarā, Dios ī masisere ĩnare ī cōajare. Tire ĩacōari, no yimasibesujarā ĩna toana ñajediro. ⁴⁴⁻⁴⁵ Tocārāc̄une Jes̄ure ajitir̄anurā s̄iḡure bajiro t̄oōiañujarā. “Ȳn ye ti ñaboajaquēne, m̄ure ti r̄uyajama, ĩsir̄uc̄aja ȳn”, gāmerā yit̄oōiajedicōañujarā ĩna. Gājerāre maioro bajirāre ĩacōari, ĩna ye gajeyeñire ĩsicōari vaja s̄ēni, juayujarā, ĩna, maioro bajirāre gājoa ĩsir̄uarā. ⁴⁶⁻⁴⁷ Tocārācar̄am̄u s̄iḡure bajiro t̄oōiarā ñari, Diore yir̄uc̄ub̄oriavijure r̄ējar̄uḡñujarā ĩna, Diore s̄ēnirā. To yigajano, gājerāre jicoasujarā ĩna, ĩnare barotirā. ĩna ya viriju ejacōari, bare barāne, Jes̄ús ī rotiriarore bajirone yibavariquēnañujarā ĩna. To bajiro bajirā, quēnase Diore yir̄uc̄ub̄or̄uḡñujarā ĩna. To bajiri ĩnare ĩacōari, “Quēnaro yirā ñaama”, yīñañujarā ĩna, ti macana. To bajiri, Jes̄ús ī masisere ĩnare cōañuju. ĩnare ī cōajare, cojor̄am̄u r̄uyabeto ti macana s̄iḡari, Jes̄ure ĩre ajitir̄an̄us̄oyujarā ĩna. To bajicōari, Jes̄ure ajitir̄anurā t̄aju r̄ējañujarā ĩna quēne. ĩna rāca ñarā, jājarāb̄usa ñañujarā, Jes̄ure ajitir̄anurā.

3

Pedro, micaḡare ĩ catioire queti

¹ Tocārācar̄am̄u ñamicaj̄ua t̄usato, Diore s̄ēnirā ejar̄uḡñujarā ĩna jud’io masa. To bajiri cojor̄am̄u Pedro, Juan rāca, Diore ĩre s̄ēnirā vasujarā ĩna quēne, Diore yir̄uc̄ub̄oriaviju. ² Ti vi soje t̄ure rujiyuju r̄ēmone micaḡa ruyuar’i. Tocārācar̄am̄u tojure ĩre āmiejor̄uḡñujarā ĩ babarā. Ti soje, Quēnarisoje vāme cuti soje ñañuju ti. Ti soje t̄ure rujicōari, ti vi s̄ājarāre, “¿Ȳnre ĩamaicōari, gājoa ĩsir̄uabeati m̄ua?”, yirujir̄uḡñuju ĩ. ³ To bajiri, Pedro, Juan rāca ĩna s̄ājatone, gājoare ĩnare s̄ēniñuju micaḡu. ⁴ To bajiro ī yisere ajicōari, ĩre ĩañujarā ĩna. To yirāne, ado bajiro ĩre yiyuju Pedro:

—Adojuare ĩañu, m̄u —ĩre yiyuju.

⁵ To ĩ yijare, “Yure ĩsiruarāma mojoroaca” yigũ, quēnaro ĩnare ajiyuju micagũma. ⁶ To yicōari, ado bajiro ĩre yiyuju Pedro:

—Gājoa maja yũare. Gajeye quēnamasuse mũre yirēmorũcũja yũ. Jesucristo Nazaret macagũ ĩ masise rāca mũre varotiaja yũ —yiyuju Pedro, micagũre.

⁷ To yicōari, ĩriojojacatuaga āmore ñiacōari, ĩre tũavũtuorũgõñuju Pedro. To ĩ yirono, ĩ ñicũgũri, ĩ āñatigũri tĩmacoasuju, ĩre, micaboar'ire yuja. ⁸ To bajicōari, jatirocarũgũcōari, vasũoyuju ĩ yuja. ĩna rāca sājajaju micaboar'i, Diore yirũcũbũoriavijũre. To jatisājacũne, “Dios quēnaro yũre yami. Yũ rijaye catisere yũre catioami”, yivariquēnañuju ĩ. ⁹ Ti vi ñarā, to bajiro ĩ yivariquēnasere ĩañujarā ĩna. ¹⁰ To bajiri ĩre ĩamasicōari ucajujarā ĩna. “¿‘Quēnarisoje’ vāme cuti soje tu gājoa sēnirujirũgũgũ me ñati ĩ?”, yiyujarā ĩna.

Diore yirũcũbũoriavijũ Pedro ĩgotimasiore queti

¹¹ To bajiri micagũ ñaboar'i, Pedrone, Juanre ĩnare ĩiatuayuju, “Yure vaveobeticōato ĩna” yigũ. Salomón vāme cutijacatuajũre rũgõñujarā ĩna, Pedro, Juan rāca. To bajiro ĩna bajirone, masa ĩna ñaro cōrone ũmarējañujarā ĩna, ĩre ĩna catorore ĩaucacōari. ¹² ĩna ũmarējaro ĩacōari, ado bajiro ĩnare gotiyuju Pedro:

—¿No yirā ĩaucati? ĩaucabesa, mũa, yũ yarā Israel ñamasir'i jānerabatia. Āni micar'ire yũa masune catiobeju yũa. “Diore quēnaro cũdirā ñari, ĩre catioma”, yitũoĩabesa mũa. ¹³ Ado bajirojũa bajiaja: Mani ñicũa Abraham, Isaac, to yicōari, Jacob ĩna rũcũbũomasir'i, ĩ bojasere yicacũre Jesũre “Ñamasugũ ñaami” yirũcũbũogũ, āni micar'ire yũare catorotimi. To bajiro yigũ ĩ ñaboajaquēne, Jesũre ĩaterāre ocasācaju mũa, ujarāre, “ĩre sĩato ĩna” yirā. Uju Pilato, Jesũre ĩ burotirũaboajaquēne, mũajũa ĩre sĩaruacaju. ¹⁴ Dios ĩ bojase rĩne yigũre Jesũre burotimenane, Barrabájũare ĩre buroticōacaju mũa, Pilatore. ¹⁵ To bajiro mũa yijama, ĩna rijato beroju “Tudirijabeticōato” yigũ, Dios ĩ catisere ĩsirocũre sĩarotiyuja mũa. To bajiboarine rijar'irene tudicatiocōañuju Dios. ĩre ĩacōari, “Quēna tudicati-coasumi”, yimasiaja yũa. ¹⁶ Āni micagũ ñaboagũre ĩre ĩaja mũa. “Jesũs yũre catorũcũmi” ĩ yitũoĩajare, rēmone ĩ ñicũgũri tĩmacoaju ti. Tire ĩacōari, “Jesũs sũorine bajiaja ti”, yimasiaja mũa.

¹⁷ Mani ujarā rāca Jesũre ĩre sĩaroticaju mũa, riojo tũoĩabetica yirā. ¹⁸ “To bajirone bajirũaroja ti” Dios ĩ yimasire ñajare, bajicaju tima. Ado bajiro ucamasiñujarā Diore ĩre gotirētosararā: “Rojose tãmũocōari, sĩaecorũcũmi Cristo”, yuucamasiñujarā ĩna. ¹⁹ Tire ajicōari, rojose mũa yisere yitũjacōari, Diore sēniña mũa. To mũa yijama, rojose mũa yisere masiriorũcũmi. To bajiro ĩ yijare, ĩ rāca quēnaro ñaruarāja mũa. ²⁰ To bajiro mũa bajijama, Jesũre mũare cōarũcũmi Dios quēna, tirãmũjũne “‘Masa uju ñaña mu’ yigũ mũre cōarũcũja” yimasir'i ñari. ²¹ Yucũrema õ vecaju ñagũmi Jesũs. “To cōrone adi macarũcũrore tudiquēnorũcũja yũ” Dios ĩ yitũoĩariaro bajiro ti bajiroto rĩjoro, tone ñacõa ñarũcũmi. Adi ñaja tirãmũana Diore ĩre gotirētosamasararā, ĩna ucamasire. ²² Diore gotirētosamasir'i, Moisés vāme cutigũ, ado bajiro gotimasirĩjuju, mani ñicũare: “Dios mani uju yũre ĩ cōacatore bajirone gāji ĩ ocare gotirocũre cōarũcũmi. ĩcōarũcũma, mani rācagũne ñarũcũmi. Jediro ĩ yirore bajirone cũdiruarāja mũa. ²³ ĩ yirore bajiro cũdimenarema, ĩnare bucōaroti ñaja

ti. Īnare bucōari Īnare sīaroti ñaja”, yimasiñuju Moisés. Adi ñaja, Jesús ĩ bajirotire goti rījoro yigu, mani ñicūare ĩ gotimasire.

²⁴ Samuel vāme cūtimasir'i, to yicōari, ĩre bajiro bajirā quēne ĩ beroana Diore ĩre gotirētobosariarā ñajediro, adirūmari bajirotire gotiyujarā ĩna quēne. ²⁵ Tirūmujū, mani ñicūare Dios ĩ gotirere gotimasiñujarā ĩna. Dios mani ñicūare ĩ goticōare ti ñajare, quēnase manire ejarūaroja ti. Ado bajiro mani ñicu Abraham ñamasir'ire gotimasiñuju Dios: “Masa jedirore quēnaro yirūcujā yū, mū jānerabatia sūori”, yimasiñuju Dios, mani ñicu ñamasir'ire gotigu. ²⁶ To yimasir'i ñari, ĩ macūre catiocōari bero, mani jud'io masa tujare ĩre cōasūoyumi Dios, “Ī sūori, rojose ĩna yisere masiri-ocōari, quēnaro ñato ĩna” yigu cōañuju, ĩ macūre —Īnare yigotimasioñuju Pedro.

4

Pedrore, to yicōari, Juanre tubiberiavijū masa ujarā, ĩna tubibere queti

¹⁻² To bajiri Pedro, Juan rāca, ado bajiro masare gotimasioñujarā ĩna:

—Jesús, sīaecogū ñaboarine, quēna tudicatioasumi. To bajiri mani quēne tudicatiuarāja, yimasiaja mani —yiyujarā Pedro, Juan rāca.

To ĩna yiñarore paia, to yicōari, saduceo masa quēne ejayujarā ĩna. Diore yirūcūbuoriavire coderimasa uju quēne ejayuju ĩ. Buto jūnisiniejayujarā ĩna, Pedro, Juan rāca to bajiro ĩna gotimasiosere ajicōari. ³ To bajiri Pedrore, Juanre quēne ĩnare ñejecōari, tubibe, vaveocoasujarā ĩna, rāioriju ti ñajare. ⁴ To bajiro ĩnare ĩna yiboajaquēne, Jesús ocare ajicōari, jājarā ajitirūnūsoyujarā ĩna. To bajiri ūmua cinco mil ñañujarā ĩna.

⁵ To bajiri busurijū tudirējañujarā ĩna quēna, jud'io masa ujarā, Dios ĩ rotimasire gotimasiorimasa, to yicōari, bucūrā quēne. ⁶ Paia uju ñamasugū Anás, to yicōari, ĩ yarā Caifás, Juan, Alejandro ñañujarā ĩna quēne. ⁷ To bajiri, Pedro, Juan rāca tubibe ecoriarāre, jirotiyuju Anás. To ĩ yijare, ĩ rījorojuare ejarūgū ejayujarā Pedro, Juan rāca. To ĩna ejaro, ado bajiro ĩnare sēniñañuju Anás:

—¿Ñimū masare muare gotimasiorotimasiri? ¿Ñimū ĩ masise rāca micagūre catiomasiri mūa? —Īnare yisēniñañuju Anás.

⁸⁻⁹ To bajiro ĩ yisēniñaro, Dios ĩ cōagū Esp'iritu Santo ĩ ejarēmose rāca cojo vāme ruyabeto quēnaro cūdiyuju Pedro:

—Yua ujarā, bucūrā quēne, quēnaro yare ajiya. “¿Ñimū ĩ masise rāca micagūre catiomasiri mūa?” yūare mūa yisēniñasere cūdirūcujā yū. ¹⁰ “Quēnaro masiato” yirā, adi macana, to yicōari, “Israel sitana ñaro cōrone masiato” yirā, ñamasusere muare gotiaja yua. Jesucristo Nazaret macagu sūorine micagū ñaboar'i catimasimi. Jesús, yucátēroju mūa sīar'ine, Dios ĩ tudicator'ine, micagū ñaboagure ĩre catiomasimi. ¹¹ Tirūmujū David ñamasir'i ado bajiro ucamasifūmi: “Gūta rāca vī quēnorimasa coja gūtare rocarāma. ĩna rocaria ñaboarine, gajea gūta rētoro quēnarica ñarūaroja tia. Tia gūta sūorine quēnarivi quēnorūcūmi Dios. Tia manijama, quēnomasibetibogūmi”, yiucamasifūmi. “Ado bajiro bajaia” yire ūni ñaja adi: Mūa jud'io masa ujarā, Jesúre ĩre bojabetesuja mūa. To bajiboarine ñamasugū ñaami. ¹² Jesús rīne ñaami adi macarūcūroana masa, ĩna rijato beroju, rojose ĩna tāmūoborotire ĩnare yirētobosarocū, Dios ĩ cōar'i. Gāji to bajiro manire yirētobosagu maami —yiyuju Pedro.

¹³ To bajiri Pedro, Juan rāca quēnaro masirāre bajiro ĩna ñagōsere ajimasicōañujarā ujarā. “Pāpera buebetiriarā ñaboarine, quēnaro ñagōama

Īna. Jesúrāca ñarūgūriarāne ñaruyuama Īna. To bajiri ĩre bajirone gotimasioama”, yituoĭañujarā Īna, ujarā. ¹⁴ To bajiri micagū ñaboar'i, Pedro, Juan rāca ĩ ñajare, “Rojose yiyuja mua”, yimasibesujarā ujarā. ¹⁵⁻¹⁶ To yi, budiarotiyujarā ujarā, Pedrore, to yicōari Juanre quēne. To yicōari ado bajiro Īna masune gāmerā ñagōñujarā Īna:

—¿No yirāti manī ĩnare, Pedrore, Juanre quēne? Jerusalén macana ĩna ñaro cōrone masiama micar'ire ĩna catorere. To bajiri, “Socarā yama”, yimasiña maja. ¹⁷ To bajiri ado bajiro ĩnare gotiroti ñaja: “Jesús yere quēna mua ñagōrēmojama, rojose tāmōrā vana yaja mua”, ĩnare yiroti ñaja, “To cōrone Jesús yere gotibatobeticōato yuja” yirā —yituoĭañujarā ujarā. ¹⁸ To yi, quēna ĩnare jisōñujarā ĩna, Pedrore, to yicōari, Juanre quēne. Īna sājajearone:

—Jesús yere masare gotimasiobesa mua —yiboayujarā ĩna, Pedrore, to yicōari, Juanre quēne. ¹⁹ To bajiro ujarā ĩna yisere ajicōari, ado bajiro cūdiyujarā Pedro, Juan rāca:

—Mware yua cūdiyama, Diore cūdimena yirāja yua. To bajiri, mua tuoĭajama, mājuaare yua cūdiyama, ¿riojo yirā yirājari yua? ²⁰ Jesúre yua ĩacati, yua ajicatire quēne, tire gotitujamasimenaja —yiyujarā Pedro, Juan rāca.

²¹ Tire ajicōari,

—Gotimasiobeticōaña, Jesús yere. Jesús yere mua gotijama, rojose tāmōrōarāja mua —yiyujarā ujarā quēna.

Micagū ĩ catisere ĩcōari, “Quēnaro yigu ñaami Dios”, yiyujarā masa. To ĩna yisere ajirā ñari, Pedrore, to yicōari, Juanre quēne rojose ĩnare yimasibesujarā ĩna. To bajiri ĩnare budiroticōañujarā ujarā. ²² Micagū ñaboar'i, Pedro, Juan rāca ĩna cator'i, cuarenta cūmari rētobusaro tusacu ñañuju ĩ.

“*Jesús yere gotimasiocōa ñato ĩna' yigu, yware ejarēmoña*”, Diore ĩna yisēnire queti

²³ Budicoanajuma, ĩna babarā tujū vacoasujarā Pedro, Juan rāca. Toju ejacōari paia ujarā, to yicōari, bucārā quēne, ĩnare ĩna yirere gotiyujarā ĩna. ²⁴ Tire ajicōari, sīgure bajirone tuoĭacōari, ado bajiro Diore sēniñujarā ĩna:

—Dios, yua jacu, mu rīne ñajediro masirētogū ñaja mu. Mune, ũmāgaserore quēnoñuja, sitare quēne, riagarire quēne jediro. Adi macarucaroayere jediro rujeoyuja mu. ²⁵ Tirāmujū yua ñicu mu bojarore bajiro yimasir'i David ñamasir'i, Esp'iritu Santo ĩ ejarēmose rāca ado bajiro ucamasiñumi:

“¿No yirā ‘Rotimōrōgōrūcūmi’ yigu, Dios ĩ cōagūre jūnisiniati jud'io masa, to yicōari, jud'io masa me ñarā quēne? ¿No yirā Diore rojose yirūaboati ĩna?

²⁶ ‘Rotimōrōgōrūcūmi’ yigu, Dios ĩ cōagūre, to yicōari, Diore quēne rojose yirūarā, adi macarucaroana ujarā rējacōari, ñayurūarāma”, yiuca-masiñumi David.

²⁷ Socu me yimasiñumi David. ĩ gotimasiriarore bajirone bajicaju. Uju Herodes, Poncio Pilato vāme catigu quēne, jud'io masa, to yicōari, jud'io masa me quēne, rējacama ĩna. Mu bojase rīne yigure, “Rotimōrōgōrūcūmi” yigu, mu cōar'ire Jesúre rojose ĩre yirūarā rējacama ĩna. ²⁸ “Ado bajirone bajirūaroja” mu yiriarore bajiro yirā, to bajiro yicama ĩna. ²⁹ To bajiri Dios yua jacu, yware ajiya. “Rojose tāmōrōarāja mua” yware ĩna yisere masiritibesa mu. Mu yirore bajiro mare cūdirūaja yua. To

bajiri yuare yirēmoña mu, “Ñie güimenane Jesús i goticaticire quēnaro gotiatio ña” yigu. ³⁰ Mu masise rāca masa rijarāre catioya mu. Īaiañamanire quēne yiya mu, “ Jesús, Dios i bojase rīne yigu, i macu suorine to bajaia ti’ yato ña masa” yigu —yiyujarā ña, Diore sēnirā.

³¹ Diore ña sēnigajanoro, sita nũñañuju. Tirimarone, Dios i cōagũ Espiritu Santo, i masisere ñare ĩsiñuju. To i yijare, cojo vāme ruyabeto Dios i bojarore bajirone güimenane, Dios ocare masare gotiyujarā ña.

Jesúre ajitirũnarā ña gāmerā yirēmore queti

³² Jesúre ajitirũnarā sīgũre bajiro tuoñarā ñañujarā ña. Īna cuosere, “Yu sīgũ ye ñaja”, yibesujarā ña. Ñajedirore, “Mani ye ñaja” yirā, ña babarāre ĩsiñujarā ña. ³³ Jesús i bajireayere gotimasio tujabesujarā Jesús i gotiroticōasuoriarā. “Jesús, rijacoaboarine, tudicaticōari ñaami quēna”, yigotiyujarā ña, masare. To bajiro quēnaro ñare yigoticōari, ĩaiañamanire ñare yīoñujarā. “To bajirone quēnaro yīñato ña” yigu, Jesúre ajitirũnarā ña ñaro cōrone quēnaro ñare yirēmoñuju Dios. ³⁴⁻³⁵ Sita cuorā, viri cuorā, gājerāre ĩsiñujarā ña. To yicōari, gājoa bujayujarā. Gājoa bujacōari, Jesús i gotiroticōasuoriarāre ĩsiñujarā ña, “Maioro bajirāre ñare ĩsiato” yirā. To bajiri ña rācana nijua maioro bajigũ mañujarā yuja. ³⁶ To bajiro Jesúre ajitirũnarā vatoare, sīgũ jud’io masu levita jũnagu ñañuju ĩ. José vāme cutigu ñañuju. Chipre vāme cutiyoaju ruyuar’i ñañuju ĩ. Jesús i gotiroticōasuoriarā, Josére gajeye ĩre vāme yiyujarā, Bernabé. Griego ocama, “Quēnase gājerāre oca cutigu” yire ũni ñañuju ti vāme. ³⁷ Sita cuoyuju José. Tire gājire ĩsiñuju ĩ. Ti vajane gājoa bujacōari, Jesús i gotiroticōasuoriarāre ĩsiñuju, “Maioro bajirāre ĩsiato” yigu. Quēnaro yigu ñañuju José.

5

Anan’ias, ĩ manajo Safira rāca, ña yitore queti

¹ Anan’ias vāme cutigu ĩ manajo Safira rāca, quēnaro yirā me ñañujarā ña. Anan’ias ĩ manajo rāca ña ya vesere gājerāre ĩsiñujarā. To yicōari, gājoa bujayujarā ña. ² Anan’ias ĩ manajo rāca cojoro cōro tuoñañujarā ña. To bajiri gājoa mojoro yayioyujarā ña. To yicōari Jesús gotiroticōasuoriarāre ĩsigũ vacoasuju, ruyasere. Īna taju ejacōari,

—Ado cōrone bujabu ya —ñare yīsiñuju Anan’ias.

³⁻⁴ To ĩ yisere ajicōari, ado bajiro ĩre yiyuju Pedro:

—Anan’ias, ¿no yigu Diore ĩategũre vātia ujure cūdiati mu? ¿Mu ya vese me ñari, mu ĩsiriavesema? ¿Ti vese vaja mare ña ĩsirema, mu ye me ñari? To bajiro ti bajiboajaquēne, “Ti vese vaja ñaro cōrone muare ĩsiaja yu”, yitoaja mu. To bajiro yuare mu yitojama, yua rīrene yitogu me yaja mu. Diore, Espiritu Santore quēne yitogu yaja mu —yiyuju Pedro, Anan’iare.

⁵ To ĩ yisere ajicōari, rijaquedicoasuju Anan’ias. To bajiro ĩ bajirere ajicōari, buto güiyujarā toana. ⁶ Sīgũri mame bucarā Anan’ias rujere gümacōari, ĩre yujerā vacoasujarā ña.

⁷ Tres hora bero ejayuju Anan’ias ñaboar’i manajo. “To bajiro bajiri-aroja”, yibesuju so. ⁸ To so ejarone,

—¿Adi ñati vese vaja, jediro mua bujare? —sore yiyuju Pedro.

—Ti ñaro cōrone ñaja —ĩre yicūdiyuju so.

⁹ To so yisere ajicōari, ado bajiro sore yiyuju Pedro:

—¿No yirã m̄a manaj̄a rãca cojoro cõro t̄uoĩacõari, Dios ĩ cõagũ Esp'iritu Santore yitor̄ari m̄a? Õ t̄usaroma m̄a manaj̄ure yujerã variarã. Mure quẽne ãmiarõana yirãma, mure yujeruarã —sore yiyuju Pedro.

¹⁰ To ĩ yirĩĩmarone, rijaquedicoasuju soj̄ama. Sãjanane, rijaqueariore ĩabujayujarã mame b̄ucuarã. To bajiri sore ãmibudicõari, so manaj̄are ĩna yujeriario t̄aj̄a sore yujeyujarã. ¹¹ To bajiri, Jesũre ajitirãnarã ñajediro, to yicõari, ĩna t̄uana quẽne, “To bajiyuju” yisere ajicõari, b̄uto gũiyujarã ĩna.

Jesũs ĩ gotiroticõasũoriarã, ĩããñamanire ĩna yĩõre queti

¹² Tirũmũre Jesũre ajitirãnarã jediro sĩgũre bajiro t̄uoĩarã, Diore yirũcũbũoriavi, Salomõn vãme cutijacat̄aj̄ure r̄ejarũgũñujarã ĩna. To bajicõari, Jerusalén macana ĩna ĩaro r̄ĩjoro Dios ĩ masise rãca ĩããñamanire yĩõñujarã ĩna Jesũs ĩ gotiroticõasũoriarã. ¹³ To bajiri, Jesũre ajitirãnarãre, “Quẽnarã masu ñaama”, ĩnare yirũcũbũoyujarã Jerusalén macana. To bajiro yiboarine, Anan'ias ĩ manajo Safira mesa ĩna bajirere masicõari, “ ‘Jesũre ajitirãnũgũ ñaja yũ quẽne’ yisocacõari sãjarũc̄aja yũ”, yibesujarã ĩna, gũirã. ¹⁴ To bajiri jãjarãb̄usa ñarũtuasujarã Jesũre ajitirãnarã. Rõmia quẽne, ãm̄a quẽne ñañujarã. ¹⁵ ĩããñamanire Pedro ĩ yĩõrere ajicõari, rijaye cutirãre ĩna jesariaj̄auri rãcane maa tũ ĩnare juaejoyujarã ĩna. To bajiro ĩna yiejorã, Pedro ĩ r̄ẽtorotire yuñañujarã, “Yũare moãlato ĩ” yirã. “ĩ moãlabetijaquẽne, ĩ vãti mani joere ti r̄ẽtojama, caticoaruarãja mani” yirã, yuñañujarã ĩna. ¹⁶ To bajicõari, ti maca t̄uana jãjarã masa vasujarã, Jerusalénj̄ure, rijaye cutirãre, to yicõari ĩna usũrijure vãtia sãñarãre quẽne juavana. To bajiri rijaye cutiboariarã catijedicoasujarã. ĩna usũrijure vãtia sãñarãre, vãtiare ĩnare bureayujarã ĩna, Jesũs ĩ gotiroticõasũoriarã.

Jesũs ĩ gotiroticõasũoriarãre ĩna ĩajũnisinire queti

¹⁷ Tire ajicõari, paia ūju ĩ rãcana, saduceo masa quẽne b̄uto jũnisiniñujarã, Jesũs ĩ gotiroticõasũoriarãre. ¹⁸ To bajiri ĩnare ñejeroticõari tubiberiavijũ tubiberotiyujarã ĩna, Jesũs ĩ gotiroticõasũoriarãre. ¹⁹ To ĩna yiboajaquẽne, tubiberiavijũ ĩna ñaro, ángel ĩnare ruyuyuju ĩ, ñamijũ. To bajicõari, ĩnare jãnabucõañuju. ²⁰ ĩnare jãnabucõari,

—Diore yirũcũbũoriavijũ vasa m̄a —yiyuju. —To ejacõari masare gotiba, Dios ĩ catisere ĩna c̄uorotire yirã —ĩnare yiyuju ángel.

²¹ To bajiri busurijũ j̄ẽju, Diore yirũcũbũoriavire sãjaejacõari, masare ĩnare gotimasioñujarã quẽna.

Dios oca masare ĩna gotimasio ñarone, paia ūju, ĩ rãcana, to yicõari, Israel sitana ujarã quẽne r̄ejañujarã ĩna. To yicõari, “Tubiberiavijũ ñarãma” yirã, ĩnare jiroticõañujarã ĩna. ²² ĩna jiroticõariarã tubiberiavijure ĩna ejaro, mañujarã ĩna. To bajiboa, tudicoasujarã ĩna, gotirã tudiana. ²³ Tudiejacõari, gotiyujarã ĩna:

—Tubiberiavi quẽnaro turiaro ti ñarore ejaboabũ yũa. Ti vire coderimasa quẽne tone ñaboama ĩna. To bajiboarine sojere jãnacõari yũa ĩajama, mama ĩna, Jesũs ĩ gotiroticõasũoriarã —yigotiyujarã ĩna, tudiejana.

²⁴ Tire ajicõari, paia ūju, Diore yirũcũbũoriavire coderimasa ūju quẽne, no yimasibesujarã ĩna yuja. “To bajiro ĩna bajijama, ¿no bajiro yiroana yirãda ĩna?”, yiyujarã ĩna. ²⁵ To ĩna yit̄uoĩarejaiñarone sĩgũ, ĩna t̄ure ejacõari, ado bajiro ĩnare gotiyuju:

—M̄a tubibecũboariarãma, Diore yirũcũbũoriavijũ masare gotimasio ñama ĩna —ĩnare yigotiyuju.

²⁶ To i yijare, Diore yirucubɔoriavi coderimasa ɔju, ire moabosarimasa rāca Jesús i gotiroticɔasɔriarāre inare ñejerā vasujarā ina. To bajicɔari rujaji yimenane, inare ñejecoasujarā, “Rujajine inare mani yijama, manire gütane reasīaborāma masa” yigürā ñari. ²⁷ To bajiro inare yi vacɔari, ɔjarā rījorojɔare inare ɔmato ejayujarā ina. Ina ejaro iacɔari, ado bajiro inare yiyuju paia ɔju:

²⁸ —Jesús yere mua gotimasiosere, mɔare gotirotibetiboacaju ya. To ya yiboajaquēne, adoanare Jerusalén macanare ina ñaro cōro inare buecudiyuja mua. To bajiri sigū rɔyariaro mano masiama mua gotimasiodisere. “Ina sɔorine sīacocami Jesús”, yiyuja mua, yɔare —yiyuju paia ɔju, Jesús i gotiroticɔasɔriarāre.

²⁹ To i yisere ajicɔari ado bajiro ire cɔdiyuju Pedro, i babarā rāca:

—Diojɔare cɔdiroti ñaja manire. Masa ina rotisere rētoro ñaja Dios i rotiseja. ³⁰ Mani ñicua ina rucubɔomasir'ine ñaami Jesúre yucátēroju mua jajusīarotir'irene tudicator'ima. ³¹ Ō vecaju ñacɔari, Jesúre ire jiyuju. To bajiri i riojocatu rucubɔoriajare rujigūmi. Jesús masa ɔju ñarocure, ina rijato beroju rojose tāmɔtɔjabetirioju ina vaborotire inare yirētobosarocure cūñuju Dios. “Mu sɔori Israel jānerabatia rojose ina yisere yitujamasiruarāma” yigu, to yicɔari, “To bajiro yirāre rojose ina yisere masiriamasirucuja ya” yigu, ire cōañuju Dios. ³² Tire masiaja ya. Dios i cōagū Esp'iritu Santo rāca ñaja ya. To bajiri jediro Dios i yirere gotiaja ya. No bojagure Dios i yirore bajiro cɔdigure, Esp'iritu Santore ire cōarɔcūmi —yiyujarā ina, Pedro i babarā rāca.

³³ To i yisere ajicɔari, bɔto jūnisinirā ñari, inare sīarɔayujarā. ³⁴ Gamaliel vāme cūtigū, ina rācagu, Dios i rotimasirene gotimasiorimasū ñañuju i, masa ina rucubɔogu. Vūmɔrūgūcɔari, —Pedro, i babarāre inare bucōañā —yiyuju, gājerā ɔjarā rāca ñagōru. ³⁵ To yicɔari, ado bajiro i babarāre gotiyuju:

—Quēnaro ajiya ya yarā mua. Añoare mua yirɔasere quēnaro tɔoiaña mua. ³⁶ Teudas i yirere masiritibesa mua. Yoabeaja ti, “Ñamasugū ñaja” i yiboariaro bero. Tire ajicɔari, “Socaro me bajiroja”, ire yisɔyaboayujarā cuatrocientos ñarā. Tijū bero, gājerā ire sīacōañujarā. To bajiri ire sɔyaboariarā no ina bojarone bajicōañuma ina. I gotimasioboare quēne to cōrone jedicoasuja. ³⁷ Tijū bero, “To cōro ñaama masa” yimasiruarā, ina ucaturotirirāmɔrre Galileagu, Judas vāme cūtigū ñañuju. Ire quēne i gotisere ajicɔari jājarā masa ire sɔyaboayujarā. Tijū bero, ire sīacōañujarā gājerā. To ina yijare, ire sɔyaboariarā no ina bojarone bajicōañuma ina quēne. ³⁸ To bajiri mɔare gotiaja ya: Gōjanabiobesa añoare. No ina bojarore bajiro yato. Ina masune tɔoīacɔari, ina gotimasiodidjama, yayiori mene jedicōarɔaroja tia. ³⁹ Dios i gotirotiserene ina yijama, gājerāre ina gotisere “Ajitirānbeticōato” yirā, no bajiro yimasimenaja mua. To bajiri mua yirɔasere quēnaro tɔoiaña mua; Dios i rotiserene yicɔari, “Yibetirotirene yiyuja” yirobe —inare yiyuju Gamaliel, i babarāre.

⁴⁰ To i yisere ajicɔari,

—Socū me yaja mɔ. To bajiro masu bajirɔaroja ti —yiyujarā ina.

To yi, Pedrora, to yicɔari, i babarāre quēne jiejocɔari, inare bajerotiyujarā ina yuja. Inare bajegajano, Jesús yere ina gotimasiosere gotirotibesujarā ina yuja. To yicɔari, inare budirotiyujarā. ⁴¹ To bajiro inare ina yiro bero, Pedro, i babarā rāca ɔjarā vatoare ñariarā, variquēnase rāca

budicoasujarã. Jesúre mani ajitirãnuse sãori rojose yiecoaja mani. “ To bajiro bajiruarãma, Jesúre ajitirãnu tujamena ñari’ Dios ï yire ñajare, bajiaja mani”, yituoia variquena budiasujarã.^a 42 To bajiri Jesús yere ñjarã ña gotirotibetiboajaquene, masare gotimasio tujabesujarã ña. Tocãrãcarãmune Diore yirũcũbõoriavijure, to yicõari ña ya virijure quene Jesucristo yere masare gotimasiodirũgũñujarã ña.

6

Cojomo cõro jua jẽnituarirãcu ñnare ejarẽmorãre ña besere

¹ Tirodore Jesúre ajitirãnurã jãjarãbusa ñarũtuasujarã ña. To bajiri, griego oca ñagõrã, hebreo oca ñagõrãre ado bajiro ñagõjaisũoyujarã:

—Tocãrãcarãmune mua bare batojama, cojoro cõro batobeaja mua. Manajua rijaveoriarãre hebreo oca ñagõrã rõmiri rĩne jairo ñsajaja mua — yiyujarã ña griego oca ñagõrã.

² To bajiro ña gãmerã ñagõjaisere ajicõari, Jesúre ajitirãnurã jedirore ñnare jirẽoñujarã ña, Jesús ï gotiroticõasõoriarã. To yicõari, ado bajiro ñnare yiyujarã ña:

—Yũarema, yua gotimasiosejua ñaja, bare batoreaye rẽtoro ñamasusema. Bare batorejũare yua yijama, Diore ñre cõdimena yirãja yua. ³ To bajiri, cojomo cõro jua jẽnituarirãcu ñarã beseya mua, mua vatoanare, bare batorona ñaronare. Quẽnaro tũoĩarã, “Quẽnaro yirã ñaama” mua yirã, Dios ï cõagũ Esp'iritu Santo ï ejarẽmose rãca tũoĩarã, cojo vãme ruyabeto Dios ï bojarore bajirone yirãre, ñnare beseya mua. ⁴ Ado bajirojua yirũgũruarãja yuama. Diore ñre sãnirũgũruarãja. To yicõari, Dios ocare masare gotimasiorã ñnaruarãja, yuama —yiyujarã Jesús ï gotiroticõasõoriarã.

⁵ To bajiro ña yisere ajicõari, sũgũre bajiro tũoĩacõari, Esteban vãme cutigure beseyujarã ña. Jesúre quẽnaro ajitirãnũgũ ñaũuju ï. To bajicõari, Esp'iritu Santo ï ejarẽmose rãca tũoĩagũ, cojo vãme ruyabeto Dios ï bojarore bajiro yigu ñaũuju. To yicõari, gãjerã Estebanre bajiro bajirãre beseyujarã ña. Adocãrãcu ñaũujarã ña: Felipe, Prócoro, Nicanor, Timón, Parmenas, to yicõari, Antioqu'ia macajũ vadir'ï, Nicolás, tocãrãcu ñaũujarã, “Bare batoato” yirã ña beseriarã. Nicoláma, jud'io masũ me ñaboarine jud'io masare bajiro bajiyuju ï. ⁶ Ñnare besegajanocõari, “Ãnoa ñaama masa, yua beserã”, yiyujarã, Jesús ï gotiroticõasõoriarãre. To ña yijare, ñnare ãmo ñujeocõari Diore ñre sãnirũujarã Jesús ï gotiroticõasõoriarã, “Quẽnaro ñnare ejarẽmoato Dios” yirã.

⁷ To bajiri, masa jãjarãbusa ajitirãnũñujarã, Jesús yere. To bajirã rĩne, tojare Jerusalenjũre, Jesús yere ajitirãnurã, jãjarãbusa ñarũtuasujarã ña. Paia quene jãjarã, Jesús yere ajitirãnũñujarã ña.

Estebanre ña ñiare queti

⁸ Estebanre quẽnaro yirẽmoñuju Dios. To yicõari, ï masisere ñre çjoyuju. To bajiri jairo ñaiañamanire masare yĩoñuju Esteban. ⁹ Ñaiañamani Esteban ï yĩoñaro, ï rãca gãmerã ñagõñujarã ña. Dios ocare ña bueriviju vadiriarã ñaũujarã. Moabosarimasa ñaboariarã ya vi vãme cutiyuju ti vi. Cojo macana me ñaũujarã ña, bajirãjuma. Cirene macana, Alejandr'ia macana ñaũujarã ña. Ña rãcana Cilicia sitana, Asia sitana ñaũujarã ña. Esteban rãca ñagõboanane, oca josayujarã ña. ¹⁰ Esp'iritu Santo ï ejarẽmojare, ña rẽtoro masiñuju Esteban. To bajiri no bajiro ñre yimasibesujarã ña.

^a 5:41 Mt 5.11-12.

¹¹ To bajiri, gājerāre yayioroaca gājoa ĩsiñujarā ĩna, “ ‘Rojose yimi’ ɥjarāre yato ĩna” yirā. To bajiri, “ ‘Diore, to yicōari, Moisés ñamasir’ire quēne rojose ĩnare ñagōmacami’ yigotiba ma”, ĩnare yiyujarā. ¹² To bajiro ĩna yigotire ñajare, Estebanre buto jūnisiniñujarā ti macana. To bajiri, buca, Dios ĩ rotimasire gotimasiorimasa rāca Estebanre ñiañujarā, ĩna ɥjarā tujure ĩre āmivaruarā. ¹³ ĩna ɥjarā tujure ĩna āmiejarone gājoa ĩsiecoriarā, ado bajiro yisocayujarā:

—Diore yirucabɥoriavire, to yicōari, Moisés ĩ rotimasirere quēne rucabɥobecu rojose ñagōrūgūami Esteban. ¹⁴ Ado bajiro ĩ gotisere ajirūgūmu ya: “Jesús Nazaret macagu, Diore yirucabɥoriavire caguerarucami. To yicōari, Moisés manire ĩ roticūmasirere vasoarucami”, yigotirūgūmi Esteban —yisocayujarā ĩna.

¹⁵ To ĩna yisocasere ajicōari, ĩna ɥjarā yoaro ĩre ĩañañujarā, Estebanre. ĩre ĩna ĩajama, ángel riogare bajiro rioga catiyuju Esteban.

7

“Ñie rojose yibeju ya”, Esteban ĩ yire queti

¹ To bajiri, paia ɥju, Estebanre ĩre sēniñañuju:

—¿“Rojose yimi” mare ĩna yise, riojo yati ĩna? —ĩre yiyuju, Estebanre.

² To ĩ yirone, ado bajiro ĩnare cudiyuju Esteban:

—Yu yarā, ajiya ma. Tirūmuju mani ñicu Abraham ñamasir’i, Mesopotamia ĩ ñarone, Harán vāme cuti macajure ĩ ñagū varoto rĳoro, ĩ rāca ñagōmasiñuju Dios. ³ Ado bajiro yimasīñuju: “Ma ñarore, to yicōari, mu yarāre quēne vaveoya, gaje sitaju mare ya ĩorotoju vacu”, ĩre yimasīñuju Dios, mani ñicu ñamasir’ire. ⁴ To bajiro Dios ĩ yisere ajicōari, Caldea maca ñar’i, Harán vāme cuti macajure ñagū vamasīñuju. To ĩ ñaro, ĩ jacu ñamasir’i ĩre rijaveocoamasiñuju. Tiju bero, adoju mani ñari sitajure ĩre ñarotimasīñuju Dios. ⁵ “Adi sitaju ñaña” Dios ĩ yiboajaquēne, ñajediro gājerā ye sita ñamasīñuju ti maji. To bajiri, “Adi ñaja ya ye sita”, yimasibesuju Abraham. Rēmone, “Ado bajiro bajiruaroja”, yimasīñuju Dios, Abrahamre: “Ti sitare mare ĩsirucuja ya. Mu rijato beroju, mu jānerabatia ye sita ñaruaroja”, yimasīñuju Dios, Abrahamre, rīa magū ĩ ñaboajaquēne. ⁶ To yicōari, ado bajiro ĩre gotimasīñuju Dios: “Cojorāmu adi sitare vaveoruarāma mu jānerabatia. Adi sitare vaveocōari, gājerā sitajure ñaruarāma. Tojare ĩna ñaro, cuatrocientos cūmari ĩnare rotiajeruarāma ĩna. ⁷ To bajiboarine mu jānerabatiare rojose ĩnare ĩna yise vaja gāmetorucuja ya quēne. Tiju bero, mu jānerabatia ti macare tudiveocoaruarāma. To baji, adi sitajure tudiejaruarāma quēna. Adoju ñacōari yure sēnirucabɥoruarāma”, yiyuju Dios, mani ñicure Abraham ñamasir’ire. ⁸ To yicōari, ado bajiro Abrahamre rotimasīñuju Dios: “Yu gotisere, ‘To bajirone bajiruaroja’ mu yicudijama, mu macu ĩ ruyaro bero, circuncisión ĩre yirucuja ma. ‘Dios ya ñaami’ yigu, to bajiro ĩre yirucuja ma”, yimasīñuju Dios, Abrahamre. To bajiro Dios ĩ yire ñajare, ĩ macu Isaac ĩ ruyaro cojomo cōro, idia jēnitarirāmu tusatirāmare circuncisión ĩre yimasīñuju Abraham. To bajiri Isaac ĩ macu Jacob vāme cutigure circuncisión ĩre yimasīñuju. Jacob quēne to bajirone yimasīñuju, ĩ rīare mani ñicua ñamasiriarāre. Juaāmo cōro, juā jēnitarirācu ñamasīñujarā ĩna.

⁹ Jacob rīa, ĩna bedi, José vāme cutigure buto ĩre ĩatemasiñujarā ĩ gagu mesa. To bajiri Egipto sita vanare ĩre ĩsicōari, vaja sēnimasiñujarā ĩna. To bajiro ĩna yiboajaquēne quēnaro ĩre ĩtirānucōa ñañuju Dios. ¹⁰ Egiptoju

José rojose ĩ tãmboborotire ĩre yirẽtobosamasiñuju Dios. To bajiri ɯjũ, faraón ĩna yigũ rãca ñamasiñuju José. To ĩ bajiñaro, ĩ masisere ɯjomasiñuju Dios, Josere. Faraón, ĩre ĩavariquẽnacõari, “Rotigũ ñato, ĩre yicũgũjaro ĩ” yigũ yimasifiñuju Dios. To bajiri Egipto sitana ñaro cõrone, ĩ ya vianare quẽne, “ĩnare rotirucũja mũ”, Josere ĩre yicũmasifiñuju faraón.

¹¹ To ĩ yiro bero, Egipto sitajure bare jedicoamasiñuju. Canaán sitajure quẽne jedicoamasiñuju. Masa bũto ñiorijamasiñujarã ĩna. To bajicõari rojose tãmbomasiñujarã ĩna. Mani ñicua, no ũno bare bujamasibetimasifiñujarã ĩna. ¹² To bajiri José jacũ mani ñicũ ñamasir'i, Jacob, “Egiptojũ trigo ĩna juacũre ñañuju ti” yirere ajicõari, ĩ rĩare cõamasiñuju “Vaja yirã vajaro” yigũ. ¹³ Egiptojũ bare juarã vamasifiñujarã ĩna. Tijũ bero, quẽna tojũne vamasifiñujarã ĩna. To ĩna bajiro ĩacõari, ado bajiro ĩnare yimasifiñuju José: “Yure ĩamasibeaja mũa. Mũa bedine ñaja yũ”, ĩnare yimasifiñuju. To bajiro José ĩ yirere ajicõari, “ĩ yarã ñaama”, yimasifiñuju faraón. ¹⁴ To bajiri José, ĩ yarã ĩna ñaro cõrone ĩ jacũre quẽne jiroticõañuju, “Egiptojũ ñato ĩna” yigũ. ĩna jediro ñarã, setenta y cinco ñamasiñujarã ĩna. ¹⁵ To bajiri, Egiptojũre vamasifiñuju Jacob. Egiptojũ yoaro ñaboacũjũ, bajirocacoamasiñuju Jacob. To bajicõari, ĩ rĩa ñariarã, mani ñicua ñamasiriarã quẽne, tojũne bajireamasiñujarã ĩna. ¹⁶ Jacob ĩ bajirocaro bero, ĩ rujũrire juamasiñujarã, Siquem vãme cuti macaja. Tojũ ejacõari, ĩre yujemasiñujarã, gũtavijũ. To ñamasiñuju Abraham, Hamor rĩare ĩ vaja yimasiriavi, gũtavi.

¹⁷ To bajiboarine mani ñicua ñamasiriarã, Egiptojũre jãjarãbusa masa bujamasifiñujarã. To ĩna bajiñaro rĩne, cõñamasiñuju mani ñicua ñamasiriarãre Dios ĩ sita ĩsiroti, mani ñicũ Abraham ñamasir'ire ĩ gotiriarore bajirone ti bajiroti. ¹⁸ Tijũ bero, gãji ɯjũ Egiptojũre rotisũomasiñuju. José ĩ ñamasirere masibecũ, to yicõari, mani ñicua ñamasiriarãre rãcũbuobecũ ñamasiñuju ĩ. ¹⁹ ĩne mani ñicua ñamasiriarãre ĩnare yitomasiñuju. To yicõari, rojose yimasifiñuju. Mame ruyuarã rĩamasare riagajũ ĩnare rearotimasifiñuju ĩ, “Bujũroma” yigũ. ²⁰ Tirodorene ruyuamasiñuju Moisés quẽne. Dios ĩ ĩajama, quẽnagũaca ñamasiñuju ĩ. To bajiri, ĩ jacũa idiarã muijua ĩre cũomasifiñujarã ĩna. ²¹ To bajiñaboa, so macũacare vijure ĩre yayiomasiβeticõari, riagajũ ĩre jomasiñuju so. To so yir'ire, ɯjũ Egiptoagu maco, ĩre ĩabũjacõari, so macũre yigore bajiro ĩre masomasifiñuju so. ²² To bajiro so yibũcũomasir'i, Egiptoana ĩna bajisere quẽnaro masifiñuju ĩ, Moisés. ĩ ñagõjama quẽnaro tuoĩamasiβicõari ñagõñuju ĩ, ĩna yere. Quẽnaro ĩ yisere ĩacõari, bũto ĩre yirũcũbuoyujarã ĩna.

²³ Cuarenta cãmari cũotusacũ, “Yũ yarãre ĩagũ varũcũja yũ”, yituoĩamasiñuju ĩ. ²⁴ To yi va, ĩna tũjũ ĩ ejaro, ĩ yure egipcio masũ ĩre ĩ bajero ĩacõari, ĩre gãmetoca yigũ, ĩre sĩacõamasiñuju Moisés. ²⁵ “Egipcio masa rojose manire ĩna yisere manire yirẽtobosarocũ, Dios ĩ cũr'i ñaami Moisés' yure yimasirũarãma yũ yarã”, yituoĩamasiboayuju Moisés. To bajiro ĩ yituoĩaboaquẽne, tire tuoĩabetimasifiñujarã ĩnajuama. ²⁶ To bajiri gajerũmũ quẽna ĩ yarãre ĩnare ĩagũ vamasifiñuju Moisés. To ejacõari, ĩ yarã juarã ĩna gãmerã quẽañarore ĩamasiñuju ĩ. ĩnare ĩacõari, ado bajiro ĩnare yimasiboayuju: “Yure ajiya maji. ¿No yirã cojo masa ñaboarine, gãmerã quẽati mũa?”, ĩnare yimasiboayuju. ²⁷ To ĩ yirone, ĩ babare quẽagũjua, Moisére ĩre turocacõañuju, ĩre jũnisinigũ: “¿Ñimũ ĩna ɯjũ ñaña' mare yicati? ²⁸ ¿Ñamica egipcio masũre mũ sĩariarore bajiro yure quẽne sĩaru yatique

ma?" , İre yimasıñuju İ, Moisére. ²⁹ To bajiro İ yisere ajicōari, Egipto sita ñar'i, Madián sitajure rudicoamasıñuju Moisés. Toju manajo bajacōari, ĵarã rıa cutimasıñuju İ.

³⁰ To bajiri, cuarenta ñaricūmari bero, cojorūmu Sina'i vāme cutiricu gūtau tujū yucú manojure vacudigu vamasıñuju Moisés. To bajiro İ bajirone, İ tujure yucú zarza vāme cutiū, űjūgōmasıñuju. To bajiro vatoajure ruyuarāgūñuju ángel. ³¹ Tire İacōari, ucacoamasıñuju Moisés. Quēnaro İaru tubusaca İ vatone ado bajiro İre ñagōmasıñuju Dios: ³² "Yune ñaja Dios. Mu ñicua Abraham, Isaac, Jacob quēne İna rucubuoacane ñaja yu", yimasıñuju Dios, Moisére. Tire ajicōari, güigu nanamasıñuju İ. To bajiri, İaruabetimasıñuju. ³³ Quēna tudiñagōñuju Dios: "Adone yu ñaro ñaja ti. To bajiri mu gabo sudi vejeya mu, yure rucubuoogu. ³⁴ Yu yarã Israel ñamasir'i jānerabatia, Egiptojū rojose İna tāmūosere İarūgūaja yu. To bajicōari, İna sutiritisere İaja yu. To bajiri, 'Egiptoanare cāmotadiato İna' yigu, İnare yirēmogū vabu yu. Egiptojū quēna mre tudiarotiaja yu", İre yimasıñuju Dios —yigotiyuju Esteban, űjarāre.

³⁵ To yicōa, quēna gotirūtuasuju:

—Moiséne ñaami, mani ñicua İna ajirūabetir'i. "Yuū űju me ñaja mu. Rojose yua yisere İacōarimasu me ñaja mu", İre yimasıñujarã mani ñicua. To bajiro İna yiboajaquēne, Diojūama, Egiptojū ñamasiriarāre İnare űmato varocure yigu, yucú zarza vāme cutiū űjūñaro vatoajure ángel suorine Moisére gotimasıñuju Dios. ³⁶ To bajiri İaİañamanire yīomasıñuju Moisés, Egiptojū. To yigajano, mani ñicua ñamasiriarāre İnare űmato vadimasıñuju. To bajivacu, moa riaga Oco Sūarisa vāme cutojure, to yicōari, yucú manojure quēne İaİañamanire İnare yīomasıñuju Moisés. ³⁷ İne ñamasıñumi ado bajiro mani ñicua ñamasiriarāre İnare gotimasir'i: "Dios mani jacu yure İ cōacatore bajirone, gāji İ ocare gotirocure cōarucumi. Dios İ cōarocuma, mani yune ñarucumi", yimasıñuju Moisés mani ñicua ñamasiriarāre. ³⁸ Moiséne mani ñicua ñamasiriarã rāca gūtau Sina'i vāme cutiū veaju rējamasıñuju. İ sīgūne gūtaujure mujacōari, ángel rāca ñagōmasıñuju. To İ yijare, İre İsimasıñuju, Dios İ rotisere, mani jedirone mani ajitirūnu suyarotire.

³⁹ To bajiboarine tire İ gotisere ajirūabetimasıñujarã İna, mani ñicua. Tire ajiterã ñari, quēna Egiptojure tudiarūamasıñujarã İna. ⁴⁰ To yicōari Moisés gūtau joju İ ñatoye rıne, İ gagu Aarón vāme cutigure ado bajiro İre yimasıñujarã İna: "¿Noju ñati mu bedi, Egipto sitaju mani ñaro manire űmato vadicacuma? Toju İ bajiñasere masibeaja mani. To bajiri, Diore bajiro bajigure mani rucubuoocure quēnoña mu. İ űgū rāca mani ñajama, manire quēnararoja ti. No mani varuarore manire űmato varucumi", yimasıñujarã, Aarón ñamasir'ire. ⁴¹ To yirã ñari, ta vecu macuacare bajigu quēnorujeomasıñujarã İna. To yicōari, vaibucurã ecariarāre ślacōari, soeİsimasıñujarã. To yicōari, basavariquēna code-masıñujarã, İna quēnorujeor'i ta vecu macure bajigu ñagūre rucubuoarã. ⁴² To bajiri Dios İnare İtirūnu tujacoamasıñuju. İna bojarore bajiro İna yirūajare, İnare matabetimasıñuju Dios. To bajiri ñocoare, muijure quēne, ñamiagu muijure quēne, yirūcubūomasıñujarã İna yuja. To bajiri Diore gotirētosamasir'i, Amós, ado bajiro İ ucamasire ñajare, bajiyuja ti:

"Israel ñamasir'i jānerabatia, yure ajiya mu: ¿Cuarenta ñaricūmari yucú manojū ñarã, vaibucurã, muā śjarāre yure rucubuoarã, yure soeİsirūgūcati muā?

43 Yare r̄c̄s̄b̄uomenane, m̄na masu m̄na quēnorujeoriarārene r̄c̄s̄b̄uocaju m̄na. MoJORIVIACA quēnocaju m̄na. To yicōari, ti vi jubeaju Moloc vāme cutigare ĩre jeocōari gajarūgūcaju m̄na. Gājire quēne ĩnocore bajiro bajigare m̄na quēnorujeor'ire, Refān vāme cutigare ĩre r̄c̄s̄b̄uocaju m̄na. To bajiro m̄na yirūgūcati ñajare, Babilonia sojñaju m̄nare cōaruc̄s̄ja yu", yimasiñuju Dios ĩnare —yiyuju Esteban, ujarāre gotigu.

44 To yicōa, ado bajiro ĩnare gotirēmoñuju Esteban:

—To bajiri mani ñicua yucá manoj̄u ñarā, cabra vāme cutirā gase rāca ĩna quēnorivire c̄uomasiñujarā ĩna. “Mani rāca ñagūmi Dios” ĩna yir̄c̄s̄b̄uorivi ñamasiñuju ti vi. Dios, Moisére ĩ yīōriarore bajirone ti vire quēnorujeomasiñujarā ĩna. No ĩna bojaro vana quēne ti vire āmicoarūgūmasiñujarā ĩna. 45 Moisés ĩ rijato bero, Josué vāme cutigu ĩre ñavasoamasiñuju. Moisés rācana ĩna bajirearo bero, ti vire c̄uos̄yayujarā ĩna r̄ña, mani ñicua. Ti vire āmicōari, adi sita Canaán vāme cuti sitajure vadimasiñujarā ĩna. To bajiri Dios ĩnare yirēmoñuju, mani ñicūare. Adi sita ñaboariarāre ĩnare bucōamasiñuju Dios. To ĩ yiriaro bero, mani ñicu David ñamasir'i ĩ ñaro quēne ñacōamasiñuju ti vi maji, cabra gasene ĩna quēnorivi. 46 David ñamasir'ire quēnaro ĩre yimasiñuju Dios. To bajiri Diore variquēnagū ñari, ĩ yarā Jacob jānerabatia rāca, ĩre ĩna yir̄c̄s̄b̄uoroti vire ĩre buabosarūamasiñuju. To ĩ yit̄ōabajaquēne, ĩre buarotibetimasiñuju Dios. 47 David mac̄u Salomón ñamasir'ij̄na Diore ĩre vi buabosamasiñuju yuja —yiyuju Esteban, ujarāre gotigu.

48 To yicōa, quēna gotir̄tuasuju ĩ:

—To bajiboarine, masa ĩna quēnorivire ñabecūmi Dios, Diore ĩre gotir̄etobosamasir'i, ado bajiro ucamasire ñajare:

49 “ ‘Adi macar̄uc̄roaye, to yicōari, ō vecaye ñajediro uju ñaja yu. To bajiro bajigu yu ñaboajaquēne, ¿no bajirivi yare buabosaruarāda m̄na? ¿No bajiriju quēnobosaruarāda yu us̄s̄ajarotijurema?

50 Yune ñaja ñajediro rujeocacuma' yami Dios”, yiucamasiñumi ĩre gotir̄etobosamasir'i —yigotiyuju Esteban.

51 To bajiro ĩnare yigajano, ado bajiro ĩnare gotirēmoñuju quēna:

—Dios ocare ajitir̄un̄abetirūgūaja m̄na. “Dios magūmi” yirāre bajiro ĩ ocare ajiteaja m̄na. Mani ñicūare bajiro Dios ĩ cōagū Esp'iritu Santore c̄udimena ñaja m̄na. 52 Sīgū, Diore gotir̄etobosar'i, m̄na ñicua quēnaro ĩna yir'i manicoayumi. To bajiri, Cristo rojose yibec̄ure, ĩ ejarotire gotiriarāre quēne ĩnare s̄lamasiñuma m̄na ñicua. To yiriarā ñari, c̄an̄uribusane “Jesúre ĩre s̄lato” yirā ĩre ĩaterāre ĩsirocayuja m̄na. To bajiro m̄na yijare, ĩre s̄l̄ñuma. 53 Dios ĩ rotimasirere c̄udibetirūgūaja m̄na, ángel mesa suori m̄na ñicua ĩna goticore ti ñaboajaquēne —ujarāre ĩnare yiyuju Esteban.

Estebanre ĩre ĩna s̄lare queti

54 Tire ajicōari, yaia guarāre bajiro guji ĩoñujarā ĩna, Estebanre buto j̄ūnisinirā ñari. 55 To bajiro ĩre ĩna yiboajaquēne, Esp'iritu Santo ĩ masisere ujar' ĩ ñajare, butob̄usa ĩre ejarēmoñuju Esp'iritu Santo. To bajiri, ō vecaju ĩam̄ogūne, Dios ĩ ñasere ĩabujayuju. To bajicōari, ĩ riojojacatua ñagūre Jesúre quēne ĩañuju. 56 Tire ĩacōari, ado bajiro ujarāre ĩnare yiyuju Esteban:

—Īaña m̄na quēne. Ūm̄agasero soje jānacaj̄u. Dios ĩ roticōacac̄u, ĩ riojojacat̄uaj̄nare ñaami —yiyuju Esteban.

⁵⁷ To ĩ yijare, quēna ĩ tudiñagōrotire ajiterā, ĩna gāmo gojerire bibeyujarā ĩna. To yi, ĩna jediro bũto avasācōari, ĩre ñiarā ũmarējañujarā ĩna. ⁵⁸ To yicōari, ti maca sojuaju ĩre vejacoasujarā ĩna, gūtarine ĩre reasĩaroana. Toju eja, ĩna sudi joeayere vejecōari, Saulo vāme cutigũre ĩre ĩsiñujarā ĩna, “Tire codebosato” yirā. To yicōari, gūtarine Estebanre ĩre reasũovasujarā ĩna.

⁵⁹ Gātane ĩre ĩna reañarone, Jesũre ado bajiro sēniñuju Esteban:

—Jesũs, yũ uju yũ usũre bocaãmiña mu —yiyuju Esteban.

⁶⁰ To yi, gũsomuniari tuetucōari, avasãñuju Esteban:

—Yũre rojose ĩna yisere ĩnare masirioya mu —Jesũre ĩre yisēniñuju Esteban.

To yigajanogũne, rijacoa tũjasuju Esteban.

8

Saulo, Jesũre ajitirũnarũre rojose ĩ yirũgũre queti

¹⁻³ Estebanre gũtane ĩre reasĩariarā rācagu, ĩna sudire coderine ñañuju Saulo. “Estebanre ĩre sĩacōato”, yitũoĩañuju ĩ quēne. Esteban ĩ sĩacoro bero, ĩ rujũrĩre ĩacōari, sĩgũri jud'io masa Diore quēnaro rũcũbũorā ĩre yujeyujarā ĩna. To yirāne, bũto otiyujarā Estebanre. Tirũmarĩne Jesũre ajitirũnarũre Jerusalēnju ñarāre rojose yisũoyujarā ti macana. To bajiri Saulo quēne, Jesũre ajitirũnarũre cojovi rũyabeto ĩnare macañuju ĩ. ĩnare bũjagũne, ũmũare quēne rōmiare quēne ĩnare juacōari tubibecũrũgũñuju ĩ. To bajiri ĩna jedirone Jesũre ajitirũnarũ, ĩ gotiroticōasũoriarā rāca ñariarā rudiasujarā Judea sitaju, to yicōari, Samaria sitajũre quēne. Jesũs ĩ gotiroticōasũoriarāma Jerusalēne raveobesujarā ĩna.

Jesucristo yere Samaria sitaju Felipe ĩ gotimasiore queti

⁴ Jerusalēn macana rudiriarā no ĩna vacudiro cōrone Jesũs yere gotimasiodiyujarā ĩna. ⁵ Felipe, Jerusalēnju ñar'i, Samaria sita ñarimacajũre vasuju. Toju ejacōari, “Rotĩmũorũgōrũcũmi” yigu Dios ĩ cōar'i Jesũs yere ĩnare gotimasioñuju Felipe. ⁶ Jājarā masa rējañujarā, ĩ gotisere ajirũarā ñari. To bajicōari, ĩaĩañamanire ĩ yĩosere ĩañujarā ĩna. To bajicōari ĩ gotimasiosere quēnaro ajiyujarā ĩna. ⁷ To ĩna bajirone jājarā masa usũrijũre sãñarāre vātiare bureayuju Felipe. ĩnare ĩ bureajare, bũto avasābudivasujarā ĩna vātia. Jājarā rijarāre quēne catioyuju ĩ. Micarāre, rujasagueri vanare quēne quēnoejarotiyuju ĩ. ⁸ To bajiri ti macana bũto variquēnañujarā ĩna.

⁹⁻¹¹ Ti macajũre Simón vāme cutigũ ñañuju. Cojo cãma me ĩ masisere yĩioñuju ĩ. “Gājerā rētoro masigũ ñaja yũ” yigu, ĩaĩañamani yĩiorũgũñuju ĩ. To bajiro yigu ñari, “Yũ ñaja ñamasugũma”, yiyuju ĩ, masare. To ĩ yise ñajare, sĩgũ rũyariaro mano ĩre ajiyujarā. Bũcũarā quēne, rĩamasa quēne jediro quēnaro ĩre ajiyujarā ĩna. “Diore bajiro masiami”, ĩre yirũcũbũorũgũñujarā ĩna. ¹² To yiriarā ñaboarine, Jesucristo ĩ rijabosare sũorine ĩre ajitirũnarũre, “Yũ yarā ñaja” Dios ĩ yĩĩavariquēnasere gotiyuju Felipe. Tire ajicōari, Jesũre ĩre ajitirũnañujarā ũmũa, rōmia quēne. To yicōari, oco rāca Felipere ĩre bautizarotiyujarā, “Jesũre ajitirũnaaja” yirā. ¹³ Simón quēne, Jesũs yere ajitirũnañuju ĩ. To yicōari, oco rāca bautizarotiyuju ĩ quēne. To ĩ yiro bero, Felipere baba cutisũoyuju. To yicōari ĩaĩañamanire Dios ĩ masise rāca Felipe yĩiosere ĩacōari, no yimasibesuju Simón, ti ũnire ĩabetirũgũr'i ñari.

¹⁴ Jesũs gotiroticōasũoriarā Jerusalēnju ñarā, “Samaria sitana jājarā Dios ocare ajitirũnañujarā” yire quetire ajiyujarā ĩna. To bajiri, Samariajũre cōañujarā ĩna, Pedrore, to yicōari, Juanre quēne. ¹⁵⁻¹⁶ To

bajiri, Samaria sitajure ejacōari, Diore ĩnare sēnibosayujarā ĩna, toana Jesúre ajitirūnusorāre. Oco rāca bautizarotiriarā ĩna űnaboajaquēne, Dios ĩ cōagū Esp'iritu Santo ĩnare ejabesuju maji. To bajiri, “Esp'iritu Santo ĩnare ejato” yirā, Diore sēniñujarā ĩna. ¹⁷ To yicōari, Pedro, Juan rāca, Diore sēnicōari Jesúre ajitirūnusorāre ĩna āmori rāca ĩnare ñujeoyujarā ĩna. To cōroju Esp'iritu Santo ejayuju, ĩnare.

¹⁸⁻¹⁹ ĩna āmori rāca ĩna ñujeorore Esp'iritu Santo ĩ ejasere ĩañuju Simón. Tire ĩacōari ĩnare gājoa ĩsirū, ado bajiro yiyuju Simón:

—Gājerāre yū āmo ñujeorone Esp'iritu Santo ĩ ejarotire bojaja yū quēne —ĩnare yiyuju Simón.

²⁰ To bajiro ĩ yisere ajicōari, ado bajiro ĩre cūdiyuju Pedro:

—Vaja mani Dios ĩ cōasere, “Vaja yire ñaroja ti”, yitūoĩaboaja mū. To bajiro yitūoĩagū ñari, mū gājoa rācane bajirocacoarūcūja mū. ²¹ Rojose mū tūoĩasere masiami Dios. To bajiri, Esp'iritu Santore mure cōabetirucūmi Dios. ²²⁻²³ Mū tūoĩasere ĩamasicōaja yū. Rojose rĩne tūoĩagū ñaja mū. To bajiri, rojose mū tūoĩasere yitūajaya. To yicōari, Diore sēniña mū, “Rojose yū yisere masirioya” yigū —yiyuju Pedro.

²⁴ To bajiro ĩ yisere ajicōari, ado bajiro ĩre cūdiyuju Simón:

—Diore sēnibosaya mūa, yūre. Mūa gotisere bajiro yūre ti bajirotire bojabeaja yū —yiyuju Simón.

²⁵ To ĩ yiro bero, Jesús ĩ yirere ĩna ĩarere, to yicōari, ĩ gotimasiorere ti macanare gotiyujarā. ĩnare gotimasio gajanocōari, Jerusalénju tudianane Samaria sita ñarimacarianare Jesús ye quēnasere ĩnare gotimasioñujarā ĩna.

Etiop'ia sitagure Felipe, oco rāca ĩ bautizare queti

²⁶ To ĩna bajiñarone, Felipere ado bajiro ĩre yiyuju ángel:

—Jerusalénju vasa. To ejacōari, Gaza vāme cūti maca vati maare vaja mū. Yucú manojū ñavati maa ñaja ti maama —yiyuju ángel, Felipere.

²⁷ To bajiri Felipe vacoasuju, ángel ĩ gotiriarore bajirone. Maa vacū, Etiop'ia sitana űjore gājoa codebosarimasare ĩre ĩañuju Felipe. Jerusalénju Diore ĩre rūcūbūogū ejar'i, tudiacū bajiyuju ĩ. ²⁸ Caballo ĩ tūa vaticoroju sāñacōari, Diore gotirētobosamasir'i, Isa'ias ĩ ucamasirere buesāñañuju ĩ.

²⁹ To bajiri, ado bajiro yiyuju Esp'iritu Santo, Felipere:

—Ī tūbūsa vacōari, ĩre baba cūti vasa mū —yiyuju, Felipere.

³⁰ To bajiri ĩ tū vaejacōari, ajiyuju, Diore gotirētobosamasir'i Isa'ias ĩ ucamasirere ĩ buesere ajiyuju Felipe. Tire ajicōari,

—¿Mū buesere ajimasiati mū? —yiyuju Felipe, Etiop'iagure.

³¹ To ĩ yirone:

—“To bajiro yirūaro yaja”, yiajimasibeaja yū, ñimū yūre ĩ gotiro cōro —yiyuju ĩ, Felipere. To yigūne, —Yū tū vasājaguaya —yiyuju Etiop'iagū.

³² Dios ocare Isa'ias ñamasir'i ĩ ucamasirere ĩ buere ado bajiro yiyuju ti: “Ovejare sĩaroana ĩre ñiacōari ĩna ĩatore bajiro ĩre yirūarāma ĩna. To bajiri, ovejare ĩna joa suaro ĩ avasābetore bajiro yigū, rojose ĩre ĩna yĩboajaquēne, ñagōbetirucūmi.

³³ Masa ĩna ĩaro rĩjoro bojoneose yiecorūcūmi. Rojose ĩ yĩbetĩboajaquēne, ‘Rojose yigū me ñaami’ ĩre yĩbosagū manirūcūmi. To bajiri, ĩ sĩacoro bero, ‘Ī jānerabatia ñaama’ yimasĩña manirūaroja”, yĩucamasire ñañuju, Etiop'iagu ĩ buere.

³⁴ To bajiri,

—Yũre gotiya ma. Ñimũre yiro yati, to bajiro ti yijama. ¿I masune i bajiro tire tũoĩacõari yiyujari? ¿Gãji i bajiro tire yigũ, ucamasĩñujari que i? —yiyuju Etiop'iağũ, Felipere.

³⁵ To i yijare, Isa'ias i ucamasirere ãre ãgotigũne, ado bajiro ãre gotiyuju Felipe:

—Isa'ias ñamasir'i to bajiro i ucajama, Jesús i bajiro tirene yigũ yimasiñumi —ãre yigotiyuju Felipe. To yicõari, Jesús i bajĩñarere ãre gotimasiñuju yuja.

³⁶ To yi vana rĩne, maa tu utabũcũra ejayujarã ãna. To eja,

—ãña, ado ñaja oco. ¿Yucũne, oco rãca yũre bautizarũabeati ma? —yiyuju Etiop'iağũ, Felipere.

³⁷ To i yirone, ado bajiro ãre yiyuju Felipe:

—“Jesũne ñaami Dios macũ, rotimũorũgõrocũ' yigũ i cõar'i” ma yijama, oco rãca mũre bautizarũcũja yũ —ãre yiyuju Felipe.

To i yirone, ado bajiro ãre cũdiyuju Etiop'iağũ:

—To bajirone bojaja. Jesũne ñaami Dios macũ, rotimũorũgõrocũ yigũ i cõar'i, yaja yũ —yiyuju Etiop'iağũ.

³⁸ To yi, utabũcũra tũjũ tũjayujarã. To bajicõari, ãmato rojasuju, oco rãca Etiop'iağũre ãre bautizagũacũ. ³⁹ ãre bautiza gajano, ãna majarũgũrone, ñaro tũsarone ruyubetiboarine Esp'iritu Santo ãre ãmicoasuju, Felipere. To bajiri ãre ãbeticõa tũjasuju Etiop'iağũ. To bajiboajaquẽne, quẽnaro variquẽna vasuju i Etiop'iağũ. ⁴⁰ Felipejũama, “To bajiro bajiriaja” yiri mene, Azoto vãme cuti macajũ ejayuju. Tojũ ñacõari, cojo maca ruyabeto Jesús i bajirere masare gotimasiocudiyuju i. Goticudigũ rĩne, Cesarea vãme ti macajũre ejacoasuju i Felipe.

9

*Saulo, tũoĩavasoacõari, Jesũre i ajitirũnũre queti
(Hch 22.6-16; 26.12-18)*

¹ Saulo ñañuju. Jesũre ajitirũnũrãre sũarũ, bũto ãnare ãjũnisinirũgũñuju maji. To bajiri, paia uju ñamasugũre sãnigũ vasuju. ² Damasco vãme cuti maca ñarivi, Dios ocare ãna buerivirijũ Jesũre ajitirũnũrãre macagũ varũ, papera sãnĩñuju:

—ãnare yũ ãabũjaro cõrone ãmũare, rõmiare quẽne, juadirũcũja yũ, Jerusalẽnjũ ãnare tubibecũra —yiyuju Saulo, paia uju ñamasugũre sãnigũ.

³ ãre sãnigajano, vasuju i. Maa i vato rĩne Damasco macajũ i cõñatone, ñaro tũsarone vecajũ bũto caje mose busurujayuju ti. ⁴ To bajiro ti bajijare, quediocacũcoasuju Saulo. I quediocacũatone, ado bajiro ocaruyuyuju ti:

—Saulo, Saulo, ¿no yigũ rojose yũre yisũyarũgũati ma? —yi ocaruyuyuju, õ vecajũ.

⁵ To bajiro ti yirone,

—¿Ñimũ ãgũ ñacõari, to bajise yũre yati ma? —yiyuju Saulo.

To i yirone,

—Yũne ñaja, Jesús, rojose ma yisũyarũgũgũne —ãre yiyuju Jesús. ⁶ To bajiro ãre yicõa, —Damascojũ vasa ma. To ma ejaro, “Ado bajiro yiya”, mũre yirũarãma —Saulore yiyuju Jesús.

⁷ Saulo rãca vana, masa maniboarine, to bajiro yi ocaruyusere ajicõari, no yimasibesujarã ãna. ⁸ To ti bajiro bero, vãmũrũgũcõari, ãarũaboayuju

Saulo. Ī caje ruyubesuju. To ĩ bajijare, ĩ babarā Damascoju vana ĩre tūa vasujarā ĩna. ⁹ Damascoju ejacōari, idiarūmu ĩabeti, babeti, idibeti, bajiñañuju Saulo.

¹⁰ Damascojure Jesúre ajitirānugū ñañuju ĩ, Anan'ias vāme cutigu. ĩre ruyuañocōari:

—Anan'ias —ĩre yiyuju Jesús.

—Adone ñaja yu —yiyuju Anan'ias.

¹¹ To ĩ yirone,

—Vasa Riojo vāme cuti maajure. Ti maa vacune, Judas vāme cutigu ya vire ejarucuja mu. Toju ejacōari, “¿Adone ñati Saulo, Tarso vāme cuti macagu?”, ĩre yiba mu. Yucarema yure sēnigū yami Saulo. ¹² ĩre ĩre ĩomu yu, ĩ tujū mu ejarotire. To bajiri ĩ tu sājajacōari mu āmo ñujeorucuja mu, “Quēna tudīlato” yigu —Anan'iare yiyuju Jesús.

¹³ Tire ajicōari, ado bajiro yiyuju Anan'ias:

—Buto queti ajirūgūaja yu, Diore ajitirānūrāre Jerusalēnju ñarāre rojose ĩ yirūgūrere. ¹⁴ Yūare mure rācubūorāre tubiberu, ejarimi —Jesúre ĩre yiyuju Anan'ias.

¹⁵ To ĩ yise ñajare, ado bajiro Anan'iare gotiyuju Jesús:

—Yu ocare masare gotimasiorocu yigu, ĩre cūmu yu, Saulore. Ujarāre, jud'io masare quēne, jud'io masa mere quēne gotimasiorucami. ¹⁶ To bajiri, “Yure gotimasiobosagu ñari, rojose tāmuorucuja mu”, ĩre yirucuja yu —Anan'iare ĩre yiyuju Jesús.

¹⁷ To ĩ yijare, vacoasuju Anan'ias. Viju sājajacōari, ĩ āmo ñujeoyuju, Saulore. To yigune,

—Yu rācagu, ajiya mu. Jesús mani ujū, mu vado, mure ruyuañorine yure cōami, “Quēna tudī caje ĩato” yigu. “Dios ĩ cōagū Esp'iritu Santo mure ejato” yigu yure cōami —Saulore ĩre yiyuju Anan'ias.

¹⁸ To ĩ yirone, rujarāturori ĩ cajearijure ñase jānevējañuju, Saulore. To ti bajirone quēna tudīacoasuju Saulo. To bajisere ĩacōari, vūmurūgūcōari, oco rāca ĩre bautizarotiyuju Saulo, “Jesúre ajitirānugū ñaja yu” yigu. ¹⁹ To ĩ yiro bero, bacōari, ruju tīmacoasuju Saulo quēna. To bajiri yoarobusa ñañuju Saulo, Jesúre ajitirānūrā rāca, Damascoju.

Saulo, Jesús yere Damascoju ĩ gotimasiosure queti

²⁰ Bero, Dios ocare ĩna bueriviju sājajacōari, “Dios macu ñaami Jesús”, ĩnare yigotimasioñuju Saulo. ²¹ To ĩ yisere ajicōari, no yimasibesujarā ĩna, ñajediro:

—Āni Saulo, ¿Jerusalēnju Jesúre ajitirānūrāre ĩnare sīar'i me ñati? To yicōari, ¿Jesúre ajitirānūrāre ñejeru me adojure vayujari ĩ? ¿ĩnare ñejeccōari, paia ujarāre ĩsibequīda ĩ? —yiyujarā masa.

²² To bajiro ĩna yitūoĭaboajaquēne, tocārācarūmu jājarābusa, Jesúre ajitirānūñujarā ĩna, Saulore ajicōari. “Socu me yaja yu. Jesúne ñaami, ‘Rotimūorūgūcūmi’ yigu Dios ĩ cōar'i”, yiyuju Saulo. Quēnaro ĩ gotise ñajare, no bajiro yimasibesujarā ĩna, jud'io masa Jesúre ĩre ajimena.

Jud'io masa, Saulore ĩre ĩna sīarūajare, ĩ rudire queti

²³ To bajiri Damascoju, Saulo ĩ gotiñasere ĩacōari, “ĩre sīaroti ñaja manire”, yitūoĭañujarā ĩna, jud'io masa Jesúre ĩre ajitirānūmena. ²⁴ To bajiri ĩre ĩna sīarūasere ajiyuju Saulo. Ñami, ũmua quēne ĩre sīarūarā, quearūgūñujarā ĩna maca budiriasojeri tujure. ²⁵ ĩre ĩna sīarūaboajaquēne,

Saulo Jesús yere i gotimasiosere ajitirānūrā ĩre ejarēmoñujarā, “Rudijaro” yirā. Nami, maca matariacāni veca ñarisojegu, jibū jairijibūne sādōari, ticāni suyarojuaju ĩre rujiocōañujarā. To bajiro ĩna yijare, rudicoasuju Saulo.

Jerusalénju Saulo ĩ bajire queti

²⁶ Rudiva, Jerusalénju ejacoasuju ĩ. Tojūre ejacōari, Jesúre ajitirānūrā rāca rējaruaboayuju ĩ. “Jesúre ĩre ajitirānūgū me ñagūmi Saulo” yitūoīarā ñari, buto ĩre güiyujarā ĩna. ²⁷ To ĩna bajiboajaquēne, Bernabé vāme cutigu, Saulore ĩre ejarēmoñuju ĩ.

—Vayá. Jesús ĩ gotiroticōasuoriarāre ĩnare ñagōto mani —Saulore ĩre yiyuju Bernabé.

To yi, ĩna tujū ejacōari, ado bajiro Saulo ĩ bajirere ĩnare gotiyuju Bernabé:

—Ānire Saulore maaju ĩ vatone ĩre ruyuaioñuju Jesús. ĩre ruyuaiočōari ĩre ñagōñuju ĩ. To ĩ yiro bero, Damasco vāme cuti macanare güibecane Jesús ĩ bajirere gotimasioñuju —ĩnare yiyuju Bernabé, Jesús ĩ gotiroticōasuoriarāre.

²⁸ To ĩ yisere ajicōari, “Mani rācagu ñaami Saulo”, ĩre yitūoīañujarā ĩna yuja. To ĩna yijare, Jerusalénju ĩna rāca ñacōañuju Saulo. To bajiro bajigu rīne güiri mene Jerusalén macanare Jesús ĩ bajirere ĩnare goticudiyuju ĩ. ²⁹ Jud'io masa ñaboarine griego oca ñagōrā quēne ñañujarā. To bajiri, Saulo rāca ñagōboanane, oca josayujarā. To yirāne, ĩre sīaruayujarā ĩna. ³⁰ ĩre ĩna sīaruasere ajicōari, Cesarea vāme cuti macaju Saulore ĩre āmicoasujarā ĩ rācana. ĩre āmiejacōari, ĩ ya macaju Tarso vāme cuti macajūre cōacōañujarā ĩna.

³¹ Tirodore Judea, Samaria, Galilea sitana quēne Jesúre ajitirānūrā rojose tāmūobesujarā. Dios ĩ cōagū Esp'iritu Santo ĩnare ĩ ejarēmose rāca Jesús ocare butobusa ajivariquēnarūtuasujarā ĩna, Jesúre ajitirānūrā. To bajiri jājarābusa ñarūtuasujarā ĩna, Diore quēnaro cudirā.

Micagūre Pedro ĩ catiore queti

³² To bajiri Jesús ĩ gotiroticōasuoriarā rācagu Pedro vāme cutigu, Jesúre ajitirānūrāre ĩacudigu, Lida vāme cuti macaju, ejayuju Pedro. ³³ Tojū ejacōari, micagūre Eneas vāme cutigūre ĩre ĩabujayuju ĩ. Cojomo cōro idia jēnituarō rāca cāmari ĩ cānijesarioju jesacōarūgūñuju ĩ. ³⁴ ĩre ĩabujacōari, ado bajiro ĩre yiyuju Pedro:

—Ajiya mū. Jesucristo mare catioami. To bajiri vāmūrūgūña. To bajicōari mū cānijesariarore quēnocūña mū —yiyuju Pedro.

To bajiro ĩ yirone, micagū ñaboar'i vāmūrūgūñuju ĩ. ³⁵ ĩ bajisere ĩañujarā Lida vāme cuti macana, to yicōari, Sarón vāme cuti macana quēne. Tire ĩacōari, Jesúre ĩre ajitirānūañujarā ĩna jediro.

Rijariore Pedro ĩ catiore queti

³⁶ Tirāmuri Jope vāme cuti macaju Tabita vāme cutigo ñañuju so. Jesúre ĩre ajitirānūgō ñañuju. Griego ocarema, Dorcas vāme cutigo ñañuju. Quēnase yigo ñañuju so. Maioro bajirāre quēnaro yirēmōrūgūñuju. ³⁷ To bajiro yicudiboacone, bajirocacoasuju so. To bajiri so yarā so bajirocato ĩacōari, rijariarāre ĩna yirūgūriarore bajiro sore ĩna yujeroto jīoro, so rujare coecōari, vegaga sōaju sore cūñujarā ĩna. ³⁸ Jope vāme cuti maca tane ñañuju Lida vāme cuti maca. To bajiri, Lida macaju Pedro ĩ ñasere ajiyujarā Jope macana, Jesúre ajitirānūrā. Tire ajicōari, juarā, Pedrore “ĩre

jirā vajaro” yirā ĩnare cōañujarā ĩna. To bajiro ĩna yicōariarā, ĩ tujū ejacōari, ado bajiro ĩre yiyujarā ĩna:

—Yua rāca guaro vayá —ĩre yiyujarā ĩna.

³⁹ To ĩna yisere ajicōari, ĩna rāca vacoasuju Pedro. Toju ejacōari, Dorcas bajirocario so ĩarisōajure ĩre jimucōañujarā ĩna. Jājarā manajua rijaveoriarā otiñañujarā ĩna, so ruju ture. To ĩna yĩnarone, Pedro ĩ ejaro ĩacōari, ĩ tujure gānibiarūgūcoasujarā rōmia, ĩre gotiruarā:

—Īaña mū. Dorcas ĩnaboario so bajirocaroto rĩjoro jairo sudi yuare tiaĩsiboacamo —yirāne, Pedrore ĩre juañañujarā ĩna.

⁴⁰ To ĩna yirone,

—Adi sōare vijagocoasa maji —ĩnare yiyuju Pedro.

To yigajanocōari, gūsomuniari tuetucōari, Diore sēniñuju Pedro. Diore sēnigajanocōari, rijariore judarūgū ĩañuju. Judarūgū ĩacōari:

—Tabita, vāmūrūjuña mū —sore yiyuju Pedro.

To ĩ yisere ajicōari, tudicaticoasuju so. To bajigo ĩnari, Pedrore ĩacōari vāmūrūjuñuju so. ⁴¹ To so bajirone, so āmore ĩnacōari sore tūavūmūoñuju Pedro. To yicōari, ti sōare vijagoriarāre ĩnare jājarotiyuju quēna:

—Quēna so tudicatisere ĩarā vayá mūa —ĩnare yiyuju Pedro, manajua rijaveoriarāre, gājerā Jesúre ajitirūnarāre quēne.

⁴² To bajiri, quēna so tudicatirere ajiyujarā toana Jope vāme cūti macana ĩnjediro. Tire ajicōari, jājarā ñañujarā “Jesús ĩ masise rāca yiyumi Pedro” yirā ĩnari, “Jesúre ajitirūnarā ĩnato maní quēne” yirā. ⁴³ To bajiro ĩ yiro bero, yoaro Jopeju ĩnacudiyuju Pedro, vaibucarā gasene sudi, to yicōari vasojoari quēnorimasu, Simón vāme cūtigū tujure.

10

Cornelio tujū Pedro ĩ vare queti

¹ To bajiri Cesarea vāme cūti macajure, Cornelio vāme cūtigū ñañuju ĩ. Surara mesare coderā ujū ñañuju romano masu. Italia sitana surara ujū ñañuju ĩ. To bajiri cojomo cōro masa cōro ĩnarāre rotigu ñañuju ĩ. ² Jud'io masu me ĩnaboarine, quēnaro Diore ĩre rācūbuoyuju, ĩ ya viana rāca. Jud'io masare maior bajirāre quēnaro ĩnare yirēmōrūgūñuju ĩ. Tocārācarāmūne Diore ĩre sēnirūgūñuju. ³ To bajiri cojorāmū ñamicajua tusato, ángel ĩre ruyuañañuju, Cornelio.

Quēnaro ĩre ĩamasucōañuju Cornelio. ĩ tujure sājajecōari,

—¡Cornelio! —ĩre yiyuju ángel.

⁴ To ĩ yiboajaquēne, ĩre cūdibesuju maji. ĩre güigu ĩnari, ĩre ĩacōa ñañuju Cornelio. To bajigūne,

—¿Ñie bojati mū? —ĩre yiyuju Cornelio.

To ĩ yirone,

—Diore ĩre mū sēnisere ajivariquēnarūgūami. Maioro bajirāre mū ejarēmōsere quēne ĩavariquēnarūgūami. To bajiri mure quēnaro yigūagu yami. ⁵ To bajiri, Jope vāme cūti macajure ñaami Simón Pedro vāme cūtigū. ĩre jirā varonare ĩnare cōaña mū. ⁶ Gāji Simón vaibucarā gasene sudi, to yicōari vasojoari quēnorimasu ya vijure ñaami Simón Pedro, utabucara tujū ĩnarivire —ĩre yiyuju ángel, Cornelio.

⁷ To yigajanocōari, ĩre vaveocoasuju ángel. ĩ vato bero, juarā ĩre moabosarimasare to yicōari, ĩ surarare quēnaro Diore ajirācūbuogūre quēne

Īre jiyuju Cornelio. ⁸ Īnare jicōari, ángel Īre ĩ gotirere Īnare gotiyuju. To yigajanocōari, Jope macaju Īnare varotiyuju.

⁹ To ĩ yicōariarā, gajerūmu ūmurecaji űnaro Jope maca tu tusasujarā Īna. To Īna bajirone, vi rĳju tūnaju mājacōari, Diore Īre sēniűuju Pedro. ¹⁰ Yoaro Diore sēniűagū űnari, űnoriűacoasuju. To bajiri gājerāre Īre Īna bare quēnobosaűasere yuyuju ĩ. To ĩ bajiűarone, ado bajise Īre ruyuaűoűuju Pedroro: ¹¹ Ō vecaju ūmūagasero soje jānacoasuju ti. To bajicōari, sudijāi jairijāi űajacatua gaja űiacōari yorujiocōariarore bajiro rujiayuju ti. Rujiadi, ĩ tujū ejayuju. ¹² Tojare űaűujarā vaibucurā jediro. Jēnirā, varā, āűa quēne, űajediro űaűujarā Īna. ¹³ ĩ tujū ti ejaro, ado bajiro yi ocaruyuyuju ō vecaju, Pedroro:

—Vūmurūgūűa mu. Īnare sĳacōari, baya —Īre yi ocaruyuyuju.

¹⁴ Tire ajicōari ado bajiro yiyuju Pedro:

—Babeaja yū. Rēoriarāre divatojūane baĳabeticaju yū —boca yicōaűuju Pedro.

¹⁵ To ĩ yirone, quēna ocaruyuyuju:

—“Rēore űaja”, yĳbesa. “Baya” Dios ĩ yĳsema, quēnase űaja —yi ocaruyuyuju.

¹⁶ Idiajĳju Īre bajiűocoasuju ti. To baji, tudimājacoasujarā. ¹⁷ Tire ĳacōari, “¿űie ūni yare bajiati ti?”, yitūoĳaűuju Pedro. To ĩ yĳűarone, Simón vaibucurā gasene sudi, to yicōari vasojoari quēnorimasu ĩ űarijare gājerāre sēniűacōari ĩ ya vi soje tare ejayujarā Cornelio ĩ cōariarā. ¹⁸ Ejacōari,

—¿Adi vire Simón Pedro vāme cutĳu űati? —yiyujarā Īna.

¹⁹ Pedro ĩ ĳasere ĩ tūoĳaűarone, ado bajiro Īre gotiyuju Esp'iritu Santo:

—Idiarā ūmua mure macarā ejama. ²⁰ Vūmurūgūcōari, Īnare ĳagū ruji-asa mu. Tūoĳarejaibecune vasa, yū cōarā Īna űajare —Pedroro Īre yiyuju Esp'iritu Santo.

²¹ To bajiri, Īna tare rujiacōari,

—Yune űaja mūa macagū. ¿No bajiro yirā vadi mūa? —Īnare yiyuju ĩ.

²² To bajiro ĩ yĳsere ajicōari, ado bajiro Pedroro gotiyujarā Īna:

—Yūa űju Cornelio yūare cōami. Surara űju űaami. Quēnaro Diore ajirūcūbūoami. “Quēnase yĳu űaami”, Īre yama jud'io masa jediro. To bajiri ado bajiro Īre gotiyuju ángel: “Cornelio ajiya mu. Simón Pedroro jĳaya mu. To yicōari ĩ gotisere quēnaro ajĳba mu”, yūa űjare Īre yiyuju ángel —yiyujarā Cornelio ĩ cōariarā, Simón Pedroro.

²³ To Īna yĳsere ajicōari, ado bajiro Īnare yiyuju Pedro:

—Ado sājaaya maji. Rāioato yaja. Yū tu cāniűa maji —Īnare yiyuju Pedro.

To yi, gajerūmu Īna rāca vasuju yuja. Sĳgūri Jopeana Jesūre ajitirānūrā, ĩ rāca vasujarā, Īre baba cuti vana.

²⁴ To bajiri gajerūmu, Cesarea vāme cuti macaju ejayujarā Īna. Īna ejaroto rĳjoro, ĩ yarāre, to yicōari, ĩ babarāre quēne Īnare jirēoűuju Cornelio, “Simón Pedro ĩ gotisere ajito mani” yĳu. ²⁵ To baji, vi tujū Īna ejarone, Pedroro bocaāmirū budiasuju Cornelio. Īre bocacōari, gusomuniari tue-tuyuju, Pedroro rūcūbūogu. ²⁶ To ĩ yĳjare,

—Vūmurūgūűa mu. Mure bajirone masu űaja yū quēne —Corneliore Īre yiyuju Pedro.

²⁷ To yi, gāmerā űagōrāne vĳju sājacoasujarā yuja. Sājaejacōari, jājarā ejacōari, bajiűarāre Īnare ĳaűuju Pedro.

²⁸ Īnare ĳacōari, ado bajiro gotiyuju ĩ:

—Yna jud'io masa, gājerā masa ya vire yna sājajama, to yicōari, no bojarīju gājerā masa rāca yna vusajama, yna ɛjarā ina rotisere cūdimena yirāja yna. Tire ajiriarāja mna. To bajiro ti bajiboajaquēne, Dioma ado bajiro yure yimasimi: “ ‘Quēnaja’ yu yisema quēnase naja. ‘Rēore naja’ yibesa mna”, yure yimasimi Dios. To bajiri, “Jud'io masu naboarine gājerā masa rāca yu nājama, quēnacōaja ti”, yimasijaja yu yuja. ²⁹ To bajiri mna ocare ajicōari, tōōarejaibecune vabu yu. To bajiri, ɛno bajiro yato yirā, yure bojacōari mna? —Inare yiyuju Pedro.

³⁰ To i yisere ajicōari, ado bajiro ire cūdiyuju Cornelio:

—Cānu babarirūmu rījoroagarūmu, namicajua, ado cōro muiju i tusatone Diore sēniñamasimu yu. Ire yu sēniñarone, sudi bato botise sāñacōari, yure ruyuarūgūmasimi ángel. ³¹ Ruyuarūgūcōari, ado bajiro yure gotimasimi: “Diore ire mu sēnisere ajivariquēnarūgūami. Maioro bajirāre mu ejarēmosere quēne iavariquēnarūgūami. To bajiri mure quēnaro yigūagu yami. ³² To bajiri, Jope macaju Simón Pedro vāme cūtigure jiaya. Gāji Simón, vaibucurā gasene sudi, to yicōari vasojoari quēnorimasu ya vijure nāami, utabucura taju narivire”, yure yimasimi ángel. ³³ To i yijare, guaro mure jicōamasimu yu. Quēnaro vayuja mna. Ado mu ejaare, variquēnaja yna. Adojure Dios i iaro rējamu yna, nājediro mure i gotirotire ajiruarā —Pedrore ire yiyuju Cornelio.

Cornelio rācanare Pedro i gotire queti

³⁴ To bajiro i yisere ajicōari, ado bajiro gotiyuju Pedro yuja:

—Ajimasijaja yu yuja. Gājerā masare i mairo rētoro jud'io masare maigū me nāami Dios. ³⁵ No bojarāre Diore mani rācubuoajama, quēnaro mani yijama, cojoro cōrone manire iavariquēnaami Dios. ³⁶ Dios i ejarēmose rāca yna yarā Israel nāmasir'i jānerabatiare inare gotimasiorūgūaja yna, nājediro ɛju Jesucristo suorine Diorāca quēnaro ina naroti quetire. ³⁷⁻³⁸ Jesús, Nazaret vāme cūti macagu i bajirere masirāja mna. Galilea vāme cūti sitaju oco rāca Juan ire i bautizariaro bero, Esp'iritu Santore, to yicōari, i masisere Jesure cōañumi Dios. To bajiro i yicōar'i nari, masare quēnaro yicudicami, Galilea sitanare, to yicōari Judea sitanare quēne. Ina usurijure vātia sāñarāre, vātiare inare bureacudicami. Tire masirāja mna. ³⁹ Ti jedirore iacaju yna Jesús i gotiroticōasucana, Jerusalénju yucātēroju ire jajusiacama ina. ⁴⁰ To bajiro ire ina yiboajaquēne, idiarūmu tusatirūmune, ire catiocōari, “Inare ruyuañoña”, Jesure ire yiyumi Dios. ⁴¹ Jediro masa mere Jesure ire ruyuañorotiyumi. Rēmojune Jesús i bajicatire gotirona i cūcana yna nājare, “Ire catioyumi Dios” yna yimasirotire yigu, ire ruyuañorotiyumi. To bajiri, Jesús i tudicatiro bero, i rāca ba, idi, yicaju yna. ⁴² “Catirāre, bajireariarāre quēne ina yisere iacōiarocure Jesure ire cūñumi Dios”, yure yigoticudiroticami Jesús. ⁴³ Diore gotirētobosamasiriarā ina naro cōrone Jesús i bajirotire ucamasinujarā ina. To bajiro yirā nari, no bojarāre, Jesure ajitirūnarāre, rojose ina yisere Dios i masiriorotire ucamasinujarā —yiyuju Pedro.

Dios i cōagū Esp'iritu Santo jud'io masa mere inare i ejasore

⁴⁴ Inare i gotimasio naronē, Dios i cōagū Esp'iritu Santo inare ejayuju i. ⁴⁵⁻⁴⁶ To i bajirone, ricatiri rine oca nāgōsuojujarā ina, quēnase Diore yigūcubuoarā. Tire iacōari, “Jud'io masa mere quēne ejaami Dios i cōagū

Esp'iritu Santo” yirã ñari, no yimasibesujarã Pedro rãca ejariarã jud'io masa. ⁴⁷ To bajiri, ï rãcanare ado bajiro ñare gotiyuju Pedro:

—Yure ajiya yu yarã. Esp'iritu Santo, manire ï ejacatore bajirone ñare quëne ï ejajare, çmani rãcagũ niñuane, “Oco rãca ñare bautizabeticõato” yigũ magãmi? —ñare yiyuju Pedro. ⁴⁸ To yicõari, —“Jesús suorine Dios yarã ñaama” yirã, oco rãca ñare bautizaya mua —ï rãcanare ñare yiyuju Pedro.

To bajiri, ña bautiza ecoro bero, “Vabesa maji. Yua rãca ñacõaña”, Pedrorre ñre yiyujarã Cornelio rãcana.

11

Jerusalén macana Jesúre ajitirũnarãre Pedro ï gotire queti

¹ To bajiri Jesús ï gotiroticõasuariorã, gãjerã ñre ajitirũnarã Judea sitanajua, “Jud'io masa me ñaboarine, Jesúre ajitirũnarãñujarã” yire quetire ajiyujarã ña. ²⁻³ To bajiri, Jerusalénju Pedro ï tudiejaro, ado bajiro ñre sãnĩañujarã ña:

—¿No yigũ jud'io masa vi me ti ñaboajaquëne, sãjacati mu? To bajicõari, çno yigũ ña rãca bacati mu? —yiyujarã, Pedrorre.

⁴⁻⁵ To bajiro ñre ña yijare, ado bajiro riojo ñare gotiyuju Pedro:

—Jope macaju ñacõari, Diore ñre yu sãnirone, ado bajiro yure ruyucaju. Vecaju sudijã jairijã juajacatua gaja ñiacõari, yorujiocõariarore bajiro ejacaju ti, yu tuju. ⁶ “¿Ñie ñati, ti jubeajure?” yigũ, quënarõ ñacaju yu. Toju ñacama sãnãrã vaibucurã jediro. Ñãña, jëñirã, to yicõari, vurã quëne ñacama. ⁷ ñare yu ñarone, õ vecaju ado bajiro ocaruyucaju: “Pedro, vãmũrũgũña mu. ñare sãcõari, baya mu”, yure yi ocaruyucaju ti. ⁸ “Babeaja yu. Rëore divatojuane baãabeticaju yu”, boca yicõacaju yu. ⁹ To yu yirone, ado bajiro yure ocaruyucaju quëna: “Rëore ñaja”, yibesa. ‘Baya’ Dios ï yisema, quëñase ñaja”, yure yi ocaruyucaju. ¹⁰ Idiajju to bajiro yure bajijocaju. To baji, tudimajacocaju quëna. ¹¹ Ti mujato bero, idiarã ejacama, yu ñarivijure. Cesarea vãme ti macagũ Cornelio vãme cutigũ ñare cõañumi, yure “Macato ña” yigũ. ¹² ña ejarone, “Tũoãrejaibecũne vasa mu” Esp'iritu Santo yure ï yijare, vacaju yu. Cojomo cõro coja jënituarirãcu Jesúre ajitirũnarã yure baba cuti vacama ña. ña rãca vacõari, Cornelio ya vijure sãjacaju yua. ¹³ Yua sãjaejarone, ángel, ruyuaicõari, ñre ï gotirere yuare goticami Cornelio. Ado bajiro yuare goticami: “Jope macaju mu ãmũare ñare cõaña mu, Simón Pedro vãme cutigure “Ñre jirã vajaro” yigũ. ¹⁴ Mũre, mu ya vianare quëne gotimasiorucumi ï. Mũare ï gotimasiose suorine mua rijato bero, rojose tãmũotujabetiriaroju mua vaborotire yirëto ecobosarũarãja mua, yure yigotimasimi ángel”, yuare yicami Cornelio. ¹⁵ To bajiro yuare ï yiro bero, ñare gotimasiocaju yu. ñare yu gotimasiosuorone, Esp'iritu Santo manire ï ejacatore bajirone ñare quëne ejacami. ¹⁶ To ï bajirone, mani ujũ Jesús ï goticatire masibujacõacaju yu: “Tirãmujũ oco rãca mũare bautizacami Juan, ‘Dios ï bojabeti yirũabeaja’ mua yitũoãjare. To bajiri, yoaro mene Esp'iritu Santore mũare cõarucumi Dios, mua rãca ñarocure, ‘Dios ï bojarore bajirone yimasiatõ’ yirocure” manire ï yigoticatire. ¹⁷ Jesucristore ajitirũnarã mani ñajare, Esp'iritu Santore manire ï cõacatore bajirone ñare quëne cõacami Dios, jud'io masa me ña ñaboajaquëne. ñare quëne to bajiro ï yijare, “Jud'io masa me ñari, mani rãcana me ñaama”, yimasibeaja yu —ñare yiyuju Pedro.

¹⁸ To bajiro ĩ yisere ajicōari, ĩre sēniĩatujacōañujarā ĩna. Ado bajirojua yiyujarā ĩna yuja:

—Quēnaro yigu ñaami Dios. “Jud'io masa mere quēne, rojose ĩna yisere masirioami, ĩna rijato beroju ĩ rāca quēnaro ñacōa ñato ĩna” yigu—yiyujarā jud'io masa Jesúre ajitirūnarā.

Antioqu'iana, Jesúre ajitirūnarā ĩna rējare queti

¹⁹ Tirāmuri rĩjoro Estebanre sĩacōari gājerāre quēne Jesúre ajitirūnarāre rojose ĩnare yiyujarā ĩna Diore masimena. To bajiri sĩgūri Jesúre ajitirūnarā Fenicia sita ñarimacariju, Chipre vāme cutiyoa ñarimacariju, to yicōari, Antioqu'ia vāme cuti macaju quēne rudiasujarā ĩna. Ti macarijare ejacōari, jud'io masa rĩrene Jesús yere ĩnare gotiyujarā ĩna. ²⁰ Gājerāma, Chipre vāme cutiyoa ñarimacariana, Cirene vāme cuti macana, vacōari Antioqu'ia macaju ejayujarā. Toju ejacōari, jud'io masa mere quēne Jesús yere ĩnare gotiyujarā ĩna. ²¹ “Quēnaro gotimasioato ĩna” yigu, ĩnare ejarēmoñuju Esp'iritu Santo. To bajiri Jesús ĩ bajirere ajicōari, masa ĩna rotisere ĩna ajirūcubuoarere ajitujacōari, jājarā Jesúre ajitirūnusoyujarā ĩna.

²² Jesúre ĩna ajitirūnarere ajiyujarā Jerusalén macana Jesúre ajitirūnusayarā. To bajiri ĩna tujare Bernabé vāme cutigure ĩre cōañujarā. ²³ To ĩna cōar'i, ejacōari, Dios quēnaro ĩnare ĩ yisere ĩañuju. To bajiri buto variquēnacōari, ado bajiro ĩnare gotiyuju:

—Tocārācune, Jesúre ĩre ajitirūnarūgūña mua—ĩnare yiyuju Bernabé.

²⁴ Esp'iritu Santo ĩ ejarēnose rāca tuoĩagū ñari, cojo vāme rayabeto Dios ĩ bojarose bajiro quēnaro yigu, to bajicōari, Jesúre quēnaro ajitirūnugū ñañuju Bernabé. To bajiri jājarā masa, ĩ gotimasiosere ajicōari, Jesúre ajitirūnusoyujarā ĩna.

²⁵ Tiju bero, Tarso vāme cuti macajure vasuju Bernabé, Saulore macagū.

²⁶ To ĩre ejabujacōari, “Ita mu, Antioqu'iaju”, ĩre yiyuju. To bajiri vasujarā Antioqu'iajare. Tojare cojo cūma ñañujarā ĩna, Jesúre ajitirūnarā rāca. Toju ñacōari jājarā masare Dios oca Jesús yere ĩnare gotimasioñujarā ĩna. Ti macane Jesúre ajitirūnarāre, “Cristiano masa ñaama ĩna”, yisoyujarā. “Mani ũju ñaami Cristo’ yirā ñaama” yire ũni ñañuju ti vāme.

²⁷ Tirāmurirene Jerusalén macana, Diore ĩre gotirētobosarimasa ejayujarā tojare, Antioqu'iajare. ²⁸⁻³⁰ ĩna rācagu ñañuju Agabo vāme cutigu. Jesúre ajitirūnarā ĩna rējarūgūrojare sājaejacōari, Esp'iritu Santo ĩ ejarēnose rāca tuoĩacōari, ado bajiro ĩnare gotiyuju Agabo:

—Judea sita ti ñaro cōrone, ñio ejarūaroja. Bare jedicoarūaroja—yiyuju Agabo.

To ĩ yisere ajicōari, “Judeana ñiorijarūarāma ĩna. Gājoa ĩnare cōato mani”, yiyujarā Antioqu'iana Jesúre ajitirūnarā. To ĩna yiriarore bajirone yiyujarā ĩna. ĩna cūose ĩna ĩsimasiro cōro Saulore, Bernabére quēne ĩnare ĩsiñujarā, Judea ñarāre Jesúre ajitirūnarā bucārāre “ĩnare ĩsiato” yirā. To bajiro ti bajijama, Roma macagu Claudio vāme cutigu masa ñajediro ũju ĩ ñariarodore bajiyuju.

12

Santiago ĩ sĩacore, to yicōari tubiberiavire Pedro ĩ budire

¹ Tirāmurirene, ũju Herodes, Jesúre ajitirūnarāre sĩgūrire rojose ĩnare yisoyuju ĩ. ² To yicōari, “Juan bedire Santiagore ĩ rĩjoare jataya mua”,

Īnare yiyuju ĩ. ³⁻⁴ To bajiro ĩre ĩ yirotisere ajicōari, buto variquēnañujarā jud'io masa ĩ yarā sīgāri. Īna variquēnaro ĩacōari, Pedrore quēne ñiaroticōari, tubiberotiyuju ĩ. To bajiro ti bajijama, pan vuooyamanire ĩna bariarāmārire bajiyuju. Īre tubiberotigu, “Rudiromi” yigu, ado bajiro quēnaro coderotiyuju ĩ:

—Diez y seis ñarāre babaricārācune vacōari, tocārācaine babaricārācune codevasoaya mua —Īnare yiyuju. To yicōari, “Pascua bošerāmu ti jediro, masa ĩna ĩaro rĭjoro Pedrore ĩre sĭarotirācujaja yu”, yituoĭañuju Herodes. ⁵ To bajiri quēnaro masune code ecocōañuju Pedro. Tire ajicōari, gājerā Jesúre ajitirānurā Diore buto ĩre sēnibosayujarā ĩna.

⁶ Gajerāmu busurijune ñaboayuju, Herodes Pedrore ĩ sĭarotirāmu. Juarā surara coderimasa vatoajure cānicūñañuju Pedro. Juāāmojune cōmemari rāca siaecocōañuju. Gājerā surara soje tūne coderūgōñujarā ĩna. ⁷ To ĩna bajiboajaquēne, ñaro tūsarone ruyuyuju ángel. To ĩ bajirone Pedrore ĩna tubiberiasōa busujāmucōañuju. To bajicōari, Pedrore ĩre moañañuju ángel, ĩre yujioḡu. Ī yujiro ĩacōari,

—Vāmāragāña mu —Īre yiyuju, Pedrore.

To ĩ yirone, Pedrore ĩna siaboariamari, cōmemari jovicōarajacoasuju. ⁸ To ti bajirone,

—Mu sudi sāñāña. Mu gabo sudi cūdaya —Pedrore ĩre yiyuju. To yigune, ado bajiro yirēmoñuju:

—Mu sudiro joeagarore quēne sāñā. To yicōari, vayá. Yure sūyaya mu —Īre yiyuju ángel, Pedrore.

⁹ To ĩ yirone, ĩre sūyacoasuju Pedro. To bajiboarine, “To bajiro bajigūja yu”, yimasibesuju ĩ. “¿Socarō me bajiatī tī?” yiboacu, “Ba. Socarō bajiroja gajeyerema”, yituoĭañuju Pedro. ¹⁰ To bajivana rĭne, juā soje surara ĩna coderisojerire rētoasujarā ĩna. Tūsarisoje, cōme soje ñañuju tī. Tī soje tū ĩna ejarone, tī masune jānacōasuju tī. To baji budirūgū, maa ĩre ĩ ūmato vacune, “To bajigūmi” yimasīña manone yayicoasuju ángel. To bajiri Pedro sīgūne tujacōañuju yuja.

¹¹ To bajisere ĩacōari, “Socarō me bajijaja”, yimasicoasuju Pedro. “Herodes ĩre sĭaromi” yigu, yure ūmato budirocure cōañumi Dios”, yituoĭañuju ĩ. “To bajiri jud'io masa rojose yure ĩna yirūaboase rētoacaju tī yuja”, yituoĭañuju Pedro.

¹² To yituoĭamasicōari, Juan Marcos vāme cutigu jaco, Mar'ia ya vijū vacoasuju ĩ. Tī vijure jājarā masa rējacōari ñañujarā, Diore sēnirā. ¹³ To ĩna yĭñarore soje tū ejacōari,

—¿Ñaboati mua? —yiyuju Pedro.

Tī vijure, sīgō tī vianare ejarēmorimaso ñañuju so, Rode vāme cutigo. To bajiri Pedro ĩ sēniāsere ajicōari, soje tū ejarūgūcōari, ajiyuju so, “¿Ñimu ñarōjari?” yigo. ¹⁴ Soje jānabecone ajirūgōca yigo, Pedro ocare ajimasīñuju. Ī ocare ajimasīcōari buto variquēnañuju. To bajigo ñari, soje jānabecone gotigo tĭjasuju, tī vianare.

—Macajūja ñaromi Pedro —Īnare yigotiyuju so.

¹⁵ To bajiro ĩnare so yirone,

—Mecugō yigoja mu —sore boca yiyujarā ĩna.

To ĩna yijare,

—Soco me yaja yu —Īnare boca yicūdiyuju so.

To so yijare,

—Ba, ángel, Pedrore coderimasu ñagümi —sore yiyujarã ina.

¹⁶ To ña yiboajaquëne,

—¿Ñaboati mua? —yi ocaruyucõa ñañuju Pedro, macajümu ñacõari.

To bajiri, sojere jãnacõari, Pedrore ire ñaucayujarã ina. ¹⁷ Ire ina ñaucasere ñacõari, ñare, “Ñagõbesa” yigu, ñ ãmone ñumõõuju Pedro. To yicõari, “Ado bajiro yure yirẽmomi Dios, tubiberiavijü yu ñaro”, ñare yigotiyuju. Tire gotigajanocõari,

—Adire Santiagore, to yicõari, mani rãcanare Jesüre ajitirãnurãre quëne ñare gotiaya mua —ñare yiyuju Pedro.

To bajiro ñare yigotigajanocõari, gajerojü vacoasuju ñ.

¹⁸ Gajerãmü busuato tubiberiavire codeboariarã, Pedro ñ mano ñacõari, “¿No bajiro bajiyujari ñ?” gãmerã yiboana, bũto tuoñarejaiyujarã ina. ¹⁹ Herodes quëne, Pedro ñ mano ñacõari, ñare macarotiboayuju. Ire bajabesujarã ina. To bajijare, tubiberiavijü codeboariarãre ñare sãnĩaboayuju Herodes. ña cãdimasibetijare, “Ñare sãcõaña”, yiyuju ñ. To yicõari bero, Judea sitajü ñar'i, Cesarea vãme cuti macajü ñagü, vacoasuju Herodes.

Herodes ñ bajirocare queti

²⁰ Tirũmurire Tiro vãme cuti macanare, to yicõari Sidón vãme cuti macanare quëne bũto ñare jũnisiniñuju Herodes. To bajiri Sidón macana, Tiroana rãca rējacõari, Herodere ñagõrã vasujarã ina. “Herodes ñ jũnisinicõa ñajama, ujü ñ ñari sita bare mani bũjarũgũsere ñsibecumi” yirã ñari, to bajiro bajiyujarã ina. Herodes tũjare ñañuju ñare ejarẽmogũ ñamasugũ, Blasto vãme cutigu. To bajiri Herodere ña ñagõroto rĩjoro, ñare ñagõñujarã ina, Blastore. To ña yise ñajare, ñare ñamaicõari, ñare ñagõbosayuju Blasto. ñare ñ ñagõbosarone, “Cojorãmü ñare ñagõrucuja yu maji”, ñare yiyuju Herodes. ²¹ “To cõro ñare ñagõrucuja yu” ñ yiriarãmü ti ejarõ, ujü ñagü ñ sãñase sudi quënase sãñañuju ñ Herodes. To yicõari, rotigü ñ rujiri cũmurojare ejarũjucõari, masare gotiyuju ñ. ²² ñ ñagõsere ajicõari,

—Masü me ñaami ñni. Dione ñaami —yivasã variquëñañujarã masa.

²³ To bajiro ña yĩnarone, ángel Herodere rijaye ñare cõañuju. To ñ yijare, ñ gũdajoajure vãsia ña bajare, bajirocacoasuju Herodes. “To bajise yibesa mua. Dios me ñaja yu. Dios sĩgũrene rãcũbuoya mua” ñ yibetijare, to bajiro bajiyuju ñare.

²⁴ Herodes ñ bajirocarirodore Jesús ñ bajirere Dios oca gotisere ajicõari, jãjarãbũsa Jesüre ajitirãnurũtuasujarã ina.

²⁵ Bernabé, Saulo rãca Jerusalén vãme cuti macanare gãjoa ñare ñsigajanocõari, Antioqu'iajü tudiasujarã ina. Gãji, Juan Marcos vãme cutigu, ña rãca vasuju ñ.

13

Saulo, Bernabé rãca Dios ocare ña gotimasiocudisũore queti

¹ To bajiri, Antioqu'ia vãme cuti macajure Jesüre ajitirãnurã rãcana, ñare gotimasiõrã, to yicõari, gãjerã Diore gotirẽtobosarã ñañujarã. Adocãrãcũ ñañujarã: Bernabé, Simón, Lucio, Cirene vãme cuti macagũ, Manaén, Saulo. Tocãrãcũ ñañujarã ina. Simónre, Ñigũ ñare yiyujarã gãjerã. Manaénjua, Ujü Herodes ñamasir'i rãcagũ ñaboayuju ñ. Cojovata bũcariarã ñañujarã ina. ² To ñacõari, bare bamenane, Diore ñare yirũcũbuo ñañujarã

ĭna. To yiĭnarĕne, Esp'iritu Santo s̄orine ado bajiro yiyujarĕ ĭna, Bernabĕre, Saulore quĕne:

—Gajeroju m̄ua gotimasiocudirotire bojami Dios. To bajiri, ĭ bojarore bajirone yir̄arĕja m̄ua —ĭnare yiyujarĕ.

³ To yicōari, quĕna Diore rĕc̄ub̄orĕ bare bamenane, Diore ĭnare sĕnibosayujarĕ ĭna, Bernabĕre, Saulore. To yicōari, ĭna rujoari joere ĭna ĕmori ñujeoyujarĕ, Bernabĕre, Saulore, “Dios ĭ bojarore bajirone gotimasiocudiya” yirĕ. To bajiro ĭnare yigajanocōari, ĭnare varotiyujarĕ ĭna.

Chipre vĕme cutiyoa ñarimacarire Pablo, Bernabĕ rĕca ĭna gotimasiorĕ vare queti

⁴ To bajiri Esp'iritu Santo ĭnare ĭ cōajare, vacoasujarĕ ĭna, Bernabĕ, Saulo, Seleucia vĕme cuti macajure. Ti maca moa riaga t̄a ñaĭuju ti. To bajiri, rojaeja, c̄umua jairicaju vasĕja vacoasujarĕ ĭna, Chipre vĕme cutiyojau vana. ⁵ Salamina vĕme cuti maca jetagare rocatuejayujarĕ ĭna. Ejacōari, tiyoa ñarimacarire jud'io masa Dios ocare ĭna buerivirijure Jesŭs bajirere Dios oca gotisere gotimasiocudiyujarĕ ĭna. ĭna rĕcagŭ, ĭnare ejarĕmogŭ ñaĭuju Juan vĕme cutigu.^b

⁶⁻⁸ To bajiri goticudirĕ rĕne, Pafos vĕme cuti macajure ejasujarĕ ĭna. Tojare sĭgŭ Barjesŭs vĕme cutigure ĭre ĭabujayujarĕ ĭna. Barjesŭs ti yijama, griego ocarema Elimas yir̄aro yiyuju ti. Jud'io masŭ ñaĭuju ĭaĭaĭamanire yigu. “Diore gotirĕtobosarimasŭ ñaja yŭ”, yisocagŭ ñaĭuju ĭ. Ti macagŭ ujujua, Sergio Paulo vĕme cutigu, quĕnaro t̄uoĭagŭ ñari, quĕnaro masigŭ ñaĭuju. To bajigu ñari, Jesŭs ĭ bajirere ĭna gotimasiocere ajirŭ, Bernabĕre, Saulore ĭnare jicōaĭuju ĭ. To ĭ yire ñajare, ĭre gotimasioĭujarĕ ĭna. ĭna gotimasio ñarone,

—ĭnare ajibesa —yiyuju Barjesŭjua, “Jesŭre ajitirĕn̄uromi” yigu. ⁹⁻¹⁰ To ĭ yiboajaquĕne, Esp'iritu Santo ĭ ejarĕmose rĕca t̄uoĭacōari, Barjesŭre ĭre ĭacōari, ado bajiro ĭre yiyuju Saulo, romano ocarema Pablo vĕme cutigu:

—Vĕtia ũjure bajiro socajaigu ñaja m̄u. Jediro quĕnasere b̄uto tegŭ ñaja m̄u. Dios oca quĕnaro riojo ti gotiboajaquĕne, “Tire ajibeticōaĭa. Socase ñaja”, masare yimavisioigu ñaja m̄u. ¹¹ To bajiri yuc̄ane rojose m̄u yise vaja rojose m̄ure cōaami Dios. Caje ĭabec̄ane ñacōaruc̄aja m̄u, Dios ĭ bojaro cōro —ĭre yigotiyuju Pablo, Barjesŭre.

To bajiro ĭ yirone, ĭabecŭ ñacoasuju ĭ yuja. To bajiri, “Yŭ ĕmore ñiacōari yure t̄uato” yigu, masare vare macaboayuju ĭ yuja. ¹² To ĭ bajisere ĭacōari, “Jesŭs ĭ bajirere gotimasiorĕ ñari, to bajiro yama” yit̄uoĭagŭ ñari, Jesŭs ĭ bajirere ajitirĕn̄uĭuju ti macana ũju.

Pisidia sita ñarimaca Antioqu'iaju Jesŭs ĭ bajirere ĭna gotimasiore queti

¹³ To bajiri Pablo rĕcana, Pafos vĕme cuti macare ñariarĕ, c̄umua jairica rĕca vacoasujarĕ ĭna, Perge vĕme cuti macaju vana. Panfilia sitajure ñaĭuju Perge. Ti macaju ĭna rĕca ejacōari, Juanjuama, Jerusalĕnju tudicoasuju. ¹⁴ Perge maca ñariarĕ, Pisidia sita ñarimaca Antioqu'ia vĕme cuti macaju vasujarĕ. Ti macaju ejacōari, ũsŭsĕjariarĕmŭ ñaro, jud'io masa Dios ocare ĭna bueriviju sĕjasujarĕ ĭna. ¹⁵ To bajiri Moisĕs ñamasir'i ĭ ucamasirere, to yicōari Diore gotirĕtobosamasiriarĕ ĭna ucamasirere quĕne ĭagotiyuju gĕji. To bajiro ĭ yiro bero, Pablo rĕcanare sĕnĭaĭujarĕ ĭna, ti viujarĕ:

^b 13:5 Lucas, “Juan” ĭ yijama, Juan Marcos vĕme cutigure yami.

—“Butoḅusa Diore ajitirūnūato İna” yirā, quēnase oca yuare gotiya mūa —İnare yiyujarā İna.

¹⁶ To bajiro İna yijare, vāmurūgūcōari, İ āmone ņumūoñuju Pablo, “Ñagōḅesa mūa” yigu. To bajiro yicōari, ado bajiro İnare gotiyuju İ:

—Yuare ajiya mūa, Israel ņamasir'i jānerabatia, to yicōari, ņajediro Diore rūcūḅuorā quēne: ¹⁷ Dios, Israel ņamasir'i jānerabatia İna rūcūḅuogū, Egipto sitaju İna ņaro İnare ḅajurotimasiñuju İ. To yicōari, İ masise rāca yucū manojū İnare ūmato vamasīñuju İ. ¹⁸ To bajiri, cuarenta ņaricūmari yucū manojū ņarā İre İna rūcūḅuobetiboajaquēne, İna rāca ņacōa ņarūgūñuju İ. ¹⁹ Bero, İ suorine Canaán sita ņarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yicōari jebuseo masare quēne İnare sġareacōari, İna ņaboaria macarire ņamasīñujarā İna. To bajiro İna bajijama, “Yu yarājua, ti sitare ņaruarāma” Dios İ yimasire ņajare, to bajiro bajiyuma İna. ²⁰ To bajiri, Egipto sitajure İna ņasuoriacūma, to yicōari Canaán sitajure İna ņasūomasiriacūma rāca, cuatrocientos cincuenta ņaricūmari tūsamasiñuju ti.

Bero, gājerā masa rojose İnare İna yijare, İnare ūmato ņaronare cūmasiñuju Dios. Samuel vāme cutigure İre cūtūsamasiñuju. Diore gotirētobosagu ņamasīñuju İ. ²¹ Samuel İ ņarirodore, “Gaje sitare uju İ ņarore bajiro yua quēne uju bojaja”, yimasīñujarā jud'io masa. To İna yijare, İna uju ņarocure cūmasiñuju Dios. İ cūsuomasir'i ņamasīñuju Cis macū, Saúl vāme cutigu. Benjam'in ņamasir'i jānami ņamasīñuju İ. Cuarenta ņaricūmari rotimasiñuju Saúl. ²² Rojose İ yisere İavariquēnabeticōari, Isa'i ņamasir'i macū David vāme cutigujare uju ņarotimasiñuju Dios. “ņajediro yirūcūmi”, yīamasīñuju Dios, David ņamasir'ire. ²³ To bajiri, “David jānamire, Israel ņamasir'i jānerabatia rojose İna tāmūoborotire İnare yirētobosarocure İre cōarūcūja yu” Dios İ yigotiriarore bajirone Jesúre İre cōañumi. ²⁴ Israel ņamasir'i jānerabatiare Jesús İ gotimasirototo rġjorojune, İna jedirore ado bajiro İnare gotimasirotūgūñuju Juan vāme cutigu: “Rojose mūa yisere tūoġasutiritiya mūa. Tūoġasutiriticōari, ‘Rojose yiruabeaja yua. Diorāca quēnaro ņaruarāja yua’ yirā, oco rāca yuare bautizarotiya mūa. To bajiro mūa yijama, rojose mūa yisere mūare masiriorūcūmi Dios”, İnare yigotimasirotūgūñuju İ. ²⁵ To bajiro İ yigotimasirotūgūrere İ gotigajanoroto rġjoro, ado bajiro İnare gotiyuju: “ ‘Rotimūorūgōrūcūmi’ yigu, Dios İ cōagū me ņaja yu. Yu bero ejarūcūmi İma. ņamasurā rġne İre yibosamasiama, ņamasugū masu İ ņajare”, masare yigotiyuju Juan —yiyuju Pablo.

To yicōa, quēna tudigotiyuju:

²⁶ —Abraham ņamasir'i jānerabatiare to yicōari, ņajediro Diore rūcūḅuorāre quēne rojose mani tāmūoborotire manire İ yirētobosaruase quetire manire cōañumi Dios. ²⁷ Jerusalén macana, to yicōari, İna ujarā quēne, “Ānine ņaami ‘Rotimūorūgōrūcūmi’ yigu, Dios İ cōagū, mani yurūgūgū”, Jesúre İre yimasibesujarā İna. Tocārāca semana usūsājariarūmūre Diore gotirētobosariarā İna ucamasirere İgotirā ņaboarine riojo tūoġamasibesujarā. “Dios İ cōagū me ņaami” yirā, Jesúre İre sġarotiyujarā İna, “To bajiro bajirūaroja” Dios İ yimasiriarore bajirone yirā. ²⁸ Disejua rojose Jesús İ yise ti maniboajaquēne, “İre sġarotiya”, Pilatore İre yiyujarā İna. ²⁹ “To bajiro yiruārāma İna” Dios İ yiriarore bajirone ti bajiro bero, Jesúre yucātēroju tuyagure İ rujarire āmirujiocōari,

masa yujeriavi gūtavijū ĩre cūñujarā ĩna. ³⁰ ĩre ĩna sĭaboajaquēne, ĩre catiocōañuju Dios quēna. ³¹ ĩ sĭaacoroto rĭjoro, Galilea sitaju ĩ rāca vadicōari Jerusalēnju ejariarāre tudicaticōari cojorāmū me ĩnare ruyuaioñuju Jesūs. To bajiri, ĩ bajirere gotirūgūama ĩna, ĩre ĩariarā ĩari.

³²⁻³³ To bajiri, quēnase quetire mware gotiaja: Tirūmaju mani ĩncuare jud'io masare, “Quēnaro mware yirucija” ĩ yimasiriarore bajirone yiyumi Dios. Manire, ĩna jānerabatiare, to yicōari ĩnajedirore quēne yibosagu, Jesūs ĩ rijacoaboajaquēne, ĩre catioyumi Dios. Ado bajiro gotiaja ti, Dios ĩ goti rĭjoro catire, Salmo segundo ucare: “Yū macū ĩaja mū. Adirāmū yure bajirone rotisurucija mū yuja”, yimasiñuju Dios, Jesūre ĩre ĩ gotirotire yigu. ³⁴ “Jesūre ĩ catioro bero, tudirijabetirucumi” yigu, quēna gajeju ado bajiro yimasiñumi Dios: “Davidre yū goti rĭjoro caticatore bajirone quēnaro mware yirucija yū yuja”, yimasiñumi Dios. ³⁵ Quēna gajeju ado bajiro gotiaja ti: “Mū bojasere yigure, ĩ rijato bero, boayayiro mi’ yigu, ĩre tudicatio rucija mū”, yaja ti. ³⁶ To bajiro ti yijama, David ĩamasir'i ĩ bajiro ti mere gotiyuja. Dios ĩ bojasere yigu ĩamasir'uju David. To bajiro yigu ĩ ĩaboajaquēne, ĩ bajiro caro bero gūtavijū, ĩ ĩncuare ĩna yujeriavijure ĩ rujarire yujemasiñujarā masa. ĩre ĩna yujero bero, ĩ rujari ĩaboare boayayicoarioja ti. ³⁷ To bajiboarine Jesūjūama, rijacoaboarine, Dios ĩre ĩ catiojare, ĩ rujari boayayibesuju. ³⁸⁻³⁹ To bajiri, ado bajiro tuoĭaña mūa: “Moisēs ĩamasir'ire Dios ĩ roticūmasirere cudijeoroti ĩaja manire”, yimasicaju mani. “ĩnajedirore mani cudijeojama, ‘Quēnarā ĩaama’ Dios ĩ yĭarā ĩari, mani rijato beroju ĩ taju ĩnararāja”, yicaju mani. To bajiboarine, “Cudijeogu magūmi”, yicadicaju mani. Yucurema ado bajiroja bajiaja yuja: Jesūre mani ajitirānjama, rojose mani yisere masiriocōari, Jesūs manire ĩ rijabosare surine, “ĩne rojose mana ĩaama”, manire yĭagūmi Dios. ⁴⁰⁻⁴¹ Dios ocare ajiterā, ĩna bajiro tire ucamasifūma Diore gotirētobosariarā. Ado bajiro ĩre ucabosamasifūma:

“Yū ocare ajiterā, ĩaĭañamanire yū yĭorotire, ‘Bajibetiraroja’ mūa yiboasere ĩaucacōari, bajireacoararāja mūa”, yucamasifūma Diore gotirētobosariarā.

To bajiri, “ĩna bajiro tire bajiro bajirūabeaja yūa” yituoĭacōari, mware yū gotisere quēnaro ajiya mūa —ĩnare yigotiyuju Pablo.

⁴² To bajiro ĩnare yigotigajanocōari, Pablo, Bernabé rāca ĩna budiatone, ado bajiro ĩnare yiyujarā ĩna, Dios ocare ĩna buerivi ĩarā:

—Gaje semana usūsājariarāmū ti ĩaro yūare gotimasiorēmōrā vaba quēna —ĩnare yiyujarā ĩna.

⁴³ Jud'io masa, to yicōari gājerā Diore rucuborā quēne, Pablo, Bernabé rāca budicōari, ĩnare suyasujarā ĩna. To ĩna bajirone,

—“Manire maigū ĩari, Jesūs ĩ rijabosare surine manire ĩvariquēnaami Dios”, yicōa ĩarūgūña mūa —ĩnare yiyujarā ĩna, Pablo, Bernabé rāca.

⁴⁴ To bajiri, gaje semana usūsājariarāmū ti ĩaro ti macana, jājarā rējañujarā ĩna, Jesūs ĩ bajirere Dios oca gotisere ajirā. ⁴⁵ Jājarā ĩna rējasere ĩacōari, buto jūnisiniñujarā jud'io masa. To bajicōari, “Socū yaja mū”, Pablo ĩre yitud'iyujarā ĩna. ⁴⁶ To ĩna yiboajaquēne, bojonemenane, ado bajiro gotiyujarā Pablo, Bernabé rāca:

—Dios oca, jud'io masare gotimasiosore ĩaja ti. To bajiboarine, tire ajiteaja mūa. To bajiro yirā ĩari, “Mani rijato beroju tudicatibetirarāja mani” yirāre bajiro yaja mūa. To bajiri Dios ocare ajiterā mūa ĩajare,

gãjerã masare ñnare gotimasiorũtuana yaja yua yuja. ⁴⁷ Ado bajiro yuare rotiyumi Dios:

“Yu ocare maas gotimasiose suori yure masiruarãma jud'io masa me ñarã. ‘Adi macarucuroana ñajediro, rojose tamuoťujabetiriaroju ña vaborotire ñnare yu yirẽtobosarotire sẽnirãjaro’ yigu, muare cõagũ yaja yu”, yuare yiyumi Dios —ñnare yigotiyujarã Pablo, Bernabé rãca, jud'io masare.

⁴⁸ To ñna yisere ajicõari, “Quẽnaro masu yigu ñaami Dios”, yivariquẽnañujarã jud'io masa mejua. To bajicõari, “Ñna rijato beroju, quẽna tudirijabetiruarãma” Dios ñ yimasiriarã, Jesúre ñre ajitirũnũsoyujarã ñna. ⁴⁹ To bajiri, Pablo, Bernabé rãca, mani uju ñ bajirere ñna gotisere ti macana, to yicõari ti maca tuana quẽne ajijediyujarã ñna. ⁵⁰ Ñna gotisere ñna ajijedicoaboajaquẽne, Pablöre, Bernabére gotiyiroyujarã ñna, jud'io masa, gajeyeũni jairã rõmiri Diore rucũbuorãre, to yicõari ti macana ñnamasurãre quẽne. To bajiro ñna yijare, jũnisinicõari, Pablo, Bernabére varotiyujarã ñna. ⁵¹ To bajiro ñna yijare, ti macaye sitare ñna gũbo sudi tuyasere varerea, vacoasuju Pablo, Bernabé rãca. To bajiro ñna yijama, “Yuare mua ajiruabetijare, rojose muare yirucumi Dios” yirã yiyujarã ñna. To yicõari, Iconio vãme cuti macaju vacoasujarã ñna. ⁵² To bajiro ñna bajiboajaquẽne, ñna gotimasiore suorine Jesúre ajitirũnurãma, bũto variquẽnañujarã ñna. To bajicõari, Espiritu Santo ñ ejarẽmose rãca tuoĩacõari, cojo vãme ruyabeto Dios ñ bojarore bajirone yirũgũñujarã ñna.

14

Iconio macaju Pablo, Bernabé rãca ñna gotimasiore queti

¹ Iconio macaju ejacõari, jud'io masa Dios ocare ñna buerivire sãjasujarã Pablo, Bernabé rãca. Sãjaejacõari, quẽnaro ñna gotimasiojare, Jesúre ñre ajitirũnũsoyujarã ñna, jãjarã jud'io masa, jud'io masa me ñarã quẽne. ² To bajiro ñna bajiboajaquẽne, jud'io masa, Pablo, Bernabé rãca ñna gotiboasere ajimenama, “Jesúre ajitirũnurã socarã ñaama”, jud'io masa me ñnarãre ñnare yigotiyujarã ñna. To ñna yijare, Jesúre ajitirũnurãre ñateyujarã ñna. ³ Ti macajure yoaro ñacõañujarã Pablo, Bernabé rãca. “Mani uju ñ bajirere mani gotirotire manire ejarẽmorucumi” yituoĩarã ñnari, “Ñrijabosare suorine manire ñavariquẽnaami Dios” yire quetire ñnare gotirũgũñujarã ñna. To yicõari, Jesús quẽnaro ñnare ñ ejarẽmojare, ñaĩañamanire yĩorũgũñujarã ñna. ⁴ To bajiro ñna yĩnaboajaquẽne, ti macana ricatiri rĩne tuoĩañujarã ñna: Sígũri Pablo mesa ñna gotisere ajitirũnũñujarã. Gãjerãma, ñnare ñaterã, jud'io masa rãcana ñañujarã. ⁵ To bajiri, jud'io masa, jud'io masa me ñarã quẽne, “Gãtane Pablöre, Bernabére reasĩato mani”, gãmerã yiyujarã, ñna ujarã rãca. ⁶⁻⁷ To ñna yiruase quetire ajicõari, Licaonia sitaju rudicoasujarã Pablo mesa. Ti sitaju ejacõari, Listra vãme cuti maca, Derbe vãme cuti macare, to yicõari, ti macari tarire quẽne Jesús ñ bajirere goticudiyujarã ñna.

Listra vãme cuti macana, Pablöre gãta rãca ñre ñna reare queti.

⁸ Listra macare ñañuju sígũ rẽmojane ruyuagũjane micar'ĩ. To bajiri, no yivamasibecũ ñañuju. Pablo ñ gotimasiosere ajitirũnũrujijuju ñ. ⁹ Ñre ñ ajitirũnũsere, to yicõari, “Jesús, yure catiorucumi” ñ yituoĩasere ñre ñamasicõañuju Pablo. ¹⁰ To yicõari, oca tutuase rãca ado bajiro ñre yiyuju:

—Vāmūrügūña —İre yiyuju Pablo. To ĩ yirone, jativāmūrügūcoasuju. To bajiri quēnaro vamasigū ñañuju. ¹¹ To bajiro Pablo ĩ yisere ĩacōari, ado bajiro avasāñujarā, ĩna oca, Licaonia oca rāca:

—Masa ĩna rūcubūorā ō vecana, manire bajirone ruñ caticōari, adojere rujiayuma —yīavasāñujarā ĩna.

¹² To yicōari Bernabére, “Zeus” ĩre yiyujarā ĩna. Pabloñarema, “Hermes” ĩre yiyujarā ĩna, “Zeure ñagōbosagu ñaami” yirā.^C ¹³ Ti maca tujere Zeure yirūcubūoriavi ñañuju. Ti vijere pai ĩ yirore bajiro yigu ñañuju, “Zeure rūcubūoto mani” masare ūmato yigu. “Pablo, to yicōari Bernabére ĩnare rūcubūoto mani” yigu, ta vecna, gore quēne juaáyuju ĩ. “Pablo mesare rūcubūoto mani” yigu, vaibucurā sīacōari, masare ūmato soeru yiboayuju. ¹⁴⁻¹⁵ ĩ ūmato yigūadire ĩamasicōari, “Ti ūnire yuare yirūcubūobetiroti ñaja” yirā, ĩna sudire tūavoyujarā. To yicōari, masa ĩna ñaro ūmaejacōari, oca tutuase rāca ado bajiro ĩnare gotiyujarā ĩna:

—¿No yirā to bajise yati mña? Yuā quēne masane ñaja yua. Mñare bajirāne ñaja. To mña yise ūnirene, “Yitujato ĩna” yirā, mñare gotirā vabu yua. To bajiro yuare mña yiboase, vaja maja. Tire yitujacōari, Dios catimūorūgōgūñare yirūcubūoia mña. ĩ ñaami ūmūagaserore, sitare, ocere, ñajedero rujeor’i. ¹⁶ Tirāmūjere ma masa no bojarāne ĩna rūcubūosere, bojabecu ñaboarine, “Tone yicōato”, ĩnare yimasifuju Dios. ¹⁷ “Tone yicōato” yigu ñaboarine, quēnaro ĩnare yicoadimasiñumi Dios, “ ‘Quēnagū ñaami’ yimasiato ĩna” yigu. ĩne ñaami oco quedisere, rica cūtire quēne mñare cōarūgūgūma, “Rodori rica cūtiato” yigu. ĩne ñaami barere mñare cōarūgūgūma. Mñare quēnaro ĩ yise ñajare, variquēnaja mña —ĩnare yigotiyujarā Pablo, Bernabé rāca.

¹⁸ To bajiro ĩnare ĩna yigotiboajaquēne, “Pablo, Bernabére ĩnare rūcubūorā vaibucurā sīaīsito mani”, yitūōiacōañujarā ĩna.

¹⁹ To bajiro ĩna yiñarone, jud’io masa, Antioqu’ia macana, to yicōari, Iconio macana quēne ejayujarā ĩna. Ejacōari, Pablöre, Bernabére ĩnare gotiyujarā ĩna, ti macanare. To bajiro ĩna yijare, gūta rāca Pablöre ĩre reayujarā, ĩre sīaruarā. To bajiro ĩre yicōari, “Jēre rijacoajami” yirā, ti maca tasaroju ĩre vejavacōari, ĩre rocacōañujarā ĩna. ²⁰ To bajiro ĩna yirocar’ire ĩre ejayujarā ĩna, Jesúre ajitirānārā. To ĩna ejarone, vāmūrügū, ti macajuane jiacoasuju Pablo quēna. Gajerūmū Derbe vāme cuti macajuā vacoasuju Pablo, Bernabé rāca.

²¹ Ti macajere ejacōari, toanare Jesús ĩ bajirere ĩnare gotimasioñujarā. Tire ajicōari, jājarā ñañujarā Jesúre ajitirānūsuorā. ĩnare gotimasio ganocōari, Listra macaju vasujarā ĩna quēna. Listra macare eja, ĩna rāca bajiña, Iconio macajuā vacoasujarā ĩna. Ti macare eja, ĩna rāca bajiña, Pisidia sita ñarimacajuā Antioqu’iaju vacoasujarā ĩna. ²² To ĩna bajicudiriaroriju ñariarāre Jesúre ajitirānārāre ado bajiro ĩnare gotiyujarā ĩna:

—Jesúre ajitirānārā mani ñajare, rojose manire yirūgūama masa. To bajiro manire ĩna yiboajaquēne, Jesúre ajitirānūcōa ñaruarāja mani, “ĩ yarā ñari, ĩ tūju ejarona ñaja mani” yirā —ĩnare yiyujarā ĩna. ²³ To yicōari, ĩnare ūmato ñaronare bucūrāre ĩnare beseyujarā. To yicōari, bare bamenane ado bajiro Diore mani ūjere ĩnare sēnibosayujarā ĩna: “Ado ñarā mñ yarā ĩna ñajare, quēnaro ĩnare yirēmoña, mñre ĩna ajitirānūcōa ñarotire yigu”, ĩnare

C 14:12 Licaonia masa ĩna rūcubūorāre ĩnare ñagōbosagu, “Hermes vāme cūtigūmi” yitūōiarā ñari, to bajiro Pablöre ĩre yiyujarā ĩna.

yisēnibosayujarā ĩna. Jesúre ajitirānūrā ĩna ĩnarimacarine ejacōari, to bajiro rīne yicōañujarā, Diore ĩnare sēnibosarā.

Pablo, Bernabé rāca, Siria sita ĩnarimaca Antioqu'iaju ĩna tudiare queti

²⁴⁻²⁵ Pisidia sita ĩnarimacari ĩnariarā, Panfilia sitare ĩnarimacare, Perge vāme cūti macare ejayujarā. Ti macaju ejacōari, Jesús ĩ bajirere ĩnare gotimasioñujarā ĩna. To yigajanocōari, Atalia vāme cūti macaju vacoasujarā ĩna. ²⁶ Ti macaju ejacōari, cūmuane vacoasujarā, Antioqu'ia macaju tudiana, “Quēnaro ĩnare ejarēmoato” yirā, Diore ĩnare sēnibosariarā ĩna ĩnaroju. ĩna goticudiroticōariarore bajirone yijeocōariarā ĩnari, Antioqu'iajare tudiejayujarā ĩna, Pablo mesa. ²⁷ Ti macajure tudiejacōari, Jesúre ajitirānūrāre rēocōari ĩna bajicudirere, Dios ĩnare ĩ yirēmorere, to yicōari, jud'io masa me ĩnaboarine Jesúre ĩna ajitirānūrere quēne ĩnare gotiyujarā ĩna. ²⁸ Tone yoaro ĩnacōañujarā, Jesúre ajitirānūrā rāca.

15

Jerusalénju rējacōari ĩna gāmerā ĩnagōre queti

¹ Tirodore, sīgūri Judea sitana Jesúre ajitirānūrā, Antioqu'ia macajure vasujarā. To ejacōari toanare Jesúre ajitirānūrāre ĩnare gotimasioñujarā. Ado bajiro ĩnare gotiyujarā ĩna:

—Moisés ĩnamasir'ire circuncisiōn yirere Dios ĩ roticūmasirere, mua yibetijama, rojose tāmūotujabetiriaroju mua varotire muare yirētobosabetiracūmi Jesús —ĩnare yigotiyujarā ĩna, Jesúre ajitirānūrāre.

² Pablo, Bernabé rāca, to bajiro ĩna yisere ajicōari, buto ĩnare jūnisiniñujarā ĩna. To bajiri, “To bajirone bajiroja” ĩna gāmerā yimasibetijare, Jerusalénju Pablora, Bernabé, to yicōari, gājerā ĩna rācanare quēne ĩnare cōañujarā Antioqu'iana. “Jerusalén macanare Jesús ĩ gotiroticōasūoriarāre, to yicōari, ĩre ajitirānūrāre ĩnare ūmato ĩnārāre quēne, circuncisiōn yirere ĩnare sēniāaya mua”, ĩnare yicōañujarā ĩna.

³ To ĩna yicōariarā, Fenicia sitare, Samaria sitare quēne ejacōari, Jesúre ajitirānūrāre ado bajiro ĩnare gotibatoyujarā ĩna:

—Jud'io masa me ĩnaboarine, yua gotimasiosere ajicōari, ĩna rācūbuoboarere rācūbuotujacōari, Jesúre ajitirānūcama —ĩnare yigotibatoyujarā ĩna.

Tire ajicōari, buto variquēnañujarā ĩna.

⁴ Jerusalénju Pablo, Bernabé rāca ĩna ejaro, quēnaro ĩnare bocaāmiñujarā Jesús ĩ gotiroticōasūoriarā, gājerā Jesúre ajitirānūrā, to yicōari, ĩnare ūmato ĩnārā quēne. To bajicōari, Dios sūorine jediro ĩna yirere ĩnare gotiyujarā ĩna, Pablo, Bernabé rāca. ⁵ To bajiro ĩna yisere ajicōari, fariseo masa, Jesúre ajitirānūrā, vūmūrūgūcōari, ado bajiro yiyujarā ĩna:

—Jesúre ajitirānūrāre jud'io masa me ĩnārāre quēne, ĩnare circuncisiōn yiroti ĩnaja ti. Moisére Dios ĩ yiroticūmasiriarore bajirone yiroti ĩnaja ĩnare quēne —yiyujarā ĩna.

⁶ To bajiro ĩna yijare, Jesús ĩ gotiroticōasūoriarā, gājerā Jesúre ajitirānūrāre ūmato ĩnārā, rējañujarā ĩna, to ĩna yisere gāmerā ĩnagōrētobudiruarā. ⁷ Yoaro gāmerā ĩnagōñañujarā ĩna. To ĩna bajinārone, vūmūrūgūcōari, ado bajiro ĩnare gotiyuju Pedro:

—Yua yarā Jesúre ajitirānūrā, yure ajiya. Tirūmūju mua rācagure yure besecōari, jud'io masa me ĩnārāre Jesús ĩ bajicatire yua gotirotire yigu, yure cōacami Dios, “Tire ajicōari, Jesúre ajitirānūato ĩna” yigu. Tire masiaja

mua. ⁸ Masa ñna tʷoĩasere masigũ ñari, jud'io masa me ñarãre quẽne Esp'iritu Santore ñnare cõacami Dios, manire ñ cõacatore bajirone. To bajiro ñnare ñ yicati ñajare, “Ñnare quẽne ñavariquẽnaami Dios”, yimasijaja mani. ⁹ “Jud'io masa me ñna ñajare, rojose ñna yisere ñnare masiriobetirucija”, yibesumi Dios. Jesũre ñna ajitirũnũsũoriijaũne, rojose ñna yisere masiriocõari, Jesũs ñ rijabosare sũorine “Ñie rojose mana ñaama”, ñnare yĩĩaũumi Dios. ¹⁰ To bajiro ñnare ñ yire ti ñaboajaquẽne, “Mũare ruyaja. Dios mũare ñ ñavariquẽnase mua bojajama, ado bajiro yiroti ñaja”, ñnare yaja mua, Jesũre ajitirũnũrãre. To bajiro ñnare mua yijama, Jesũs ñ rijabosare sũorine quẽnaro Dios manire ñ yisere ajimenare bajiro yirã yaja mua. Circuncisiõn ñnare mua yirotijama, Dios ñ rotimasire ñnaro cõrone cũdiroti ñaroja ñnare. Rẽmojũne mani ñicua quẽne yijeobeticoadimasifiũma. Mani quẽne, tire cũdijeobeticaja mani. ¹¹ Ado bajirojua tʷoĩaroti ñaja manire: “Tire mani cũdise sũori me, rojose mani tãmũoborotire manire yirẽtobosagu, Jesucristo manire rijabosayumi”, yiroti ñaja manire. To bajirone bajijaja jud'io masa me ñarãre quẽne —ñnare yigotiyuju Pedro.

¹² To bajiro Pedro ñ yisere ajicõari, ñagõbesujarã ñna yuja. To ñna bajirone, Dios ñ masise sũorine ñaĩañamanire jud'io masa me ñarãre ñna yĩĩorere ñnare gotiyujarã Pablo, Bernabé rãca. ¹³ To bajiro ñna yigajanoro bero, ado bajiro yiyuju Santiago vãme cutigu:

—Yũ yarã, yũre ajiya. ¹⁴ Jud'io masa me ñarã ñna bajirere manire gotigajanoami Simón. Ñ gotisere ajicõari, “Jud'io masa me ñarãre quẽne ñnare besecõari, ‘Yũ rĩa ñaama ñna’ yĩĩavariquẽnaũumi Dios”, yimasijaja mani. ¹⁵ Ti bajiro tire tʷoĩacõari ado bajiro ucamasifiujarã Diore gotirẽtobosamasiarã:

¹⁶⁻¹⁸ “Adirũmuri ñnarã, Ujũ David ñamasir'i jãnerabatia, ujarã me ñaama ñna. To bajiro ñna bajiboajaquẽne, berojũ mua jud'io masare ñamaicõari, David jãnamire, “Rotimũorũgõrũcija mua” yigu, ñre yicõarũcija yũ. Ñ rotisũorone, jud'io masa me ñnarã quẽne yũ rĩa ñnarũarãma. To bajiro ñna bajiro tire yigu, ñre cõarũcija yũ’ yami Dios”, yiuucamasifiujarã ñna, mani ujure Jesũre Dios ñ cõarotire yirã —yigotiyuju Santiago.

¹⁹ —To bajiri, ado bajiro tʷoĩaja yũ: Jud'io masa me ñaboarine, ñna rũcũbũorere rũcũbũo tũjacõari, Dios ñ bojasejuare yirãre jairo ñnare rotibetiroti ñaja. ²⁰⁻²¹ Tirũmũjũne usũsãjarirũmu ti ejaro, Dios ocare ñna buerivirijũ Moisés ñamasir'ire Dios ñ roticũmasirere gotimasiocoayuma ñna, tocãrãca macarine. To bajiri ñnase rĩne ado bajiro ñnare yiuucacõato mani: “Ado bajirã ñnarãma” ñna masune yiquẽnorujeocõari, ñna yirũcũbũorã tũjũre vaibũcũrãre sũacõari, mojoroaca ñna tũjũ cũrãma. Tire babesa, ñnare yiuucacõato mani. To yicõari, manajo cõtirã, manajũ cõtirã, manajo mana, manajũ mana quẽne, gãjerã rãca ajeriarã cutibesa, ñnare yiuucacõato mani. Vaibũcũrã sũariarãre ñna ri'ire yireamenane, babesa. Ñna ri'ire quẽne idibesa, ñnare yiuucacõato mani —ñnare yiyuju Santiago.

Jud'io masa me ñarãre ñna ucacõare queti

²² To bajiro ñ yisere ajivariquẽnacõari, Jesũs ñ gotiroticõasũoriarã, Jesũre ajitirũnũrã, ñnare ãmato ñnarã quẽne, “Pablo, Bernabé rãca Antioqu'iajũ mani cõaronare beseto mani”, yiyujarã ñna. To bajiri, Judas, Barsabás ñna yigu, to yicõari Silas vãme cutigu ñnañujarã ñna. Jesũre ajitirũnũrã vatoajũre ñnase rãca ñnañujarã ñna. ²³ To bajiri, Pablo, Bernabé rãcare ñnare cõañujarã ñna. Ado bajise queti ñna rãca ucacõañujarã ñna:

“Jesúre ajitirünurã, ñnare ùmato ñnarã to yicõari, Jesús ïgotiroticõasucocana quêne, mua yarã ñaja yua, mua quêne Jesúre ajitirünurã mua ñajare. To bajiri muare, jud'io masa me ñarãre, Antioqu'ia macanare, Siria sitanare, to yicõari Cilicia sitanare quêne muare quënaroticõaja yua. Cojo masare bajiro bajirã ñari, Jesús bederã rïne ñaja mani. ²⁴ Ado yua rãcana siguri, ñnare yua cõabetiboajaquêne, mua ñarøjure vacõari muare ñna gotimavisiocudise quetire ajibũ yua. ²⁵ To bajiri, ‘Ñnare ucacõato mani, tire ñnare gotiquënorã. To yicõari, ado mani rãcanare “Ñnare ñarã vajaro” yirã, Pablo, Bernabé rãca ñnare cõato mani’ yituoïaja yua. Pablo, Bernabé, yua ñamairã ñaama ñna. ²⁶ Ñnare ñna sñaruaboajaquêne, Jesús mani ujũ ïbojasere yicõa ñañuma ñna, tojũ ñna gotimasiodijaquêne. ²⁷ To bajiri Judare, Silare, muare cõaja yua, Pablo, Bernabé rãca. Tojũ ejacõari, muare yua ucacõasere quënarõ muare gotiquënoruarãma ñna. ²⁸ Esp'iritu Santo yuare ïtuoïaejarëmose rãca, ñnamasuse rïne muare yiroticõaja yua: ²⁹ ‘Ado bajirã ñnarãma’ ñna masune yiquënorujeocõari, ñna rãcũbuorã tujure vaibucure sñacõari, mojoroaca ñna tujũ cürãma. Tire babesa mua. To yicõari, vaibucurã mua sñariarãre ñna ri'ire yireamenane, babesa. Ñna ri'ire quêne idibesa. To yicõari, manajo cutirã, manajũ cutirã, manajo mana, manajũ mana quêne, gãjerã rãca ajeriarã cutibesa. Adire mua yijama, quënase yirã ñnaruarãja mua. Muare quënarotiaja yua”, ñnare yiuacõañujarã ñna, Antioqu'ianare, jud'io masa me ñnarãre.

³⁰ To bajiri, Antioqu'ia macajũ ñna varotirã, ñnare vare goti, vacoasujarã ñna. To ejacõari Jesúre ajitirünurãre ñnare rëocõari, gotiquënorã ñna ucacõarere ñnare ñsiñujarã ñna. ³¹ Tire ñacõari, buto variquënañujarã ñna, tuoïasutiritiñaboariarã. ³² Judas, Silas quêne, Diore gotirëtobosarimasa ñañujarã ñna. To bajiri toanare Jesúre ajitirünurãre Jesús ocare quënarõ gotimasioñujarã. Tire ajicõari, butobusa ajivariquënañujarã ñna. ³³ Ñna rãca yoaro ñna bajiñaro bero, ñnare queti cõariarã tujũ tudiana, ñnare ñna vare gotirone,

—Quënarõ tudiasa mua —Ñnare yitucõañujarã ñna.

³⁴ To ñna bajirone,

—Adone tujagũ yaja yũ —yitujacõañuju Silama.

³⁵ Pablo, Bernabé quêne, Antioqu'iajũre tujayujarã ñna. To ñnacõari, gãjerã jãjarã rãca Jesús ïbajirere masare gotimasiodõa ñnarũgũñujarã ñna.

Jesús ïbajirere Pablo ïgoticudigũ tudivare queti

³⁶ Antioqu'iajũ yoaro bajiñaboana,

—Ita. Quëna ñnare tudiiacudito, Jesús ïbajirere mani goticudicati macarire, “¿Mani goticudicatore bajirone ajitirünucõa ñnati?” yirã —Ñre yiyuju Pablo, Bernabére.

³⁷ To bajiri, Juan Marcos vãme cutigure ñre jiaruaboayuju Bernabéjũama. ³⁸ Ñre ï jiaruaboajaquêne, bojabesuju Pablojũama, Panfilia macajũ Jesús ïbajirere ñna gotimasiodirõre ñnare ï tudiveore ti ñajare. ³⁹ To bajiri sigãre bajiro tuoïamasibetica yirã, gãmerã cãmotadicõañujarã ñna. Bernabéjũama, Chipre vãme cutiyojũ Juan Marcõre ñre ùmato vasuju. ⁴⁰ To ï bajiro bero, Pablojũama, Silare ñre jiyuju. Ñna varoto rñjoro, toana Jesúre ajitirünurã Diore ñnare sënibosayujarã, Pablõre, Silare quêne, “Ñna goticudiro ñnare ejarëmoato Dios” yirã. To bajiro ñna yiro bero,

vacoasujarã ãna. ⁴¹ To bajivana, Siria sitare, Cilicia sitare quẽne, Jesúre ajitirũnarẽre ãnare gotimasiocudirũgũñujarã ãna, “Bũtobusa ajivariquẽnato ãna” yirã.

16

Timoteo, Pablöre, Silare, ã baba cãti vare queti

¹ To bajivana, Derbe vãme cãti macare, to yicõari Listra vãme cãti macajure quẽne ejayujarã Pablo mesa. Ti macajure Jesúre ajitirũnugũre, Timoteo vãme cãtigũre ãre bajayujarã ãna. Jesúre ajitirũnugõ jud'io maso macu ñañuju ã. Ì jacuma, griego masu ñañuju. ² Listra macana, Iconio macana quẽne, “Quẽnaro yigu ñaami”, ãnare yigotiyujarã Jesúre ajitirũnarã, Timoteore. ³ “Ï jacu griego masu ñacami”, yimasijedicõañujarã ti macariana. To bajiri ã rãca Timoteo ã vacudirotire bojagu ñari, “Jud'io masa adi macariana, ‘Circuncisiõn yiyamagũ ñagũmi Timoteo’ yĩateroma” yimasigũ ñari, “Circuncisiõn yirotiya”, yiyuju Pablo. ⁴ To bajiro yicõa, vacoasujarã ãna, Timoteo rãca. ãna ejarimacari ñaro cõrone Jesúre ajitirũnarẽre ado bajiro ãnare gotirũgũñujarã ãna:

—Jerusalén macana Jesús ã gotiroticõasũoriarã, ãre ajitirũnarẽre ãnare ãmato ñarã quẽne, “Adi vãmere yibetroti ñaja” ãna yirere —ãnare gotirũgũñujarã.

⁵ To bajiro ãna yigotirũgũsere ajivariquẽnañujarã ãna, ti macariana Jesúre ajitirũnarã. To bajicõari, jãjarãbusa ñarũtuasujarã ãna.

Pablöre Macedonia sitagu ã ruyuaõore queti

⁶ Asia sitajure Jesús sũorine quẽnaro Dios ã yisere ãnare gotirotibesuju Esp'iritu Santo. To bajiri tojure vamenane, Frigia, Galacia, to yicõari, Misia sita ñarimacarianare quẽne ãnare gotimasiocudiyujarã ãna. ⁷ Misia sita tũsariju ejacõari, Bitinia sitajure varũaboayujarã ãna. ãnare varotibesuju Esp'iritu Santo. ⁸ To bajiri, Misia sitare varũtu vanane, ti sita ñarimaca Troas vãme cãti macaju ejayuma ãna. ⁹ Ti macajure Pablo ã ejarãioati ñamire, Macedonia sitagu ãre ruyuaõoñuju. Ruyuaõocõari, ado bajiro ãre yiyuju:

—Vayã. Yũare ejarẽmoguaya —ãre yijiyuju.

¹⁰ Ìre ã ruyuaõojare,

—Macedonia sitaju vajaro. Tojure Jesús sũorine quẽnaro Dios ã yisere mani gotirotire yigu, ãre ruyuaõorotiyumi Dios —yĩtũoĩacaju yũa.

To yirã ñari, yũa gajeyeũnire quẽnosãcaju yũa, Macedoniaju varũarã.^d

Filipos vãme cãti macaju Pablo mesa ãna bajire queti

¹¹ To bajiri, Troas maca ñararã, cũmuane vacõari, Samotracia vãme cãtiyoaju ejacaju yũa. To ejacõari, gajerũmu Macedonia sita ñarimaca, Neápolis vãme cãti macajure vacaju yũa. ¹² Romano masa, Macedonia sitare ãmacõari ãna ñaro ñacaju. Ti maca ejacõari, Filipos vãme cãti macaju vacaju yũa. Jairimaca, ñamasuri maca ñacaju ti maca. Tojure yoarobũsaca ñacaju yũa. ¹³ Usũsãjariarũmu ti ñaro, ti maca tũsaroju vacaju yũa, riaga boeju. “Jud'io masa, rãjacõari Diore ãre ãna sãniriju ñaroja”, yĩtũoĩa rojacaju yũa. Rojaejacõari, to rãjarãre rõmiare ãnare gotimasiocaju yũa, Jesús sũorine quẽnaro Dios ã yisere. ¹⁴ Sĩgõ yũare ajigo, Lidia

^d 16:10 Adi quetire ucamasirĩ Lucas vãme cãtigũ, Troas maca ñacõari, Filipos vãme cãti macaju Pablo rãca varĩ ñari, “yicami Pablo”, yiucaiyumi.

vāme cutigo ñacamo, Tiatira vāme cuti macago. Sudijāiri, sūarivujōjāiri ĩsicōari, vaja sēnigō ñacamo. Quēnaro Diore yirūcubogō so ñajare, “Pablo ĩ gotimasiosere ajimasiato” yigū, ĩ masisere sore cōañumi Dios. To bajiro sore ĩ yijare, Jesūre ĩre ajitirūnucamo so. ¹⁵ To bajiro so bajijare, sore, to yicōari, so ya vianare quēne oco rāca ĩnare bautizacaju yua. To yua yiro bero,

—“Jesūre ĩre ajitirūnugō ñamo” yure mua yijama, yu ya viju ñarā vayā mua —yūare yicamo so.

To so yijare, so ya viju ñacaju yua.

¹⁶ Cojorāmu Diore sēniriaroju vana, gājerāre moabosarimasore sore bujacaju yua. Vāti sāñagō ñacamo so. Vāti suorine masa ĩna bajirotire tūōiacōari, riojo gotigo ñacamo. To bajiro bajigo so ñajare, ĩna bajirotire masiruarā, sore sēniārūgūñujarā. To so yise vaja jairo gājoa bujarūgūñujarā so ujarā. ¹⁷ To bajiri yūare suyacōari, ado bajiro yūare yivasā suyārūgūcamo so:

—Ānoa, masirētogū Dios ĩ bojasere yirā ñaama. Dios, masa rojose ĩna tāmūborotire ĩnare ĩ yirētobosarotire gotirimasa ñaama —yivasā suyārūgūcamo so.

¹⁸ Tocārācarāmune to bajiro so yivasā suyajare, buto gōjanabidicami Pablo. To bajiri judarūgūcōari, so usaju vāti sāñagūre ado bajiro ĩre yicami: —Jesucristo ĩ rotise rāca mure budirotiaja yu —ĩre yicami Pablo.

To bajiro ĩ yirone, budicoacami vāti.

¹⁹ So usajure vāti ĩ budicoajare, masa ĩna bajirotire gotimasibeco ñacamo so yuja. To bajiro so bajijare, “So suorine gājoa bujarūgūboabu mani. No yicōari, gājoa bujariaro maja mani yuja” yijūnisinirā ñari, Pablore, Silare quēne ĩnare ñejecama so ujarā. ĩnare ñejecōari, masa ĩna yisere ĩacōarimasa taju ĩnare juaácama. ²⁰ ĩna tū ejacōari, ado bajiro goticama ĩna:

—Ānoa jud'io masa mani ñarimacanare gotigōjanabioama. ²¹ ĩna ñicua ĩna yimasiriarore bajiro yiroti ñaja, yigotimasioama ĩna. Manima romano masa mani ñajare, ĩna gotisere mani ajijama, Uju César ĩ rotisere cūdimena yirāja mani —ĩnare yigoticama ĩna, vāti sāñaboario ujarā.

²² To bajiro ĩna yisere ajicōari, jājarābusa ĩnare ĩajūnisinicama ĩna. ĩnare sudi vejecōari, ĩnare bajeroticama masa ĩna yisere ĩacōarimasa. ²³ Buto ĩnare ĩna bajero bero, tubiberiaviju ĩnare tubiberoticama. To yicōari,

—Quēnaro ĩnare ĩatirūnūma —ĩre yicama ĩna, ti vire coderimasure.

²⁴ To ĩna yijare, gudareco ñari aruajure no yirudimasiña manojū ĩnare juacōari, yucājāi goje cutijāine ĩna gaborire yirētobuñiacōari, ĩnare tubibecūcōañuju.

²⁵ To ĩ yicōariarā, ñami gudareco ñaro Diore sēni, basa, yīñañujarā ĩna, Pablo, Silarāca. Gājerā, ti vi tubibe ecoriarā, to ĩna yisere ajijujarā.

²⁶ To bajiro ĩna yīñarone, buto sita sabeyuju. To bajiro ti bajirone, ti vi ñarisōari sojeri jedirone jāñajedicoasuju. Cōmemarine ĩnare ĩ siaboare jojijedicoasuju, ĩna jedirorene. ²⁷ To bajiro ti bajirone, yujicōari, ti vi ñarisōari sojeri ñaro cōrone jāñariosojeri ti ñacōajare, “Budijedicōariarāma ĩna” yigū, ĩ masune jariase rāca siaguagu yiboayuju ti vi ĩacoderimasa. ²⁸ To ĩ yigūadone,

—¡Mu masune sīabeticōañā! Yua ñaro cōrone adorine ñajedicōaja yua — ĩre yiyuju Pablo.

29 To ĩ yisere ajicōari, sĭabusuorotiyuju ti vi coderimasu. To yicōari, ti vijure ũmasājacōari, bũto güigũ ñari, nanagũne Pablo, Silarāca rĭjorojuare gũsomuniaru tuetuyuju, ĩnare rũcũbuogũ. 30 To ĩ yiro bero, ĩnare bucōari, ado bajiro sēniñafũju ĩ:

—Rojose yũ tãmuoborotire Dios yũre ĩ yirētorotire yũ bojajama, ¿no bajise yiroti ñati yũre? —ĩnare yisēniñafũju ĩ.

31 To ĩ yisere ajicōari, ado bajiro ĩre cadiyujarã ĩna:

—Mani uju Jesũre mu ajitirũnũjama, rojose tãmuotũjabetiriaroju mu vaborotire mũre, mu yarãre quēne yirētobosarũcũmi Dios —ĩre yiyujarã Pablo, Silarāca.

32 To bajiro ĩre yicōari, ĩre, ĩ ya vianare quēne mani uju ocare ĩnare gotimasioñujarã ĩna. 33 Ti ñamine Pablo mesa cãmire coeyuju ĩ, tubiberiavi coderimasu. ĩnare ĩ coegajanorone, ĩre, ĩ ya vianare quēne oco rãca ĩnare bautizayujarã ĩna. 34 To bajiro ĩnare ĩna yiro bero, ĩ ya vijũ ĩnare jiacōari bare ĩnare ecauju. Diore ajitirũnũrã ñari, bũto variquēnañujarã ĩna.

35 Gajerũmu busurijũ masa ĩna yisere ĩacōiarimasa, ado bajiro ĩna surarare ĩnare yiyujarã ĩna:

—Tubiberiavi coderimasure ĩre gotiaya, “Pablo, Silare ĩnare bucōato” —ĩnare yiroticōañujarã ĩna. 36 To ĩna yiroticōare ti ñajare, ado Pablo mesare ĩnare gotiyuju ti vi coderimasu:

—“Pablo, Silare ĩnare bucōañũ”, yũre yicōañũma ĩna. To bajiri, “Rojose manire yirēmomenama”, yitũoĩa variquēna budiasa mũa —ĩnare yiyuju ĩ.

37 To ĩ yiboajaquēne, ado bajiro ĩnare yiyuju Pablo, masa ĩna yisere ĩacōiarimasa ĩna cōariarãre:

—Bajibeaja. Roma macana yũa ñaboajaquēne, rojose yũa yirere ĩacōiamenane, yũare bajarotimasima ĩna, masa ĩna ĩaro rĭjorojuã. To yicōari yũare tubiberotimasima. To bajiro yũare yirã ñaboarine, ¿no yirã masa ĩna ĩabetone yũare burotiati ĩna? ĩna masune yũare burã vadiato —ĩna cōariarãre ĩnare yiyuju Pablo.^e

38 To ĩ yijare, masa ĩna yisere ĩacōiarimasa tũju ejacōari, Pablo ĩ gotirere ĩnare gotiyujarã ĩna. To ĩna yisere ajicōari, “Roma macana ñañũma ĩna quēne” yimasicōari, bũto güiyujarã ĩna. 39 To bajiri tubiberiavijũ ejacōari, “Rojose mũare yũa yimasisere masirioya mũa”, ĩnare yiyujarã, Pablo mesare. To ĩna yiro bero, ĩnare bucōari, rũcũbuose rãca ĩnare varotiyujarã ĩna, masa ĩna yisere ĩacōiarimasa. 40 To bajiro ĩnare ĩna yiro bero, Lidia ya vijũ vasujarã ĩna. Ti vijũ sãjaejacōari, to ñariarãre Jesũre ajitirũnũrãre quēnaro ĩnare gotiyujarã ĩna. ĩnare gotigajanocōari, vacoasujarã Pablo mesa.

17

Tesalónica vãme cuti macaju Pablo mesa rojose ĩna tãmuore

1 To bajivanare, Anf'ipolis, Apolonia vãme cuti macare rētoanane, Tesalónica macajare ejayujarã Pablo mesa. Tojũre jud'io masa Dios ocare ĩna buerivi ñañuju ti. 2 To bajiri ĩ yirũgũriarore bajiro yigũacu, ti vire sãjañuju Pablo. Idia semana cōro tocãrãcarũmu usũsãjararũmarĩ ñaro Dios oca masa ĩna ucamasirere ĩnare bueajiocōari, ado bajiro ĩnare gotimasiorũgũñuju:

^e 16:37 Pablo jacũ Roma macana surara rãca quēnaro ĩmoajare, Roma macagu me ĩñaboajaquēne, “Roma macagu ñaami” ĩna yuicature coeyuju, judío masũ ñaboarine. To bajiro ĩna yire ti ñajare, ĩ macũ Pablo quēne, “Tarso macagu ñaboarine, Roma macagu ñaja”, yiyuju.

³ —Tire quēnaro m̄ua buejama, “‘Rotim̄orūgōr̄uc̄umi’ yiḡu, Dios ĩ cōaroc̄u rojose t̄am̄ocōdari, ĩ rijarotire, to yicōari, quēna ĩ tudicatirotire gotiaja ti”, yimasir̄uar̄aja m̄ua quēne. “To bajiro bajir̄uc̄umi” ĩna yiucamasir̄i, “Jesúne ñaami”, m̄uare yaja yu —ĭnare yigotimasioñuju Pablo.

⁴ To bajiro ĩ yisere ajicōari, s̄iḡuri jud'io masa, griego masa Diore r̄uc̄ub̄or̄ūḡūriar̄ā, to yicōari, r̄ōmia ñamasur̄ā quēne, “Pablo mesa r̄ācana ñaja yua”, yiyujar̄ā ĩna. ⁵ To bajiro ĩna yisere b̄uto ĩajūnisiniñujar̄ā ḡajer̄ā jud'io masa. ĩajūnisinicōari, j̄ājar̄ā masa ĩna r̄ējar̄ūḡūrijau ejacōari, “Pablo, Silare ĩnare ñejecōari, rojose yito mani” yir̄ā, rojose yir̄āre ĩnare jir̄ēoñujar̄ā ĩna. To yicōari, “Jasón ya vij̄u ñar̄āma” yir̄ā, ĩnare macar̄ā s̄ajasujar̄ā ĩna. ⁶ ĩnare bujabetica yir̄ā, Jasón to yicōari ḡajer̄ā Jesúre ajitir̄un̄ar̄e quēne, ĩnare vejabudiacōari, ti maca ujar̄ā t̄uj̄u ĩnare juaásujar̄ā. To ejacōari, ado bajiro ĩnare avas̄āgotiyujar̄ā ĩna:

—Ānoa, macar̄uc̄uro jediro ñar̄ā masare gōjanabior̄ā ñaama. To bajiri adoj̄ure quēne manire gōjanabior̄ā ejama ĩna. ⁷ Jasón ĩnare bocaāmiñumi ĩ ya vij̄u. ĩna jedirone, Ūj̄u César ĩ rotisere ajir̄uc̄ub̄om̄ena ñaama. “Ḡāji ñaami mani uju, Jesús v̄ame cut̄iḡu”, yir̄ūḡūama ĩna —yivas̄ā gotiyujar̄ā ĩna.

⁸ To bajiro ĩna yigotisere ajicōari, maca ujar̄ā, ḡajer̄ā to r̄ējar̄ā quēne, b̄uto avas̄ājūnisiniñujar̄ā ĩna. ⁹ To yicōari, Jasónre, ḡajer̄ā Jesúre ajitir̄un̄ar̄e quēne ĩnare ḡājoa s̄ēniñujar̄ā ĩna, “Tire m̄ua ĩsijama, m̄uare bur̄uar̄aja yua” yir̄ā. To ĩna yijare, ḡājoa ĩnare ĩna ĩsirone, ĩnare bucōañujar̄ā ĩna.

Berea v̄ame cuti macaj̄ure Pablo mesa ĩna bajire queti

¹⁰ Tir̄āmu r̄āioati ñamine, Berea v̄ame cuti macaj̄u Pablo mesare ĩnare varotiyujar̄ā ĩna Jesúre ajitir̄un̄ar̄ā. Toj̄ure ejacōari, Dios ocare ĩna buerivij̄ure s̄ājañujar̄ā ĩna. ¹¹ Tesalónica v̄ame cuti macanare bajiro t̄uōĭabesujar̄ā ĩna, ti macana jud'io masa. Pablo ĩ gotimasiosere b̄uto ajivariquēnañujar̄ā ĩna. Tocār̄acar̄ūm̄urine Pablo ĩ gotisere ajicōari, Dios oca masa ĩna ucamasirere buer̄ūḡūñujar̄ā ĩna, “¿Pablo ĩ gotisere bajirone gotiati?” yir̄ā. ¹² To bajiri j̄ājar̄ā jud'io masa, griego masa r̄ōmia ñamasur̄ā, ūm̄ua quēne, Jesúre ĩre ajitir̄un̄us̄oyujar̄ā ĩna. ¹³ Berea macaj̄ure Jesús suorine quēnaro Dios ĩ yisere Pablo ĩ gotimasio ñasere ajiyujar̄ā Tesalónica macana jud'io masa. Tire ajicōari, Pablo ĩ gotimasio ñar̄oj̄ure vasujar̄ā ĩna. Toj̄u ejacōari, “Pablo rojose yiḡu ñaami”, ĩnare yigotiyujar̄ā ĩna. To ĩna yijare, Pablore b̄uto ĩre jūnisiniñujar̄ā ĩna, ti macana. ¹⁴ To ĩna yijare, moa riaga boej̄u Pablore ĩre varotiyujar̄ā ĩna Jesúre ajitir̄un̄ar̄ā. To bajiboarine, Timoteo, Silar̄āca Berea macane ñacōañujar̄ā ĩnama. ¹⁵ Pablo r̄āca variar̄ā, Atenas v̄ame cuti macaj̄u ĩre c̄ūejoyujar̄ā ĩna. ĩre c̄ū, Berea macaj̄u ĩna tudiatone, “Guaro yu t̄uj̄u vayá”, yiucacōañuju Pablo, Silas, Timoteore.

Atenas v̄ame cuti macaj̄u Pablo ĩ bajire queti

¹⁶ Pablo, Atenas macaj̄u ñacōari, Silas, Timoteore ĩnare yuñañuju ĩ. To bajin̄aḡū, ti macana, ĩna yin̄asere ĩañuju, “Ado bajir̄ā ñar̄āma” ĩna masune yiquēnorujeocōari, ĩna yir̄uc̄ub̄oñasere. Tire ĩacōari, b̄uto t̄uōĭarejaiyuju. ¹⁷ To bajiri jud'io masa Dios ocare ĩna buerivij̄u s̄ājacōari, ĩnare gotimasioñuju Pablo, Jesús suorine quēnaro Dios ĩ yisere. Griego masare, Diore r̄uc̄ub̄or̄ūḡūriar̄āre quēne gotimasioñuju. To yicōari, tocār̄acar̄ūm̄urine masa ĩna r̄ējar̄ūḡūrijau ejar̄āre ĩnare gotimasioñuju Pablo. ¹⁸ Toj̄ure epicúreo masa, to yicōari estoico masa ĩ r̄āca ñagōñujar̄ā ĩna. To yicōari, ĩna masune ado bajiro ḡāmer̄ā yiyujar̄ā ĩna:

—¿Ñie ùnire ñagõru yiboati, ãni tuoĩamasibecu? ¿No bajise gotiru yiboati? Ì yarã ña rucubuoarẽ “Ìna quẽne rucubuoato” yigu, manire gotimasiõru yiboami —gãmerã yiyujarã ña, Jesús rijacoaboarine, quẽna Ì tudicatrere Pablo Ì gotisere ajicõari.

¹⁹ To bajiro gãmerã yicõari, Ìre jiasujarã ña, masa rëjacõari ña gãmerã gotiroju, Areõpago vãme cutõju. To ejacõari,

—¿Ñie ùnire ajiñamanire yuare gotirügüati mu?f ²⁰ Mu gotise ùnire ajibetrügümü yua. Mu gotiri vãmere masiruaja yua —Pablore Ìre yiyujarã ña.

²¹ (Atenas vãme cuti macana, to yicõari, gãjerã gajeroju vadiriarã quẽne, ña ajiñabetrügürere ña ajijama, Areõpagoju vacõari, ti rione gãmerã gotirügüñujarã ña.)

²²⁻²³ To bajiri ña vatoajure vãmurügücõari, ado bajiro ñnare gotiyuju Pablo:

—Atenas vãme cuti macana, yure ajiya mu. “Ado bajirã ñarãma” yiquẽnorujeocõari, mu rucubuoarã jãjarã ñaama adi macare. Ìnare buto rucubuoarã ñaja mu. Mu quẽnoriarẽ mu rucubuoarivirire, Ìacudica yigu, cojoju soemõriajure, ucaturere Ìamu yu. Ado bajiro yibu ti: “Ado ñaja Dios ñañamagũre rucubuoariaju” yibu. Ìre masibetiboarine, mu rucubuoogure muare gotiguagu vadimasimu yu.

²⁴ Ìne ñaami Dios, ñajediro ujmu, adi macarucuro ãmuagaserore, to yicõari, catirã ñajedirore rujeor'i. Masa ña buariavire ñagũ ùgũ me ñaami Ìna.

²⁵ Masa Ìre ña yibosasere bojagu me ñaami. Diseju Ìrema ruayabetõja. Ìne ñaami ñajediro mani catirotire manire Ìsirügügãma.

²⁶ “Macarucuro ti ñaro cõrone jãjarã masa ñarütuaruarãma” yigu, rëmojure sigũne ãmure rujeosomasiñuju. Mani catirotirodorire, to yicõari, mani ñaroti sitare quẽne manire cùbosamasiñuju. ²⁷ “Ìabujayamagũ ñaboarine, yure ña sënijama, yure masiruãrãma ña” yigu, to bajiro manire rujeomasiñuju Ì. Sõju me ñaami. Ado mani rãcane ñacõagũmi. ²⁸ Ì suorine catiaja mani. Sigũri mu yarã ado bajiro ucamasiñuma ña: “Mani rucubuoogu yarã ñaja mani. To bajiri Ì rã ñaja mani”, yucamasiñuma. ²⁹ To bajiri, Dios rã ñari, “Orone, cõme vetane, gütane masare bajirã ña quẽnoriarã ùgũ ñagũmi mani rucubuoogu”, Ìre yituoĩabeticõato. Masa ña quẽnoboasema Diore bajiro bajise me ñaja ti. ³⁰ Tirãmujurema, “Ado bajirã ñarãma” ña masune yiquẽnorujeocõari, ña yirucubuoñasere bojabecu ñaboarine, rojose yibetimasiniumi Dios, “Ì bojabetire yirã yirãja mani” ña yimasibetijare. To bajiboarine yucurema, “Yu Ìavariquẽnabetire yitujacõari, yu bojasejuare yiya”, yami Dios, masa ñajedirore. ³¹ To bajiri, “Cojorãmã masa ña yisere riojo Ìabeserocure cùrucuja yu”, yimasiniuju Dios. To bajiro Ì yir'i ñari, adi macarucurojure ejacõari, Ì rijato bero Dios Ìre Ì catiore ñajare, “Masa ña yisere Ìabeserocu ñaami”, yimasire ñaja —Ìnare yigotiyuju Pablo.

³² “Bajirocacoaboarine quẽna tudicaticoasuju” Pablo Ì yigotisere ajicõari, Ìre ajayujarã ña, sigũri. To ña yirone, gãjerãjuama:

—To mu gotiserema, gajerũmu mure ajiruãrãja —Ìre yiyujarã ña.

³³ To bajise Ìre ña yijare, vacoasuju Pablo. ³⁴ Sigũri, Pablo Ì gotisere ajicõari, Jesúsre Ìre ajitirũnuoyujarã ña. Dionisio, Areõpago masu ñañuju Ì. To yicõari, Dãmaris vãme cutigo, gãjerã quẽne ñañujarã ña.

f 17:19 Areõpago vãme cutore rëjarügüriarã Areõpago vãme cutiyujarã.

18

Corinto vāme cūti macajū Pablo ī bajire queti

¹ To bajiro bero, Atenas macajū ñar'i, Corinto vāme cūti macajū va-coasuju Pablo. ² Toju ejacōari, Ponto sitajū ruyuar'i jud'io masū Aquila vāme cūtigūre īabūjayuju. Italia sitagū ujū Claudio vāme cūtigū, Roma vāme cūti macajūre jud'io masa īna ñasere bojabecu ñari, īnare varotiyuju ī. To ī yijare, Italiajū ñariarā, Corinto macajū ejayujarā īna, Aquila, ī manajo Priscila vāme cūtigo rāca. Īnare īabūjar'ī ñari, īna ya vijū Īnare īagū vasuju Pablo. ³ Vaibucurā gaserorine viri buarotire quēnocōari, vaja sēnirā ñañujarā īna. To bajiri Pablo quēne, tire moarūgūr'ī ñari, īna tujū ñacōari, īna rāca moañuju ī. ⁴ Īna rāca ñacōari, usūsājariarūmū ti ejaro Dios ocare īna buerivijū vacōari, jud'io masare, griego masare quēne, “Jesūs yere ajitirānūato” yigū, īnare gotimasiorūgūñuju Pablo.

⁵ Macedonia sitajū ñariarā, Pablo ī ñarōjūre Corinto macajūre ejayujarā Silas, Timoteo rāca. To bajiri īna ejaro bero, vaibucurā gaserorine viri buarotire ī quēnorūgūboarere yitūjacōari, tocārācarūmūne jud'io masare īnare gotimasiorūgūñuju. “Jesūne ñaami masa rojose īna tāmūoborotire īnare yirētobosacōari, rotimūorūgōrocū, Dios ī cōar'ī”, īnare yigotimasiorūgūñuju Pablo. ⁶ To bajiro īnare ī yigotiboajaquēne, ĩre ajiterā “Rojose yigū ñaami Pablo. Socagū ñaami”, yiyujarā īna. To bajiro ĩre īna yijare, “To cōrone mūare gotitujagū yaja” yigū, ī sudi sāñasere tūayayeyuju Pablo. To yicōari, ado bajiro īnare yiyuju:

—Jesūs suorine Dios quēnaro ī yisere mūare yū gotisere ajiterā ñari, suoye cūtiaja mūa. Yū suori me bajiruarāja mūa. To bajiri, jud'io masa mejūare mūare yū gotiboasere īnare gotiguacu yaja yū —īnare yigotiyuju Pablo.

⁷ To yigajanocōari, ti vi ñar'i, budicoasuju ī. Ti vi ture ñañuju Ticio Justo vāme cūtigū ya vi. Jud'io masū me ñaboarine, Diore ajirūcūbuogū ñañuju ī. To bajiri ī tū sājasuju Pablo. ⁸ Jud'io masa Dios ocare īna buerivi ujū Crispo vāme cūtigū, ī ya viana, to yicōari Corinto macana quēne, jājarā Pablo ī gotimasiosere ajicōari, “Jesūrācana ñaja yūa” yirā, oco rāca bautizarotiyujarā īna. ⁹ Cojo ñami Pablōre ruyuaīocōari, ado bajiro ĩre yiyuju Jesús, mani ujū:

—Gūibesa. Gūibecūne yū yere īnare gotimasīocōa ñañā. ¹⁰ Mū rācane ñaja yū. To bajiri mūre ñiacōari, rojose mūre yirocū maami. Adī macare jājarā ñaama yūre ajitirānūrā —Pablōre ĩre yigotiyuju Jesús. ¹¹ To bajiri cojo cūma jedī, gaje cūma gūdareco Corintojūre Dios ocare īnare gotimasīo ñañuju Pablo.

¹² Tirodore Acaya sita ujū ñañuju Galión vāme cūtigū. To bajiri Pablo ī gotimasīo ñarone, jud'io masa, ĩre ñiacōari, Galión tujū Pablōre ĩre āmiasujarā īna, “ ‘Rojose yigū ñañumi’ ĩre yato” yirā. ¹³ To ejacōari, ado bajiro Galiónre gotiyujarā īna:

—“Ado bajiro yūre yirūcūbuorūgūrūarāja mūa” Dios ī yicūmasire mere masare ūmato yirūgūami —ĩre yigotiyujarā īna.

¹⁴ To īna yijare, Pablo ī ñagōgūadone, ado bajiro īnare gotiyuju Galión:

—Rojose ī yire ti ñajama, “Rojose yigū yiyumi”, mūare yīajibogūja yū. ¹⁵ To bajiboarine mūa ñicūa īna yirūgūrere ī yijama, ī yibetijaquēne, no yibeaja, yūre. To bajiri no yigū ī yirere īacōiabecūja yū. Mūa masune tire oca quēnoña —īnare yiyuju Galión, jud'io masare.

16 To yigajanocōari, ĩnare budirotiyuju ĩ. 17 To ĩ yirā, budianane Dios ocare ĩna buerivi ʘju Sóstenes vāme cutigure ĩnare ũmato var'irene ĩnacōari, quēañujarā ĩna. To ĩna yiboajaquēne, “To yaja mʘa”, ĩnare yibeticōañuju Galión.

Antioqu'ia macajʘ tudiejacōari bero, Dios ocare Pablo ĩ tudigotigʘ vare queti

18 To bajiro bero, Corinto macajʘre yoaro ĩnacōañuju Pablo. To bajiñaboacu, Jesúre ajitirūnrāre vare goti, vacoasuju. Priscila so manajʘ Aquila quēne ĩ rāca vasujarā ĩna, Siria sitajʘ vana. Cencrea macajʘ ejacōari, “Tire yirʘcʘja yʘ” Diore ĩre yir'i ĩari, ĩ rʘjoa joare suarotiyuju Pablo. To bajiro ĩ yiro bero, cūmuane Efeso macajʘ vacoasujarā ĩna. 19 Ti macajʘ ejacōari, Priscila so manajʘ Aquila rāca to ĩna ĩnatoyene, jud'io masa Dios ocare ĩna buerivijʘ vasuju Pablo. Ti vi ejacōari, ĩnare gotimasioñuju ĩ. 20-21 To ĩ yirarone,

—Yʘa rāca yoarobʘsa ĩnacōañā —ĩre yiboayujarā ĩna.

To ĩna yijare,

—Mʘa rāca yoaro ĩnamasibeaja yʘ. Dios ĩ bojajama, quēna mʘare ĩagū vadirʘcʘja yʘ —ĩnare yiyuju.

To yicōari, ĩnare vare goti vacoasuju cūmuane, Cesarea macajʘ vacʘ. 22 Cesarea macare ejacōari, Jerusalénjʘ vacoasuju ĩ. To ejacōari, Jesúre ajitirūnrāre ĩnare quēnaroti gajanocōari, Antioqu'ia macajʘ vacoasuju. 23 Ti macajʘ ejacōari, yoaro ĩañuju. To bajiñaboacu, vacoasuju Galacia sitajʘre, to yicōari, Frigia sitajʘre quēne, Jesúre ajitirūnrāre “Bʘtobʘsa ajitirūnrūtuajaro” yigʘ, ĩnare goticudigʘacu.

Efeso macajʘre Apolos vāme cutigʘ ĩ gotimasioire queti

24 Tirodore Efeso macajʘ ejayuju jud'io masʘ, Apolos vāme cutigʘ. Alejandr'ia vāme cuti macajʘ ruyuar'i ĩañuju ĩ. Dios ocare masa ĩna ucamasirere quēnaro masigū ĩañuju ĩ. 25 “Jesús ĩañumi, ‘Rotimʘorʘgđrʘcʘmi’ yigʘ, Dios ĩ cōar'i” gājerā ĩna yigotimasior'i ĩañuju ĩ. “Rojose mʘa yisere yitʘjacōari, ‘Dios ĩ bojasejʘare yirʘarāja’ yirā, oco rāca bautizarotiya” Juan ĩ yire rĩne masiñuju ĩ. To bajiboarine, ĩ masiro cōro quēnaro gotimasio variquēnañuju. 26 Ti macajʘ ejacōari, Dios ocare ĩna buerivijʘre bojonebecʘne ĩnare gotimasioñuju ĩ. To bajiro ĩ yisere ajiyujarā ĩna, Priscila, so manajʘ rāca. Tire ajicōari, “Cojo vāme ĩre ruyaja” yirā, ricati ĩre jicāmotocōari, ĩre gotirēmoñujarā ĩna, Jesús ocare, to yicōari ĩ bajirere quēne. 27 ĩ gotimasiorotire ĩre ĩna gotirēmoro bero, Acaya sitana Jesúre ajitirūnrā ĩna ĩnarojʘ varʘa tʘoĩañuju Apolos. “To mʘ vajama, quēnamasucōaroja ti”, ĩre yiyujarā ĩna, Efeso vāme cuti macana Jesúre ajitirūnrā. To bajiri Acaya vāme cuti sitanare queti ĩnare ucacōañujarā ĩna, “Apolo mʘa tʘ ĩ ejaro, quēnaro ĩre bocaāmiña mʘa” yirā. To bajiri, Acayajʘre vacoasuju ĩ. To ejacōari, Dios ĩ ejarēmose rāca Jesúre ajitirūnrʘsʘriarāre ado bajiro ĩnare yirēmoñuju Apolos: 28 Quēnaro tʘoĩagū ĩari, masa ĩna ĩaro rĩjorojʘa, jud'io masa ĩna gotiboasere, “To bajiro me bajiaja” yigʘ, Dios oca masa ĩna ucamasirere gotiyuju ĩ.

—“Rotimʘorʘgđrʘcʘmi” yigʘ Dios ĩ cōar'i, ĩne ĩnaami Jesús —yigotimasioñuju ĩ.

Quēnaro ĩ gotimasiojare, “To bajiro me bajiaja”, yimasibesujarā jud'io masa.

19

Efeso vāme cuti macajū Pablo ī bajire queti

¹ Corinto vāme cuti macajū Apolos ī űatoyene, Pablojūa gūtayucu vatoaju űarimacarire rētoacōari, Efesoju ejayuju. Toju ejacōari, Jesūre ajitirūnarāre sīgūrire ĩnare bujajuju Pablo. ² ĩnare bujacōari, ado bajiro ĩnare sēniĭaĭuju: —Jesūre ĩre mūa ajitirūnasuoriju, ĩDios ĩ cōagū Esp'iritu Santo mūare ejacati? —ĩnare yiyuju.

To ĩ yisere ajicōari,

—ĩNimū űati Dios ĩ cōagū Esp'iritu Santo mū yigūma? ĩre masibeaja yūa —ĩre yicūdiyujarā ĩna.

³ To ĩna yisere ajicōari,

—ĩNie űnire yirā, oco rāca bautizaroticati mūa? —ĩnare yisēniĭaĭuju Pablo.

To ĩ yisere ajicōari,

—Juan ĩ yirere yirā, oco rāca bautizaroticaju yūa —ĩre yicūdiyujarā ĩna.

⁴ To bajiro ĩna yijare,

—“Rojose yirūabeaja yūa. Dios ĩ bojasejūare yirūarāja yūa” yirāre ĩnare bautizayuju Juan. To yicōari, “Yū bero ejarocure ĩre ajitirūnūma mūa”, ĩnare yigotiyuju ĩ, Jesūs ĩ ejarotire yigū —ĩnare yigotiyuju Pablo.

⁵ To yicōari Jesūs ĩ gotimasiorere, ĩ bajirere quēne ĩnare gotiyuju Pablo. Tire ajicōari, “Manire rijabosayumi Jesūs mani űm. To bajiri ĩ rācana űaja yūa” ĩre ĩna yiajitirūnūsojare, oco rāca ĩnare bautizayuju Pablo. ⁶ To yigajanocōari, ĩ āmori rāca ĩnare ĩ űujeorone, Esp'iritu Santo ĩnare ejayuju. To ĩnare ĩ bajirone, ajiyamani oca űagōñujarā ĩna. To yicōari, Diore ĩre gotirētobosayujarā ĩna. ⁷ Juāāmo cōro, gūbo juā jēnitarirācū űaĭujarā ĩna.

⁸ Jud'io masa Dios ocare ĩna bueriviju tūoĭagūibecūne idiarā muijua ado bajiro ĩnare gotimasio űaĭuju Pablo:

—Jesūne űaami “Rotimūorūgōrūcūmi” yigū, Dios ĩ cōar'i. ĩre ajitirūnarāre, “Yū rācana űaama” ĩnare yĭlavariquēnaami Dios —ĩnare yigotirūgūñuju.

⁹ To bajiro ĩnare ĩ yigotiboajaquēne, sīgūri ĩre ajitecoasujarā ĩna. To bajiri, “Jesūs yere ajitirūnū sūyare socase űaja”, yigotiyujarā ĩna, ti vi rējarāre. To bajiro ĩna yijare, Tirano vāme cutigū ya vi, bueriviju Jesūs yere ajitirūnarāre ĩnare űmato vacōari, tocārācarūmūne ĩnare gotimasiorūgūñuju Pablo. ¹⁰ Juā cāma ĩnare gotimasio űaĭuju ĩ. To bajiri Asia sitana, jud'io masa, to yicōari griego masa quēne, mani űm Jesūs ĩ bajirere to yicōari, ĩ gotimasiorere Pablo ĩ gotisere ajjedicoasujarā ĩna. ¹¹ Tirodore ĩaĭaĭamanire Dios ĩ masise rāca yĭoñuju Pablo. ¹² To bajiri, Pablo ĩ masine rijaye cutirāre ĩ moaĭagū vabetiboajaquēne, sudi joeaye, to yicōari ĩna rajoa siariarorine Pablore ĩre moaĭaroticōari, juacoarūgūñujarā rijaye cutirā tūju. Tire ĩna juaejasere moaĭarāne, caticoarūgūñujarā. Masa űsūrijū sāñarā vātia quēne, budicoarūgūñujarā.

Masū űsūju sāñagūre vātire, “Budiya”, Esceva rā ĩna yiiboare

¹³ Masa űsūrijū sāñarāre vātiare bureacōari, vaja sēnicudirimasa űaĭujarā ĩna, ĩaĭaĭamanire Pablo ĩ yĭorirodore. To yirūgūriarā űari, “ Jesūs ĩ rotise rāca yaja yūa’ mani yijama, quēnaro manire cūdirūarāma vātia”, gāmerā yiyujarā ĩna. To yirā űari, “Pablo masare ĩ gotimasiorūgūgū, Jesūs ĩ rotise rāca budiya”, yirūgūñujarā ĩna, masa űsūrijū sāñarāre vātiare.

14 To bajiro yirügũñujarã jud'io masu paia uju ñamasugũ Esceva vãme cutigu rĩa. Cojomo cõro, jua jënituarirãcu ñañujarã ña. 15-16 To bajiro yirügũriarã ñari, vãti sãñagũ ñarivijure sãjaecõari, “Jesús ñ rotise rãca budiya”, yiboayujarã, masu usuju sãñagũre vãtire. To ña yirone,

—Jesúrema masiaja yu. Pablore quẽne ñre masiaja. To bajiboarine m̃arema masibeaja —ñare yicõañuju vãti. To yigũne, —ñare quẽaña m̃u —yiyuju vãti, ñ sãñagũre.

To ñ yijare, ñare quẽacõari, ñna sudire voreajeocõañuju. To ñ yiriarã, cãmironi cuticõari, sudi manane, ñmabudicoasujarã, ñre rudiana. 17 Efeso macana, jud'io masa, to yicõari griego masa quẽne, to bajiro Esceva rĩa ñna yiecorere ajicõari, buto güiyujarã ñna. To yicõari, Jesús yere ñna gotijama, rucubuose rãca gotiyujarã ñna.

18 To yicõari, Jesúre ajitirũnarã, Dios ñ bojabetire ñna yirügũrere masa ñna ajiro rĩjorojua gotirã ejayujarã ñna, “Tire tudiyibetiruarãja yua” yirã. 19 “Gãjerã rëtoro masirã ñaja yua” yirã, ñaãñamani yĩorimasa, ñna ucariatutirire buerã ñañujarã gãjerãma. To bajiri ñna buerügũriatutirire juadicõari, soereayujarã ñna, masa ñna ñaro rĩjorojua. Cincuenta mil ñaritiiri cõro vaja cuti ñañuju titutiri. 20 To bajiri, Jesús yere ajitirũnarã jãjarãbusa ñarũtuasujarã ñna.

21 To bajiro ti bajiro bero, ado bajiro yiyuju Pablo: “Macedonia sitanare, Acaya sitanare ñacudigu varocu ñagũja yu. To bajigũne, Jerusalén macajure ejacoarucuja yu. Ti macajure ñacõari, Roma vãme cuti macajure quẽne ejacoarucuja yu”, yitũoĩañuju Pablo. 22 To bajiro yitũoĩagũ ñari, Macedonia sitajure ñ varoto rĩjoro, ñre ejarẽmorãre, Erasto, to yicõari, Timoteore ñare cõañuju ñ. Ñjuaama, Asia sitajure ñacõañuju maji.

Efeso macagu Demetrio vãme cutigu, Jesúre ajitirũnarãre rojose ñ yirũare queti

23 Tirodore Jesús yere ajitirũnumena, Jesús yere ajitirũnarãjuaare buto jũnisiniñujarã, Efeso macana rĩne ñaboarine. 24 Demetrio vãme cutigu ñañuju. Masore bajigo ñagõre ñna quẽnorio Artemisa vãme cutigore ñna rucubũorivire bajiriviriaca cõme botisene quẽnocõari ñsigũ ñañuju ñ. Gãjerã quẽne, ñ quẽnose ñnire quẽnorimasa ñañujarã ñna. Tire quẽnorã ñari, tire ñsicõari, jairo gãjoa bũjarügũñujarã ñna. 25 Ñre bajiro moare cutirãre, to yicõari ñre moabosarimasare quẽne jirẽoñuju Demetrio. Ñ tu ñna ejarone, ado bajiro ñare gotiyuju ñ:

—Mani moase jairo vaja cutiaja ti. Tire manire ñna moarotibetijama, ñne mana ñaruarãja mani. Tire masiaja m̃ua. 26 Pablo ñ gotirügũsere ajirügũaja mani. “Masa ñna quẽnorãma, rucubũoriarã me ñaama”, yigotirügũami. To bajiro ñ gotisere ajitirũnarã, adi macana rĩne ñabeama. Asia sita ñaro cõrone ñarãma, ñ gotisere ajitirũnarã. 27 To bajiro ñ yigoticõa ñajama, mani quẽnosere vaja yibeticõari, Artemisare sore rucubũorã ñna ejarügũrivijure ejabetiruarãma ñna. To yicõari, Asia sitana jediro, adi macarucuro ñarã jediro, sore rucubũoboariarã sore rucubũobetiruarãma yuja —ñare yigotiyuju Demetrio.

28 To bajiro ñare ñ gotijare, ajijũnisinicõari, ado bajiro avasãñujarã ñna:

—Mani ya maca, Efeso vãme cuti macago ñaamo Artemisa. Ñamasugõ ñaamo —yivasãñujarã ñna.

29 To bajiro ñna yivasã ñarone, jãjarãbusa ñna tũjare rëjacõari avasãrẽmoñujarã ñna. To yĩnarãne sĩgũ ñ tuõiarore bajiro tuõiacõari, Gayore,

Aristarcore quēne ĩnare ñejeñujarã. Macedonia sitana ñañujarã ĩna, Pablo rãcana. ĩnare ñejeçõari, ti macana ñajediro ĩna rējarũgũriarõjũ ĩnare juaásujarã ĩna. ³⁰ “ĩna rējarõjũ ĩnare juacoasujarã” ĩna yisere ajicõari,

—ĩnare juavariarãre ñagõgũ vacũ yaja —yiboayuju Pablo.

To ĩ yisere ajicõari, ĩre varotibesujarã gãjerã Jesũre ajitirũnarãjua. ³¹ Gãjerã Pablo babarã, Asia sitana ujarã sũgũri, ti macare ejariarã, “Tojũre vabeticõato” Pablõre ĩre yire queti cõañujarã, “ĩre ñiaroma” yirã. ³² Tojũre rējarã, rujajine tuoĩamecũcõañujarã ĩna. To bajiri, no ĩna bojarone ricatiri rĩne avasãcõa ñañujarã ĩna. “Tire yirã rējamũ mani”, yimasibeticõañujarã. ³³ To bajiro ĩna yĩnarone, “Yũare ñagõbosaya; manire quēne rojose yiroma ĩna” yirã, ĩna yũ Alejandro vãme cutĩgũre ĩre turocavioyujarã jud'io masa. To ĩna yijare, “Avasãtũjaya” yigũ, ĩ ãmo rãca vãre vãre yiboayuju. ³⁴ To bajiro ĩ yiboajaquēne, “Jud'io masũne ñaami ĩ quēne” ĩre yĩamasicõari, jua hora cõro, ĩna jedirone avasãjedicõañujarã ĩna.

—Mani ya maca, Efeso vãme cuti macago ñaamo Artemisa. Ñamasugõ ñaamo —yĩavasã ñañujarã ĩna.

³⁵ To ĩna yĩnarone, ti macana uju,

—To cõrone avasãtũjaya —ĩnare yiyuju.

ĩna avasãtũjarone ado bajiro ĩnare gotiyuju:

—Ajiya mũa, adi macana: Masa jedirone, “Artemisare sore rũcũbũoriavire, to yicõari, õ vecajũ quedirujĩadiriãjũre sore bajigo ruyurijũ, masa ĩna rũcũbũorijũre coderimasa ñaama”, manire yimasiamã ĩna. ³⁶ To bajiro ĩna yĩñajare, rujajine yibesa. Quēnaro tuoĩacõari yiyũ. ³⁷ Mani rũcũbũogore rujajine sore ĩna yibetiboajaquēne, to yicõari rũcũbũoriaviayere ĩna juarudibetiboajaquēne, ãnoare ĩnare ñejeayuja mũa. ³⁸ Demetrio, to yicõari, ĩ quēnose ũnire quēnorimasa quēne, “Rojose yũare yama” ĩna yirũajama, masa ĩna yisere ĩacõĩarimasa tũjũre vajaro. ĩna ñaama, tire yirimasama. ³⁹ Gaje vãme mũa ñagõrũa tuoĩajama, ujarã ĩna rējarõjũ vacõari, quēnaro tire gotiroti ñaja. ⁴⁰ “¿No yirã rujajine yimasiri mũa?”, manire yisēĩĩarãma romano masa, mũa avasãcõa ñajama. To bajiro manire ĩna yisēĩĩarone, “To bajiro ti bajijare, yibũ yũa”, ĩnare yigotimasibetirũarãja mani. To bajiri, “Rujajine mũa yicudire vaja, rojose tãtũorũarãja mũa” manire yiroma —ĩnare yiyuju uju. ⁴¹ To yigotigajanocõari, —Mũa ya virijũ tudiasa —ĩnare yiyuju ĩ.

20

Macedonia sitanare, Grecia sitanare quēne Pablo ĩ goticudire

¹ To bajiro ĩna yiriaro bero, “Ado bajiro ñarũarãja mũa” ĩnare yigotirũ, Jesũre ajitirũnarãre ĩnare jirẽoñuju Pablo. To yigajanocõari, ĩnare vare goti, vacoasuju ĩ, Macedonia sitajũ vacũ. ² Ti sitajũ ejacõari, Jesũre ajitirũnarãre, bũtõbũsa ĩre ĩna ajitirũnũrotire ĩnare goticudiyuju. To yicõari, Grecia sitajũ vacoasuju ĩ. ³ Ti sitajũ ejacõari, idiarã muijua ñañuju ĩ. To bajĩñaboa, Siria sitajũre varũaboayuju. Jud'io masa ĩre ĩna sũarũasere ajicõari, vabesuju. To bajiri, “Macedonia sitare rētoarũcũja yũ, Efeso macajũ vacũ”, yĩtũoĩañuju Pablo. ⁴ ĩre baba cuti vacana ado bajiro vãme cutirã ñacama ĩna: Berea vãme cuti macagũ, Pirro macũ Sõpater vãme cutigũ ñacami. To bajicõari, Segundo, Aristarco ñacama Tesalõnica macana.

Derbe vāme cūti macagū Gayo quēne ñacami. T'iquico, Tróximo, to yicōari, Timoteo ñacama ñna Asia sitana.^h ⁵ Troas vāme cūti macajū vana, yua rījoro vacoacama ñna, tojū yuare yuroana. ⁶ Boserūmū pan ūmato vauvase vuoayamani bariarūmūri bero, vacajū yua, Filipos vāme cūti macajū. Ti maca ñariarā, Troas macajūare vana, cojomocārācarūmū bero, ejacajū yua, ti macajūre. Ti macajū yuare yuyuma rījoro vacana. ñna rāca cojomo cōro, jua jēnituarirūmūri ñacajū yua.

Troas macanare Jesúre ajitirūnūrāre Pablo ī gotire queti

⁷ Sábado rāiorijū rējacajū yua, Jesúre ajitirūnūrā. “Yū rijato bero, mūare yū rijabosarere tūoīarā, uye ocore idi, to yicōari, pan ba, yirūgūuarāja mūa” Jesús ī yiroticūre ñajare, tire yiruarā rējacajū yua. Yua baroto rījoro, Jesús ocare ñnare gotimasiocami Pablo. Busurijū varocu ñari, goticōa ñacami. Ī gotiñaro rīne, ñami gūdareco ejacoacajū. ⁸ Idiatuti cūtivi ñacajū yua rējacativi. To bajiri tūsaritutiūre ñacajū yua. Jairo sīabusore ñacajū ti. ⁹ Mame būsuaḡ Eutico vāme cūtiḡ, yua rāca ñacami. Īburiasojejūre rujičōari, cānijuriarujicami. To bajica yigū, quedijsācoacami. To bajiri rijar'ire tūavūmūoboa yicōacama. ¹⁰ To ñna yisere ĩacōari, rujiadicami Pablo. Rujiejacōari, ĩre tūavūmūogūne, jabariocami. To yigūne,

—Īaucabeticōaña. Rijayayibeami —yuare yicami.

¹¹ To yicōari, mūjacoacami quēna. Jesús ī rijabosarere tūoīagū, bare ūmato bacami. To yicōa, gotirūtuacūne gotibusuocoacami. To ī yigajano bero, vacoacajū yua. ¹² Ti macana, variquēnarāne Euticore ĩre tūacoacama ñna, Pablo ī catior'ire.

Mileto macajūre Pablo ī vare queti

¹³ Maane Pablo ī varoto rījoro, cūmuane Aso macajū vacajū yua, “Tojū yūre sāruarāja mūa” ī yijare. ¹⁴ Aso macajū yua ejaro bero, maajū vadicōari, ejacami. Ī ejaro bero, Mitilene vāme cūti macajū ĩre sāvacajū yua. ¹⁵ Ti macajū yua ejabusuocatirūmūre Qu'io vāme cūtiyoa cānamūñarore ejacajū yua. Gajerūmū, Samos vāme cūtiyoajū ejacajū yua. Gajerūmū vana, Mileto vāme cūti macajū ejacajū yua. ¹⁶ Asia sitajūre yoaro ñnarūabecu ñari, “Efeso macare rētocoaruarāja mani”, yicami Pablo. Jerusalénjūre Pentecostés boserūmū rījoro ejaruagū ñari, guaro varuacami.

Efeso macanare Jesúre ajitirūnūrāre Pablo ī gotimū sare queti

¹⁷ Mileto macajūre ñacōari, Efeso macana Jesúre ajitirūnūrāre ūmato ñnarē jigū, ñnare ucacōacami Pablo. ¹⁸ Ī jicōarā ñna ejaro, ado bajiro ñnare goticami Pablo:

—Mūa tūjū ejasuogū, quēnaro yū yirūgūcatire bajirone yū yicōa ñasere masiaja mūa. ¹⁹ Mani ūjū Jesús ī bojasere yū yijama, yū masune tūoīacōari, yigū me yirūgūcājū yū. Yū yarā jud'io masa yūre ñna sīaruajare, buto rojose tāmūocajū yū. Cojo vāme me rojose tāmūocōari, otirūgūcājū yū. ²⁰ Mūa rējarivirijū, to yicōari mūa ya virijūre quēne, yūre ñna sīaruasere gūibecu, mūare ejarēmōru, yū masiro cōro Dios ocare mūare gotimasiorūgūcājū yū. ²¹ Jud'io masare, to yicōari, jud'io masa me ñnarē quēne, “Rojose mūa yisere yitūjacōari, ‘Dios ī bojasejūare yiruarāja. To yicōari, mani ūjū Jesucristo ī rijabosare suorine rojose yua yisere Dios ī masiriojare, ī rāca

^h 20:4 Macedonia sitajū ñacōari, Pablo rācanare ĩari ñari, “Adocārācu ñacama”, yiucauyumi Lucas. To yicōari, ī rāca varī ñari, “Bajicajū yua”, yiucauyumi.

quēnaro ñaja yua' yituoñaña", muare yigotirügũcaju yu. ²² Esp'iritu Santo yure i rotise rāca, Jerusalén macaju vacu bajaia yu. Toju yure bajirotire masibetiboarine, bajaia yu. ²³ To bajiboarine masiaja yu, bajigujuma. Tocārāca macari yu ejaro, Esp'iritu Santo ado bajise yure gotirügũami: "Tubibe ecorũcya mu. To yicōari, gajeye rojose tãmuorũcya mu", yure yigotirügũami. ²⁴ Tire tũoĩaboarine, yu bajirotire güibeaja yu. Ñamasuse me ñaja ti. Ado bajisejua ñaja ñamasuse: Masare Dios i maisere quēnase quetire mani uju Jesús yure i gotiroticatire tire yijeocōaruaja yu.

²⁵ Dios i bojarore bajiro Jesúre ajitirũnarere muare gotimasio gajanocōaja yu. To bajiri yure tudĩibetiruarāja mua. ²⁶⁻²⁷ Quēnaro yure ajiya mua: Güibecane, jediro Dios i bojaro cōrone muare gotijeocōacaju yu. To bajiri, "Pablo, quēnaro yuare i gotibeticati suori rojose tãmuoaja yua", yibetiruarāja mua. ²⁸ "Rojosere yibetiruarāja", yituoĩacōa ñarügũruarāja mua. Mua rācanare ñe ajitirũnarē ñare rijabosayumi Jesús, "Yu yarā ñaama' yĩĩato Dios" yigu. To bajiri, Esp'iritu Santo muare i roticũriarore bajirone quēnaro ñare ũmato ñarügũruarāja mua. ²⁹ Yu vaveoro bero ejaruarāma gājerā, "Diore gotirētobosarimasa ñaja yua" yitorimasa. Mua ñaro vatoajure ejacōari, ña gotitose suorine Jesúre ajitirũnu tujacōari, rojose tãmuorũarāma mua rācana. ³⁰ Mua quēne, Jesúre ajitirũnarē ũmato ñarā ñaboarine, "To bajiro me bajaia. Ado ñajirojua bajaia ti", yisocaruarāja mua sigũri, "Yujare ajisuyato ña" yirā. ³¹ To bajiro bajiroti ti ñajare, "Rojose yibetiruarāja", yituoĩacōa ñarügũruarāja mua. Tocārācurene, idia cūma tire muare gotirügũcaju yu, ũmuari, to yicōari ñamire quēne. Tire muare gotiñagũne, sigũri mua bajirotire tũoĩacōari, cojoi me otisutiritirügũcaju yu.

³² To bajiro muare yirügũcacu ñari, "Ñare ñatirũnuña", yisēniaja yu, Diore. Muare ñamaicōari, quēnaro Dios i yisere, to yicōari muare yu gotimasioicatire quēne tire masiritibetiruarāja mua. Tire mua masiritibetijama, Jesúre butobusa ajitirũnurũtuaruarāja mua. To yicōari, Dios rĩa ñari, mua rijato beroju i gotiriarore bajirone i ñarojare quēnaseayere bujaruarāja mua. ³³ Dirũmu ũnone gājerā ña cūsore gājoare, sudire ñare sēnigōjanabobetirügũcaju yu. ³⁴ Yu masu moacōari, yu bojasere, yu rācana ña bojasere quēne tire vaja yirügũcaju yu. Tire masiaja mua. ³⁵ To bajiro yu yijama, "Mani bojasere, to yicōari, maioro bajirā ña bojasere ñare vaja yĩisiruarā, quēnaro moarügũroti ñaja" yigu, yicaju yu. Ti ũnire ado bajiro manire gotimasioñuju mani uju Jesucristo: "Iisecocōari, i variquēnaro rētoro variquēnagũmi gājerāre i Isijama", manire yigotiyuju Cristo. To bajiri, tire masiritibeticōaña mua —ñare yigoticami Pablo, Efesoana Jesúre ajitirũnarē ũmato ñarāre.

³⁶ To bajiro ñare yigotigajanocōari, ña rāca gasomuniari tuetucōari, "Diore sēnito mani", ñare yicami Pablo. ³⁷ To i yigajanoro bero, otirāne Pablora ñe jabario, usu, yicama ña. ³⁸ "Yure tudĩibetiruarāja mua" i yijare, buto sutiriticama ña. To bajirā ñari, cūmua yua vasājavatoju yuare ñasuyaejocama ña.

21

Jerusalénjare Pablo i vare queti

¹ Ñare vare gotigajano, vasāja, vacoacaju yua, Cos vāme cutiyojaju. Gajerũmu vana, Rodas vāme cutiyojaju ejacaju yua. Tiyoare rētoanane,

Pátara macajũ ejacajũ yua. ² “Fenicia sitajũre vana yaja”, yicama. To bajiri ña vatiane ña rãca vacoacajũ yua. ³ To bajivana, Chipre vãme cutiyoare ñacajũ yua. To bajiri, tiyoa visarore vacajũ. To baji rëtoanane, Siria sitajũ ejacajũ. Ti sita ñarimaca, Tiro vãme cuti macajũ rocatuejacõari, gajeyeũni cũcama ña. ⁴ Tone tujacajũ yua quẽne. To bajiri toanare Jesũre ajitirũnurãre ñabujacõari, cojomo cõro jua jẽnituarirũmuri ñacajũ yua, ña rãca. To yua bajiñaro Esp'iritu Santo Pablo ñ bajirotire ñare ñ gotirere masirã ñari, “Jerusalénjũre vabeticõaña mu”, ñre yiboacama ña. ⁵ To ña yiboajaquẽne, vacoacajũ yua quẽna. ña manajoa, ña rĩa, jediro yuare ñasuyarã vadicama ña. ña rãca jabuajũ rojaejacõari, gusomuniari tuetucõari, Diore sënicaajũ yua. ⁶ Diore sënigajanocõari, ñare vare goti, vasãja, vacoacajũ yua. ña quẽne, ña ya virijũ tudicoacama.

⁷ Tiro variarã, Tolemaida vãme cuti macajũ ejacajũ yua. To ejacõari, Jesũre ajitirũnurãre ñabujacajũ yua. To bajiri ña rãca cojorũmu ñacajũ. ⁸ Gajerũmu Cesarea vãme cuti macajũ vacajũ yua. To ejacõari, Felipe ya vijũ vacajũ. Jesũs ñ bajirere gotimasiogũ ñacami Felipe. Jerusalén macana Jesũre ajitirũnurãre, “Bare batoato” yirã ña beseriarã rãcagũ ñacami. ⁹ Babaricãrãco rĩa rõmiri cuticami. Manajua mana ñacama. Diore gotirëtohosarimasa rõmiri ñacama ña. ¹⁰ Yoaro ñ tu ñacõacajũ yua. To yua bajiñaro, Agabo vãme cutigũ ejacami. Judea sitagũ Diore gotirëtohosarimasa ñacami. ¹¹ Yua tu sãjaejacõari, Pablo ñ vëñarigaserore tãaveaãmicami. To yicõari, ñ ãmorire, ñ guborire quẽne siacami, ti gaserone. To yigũne, ado bajiro yicami:

—Esp'iritu Santo ado bajiro yuare gotiami: “Yũ ãmori, yũ gubori yũ siarore bajiro Pablore ñre siaruarãma ña jud'io masa, Jerusalén macana. ñre siacõari, jud'io masa me ñarãre ñsiruarãma”, yuare yigotiami Esp'iritu Santo —yuare yigoticami Agabo.

¹² To ñ yisere ajicõari, Cesarea macana, yua quẽne, Jerusalénjũre Pablore ñre varotibetiboacajũ. ¹³ To yua yirone, ado bajiro yuare yicami:

—¿No yirã otiami mu? Yuare yisãtiriobeticõaña. Jesũre ajitirũnugũ yũ ñajare, jud'io masa Jerusalén macana yuare ña siajama, ña sãjaquẽne quẽnacõaruaroja. To bajirone mani uju Jesũs ñ bojjajama, “To bajirone bajiato”, yaja yũ —yuare yicami Pablo.

¹⁴ To bajiro yuare ñ yicãdjare, “Vabesa”, ñre yibeticajũ yua.

—Dios ñ bojarore bajiro bajiya mu —ñre yicõacajũ yua yuja.

¹⁵ Tijũ bero, yua gajeyeũnire quẽnosã, Jerusalénjũ vacoacajũ yua. ¹⁶ Sīgãri Cesarea macana Jesũre ajitirũnurã, yuare ñmato vacama, Chipreagũ, Mnasón vãme cutigũ ya vijũ. Tojũ yuare cũ, tudicama ña, “Ñ ya vijũ cãniato” yirã. Tirũmujũne Jesũre ajitirũnugũ ñacoayumi Mnasón.

Santiago Pablo ñ tagũ vare queti

¹⁷ Jerusalénjũre yua ejato, toana Jesũre ajitirũnurã, variquẽnase rãca yuare sënica ña. ¹⁸ Gajerũmu yua rãca vacami Pablo, Santiago ya vijũre. To ñañuma Jesũre ajitirũnurãre ñmato ñarã jedirone. ¹⁹ To bajiri ñare quẽnaroti gajanocõari, ñ gotimasiore Dios ñ ejarẽmose rãca jud'io masa me ñarã Jesũre ña ajitirũnurere ñare gotijeocõacami Pablo. ²⁰ To bajiro ñare ñ yisere ajicõari, “Dios sũorine to bajiro yiyumi Pablo” yirã ñari, Diore yirũcũbuo variquẽnacama ña. To yigajanocõari, Pablore ado bajiro ñre goticama ña:

—Adojure jājarā masu ñacōama jud'io masa, Jesúre ajitirānarā. To bajirā ñaboarine, “Moisés ñamasir'ire Dios ī roticūmasirere quēne yicōa ñarūgūroti ñaja ti” yirā rīne ñacōama ĩna. ²¹ To yicōari, ado bajiro mu yirūgūrere yuare gotirūgūama: Jud'io masa, gaje sitajū ñarāre, “Moisére Dios ī roticūmasiboarere tire yibeticōato mani. Rīamasare quēne ĩnare circuncisión yibeticōato mani. Mani ñicua ĩna yisuoadimasirere quēne tire yibeticōato mani” ĩnare mu yirūgūrere ajicōari, yuare gotirūgūama — ĩre yicama, Pablore.

²² —Mure jūnisinirā ñari, mu ejasere ajicōari, ejaruarāma ĩna. To bajiri, ¿no bajiro yiruarāda mani? ²³ Ado bajiro yirucūja mu: Adore babaricārācu ũmua ñaama ĩna, “Tire yiruarāja yua” Diore ĩre yiriarā. ²⁴ Diore yirucūbūoriavijure ĩna rāca vaja mu. Ti vijū ejacōari, ĩna yirore bajiro yiba. “‘Tire yiruarāja’ yicōari, yua yibetirere masirioya Dios” yirā, ĩre ĩna soemūosere, to yicōari, ĩna joare ĩna suarotisere ĩnare vaja yibosaba mu. To bajiro mu yijama, “Socarō bajiyuja ti. Moisés ñamasir'ire Dios ī roticūmasirere cudigū ñaami ī quēne”, mure yiruarāma ĩna, jud'io masa, mani yarā. ²⁵ Jud'io masa me ñaboarine, Jesúre ajitirānarājūare adocārāca vāmene ĩnare roticajū mani: “‘Ado bajirā ñarāma’ ĩna masune yiquēnorujeocōari, ĩna rūcūbūorā tujure vaibucurāre sīacōari, mojoroaca ĩna tujū cūrāma. Tire babesa mūa. Manajo cutirā, manajū cutirā, manajo mana, manajū mana quēne, gājerā rāca ajeriarā cutibesa. Vaibucurā mūa sīariarāre ĩna ri'ire yireamenane, babesa”, ĩnare yicajū mani —Pablore ĩre yigoticama ĩna, Santiago ya vijū ñacana.

Diore yirucūbūoriavijū ñagūre Pablore ĩna ñiare queti

²⁶ To bajiri, gajerāmū Diore yirucūbūoriavijū ĩna rāca vacami Pablo. To ejacōari, “‘‘Tire yiruarāja’ yuare mūa yicatore bajiro mūa yibetire mūare masirioaja yu’ manire yato Dios” yirā, ī babarā ĩna yirore bajiro yiyuju ī quēne. To yigajanocōari, paia tujū sājasuju, Diore yirucūbūoriavijū. “Vaibucurā ĩna soemūorotirūmū ti ejaro vadirucūja yu, ĩna soemūose vaja ĩnare vaja yibosagu”, yigotigūnacū bajiyuju ī.

²⁷ To yir'i ñari, cojomo cōro, jua jēnituarirūmū ti ejaroto rījoro, vasuju Pablo, Diore yirucūbūoriavijū. Ti vijū ñagūre ĩre ĩañujarā jud'io masa Asia sita vadiriarā. ĩre ĩacōari, “Rojose yirūgūr'i ñaami”, masare yigotiyujarā, “Pablore jūnisiniato” yirā. To ĩna yijare, ĩre jūnisinicōari, “ĩre ñiato mani”, yūmasujarā ĩna. ²⁸ To yicōari, ado bajiro avasāñujarā ĩna:

—Israel ñamasir'i jānerabatia, yuare ejarēmōrā vayá. Rojose yigū ñaami āni. “Manire ĩateato” yigū, masa ñaro cōrone gotimasiocudirūgūami. To bajiro ī yirā ñari, Moisére Dios ī roticūmasiboarere, to yicōari, Diore yirucūbūoriavire rucūbuobeama. To bajise ĩnare gotirūgūr'i ñari, Diore yirucūbūoriavire rucūbuobecu, griego masare ĩnare ũmato sājāñumi — masare yiavasā gotiyujarā ĩna, Pablore ĩre jūnisinirā.

²⁹ Efeso macajū vadir'i, griego masu, Trófimo vāme cutigū rāca Pablo ī ñarore ĩre ĩañujarā ĩna. To bajiri, “Diore yirucūbūoriavijū ĩre ũmato sājārimi Pablo” yitūoñarā ñari, to bajise yiyujarā ĩna.

³⁰ “Rojose yiyumi Pablo” ĩna yisocasere ajicōari, Jerusalén macana ñajedirone buto jūnisinirā ñari, avasā ũmarējañujarā ĩna, Pablore ñiaroana. ĩre ñiacōari, Diore yirucūbūoriavijū ñagūre ĩre vejabudiasujarā ĩna, ĩre sīaroana. ĩre vejabudianane, ti vi sojere tubibe, yicoasujarā ĩna. ³¹ Pablore

sīaroana ĩna yiñarirīmarone, romano masu surara ujure queti ejayuju, jūnisinirā, masa ĩna avasāñase. ³² To bajiri, surarare jirēocōari ĩnare ūmato vasuju, Pablora ĩna jañarojura. ĩna vado ĩacōari, ĩre jatujacōañujarā ĩna. ³³ Surara uju, ejacōari ĩre ñiañuju. To yicōari, “Cōmemarine ĩre siaya”, yiyuju, ĩ surarare. To yicōari, “¿Ñimū ñati ĩ? ¿No bajise rojose mware yiri?”, ĩnare yisēniñañuju ĩ, Pablora jūnisinirāre. ³⁴ To ĩ yisēniñasere ajicōari, jājarā ĩre ĩna cūdimavisiocōajare, “To bajiro rojose yiyumi”, yiajimasibeticōañuju surara uju. Tire ajimasibeticōari, “Mani ñarivijū ĩre āmicoaya”, yiyuju, ĩ surarare. ³⁵⁻³⁶ To bajiri Pablora ñiacōari, ĩna ñarivi mūjariaju tujū ĩre āmiejayujarā. To ĩre ĩna āmiejagure “Pablora sīaña” yivasācōari, butobusa ĩre jayujarā. To ĩna yijare, ĩre āmimūjasujarā, ĩna ñarivijū.

ĩre sīaruarāre Pablo ĩ ñagōre queti

³⁷ ĩre ĩna āmisājaroadone,

—Mū rāca ñagōruaja yū —surara ujure ĩre yiyuju Pablo, griego oca rāca. To ĩ yirone,

—¿Griego ocare ñagōmasiatique mū? ³⁸ “Egipto sitaju ñar'i, adi sitare ejacōari, ‘Gobierno ĩ rotiboasere cūdibeticōari, manī masune rotirāsa’ ĩnare ūmato yicōari, sīarimasa cuatro mil ñarāre yucū manojū ĩnare ūmato var'i ñagūmi”, mure yitūoĭaboabu yū —Pablora ĩre yiyuju surara uju.

³⁹ To ĩ yisere ajicōari, ado bajiro ĩre cūdiyuju Pablo:

—Jud'io masu ñaja yū, Cilicia sita ñarimaca Tarso vāme cūti macagu. To bajiri, ānoa yure jūnisinirā rāca ñagōruaja yū —ĩre yiyuju Pablo.

⁴⁰ To ĩ yijare, ĩre ñagōrotiyuju surara uju. To cōrone Pablojū, mūjariarojura rūgōcōari, ĩ āmone ñumūoñuju, “Ñagōbesa mūa” yigū. To ĩ yirone, ñagōtūjacoa būsayujarā. To bajiri, hebreo oca rāca ado bajiro ĩnare ñagōñuju Pablo:

22

¹ —Yū yarā, to yicōari, yū jacuare bajiro bajirā yure ajiya: “Rojose yibesumi” yure mūa yimasirotire yigū mware gotiguagu yaja yū —ĩnare yiyuju Pablo.

² ĩna oca rāca ĩnare ĩ ñagōjare, ĩre ajiruarā, ĩna jedirone ñagōbeti jedicōañujarā. To ĩna bajiro ĩacōari, ado bajiro ĩnare gotiyuju ĩ:

³ —Jud'io masu ñaja yū quēne. Cilicia sita ñarimaca Tarso vāme cūti macaju ruyuar'i ñaja yū. Toju ruyuar'i ñaboarine, ado Jerusalénju būsacaju yū. To bajicōari, Moisés ñamasir'ire Dios ĩ roticūmasirere quēnaro yure buecami Gamaliel. To bajiri, quēnaro masicaju. Tire masigū ñari, “Dios ĩ bojase rīne yirā yaja” mūa yitūoĭarore bajiro yitūoĭagū ñacaju yū quēne. ⁴ To bajiro tūoĭagū ñari, “Jesūre ajitirānūrā, Dios ĩ rotimasirere rūcubūobeama” yitūoĭacōari, ado bajiro rojose ĩnare yicaju yū: Ūmware, rōmiare quēne ĩnare ñejecōari, tubiberiavirijū ĩnare tubibecūrūgūcaju yū. To yicōari, ĩnare sīarotirūgūcaju yū. ⁵ Socū me yaja yū. Paia uju ñamasugū, to yicōari ĩ rāca rējarūgūrā quēne, tire ĩacana ñari, yū bajicature masiama. “Damasco vāme cūti macana, manī yarā, tojare mure yirēmoato ĩna” yirā, yure ucabosacōari, ĩsicama ĩna. To bajiri, Jesūre ajitirānūrāre macaguacu, Damasco macajure vaboacaju yū, “ĩnare ñejecōari, Jerusalénju yū juaejorāre rojose ĩna yise vaja rojose ĩnare yato” yigū.

“Rojose yicacu ñaboarine, Jesūre ajitirānūshocaju yū”, Pablo ĩyire queti
(Hch 9.1-19; 26.12-18)

⁶ Ɔmurecaji muiju i tusato Damascore yu cõñatone, ñaro tusarone vecaju buto caje mose busurujiadicaju ti. ⁷ Yure ti busurocaturone, quedicocajaju yu. Yu quedirocacũatone, ado bajiro ocaruyucaju ti: “Saulo, Saulo, ¿no yigu rojose yure yisũyarũgũati mu?”, yi ocaruyucaju ti. ⁸ To bajiro ti yirone, “¿Ñimũ ũgũ ñacõari, to bajise yure yati mu?”, ñre yicaju yu. To yu yirone, “Yũne ñaja, Jesús, Nazaret macagu, rojose mu yirũgũgũne”, yure yi ocaruyucami. ⁹ Yu rãca vacana quẽne, bususere ñacama. To bajiboarine Jesús yure i ñagõsere ajibeticama ña. ¹⁰ To bajiro yure i yisere ajicõari, “Yu uju, ¿no bajiro yigũti yu?”, ñre yisẽniñacaju yu. To yu yirone, “Damascõju vasa mu. To mu ejaro, ‘Ado bajiro yiya’ mure yigũarãma”, yure yi ocaruyucami. ¹¹ Yu caje ñamasibeticaju. To yu bajijare, yu babarã Damascõju vana yure tãa vacama ña.

¹² Ti macajure ñaũumi Anan'ias vãme cutigu. Moisés ñamasir'ire Dios i roticũmasirere quẽnaro ajitirũnũgũ ñacami. “Quẽnaro yigu ñaami”, ñre yicama jud'io masa jediro. ¹³ Yure ñagũ ejacõari, ado bajiro yure yicami: “Yu maigũ, Saulo, tudĩiaña mu quẽna”, yure yicami. To yure i yirone, ñacoacaju yu. ¹⁴ To yicõari, ado bajiro yure gotirũtuacami: “Mani ñicua ña rucubũosuoadimasir'i Dios, mure beseyumi, ‘Rojose yibecure, yu macure ñacõari, i ñagõsere ajiatõ’ yigu, to yicõari, ‘Yu bojasere masigũjaro’ yigu. ¹⁵ To bajiro Diore gotirẽtobosarimasu ñarucõaja mu. Mu ajirere, mu ñarere quẽne, tire gotirucõaja mu. ¹⁶ ¿No yigu yumaniajari? Vãmũrũgũña. ‘Rojose yu yisere yure masirioya’ mani uju Jesũre ñre yiya. To yicõari, ‘Ñre ajitirũnũgũ ñaja’ yigu, oco rãca bautizarotiya”, yure yicami Anan'ias.

¹⁷⁻¹⁸ Ti macaju yu ñacato bero, Jerusalenjũre tudiejacõari, Diore yirucubũoriaviju, Jesũre sãnigũ sãjacaju yu. Ñre yu sãnifãrone yure ruyuaicõari, ado bajiro yure yicami: “Divatone vasa. Yu bajisere adi macanare mu gotijama, mure ajibetirũarãma ña”, yure yicami. ¹⁹ To yure i yisere ajicõari, ado bajiro ñre yicaju yu: “Yu uju, tocãrãca vine, Dios ocare ña buerivirire sãjacõari, mure ajitirũnarãre ñejecõari, ñare bajarũgũcaju yu. To yicõari tubiberiaviju ñare tubiberũgũcaju yu. To yu yirũgũcana masirãma ña. ²⁰ Mure gotirẽtobosarimasure Estebanre ñre sãaroana ña yĩñarone, ‘Ñre sãarocacõaña’ yicaju yu quẽne. To yicõari, ña sudi joeayere ña vejecũsere ñare codebosacaju yu”, ñre yicaju yu. ²¹ To bajiro ñre yu yiboajaquẽne, “Vasa mu. Sõju mure cõaguagu yaja yu, jud'io masa me ña ñaroriju”, yure yicami yu uju —jud'io masare ñare yigotiyuju Pablo.

Surara uju Pablõre i sãnifãre queti

²² To cõro i gotitũsatone, “‘Jud'io masa me ñarã tũju vasa mu’ yure yicami yu uju Jesús” i yisere ajiterã ñari, buto avasãtud'icõañujarã ña:

—Catitegu yami. Ñre sãarocacõaña —yiavasãñujarã ña.

²³ To bajiro yĩnarãne, buto jũnisinirã ñari, ña sudi joeayere vejecõari, i cutõjũare reacõañujarã ña. To yicõari, sitane mareayujarã ña. ²⁴ To ña yijare, surara ujuña ado bajiro yiyuju, i surarare:

—Ñre ãmisãjacõari, ñre bajeya mu. Ñre bajecõari, “¿No bajiro mu yijare, mure avasãjũnisiniati ña?”, ñre yisẽniñã mu —ñare yiyuju.

²⁵ Ñre siatucõari, ñre ña bajeroadone, to rũgõgũre, surara ujuõre rotibosarimasure ado bajiro ñre yiyuju Pablo:

—Rojose yu yirere ñacõĩabetiboarine, yure mu bajejama, ¿quẽnacõarojari ti, Roma macagu yu ñaboajaquẽne? —Ñre yiyuju Pablo.

²⁶ To bajiro i yisere ajicõari, i ujuõre gotigu vasuju:

—“Roma macagu ñaja”, yare yimi. ¿No bajiro ñre yiguti mu? —Ñre yiyuju.

²⁷ To bajiro ñ yisere ajicõari, Pablöre ñre sēniagū vasuju surara ujū:

—Yare gotiya mu: ¿Roma macagu ñati mu? —Ñre yisēniāñuju ñ.

To ñ yisere ajicõari,

—Roma macagune ñaja yū —Ñre yiyuju Pablo.

²⁸ To ñ yisere ajicõari, ado bajiro Pablöre ñre yiyuju:

—“ ‘Roma macagu ñaami’ yare yĩato ñna” yigu, jairo vaja yicajū yūma.

To ñ yirone, ado bajiro ñre yiyuju Pablo:

—Yurema, yū jacujūne, Roma macagu ñacõañumi. To bajiri, Roma macagu ñaja yū —Ñre yiyuju Pablo.

²⁹ To ñ yisere ajicõari, ñre bajerũaboariarā, bũto güiyujarā. To bajiri ñre vurugocoasujarā ñna. “Pablo, Roma macagu ñ ñaboajaquēne, ‘Cõmemarine ñre siaya’ ñnare yibū yū” yigu ñari, bũto güiyuju surara ujū.

Jud'io masa ujarā rāca Pablo ñ ñagõre queti

³⁰ To bajiri gajerũmũ, “Pablöre ñre jojioya mũa”, ñnare yiyuju surara ujū. To yicõari, paia ujarāre, jud'io masa ujarā ñnaro cõro ñnare jirēõñuju, “ ‘Ado bajise rojose yimi Pablo’ yare yigotiya mũa” ñnare yisēniāra. To bajiri, ñna ejaro ñacõari, Pablöre ñre jiyuju, “Ñna rāca ñagõguaya mũa” yigu.

23

¹ To ñ yigu ñari, ujarā ñjorojũa rügõcõari, ado bajiro ñnare gotiyuju Pablo: —Yare ajiya, yū yarā: Dios ñ bojase jediro yirügũaja yū. To bajiro yigu ñari, tuoñarejaibecune ñacõaja yū —Ñnare yiyuju Pablo.

² To bajiro ñ yisere ajicõari, Anan'ias vāme cutigu paia ujū ñamasugū, ñ tu rügõrāre, “Pablo risere jaya”, ñnare yiyuju. ³ To bajiro Anan'ias ñ yijare,

—Mũre jarũcũmi Dios. “Quēnaro yigu ñaja yū” yitũoñaboarine, rojose yigu ñaja mu. “Moisés ñamasir'ire Dios ñ roticũmasirere cõdibecũ ñaami” yare yĩ ocasũrũaboarine, yare mu jarotijama, tire cõdibecũ yaja mu —Anan'iare ñre yiyuju Pablo.†

⁴ To ñ yisere ajicõari, ñ tu ñarā ado bajiro Pablöre ñre yiyujarā:

—¿To bajise ñre yitud'iatu mu, Dios ñ cũr'ire paia ujū ñamasugũre? —Ñre yiyujarā ñna.

⁵ To ñna yijare, ado bajiro yiyuju Pablo:

—“Paia ujū ñamasugū ñagũmi”, yimasibeju yū. “Mũare ũmato ñagũre ñre tud'ibesa”, yigotiaja Dios oca masa ñna ucamasire —Ñnare yiyuju Pablo.

⁶ Pablöre gotiyiroriarā, saduceo masa, to yicõari fariseo masa ñañujarā ñna. To bajiri, ñnare ñamasicõari, ado bajiro ñnare yiyuju Pablo:

—Yū yarā, yare ajiya mũa. Fariseo masu ñaja yū. Yū ñicũa quēne fariseo masa ñamasinũma ñna. “Masa bajireariarāre ñnare tudicatioũcũmi Dios” yigu yū ñajare, yare gotiyirorā yaja mũa —Ñnare yiyuju Pablo.

⁷ To ñ yijare, fariseo masa, saduceo masa rāca gāmerā oca rētorũayujarā ñna. To bajiro bajica yirā, gāmerā ajimasibesujarā. ⁸ Fariseo masama, ado bajiro tuoñarā ñañujarā ñna: “Bajireariarāre tudicatioũcũmi Dios. Ángel mesa, to yicõari, mani vatoa ñna ñaboajaquēne, ñabũjayamana quēne ñarāma”, yitũoñarā ñañujarā ñna. Saduceo masajũama, “Bajireariarāre tudicatiobetũcũmi Dios. Ángel mesa quēne manama. ‘Mani vatoare ñabũjayamana ñarāma’, ñna yirā quēne, manama”, yirā ñañujarā ñna. ⁹ To

† **J 23:3** “Mũre jarũcũmi Dios” Pablo ñ yijama, “Rojose mu yise vaja rojose mũre yirũcũmi Dios” yigu yiyuju.

bajica yirã, butobusa avasãñujarã ñna. Sīgūri fariseo masa, Dios ñ rotimasire gotimasiromasa ado bajiro yiyujarã ñna:

—“Ñie rojose yibetirimi”, yaja yuama. Íabujayamagũ, ñre ñagõrimi. Í yijama, ángeljuã ñre ñagõrimi —yiyujarã ñna.

¹⁰ Butobusa ñna avasãjare, “Ñre sïaroma” yigũ, “Mani ya vijũ ñre ñmicoasa mũa”, ñnare yiyuju surara uju.

¹¹ To ñ yijare, ñre ñmivacõari, ñre tubibeyujarã ñna quẽna. To ñna yiro bero, ñnamijũ Pablore ñre ruyuañõuju mani uju. ñre ruyuañocõari, ado bajiro ñre yiyuju:

—Tũõñagũibesã mũa. Ado Jerusalénjure yũre mũa gotibosarore bajirone Roma vãme cuti macajũre quẽne gotirũcũja mũa —Pablore ñre yiyuju mani uju Jesús.

Pablore ñna sïarũaboare queti

¹² Gajerãmũ busurijũ, “Ado bajiro Pablore ñre sïarũarãja mani”, yiyujarã ñna sīgūri, jud'io masa. “Pablore ñre mani sïaroto rĩjoro bare babeti, idibeti, bajirũarãja mani. To bajiro mani yibetijama, rojose manire yato Dios”, yiyujarã ñna. ¹³ Cuarenta rẽtoro ñnarirãcũ ññañujarã ñna, “Pablore ñre sïarãsa mani” yiriarã. ¹⁴ To bajiro yicõari, paia ujarãre, Dios ñ rotimasire gotimasiromasare quẽne ñnare gotirã ejayujarã ñna:

—“Pablore ñre mani sïaroto rĩjoro bare babetirũarãja mani. ñre sïamenane mani bare bajama, rojose manire yato Dios”, yibũ yuã. ¹⁵ To bajiri paia ujarã, to yicõari masa ujarã quẽne, surara ujure ado bajiro ñre yiuacõañna mũa: “Yuã tũju Pablore ñre cõañna. ñre ajiquẽnorõana yaja yuã”, ñre yiuatõya mũa. Adore ñ ejabetone ñre sïacõarũarãja yuã —ñnare yiyujarã ñna.

¹⁶ To bajiro ñna yisere ajiyuju Pablo bedeo macũ. Tire ajicõari, surara ya vijũ vasuju, Pablore ñre gotigũacu. ¹⁷ Tire ñ gotijare, surara ujure rotibosagũre ñre jiyuju Pablo. Í ejaro ñacõari, ado bajiro ñre yiyuju:

—Ññire jiasã mũa. Ujure ñre ñagõrũami —ñre yiyuju Pablo.

¹⁸ To ñ yijare, uju tũju ñre jiasuju. To ejacõari, ado bajiro ñre yiyuju:

—Pablo, yũ tubibecũmasigũ yũre jicõari, “Ññire mũa uju tũju ñre jiasã. Í rãca ñagõrũami”, yũre yimi. To bajiri ñre jiabũ yũ —ñre yiyuju.

¹⁹ To ñ yirone, gajerõbũsa ñre tũaacõari, ñre sẽnĩñañuju ñ:

—¿Ññiere yũre ñagõrũati mũa? —ñre yiyuju surara uju.

²⁰ To ñ yirone, ado bajiro ñre yiyuju:

—Jud'io masa, sīgũre bajiro tũõñacõari, busiyũ, “Yuã tũju Pablore ñre cõañna. ñre ajiquẽnorõana yaja yuã” ñre yiuatõya”, yima, ñna ujarãre.

²¹ To bajiri ñnare ajibeja mũa. Cuarenta rẽtoro ñnarirãcũ ñnama ñna, Pablore queacõari ñre sïarona. “Ñre mani sïaroto rĩjoro bare babeti, idibeti, bajirũarãja mani. To bajiro mani yibetijama, rojose manire yato Dios”, yifãma ñna. To bajiri ñnare mũa cadĩrotire yurã yirãma —surara ujure ñre yigotiyuju Pablo bedeo macũ.

²² To ñ yisere ajicõari,

—Vasã. Yũre mũa gotisere gãjerãre ñnare gotibeja —ñre yiyuju surara uju.

Surara uju, Félix tũju, Pablore ñ cõare queti

²³ To yicõari, juarã ñre rotibosarãre ñnare jicõari, ado bajiro ñnare yiyuju ñ: —Yucũ ñami nueve ñnare, Cesarea vãme cuti macaju Pablore ñmato vana yirãja mũa. Adocãrãcũ ñnare jirẽõña, mũa rãca varona: Doscientos ñnarirãcũ gũbone varona, setenta ñnarirãcũ caballo joe varona, to yicõari, doscientos

ñarirãca reare besu c̄uoc̄ari varonare ñnare jirẽoña m̄ua. ²⁴ To yic̄ari, caballo, Pablo ñ jesavaroc̄are quẽne quẽnoyuya. S̄iaecobec̄une, H̄ju Félix t̄aju Pablo ñ ejasere bojaja yu — ñnare yiyuju ñre rotibosarãre, surara ẽju.

²⁵ To bajiro yigajanoc̄ari, H̄ju Félixre ado bajiro ñre ucayuju ñ:

²⁶ “¿Félix, yu r̄ac̄ub̄oḡu, tone ñaboati m̄u? M̄are quẽnarotic̄oaja yu. Yu ñaja Claudio Lisias vãme cutiḡu, surara ẽju. ²⁷ Jud'io masa, ñnare ñic̄ari, ñre s̄iaruayuma ñna. ñre ñna s̄iaroadone, ‘Roma macaḡu ñaami’ yire quetire ajic̄ari, yu surara rãca matamasim̄u yu. ²⁸ ‘¿No bajise rojose yiri?’ ñnare yis̄eniñaru, jud'io masa ẽjarã t̄aju ñre ñmiamasim̄u yu. ²⁹ To yu ejaro ñac̄ari, ñna ñic̄ua ñna yirũḡurere, ñ yibetirere yare gotimasima ñna. Tire ajic̄ari, ‘Ñie rojose yibesumi. To bajiri, ñre tubibec̄ũña manoja ti. To yic̄ari, ñre s̄iaña manoja’ yiajimasim̄u yu. ³⁰ ñre ñna s̄iaruasere ajiḡu ñari, m̄u t̄aju ñre c̄oaja yu. To yic̄ari, ‘Rojose yimi’ ñre yi ocasãrãre quẽne, ‘H̄ju Félix t̄aju vasa m̄ua’ ñnare yiruc̄aja, ‘“Ado bajise rojose yimi” m̄are yigotiato ñna’ yiḡu”, ñre yiuac̄oãñuju surara ẽju, H̄ju Félixre.

³¹ To bajiro ñ yiriarã ñari, ñnamine Pabllore ñre ñmato vac̄ari, Ant'ipatris vãme cuti macajure ejayujarã ñna. ³² ñna va ñnami cutibusuoriarãm̄une, tudicoayujarã ñna, caballo joe vabetiriarãma. Caballo joeju vana r̄ine, Pablo rãca vasujarã ñna. ³³ Cesarea macaju ejac̄ari, ñna ẽju ñ ucac̄ariajũrore H̄ju Félixre ñre ñsiñujarã ñna. To yic̄ari Pabllore quẽne ñ t̄aju ñre cũñujarã. ³⁴ ñ ucarere ñac̄ari, “¿Noaḡu ñati ñ?” ñnare yis̄eniñañuju Félix. To ñ yirone, “Cilicia sitaḡu ñaami”, ñre yicudiyujarã ñna. ³⁵ To ñna yisere ajic̄ari, Pablujuare ado bajiro ñre yiyuju:

—“Rojose yimasimi” m̄are yi ocasãrã ñna ejaroju yare m̄u gotisere ajiruc̄aja yu — ñre yiyuju H̄ju Félix.

To yic̄ari, H̄ju Herodes ñnamsir'i ya vijũ ñre c̄uc̄ari, ñ surarare ñacoderotiyuju.

24

“Rojose yibeticajũ yu”, Pablo, H̄ju Félixre ñ yire queti

¹ Cojomocãrãcarãm̄u bero ejayujarã jud'io masa. Paia ẽju ñnamasuḡu Anan'ias vãme cutiḡu, Tértulo vãme cutiḡu, to yic̄ari buc̄arã quẽne ñañujarã ñna, Pabllore, “Ado bajiro rojose yimasimi” ñre yi ocasãrã ejarã. Tértulo ñañuju ñnare ñaḡobosaḡu, romano masa ñna rotisere masiḡu. To ñna ejaro bero, Pabllore ñre jic̄oãñuju H̄ju Félix. ² Pablo ñ sãjaejarone, Félixre “Ado bajiro rojose yimi Pablo” yiguaḡu, ado bajiro ñre gotiyuju Tértulo:

—Adi sitanare quẽnaro yare coderũḡũaja m̄u. Quẽnaro rotiḡu m̄u ñajare, quẽnaro ñarũḡũaja yu. “Ado bajiroju ñnare yu rotijama, quẽnarũaroja” yituoñac̄ari yare rotirũḡũaja m̄u. To bajiri, r̄ijoro rotiri-arã r̄etoro quẽnaro rotimasiaja m̄u. ³ Adi sitanare quẽnaro m̄u rotisere t̄uoñac̄ari, “Quẽnamasuc̄oaja”, m̄are yivariquẽnarũḡũaja yu. ⁴ Gajeye jairo ñaboaja, m̄are yu gotirũase. Moare jaibusaḡuja m̄u. To bajiboarine gaje vãme m̄are gotirũaja yu. Tire ajiya m̄u maji. ⁵ ñni Pablo vãme cutiḡu, yu jud'io masa jedirore b̄uto gotimavisiocudirũḡũami. To bajiro ñ yijare, quẽnaro ñnamsibeaja yu. To bajiri, nazareno masare socase yirãre ñnare ñmato ñaḡu ñaami. Tire masiaja yu. ⁶⁻⁷ Diore yiruc̄ub̄oriavire r̄uc̄ub̄obec̄u, sãjamasif̄umi. To bajiro ñ bajire ñajare, ñre ñnamasim̄u yu, yare rotise ti yirore bajiro rojose yirãrã. To yu yiroadone, surara ẽju Lisias vãme cutiḡu ñ surara rãca ejac̄ari, yare ñmacoamasimi. To

yicōari, “Uju Félix taju vacōari, oca quēnoruarāja ma”, yuare yimasimi. To bajiri, bajibu ya. ⁸ To bajiri ma masu, ire sēniīacōari, “Socarā mene yiyuma ina. Rojose yigu űaami”, yimasirucuja ma —Uju Félixre ire yiyuju Tértulo.

⁹ Ire ī gotigajanorone, “Socu me yami. To bajirone bajimasimu”, ire yigotirēmoñujarā jud'io masa, Tértulo rācana. ¹⁰ To ina yiro bero, Pablojuare ire ñagōrotiyuju Félix. To ī yijare, ado bajiro ire gotiyuju Pablo:

—“Cojo cāma me jud'io masa ya yisere quēnaro riojo īacōiarūgūami. To bajiri ya yisere quēne quēnaro riojo īacōiarucumi” mare yituoīamasigū ñari, variquēnase rāca mare gotiaja ya. ¹¹ Jerusalénjure Diore yirucubuoḡu, ejamasimu ya. Yu ejamasiro bero, juaāmo cōro, ḡubo juā jēnituarirūmari ñatusaju. Tire gājerāre ma sēniīajama, ya gotirore bajirone mare gotirāma ina quēne. ¹² Rojose ya yibetiboaajaquēne, ānoa socarāne yare gotiyiroama. Diore yirucubuoḡoriavijure gājerā rāca gāmerā oca josabetimasimu ya. Dios ocare bueriavirijure, to yicōari ti maca tari ñarāre quēne ñare gotimavisiobetimasimu ya. ¹³ Rojose ya yiro cōro, “Rojose yimasimi”, mare yigotimasimenama ina. ¹⁴ Ado bajirojua bajigu ñaja ya. Jesús vāme cutigure ajitirūnugū ñaja ya. Yuā ñicua ina rucubuoḡomasir'ire Diore ire rucubuoḡu ñaja ya. “Socasere ajitirūnugū űaami” yare ina yijama, Jesúre ya ajitirūnujare, yama. To bajiro ina yiboaajaquēne, yua ñicure Moisés ñamasir'ire Dios ī roticūmasire jediro, to yicōari, Diore gotirētobosariarā ina ucamasirere quēne ajitirūnugū ñaja ya. ¹⁵ “Cojorūma masa bajireariarāre rojose yiriarāre, quēnase yiriarāre quēne ñare catioḡucumi Dios” ina yituoīayurore bajirone tuoīaja ya quēne. ¹⁶ To bajiro tuoīagū ñari, ya yimasiro cōro quēnasere yirūgūaja ya, Dios quēne, masa quēne, “ ‘Rojose yigu űaami’ yare yiroma” yigu.

¹⁷ Cojo cāma me gajerori ñacudiboacu, Jerusalénjure ejamasimu ya, ya yarā sigūri maioro bajirāre ñare gājoa īsigū. To yicōari, Diore rucubuoḡu ñari, paiare vaibucurā sīaroticōari, ñare soemurotigu bajimasimu ya. ¹⁸⁻¹⁹ “Tire yirucuja” yicōari ya yibetirere, Diore yirucubuoḡoriaviju ñacōari, “Yare masirioya” Diore ya yigajanorone, yare īamasima jud'io masa, Asia sita vadiriarā. Jājarā masa rāca ñacōari, rujajine yicudigu me bajimasimu ya. Tire ya yibetiboaajaquēne, yare jūnisinirā ñari, ñiamasima ina. Ina masune adojure vadicōari, rojose ya yirere mare gotirā ejarona ñaama ina. ²⁰ Ina ejabetijama, ado ñarā, jud'io masa ujarā rījorojua ejacōari, “Ado bajise rojose yimi” yare yi ocasāmasirā, rojose ya yirere mare gotirona ñaama ina. ²¹ Ina rījorojua ñacōari, ado bajiro ñare gotimasimu ya: “ ‘Masa bajireariarāre ñare tudicatioḡucumi Dios’ yigu ya ñajare, yare gotiyirorā yaja ma”, ñare yimasimu ya —Uju Félixre ire yigotiyuju Pablo.

²² To ī yisere ajicōari, Jesúre ajitirūnurā ina bajisere quēnaro masigū ñari, ado bajiro ñare gotiyuju Uju Félix:

—Jēre ajicōaja ya. Surara uju Lisias ī ejarojū, Pabloure ya yiroḡore mare gotirucuja —ñare yiyuju ī Uju Félix.

²³ To bajiro ñare yigotigajanocōari, surara ujure, “Ado bajiro ire codeba ma”, yiyuju Félix:

—Tubiberiavi ñacōari, ī vacudijama, ī īacudijaquēne, “Vabesa”, ire yibeja. Ī babarā ire iarā ina ejajama, ire yirēmorā ejajaquēne, “¿No yirā bajiatī?”, ñare yibeja —ire yi vacoasuju Félix.

24 To ĩ yivariaro bero, yoatoju tudiejayuju ĩ quēna, ĩ manajo Drusila vāme cutigo rāca. Jud'io maso ñañuju so. Ejacōari, Pablōre ĩre jirotiyuju ĩ. ĩ ejaro ĩacōari,

—Jesucristore ajitirūnūre yuare gotiya —Pablōre ĩre yiyujarā ĩna.

25 —Dios quēnase rīne manire yirotiāmi. Rojose yiruaboarine, “Rojose yibetiruarāja” mani yituoāsere bojaami Dios. Gajerūmu masa rojose ĩna yisere ĩ ĩabeserirūmu ejaruaroja —ĩnare yigotiyuju.

Tire ajicacōari,

—Jēre ajicōaja yu. Quēna gajerūmu yu moare manirūmu mure jirucuja. To cōroju mu gotisere ajirēmōrucuja —ĩre yiyuju Félix.

26 Tiju bero, cojōi me Pablōre ĩre jirūgūñuju Félix. Jesús ocare ĩ gotimasiose rīne, ajiru me ĩre jirūgūñuju ĩ. “Yuare mu bucōajama, gājoa mure ĩsirucuja” ĩ yisere ajirane, ĩre jicōarūgūñuju. 27 To bajiro ĩ yīfaro rīne juā cāma rētocoasuju ti. “Jud'io masa yuare jūnisinroma” yigu, Pablōre ĩre bubesuju ĩ. Juā cāma bero, uju ĩ ñaboasere budicoasuju Félix. To bajiri, Porcio Festo vāme cutigujua uju sājañuju.

25

Uju Festo rāca Pablo ĩ ñagōre queti

1 Cesarea macaju uju ĩ sājariaro bero, idiarūmu ñacōari, Jerusalén macajure vasuju Festo. 2-3 Toju ĩ ejaro ĩacōari, paia ujarā, gājerā jud'io masa ñamasurā quēne,

—Rojose yicami Pablo —Festore ĩre yi ocasāñujarā ĩna. To yicōari, —Pablōre yuare mu jiroticōabosajama, quēnarūaroja —Uju Festore ĩre yisēniñujarā ĩna. To bajiro ĩna yijama, “Maa ĩ vadojane Pablōre ĩre sīacoarāsa mani” yirā, yiboayujarā ĩna.

4 To bajiro ĩre ĩna yiboajaquēne, ado bajiro ĩnare yiyuju Festo:

—Cesarea macajane ĩre codecōa ñaruarāma ĩna. To bajiri, yoaro mene tojure tudiarucuja yu quēna. 5 To yu bajirone, muā rācana sīgūri yu rāca tojure vaejacōari, rojose Pablo ĩ yirere yure gotiruarāma ĩna —ĩnare yicūdiyuju Festo.

6 To bajiro ĩnare ĩ yiro bero, Jerusalénjare juāāmocārācarūmu cōro ñacōari, Cesarea macajure tudiasuju Festo. ĩ ejabusuorirūmune oca ĩna ñagōquēnorijū rujicōari, Pablōre ĩre jicōañuju ĩ. 7 Pablo ĩ sājajaro ĩacōari, “Cojo vāme me rojose yicami”, Festore ĩre yigotiyujarā ĩna, jud'io masa, Jerusalénju vadiriārā. “Rojose yicami” yicōarā ñaboarine, “Ado bajise rojose yicami”, yimasibesujarā ĩna. 8 To ĩna yiro bero, “ ‘Rojose yibesumi’ yure yato” yigu, ado bajiro yiyuju Pablo:

—Ñie rojose yibeticaju yu. Jud'io masa ĩna rotisere, to yicōari, Uju César ĩ rotisere quēne cūdirūgūcaju yu. To yicōari, Diore yirūcūbūoriavire quēne, rūcūbūorūgūcaju yu —yiyuju Pablo.

9 To ĩ yirone, “Jud'io masa yure tud'iroma” yigu, ado bajiro Pablōre ĩre sēniñañuju Festo:

—ĜJerusalénju ejacōari, rojose mu yirere mure yu sēniñajama, quēnati? — ĩre yisēniñaboayuju.

10 To ĩ yiboajaquēne, ado bajiro ĩre yiyuju Pablo:

—Bajibeaja. No yigu vabecuja. Uju César “Masa rojose ĩna yisere ĩacōiāña” ĩ yiriavine ñaja yu. To bajiri adone yure sēniñacōaroti ñaja. Yu yarā jud'io masare rojose ĩnare yibeticaju yu. Tire quēnaro masiaja mu.

11 Rojose yu yire suori ĩnare mu sīarotijama, “Yuare sīabesa”, yibecuja yu. To

bajiri, socarāne “Rojose yicami” yure ĩna yi ocasājare, “Īre sĭaĭna” yigu, yure ĩsirocagu magūmi. “Rojose yiyujari yu” yigu, Roma macagu, Ūju Césare Īre ĩacōiarotirucuja yu —Īre yicadiyuju Pablo.

¹² To bajiro Pablo ĩ yijare, Īre ĩagōejarēmorāre, “¿No bajiro yiroti ĩnati Īre?” ĩnare yisēniĭacōari bero, ado bajiro yiyuju Festo:

—“¿Rojose yiyujari yu?” yigu, Ūju Césare Īre ĩacōiarotirucuja yu” mu yijare, ĩ taju mare cōarucuja yu —Pablore Īre yiyuju Festo.

Ūju Agripa rāca Pablo ĩ ĩagōre queti

¹³ To ĩ yiriarūmari bero, Ūju Festore ĩagū ejayuju Ūju Agripa, Berenice vāme cutigo rāca. ¹⁴ Cojorūmu me ĩ rāca ĩnacōaĭnujarā ĩna. To ĩna bajiĭnarone Pablo ĩ bajisere Agripare Īre gotiyuju Festo:

—Sĭgū ĩnaami ado, Pablo vāme cutigu, Ūju Félix ĩ tubiber'i. ¹⁵ Jerusalénju yu ĩnaro, “Rojose yicami”, yure yigoticama bucārā jud'io masa, paia ujarā quēne. “Rojose ĩ yicati vaja Īre sĭarotiya mu”, yure yiboacama ĩna. ¹⁶ To bajiro yure ĩna yiboajaquēne, “Yibeaja yu. Yuu, romano masama, rojose masa ĩna yirere ĩacōiamenane, sĭarotire manicoadimasiĭnuja. ‘Rojose yimi’ yigotiyirorā, to yicōari, rojose yir'i rāca ĩnare jirēocōari, sēniĭare ĩnacoadimasiĭnuja”, ĩnare yicaju yu. ¹⁷ Adojure ĩna rāca yu ejabusuocaturāmune, Pablore Īre jicōacaju yu. ¹⁸ “Īre gotiyirorā, ‘Buto rojose masu yimasimi’ yure yigotiruarāma ĩna”, yituoĭaboacaju yu. “Rojose yigū yiyumi” yiajiyamanirene goticōacama. ¹⁹ “Yuu rūcubuoosere rūcubuoobeami. ‘Jesús vāme cutigu, rijacoaboarine tudicatiami quēna’ yisocarūgūami Pablo”. “‘Rojose yigu yimi’ yirā yaja”, yirā, ti rĭne yure goticama. ²⁰ To bajiro ĩna yijare, “Rojose yiyumi”, yimasibeticaju yu. To bajiri, “¿Jerusalénju ejacōari, rojose mu yirere mare yu sēniĭajama, quēnati?”, Īre yisēniĭaboacaju yu. ²¹ To yu yirone, ado bajiro yure yicadicami: “‘Rojose yiyujari yu’ yigu, Ūju Césare Īre ĩacōiarotirucuja yu”, yure yicami. To ĩ yijare, surarare ĩnare coderotica yu, Ūju César ĩ ĩnarojare Īre cōaru —Agripare Īre yigotiyuju Festo.

²² To ĩ yisere ajicōari,

—Yu quēne, ĩ gotisere ajirujaja yu —Festore Īre yiyuju Agripa.

To ĩ yijare, —Busiyu ajirucuja mu, ĩ gotisere —Īre yiyuju Festo.

²³ To bajiri gajerūmu masa ĩna rējariviju Pablore ajigu ejayuju Agripa, Berenice rāca. “Manire ĩacōari, ‘ĩnamasurā ĩnaama ĩna’ manire yato” yirā, rūcubuooro ejayujarā ĩna. ĩna rācana, surara ujarā, gājerā Cesarea macana ĩnamasurā quēne ejayujarā ĩna, Pablore ajirā. ĩna ejaro bero, Pablore Īre jiyuju Festo. ²⁴ Pablo ĩ ejarone ado bajiro gotiyuju Festo:

—Ūju Agripa, ado rējarā jediro, ĩaĭna muu. Āni ĩnaami Pablo. Buto Īre sĭaruarūgūama jud'io masa. Jerusaléana, adi macana quēne, “Īre sĭacōaroti ĩnaja”, yĭavasāboacama ĩna. ²⁵ “ĩnie rojose ĩ yire suorĭ Īre sĭaĭna manoja ti”, yicaju yu. To bajiro yu yiboajaquēne, “‘Rojose yiyujari yu’ yigu, Ūju Césare Īre ĩacōiarotirucuja yu” yure ĩ yijare, “Ūju César ĩ ĩnaroju Īre cōarucuja”, yicaju yu. ²⁶⁻²⁷ To bajiro yituoĭaboarine, rojose ĩ yirere ucamasibeaja yu, mani ujare, Césare gotigu. Rojose ĩ yirere gotibecune Īre yu ucacōajama, tuoĭamasibecure bajiro yigu yigujaja yu. Tire tuoĭagū ĩnari, Pablore Īre jicōamu yu, muu ajiro rĭjorojua, “Ūju Agripa Īre sēniĭato” yigu. Īre sēniĭacōari, “Rojose yiyumi Pablo” mu yisere ajicōari, “Ūju Césare Īre ucacōarucuja”, Īre yibū yu —ĩnare yiyuju Festo.

26

¹ To bajiro Festo ĩ yisere ajicōari, ado bajiro Pablöre ĩre yiyuju ıju Agripa:

—Mı yirügürere yıare gotiya —Pablöre ĩre yiyuju Agripa.

To ĩ yijare, ado bajiro ĩnare gotiyuju Pablo:

²⁻³ —Yı ıju Agripa, mı ajiro rıjoro gotıgıagı ĩari, varıquēnase rāca gotıgıagı yaja yı. Jud'io masa mani yisere quēnaro masıaja mı. Gāmerā ajımasıbetıcōari, yıa gāmerā oca rētorügüsere quēne quēnaro masıaja mı. To bajiri jud'io masa, “Rojose yıgı ĩaami” ĩna yıboasere mı ajiro rıjoro gotıgıagı yaja yı. To bajiri quēnaro yı gotısere ajırıcıja mı —yiyuju Pablo, Agripare.

⁴ —Yı ya maca ĩacōari, mamı ĩagı yı bajıñarügücātıre masırāma jud'io masa jedıro. To bajıcōari, Jerusalēnjüre yı bajırügücātıre quēne masırāma. ⁵ Yıre masırā ĩari, “Farıseo ması ĩacami”, mıre yıgotırāma ĩna, ĩnare mı sēñıajama. Farıseo masama, Dios manıre ĩ rotımasırere bıto ajırıcıbıorā ĩaama. ⁶ “Bajırearıarē ĩnare tudıcatıorıcıja yı”, yıgotımasıñumi Dios, manı ĩıııare. To ĩ yire tı ĩajare, “To bajırone yıřıcımı” yıtıoıagı yı ĩajare, “Rojose yıgı ĩaami”, yıre yı ocasācama. ⁷ Tıre yı yıtıoıarore bajırone tıoıaama jud'io masa, jıaāmo cōro, gıbo jıa jēñıtuarıarāca jūñari ĩarā jedırone. Tıre tıoıarā, ĩari ımıarı, ĩamırıre quēne bıto Diore ĩre yıřıcıbıorügüama ĩna. Tıre tıoıagı yı ĩajare, “Rojose yıgı ĩaami”, yıre yı ocasācama jud'io masa. ⁸ ¿No yıřı, “Bajırearıarē tudıcatıorıcımı Dios”, yıtıoıabeatı mıa? —yiyuju Pablo.

“Jesúre ajıtırñarē rojose ĩnare yıřıgıııcı yı”, Pablo ĩ yire queti

⁹ Quēna ado bajiro gotiyuju Pablo:

—“Nazaret macagı Jesús vāme cıtıgı yere ĩna ajıtırñııse vaja, cojo vāme me rojose ĩnare yıřıcıja yı”, yıtıoıarügııcı yı. ¹⁰ To bajiro yıgı ĩari, Jerusalēnjüre ĩacōari, rojose ĩnare yıřıgıııcı yı. “Jesús yere ajıtırñarē ĩnare tubıbeyı mı” paıa ıjarā yıre ĩna yıjare, jājarā Jesúre ajıtırñarē ĩnare tubıberügııcı yı. To yıcōari, “ĩnare sıacōato manı” ıjarā ĩna yıjama, “To bajırone bıjaja”, yıřıgıııcı yı quēne. ¹¹ Cojıjı me Dios ocare bıerıavırıjı sājıeıacōari, “ “Rotımıorügörıcımı” yıgı, Dios ĩ cōar'ı me ĩarımı Jesús' yıya mıa” yıgı, ĩnare bıto rojose yıcıdıřıgııcı yı. Bıto ĩnare ĩategı ĩari, gājerā masa ĩna ĩarımacıjüre ĩna rudıcoabıojıquēne, rojose ĩnare yıřı, ĩnare sıyarügııcı.

“Jesúre ajıtırñıııocı yı”, Pablo ĩ yire queti

(Hch 9.1-19; 22.6-16)

¹² Jesúre ajıtırñarē rojose ĩnare yıgı yı ĩajare, “Damasco vāme cıtı macıjı vasa” paıa ıjarā yıre ĩna yıjare, yı babarā rāca vacıjı yı. ¹³ To yıa bajıvato, ımırecaıjı ĩaro, ımıagı mııjı ĩ bususe rētoro bıto caje mose busııcı tı. ¹⁴ To bajiro tı bajıjare, quedıcoacıjı yıa. Yıa quedırocacūatone, hebreo oca rāca ado bajiro yı ocarıyııcı tı: “Saulo, Saulo, ¿no yıgı rojose yıre yıřıyarügıatı mı? To bajiro mı yıjama, mı masıne rojose yıgı yaja mı”, yıre yı ocarıyııcı tı. ¹⁵ To bajiro tı yırone, “¿Ñıııügı ĩacōari, to bajıse yıre yatı mı?”, ĩre yııcı yı. To yı yırone, “Yıne ĩaja, Jesús, rojose mı yıřıyarügıgıne”, yıre yı ocarıyııcı. ¹⁶ To yıgıne, “Vımıřıgıñıa mı. Yıre gotıbosarıcıjı yıgı, mıre rıyıııojı yı. To bajırı, yı bajıcatıre, to yıcōari yııııaca mı ĩasere, bero mıre yı yıııorotıre quēne masare gotımasıocıdıřıcıjı mı. ¹⁷ Mı yarā jud'io masa, to yıcōari

jud'io masa me ñarã quêne, rojose mure ñna yiro tire mure yirê tobosarucija yu. ¹⁸ Vãtia ujũ i bojasere yitujacõari, Dios i bojasejũare yirã ñnarãrãma ñna' yigũ, yu bajicatore mure gotimasioroticõagũ yaja yu. Mũ gotimasiosere ajitirũnarã ñari, rojose ñna yisere masirio ecocõari, Dios yarã ñnarãrãma ñna quêne”, yũre yicami Jesús — ñre yiyuju Pablo, Agripare.

“Jesús ruyuaĩocõari, yũre i yiro ticatire bajirone cudicaju yu”, Pablo i yire queti

¹⁹ — To bajiri, yũre ruyuaĩocõari, i yiro ticatire bajirone cudicaju yu. ²⁰ Damasco vãme cuti macanare ñnare gotimasiosucõari yu. Bero, Jerusalén macanare, Judea sitanare, to yicõari jud'io masa me ñarãre quêne ñnare gotimasiodirũgũcaju yu. “Rojose yũa yisere yitujacõari, ‘Dios i bojasejũare yirũarãja yũa’ yigoticõari, quênasejũare yirũgũña mũa”, ñnare yigotirũgũcaju yu. ²¹ To bajiro yu yijare, Diore yirũcũbuoriaviju yu ñaro yũre ñiacõari, yũre sũarũaboacama ñna, jud'io masa. ²²⁻²³ To bajiro yũre ñna yirũaboajaquêne, quênaro yũre ejarẽmocami Dios. Yũre i ejarẽmose ñajare, ñamasurã, ñamasumenare quêne, mũare gotimasiodõa ñarũgũaja yu. Moisés ñamasir'i, to yicõari Diore gotirê tobosamasiriarã quêne, “Ado bajiro bajirũaroja”, yucamasiñuma: “ ‘Rotimũorũgõrucũmi’ yigũ, Dios i cõagũ, rijacoaboarine, quẽna tudicatisũorocũ ñarucũmi. To bajiro i bajiro ti ñajare, Diorãca quênaro ñacõari, i catisere ñsicoarũarãma, jud'io masa, jud'io masa me ñarã quêne”, yucamasiñuma. “ ‘Bajirũaroja’ ñna yucariarore bajirone bajiaja”, mũare yigotirũgũaja — ñnare yigotiyuju Pablo.

“Jesúsre ajitirũnarũato” yigũ, Pablo Agripare i gotimasiore queti

²⁴ To bajiro Pablo i yigotiñarone, ado bajiro yivasãñuju Festo:

— To bajiro yimecũcõagũ yaja mũ. Jairo bueri ñari, no bojasene tũoĩacõari, goticõaja mũ — Pablõre ñre yivasãñuju Festo.

²⁵ To bajiro i yijare, ado bajiro yiyuju Pablo, Festore:

— Yimecũgũ me yaja yu. Mũare yu gotise socase me ñaja ti. Tire quênaro ajicõari, “To bajirone bajiroja”, yimasiro ti ñaja. ²⁶ Jesús i bajirere yu gotise yayiorõju gotire me ñaja. Masa ñna ñaro bajire ñaja ti. To bajiro bajire ti ñajare, masare yu gotimasiodatire masigũmi Ujũ Agripa. To bajiri, gũibecũne ñajediro ñre gotiaja yu — Festore ñre yiyuju Pablo.

²⁷ To yicõari, Agripajũare ado bajiro yiyuju Pablo:

— Diore gotirê tobosariarã ñna ucamasirere mũ ajirũcũbuosere masiaja yu — ñre yiyuju Pablo.

²⁸ To bajiro ñre i yisere ajicõari, ado bajiro yiyuju Agripa:

— “To cõro ñre yu gotirone tũoĩavasoacõari, Jesúsre ñre ajitirũnarũarucũmi”, ñyũre yitũoĩacõati mũ? — ñre yiyuju Agripa.

²⁹ To i yisere ajicõari, ado bajiro yiyuju Pablo:

— Yoaro meaca mũare yu gotiboajaquêne, “Jesúsre yu ajitirũnarũore bajiro ñre ajitirũnarũato i” yigũ, Diore mũare sãnibosaja yu. To yicõari, mũa jedirore Jesúsre mũa ajitirũnarũotire bojaja yu. To bajiboarine Jesúsre mũa ajitirũnarũe sũori yũre bajiro mũa tubibe ecosere bojabeaja yu — yiyuju Pablo.

³⁰ To i yisere ajicõari, Agripa, Festo, Berenice, to yicõari Pablõre ñre ajitirũnarũa jediro, vãmũrũgũ budicoasujarã ñna. ³¹ Budianane, ado bajise gãmerã yiyujarã ñna:

—Ñie rojose yibesumi. To bajiri, ìre tubibecüre, ìre sìare quëne mañuja ti —gãmerã yiyujarã ìna.

³² To yicõari, ado bajiro yiyuju Agripa, Festore:

—“¿Rojose yiyujari yu?” yigu, Uju Césare ìre ìacõiarotirucuja yu” Pablo ì yibetijama, ìre bucõaroti ñaboayuja —Festore ìre yiyuju Agripa.

27

Roma vãme cuti macajure Pablöre ìre ìna cõare queti

¹ “Pablöre, gãjerã tubibe ecoriarãre quëne, Italia vãme cuti sitajure ìnare cõato mani”, yicama ìna. To yirã ñari, Julio vãme cutigure,

—Ìnare ùmato vasa —Ìre yicama. Roma macana surarare Uju César ì beseriarãre rotigu ñacami Julio. ² Cũmua ñacaju Adramitio vãme cuti macana yaga. Asia sitajure varoado bajicaju tia. To bajiri tia rãca vacaju yua. Yua rãca ñacami Aristarco vãme cutigu quëne. Macedonia sita ñarimaca, Tesalónica vãme cuti macagu ñacami.^k ³ Gajerãmu Sidón vãme cuti macaju ejacaju yua. “Rojose tãmuoami Pablo” yĩamaicõari, “Mu babarãre ìnare ìacudiaya. No mu bojase mure ìsiato”, ìre yicami Julio. ⁴ Ti maca ñararã, vacaju yua quëna. To yua bajivatone, buto mino vacaju. To bajicõari, yuare vëatucaju. To ti bajijare, Chipre vãme cutiyoa ture gãniacaju yua. ⁵ To bajivana, Cilicia sitare rëto, Panfilia sitare, Licia sita ñarimaca Mira vãme cuti macare ejacaju yua.

⁶ Ti macaju gajea cũmua Alejandr'ia vãme cuti macana yagare, Italiaju varoado bajiricare ìacõari, tia rãca yuare ùmato vacami surara uju. ⁷ Buto mino ti vajare cojorãmu me josari vacõari, Gnido maca cãnamuñarore ejacaju yua. Yua vato riojo buto mino ti vacõa ñajare, Creta vãme cutiyoa cutojua vacoacaju yua. Tiyoa ñarimaca Salmón vãme cuti macare rëto, tiyoa ture vacaju yua, mino ti vabetibusarøjua vana. ⁸ Josari masu bajivana, Lasea maca tu ñarimaca Buenos Puertos vãme cuti macajure ejacaju yua.

⁹ Cojorãmu me vacoacaju yua. To bajiri tone buto yuare güiocoacaju yuja, juebucu ti cõñajare. To bajiri, ado bajiro ìnare goticami Pablo:

¹⁰ —Vabeticõato. Mani vajama, rojose tãmuoruarãja. Cũmua ruja-coaruarõja. Gajeyeuni quëne yayicoaruarõja. Mani quëne siguri rujarea-coaruarãja —Ìnare yigotiboacami Pablo.

¹¹ To ì yiboajaquëne, ìre cudibeticami surara uju. Cũmua ujarãju, “Vacoajaro mani” ìna yisejuare ajicami. ¹² Ti maca jetaga rocaturiaro juebucu ti ñajama quënesuju. To bajiri, “Fenice vãme cuti macaju vajaro mani. Ti maca jetaga quënarõ rocaturiaro ñañuju ti, mino ti vabetibusajare. Toju mani ñaro juebucu rëtoruarõja”, yituoicama ìna jedirone.

Buto mino ti vare queti

¹³ To bajiri ìna vatojuare mino ti vasere ìacõari, “Vajaro mani”, yicama ìna. To yi, cũmua ruucũñararaju ancla vãme cutijure tãmuosã, tiyoa ture vacoacaju yua. ¹⁴ To yua bajivatone, gajeroju buto tutuaro mino vadicõari, yuare vëaviocõacaju ti. Nordeste vãme cuti ñacaju ti. ¹⁵ To ti bajijare, “Tiyoa tubusa vanasa mani” yirã, tiare veaquënobusaboacama ìna. Butobusa mino ti vajare, “Manire ti vëacõarore bajirone vacoajaro mani”, yicõacama ìna. ¹⁶ To bajivana, Cauda vãme cutiyoa cõñarore

^k 27:2 Lucas vãme cutigu, Pablo rãca varí ñari, “vacaju yua”, yiucauyumi.

rētoanane, mino ti vabetibusajare, cūmua jairica ture ĩna siajoriare tiare tām̃uosācama ĩna, yua vacatia jubeaju. ¹⁷ To yigajanocōari, “Saguerobe” yirā, yua vacatia rāca quēnaro siañiacōacama ĩna. Sirte vāme catiju cōñanane, “Jōrero vana yaja mani” yirā, ancla vāme catijare rocaroaruucama ĩna. To bajiro ĩna yijare, mino ti vēacōarore bajirone vacaju yua. ¹⁸ Gajerām̃u to bajirone mino ti vacōa ñajare, b̃uto sabecōa ñacaju. To ti bajijare, “Rujarobe” yirā, gajeyeūni gājerāre ĩsiruarā ĩna juaboarere juarearodecōacama ĩna. ¹⁹ To ĩna yibusuorirām̃u, to bajirone mino vacōari, ti sabecōa ñajare, cūmuayere quēne juarearodecama ĩna yuja. ²⁰ Cojorām̃u me, muiju ruyubeticami. Namire quēne ñocoā ruyubeticama. Mino ti vatūjabetijare, “Rujareacoaruarāja mani”, yitūoīacaju yua.

²¹ Yoaro babeti vacaju yua. To yua bajivajare, ado bajiro yuare goticami Pablo:

—“Vabeticōato mani” m̃uare yu yimasisere m̃ua ajijama, Creta vāme catiyojune mani ñacōajama, rojose tām̃obetiborāja mani. ²² To bajiboarine, tūoīasutiritibesa m̃ua. “Cūmua ti yayicoaboajaquēne, manima caticōaruarāja”, yitūoīaña m̃ua. ²³ Jējūaga ñami ángel yure ruyuaīocōari yure gotimi, Dios, yu uj̃u, ĩ cōagū. ²⁴ Ado bajiro yure gotimi: “Gūibesa m̃u. Uj̃u César tu ejacōari, ‘¿Rojose yiyujari yu?’ yig̃u, ĩre ĩacōiarotiruc̃uja m̃u. Dios, mure ĩamaigū ñari, ĩre mu sēnijare, rojose m̃ua tām̃uoborotire m̃uare yirētosaruc̃umi. Mu rāca vana jedirone catijedicōaruarāma ĩna”, yure yimi ángel. ²⁵ To bajiri tire ajirā ñari, sutiritibesa m̃ua. “Dios ĩ gotiroticōariare bajirone bajiruaroja”, yaja yu. ²⁶ To bajiri, yuc̃ayoa cōñarōjua mino manire vēatucōaruarōja —yuare yigoticami Pablo.

²⁷ Adriático vāme catiyajure jua semana vacaju yua, mino yuare vēatucōase rāca. To bajivana rīne, ñami gudareco ti tusato, “Yuc̃ayoare cōñacoana yirāja mani”, yicama cūmuare ĩacoderimasa. ²⁸ To bajiri ũc̃uase cōīariama rāca “¿no cōro ũc̃uati ti?” yirā, ruucōīacama ĩna. Treinta y seis metros ũc̃uacaju ti. Yoarobusa vacōari, ruucōīacama ĩna quēna. Veintisiete metros ũc̃uacaju yuja. ²⁹ To ti bajijare, “Gūtare rocaturu, cūmua vadirobe” yirā, cūmua ruucūñiare ancla vāme catijaurire babarirāc̃ajare rearoderuucama ĩna, cūmua gude ñasejuare. To yicōari, “Guarobusa busuato” yirā, Diore sēnicama ĩna. ³⁰ To yicōari, “Īguējaju ñasere quēne rearoderuuroana yaja yua”, yicama cūmuare ĩacoderimasa. Cūmua mojorica rāca rudiaruarā yirā yiboayuma. ³¹ To ĩna yiboajaquēne, surara ũj̃ure, to yicōari surarare quēne ado bajiro ĩnare goticami Pablo:

—Cūmuare ĩacoderimasa ĩna rudicoajama, catibetiruarāja m̃ua —ĩnare yigoticami.

³² To ĩ yijare, “Rudicoanasa mani” ĩna yiboariare, ĩna siariamarire yijesurecōari, vējarocarocōacama ĩna, surara.

³³ To ĩna yiro bero, busujedibetone yua jedirore baroticami Pablo:

—“¿No bajiro bajirāti mani?” yitūoīarā ñari, jua semana quēnaro bare bamenane ñacoaju m̃ua. ³⁴ To bajiri bare baya m̃ua, “Catirāsa” yirā. Nijūane mani rācagū rijayayibetiruc̃umi —yuare yigoticami Pablo.

³⁵ To bajiro yuare ĩ yiro bero, panre āmicōari, “Quēnaro yaja m̃u”, yicami, Diore sēnigū. To yigajanocōari, bacami. ³⁶ To ĩ yisere ajivariquēnacōari, bacaju yua quēne. ³⁷ Tia cūmuare vacana, doscientos setenta y seis ñarirāc̃u ñacaju yua. ³⁸ Yua baūsuc̃atiro bero, trigo joarire rearodecama ĩna, “Rāc̃ubetibusaro vanasa” yirā.

Pablo mesa ñna rujare queti

³⁹ Busuro bero yucúyoare ñacōari, “¿No ũnoju ñati?”, yicama ñna. To bajiro yiboarine, jabua ti ruyujare, “Tibua cutojuare rocaturāsa”, yicama cūmuare ñacoderimasa. ⁴⁰ To bajiri, ancla buto ti rucujare, ti cānori rācane jasureruucōacama ñna. To ñna yirone, gājerāma “Cūmuare veaturāsa” yirā ñna siaturiajāirire jojiocama ñna, jabuajuare jājaruarā. To yicōari, cūmua ĩguēa cutojuā ñarigaserore mino tuarigaserore tūamucōacama ñna, “Cūmuare ũmato jājajaro” yirā. ⁴¹ Tusarojuare jājaejamenane ti jōrejare, cūmua ĩguēa jabuaju jejacōacaju ti. To ti bajirone, buto oco sabeca yiro, cūmua gude cutojuare sabevaruucōacaju.

⁴² To ti bajirone, tubibe ecoriarā ñna juadiriarāre “Baájājarudiatoma” yirā ñnare sīarucōacama surarajuā. ⁴³ Ñna sīaruaboajaquēne, Pablōre maigū ñari, ñnare sīarotibeticami ñna ujujuā.

—Tire yimenane, baámasirāma jatirearodecōari, tusarojuā baájājasa mña —ñnare yicami. ⁴⁴ —Baámasimenama, yucújāiri, to yicōari, no bojase jayase rāca ñiacōari tusarojuā baájājasa —yicami. To bajiri sīgū rujarocariaro mano jabuaju baájājaejacaju yua.

28

Malta vāme cutiyoaju ejacōari, Pablo mesa ñna bajire queti

¹ Toju ejacōari, “Malta vāme cutiyoaju ñaja mani”, yīamasicaju yua. ² Tijuana masa, to yua ejaro, quēnaro yuare yicama. Buto oco ti quediare, yuare usacaju. To yua bajijare, jeame rucōari, “Sūmaroaya mña quēne”, yuare yicama. ³ Jearujari juagu vacōari, ñna riori mere ĩ tīarone, āña jearujari vatoa ñar'i, “Jea asisere rudiacuja” yigu, ĩ āmojuare jatirocayocōari, cūnicami, Pablōre. ⁴ ĩ cūniyojasere ñacōari, ado bajiro gāmerā yicama toana:

—Masa sīarimasu ñagūmi. Ñna rujariaroju ĩ rujarocabetijare, ĩ masa sīare vaja ĩre āña cūnirotigomo so, mani rucubucōgo —gāmerā yicama ñna.

⁵ To bajiro ñna yiboajaquēne, jeameju āñare ĩre yayerocatñacōacami. To bajicōari, visiorūgū yibeticami Pablo. ⁶ “Guaro mijiraroja. Ti mijibetijaquēne, ñaro tusarone rijacoa tujarucami”, yitucōaboacama tijuana jediro. To yicōari, yoaro ĩre ñacodeñaboacama. Ñna tuoīarore bajiro ĩ bajibetijare, ado bajirojuā tuoīacama ñna yuja: “Mani rucubucōgu, masure bajiro ruju cuticōari, ejami”, gāmerā yicama ñna yuja.

⁷ To yua bajiñacatiju ture ñacaju, tiyoana uju Publio vāme cutigu ye sita. Quēnaro yuare bocaāmicami. To bajiri, idiarūmā ĩ rāca yua ñaro quēnaro yuare yicami. ⁸ ĩ tu yua ñaro, “Buto rijaami yu jacu” ĩ yisere ajicaju yua. “Buburibujacōari, gūda cuduami. Mano gajajuar'ī cānijasariaro joju jesaami”, yicami. To bajiro ĩ yijare, ĩre ĩagū jājacami Pablo. ĩ tu jājaejacōari, Diore ĩre sēnibosacami. To yicōari, ĩ āmori ñujeocami. To ĩ yirone, catiocami ĩ yuja. ⁹ ĩre ĩ catiosere ajicōari, toana rijaye cutirā, ĩre catorotirā ejacama ñna. To ñna bajijare, ñnare catiocami Pablo. ¹⁰ To ĩ yijare, yuare rucubucōrā, quēnaro yirūgūcama ñna. To yicōari, yua varoto rījoro, yua bojase jediro yuare ĩsicama.

Romaju Pablo ĩ ejare queti

¹¹ Malta vāme cuti yoajure idiarā muijua ñacaju yua. “Juebucū ti rētoro bero vanasa” yirā, tujayuma Alejandr'ia vāme cuti macana. To bajiri, juebucū bero, ñna rāca vacaju yua quēna. Tia ĩguēajare, “Ado bajirā

ñarāma cūmuare ĩacoderimasa mani rūcubuoṛā, Cástor, to yicōari Pólux vāme cutigū quēne” yicōari ĩna quēnoriarā űacama. ¹² Siracusa vāme cuti macaju ejačōari, idiarūmu űacaju yua. ¹³ Ti macaju űacōari vana, Regio vāme cuti macaju ejačaju yua. Gađerūmu yua vato riojo mino ti vajare, Puteoli vāme cuti macaju vaejačaju yua. ¹⁴ Ti macaju ejačōari, Jesúre ajitirūnūṛāre ĩnare bujačaju yua. “Yua rāca cojo semana űaűa muā”, yuare yicama ĩna. To bajiri ĩna rāca cojo semana űacaju yua. To baji, Romaju vacaju yua. ¹⁵ Yua vadi quetire ajicōari, yuare bocarā vayuma ĩna, ti macana Jesúre ajitirūnūṛā. To bajiri, Foro de Apio vāme cuti macaju yuare bocacama. Gāđerāma, Tres Tabernas vāme cutoju yuare bocacama ĩna. To ĩna bajiro ĩacōari, variquēnagū űari, “Quēnaro yaja mu”, Diore ĩre yicami Pablo. ¹⁶ Roma vāme cuti macaju yua ejaro, tubiberiaviju Pablo ĩ űaruabetijare, “Gaje vijū sīgū ĩ űacōajama, quēnacōaroja. To bajiboarine sīgū surara ĩre coderūcūmi”, yicama.

Romaju űacōari, Pablo ĩ bajire queti

¹⁷ Romaju ĩ ejaro bero idiarūmu űatūsačū, “Jud'io masa ujarāre ĩnare jirēoűa”, yicami Pablo. ĩna rējajediro, ado bajiro ĩnare goticami:

—Yure ajiya yu yarā. Mani yarāre rojose yu yibetiboajaquēne, to yicōari, mani űicua ĩna yirūgūrere yu rūcubuoṛūgūboajaquēne, yure űiacōari, romano masare ĩsicama mani yarā, Jerusalén macana. ¹⁸ űie rojose yu yibetijare, “Rojose yibesumi” yicōari yure buruaboacama romano masajuama. ¹⁹ Yure ĩna buruaboajaquēne, mani yarāju, “ĩre bubeticōaűa”, ĩnare yicama. To ĩna yijare, “Rojose yiyujari yu’ yigū, Roma macagu, űju Cēsare ĩre ĩacōiarotirūcūja”, yicaju yu. “Rojose yure ĩna yicati ti űajare, rojose ĩnare yiyu’ yiru me, űju Cēsar taju varūcūja”, yicaju yu. ²⁰ Tire gotirū muare jicōamu yu. Israel űamasir'i jānerabatia mani tūoīayurūgūcacu, jēre ejayumi. To bajiri, ĩre yu ajitirūnūjare, cōmema rāca yure siarūgūama —ĩnare yigoticami Pablo.

²¹ To ĩ yisere ajicōari, ado bajiro ĩre yicama ĩna, Roma macana jud'io masa ujarā:

—Judea sitana ejaboarine, “Rojose yigū űaami Pablo”, yuare yigotibetirūgūama. ĩna ucacōasere quēne ĩabetirūgūaja yua. To bajiri mu bajisere masibeaja yua. ²² To bajiboarine, “Jesúre masa ĩna ajitirūnūjama, quēnabeti űaja” masa ĩna yise rīne ajirūgūmu yua. To bajiri, mu tūoīase yuare mu gotisere bojaja —ĩre yicama ĩna, Pablore.

²³ To bajiro ĩre yirā űari, ĩ gotisere ajirā ĩna rējarotirūmure ĩre goticama ĩna. “Tirūmu rējaruarāja mani” ĩna yicaturūmu ti ejaro, jājarābūsa rējacama ĩna.

To bajiri, ado bajiro ĩnare gotimasiocami Pablo:

—Jesúne űaami “Rotimuoṛūgōṛūcūmi” yigū, Dios ĩ cōar'i. ĩre ajitirūnūṛāre, “Yū yarā űaama” ĩnare yūīvariquēnacōari, quēnaro yirūgūami Dios —ĩnare yigotimasiocami Pablo.

Tire ĩ gotimasiojama, Moisés űamasir'ire Dios ĩ roticūmasirere, to yicōari Diore gotirētobosamasiriarā ĩna ucamasirere masigū űari, ĩnare gotimasioḡū yicami. Busuriju ĩ goticoajama, rāiorijuju gotigajanocami. ²⁴ To bajiro ĩ yisere ajicōari, “Socū me yami. Riojone bajiroja”, yiajicama sīgūri. To bajiboarine gāđerāma ajitebūsačama. ²⁵ To bajiri sīgūre bajiro tūoīabetica yirā, budisūocama ĩna. To ĩna bajirone, ado bajiro ĩnare goticami Pablo:

—Ado bajiro m̄ua bajirotire yiḡu, Esp'iritu Santo, m̄ua ñic̄ua ñamasiriarãre ĩ yimasire riojo ñañuja ti. “Ado bajiro ĩnare gotiaya”, yimasifiñumi, Isa'ias ñamasir'ire:

²⁶ “M̄u yarãre ĩnare gotiaya m̄u: ‘Ȳure ajirã ñaboarine, ajimasibeticõa ñaruarãma. Ȳu yiĩosere ĩarã ñaboarine, “¿To bajiro bajisere yiḡu yatique ĩ?”’, yiĩamasibeticõa ñaruarãma.

²⁷ Ado bajiro bajirã ñari, ȳu yere ajimasimena ñarãma ĩna: Gãmo gojeri tusubeti, to yic̄õari, caje ĩamenare bajiro bajirãma. To bajiro ȳu yijama, “Ȳu yere t̄uõĩar̄uamena ñaama” yiḡu yaja ȳu. To bajirã ñari, tire quẽnaro ajimasibeama. Ȳu yere ĩna t̄uõĩar̄uajama, tire ajimasic̄õari, ȳu bojarore bajiro t̄uõĩavasoac̄õari, ȳure s̄enir̄uc̄ub̄oborãma ĩna. Ȳure ĩna s̄enijama, ȳure ĩna cãmotadicõa t̄ujaborotire ĩnare yir̄etobosaboguja ȳu’, ĩnare yigotiaya m̄u”, Isa'iare ĩre yigotimasiñumi Esp'iritu Santo. To bajiro ĩ yijama, adirodori-anare quẽne, m̄uare gotiḡu yimasifiñumi.

²⁸ To bajiri quẽnaro ajiya m̄ua: Adir̄um̄ure Jesús s̄orine quẽnaro Dios ĩ yisere jud'io masa me ñarãjuare gotimasiocudiroti ñaja. ĩnajuama tire ajirã ñari, ajitir̄un̄ar̄ama —ĩnare yigoticami Pablo.

²⁹ To bajiro ĩ yigotijare, s̄iḡure bajiro t̄uõĩabetica yirã, gãmerã oca r̄etoc̄õari, budijedicoacama jud'io masa.

³⁰ Juã cãma ñacami Pablo, gãjoa bojarã ñari, ĩre ĩna vasoariavijure, Roma macajure. To bajiñagũ, ĩre ĩarã ejarã jedirore quẽnaro ĩnare yir̄uḡucami.

³¹ Gũibecune ado bajiro ĩnare gotimasiur̄uḡucami:

—Jesucristore m̄ua ajitir̄un̄ajama, “Ȳu yarã ñaama” m̄uare yiĩavariquẽnac̄õari, quẽnaro m̄uare yir̄uḡur̄uc̄umi Dios. To yic̄õari, —Ado bajiro Jesucristore ajitir̄un̄ar̄oti ñaja —ĩnare yigotimasiur̄uḡucami.

Tire ĩ gotimasio ñaro, “ĩnare gotibesa”, ĩre yibetir̄uḡucama ĩna, romano masa.

To cõro ñaja.

Carta de San Pablo a los ROMANOS

Roma vāme cūti macana, Jesucristore ajitirānūrāre Pablo ī ucacōare queti

¹ Yū ņaja Pablo vāme cūtigū adi quetire mūare ucacōagū. Jesucristo, ī bojasere yigū ņaja yū. Yūre besecōari, yūre cōacami Dios, “Yū macū sūori quēnaro yū yise quetire gājerāre gotimasiodirūcūja mū” yigū.

²⁻³ Adi quetire Jesucristo ī bajirotire quēnasereucasomasiñuma īna tirāmuanajū Diore gotirētobosariarā. To bajiri adigodojūre masūre bajiro ruju cūticōari ī ruyūare ti ņajare, tirāmuanā ī bajirotire yirā īna ucariarore bajirone bajiyumi. To bajiri, “Uju David ņamasir'i jānami ņañumi”, ĩre yimasiaja mani. ⁴ To bajiri ī sīacoro bero, Dios ī masise rāca ĩre catiocōari, “ņajediro uju ņañā mū” ĩre ī yire ti ņajare, “Jesucristo mani uju, Dios macūne ņaami”, ĩre yimasiaja mani.

⁵ To bajiri Jesucristo sūori quēnaro yūre yigū, yūre goticudirotiyumi Dios, “Tocārāca sitana ī macū ī bajirere ajicōari, quēnaro ĩre ajitirānūato” yigū. ⁶⁻⁷ To bajiri mūa quēne Roma ņarā, “Cristore ĩre ajitirānūña” Dios ī yirere cūdiriarā ņaja mūa, Jesús yarā. Mūare buto maiami Dios. Jesūre ajitirānūrā ņari, Dios rīa ņañuja mūa. Mūare quēnarotigū, mani jacū Diore, to yicōari, mani uju Jesucristore, ado bajise mūare sēnibosaja yū: “Quēnaro īna ņarotire yirā, ĩnare ejarēmoña”, mūare yisēnibosaja yū.

Roma macanare Pablo ī ņagū varūare queti

⁸ ņasūose ado bajise mūare gotiaja yū: Cristore ĩre mūa ajitirānūesere gotirūgūama tocārāca macariana. To bajiro īna yisere ajicōari, “Dios ī yise sūorine Cristore ajitirānūrāma” yimasigū ņari, “Quēnaro yaja mū”, Diore ĩre yaja yū. ⁹ Tocārācājine Diore yū sēnijama, mūare quēne sēnibosarūgūaja yū. Dios yūre ī rotirore bajiro buto cūdivariquēnaja yū. ĩ yirore bajiro cūdigū ņari, ī macū sūori quēnaro ī yise quetire goticudirūgūaja yū. To bajiri, masiami Dios, mūare yū sēnibosasere. ¹⁰ Diore sēnigū, “Mū bojajama, no bojarirūmū ĩnare ĩacudigū varūcūja yū”, ĩre yisēnirūgūaja yū. Mūa tūju varū, tuoīacōa ņarūgūboaja yū. ¹¹ “Buto būsā Jesūre ajitirānūato” yigū, mūare ejarēmorūaja yū. ¹² Mūa quēne, yū quēne, “Buto būsā ĩre ajitirānūrāsa mani” yigū, mani gāmerā ejarēmosere bojaja yū.

¹³ Cojōji me mūa tūjare yū varūarūgūboasere masiña mūa, yū mairā. “Gaje sitana yū gotisere ajicōari, Cristore ĩre īna ajitirānūcatore bajiro mūa rācana quēne ajitirānūato” yigū, varūarūgūboaja yū. Mūa ņarōjūre varūa tuoīagū ņaboarine, mūa tūjare vamasibeticajū yū. ¹⁴⁻¹⁵ Yū moare ņaja Jesucristo ī bajire sūorine Dios quēnaro masare ī yisere gotimasiore. Griego ocare ņagōrāre quēne, īna mere quēne, quēnaro masirāre, masimenare quēne gotimasioroti ņaja yūre. To bajigū ņari, Roma macajū ejačōari, mūa rācanare quēne buto gotimasiorūaja yū.

“Masa, Jesucristore ĩre ajitirānūcōari, quēnaseayere īna bujajare, tire goti-bojonebeaja yū”, Pablo ī yire queti

¹⁶ Jesucristo ī bajire sūorine masare quēnaro Dios ī yise queti, quēnase ņaja. Tire ajicōari, Jesucristore īna ajitirānūjare, rojose īna yise vaja rojose īna tāmūotūjabetirotire ĩnare yirētobosami Dios. Quēnaro ī yise ņajare,

ti quetire gotibojonebeaja yu. Jud'io masa, ti quetire ajisucajua. Tiju bero, ajisuyarütujama jud'io masa me quëne. ¹⁷ Ado bajiro yaja ti queti: “ “ ‘Ñie rojose mana ñaama’ yato Dios” yigu, yure rijabosayumi Jesús’ yituoïaräre, ‘Ñie rojose mana ñaama’ ñare yïïaami Dios”, yaja ti. Ijune to bajiro i yire ñajare, to bajiro tuoïaja mani. Tirene gotiaja Dios ocare masa ña ucamasire. Ado bajiro gotiami Dios: “ ‘Ñie rojose magü ñaami’ yu yïïavariquënegüma, ‘Cristo suorine Dioräca quënarö ñaja yu’ yigu ñari, ‘I rijato beroju tudirijabeticöato i’ yigu, yu catisere yu isigü ñarucumi i ügüma”, yigotiaja Dios ocare masa ña ucamasire.

“Masa jediro rojose yirä ñaama”, Dios i yïïase queti

¹⁸⁻¹⁹ “Ado bajiro ti bajijare, ‘Rojose mana ñaama’ Dios manire i yïïasere bojaja mani jediro”, yigotimasiogugagu yaja yu. Dios i rujeorere ñacöari, “To bajiro tuoïagü ñagümi”, yimasiroti ñaja. To yicöari, “Masa rojose ña yisere ñategü ñaami”, ñe yimasiroti ñaja. “To bajiro tuoïagü ñagümi” ñe yimasiroti ti ñaboajaquëne, ñe rücuöuobeticöari, rojose yirä ñari, gäjerä ñe ña masirüaboasere “Ñe masibeticöaña” yirä yama. To bajiro ña yijare, rojose ñare i yijama, riojo yigu yirucumi Dios. ²⁰ ñabujayamagü i ñaboajaquëne, i rujeorere ñacöari, “ ‘To bajiro yirä i ñajare, i masisere masiaja’ yure yato ña” yigu, adi macarucurore rujeomasinümi Dios. To bajiri, tire ñacöari, “Ñagümi mani rëtoro masigü, adi macarucurore yirujeosor’i”, yire ñacoayuja. To bajiro yire ti ñacoadijare, “Diore masiña manicaju ti”, yimasinä maja. To yicöari, “Dios i bojabetire masibecu ñari, no yu bojarone yirügücaju yu”, yimasinä maja. ²¹ Tirämüju, Diore masiboarine, quënarö ñe rücuöuobetimasinüjarä masa. Quënarö ñare i yiboajaquëne, “Quënarö yaja mü”, ñe yibetimasinüjarä ña. To bajiro bajirä ñari, socasejuare ajitirünucöari, Dios i ñajama, rojose ti ñaboajaquëne, “Quënasere yirä yaja mani”, yicoayuma ña. ²² To bajiro bajica yiräne, “Buto masirä ñaja yua” yicöarä ñaboarine, ñamasusejuarema masiriticoayuma ña. ²³ Dios rijabetirocujare ñe rücuöuobeticöari, masa rijarona rujeure bajiroju quënorujeocöari, rücuöuoyujarä ña. To yicöari, vuräre bajirä, vaibucuräre bajirä quënorujeocöari, rücuöuoyujarä ña.

²⁴ To bajiri, ñe ña ajitirünubetijare, “Rojose ña yirüaro cöro yicöa ñato ña”, ñare yicöañuju Dios. To bajiro ñare i yijare, butobusa bojoneose yirütuasujarä ña. ²⁵ Dios yere ajitirünubeticöari, socasejuare ajitirünurütuasujarä ña. To yica yirä, Diore jediro rujeor’ijare ñe rücuöuobeticöari, i rujeorejuare ña masune quënorujeocöari, rücuöuoyujarä ña. Dioju ñaami masa ña rücuöuö tujabetirocuma. To bajirone bajimörogöato.

²⁶ To bajiri gaje vämeju rïne masa ña rücuöuocöa ñajare, “No ña bojaro yicöa ñato ña”, ñare yicöañuju Dios. Ado bajiro yirügüñujarä ña: “Römia, ümua räca yiruaräma” Dios i yiboarere yibeticöari, römia rïne gämerä ajeriarä cutiyujarä ña. ²⁷ Ümua quëne, “Römia räca yiruaräma” Dios i yiboarere yibeticöari, ümua rïne buto gämerä yirucöari, gämerä yiyujarä ña. To bajiri ña rujariaye räca bojoneose yirä ña ñajare, rojose ñare yiyuju Dios.

²⁸ ñe ña ajibeti vaja, “No ña bojaro bajicöato”, ñare yiyuju Dios. ²⁹⁻³¹ Rojose ña yijama, ado bajiro yirügüräma: Jairo gajeyëni suorä ñaboarine, jaibusaro bojarëmorä ñaräma. Gäjeräre, “Yu rëtohusaro quënarö ñaama”, yïïajünisinirä ñaräma. Gäjeräre sïa, buto oca josajai, socajairä

ña, bajirāma. Gājerā rojose ña yirere ajicōari, gājerāre gotirudijairā ñarāma. Masa ña ajiro rījorojua quēne, socarāne, “Ado bajise rojose yima”, yigotirāma. Diore ñre terā ñarāma. Gājerāre tud'irā ñarāma. “Ñamasurā ñaja yua”, yijairā ñarāma. Gājerāma, “Ñamasurā ñaja yua” yituoīarā ñaboarine, “To bajiro bajirā ñaja yua”, yimenama. Rojose ña yiroire quēnaro yimasirā ñarāma. Ña jacuare ocarētorā ñarāma. “Quēnase ñaja. Rojose ñaja”, yimasimena ñarāma. Ña gotirote bajiro yirā me ñarāma. Gājerā ña yarā ña ñaboajaquēne, ñare ñaimaimena ñarāma ña. Maioro bajirāre sutiritīamena ñarāma ña. To bajiri, rojose jediro yirā ñarāma. ³² To bajiro yirārema, “Rojose ña yise vaja, rojose tām̄uot̄ujabetiraroju cōaruc̄aja yu' yiyumi Dios” yimasicōarā ñaboarine, rojose yit̄ujamenama. To yicōari, ña yiroire bajiro gājerā ña yijama, rojose ña yisere ñacōari, buto variquēnarāma ña.

2

“Rojose, quēnase masa ña yisere ñabeseruc̄umi Dios”, yire

¹ “Rojose ña yise vaja Dios rojose ñare ñ yijama, riojo yiḡu yiḡumi” yituoīacōari, “Quēnarā ñaja yua; yuarema rojose yibec̄umi” m̄ua yituoīaboajaquēne, “Yuare quēne, rojose yuare yato Dios” yirā yirāja m̄ua. Rojose ña yiroire bajirone rojose yaja m̄ua quēne. To bajiri, “Rojose yimena ñaja yua”, yimasimenaja m̄ua. ² “Dios ñaami, ‘Rojose ña yise vaja rojose tām̄uoruarāma’ yīamasiḡuma”, yimasijaja mani. ³ “Rojose ña yise vaja rojose ñare yiruc̄umi Dios” yicōari, “Rojose yibetiruc̄umi yuarema”, yituoīaboati m̄ua, ñare bajiro rojose yirā ñaboarine? ⁴ Rojose m̄ua yise vaja guaro rojose m̄uare ñ yibetijama, “Manire maiḡu ñari, rojose yibetiruc̄umi Dios”, yituoīaboati m̄ua? To bajiro me bajijaja. Muare ñamaicōari, rojose m̄ua yise vaja guaro rojose m̄uare yiruabeami Dios. Rojose m̄ua yisere sutiriticōari, m̄ua tuoīavasoarotire bojaami. Rojose m̄ua yisere “Yit̄ujato” yiḡu, m̄uare yugu bajiami maji. ⁵⁻⁶ To bajiri rojose m̄ua yise vaja rojose m̄uare ñ yibetijare, “Rojose yirā yaja yua” yisutiritimena ñari, rojose yit̄ujabeaja m̄ua. To bajiri, rojosere m̄ua yicōa ñarūḡujare, masare ñ beserir̄umu ti ejaro, rojose yirāre rojose tām̄uot̄ujabetiraroju ñ cōarotir̄umu buto m̄uare jūnisiniḡu ñari, rojose m̄uare yiruc̄umi Dios. To ñ yijama, “Ñ yiroire bajiro yiḡu ñaami”, yimasire ñaruarōja. ⁷ Siḡuri quēnasere yit̄ujamena ñaama ña. “‘Quēnaro yirūḡūcaju m̄ua’, manire yato ñ Dios”, yituoīarā ñaama. Dios t̄uju ña ñarotire bojarā ñaama. To bajiro ña tuoīajare, ña rijato beroju “Tudirijabeticōato” yiḡu, ñ catisere ñare ñsiruc̄umi Dios. ⁸ Gājerājuama to bajise tuoīarā me ñaama ña. Ña bojarore bajiro tuoīarā ñari, Diore ajimena ñaama ña. Ñre ajimena ñari, rojose yirūḡūama ña. To bajiro ña yise ñajare, buto jūnisiniami Dios. Ñare jūnisiniḡu ñari, masare ñ beserir̄umu ti ejaro, rojose tām̄uot̄ujabetiraroju ñare cōaruc̄umi. ⁹ Jud'io masa, jud'io masa me quēne, rojose yirāma, buto rojose tām̄uoruarāma ña. ¹⁰ Quēnasere yit̄ujamenajuarema, “Quēnaro yirūḡūcaju m̄ua” ñare yicōari, “Yu rāca quēnaro ñaruarāja m̄ua”, ñare yiruc̄umi Dios. To bajiro yiruc̄umi, jud'io masare, to yicōari jud'io masa mere quēne.

¹¹ Masare ñ ñabesejama, “Ñoama rojose yirā ña ñaboajaquēne, ñamasurā ña ñajare, ñare quēnaro yiruc̄uja yu” yiḡu me ñaami Dios. To bajiro yiḡu ñari, rojorāre rea, quēnarāre jua, yiruc̄umi. ¹² Jud'io masa me ñarāre, Moisére Dios ñ rotic̄umasirere cuomena ña ñaboajaquēne, rojose ña

yise vaja rojose tãmuotujabetiriarojuẽ ñnare reacõarucumi. To yicõari, Moisére Dios i roticũmasirere cuorãre quẽne, tire cuorã ñnaboarine ñre ñna cãdibeti vaja rojose tãmuotujabetiriaroju ñnare reacõarucumi. ¹³ “Dios i rotimasirere cuorã ñnaja yua” yirã ñnaboarine, ti rotirore bajiro ñna cãdibetijama, ñne vaja maja. “Quẽnase yirã ñnaama”, ñnare yĩabetirucumi Dios. I rotimasire ti yiore bajiro cãdirã rĩne ñnarãrãma, “Quẽnase yirã ñnaama” i yĩarã. ¹⁴ To bajiri jud'io masa me ñnarã, Moisére Dios i roticũmasirere masibetiboarine, quẽnasere ñna yijama, Dios i rotimasirere ajicõari, cãdirãre bajiro bajirãma, i bojasere yirã ñnari. To bajiro yirã, Dios i ucarotimasirere cuomena ñnaboarine, rojose ñna yisere masirãma, Dios i masisere ñnare i cõase ti ñnjare. ¹⁵ “Dios i rotise ñnaja ti” yimasimena ñnaboarine, Dios i bojasere masirãma ñna. To bajiri rojose ñna yijama, “Rojose yirã yaja yua”, yituoĩarãma. To yicõari, quẽnasere ñna yijama, “Quẽnase yirã yaja yua”, yituoĩarãma. ¹⁶ To bajiro masa ñna yituoĩarũgũse ñnjare, masare i beserirãmu ti ejaro Jesucristore cõarucumi Dios, masa jediro ñna tuoĩarũgũrere ñacõari, “ ‘Ado bajiro tuoĩarã ñnari, quẽnase bujarã, rojose tãmuorã, bajiruarãja mua’ ñnare yato i’ ” yigu. To bajiro i yiroti ti ñnjare, Jesucristo manire i rijabosare suorine Dios quẽnaro i yise quetire yu gotimasiojama, tire quẽne gotirũgũaja yu.

“Moisére Dios i roticũmasirere cãdirã ñnari, Dios yarã ñnaja yua”, jud'io masa ñna yire queti

¹⁷ Ado bajiro yituoĩaboarãja mua jud'io masa sũgũri: “Jud'io masa ñnari, Moisés ñnamasir'ire Dios i roticũmasirere rucubuoaja yua. To bajiri Dios yarã ñnaja yua, rojose i yibetirona”, yituoĩaboarãja mua. ¹⁸ Moisére Dios i roticũmasirere cuorã ñnari, i bojarore bajiro yirere masirãja. To yicõari, “Dios i rotimasire masicõari, quẽnasere yimasirã ñnaja yua”, yirãja mua. ¹⁹⁻²⁰ To bajise yituoĩarã ñnari, ado bajiro tuoĩaboarãja mua: “Dios yere masimenare gotimasiorimasa ñnaja mani”, yiboarãja mua. “Rojose yirãre Dios i bojasejuare gotimasioaja mani. To bajiro mani yibetijama, rĩamasare bajiro tuoĩacõa ñnarãrãma”, yituoĩaboarãja mua, “Dios rotimasirere cuorã ñnari, Dios ye jediro riojo masijeorã ñnaja mani” yituoĩarã ñnari. ²¹ To bajiri gãjerã masare gotimasioaboarine, çmuajuama gãjerãre mua gotimasiorore bajiro yibeati mua? Gãjerã masare, “Mua juarudijama, quẽnabeaja ti” yigotiboarine, muajuama juarudirãja mua. ²² “Mua manajo me rãca, rõmia quẽne mua manaju me rãca mua ajeriarã cutijama, quẽnabeaja ti” yirã ñnaboarine, muajuama, çno yirã tire yicõarũgũati mua? “Gãjerã masa, Diore masimena, ñna masune ñna quẽnoriarãjuare rucubuosocarãma. To ñna yisere ñaterã ñnaja yua” yigotiboarine, çno yirã ñna yirucubuosocariviriayere ñasere juarudiatu mua? ²³ “Moisére Dios i roticũmasirere ñnamasusere cuoaja yua” yivariquẽnarã ñnaboarine, ti rotirore bajiro yimenaja mua. To bajiro mua bajijama, Diore terã bajirãja mua. To bajiro mua bajisere ñacõari, gãjerã masa quẽne, ñre terãma. ²⁴ Ti ñnure gotiaja Dios ocare masa ñna ucamasire: “ ‘Dios yarã ñnaja yua’ yigotirã ñnaboarine, rojose yirũgũrãja mua. To bajiri Diore masimena quẽne, ‘Rojosere quẽnaro yigu ñagũmi Dios’ yituoĩaama ñna”, yigotiaja Dios ocare masa ñna ucamasire.

²⁵ Circuncisión yiecoriarã ñnarãja mua. “ ‘Dios yarã ñnaja yua. To bajiri ñre cãdirona ñnaja yua’ yimasiritibeticõato ñna” yigu, to bajiro mani ñicũare yirotimasifũmi Dios. To bajiro Dios manire i yirotimasire ti ñnjare, i rotimasire ñnaro cõrone mani cãdijeocõajama, circuncisión mani yiecore,

vaja cūtiboroja ti. To bajiboarine Dios ī rotimasire jediro cūdijeomena űari, circunciōn yiecobetiriarēre bajirone bajicōaja mani. ²⁶ No bojarā, circunciōn yiecoyamana ĩna űaboajaquēne, Dios ī roticūmasirere masibetiboarine, ti yirore bajiro ĩna yijama, “Yū yarā űaama”, yīiagūmi Dios. ²⁷ Jud'io masajuama, Dios ī rotimasire masa ĩna ucamasirere cūorā űaboarine, to yicōari, circunciōn yiecoriarā űaboarine, Diore quēnaro cūdimenaja mūa. Gājerā masa circunciōn yiecobetiriarā űaboarine, Dios ī roticūmasirere masibetiboarine, ti yirore bajiro yirā űarāma. To bajiro bajirā űari, mūare jud'io masare ĩacōari, “Rojose yirā űaama”, mūare yīiaruarāma. ²⁸ Jud'io masa quēnase ĩna gotiboajaquēne, to yicōari quēnase ĩna yiboajaquēne tire ĩacōari, “Jud'io masa masu űaama”, yīiabeami Dios. Circunciōn yiecoriarā ĩna űaboajaquēne, “Jud'io masa masu űaama”, ĩnare yīiabeami Dios. ²⁹ Dios ī ĩajama, Esp'iritu Santo ī ejarēmose rāca tūoĩarā rīne űaama ĩ yarā, jud'io masa masuma.

3

¹ To bajiro yū gotisere ajicōari, ado bajiro tūoĩarāja mūa jud'io masa sīgūri: “No yirā, ‘Jud'io masa űaja yūa’ yimenaja mani. Jud'io masa mani űajaquēne, űie bujamenaja. Circunciōn yire quēne, űie vaja manoja”, yitūoĩaboarāja mūa. ² To bajiro me bajiaja. Cojo vāme me jud'io masare quēnaro yiyumi Dios. űasūose ado bajiro mūare gotiaja yū: Mani űicūare ī ocare cūñumi Dios. “Quēnaro mūare yirūcūja yū”, ĩnare yimasīñumi Dios. Tire ajicōari, ado bajiro tūoĩarāja mūa: ³ “Mani űicūa sīgūri Dios ī rotimasirere cūdimena ĩna űajare, ‘Quēnaro ĩnare yirūcūja yū’ Dios ī yiboarere yibetirūcūmi”, yitūoĩaboarāja mūa. “Diore ajitirūnūgūarāja” yirā űaboarine, ĩna yirore bajiro yirā me űaama masama. Diojūama, to bajiro bajigū me űaami. “Quēnaro ĩnare yirūcūja” yir'ī űari, ī yirore bajiro yirūcūmi. ⁴ Ado bajiro bajiaja: Masa mani socaboajaquēne, Dioma, socagū me űaami. Tirene ucamasīñumi Diore gotirētobosarimasū: “Mūre yū cūdibeti vaja, rojose yūre mū yiro ĩacōari, ‘Yirūcūja’ ī yiriarore bajiro yami’ mūre yirūcūbūo variquēnaruarāma masa. To bajiri, ‘Socagū űaami’ mūre yigū manirūcūmi”, yūcamasīñumi.

⁵ ĩ rotisere cūmasīñumi Dios, mani űicūare. “Yū rotirore bajiro mūa yibetijama, rojose mūare yirūcūja”, ĩnare yimasīñumi. To bajiro ī yimasire ti űaboajaquēne, ĩre ajibeticoayuma ĩna. To bajiri, jud'io masare, “Yū yarā űaama”, yīiabeami Dios yuja. Jud'io masare, “Yū yarā me űaama” ī yirere ajicōari, “ĩre ĩna cūdibeti vaja, ‘Rojose’ yirūcūja ī yiriarore bajirone yigū űaami” yirā űari, ĩre rūcūbūoama ĩna, jud'io masa me. To bajiri, jud'io masajuama, Dios mūare rojose ī yisere masicōari, “ ‘Gājerā yūre rūcūbūo variquēnato ĩna’ yigū, yū yarā me űaama jud'io masama”, yigūmi Dios. “To bajiro ī yijama, mani rāca rojose yigū, yigūmi Dios”, cūyitūoĩati mūa? ⁶ To bajiro me bajiaja. Masa rojose ĩna yise vaja Dios rojose ĩnare ī yijama, vatojene rojose yigū me yami. To bajiri, masa rojose ĩna yisere ĩamasigū űari, rojose ĩnare yirūcūmi Dios.

⁷ To bajiro mūare yū gotisere ajicōari, ado bajiro tūoĩarēmoboarāja mūa jud'io masa: “Dios ī rotimasirere cūdijeobetiboarine, ī rotimasirere yirā űaja mani. To bajiri rojosere mani yiboajaquēne, rojose manire yimasibeami Dios. Rojose mani yise vaja, rojose manire ī yijama, rojose manire ī yisere ĩacōari, ‘To bajiro yirūcūja’ ī yiriarore bajiro yigū yami Dios’ yīiācōari, rūcūbūo variquēnaruarāma jud'io masa me

ñarã”, yituoĩaboarãja mña. ⁸ To bajiro me bajaiaja. To bajiboarine, jud'io masare yu gotimasiosere ajicõari, siguri ado bajiro yure ñagõmacarãma ña: “ ‘Gãjerã, Diore rucubuo variquenato ña” yigu, rojose yito mani’ yigumi Pablo”, socarãne yure yĩñagõmacarãma ña. To bajiro yirãma, rojose tãmuotujabetiriaroju reaecorã ñarãma.

“Mani jedirone rojose mani yise vaja, sũoye cutiaja mani”, yire

⁹ To bajiro mñare yu gotisere ajicõari, çado bajiro yituoĩati mña? “Dios manire ï ñajama, gãjerã masa rëtoro quênarã ñaja mani jud'io masa”, çyituoĩati mña? To bajiro me bajaiaja. Mani jud'io masa, jud'io masa me ñarã quêne, ñajediro rojose mani yise vaja sũoye cutiaja mani, Dios ï ñajama.

¹⁰ Tirene, ado bajiro gotiaja Dios ocare masa ña ucamasire:

“Jediro mu rotirore bajiro cudigu magumi.

¹¹ ‘Adi ñaja quênase. Tijua ñaja rojose’ yimasimena rĩne ñaama. ‘Mu bojarore bajiro yirucuja yu’ mure yisënegũ magumi.

¹² Masa jediro mu ocare ajirũgũboariarã, tire ajitujacõari, rojosejuare yirã ñarãma ña. Gãjerãre quênaro yirã manama. Quênasere yirã manimasucõarãma.

¹³⁻¹⁴ Ña ñagõjama, masa yujeriagojerire jãna ãniorãre bajiro yama ña. Socajairã ñaama. Gãjerãre jũnisinicõari, ña tud'ijama, ña oca, ñãna rĩma jũnisere bajiro budiaja.

¹⁵ Gãjerãre ña tud'ijũnisijama, guaro sĩarã ñarãma.

¹⁶ Rojose yirã ña ñajare, ña vacudirijuri ñarãjua, rojose tãmuoama ña.

¹⁷ Gãjerã rãca quênaro ñarere masimena ñaama.

¹⁸ Diore gãimena ñari, ïre rucubuo mena ñarãma”, yigotiaja Dios ocare masa ña ucamasire.

¹⁹ Dios ï rotimasirere, “Mani jud'io masare cũñumi, ‘Yu rotisere quênaro cudiato ña’ yigu”, yimasiaja mani. To bajiri Dios ï rotimasirere masi-boarine tire yibeticõari, “Yuma sũoye maja”, yimasifã maja. To bajiri, jud'io masa, jud'io masa me ñarã quêne, “Dios ocare ti yiore bajirone, ‘Rojose yirã ñaja’”, yimasiaja mani. ²⁰ “ ‘Yu rotiro cõrone cudijeogu ñaja mu’ yure yĩarucumi Dios”, yimasigũ magumi. “Dios ï rotimasire ñaro cõrone yijeomena ñari, sũoye cutiaja mani”, yimasiaja mani jediro.

“Jesucristo manire rijabosayumi” yituoĩarãre, “Ñie rojose mana ñaama”, Dios ï yĩare queti

²¹ To bajiro yirã ñaboarine, yucurema ado bajirojua yimasiaja mani yuja: “Dios ï rotimasire ñaro cõrone yijeomena ñaboarine, sigurire, ‘Ñie rojose mana ñaama’ yĩaami Dios”, yimasiaja mani. Mani ñaja, Cristore ajitirãnarã ñari, “Ñie rojose mana ñaama” Dios ï yĩarã. To bajiro manire ï yivotire goti rĩjoro cutiyuja, Moisére Dios ï roticũmasire, to yicõari, Diore gotirëtosariarã ña ucamasire quêne. ²²⁻²⁴ Ado bajiro bajaiaja ti, Dios quênaro manire ï yise: Dios ï rotimasire ñaro cõrone cudijeogu magumi. To bajiboarine mani jedirore maigũ ñari, “Masa rojose ña yise vaja ñare vaja yibosaaya” yigu, ï macure cõañumi Dios. ï macu ï rijabosare ti ñajare, rojose mani yisere manire masirioyumi Dios, Cristore ajitirãnarãre. To yigu ñari, “Ñie rojose mana ñaama”, manire yĩaami Dios yuja. To bajiro bajaiaja jud'io masare, jud'io masa me ñarãre quêne. ²⁵ “Masa rojose yirãre rojose tãmuotujabetiriaroju cõaroti ñaja” yir'ĩ ñari, “Rojose tãmuoroma” yigu, Jesucristore ï macure cõañumi, ñajediro rojose yirãre ñare rijabosarocure. To bajiro ï yire ñajare, masare rijabosayumi Jesús. ï

ri'i rāca manire ī vaja yibosare ti űajare, rojose mani yisere masirioyumi. To ī yijare, no bojagũ Jesũre ajitirũnũgũre, "Ñie rojose magũ űaami", ĩre yĩĩaami Dios. To bajiro ī yijama, "Yirũcũja" ĩ yirore bajiro yigũ yami.²⁶ To bajiro yir'i űari, tirũmũanajũ rojose ĩna yisere ĩaboarine, rojose ĩna yise vajare rojose tãmũotũjabetiriaroju ĩnare cõabesumi. To yicõari, yucũre quẽne, "Rojose yirã űaboarine, yũare rijabosayumi Jesucristo" yitũoĩarãre rojose tãmũotũjabetiriaroju ĩnare cõabetirũcũmi.

²⁷ To bajiri, "Dios ĩ rotimasire ti yirore bajirone mani yijare, 'Quẽnase yirã űaama' manire yĩĩagũmi Dios", yimasĩna maja. Ado bajirojuã yire űaja: " 'Jesucristo mani uju, manire ĩ rijabosare űajare, "Ñie rojose mana űaama" manire yĩĩagũmi Dios' yirãjuare, 'Ñie rojose mana űaama' ĩnare yĩĩagũmi Dios", yire űaja. ²⁸ To bajiri, Moisẽre Dios ĩ roticũmasirere mani masiro cõro quẽnaro mani cũdiboajaquẽne, "Quẽnase yirã űaama", manire yĩĩabecũmi. "Jesucristo manire ĩ rijabosare ti űajare, ñie rojose mana űaja mani yuja" mani yisejuare masicõari, "Rojose mana űaama", manire yĩĩagũmi Dios.

²⁹ ¿Dioma, jud'io masa uju rĩne űagũjarique? Bajigũmi, bajigujũma. Bajicõari, jud'io masa me űarã uju quẽne űagũmi. ³⁰ Sĩgũne űaami Dioma. Gãji magũmi. To bajiri circuncisiõn yiecoriarãre, yiecoyamanare quẽne, "Jesucristo manire ĩ rijabosare ti űajare, ñie rojose mana űaja mani yuja" mani yisere masicõari, "Rojose mana űaama", manire yĩĩagũmi Dios. ³¹ To bajiri, "Jesucristo ĩ rijabosare suorine manire ĩvariquẽnaami Dios" mani yitũoĩajama, "Moisẽre Dios ĩ roticũmasirejuã vaja mano tujaroja", yitũoĩarãja mũã sĩgũri. To bajiro me bajaiaja. Moisẽre Dios ĩ roticũmasirere rearã me yirãja. "Jesucristo suori manire ĩvariquẽnagũmi Dios" yimasirã űari, tire yirẽmorã yirãja mani.

4

"Ñie rojose magũ űaami Abraham' yĩĩamasĩũmi Dios", yire

¹ Abraham, jud'io masa ñicu űamasir'ire ado bajise ĩ yijare, "Ñie rojose magũ űaami" ĩre yĩĩamasĩũmi Dios yire quetire mũare gotirũcũja yũ. ² Abraham quẽnaro ĩ yimasire ti űaboajaquẽne, "Rojose magũ űaami", ĩre yibesuju Dios. "Rojose magũ űaami" ĩre ĩ yijama, "Quẽnaro yigũ yũ űajare, 'Rojose magũ űaami' yũre yĩĩagũmi Dios", yiborimi Abraham. ³ Ado bajirojuã gotiaja Dios ocare masa ĩna ucamasire: "Abrahamre, 'Quẽnaro mũare yirũcũja yũ' Dios ĩre ĩ yisere ajicõari, 'ĩ yirore bajirone bajirũaroja' ĩ yimasire űajare, 'Ñie rojose magũ űaami' ĩre yĩĩamasĩũju Dios", yigotiaja ti, Dios ocare masa ĩna ucamasire. ⁴ No bojagũ gãjire ĩ moabosajama, ĩre ĩ moabosase vaja ĩre vaja yigũ, ĩre ĩsigũmi. ĩre ĩ moabosase vaja bujacõari, "Vaja manone yũre ĩsigũ me yimi. ĩre yũ moabosase vajare yigũ, yũre ĩsimi", yigũmi. ⁵ Tire bajiro me bajaiaja ti, manire Diore ajitirũnarãre. "Dios ĩ rotimasire ti yirore bajiro mani yise űajare, 'Ñie rojose mana űaama' manire yĩĩagũmi Dios", yitũoĩabeaja. Ado bajirojuã tũoĩarã űaja mani: "Dios ĩ bojarore bajiro yirã me mani űaboajaquẽne, quẽnaro manire yigũmi. Rojose mani yisere 'Manire masirioato Dios' yigũ, manire vaja yibosayumi Jesús. To bajiro manire ĩ yibosare ti űajare, 'Ñie rojose mana űaama' manire yĩĩagũmi Dios, yaja ti, ĩ oca. To bajiro ti yijare, to bajirone bajiroja", yitũoĩarã űaja mani. To bajiro yitũoĩarãre, "Ñie rojose mana űaama", yĩĩagũmi Dios. ⁶ Tire tuoĩagũ, David

ñamasir'i, ado bajiro ucamasiñumi: "Rojose ña yisere t̄oĩabec̄ane, 'Rojose mana ñaama' ñnare yĩaḡami Dios, ñre ajitir̄an̄ar̄e. To bajiro ñnare ñ yijare, variquēnar̄ar̄ama", yiu camasiñumi David ñamasir'i. ⁷ Ado bajiro yiu camasiñumi ñ:

"Variquēnar̄ar̄ama rojose ña yisere Dios ñ masirior̄a.

⁸ "Rojose mani yiro bero, manire masirioč̄ari, "Rojose yicaj̄a m̄ua. To bajiri rojose m̄uare yir̄uc̄aja ȳu" tudiyibetir̄uc̄ami Dios' yit̄oĩar̄ama, variquēnar̄ar̄ama", yiu camasiñumi David.

⁹ Variquēnarere ti yijama, jud'io masa, circuncisión yiriar̄a r̄ñe yiro me yaja. Circuncisión yiecoyamana jud'io masa mere quēne yiro yaja. Abraham ñ bajimasirere t̄oĩasaque m̄ua quēna: Dios ñre ñ gotimasirere, "Ñ yirore bajirone bajir̄aroja" yiḡu ñ ñajare, "Ñie rojose maḡu ñaami", ñre yĩamas̄iñuju Dios. ¹⁰ To bajiro ñre ñ yijama, ¿circuncisión ñ yiecoriario beroj̄a, ñ yiecobetoj̄a bajiyujarique? "Ñie rojose maḡu ñaami" Abrahamre Dios ñre ñ yijama, circuncisión ñ yiecoroto r̄ñoroj̄ane ñre yimas̄iñumi. ¹¹ Dios ñre ñ gotimasirere, "Ñ yirore bajirone bajir̄aroja" yiḡu ñ ñajare, "Rojose maḡu ñaami", ñre yĩamas̄iñumi Dios. To yic̄ari bero, "To bajiro ñre ȳu yicatire masiritiromi" yiḡu, circuncisión ñre yirotimas̄iñuju, Abrahamre. To bajiri Abraham circuncisión ñ yiecoroto r̄ñoroj̄ane, "Rojose maḡu ñaami", ñre yĩamas̄iñuju Dios. To bajiro bajimasir' ñ ñari, jud'io masa ñic̄u r̄ñe ñaḡu me bajimas̄iñumi Abraham ñamasir'ima. "Dios ñ yiriarore bajirone bajir̄aroja" ñ yit̄oĩamasiriarore bajirone yit̄oĩar̄a ña ñajare, "Ñie rojose mana ñaama" Dios ñ yĩar̄e quēne, ña ñic̄une ñamas̄iñumi Abraham. ¹² Jud'io masa circuncisión yiecoč̄ari, Abraham circuncisión yiecobec̄aj̄a, "Dios ñ yirore bajiro bajir̄aroja" ñ yit̄oĩamasiriarore bajirone t̄oĩar̄e quēne ña ñic̄u ñamas̄iñumi Abraham.

"Cristore mani ajitir̄an̄ajama, 'Yir̄uc̄aja' ñ yiriarore bajirone yir̄uc̄ami Dios", yire queti

¹³ "M̄ure, m̄u jānerabatiaj̄are quēne, adi macar̄uc̄aro ti ñaro c̄õrone m̄uare ñjor̄uc̄aja ȳu", yimas̄iñuju Dios, Abrahamre. "Ȳu rotisere quēnaro c̄udiami" yiḡu me, to bajiro ñre yimas̄iñuju Dios. Abrahamj̄ua, " 'Yir̄uc̄aja' Dios ñ yiriarore bajirone bajir̄aroja" yit̄oĩamasir' ñ ñajare, "Rojose maḡu ñaami" ñre yĩaḡu ñari, to bajiro ñre yimas̄iñuju Dios. ¹⁴ "Dios ñ rotimasire ti yirore bajiro yir̄a r̄ñe, macar̄uc̄aro ti ñaro c̄õrone ñjar̄ar̄aja" mani yit̄oĩajama, Dios Abrahamre, "M̄ure, m̄u jānerabatiare quēne ñjor̄uc̄aja ȳu" ñ yimasiboarej̄ama vaja maniboroja. ¹⁵ "Dios ñ rotic̄umasire ti yirore bajiro mani yijama, macar̄uc̄aro ti ñaro c̄õrone ñjar̄ar̄aja" mani yit̄oĩajama, riojo gotir̄a me yir̄aja mani, Dios ñ rotic̄umasire ñaro c̄õrone c̄udijeomena ñari. "Macar̄uc̄aro ñjar̄ar̄aja" mani yit̄oĩaboajaquēne, rojose manire yir̄uc̄ami Dios, ñ rotic̄umasirere c̄udijeomena mani ñajare. "Dios ñ rotic̄umasire mani c̄udibetiboajaquēne, 'Rojose mana ñaama' yĩaḡami Dios" yit̄oĩar̄a r̄ñe ñaama "Rojose mana ñaama" Dios ñ yĩar̄a.

¹⁶ To bajiri, "Ñ yirore bajirone bajir̄aroja" ñ yit̄oĩase ñajare, Abrahamre ñamaic̄ari, "Macar̄uc̄aro jedirore m̄ure ñjor̄uc̄aja ȳu", ñre yimas̄iñuju Dios. To bajirone bajiaja manire quēne. Abraham Diore ñ t̄oĩariarore bajiro Diore mani t̄oĩajama, manire quēne, "Abraham jānerabatia ñari, adi macar̄uc̄aro jedirore ñjar̄ar̄aja m̄ua", manire yĩaḡami Dios. To bajiri jud'io masa Mois̄ere Dios ñ rotic̄umasirere c̄uoc̄ari, Abraham ñ t̄oĩariarore bajirone ña t̄oĩajama, ñnare quēne to bajirone yir̄uc̄ami Dios. ¹⁷ Dios

ocare masa ĩna ucamasire quēne, to bajirone gotiaja: “Jājarā masa cojo sitana me ĩarā ĩicu ĩarucuja mu’ yigotimasiņuju Dios, Abrahamre”, yigotiaja. To bajiro Dios ĩ yisere ajicōari, “Ī yirore bajirone bajiruaroja”, ĩre yituoĭamasiniuju Abraham. To bajiri, rijariarāre catiogū, to yicōari, ĩajediro rujeomasir’i ĩaami Dioma.

¹⁸ “Bucū ĩari, rĭa maniacū bajiaja” Abraham ĩ yituoĭaboajaquēne, “Jājarā ĩaruarāma mu jānerabatia” Dios ĩre ĩ yijare, “Ī yirore bajirone bajiruaroja”, yimasiņuju Abraham. “Bajirucuja mu” ĩ yiriarore bajirone yigū, jediro ĩicu ĩaami yuja. ¹⁹ Abraham, cien cāmari cōro tūscū ĩamasiniuju. Ī manajo rāca, juarājune bucarā ĩari, rĭa cutibetiararāju ĩamasiniujarā. To bajiri, “To cōro bajirearuarāja yua” yimasibetiboarine, “Dios ĩ yirore bajirone bajiruaroja”, yicōa ĩagū ĩamasiniuju Abraham. ²⁰ “Bajiruaroja’ Dios yure ĩ yicati bajibetiruaroja”, yibecu ĩamasiniuju Abraham. To bajiro bajigu ĩari, “Dios ĩ yirore bajirone yirucūmi” yigū ĩari, “Socagū me ĩaami Dios” ĩre yiajirucūbuomasucomasiņuju Abraham. To bajiri, “Mu yirore bajirone yigū ĩaja mu”, Diore yivariquēnamasiņuju Abraham. ²¹ “Ī yirore bajirone yirucūmi. Ī yimasibeti manoja, Diorema”, yituoĭamasiniuju. ²² “To bajiro yure tuoĭagū ĩ ĩajare, ‘Rojose magū ĩaami’ ĩre yĭĭaja yu”, yimasiņuju Dios. To bajirone gotiaja ti, Dios ocare masa ĩna ucamasire.

²³ Abraham sĭgūrene, “Rojose magū ĩaami”, yiuca ecobesuja Dios ocare masa ĩna ucamasire. ²⁴ Manire quēne, Abraham Diore ĩ tuoĭamasiriarore bajirone ĩre mani tuoĭajama, “Rojose mana ĩaama”, yĭĭagūmi Dios. Ī ĩaami mani uju Jesucristo ĩ rijato bero ĩre catior’ima. ²⁵ “Rojose ĩna yise vaja ĩnare vaja yibosaya” yigū, Jesucristore ĩre rijaroticōaņumi Dios. To yicōari, Jesucristo ĩ rijato bero, “ ‘Rojose mana ĩaama’ manire yĭĭagūsa” yigū, ĩre tudicatioyumi quēna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani uju Jesucristo” mani yituoĭasere masicōari, “Rojose mana ĩaama”, manire yĭĭagūmi Dios. To bajirā ĩari, “Mani rijato beroju, ĩ rāca quēnaro ĩacōa ĩarūgūruarāja”, yivariquēnaja mani. To yicōari, “Yure bajiro quēnase rĭne yirā ĩato’ yigū, manire yirēmogū yami”, yivariquēnaja mani. ³ To bajiro yirā ĩari, rojose tāmūboarine, variquēnaja mani. Tiaye rĭne variquēnarā me yirāja mani. Rojose tāmūboarine, “Jesucristo suori Diorāca quēnaro ĩaja’ yituoĭarā ĩari, rojose yiruaboarine, tire yibeju yua”, yimasiaja mani. ⁴ Cojoji me rojose tāmūorā ĩaboarine, “Jesucristo suori Diorāca quēnaro ĩaja” yituoĭarā ĩari, rojose yiruaboarine, tire yimena ĩari, “Ī ĩaroju ĩ rāca quēnaro ĩaruarāja”, yituoĭaņaruarāja mani. ⁵ Esp’iritu Santore manire cōaņumi Dios. To bajiro ĩ yiriarā ĩari, “Manire maiami Dios”, yimasiaja mani. To bajiri, “Ī ĩaroju ĩ rāca ĩabetiruarāja”, yisatiritibetiruarāja mani.

⁶ Rojose yitujamasimena mani ĩajare, rojose mani yisere masiriorū, ĩ macare cōaņumi Dios, “Rojose ĩna yise vaja, ĩnare vaja yibosaya” yigū. ⁷ Josari ĩaroja ti, gājire ĩna sĭaroadone, “Yujuā ĩre rijabosarucuja” yirema. Dios ocare ajitirūnugūre ĩre ĩna sĭaroadijaquēne, ĩre maigū ĩari, “Yujuare sĭaņa”, yimasigū magūmi. To bajiboarine quēnaro ĩre yigū ĩ ĩajama, “Yujuare sĭaņa”, yimasibogūmi, cojojirema. ⁸ Rojose yirā mani ĩaboajaquēne, Jesucristojuama manire rijabosayumi. To bajiri,

“Manire bato maiami Dios”, yimasiaja mani. ⁹ Rojose yirā mani ņaboajaquēne, Jesucristo manire ī rijabosare ti ņajare, “Rojose mana ņaama”, manire yīaami Dios. To bajiri, “Rojose tāmōtūjabetiriaroju manire cōabetirūcūmi”, yimasiaja mani. ¹⁰ Rojose mani yisere īategū ņaboarine, tire masiriorū, ī macure manire cōaņumi, “Īnare rijabosaaya” yigū. To bajiri ī macū manire ī rijabosaro bero ĩre catiocōari, “Rojose mana ņaama”, manire yīājūnisini tūjayumi Dios. To bajiri, ado bajiro yimasiaja mani: “‘Dios tūju ī rāca quēnaro ņato’ yigū, butobusa manire yirēmōrūgūrūcūmi Jesucristo”, ĩre yivariquēnaja mani. ¹¹ Ti rīne yivariquēna tūjamenane, “Jesucristo mani ūju manire ī rijabosare ņajare, Diorāca quēnaro ņaja mani”, yivariquēnaroti ņaja.

Adán ī bajire, to yicōari, Jesucristo ī bajire rāca Pablo gotire

¹² Adán ņamasīņuju rojose yisōr'i. To bajiro ī yimasire vaja rija-coamasiņuju. To bajiro ī yimasire ti ņajare, jedirone rojose yirā ņari, bajireacoayuja mani quēne. ¹³ Dios Moisére ī roticūroto rījorojūne, masa jediro rojose yimasiņujarā ĩna. To ĩna yiboajaquēne, ī roticūre ti manijare, “Yū rotirore bajiro yibeama ĩna”, yīābetimasiņuju Dios. ¹⁴ To bajiro ī yīābetiboajaquēne, Moisére ī roticūroto rījoroana quēne bajireacodimasīņuma. To bajiro ĩna bajijama, Adán Dios ĩre ī roticūsere masiboarine, ī cūdibetimasire vaja bajireasūoadimasīņuma ĩna. To bajiri Adán manire ī yiomasire sūorine bajireacoarūgūaja mani quēne. To bajiboarine, “Quēnase yigūre ĩre cōarūcūja yū. Ī sūorine quēnaro ņaruarāma ĩna”, yimasīņuju Dios.

¹⁵ Adán rojose ī yisūomasire vaja rojose manire ti ņaboajaquēne, manire īamaicōari, quēnaro masu manire yirēmoami Dios. To bajiri Adán sūorine “Rojose yirā ņaama” manire ī yīāre ti ņaboajaquēne, yucūrema Jesucristo sūorine “Rojose mana ņaama”, manire yīāgūmi Dios. To yicōari, butobusa quēnaro manire yirēmōcōa ņagūmi Jesucristo, “Diorāca quēnaro ņato” yigū. ¹⁶ Adán, rēmōjūne rojose ī yisere ĩacōari, “Mū yise sūorine, mū quēne, mū jānerabatiaju quēne, bajireajedicōaruarāma”, yimasīņuju Dios. To bajiro manire yimasir'i ņaboarine, yucūrema cojoji me rojose mani yise ti ņaboajaquēne, tire masiriocōari, “Ūie rojose mana ņaama”, manire yīāgūmi Dios. ¹⁷ Sīgū rojose ī yisūomasire sūorine masa jediro bajireacoayuja mani. To bajiro bajirā mani ņaboajaquēne, Dios, masijeogu ņari, manire īamaicōari, quēnaro masu manire ejarēmogūmi. “Jesucristo manire rijabosayumi” yirāre, rojose mani yisere masiriocōari, “Rojose mana ņaama. ĩna rijato beroju ‘Tudirijabeticōato’ yigū, yū catisere ĩnare ĩsirūcūja yū”, manire yīāgūmi Dios.

¹⁸ Adán rojose ī yisūomasire sūorine, “Masa jediro bajireacoaruarāma”, manire yimasiņuju Dios. To bajiro ī yimasire ti ņacōaboajaquēne, “Jesucristo yūare rijabosayumi” yirāre, “Ūie rojose mana ņaama. ĩna rijato beroju ‘Tudirijabeticōato’ yigū, yū catisere ĩnare ĩsirūcūja yū”, ĩnare yigūmi Dios. ¹⁹ To bajiro yū yijama, ado bajiro yigū yaja yū: Sīgū Diore ī cūdibetimasire sūorine rojose yirā ņacoayuja mani jediro, Dios ī ĩajama. To bajiro bajirirā ņaboarine, Jesucristo, Dios ī rotirore bajirone ī cūdire sūorine, “Rojose mana ņaama” ī yīārā jājarā ņarūtuaju mani yuja.

²⁰ Dios cūmasīņumi, ī roticūmasirere Moisére ņamasir'i rāca, “Ī roticūriarore bajiro yibeticōari, rojose yijairā ņaja mani’ yimasiatō ĩna” yigū. Ī rotimasirere masiboarine, butobusa rojose yiyuma. To

bajiro ĩna yiboajaquēne, Diojuma, butobusa ĩnare ĩamaiñumi. ²¹ Rojose mani yise vaja, bajireacōari, rojose tãmuotujabetiriaroju varona ñañuja mani. To bajirona mani ñaboajaquēne, manire ĩamaigũ ñari, mani ĩjare Jesucristore cōañumi Dios, “Mũre ajitirũnrãre rojose ĩna tãmũoborotire ĩnare yirẽtobosaaya” yigu. To bajiri Jesucristo manire ĩrijabosare suorine, “Rojose mana ñaama, manire yĩacōari, ĩna rijato beroju ‘Tudirijabeticōato’ yigu, yũ catisere ĩnare ĩsirũcujã yũ”, manire yĩagũmi Dios.

6

“Rojose mani yisere yitũjacōari, Dios ĩ bojasejuare yirã ñato mani”, yire queti

¹ To bajiri Dios manire ĩ ĩamaisere yũ gotisere ajicōari, ĩno bajiro tũoĩati mũa? “Rojosere ĩna yiboajaquēne, rojose yigu me ñañumi. To bajiri, butobusa rojose yito mani. To bajiro mani yiboajaquēne, manire maigũ ñari, manire masiriocōã ñarũcũmi”, ĩyitũoĩaboati mũa? ² ĩTo bajiro me bajiaja! “Manire rijabosayumi” yitũoĩarã ñari, rojose yirũaboarine, tire yibetisũoyuja mani. To bajiro yiriarã ñaboarine, ĩno yirã rojosere tudiyirãjari mani? ³ ĩBautizarere ajimasiati mũa? Oco rãca manire ĩna bautizarone, “Cristore ajitirũnrã ñaja yũ” yirã, ado bajiro yiriarãja mani: “ ‘Rojose ĩna yisere, tire yitũjato’ yigu, Cristo manire rijabosayumi’ yirã ñari, rojose mani yisere to cõrone yitũjato”, yiriarãja mani. ⁴ To bajiri rojose mani yisere yitũjarũarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicōari, Jesucristo ĩ yuje ecoro bero, ĩ masise rãca ĩre tudicatoyumi Dios. To bajiri, ĩ rãca tudicatirãre bajiro bajiyuja mani, bautismo mani yiecoro bero. To bajirã ñari, Jesucristo ĩ ejarẽmose rãca Dios ĩ bojarore bajiro yirã ñaja mani.

⁵ To bajiri, Jesucristo rãca rijariarãre bajiro bajirã ñari, tudicatrĩ ĩ ñajare, ĩ rãca tudicatrĩarãre bajiro bajirã ñari, ĩ ejarẽmose rãca quẽnase yirũgũroti ñaja manire. ⁶ “Rojose mani yisere yitũjacōari, Jesucristojuare ĩre ajitirũnũaja” yirãre, manire rijabosayumi Jesús, rojose mani yisere “Yitũjato” yigu. To bajiro ĩ bajire ti ñajare, rojosere yirũ tũoĩaboarine, tire yitũjaroti ñaja. ⁷ Masũ ĩ bajirocacoajama, juaji rojose yibecũmi. To bajiri mani quẽne rojose yirũgũriarã ñaboarine, Jesũre ajitirũnũca yirã, juaji rojose yibetiroti ñaja manire. ⁸⁻⁹ Mani quẽne, Jesucristo rãca rijariarãre bajiro bajirã ñari, rojose yirũaboarine, tire yibetirũarãja. “Jesucristo ĩ rijariaro bero tudicaticōari, juaji tudirijabetirũcũmi” yimasirã ñari, “ĩ ejarẽmose rãca quẽnase yicōã ñarũgũrũarãja mani, adigodoju quẽne, to yicōari, mani rijato beroju quẽne”, yitũoĩaja mani. ¹⁰ Jesucristo cojojine rijayumi, “Rojosere yitũjacōari, quẽnasejuare yato ĩna” yigu. To bajiri juaji tudirijabecũmi. ĩ rijaro bero, tudicaticōari, yucũrema õ vecaju ñacōari, Dios ĩ bojasere yĩagũmi. ¹¹ To bajiro tũoĩarũgũroti ñaja manire quẽne. “ ‘Quẽnasejuare yato’ yigu manire ĩ rijabosare ti ñajare, rojosere yirũaboarine, tire yibetirũarãja. To bajicōari, Jesucristo ĩ ejarẽmorã ñari, Dios ĩ bojasere yicōã ñarũarãja mani quẽne”, yitũoĩarũgũroti ñaja manire.

¹²⁻¹³ Mani ruju, yoaro catirotiruju me ñaja. To bajiri Dios ĩ bojabetire yirũarã ñaboarine, tire yibetirũarãja mani. “Rijacoaboarine, Jesucristo ĩ tudicatre ñajare, ĩ ejarẽmose rãca Dios ĩ bojasejuare yirũarãja” yitũoĩacōari, quẽnasejuare yirã ñarũarãja mani. ¹⁴⁻¹⁵ “Dios Moisere ĩ roticũmasirere mani cũdibetijama, rojose tãmuotujabetiriaroju manire cõarũcũmi”, yitũoĩã gũibetiroti ñaja manire. Dios, manire maigũ ñari, ĩ

macure cōañumi, rojose mani yise vajare, “Vaja yibosato” yigũ. To bajiri, “Ñie rojose mana ñaama’ manire yĩagũmi Dios”, yaja mani. To bajiri, rojosere yirũaboarine, Jesucristo ï ejarẽmose rãca rojose yibeaja mani.

“Rojose mana ñaama’ Dios ï yĩarã ñari, rojose mani yijama, quẽnacõaroja”, çyitũoĩati mũa? To bajiro me bajaiaja. ¹⁶ “Rojosere yirũarã ñari, tire mani yicõa ñajama, ti rione yisejacoanaja mani”, çyimasibeati mũa? “To bajiro mani yijama rojose tãmũotũjabetiriaroju varũarãja mani”, çyimasibeati mũa? “Tire yibeticõari, Dios ï bojarore bajirojuã mani yicõa ñajama, ï bojasejuare yisejacoanaja mani”, çyimasibeati mũa? ¹⁷ Tirũmũjuma rojosere yisejariarã ñari, ti rione mũare yirũamacõriaroja ti. To bajiri sigũ moarimasũ cuticõari, ïre ï rotiajeriarore bajiro mũare bajiriaroja rojosejuã. To bajiro mũare ti bajiboajaquẽne, ado bajisejuã yitũoĩañuja mũa yuja: “Jesucristo manire rijabosayumi, rojose mani yise sũori”, yitũoĩañuja mũa. To bajiri yucurema Dios ï bojasere yirã ñarãja mũa. Tire tũoĩacõari, Dios sũorine to bajiro yirã mũa ñajare, “Quẽnaro yaja mũ”, ïre yaja yũ. ¹⁸ Dios sũorine rojose yitũjacõari, quẽnasejuare ï bojarore bajiro yirã ñarãja mũa. ¹⁹ Moarimasũ cuticõari, ï rotirere quẽnaro masirãja mũa. To bajiri tire cõĩacõari, mũare gotibũ yũ. Tirũmũjuma rojose yisejarã ñañuja mũa. Yucurema ado bajiro Diore sãnirũgũña: “Mũ bojase quẽnase rĩne yirũaja yũ”, ïre yisãnirũgũña mũa.

²⁰ Rojosere yirã ñaboarine, “Rojose yirã yaja yũ”, yimasibetiriarãja mũa. ²¹ Rojose rĩne mũa yijama, çdise ùni quẽnase bujacati mũa? Bũjabetiriarãja. Rojose mũa yirũgũrere mũa tũoĩajama, “Bojoneose yirã yiyuja mani”, yirãja mũa. Rojose rĩne mũa yicõa ñajama, rojose tãmũotũjabetiriaroju varona ñaboriarãja mũa. ²² To bajiboarine, yucurema, Dios ï ejarẽmose rãca rojosere yitũjacõari, ïre cũdirãja mũa yuja. ïre cũdirã ñari, Dios ï ejarẽmose rãca bũtobũsa ï bojasere yirũtuanaja mũa. To bajicõari, mũa rijato beroju tudicaticõari, ï rãca quẽnaro ñacõa ñarũgũrũarãja mũa. ²³ To bajiri, masa rojose mani yise vaja mani rijato beroju rojose tãmũotũjabetiriaroju varoti ñaja. To bajiboarine, Jesús yarã mani ñajama, rojose mani yise vaja, mani vaja yibetiboajaquẽne, mani rijato beroju “Tudirijabeticõato” yigũ, ï catisere manire ïsiami Dios.

7

“Rojose mana ñarãsa’ yirã, Moisére Dios ï rotimasirere ajisũyabetiroti ñaja”, yire queti

¹ Yũ mairã, Moisére Dios ï rotimasirere masirãja mũa. Mani catiro cõro tire cũdire ñaja. Mani rijacoajama, tire cũdimasimenaja. ² Tire bajirivãme mũare gotiaja yũ: Rõmio so manaju cutijama, ï catiro cõro so manaju rãca so ñajama, quẽnaja. So manaju ï bajirocacoajama, “Gãjire manaju cutibesa”, yibeaja Dios Moisére ï roticũmasire. To bajiri so manaju ï bajirocaro bero, gãji so manaju cutijama, Dios ï rotimasirere cũdibeco me bajigomo. ³ To bajiboarine, so manaju ï catirone, gãji rãca so ajeri cutijama, “Rojose yigo yamo”, sore yĩare ñaroja. So manaju ï rijato beroju, gãji rãca so manaju cutijama, Dios rotimasirere cũdibeco me yigomo. To bajiri, “Rojose yigo yamo”, sore yimasĩña manoja.

⁴ Tire bajiro bajaiaja manire quẽne. Cristo ï rijaroto rĩjoro, Dios ï rotimasirere mani cũdibeti vaja rojose tãmũotũjabetiriaroju manire varoti ñaboayuja maji. To bajiboajaquẽne, rojose mani yisere “Masirioato

Dios” yigü, manire rijabosayumi Cristo. Ìre ajitirünurã, ì rãca rijari-arãre bajiro bajiaja mani. To bajiri yucurema, “Dios ì rotimasirere mani cudibetijama, rojose tãmuotujabetiriaroju manire cõarucami Dios”, yituoïagüibetiroti ñaja manire. Cristo, mani yu ñaami. Ìre catioyumi Dios, “Yu macure ajitirünurã, yu bojarore bajiro yato” yigü. ⁵ Jesúre mani ajitirünuroto ríjorojuma, rojose ríne yirã ñarügüñuja mani. Moisére Dios ì roticūmasirere masiboarine, ti yirore bajiro yiruabesuja mani. To bajiri, rojose yisejarã ñari, ti rione manire yiruamacõñuja ti. To bajiro yirã ñari, rojose tãmuotujabetiriaroju varona ñaboayuja mani maji. ⁶ Yucurema, “Moisére yu roticūcatire cudijeoroti ñaja, yu taju ña ñarujama”, yituoïabeami Dios. To bajiro ì yibetijare, “Dios ì rotimasirere mani cudibetijama, rojose tãmuotujabetiriaroju manire cõarucami Dios”, yituoïagüirã me ñaja mani yuja. To bajirã ñari, Esp'iritu Santo ì ejarẽmose rãca Dios ì bojarore bajiro yirã ñaja mani.

Rojose mani yisere Pablo ì gotire queti

⁷ To bajiro mũare yu gotisere ajicõari, ¿ado bajiro yituoïati mũa? “Dios, Moisére ì roticūmasire, ‘Rojose yiya mũa’ manire yiro yaja”, ¿yituoïati mũa? To bajiro me bajiaja. “‘Rojose yirã ñaja mani’ yimasiato” yiro, yaja ti, Moisére Dios ì roticūmasire. Moisére ì roticūmasire ti manijama, “Rojose yirã ñaja mani”, yimasibetiboriarãja mani. Ado bajiro bajiaja: “Gãjerã ye gajeyeünire bojaïabesa”, yigotiaja Dios ì roticūmasire. To bajiro ì yimasirere yu masibetijama, “Rojose yigü yaja”, yimasibetiboriaja yu. ⁸ “Bojaïabesa” Dios ì yimasirere masicõari, “Yu bojaïajama, rojose yigü yaja” yimasiboarine, rojose yigü ñari, butobusa gãjerã yere bojaïarũtuacaju yu. Dios ì rotimasire ti manijama, “Rojose yigü yaja yu”, yimasire maniboriaroju. ⁹ Moisére ì roticūmasirere yu masiroto ríjorojuma, “Quẽnaro yigü ñaja yu”, yituoïaboacaju yu maji. “Bojaïabesa” Dios ì yimasirere masicõari, “Yu bojaïajama, rojose yigü yaja” yimasiboarine, butobusa gãjerã yere bojaïarũtuacaju yu. To bajiri, “Dios ì ñajama, rojose tãmuotujabetiriaroju varoca ñaja yu”, yimasicaju yu yuja. ¹⁰ “Masa, yu rãca quẽnaro ñato” yigü, Moisére roticūmasifumi Dios. To ì yimasire ti ñaboajaquẽne, “Tire yu cudibetijare, rojose tãmuotujabetiriaroju yure cõarucami Dios”, yituoïacaju yu. ¹¹ “Gãjerã ye gajeyeünire bojaïabesa” yirere ajicõari, “Tire yu cudijama, ‘Quẽnaro yigü ñaami’ yure yílarucami Dios”, yituoïacaju yu. To yituoïaboarine, gãjerã yere bojaïacõa ñacaju yu. Tire yitujabecu ñari, “Rojose tãmuotujabetiriaroju yure cõarucami Dios”, yituoïacaju yu.

¹² To bajiri, Dios, Moisére ì roticūmasire, ñajediro riojo yise ñaja ti. To bajicõari quẽnase ñaja. ¹³ Tire ajicõari, Dios ì rotimasire quẽnase ti ñaboajaquẽne, “‘Ti suorine rojose yirã ñari, rojose tãmuotujabetiriaroju varuarãma masa’, yigü yami”, ¿yure yituoïati mũa? To bajiro me yaja yu. “Rojose ña yise vaja rojose tãmuoɠuarãma” yigüjua yaja yu. “‘Rojose masu yirã ñaja mani’ yituoïamasiato’ yirojua bajiyuja Dios ì rotimasirema”, yimasiaja mani.

¹⁴ Dios ì roticūmasire, quẽnase ti ñaboajaquẽne, rojosere yiruã tuoïarã ñari, Dios ì bojabetijure yaja mani. To bajiri, sîgü moarimasu cuticõari, ìre ì rotiajerore bajiro manire bajiaja. ¹⁵ Mani bajisere ajimasibeaja mani. Quẽnasere mani yiruasejuarema yibetirügüaja mani. To yicõari, “Rojose yibetiruarãja” mani yituoïasejuare yirügüaja mani. ¹⁶ “Mani yirügüsere yiruabeaja” mani yituoïajama, “Quẽnase ñaja Dios ì rotimasire”

yirā yaja mani. ¹⁷ “Mani yirūgūsere yiruabeaja” yirā ñaboarine, tire mani yijama, mani masune yirā me yaja mani. Rojosejua manire ūmato yirūgūaja. ¹⁸ Quēnasere yiruārā ñaboarine, rojosejua yirūgūaja mani. To bajiri, “Quēnasere yimasimena ñaja mani”, yimasiaja. ¹⁹ Quēnasere mani yiruasejua yibeticōari, mani yiruabeti rojosejua yirūgūaja mani. ²⁰ To bajiri, “Mani yirūgūsere yiruabeaja” yirā ñaboarine, tire mani yijama, mani masune yirā me yaja mani. Rojosejua manire ūmato yirūgūaja.

²¹⁻²³ Ado bajiro bajirūgūaja manire: “Quēnasere yiruārāja” yirā ñaboarine, rojosejua yirūgūaja mani. Dios ī rotimasire ti yirore bajiro mani yiruacōaboajaquēne, rojosejua manire ūmato ti yicōa ñajare, rojosejua yirūgūaja mani.

²⁴ To bajiri rojose yitujamasimena ñari, rojose tāmōtūjabetiriaroju mani varotire tōiācōari, buto sātiritiaja mani. “¿Ñimu manire yirēmogāti, rojose yitujacōari, Dios ī bojasejua mani yirūgūrotire yigu?”, yisātiritiaja mani. ²⁵ To bajiro sātiritiboarine, “ ‘Rojose yitujacōari, yu bojasejua yirā ñato ña’ yigu, mani ujare Jesucristore ĩre cōañumi Dios”, yivariquēnaroti ñaja manire. To bajiri, “Quēnaro yaja mu”, Diore ĩre yivariquēnato mani.

To bajiri Dios ī bojarore bajiro mani yiruaboajaquēne, rojosejua manire ūmato ti yicōa ñajare, rojosere yicōa ñaja mani.

8

“Esp'iritu Santo ĩ ejarēmose rāca quēnasere yimasiaja mani”, yire queti

¹⁻² Yucurema, “Yu roticatore bajiro yibeama” Dios ī yīārā me ñaja mani. Jesucristo yarā ñari, “Rojose mana ñaama” ĩ yīārā ñaja. To bajicōari, rojose yiruaboarine, Esp'iritu Santo ĩ ejarēmojare, rojosere yimena ñaja mani. To bajiri, rojose tāmōtūjabetiriaroju vabetiruārāja. ³ Ado bajiro bajiyuja manire: Dios Moisére ĩ roticūmasire ti yirore bajiro cūdijeomasibesuja mani, rojosejua yirā ñari. Mani cūdijeobetijare, rojose magū ĩ ñaboajaquēne, “Rojose yigu ñaja mu” ĩre yigure bajiro ĩ macure rijaroticōañumi Dios, “Rojose ĩna yisere ĩnare vaja yibosaya” yigu. Mani rujare bajiro ruja cutigu ñaboarine, rojose yibecu ñari, rojose mani yise vaja manire rijabosayumi. ⁴ To bajiro yiyumi Dios, “Yu ejarēmose rāca yu bojarore bajiro quēnase rīne yirā ñato” yigu. To bajiri, rojosere yiruārā ñaboarine, tire yibeaja mani. To yicōari, Esp'iritu Santo ĩ ejarēmose rāca tōiācōari, Dios ī bojarore bajiro yirūgūaja mani.

⁵ Rojose yirāma, rojose ĩna yirotire tōiārūgūrāma ĩna. Esp'iritu Santo ĩ bojarore bajiro yirāma, “Ī bojarore bajiro yirāsa” yirā tōiārūgūrāma.

⁶ Rojose yirāma, rojose tāmōtūjabetiriaroju varona ñaama ĩna. Esp'iritu Santo ĩ bojarore bajiro yirāma, ĩna rijato beroju, Diorāca quēnaro ñacōa ñarūgūrāma. ⁷ Rojose yirāma, Diore terā ñarāma ĩna. To bajirā ñari, ĩ bojarore bajiro yimasimenama. ⁸ To bajiro yirārema, ĩnare ĩvari-quēnabeami Dios.

⁹ Muajama, rojose yirā me ñaja mua, Esp'iritu Santo mua rāca ĩ ñajare. Esp'iritu Santo ĩ bojarore bajiro yirā ñarāja mua. Esp'iritu Santore cuobecu, Jesucristo yu me ñaami, ĩ ūgāma. ¹⁰ Rojose muare ūmato yirirujarima, boacoaruaroja. Boarotirujari ti ñaboajaquēne, Cristo rācana mua ñajare, “Rojose mana ñaama”, muare yīagūmi Dios. To bajiro muare ĩ yīajare, ĩ rāca quēnaro ñarāja mua. ¹¹ Dione ñaami Jesús ĩ rijacoaboajaquēne, ĩre tudicator'ī. ĩre ĩ catiore ti ñajare, Esp'iritu Santore cuorā

ñaja m̄ua. Īre c̄uorã m̄ua ñajare, m̄ua rijato beroj̄u Cristore ĩ catoriarore bajirone m̄uare quēne tudicator̄uc̄umi Dios, j̄uaji boabetirotiruj̄arire m̄uare ĩsigũ.

¹² To bajiri ȳu mairã, rojose yir̄uaboarine, tire yibetiroti ñaja m̄uare. ¹³ Rojose m̄ua yiñajama, m̄ua rijato beroj̄u rojose tãm̄uot̄ujabetiriaroj̄u var̄uarãja m̄ua. Rojose yir̄uaboarine, Esp'iritu Santo ĩ ejarēmose rãca rojosere m̄ua yibetijama, m̄ua rijato beroj̄u “Tudirijabetic̄oato” yiḡu, ĩ catisere m̄uare ĩsir̄uc̄umi Dios.

¹⁴ Esp'iritu Santo ĩ ejarēmose rãca yirãma, Dios rãa ñarãma ĩna. ¹⁵ “Rojose mani yijare, rojose tãm̄uot̄ujabetiriaroj̄u manire c̄oar̄uc̄umi Dios’ yiḡuiato ĩna” yiḡu me, manire ejarēmoami Esp'iritu Santo. ĩ s̄uorine Dios rãa ñaja mani. To bajic̄oari, ĩ ejarēmose rãca, “Dios ĩ mac̄ure ĩ maiore bajiro manire maiami” yit̄uoĩarã ñari, “Cac̄u”, yaja mani, Diore. ¹⁶ Esp'iritu Santo ĩ ejarēmose rãca, “Dios rãa ñaja”, yimasijaja mani. ¹⁷ To bajiri ĩ rãa, Cristo yarã mani ñajare, ĩ mac̄ure ĩ maiore bajirone manire maigũ ñari, manire quēne quēnaro yir̄uc̄umi Dios. Adigodoj̄u, “Cristo ĩ bojasere yica” yirã, rojose mani tãm̄uojama, mani rijato bero Dios t̄uj̄u quēnaro ñarũgũr̄uarãja. ĩ mac̄u quēnaro ĩ ñarore bajirone quēnaro ñarũgũr̄uarãja mani quēne.

Mani rijato bero, quēnaro mani ñaroti queti

¹⁸ To bajiri adir̄um̄ari, “¿No yirã rojose tãm̄uoiati mani?”, yit̄uoĩa sutiritibetiroti ñaja manire, rojose mani tãm̄uose r̄etoro quēnaro Diorãca ñarona ñari. ¹⁹ Adi macar̄uc̄uro Dios ĩ rujeore jediro, Dios ĩ r̄iare quēnaro ĩ yirotir̄um̄u ti ejarore ĩar̄uaro buto yuñaroja ti. ²⁰ R̄emoj̄u Dios ĩ rujeorema, adir̄um̄ari ti bajirore bajiro me bajimasif̄uju. Adãn rojose ĩ yise ti ñajare, “Boase r̄ine ñac̄oar̄aroja” Dios ĩ yimasire ñari, adir̄um̄ari ñase quēne, boase r̄ine ñac̄oaja. To bajiboarine, “Cojor̄um̄u adi macar̄uc̄uro ĩ rujeore Dios ĩ tudiquēnorotir̄um̄u ejar̄uaroja”, yimasijaja mani. ²¹ To bajiri ĩ rujeore jedirone “Boabetic̄oari, quēnase r̄ine ñato” yiḡu, tudiquēnor̄uc̄umi quēna. To yic̄oari, “Ȳu rãa quēnase r̄ine yirã ñato” yiḡu, tudirijayamanire manire ĩsir̄uc̄umi. ²² Adir̄um̄ari quēne Dios ĩ rujeore jedirone rojose tãm̄uoc̄oã ñaja ti. Tire masijaja mani. R̄omio mac̄u c̄utigoago, rojose so tãm̄uorore bajiro rojose tãm̄uoaja ti. ²³ Esp'iritu Santo ĩ ejarēmorã ñaboarine, rojose yic̄oã ñarã ñari, rojose tãm̄uorũgũaja mani. To bajiri, “Quēnase r̄ine yirã ñato” yiḡu, tudirijayamanire Dios manire ĩ ĩsirotire bojarã ñari, buto t̄uoĩac̄oã ñarũgũaja mani. ²⁴ “Tudirijayamanire ĩsir̄uc̄umi”, yit̄uoĩac̄oã ñarũgũaja mani, rojose mani yise vajare Jesús ĩ vaja yibosariarã ñari. ĩere quēnase r̄ine yirã mani ñajama, tudirijayamanire manire ĩ ĩsirotire, no yirã yumenaja mani. ²⁵ Mani c̄uobeti ti ñajare, quēnaro tire yuc̄oã ñarũgũroti ñaja.

²⁶ Esp'iritu Santo manire ejarēmogũmi, “Rojose yir̄uaboarine, tire yibetic̄oato ĩna” yiḡu. To yic̄oari, Diore mani s̄enimasibetire masic̄oari, manire s̄enibosarũgũgũmi, ĩ masise rãca. ²⁷ Dios ĩ bojarore bajiro manire s̄enibosagũmi. To bajiri, Esp'iritu Santo manire ĩ s̄enibosasere masigũmi Dios. ĩ ñaami mani t̄uoĩasere masigũma.

Cristore ajitir̄un̄arã ñari, “Dios ĩ ejarēmose rãca quēnase r̄ine yirã ñaruarãja mani”, yire queti

²⁸ Dios ĩ beseriarã ñari, ĩre maiaja mani. To bajiri, quēnaro mani ñarotire yiḡu, manire ĩ yir̄emorũgũsere masijaja mani. Rojose tãm̄uoboarine,

“Quēnaro mani ñarotire yigu, manire yirēmogūmi”, yituoīacōa ñaroti ñaja. ²⁹ Rēmojne Cristore ajitirūnaronare manire masicōañumi Dios. “Yū macu Jesucristore bajiro quēnase rīne yirā ñaruarāma ña” yigu. To bajiri, “Yū bojarore bajiro yirārema, ña gagu ñarucumi Jesucristo”, yicōamasifñumi Dios. ³⁰ To bajiri rēmojne, “Cristore bajiro quēnase rīne yirā ñaruarāma” i yiriarā ñaja mani. To bajiro manire yigu ñari, “Rojosere yitujacōari, i macure ajitirūnato” yigu, manire ejarēmoñumi. To yicōari, i macure mani ajitirūnare, “Rojose mana ñaama”, manire yīañumi. To bajiri, i macu yarā mani ñajare, “ ‘Ire bajiro quēnase rīne yirā ñato’ yigu, ñare ejarēmorucuja”, yiyumi Dios.

³¹ Ti oca quēnasere masicōari, ado bajiro yirēmomasiaja mani: “Dios manire ejarēmoami, rojose tāmūotujabetiriaroju vabeticōato ña” yigu. Rojose gājerā manire ña yiboajaquēne, “Dios manire i ejarēmojare, no bajiro manire yimasimenama”, yimasiaja mani. ³² I maigū i ñaboajaquēne, i macure ire cōañumi Dios, “Masare rijabosato” yigu. To bajiro yir'i ñari, quēnasere manire ejarēmocōa ñarucumi Dios. ³³ To bajiri, i beseriarāre manire ñamaicōari, “Rojose mana ñaama”, manire yīagūmi Dios. To bajiro i yirā mani ñajare, “Rojose yirā ñaama”, manire yimasimenama. ³⁴ Rojose mani yise vaja, manire vaja yibosagu rijayumi Jesucristo. Tudicaticōari, Dios i rujiro riojocatūajuare rujicōari, manire ñagōbosarūgūgūmi. To bajiri, “Rojose yirā ñaama”, manire yibetirucumi i quēne. ³⁵ Cristo manire i maisere, “¿No yigu ñare maiati?” yigu magūmi. Cojoji me rojose mani tāmūoboajaquēne, gājerā rojose manire ña yiboajaquēne, ñiorjarā, sudi mana mani ñaboajaquēne, gūioroju mani vaboajaquēne, gājerā manire ña sīaboajaquēne, manire maicōa ñarucumi Cristo. ³⁶ Tirūmaju Dios ocare masa ña ucamasire mani bajisere gotiro, ado bajiro gotiaja ti:

“Mū yarā yua ñajare, gājerā yuare sīarūgūama ña. Ovejare juaácōari, ña sīaroju juajecōari, ña sīarore bajiro yuare yirūgūama”, yigotiaja Dios oca.

³⁷ Ñajediro rojose mani tāmūose ti ñaboajaquēne, manire i ejarēmocōa ñajare, “Manire bato maicōa ñaami”, yitujabetiruarāja mani. ³⁸⁻³⁹ Dios manire i maisere matase manija. Mani bajireacoajaquēne, mani ñacōajaquēne, manire maitujabetirucumi. Adirūmari rojose mani tāmūose, to yicōari, gajerūmari rojose mani tāmūoroti ti ñaboajaquēne, manire maitujabetirucumi Dios. Ángel mesa, vātia, adigodo ujarā, o vecana, o ēñerocana, ñañamana quēne, rojose manire ña yiboajaquēne, manire ejarēmocōa ñarucumi Dios, i taju mani ejarotire yigu. Jesucristo yarā mani ñajare, manire bato maigūmi Dios.

9

Israel sitanare Dios i besere queti

¹⁻³ “Yū yarā, Jesús i bajirere ña ajitejare, i yarā me ñaama”, yisutiritiaja yu. Ire ajitirūnugū ñari, Esp'iritu Santo i ejarēmose rāca, “Riojo gotiaja yu”, yimasiaja yu. ñare maigū ñari, rojose ña yise vaja ñare vaja yibosagu, Cristore ire cāmoticōari, rojose tāmūotujabetiriaroju varuaboaja yu; “To bajiro yu bajise vajane, ñajua Cristo rāca ñato” yigu. ⁴ Yū yarāre ado bajiro quēnaro ñare yiyumi Dios: ñare besecōari, “Yū rīa ñaja mūa”, ñare yiyumi. To yicōari, ñañamagū ñaboarine, ñañamani ñare yīorūgūñumi, “Mani rāca ñagūmi” ña yimasirotere yigu. Moisés ñamasir'ire i rotisere ñare

cūmasiñumi. To yicōari, “Yū bojasere m̄a yijama, quēnaro m̄are yir̄uc̄ja yū”, ĩnare yimas̄iñumi. “M̄ure, m̄u jānerabatiaj̄ure quēne, adi macar̄uc̄ro ti ñaro cōrone m̄are ũjor̄uc̄ja yū”, ĩnare yimas̄iñumi. ⁵ Yū ñic̄na, Diore r̄uc̄b̄uor̄ā ñamas̄iñujar̄ā ĩna. ĩna jānamine ñañumi Cristo. ĩne ñaḡami Dios, ñajediro ũju. ĩ ñaami masa ĩna r̄uc̄b̄uor̄o t̄ujabetiroc̄ma. To bajirone bajim̄uor̄ūḡoato.

⁶ Yū yar̄ā israelita masare Dios oca quēnase ti gotiboaajaquēne, “Quēnaro yir̄uc̄ja” ĩ yiriarore bajiro ĩ yibetijama, “Soc̄u yiyumi”, yit̄uoiar̄aja m̄a siḡuri. To bajiro me bajiaja. ĩre ajitir̄un̄r̄ā r̄ine ñar̄āma quēnaro ĩ yirona. Ḡajer̄āma, israelita masa ñaboarine, Dios ĩ ĩajama, ĩ r̄ia me ñar̄āma, ĩre ajitir̄un̄mena ñari. ⁷ Abraham jānerabata ñaro cōrone, ĩ jānerabata masu me ñar̄āma, Dios ĩ ĩajama. Ado bajiro Abrahamre gotimas̄iñuju Dios: “M̄u mac̄u Isaac r̄ia ñar̄uar̄āma m̄u jānerabata masuma”, yimas̄iñuju Dios. ⁸ To bajiro ti yijama, ado bajiro yiro yaja: “Quēnaro m̄are yir̄uc̄ja yū” ĩre ĩ yirere ajitir̄un̄r̄aj̄ua ñaama Dios r̄ia. ĩna roque, Abraham jānerabata masu ñaama, Dios ĩ ĩajama. ⁹ Dios, ado bajiro ĩre yimas̄iñumi, Abrahamre: “Gaje c̄uma ado cōrone m̄are ĩaḡu vadir̄uc̄ja yū quēna. To bajiri, tirodore m̄u manajo Sara, mac̄u c̄utir̄uocomo”, ĩre yigoti r̄joro c̄utimas̄iñumi Dios.

¹⁰ Adi m̄are yū gotise r̄ine ñabeaja. Abrahamre Dios ĩ gotiro bero, ĩ mac̄u Isaac v̄āme c̄utiḡu, b̄uc̄uac̄ōari Rebecare manajo c̄utiyuju. Sore ĩ manajo c̄utiro bero, cojoji r̄ia c̄utigone, juar̄ā r̄ia c̄utimas̄iñuju so. Esaú, Jacob v̄āme c̄utimas̄iñujar̄ā. Juar̄aj̄une siḡu r̄ia ñaboarine, Dios ĩ ĩajama, Jacob siḡune ñamas̄iñuju Abraham jānami masu. ¹¹⁻¹² ĩnare so r̄ia c̄utiroto r̄joro, ado bajiro sore gotimas̄iñuju Dios: “M̄u mac̄u c̄utis̄uogu, ĩ bedire moabosarimas̄u ñar̄uc̄ami”, sore yimas̄iñuju Dios, Rebecare. ĩna juar̄aj̄une, quēnasere, rojosere quēne ĩna yibetoj̄une, to bajiro sore gotimas̄iñuju Dios. To bajiro sore ĩ yimas̄ire ti ñajare, ado bajiro yimas̄iaja mani: “Masa quēnasere ĩna yise suori me, ĩ bojar̄are beseḡami Dios”, yimas̄iaja mani. ¹³ To bajiri, Dios ocare masa ĩna ucamas̄ire ado bajiro gotiaja: “Jacobjuare ĩre maic̄ōari, Esaúrema ĩre ĩatecaju yū”, yigotiaja Dios oca.

¹⁴ To bajiro ĩ yijama, “Rojose yiḡu yiḡami Dios”, yit̄uoiaboar̄aja m̄a. To bajiro me bajiaja. ¹⁵ Ado bajiro Moisére gotimas̄iñuju Dios: “Masa jediro rojose yir̄ā ĩna ñaboajaquēne, yū bojar̄are besec̄ōari, ĩnare ĩamair̄uc̄ja yū”, ĩre yimas̄iñuju Dios, Moisére. ¹⁶ To bajiri, Dios manire ĩ ĩamairotire mani s̄ēniro me, manire ĩamaiḡami. To yic̄ōari, “Quēnase mani yise suori manire beseḡami Dios”, yimas̄iña maja. “ĩ bojar̄are ĩamaic̄ōari, beseḡami”, yimas̄ire ñaja. ¹⁷ Egipto v̄āme c̄uti sitaḡu ũj̄ure Dios ĩre ĩ yirotire gotiro, Dios ocare masa ĩna ucamas̄ire ado bajiro yaja: “Ŭju m̄are c̄ūcaju yū, Ȳure m̄u ajir̄uabeti suori Egiptoanare rojose yū yisere ĩac̄ōari, “Masiḡu ñaami Dios” masa ȳure yir̄uc̄b̄uor̄oato ĩna’ yiḡu”, yigotiaja Dios ocare masa ĩna ucamas̄ire. ¹⁸ To bajiro Dios ĩ yimas̄ire ñajare, “ĩ bojar̄are ĩamaic̄ōari quēnaro yiḡu ñaḡami Dios”, yimas̄ire ñaja. To yic̄ōari, “ĩre ajiter̄arema, B̄utobusa ȳure ajiteato ĩna’ yiḡu ñaḡami”, yimas̄ire ñaja.

¹⁹ Tire ajic̄ōari, ado bajiro t̄uoiar̄aja m̄a siḡuri: “Dios ĩ yir̄uasere, ‘Tire yibetic̄oato’ yiḡu maḡami. ĩ manijare, ĩ bojarore bajiro yiḡu ñari, rojose mani yisere ĩac̄ōari, ‘Rojose t̄am̄uor̄uar̄āma ĩna’ Dios ĩ yijama, rojose yiḡu, yiḡami”, yit̄uoiar̄aja m̄a siḡuri. ²⁰ To bajiro m̄a t̄uoiajama, ado bajiro m̄are c̄udiḡuja yū: Dios ĩ rujeoriar̄ā ñari, “Rojose ȳure yaja m̄u”, ĩre yimas̄ibeaja mani. Riri sot̄u quēne, “¿No yiḡu to bajiri sot̄u ȳure veari

ma?”, yibetoja ti, ti soture vear'ire. ²¹ Riri soturi ĩ veajama, ĩ veaŋa tŋoĩase cōro veagumi. Cojoburŋaye ti ŋaboajaquēne, “Gājerā, yu veari soture ĩacōari, ‘Quēnase veamasigū ŋaami’ yure yĩato ĩna” yigu, quēnari sotu veagumi. Gajerrema, “Yu cōoroti sotu ŋararoja” yigu, “Ado bajiri sotu yu veajama, quēnaja”, yigumi. “To bajirone manire yigumi Dios quēne”, yimasiaja mani.

²²⁻²³ To bajiro yigu ŋari, jud'io masa rojose ĩna yise vaja rojose tāmŋotujabetiriaroju ĩnare ĩ cōarujama, cōamasigū ŋaboarine, ĩnare cōabesumi. ĩnare ĩ cōabetijama, gājerājua, “Yu ocare ĩna ajitirānujare, ĩnare ĩamaicōari, ‘Rojose mana ŋaama’ ĩnare yĩarucuja” yigu, bajiyumi. To bajiri, jud'io masare rojose tāmŋotujabetiriaroju ĩnare cōabetiboarine, rojose ĩna yijare, “Rojose tāmŋoŋa mŋa”, ĩnare yirūgūŋumi, “‘Jūnisinigū ŋaami’ yure yimasiato” yigu.^a ²⁴ To bajiro yigu ŋari, “Yure ajitirānŋato” yigu, manire beseyumi, jud'io masare, jud'io masa me ŋarāre quēne. ²⁵ Tirene gotiaja Dios ĩ yirere, Oseas ŋamasir'i ĩ ucamasire:

“ Yu yarā merene, “Yu yarā ŋaama”, yirucuja yu. Yu ĩamaibeticanare, “Yu ĩamairā ŋaama”, yirucuja yu, yami Dios.

²⁶ “Yu rīa me ŋaama ĩna’ Dios ĩ yiriaro bero ti ŋaboajaquēne, ‘Catimŋorūgōgū Dios rīa ŋaama ĩna’ yiruarāma”, yucamasiŋuju Oseas ŋamasir'i.

²⁷ Isa'ias ŋamasir'ijuaama, ado bajiro Diore gotirētosamasiŋumi, manire jud'io masare tŋoĩagū: “Jud'io masa moa riaga jare bajiro jājarā ŋaboarine, mojoroasa ŋararāma, ‘Rojose tāmŋotujabetiriaroju vabeticōato’ yigu, yu yirētosarā. ²⁸ Jājarā masa, adigodana, rojose ĩna yise vaja, ‘Rojose tāmŋotujabetiriaroju ĩnare cōarucuja’ ĩ yiriarūma ti ejaro rēmone ĩnare cōarearucumi”, yucamasiŋuju Isa'ias. ²⁹ Quēna gajeju ado bajiro ucamasiŋuju Isa'ias, jud'io masa mani bajiro tire yigu:

“Rojose ĩna tāmŋoborotire sīgūrire Dios masijeogu ĩnare yirētosabecune, Sodomanare, Gomorranare, ĩ yiriarore bajiro ĩnare ĩ yireajeocōa tujajama, mani jānerabatia maniborāma”, yucamasiŋuju Isa'ias, jud'io masa mani bajiro tire yigu.

Cristore ajitirānŋarāre, “Rojose mana ŋaama” Dios ĩ yĩarere jud'io masa ĩna ajirūabeti queti

³⁰ Tire tŋoĩacōari, jud'io masa me ŋarāre ado bajiro yimasiaja mani: “¿No bajiro yirāti mani, “Rojose mana ŋaama” Dios, manire ĩ yĩarotire yirā?” yitŋoĩabetiboarine, ‘Rojose mani yise vaja, manire rijabosayumi Cristo’ ĩna yitŋoĩajare, ‘Rojose mana ŋaama’ ĩnare yĩagūmi Dios”, yimasiaja mani. ³¹ To yicōari, jud'io masajurema ado bajiro yimasiaja mani: “Dios ĩ rotimasire ti yirore bajiro mani yijama, ‘Quēnase yirā ŋaama’ manire yĩarucumi Dios”, yitŋoĩaboayuma ĩna. To bajiro yitŋoĩaboarine, ĩ rotimasire jediro ĩna cūdibetijare, “Quēnase yirā ŋaama”, ĩnare yĩabesuju Dios, yimasiaja mani. ³² ¿No yirā to bajise bajiyujari ĩna? “Jesucristo, manire ĩ rijabosare ti ŋajare, manire ĩvariquēnagūmi Dios”, yibesuma. “Quēnaro mani yisere ĩacōari, ‘Quēnase yirā ŋaama’ manire yĩavariquēnarucumi Dios”, yitŋoĩaboayuma ĩna. To bajiro yitŋoĩarā ŋari, gūta juatarāre bajiro bajiyuma.^b ³³ Ado bajiro yaja Dios oca, tire gotiro:

^a 9:22-23 Rojose tāmŋotujabetiriaroju ĩnare cōabetiboarine, “Rojose tāmŋoŋa mŋa” ĩnare ĩ yijama, adi macarucuro ĩacōari, rojose ĩna tāmŋoŋarotire yigu, yiyuju. ^b 9:32 “Gātare juatayuma” ti yijama, jud'io masa Jesucristore ĩna ajiterere yiro yaja.

“Sión vāme cūti macare gūta cūrūcūja yu, masa ĩna juata quedirotiare. Tiare ajitirūnarāma, yu goticatore bajiro ĩnare quēnaro yirūcūja yu. To bajiro ĩnare yu yijare, ‘Yirūcūja’ ĩ yiriarore bajiro yigu űaami’ yirā, sūtirītibetirūarāma”.

10

¹ Ajiya mūa, yu mairā, Cristore ajitirūnarā. “Jud’io masa jediro rojose tāmūotūjabetiriaroju vatoma” yigu, Diore ĩnare sēnibosarūgūaja yu. ² Ado bajiro ĩna bajisere masiaja yu: Dios ĩ bojasere buto yirūaboama ĩna. To bajiboarine, “Ti űaja ĩ bojase”, yimasibeama. ³ “Rojose mani yisere Dios ĩ masiriose vaja, manire vaja yibosayumi Cristo. To bajiri, Dios ĩ ĩajama, ‘Rojose mana űaama’ manire yīlagūmi”, yitūoīabeama. “Ī rotimasirere mani cūdijama, ‘Rojose mana űaama’ manire yīlarūcūmi Dios”, yitūoīaboama. To bajiro ĩna yijama, Dios ĩ bojase yirā me yirāma. ⁴ “Cristo suorine manire ĩvariquēnagūmi Dios” yitūoīarārema, “Rojose mana űaama”, yīlagūmi Dios. “Yu roticatire cūdirā űari, rojose mana űaama”, ĩnare yibecūmi.

⁵ “Dios ĩ rotisere cūdirāma, rojose mana űaama” yigu, ado bajiro ucamasiűumi Moisés űamasir’i: “Dios ĩ roticatore bajirone cūdirāma, Diorāca quēnaro űacōa űarūgūrūarāma ĩna, adigodoju, to yicōari, ĩna rijato beroju quēne”, yūcamasiűuju Moisés. ⁶ To ĩ yimasire ti űaboajaquēne, “Dios ĩ rotimasire ti yirore bajirone cūdigu magūmi”, yimasiaja mani. To yicōari, “Jesucristore masa ĩna ajitirūnūjama, ‘Rojose mana űaama’ ĩnare yīlagūmi Dios”, yimasiaja mani. To bajiro yirā űari, “Dios ĩ űaroju űagūre manire yirētobosarocure Cristore ĩre āmirā varoti űaja”, yitūoīabetiroti űaja, manire. ⁷ To yicōari, “Rijariarā ĩna űaroju űagūre Cristore ĩre tudicatorā varoti űaja”, yitūoīabetiroti űaja, manire. ⁸ “To bajiro tire yitūoīamenane, ‘Dios ĩ yiriarore bajirone bajiyuja’ yitūoīamasicōari, gājerāre tire gotiya”, yigotiaja Dios oca. To bajiri, tirene masare ado bajiro gotimasiorūgūaja yu: ⁹ “Jesús ĩ rijacoaboajaquēne, ĩre tudicatoyumi Dios” yitūoīacōari, “Jesús űaami mani űju” mūa yigotijama, rojose tāmūotūjabetiriaroju mani vaborotire manire yirētobosarūcūmi Dios, yigotimasiorūgūaja yu. ¹⁰ Tire ĩnare yu gotimasiojama, “Rojose mana űaama” ĩnare yīlacōari, rojose tāmūotūjabetiriaroju ĩna vaborotire ĩnare yirētobosarūcūmi Dios yirā, ĩnare gotimasiorūgūaja.

¹¹ To bajirone gotiaja Dios oca: “Jesúre ajitirūnarārema yu goticatore bajiro ĩnare quēnaro yu yijare, ‘Yirūcūja’ ĩ yiriarore bajiro yigu űaami’ yirā, sūtirītibetirūarāma”, yigotiaja ti. ¹² ĩna űju űagūmi jud’io masare, jud’io masa me űarāre quēne. To bajiri, ĩre sēnirārema, quēnaro ĩnare yigūmi. ¹³ Tire gotiaja Dios ocare masa ĩna ucamasire: “‘Rojose yu yise vaja rojose tāmūotūjabetiriaroju yu varotire yuare yirētobosaya’ ĩre yisēnirārema yirētobosarūcūmi mani űju”, yigotiaja Dios ocare masa ĩna ucamasire. ¹⁴ To bajiro ti gotiboajaquēne, “Dios ĩ cōar’i űaűumi” ĩna yitūoīabetijama, no bajiro ĩre yisēnimenama. To yicōari, Jesús ĩ bajire quetire ĩna ajībetijama, no bajiro yimasicōari, “Dios ĩ cōar’i űaűumi”, ĩre yimasimenama. No bajiroju yicōari tire masimenama ĩna, űimūjūane Jesús ĩ bajirere ĩnare ĩ gotimasioebetijare. ¹⁵ “Jesús ĩ bajirere gotimasiocludiaya” űimūjūane ĩnare ĩ yiro cōro gotimasiocludirā vamenama. To bajiro yitūoīarāre ado bajiro gotiaja Dios ocare masa ĩna ucamasirere: “Masare

quēnaro Dios ĩ yise quetire gotimasiorā ĩna ejasere buto ĩavariquēnaja mani”, yigotiaja ti.

¹⁶ To bajiro ti yiboajaquēne, jud'io masa Jesús ĩ bajire quetire ajirā jājarā ĩnaboarine, mojoroaca ĩnaama ĩre ajitirūnurāma. To bajiro ĩna bajirotire yigu, Isa'ias ĩamasir'i ado bajiro ucamasiñumi: “Y_u _uju, y_uare m_u gotimasiorotisere ajir_uamena r_ĩne ĩnacōama”, yuucamasiñumi Isa'ias. ¹⁷ To bajiri, Cristo ĩ bajirere ĩna gotimasiosere ajicōari, “To bajirone bajirimi Cristo”, yit_uoĩare ĩaja.

¹⁸ To bajiri, Jud'io masa, ¿Cristo ĩ bajirere ajibesujarique ĩna? Ajiboayuma, bajirājuma. Ado bajiro gotiaja Dios ocare masa ĩna ucamasire: “Dios ocare gotimasiodiyujarā ĩna. To ĩna yijare, Cristo ĩ bajirere ajijedicōañujarā”, yigotiaja Dios oca.

¹⁹ ¿Jud'io masa tire ajiboarine, quēnaro ajimasibesujarique? Ajimasiboayuma. “Ado bajiro bajir_uarāma jud'io masa”, yigotiaja Moisés ĩ ucamasire:

“ “Dios ocare ajimasimena ĩnaama” m_ua yirāre, “Y_u yarā ĩaja m_ua”, ĩnare yir_uc_uja y_u. ĩnajuare quēnaro y_u yisere ĩacōari, ĩnare jūnisinir_uarāja m_ua' yami Dios”, yuucamasiñumi Moisés.

²⁰ Isa'ias ĩamasir'i quēne, gūit_uoĩari mene ado bajiro ucamasiñumi:

“ Y_ure macamenaj_ua, y_ure b_ujar_uarāma. “Diore masir_uarāja” yit_uoĩamenaj_ua, y_ure masir_uarāma' yami Dios, jud'io masa me ĩnarāre t_uoĩag_u”, yuucamasiñumi Isa'ias.

²¹ Jud'io masajuare Dios ĩ gotirere ado bajiro ucamasiñumi Isa'ias: “Tocārācarūm_une, “Y_u yarā m_ua ĩasere bojaja y_u”, ĩnare yir_ug_uboacaj_u y_u. Y_ure c_udibeticōari, y_ure oca rētor_ug_ucama ĩna' yami Dios”, yuucamasiñumi Isa'ias.

11

Israelita masare Dios ĩ ĩamaire queti

¹ To bajiri, ¿i yarāre jud'io masare ĩnare mait_ujacoasujari Dios? Bajibeaja. No yigu mait_ujabec_umi. Y_u quēne, jud'io mas_u ĩaja. Y_u ĩicu ĩnas_uor'i ĩmasiñuju Abraham. To bajiri, ĩ jānami ĩamasir'i, Benjam'in ĩamasir'i ya jūnagu ĩaja y_u. ² Tir_um_uju, y_ua jud'io masare, “Y_u yarā ĩnar_uarāja m_ua”, yimas_uñumi Dios. To bajiro yir'i ĩari, mait_ujabeami. El'ias ĩamasir'i Diore ĩ sēnimasire masa ĩna ucamasire ĩariarāja m_ua. “Jud'io masa y_u yarāre rojose ĩna yise vaja rojose ĩnare y_uia” yigu, ado bajiro yimas_uñumi: ³ Y_u _uju, y_ure ajiya. “M_ure gotirētobosarimasare s_uajeocōama ĩna. M_ure ĩna r_uc_ub_uorijurire quēne reajeocōama ĩna. Y_u s_ug_une, m_ure r_uc_ub_uog_uma r_uyaja y_u. Y_ure quēne s_uar_uama”, Diore ĩre yimas_uñumi El'ias. ⁴ To bajiro ĩ yisere ajicōari, ado bajiro ĩre c_udimasiñumi Dios: “M_u s_ug_u me r_uyaja. ‘Y_u yarā ĩaja m_ua’ y_u yirā, siete mil ĩarirāc_u r_uy_uaama, y_ure r_uc_ub_uorā, Baal vāme c_utig_ure r_uc_ub_uomena”, yimas_uñumi Dios, El'ias ĩamasir'ire. ⁵ Yuc_urire quēne s_ug_urire jud'io masare y_uare ĩamaicōari, quēnaro ĩ yire ĩajare, “Y_u yarā ĩaja m_ua” ĩ yirā ĩaja y_ua. ⁶ Quēnaro mani yibetiboajaquēne, manire ĩamaicōari, quēnaro ĩ yire ti ĩajare, ĩ yarā ĩaja mani. To bajiro ti bajijare, “Quēnaro mani yise s_uori me, ‘Y_u yarā ĩnaama’ manire y_uĩañumi Dios”, yimas_uiaja mani.

⁷ Ado bajiro bajiyuja jud'io masare: “Rojose mana ĩnaama” Dios ĩ y_uĩasere ĩna bojaboajaquēne, Dioj_uama, “Rojose mana ĩnaama”, ĩnare y_uĩabesumi. To yibetiboarine, s_ug_urire ĩamaicōari, quēnaro ĩ yire ti ĩajare, “Rojose mana

ñaama” i yīārã ñari, i yarã ñaja yua. Gãjerãrema, “Yure ajiterã ñari, butobusa yure ajiteruarãma”, yiyumi Dios. ⁸ Tire gotiro, ado bajiro gotiaja Dios oca: “Yure ajiterã ñari, butobusa yu ocare ajimasibetiruarãma’ yirucami Dios. To bajiro i yijare, i ocare masa ña ucamasirere ñaboarine, ajimasibetiruarãma. Gãjerã i ocare ña gotiboaquẽne, ajimasibetiruarãma ña”, yigotiaja Dios oca.

Ī gotiriarore bajirone bajicõa ñaja ti, yu yarãre. ⁹⁻¹⁰ David ñamasir'i quẽne, ado bajiro ucamasifumi, Diore i sēnigũ:

“Jud'io masa, boserãmu yivariquẽnaboarã, sutiritiato, to yicõari, ajimasibetiruarãma ñare yiya. Rojose ña yise vaja rojose tãmuotujabetiriaroju ñare yiya. To yicõari rojose ña yise vaja, sigũne buto rucusere juacõari, i tãnivate bajiro bajiato ñare yiya”, Diore ĩre yisēnimasifumi David.

Jud'io masa me ñarã, rojose ña yise vajare Dios ñare i yirẽtobosare queti

¹¹⁻¹² To bajiri, ¿Jud'io masa Cristo ocare ña ajirubeti vaja, “Yu yarã me ñaja mua”, ñare yicõa tujasujari Dios? To bajiro me bajiaja. Jud'io masa jãjarã ĩre ña ajirubetijare, jud'io masa me ñarãjua Cristo ocare ajitirũñuma. Ña ajitirũñujare, rojose ña yise vaja rojose tãmuotujabetiriaroju ña vaborotire ñare yirẽtobosayumi. To bajiro i yijama, “Quẽnaro manire i yibore ñajuare quẽnaro yigumi Dios’ yituoĩacõari, ‘Manire quẽne quẽnaro yato Dios’ yirã, yure ajitirũñuato jud'io masa” yigu, jud'io masa mere quẽnaro yiyumi Dios. Jud'io masa quẽne ña ajitirũñujama, masa jedirore rẽtoro quẽnaro yirucami Dios.

¹³ Jud'io masa mejuare ado bajiro muare gotiaja yu: Muare gotimasiorocure yure cõacami Cristo. To bajiri, “Ti moare ñamasuse ñaja” yigu ñari, yu masiro cõro quẽnaro gotimasiorũgũaja yu. ¹⁴ Muare yu gotimasiojama, yu yarã jud'io masa, muare yu gotimasiosere ajicõari, “Yure i gotiborotire ñajuare gotimasioami’ yirã ñari, ña quẽne Cristore ajitirũñuato” yigu, muare gotimasioaja yu. To bajiri, rojose ña yise vaja rojose tãmuotujabetiriaroju ña vaborotire ñare yirẽtobosarucami Dios. ¹⁵ Jud'io masa, Cristo ocare ña ajirubetijare, jud'io masa mejuare gotimasioajaju yu. To bajiri Cristo ocare ajitirũnarã ñari, adigodoju Diorãca quẽnaro ñaama ña. Dios i bojariorore bajiro jud'io masa quẽne, Cristo ocare ña ajitirũñujama, rẽtoro quẽnararoja ti. Tudirijayamanire Dios i catisere suorã ñaruarãma. ¹⁶ Pan mani quẽnorotiburayere mojariburuaaca ãmicõari, mani quẽnoricare, “Dios yaga ñararoja” mani yijama, tiare quẽnoru mani juaruare quẽne, Dios ye rĩne ñacõaroja, i ñajama. Yucũ ñemare, “Dios ya ma ñararoja” mani yiboajaquẽne, tiu rujari jedirone i ye rĩne ñacõaroja. Abraham ñamasir'ire quẽne, “Yu yu ñaami”, ĩre yĩamasifumi Dios. To bajiro ĩre yir'i ñari, i jãnerabata jedirore, “Yu yarã ñaama”, ñare yĩarucami Dios.

¹⁷ Tirãmuajama, jud'io masa, olivo vãme cuti rujare bajiro ñañuma. To bajiro ña bajiboajaquẽne, tirujare jatarocariarore bajiro ñare yiyumi Dios, ĩre ña ajitirũñubeti vaja. Mua, jud'io masa meju, no bojaricu yucũ rujare bajiro mua bajiboajaquẽne, Jesucristore mua ajitirũñuse suorine ti rujare jataãmiadicõari, olivo vãme cuti ruju i jatarocariarujare vaoagure bajiro yiyumi Dios. To bajiro i yijama, “Sigũ rĩare bajiro bajirã ñaruarãma” yigu yiyumi. ¹⁸ To bajiri, jud'io masa suorĩ Dios ye quẽnase bujarã ñari, jud'io masare, “Yu yarã me ñaama” i yĩarãre ĩatebesa mua. “Ña rẽtoro

quēnarā ñaja yua”, yituoĩabesa. Ado bajirojua tuoĩaña: “‘Yu yarā ñaama’ manire ĩ yĩaroto rĩjorojua, jud'io masarema, ‘Mua suori masa jedirore quēnaruaroja ti’ ĩnare yimasĩñuju Dios”, yituoĩaña mua.

¹⁹ To bajiro mware yu yigotiboajaquēne, mua sīgāri ado bajiro tuoĩarāja mua: “Yucá rjuri rojosere mani jasurereore bajirone jud'io masare, ‘Yu yarā me ñaama’ ĩnare yĩañumi Dios, ‘Gājerā masa yu rĩa ñato’ yigu”, yituoĩarāja mua. To bajiro yituoĩacōari, “Jud'io masa rētoro quēnarā ñaja mani”, yituoĩaboarāja mua. ²⁰ To bajiro tuoĩarāre ado bajiro cudiaja yu: Diore ĩna ajitirūnubeti suori, jud'io masare reayumi Dios. To bajiro ĩnare yiboarine, muajure ĩ yarāre bajiro mware ĩaami, ĩre mua ajitirūnuse suori. ĩre mua ajitirūnu sayabeticōajama, ĩ yarā me ñaborāja. To bajiri, “Jud'io masa rētoro ñamasurā ñaja”, yituoĩabeticōaña. Diojure güiya, “Yware quēne rearomi” yirā. ²¹ Jud'io masa ĩre ĩna ajitirūnu sayabeti suori, rojose ĩna yire vaja ĩnare masiriobesumi Dios. Olivo rjure ñasurirujju jatarocariore bajiro ĩnare yiyumi. To bajiri mua jud'io masa me ñarā quēne, ĩre mua ajitirūnu sayabetijama, to bajirone yirucumi. ²² Diore mua teboajaquēne, mware ĩamaicōari, quēnaro ĩ yirene, to yicōari, jud'io masa, Cristo ocare ĩna ajitirūnubeti vaja “Yu yarā me ñaama” ĩnare ĩ yirene tuoĩaña. Tire masirā ñari, “Cristore mani ajitirūnu tujajama, manire quēne, ‘Yu yarā me ñaama’ yĩarucumi”, yimasĩña mua. ²³ Jud'io masa quēne, Cristo ocare ĩna ajitirūnujama, ĩnare ĩamaicōari, “Yu yarā ñaja mua quēne”, ĩnare yĩarucumi Dios quēna. ²⁴ Jud'io masa me mua ñaboajaquēne, ĩnare ĩ yisuriorore bajirone mware ĩamaicōari, “Yu yarā ñaama”, mware yĩañumi. To bajiro ĩ yire ñajare, “Quēna ĩre ĩna ajitirūnujama, josari mene, ‘Yu yarā ñaama’ ĩnare yĩacōagūmi, jud'io masare”, yimasire ñaja.

Jud'io masa rojose ĩna yise vajare Dios ĩnare ĩ yirētobosaroti

²⁵ Yu mairā, masa ĩna masibeticatire ado bajiro mware gotiaja yu: “‘Dios yarā ñari, yua rĩne ñaja ĩ ocare quēnaro riojo ajimasirā’ yibeticōato” yigu, adi ocare mware gotiaja yu: Adirūmuri jud'io masa jājarā ñarāma Cristo ocare ajiterā. Jud'io masa me Cristore ĩna ajitirūnujediro bero, jud'io masa quēne, Cristore ĩre ajitirūnuuarāma ĩna. ²⁶ ĩna ajitirūnujare, rojose ĩna yise vaja rojose ĩnare ĩ yiborotire ĩnare yirētobosarucumi Dios. Tirene, ado bajiro gotiaja Dios ocare masa ĩna ucamasire:

“Sión vāme cuti macagu ejarucumi, jud'io masa rojose ĩna yisere Dios ĩ masiriose vajare, ĩnare vaja yibosarocu. Rojose ĩna yisere ĩ surine yitujacōari, yure ajitirūnuuarāma quēna.

²⁷ Rojose ĩna yisere masiriocōari, yu goticatore bajirone yirucuja yu”, yigotiaja Dios ocare masa ĩna ucamasire.^c

²⁸⁻²⁹ Cristo ĩ bajire surine quēnaro Dios ĩ yisere jud'io masa jājarā ĩna ajirūabetijare, ĩnare ĩategūmi Dios. ĩna ajirūabetijare, jud'io masa mejure mware gotimasiocaju yua. To bajiboarine, jud'io masa ñicua ñamasiriarāre, “Yu rĩa, quēnaro yu yirona ñaruarāja, mua jānerabatia quēne” ĩnare yir'i ñari, ĩnare maicōa ñagūmi Dios. To bajicōari, “Yirucuja” ĩ yiriarore bajirone yigu ñari, Cristo ĩ bajirere ĩna ajitirūnuro, ĩnare quēne, “Yu rĩa ñaama”, yĩarucumi. ³⁰ Tirūnujama Dios ocare ajiterā ñañuja mua maji. To bajiro bajiriarā mua ñaboajaquēne, jud'io masa Dios ocare ĩna ajirūabetijare, muajure ĩamaicōari, rojose mua yise vaja rojose mua tāmuborotire mware yirētobosayumi. ³¹ To bajiri yucurema jud'io masa

ñaama Dios ocare ajiterã. To bajiro ña bajiboajaquêne, mware ñamaicõari, ñ yiriarore bajirone rojose ña yise vaja rojose ña tãmuoborotire ñare yirëtobosarucumi Dios. ³² Ado bajiro bajiyuja manire: Jud'io masare, ña mere quêne, “Yu bojarore bajiro yirã me ñaama”, manire yïñañumi Dios, “Manire rijabosayumi” Jesúre yituoïarãre ñamaicõari, quênaro ñ yirotire yigu.

³³ Mani jedirore quênaro yigu ñagumi Dios. ¡Masijeogu ñagumi! Ñre bajiro quênaro yigu magumi. Ñimujwane, ñ tuoïasere, to yicõari ñ yisere quêne masibecumi. ³⁴ Ado bajiro gotiaja Dios ocare masa ña ucamasire: “Dios, mani ujũ, ñ tuoïasere masigã magumi. Ñre gotimasioagũ magumi. ³⁵ “Quênaro mani yijare, Dios quêne quênaro manire yirocu ñagumi” yimasibeaja mani”. ³⁶ “Quênase yure yirucubuo variquênato” yigu, ñajedirore rujeomasinumi Dios. To bajiro ñ yire ñaro cõrone cuogu ñagumi. To bajiro bajigu ñ ñajare, quênase ñre rucubuo variquênatujabetiroti ñaja, manire. To bajirone bajimorũgõato.

12

“Dios ñ bojasere yirũgũñarãja mani”, yire queti

¹ To bajiri, yũ mairã, Dios manire ñ ñamaisere masirã ñari, ñ bojarore bajiro quênase rĩne yiroti ñaja. To bajiro mani yïñajama, ñre rucubuoarã yirãja mani. Tire ñavariquênagumi Dios. ² Adigodoaye rĩne tuoïarã ña tuoïarore bajiro tuoïabetiroti ñaja mware. Muajumama, Dios ñ ejarẽmose rãca ñ bojasere yirũgũña. To bajiro mua yijama, “Quênasere, Dios ñ ñavariquênasere yirã yaja”, yimasiruarãja.

³ Yure ñamaicõari, quênaro yure yigu, yure goticudirotiyumi Dios. To bajiri ado bajiro mware gotiaja yu: “Mani masune Dios ñ bojasere yimasiaja mani”, yituoïabesa mua. Ado bajirojua tuoïaña mua: “Tocãrãcure ricatiri rĩne mani yimasirotire ujoyumi Dios. To bajiri, ñ ejarẽmose rãca yiruarãja”, yituoïaña mua. ⁴ Mani rujare jairo ñaja. Ñmo, cajea, gãmoru, gũbo, gajeye quêne ñaja, cojo ruju ñaboarine. Ricati rĩne yaja. Cajea rãca ña, gãmoru rãca aji, ñmo rãca ñmi, gũbo rãca va, bajimasire ñaja manire. ⁵ To bajirone bajiaja Cristore ajitirãnurãre quêne. Jãjarã ñaboarine, Cristore ajitirãnurã ñari, cojo rujare bajirone bajiaja mani. To bajicõari, cojo masare bajiro quênaro gãmerã ejarẽmorũgũja mani.

⁶ Tocãrãcure ricati rĩne ñ bojarore bajiro mani yimasirotire manire ujoyumi Dios. To bajiri ñ ujure mani yimasise rãca Cristore ajitirãnurãre ñare ejarẽmoroti ñaja. “Ñare yu gotisere ajicõari, gotirëtobosarimasa ñato” yigu, ña yimasirotire ñare Dios ñ ujure ti ñajama, “Tire manire ujoyumi” yituoïacõari, gãjerãre gotimasiroti ñaja. ⁷ “Gãjerãre ejarẽmoato” yigu, ña yimasirotire Dios ñ ujure ti ñajama, ñare quênaro ejarẽmoroti ñaja. “Dios ocare ajimasicõari, gãjerãre gotimasioato” yigu, ñare ñ ujure ti ñajama, “Tire manire ujoyumi” yituoïacõari, quênaro gotimasioroti ñaja. ⁸ “Yure ajitirãnurã butobusa ajitirãnuato” yigu, ña gotimasiorotire ujoyumi Dios. Tire ujoecoriarãma, quênaro gotimasioroti ñaja. Maioro bajirãre gãjoa ñsigũma, “To bajiro yu yise vaja yure ejarẽmoruarãma ña” yituoïagũ me, ñsiroti ñaja. Rotirãrema, quênaro rotiroti ñaja. Maioro bajirãre ejarẽmorãrema, variquênase rãca ñare ejarẽmoroti ñaja.

“Ado bajise ñaroti ñaja Cristore ajitirãnurã”, yire queti

⁹ Socarāne, “M̄uare maiaja”, yitobesa. To yicōari, ĩnare mai, ĩnare ejarēmo, rojose yibeti, quēnase rīne yirūgūña. ¹⁰ Cristore ajitirūnūrā ñari, sīgū rīare bajiro bajiaja m̄ua. To bajirā ñari, quēnaro gāmerā ĩamaicōari, r̄uc̄ūōya, “Īnaja ñaama ñamasurāma” gājerā ĩnare ĩna yīarūc̄ūōrotire yirā.

¹¹ Dios ĩ bojasere m̄ua yijama, teyejairāne yibesa m̄ua. Tocārācarūm̄une Dios m̄uare ĩ ejarēmosere t̄uōiacōari, variquēnase rāca ĩ bojasere quēnaro yirūgūña.

¹² “Ō vecaj̄u manire quēnaro yirūc̄ūmi Dios” yimasirā ñari, quēnaro variquēnase rāca ñacōarūgūña m̄ua. Rojose tām̄uoboarine, Diore ajitirūnūcōa ñarūgūña. Īre ajitirūnūcōari, “Ȳuare ejarēmoña”, ĩre yisēnitujabeja m̄ua.

¹³ Cristore ajitirūnūrā rojose ĩna tām̄uojama, ĩnare ejarēmoña. Ejarāre quēnaro yiya.

¹⁴ Rojose m̄uare yirāre, “Quēnaro ĩnare yato Dios” yirā, ĩnare sēnibosaya.

¹⁵ Gājerā quēnaro ĩna variquēnajama, ĩnare variquēnaejarēmoña. Gājerā ĩna sutiritijama, ĩnare sutiritiejarēmoña.

¹⁶ Gājerā rāca cojo masare bajiro gāmerā ĩamaiña. “Ñamasurā ñaja ȳua”, yit̄uōĩabesa. “Ñamasurā me ñaama” gājerā ĩna yirāre baba cutiya m̄ua. “Gājerā rētoro masirā ñaja ȳua”, yit̄uōĩabesa.

¹⁷ Quēnase rīne yirūgūña m̄ua, “Quēnaro yirā ñaama” masa ĩna yīarotire yirā. Rojose m̄uare yirāre ĩnare gāmebesa m̄ua. ¹⁸ M̄ua yimasiro cōro quēnase rīne yiya, “Masa jediro mani rāca quēnaro ñato” yirā. ¹⁹ Gājerā rojose m̄uare ĩna yiboajaquēne, “Dios rīne ñaami, masa rojose ĩna yise vaja, rojose ĩnare yiroc̄u” yirā ñari, rojose m̄uare ĩna yijama, ĩnare yigāmebesa m̄ua. Dios ocare masa ĩna ucamasire ado bajiro gotiaja: “Ȳu ñaja, rojose ĩna yise vaja, ĩnare rojose yiroc̄u”, yigotiaja ti. ²⁰ Gaje vāme, ado bajiro gotiaja, rojose manire yirāre ĩnare mani yirotire yiro: “M̄uare ĩategu ĩ ñiorijajama, bare ĩre ecaya. Ī idir̄uajama, ĩre ioya. To bajiro ĩre m̄ua yijama, rojose m̄uare ĩ yisere t̄uōiacōari, m̄uare b̄uto bojonerūc̄ūmi”, yigotiaja Dios oca. ²¹ Gājerā rojose m̄uare ĩna yijama, rojose ĩnare yicōaruaboarine, quēnasejuare yicōa ñaña.

13

¹ Dione ñagūmi masa ūjarā ñaronare ĩnare cūrmasu. Ī cūrriarā ĩna ñajare, ĩna rotirore bajiro quēnaro yirūgūr̄uarāja m̄ua. ² Dios ĩ cūrāre c̄udimenarema, ĩna c̄udibeti vaja rojose ĩnare yirūc̄ūmi Dios. ³ Quēnase yirārema gūiorā me ñaama ūjarā. Rojose yirāj̄uarema gūiorā ñaama ĩna. To bajiri quēnase rīne yiya m̄ua. Quēnase rīne m̄ua yijama, “Quēnaro yirā ñaama”, m̄uare yīar̄uarāma m̄ua ūjarā. ⁴ “Masa quēnaro gāmerā ejarēmoato” yigu, ūjarāre cūgūmi Dios. To ĩ yiboajaquēne, rojose m̄ua yijama, “Rojose ȳua yise vaja rojose ȳuare yir̄uarāma ūjarā” yimasirā ñari, ĩnare gūir̄uarāja m̄ua. “Rojose yirāre rojose ĩna yise vaja rojose ȳure yibosato” yigu, ĩnare cūgūmi Dios. ⁵ “Rojose mani yise s̄ori rojose manire yiroma” yit̄uōĩarā ñari, ūjarāre c̄udirūgūr̄uarāja m̄ua. Tiaye rīne, c̄udirā me, Gajeye quēne, “Mani c̄udisere bojagūmi Dios” yirā ñari, c̄udirūgūr̄uarāja. ⁶ Masa ūjarā Diore moabosarūgūama, manire “Quēnaro ñato” yirā. To bajiri manire ĩna moabosase vaja ĩnare vaja yiroti ñaja.

⁷ Mña ɛjarā jedirore Dios ī bojarore bajirone quēnaro ĩnare yiroti ũaja. ĩna vaja taro cōrone ĩnare vaja yiya. “Gajeye moare ĩna yise vajare quēne ĩnare vaja yiya” mñare ĩna yirore bajirone ɔdiruarāja mña. To yicōari, quēnaro ĩnare yirucubuoja.

⁸ Gājerāre mña vaja mojava, mña vaja mosere vaja yiya. Mña rācanare ĩamaiña. To bajiro mña yijama, Dios ī rotise ũaro cōrone ɔdirā yirāja. ⁹ Dios ī rotimasire ado bajiro gotiaja: “Manajo ɔtirā, manaja ɔtirā, manajo mana, manaja mana quēne, gājerā rāca ajeriarā ɔtibesa. Sĭabesa. Juarudibesa. Gājerā ye gajeyeũnire bojaiabesa”, yigotiaja Dios ī rotimasire. To bajicōari, gajeye ũarēmoaja Dios ī rotimasire. Tire cojo vāme mñare gotiguagu yaja yu. Cojo vāme ti ũaboajaquēne, tire quēnaro mani ɔdijama, Dios ī rotise ũaro cōrone ɔdirā yirāja mani. ĩ rotimasire ado bajiro yaja: “Mñ masu rujere mñ maiorre bajirone mñ rācanare maiña”, yigotiaja Dios ī rotimasire. ¹⁰ Mani rācanare mani maijama, rojose ĩnare yimenaja. To bajiro mani yijama, Dios ī rotise ũaro cōrone ɔdirā yirāja mani.

¹¹ Tirũmju Cristo ī bajirere ajisũorājune, “Tudiejacōari, quēnaro manire yirucumi”, yicōasũoyuja mani. To bajiri yucarema, “Ī tudiejarotirũm cōñadiaja” yimasirā ũari, tire tũoĩatũjamenane, bũtobusa Dios ī bojarore bajiro yito mani. ¹² Cristo ī ejarotirũm cōñacoaja. To bajiri vāti ī bojasere ĩna yirirodori jedicoato yaja. To cōrone rojose yirāre rearucumi Cristo. Tire masicōari, “Cristo manire ejarēmoato” yirā, ĩre sēnito mani, “Rojose yirũaboarine, tire yibeticōari, ĩ bojasejuare yirāsa mani” yirā. ¹³ To bajiro mani bajijama, quēnase rĩne yiruarāja mani. Boserũmari ũaro idimecũcōari, avasāmecũcudirāre bajiro bajibetiroti ũaja manire. Manajo ɔtirā, manaja ɔtirā, manajo mana, manaja mana quēne, gājerā rāca ajeriarā ɔtibetiroti ũaja. Gāmerā oca rētobeticōato. Gājerā ĩna yisere ĩajũnisinibeticōato mani. ¹⁴ Ado bajirojua yirā ũato mani: “Mani ju Jesucristo manire ejarēmoato” yirā, ĩre sēnirũgũto mani. ĩne ũagũmi manire ejarēmogũ, “Rojose yiroma” yigu. To bajiri ĩ ejarēmose ti ũajare, rojose yirũaboarine, tire yibetiruarāja mani.

14

“Cristore ajitirũnarā ũari, gāmerā ajirucubũoto mani”, yire

¹ “Cristo yũre ejarēmogũmi” yitũoĩagũ ũaboarine, tũoĩagũigũrema, quēnaro ĩre yiya. “Ado bajiro yiroti ũaja” ĩ yisere ajicōari, “Bajibeaja. Ado bajirojua yiroti ũaja, mũre”, ĩre yi oca rētobesa. ² Sĭgũri, Cristore ajitirũnarā, “Bare vāme ɔti ũaro cōrone mani bajama, quēnaja”, yitũoĩaama ĩna. Gājerāma, “Cristo manire ejarēmogũmi” yitũoĩarā ũaboarine, “Vaibũcu rii mani bajama, quēnabetoja” yitũoĩagũicōari, bamenama ĩna. ³ Bare jediro barājua, “Mani bajama, quēnabetoja” yigũirāre, “Tũoĩamasimena ũaja mña”, ĩnare yibetiroti ũaja. Bamenajua quēne, jediro barāre, “Rojose yirā yaja mña”, ĩnare yĩnagõjaibesa, “ĩna quēne, yũ rĩa ũaama” Dios ĩ yirā ĩna ũajare. ⁴ Cristore ajitirũnarā, Dios ĩ rotirā ũaja mani. To bajiri sĭgũri ĩna bajisere ĩacōari, “Quēnaro yaja mña. Ado yua rāca ũaña”, ĩnare yirā ũaboarine, ricati tũoĩarārema, “Quēnaro yibeaja mña. Gajeroju vasa”, ĩnare yibetiroti ũaja. Dios sĭgũne ũaami ti ũnire yimasigũma. To yicōari ĩ rotirāre ejarēmogũmi, “Yũ rāca ũacõa ũato ĩna” yigu. To bajiri ricati tũoĩarāre quēne, “Yũ rāca ũacõa ũato”, ĩnare yimasigũmi.

⁵ Sīgāri, Cristore ajitirūnarā ado bajiro tūoīaama īna: “Cojorūmāne, gajerūmāri rētoro űamasurirūmū Diore rūcūbuoriarūmū űaja”, yitūoīaama. Gājerā Cristore ajitirūnarā, ado bajiro tūoīaama: “Tocārācarūmāne Diore rūcūbuoroti űaja”, yitūoīaama īna. To bajiboarine ricati rīne mūa tūoīase, no yibeaja. Diore mūa sēnise űaja űamasusema, “Ī bojāsere yaja” mūa yimasirotire yirā. ⁶ Sīgū űagūmi, “Adirūmū űaja űamasurirūmū Diore rūcūbuoriarūmū” yigu. Mani űjere Diore rūcūbuogūmi. Gājima, “Bare vāme cuti űaro cōrone mani bajama, quēnaja” yigu ĩ bajama, “Quēnaro yaja mū”, Diore yigūmi. Gāji, vaibūcu rii babecu űaboarine, gajeye bare baűagūne, “Quēnaro yaja mū”, Diore yirūcūbuogūmi ĩ quēne.

⁷⁻⁹ Cristore ajitirūnarā, mani masune tūoīacōari, yirā me űaja mani. Ado bajiro bajaja: Sīacoboarine, tudicaticoasumi Cristo, īna catijaquēne to yicōari īna rijacoajaquēne, “Īna űjū űarūcūmi” Dios ĩ yijare. To bajiri adigodo mani catiűaro cōro, mani rijato berojū quēne, “Yū masune rotiaja. Gāji yure rotibeami”, yimasiűa manoja. Cristo yarā űari, mani rijato berojū quēne ĩ yarā űacōa űaruarāja mani. To bajiri, Cristo ĩ bojase rīne yicōa űaroti űaja.

¹⁰ To bajiro ti bajiboajaquēne, ĩno yirā, “Rojose yaja mūa”, mūa yarāre īnare yiűagōjai coderūgūati? To yicōari, ĩno yirā mūa yarāre, “Tūoīamasimena űaja mūa”, yiīateati mūa? Mani űaro cōrone, Dios ĩ űarojū ejarona űaja mani. To bajiri, “Ānoa űaama quēnase yicana. Ānoa űaama rojose yicana”, yiīabeserūcūmi. To bajiro ĩ yirotire masirā űari, gājerā Cristo yarāre, “Rojose yaja mūa”, yiűagōjaibesa. ¹¹ Ado bajiro gotiaja Dios oca Isa'ias ĩ ucamasire:

“Socū me yaja yū. Ado bajise bajirūaroja ti, masa jedirore: Yū ĩaro rījorojūa yure rūcūbuorā, gūsomuniari tuetucōari, “Masa īna yisere masigū űaja mū”, yure yiruarāma īna', yami mani űjū”, yiuca-masiűumi Isa'ias.

¹² To bajiro ĩ yimasire űajare, “Tocārācūne, īna yire jedirore Diore ĩre gotiruarāma īna”, yimasiaja mani.

¹³ To bajiri, “Rojose yaja mū” gāmerā yiűagōjaibetiruarāja mani. Tire yibeticōari, “Mani rācanare rojose īnare űmato yirobe” yirā, quēnase rīne yito mani. ¹⁴ Yū, mani űjū Cristo ĩ gotimasiocatire ajicacu űari, ado bajiro yaja yū: “Bare vāme cuti űaro cōrone mani bajama, quēnaja”, yimasiaja yū. To bajiro yū yiboajaquēne, űarāma gājerā Cristore ajitirūnarā, “Vaibūcu rii yū bajama, rojose yigu, yigūja yū”, yitūoīarāma. ¹⁵ “Vaibūcu rii yū bajama, quēnabetoja” yigu űari, mūajūa tire mūa baro ĩacōari sutiritigūmi. To bajiro ĩ bajisere masirā űaboarine, mūa bacōa űajama, “Mūre maibeaja” yirāre bajiro yirāja mūa. Mūa rī mere, gājerāre quēne rijabosagu bajiyumi Cristo. To bajiri sīgū, Cristore ajitirūnūgū, “Vaibūcu rii yū bajama, rojose yigu yaja” ĩ yisere ajicōari, vaibūcu riire babeja. “Mani basere ĩ bajama, ‘Rojose yigu yaja yū’ yitūoīacōari, rojose tāmūotūjabetiriaroju vatomi” yirā, tire babetiruarāja mūa. ¹⁶ To bajiri, “Mani yise quēnase ti űaboajaquēne, tire ĩacōari, ‘Rojose yirā yama’ gājerā manire yiīarāma” mūa yimasijama, tire yibeticōaűa. ¹⁷ Mani barotire, mani idirotire būto tūoīaroti me űaja. Mani űjū ĩ bojarore bajiro quēnaro mani yisejuare tūoīaroti űaja. To yicōari, Esp'iritu Santo manire ĩ ejarēmose suorine gājerā mani rāca quēnaro īna variquēnarotijure tūoīaroti űaja, manire. ¹⁸ Esp'iritu Santo ĩ ejarēmose suorine Cristo ĩ bojarore bajiro quēnaro

mani yijama, “Quēnaro yirā ñaama”, manire yiřvariquēnagūmi Dios. To bajicōari, masa quēne, “Quēnaro yirā ñaama”, manire yiřararāma ĩna.

¹⁹ To bajiri butobusa ĩ bojarore bajiro mani yijama, gāmerā ejarēmora yirāja mani, “Jediro Cristo ĩ bojarore bajiro yirā ñarāsa mani” yirā. ²⁰ To bajiri sīgū, Cristore ajitirānugū, mua baroti ñaboasere ĩacōari, “Babetiroti ñaja” ĩ yijama, tire babetirarāja mua. “Mani basere ĩ bajama, ‘Rojose yigu yaja yu’ yituoĩacōari, rojose tāmūotūjabetiriaroju vatomi” yirā, tire babetirarāja mua. Mani base jediro quēnase rīne ñacōaja. To bajiboarine mani rācagu Cristore ajitirānugū, “Vaibucu rii yu bajama, rojose yigu yaja” ĩ yiřasere, mani bajama, rojose ĩre yiorāre bajiro yirāja mani. ²¹ Mani rācagu Cristo yu, mua basere, ũye oco mua idise, to yicōari, gajeye no bojase mua yisere ĩacōari, ĩ quēne ĩ yijama, “Rojose yigu yaja”, yituoĩagūmi. To bajiro tuoĩagū ĩ ñajare, to bajiro mua yijama, rojose ĩre yiorāre bajiro yirāja mua. ²² To bajiri, “Bare vāme cuti ñaro cōrone mani bajama, quēnaja”, “Mani bajama, quēnabeaja” mua yituoĩasere, gāmerā gotimenane, Dios sīgūrene mua tuoĩasere gotiroti ñaja. “To bajiro yua yisere ĩacōari, ‘Quēnaja’ yiřagūmi Dios” yirāma, variquēnarāma. ²³ “Yua bajama ¿Dios ĩ bojabetire yirojari yua?” yiboarine ĩna bacōajama, rojose yirā yirāma. To bajirone bajiaja. “Dios ĩ bojabetire yirā yaja” yiboarine, mani yijama, manire quēne rojose ñaroja.

15

“Mani ñaroti rīne tuoĩaroti me ñaja”, yire queti

¹ “Cristo yuare ejarēmogūmi” yituoĩarā ñaboarine, tuoĩagūirāre, “To bajiro mua bajise quēnabeaja” ĩnare yimenane, ĩnare rācūbuocōaġa. Mua ñaroti rīne tuoĩamenane, tuoĩagūirāre ĩnare ejarēmoroti ñaja. ² Mani rācana Cristore ajitirānarā, gājerā ĩre ajitirānarā ñaboarine, tuoĩagūirā quēne, ĩnare ejarēmoroti ñaja, “Butobusa Cristore ajitirānacōari, variquēnase rāca quēnaro ñato ĩna” yirā. ³ Cristo adigodo ejacōari, ĩ yiriarore bajiro yito mani. ĩ sīgūne ĩ variquēnarotire bojagu me ñaġumi. Mani variquēnarotijare bojagu ñari, buto rojose tāmūoġumi, manire ejarēmogū. To bajiri, ado bajiro gotiaja Dios ocare masa ĩna ucamasire: “Rojose yirā, mure ĩna rācūbuobetijama, yurene rācūbuomena yicama”, yigotiaja Dios ocare masa ĩna ucamasire, Cristo ĩ jacare Diore ĩ yirere yiro. ⁴ Jediro Dios ocare masa ĩna ucamasire quēnaro manire gotimasioaja ti. To bajiri tire mani buejama, quēnaro gotimasioacōa ñaruarāja mani, “Butobusa Cristore ajitirānūato ĩna” yirā. To bajiri, “Ō vecaju manire quēnaro yiracūmi Dios” yimasirā ñari, variquēnacōa ñaruarāja mani. ⁵ Dios manire ejarēmoami, “ĩna rācanare gotimasioacōa ñaruarāma” yigu. “Yure ajitirānacōa ñato” yigu, mani variquēnarotire cōaami. To bajiri, butobusa muare ejarēmoato Dios, mua gāmerā mairotire yigu. To bajiro ĩyijama, Jesucristo ĩ bojarore bajiro yirā ñaruarāja mua. ⁶ To bajiro manire ĩ ejarēmojare, mani ñaro cōrone mani ũjare Jesucristo jacare ĩre rācūbuo variquēnaruarāja mani.

Jud'io masa mere Cristo ĩ bajirere ĩna gotimasiore queti

⁷ To bajiri, “Yu yarā ñaja mua” Cristo muare ĩ mairiarore bajirone gāmerā maiġa mua. Mua gāmerā maisere ĩacōari, “Dios suorine bajiaja” yirā ñari, “Quēnagū ñagūmi Dios”, ĩre yiruarāma masa. ⁸ Adi macarucrojure jud'io masare ĩnare ejarēmogū vayumi Cristo. Yua ñicūare, “ ‘To bajiro bajiruaroja’ ĩnare ĩ yimasiriarore bajirone yigu

ñaami Dios' yimasioato ñna" yigũ, yũare ejarẽmoñumi. ⁹ Jud'io masa rĩ mere ejarẽmogũ vagũ bajiyumi Cristo. Jud'io masa mere quẽne ejarẽmogũ bajiyumi. "Masare Dios ĩ ĩamaisere masicõari, ĩre quẽnaro rũcũbũo variquẽnato jud'io masa, jud'io masa me quẽne" yigũ, vayumi Jesús. To bajisene gotiaja Dios ocare masa ñna ucamasire:

"Jud'io masa me, yũ rãca mũre yivariquẽnato ñna' yigũ, varũcũja yũ. Yũ sũorine mũre yirũcũbũocõari, basarũarãma ñna", yigotiaja Dios ocare masa ñna ucamasire, Cristo ĩ jacũre ĩ gotirere yiro.

¹⁰ Quẽna gajeye ado bajiro gotiaja Dios ocare masa ñna ucamasire:

"Mũa jud'io masa me, Dios yarã jud'io masa rãca cojo masare bajiro variquẽnarũarãja mũa", yigotiaja Dios oca.

¹¹ Gajeye quẽne ado bajiro gotiaja ti:

"Jud'io masa, ñna me quẽne, masa jediro ĩre rũcũbũo variquẽnarũarãja mũa", yigotiaja ti.

¹² Isa'ias ñamasir'i quẽne ado bajiro ucamasiñumi:

"Isa'i jãnami sũgũ ruyuarũcũmi, jediro masa uũ ñarocũ. ĩre ajitirũnũcõari, ĩ sũorine Diorãca quẽnaro ñarũgũrũarãja mani' yirũarãma ñna", yiuucamasiñumi Isa'ias.

¹³ "Cristo sũorine Diorãca quẽnaro ñarũgũrũarãja" yitũoĩamasirere manire cõagũ ñagũmi Dios. ĩrene ado bajiro mũare sãnibosaja yũ: "Mũre ajitirũnũrũtuacõari, quẽnaro variquẽnarã, mũ rãca quẽnaro ñacõa ñato ñna' yigũ, ñnare ejarẽmoña. To yicõari, 'Esp'iritu Santo ĩ ejarẽmose rãca butobusa tire masiato ñna' yigũ, ñnare ejarẽmoña", Diore mũare yisãnibosaja yũ.

"Diore gotirẽtobosagu yũ ñarotire Dios ĩ cõar'i ñari, mũare ucacõagũ yaja", Pablo ĩ yire queti

¹⁴ Yũ mairã, "Quẽnaro yirã ñarãma ñna. Cristo ocare quẽnaro masirã ñari, quẽnaro gãmerã gotimasiorã ñarãma ñna", mũare yimasiaja yũ. ¹⁵ To bajiro mũa bajisere masigũ ñaboarine, papera rãca quẽnaro riojo mũare gotiaja yũ. "Tirũmũju mũa ajirere masiritibeticõato" yigũ, mũare ucacõaja yũ. Dios yũre ĩamaicõari, ĩ ocare gotirẽtobosagu yũ ñarotire ĩ bojacati ñajare, mũare ucaja yũ. ¹⁶ "Jesucristo ĩ bajirere jud'io masa mere gotimasiato" yigũ, yũre cõacami Dios. To bajiro ĩ yicati ñajare, yũ gotimasiosere ajicõari, Cristore ajitirũnũama jud'io masa me ñarã. ĩre ajitirũnũrã ñari, Esp'iritu Santo ĩ ejarẽmose rãca "Rojose mana ñaama", Dios ĩ yĩarã ñari, ĩ yarã ñaama.

¹⁷ To bajiri, "Dios ĩ bojasere yigũ, Jesucristo sũorine quẽnaro moaja", yivariquẽnaja yũ. ¹⁸⁻¹⁹ Jud'io masa mere yũ gotimasiojama, yũ masune tũoĩacõari, gotigũ me yaja. Cristo, ĩ ejarẽmose rãca gotimasioaja yũ. Tire ajicõari, Cristo ĩ ejarẽmose rãca quẽnaro yũ yisere ĩacõari, to yicõari, Esp'iritu Santo sũorine ĩaĩañamani yũ yĩosere ĩarã ñari, "Yũre ejarẽmorũcũmi Cristo", ĩre yitũoĩasũocama ñna. To bajiri, Jerusalénjũne Cristo ĩ bajirere gotisũocacũ, gaje macarire quẽne goticudigũ rĩne, ĩiria sitajũ gotiejocajũ yũ. ²⁰ "Cristo ĩ bajirere gotimasioñamana ñna ñarøjũre, gotimasioigũ varũcũja", yitũoĩa vadirũgũcujũ yũ. Gãjerã ñna goticõariarøjũrema gotimasioigũ varũabeticajũ yũ. ²¹ To bajiro yũ bajiro tire yiro, ado bajiro gotiyuja, Dios ocare masa ñna ucamasire:

"Cristo ĩ bajirere masibetiriarã, gotimasio ecorũarãma.

To bajiri, tire ajimasirũarãma", yigotiyuja ti.

Romajũ Pablo ĩ varũa tũoĩare queti

22 To bajiri, Cristo ĩ bajirere gotimasioñamana ĩna ñarojuare gotimasiocudigu ñari, mua ture varuaboarine, vabetirügücaju yu maji. 23 Tirámajune mua tu varuacõa ñacaju yu. To bajiro bajiruarügücacu ñari, adi sitanare ĩnare gotimasiojeocõari, mua tujua varua tuoĭaja yu yuja. 24 Espaňaju vacu muare ĩarẽtoarucuja yu. To bajiri mua rãca yoaro variquẽnacõa ñaruagu ñaboarine, yoaro mua rãca ñabetirucuja yu, bajigujuma. To bajiboarine mua ejarẽmose bojaja yu, España yu eja-masirotire yigu. 25 To bajiro yu bajiroto rĩjoro Jerusalénju vacoacu yaja maji, Cristore ajitirũnurãre ĩnare ejarẽmoguacu. 26 Cristore ajitirũnurã, Macedonia vãme cuti sitana, Acaya vãme cuti sitana quẽne, ado bajiro tuoĭañujarã ĩna: “Jerusalén macana, Cristore ajitirũnurã maioro bajirãre gãjoa rãca ĩnare ejarẽmoto mani”, yituoĭañujarã ĩna. To bajiro yituoĭariarã, ĩna ĩsirere juacõari, Jerusalén macanare ĩsignacu yaja yu. 27 ĩna masune tuoĭacõari, “ĩnare ejarẽmoto mani”, yituoĭañujarã ĩna, jud’io masa me ñaboarine. Jud’io masa suorine, jud’io masa mere, Dios yarã ĩna ñase ejayuja ti. To bajiri jud’io masare maioro bajirãre ejarẽmoroti ñaja. 28 To bajiri Jerusalén macanare gãjoa ĩnare yu ĩsiro bero, Espaňaju vacu, muare ĩarẽtoarucuja yu. 29 “Mua tu yu ejaro, mani ñajediro mani variquẽnarotire cõarucumi Cristo”, yimasiaja yu.

30 Yu mairã, Jesucristore ajitirũnurã ñaja mua. To bajicõari, Esp’iritu Santo suorine gãjerãre ĩamairã ñaja. To bajiri yu bajisere tuoĭacõari, Diore yure sēniejarẽmoña yaja yu. 31 “Judeana Cristo ĩ bajirere yu gotisere ajiterã rojose yure yiroma” yirã, Diore yure sēniejarẽmoña. To yicõari, “Jerusalén macana, Cristore ajitirũnurã gãjoa yu ĩsirotire variquẽnase rãca boca juato ĩna” yirã, Diore yure sēniejarẽmoña. 32 To bajiri Diore yure mua sēniejarẽmojama, variquẽnase rãca mua tujua ĩagũ ejarucuja yu, Dios ĩ bojajama. Mua tujua eja, mua rãca quẽnaro ususãjarucuja yu. 33 Dios, quẽnaro mua ñarotire muare ejarẽmoato ĩ. To bajirone bajiato.

16

Pablo ĩ quẽnaroticõare queti

1 Febe vãme cutigore mua tu sore cõagũ yaja yu. Dios suorine Cristore ajitirũnugõ ñaamo so. Cristore ajitirũnurã Cencrea vãme cuti macana rãca Diore moabosarimaso ñaamo so. 2 Sone ñaamo jãjarã Cristore ajitirũnurãre quẽnaro ejarẽmorio. Yure quẽne ejarẽmorügũmo. To bajiri mua tu so ejaro, “Mani ujure ajitirũnugõ ñaamo so quẽne” yimasirã ñari, so bojase cõro sore yirẽmoña, “Cristore ajitirũnurã ñaja mani” yirã.

3 Yure bajiro Jesucristo ocare gotimasiarã ñacana, Prisca, so manaju Aquila, quẽnato ĩna. 4 “ĩre mani ejarẽmojama, manire quẽne sĩarãma” yimasiboarine, yure ĩna sĩaborotire yirẽtobosacama ĩna. To bajiri, “Quẽnaro yure yicaju mua”, ĩnare yiuacõaja yu. Yu sīgũ mere, “Quẽnaro yirã yicaju mua”, ĩnare yaja yu. Yu sīgũ me to bajiro muare yicõaja yu. Jud’io masa me, tocãrãca macariana Cristore ajitirũnurã quẽne, yirügũama. 5 Quẽnato Cristore ajitirũnurã Aquila ya vi rējarügũrã. Quẽnato yu maigũ, Epeneto quẽne. ĩ ñaami Asia sitagu Cristore ajitirũnusuor’i. 6 Mar’ia, quẽnato, buto muare ejarẽmorio quẽne. 7 Yu yarã, Andrónico, Junias quẽne quẽnato. ĩna rãca tubiberiavijũ ñacaju yu. ĩna ñacama yu rĩjoro Cristore ajitirũnusuoriarã. Cristo ocare ajitirũnurã ĩna cõarã rẽtoro quẽnaro yicudiyuma ĩna.

⁸ Quēnato yu maigū Ampliato quēne. Mani ujare ajitirūnugū ĩ ñajare, ĩre buto maiaja yu. ⁹ Gāji, yure bajiro Cristo ocare gotimasiogū, Urbano vāme cutigu, quēnato. To bajicōari, yu maigū Estaquis quēne, quēnato. ¹⁰ Apeles quēne, quēnato. Rojose tāmwoaraine, Cristore ajitirūncōa ñacami. Aristóbulo, to yicōari ĩ ya viana quēne, quēnato. ¹¹ Yu yu Herodiōn quēne, quēnato. Mani ujū Cristore ajitirūnurā Narciso ya viana, quēnato. ¹² Trifena, to yicōari, Trifosa quēne quēnato. Mani ujū Cristore buto moabosarimasa ñaama. Mani maigō Pérsida quēne, quēnato. So quēne, mani ujū Cristore buto moabosacamo. ¹³ Rufo quēne quēnato. Cristore quēnaro ajitirūnugū ñacami. ĩ jaco quēne quēnato. Sone ñacamo, yu jacore bajiro yure maicaco. ¹⁴ To yicōari, As'incrito, Flegonte, Hermes, Patrobas, Hermas, ĩna rācana quēne, Cristore ajitirūnurā jediro quēnato. ¹⁵ Filólogo, Julia, Nereo, to yicōari, ĩ bedeo quēne, quēnato. Olimpás, to yicōari, ĩna rācana Cristore ajitirūnurā jediro quēnato.

¹⁶ Cristo suorine cojo masare bajiro bajirā ñari, quēnaro gāmerā yisēniña, yīñaña mua. Adoana, Cristo ocare ajitirūnurā jediro, muare quēnaroticōama ĩna.

¹⁷ Yu mairā, gajeye ado bajiro muare gotimasioaja yu: Mua rācana sīgāri ricati ĩna gotijare, sīgāre bajiro tuoīamenaja mua. Cristo oca mua ajiriarore bajiro me bajiaja ĩna yisema. To bajiri ĩnare cāmotadicōaña. ¹⁸ Mani ujū Cristo ĩ bojasere yirā me ñarāma ĩna. ĩna tuoīarore bajiro yirā ñari, socarāne quēnaro gotitorāma. To bajiri socase ĩna gotisere ajitirūnurāma, quēnaro tuoīamasimena. ¹⁹ Muarema, ĩnare bajiro mua bajibetijare, “ĩna ujarāre quēnaro cūdirā ñaama”, yama masa, muare. To bajiro mua bajisere ajivariquēnaja yu. To bajiri, quēnase rīne mua yisere bojaja yu. ²⁰ Quēnaro mani ñarotire cōagū ñaami Dios. To bajiro yigu ñari, vātia ujare ĩre cūdaabogure bajiro yirucami, “Socarimasa ĩna gotiboasere ajibeticōato ĩna” yigu. To bajiri, “Quēnaro ĩnare yiya” mani ujū Jesucristore muare yisēnibosaja yu.

²¹ Yu baba, Cristo ocare gotimasiogū, Timoteo vāme cutigu, muare quēnarotiami. Yu yarā Lucio, Jasón, Sos'ipate quēne, muare quēnarotiana.

²² Yu Tercio, Pablo ĩ rotirore bajiro adi paperare ucabosagu quēne, mani ujū Cristore ajitirūnugū ñari, muare quēnarotiaja yu.

²³ Gayo quēne, muare quēnarotiami. ĩ ya vijane ñacōari, Cristore ajitirūnurā rējarūgūaja. Erasto adi macajure gājoa codebosarimasa quēne, muare quēnarotiami. Cristo suorine mani yu, Cuarto vāme cutigu quēne, “Quēnato”, muare yami.

²⁴ To bajiri, “Quēnaro ĩnare yiya”, mani ujū Jesucristore muare yisēnibosaja yu. To bajirone bajiato.

“Diore rācūbuo variquēnato mani”, yire queti

²⁵ Diore rācūbuorā ñari, “Quēnaro yigu ñaami. Rētoro masigū ñaami”, Diore yirācūbuoroti ñaja. ĩ ocare quēnaro mua ajitirūnūjama, “Manire ejarēmogūmi Cristo” mua yituoīarotire cōarucami Dios. ĩ ocare gotimasiōrūgūaja yu, masa rojose ĩna tāmwoborotire Cristo ĩ yirētobosare. Tirāmujama ti ũnire gotimasio ecobesuja maji. ²⁶ To bajiboaraine, Diore gotirētobosariarā ĩna ucamasirere ajicōari, “To bajise bajirore gotiro yaja”, yimasibesuma. Adirāmārirema, “Cristo ĩ rijabosare ti ñajare, “Quēnarā ñaama”, manire yīlagūmi Dios”, masa jediro yure yimasiate”

yigũ, ti oca mani ajimasiro tire manire cõañumi Dios, adi macarũcrojũ ñacõa ñarũgũgũ.

²⁷ Ñagũmi jediro masigũ. Gãji ñe bajiro bajigũ magũmi. Jesucristo manire ñ codese suorine ñe yirũcabũo variquẽnacõa ñato mani. To bajirone bajiato.

To cõrone ñaja.

Primera carta de San Pablo a los CORINTIOS

Corinto vāme cuti macana, Cristore ajitirānūrāre Pablo ī uacāōare queti

¹⁻³ Adi quetire mūare cōagū, Pablo vāme cutigu űaja yu. ¿űati mūa, Corinto macana, Dios suorī ī macu ocare ajitirānūcōari, rējarūgūrā? Jesucristo ī rijabosare űajare, “Rojose mana űaama” yicōari, “Yu rīa űaama” Dios ī yīārā űaja mūa. Sōstenes rāca űacōari, mūa rī mere ucaja yu. “Mani űjre Jesucristore sēnirā jediro, adi quetire ajiato” yirā, ucaja yu. Mūare quēnarotirā, mani jacu Diore, to yicōari, Jesucristo, mani űjre, ado bajise mūare sēnibosaja yu: “Quēnaro mūa rāca űna űnarotire yirā, űnare ejarēmoűa”, mūare yisēnibosaja yu. Dios ī bojarore bajiro yure cōacami Jesucristo, “Yu suorine yu jacu quēnaro ī yise quetire gājerāre gotimasiodi yu” yigu.

“Mūa bajisere tūōiācōari, ‘Quēnaro yaja mū’ Diore yaja yu”, Pablo ī yire queti

⁴ Tocārācājine Dios, mani jacure sēnigū, mūare quēnaro ī yisere tūōiācōari, “Quēnaro yaja mū”, ĩre yivariquēnarūgūjaja yu. Jesucristore ajitirānūrā mūa űajare, quēnaro mūare yirūgūami Dios. ⁵ ĩre ajitirānūrā mūa űajare, ĩ oca jediro quēnaro riojo ajimasicōari, mūa gotimasiorotire, to yicōari, ĩ bojarore bajiro mūa yimasiorotire yigu, mūare űjoyumi Dios. ⁶ To bajiro mūare ĩ yire űajare, Cristo ĩ bajirere mūare yu gotimasiosere ajicōari, “Socase me űaja”, yicaju mūa. ⁷ űajediro mūa yimasiroti mūare ĩ űjore ti űajare, mani űj Jesucristo ĩ tudiejarotire yurāre, űie ru yabetoja, mūare. ⁸ “Yure quēnaro ajitirānūcōa űato” yigu, mūare ejarēmorcūmi. To bajiri, Jesucristo ĩ ejarirāmure, űimūjuane, “Rojose yirā űaama”, mūare yimasigū maniracūmi. ⁹ “Yirucūja” ĩ yirore bajiro yigu űari, manire ejarēmorcūmi Dios”, yimasijaja mani. ĩ űaami, “Jesucristore ajitirānūűa” yirere manire cōagū. To bajiri ĩ ejarēmose suorine mani űj, Cristore ajitirānūrā űari, quēnaro gāmerā baba cutirūgūjaja mani.

Corinto macana ricati rīne űna tūōiare queti

¹⁰ Yu mairā, yu gotirore bajiro yirā űaboarine, gajeye mūa yise quēnabeaja. Mani űj, Jesucristore yibosagu, ado bajiro mūare yaja yu: Rojose mūa yijama, “Jūaji rojose yimenasa mani” yicōari, sīgure bajiro tūōiāna. ¹¹ “To bajiro yama Corinto macana” Cloé yarā űna yisere ajicōari, to bajiro mūare yaja yu. ¹² Ado bajise yure gotiama: “Sīgūri, ‘Pablōre ajisuyarā űaja yu’, gājerāma, ‘Apolore ajisuyarā űaja yu’ yama. Gājerāma, ‘Pedrore ajisuyarā űaja yu’, gājerāma, ‘Cristore ajisuyarā űaja yuama’ yama”, yure yigotiama Cloé yarā. ¹³ ¿No bajiro yirā to bajise űagōjaiati mūa? “Mani űj Cristo sīgūne űaami” yirā űaboarine, “Jājarā űaama mani űjarā” yisocarāre bajiro yīűaja mūa. ¿Yu, Pablone rojose mūa yire vajare yirētosagu, yucātērojū rijabosayujarique yu? “Pablōre ajitirānūrā űaja yu” yirā me, oco rāca bautiza ecoyuja mūa. ¹⁴⁻¹⁵ “Crispo vāme cutigu, to yicōari, Gayo vāme cutigu, űna rīne űacama oco rāca yu bautizacana”, yitūōiaja yu. To bajiri mūa rācana, “Pablōre ajitirānūrā űaja yu”, yimasirā manama. Tire tūōiācōari, “Tocārācūne űacama yu bautizacana”, Diore ĩre yivariquēnaja yu. ¹⁶ Estēfanas ya viana quēne

ñacama oco rāca yu bautizacana. To cōrone yiriaja yu. ¹⁷ “Oco rāca masare ñare bautizacudiaya” yigu me, yure cōacami Cristo. “Yu suorine Dios quēnaro masare i yisere gotimasiodudiaya” yiguja, cōacami. “ ‘Quēnaro i gotimasiojare, ñe ajitirūñaja yua’ yato” yigu, me yure cōacami. To bajiro ña yijama, “ ‘Yucátēroju rojose mani yise vajare yirētogū, manire rijabosayumi’ yitōñarā me ñaruarāma”, yure yicami Jesucristo.

“Jesucristo manire i rijabosare, ñamasuse oca ñaja”, yire queti

¹⁸ Yucátēroju Cristo i rijabosarere ajicōari, “Socase ñaja”, yitōñaaama rojose tāmōotujabetiriaroju varona. Dios taju varonajuaama, ti quetire ajicōari, “Masijeogu ñaami Dios. I sīgūne ñagūmi rojose mani tāmōoborotire yirētobosarocu”, yitōñaaama. ¹⁹ Tire bajirone gotiaja Dios oca masa ña ucamasire:

“ ‘Masirā ñaja yua’ yirāre masimenare bajiro ñare yirūcujaja yu, yure ña masirotire yigu”, yigotiaja Dios oca masa ña ucamasire.

²⁰ To bajiri, “Dios i rotimasire riojo gotimasiorā ñaja yua” yirāre, to yicōari, gājerā, “Adi macarucuro ñase jedirore masirā ñaja yua” yirāre masimenare bajiro ñare yami Dios. ²¹ Masijeogu ñaami Dios. To bajiri adi macarucuroana, masa ña masune ña buese, ña tōñase suori ñe ña masirotire bojabesumi. Ado bajirojua ña yisejuaare bojayumi: I macu i bajirere ajitirūñarā rīrene rojose ña tāmōoborotire ñare yirētobosagu ñaami Dios. To bajiri ti ocare ajicōari, “To bajiro yimecūrā yama. Socase ñaja”, yama Diore masimena.

²² To bajiri, jud'io masa quēne, ti quetire ña ajitirūñasuroto rījoro, “Socase me ñaja yua yiroto yirā, ñañañamani yuare yitōñā”, yirā ñaama. Griego masajuaama, “Quēnaro ña gotijama, ñare ajisuyaruarāja mani”, yirā ñaama. ²³ To bajiro ña yitōñaboajaquēne, yuajuaama, yucátēroju Cristo manire i rijabosarere gotimasiorūgūaja. Jud'io masa ña ajitese, griego masa, “Yimecūrā yama” yuare ña yisere yirūgūaja yua. ²⁴ To bajiboarine, Cristo i bajirere yua gotimasiosere ajicōari, jud'io masa, griego masare quēne, “Yu macure ajitirūñā” Dios i yirere ña cudijama, i masisere ñare cōaami. To i yijare, “Masijeogu ñaami Dios”, yirūgūama. ²⁵ Gājerāja, Diore masimena ñari, “Yimecūrā yama Cristore ajitirūñarā”, yitōñaboama. To bajiro ña yiboajaquēne, “Masijeogu ñaami Dios. Ñe bajiro yimasigū magūmi”, yimasijaja mani, i ocare ajitirūñarāma. ²⁶ Yu mairā, Dios muare i besere tōñañā mua. Jājarā me ñacaju mua, ñamasurā, masare rotirimasa, to yicōari, “Masirā ñaama” Diore masimena ña yīarā. ²⁷ To bajiro mua ñarotire bojayumi Dios. “ ‘Tōñamasimena ñaama’ masa ña yirā, to yicōari ña rucubūomena ñaruarāma yu macure ajitirūñarā”, yiyumi Dios. To bajiro i yijama, “ ‘Masirā ñaama’ Diore masimena ña yirucubūorāre, ‘Masirā me ñañuma’ yato” yigu, yiyumi. ²⁸ “ ‘Ñamasurā me ñaama’ to yicōari, ‘No yimasimenama’ masa ña yirāja, yu macure ajitirūñarāma”, yiyumi Dios. “ ‘Ñamasurā ñaama’ masa ña yīarā, ñamasurā me ñato” yigu, to bajiro yiyumi. ²⁹ To bajiro yigu i ñajare, i ñaro rījoro, “Masa ña rucubūogu, ñamasugū ñari, mu macu i bajirere ajicōari, ‘Riojo gotiaja’ yicaju yu”, ñe yirocu magūmi. ³⁰ To bajiro Dios suorine Jesucristo i bajirere ajicōari, i yarā ñaja mua. To bajiro, Dios ocare ñamasusere masirā ñaja mua. Rojose mua yisere i masiriojama, Cristo i rijabosare suorine, “Rojose mana ñaama” Dios i yīavariquēnarā ñaja mua. ³¹ Dios macu suorine to bajiro mua bajise ñajare, ado bajiro gotiaja Dios ocare masa ña ucamasire:

“Ñamasurã ñaja yua’ yituoïamenane, ‘Manire quënaró yiyumi Cristo. Ìjua ñaami ñamasugü’ yivariquënaróti ñaja”, yigotiaja Dios ocare masa ña ucamasire.

2

“Masigü ñaja yu” masa ña ñaro rïjorojua, yibecune, Cristo ï bajirere Pablo ï gotimasiore queti

¹ Dios oca masa ña masibetirere mware yu gotimasiocatire tuoïaña mwa, yu mairã. “Masigü ñaami’ yure yïato ña” yigü me, mware goticaju yu. ² “Yucátëroju Jesucristo ï rijabosare rïne ñare gotirucuja” yituoïagü ñari, to bajiro mware goticaju. ³ Mwa tu ejaçu, gotimasiobetirocure bajiro mware bojonecaju yu. To bajiro bajigü ñari, nanacaju yu. ⁴ Cristo ï bajirere mware yu gotiguadijama, “Masirã ñaja yua” yirã ña yirore bajiro me mware goticaju yu. “Pablo quënaró ï gotijare, Cristore ajitirünucaja yua’ yato” yigü me, mware goticaju. Mware yu gotimasioro, Esp’iritu Santo ï masise rãca ï ejarëmojare, “Riojo gotiami Pablo”, yure yiajitirünucaju mwa. ⁵ To bajiri, masa ña masise rãca me ajimasicõari, Cristore ajitirünucaju mwa. Dios ï masise mware ï cõajare, Jesucristore ajitirünucaju mwa.

“Esp’iritu Santo ï ejarëmose rãca Diore masire ñaja”, Pablo ï yire queti

⁶ Jesucristo ocare quënaró ajitirünurã ña ñajama, yua gotimasiorotire Dios ï cõajare, josabusase ñare gotimasiorügüaja yua. Yua gotimasiose, adigodoana, masirã, to yicõari, ujarã ña masise me ñaja. Ña masiboase rãcane ña rijato, yayicoarucaroja tijuama. ⁷ Yua gotimasiosejua, Dios ye, ï masise, ï cõase ñaja. Ti oca, masa ña masibeticati ti ñaboajaquëne, adi macarucaro ï rujeoroto rïjorojune, “Masare quënaró yirucuja” ï yimasire ñaja. ⁸ Adigodoana ujarã tire ajimasirã manicama. Tire ña ajimasijama, mani uju Cristo quënamasugüre, “Yucátëroju ñre jajutu sïacõaña”, yibetiboriarãma ña. ⁹ To bajirone gotiaja Dios ocare masa ña ucamasire: “Dios, ñre mairãre, ‘Quënase ñare ujurucuja’ yi goti rïjoro yiyumi. Masa ña ñabetirügüre, ña ajiñabetirügüre, to yicõari ña tuoïabujabetirügüre quëne ñaja”, yigotiaja Dios oca masa ña ucamasire.

¹⁰ Yucurema, mani masibetirügürere Esp’iritu Santo ï ejarëmose suorine Dios ï ujosere masiaja mani. Najediro masiami Esp’iritu Santo. Dios ï tuoïasere quëne masigü ñaami.

¹¹ Gãjerã ña tuoïasere, “To bajiro tuoïama”, yimasiña maja. Mani masu mani tuoïase rïne masire ñaja. To bajirone bajaiaja, Dios ï tuoïase quëne. Mani masibetiboajaquëne, Esp’iritu Santo sïgüne masiami, Dios ï tuoïasere. ¹² To bajiboarine, adigodoana Diore masimena ña tuoïase ñni mere manire cõañumi Dios. Esp’iritu Santojare manire cõañumi, manire ï ujosere quënaró mani ajimasiro tire yigü. ¹³ To bajiri yua gotimasiojama, gãjerã yware ña gotimasiore mere gotimasiorügüaja. Esp’iritu Santo yware ï ejarëmojare, quënaró gotimasiorügüaja yua.

¹⁴ Esp’iritu Santore cuomena, ï ejarëmose rãca yua gotimasiosere ajicõarã ñaboarine, ajimasimena ñari, “Tuoïamasimena ye ñaja”, yicõama. To bajiro ña yiboajaquëne, Esp’iritu Santo suorine Dios yere quënaró ajimasire ñaja. Esp’iritu Santore cuomena, ï ocare ajimasimenama. ¹⁵ Esp’iritu Santore cuorãjua, masa ña yise jedirore ñacõari, “Quënaró yama. Rojose yirã yama”, yimasiana. To bajiro yirã ña ñajare, Esp’iritu Santore cuomenajua, ña yisere ñacõari, “Socarã yama”, ñare

yimasibeama. ¹⁶ Dios oca masa ña ucamasire ado bajiro ti gotijare, “Esp’iritu Santore suorã ña yisere ñacõari, ‘Socarã yama’ ñare yimasibeama Esp’iritu Santore cuomena”, mware yaja yu: “Mani ujũ, ñ tuõiasere masigũ magũmi. Ñre gotimasioğũ magũmi”, yigotiaja Dios oca masa ña ucamasire. To bajiro ti gotiboajaquẽne, Esp’iritu Santo suorine Cristo ñ tuõiarore bajiro tuõiarã ñaja mani.

3

“Dios ñ bojasere yirã ñaja yua”, Pablo ñ yire queti

¹ Mwa tũju ñacudigu, Esp’iritu Santo ñ bojarore bajiro yirãre yu gotimasiocatore bajiro mware gotimasiobeticaju yu. Cristore ajitirũnu suorã mwa ñajare, Diore tuõiabeticõari ña masune ña bojarore bajiro yirãre yu gotimasiocatore bajiro mware gotimasiocaju yu. ²⁻³ Cristo ñ gotimasiorere, josari me busane ajimasirere mware gotimasiorũgũcaju. “Yu gotimasiosuõsere ajimasibeticõa ñaama” yigu, josasere mware gotimasiobeticaju. Yucu quẽne to bajirone bajicõa ñarãja mwa maji. Beroaye mware gotimasioroti ti ñaboajaquẽne, mware yu gotimasioboacatirene tudigoticõaroti ñaroja. Mwa masune mwa bojarore bajiro mwa yicõa ñajare, to bajiro yaja yu. Gãjerã ña bajisere ñacõari, “Yu rẽtoro quẽnaro ñaama” yũajũnisini, ñagõjai, bajiñarãja mwa. To bajiro mwa bajiñarãja, Esp’iritu Santore cuomenare bajiro mwa masune mwa bojarore bajiro yicõa ñarãja. ⁴ Ado bajiro yirã mwa ñajare, to bajiro yaja yu: “Sĩgũri, ‘Pablõre ajisuyarã ñaja yua’, gãjerãjuama, ‘Apolõre ajisuyarã ñaja yuama’ yirũgũama” ña yisere ajaaja yu.

⁵ Apolos, ñamasugũ me ñaami. Yu quẽne, ñamasugũ me ñaja. Diojuã ñaami ñamasugũma. Ñre moabosarimasa ñaja yua. Tocãrãcũne, mani ujũ, yuare ñ moaroticõariore bajirone moaja yua. Yuã gotimasioore suorine Cristore ajitirũnuõyujaja mwa. ⁶ Yu, mware Cristo ocare gotimasiosuõcaju. Yu gotimasioro bero, butobusa mware gotimasiorẽmoũumi Apolos. To bajiro yua yisere ejarẽmoami, Dios “Butobusa Cristore ajitirũnuato” yigu. ⁷ To bajiri Cristo ñ bajirere gotimasiosuõrã, ña bero tire gotirẽmorã quẽne, ñamasurã me ñaja yua. Diojuã, ñaami ñamasugũma, “Yu macure ajitirũnuõari, butobusa ajitirũnuũtuajaro ña” yiguma. ⁸⁻⁹ Gotimasiosuõrã, gotimasiorẽmorã, cojoro cõro ñacõaja yua, Diore moabosarã. Tocãrãcure ñre ña moabosase vaja, vaja yirũcũmi Dios. Mwa ñaja Dios ñ ñatirũnuãrã, yuare ñ moaroticõarijare bajiro bajirã. To bajicõari, Dios ñ quẽnorivire bajiro bajiaja mwa. ¹⁰ Yũjuã, ti vire busuõgure bajiro bajigu ñaja. Dios, yure ñ yirẽmojare, ñ oca ñamasusere quẽnaro mware gotimasiosuõcaju yu. Yu gotimasioro bero gotimasiorã, yure buarẽmorãre bajiro yirã ñaama. To bajiri, quẽnaro riojo Dios ocare ñare gotimasioroti ñaja. ¹¹ Ado bajise mware gotimasiocaju yu: “Jesucristo manire ñ rijabosare ñajare, rojose mana, Dios ñ ñavariquẽnarã ñaja mani”, yigoticaju yu. Ti oca ñaja ñamasuse. Gãjerã ricati ña gotimasiojama, Dios ye mere gotimasiorã yirãma. ¹²⁻¹³ Sĩgũri, Dios ocare ña gotimasiojama, quẽnaro riojo gotirãma. Gãjerãma, quẽnaro riojo gotimasioomenama. Tocãrãcurene gotimasiorimasare, “Quẽnaro gotiyuma. Quẽnaro gotimasibesuma”, yimasirũarãja mani, masa jedirore Dios ñ ñabeserũmũju. To bajiri, ña gotimasiorere, “Quẽnase ñaja” yimasiru, jeameju tire soeãgure bajiro yirũcũmi Cristo. Ña gotimasioore quẽnase ti ñajama, uabetoja. Quẽnabeti ti ñajama, uajedicoaruaroja. ¹⁴ Quẽnase ñari, ti uabetijama, vaja yirũcũmi

Cristo. ¹⁵ Rojose ñari, ti wjedicoajama, rojose tãwɔɔwãrãma quẽnaro yibetiriarã. Rojose tãwɔɔroti ti ñaboajaquẽne, rojose tãwɔɔtɔjabetiriaroju ñare cɔabetirucami Cristo, ñe ajitirũnrã ña ñajare. Vi ti wãro rudi budirãre bajiro bajiruarãma.

¹⁶ ¿“Espiritu Santore wɔrã ñaja mani”, yimasibeatique mwa? ¹⁷ Dios yarã ñaja mwa. To bajiro bajirã mwa ñajare, gãjerã rojose mware ña ãmato yijama, ãmato yirãjuare bato rojose ñare yirucami Dios.

¹⁸ Mwa masune socabesa. Adigodoaye rĩne tɔoĩarã, “Masirã ñaja yua” ña yitɔoĩarore bajiro mwa yijama, mwa masune socarã yirãja. “Ñamasurã me, masirã me ñaja”, yitɔoĩaroti ñaja mware. To bajiro mwa yijama, ñamasurã ñaruarãja mwa. ¹⁹ Dios ñajama, ñe ajitirũnũmena ña tɔoĩase, tɔoĩamasimena ye ñaja. Dios ocare masa ña ucamasire ado bajiro ti gotijare, to bajiro bajiaja: “‘Dios oca socase ñaja’ yitɔoĩarã ñari, ‘Yua masise rãca ado bajiro yiruarãja’ yitɔoĩaboarãre matarũgũgũmi Dios, ‘Masimena ñaboarine, to bajiro tɔoĩañuja mani’ yimasiato” yigũ. ²⁰ Quẽna gajeju ado bajiro gotiaja Dios ocare masa ña ucamasire: “Yare ajitirũnũmena, ‘‘Masirã ñaja yua’ ña yitɔoĩaboase, waja maja’ yimasigũmi Dios”, yigotiaja Dios ocare masa ña ucamasire. ²¹⁻²² To bajiri, “Mware gotimasiorimasu rãtoro yimasigũ ñaami yware gotigu”, mwa rãcanare yivariquẽnabesa. No yirã to bajise yimenaja. Yu, Pablo, Apolos, to yicɔari, Pedro, yua jediro, mware moabosarimasare bajiro mware ejarẽmorã, mware gotimasioaja yua. Adigodoaye jediro mware cũbosayumi Dios. Tire masicɔari, ñ ocare ajitirũnrã quẽnaro ñaja mwa. To bajiri, mwa rijato bero quẽne, Dios tãju quẽnaro ñarũgũrãrãja. ²³ Dios macu yarã mwa ñajare, jediro mwa ye rĩne ñacɔaja.

4

Jesucristo ocare gotimasiorimasa ña bajire queti

¹ Mware gotimasiorimasare: “Cristore moabosarimasa ñaama”, yware yiya mwa. Ñ oca masa ña masibeticatire yware gotimasioroticɔacami Dios. ² Moabosarimasa mani ñacɔa ñarwajama, ña rotirore bajirone cãdirũgũroti ñaja. Ña bojarore bajiro ña yijama, ñare rotigũju, quẽnaro ñare ñavariquẽnagũmi. ³ Yũjuarema, “Cristo ñ bojarore bajiro quẽnaro moagũ ñaami Pablo” mwa yijama, mwa yibetijaquẽne, no yibeaja yurema. Masa wãjarã quẽne, “Cristo ñ bojarore bajiro quẽnaro moagũ ñaami Pablo” ña yijama, ña yibetijaquẽne, no yibeaja. Yu masune, “¿Cristo ñ bojarore bajiro quẽnaro moati yũ, moamasibeatique yũ?”, yitɔoĩabeaja yũ. ⁴ No yigũ to bajise tɔoĩabecũja. Cristore quẽnaro moabosadicaju. To bajiro yũ yiboajaquẽne, “Cristo ñ bojarore bajiro quẽnaro moacami Pablo” yire ãni me ñaja ti. Mani wãju Cristo ñaami, “Yũ bojarore bajiro quẽnaro moacami. Quẽnaro moabeticami” yimasirocũma. ⁵ To bajiro yirocũ ñ ñajare, Cristo ñ tudiejaroto rĩjoro, “Ñni quẽnaro moaami. Ñju, quẽnaro moabeami”, yware yibetiroti ñaja mware. Masa ña ajibeto, mani yisere, mani tɔoĩasere quẽne, ñ tudiejarirũmũ, “Ajijedicɔato masa” yigũ, manire gotirotirucami. To cɔrone mani yirere ñabesejeomasiruarãja mani. Quẽnaro yiriarãre, “Quẽnaro yicãju mwa”, ñare yirucami Dios.

⁶ “‘Dios oca mware gotimasiorimasare ado bajiro tɔoĩaroti ñaja’ yimasiato ña” yigũ, Apolos ñ bajisere, to yicɔari, yũ bajisere mware gotibũ yũ. “Yua bajisere tɔoĩacɔari, Dios ocare masa ña ucamasire ti gotirore bajiro

tuoĩato ĩna quẽne” yigu, to bajiro muare yibu yu, ado bajiro tuoĩarã mua ñajare: “Yuare gotimasioğũja, muare gotimasioğũ rẽtoro masigũ ñaami”, yaja mua. To bajiro yibetiroti ñaja. ⁷ “Yuare gotimasioğũja, muare gotimasioğũ rẽtoro masigũ ñaami” mua yijama, “Gãjerã rẽtoro masirã ñari, butobusa masigũre besemasiaja yua” yirã yirãja. “To bajiro yirã ñato” yigu me mua masirotere ujoyumi Dios. Jediro mua masise Dios ĩuore ñaja. To bajiri, Dios ĩuore ti ñaboajaquẽne, ĩmua masune tuoĩacõari, “Masirã ñaja yua” yirãre bajiro yati mua? Tire yibeticõaña.

⁸ Ujarãre bajiro tuoĩarũğũaja mua. To bajiro tuoĩarã ñari, “Ĩna gotimasiosere bojabeaja. Masimena ñaama”, yuare yĩaja mua. Dios yere quẽnaro masirã mua ñajama, yua quẽne, mua masisere ajitirũnũborãja. ⁹ To bajiri, “Dios yarã ĩĩamaimena ĩcũriarãre bajiro bajiaja”, yituoĩaja yua. “Vaja mana ñaja mua. Mua sĩa ecosere ĩaruarãja” masa ĩna yirãre bajiro bajiaja yua. “ ‘Adi macarũcũroana, õ vecana ángel mesa quẽne, Cristore ajitirũnrã rojose ĩna tãmuosere ĩna ĩaruajama, ĩnare ĩato’ yigu, yuare cũñumi Dios”, yituoĩaja yua. ¹⁰ Cristo ĩ bojasere yirã yua ñajare, “Tuoĩamasimena ñaama”, yuare yama masa. To bajiro yuare yiboarine, muajũarema, masirãre bajiro muare ĩama. “Dios ĩ ejarẽmobetijama, ĩ ocare quẽnaro gotimasimenaja mani”, yituoĩarã ñaja yua. To bajiro yirã yua ñaboajaquẽne, “Dios oca quẽnaro masiaja yua”, yirũğũaja mua. Gãjerã ĩna rũcũbuorã mua ñaboajaquẽne, yuarema rũcũbuobetirũğũama masa. ¹¹ Tirũmũju yua bajicatore bajirone bajicõa ñarũğũaja yua, adirodorire quẽne: Buto ñiorija, oco idirũaboa, sudi mani, masa quẽne rojose yuare yirũğũama. Yua ñarotivi quẽne, maja yuare. ¹² Dios ocare gotirã ñaboarine, yua masune buto josari moarũğũaja yua, yua ñase vaja, yua base vaja, vaja yiruarã. Gãjerã yuare ĩna ajatud’iboajaquẽne, “Quẽnaro muare yato Dios”, ĩnare yicũdirũğũaja yua. Rojose yuare ĩna yiboajaquẽne, ĩnare gãmebetirũğũaja. ¹³ Yuare ĩna tud’iboajaquẽne, quẽnasejuare tuoĩacõari, ĩnare gotirũğũaja yua. Tirũmũju yuare ĩna ĩatecatore bajirone ĩatecõa ñarũğũama.

¹⁴ “Yu ucacõasere ĩacõari, ajibojoneato” yigu me, adi quetire muare ucacõaja yu. Yu mairã, yu riare gotimasioğũre bajiro muare gotiaja yu, “Quẽnaro riojo masiato ĩna” yigu. ¹⁵ Cristo ĩ bajirere muare gotimasiorã, diez mil ñarã ĩna ñaboajaquẽne, yu sũğũne ñaja, muare gotimasiosuocacu. Yu gotimasiosere ajicõari Jesucristore ajitirũnũsuocaju mua. To bajiri mua jacure bajiro bajiaja yuma. ¹⁶ To bajiro yu bajijare, yu yirũğũacatore bajiro mua yijama, quẽnaroja.

¹⁷ To bajiro mua bajirotere bojagu ñari, Timoteore, muare ejarẽmorocure, muare cõaja yu. “Cristore ajitirũnũğũ ñari, ado bajiro bajirũğũami Pablo”, muare yigotirũcũmi, Jesucristore ajitirũnrã jedirore yu gotimasioatire. Yu macu, yu maigũre bajiro bajigu mani uju ĩ bojasere yigu ñaami Timoteo. ¹⁸ “Juaji ejabecũmi Pablo” yituoĩarã ñari, sũğũri mua rãca “Ñamasurã ñaja yua”, gãmerã yivariquẽnarãja mua. ¹⁹ “Yu varotire Dios ĩ bojjama, yoaro mene muare ĩagũ varũcũja”, yituoĩaja yu. Mua tu ejacõari, to bajiro gãmerã mua yĩnasere masirũcũja yu. Dios ĩ ejarẽmose rãca mua yijama, mua rãca butobusa Cristore mua ajitirũnũsere quẽne ĩamasirũcũja. ²⁰ Ado bajise ti bajijare, to bajiro yaja yu: Dios yarã me ñaama socarãne, “Diore ajirã ñaja yua” yigotiboarine, ĩ bojarore bajiro yimena. ĩ yarã ñaama ĩ ejarẽmose rãca ĩ bojarore bajiro yirã. ²¹ To bajiri mua tu ejacõari, ĩno bajiro muare yu yirotere bojati? Rojose mua yisere

mua yitujabetijama, tutuaro muare gotirucuja yu. Tire mua yitujajama, muare yu maisere quēnaro muare gotirucuja yu.

5

Ī jacu manajore ajerio cutigure Pablo ĩ burocarotire queti

¹ Gaje vāme muare gotirucuja yu. Sigū mua rācagu ĩ jacu manajore ĩ ajerio cutisere ajibu yu. To bajiro ĩ yijama, bato rojose yigu yiyumi. Gājerājūama, Diore ajimena űaboarine, ti űnire yimenama ĩna. ² To bajiro yirā űaboarine, “Dios oca masirā űaja yua”, yivariquēnarāja mua. Mua rācagu rojose ĩ yisere ĩsatiriticōari, ĩre burocaroti űaboayuja ti. ³⁻⁴ Mua rāca űabetiboarine, mua rāca űagūre bajiro tuoĭaja yu. Mani űju Jesucristo ĩ ejarēmose rāca, “Ado bajiro ĩre yiroti űaja”, yimasajaja yu, ĩ jacu manajore ajerio cutigure. To bajiri mua rējaroju, mua rāca űabetiboarine, yu tuoĭasejuma mua rāca űarucuja yu. To bajicōari, mani űju Jesucristo quēne, mua rāca űarucumi, muare ejarēmogū. ⁵ Ī jacu manajore ajerio cutigure, “Satanás ĩ bojarore bajiro rojose ĩre yato” yirā, ĩre burocaya. “Rojose tāmūogū űari, ĩ jacu manajore ajerio cutibeticōari, Dios ĩ bojarore bajirojua yato” yirā, to bajiro ĩre yiruarāja mua. Tire ĩ yitujajama, mani űju Cristo, masare ĩ ĩabeserirūmu ti ejaro, rojose yir’i ĩ űaboajaquēne, rojose tāmūotujabetiraroju ĩ vaborotire ĩre yirētobosarucumi.

⁶ Mua rācagu rojose ĩ yĭűaboajaquēne, “Dios oca masirā űaja yua” mua yivariquēnase quēnabeaja. Tire bajiro bajajaja pan űmato vauvase. Mōjoroaca vūore ti űaboajaquēne, vauvajediaja ti. Tire bajirone bajajaja rojose mani yise. Mani rācagu, rojose ĩ yicōa űajama, ĩ yisere ĩacōari, mani jediro rojose yijedicoanaja. ⁷ Jud’io masa, Pascua boserūmari quēnorā, pan űmato vauvasere ĩna reajeorore bajiro rojose mua yisere reajeocōaĭa mua. “Jediro rojose mua yise yitujacōaĭa” yigu yaja yu. “Rojose mana űato mani” yirā, to bajiro yiya mua. Oveja macure bajiro masare Jesucristo ĩ rijabosare sūorine rojose mani yise vaja manire ĩ vaja yijeobosare űajare, to bajiro yiroti űaja. ⁸ “Rojose mani tāmūoborotire manire yirētobosayumi” yirā, “Yiruarāja” mua yituoĭarore bajirone quēnase rĭne yiroti űaja.

⁹ Tirūmaju papera muare cōagū, ado bajiro gotiboacaju yu: “Gāmerā ajeriarā cutirā rāca űabesa”, muare yiucaboacaju yu. ¹⁰ To bajiro yu yijama, “Cristore ajitirūnūmena rāca űabesa” yigu me yicaju yu. Adigodojūre jājarā űarāma: Manajo mana, manaju mana, manaju cutirā, manajo cutirā quēne, gājerā rāca ajeriarā cutirā űarāma. To yicōari, jairo gajeyeūni cūorā űaboarine, jaibusaro bojarēmōrā űarāma. Juarudirimasa űarāma. “Ado bajirā űarāma” ĩna masune yiquēnorujeocōari, rūcūbuorā quēne űarāma. Cristore ajitirūnūmenajua jājarā ĩna űajare, ĩnare tuoĭacōari, “Rudiya” muare yu yiboajama, no bajiro yicōari, rudimasimenajaja mua. Rijana rĭne űarāma rudirāre bajiro bajirāma. ¹¹ Muare yu ucacōacatire, “Quēnaro ajimasiato” yigu, ado bajise muare papera ucacōajaja yu quēna: “Ado bajiro bajirāma” yituoĭagū, “Īna rāca űabesa”, muare yiucaōacaju: “Cristore ajitirūnurā űaja yua” yiboarine, gāmerā ajeriarā cutirā űarāma. To yicōari, jairo gajeyeūni cūorā űaboarine, quēna gajeye bojarēmōrā űarāma. Socarāne gājerāre, “Rojose yima”, yigotirimasa űarāma. “Ado bajirā űarāma” ĩna masune yiquēnorujeocōari, rūcūbuorā űarāma. Idimescūā, to yicōari, juarudirimasa quēne űarāma. “Īna űna rāca űabesa” yu yiucajama, ĩna rāca mua babetirotire quēne tuoĭagū yaja. ¹²⁻¹³ Cristore ajitirūnūmena

Īna yisere ĩacōari, “Adi quēnase ñaja; tijua rojose ñaja”, yibeseroti me ñaja manire. Dios sĭgūne ñaami to bajise yirocuma. Cristore ajitirūnarā ñaboarine, rojose ĩna yisere ĩacōari, “Tire yitujacōato” yirā, rojose ĩnare yiroti ñaja. To bajiri Dios ocare masa ĩna ucamasire ti gitirore bajiro yiya mua. Ado bajiro gotiaja: “Mua rācagu rojose yigure ‘Yua rāca ñabesa’ ĩre yicōaña”, yigotiaja Dios oca.

6

“Cristore ajitirūnarā rĭne, rojose gāmerā mua yijama, ĩre ajitirūnumena tujū vamenane, mua masune oca quēnoroti ñaja”, yire queti

¹ Gajeye quēnabeti mua yisere muare gotiruaja yu. Cristore ajitirūnarā rĭne rojose mua gāmerā yijama, ĩno yirā oca quēnoruarā, Cristore ajitirūnumena tujū vacōari, oca quēnorotirūgūati mua? ĩNo yirā Cristore ajitirūnarā rĭne rējacōari, ĩnare oca quēnorotibeati mua? “To bajiro bajiaja”, ĩyibojonebeati mua, Cristore ajitirūnumena tujua varuarā? ² “Dios yarā ĩnari, Cristore ajitirūnumena rojose ĩna yisere ĩabeserona ñaja mani” yimasirā ñaboarine, ĩno yirā ñamasuse mere mua rojose gāmerā yisere oca quēnomasibeati mua? Mua masune oca quēnomasicōarāja. ³ Ángel mesa, vātia, ĩna yisere quēne ĩabeserona ñari, adigodo mua yiñasere roque rētoro ĩabesemasirāja mua. ⁴ ĩna yisere ĩabeserona ñaboarine, rojose gāmerā mua yisere, Cristore masimenare oca quēnorotirā varūgūaja mua. ⁵ “ĩTo bajiro yirūgūñujari mani?” mua yimasirotire yigu, to bajiro muare gotiaja yu. Tire masicōari, Cristore ajitirūnumenare oca quēnorotibetiruarāja mua yuja. “Masirā ñaja yua” yirā ñaboarine, Cristore ajitirūnumena tujū mua oca quēnorotirā vajama, “Rojose mani gāmerā yisere mani rācagu oca quēnorimasu magūmi” yirāre bajiro yaja mua. ⁶ To bajiri ado bajiro bajiaja mua: Cojo masare bajiro bajirā ñaboarine, rojose gāmerā yaja mua. To bajiro mua yise quēnabeti ñaja. To yicōari, mua masune oca quēnomenane, Cristore ajitirūnumenajuare mua oca quēnorotirā vase ñaja rētobusaro quēnabeti.

⁷ Mua masune rojose mua gāmerā yijare, quēnabeaja. Gājerā tujū ĩnare oca quēnorotirā vamenane, ado bajirojua mua yijama, quēnaboroja: Gāji rojose muare ĩ yisere gāmemenane, “Yuare yitocōari, yua ye ñaboasere mu ēmase tone bajicōato. Mure masirioaja yua” ĩre mua yijama, gājerā tujū mua vase rētoro quēnaroja. ⁸ To bajiro ũmato bajiroti ũnirene, ĩmuajuane ñaja rojose yisuorāma! ĩMuane ñaja gājerā Cristore ajitirūnarāre, mua mairona ñaboarāre yitocōari, ĩna yere ēmarā!

⁹ To bajiro rojose mua yisere, “Rojose me ñaja” mua yituoĭase socase ñaja. To bajiri, to cōrone mua yirūgūserere yitujacōaña. “Rojose yirāma, Dios tujū ejarona me ñaama”, yimasiaja mua. Rojose yirāma, ado bajiro yirā ñarāma: Manajo cutirā, manaju cutirā, manajo mana, manaju mana quēne, gājerā rāca ajeriarā cutirā ñarāma. “Ado bajirā ñarāma” yiquēnorujeocōari, rēcuborā ñarāma. ¹⁰ Juarudirimasa ñarāma. Jairo gajeyeūni cuorā ñaboarine, quēna gajeye bojarēmora ñarāma. Idimecurā ñarāma. Socarāne, “Ado bajise rojose yima”, yigotirimasa ñarāma. Gājerāre yitocōari, ĩna cuoboasere ēmarā ñarāma. “ĩna ũnama, Dios tujū ejarona me ñaama”, yimasirāja mua. ¹¹ Mua quēne ĩnare bajiro bajiyuja mua maji. Yucarema Jesucristo, to yicōari Espĭritu Santo suorine “Rojose mana ñaama yu yarā” Dios ĩ yĭrā ñaja mua.

“Dios ĩ bojarore bajiro yiroti ñaja”, yire queti

¹² Ado bajiro yisere ajirũgũaja mũa: “Mani bojarore bajiro yimasi-aja”, yigotiaja. To bajiro yigotiboajaquẽne, mani tũoĩarore bajiro mani yijama, quẽnabetoja. “Bũtobũsa Dios ĩ bojarore bajiro yirã ñato mani” yirã, yibetiroti ñaja manire. “Tire mani yisejacõajama, ti rione manire yirũamacõroja” yirã ñari, yibeticõato mani. ¹³ Gãjerãma, ñna ruju ti bojarore bajiro yirũarũgũrã ñari, ado bajiro yirũgũama: “Mani gũdajoaju mani basãroti ñaja bare. To bajicõari, gũdajoajũa quẽne bare basãrotioja ñaja”, yirũgũama. To bajiro ñna yise, socase me ñaja, bajirojũma. To bajiboarine, mani base, mani gũdajoa quẽne ñamasuse me ñaja. Cojorũmu tire reajeocõarũcũmi Dios. To bajiri, “Mani ruju quẽne rõmia rãca ajeriarã cõtiato” yiro me bajiaja. Cristo ĩ bojasejũare yirotirujũ ñaja. To bajiri, Cristojũa quẽne, “Yũ bojasere yirã ñaama” yigũ, manire ejarẽmogũmi. ¹⁴ Mani ruju ti bajiyayiboajaquẽne, mani uju Cristore ĩ catoriarore bajirone manire quẽne ĩ masise rãca catorĩcũmi Dios.

¹⁵ Cristo yarã ñari, ĩre moabosarimasa ñaja mani. To bajiro bajirã ñaboarine, ĩrõmia, uũũare ajeriarã cõtĩcõari, vaja sãnirã rõmiri rãca ñarãti mũa? ¡Ñabetirũarãja! ¹⁶ “Ñna rõmiri rãca mani ajeriarã cõtijama, ñnare ajeriarã cõtĩrã ñari, cojo ruju, ruju cõtĩrãre bajiro bajirã ñarãja mani”, yimasirãja mũa, Dios ocare masa ñna ucamasire ado bajiro ti gotijare: “Manajo cõtijama, jũarã ñaboarine, sĩgũ rujuare bajiro ñaama, Dios ĩajama”, yigotiaja Dios ocare masa ñna ucamasire. ¹⁷ Manajo cõtĩrere ti gotĩrore bajirone mani quẽne, Cristore ajitĩrũnrã ñari, Cristo rãca cojo usũne, usũ cõtĩrãre bajiro bajaiaja mani, Dios ĩ ĩajama.

¹⁸ To bajiri Cristo yarã ñari, rõmia rãca ajeriarã cõtĩrũaboarine, yibeticõãña mũa. Gajeye rojose mũa yisema, quẽnacõaroja. To bajiboarine, rõmia rãca mũa ajeriarã cõtĩsejũa ñaja quẽnabeti masu. ¹⁹ Espĩritu Santore mani usũrijũre manire cõañumi Dios. To bajiri mani usũrijũ ĩ ñajare, “Espĩritu Santo ĩ ñarivire bajiro bajaiaja”, yimasirãja mũa. To bajiri mani ruju, mani masu ruju me ñaja. Dios ye ñaja. ²⁰ “Yũ yarã ñato” yigũ, Satanás yarã ñaboarãre ĩ macũ ĩ rijare sũorine, “Yũ yarã ñaama”, manire yiyumi Dios. To bajiri rõmia rãca ajeriarã cõtĩmenane, Dios ĩ bojarore bajiro rĩne yirũarãja. To bajiro mani yijama, Diore rãcũbuorã yirũarãja mani.

7

Ñna manajo cõtĩrotire ñna sãnĩlacõarere Pablo ĩ cũdire queti

¹ Papera rãca yũre mũa sãnĩlacõarere mũare cũdiaja yũ. “Sĩgũ manajo magũ ĩ ñacõajama, ĩquẽnati?”, yũre mũa yisãnĩlacõarere, “Quẽnaja”, yaja yũ, tire. ² To bajiboarine, “Manajo mana, rõmia rãca ajeriarã cõtĩre ñna bojajama, manajo cõtĩroti ñaja”, yaja yũ. Rõmia quẽne, ñna manaju cõtijama, quẽnaja. ³ Manajo cõtĩcõari, ĩ yirũaro cõro so cũdijama, quẽnaja. ĩjũa quẽne, ĩ manajo so yirũaro cõro ĩ cũdijama, quẽnaja. ⁴ Manaju cõtĩcõari, “Yũ bojarore bajiro ĩre yirũocoja yũ”, yibetĩrũocomo. So manaju ĩ yĩrore bajiro cũdirũocomo. Uũũ quẽne, manajo cõtĩcõari, “Yũ bojarore bajiro sore yirũcũja yũ”, yibetĩrũcũmi. ĩ manajo so yĩrore bajiro cũdirũcũmi. ⁵ To bajiri, ñna manajoa rãca ñna yijama, “Yĩbesa”, yibeticõato ñna manajoajũa. ñna manajoajũa quẽne, ñna yirũajama, “Yĩbesa”, yibeticõato ñna manajũa. To bajiboarine, “Diore rãcũbuorã, yibeticõato mani maji” ñna jũarãjũne ñna yĩtũoĩajama, quẽnaja. Diore rãcũbuo gajanocõari, ñna yirũgũĩarore bajiro

ina yijama, quēnaja. To bajiro ina yijama, “Gājerā rāca ajeriarā cutiya”, yimasibetirucami vātia uju, Satanás.

⁶ Adi jediro mware yu gotise, mware rotigu me yaja yu. “Yu gotirore bajirone mua yijama, quēnaja” yigu, tire mware gotiaja yu. ⁷ “Yure bajiro manajo mana mua ñajama, quēnaboroja”, yituoiaja yuma. To bajiboarine sīgure bajiro bajirā me ñaja mani. Tocārācure ricati Dios i masisere manire ujoyumi.

⁸ Manajo manare, manaju manare, manaju rijaveoriarāre quēne ado bajiro mware gotiaja yu: Yure bajiro manajo mana, rōmia quēne manaju mana mua ñacōajama, quēnaja. ⁹ To bajiboarine, manajo magū i ajerio cutirujajama, manajo cutiato. To bajirone yato rōmia quēne. Ajeriarā cutire bato ina tuoiajama, manaju cutiato.

¹⁰ Manaju cutirāre, ado bajiro mware gotiaja yu: Mua manajware reare maja. Ti ñaja mani uju i rotire. Yu masu tuoīacōari, yigu me yaja. ¹¹ So manajure so rocajama, gāji manaju cutire maniruroja. So manaju ñar'i rāca so oca quēnojama, quēnaja. To bajirone bajiaja umre quēne. I manajo cutijama, rocare maja.

¹² Mani uju yure i rotire me, yu masune tuoīacōari, ado bajise mware gotiaja, Cristore ajitirūnubeco rāca manajo cutirāre: Mu manajo Cristore ajitirūnubeco ñaboarine, mu rāca so ñacōa ñarujajama, sore rocabetiroti ñaja. ¹³ To bajirone gotiaja manaju cutirāre quēne. Mua manajua Cristore ajitirūnumena ñaboarine, mua rāca ina ñacōa ñarujajama, ñare reabetiroti ñaja. ¹⁴ Ado bajiro ti bajijare, tire gotiaja yu: Mua manajua, Cristore ajitirūnumena ñaboarine, mua rōmiajua Cristore ajitirūnrā mua ñajare, i yarāre i ñamaiore bajiro ñare ñamaiami Dios. To bajirone bajiaja Cristore ajitirūnumena rōmirire quēne. Cristore ajitirūnumena ina ñaboajaquēne, mware ina manajua cutijare, i yarāre i ñamaiore bajiro ñare ñamaiami. To bajiro ti bajibetijama, mua rīare, Cristore ajitirūnumenare bajiro ñare i ñaborotire i yarāre i ñamaiore bajiro mua rīare quēne ñare ñamaiami. ¹⁵ Cristore ajitirūnugū manajo Cristore ajitirūnubeco ñari, ñe so rocarujajama, rocacōato. To bajirone bajiato rōmiojware quēne. Cristore ajitirūnubecu ñari, i manajore i rocarujajama, rocacōato. To bajiro ina yijama, quēnacōaroja. Quēnaro mani ñase bojaami Dios. ¹⁶ Ado bajiro ti bajijare, to bajise mware gotibu yu: “Cristore ajitirūnugō yu ñajare, yu manaju yu rāca i ñacōa ñajama, Cristore ajitirūnucōarucami i quēne”, yimasimenaja mua. Umua quēne, “Cristore ajitirūnrā yua ñajare, yua manajoa yua rāca ina ñacōa ñajama, Cristore ajitirūnucōararāma ina quēne”, yimasimenaja mua, ina bajirotire masimena ñari.

¹⁷ To bajiri Cristore ajitirūnumena ina bojarore bajiro ina yicōa ñaboajaquēne, manijwarema Cristore mani ajitirūnusorijune ricati rīne mani ñarotire manire ujoyumi Dios. To bajiro i yire ñajare, manire i cūriarore bajirone mani ñacōa ñajama, quēnaja. To bajiro rīne gotirūgūaja yu, tocārāca macariana Cristore ajitirūnrāre. ¹⁸ Tire yu gotijama, ado bajise tuoīacōari yaja: Cristore mua ajitirūnrōto rījorojune jud'io masa ñari, circuncisión yiecoriarā ñañuja mua. To bajiri mua rācana, “Jud'io masa ñaama' yīaroma” yirā, circuncisión yiyamanare bajiro ñaruarūgūrāja mua. Ti ūnire yibeticōaña mua. Mua ñariarore bajiro ñacōaña. Gājerāma, Cristore mua ajitirūnrōto rījorojune, circuncisión yiecobetiarā ñañuja mua, jud'io masa me ñari. Mua rācana, “Jud'io masare bajiro circuncisión mani yirotijama, quēnaroja”, yituoīarāma. “Ti

ũnire yibeticõato ãna”, yaja yu. ¹⁹ Circuncisiõn yiecoriarã mani ñajama, mani ñabetijaquẽne, no yibeaja. Dios ã bojarore bajiro mani yisejuã ñaja ñamasusema. ²⁰ To bajiri “Cristore mani ajitirũnũsũorijũne tocãrãcure Dios manire ã cũriarore bajirone mani ñacõa ñajama, quẽnaja”, mũare yaja yu. ²¹ Cristore mũa ajitirũnũroto rĩjorojuũne, gãjerãre moabosarimasa ñaũuja mũa. To bajiri adirũmũre quẽne to bajirone mũa moabosacõa ñajama, tũõĩarejaibesa. To bajiboarine, mũa ujarã, “Mũa masune moamasirũarãja” mũare ãna yijama, ãnare vaveocõari, mũa masu mũa bojarore bajiro moarũarãja mũa. ²² Gãjerãre moabosarimasa ãna bojase rĩne yiriarã ñaboarine, Cristore mũa ajitirũnũsũorijũne, Satanã ã bojasere yitũjacõari, Dios yarãjuã ñacoasuja mũa. Gãjerãre moabosarimasa me ñariarã quẽne, Cristore ãna ajitirũnũsũoriajuũne, Cristo yarã ã bojasejuare yirã ñacoasuma ãna. ²³ “Yu yarã ñato” yigu, Satanã yarã mũa ñaboarone, ã macũ ã rijare sũorine, “Yu yarã ñaama”, mũare yiyumi Dios. To bajiri gãjerã, Dios ã bojabetire mũare ãna yiotisere ãnare cũdibetiroti ñaja. ²⁴ To bajiri Cristore mani ajitirũnũsũorijũne Dios manire ã cũrere mani yicõa ñajama, quẽnaja.

²⁵ Gajeye, manaju mana, manajo mana mũa sãnĩacõarere mũare cũdiaja yu. Mani uju yũre ã yiotire me ñaja ti. Yu masune tũõĩacõari, mũare gotigu yaja. Mani uju, yũre ãmaicõari, yũre ejarẽmorũgũami, “Quẽnaro riojo tũõĩagũ ñato” yigu. To bajiro yũre ã yijare, yũre mũa ajitirũnũjama, quẽnaja. ²⁶ Cristore ajitirũnũrã ñari, bũto rojose yiecorã ñaja mani. To bajiri, ado bajiro ñaroti ñaja: Manajo mana, to yicõari manaju mana, mũa ñacõajama, quẽnaja. ²⁷ Manajo mana quẽne, manaju macabesa. Manaju mana quẽne, manaju macabesa. ²⁸ To bajiro yu gotisere ajiboarine, ã manajo cutijama, to yicõari rõmio quẽne, so manaju cutijama, rojose yirã me yirãma ãna. To bajiboarine manajoa cuticõari, rojose ãna tãmũojama, bũto bũsa josari ñarũaroja ãnare. Tire, bũto bũsa rojose ãna tãmũosere bojabecu ñari, “Manaju mana, to yicõari manajo mana mũa ñacõajama, quẽnaja”, mũare yibu yu.

²⁹ Quẽnaro tũõĩaña yu mairã. Ado bajise yigu, “Mũa ñariarore bajirone mũa ñacõajama, quẽnaroja”, mũare yibu yu: Cristo ã ejarotirũmũ cõñaro masu bajiaja. To bajiri manajo cutirã, rõmia manajuã cutirã quẽne, manajo mana mũa ñariarore bajirone ñacõari, Cristo ã bojasejuare yĩñarũgũroti ñaja mũare. ³⁰ Sũtiritirã, mũa sũtiritisere bũto tũõĩabesa. Variquẽnarã quẽne, mũa variquẽnasere tũõĩabesa. Gajeyeũni bujarã quẽne, mũa cũosere tũõĩabesa. “Adigodoju yoaro meaca catirũarãja mani” yitũõĩarã ñari, to bajiro bajiya. ³¹ Adigodoaye yoaro me jediroti ti ñajare, bũto tire tũõĩabesa. Ñamasuse me ñaja ti. Tire mũa tũõĩajama, Cristo ã bojasejuare quẽnaro yimasimenaja mũa.

³² Adigodoayere bũto mũa tũõĩasere bojabeaja yu. Manajo magũma, Cristo ã bojasejuare bũto tũõĩagũmi, ñajediro ã yisere ã ãvariquẽnarotire bojagu ñari. ³³ To bajiboarine, manajo cutiguma, adigodoayere bũto tũõĩagũmi, ã manajo so variquẽnarotire bojagu ñari. ³⁴ To bajiri Cristo ã bojasere tũõĩa, to yicõari, ã manajo so bojasejuare quẽne tũõĩa, yigumi. Juã vãme tũõĩare ñaroja ãre. To bajicõari, manaju magõma, Cristo ã bojasejuare bũto tũõĩagõmo, ñajediro so yisere ã ãvariquẽnarotire bojago ñari. To bajiboarine, manaju cutigoma, adigodoayere bũto tũõĩagõmo, so manaju ã variquẽnarotire bojago ñari.

³⁵ “Manajo cutiruagu manajo cutibeticōato” yigu me, tire mware gotiaja yu. “Quēnaro tuoīacōari, manajo cutiato ina” yigu, tire gotiaja yu. Dios i bojase rīne mua yifasere bojaja yu.

³⁶ I manajo cutiroco ñario rāca, sore buto bojagu ñari, manajo cutiato. To bajiro i yijama, rojose yigu me yigumi. ³⁷ To bajiboarine, “Manajo cutibetirucuja” yiguma, manajo cutibeticōato. To bajiro bajigu ñari, gājerāre quēne, i ajeriarā cutibetijama, quēnaja. ³⁸ To bajiri i manajo cutiroco ñario rāca, manajo cutiguma, quēnaro yigu, yigumi. “Manajo cutibetirucuja” yigujuama, i rētoro quēnaro yigu, yigumi.

³⁹ Manaju cutigo, so manaju i catiñaro cōro i rāca ñacōa ñaroco ñaamo maji. I rijato beroju, gājire, no so bojagure, mani ujure ajitirūnugure, manaju cutiruocomo. ⁴⁰ To bajiboarine, “So manaju i rijato bero, gājire so manaju cutibetijama, rētoro quēnaro ñagōmo”, yituoīaja yu. Yu quēne, Espiritu Santore cuogu ñaja yu. To bajiri quēnaro tuoīacōari, to bajiro mware gotiaja.

8

“Jesúre ajitirūnarāre ñnare yirobetiroti ñaja”, yire queti

¹ Quēna gajeye mware gotiguagu yaja yu. Vaibucurāre sīacōari, “Ado bajirā ñarāma” yiquēnorujeoriarā tujure ñnare rūcubworā, mojoroaca vaibucu riire cūrūgūama. To yicōari, ruyasere barūgūama. To bajiri, ina yisere iacōari, “Socarā yama. Ina rūcubwoarā manama” yimasirā ñari, “Yu quēne, yu bajama, quēnacōaja”, yirāja mua. To bajiro mua yijama, gājerā, “Tire babetiroti ñaja manire” yituoīaboarājuare ñnare iamaimenane, “Ina rētoro ñamasurā ñaja yu” yirāre bajiro yaja mua. To bajiro yimenane, ado bajiroju yiroti ñaja: “Inare iamaicōari, ñnare ejarēmoroti ñaja, Butobusa Diore ajitirūnūato ina’ yirā”. ² Masijeobetiboarine, “Quēnaro masigū ñaja yu” sīgū i yiboajama, ruyacōaroja ire, quēnaro riojo i masiroti. ³ Diore i maijama, i bojarore bajiro yigu i ñajare, “Quēnaro masigū ñaami”, ire yifamasigūmi Dios.

⁴ Yirūcubworarā ina quēnorujeose ñie vaja maja. “Dios sīgū ñaami, mani rūcubwogu. Gājerā ire bajiro bajirā manama”, yimasiaja mani. ⁵ Gājerā ina gotijama, “Jājarā ñarāma mani yirūcubworā. Ō vecana, adigodoana quēne ñarāma”, yituoīaboarāma. ⁶ To bajiro ina yiboajaquēne, “Dios sīgūne ñaami mani jacu”, yimasiaja mani. Ine ñaami ñajediro, “Yu bojasere yato ina” yigu, manire rujeor’i. To bajicōari, Jesucristo sīgūne ñaami mani ujū. Jesucristo suorine ñajediro rujeoyumi Dios. To bajiri i sīacore suorine Dios yarā ñaja mani.

⁷ To bajiro yirā mani ñaboajaquēne, gājerā ñaama Cristore ajitirūnarā ñaboarine, mani tuoīarore bajiro tuoīamena. Ina ñaama, Cristore ina ajitirūnaroto rījoroju, “Ado bajirā ñarāma” ina masune yiquēnorujeocōari, rūcubworūgūriarā. To bajiro yirūgūriarā ñari, ado bajiro tuoīarāma: “Vaibucurāre sīacōari, ‘Ado bajirā ñarāma’ yiquēnorujeoriarā tujure ñnare rūcubworā, mojoroaca vaibucu riire ina cūsere mani bajama, rojose yirā yaja mani”, yituoīarāma. ⁸ To bajiro ina yijama, riojo tuoīarā me yama. Mani bajama, mani babetijaquēne, ñamasuse me ñaja, Dios i iajama. “Tire mani babetijama, rētobusaro manire iavariquēnarucūmi Dios”, yire maja. ⁹ “Mani base jediro quēnase rīne ñacōaja” yirā ñaboarine, babetiruarāja mua. Gājerā Cristore ajitirūnarā, “Ina basere mani bajama, ‘Rojose yirā

yaja yua' yituoĩacõari, rojose tãmotujabetiriaroju vatoma ñna" yirã, tire babetiruarãja mua. ¹⁰ To bajiro yu yijama, ado bajiro yigu yaja yu: "Babetiroti ñaja" gãji ĩ yisere mua baro ĩacõari, "Yu bajama, quẽnabetoja" yituoĩaboarine, bagumi ĩ quêne. ¹¹ Cristore ajitirũnarã ñaboarine, mua tuoĩarore bajiro tuoĩamenare quêne rijabosagu bajiyumi, "Yu rãca quẽnaro ñato" yigu. To bajiri, "Mani base jediro quẽnase rĩne ñacõaja" mua yise suorine mua mairona ñaboarã ñna quêne ñna bajama, "Rojose yirã yaja yua" yituoĩarã ñari, rojose tãmotujabetiriaroju vanama. ¹² Mua rãcagu Cristore ajitirũngũ, "Babetiroti ñaja" ĩ yĩaboasere mua bajama, rojose ĩre yirorã yirãja mua. To bajiro mua yijama, ĩ sīgũrene rojose yirã me, yirãja mua. Cristore quêne rojose yirã yirãja. ¹³ To bajiri, "Vaihusu rii yu bajama, Cristore ajitirũngũre rojose ĩre yirogũre bajiro yiguja yu" yituoĩagũ ñari, baĩobetiroti ñaja.

9

"Jesucristo ĩ cõar'i me ñaami Pablo" ñna yirere Pablo ĩ cãdire

¹ Yu bojarore bajiro yimasigũ ñaboarine, Jesucristo ĩ bojasejuare yigu ñaja yu. Jesús, mani ujure ĩacacu ñaja yu. Gãjerãre ĩ cõasuoriarore bajiro yure quêne cõacami. Yure ĩ gotiroticõacati suorine ĩre ajitirũnarã ñaja mua. ² "Jesucristo ĩ cõar'i me ñaami Pablo" gãjerã ñna yiboajaquêne, muajuama, muare yu gotimasiosuocati suorine Cristore ajitirũnarã ñari, "Jesucristo ĩ cõar'i ñaami", yiroti ñaja muare.

³ "Jesucristo ĩ cõar'i me ñaami Pablo" yure yirãre ado bajiro ĩnare cãdiaja: ⁴ Yu Pablo, to yicõari, Bernabé quêne, Jesús ĩ cõacana ñaja yu. To bajiri gãjerã Jesús ĩ bajirere gotimasiorãre ñna baroti, to yicõari, ñna idirotire mua ĩsirũgũrore bajirone yuare quêne ĩsiroti ñaja. ⁵ Pedro, ĩ rãcana quêne Cristo ĩ gotiroticõariarã, to yicõari, mani uju Jesús bederã quêne, Jesũre ajitirũnarãre manajoa caticõari, ñna rãca varũgũama. To bajiro ĩna bajijare, ñna manajoare quẽnaro codebosarũgũaja mua. To bajiri "Yua quêne, manajo caticõari, vamasirãja", yituoĩaja yu. ⁶ Jesús ĩ bajirere gotimasiodirimasa gajeye moare moamenane, "Quẽnaro yuare gotimasioato" yirã, ĩnare mua ejarẽmoriarore bajiro yimenane, "Ĩna masune moacõari, vaja yato ñna ñarotire", ¿yituoĩati mua, yuarema? ⁷ Surara mesa quêne, ñna moare rĩne moarãma. "Ĩna moare ñna moajama, ñna ñaroti vaja ĩsiecoruarãma", yimasire ñaja. Uye oterimasuma, "Tire barucumi", yimasire ñaja. Cabrare coderimasu quêne, "Ĩna õjecoa idirucumi", yimasire ñaja. ⁸ To bajiri, "Mani moase suorine quẽnase bujaroti ñaja", yimasire ñaja. To bajiri, Dios ocare masa ñna ucamasire quêne, tire bajiro gotiaja. ⁹⁻¹⁰ Ado bajiro gotiaja Moisés ñamasir'ire Dios ĩ roticũmasire: "Ta vecu risere siabibebesa, trigo gasere ĩre mua cãda jãnerotijama, 'Ĩ quêne bato' yirã", yigotiaja. To bajiro ĩ gotijama, ta vecua rĩrene tuoĩagũ me yimasĩnumi Dios. Mani jedirore tuoĩacõari, yigu, yimasĩnumi. Vese moarã, to yicõari, gãjerã ñna otere rica juarãre quêne, "Mani moase suorine quẽnase bujaruarãja' yimasiato" yigu, tire yimasĩnumi Dios. ¹¹ Jesús ĩ bajirere muare gotimasiosuocaju yu, "To bajiro mani yise suorine Cristore ajitirũnaruarãma sīgũri" yirã. Muare yua gotimasiojama, ote ajere oterãre bajiro muare yicaju yu. To bajiri yua gotimasiocati suorine Cristore ajitirũnarã ñari, yua otecatiricare bajiro bajirã ñaja mua. To bajiro bajirã mua ñajare, yua gotimasiocati vaja, muare yua sēnijama, ¿vaja

yiroti me ñaboayujarique? ¹² Gãjerã Cristo ï bajirere ïna gotimasiojare, ïnare vaja yirügürãja mña. To bajiri, mñare gotimasiosuocanare roque, ¿ïnare mña ïsiro rëtoro yñare vaja yiroti me ñatique?

To bajiro yiroti ti ñaboajaquëne, mñare vaja sënibeticaju yña. Buto josari yña moarügücati ti ñaboajaquëne, “Yñare ejarëmoña”, mñare yibeticaju yña, “Gãjoa bojarã, Jesús ï bajirere gotimasioama’ manire yiroma” yirã. ¹³ Diore yirücubñoriavijñ ïre rücubñorã, bare ïna cüsere ti vi moarimasa ñari, ïna baroto cõro juacõari, barügüama. Tire masiaja mña. ¹⁴ “Tire bajirone bajirñaroja yñ ocare gotimasiodirimasare quëne. ïna gotimasiose vajane bacatirñarãma”, yiyumi mani uñu Cristo. ¹⁵ To bajiro ï yirere masigü ñaboarine, mñare vaja sënibeticaju yña. Sënibeticacu ñari, “Yucuju yñare vaja yiya” mñare yuicagu me yaja yña. Buto ñiorijagu ñaboarine, mñare bare sënibecu rñne, rijacoarucuja yña. To bajiri, Jesucristo ï bajirere yñ gotimasiodijama, vaja sënibetirügüaja. “Vaja taami Pablo’ gãjerã ïna yisere bojabecu ñari, vaja sënibeticaju”, yivariquëñaja yña.

¹⁶ Cristo ï bajirere gotimasiogü ñari, “Ñamasugü ñaja yña”, yitñoiabetirügüaja. Jesucristo yñare ï gotiroticati ñaja yña moare. Tire yñ gotimasiojetijama, rojose tãmñoboguja. ¹⁷ Jesucristo yñare ï gotimasiorotibetone, yñ masu “Ï ocare gotimasiodirucuja” yñ yijama, “Yñ gotimasiose vaja, quëñase bñjarucuja”, yitñoiaboguja yñ. To bajiboarine, Jesucristo yñare gotimasioroticõacami. To bajiri quëñase yñ bñjajama, yñ bñjabetijaquëne, no yibeaja ti. Ï ocare gotimasiodõa ñaroti ñaja yñare. ¹⁸ To bajiro ti bajijare, vaja sënibecune, Jesucristo ï bajirere gotimasio variquënarügüaja yñ, vaja sëniroti ti ñaboajaquëne.

¹⁹ To bajiri yñ gotimasiose vaja, yñare vaja yimena ñari, rotimasibeama masa. Yñare ïna rotimasibetiboajaquëne, “Jãjarãbñusa Cristore ajitirñuato” yigü, ïna ïavariquënarore bajiro bajiñarügüaja yñ. ²⁰ Jud’io masa tñju yñ ñajama, Cristore ïna ajitirñarotire bojagu ñari, ïnare bajiro bajiñaja yñ quëne. To bajiro yñ yijama, ado bajise yigü vaja yñ: Moisére Dios ï roticümasirere ajirücubñorã tñju yñ ñajama, “Cristore ajitirñuato” yigü, ïna yirücubñorore bajiro yirügüaja. “Tire quënaró mani ajirücubñojama, manire ïavariquënarucumi Dios” ïna yitñoiarore bajiro tñoiagü me ñaboarine, to bajiro yirügüaja yñ. ²¹ Jud’io masa me ñarã tñju yñ ñajama, “Cristo ocare yñ gotimasiosere ajitirñuato” yigü, ïna ñasere bajiro ñacõari, ïnare gotimasiorügüaja. To bajiro yñ bajijama, Dios ï bojabetire yigü me bajiaja. Jesucristore ajitirñuacõa ñarügüaja yñ. ²² “Manire ejarëmorucumi Cristo” yitñoiaboarine, tñoiagürã tñju yñ ñajama, ïnare bajiro bajiñaja yñ quëne, “Yñ gotisere ajivariquënacõari, butobñusa Cristo ocare ajitirñuato” yigü. “Sigüri yñ gotimasiosere ajicõari, Cristore ajitirñuato” yigü, yñ yimasiro cõro yirügüaja yñ. ²³ “Cristore mña ajitirñujama, rojose tãmñotñjabetiriaroju mña vaborotire mñare yirëtobosarucumi’ yire quetire ajijedicõato masa” yigü, to bajiro yirügüaja. To bajiri, “Gãjerã Cristore ajitirñarãre Dios quënaró ï yirotire bajiro yñare quëne quënaró yato” yigü, to bajiro yirügüaja yñ.

²⁴ Cristore ajitirñurã, Dios quënaró manire ï yirotire mani bojajama, josari yirügüroti ñaja. Ūmatimarã cõro buto ïna ïmaboajaquëne, sigü ñagümi ïna rëtoro ïmacõari, quëñase bñjarocu. To bajiri mani quëne, gãjerã rëtoro ïmagüre bajiro mani yimasiro cõro yirügüroti ñaja, quëñase mani yise vaja, Dios quënaró manire ï yirotire bojarã ñari. ²⁵ To bajiri, ï

ūmaroto rījorojune quēnaro ñayucōagūmi. To bajiro ī bajijama, yoaro mene rojoribedo ti ñaboajaquēne, “Gājerāre ūmarētocōari, bujagusa” yigune bajicōagūmi. To bajiro ī bajijosase ūnire yirāne, Cristore ajitirānurā quēne ī bojarore bajiro mani yisere ĩacōari, yayiroti mejuare manire ī ĩsiritire bojarā, quēnaro yirūgūaja mani. ²⁶ Quēnase mani bujaroti, yayiroti me ti ñajare, yu yimasiro cōrone Dios ī bojarore bajiro yiñarūgūaja yu. Ūmagū ī ūmagajanorotiju rīne tuoĩacōari ūmagūmi. Īre bajiro bajiaja yu quēne, Dios quēnaro yare ī yirotire bojatuoĩagū ñari, ī bojarore bajiro yiñarūgūaja yu. Quēarimasu ñaboarine, quēnaro ñose ejobecūmi. Yujuama, quēnaro ñose ejogure bajiro bajigu ñari, Dios quēnaro yare ī yiroti rīrene tuoĩagū, Dios ī bojarore bajiro yirūgūaja yu. ²⁷ To bajiri, yu gotimasiōrāre quēnaro Dios ī yirotire yu gotiboajaquēne, “Rojose yare yiromi” yigu, yu bojasere yiruaboarine, ī bojasejuare yirūgūaja.

10

“Rūcubuoarā ĩna quēnorujeoriarāre rūcububesa”, yire

¹ Adire masiritibesa m̄ua: Jud'io masa yua ñicua, Moisés ñamasir'ire s̄yamasiriarā ĩna bajimasirere masiritibesa. “Egiptoana ĩnare s̄ĩabeticōato” yigu, Dios ī masise rāca buerine yua ñicuaare buebibecōamasifūju. To ī yijare, jediro jēacoamasifūjarā riaga, Oco Sūarisa vāme cutiya, gajejacatūaju ĩnare rudirā. ² To bajiro ĩna bajijama, “Moisére ajitirānurā ñaja yua” yiōrā bajimasifūjarā ĩna. ³ ĩna jēaro bero, ĩna jediro ō vecaye manā vāme cuti Dios ī cōarere barūgūmasifūjarā. ⁴ To yicōari, ĩna idicatirotire yigu, gūtajure oco budirotimasifūju Dios. Ti oco ĩna idise quēnase ñamasifūju. Jesucristo quēne, gūtare bajiro ñagū quēnasere cōagū ñacoayumi. To bajicōari, gūta suorine ĩna catijama, Cristo, ruyubetiboarine, ĩnare ī ĩatirānūjare, ĩna jedirone quēnaro ñacoayuma. ⁵ Quēnaro ĩnare ī ĩatirānūboarone, jājarā rojose ĩna yijare, ĩnare ĩavariquēnabetimasifūju Dios. To bajiro ĩna yisere ĩavariquēnabecu ñari, “Ījorucūja” ĩnare ī yiboaria sitaju ĩna ejabetone, “Yucá manojune bajireacōaña m̄ua”, ĩnare yimasifūju Dios.

⁶ To bajiro ĩna bajimasire ñajare, “Dios ī bojabetire mani yijama, ĩnare ī yimasiriarore bajiro manire quēne yiromi Dios” yimasirā ñari, mani yibetijama, quēnaja. ⁷ To bajiri yua ñicua sīgūri, “Ado bajigu ñagūmi” yiquēnorujeocōari, ĩna rūcubomasiriarore bajiro rūcububesa m̄ua. Yua ñicua, ĩna rūcubomasirere ado bajiro gotiaja Dios ocare Moisés ī ucamasire: “ ‘Ado bajigu ñagūmi’ yiquēnorujeocōari, ‘Īre rūcubuoarā yaja’ yirā, barujiyuma. To yicōari, idiyuma. To yigajanocōari, basavariquēnacama”, yigotiaja Dios ocare Moisés ī ucamasire, Dios ī bojabetire ĩna yimasirere gotiro. ⁸ To yicōari, gajeye yua ñicua sīgūri, rōmia rāca gāmerā ĩna ajeriarā cutimasire ūnire yibetiroti ñaja manire. To bajiro ĩna yijaise vaja, cojorūm̄ane veintitres mil ñarāre bajirearotimasifūju Dios. To bajiri ĩnare ī yimasiriarore bajiro, “Manire quēne yiromi” yirā, yibetiroti ñaja. ⁹ “Rojose mani yijama, rojose manire yirucūmi” yituoĩaboarine, rojose yitujamena ñari, āña cūnieco, bajireacoamasifūjarā ĩna. To bajiri, “Rojose tām̄orobe” yirā, ĩna yimasiriarore bajiro yibetiroti ñaja manire. ¹⁰ Yua ñicua sīgūri Diore ñagōmacamasifūjarā. To bajiro ĩna yise suorine ī tuagure ĩnare s̄ĩarearoticoamasifūju Dios. To bajiri āngeljua ĩnare s̄ĩareacōamasifūju. “Manire quēne to bajiro yirotiromi Dios” yirā, ĩre ñagōmacabetiroti ñaja.

11 “To bajise rojose yua ñicua ñna yimasiriarore bajiro mani yijama, ñnare ti bajimasiriarore bajiro bajiruaroja manire quëne”, yimasijaja mani. Adirodoria, mani tuoïamasirotere yigü, ñna bajimasirere Moisére ucarotimasifümi Dios. 12 To bajiri, Cristore quënaró ajitirünügüma, quënaró tuoïamasiri ñnato, “Jud’io masa rojose ñna bajimasiriarore bajiro yure bajirobe” yigü. 13 Quënaró tuoïaroti ti ñnaboajaquëne, “‘Rojose yiruabeaja’ yicðaboarine, rojose yicðaroti ñnaja”, yituoïaroti me ñnaja müare. “Yüare rojose ñ rotirore bajiro müare rotibecümi Satanás”, yiroti me ñnaja. Gãjeräre rojose ñ yirotirore bajiro rñe manire yirotirügüami. Rojose manire ñ yirotiaboajaquëne, “Tire yibeticðari, yu bojasejüare yirã ñnato” yigü, manire ejarëmorücümi Dios.

14 To bajiri yu mairã, “Jud’io masa rojose ñna bajimasiriarore bajiro manire bajirobe” yirã, quënaró tuoïamasiri ñnaña müa. “Ado bajirã ñnarãma”, ñna masune yiquënorüjeocðari, ñna rücübuoräre rücübuobeticðaña. 15 Quënaró tuoïamasirã ñnari, müare yu gotisere ajicðari, “Riojo gotiami Pablo”, yituoïamasiruarãja müa. 16 Cristo manire ñ rijabosarere tuoïarã, üye ocore mani idiroto rñjoro, “Quënaja” Diore yicðari, mani idijama, ¿Cristo ri’ire idirã me yatique mani? Pan mani baroto rñjoro, “Quënaja” Diore yicðari mani bajama, ¿Cristo ruja riire barã me yatique mani? To bajiro mani yijama, “Manire ejarëmogümi”, yituoïaja mani. To bajiro mani yisere ñacðari, butobusa manire ejarëmogümi, “Yure ajitirünüato” yigü. 17 Jãjarã ñnaboarine, pan cojane batecðari, baja mani. To bajiro yirã ñnari, ñ yarã ñnaja mani jediro.

18 Jud’io masa, Diore rücübuorã, vaibücüaräre sñacðari, mojoroaca soemüorãma. To yicðari, ruyasere barãma. Tire ñna bajama, “Manire ejarëmogümi”, yituoïaama ñna. To bajiro ñna yisere ñacðari, “Butobusa yure ajitirünüato” yigü, ñnare ejarëmogümi Dios. To bajirone tuoïarãma, “Ado bajirã ñnarãma” ñna masune yiquënorüjeocðari, rücübuorã quëne. 19 To bajiro yu yijama, “Catirã ñnarãma ñna quënorüjeoriarã” yigü me yaja. To yicðari, “Ñnare rücübuorã vaibücü rii ñna cüse ñnamasuse ñnaja” yigü me yaja. 20 Ado bajirojua yigü yaja yu: Diore masimena, ñna quënorüjeoriaräre ñna rücübuojama, vätiajuare rücübuorã yirãma. To bajiri, vätiare müa ejarëmosere, to yicðari, vätiaju quëne, ñnare müa ajitirünürotire yirã, müare ñna ejarëmorotire bojabeaja yu. 21 To bajiri mani üjare rücübuocðã, vätiare quëne rücübuo mani yijama, quënabetoja. To bajiro yibetiroti ñnaja manire.

22 To bajiro mani yijama, ñajünisinirücümi mani üju. Ñ rëtoro masirã me ñnaja mani. To bajiri, “Rojose mani yise vaja, rojose ñ yijama, rudimasibetiruarãja mani”, yimasijaja.

“Mani ñaroti rñe tuoïaroti me ñnaja”, yire queti

23 Ado bajiro yisere ajirügüaja müa: “Mani bojarore bajiro yimasijaja”, yigotijaja. To bajirone bajijaja, bajirojama. Jediro mani yise manire ejarëmobeaja. To bajiro mani yijama, “Gãjerã, Dios ñ bojarore bajiro yirã ñnato” yirã me, yirãja mani. 24 Mani masu quënaró mani ñaroti rñe tuoïaroti me ñnaja. Gãjerã quënaró ñna ñarotire quëne tuoïarügüruarãja mani.

25 Vaibücü rii ñna ñsiriju ñasere vaja yicðari, “Rojose ñnaroja” yituoïamenane, müa bajama, quënaja. “¿Ñna quënorüjeor’ire rücübuorã ñna cüruare ñnati adi?”, yisëñibeja. Dios ocare masa ñna ucamasire ado bajiro ti gotijare,

“Sēniābetiroti űaja”, mware yaja yu: ²⁶ Adi macarucuroaye jediro Dios ĩ rujeore ti űajare, bare űaro cōrone mani bajama, quēnaja.

²⁷ Cristore ajitirūnubecu, “Yu tu barā vayá” yicōari, no bojase ĩ ecasere mwa bajama, quēnaja. “ĴĪna quēnorujeor'ire rūcubworā vaibucu rii ĩna cūrware űati adi?” yisēniāmenane, mwa bajama, quēnaja. ²⁸⁻³⁰ “Tire mani bajama, quēnaja” mwa yituoĳajama, gāji magūmi, “Rojose yirā yaja mwa” yigu. Īna quēnorujeor'i taju ĩna cūrware riire, “Quēnaja” Diore mwa yisēniro bero mwa bajama, rojose yirā me yirāja mwa. To bajiboarine, Cristore ajitirūnugū, “Īna quēnorujeor'i taju ĩna cūrware rii űaja, mani babeti” ĩ yigotijama, babeja. ³¹ To bajiri mani bajama, mani babetijaquēne, mani idijama, mani idibetijaquēne, no bojase mani yijama, Dios ĩ bojarore bajiro yiruarāja mani, ĩre rūcubworā. ³² Gājerāre ĩamaimenane mani bojarore bajiro mani yisere ĩacōari, “Īna quēne rojose yiroma” yirā, yibetiroti űaja. ³³ Tire mware yu gotirore bajiro yirūgūaja yu. To bajiro yigu űari, yu masu yu bojasere yibecune, yu rācana jediro ĩnare yu ejarēmorotijuare tuoĳacōari, yirūgūaja yu, “Yu yise suorine Cristore ajitirūnacōari, rojose tāmūotujabetiriaroju ĩ yirētobosarā űato” yigu.

11

¹ To bajiri, “Cristo ĩ bajiñariarore bajiro yiroti űaja” yituoĳacōari, yu yimasiro cōro yirūgūaja yu. To bajiri mwa quēne, yu bajiñarūgūsere tuoĳacōari, mwa yimasiro cōro yirūgūroti űaja.

Rējariaviju Diore sēniā, ĩ ocare gotirā, rōmia ĩna bajiroti queti

² “Jediro yu gotimasioatire masiritimenane, ajitirūnucōa űarāja mwa”, yivariquēnaja yu. ³ To bajiro yigu űaboarine, gajeye mware gotimasioaja yu. Rējacōari, Diore mwa rūcubwose, “Ado bajirojuā yiroti űaja”, mware yigotigu yaja yu: Tocārācure rotigu űari, mani rujoare bajiro bajiami Cristo. To bajirone bajiaja rōmia manajuā cutirāre. Īna manajuā, ĩna rujoare bajiro bajirā űarāma, ĩnare rotirā űari. To bajirone bajiaja Cristore quēne. Ī jacu, ĩ rujoare bajiro bajigūmi, ĩre rotigu űari. ⁴ To bajiro ti bajijare, rējariaviju, rujoa jeoriarori jeocōari, Diore ĩna sēnijama, Dios oca ĩna gotijaquēne, Cristore rūcubwomena yirāma. ⁵ Rōmiajuāma, ĩna rujoa jeoriarori jeomenane Diore ĩna sēnijama, Dios oca ĩna gotijaquēne, ĩna manajure rūcubwomena yirāma. Īna rujoa jeoriarori ĩna jeobetijama, joa suagoriarāre bajiro bajirā űarāma, ĩnare rūcubwomena űari. ⁶ To bajiro ti bajijare, “Rōmia manajuā cutirā ĩna rujoa jeoriarorire ĩna jeorūabetijama, ĩna joare suagoroti űaja”, mware yaja yu. To bajiro yu yijama, “Bojoneose ti űajare, rujoa jeoriarorire jeoato” yigu yaja. ⁷ To bajiri űmwa, Diore ĩna sēnijama, ĩ ocare ĩna gotijaquēne, rujoa jeoriarorire jeobetiroti űaja, “Yure rotibosacōari, yure rūcubwoato” yigu, Dios ĩ rujeoriarā űari. Rōmiajuāma, “Ŵmware rūcubwoato” yigu, Dios ĩ rujeorio űaamo. ⁸ Rōmio gōarore āmicōari, űmware rujeobesumi Dios. Ŵmu gōarojuare āmicōari, rōmiore rujeomasifūmi Dios. ⁹ “Rōmiore ejarēmoato” yigu me, űmware rujeomasifūmi Dios. Rōmiojuā, űmware ejarēmoato yigu, rujeomasifūmi. ¹⁰ To bajiro bajimasire ti űajare, ĩna manajuare rūcubworā, rujoa jeoriarori ĩna jeojama, quēnaja. To bajiro ĩna yijama, “Dios ĩ bojarore bajiro yama, ĩna manajuare rūcubworā”, yĳavariquēnararāma āngel mesa. ¹¹ Ŵmware quēne, rōmiare quēne rujeoyumi Dios. Rōmia ĩna manijama, quēnaro űamasimenama űmwa. Rōmia quēne, űmwa ĩna manijama, quēnaro űamasimenama. ¹² Ŵmu

gōarone rōmiore Dios ĩ rujeomasirio so ñaboajaquēne, ũmua, rōmia suorine ĩna ruyuase ti ñajare, “Gāmerā ejarēmoroti ñaja”, yaja mani. To bajicōari, mani jediro ñaja Dios ĩ rujeoriarā.

¹³ Mua masune quēnaro tōiamasiña. “Rējariaviju Diore sēnirā, ĩ ocare gotirā quēne, rujoa jeoriaroti jeomenane rōmia ĩna yīñajama, quēnabeaja”, yimasirāja mua. ¹⁴ “Ūmua yoese ĩna joa cutijama, bojoneose ñaja”, yituoĭaja mani. ¹⁵ Rōmiajuarema, “Yoese joa cutirā ñaama”, yituoĭaja mani. “Īna joa ĩna rujoarire buase ñato” yigu, Dios ĩ cūmasire ñajare, to bajiro tuoĭaja mani, rōmiare. To bajiri yoese ĩna joa cutijama, variquēnaama rōmia. ¹⁶ Sīgūri to bajiro muare yu gotisere ajicōari, “To bajiro me bajiaja” ĩna yijama, “Ñajediroana Cristore ajitirānūrāre, to bajise rīne gotirūgūaja yua, muare yu gotiri vāmere”, ĩnare yigotiroti ñaja.

Cristo ĩ batūsare boserātūre bañarā ĩna rūcūbūobetire queti

¹⁷ Rējacōari, mua basere tōiavariquēnabeaja yu. “Rējacōari bato mani” mua yibetijama, quēnacōaboriaroja. ¹⁸ “Rējaboarine, ricati rīne tōiarā ñari, ricatitubuari rujicōari, gājerā rāca oca josaama”, yire queti ajiaja yu, muare. Ado bajiro tōiarā mua ñajare, “To bajirone bajirāma”, muare yaja yua: ¹⁹ “Mani tōiarore bajiro tōiarā rāca mani rujijama, ĩna ñaama Dios oca quēnaro masirā’ manire yiruarāma”, yituoĭarāja mua. ²⁰ Ricati rīne tōiarā ñari, “Cristo ĩ batūsare tōiacōari bato mani” mua yiboase, Cristore rūcūbuomena yirāja. ²¹ Mua juavare gājerāre yume-nane, bajeocōarāja mua. To bajiri jairo barā, to yicōari, idimecūrā mua ñaboajaquēne, mua bero ejarā sīgūri bare mana ñari, ñiorijacōa ñarāma. To bajiro yirā ñari, cojo masare bajiro bajirā ñaboarine, mua bero ejarā rāca baba cutimasiña manoja muare. ²² Viri cutirā ñarāja mua. Mua ya virijune bare ba, idi, mua yijama, quēnaja. To bajiro mua yibetijama, gājerā bare suomenare rojose yīorā yirāja mua. Gājerā Cristore ajitirānūrāre ĩaterā ñari, ¿to bajiro yatique mua? “Bare suomenare quēnaro yaja mua’ yato Pablo”, ¿yituoĭaboati mua? Yibeaja yu. To bajiro mua yijama, rojose masu yirā yirāja mua.

Mani ũju ĩ rijaroto rījoro ĩ batūsare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi muare yu gotimasiose, mani ũju ĩ rijaroto rījoro ĩ batūsare queti ñaja. Yure ĩ goticati, to yicōari, muare yu gotirētocati ñaja. Ado bajiro bajiaja: Mani ũjure Judas ĩre ĩ ĩsirocaroto rījoro, panre āmicōari, “Quēnaja”, Diore yisēniñuju Jesús. To yigajano, panre mutocōari, ĩ buerimasare ĩsibatogune, ado bajise gotiyuju ĩ: “Ti ñaja yu rujuri. Muare rijabosarūcūja yu. Yu rijato bero, muare yu rijabosare tōiacōari, yure rūcūbuorā, ado bajirone rējacōari, barūgūrārāja”, ĩnare yigotiyuju. ²⁵ To yicōari, bare ĩna baro bero, ũye oco sāñaribajare āmicōari, ado bajiro gotiyuju Jesús quēna: “Adi ñaja tirāmuaana, ‘Rojose mani yirere masirioato’ yirā, Diore rūcūbuoriaju joere ĩna yuejeoriarore bajiro bajise. Yucarema, yu ri’i ñaja. Ti suorine, ‘Gajerodori ado bajiro masare quēnaro yirūcūja yu’ Dios ĩ yigotimasiriarore bajiro bajiruaroja. Yu rijato bero, muare yu rijabosare tōiacōari, yure rūcūbuorā, ado bajirone rējacōari, idirūgūrārāja”, ĩnare yiyuju Jesús. ²⁶ ĩ rotiriarore bajirone mani bajama, mani idijaquēne, yīorūgūroti ñaja, “Manire rijabosayumi mani ũju” yirā. ĩ tudiejarojū to bajiro yitūjarārāja mani.

27 To bajiri, mani ɯɯ manire ĩ rijabosarere tɯoĭagũ, panre ba, to yicɔari, ɯye ocore idi, yiboarine, rũcɯɯobeti rãca ĩ yijama, Cristore rũcɯɯobecu yigami. “Cristo ri’i, ĩ rujari quẽne, ñie vaja mani ñaja” yigu yigami. 28 To bajiri panre mani baroto rĩjoro, to yicɔari, ɯye ocore mani idiroto rĩjoro, rojose mani yirere tɯoĩa, Diore yigoticɔari, panre ba, ɯye ocore idi, yiroti ñaja. 29 To bajiro yibecurema, Cristo manire ĩ rijabosare quẽnaro ĩ tɯoĩabetijare, rojose ĩre yirucumi Dios. 30 To bajiro ti bajijare, jãjarã ñarãja mɯa rijaye cutirã. Gãjerãma, bajireacoana, bajireamena quẽne ñarãja mɯa. 31 Cristo manire ĩ rijabosarere quẽnaro tɯoĩacɔari, to yicɔari, rojose mani yirere tɯoĩa, Diore mani yigotijama, rojose manire yibetirucumi Dios. 32 Rojose mani yise sɯori rojose Dios manire ĩ yijama, “Rojose yitɯacɔari, ɯre ajimena rãca rojose tãmɯotɯajabetiriaroju vabebetiruarãma” yigu yigami.

33 To bajiri ɯɯ mairã, mani ɯɯ manire ĩ rijabosare tɯoĩacɔari panre barã, to yicɔari ɯye ocore idirã mɯa rẽjajama, gãjerãre yucɔari, ĩna ejajediro baba. 34 Mɯa rẽjaroto rĩjoro, mɯa ñiorijajama, mɯa ya viriju mɯa bajama, quẽnacɔaroja. To bajiro mɯa yijama, no yigu rojose mɯare yibecumi Dios.

Mɯa tɯju ejaɔari, gajeye quẽnaro mɯare gotirucuja ɯɯ.

12

“Yɯ ɯjose rãca gãmerã ejarẽmomasiato” yigu, *Esp'iritu Santo manire ĩ yire queti*

1 Yɯ mairã, gajeye Esp'iritu Santo ĩ masise manire ĩ ɯjosere gotiguagu yaja ɯɯ, “Masiato” yigu.

2 Diore mɯa ajirucɯɯoroto rĩjoro, mɯare yitorimi vãtia ɯɯ, Satanás. To ĩ yijare, “Ado bajirã ñarãma” ĩna masune yitɯoĩa quẽnorujeocɔari, ñagõmena ĩna ñaboajaquẽne, “Rẽtoro masirã ñarãma” socarãne yirucɯɯorã ñañuja mɯa maji. 3 To bajiri, ado bajise mɯa masisere bojaja ɯɯ: Esp'iritu Santo rãca ñagũma, “Rojose tãmɯotɯajabetiriaroju Jesũre cɔaroti ñaja”, yibecu ñagũmi. To bajicɔari, “Mani ɯɯ, Jesũre, Dione ñagũmi” yiguma, Esp'iritu Santo ĩ ejarẽmose rãca tire yigami.

4 “Dios ĩ bojarore bajiro yimasiato” yigu, ĩ masisere manire ɯjoyumi Esp'iritu Santo. ĩ sīgũne manire ɯjor’i ĩ ñaboajaquẽne, tocãrãcure ricati rĩne mani yimasirotire manire ɯjoyumi. 5 Dios ĩ bojasere yirã, ricati rĩne mani yimasise ti ñaboajaquẽne, sīgũne ñaami mani ɯɯ. 6 Ricati rĩne manire ĩ ejarẽmose ti ñaboajaquẽne, sīgũne ñaami manire ejarẽmogũma. 7 Ado cõrone Esp'iritu Santo manire ĩ ɯjosere mɯare gotigu yaja: Tocãrãcure Esp'iritu Santo ĩ ñajama, “Gãjerãre ejarẽmomasiato” yigu, ĩ masisere ɯjogumi. “Esp'iritu Santo ĩ ɯjor’i ñari, to bajiro yami”, yimasire ñaja. 8 “Quẽnaro tɯoĩacɔari gotimasiogũ ñato” yigu, ĩ yimasirotire ĩre ɯjogumi. Gãjirema, “Dios ocare quẽnaro ajimasicɔari, ĩnare gotimasiogũ ñato” yigu, ĩ yimasirotire ĩre ɯjogumi. 9 Gãjirema, “Dios ĩ masise rãca ɯre ejarẽmorucumi” ĩ yitɯoĩarotire ĩre ɯjogumi. Gãjirema, rijaye cutirãre ĩ cãtorotire ĩre ɯjogumi. 10 Gãjirema, ĩaĩañamani ĩ yĩorotire ĩre ɯjogumi. Gãjirema, “ĩre ɯɯ gotisere ajicɔari, ɯre gotirẽtobosarimasu ñato” yigu, ĩ yimasirotire ĩre ɯjogumi. Gãjirema, gãjerã ĩna gotisere ajicɔari, “Esp'iritu Santo ĩ ejarẽmojare, ĩnare gotiama; vãtijua ĩ ejarẽmojare, ĩnare gotiama” ĩ yimasirotire ĩre ɯjogumi. Gãjirema, gãjerã oca masibecu ñaboarine, ĩ

ñagõmasirotire Ìre ʋjogumi. Gãjirema, “Ti ocare buebecu ñaboarine, ajimasicõari, gotirëtogũ ñato” yigu, Ì yimasirotere Ìre ʋjogumi. ¹¹ Ricati rĩne tocãrãcare Ì bojarore bajiro Ìna yimasirotere Ìnare ʋjogumi.

“Cojo ruju ñaboarine, mani rujure jairo ñabateaja”, yire queti

¹² Mani rujure jairo ñabateaja, cojo ruju ñaboarine. To bajirone bajiaja mani Cristore ajitirũnarã quẽne. ¹³ Jediro ñaja mani. Jud'io masa, jud'io masa me ñarã quẽne ñaja mani. Sígũri gãjerãre moabosarã, gãjerãma, moabosamena ñaja mani. Mani jedirore oco rãca mani bautiza ecorone, manire ejayumi Esp'iritu Santo. To bajiri Esp'iritu Santo sãorine Cristo yarã, cojo masare bajiro ñaejayuja mani.

¹⁴ Mani ruju, cojo ruju ñaboarine, jairo vãme cõtibatoaja. ¹⁵ Mani rujure, gũbo ti tũoĩajama, “Ãmo me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. ¹⁶ Gãmorõ ti tũoĩajama, “Cajea me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. Tire bajirone bajiaja mani quẽne. Sígũ, Cristore ajitirũnugũ, gãjire Ìacõari, “Ìre bajiro yimasigũ me ñaja yũ. To bajiri Cristo yũ me ñagũja yũ” Ì yiboajaquẽne, Cristo yũne ñacõa ñagũmi. ¹⁷ Mani ruju ñaro cõrone, cajea rĩne ti ñacõajama, ¿no bajiro ajimasirãda mani? Mani ruju ñaro cõrone, gãmorõ rĩne ti ñacõajama, ¿no bajiro vñimasirãda mani? Tire bajirone bajiaja Cristore ajitirũnarãre quẽne. Ìre ajitirũnarã jediro, cojo vãme rĩne quẽnaro yimasirã mani ñajama, gaje vãme Dios Ì bojasere yimasimena ñaborãja mani. ¹⁸ To bajiri, Dios, manire rujeosũogũjũne, mani ruju ñasere, “Adijũne ti ñajama, quẽnaja” yigu, mani rujuayere rujeoyumi. To bajiri, mani ruju, cojo ruju ñaboarine, ricati rĩne ti ñabaterore bajirone bajiamã Cristore ajitirũnarãre quẽne. ¹⁹ Mani rujuaye, cojojũne jairijũro ti ñajedicoajama, rujujuama nojuã ñabetoja. ²⁰ To bajiri mani rujuaye jairo ñabateboarine, cojo rujuãne ñaja.

²¹ To bajiro ti bajijare, mani cajea ti yijama, “Ñie vaja maja ãmo”, yimasibetoja. Mani rujoa quẽne, “Ñie vaja maja gũbori”, yimasibetoja. Ñajedirone manire ejarẽmoaja. Tire bajiro bajiaja Cristore ajitirũnarãre quẽne. Cristore ajitirũnugũ, gãjire Ìacõari, “Yũre bajiro yimasigũ me ñaami. Vaja magũ ñaami”, yibetiroti ñaja. ²² Ado bajirojuã bajiaja: Mani ruju ñasere, “Adijũma ñamasuse me ñaja” mani yitũoĩaboasene ñaja ñamasuse. ²³⁻²⁴ Mani ruju ñasere jediro toobetiboarine, “Ñamasuse me ñaja” mani yisere, “Gãjerã Ìarõma” yirã, sudine sãñatoorũgũja mani. To bajiro mani yijama, mani Ìorijũ rẽtorõ tijaure mairãre bajiro yirã yaja. “To bajirone bajiato” yigu, to bajise manire rujeoyumi Dios. ²⁵ Mani ruju jairo ñabateboarine, cojoro cõro ñamasuse ñaja. Mani Jesũre ajitirũnarã quẽne, to bajirone bajirã ñaja. Jãjarã ñaboarine, ñamasurã rĩne ñaja mani. To bajiri variquẽnase rãca gãmerã mairõti ñaja. ²⁶ Mani ruju, cojojũ rojose ti tãmũojama, mani ruju jedirone rojose tãmũojedicõaja. To yicõari, mani ruju, cojojũ quẽnaro ti yiecojama, mani ruju jedirone quẽnaro yiecojedicõaja.

²⁷ To bajirone bajiaja mani Cristore ajitirũnarã quẽne. Tocãrãcũne Ì yarã ñaja mani. Sígũ mani rãcagũ Ì sutiritijama, mani jedirone Ì rãca sutiritiaja. To yicõari, sígũ mani rãcagũ Ì variquẽnajama, mani jedirone variquẽnaja mani. ²⁸ “Jãjarã ñacõari, ricati yato Ìna” yigu, tocãrãcare Ì masisere manire ʋjojumi Dios. To bajiri Ì bajirere goticudironare yũare cõacami Jesũs. Gãjerã, Ìre gotirëtobosaronare cũñumi Dios. Gãjerã, Dios oca

gotimasioronare cūñumi. Gãjerã, Ìaľaňamani yĩoronare cūñumi. Gãjerã, rijaye cutĩrãre cationonare cūñumi. To yicõari, gãjerãrema ejarẽmoronare cūñumi. Gãjerãrema, Cristore ajitirũnarãre ũmato ñaronare cūñumi. Gãjerãrema, Ìna masibeti oca ñaboasere ñagõronare cūñumi. ²⁹ “Ricati rĩne yĩuarãma” Ì yiriarã ñari, mani jedirone, Jesús Ì bajirere goticudirã me ñaja. Mani jedirone Diore gotirẽtobosarã me ñaja. Mani jedirone, Dios ocare gotimasiorã me ñaja. Mani jedirone, Ìaľaňamani yĩorã me ñaja. ³⁰ Mani jedirone, rijaye cutĩrãre cationã me ñaja. Mani jedirone, mani masibeti ocare ñagõrã me ñaja. Mani jedirone, mani masibeti oca Ìna ñagõsere buemena ñaboarine, tire ajimasicõari, gotirẽtoburã me ñaja. ³¹ To bajiri, jedirone masijeobetiboarine, quẽnamasusejuare Ì Ƶjorotire sẽnĩña.

To bajiro mũa yiboajaquẽne, gajeye ñaja rẽtoro ñamasuse. Tire mũare gotiguagu yaja yũ.

13

“Gãjerãre mani maise ñaja ñamasusema”, yire queti

¹ Cojo oca ruyabeto mani ñagõmasiboajaquẽne, to yicõari, ángel mesa yere quẽne ñagõmasijocõaboarine, gãjerãre mani maibetijama, vaja mana ñarãja mani. Ñagõre me ñaroja. Buto busisere yibusiorãre bajiro yĩrãja mani, gãjerãre mani maibetijama. ² Diore gotirẽtobosarã, to yicõari, Dios ye masa Ìna masibetire masijeorã ñaboarine, gãjerãre mani maibetijama, vaja mana ñarãja mani. “Manire ejarẽmoracumi” Cristore yitũoĩarã ñari, gũtaure, “Gajeroju vurũrũgũcoasa mũa masune” yimasiboarine, gãjerãre mani maibetijama, vaja mana ñarãja mani. ³ “Masare Ìnare maibetiboarine, maioro bajirãre jediro yũ cuosere Ìnare Ìsijocõari, yũ masu ruju quẽne Ìnare rijabosacoarũcũja” yũ yijama, “Quẽnaro yigu ñaami” yũre Ìna yivariquẽnasere bojagu yũ yijama, Dios tũju ñie vaja bujabecũja yũ.

⁴ Gãjerãre mani maijama, ado bajiro bajiruarãja mani: Rojose manire Ìna yiboajaquẽne, Ìnare jũnisinimenane, quẽnasejuare Ìnare yĩuarãja. Quẽnaro Ìna ñajama, “Yũa rẽtoro quẽnaro ñaama”, yĩajũnisinirã me ñaruarãja. “Ñamasurã ñaja yũa” yirã me ñaruarãja. ⁵ Quẽnaro mani ñase rĩ mere tuoĩarãja mani. Gãjerã quẽnaro Ìna ñasere quẽne tuoĩarãja. Gãjerã rojose manire Ìna yiboajaquẽne, Ìnare rucubũorã, yoaro mene jũnisini tũjacoaruarãja. ⁶ Gãjerã rojose Ìna yisere Ìvariquẽnamenaja. Quẽnaro Ìna yisejuare Ìvariquẽnarãja. ⁷ Gãjerã rojose Ìna yijare, buto rojose mani tãmũose ti ñaboajaquẽne, Ìnare maitujamena ñari, Ìnare ñagõmacamenaja. Rojose Ìna yiboajaquẽne, quẽnaro Ìna yivotire tuoĩacõa ñaruarãja.

⁸ Gãjerãre mani maise, jedise me ñaja. Diore gotirẽtobosarejuama, jedise ñaja. Masa Ìna masibeti oca ñagõre, mani masise quẽne, jedise ñaja. ⁹ Ado bajiro ti bajijare, “Jedise ñaja”, mũare yaja yũ: Adirodori Dios Ì masise manire Ì Ƶjose ti ñaboajaquẽne, jediro masibeaja mani. Ìre gotirẽtobosare Dios Ì Ƶjose ti ñaboajaquẽne, ñajediro ajimasibeaja mani. ¹⁰ To bajiboarine, Ì tũju mani ejaro, Ì masisere manire Ì Ƶjojare, jediro ajimasijeocõaruarãja mani. To cõrone adirodoriaye mani masise, vaja manirũaroja.

¹¹ Ado bajiro bajiaja: Daqueguaca yũ ñajama, ñagõjeomasibeticaju yũ maji. To bajicõari, quẽnaro tuoĩabeticaju. Bũcũacũja, to bajiro yũ bajicature yitũjacaju yũ. ¹² Tire bajirone bajiaja adi quẽne: Quẽnaro ruyubetiase Ëoro Ìriarore bajiro Dios yere quẽnaro ajimasijeobeaja mani maji. To

bajiboarine, Dios tujuma ěoro quěnaro ruyubetiase ĩarăre bajiro me Diore ĩaruarăja mani. To cěorojuma quěnaro ajimasijeocěaruarăja mani yuja.

¹³ To bajiri idia văme ĩaja, adirũmariaye ĩamasuse mani yirũgũroti: Diore ajitirũnũrũgũroti ĩaja. Gaje văme, “Dios ĩ gotiriarore bajiro ĩ masise manire ujojeocěarũcũmi”, yitũoĩarũgũroti ĩaja. To bajicěari, tũsari văme ĩaja ĩamasuri văme, “Găjerăre mairũgũroti ĩaja” yiri văme.

14

Gajeye oca masiĩamani ĩnaboasere ĩna ĩagěre queti

¹ To bajiri găjerăre mani maise ĩamasuse ti ĩajare, mani yimasiro cěoro găjerăre mairũgũto mani. To yicěari, gajeye Dios ĩ masise ĩ yarăre ĩ ujosere buto bojară ĩari, ĩre sěnirũgũroti ĩaja. Tire bojară, gajeye mua bojaro rětoro Diore gotirětobosarotire mũare ĩ ujosere mua bojajama, quěnaja.

² Ado bajiro ti bajijare, to bajise mũare yaja yũ: Sĩgũ, masiĩamani oca ĩ ĩagějama, masare ĩagěgũ me yigũmi. Diore ĩagěgũ yigũmi, Esp'iritu Santo ĩ ujose răca. ĩ răcanajumama, ĩre ajimasimenama, “To bajirone bajiato” yigũ, Dios ĩ yise ti ĩajare. ³ Găjiujama, Diore gotirětobosagu, masare gotigu yigũmi. To bajiro ĩ yijare, butobusa Diore ajitirũnũrũma. ⁴ Masiĩamani oca ĩagěgũrema, ĩ sũgũrene quěnaja ti. Găji, Diore gotirětobosagujama, ĩ răca rějarăre ejarěmogũ yigũmi.

⁵ To bajiri sũgũ ruyabeto oca masiĩamanire mua ĩagějama, quěnaroja. To bajiboarine, Diore mua gotirětobosajama, rětobusaro quěnarũaroja. To bajiboarine, masiĩamani oca ĩagěgũ ĩ ĩagěrone, “Mani răca rějară ajimasicěari, butobusa Diore ajitirũnuato” yigũ, găji tire ĩ gotirětobujama, ĩamasuse moagũ yigũmi, ĩ quěne. ⁶ Ado bajiro bajiaja: Yũ mairă, mũare ĩagũ ejagu, masiĩamani oca yũ ĩagějama, ĩno bajiro mũare ejarěmogũ yiguada yũ? Mũare yũ ejarěmorũajama, ado bajirojũa yiroti ĩaja: Dios ĩ ejarěmose răca ĩ ocare buecěari mũare gotiroti ĩaja. To bajiro yũ yibetijama, ĩ ocare buebetiboarine, ĩ ejarěmose răca tũoĩacěari mũare gotiroti ĩaroja.

⁷ Gotimasiore queti mũare gotigu yaja: Těroare quěnaro ĩ jutibetijama, “Ti basare jutigu yami”, yimasĩna manojaja. To bajirone bajiroja arpa văme cutijure quěne. Quěnaro ĩ yibusomasibetijama, “Ti basare yami”, yimasĩna manojaja. ⁸ Surarare jigũ, trompeta văme cutiju quěnaro ĩ jutibetijama, “Sĩarotigu yiro mi”, ĩre yiajimasimenama, quěnaro ĩ jutibeti ti ĩajare.

⁹ To bajirone bajiaja, găjeră, oca masiĩamani mua ĩagěboajama. Mua ĩagěboasere ajimasibeticěari, “To bajiro yire ũni ĩaja”, yimasibetirũarũma ĩna. To bajiro bajica yiro, masa mano ĩagěriarore bajiro bajicěaroja.

¹⁰ Adi macarũcũrore jăjară masa ĩnarũma ricati rĩne ĩagěră. ĩna cojo masama, gămeră ajicěarũma. ¹¹ To bajiboarine, yũ ocare ajibecu răca, yũ ĩagěboajama, gămeră ajimasimenaja. To bajiro ti bajijama, gămeră ejarěmomasiĩna manojaja. ¹² To bajirone bajiroja mũare quěne, masiĩamani oca mua ĩagějama. Găjerăre ejarěmomasiĩmenaja. To bajiri, Esp'iritu Santo ĩ masise mũare ĩ ujorotire buto bojară ĩari, găjerăre ejarěmorotijuare sěniĩna, “Butobusa Diore ajitirũnuato” yiră.

¹³ Găjerăre ejarěmorotire tũoĩară ĩari, masiĩamani oca ĩagěră quěne, Diore sěniĩna mua, “Ti ocare buebecu ĩnaboarine, ajimasicěari, găjerăre gotirětobumasiră ĩarũsa” yiră. ¹⁴ Diore sěnigũ, oca masiĩamani yũ ĩagějama, Esp'iritu Santo ĩ ejarěmose răca to bajiro ĩagěgũja yũ. “To bajiro yirũaro yaja” yimasibetiboarine, ĩagěgũja yũ. To bajiri găjerăma yure

ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo i masise yure i ñjose rāca Diore sēniroti ñaja. Gajejuma, yu masune t̄oĩac̄ōari, ĩre sēniroti ñaja. Cojojirema Esp'iritu Santo i masise yure i ñjose rāca basaroti ñaja. Gajejuma, yu masune t̄oĩac̄ōari, basaroti ñaja. ¹⁶ To bajiro mani yibetijama, Esp'iritu Santo manire i ñjose rāca Diore mani yir̄c̄ub̄ojama, “Tire ñaḡōr̄ā yama”, manire yimasimenama ĩna. To bajiri, mani rāca Diore yir̄c̄ub̄omasimenama. ¹⁷ “Quēnaro yaja m̄a” Diore mani yiboajaquēne, manire ajimasibetic̄ōari, quēnabusaro Diore ajitir̄n̄umenama ḡajer̄ā. ¹⁸ M̄ua r̄etoro masiñamani oca ñaḡōaja yu. To bajiri, yu masibeti oca ñaboasere yu ñaḡōmasise yure i ñjose ti ñajare, “Quēnaro yaja m̄a”, Diore ĩre yaja yu. ¹⁹ To bajiboarine, cojomoc̄ārāca v̄ame c̄ōro gotimasior̄uar̄ūḡūaja, quēnaro ĩna ajimasiirotire yigu. Diez mil ñari v̄ame ñase oca ḡajer̄ā ĩna ajimasibeti yu gotijama, ajimasibetibor̄āma.

²⁰ Yu mair̄ā, r̄īamasare bajiro t̄oĩabesa m̄ua. Buc̄r̄ā ĩna t̄oĩarore bajiro t̄oĩac̄ōari, quēnaro t̄oĩamasīna, yu gotimasiosere. Rojosere r̄īamasa ĩna t̄oĩamasibetore bajiro m̄ua quēne rojosej̄arema yibetic̄ōañā. ²¹ Dios ocare masa ĩna ucamasire ti gotijama, ado bajiro gotiaja: “ĩna t̄aj̄u gajeje oca ñaḡōr̄āre c̄ōar̄uc̄aja. To bajiro yu yiboajaquēne, yure ajibetic̄ōa ñar̄uar̄āma”, yigotiaja Dios oca masa ĩna ucamasire. ²² Ado bajiro manire yaja ti: “Masiñamani oca, Esp'iritu Santo i masisere manire i ñjose rāca mani ñaḡōjama, Cristore ajitir̄n̄ur̄ā ĩna ĩaro r̄ĳoro ñaḡōroti me ñaja. ĩre masimena ĩna ĩaro r̄ĳorojua ñaḡōroti ñaja”, yaja ti manire. To yic̄ōari, Diore mani gotir̄ētosajama, Cristore ajitir̄n̄umena ĩna ĩaro r̄ĳoro ñaḡōroti me ñaja. ĩre ajitir̄n̄ur̄ā ĩna ĩaro r̄ĳorojua ñaḡōroti ñaja, “Quēnabusaro Cristore ajitir̄n̄uato ĩna” yir̄ā. ²³ To bajiro m̄uare gotiboarine, ado bajise m̄uare yic̄ōa ñaja yu: “Masiñamani oca mani ñaḡōjama, ñie vaja manojā. Tire ajimasimenama ḡajer̄ā”, m̄uare yic̄ōa ñaja yu. Mani jediro r̄ējac̄ōari, masiñamani oca mani ñaḡōjama, ḡajer̄ā Cristo i bajirere ajimena, to yic̄ōari ocare ajimena, s̄ājaejac̄ōari, “Mec̄ur̄ā yama”, manire yīlar̄uar̄āma. ²⁴ To bajiboarine, Diore mani gotir̄ētobosañarone, s̄ājaejac̄ōari, Dios oca ti ñajare, “ ‘Rojose yir̄ā ñaama’ ȳuare yīlaḡūmi Dios”, yimasir̄uar̄āma Cristo i bajirere ajimena. ²⁵ “Yūa us̄riju rojose yua t̄oĩasere masicoami Dios”, yir̄uar̄āma. To yic̄ōari, Diore r̄uc̄ub̄or̄ā, ḡusomuniari t̄uetur̄uar̄āma ĩna. To yic̄ōari, “Socar̄ā me yaja m̄ua. M̄ua r̄ācane ñaḡūmi Dios”, yir̄uar̄āma.

“R̄ējac̄ōari, Diore r̄uc̄ub̄or̄ā, ado bajiro yir̄ūḡūroti ñaja”, yire

²⁶ Yu mair̄ā, r̄ējac̄ōari, Diore r̄uc̄ub̄or̄ā, ado bajiro m̄ua yijama, quēnaja. Sīḡari basa, ḡajer̄āma, Dios ocare buec̄ōari gotimasio, ḡajer̄āma, Dios ĩnare i ñaḡōrotisere goti, ḡajer̄āma, masiñamani oca ñaḡō, to yic̄ōari, ḡajer̄āma, masiñamani ocare ajimenare, “Ado bajiro yir̄uaro yaja”, ĩnare yir̄uar̄āja m̄ua. “Quēnabusaro Diore ajitir̄n̄uato” yir̄ā, ti jediro ḡāmer̄ā ejar̄ēmor̄uar̄āja m̄ua. ²⁷ Masiñamani oca m̄ua ñaḡōruajama, juar̄ā, idiar̄ā c̄ōrone ñaḡōruar̄āja m̄ua. Jājar̄ā ĩna ñaḡōjama, quēnabetoja. Sīḡū i ñaḡōro bero, ñaḡōruc̄ūmi ḡāji. ĩ bero ñaḡōruc̄ūmi ñaḡōtusagu. Ajimasimena ñaboarine, masiñamani oca ĩna ñaḡōro bero, ḡajer̄ā ti ocare ajimenare ĩna gotisere, “Ado bajiro yir̄uaro yaja” ĩnare yigotimasior̄imasu quēne ñar̄uc̄ūmi. ²⁸ “Ado bajiro yir̄uaro yaja” yigotir̄imasu i manijama, ĩna ĩaro r̄ĳoro m̄ua masibeti ocare ñaḡōbetiroti ñaja. Ñaḡōbumenane, m̄ua t̄oĩase rāca Diore m̄ua ñaḡōjama, quēnaja. ²⁹ Dios ocare m̄ua gotimasiojama,

juarã, idiarã cõrone ñagõruarãja mua. Gãjerã mua ñagõsere ajicõari, “So-cabeama”, yiajimasiruãrãma. ³⁰ Sîgã, ñ gotiñarone, ñ gotisere ajigujua, Dios ñ ejarẽmose rãca tuoãcõari, ñ quẽne ñ gotiruãjama, gotisogujua gotitãjato, “Ïjua gotiato” yigũ. ³¹ To bajiri, sîgã ñ gotiro bero, gotiruãcumi gãji. Ñ bero gotiruãcumi gãji. To bajiro rĩne yirũgũruãrãja mua. To bajiro mua yivajama, sîgã ruãbeto Dios ocare ajivariquẽnarãrãma ñna. ³² Diore gotirẽtobosarã, ado bajiro bajirã ñari to bajiro quẽnaro gotirũgũruãrãja mua: Mua gotirẽtose Espiritu Santo muare ñ ujosere, “Ado cõrone tire yũ gotijama, quẽnaja”, yimasirãja mua. ³³ Ñie oca mano mani rẽjasere ñavariquẽnarãcumi Dios. Rẽjacõari, gãjerã ñna gotiruaro rãcũbuomenane mani ñagõjama, ñavariquẽnabecumi.

To bajiri gãjerã Jesũre ajitirũnarã ñna rẽjarore bajiro, rojose oca mano mua rẽjajama, quẽnaja. ³⁴ Diore rãcũbuorã, ñna rẽjaro, rõmiama ñagõbetirona ñnaama, to bajiro ñna yibetirũgũre ti ñajare. Ñna manajua ñna rotirore bajiro cãdiroti ñaja. To bajirone gotiaja Dios ocare masa ñna ucamasire. ³⁵ Ñna masiruãjama, ñna ya vijũ tudiejacõari, ñna manajua ñna sãnĩajama, quẽnaroja. “Rẽjariavijure ñagõbetiruãrãma rõmia” yire ti ñajare.

³⁶ ¿No yirã yũ gotirore bajiro yibeticõa ñnati mua maji? “Ñ oca yũare cũñumi Dios, ‘Gãjerã masare quẽnaro riojo gotibosato’ yigũ”, ¿yitũoãboati mua? “Yua rĩne Dios ocare masa ñna ucamasirere masirã ñaja yua”, ¿yitũoãboati? Mua rĩ me ñaja Dios ocare ajicana. ³⁷ Sîgã, “Diore gotirẽtobosagũ ñaja yũ” ñ yijama, muare yũ gotisere ajicõari, “Dios ñ rotirore bajirone gotiami Pablo”, yimasiruãcumi. To bajirone yiruãrãma gãjerã quẽne, “Espiritu Santo ñ masise yũare ñ ujose rãca gãjerãre ejarẽmoaja yua” yirã. ³⁸ Yũ gotimasiosere, “Socase ñaja” sîgã ñ yigotijama, ñre ajibeja.

³⁹ Yũ mairã, ado bajiro muare yaja yũ: Diore gotirẽtobosaroti, Espiritu Santo muare ñ ujorotire bũto bojarũgũña. Rẽjacõari, gãjerã masiñamani oca ñna ñagõjama, “Ñagõbesa”, ñnare yibeja. ⁴⁰ To bajiboarine, gãmerã rãcũbuorã, quẽnaro tuoãcõari, yũ gotirore bajiro yirũgũña.

15

“Socase me ñaja Cristo ñ tudicatire”, yire queti

¹ Yũ mairã, quẽna Cristo ñ bajirere muare yũ gotimasiosuocature mua tuditũoãsere bojaja. Tire ajicõari, Cristore ajitirũnarã ñnacoacaju mua. ² To bajicõari, “Pablo ñ gotirore bajirone yiyumi Cristo” mua yitũãbetijama, rojose mua tãmuoborotire muare yirẽtobosacõari, quẽnaro muare yiruãcumi Dios. To bajiboarine, mua ajitirũnu tãjajama, muare yirẽtobosabetiruãcumi Dios.

³ Ti oca ñamasuse, Cristo yũre ñ goticati ñacaju. Ado bajiro bajiaja: Dios ocare masa ñna ucamasire ti gotirore bajirone rojose manĩ yise vaja manire rijabosayumi Cristo. ⁴ Ñre ñna jajusãaro bero, ñre yujeyujarã ñna. To bajiboarine, idiarũmu tãsatirãmũne Dios ocare masa ñna ucamasire ti gotirore bajirone ñre catiõyumi Dios. ⁵ To ñ yijare, tudicaticõari, Pedrore ruyuaõõuju Cristo. Bero, ñ buerã ñnariarã cõrore ruyuaõõuju quẽna. ⁶ Bero, gãjerã quiniento rẽtoro ñnare ñre ajitirũnarãre ruyuaõõuju Cristo. To bajiri, jãjarã caticõama maji, to bajiro ñ bajirere ñariarã. Gãjerãma, rijarea-coasuma. ⁷ Bero, Santiagore ruyuaõõuju. Bero, ñ ocare ñ gotiroticõariarã jedirore ruyuaõõuju.

8 Īnare ĩ ruyuañoriaro bero, yure quēne ruyuañocami. Īre yu ajitirūnuroto rñjoro, “Cristore ajitirūnurocu ñagūmi”, yure yimasibeticama masa. Gājerā Cristo rāca ñacōari, Īre ĩna ajitirūnuriare bajiro Īre ajitirūnubeticaju yu maji. 9 Īre ajitirūnrāre buto rojose ĩnare yisuyacacu ñari, Cristo ocare gotigū ñaboarine, ñamasugū me ñaja yu. Gājerā ĩ ocare ĩ gotiroticōariarā ñaama ñamasurāma. 10 To bajiboarine Dios, yure ĩamaicōari, Cristo suorine ĩ ocare yure gotiroticōañumi. Quēnaro yure ĩ yijare, quēnaro ĩre moabosaja yu. To bajiri, “Īre gotirotiboacaju yu”, yure yibecūmi. Gājerā Cristo ĩ oca ĩ gotirotiriārā rētobasaro gotimasiorūgūaja yu, “Ījārābusa ĩre ajitirūnrā ñato” yigū. Yu masune yigū me yaja. Yure ĩamaicōari, quēnaro yure ejarēmōrūgūgūmi Dios. 11 Cristo ĩ bajire yu gotijama, gājerā Cristo ĩ gotirotiriārā ĩna gotijaquēne, no yibeaja. Jediro mware yua gotise, ti rñe ñacōaja, mua ajitirūnucati.

“Mani rijato bero, quēna mani tudicatibetijama, vaja maniboroja Cristore mani ajitirūnuse”, yire queti

12 To bajiri, “Ī rijato bero ĩre catiomyi Dios” yua yigotise ti ñaboajaquēne, mua yua, ĩno yirā “Bajireariārā, tudicatimenama”, yati mua? 13 To bajiro mua yisere quēnaro tūoñaña mua: Tudicatire ti manijama, Cristo quēne tudicatibetiborimi. 14 Cristo ĩ rijato bero, Dios ĩre ĩ catiobetijama, ĩ oca masare yua gotise, vaja maniboroja. Īre mua ajitirūnuse quēne, vaja maniboroja. 15-16 To bajiri, Dios Cristore ĩ tudicatiobetijama, socasere Dios ĩ gotiroticōarāre bajiro bajiborāja yua. “Bajireariārā tudicatibeticōato” ĩ yijama, Cristore quēne ĩre tudicatiobetiborimi Dios. 17 “Tudicatibetirimi Cristo” mua yitūoñajama, ĩre mua ajitirūnuse, vaja maniboroja. Rojose mua yisere mware masiriobetiborimi Dios. 18 To bajicōari, Cristore ajitirūnuriārā quēne, tudicatio ecomenare bajiro bajirāma bajireariārā, Cristo ĩ tudicatibetijama. 19 Cristore ajitirūnrā ñaboarine, mani tudicatibetijama, ĩre ajitirūnūmena ĩna sutiritiro rētoro tāmūoborāja mani.

20 Ado bajirojua bajiaja: Cristo ĩ rijacoaboajaquēne, ĩre catiomyi Dios. To bajiri ĩ ñagūmi, rijacoaboarine, quēna tudicaticōari, rijabetirocu ñasuoğama. To bajiro ĩ bajijare, “Mani quēne ĩre ajitirūnrā ñari, rijacoaboarine, ĩre bajiro quēna tudicatiruarāja”, yimasiaja mani. 21 Sīgū suorine masa bajireare ñasuo yuja. To bajiboarine, quēna sīgū suorine bajireacoaboarine, tudicatire ñasuo yuja. 22 Ado bajiro bajiaja: Adān ñamasir'i jānerabatia ñari, rijaruarāja mani. To bajiboarine Cristore ajitirūnrā ĩ yarā mani ñajare, manire catiorucūmi Dios. 23 Cristo ñagūmi rijacoaboarine quēna tudicatisuor'i. To bajicōari, adigodoju ĩ tudiejarō, ĩre ajitirūnuriārā tudicatiruarāma. 24 To bajiro ti bajirone, adi macarucaro jediruroja. Īre ĩaterā ñaro cōrone ĩna rotiboasere ĩnare yirotibetirucūmi Cristo. Adigodoana rojose yirotirā, ō vecana rojose yirotirāre quēne ĩnare yirotibetirucūmi. To yigajanocōari, ñajediro, ĩre ajitirūnrāre ĩ jacu Diojware ũjorucūmi, “Ñajediro ũju ñamasugū ñarūgūrucuja mu” yigū. 25 Cristo ado bajiro yirocu ĩ ñajare, “To bajirone bajiruroja”, mware yaja yu: Cristo ĩ jacure ĩ ũjoroto rñjoro, ĩ rotīñaridone, ĩre ĩaterā ñaro cōrone ĩna rotiboasere ĩnare yirotibetirucūmi. 26 Īre ĩaterā ĩna rotiboasere yirotibeticōari, quēna masa ĩna bajirease quēne bajibetirotirucūmi Cristo. To bajiri ĩre ajitirūnrārema, juaji rijare maniruroja. 27 Dios ocare masa

Īna ucamasire ti gotirore bajirone jediro ʘjʘ ĩarocʘre Cristore cʘrʘcʘmi Dios. Bajigʘjʘma, ĩ jacʘre rotigʘ me ĩaami Cristo. ²⁸ To bajiri, ĩre ĩaterā ĩaro cʘrone ĩna rotiboasere ĩnare yirotibeticʘari, jedirore rotigʘ ĩarʘcʘmi Cristo. Tirʘmʘne ĩ rotimasirore ĩ ʘjʘore ĩre tudĩsirʘcʘmi, ĩ jacʘre, “ĩajediro ʘjʘ ĩamasugʘ ĩarʘcʘja mʘ” yigʘ.

²⁹ “Bajireariarā tudicatimenama” sĩgʘri mʘa yisere tuoĩacʘari, gajeye mʘare gotirēmorʘaja yʘ. ĩNo yirā, bajireariarā, oco rāca bautiza ecobetiriarāre tuoĩacʘari, “ĩnare bautiza ecobosato mani”, yati mʘa? Bajireariarā ĩna tudicatibetijama, oco rāca ĩna bautiza ecore vaja maniboroja ti. ³⁰ Gājerāre Cristo ĩ bajirere yʘa goticudise quēne, vaja maniboroja ti. Tire yʘa goticudijare, rojose yʘare ĩna yirʘase ti ĩnaboajaquēne, goticudicʘa ĩaja yʘa. Bajireariarā ĩna tudicatibetiboajaquēne, ĩno yirā to bajise yicʘa ĩati yʘa? ³¹ Yʘ mairā, riojo mʘare gotiaja yʘ. Bʘto yʘre ĩna sĩarʘajare, tocārācarʘmʘne tire tuoĩarʘgʘaja. To bajiboarine, tire yʘ tuoĩaro cʘro yʘ goticati sʘorine Jesucristo mani ʘjʘre mʘa ajitirʘnʘsere tuoĩavariquēnarʘgʘaja. ³² Adoana, Efeso macana yʘre ĩatecʘari, bʘto rojose yʘre ĩna yirʘaboajaquēne, tone goticʘa ĩacajʘ yʘ. Bajireariarā ĩna tudicatibetijama, yʘ goticati vaja, vaja bʘjabetibogʘja yʘ. Mani rijato bero, mani tudicatibetijama, Cristore ajitirʘnʘmena ĩna tuoĩarore bajiro tuoĩaroti ĩaboroja. Ado bajiro tuoĩarāma ĩna: “Mani bajireacoajama, tudicatimenaja mani” yituoĩarā ĩari, “Mani bojarore bajiro yito mani”, yituoĩarāma.

³³ To bajiro ĩna yisere ajitirʘnʘbesa. “Rojose yirā rāca mʘa baba cʘtijama, quēnaro yirā ĩnaboarine, ĩnare bajiro rojose yirʘarāja mʘa quēne” yirere masiritibesa. ³⁴ “Mani rijato bero, tudicatimenaja mani” mʘa yituoĩaboasere to cʘrone tuoĩatʘjaya mʘa. To yicʘari, rojose mʘa yisere quēne yitʘjaya. “Rojose yirā rāca baba cʘtibesa”, mʘare yibʘ yʘ, mʘa rācana sĩgʘri Diore masimena ĩna ĩajare. Tire mʘare gotiaja yʘ, yʘ gotisere ajicʘari, mʘa tuoĩabojonerotire yigʘ.

Rijacoabarine, quēna mani tudicatiroti queti

³⁵ “Mani rijato bero, tudicatiroti ĩaja manire” mʘare yʘ yiboajaquēne, sĩgʘri ĩnarāja mʘa ado bajise sēnĩarā: “Bajireariarā ĩnaboarine, ĩno bajiro tudicatirāda? To yicʘari, ĩno bajiro rujʘ cʘtirāda?”, yʘre yisēnĩarāja mʘa. ³⁶ To bajiro yʘre mʘa sēnĩajama, quēnaro tuoĩamasimena yirāja mʘa. Ado bajirojʘa bajaia: Ote mani otejama, joeaye boacoatoja. To bajiboarine, jubeayejʘa judiroja. ³⁷ Trigo aje, gajeye mani otejama, rujʘ jediro me oteaja mani. ³⁸ Mani otero bero, “Ote ti ĩarore bajirone judiato” yigʘ, tire judirotimasigʘmi Dios. Trigo aje ti ĩajama, trigo judirʘaroja. ³⁹ Gajeyere quēne tuoĩañ: Mani catirā, jediro ricati rĩne rujʘ cʘtiaja mani. Masa, vaibʘcʘrā, minia, vai quēne ricati rĩne rujʘ cʘtiamā. ⁴⁰ Ō vecana quēne, ricati rujʘ cʘtirāma. “Ō vecana ĩato” yigʘ, ĩnare rujeoyumi Dios. To bajirone bajaiaja, adigodoaye quēne. “Adigodoaye ĩato” yigʘ, tire rujeoyumi Dios. To bajiri ricati ĩaja ti. Ricati ĩnaboarine, quēnase rĩne ĩacʘaja. ⁴¹ To bajirone bajaiaja ʘmʘagu muiju ĩ bususere quēne. ʘmʘagu muiju ĩ busuro cʘro me busuami ĩamiagu quēne. To bajicʘari ĩamiagu muiju ĩ busuro cʘro me busuama ĩcoā quēne.

⁴² To bajirone bajirʘarāja mani. Mani rijato bero, quēna tudicaticʘari, ricati rujʘ cʘtirʘarāja mani. Mani rujʘire gājerā ĩna yujero bero, boacoatoja. To bajiboarine, bero ricati rujʘ Dios manire ĩ ĩsirotijʘama, rijabe-

tírotirujá ñaruarója. ⁴³ Mani rujá boarotirujá ñaja. To bajiboarine, bero Dios manire í ísrotirujájuama, no yimasiñamani rujá ñaruarója. ⁴⁴ Mani rujá, “Adigodojú ñato” yigá, Dios í rujeoriarujá ñaja. To bajiboarine, bero Dios manire í ísrotirujájuama, “Yá ráca quēnaro ñaruarāma” yigá, manire í ísrotirujá ñaruarója.

⁴⁵ Ado bajiro gotiaja Dios ocare masa ñna ucamasire: “Adán ñamasir'ire í catirotire íre ísimasiñuju Dios”, yigotiaja. Adán beroagu ñaboarine í rētoro ñamasugū ñaami Cristo. Íne ñaami íre ajitirūnarā, rijacoaboarine, tudirijayamanire ujogá. ⁴⁶ To bajiro ti bajiboajaquēne, í ráca ò vecaju ñarotirujá mere manire ísisuoyumi. To bajiro í yiro bero, ò vecaju í ráca mani ñarotirujare manire ísirucumi. ⁴⁷ Adán ñamasir'ire sitane rujeomasiñuju Dios. To bajiri adigodoagu ñamasíñuju í. Bero vadir'i, Cristojuama, ò vecaju vadir'í ñañuju. ⁴⁸ Adigodoana Adán ñamasir'i rujá cutiriarore bajiro rujá cutiaja mani. To bajirone bajiruarója, manire Cristore ajitirūnarāre quēne. Cristo, rijacoaboarine, tudicaticōari, í rujá cutiriarore bajiro rujá cutiruarāja mani quēne.

⁴⁹ Adigodoana Adán í rujá cutimasiriarore bajiro rujári cutirā ñaja mani. To bajiboarine, Dios tujá ejacōari, Cristore bajiro rujá cutiruarāja mani.

⁵⁰ Yá mairā, ñamasusere muare gotigu yaja yá: Ado mani rujá cutisema Dios tujá ñarotirujá me ñaja. Gaje rujá, rujá cuticōari, Dios tujá ñaruarāja. ⁵¹ Quēnaro yare ajiya muá. Masa ñna masibeticatire muare gotigu yaja yá: Cristo í tudiejaró, íre ajitirūnarā jediro rijajedibetiboarine, sígū ruyabeto gaje rujá, rujá cuticoaruarāja mani. ⁵² Trompeta vāme cutijá, ñna jutibusiorone, guaro cajea bibitiarore bajirone bajireariarā, tudicaticōari, rijabetírotirujá, rujá cutiruarāma. To bajiro ñna bajirone, mani quēne bajireamenane Cristore ajitirūnarā ñari, gaje rujá, rujá cutiruarāja mani. ⁵³ Ado bajiro ti bajijare, to bajiro bajiroti ñaja: Mani rujá cutise, rijacōari, boaroti ñaja. To bajiri rijabetírotirujájuare, rujá cutiroti ñaja. ⁵⁴⁻⁵⁵ To bajiro mani rujá cutirone, Dios ocare masa ñna ucamasire ti gotirore bajiro bajiruarója. Ado bajiro gotiaja: “Rijaroti ñaboasere reajeorucumi Dios. To bajiro í yijare, íre ajitirūnarā, tudirijabetiruarāma. To bajiri, no yirā ñna bajirotire güimenama”, yigotiaja Dios ocare masa ñna ucamasire. ⁵⁶ Dios í rotimasiriarore bajiro yimena ñari, rojose tāmuroarāma. To bajiro bajiroti ti ñajare, ñna bajirearotire güirāma masa. ⁵⁷ To bajiboarine, mani ujá Jesucristo manire í rijabosare ñajare, mani bajirotire güibeaja mani. Tire tōiācōari, “Quēnaro yaja muá”, Diore yito mani.

⁵⁸ To bajiri Jesucristore ajitirūná tujabetiruarāja muá, yá mairā. To yicōari, muá yimasiro cōro Dios í bojasere yirūgūña. “Ñajediro Dios í bojase mani yijama, quēnaro manire yirucumi” yitōiācōari, to bajiro yirūgūña.

16

Jerusalén macanare ejarēmōrā, gājoa ñna juarēore queti

¹ Gājerā Cristore ajitirūnarāre ejarēmōrā gājoa ñna juarēorotire muare gotigu yaja. Galacia sitana Cristore rucubhorā ñna rējaro, ñnare quēnaro yá roticatore bajiro muare rotigu yaja. ² Tocārāca domingo ñnaro, gājoa muá ísiruaró cōro, muá ísijama, quēnaja. Tire sojojune juarēocūma. To bajiro muá yijama, muá tujá yá ejaro, tire juarēoroti maniruarója. ³ Muá

tujm ejačđari, gājoa mña cūsere juavaronare, “Ānoa ñaama tire juavaronā”, yiba. To bajiri, queti ĩnare ucabosaručuja yu. “Ānoa ñaama quēnaro yirā. ĩnare quēnaro bocaāmiña” yire quetire ĩnare ucabosaručuja yu, “Jerusalén macanare ĩoato” yigu. ⁴ “Pablo rāca varuarāma” mña yituoĭajama, yu rāca varuarāma.

Pablo, Corinto macaju ĩ varua tmoĭare queti

⁵ Macedonia sitaju varučuja yu. Toju ĩacudigu vacune, mña tujm ejaručuja. ⁶ Yoaro, juebuču ñaro cōro mña rāca ñaručuja, yu bajijama. Mña tu yu ñaro, gājerā tujm yu ĩacudigu varotire yirā, yure ejarēmomorāja mña. ⁷ Ado cōrone mña tu yu vajama, yoaro mña rāca ñabetiboguja yu. To bajiri mña tujm vabeaja maji. Mani uju ĩ bojjajama, yoarobusa mña rāca ñaboguja yu. ⁸⁻⁹ Efeso macajune ñacđaručuja maji, jājarā yure ĩaterā ĩna ñaboajaquēne, Jesús ĩ bajire yu gotimasiosere quēnaro ajiruarā jājarā ĩna ñajare. To bajiri Pentecostés boseramu adoana ĩna yiro bero, varučuja yu.

¹⁰ Timoteo, mña tu ĩ ejjajama, “Manire güibecune, quēnaro riojo gotiatio” yirā, quēnaro ĩre yiba. Yure bajirone mani uju ĩ bojjasere yigu ñaami ĩ quēne. ¹¹ To bajiri ĩre quēnaro rūcubhoba. Yu tujm vagu, muare ĩarētovagumi. To bajiri, yu tujm ejaču, “Variquēnase rāca ejato ĩ” yirā, quēnaro ĩre ejarēmoma. Gājerā Cristore ajitirūnarā rāca ĩ ejarotire ñayuruarāja yua.

¹² Mani maigū, Apolos ĩ bajisere yure sēniacđañuja mña. Gājerā Cristore ajitirūnarā rāca mña tujm ĩre varotirūgūboacaju yu. Varuabeticami. No bojariramu ĩ vatiramu, varučumi, bajigujama.

“Estėfanas mesa ĩna rotirore bajiro mña yijama, quēna”, Pablo ĩ yire queti

¹³ Rojose yirāre güimenane, quēnaro tuoĭacđari ñarūgūña mña. To bajicđari, mani uju Cristore tuoĭatujabesa, “Dios ĩ bojjasere yitujarobe” yirā. ¹⁴ Mña yise jediro quēnaro gāmerā maire rāca yirūgūnarāja mña.

¹⁵ Acaya sitagu, Estėfanas, ĩ yarā rāca Cristo ĩ bajirere yu gotimasiosere ajitirūnusuocama. Adirūmuri ñarā, Cristore ajitirūnarāre ejarēmoama ĩna. Tire masiaja mña. ¹⁶ ĩnare, to yicđari, ĩna rāca moarāre quēne quēnaro mña cadisere bojaja yu.

¹⁷ Estėfanas, Fortunato, Acaico ĩna ejasere buto variquēnaja yu. Jediro yu tujm mña ejamasibetijare, ĩnajua, ejačđari, mña gotiroti ñaboasere quēnaro muare gotibosama. ¹⁸ Quēnaro muare ĩna gotibosajare, mña variquēnarore bajiro variquēnaja yu quēne. To bajiri, “Yuare quēnaro mña gotibosajare, variquēnaja yua” yirā, quēnaro ĩnare yiba mña.

Pablo, ĩnare ĩ quēnaroticđare queti

¹⁹ Asia sitana Cristore ajitirūnarā, “Quēnato”, muare yicđama. Aquila, ĩ manajo Prisca, ĩna ya vi rējarā quēne, mani ujure ajitirūnarā ñari, muare quēnarotiama. ²⁰ Adoana Cristore ajitirūnarā, muare mairā, “Quēnato”, muare yicđama ĩna quēne. Gāmerā mairā ñari, rējacđari, quēnaro gāmerā yiba.

²¹ Yu Pablo, yu masune, “Quēnato”, muare yiuacđaja yu.

²² Mani ujure ĩre ajitirūnumena, rojose tāmnotujabetiriaroju varuarāma ĩna. Mani uju, yoaro mene ĩ tudiejasere bojaja yu.

²³ Mani uju, quēnasere muare cđarūgūato. ²⁴ Mña quēne, Jesucristore ajitirūnarā mña ñajare, “Muare buto tuoĭamaiaja”, muare yicđaja yu.

To cōro ñaja.

Segunda carta de San Pablo a los CORINTIOS

Corinto vāme cūti macana, Cristore ajitirānūrāre, Pablo ī ucacōare queti

¹⁻² ¿Nati mūa Corinto vāme cūti macana, Dios sūori ī macu ocare ajitirānūcōari, rējarūgūrā? Adi queti mūare ucaja yua. Jesucristo sūori Dios yarā űaja mūa. Mūa rī mere ucaja yua. Mūa ye sitana, Acayana jediro Dios yarā adi quetire īna īarotire bojaja yua. Mūare quēnarotirā, mani jacu Diore, to yicōari, Jesucristo mani űjūre ado bajise mūare sēnibosaja yua: “Quēnaro mūa rāca īna űarotire yirā, īnare ejarēmoűa”, mūare yisēnibosaja yua. Yū űaja Pablo, adi paperare mūare cōagū. “Yū ocare gājerāre gotimasiodirūcūja mū” yigū, Dios ī bojarore bajiro yure cōacami Jesucristo. Mani maigū, Timoteo rāca űaja yū.

³ Diore īre rācūbuoto, mani űjū Jesucristo jacare.

Īne űaami manire ĩamaigū. Mani tuoīasutiritisere, “Sutiritibeticōato” yigū űaami. ⁴ űajediro rojose mani tāmūojama, manire ejarēmorūgūami. To bajiro manire ī yisere masicōari, mani quēne, gājerā rojose īna tāmūojama, īnare ejarēmomasirūarāja mani. ⁵ “Diorāca quēnaro űato” yigū, rojose manire tāmūobosayumi Cristo. To bajiri, gājerā Diorāca quēnaro īna űarotire yirā, rojose tāmūobosarūgūaja yua quēne. Butobusa rojose yua tāmūoűaro rīne, “Sutiriti tūjacōari, variquēnato” yigū, butobusa quēnaro manire ejarēmorūgūgūmi Cristo. To bajiro ti bajijare, “Quēnaro yaja mū”, Diore īre yivariquēnarūgūaja yua. ⁶ To bajiri, mūare quēnaro yua ejarēmosere, to yicōari, ī rāca quēnaro mūa űarotijūare quēne tuoīarā űari, rojose tāmūorūgūaja yua. To bajiro yua bajiboajaquēne, yūare quēnaro ejarēmorūgūami. To bajiri, yua sūorine mūare quēne ī ejarēmojare, mūa quēne, rojose tāmūoboarine, Cristore ajitirānū tūjabetirūarāja. ⁷ “Rojose mani tāmūorore bajiro rojose tāmūorā īna űajare, manire ī ejarēmorore bajiro īnare quēne ejarēmogū yigūmi Dios” yimasirā űari, “Cristore ajitirānū tūjabetirūarāma”, mūare yituoīaja yua.

⁸ Yū mairā, adoju, Asia sitaju buto rojose yua tāmūocatire mūa masisere bojaja yū. Buto rojose tāmūocana űari, “Yūare sīabeticōato” yirā, no bajiro yimasibeticaju yua. ⁹ “Manire sīarūarāma”, yituoīacaju yua. “Dios űaami manire rujeor’i, rijariarāre quēne catiogu. To bajiri adigodojūre ī sīgūne űaami manire maigū” yua yituoīarotire yiro bajicaju. ¹⁰ Yūare īna sīaborotire yirētobosayumi Dios. To bajiri, “Ī yicatore bajiro manire yirētobosarūcūmi quēna”, īre yituoīa variquēnacōa űaja yua. ¹¹ Diore mūa sēnise sūorine yūare ejarēmorūarāja mūa quēne. Gājerā quēne, yūare sēnibosarūarāma. To bajiri īna rāca jājarā űarūarāja mūa, yūare quēnaro Dios ī yisere ajicōari, “Quēnaro yaja mū”, Diore īre yirona.

“Ado bajiro tuoīagū űari, mūa tūju vabeaja yū maji”, Pablo ī yire queti

¹² Ado bajise tuoīacōari, variquēnaja yua: “Dios ī bojarore bajiro masare quēnaro yicaju mani”, yituoīaja yua. Masare yitorā me űaja yua. “Corinto macana rāca űarā, quēnaro Dios ocare gotimasiodacaju”, yituoīaja yua. Yūare quēnaro yiyumi Dios, “Gājerāre quēnaro yato” yigū. Yua masune yua tuoīasene gotibeticaju. Dios ī masise rāca to bajiro yicaju yua. ¹³ Mūare ucacōarā quēnaro riojo mūa ajimasirotire ucacaju yua. To bajiri

ñajediro yua ucacatire quēnaro ajimasīñuja mña. Bero quēne, jediro yua ucarotire ajimasiruarāja mña. ¹⁴ To bajiboarine, yua ucasere quēnaro ajimasijeobeaja mña maji. Quēnaro yuare mña ajimasijeosere bojaja yua. Yuare mña ajimasijeojama, mani űju Jesucristo ĩ tudiejarirūmu ti ejaro, “Quēnaro yuare gotimasioñuma Pablo mesa”, yivariquēnaruarāja mña. Yua quēne, “Quēnaro ajitirūnūrā ñaama”, yituoīa variquēnaruarāja.

¹⁵ Tire tuoīagū ñari, quēna muare ĩagū varua tuoīacaju yu. “To bajiro yu bajijama, ĩnare yu ejarēmojare, butobusa variquēnaruarāma”, muare yituoīaboacaju yu. ¹⁶ “Macedonia sitaju vacu, ĩnare ĩarētoarucuja yu. Quēna tudiagu, ĩnare ĩarētoadirucuja”, yituoīaboacaju. Mña taju ejacōari, “Judea vāme cati sita yu ejamasiro tire yirā, yuare ejarēmoruarāma”, muare yituoīaboacaju. To bajiro yituoīaboarine, beroju ricati tuoīacaju yu. ¹⁷ Mña taju yu ejabetijare, “Quēnaro tuoīabecune, to bajise yituoīaboayumi”, yuare yirāja mña. “To bajiro yirucuja yu” yiboarine, ricatijua yigu me ñaja yu. ¹⁸ Mani jacu Dios, riojo gotigu ñaami. To bajiri yu, yu babarā quēne riojo gotirā ñaja yua. To bajiro yiruarāja yua yijama, yua yirore bajirone yaja yua. “To bajiro bajirā ñaama”, yuare yīagūmi Dios. ¹⁹ Jesucristore ajitirūnūgū ñari, to bajiro yaja yu. Yu Pablo, Silvano^a, Timoteo quēne, Jesucristo yere muare goticaju yua. ĩ ye queti socase me ñaja. “To bajiro yirucuja” yiboarine, ricatijua yire me ñaja. To bajiri, “Yiruarāja” yua yirore bajirone gotirūgūaja. ²⁰ “Quēnaro masare yirucuja” Dios ĩ yigoticūre jedirore yijeogu ñaami Cristo. To bajiro yigu ĩ ñajare, quēnaro Diore yirucubno variquēnaja mani. ²¹ ĩne ñaami Dios, muare, to yicōari yuare quēne, Jesucristo yarā mani ñarotire yigu, manire beser'i. To yicōari, yuare ĩ ye ocare űmato gotimasioronare yuare cūcami. ²² “Yu yarā ñaruarāma yuja” yigu, mani űsurijare cōañumi, Esp'iritu Santore. Mani űsurijare ejacōari, ĩ ñajare, “Jesucristo yarā ñaja mani. To bajiri Dios ĩ gotiriarore bajirone jediro ĩ ñaroju quēnamasusere bujaruarāja”, yimasiaja mani.

²³ Ado bajiro tuoīagū ñari, mña taju vabeticaju yu maji: Mña taju ejacōari, muare yu gotiserene, “Tud'ire bajiro ajisutiritiroma” yigu, vabeticaju yu. To bajiri vabeticōari, “Queti yu ucase rāca ĩnare gotirucuja maji”, yituoīacaju yu. Socu me yaja yu. Riojo masiami Dios quēne. ²⁴ Muare rotiruarā me to bajiro muare gotimasioaja. Jēre Diore quēnaro tuoīamasirā ñaja mña. Quēnaro mani ñajediro variquēnase rāca butobusa Diore mani masiro tire yirā, muare ejarēmorūgūaja yua.

2

¹ Tirūmaju mña taju ejacōari, muare yu gotiro, buto sutiriticaju mña. To bajiri sutiriticaju yu quēne. To bajiro ti bajijare, quēna yu ĩaro rījoro mña sutiritirotire bojabecu ñari, “ĩna taju ĩagū vabecuja yu maji”, yituoīacōacaju yu. ² Mña sutiritijama, ñimu rāca variquēnabetiboguja yu. To bajiri muare yu gotise űorine mña sutiritisere bojabecu ñari, vabeticaju yu. ³ Mña taju ejacōari, sutirititegu, muare paperare ucacōacaju, mña rāca yu variquēnarotijare bojagu ñari. ⁴ Ti quetire muare ucagu, sutiriticōari, buto oticaju yu. Tire mña ĩasutiritirotire bojabeticaju. Tire ĩacōari, “Buto manire maiami Pablo” mña yimasiro tire bojacaju.

^a 1:19 Jesucristore ajitirūnūgū ñari, to bajiro yaja yu. Yu Pablo, Silvano, Timoteo a 1:19 Silas ti yijama, griego oca rāca yiyuju. Silvano ti yijama, latín oca rāca yiyuju. Hch 15:22; 18:5; 1 Pe 5:12 macaña.

“Rojose yirere masirioya”, Pablo ĩ yire queti

⁵ M̄a r̄acaḡu rojose ĩ yirere ajic̄ari sutiriticaj̄u ȳu. Ȳu s̄īḡū me sutiriticaj̄u. Rojose ĩ yirere masic̄ari, sutiritiriar̄aja m̄a quēne. Butobusa ĩ sutiritirotire m̄a yisere bojabeaja ȳu. ⁶ J̄ere jājar̄ā r̄ejac̄ari, rojose ĩ yire vaja rojose ĩre yiyuja m̄a. “To c̄ōrone rojose t̄am̄uoato” ĩre m̄a yisere bojaja ȳu. ⁷ Rojose ĩ yirere masirioc̄ari, ĩre baba cutiya quēna. To bajiro m̄a yibetijama, sutiritic̄ari, Cristore ajitir̄ānu t̄ajacoar̄ac̄umi. ⁸ To bajiri quēnaro ĩre yiya m̄a yuja, “‘Ȳure maiama’ yimasiato ĩ” yir̄ā. ⁹ Tir̄ām̄uj̄u papera m̄are ucac̄ōacaj̄u ȳu, “¿Ȳu yirotisere yic̄ōati?” yimasir̄u. ¹⁰ Ḡāji rojose ĩ yirere m̄a masiriojama, ȳu quēne ĩ yirere masirioaja. To bajiri rojose ĩ yire ti ñajama, ĩre masirior̄ac̄uja. Buto m̄are maiḡū ñari, Cristo ĩ ĩaro r̄ĭjoroj̄ua to bajiro yir̄ac̄uja. ¹¹ Mani ḡāmer̄ā masirioc̄ōa ñajama, v̄ātij̄ua ĩ bojarore bajiro manire rotimasibec̄umi. Bajir̄āj̄uma, masare rojose ĩ yitoajer̄ūḡūšere j̄ere masiaja mani.

Troas v̄ame cuti macaj̄u ejac̄ari, Pablo ĩ t̄uoĭarejaire queti

¹² Troas v̄ame cuti maca ejac̄ari, Cristo oca quēnasere toanare gotimasio ñacaj̄u ȳu. To ȳu bajirone, jājar̄ā masa ȳure ajir̄ā ejacama. ¹³ To bajiro ĩna ajir̄uaboajaquēne, ȳuj̄ua, mani maiḡūre m̄a t̄aj̄u ȳu c̄ōacac̄ure Tito v̄ame cutigure bujabetic̄ari, buto t̄uoĭarejaicaj̄u ȳu. To bajiri, toanare vare gotic̄ari, ĩre macaḡū vadicaj̄u ȳu, adoj̄u, Macedonia sitaj̄u.

¹⁴ “Cristo manire ĩ rijabosare suorine v̄atia ũj̄u, rojose yirotiḡu, manire ĩ rotiriarore bajiro yibetic̄ato” yiḡu yiyumi Dios. To bajiro ĩ yijare, v̄atia ũj̄ure ajibetic̄ari, Dios ĩ bojasej̄uare yir̄ūḡūaja mani. “Jediroj̄u quēnase sutise ti sutibatorore bajiro ñajediroanare ti quetire gotibatoato” yiḡu, ȳuare goticudi rotir̄ūḡūami. To bajiro yiḡu ĩ ñajare, “Quēnaro yaja m̄a”, Diore yivariquēnato mani. ¹⁵ Ti quetire masare ȳua gotibatosere ĩavariquēnaḡūmi Dios. Ȳua gotibatose suorine masa jediro, Dios t̄aj̄u varona, rojose t̄am̄uot̄ajabetiriaroj̄u varona quēne, tire ajjedir̄āma. ¹⁶ Cristore ajitir̄ānumena rojose masu ĩna bajirotire ȳua gotimasiosere ajiteama, rojose t̄am̄uot̄ajabetiriaroj̄u varona ñari. Ḡājer̄āj̄uma, Dios t̄aj̄u varona, quēnase masu ĩna bajiroti ȳua gotijare, tire ajivariquēnaama. Ȳua masune ȳua t̄uoĭasene gotibeaja. Dios ĩ masise r̄āca tire gotimasior̄ūḡūaja. ¹⁷ Bajir̄āj̄uma, ḡājer̄ā, jājar̄ā ñar̄āma, Dios ocare gotimasior̄ā. ĩnama, “Tire gotic̄ari, ḡājoa bujar̄āsa” yir̄ā ñaama. Ȳuaj̄uma, ĩnare bajiro yir̄ā me ñaja. Jesucristo yar̄ā, Dios ĩ c̄ōariar̄ā ñari, ĩ ĩaro r̄ĭjoroj̄ua r̄ācub̄uose r̄āca ĩ ocare gotimasior̄ūḡūaja.

3

“‘Quēnaro m̄are yir̄ac̄uja’ Dios ĩ yiriarodo ti ejajare, ado bajiro bajijaja”, Pablo ĩ yire queti

¹ ĩna masurione, “Quēnaro gotimasior̄ā ñaja”, yama Pablo mesa. P̄a-pera j̄ūro, “‘Quēnaro gotimasioama’ yir̄ij̄ūro ḡājer̄ā ĩnare ĩna ucabosari-aj̄ūrore ĩroti ñaja” yirere yiboar̄āja m̄a. Bajibeaja. Ḡājer̄ā gotimasiorim̄asaj̄uma, to bajiro yir̄iaj̄ūrore ĩna ĩrore bajiro ĩroti me ñaja ȳuarema. ² M̄a ñaja “Dios ocare quēnaro gotimasioama” ȳua ȳiĭor̄ij̄ūrore bajiro bajir̄ā. M̄are ĩac̄ari, “Pablo mesa, ĩnare ĩamaic̄ari, Dios ocare quēnaro gotimasioñuma”, ȳuare yimasir̄āma masa jediro. Rojose m̄a yirere yit̄ajac̄ōari, quēnaro m̄a yisej̄uare ĩar̄ā ñari, to bajise yir̄āma. ³ “Cristo ĩ ejar̄ēmojare, to bajiro bajijama”, m̄are yimasire ñaja. Tir̄ām̄uj̄u ḡūt̄aj̄āir̄ij̄u

ucatucūmasiriarore bajiro mũare yibesumi Dios. Ado bajirojua yiyumi: Mũa usũju Esp'iritu Santore cõañumi. To yicõari, quẽnesejũare tũõiarotire yiyumi, “Cristo yarã ñaama” gãjerã mũare ña yirotire yigu.

4 “Cristo suorine manire ejarẽmoami Dios” yirã ñari, “Ti quetire quẽnaro gotimasioaja”, yaja yua. 5 “Yua masurio yua masise rãca masare gotimasioaja”, yibeaja yua. Ñajediro quẽnase yua yise, Dios ñ masise rãca yaja. 6 To bajiri Dios oca tirãmũayere ñ vasoarere gotirẽtobumasiaja yua. “Yũ roticũsere cudijeobecũne, ñ bajirocajama, rojose tãmũotũjabetiriaroju varucũmi”, yigotiyuja tirãmũaye. Mameayejũama, tirãmũayere bajiro me bajiaja. Ado bajirojua bajiaja: “Esp'iritu Santore suorã rĩne yũre cudiruarãma. To bajiri, Diorãca ñacõa ñarũgũruarãma”, yigotiaja Dios oca.

7 Tirãmũaju ñ rotirere gãtajãiriju ucacõari, Moisés ñamasir'ire ñsimasiñuju Dios. Tire ña cudijeobeti suori rojose tãmũotũjabetiriaroju varoti ñamasifiñuju. Tire ñ isirone, bũto yaase rãca ejayuju, “Dios ye ñaja” yiro. Ado bajiro bajimasiñuju ti: Dios ñ ucarijãirire ñ boca juarone, bũto ñ rioga yaamasiñuju, Moisére. Bũto yaarica rioga cutigũ ñ ñajare, ñre ñamasibetimasiñujarã israelita masa. To bajiboarine yoaro mene quẽna yaabeticoamasiñuju. 8 Adirodorirema, mameaye oca, Dios ñ vasoare ñajare, Esp'iritu Santo, mani usũriju ejacõari, ñ ejarẽmose suorine Diorãca mani ñacõa ñarũgũrotire masiaja mani. To bajiri “Tirãmũaye oca rẽtoro ñamasuse ñaja mameaye oca Dios ñ vasoare”, yitũõiaja mani. 9 Tirãmũaye oca Moisére cũgũ, “Ñamasuse ñaja”, yĩomasifiñuju Dios. To bajiro ñ yire ti ñaboajaquẽne, gãjerã tire cudijeomena ñari, “Rojose tãmũoruarãja”, yitũõiamasiñujarã masa. Yucũrema mameaye oca Dios ñ vasoare suorine, “Dios ñ ñajama, rojose mana ñaja”, yimasiaja mani. To bajiri, “Tirãmũaye rẽtoro ñamasuse ñaja”, yimasiaja mani. 10 Mameaye oca, Dios ñ vasoare, tirãmũaye rẽtoro ñamasuse ti ñajare, “Ñamasuse me ñariaroja tirãmũayema”, yitũõiavasoare ñaja, adirodorirema. 11 Dios ñ vasoare, juaji ñ vasoabetiroti ti ñajare, “Tirãmũaye ocama yoaro ñabesuja”, yimasiaja mani. To bajiri yucũrema, “Tirãmũaye oca rẽtoro ñamasuse ñaja”, yitũõiaja mani.

12 “Ñamasuse ñaja Dios ñ vasoare” yitũõiarã ñari, bojonemenane tire gotimasioacudirũgũaja yua. 13 Moisés ñamasir'ire bajiro bajirã me ñaja yua. Moiséma, Dios ñre ñ ñagõro bero, ñ rioga yaase yayirũtuasere, “Israelita masa ñaroma” yigu, ñ rũjoa jeoriaro jeotoomasifiñuju. Yũama, ñ yimasiriarore bajiro yaylor'i, masare gotimasioabetirũgũaja. 14 Tirãmũajũre quẽne Dios ocare ajitirũnũrũabetimasiñujarã israelita masa. To bajiri ñ ocare ajiboarine, “To bajiro yirũaro yaja”, yimasibetimasiñujarã. Adirũmũri quẽne to bajirone bajicõa ñaama ña. Cristore ajitirũnũrũã rĩne, Dios ocare ñacõari, ajimasiamã ña. 15 Tire mũare tudigotiaja yũ. Israelita masa, mani mũju Cristore ajitirũnũbeticõari, Moisés ñ ucamasire ajimasibeamã maji. 16 To bajiboarine, rojose ña yisere yitũjacõari, mani mũjũre ña ajitirũnũsũojama, ñnare ejarẽmogũmi, “Tire ajimasiatũ ña” yigu. 17 Mani mũjũre ajitirũnũsuorãre ejami Esp'iritu Santo. To bajiri, “Rojose mana ñaama” Dios ñ yĩavariquẽnarã ñari, “Dios ñ rotimasire mani yijeobeti vaja, rojose manire yirũcũmi Dios”, yitũõiabeaja mani. 18 Jesucristore ajitirũnũrũã ñari, “Quẽnarẽtogũ ñagũmi”, ñre yitũõiamasiaja mani. To bajiri, ñ bojarore bajiro yirũgũaja mani. To yirã rĩne, bũtobũsa ñre bajiro bajirũarãja mani, Esp'iritu Santo ñ ejarẽmorã ñari.

4

¹ Yũare ĩamaicõari, ĩ ocare yũare gotimasiorotiyumi Dios, masare. To bajiro yũare ĩ yijare, tire tũoĩavariquẽnacõari, ti ocare gotimasiodud-irũgũaja yũa. ² Masa bojoneosere yirã, yayioroju ĩna yirore bajiro yibeaja yũama. “Manire ajitirũnũato ĩna” yirã, masare yitobeaja yũa. Gãjerã, “Quẽnase bũjarãsa” yirã, ĩna masu ĩna tũoĩarujeorore bajiro gotimavisiobeaja yũa, “Manire ĩagũmi Dios” yirã ñari. To bajiri, “Quẽnaro gotimasioama Pablo mesa”, yũare yimasijedirãma masa. ³ Quẽnaro gotimasiorã yũa ñaboajaquẽne, jãjarã ñaama tire ajimasimena. Mani ujure ajiterã ñari, to bajiro bajiamã. Rojose tãmuotujabetiriaroju varona ñaama ĩna. ⁴ “Ajimasibeticõa ñato” Satanás ĩ yise ñajare, yũa gotimasiosere ajimasibeama. ĩ ñaami vãtia uju, Dios ĩ bojabetire masare ĩnare yirotiġu. Cristo, Diore bajiro bajigũ ĩ ñajare, ĩ oca quẽnamasusere ajitirũnũcõari, quẽnaro ĩre masa ĩna rãcũbuosere bojabeami Satanás. ⁵ “Yũajuare rãcũbuoya” yirã me, ti ocare gotimasiorũgũaja yũa. “Mani uju Jesucristojuare rãcũbuoato” yirãjuã yaja. Jesũre maicõari, muare moabosarãre bajirone bajirũgũaja, tire muare gotirã. ⁶ Dios, rẽmojuãe adi macarũcũro rẽtiaboarere busurotimasiũuju. Tire ĩ yimasiriarore bajirone ĩ yere manĩ ajimasibetiboarere manĩ ajimasirotire yiyumi. To bajiri, “Quẽnarẽtogũ ñaami Dios”, yimasija manĩ yucũrema yuja, Jesucristo quẽne quẽnamasugũ ĩ ñasere masirã ñari.

Cristore ajitirũnũcõari, quẽnaro ñare queti

⁷ Cristo ĩ gotiroticõariarã, ñamasurã me ñaja yũa. ĩ ocãjuã ñaja ñamasusema. Yũa masune yũa tũoĩasene masare gotimasioabeaja. Bũto tũoĩamasirã me ñaja yũa. To bajiro yũa bajisere bojagũmi Dios, “ĩna masise ĩna ye me ñaja. Dios yene ñaja” masa yũare ĩna yimasirotire yigũ. ⁸ Gãjerã bũto rojose yũare yirũgũama. To bajiro ĩna yiboajaquẽne, Dios ĩ bojarore bajiro gotimasiodõa ñarũgũaja yũa. Rojose tãmuoobarine, “¿No bajiro bajirãti?”, yitũoĩarejaibetirũgũaja. ⁹ Jãjarã yũare ĩaterã ĩna ñaboajaquẽne, Dioma yũa rãca ñacõa ñarũgũami. Cojosi me bũto rojose yũare yiboarine, sãbetirũgũama. ¹⁰ No bojaro yũa vacudiroju yũare sãruarã ñaama ĩna. Jesũre ĩna sãriarore bajiro yũare quẽne sãruama. “Yũare sãroma” yigũ, yũare quẽnaro coderũgũami Jesús. Tire ĩacõari, “Catigũ ñaami Jesús”, yitũoĩarũgũama masa. ¹¹ Jesũre ajitirũnũrã yũa ñajare, yũare sãruarũgũama masa. Yũare ĩna sãruaboajaquẽne, yũa caticõa ñasere ĩacõari, “Tudicaticõari, ĩnare ĩatirũnũrũgũami Jesús”, yĩĩamasire ñaja. ¹² To bajiro rojose tãmuoobarine, yũa gotimasiodcati ñajare, Jesũre ajitirũnũrã ñacoacaju mũa. To bajiri, mũa rijato beroju mũa catirotire Dios ĩ catisere ĩ ĩsicana ñaja mũa.

¹³ Masa yũare ĩna sãruaboajaquẽne, no yibeaja yũare. Sĩgũ Dios ocare ucamasir'i Diore ĩ ajitirũnũriarore bajiro ajitirũnũcõa ñaja yũa quẽne. Ado bajiro gotiaja ĩ ucamasire: “Diore ajitirũnũgũ ñari, ĩ ocare masare gotimasioaja yũ”, yigotiaja Dios oca ĩ ucamasire. To bajiro tũoĩaja yũa quẽne. Diore ajitirũnũrã ñari, yũa catiũaro cõro ĩ ocare gotimasiodõa ñaruarãja yũa. ¹⁴ Ado bajiro tũoĩarã ñari, masa yũare ĩna sãruasere gũibeaja yũa: “Mani uju, Jesús ĩ rijacoaboajaquẽne, ĩre catioyumi Dios. To bajiri, Jesús yarã manĩ ñajare, manire quẽne, catiorũcũmi Dios”, yitũoĩaja yũa. “Muare quẽne catiocõari, ĩ ñaroju õ vecaju manire ĩna varũcũmi Dios”, yitũoĩaja yũa. ¹⁵ Ado bajiro tũoĩarã ñari, “Yũa rãca varũarãja mũa”, yibũ yũa: “Mani gotimasiosere ajirona quẽnase bũjato ĩna’ yirã, rojose

tām̄orūgūaja mani”, yit̄oīaja yua. To bajiri mani ʋj̄u ocare gotimasiorā ñari, rojose tām̄orā ñaboarine, tire gotimasiocōa ñaja, “Jājarāb̄usa Jesu-cristore ajitir̄n̄ar̄ūt̄uajaro” yirā. “Manire ĩamaicōari, quēnaro yami Dios”, yivariquēn̄ar̄āma ĩre ajitir̄n̄ar̄ā. To bajiri, jājarāb̄usa ñar̄ūt̄uar̄āma ĩre quēnaro r̄uc̄buorā.

¹⁶ To bajiri, Dios, quēnaro yuare ĩ yijare, tire t̄oīavariquēnacōari, ĩ bojarore bajiro yirūgūaja yua. Yua rujuj̄uama butobusa ti bucuajedi vaboajaquēne, yu t̄oīasejuama tocārācar̄m̄une butobusa quēnase yir̄ua t̄oīar̄ūt̄uana yaja yua, Dios ĩ ejarēmose rāca. ¹⁷ Adigodo ñarā, rojose yua tām̄orūgūse yoaro mene jedicoaroti ñaja. Beroju Dios ĩ ñaroju, jedibetirotire, quēnamasusere bujar̄ar̄āja yua. ¹⁸ “Mani rujuaye, mani ĩase jediro, yoaro me jedicoar̄aroja. Mani ĩabujabetij̄uama, ñacōa ñarūgūroti ñaja”, yit̄oīaja yua. To bajiri yua ĩase, tire buto t̄oīabetirūgūaja yua. Diore, to yicōari, ĩ ye yua ĩabujabetij̄uarema buto t̄oīarūgūaja.

5

¹ To bajiri mani rujuama, vire bajiro bajiruju ñaja. Vi ti boarore bajirone, mani ruju quēne boar̄aroja. Ti boacoaboajaquēne, mani rijato beroju gajeruju manire vasoar̄uc̄umi Dios, ō vecaju. Ti rujuama, boabetiruju ñar̄aroja. To bajiro ĩ yirotire j̄ere masiaja mani. ² To bajiro mani bajiroti ti ñajare, cojojirema adigodoju ñarā, buto rojose tām̄oboana, ō vecaju mani ñarotiruju rācaju ñarua t̄oīarūgūaja mani. ³ Adir̄am̄ari mani ʋj̄u ĩ tudiejajama, buto quēnar̄aroja. Gājerā rijariarā gaje ruju Dios ĩ vasoabetiriarā t̄uj̄ere vabetir̄ar̄āja mani. Riojone gaje ruju vasoar̄ar̄āja, to bajiro ĩ bajijama. ⁴ To bajiri, cojojirema adigodo ñarā, rojose tām̄oboana, ruju cuti quejerūgūaja mani. Tire mani yijama, “Bajiyayir̄uaja” yirā me yaja. Bajiyayibetiboarine, rijabetiruju bojarā yaja. ⁵ Mani t̄oīarujeore me ñaja ti, mani ruju vasoaroti. Dios ñaami, “Gaje ruju vasoar̄ar̄āma” yir̄’ima. To yicōari, Esp̄’iritu Santore manire cōañumi, “‘Dios ĩ gotiriarore bajirone mani rujuere vasoar̄uc̄umi’ yimasiato” yiḡu.

⁶ “Maji adigodoju ñarā, mani ʋj̄u Cristo ĩ ñaroju ejamasibeaja”, yimasi-aja. To bajiri mani bajirotire t̄oīa yurā, tire t̄oīavariquēnaja mani. ⁷ Adigodo ñarā, Cristore ĩabetiboarine, “Ī gotiriarore bajirone quēnaro yir̄uc̄umi”, ĩre yit̄oīarūgūaja mani. ⁸ Adoju to cōrone ñaruaja mani, mani ʋj̄u ĩ ñarojuere mani varotire yirā. ⁹ To bajiri adigodoju ñarā quēne, ō vecaju mani ñarā vajaquēne, Dios ĩĭavariquēnase r̄ine yir̄uar̄ūgūaja. Diseju gajeye ñamasuse maja manire. ¹⁰ Cojor̄am̄u mani jediro Cristo ĩ ĩaro r̄ĭjoroju ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yīĭabeser̄uc̄umi. Yīĭamasicōari, manire vaja yir̄uc̄umi.

“Cristo ĩ rijabosare s̄urine Dios ĩ ĩavariquēnarā ñaja mani”, Pablo ĩ yire queti

¹¹ To bajiro ĩbeser̄im̄u ti ejaro, “Rojose ĩnare yiromi” yirā ñari, “Īre ajitir̄n̄uato” yirā, ĩnare gotimasiorūgūaja yua. “To bajirone t̄oīaama Pablo mesa”, yuare yimasiḡumi Dios. M̄ua quēne, to bajirone m̄ua yit̄oīasere bojaja yua. ¹² Tire m̄uare yua gotijama, yuare m̄ua ĩavariquēnasere bojarā me yib̄u yua. Ado bajiroju bajiaja: Yuare ñagōmacarāre, “Ado bajiro t̄oīacōari, cudimasiato” yirā, tire m̄uare gotib̄u yua. Yuare ñagōmacarā ñaama, gāji ĩ t̄oīasere masibetiboarine, “Quēnaḡu ñaami”, yit̄oīar̄āma. Quēnaro ĩ bajisere ĩacōari, “Quēnaḡu ñaami”, yīĭarā ñaama. ¹³ Yuare ñagōmacarā s̄iḡuri, “T̄oīamasimena, mec̄urimasa ñaama Pablo mesa”,

yuaare yirāma. No yibeaja ti. Dios ĩ bojarore bajiro masare gotimasioaja yua. Gājerāma, “Quēnaro yitomasirā ñarāma”, yuaare yiñagōmacarāma. Ti quēne, no yibeaja. “Muaare yitorā yama” muaare ĩna yiboajaquēne, tire ajicōari, Dios ye quēnase bujaja mua. ¹⁴ “Manire ĩamaiami Cristo” yituoīacōari, ĩre cudiruaaja yua. Manire buto ĩamaigū ñari, rojose mani yise vaja manire rijabosayumi. To bajiri, “Īre ajitirūnarē manire ĩ rijabosare ñajare, mani quēne ĩ rāca rijariarē bajiro bajiyuja”, yituoīaja mani. ¹⁵ “Rojose yitujacōari, yu bojasejuaare yimasiato” yigu, ĩre ajitirūnarōnare manire rijabosayumi Cristo. Ī rijato bero, tudicaticōari ĩ ejarēmose ñajare, ĩre ajitirūnūmasiaja mani. ¹⁶ Tirūmujama, Cristore, to yicōari, gājerāre quēne, ĩna tuoīasere masibetiboarine, “Ānoa ñaama quēnarā; ānoa ñaama rojorā”, yituoīariarāja mani maji. Cristore ajitirūnucōari, to bajiro tuoīabeaja mani yuja. ¹⁷ To bajirone bajiaja Cristore ajitirūnarā jedirore. Cristore ajitirūnūsuorā, Esp'iritu Santore suorā ñari, rojose ĩna yirūgūrere yirua tuoīabetirūgūama.

¹⁸⁻¹⁹ Dios ñaami, “To bajirone tuoīato” manire yigu. Tirūmujū ĩ terā mani ñaboajaquēne, Cristo ĩ rijabosare suorine, ĩ yarā, ĩ ĩvariquēnarā mani ñarotire yiyumi. Rojose mani yisere masiriocōari, “Rojose mana ñaama”, manire yiñagūmi. To yicōari, “Gājerā quēne, yu ĩvariquēnarā ñato ĩna” yigu, ĩ ocare yuaare gotimasiodudi roticōañumi. ²⁰ To bajiri, Cristore gotirētobosarimasa ñaja yua. Muaare yua gotimasiojama, Dios ĩ masune vadicoari, ĩ gotiroti ũnirene gotimasiorūgūaja. Cristore gotirētobosarā ñari, ado bajiro masare buto sēniarūgūaja yua: “ ‘Rojose yua yisere masirioya mu; mu ĩvariquēnarā ñaruaja’ ¿Diore yirūabeati mua? ”, ĩnare yirūgūaja yua. ²¹ ĩie rojose yibecu ĩ ñaboajaquēne, “Rojose yigu ñaja mu” ĩre yigure bajiro ĩ macure rijaroticōañumi Dios, “Rojose ĩna yisere ĩnare vaja yibosaya” yigu. “Cristore ajitirūnarōnare, ‘ĩie rojose mana ñaama’ ” manire ĩ yiñarotire yigu, yiyumi.

6

¹ Dios ĩ ejarēmose rāca ĩ yere gotimasiorā ñari, ado bajiro muaare rotiaja yua: Dios, muaare ĩamaicōari, quēnaro ĩ yire ñajare, ĩ ejarēmose rāca ĩ bojarore bajiro quēnaro yirūgūña. ² Dios ocare masa ĩna ucamasire ado bajiro ti gotiaja:

“Muaare yu yirēmōrūrūmu ti ejaro, mua sēnisere ajicōari, muaare quēnaro ejarēmōrūcūaja yu, rojose mua tāmūosere muaare yirētobosagu”, yigotiaja Dios ocare masa ĩna ucamasire.

Quēnaro ajiya mua. Yucune ñaja rojose mani tāmūosere Cristo suorine Dios manire ĩ yirētobosarirūmu. To bajiri yucune ĩre mua sēnijama, “Yu bojase yimasiato” yigu, muaare ejarēmōrūcūmi.

³ To bajiri, Dios ocare gotimasiorā, gājerājua “ ‘Socaserene gotiama’ yuaare yiroma ” yirā, rojose yibetirūgūaja yua. ⁴ ĩajediro yua bajisere ĩacōari, “Dios ĩ bojarore bajiro yirā ñaama Pablo mesa”, yimasiama masa. Cojoi me gājerā rojose yuaare ĩna yiboajaquēne, ĩnare gāmebeaja yua. Buto rojose tāmūoboarine, tire tuoīarejaimenane, Dios ĩ bojarore bajiro yicōa ñaja yua. Ado bajiro rojose tāmūorūgūaja yua: ⁵ Yuaare ĩna bajarūgūse, tubiberiaviju yuaare ĩna tubiberūgūse, rējacōari, rojose yuaare yiruarā yuaare ĩna tud'irūgūse, to bajicōari, buto moarā ñari cojojirema ñamire quēne busuocōarūgūcaju. To bajicōari, cojoi me ñiorijarūgūcaju. To bajiboarine, Dios ĩ bojarore bajiro yicōa ñacaju yua. ⁶ Gajeyere quēne ado bajiro

yua bajisere ĩacđari, “Dios ĩ bojarore bajiro yirā ñaama Pablo mesa”, yuare yimasama masa: “Rojose yirobe” yirā, quēnase tŕoĭarŭgŭaja yua. Dios ocare quēnaro masiaja. Gājerā rojose yuare ĩna yiboajaquēne, ĩnare jŭnisinibeaja yua. Socarā mene gājerāre mairā ıari, ĩnare quēnaro yirŭgŭaja. Espiritu Santo, yua rāca ñacđari, yuare ejarēmorŭgŭami. ⁷ Dios oca, riojo ti gotirore bajirone gotimasiorŭgŭaja. Dios ĩ ejarēmose rāca ĩ bojarore bajiro yirŭgŭaja. To bajiro yirŭgŭaja, “Vātia ũju Satanás manire rojose ĩ yiro-tisere cŭdirobe” yirā, to yicđari, “Gājerā, rojose yitŭjato” yirā. ⁸ Cojojirema yuare rŭcubuoama masa. Gajerŭmurema rŭcubuoameama. Cojojirema quēnaro yuare ñagđama. Gajerŭmurema rojose yuare ñagđama. “Socarimasa ñaama Pablo mesa” masa yuare ĩna yitŕoĭaboajaquēne, riojo gotimasioaja yua. ⁹ No bojaro yua vato, “Gājerā ñaama” masa yuare ĩna yĭaboajaquēne, yuare quēnaro masiama sĭgŭari. Cojoji me “Rojose yibŭ mŭa” yigoticđari, yuare ĩna sĭarŭaboajaquēne, caticđa ñacaju yua. ¹⁰ Cojojirema bŭto sŭtiritirā ñaboarine, mani ũju quēnaro ĩ yisere, to yicđari, quēnaro ĩ yiro-tisere tuditŕoĭacđari, variquēnarŭgŭaja yua. Maioro bajirā yua ñaboajaquēne, Dios ocare masare yua gotimasiose sŭorine, Dios ye quēnamasuse bŭjaama ĩna. “Ñie mana ñaama Pablo mesa” masa yuare ĩna yigotiboajaquēne, Dios ye quēnamasuse ĩ ũjose jediro sŭorā ñaja yua.

¹¹ Corinto macana, yuare ajiya. Yua tŕoĭase cōro mŭare gotijeojaja yua, mŭare bŭto mairā ıari. ¹² Quēnaro gāmerā maire ti manijama, yua sŭori me bajiroja. Mŭare bŭto yua maiboajaquēne, mŭajuama, yuare maimenaja. ¹³ Jacŭ ĩ rĭare maigŭ ĩ ñagđore bajiro mŭare ñagđaja yu. Mŭare yu maiore bajirone yure maiña mŭa quēne.

“Mani ũsŭju Dios ĩ ñajare, Cristore ajitirānŭmena rāca baba cŭtibetiroti ñaja manire”, yire queti

¹⁴ Cristore ajitirānŭmena rāca baba cŭtibesa mŭa. Dios ĩ bojase yirā, Dios ĩ bojabeti yirā rāca ĩna baba cŭtijama, ĩno bajiro ĩna yisere ĩavariquēnaguĭda Dios? Bususere bajiro me bajiaja rētiase. Busuroju rētiabeaja. Rētiarojuŭa, busubeaja. Tĭre bajirone bajiroti ñaja Cristore ajitirānŭrāre quēne. Cristore ajitirānŭmena rāca baba cŭtibetiroti ñaja. ¹⁵ “Ado bajiro yiroti ñaja” Cristo ĩ yijama, ĩre ajicđari, ĩ “Mŭ gotirore bajirone tŕoĭaja yu quēne”, yicđiguida Satanás? Sĭgŭre bajiro tŕoĭarā me ñaama. To bajiro bajiaja mani Cristore ajitirānŭrā quēne. ĩre ajimena ĩna tŕoĭarore bajiro tŕoĭabeaja mani. ¹⁶ Dios yarā ñaja mani, ĩre ajitirānŭrā. To bajirone gotiaja Dios ocare masa ĩna ucamasire. Ado bajiro gotiaja ti: “Yu yarā ũsŭju ñarŭgŭrŭcŭja yu. No bojaro ĩna ñaroju ĩna rāca ñarŭgŭrŭcŭja. ĩna rŭcubuoogu ñarŭcŭja yu. To bajicđari, yu yarā ñarŭarāma ĩna”, yigotiaja Dios ocare masa ĩna ucamasire.

To bajiri, Dios yarā ñaboarine, ĩna masu ĩna quēnorŭeoriarāre rŭcubuoarā rāca baba cŭtirāda mani?

¹⁷ ĩna rāca baba cŭtibetiroti ti ñajare, gajeye Dios ocare masa ĩna ucamasiriarore bajiro yiroti ñaja mŭare. Ado bajiro gotiaja ti, mani ũju ĩ gotimasire:

“Yuare ajimenare cāmotadiya mŭa. ‘Dios ĩ bojabeti yirobe’ yirā, ĩnare baba cŭtibesa. To bajiro mŭa yijama, yu yarā ñarŭarāja mŭa”, yigotiami mani ũju.

¹⁸ “Mŭa jacŭ ñarŭcŭja yu. To bajicđari, yu rĭa ñarŭarāja mŭa”, yigotiaja Dios ocare masa ĩna ucamasire, masijeogu mani ũju ĩ ñagđore.

7

¹ Dios i gotimasire to bajiro manire ti gotijare, i bojarore bajiro jediro rojose mani yise yitujacōari, ire rūcubuoṛā ñari, i bojase rīne yito mani, “Rojose mana ñato” yirā.

Corinto macana, rojosere yitujacōari, quēnasejuare ina yire

² Quēna ado bajise m̄are gotiaja yua: Yuaire maiña m̄ua. Ñimujuare rojose yibeticaju yua. Ñimujuare rojose yirobeticaju. Ñimujuare yitobeticaju yua, “Yua masurio quēnase bujarāsa” yirā. ³ Tire m̄are yua gotijama, “Pablo mesare ñagōmacarā, rojose yiyuja mani” m̄ua yirotire yirā me yaja. “Ñie rojose yibeticama Pablo mesa” m̄ua yirotiujare yirā yaja yua. Jēju yua gotirore bajirone m̄are tudigotiaja yua: Buto m̄are maiaja yua. M̄ua bajireacoajaquēne, m̄ua caticōajaquēne, m̄are maitujabetiruarāja yua. ⁴ “Quēnaro yirā ñaama Corinto macana; yua gotirore bajirone cudiruarāma” m̄are yituoīacōari, rojose tām̄uoṛā ñaboarine, buto variquēnaja yua.

⁵ “Macedonia sitaju eacōari, rojose tām̄uomenaja mani”, yituoīaboacaju yua. Adoju quēne buto rojose tām̄uocaju. Yuaire īatecōari, tud'irūgūcama. To bajiri, “¿Jesure ajitirūnūrā, ire ajitirūnū tujarāti?”, yituoīarejaicaju yua. ⁶ Dios ñaami tuoīa sutiritirāre, “Tuoīa variquēnato” yigu. To bajiri, tuoīa sutiritirā ñaboarine, Dios i ejarēmose rāca tuoīavariquēnamu yua. Tito i ejase suorine, “Tuoīa variquēnato”, yuaire yiyumi Dios. ⁷ Tito ejasere variquēnacōari, gajeyere quēne variquēnamu. M̄ua bajisere i ñavariquēnare quetire ajicōari, variquēnaja yua quēne. Ado bajiro m̄ua bajisere yuaire gotimi: “Buto m̄are īaruaama Corinto macana. ‘Rojose mani yicati suorine buto sutiritiyuju Pablo’ yire quetire ajicōari, buto sutiritima. M̄are rūcubuoṛā, m̄u ucacatore bajirone yima”, yuaire yigotiejami Tito. To bajiro i yisere ajicōari, butobusa variquēnaja yu.

⁸ Tirām̄uju papera m̄are yu ucacōaro bero, “Tire īacōari, sutiritiruarāma ina. To bajiri cōabetiroti ñaboayuja”, yituoīa sutiriticaju yu maji. To bajiboarine, sutiritibeaja yucurema, “Yoaro me sutiritiriarāma” m̄are yimasigū ñari. ⁹ “‘Sutiritiatio ina’ yigu yiyuja yu” yigu me, variquēnaja yu. “Sutiriticōari, rojose ina yicati yitujacōari, quēnase tuoīañuma” yigu, variquēnaja yu. To bajiro m̄ua bajisere bojayumi Dios. To bajiri tirām̄uju m̄are yu papera cōacati, m̄are quēnañuja ti. ¹⁰ Rojose yigure, “Rojose tām̄uoato” yigu ñaami Dios. To bajiro i yijama, “Rojose i yisere yitujacōari, yujuare ajitirūnūato” yigu, yiyumi. To bajiro i bajijama, rojose i tām̄uoborotire ire yirētobosarucumi Dios. Diore ajiterājuama, rojose ina yisere tuoīa sutiritibeama ina. To bajiri, rojose tām̄uotujabetiriaroju varuarāma inama. ¹¹ M̄ua rāca yu ñaro, “Rojose mani yijama, mani yibetijaquēne, no yibeaja”, yituoīaboacaju m̄ua maji. “Mani yisere ñavariquēnabeami Dios”, yijūnisiniriarāja m̄ua. Dios m̄are i ñavariquēnabetire tuoīa gūiriarāja m̄ua. “Manire oca ñaja. Tire oca quēnoroti ñaja”, yiyuja m̄ua. Dios i ñavariquēnasere bojarā ñari, yu ucacōacatore bajiro yivariquēnañuja m̄ua. Rojose yir'ire rojose i yire vaja, rojose ire yiyuja m̄ua. To bajiri, “Quēnaro yiyuma ina. Ñie rojose maja ñare”, m̄are yituoīaja yu yuja. ¹² Tirām̄uju m̄are papera cōagū, m̄ua rācagu rojose yir'i, to yicōari rojose yiecor'ire quēne buto tuoīabeticaju yu. M̄ajuare quēnaro tuoīagū ñari, m̄are ucacōacaju yu. “‘Pablore rūcubuoṛā ñari, i rotirore bajiro yama ina’ Dios i yīlāmasisere tuoīamasiato” yigu, ucacaju yu.

¹³ To bajiri quēnaro m̄ua yirere t̄uoīacōari, variquēnaja ȳua. “Quēnaro īna yicatire īacōari, ȳu t̄uoīarejaiboacatire t̄uoīa t̄ujacōari, variquēnacaju ȳu”, yigotimi Tito. To bajiro ī yijare, b̄utobusa m̄uare variquēnaja ȳua. ¹⁴ M̄ua t̄uju Titore ȳu cōaroto r̄ijoro, ado bajiro īre yicaju ȳua: “Īnare ȳu usacōasere quēnaro c̄udiruarāma Corinto macana”, Īre yicaju ȳua. Īre ȳua goticatore bajirone quēnaro c̄udiyuja m̄ua. To bajiri, tire ajivariquēnaja ȳua. ¹⁵ M̄ua t̄uju ī ejaro, b̄uto r̄uc̄ub̄uose r̄āca Īre m̄ua b̄ocaām̄irere, to yicōari, Īre quēnaro m̄ua c̄udirere t̄uoīab̄ujacōari, b̄utobusa m̄uare maiami Tito. ¹⁶ “Ȳu rotise, josase ti ñaboajaquēne, quēnaro c̄udiruarāma” m̄uare yit̄uoīacōari, b̄uto variquēnaja ȳu.

8

“Maioro bajirāre variquēnase r̄āca ejarēmojama, quēnaja”, yire

¹ Ȳua mairā, gajeyere m̄uare gotiḡu yaja: Adoana, Macedonia sitanare, Cristore ajitir̄unur̄are, Dios, Īnare Īmaicōari, quēnaro ī yise s̄uorine quēnaro īna yicati queti m̄uare gotiḡu yaja. ² B̄uto rojose t̄ām̄uoboarine, variquēnase r̄āca Diore ajitir̄unuc̄ōa ñaama. To bajicōari, jairo ḡājoa c̄uomenā ñaboarine, ḡājerāre ejarēm̄uarā, īna c̄uose cōro juarēoñuma. ³ Īna c̄uoro cōro ĩsicama. Bajibeaja. “Īsiec̄uarāma īna” yiboariaro r̄etobusaro ĩsiecocama. Īacaju ȳu, to bajiro īna yiro. ⁴ Īnare ȳu s̄ēnibetiboajaquēne, ado bajiro ȳure yicama: “Jerusalén macana Cristore ajitir̄unur̄ā maioro bajirāre b̄uto ejarēm̄ouaja ȳua. To bajiri adi ḡājoa ȳuare juabosa vacōari, m̄ua ĩsijama, b̄uto quēnaruroja”, ȳuare yicama. ⁵ Ȳua t̄uoīaboacato r̄etoro quēnaro, ado bajiro yicama: “M̄u bojarore bajiro yir̄uaja ȳua”, Diore Īre yisēni gajanocōari, “Ī bojarore bajiro m̄uare c̄udiruarāja”, ȳuare yicama. ⁶ To bajiri, “Adoana Macedonia sitana īna juarēoriarore bajiro, m̄ua, Corinto macana quēne m̄ua yijama, quēnaruroja” yit̄uoīacōari, m̄uare ḡājoa juarēorot̄is̄uor̄ire Titore tudivarot̄iaja ȳua. “Toju vacōari, ḡājoa īna juarēorere juarēojeoba m̄u”, Īre yaja ȳua. ⁷ Ḡājerā Cristore ajitir̄unur̄ā r̄etobusaro Īre ajitir̄unur̄ā ñaja m̄ua. To bajiri ī ocare quēnarobusa gotimasiaja. To bajicōari, īna r̄etobusaro ȳuare mairā ñari, īna r̄etobusaro Dios ī bojarore bajiro ȳuare ejarēmo variquēnarā ñaja. To bajiri, maioro bajirāre quēne t̄uoīamaicōari, ḡājerā īna cōase r̄etoro ḡājoa m̄ua cōajama, quēnaruroja.

⁸ To bajiro m̄uare ȳu yijama, rotiḡu me yaja ȳu. “Tire ajicōari, maioro bajirāre ḡājerā īna ejarēmo variquēnase r̄etoro Īnare ejarēmo variquēnato mani” m̄ua yiotire bojagu, adi sitana quēnaro īna yicatire m̄uare gotib̄u ȳu. To bajiro m̄ua yijama, “Socarā mene maioro bajirāre mairā ñaja ȳua” yirā, yirāja m̄ua. ⁹ Mani ūju, Jesucristo, ado bajiro quēnaro manire ī yire ñajare, “Quēnaro Īnare ejarēm̄oto mani”, yit̄uoīaroti ñaja m̄uare: Manire Īmaicōari, ī rijabosarere masiaja m̄ua. Diorāca jediro c̄uogu ñaboarine, manire Īmaiḡu ñari, adigodojure vadicōari, maioro bajigu ñacoasuju ĩ. To bajiro bajiyuju, Diorāca quēnaro ñacōari, ñiejua manire r̄uyabetirotire yiḡu.

¹⁰ M̄uare rotibetiboarine, quēnaro m̄ua ñarotire bojagu ñari, ȳu t̄uoīasere ado bajiro m̄uare gotiḡu yaja ȳu: R̄ijoroaga c̄ūmare quēne, variquēnase r̄āca Īnare ejarēm̄oua t̄uoīas̄uoyuja m̄ua. To yicōari, ḡājoa juarēos̄uoyuja m̄ua. ¹¹ To bajiri, “Maioro bajirāre mani ejarēm̄oua t̄uoīavariquēnas̄uocatore bajirone juarēojeocōato mani”, yivariquēnaña. Īna ĩsiro cōrone juarēocōari,

cōaña. ¹² “Jairo mani ĩsibetijama, ĩvariquēnabecumi Dios”, yituoĩabesa. Jairo suorā, mojoroaca suorā quēne, mani ĩsimasiro cōro mani ĩsivariquēnajama, manire ĩvariquēnagūmi Dios.

¹³ “Maioro bajirāre ejarēmoña” yu yijama, “Cōajeocōaña” yigu me yaja yu. “Maioro bajirāre gājoa cōajeocōari, maioro bajiya mua” yigu me yaja. ¹⁴ “Cristore ajitirānūrā, nijane maioro bajirā manicōato” yigu yaja. Adirāmurirema mua űaja jairo suorā. To bajiri, “Maioro bajirā űaama ĩna” yire quetire ajicōari, gājoa ĩnare mua cōajama, quēnaruroja. To bajiri, ĩna quēne, maioro mua bajise quetire ajicōari, mware ejarēmoruarāma. To bajiri űiejua ruayabetoja ĩnare, mware quēne. To bajiro mani yijama, cojoro cōro suorā űaruarāja mani jediro. ¹⁵ To bajiro mani yijama, Dios ocare masa ĩna ucamasire ti gotirore bajiro cudirā yiruarāja mani. “To bajirone bajiruroja”, yucamasiñumi Moisés, israelita masa ĩna juarēoro bero, cojoro cōro cōĩacōari, ĩna ĩsibatomasire űajare. Ado bajiro gotiaja: “Jairo juarēoriarā űaboarine, ĩna bojaro rētoro bujabeticama ĩna. Gājerāma, mojoroaca juarēoriarā űaboarine, ĩna bojaro cōro bujacama”, yigotiaja Dios ocare Moisés ĩ ucamasire.

“Mua taju Tito mesare cōagū yaja”, Pablo ĩyire queti

¹⁶ Mware tuoĩamaicōari, buto yu ejarēmoruro cōro mware ejarēmoruami Tito quēne. “To bajiro tuoĩato ĩ” yigu, yiyumi Dios. To bajiro ĩ yijare, “Quēnaro yaja mu”, Diore ĩre yaja yu. ¹⁷ “Corinto macanare quēna mu ejarēmogū vajama, quēnaruroja” yua yisēniāsere ajicōari, buto variquēnami Tito. Mware buto ejarēmoruagu űari, “Yure mua sēniaroto rĳjorojane, yu masu yu tuoĩase rāca, ‘Yucane varucuja’ yituoĩamu yu”, yuare yimi.

¹⁸ Tito rāca varocure, yua maigūre cōaja yua. ĩ űaami, manire bajirone Cristore ajitirānugū. ĩre ajitirānūrā jediro, “Cristo oca quēnasere quēnaro gotirētobumasigū”, ĩna yirucubogū űaami. ¹⁹ Cristo ocare quēnaro gotirētobugū rĳ me űaami. Adoana, Macedonia sitana, Cristore ajitirānucōari rējarūgūrā, “Gājoa manire juabosarāre ejarēmoruami” yirā, ĩna besecacū quēne űaami. Ti gājoa, maioro bajirāre yua ĩsiroti suorine, “Maioro bajirāre quēnaro ejarēmo variquēnārā űaama, Cristore ajitirānūrā”, yituoĩaruarāma masa. To yicōari, mani uju Jesucristore rucuboruarāma. ²⁰ “Pablo mesa ĩna masune ĩna yireajare, gājoa eja-betoja” ĩna yigōjarotire bojamena űari, yuare baba cutirocure ĩre bojajaju yua quēne. ²¹ “Quēnaro yama” Dios ĩ yĳvariquēnase rĳ mere bojaja yua. Masa quēne, to bajise ĩna yĳvariquēnasere bojaja.

²² To bajiri, gājire cōaja yua, Tito mesa rāca. Cristore ajitirānugū űari, mani yu űaami ĩ quēne. ĩre ĩamasirā űari, “Quēnaro yigu űaami”, ĩre yimasiaja yua. Cojopi ruayabeto quēnaro ejarēmo variquēnarūgūami. To bajicōari, “Corinto macana quēnaro cudiana ĩna” Tito ĩ yisere ajicōari, butobusa mware ejarēmoruami. ²³ To bajiri Tito, to yicōari, ĩ babarā juarā űaama, mua taju yua cōarā. Jēre Titore ĩre masirāja mua. ĩ űaami yu baba, “Cristore quēnaro ajitirānūato” mware yigu, yu rāca moarūgūgū. Gājerā juarā, Titore baba cuti vana, Jesucristore ajitirānūrā űari, mani yarā űaama ĩna quēne. “Quēnaro yirā űaama” adi macariana ĩna yĳarā, mua taju ĩna cōarā űaama. Quēnaro ĩna yise suorine Cristore quēnabusaro rucuboaama masa, adi macariana. ²⁴ Mua taju ĩna ejaro, quēnaro ĩnare yiba. “Cristore ajitirānūrāre ĩamairā űaama Corinto macana” yaja yua, adi

macarianare Tito mesare cōarāre. To bajiri ĩnare quēnaro mua yijama, “Riojo yama Pablo mesa”, yiruarāma ĩna.

9

Cristore ajitirūnarāre maioro bajirāre ejarēmore queti

1-2 “Cristore ajitirūnarāre maioro bajirāre ejarēmorā, gājoa juarēocōari mani cōajama, quēnaruarōja”, yituoīarā ĩaja mua. To bajiri, mua cōarua tūoīase quetire masigū ĩari, “To bajiro mua yijama, quēnaruarōja”, muare yucabetiroti ĩaboaja. Adoana, Macedonia sitanare, ado bajiro ĩnare goticaju yu: “Acaya sitana, Corinto macana, mani mairā, jēre i cūma ‘To bajiro yiroti ĩaja’ yisuojujarā”, ĩnare yicaju yu, muare. Tire ajicōari, “Mani quēne to bajirone yiroti ĩaja” yituoīacōari, jājarā gājoa ĩsicama. 3 To bajiro yisuararā mua ĩaboajaquēne, yu varoto rĳoro Tito mesare cōaja yu. “Gājoa juarēocōari, yure yuato” yigu, ĩnare cōaja yu. Adoanare gotirā, “Yu ejaroto rĳoro gājoa juarēocōari, yuruarāma”, yaja yua, muare. To bajiri mua taju yu ejarō, “Gājoa juarēojeobeaja maji” mua yisere ajiruarabeaja yu. Adoanare ĩnare yu gotirore bajiro mua bajirotire bojaja. 4 Adoana Macedonia sitana sigāri yure ĩna baba cūti vajama, gājoa manone muare ĩna ĩrotire bojabeaja. “Corinto macanare quēnaro masiaja. Yu ejaroto rĳorojune, gājoa juarēojeocōaruarāma ĩna”, yaja yua, adoanare gotirā. To bajiri, mua cūo yubetijama, bojoneruarāja yua. Mua quēne, bojoneruarāja. 5 Mani bojonerotire bojabecu ĩari, yu varoto rĳoro, Tito mesare mua taju ĩna vasere bojaja. “Īsiruarāja” mua yigotiriarore bajirone mua ĩsirotire yirā, muare ejarēmoruarāma ĩna. To bajiri yu ejarone, ĩsicōaruarāja mua. To bajiro mua yijama, “Pablo, ejacōari, ĩnare ĩ ĩsirotijare, ĩsiterā ĩaboarine, ĩsiñujarā”, yire maniruarōja. “Pablo ĩ ĩsirotibetiboajaquēne, ĩna masune maioro bajirāre tūoīamaicōari, ĩsivariquēnañujarā”, yirejua ĩnaruarōja.

6 Gājoa ĩsiroana, gotimasiore quetire masiritibeja: “Oterimasu, mo-joroaca ĩ otejama, mojoroaca ti ricare bujarucumi. Jairo oteguma, jairo bujarucumi”.^b 7 To bajiri tocārācu, “Ado cōro ĩsirucuja yu” mua yituoīaro cōro mua ĩsijama, quēnaruarōja. Gājoa mailboarine, mua ĩsijama, quēnabetoja. Mua ĩsiteboajaquēne, gāji ĩ ĩsirotijare, mua ĩsijama, quēnabetoja. Mua masune ĩsiruarā, mua ĩsijama, quēnaruarōja. ĩsivariquēnarāre ĩamaiami Dios. 8 To bajiro mua yisere ĩacōari, quēnaro muare yirucumi Dios. Mua bojaro rētoabusaro cōarēmorucumi. To bajiro manire yami, “Gājerāre ejarēmorā, ĩajediro quēnaro ĩna yiro bero, ĩiejua ruyabeticōato” yigu. 9 “To bajiro quēnaro mani yisere bojaami Dios”, yimasiaja mani, Dios ocare masa ĩna ucamasire quēnaro yigure ado bajiro ti gotijare:

“Maioro bajirāre jairo ĩsirūgūami. To bajiro quēnaro ĩ yirūgūsere masiritibeticōari, quēnaro ĩre yirucumi Dios”, yigotiaja Dios ocare masa ĩna ucamasire.

10 Dios ĩnaami “Ote aje cūoato” yigu, manire cōagū. Ti ote aje suorine bare rĳi mere bujaja mani. Quēna gajeye ote aje mani oterotire quēne bujaja mani. Tire bajiro bajaia Dios quēnaro manire ĩ yise. “Ado bajiro bajiato” yigu, quēnaro manire yami: Quēnaro manire ĩ yise suorine, cojoji me quēnaro yaja mani. Quēna gajerāmurema gājerāre quēnaro yimasiaja mani. Gājerā quēne, quēnaro mani yirā, gājerāre quēnaro yimasiamā ĩna

^b 9:6 Ado bajiro manire gotimasioro yaja ti queti: Gājerāre ejarēmorā, ĩsiterā ĩari, mojoroaca mani ĩsijama, Dios ye quēnamasuse, mojoroaca manire ujoarucumi. ĩsivariquēnarā ĩari jairo mani ĩsijama, jairo quēnamasuse manire ujoarucumi.

quēne. “To bajiro bajiato” yigu, quēnaro manire yami Dios. ¹¹ Jairo mware ĩsirũgũrũcũmi Dios, “Maioro bajirāre ejarēmoato” yigu. To bajiro mua yijama, “Quēnaro yaja mu”, Diore ĩre yiruarāma jājarā masa. To bajirone yiruarāma Jerusalén macana Cristore ajitirũnurā quēne. Gājoa mua juarēore yu juaejasere ĩacōari, “Quēnaro yaja mu”, Diore ĩre yiruarāma ĩna. ¹² To bajiri, gājerā Cristore ajitirũnurā, maioro bajirāre gājoa mua cōaroti, ĩna rĩ mere quēnaruaroja. Tire ĩacōari, “Quēnaro yaja mu” ĩre ĩna yiroti ti ñajare, Diore quēne quēnaruaroja. ¹³ Gājoa ĩnare mua cōasere ĩacōari, “Cristore ajitirũnurā masu ñarāma Corinto macana. Manire ejarēmocōari, gājerāre quēne ejarēmoama” mware yitũoĩacōari, variquēnase rāca Diore rācũbuoruarāma ĩna. ¹⁴ “Manire ĩna ejarēmose Dios suorine bajiaja” mware yitũoĩamaicōari, Diore buto mware sēnibosuarāma ĩna. ¹⁵ “Quēnaro yaja mu”, Diore ĩre yiroti ñaja manire. Quēnamasusere manire yibosayumi Dios. Rojose mani yise vajare “Yirētobosato” yigu, ĩ macure cōañumi.

10

“Dios yure ĩ rotise rāca gotimasioaja yu”, Pablo ĩyire queti

¹ Yu, Pablo, ado bajise gotigu yaja, sīgũri yure ñagōmacarāre: Quēnabeti masa ĩna yiboajaquēne, ĩnare ĩamaicōari, quēnaro ejarēmorũgũũju Cristo, “Rojose yitũjacōari, quēnasejua tũoĩato” yigu, ĩre bajiro mware ejarēmorũaja yu quēne. “Mani rāca ĩ ñajama, bojonegũre bajiro manire gotiami Pablo. Sōju ñacōari, manire ĩ ucacōajama, tud’igũre bajiro gotirũgũgũmi”, yiyuja mua. ² Rojose yirāre tud’igũre bajiro gotigu ñaboarine, mua tũju ejacōari, tud’igũre bajiro gotirũabeaja. To bajiri yure mua ñagōmacasere yitũjacōañā, “Mani tũju ejacōari, tud’igũre bajiro gotiromi” yirā. To bajiro mua yiboajaquēne, sīgũri, adigodoaye rĩne tũoĩarā, “ĩna masu ĩna bojarore bajiro yirā ñaama Pablo mesa” yware yĩñagōmacarāre tud’igũre bajiro gotiroti ñaja. ³ Adigodoaye rĩne tũoĩarā rāca ñaboarine, yua masu yua bojarore bajiro yirā me ñaja yua. ⁴ Yua masise adigodoaye me ñaja. Dios ĩ masise rāca yua gotijama, yware ĩna ñagōjaiboajaquēne, ĩnare gotirētobumasija yua. ⁵ Cristo ocare ajiterā, “Masirā ñaja yua” yivariquēnarāre Diore sēnibosaja yua, “‘Riojo me tũoĩañuja yua’ yato” yirā. No bojasene gājerā ĩna tũoĩase, Cristo ĩ bojabeti ti ñajama, tire yitũjacōari, “Cristo ĩ bojarore bajiro rĩne tũoĩato” yirā, Diore sēniaja yua. ⁶ To bajiro mware sēnibosaja yua. Mua rācana yware bajiro tũoĩamenare rojose ĩna yise vaja rojose ĩnare yirũgũruarāja yua, “Mua jediro Cristo ĩ bojarore bajiro yware cũdirũa tũoĩato” yirā.

⁷ “To bajigu ñaami” yure yĩlmasirā ñaboarine, yu tũoĩasejuarema masibeaja mua. Gāji, “Cristore ajitirũnũgũ ñaja” yigu ĩ ñajama, Cristo yarā yua ñasere quēne masirocũ ñaami. ⁸ “Cristore gotirētobosarimasu ñari, mware rotimasija yu” yu yigotijare, “To bajiro ĩ yijama, ‘Ñamasugũ ñaja yuma’ manire yigu yami”, yitũoĩaboarāja mua. To bajiro mua yiboajaquēne, Cristo, to bajiro yirocure yure ĩ cōacati ñajare, bojonebecũne tire gotiaja yu. Mani uju, “Yu yere ajicōari, sutiritiatio” yigu me, yure cōacami. “Tire ajivariquēnato” yigũjua, yure cōacami. ⁹ “ĩ ucacōase rāca yware tud’igũre bajiro yware gotirũgũmi Pablo” mua yitũoĩaboasere bojabeaja yu. ¹⁰ Ado bajise yirā, tire bajiro yure tũoĩaboarāja mua sīgũri: “Sōju ñacōari, papera rāca goticōajama, tud’igũre bajiro manire gotiami Pablo. Mani rāca ĩ ñajama, bojonegũre bajiro manire gotiami. Nie vaja maja mani rāca ñagũ,

ĩ ñagõse”, yũre yitũoĩaboarãja mũna. ¹¹ To bajiro yũre mũna yiboajaquẽne, to bajiro bajigu me ñaja yũ. Tud'igũre bajiro gotiroti ti ñajama, yũ ucacõase rãca yũ gotimasirore bajirone gotimasiaja yũ, masa tũ yũ ñajaquẽne.

¹² Mũna rãcana sigũri, ñna tũoĩa gotirore bajiro yibeaja yũama. Ado bajiro tũoĩacõari, gotirãma ñna: “¿Ñimũ ñati mani vatoaju butobũsa tũoĩagũ? Yũ ñaja butobũsa tũoĩagũ” gãmerã yĩñagõrãma ñna. “Gãjerã rëtoro masirã ñaja mani”, yitũoĩarãma ñna. Tũoĩamasimena ñnarãma ñna ùnama. Ñnare bajiro yibeaja yũama. ¹³ Yũna masune tũoĩarujeocõari, gotibeaja yũama. “Ado bajiro bajirã ñaja yũna” mũare yũna gotijama, Dios, yũare ĩ rotire ñajare, to bajise mũare yaja. To bajiri, “Corinto macanare quẽne yũ ocare gotimasiorũarãja mũna”, yũare yiroticõañumi. ¹⁴ To bajiri, Dios, yũare ĩ rotijare, gãjerã rĩjoro vacõari, Cristo ĩ rijabosare suorine quẽnaro Dios ĩ yisere mũare gotimasioacaju yũna. ¹⁵ Gãjerã ñna gotimasioriarãre ĩacõari, “Yũna gotimasiose suorine Cristore quẽnaro ajitirũnarã ñnaama”, yibeaja yũama. Yũna masu yũna moare rĩne mũare gotiaja yũna. Quẽnarobũsa Cristore mũna ajitirũnarotire bojarã ñnari, butobũsa mũare gotimasioacõari, ejarẽmorũaja yũna, Dios yũare ĩ gotiroticõariarore bajirone yirã. ¹⁶ “Cristore quẽnaro ajitirũnarã ñnaama” mũare yimasicõari rĩne, Dios ĩ bojarore bajiro gajeroju ñnarãre ĩ yere masimenare gotimasiorũaja. To bajiro yũna yijama, gãjerã ñna gotimasioacõariarãrene, “Yũna gotimasioacana ñnaama ãnoa” yigotirũnamena ñnari, gotiecomenare gotirã varũaja.

¹⁷ Ado bajiro gotiaja Dios ocare masa ñna ucamasire: “Ñnamasurã ñna bajisere mũna gotivariquẽnarũajama, Cristo ĩ bajisejuare gotivariquẽnaña. Ñne ñnaami ñamasugũ”, yigotiaja Dios ocare masa ñna ucamasire. ¹⁸ Ado bajiro ti bajijare, to bajiro gotiaja Dios ocare masa ñna ucamasire: Gãji ĩ tũoĩarore bajiro yigu, “Quẽnaro yigu ñaja yũ” ĩ yiboase, vaja maja ti. ĩ ũgũrema “Quẽnaro yigu ñnaami”, ĩre yivariquẽnabeami Dios. “Quẽnaro yicaju mũna” ĩ yirãjũna ñnaama, quẽnaro yirã.

11

“Socase gotimasiorã, Dios ĩ gotiroticõariarã me ñnaama”, Pablo ĩ yire queti

¹ Tũoĩamasibecũre bajiro yũ gotiroti ti ñaboajaquẽne, mũna ajisere bojaja yũ. ² Diore bajiro buto mũare tũoĩamaiaja yũna. Ado bajiro bajaiaja: Rõmio, ãmũna rãca ñnaĩabeco so manaju ñnaroũ rĩrene tũoĩagõmo. Sore bajiro yirã mani quẽne, Cristo rĩrene ajitirũnarũaja mani. Yũ ñaja “Cristore ajitirũnarũato” yigu, mũare gotimasiosũocacu. To bajiri, Dios mũare ĩ maiore bajiro buto mũare maiaja yũ quẽne. To bajiri, “Ãnoa ñnaama yũ gotimasiocati suorine mũre ajitirũnarũã” Cristore ĩre yũ yĩõroto rĩjoro, “Ñre ajitirũnarũ tũjacõari, gãjerãjuare ajitirũnarũroma” yigu, quẽnaro mũare ĩatirũnarũgũaja yũ. ³ Tirũmũju vãtia mũju, Eva ñnamasirore quẽnase sore yitomasĩũuju. To bajirone bajirãma gãjerã, socase oca gotimasiorã. Ñna gotimasiose suorine mũare yitogũmi. “Vãtia mũju quẽnaro ĩ yitosere ajitirũnarũcõari, Cristo yejuare ajitirũnarũ tũjarãma”, mũare yitũoĩarejaiaja yũ. ⁴ Gãjerã mũna tũju ejacõari, “Jesucristo, ado bajiro bajigu masu ñagũmi” ñna yisocasere ajicõari, “To bajirone bajigu ñagũmi” ñnare yicũdicõari, ajitirũnarũ variquẽnarãja mũna. To bajiro mũna yijama, Espĩritu Santo mere ajitirũnarũ yirãja mũna. To yicõari, Cristo ocare, yũna gotimasiocati mere, ricati gotimasiojejuare ajitirũnarũ yirãja mũna. To bajiro ñna yisejuare mũna ajitirũnarũajama, quẽnabetoja. ⁵ “Dios ĩ cõariarã gãjerã rëtoro masirã ñaja

yua”, muare yisocarāma ĩna. Dios ĩ cōar’i, ĩnare bajiro socagu me ĩaja yu. “Yu rētoro masirā me ĩarāma ĩna”, yituoĭaja yu. ⁶ ĩna gotimasiorore bajiro yimasibetiboarine, Dios ocare quēnaro masigū ĩaja yuma. To bajiri, ĩ ocare quēnaro muare gotirētoburūgūcaju yu. Cojoi me yure ajicana ĩari, “Dios ocare quēnaro masiami Pablo”, yure yimasirāja mua.

⁷ ĩMua tu ĩagūju, “ĩNamasurā ĩaja yua” yirāre bajiro yirocu ĩaboayujari, yure? ĩCristo ocare quēnase muare gotimasiogū, vaja sēnirocu ĩaboayujari? Bajibeaja. “ĩNamasugū me ĩaja” yigure bajiro bajirūgūcaju yu, “Yure tuoĭamenane, Dios oca rĭne ajitirūnucōari, ĩ yarā, ĩnamasurā ĩato” yigu. ⁸ Gajeroana Cristore ajitirūnurā gājoa yure ĩsicama ĩna, “Corinto maca tujū ĩnacōari, ĩnare gotimasioato” yirā. Yure mua ĩsiroti ĩaboacati, ĩnajuā, yure ĩsicama. ⁹ Mua tujū yu ĩnajaquēne, gājoa magū ĩaboarine, “Yure ejarēmoña”, muare yibeticaju yu. Macedonia vadiriarā Cristore ajitirūnurā ejacōari, yu bojaro cōro yure ĩsicama. Gājoa muare sēnibetirūgūcaju yu. Bero quēne sēnibetirūgūrucuja. ¹⁰ Cristore ajitirūnugū ĩari, riojo ĩ gotirote bajiro, ado bajiro muare gotiaja yu: “Gājoa sēnibecune, Dios ocare gotimasiurūgūaja”, yivariquēna tujabetirucuja yu. Mua, Acaya sitana jediro, “Dios ocare ĩ gotimasiose vaja, vaja sēnibetirūgūami Pablo”, yimasiruarāja mua. ¹¹ Muare buto maigū ĩari, to bajise muare gotiaja yu. “ĩNare buto maiami Pablo”, yure yimasigūmi Dios quēne.

¹² “Pablöre bajiro Dios ĩ cōariarā ĩaja yua quēne” yisocarā, muare ĩna gotimasiose vaja, vaja sēnirūgūñujarā ĩna. To bajiri, “Pablöre bajiro vaja sēniaja yua’ yimasibeticōato ĩna” yigu, muare vaja sēnibetirucuja yu. ¹³ Socase gotimasiorimasa, Dios ĩ cōariarā me ĩarāma. ¹⁴ ĩnare bajiro bajirūgūama Dios ocare ajiterā. Vātia ũju Satanás quēne, cojojirema Dios tuagu āngel quēnaro yigure bajiro bajitorūgūami. ¹⁵ To bajiro bajigu ĩ ĩajare, “ĩre cudirā quēne ĩre bajiro bajirūgūama”, yimasiaja yu. “Quēnase rĭne yirā ĩnaama” ĩnare mua yĭasere bojarā ĩari, to bajiro bajirāma. To bajiro ĩna yisere ĩacōari, “Rojose tāmūorūgūuarāja mua”, ĩnare yirotirucami Dios.

“Cristo ĩ cōasacu ĩari, buto rojose tāmūoaja yu”, Pablo ĩyire

¹⁶ Ado bajise muare tudigotiaja yu: “Tuoĭamasibecure bajiro gotiami Pablo” mua yituoĭasere bojabeaja yu. To bajiboarine, to bajiro mua yituoĭajama, tuoĭamasibecure bajiro muare yu gotisere ajiya mua, yure mua ĩarūcubūorotire yirā. ¹⁷ Yucune muare yu gotiroti mani ũju Jesucristo ĩ gotirotise me ĩaja. Yu masune yu bajisere muare gotiguagu yaja yu. ¹⁸ Mua rācana, socase gotimasiorā, jājarā adigodoaye rĭne tuoĭarāre bajiro gotirāma, ĩnare mua ajirūcubūorotire yirā. To bajiri “Yu quēne, ĩna gotirote bajiro gotivariquēnarucuja” yituoĭacōari, mojoroaca muare gotirucuja yu, “Yure ajirūcubūoato ĩna” yigu. ¹⁹ Mūajūama, “Masirā ĩaja yua”, yiboarāja, tuoĭamasimena ĩna gotisere ajisuyarā ĩari. ²⁰ ĩna rotiajerāre bajiro bajirā ĩaboarine, ĩnare ajiquejemenaja mua. “ĩna suorine gājoa bujarāsa mani” yirā, muare ĩna yitosere ajiquejemenaja. “Yūare ĩarūcubūoaya” yirāre bajiro ĩna bajirūgūsere ĩaquejemenaja. “Ajirūcubūobeaja mua” yirā, muare ĩna jaboajaquēne, ĩnare ajiquejemenaja mua. ²¹ Yūajūama, mua tujū ĩagū, “ĩNamasugū me ĩaja yu” yigure bajiro yu bajijare, yure ajirūcubūomenaja mua. Muare ĩna yirore bajiro yu yijama, “Rojose yigu yaja yu” yituoĭacōari, bojoneboguja yuma.

To bajiboarine, “Ado bajiro bajirā yua ĩajare, yūare ajirūcubūoaya” muare ĩna yise ĩajare, yu quēne, tuoĭamasibecure bajiro muare gotirucuja

yu. ²² “Hebreo oca ñagõrã ñari, ñamasurã ñaja yu”, mware yiyujarã ña. Yu quene, Hebreo oca ñagõgũ ñaja yu. “Yu, israelita masa, gãjerã rëtoro Diore masirã ñaja yu”, yiyujarã ña. Yu quene, israelita masã ñaja yu. “ ‘Quenaro mware yirũcãja’ Dios i yimasir’i, Abraham ñamasir’i jãnerabatia ñaja yu”, yiyujarã ña. Yu quene, Abraham ñamasir’i jãnami ñaja yu. ²³ “Cristo ï cõariarã ïre moabosarã ñaja yu”, mware yiyujarã ña. To bajiro ña yire ñajare, “ ña rëtoabusaro Cristore moabosagu ñaja”, mware yaja yu. Tuoïamasibecure bajiro mware goticõa ñaja yu. Ado bajiro ti bajijare, “ ña rëtoabusaro ïre moabosagu ñaja”, mware yaja yu: Cojoji me buto ïre yu moabosajare, tubiberiavijũ yure tubibecama masa. Cojoji me yure buto bajecama. Cojoji me yure siarũaboacama. ²⁴ Cojomocãrãcãji yure ñiacõari, buto rojose yirãre ña bajarore bajiro yure bajecama masa. Tocãrãcãjine treinta y nueve ñarijiri yure bajecama. ²⁵ Idiaji yure ñiacõari, yucũne buto yure jacama ña. Yure siarũarã, cojoji gũtane buto yure reaejõboacama. Idiaji moa riagare yu vaboacati cũmuari rujacaju. Cojoji cũmua rujacõari, ãmũa ñarãmũ cuti, quena ñamire quene, ña ñami cutibusuocaju yu, moa riagaju. ²⁶ Cojoji me Dios ocare gotimasiogũ, sõju josari vacudirũgũcãju yu. Riaga gũiorõju vacaju. Juarudirimasa gũiorõju vacaju. Cojo macana me yu yarã rojose yicama. To bajicõari, gãjerã masa vatoaju gũiorõju vacaju. Jairimaca ñagũ, masa ña ñabetõju quene, gũiorõju vacaju. Moa riaga gũiorõju quene vacaju. “Cristore ajitirũnarã ñaja yu” yitocõari, rojose yure yirũarã vatoaju vacaju yu. ²⁷ Buto josari moadicaju yu. Cojoji me cãnibecũne moabusuoarũgũcãju yu. Cojoji me bare babecũ, ocure quene idibecũ, tãmũorũgũcãju. Cojoji me ñiorijarũgũcãju yu. To bajicõari, buto usarũgũcãju, sudi yure ti manijare.

²⁸ Yu rujũaye rĩ me rojose tãmũorũgũaja yu. Tocãrãcarãmũne Cristore ajitirũnarã, cojo macana me yu gotimasiocana, quenarõbũsa ïre ña ajitirũnarũtuatire bojagu ñari, ñare buto tuoïarejairũgũaja yu. ²⁹ Cristore ajitirũnarã ñaboarine, rojose yicõari, sutiritirãre, yu bujajama, yu quene, ña rãca sutiritiaja. Cristore ajitirũnarãre gãjerã ñare rojose ña ãmato yijama, ñare buto jũnisiniaja yu. ³⁰ Yu bajicatire yu gotijama, “ ‘Masigũ me ñaami’ yure yimasiato” yigu, yu bajicatire mware gotivariquena ja yu. ³¹ Tire mware yu gotivariquenasere, “Riojo gotiami Pablo”, yure yimasigũmi manĩ ãju Jesucristo jacũ, Dios. ï ñaami “Ñajediro rëtoro masigũ ñaja mũ” manĩ yirũcũbũorũgũrocũ. ³² Tirũmũju Damasco vãme cuti macaju yu ñarone, “Pablõre ñiacõari, tubiberõtirũcãja” yigu, ti maca matariacũni ñarisojerijũ surara mesare cũñumi, ti maca ãju, Areta vãme cutigure rotibosacacu. ³³ Yure tubiberũaboarine, yure ñiamasibeticami. Ti maca matariacũni vecaju ñarivijũ, jibũ jairibũne sãcõari, sojecaju yure rujicõama ña, yure ejarẽmorimasa. To bajiro yure ña ejarẽmojare, rudicaju yu.

12

Dios ï ñarõju Pablo ï cãjiriare queti

¹ “ ‘Ado bajiro bajigu ñari, ñamasugũ ñaja yu’ ñare yu yirũagõjama, ñie vaja manoja ti” yitũoĩagũ ñaboarine, mũa bojarore bajiro gajeye mware gotirẽmorũcãja. Yu cãjiriarõju manĩ ãju yure ï ïocateire, to yicõari, yure ï gotimasiocãtine quene mware gotirũcãja yu. ²⁻³ Tirũmũju, juaãmo cõro jedi, cojo gũbo babari jẽnitũaro ñaricũmari rĩjõroju, õ vecaju ï ñarõju yure ãmiejarimi Dios. “To bajiro yure ãmimũjarimi”, yimasibeaja yu,

bajigujama. Yu rujare ĩ ģimimujabetijama, yu usujare ģimimujarimi. Dios sĳgune masiami tire. ⁴ “To bajiro yure ģmiejarimi” yimasibecu űaboarine, “Ejacaja”, yimasiaja. Mani uju ĩ űaro, quēnarigodo űacaju. Toju űagū, masa ĩna masibeticatire ajicaju. ĩ goticati, masare ĩ gotirotise me űacaju. ⁵ “Masigū űaja yu” yigotivariquēnagū yu űajama, to bajiro Dios yure ĩ yicaticare muare gotiboguja yu. To bajiboarine, “Masibecu űaja yu” gājerāre yu yiajiose queti rĳne gotivariquēnaja yu. ⁶ “Yure rucubuoato” yigu, gajeye quēnaro Dios yure ĩ yicati muare yu gotirēmoraajama, socu mene yiguja yu. Tuoĳamasibecure bajiro gotigu me yiguja. To bajiboarine, tire ĩabeticaju mĳa. To bajiri, “Riojo gotiami Pablo”, yimasimenaja. Yu gotisere, to yicōari yu bajiűasere ĩacōari, yure mĳa rucubuoesejare bojaja. ⁷ Dios yure ĩ ĳocati buto quēnase űacaju. To bajiri, tire yure ĳoabarine, ĳre yu ĳocati űajare, gājerā rētoro űamasugū yu űatuoĳasere bojabecu űari, vāti rojose yure ĩ yisere matabeticami. To bajiri josari jota judicōari, mani űarore bajiro bajiaja ti, yure. ⁸ Rojose yu tāmĳose, “Yure tujato” yigu, idiaji Diore sēniboacaju yu. ⁹ To bajiro ĳre yu sēniboajaquēne, ado bajiro yure cudicami: “Catiobeaja yu. Yu yarā rojose ĩna tāmĳojama, butobusa yure sēnirūgūama, ‘Yu bojasere yicōa űarāsa’ yirā. To bajiro ĩna yijama, ‘Rojose tāmĳoobarine, ĩnare yu ejarēmojare, quēnaro yama’ yimasiamama masa”, yure yicami Dios. ¹⁰ To bajiri, “Cristore ajitirūnagū űari, rojose tāmĳoaja” yimasicōari, variquēnaja yu. Cojoji me rojose tāmĳocaju yu. Cojoji me rojose yure yicoderūgūama masa. Cojoji me yu bojase ruyarūgūaja yure. To bajirivāme rojose tāmĳogū űaboarine, ado bajise tuoĳa variquēnarūgūaja yu: “Rojose tāmĳoobarine, yure ĩ ejarēmoroti ti űajare, ĩ bojarore bajiro yicōa űarucuja”, yituoĳa variquēnarūgūaja yu.

Pablo, Corinto macanare ĩ tuoĳarejare queti

¹¹ Yu bajisere gotigu tuoĳamasibecure bajiro gotibu yu. “Quēnaro yigu űaami Pablo” mĳa yibetijare, yu masune to bajiro yibu yu. To bajiboarine, “Quēnaro yigu űaami Pablo”, yiroti űaboayuja muare. Mu tujū űarā, Dios ĩ cōariarā űaja űamasurā yirā rētoro űamasugū űaja yu. ¹² Rojose tāmĳoobarine, mĳa tujū űagū, Dios ĩ masise rāca jairo ĩaĳaűamani muare yĳiorūgūacaju yu, “‘Dios ĩ cōar’i űaami Pablo’ yure yimasiatō” yigu. ¹³ “Gajeroana Jesucristore ajitirūnurārema quēnabusaro yigumi Pablo”, ĳyituoĳaboati mĳa? Cojoro cōrone muare yirūgūaja yu. To bajiro yigu űaboarine, gājerā Jesucristore ajitirūnurārema, “Yure ejarēmoĳa mĳa, ‘űamasiatō’ yirā”, ĩnare yicaju yu. Mĳarema, to bajiro yibeticaju. To bajiro muare yibeticōari, ĩnare yu yĳore bajiro muare quēne yiroti űaboayuja ti, yure. “To bajiro rojose muare yu yisere masirioya”, ĳmuare yiguada yu? Yibecuja. To bajiro yu yibeticati, “Rojose me űacaju”, yimasirāja mĳa.

¹⁴ Juaji mĳa tujū ejacaju yu. To bajiri yucu yu vase rāca idiaji muare ĳagū varucuja. Yu varoto rĳjoro, quēnojeocōaja yu, jēre. Mĳa tujū ejacōari, “Yure ejarēmoĳa, yu űamasirotire yirā” muare yu yibeticatore bajiro yibetirucuja yu quēna. Gājoa mĳa yere bojabeaja yu. Yure ĳamaicōari, Dios ĩ bojarore bajiro mĳa yirotijare bojaja yu. Yu rĳare bajiro bajiaja mĳa. ĩna rĳa me űaama ĩna jacure ĳatirūnurā. Jacuajua űaama ĩna rĳare ĳatirūnurā. To bajiri mĳa jacure bajiro bajigu űari, yure mĳa ĳatirūnuserē bojabeaja yu. To bajiri, “Yure ejarēmoĳa yu űamasirotire yirā”, muare yibetirucuja. ¹⁵ Muare buto maigū űari, jediro yu cuose muare ĳsicōari, yu yimasiro cōro quēnaro

m̄are yir̄a t̄oĩavariquēnaja ȳ, “Cristore quēnabusaro ajitir̄an̄r̄ūt̄uajaro” yiḡ. B̄uto m̄are ȳ maiboajaquēne, m̄ajuama, ȳre maibetibusaja.

¹⁶ “Ȳre ejarēmoña, ȳ ñamasirotire yir̄’ yibeticami Pablo”, ȳre yit̄oĩar̄aja m̄a. To bajiboarine, “Quēnaro t̄oĩaḡ ñari, ‘Gãjoa b̄ujagusa’ yiḡ, manire yitorimi”, ȳre yit̄oĩaboati m̄a s̄iḡuri? ¹⁷ “Manire ĩ queti c̄oariar̄ r̄aca manire yitorimi Pablo”, ȳre yit̄oĩaboati m̄a? M̄are yitobeticaj̄ ȳ. ¹⁸ “Īnare ĩama” yiḡ, tir̄um̄aj̄ m̄a t̄uj̄ Titore c̄oacaj̄ ȳ, ḡaji Cristore ajitir̄an̄ḡu mani maiḡ r̄aca. “Manire yitorimi Tito”, ȳre yit̄oĩaboati m̄a? Yitobetirimi. “Quēnaro yiḡ ñaami”, ĩre yimasir̄aja m̄a. Ȳ t̄oĩarore bajiro t̄oĩac̄oari, m̄a r̄aca ȳ bajiñacatore bajiro bajiñarimi.

¹⁹ “Īnare mani ĩavariquēnaretire yir̄, manire gotic̄oar̄ama Pablo mesa”, ȳre yit̄oĩaboati m̄a? To bajiro me bajiaja. Ado bajiroj̄a bajiaja: Cristore ajitir̄an̄r̄ā ñari, ĩ bojarore bajiro m̄are gotic̄oar̄a yaja ȳa. Quēnaro ȳre ajiya ȳa mair̄a. Jediro m̄are ȳa gotic̄oase, “Cristore quēnabusaro ajitir̄an̄uato” yir̄, m̄are gotic̄oar̄a yaja ȳa. ²⁰ M̄are ȳ ĩacudiḡ vatir̄am̄, quēnaro ȳre m̄a ñayusere bojaja ȳ. “Cojojirema quēnaro ñayubetibor̄ama”, yit̄oĩarejaiaja ȳ. Gãmer̄a oca josac̄oari, m̄a bajiñarore ejar̄abeaja. M̄a ñaroȳre ado bajiro m̄a gãmer̄a yise ñaroja: Gãmer̄a tud’ire, “Mani r̄etobusaro quēnaro ñaama” ȳre ĩaj̄un̄isire, ĩna ajibeto ñaḡoj̄aire, “Īna r̄etoro ñamasur̄a ñaja ȳa” yit̄oĩare, toc̄ar̄ac̄ane ricati r̄ine t̄oĩac̄oari, ĩna masurione ĩna bojarore bajiro ĩna yir̄uḡuse quēne ñaroja. To bajiro m̄a gãmer̄a ȳñajama, t̄oĩarejaibor̄aja m̄a, “Manire tud’iḡuagu yiḡu” yir̄. ²¹ M̄a t̄uj̄ ȳ vacudiro rojose m̄a yic̄o ñajama, Dios ĩ ĩaro r̄ijoroj̄a, “Ȳre gotimasiore quēnaro ajitir̄an̄uama ĩna’ yimasibec̄aja”, yit̄oĩarejaiaja ȳ. “J̄ajar̄a m̄a r̄acana gãmer̄a ajeriar̄a cutic̄o ñar̄e ȳ ĩabujajama, b̄uto otiḡu yiḡuja ȳ”, yit̄oĩarejaiaja. “T̄oĩarejaibetic̄oato” yir̄, rojose m̄a yisere yit̄ujaya m̄a.

13

Pablo ĩ gotitusare queti

¹ Juaji m̄a t̄uj̄ ejaaj̄ ȳ. To bajiri yuc̄ ȳ vase r̄aca idiaji m̄are ĩaḡ ejar̄ac̄aja ȳ. To bajiri, rojose m̄a yirere yit̄ujac̄oari, quēnasejuare t̄oĩañ̄a m̄a, ȳre yur̄a. Ado bajise Dios ocare masa ĩna ucamasire gotiaja: “Rojose yir’ire ĩna oca s̄ajama, juar̄a, idiar̄ā ñac̄oari ĩna oca s̄ajama, quēnar̄aroja. To bajiri ĩna idiar̄aj̄ne, to bajirone ĩna ñaḡoj̄ama, ĩnare ajir̄a quēne, ‘Socar̄a me yama’ yimasir̄ama”, yigotiaja Dios ocare masa ĩna ucamasire. ² Tir̄um̄aj̄ m̄a t̄uj̄ ñaḡu, rojose yir̄iar̄e, yibetir̄iar̄e quēne ado bajise yicaj̄ ȳ: “Rojose m̄a yise m̄a yit̄ujabetijama, quēna m̄a t̄uj̄ ejaaj̄, rojose m̄a yic̄o ñar̄uḡuse vaja rojose m̄are yir̄ac̄aja ȳ. Adir̄am̄irema m̄are rojose ȳ yibetiboajaquēne, ȳ yirotire masiña”, m̄are yicaj̄ ȳ. M̄a t̄uj̄ ñabec̄u quēne, to bajirone m̄are gotic̄o ñaja ȳ. “To bajiro gotiḡu ñaboarine, yibec̄umi”, ȳre yit̄oĩabesa. ³ “Cristo ĩ bojasere gotiaja m̄’ ȳa yimasirotire yiḡ, ĩañam̄ani ȳre ȳioma” ȳre m̄a yic̄o ñajare, to bajirone yir̄ac̄aja ȳ. “Cristo, manire rojose ĩ yijama, no yibeaja. Masibec̄u ñaḡumi”, ĩre yit̄oĩabesa m̄a. Ȳre suorine ĩ masisere m̄are ȳior̄ac̄umi. ⁴ Masijeoḡu ñaboarine, manire bajiro ruju cutic̄oari, yuc̄at̄eroj̄ ĩ jaju ecoriario bero, masibec̄ure bajiro bajiroc̄oasumi Cristo. To bajiboarine, Dios ĩ masisere r̄aca tudicatic̄oari, ñaḡumi quēna. Cristore bajiro rojose t̄am̄or̄uḡuj̄a ȳa quēne. To bajiro bajir̄a

ñaboarine, ìre ajitirũnu tujamena ñari, ìre bajirone bajicõa ñaruarãja. Dios ì ejarẽmose rãca mũare ejarẽmocõa ñaruarãja.

⁵ Mũa masune, “¿Cristore ajitirũnurã masu ñati yũa?”, yitũoĩañũ mũa. Cristore ajitirũnurã mũa ñajama, mũa rãca ì ñasere masiaja mũa. Ì ñabetijama, ìre ajitirũnurã masu me ñaja mũa. To bajiro mũa bajijama, mũa masune, “Cristore ajitirũnurã ñaja yũa”, yisocarãja mũa. ⁶ Yũajũare, “Cristo ì cõariarã masu ñaama” yũare mũa yimasirotire bojaja yũ. Cristore ajitirũnurã mũa ñajama, to bajiro yirãja mũa. ⁷ “Rojose mũa yirũgũrere yitujato” yirã, Diore mũare sãnibosaja yũa. “Dios ocare quẽnaro gotimasioñumi Pablo” mũa yivariquẽnarotire yigũ me, Diore mũare sãnibosaja yũa. Quẽnasejũare mũa yĩrotire bojarã ñari, yaja. “Gãjerã socase gotimasiorã yama” yũre mũa yiboajaquẽne, quẽnase mũa yĩroti ñaja ñamasusema. ⁸ “Ñamasusere ajitirũnuato” yirã, Dios ocare gotimasiorũgũaja yũa. Ñamasusere mũa ajitirũnu tujasere bojabeaja. ⁹ To bajiri mũa tujũ ejaçõari, “Quẽnaro Cristore ajitirũnuama ìna” mũare yũa yĩamasijama, tud’irãre bajiro mũare yibetiruarãja yũa. To bajiro mũa bajisere ìaçõari, variquẽnaruarãja yũa, “Quẽnaro gotimasiasibeama Pablo mesa” mũa yise ì ñaboajaquẽne. “Cristore ajitirũnuçõari, ì bojarore bajiro rĩne yirã ñato ìna” yirã, Diore mũare sãnibosaja yũa. ¹⁰ Mũa tujũ ejaçõari, tud’igũre bajiro mũare gotirũabecu ñari, yũ varoto rĩjoro papera ucacõari, mũare cõaja yũ. Mani mũjũ, “Yũ yere ajicõari, sutiritiatio” yigũ me, yũre cõacami. “Tire ajivariquẽnato” yigũjũa, yũre cõacami.

¹¹ Yũ mairã, to cõrone mũare yũ gotimasiosere ucaja yũ. Tire ajitirũnuña. Cristo ì bojarore bajiro rĩne yirũgũña mũa. Sígũre bajiro tũoĩaçõari, quẽnaro ñaña mũa. To bajiro mũa bajijama, mũa rãca ñacõa ñarũgũrũcumĩ Dios. Ì ñaami ì masisere mũjogũ, “Gãmerã maicõari, quẽnaro ñato” yigũ. ¹² Cristore ajitirũnurã ñari, mũa rẽjajama, quẽnaro variquẽnase rãca gãmerã sãnima. ¹³ Adoana Cristore ajitirũnurã, “Quẽnato”, mũare yicõaama ìna.

¹⁴ Mani mũjũ, Jesucristo, quẽnasere mũare cõarũgũato. Mũare ìamaiato Dios. To yicõari, Esp’iritu Santo, mũa jediro rãca ñacõa ñarũgũato.

To cõro ñaja.

Carta de San Pablo a los GÁLATAS

Galacia sitanare Cristore ajitirünaräre Pablo ĩ ucacõare queti

1-2 ¿Ñaboati mña, Galacia sitana, Jesucristore ajitirünaräre? Yñ ñaja Pablo adi queti mñare ucacõagü. Jesucristo, to yicõari, ĩ rijato bero ĩre cator'i, ĩ jacu, ĩna ñaama ti quetire yñare gotiroticõarimasa. Masane, “Goticudiaya” yirã ĩna cõar'i me ñaja. Yñ sīgũ me adi papera mñare cõaja yñ. Yñ rãcana, Jesucristore ajitirünaräre quēne, “Quēnato”, mñare yicõaama ĩna. 3 Mani jacu Diore, to yicõari, Jesucristo mani ujñre ado bajise mñare sēnibosaja yña: “Quēnaro ĩna ñarotire yirã, ĩnare ejarēmoña”, mñare yisēnibosaja yña. 4 Rojose mani yisere, “Tire yitujato” yigñ, Dios ĩ bojarore bajiro manire rijabosayumi Cristo. 5 Dione ñaami “Quēnarētogũ ñaja mñ” mani yirũcũborũgũrocũ. To bajirone ĩre yitujabetirũarãja mani.

“Ricati gãjerã ĩna gotimasiosere ajibesa”, Pablo ĩ yire queti

6 Cristo ĩ rijabosare sñori, “Quēnaro yñ yisere ajitirünucõari, yñ yarã ñaña mña” Dios mñare ĩ yirere cõdicana ñaboarine, yoaro mene ĩ yere ajitirũnũ tujacõari, gãjerã ricati ĩna gotimasiosesejñare ajitirũnũñuja mña. Tire ajisutiriticõari, adi queti mñare ucacõaja yñ. 7 Cristo oca rñe ñaja riojo gotimasiore. Gaje oca butobusa quēnase manija. To bajiro ti bajiboajaquēne, gãjerã sīgũri, “Cristo oca quēnasere ajitirũnũbeticõato” yirã, mñare gotimaviorã yirũgũrãma. 8 Mña tujñ yña ñajama, Cristo ocare riojo mñare gotimasioçajñ yña. To bajiri, sīgũ Cristo ocare ricati mñare ĩ gotimasioçama, rojose tãmuotujabetiriaroju ĩre rocacõaroti ñaja. Yña quēne ricati yña gotimasioçama, yñare reacõaroti ñaroja. Ő vecagñ quēne, ángel ñaboarine, vadicõari, ricati ĩ gotimasioçama, rojose tãmuotujabetiriaroju ĩre quēne rocacõaroti ñaja. 9 Tirũmujñ mña rãca ñarã, yña goticatore bajirone quēna mñare tudigotiaja yñ: Sīgũ, Cristo ocare yña goticati mña ajitirũnũcati me, ricati mñare ĩ gotimasioçama, rojose tãmuotujabetiriaroju ĩre rocacõaroti ñaja.

10 To bajiro yñ yijama, ¿masa yñare ĩna ajivariquēnarotire yigñ yatique yñ? “Rojose ĩna yiboajaquēne, ĩre ĩna ajivariquēnarotire yigñ, ĩnare quēnaro gotiami Pablo”, yiboayuja mña. To bajiro yñ gotijama, Dios ĩ bojarore bajiro me yigñ, yigñja yñ. Tirũmujñ to bajiro yicacu ñaboarine, yucarema to bajiro yibeaja yñ. Dios ĩ ajivariquēnarotijñare yigñ, mñare gotiaja.

Jesús, Pablöre ĩ gotiroticõare queti

11 Quēnaro ajiya yñ mairã. Riojo mñare gotiaja yñ. Jesucristo oca yñ gotimasiose, masa ĩna tũõarujẽore me ñaja. 12 Tire gãjerãne yñare gotimasioçeticama. Jesucristo ĩ masune yñare goticõari, tire yñ ajimasiroñre yñare ujocami.

13 Yñ bajicatire ajicana ñari, “Riojo gotiami Pablo”, yimasiaja mña. Tirũmujñ yña jud'io masa yere buto ajirũcũboçajñ yñ maji. To bajiro bajigñ ñari, Cristore ajitirünaräre buto rojose ĩnare yirũgũboaçajñ yñ, “ĩre ajitirũnũ tujato” yigñ. 14 Gãjerã yñ cõro ñatusana yña jud'io masa yere ĩnare masirētocoaçajñ yñ, yña ñicua ĩna rotimasirere ĩna rētoçusaro yivariquēnagũ ñari. 15 To bajiro yñ bajiboajaquēne, yñ ruyaroto rñjoroju, “Ñni Pablo, bũcũacu, yñ yñ ñarũcũmi”, yitũõĩañumi Dios. To yicõari, beroju,

buto quēnagū ñari, yure ĩamaicōari, “¿Yu yu, yu bojasere yigu ñaruabeati mu?”, yure yicami. ¹⁶ “Ī macuñe ñaami Jesús” yu yimasirotire yigu, yicami Dios. To bajiro yure yicami, ĩ macu ĩ rijabosare suorine quēnaro ĩ yise queti jud'io masa me ñarāre yu goticudirotire yigu. To ĩ yirone, “¿No bajiro yigūti yu? ¿Tire quēnabusaro ajimasigūsa’ yigu, gājerāre sēñiaroti ñati?”, yisēñābeticaju yu. ¹⁷ To yicōari, yu rĳoro Cristo ĩ cōariarāre quēne sēñāgū, vabeticaju yu, Jerusalénju. Ado bajiroju yicaju yu: Yoaro mene Arabia vāme cuti sitaju masa ñabetoju vacaju yu. Beroju Damasco vāme cuti macaju tudiejacaju yu quēna.

¹⁸ To bajiri, “¿Yu yu, yu bojase yigu ñaruabeati mu?” Dios yure ĩ yiro bero, idia cāma bero, Pedrore ĩagū vacaju yu yuja, Jerusalénju. Toju ejacōari, yoaro me ñacaju yu, ĩ rāca. Juaāmo cōro, cojo gūbo jēnituario ñarirūmuri ñacaju yu. ¹⁹ Toju ñagū, gājerā Jesús ĩ cōariarāre ĩbeticaju yu. Pedrore, mani uju bedi Santiagore quēne, ĩna juarārene ĩacaju yu. ²⁰ Socu me yaja yu. “Riojo gotiami Pablo”, yure yimasigūmi Dios.

²¹ Pedrore, Santiagore ĩnare yu ĩaro bero, Siria vāme cuti sitaju, to yicōari, Cilicia vāme cuti sitaju ñacudicaju yu. ²² Judea sitana Cristore ajitirūnrā, “Pablo ñaami”, yure yĳamasibesuma ĩna maji. ²³ To bajiboarine, gajeroana ado bajiro yure ĩna ñagōre rĳne ajiyuma ĩna: “Jesucristo ĩ rijabosare suori Dios quēnaro ĩ yise quetire ajitirūnu tujato’ yigu, buto rojose yuare yiboacacūne, adirūmūreima, ti quetirene masare gotimasiocudiami, ‘Ajitirūnūato’ yigu” yure ĩna yire rĳne ajiyuma Judea sitana. ²⁴ “Yu macure ajitirūnūña’ Dios ĩ yicōare ñajare, ĩre ajitirūnūgū ñagūmi Pablo” yimasicōari, “Quēnaro yaja mu”, Diore yirūcuboyujarā ĩna.

2

Jesús ĩ cōariarā Pablore ĩna ĩvariquēnare queti

¹ Jerusalénju yu vacato bero, juaāmo cōro, gūbo babari jēnituari cūmari bero, Jerusalénju vacaju yu quēna, Bernabé rāca. To yicōari, Tito vāme cutigūre ji vacaju yu. ² Dios ĩ ejarēnose rāca, “Toju varoti ñaja” yitūoĳagū ñari, vacaju yu. Toju ejacōari, Cristore ajitirūnrā sigūri, “Ñamasurā ñaama” ĩna yirūcubūorā rāca rĳne rējacōari, goticaju yu. “Cristo ĩ rijabosare suorine Dios quēnaro ĩ yise queti jud'io masa me ñarāre ado bajiro ĩnare gotimasiorūgūaja yu”, ĩnare yigoticaju. “Riojo masu ĩnare gotimasiorūgūgūmi Pablo” ĩna yiajimasirotire yigu, to bajiro ĩnare yicaju. “Tire ĩna ajimasibetijama, yu gotimasiocana quēne, quēnaro Dios ĩ yisere ajimasibetirūarāma ĩna quēne” yitūoĳagū ñari, to bajise goticaju yu. ³ Tire ajicōari, yu gotirore bajirone tūoĳacama ĩna quēne. To bajiro tūoĳarā ñari, “Dios yarā ñaja yua; to bajiri ĩre cūdirona ñaja” yirā, jud'io masa circuncisiōn yiadire ti ñaboajaquēne, yu rācagu Titore ĩre yirotibeticama ĩna yuja. To bajiro ĩre yirotibeticama, Tito, jud'io masu me ñari, circuncisiōn yiyamagū ĩ ñaboajaquēne. ⁴ Gājerāma, “¿No bajiro yati Cristore ajitirūnrā? ¿Moisére Dios ĩ roticūmasire cūdiati ĩna?” yĳarā, “Cristore ajitirūnrā ñaja” yuare yitocōari, rējacama ĩna. “Moisére Dios ĩ roticūmasirere cūdiroti ñaja”, yitūoĳarā ñacama. To bajiro ĩna tūoĳacatore bajiro yua yitūoĳarotire bojaboacama. To bajiri yua rāca rējacōari, “Titore circuncisiōn yiya”, yiboacama ĩna. ⁵ To bajiro ĩna yiboajaquēne, cojo vāme yuare ĩna goticatore bajiro ĩnare cūdbeticaju yu. “Cristo ĩ rijabosare suorine Dios quēnaro manire ĩ yise queti, mavisiare mano, riojo Pablore Dios ĩ gotiroticōariare bajirone gotimasiocōa ñarūgūato” yirā, ĩnare cūdbeticaju yu. To yicōari, Galacia

sitana, “Quēnaro Dios manire ī yise queti mani ajicatore bajirone bajiyuja” m̄ua yimasirotire yirā, īnare c̄udibeticaju.

⁶ Gājerājua, “Ŋamasurā ŋaama” Cristore ajitir̄unurā īna yir̄uc̄ub̄uorā, “Quēnaro riojo gotimasioami Pablo”, yicama īnama. “Rojose maja m̄uare’ Dios manire ī yīlavariquēnase m̄u gotimasior̄ujama, gajeye gotimasior̄emoroti ŋaja”, yure yibeticama. “Ado bajiro bajiriarā ŋari, ŋamasurā ŋaama īna” gājerā īna yir̄uc̄ub̄uorā īna ŋajama, īna ŋabetijaquēne, no yibeaja yurema. “Ŋamasurā ŋaama’ masa īna yir̄uc̄ub̄uorā īna ŋajare, ‘Gājerā r̄etoro masirā ŋaama’ yīlagūmi Dios quēne”, yire maja. ⁷ Ado bajirojua yure yicama īna, masa īna r̄uc̄ub̄uorā: “Dios ī c̄oar’i ŋaja m̄u quēne. ‘Jud’io masa mere quēne yu macu s̄uori quēnaro yu yise queti gotimasiodiatio’ yigu, m̄ure c̄oāñumi Dios”, yure yicama īna. “‘Jud’io masare gotimasioato’ yigu, Pedrore Dios ī c̄oariare bajiro m̄ure quēne c̄oāñumi, ‘Jud’io masa mere gotimasioato’ yigu”, yure yicama īna, masa īna r̄uc̄ub̄uorā. ⁸ To bajiro yu yijama, ado bajirojua yigu yaja yu: Dios ī masise Pedrore ujoyumi, “Yu bojarore bajiro jud’io masare gotimasioato” yigu. Pedrore ī ujoriarore bajiro yure quēne ujoyumi Dios, “Jud’io masa mere gotimasioato” yigu.

⁹ To bajiri ti macana yua rāca r̄ejacana, ŋamasurā ŋacama Santiago, Pedro, Juan quēne. Yu gotisere ajic̄ari, “Dios, quēnagū ŋari, to bajiro Pablore gotimasio rotic̄oāñumi”, yimasicama īna. To bajiro yirā ŋari, yure, yu rācagu Bernabé quēne, ado bajiro yure goticama īna: “Yuare bajiro Dios ībojasere yirā ŋaja m̄ua quēne. Jud’io masare yua gotimasiosere Dios ī bojarore bajiro jud’io masa mere m̄ua gotimasiosere bojaami”, yure yigoticama īna. ¹⁰ To yic̄ari, ado bajise r̄ine yua yirotire goticama: “Dios ī bojarore bajiro īnare gotimasiodiatio ti ŋaboajaquēne, adoana Cristore ajitir̄unurā maior̄o bajir̄are īnare masiritibetic̄ari, gājoa m̄ua c̄ojama, quēnar̄aroja”, yure yicama. To īna yicatore bajirone masiritibetic̄ari, “Īnare ejar̄emoto mani”, yicaju yu.

Pablo, “To bajiro m̄u yise quēnabeaja”, Pedrore ī yire queti

¹¹ Pedro, yua tuoīacatore bajirone gotiboarine, ber̄oj̄u Antioqu’ia vāme cuti macaju yu ŋarone, ejac̄ari, rojose yicami. To bajiri ī ĩaro r̄ijorojua ejar̄uḡuc̄ari, “To bajiro m̄u yise quēnabeaja”, ĩre yicaju yu. ¹² Ado bajiro rojose yicami Pedro: R̄ijoroj̄u Antioqu’iaju ejac̄ari, quēnaro yicami maji. Jud’io masa me ŋarā rāca baba cutic̄ari, īna rāca bacami. To bajiro ī yīnarone, Jerusalén macana Santiago ī c̄oariarā ĩacudirā ejacama īna quēne. “Jud’io masa me ŋarā, Dios ī rotimasire c̄udimena, circuncisiōn yibetiriarā īna ŋajare, īna rāca babetiroti ŋaja”, yit̄uoīarā ŋacama īna. Īna ejasere ĩac̄ari, “ ‘Rojose yaja m̄u’ yure yiroma” yigu, gūicami Pedro, ĩ quēne jud’io masu ŋari. To bajigune, babetir̄utuacami, jud’io masa me ŋarā rāca yuja. ¹³ Ti macana, gājerā jud’io masa, jud’io masa me ŋarā rāca Pedro ī babetire ĩac̄ari, ĩre bajirone babeticama īna quēne, īna masune “Īna rāca mani bajama, quēnac̄oja” yit̄uoīarā ŋaboarine. To bajiro īna yisere ĩac̄ari, Bernabé quēne, īnare bajirone babeticami, jud’io masa me ŋarāre buto ĩamaigū ŋaboarine. ¹⁴ To bajiri, “Cristo ī rijabosare s̄uorine quēnaro Dios ī yise queti ti gotirore bajiro tuoīamena ŋari, to bajiro yama” yimasic̄ari, jediro masa īna ĩaro r̄ijoro Pedrore ado bajiro ĩre yigoticaju yu: “Jud’io masu ŋaboarine, tir̄am̄uju Moisés ī rotimasire ajibecu ŋacoasuja m̄u. To bajiro m̄u bajijama, quēnaro tuoīañuja m̄u maji. To bajiboarine

Moisés í rotimasirere ajirücubuoğure bajiro yaja m̄a quēna. To bajiro m̄a bajijama, jud'io masa me ñarāre Cristore ajitirünurāre ado bajiro ñare rotigure bajiro bajaia m̄a: ‘Cristore ajitirünurā masu, “Rojose maja m̄are” Dios í yĩavariquēnarā m̄a ñarñajama, jud'io masa yere Moisés í rotimasiriarore bajiro cūdiroti ñaja m̄are quēne’ ñare yirotigure bajiro bajaia m̄a. To bajiro m̄a bajise quēnabeaja”, Pedrorre ñre yigoticaia ȳa.

To yicōari, ado bajiro ñre goticaia ȳa quēna:

¹⁵ Mani j̄arā jud'io masa ñaja mani. To bajiri gājerā masa, Moisére Dios í roticūmasirere cūdimenare bajiro bajirā me ñañuja mani maji. ¹⁶ To bajiboarine, beroj̄a, “Moisére Dios í roticūmasirere mani cūdis̄e suorine, ‘Rojose maja’ manire yĩabetirucūmi Dios”, yimasicoasuja mani. To bajiro yimasirā ñari, jud'io masa ñaboarine, mani ñicua yere, Moisére Dios í roticūmasirere ajitirün̄u t̄ujacōari, Cristoj̄are ajitirün̄usuojuja mani, “‘Rojose maja’ manire yĩavariquēnato Dios” yirā.

¹⁷ To bajiri ñre ajitirünurā ñari, Moisére Dios í roticūmasirej̄are ajimenare bajiro bajaia mani. To bajiro bajirā mani ñajare, “Rojose yaja m̄a”, manire yĩaama ȳa yarā, Moisés í rotimasirere ajirücubuoğrā. Ña t̄uoñarore bajiro mani t̄uoñajama, “Cristo suorine rojose yaja mani, Moisés í rotimasire cūdimena ñari”, yit̄uoñaboarāja. ¿Rojose manire yirotiatigue Cristo? ¡Yibeami! To bajiri, “Cristore ajitirünurā ñari, Moisés í rotimasirej̄are mani ajibetijama, rojose yibeaja mani”, yimasire ñaja.

¹⁸ Moisére Dios í roticūmasire mani ajitirün̄u t̄ujarere mani tudi ajitirün̄ujama, rojose yirā yirāja mani. ¹⁹ Moisére Dios í roticūmasire ado bajiro gotiaja: “Adire cūdijeomena, rojose yirā ñaruarāma”, yigotiaja ti. Tir̄um̄aj̄a tire ȳa yimasijeoboajaquēne, “‘Rojose maja’ ȳare yĩabetirucūmi Dios”, yimasicoacaja ȳa. To bajiri Moisére Dios í roticūmasirere ajitirün̄u t̄ujacoacaja ȳa. To bajicōari, Cristo ocaj̄are ajitirün̄usuoacaja, “Í rijabosare suorine, ‘Rojose magū ñaami’ ȳare yĩato Dios” yiḡu. Tire t̄uoñavariquēnacōari, í bojarore bajiro yirügūaja. ²⁰ To bajiri tir̄um̄aj̄a ȳa bajicatore bajiro bajibeaja ȳa yuja. Cristo, ȳa rācane ñaami. To bajiri, “Ȳare ejarēmorcūmi” yit̄uoñagū ñari, ñre sēnirügūaja ȳa, í jac̄u í bojarore bajiro ȳa yirotire yiḡu. Ñe ñaami ȳare maigū, ȳare rijabosar'í. ²¹ Mani jac̄u quēnagū ñari, í mac̄u í rijabosare suorine quēnaro ȳare í yisere tegure bajiro bajir̄abeaja. Moisés ñamasir'í í rotimasirere mani ajis̄uyase suorine rojose mani yise vajare yirētoecoriarā mani ñajama, Cristoj̄a manire í rijabosare, vaja maniboriaroja.

3

“Cristore m̄a ajitirün̄ujare, Esp'iritu Santo, m̄are ejayumi”, yire queti

¹ Ajiya Galacia sitana. Cristore ajitirün̄u t̄ujacōari, ricatijua ajitirünurā ñari, t̄uoñamasimenare bajiro bajaia m̄a. ¡No yirā gājerā socasere gotirāre ajitirün̄amenaja m̄a tia! Tir̄um̄aj̄a m̄are gotimasiorā, “Yucát̄eroj̄a Jesucristo manire í rijabosare ñajare, ‘Rojose mana ñaama’ manire yĩami Dios”, m̄are yicaja ȳa. ² To bajiri cojo vāme m̄a masib̄ujasere bojaja ȳa: ¿Moisére Dios í roticūmasire m̄a cūdijare, Esp'iritu Santo, m̄are ejacōari, í masisere m̄are ñjocati? ¡To bajiro me bajicaja! Cristo í rijabosare suorí Dios quēnaro í yise quetire ajicōari, Cristore m̄a ajitirün̄ujare, m̄are ejayumi Esp'iritu Santo. ³ ¿No yirā t̄uoñamasimena masu ñacōati m̄a? Tir̄um̄aj̄a Jesucristore m̄a ajitirün̄usuoğoj̄ane, “Dios í bojarore

bajiro yato ña” yigũ, mũare ejarẽmogũ, ejayumi Esp'iritu Santo. To bajiboarine, mũa rãcane ñ ñaboajaquẽne, adirãmũrirema, ¿“Dios ñ rotimasire quẽnaro mani cadijama, Dios ñ bojarore bajiro yirã rĩne ñaruarãja mani”, yitũoĩaboati mũa? ⁴ Cojo vãme me quẽnaro mũa bajirũgũboare, yucũrema vaja manire bajiro bajiaja. To bajiro mũa bajise yũ tũoĩajama, vaja manire bajiro bajise me ñaboayuja. Quẽnaro mũa bajirũgũrere tũoĩacõari, “Jesu-cristore ña ajitirũnũsũocatore bajiro tudiajitirũnũrãma”, mũare yitũoĩaja yũ. ⁵ Esp'iritu Santore mũare cõañumi Dios. To yicõari, jairo ñaĩañamanire mũare yĩoñumi. ¿No bajiro mũa yicati ñajare, to bajise mũare yiyujari? Moisére Dios ñ roticũmasirere ti gotirore bajiro mũa yise sũori me, to bajiro yiyumi. Cristojũare mũa ajitirũnũjare, to bajiro yiyumi.

⁶ Dios ocare masa ña ucamasire ado bajiro gotiaja ti: “Quẽnaro mũre yirũcũja yũ Abrahamre Dios ñ yirere, ñ yirore bajirone bajirũaroja ti ñ yiajire ñajare, ‘Rojose maja’ ñre yĩañuju Dios”, yigotiaja. ⁷ Tire ajicõari, ado bajiro yimasiaja mani: “Abraham ñamasir'ire bajiro Diore ajitirũnũrãre, ñ jãnerabatia ñaja mũa ñnare yĩagũmi Dios”, yimasiaja mani. ⁸ Ado bajiro ti bajijare, to bajiro yimasiaja mani: Tirãmũju adi macarũcũroju ñ macũre Dios ñ cõaroto rĩjoroju, “Jud'io masa me ñarã quẽne, Abraham, yũre ñ ajitirũnũrore bajiro yũ macũre ña ajitirũnũjama, ‘Rojose maja’ ñnare yĩarũcũja”, yitũoĩamasiñuju Dios. Tire tũoĩacõari, ado bajiro Abraham ñamasir'ire ñre gotimasĩñuju: “Mũ sũorine masa jedirore quẽnase ñnare yirũcũja yũ”, yimasiñuju Dios. ⁹ To bajiri Abrahamre bajiro Diore ajitirũnũrãre quẽnaro yami Dios. Ña rĩrene, “Rojose maja”, yĩagũmi.

¹⁰ “Moisés ñamasir'ire Dios ñ roticũmasirere mani cadijama, ‘Rojose maja’ manire yĩarũcũmi Dios” yitũoĩaboarãre, “Rojose ñaja”, ñnare yĩagũmi Dios, ñ rotimasirere cãdijeomena ña ñajare. To bajirone gotiaja Dios ocare masa ña ucamasire. Ado bajiro gotiaja ti: “Dios ñ rotirere cãdijeomenare, ‘Rojose ñaja’ ñnare yĩagũ ñari, rojose ñnare yirũcũmi Dios”, yigotiaja ti. To bajiri, tire cãdijeorã ña manijare, “Tire ajitirũnũrã jedirore, ‘Rojose ñaja’ ñnare yĩagũmi Dios”, yimasiaja mani. ¹¹ Sĩgũ tire cãdijeogũ ñ ñaboajaquẽne, “Rojose maja”, ñre yĩabetibogũmi Dios, ricati ñ gotimasire ti ñajare. Ado bajiro gotiaja ñ gotimasire: “Manire ñamaicõari, ‘Rojose maja’ manire yĩaami Dios, yitũoĩarãma, ña rijato beroju ña catirotire yigũ, yũ catisere yũ ñsirã ñaama”, yigotiaja ti. ¹² Moisére Dios ñ roticũmasire ado bajirojũa gotiaja: “Ñ roticũcati jedirojũne ñ cãdijeocõajama, ñ rijato beroju Diorãca quẽnaro ñacõa ñarũgũrũcũmi”, yigotiaja.

¹³ Dios ñ rotimasirere ajisũyaboarine, rojose mani yise vajare, Cristo, rojose magũ ñaboarine rojose yir'ire bajiro manire rijabosayumi. Dios ocare masa ña ucamasire ado bajiro ti gotijare, “‘Rojose yir'ĩ ñaami’ yĩami Dios”, yimasiaja mani: “Yucũjũ ña jaju sĩagũre, ‘Rojose yir'ĩ ñaami’ yĩaami Dios”, yigotiaja ti. ¹⁴ Tirãmũju ado bajiro gotimasĩñuju Dios, Abraham ñamasir'ire: “Yũre mũ ajitirũnũrore bajiro, gãjerã, yũre ajitirũnũrãre quẽnaro ñnare yirũcũja”, ñre yimasiñuju. Jud'io masa, jud'io masa me quẽne, Cristore ña ajitirũnũjama, ña rijato beroju mani catirotire yigũ, ñnare ñsirũcũmi Dios. To yicõari, “Esp'iritu Santore mũare ejarẽmorocũre cõarũcũja” Dios ñ yicatore bajiro yigũ, ñnare cõarũcũmi.

“Ado bajiro yirũcũja yũ”, Dios ñ yire queti

¹⁵ Quẽnaro ajiya yũ mairã. Gotimasiore queti mũare gotigũ yaja yũ: Sĩgũ, “Ado bajiro yirãsa”, gãji rãca gãmerã yigũmi. To yicõari,

“Yirucuja” i yiriaro cõrone papera jũroju ucatujeocõagũmi. To bajiro i yicõare ñajare, gãjjua, “Ado bajiroju yiroti ñaũju” yigu, i ucaria jũroju ucarẽmomasibecũmi. ¹⁶ Tire bajiro bajimasiũju Abrahamre Dios i goticũmasire quẽne. Ado bajiro ire goticũmasiũmi: “Sĩgũ ma jãnami suorine masa jedirore quẽnaro yirucuja yũ”, ire yigoticũmasiũmi Dios. “Mũ jãnerabatia suorine masa jedirore quẽnaro yirucuja”, yibesumi. “Sĩgũ ma jãnami suorine” i yijama, “Cristo suorine” yire ãni ñamasiũju ti. ¹⁷ “Tire quẽnaro ajimasiato” yigu, mũare gotimasiogũ yaja yũ. “Mũ jãnami suorine masa jedirore quẽnaro yirucuja”, Abraham ñamasir'ire yigoticũmasiũmi Dios. To yicõari, “Socũ me yaja yũ. Yũ gotirore bajirone yirucuja”, ire yigotirẽmomasiũmi. To i yiro bero, cuatrocientos treinta cãmari bero, gajeye i rotimasire Moisẽre cũmasiũmi, jud'io masa ña cãdirotire yigu. “Tire quẽnaro ña cãdijama, quẽnaro ñare yirucuja”, Moisẽre ire yimasiũmi. To bajiro i yijama, “Tirãmujũ Abrahamre yũ goticatire vasoagũ yaja yũ” yigu me, yimasiũmi. To bajiro i yijama, Abrahamre quẽnaro i yirotire goticũcõari, “Socũ me yaja yũ”, ire yirẽmobetimasiborimi Dios. ¹⁸ Moisẽre i roticũroto rĩjoroju, quẽnaro mani yirotire gotibecũne, “Quẽnaro mũare yirucuja”, manire yigotiyumi Dios. To bajiri, “Dios i rotimasirere mani cãdirotire tũoĩagũ me yiyumi”, yimasiaja mani. To bajiro i yibetijama, “Socũne manire yiyumi”, yimasi-borãja mani.

¹⁹ “Abraham i cãdirotire gotibecũne, ‘Masa jedirore quẽnaro yirucuja’ Dios i yijama, ¿no yigu beroju Moisẽre ire roticũmasiũjari Dios?”, yitũoĩarãja mũa, sĩgãri. To bajiro yitũoĩarãre ado bajiro cãdiaja yũ: “‘Cãdijeomasibeaja; rojose yijairã ñaja mani’ yimasiato masa” yigu, i rotimasirere cũmasiũju Dios. “To bajiro tũoĩarũgũruarãma, Abraham jãnami suorine masare quẽnaro yũ yirotirãmũ ti ejaro”, yitũoĩamasiũmi Dios. I masune, i rotimasirere Moisẽre gotibetimasĩju. I tũana ángel mesare Moisẽre gotirotimasĩju. Ña gotisere ajicõari, jud'io masajuare gotirẽtomasiũju Moisẽs quẽna. ²⁰ “Mũ jãnami suorine masare quẽnaro yirucuja” Dios i yijama, i tũana ángel mesare gotirotibesuju. I masune Abrahamre gotimasiũju.

“ ‘Rojose yirã ñaja’ masa ña yitũoĩarotire yigu, i rotimasirere cũmasiũju Dios”, yire queti

²¹ Abraham ñamasir'ire quẽnaro i gotiro bero, i rotimasirere cũgũ, ¿“Abrahamre yũ goticatijũare masiritiya” yigu, yiyujari? To bajiro me yiyumi. Moisẽre Dios i roticũmasirere quẽnaro mani cãdijeose suorine, “Ñie rojose mana ñaama”, manire yibogũmi Dios. ²² To bajiboarine, Dios i rotimasire masa ña cãdise suorine, “Rojose mana ñaama”, ñare yibeami Dios. Dios ocare masa ña ucamasire ado bajiro ti gotijare, tire masiaja mani: “Masa jediro rojose yisejarã ñari, ti rione ñare yirũamacõrũgũja”, yigotiaja. To bajiri, “Mũ rotimasire cãdibecũ ñaja yũ” Diore ire yigoticõari, “Jesucristo yũre i rijabosare ñajare, ‘Rojose maja’ Dios i yĩagũ ñaja yũ” yitũoĩarã rĩne ñaama Abrahamre Dios i goticũmasiriarore bajiro quẽnaro i yirã.

²³ Tirãmujũ, “Jesucristore mani ajitirãnsere ñacõari, rojose tãmũotujabetiriaroju mani vaborotire manire yirẽtobosarucũmi”, yimasibetiaju mani maji. Dios i rotimasire cãdirũgũre ñaũju ti. To bajiri, “Rojose mani yise vaja rojose yibeticõato Dios” yirã, no

bajiro yimasibesuja mani maji. ²⁴ Gotimasiore queti mware gotiaja yu: Uju, i macure ire codebosagure ado bajiro ire rotigumi: “Yu macu rojose yibeticōato’ yigu, ire quēnaro coderucuja mu”, ire yirotigumi. “I bucacoajama, yu yere cuomasijeoacu i ñajare, no yigu ire codebecuja mu”, ire yigumi i uju. I macure codebosagure bajiro bajiyuja Dios i rotimasire. “Rojose yibesa mu” manire yimasiore ñacoayuja ti, Cristo manire i rijabosaro bero, “I suorine, ‘Rojose maja’ Dios i yīarā ñaja” mani yituoīaroto rījorojune. ²⁵ To bajiri adirāmūirema Cristore ajitirānūrā ñari, manire codegure bajiro me bajiaja ti, Dios i rotimasire. ²⁶ To bajiri mu jediro Jesucristore ajitirānūrā ñari, “Yu rīa ñaja” Dios yirā ñaja mu quēne yuja. ²⁷ Cristore ajitirānucōari, oco rāca bautiza ecoyuja mu. To bajiro mu yiecosere iacōari, Cristo quēnaro i yirūgūriarore bajirone mware quēne “Quēnaro yirā ñato” mware yiyumi Dios. ²⁸ Mu jediro Jesucristo yarā mu ñajare, cojoro cōro mu ñasere ĩamaigāmi Dios. Jud’io masa, jud’io masa me quēne ñaja mu. Gājerāre moabosarimasa, moabosarimasa me quēne ñaja mu. Rōmia, ũmu quēne ñaja mu. Jediro vusaro mu ñaboajaquēne, Jesucristo yarā mu ñajare, cojoro cōrone mu ñasere ĩamaigāmi Dios. ²⁹ Cristo yarā ñari, Abraham jānerabatiare bajiro bajiaja mu quēne. To bajirā ñari, Abrahamre Dios i gotimasiriarore bajirone quēnaro i yirona ñaja mu.

4

¹ Gotimasiore mware gotiaja yu quēna: Sīgū, i macu ñasuoqu, i jacu ye jediro cuorocu ñaboarine, i daquecōajama, i jacure moabosarimasare bajiro bajiami. ĩna rotijama, ĩna rotirore bajiro cūdiroti ñaja ire. ² Daquegu i ñaro, i jacure moabosarimasa ire coderāma. To yicōari, i cuorotire quēne coderāma. “Yu macure yu cuose jediro ire ĩsiaja yu yuja” i jacu, i yirotirāmu ti ejaro, moabosarimasure bajiro me bajigumi yuja. ĩre rotimasimenama. ³ Mani quēne Cristore mani ajitirānuroto rījoroju, to bajirone bajiboacaju mani maji. Adigodoaye rīne tuoīarā, ĩna ajirūcubore ti rotirore bajirone rotiecocaju mani. ⁴ To bajiro mani bajiñaboajaquēne, “To cōrone yu macure cōarucuja yu” Dios i yiriarūmu ejayumi. To bajiri Dios macu ñaboarine, manire bajirone rōmio suorine ruyuyumi. Jud’io masu ruyuar’i ñari, Dios i rotimasire rotiecoyumi. ⁵ Tirāmūaye rotimasire ajitirānūboariarā, rojose mani yisere i masiriose vaja, i macu i vaja yibosarotire yigu, ire cōañumi Dios. ĩ rīa mani ñarotire bojagu ñari, to bajiro yiyumi. ⁶ To bajiri Dios rīa mani ñajare, i macu Jesucristo rācagu, Esp’iritu Santore, manire cōañumi Dios. Manire quēne i ñajare, “Cacu”, ire yivariquēnaja mani. ⁷ To bajiri, adirāmūirema, Dios Moisére i roticūmasirere rotiecorā me ñaja, Dios rīa ñari. To bajiri, “Yu rīare quēnaro ĩnare yirucuja yu’ i yiriarore bajirone manire yirucumi”, yimasiaja mani.

“Jud’io masare bajiro bajibesa”, Pablo i yire queti

⁸ Tirāmūjuma Cristore mu ajitirānuroto rījoro, Diore masibeticaju mu maji. ĩre masimena ñari, “Ado bajirā ñarāma” mu masune yiquēnorujeocōari, rūcubūoboayuja mu maji. ⁹ Adirāmūirema Diore masirā ñaja mu quēne. To bajiri, “Yu rīa ñaama” mware yīaru, mware beseyumi Dios. Diore masirā ñaboarine, ũno yirā Diore masimena ĩna rotirere mu rotiecoriarore bajiro Dios i rotimasirere rotiecorā ñaruati mu? To bajiro mu yirūaboase vaja maja. ¹⁰ Jud’io masa me

ñaboarine, jud'io masa ye Moisére Dios í roticūmasire ti rotirore bajiro mña cūdirūgūrere ajibũ yũ. “Adirūmũ rūcūbūoriarūmũ ñaja. Ado cōro ñamiagu í tusatone, ado cōro juebucũ ti tusatone, to yicōari, ado cōro cāma ti tusatone, rūcūbūoroti ñaja” yicōari, mña cūdirūgūrere ajibũ yũ. ¹¹ Tire ajicōari, “¿Yũ gotimasioboacati vaja mañujari?”, yitūoĩa sutiritiaja yũ.

¹² Yũ mairã, ado bajiro mña bajisere bojabeaja yũ: Dios í rotimasirere mña rotiecosere bojabeaja yũ. Yũjũama, jud'io masũ ñaboarine, “Tire yũ cūdijama, ‘Rojose maja’ yũre yirucũmi Dios”, yibeaja yũ. Yũ yitūoĩarore bajiro mña quēne, mña tūoĩajama, quēnarũaroja. Tirūmũjũ mña tũju yũ ñaro, quēnaro yũre yicajũ mña maji. ¹³ Tire masiritimenaja mña. Rijagu ñari, mña tũju ejacajũ yũ. Cristo í rijabosare sũorine quēnaro Dios í yise quetire mũare gotimasiosũocajũ. ¹⁴ Rijagu yũ ñaboajaquēne, yũre ãatebeticajũ mña. Ángel bocaãmirãre bajiro quēnaro yũre bocaãmicajũ mña. To yicōari, Jesucristore bocaãmirãre bajiro quēnaro yũre bocaãmicajũ mña. ¹⁵ Adirūmũrĩrema, “Vaja magũ ñaami” yĩarãre bajiro yũre yaja mña yuja. To bajiri, “Yũ gotimasioacatire ajicōari, bũto ñna variquēnacatire masiriticoariarãma”, mũare yitūoĩaja yũ. Tirūmũjũma, variquēnacōari, bũto yũre ãamaicana ñari, mña yimasijama, mña caje juacōari, yũre ãisiboriarãja mña, “ãamasiatũ” yirã. ¹⁶ Adirūmũrĩrema yũre ãateaja mña. ¿No bajiro bajicōari, yũre ãateati? Cristo í rijabosare sũorine quēnaro Dios í yise quetire quēnaro rĩojũ mũare yũ goticōa ñajare, ¿yũre ãateati mña?

¹⁷ Dios í rotimasire gotimasiorã, mũare baba cūtirūgūrãma ñna. To bajiboarine, mũare quēnaro yirũarã me, to bajiro bajirãma. “Pablõre ajitecōari, mani rĩrene ajitirũnũato” yirã, to bajiro bajirãma. ¹⁸ Gãjerã manire mairã, bũto manire ñna tūoĩajama, quēnaja. To bajiboarine, manire yitorũarã, socarãne manire ñna maijama, quēnabeaja. Gajeyerema, mani tũju gãjerã ñna ñaro rĩne, ñnare mairoti me ñaja manire. To bajiro mũare yirūgūrũoti ñaboaja, yũre. ¹⁹ Yũ mairã, yũ rĩare bajiro bajirã ñaja mña. Mũare bũto tūoĩacōa ñaja yũma. Rōmia ñna macũ cũoroto rĩjoro, bũto tūoĩacōari, rojose ñna tãmũorore bajiro yũ quēne, mũare tūoĩacōari, rojose tãmũoaja. To bajiro rĩne rojose tãmũocōa ñnarūgūrũcũja yũ. Gajeye tūoĩavũomenane, “Cristo í rijabosare sũorine, ‘Rojose maja’ manire yĩagũmi Dios” mña yitūoĩarojũ, rojose tãmũo tũjarũcũja. ²⁰ Mña tũju bũto ñnarũaboaja yũ. Tojũ yũ ñajama, quēnabusaro mũare gotibogũja yũ. Sōjũ ñari, mũare tūoĩarejaicōari, adi papera rãca quēnaro mũare gotimasibeaja yũ.

Sara, Agar ñna bajire queti

²¹ Mña sĩgũri, Moisére Dios í roticūmasire cūdirũa tūoĩaja mña. “Dios í rotimasire” yũa yijama, Moisés í ucamasirere yirã yaja. To bajiri Moisés í ucamasirere mũare yũ gotimasiosere quēnaro ajimasĩna mña. ²² Abraham ñamasir'i, juarã ãmũa rĩa cūtimasiñũju. ã manajore moabosarimaso Agar vãme cūtimasirio macũ ñamasifiñũju sĩgũ. Gãjjũma, ã manajo Sara vãme cūtimasirio macũ ñamasifiñũju. ²³ Sarare moabosarimasorene manajo cūti, yĩ macũ cūtimasiñũju Abraham. Gãjjũama, ã manajo cūtisũorio macũ ñamasir'ima, “Macũ cūtirũocomo” Abrahamre Dios í yimasir'ire macũ cūtimasiñũju. ²⁴ To bajiro ñna bajimasirere ado bajiro gotiaja: Moabosarimaso, so rĩa cūtijama, so hũjere moabosarimasa ñarãma ñna quēne. To bajiro rĩne bajicoayũja ti. To bajiri, Sarare moabosarimaso, Agar vãme cūtimasirio, gũtaũ Sina'ĩ vãme cūtiũjũ Moisére Dios í roticūmasirere bajiro bajiyũmo so. To bajicōari, Dios í rotimasire

cudirã, ado bajiro so rïare bajiro bajiama ïna: ïna quêne, moabosari-
 masare bajiro bajiama, Dios ï rotimasire cudijeobetiboarine, “Manire
 ïavariquênato Dios’ yirã, cudiroti ñaja” yirã ñari.²⁵ Gajeyerema, ado bajiro
 ti bajijare, “Moisére Dios ï roticūmasirere bajiro bajiamo Agar”, yimasiaja
 mani: Cojojirema, “Agar” ïna yijama, gūtau Sina’i vāme cutiare yirã
 yama masa. To bajicōari, Agar macu jānerabatia, árabe masa ïna ñaroju
 ñaroja tiu. To bajicōari, Jerusalén vāme cuti macare bajiro bajiamo so,
 Agar. Moabosarimasa jacore bajiro bajiaja Jerusalén, ti macana, Dios ï
 rotimasire cudirã ïna ñajare.²⁶ Ō vecaju quêne, Dios ya maca “Jerusalén
 vāme cuti maca ñaroja”, yicama. Tojuma, moabosarimasa jacore bajiro
 me bajiaja. Sarare bajiro bajiaja, ti maca ñarona, so rïare bajiro bajirã,
 “Dios ï rotimasire cudiroti me ñaja” yicōari, Cristo rïrene ajitirūnarã
 mani ñajare.²⁷ Diore gotirētobosarimasu Isa’ias vāme cutimasir’i ado bajiro ï
 ucamasire ñajare, “Sarare bajiro bajiaja ō vecaju, Jerusalén maca”, yaja
 yu. Sarare gotigure bajiro ucamasifūju:

“Rïa magō, ajiya. Rïa magō ñaboarine, quēnaro variquēnaña. Macu
 cutigoago rojose tāmūōiābeco ñaboarine, ‘Jājarã rïa cutirūocoja’ yī-
 masigō ñari, variquēnaña mu. ‘Jājarã rïa cutiato’ yigu yirūcūja yu.
 Yu rāca ñagō rētoro rïa cutirūocoja mu”, yīucamasifūju Isa’ias.^a

²⁸ Yu mairã, quēnaro ajiya. “Macu cutirūocoja mu” Dios ï yimasire
 ñajare, macu cutimasiñuju Sara, Isaac vāme cutigure. ï jānamijua ñañumi
 Cristo, “ï suorine quēnaro yirūcūja yu” Abrahamre Dios ï yigotimasir’i.
 To bajiri, manijua, Cristore ajitirūnarã ñari, Abraham jānerabatiare ba-
 jiro bajiaja mani yuja. Dios ï rotimasire cudirã, to bajiro me bajiaja
 mani. “Cristo ï rijabosare suorine quēnaro ïnare yirūcūja yu” Dios ï
 yimasire ñajare, bajiaja mani.²⁹ Gajeyerema, ado bajiro manire go-
 tiaja Moisés ï ucamasire, “Dios ï rotimasire” yua yise: “ï manajore
 moabosarimaso macūja, Esp’iritu Santo suorine Sara so macu cutir’ire
 rojose yimasifūju”, yigotiaja Moisés ï ucamasire. Adirūmari quêne,
 to bajirone bajiaja manire quêne. Cristo suori Abraham jānerabatiare
 bajiro bajirãre, manire rojose yirūgūama Abraham jānerabatia, Moisére
 Dios ï roticūmasire cudirã.³⁰ Rojose manire ïna yiboajaquêne, Moisés
 ï ucamasirere mani buejama, Dios ye mani suoroti gotisere ïabujarãja
 mani. Ado bajiro gotiaja: “Mu manajore moabosarimasore, so macure
 quêne ïnare varoticōaña. So macu ñari, mu rijato beroju mu suorine
 suorine yabetirūcūmi. Jediro Sara macu ye ñarūaroja”, yigotiaja, Dios
 ocare Moisés ï ucamasire. To bajiro ti gotijare, “Moabosarimaso rïare
 bajiro bajirã me ñarãma ‘Quēnaro ïnare yirūcūja yu’ Abrahamre Dios
 ï yimasiriarã”, yimasiaja mani.³¹ To bajiri, yu mairã, “Ado bajise
 tūōiamasiato” yigu, Moisés ï ucamasire mūare gotibu yu: “Dios ï rotimasire
 mani cudijeobetijama, manire ïavariquēnabetirūcūmi Dios” yitūōia güirã
 me ñari, moabosarimaso rïare bajiro bajirã me ñaja mani. “Cristo ï
 rijabosare suorine Dios ïavariquēnarã ñaja” yirã ñari, Sara ñamasirio rïare
 bajiro bajirã ñaja mani.

5

Rojose mano quēnase rïne yïñare queti

^a 4:27 Is 54.1. Adirūmarirema, “Yu rāca ñagō” ï yijama, adi macarūcuro Jerusalén macare yigu
 yimasifūju. “Rïa magō ñaboario” ï yijama, ō vecaju Jerusalén macare yigu yimasifūju.

1 “Yu suorine Dios ĩ ĩavariquēnarā ñari, Dios ĩ rotimasire cudirua tuoĩabeticoato ĩna” yigu, manire rijabosayumi Cristo. To bajiri, gajeye tuoĩamenane, “Cristo ĩ rijabosare suorine Dios ĩ ĩavariquēnarā ñaja mani”, yituoĩaruguruaruja mua. Gujeru ricati ĩna gotijama, ĩnare ajibetiruguruaruja.

2 Quēnaro ajijya mua. Ñamasuse muare gotigu yaja yu: “Manire ĩavariquēnato Dios” yiru, jud'io masa circuncisión yirotirurue bajiro mua yirotijama, Cristo suorine Dios ĩ ĩavariquēnarā me ñaruaruja mua. ³ Quēna muare tudigotiaja yu: Jud'io masa circuncisión yirotirurue bajiro mua quēne, mua yirotijama, Dios ĩ rotimasire cudijeoroti ñaboroja muare. To bajiboarine ñimujuu cudijeogu manirucumi. ⁴ “Dios ĩ rotimasire quēnaro yu cudijama, yure ĩavariquēnarucumi Dios” mua yituoĩajama, Cristore ajitirunuruā me ñacoaruaruja mua. “Cristo ĩ rijabosare suorine manire ĩavariquēnagumi Dios” yituoĩamena ñari, to bajiro bajiruaruja mua. ⁵ Manijuama, “Cristo manire ĩ rijabosare ñajare, Dios ĩ ĩaro rĩjoro mani ejaro, ‘Rojose maja’ manire yĩlarucumi”, yituoĩa yuñaja mani. Esp'iritu Santo ejaecoriaru ñari, to bajirone yituoĩa yuñaja mani. ⁶ Cristo yaru ñari, circuncisión yiecojama, yiecobetijaquēne, ñamasuse me ñaja. Ti suori me manire yirutobosarucumi Dios. “Manire rijabosayumi Cristo” mani yituoĩase, to yicoari gujeru mani maise suorijua manire yirutobosarucumi Dios. ⁷ Cristo suorine quēnaro Dios ĩ yise queti socabetire quēnaro ajitirunusuooacaju mua maji. ¿Ñimaru oca suori tire ajitirunu tujati mua? ⁸ Dios me to bajiro muare bajirotiامي. Dione ñaami “Yu macu Cristore ajitirunuña” yigu, muare beser'i. ⁹ Panre umato vauvase quetire masiritibesa mua. Panre umato vauvasere mojoroaca vuore ti ñaboajaquēne, vauvediaja ti, pan. Tire bajirone bajaia socase mua tuoĩase. Socase, ñamasuse me ti ñaboajaquēne, mua tuoĩacoa ñajama, ñajediro riojo me tuoĩaru ñacoaruaruja mua. ¹⁰ To bajiboarine, “Cristo yaru ñaama ĩna quēne”, muare yituoĩaja yu. To bajiri, “ĩna quēne yu gotiure bajiro yiruaruma”, muare yituoĩaja yu. “Riojo gotiami Pablo. ‘Rojose maja’ manire yĩato Dios’ yiru, Cristore ajitirunucoari, gajeye yiroti me ñaja”, yituoĩaruja mua quēne. Gujeruajuama, socase muare gotimasioru, ñamasuru ĩna ñaboajaquēne, to bajiro ĩna yise vaja, rojose ĩnare yirucumi Dios.

¹¹ Ado bajiro yure socase ĩna gotisere tuoĩañu, yu mairu: “Yua gotimasiosere gotimasioami Pablo quēne. ‘Dioruca quēnaro mua ñaruajama, jud'io masare Dios ĩ rotiriarore bajiro circuncisión yirotiya’ yami Pablo quēne”, yure yisocayuma. To bajiro masare yigotimasioubeaja yu. To bajiro yu yigotijama, yu gotimasiosere ajicoari, ¿rojose yure yitujaboriaruda ĩna, jud'io masa? Yuma, circuncisión yirere gotibecune, ado bajirojua gotimasioaja: “Yucutueroju manire rijabosayumi Cristo, ĩre ajitirunurue Dios ĩ ĩavariquēnarotire yigu”, yigotimasioaja. To bajiro yu gotimasiosere buto ajiteama jud'io masa. ¹² To bajiro socase ocare gotiru, circuncisión yire rucubuoru ñari, ĩna vejeriuoare quēne ĩna yijetareacoajama, quēnaboroja.

¹³ Mua, yu yaru, yu bederue bajiro ñaru, “Quēnaro ñarona, roticumasirere rotiecobetirona ñato” yigu, Dios ĩ beseriaru ñaja mua. To bajiri, quēnase rĩne yirugurona ñaja mua. To bajiro ĩ yiriaru ñaboarine, “Mani tuoĩarore bajiro rojose mani yijama, quēnaroja”, yituoĩabeticoañu. Gujeruare ĩamaicoari, ĩna bojasere yirugurotijua ñaja. ¹⁴ To bajiro bajiruguroti ñaja, Dios ĩ rotimasire ado bajiro ti gotijare: “Mu masu rujure mu mairore bajirone

ma tuanare maiña”, yigotiaja. Tire mua yijama, Dios ĩ rotise ñaro cõrone cudirã yirãja. ¹⁵ To bajiboarine, gãmerã ĩatecõari, tud'irũgũrãja mua. To bajicõari, mua gãmerã oca quẽnobetijama, butobusa gãmerã ĩaterũtuarãja mua. To bajicõari, ñimũjua Cristore ajitirũnũgũ manirũcumi.

¹⁶ To bajiri, ado bajiro muaare gotiaja yũ: Esp'iritu Santo muaare ĩ rotisere mua cudijama, rojose mua yirua tuoĩaboasere yibetiruarãja. ¹⁷ Rojose mua yirua tuoĩase, to yicõari, Esp'iritu Santo muaare ĩ rotise, cojoro cõro me ñaja. Quẽnasejua mua yisere Esp'iritu Santo ĩ bojaboajaquẽne, ĩ rotisere cudibeticõari, mua masu rojose mua yirũasejuare yirũgũrãja mua. ¹⁸ To bajiboarine Esp'iritu Santo muaare ĩ rotisejuare mua cudijama, Dios ĩ bojarore bajiro ĩ rotimasire rotiecomenaja mua.

¹⁹ Rojose ĩnare yirua tuoĩasere yirũgũrã, ado bajiro yirã ñarãma: Manajo cutirã, manajũ cutirã, manajo mana, manajũ mana quẽne, gãmerã ajeriarã cutirã ñarãma. ĩna rujũriaye rãca bojoneose yirã ñarãma. ²⁰ “Ado bajirã ñarãma” ĩna masune yiquẽnorujeocõari, ĩna quẽnorãre rũcũbuorã ñarãma. “Rẽtoro masirã ñaja yua” yirã, ĩaĩañamani yirã ñarãma. Gãmerã ĩaterã ñarãma. “Mani rẽtobusaro quẽnaro ñaama”, yĩajũnisinirã ñarãma. Guaro jũnisinidarã ñarãma. ĩna bojarore bajiro rĩne yirã ñarãma. Gãjerã rãca ĩna ñajama, ĩna yise suorine sũgũre bajiro tuoĩabeticõari, quẽnaro ñamenama masa. ĩna tuoĩarore bajiro tuoĩarã rãca ricati rujicõari, oca josarã ñaama. ²¹ Gajeyeũnire gãjerã yere ĩaũorã ñarãma. ĩdire mecũose idimecũcõari, rojose yirã rãca vana ñarãma. Ti ũnire yirã ñarãma, rojose ĩna yirua tuoĩasere yirã. Tirũmũjua muaare yũ goticatore bajiro muaare gotigũ yaja yũ quẽna: Gãjerã, to bajiro rojose yirũgũrã, õ vecajũ ũjũ Dios yarã quẽnaro ĩ yirona me ñarãma.

²² Esp'iritu Santo rãcanajuaama, ĩ masisere ĩ ũjoriarã ñari, ado bajirojua bajirã ñaja mani: Gãjerãre mairã ñari, ĩna rãca variquẽnarã ñarũgũaja mani. Gãjerã manire rojose ĩna yiboajaquẽne, ĩnare jũnisinibeaja mani. To yicõari, “Yiruarãja” mani yirore bajirone yirũgũaja. ²³ Gãjerãre rũcũbuorã ñari, mani bojabetire ĩna yirũaboajaquẽne, “Yibesa”, ĩnare yibeaja mani. Rojosere yiruarã ñaboarine, tire yibetirũgũaja mani. To bajiro yirã mani ñajama, Dios ĩ rotimasire ti gotirore bajiro yirã yirãja mani. ²⁴ Cristo yarã ñari, ado bajiro tuoĩaja mani: “Rojose yirũaboarine, tire yibeticõato’ yigũ, manire rijabosayumi Cristo. To bajiri, rojose yibetiruarãja mani”, yituoĩaja mani. ²⁵ Esp'iritu Santo suorine, mani rijato berojũ mani catirotire yigũ, Dios ĩ catisere ĩ ĩsiriarã ñari, ĩ bojarore bajiro yirũgũroti ñaja manire.

²⁶ “Gãjerã rẽtoro masirã ñaja yua”, yibetiroti ñaja manire. To bajiro mani yibetijare, manire ĩatemename gãjerã.

6

Gãmerã ejarẽmore queti

¹ Yũ mairã, Esp'iritu Santo rãcana ñari, sũgũ mua rãcagũ rojose ĩ yijama, ĩre ejarẽmoña, “Rojose ĩ yise yitujato” yirã. ĩre tud'imenane, ĩamaicõari, ĩre ejarẽmoroti ñaja muaare. To yicõari, quẽnaro tuoĩama, “ĩre bajiro rojose yirobe” yirã. ² Rojose tãmuorãre ĩamaicõari, ejarẽmoña. To bajiro mua yijama, Cristo ĩ rotiriarore bajiro yirã, yirãja mua.

³ Sũgũ, “Rojose yigũ me ñaja” ĩ yituoĩajama, ĩ masune socagũ yami. ⁴ Tocãrãcũ, mua yisere tuoĩacõari, “¿Dios ĩ bojarore bajiro yigũ yatĩ yũ?”,

mua masune yisēniarūgūña. Tire yituoīacōari, “Yu yisere İavariquēnagūmi Dios” mua yijama, variquēnaruarāja mua. To bajiboarine, “İna rētoro quēnaro yibu yu” yicōīabecune, to bajiro yirūgūroti űaja. ⁵ Beroju tocārācu mani yisere, “Ado bajiro yigu űari, to bajiro yicaju yu” Diore İre yigotiroti ti űajare, to bajiro mani masune yisēniarūgūroti űaja.

⁶ Cristo ocare muare gotimasiorimasure, İ bojase masu ti manijama, İre ejarēmoroti űaja muare.

⁷ Quēnaro tuoīaűa mua. “Rojose yu yijama, masibecumi Dios” mani yituoīaboajaquēne, disejua İ masibeti manijare, mani yisere masijeogu űaami. Gotimasiore ocare muare gotigu yaja yu: Ote ajere mani otejama, ti ajene judicōari, ti bucuaato, ti ricarene juaruarāja. Gajeye mere juaruarāja mani. ⁸ Tire bajirone bajiaja gāji rojose İ yirua tuoīarore bajiro yirūgūgūma. To bajiro İ yicōa űajama, ō vecaju rojose İ yise vaja rojose tāmuetujabetiriaroju İre rocaracumi Dios. Esp'iritu Santo İ rotisere yirūgūgūrema, İ rāca quēnaro masu İ űarotire yirucumi. ⁹ To bajiri Dios İ bojarore bajiro quēnasere yitujabetiroti űaja manire. Tire mani yitujabetijama, “To cōrone quēnaro yirucuja” Dios İ yiriarūmu ti ejaro, quēnaro manire yirucumi. ¹⁰ To bajiri mani yimasiro cōro, masa jedirore quēnaro yirūgūruarāja mani. Gājerā Cristore ajitirānūrā űari, mani yarā İna űajare, butobusa İnare ejarēmorūgūruarāja mani.

Pablo, Galacia sitanare İ gotitusare quieti

¹¹ Adi yu gotitusase, jacase vāme rāca yu masune ucaja yu. ¹² Circuncisión yirotirā, gājerā jud'io masa İnare İna İarūcubūorotire yirāma. Ado bajiro tuoīarāma İna: “Mani uju Cristo, yucātēroju manire İ rijabosare űajare, ‘Rojose maja muare’, manire yİlavariquēnagūmi Dios’ mani yigotiboajaquēne, jud'io masa yere quēne mani gotimasioajama, manire rojose yimenama İna”, yituoīarā űaama. ¹³ Circuncisión yiriarā, Dios İ rotimasire cūdijeomasimena űaboarine, circuncisión muare yirotirāma İna. “Galacianare circuncisión yiroticaju yu” İna yarā jud'io masare yigotivariquēnaruarā, to bajiro muare yirotirāma. ¹⁴ To bajisere gotimasiobetirucuja yujuama. Yu gotimasiosema ado bajise űaja: “Yucātēroju mani uju Jesucristore jajusİaűuma masa. To bajiri, manire İ rijabosare űajare, ‘Rojose magū űaami’ yure yami Dios”, yivariquēnaja yu. Adirāmārema Cristore tuoīamena, “űamasuse űaja ti” İna yituoīaboase, űamasuse me űaja yurema. Cristore tuoīamena, “űamasugū me űarimi Jesús” İna yituoīaboagu, űamasugū űaami yurema. ¹⁵ Circuncisión mani yijama, mani yibetijaquēne, űamasuse me űaja ti. űamasuse űaja Cristore ajitirānūcōari, İ yarā Esp'iritu Santo rācana űari, rojose mani yirūgūrere mani yirua tuoīabetirūgūse.

¹⁶ Mua jediro yu yirotisere ajitirānūrāre, ado bajiro muare sēnibosaja yu, Diore: “İnare İmaicōari, ‘űie rojose mano quēnaro űato’ yigu, İnare ejarēmōűa”, muare yisēnibosaja yu.

¹⁷ Rojose yure űagōmacarājuare ado bajiro yaja yu: “Rojose yure mua yirose yitujaya yuja. Jesucristo oca yu gotimasiojudicare, rojose yure yirūgūcama masa. To bajiro İna yijare, jairo cāmi godo cutigu űaja yu. Tire yu İojama, ‘Socu me yami Pablo. Jesucristo oca goticudirimasu űaami’ yure yİlaruarāma masa. To bajigu yu űajare, yure ajirūcubūoya mua yuja”, İnare yaja yu, rojose yure yirorāre.

18 Cristore ajitirũnũrã mũa ñajare, “Yũ yarã ñaja mũa quẽne”, yaja yũ.
Mani ẽju Jesucristo, quẽnasere mũaare cõarũgũato.
To cõro ñaja.

Carta de San Pablo a los EFESIOS

Efeso vāme cūti macana, Jesucristore ajitirānūrāre Pablo ī ucare queti

¹⁻² ĶNati m̄ua, Efeso vāme cūti macana, Dios yarā? Jesucristore ajitirānū tujamenare m̄uare ucacōaja yu. M̄uare quēnarotigu, mani jacu Diore, to yicōari mani uju Jesucristore, ado bajise m̄uare sēnibosaja yu: “Quēnaro īna n̄arotire yirā, īnare ejarēmoña”, m̄uare yisēnibosaja yu. Yu n̄aja Pablo vāme cūtigū, adi paperare m̄uare cōagū. Dios ī bojjare, Jesucristo ī cōacacu n̄aja yu.

³ “Rētoro masigū, quēnarētogū n̄aami”, mani uju Jesucristo jacare īre yirācūbuoto mani. Jesucristore īre mani ajitirānūsuorone, quēnaro manire yiyumi Dios, ī rāca quēnaro mani n̄asere, to yicōari mani n̄arotire quēne. ⁴ Adi macarūcurore ī rujeoroto r̄joroju, “Jesucristo yarā yu r̄ia n̄arona n̄aama”, manire yitūoīamasīnūmi Dios. Ō vecaju ī tujū mani ejaro, “Jesucristo yarā īna n̄ajare, n̄ie rojose īnare yibetirūcūja yu. Quēnase r̄ine yirā n̄aama” manire yīarū, to bajiro yimasīnūmi. ⁵ “Jesucristo īnare rijabosarocure cōarūcūja yu. Ti suorine yu r̄ia n̄aruarāma īna”, yitūoīamasīnūmi Dios, manire maigū n̄ari. ⁶ Ī macu ī maigū yarā mani n̄ajare, quēnaro manire yiyumi. Tire mani tūoīajama, “Quēnaro masune yiyuja m̄u” īre mani yivariquēnarotire yigu, to bajiro yimasīnūmi Dios. ⁷⁻⁸ To bajiri, ī maigū yarā mani n̄ajare, “Rojose īna yise vaja īnare rijabosaaya” yigu, Jesucristore īre cōañūmi Dios. To bajiro ī yiriaro bero, manire ī rijabosare n̄ajare, “N̄ie rojose īnare yibetirūcūja yu”, manire yīañūmi Dios. To bajiro ī yirere mani ajimasise ī cōare ti n̄ajare, “Manire maimasucōaami Dios”, yimasīajaja mani. ⁹ Tirāmujuma, Dios ī cōarocū Cristo ī bajirocaroti suorine īnare quēnaro Dios ī yirotire masibeticama masa maji. Adirodorema quēnaro ī yisere, to yicōari quēnaro ī yirotire mani masirotire manire cōañūmi. ¹⁰ “To bajiro yirūcūja yu” Dios ī yiriarāmū ti ejaro, ō vecanare, to yicōari adi macarūcuroanare quēne rojose tāmūotujabetiriaroju rojose tāmūoboronare īnare yirētobosajeocōari, “N̄ajediro uju n̄aña m̄u”, Jesucristore īre yirūcūmi.

¹¹⁻¹² Yu jud'io masa, “Rotimūorūgōrūcūmi” yigu, Dios ī cōarocure tūoīayucana n̄aja yu. To bajiri Cristore m̄ua ajitirānūroto r̄joro īre ajitirānūcana n̄aja yu. To bajicōari, adi macarūcuro ī rujeoroto r̄joroju, “Quēnaro īnare yirūcūja” ī yiriare bajirone Cristo yarā yu n̄ajare, quēnaro yuare yiyumi. To bajiro yuare ī yire ti n̄ajare, quēnaro Dios yuare ī yirere, to yicōari, ō vecaju yuare ī yirotire quēne yu gotisere ajicōari, “Rētoro quēnagū n̄agūmi Dios”, īre yirūcūbuorūgūama gājerā. ¹³ M̄ua jud'io masa mere quēne, Jesucristo ī bajirere ajitirānūrā, ī yarā m̄ua n̄ajare, quēnaro yiyumi Dios. To yicōari, Dios tujū m̄ua ejaro Jesūre quēnaro ī yirore bajiro m̄uare quēne quēnaro yirūcūmi Dios. Jesucristore m̄ua ajitirānūsuorone, Esp'iritu Santore m̄uare cōañūmi Dios, “Cōarūcūja” ī yiriare bajiro yigu. To bajiro ī yijare, “Dios yarā n̄aja mani”, yitūoīamasīajaja m̄ua. ¹⁴ To bajiri, Dios ī cōagū Esp'iritu Santo rācana mani n̄ajare, “‘Quēnaro yirūcūja’ ī yiriare bajirone quēnaro manire yirūcūmi”, yimasīajaja mani. To bajiri, “Dios tujū mani ejaro, Jesucristore quēnaro ī yirore bajiro, manire quēne, quēnaro ī yiroto r̄joro, ‘Quēnase

rīne yirā ņato ņa' yigū, manire ejarēmojeocōarūcūmi", yimasiāja mani. To bajiro manire Dios ī yisere ĩacōari, "Quēnaro masu ĩnare yami Dios", ĩre yirūcūbuoġarāma adigodoana, to yicōari, ō vecana quēne.

Jesucristore ajitirānūrāre, Diore Pablo ī sēnibosare queti

¹⁵ Mani ūju Jesūre mūa ajitirānūrūgūsere, to yicōari gājerā Jesūre ajitirānūrāre ĩamaicōari quēnaro mūa yisere quēne ajicaju yū. ¹⁶ Tire ajigu ņari, tocārācājine Diore yū sēnijama, "Quēnaro yaja mū. Mū sūorine to bajise yama ĩna", ĩre yirūgūaja yū. ¹⁷ ĩ ņaami mani ūju Jesucristore cōar'i, mani jacū, quēnaro masu manire yirēmogū. ĩrene ado bajise mūare sēnibosaja yū: " ĩnare quēnaro mū yisere ajimasicōari, mū bojarore bajiro būtoġusa yato ĩna' yigū, mū masisere ĩnare cōaġa mū", Diore mūare yisēnibosarūgūaja yū. ¹⁸ Adigodoju mūare ī yarāre quēnaro ī yisere mūa ajimasijama, ī taju quēnaro mūare ī yirotire ajimasirūarāja. ¹⁹⁻²⁰ To yicōari, "Dios manire ejarēmogūre, ņiejua josase maja", ĩre yimasirūarāja. Cristo ī bajirocaboajaquēne, ĩre catiocōari, ō vecaju ī ņaroju ī riojojacatūare ĩre rojoyumi Dios. To bajiro ī yire ņajare, "Masijeoġū ņaami", ĩre yimasiāja mani. ²¹⁻²² Cristore riojojacatūa ĩre rojocōari, ō vecanare, adi macarūcūroanare, to yicōari rijariarāre quēne, "Jediro ūju ņaġa mū", ĩre yiyumi Dios. To bajiro ī yijare, rojose yirāre, rojose tāmūotūjabetiriaroju ĩnare ī rearoto rġoro, ĩnare ī rearo bero quēne, rotimūorūgōcōa ņarūcūmi. To bajiri, Cristore mani ajitirānūjama, ĩne ņaami mani ūju. Manire ūmato ņagū ņari, mani rūjoare bajiro bajigū ņaami. ²³ To bajiri, Cristore ajitirānūrā ņari, sġgūre bajiro tūoġarā ņaja mani. Mani ņacudiro cōrone mani rāca ņacōa ņarūgūrūcūmi Cristo. To bajiri mani rāca ī ņajare, ņiejua ruyabeaja manire.

2

"Cristo manire ī rijabosare sūorine Dios ī catisere ī ĩsirā ņaja mani", yire queti

¹ Mūa jud'io masa me ņarā, ĩre masimena ņari, rojose yirā ņariarāja mūa maji. To bajiri, catirā ņaboarine, Dios ī ĩajama, bajireariarāre bajiro bajirā ņariarāja mūa. ² Rojose mūa yijama, vātia ūjare cādīrā yirarāja mūa. ĩ ņaami Dios ocare ajimenare rotigū. ³ Yūa jud'io masa quēne, Dios ī roticūmasirere masiboarine, ti yirore bajiro yirūabesuja yūa. To bajiri, rojosere yisejacōari, ti rione yūare yirūamacōrūgūcaju ti maji. To bajiro bajirā ņari, rojose tāmūotūjabetiriaroju Dios ī rearona ņaboajuja yūa quēne. ⁴ To bajiro yiecorona mani ņaboajaquēne, manire maimasucōagū ņari, quēnaro manire yiyumi Dios. ⁵ Rojose yirā ņari, Dios ī ĩajama, rijariarāre bajiro bajirā mani ņaboajaquēne, ī macū rācana mani ņajare, ī catisere manire ĩsiűumi Dios. Quēnamasugū ņari, rojose tāmūotūjabetiriaroju mani vaborotire ī macūre manire yirētobosarotiyumi Dios. ⁶ To bajiri, ī macūre ī tudicatorone, manire quēne tudicatiogūre bajiro manire yiyumi. To bajiro ī yijama, "Ō vecaju ī ņaroju Jesucristo rāca rujirāre bajiro ņarūarāma" yigū yiyumi. ⁷ To bajiro ī yijama, "Quēnaro yiyumi Dios" ĩna yirūgūrotire yigū yiyumi. ⁸ Mūa masune, "Quēnaro yirā ņaja yūa" mūa yiro me, ī bojarore bajiro mūare yigū yiyumi Dios. To bajiri, "Quēnaro manire yibosayumi Dios" mūa yitūoġajare, rojose tāmūotūjabetiriaroju mūa vaborotire mūare yirētobosayumi. ⁹ Cristo ī yirētobosare ņajare, "Quēnaro yirā ņari, Dios taju ņarūarāja yūa", yiroti me

ñaja. ¹⁰ “Jesucristo yarã ñaruarãma”, manire yiyumi Dios. To bajiro manire yiyumi Dios, gãjerãre quẽnaro mani yirotire yigũ.

“Jesucristore ajitirũnarã ñari, gãmerã ãtebeaja mani”, yire

¹¹ Tirãmũjũ mani bajirere masiritibesa mũa. Rĩamasaca mame ruyuarãcare circuncisión yirere mani ñicũa ñamasiriarãre ñnare yiroti-masiñumi Dios. “Dios yarã ñaja yũa. To bajiri ã rotisere cãdiroti ñaja” yũa yirotire yigũ, to bajiro yũare yiyumi. Mũajũama, Diore masirã me ñañũja mũa maji. Ñre masimena mũa ñajare, “Circuncisión yiyamana ñaama ñna” yirã, mũare ãterũgũcãjũ yũa. ¹² Cristo ã bajirotire masimena, to yicõari Dios rĩa me ñañũja mũa maji. Mani ñicũa jud'io masarema, “Yũ rotisere mũa cãdijama, quẽnaro mũare yirũcũja yũ”, ñnare yigoticũmasiñumi Dios. Gajeyere quẽne, ñna cãdirotire tuoĩabecũne, “Yũ rĩa mũa ñajare, quẽnaro mũare yirũcũja yũ”, ñnare yimasiñumi Dios. To bajiboarine, mũajũama, mũa rijato berojũ mũa bajirotire masibesuja mũa maji. ¹³ To bajiro bajiriarã ñaboarine, yucũrema Jesucristo yarã ñari, ã rijabosare sũorine Diore masirã ñaja mũa yuja. ¹⁴⁻¹⁶ Yũ jud'io masa Dios ã roticũmasirere ajirũcũborã ñari, “Dios rĩa ñaja mani” yitũoĩacõari, jud'io masa me ñarã rãca gãmerã ãteyũja mani. Jesucristo manire ã rijabosare ti ñajare, “Dios ã roticũmasire mani cãdijama, ã tũjũ ejarũarãja mani” yũa yitũoĩaboare vaja maja. Jesucristo manire ã rijabosare sũorine, jud'io masa, jud'io masa me ñarã quẽne, cojo masare bajiro Diorãca quẽnaro ñasũoyũja mani. To bajiro mani ñarotire yigũ, manire rijabosayumi Jesucristo.

¹⁷ To bajiri yũa jud'io masa, Dios ã roticũmasire ajirũcũbũocana, to yicõari, ã yere masimena quẽne, Diorãca quẽnaro mani ñarotire gotigũ, adi macarũcũrojũ vayumi Cristo. ¹⁸ Vadicõari, manire ã rijabosare sũorine Esp'iritu Santo ã ejarẽmose rãca mani jacũ Diore sãnimasiaja mani. ¹⁹ Tocãrãcũne Esp'iritu Santo ã ñajare, Diore masirã ñaja mũa yuja. Dios rĩa ñaja mũa quẽne. ²⁰⁻²² Mani Cristore ajitirũnarã, gãtavi Dios ã quẽnorivire bajiro bajirã ñaja mani. To bajiri ti vijure ñagũre bajiro bajigũ ñaami Esp'iritu Santo, mani jediro ã rãcana mani ñajare. Gũta ñamasuricare bajiro bajigũ ñaami Jesucristo, ã sũorine Dios rĩa mani ñajare. Ñ beroana ñaama Diore gotirẽtobosariarã, to yicõari yũa Jesús ã bajirere goticudirimasa, yũa gotisere ajicõari Jesucristore mũa ajitirũnũsũore ñajare. Yũa beroana ñaja mũa.

3

Jud'io masa me ñarãre Pablo ã goticudire queti

¹ To bajiri, jud'io masa me ñarãre, Jesucristo ã bajirere yũ gotimasiocati sũorine tubibe ecoaja yũ. ²⁻⁴ Ti quetire masa ñna masibeticatire, jud'io masa me ñarãre Jesucristo sũorine quẽnaro Dios ã yisere mojoroaca mũare goticõaja yũ. “Jud'io masa me ñarãre ñnare goticudiato” yigũ, yũ masirotire yũre cõañumi Dios. Tire ajiriarãja mũa. Tire yũ ucasere ãcõari, Cristo sũorine mũare quẽnaro ã yisere ajimasirũarãja mũa quẽne. ⁵ Tirãmũjũrema masa ñna masibeticatire, Dios ã cõagũ Esp'iritu Santo sũorine gotimasioaja yũ, Jesucristo ã bajirere goticudirã, to yicõari Diore gotirẽtobosarimasa quẽne. ⁶ Ti quetire mũare tudigotiaja yũ: Jesucristo ã bajirere ajitirũnarãre “Yirũcũja” ã yiriarore bajiro jud'io masare, jud'io masa me ñarãre quẽne, quẽnaro yami Dios. To yicõari, õ vecajure quẽne quẽnaro yirũcũmi. To bajiri ã yarã ñacõari, cojo masare bajiro ñaja mani ñre ajitirũnarã.

7 Rojose yigū yū ñaboajaquēne, “Tire goticudiatō” yigū, yū masirotire yure ujoyumi Dios. 8-9 Gājerā Cristore ajitirūnarāre Dios ī mairore bajiro yiecorocū me yū ñaboajaquēne, yure ĩamaicōari, ñajediore rujeor’i ñari, jud’io masa me ñarāre yure gotiroticōañumi Dios. “Masa ĩna masibeticatire Cristore ajitirūnarōnare quēnaro ĩnare yū yirotire goticudirūcūja mā”, yure yicōañumi. To bajiro yure ī yire ti ñaboajaquēne, quēnaro manire ī yirotire masijeoyamaja. 10 To bajiri, Jesucristore ajitirūnarāre quēnaro Dios manire ī yisere ĩacōari, “Tuoĭajeogu ñaami”, ĩre yirūcūbuoama ángel mesa, to yicōari gājerā ĩre rotibosarā quēne. 11 Tirūmūju adi macarūcuro ī rujeoroto rĭjorojane, “Yū macare ajitirūnarāre quēnaro ĩnare yirūcūja”, yituoĭamasifūju Dios. To bajiro ī yituoĭamasiriarore bajirone manī uju Jesucristo ī rijabosare sūorine quēnaro manire yami Dios. 12 “Jesucristo yarā manī ñajare, manire ĩvariquēnagūmi Dios” yituoĭarā ñari, ĩre gūimenane sēnirūgūaja manī. 13 To bajiri, Jesucristo ī rijabosare sūorine Dios quēnaro ī yisere jud’io masa mere mūare yū gotimasiocudicati sūorine tubiberiaviju rojose yū tāmūosere ajicōari, sātiritibesa māa. Ado bajirojua tuoĭaña: “Pablo ī gotisere ajicōari, Jesucristore ajitirūnūsoajū yua. To bajiri Dios yarā ñaja yua”, yituoĭa variquēña māa.

Jesucristo manire ī maise queti

14 To bajiri, jud’io masare, to yicōari gājerāre quēne, manī jacū quēnaro manire ī yisere yū tuoĭajama, gūsomuniari tuetucōari, ĩre sēnirūgūaja yū. 15 ĩne ñaami, adi macarūcuroana, ō vecana quēne, manī ñaro cōro jacū, manire rujeor’i. 16 ĩre, ado bajiro mūare sēnibosarūgūaja yū: “Quēnaro yigū ñari, Esp’iritu Santo sūorine ĩnare ejarēmoña mā, butobusa mure ĩna ajitirūnarotire yigū. 17 ‘ “Manī rāca ñagūmi Cristo manire ejarēmogū” yituoĭacōari, ĩre sēnirūgūato ĩna’ yigū, ĩnare ejarēmoña. To bajiro ĩna yicōa ñajama, Cristore ajitirūnarā ñari, ī bojarore bajiro gājerāre quēne ejarēmorūgūrārāma”, mūare yisēnibosaja yū. 18 To bajiro māa yijama, Cristo mūare ī maisere bajiro gājerāre maijeomena ñaboarine, Cristo mūare ī maisere quēnarobusa masirūarāja māa. 19 Masare ī maise jediro masijeobetirona ñaboarine, quēnarobusa māa masirotire bojaja yū. To bajiro māa bajijama, Dios ī bojase rĭne yirā ñarūarāja māa.

20 ĩrĭa manī ñajare, ī masise rāca quēnaro manire yirēmōrūgūami Dios, ī bojarore bajiro quēnaro yirā manī ñarotire yigū. To bajiro manire ī yijare, tire tuoĭacōari, “ĩre manī sēniro rētoro manire yirēmomasiami”, yimasijaja manī. To bajiro yigū ī ñajare, quēnase ĩre yirūcūbuoto manī. 21 To bajiri, ĩrĭa, Jesucristo yarā ñari, Diore quēnase rĭne ĩre yirūcūbuorūgūto manī.

4

“Esp’iritu Santo ī ejarēmose rāca sĭgūre bajiro tuoĭaroti ñaja”, yire queti

1 Jesucristo ocare yū gotise sūorine tubibe ecogu, ado bajise mūare gotimasioaja yū: “Quēnase rĭne yirā ñato’ yigū, manire beseyumi”, yituoĭaja māa. To bajiri, “Ī bojarore bajiro yirā ñaña māa”, mūare yaja yū. 2 “Ñamasurā ñaja yua”, yituoĭabesa māa. Gājerāre ajirūcūbuocōari, quēnaro ĩnare yirā ñaña. Gājerā gōjanabioro ĩna yiboajaquēne, ĩnare tud’ibesa. To yicōari, rojose mūare ĩna yiboajaquēne, ĩnare maicōa ñaña. 3 Esp’iritu Santo ī ejarēmose rāca Diore sēnirūgūña māa, “Cojo masare bajiro quēnaro ñato manī” yirā. 4 Māa jediro, sĭgūre bajiro tuoĭaja, Esp’iritu Santo rācana ñari. To bajicōari, “Yirūcūja” Dios ī yiriarore bajiro quēnaro mūare ī

yirotire t̄oŋayurā ñaja m̄aa jediro. ⁵ Sīgūne ñaami mani ɯju, Jesucristo. Īre ajitir̄un̄cōari, “Cristo yarā ñaja yua” yirā, oco rāca bautiza ecoriarā ñaja m̄aa jediro. ⁶ To bajicōari, mani jac̄u, Dios sīgūrene r̄uc̄ub̄oaja mani. Ī sīgūne ñaami mani jedirore rotigu. Mani rāca ñacōari, manire ejar̄emogūmi, “Ȳu bojasere yato ĩna” yigu.

⁷ Sīgūre bajiro mani t̄oŋaboajaquēne, Īre ajitir̄un̄r̄are ricatiri r̄īne mani yimasirotire manire ɯjoyumi Cristo. ⁸ Tire bajirone yaja Dios ocare masa ĩna ucamasire:

“Īre ĩaterāre, ‘To cōrone rojosere yit̄ujaya’ ĩnare yiroticōari, Dios ĩ ñaroju ĩnare tudim̄ujar̄uc̄umi mani ɯju, ‘Ʉju masu ñaja yu’ yīogū. To yigajanocōari, adigodoana masare quēnase r̄īne ĩna yimasirotire yigu, ĩnare cōar̄uc̄umi”, yiuamasire ñaja.

⁹ ɷNo yire ūnire “Tudim̄ujar̄uc̄umi”, yati? Maji, adi macar̄uc̄roj̄ure rujiayumi, ĩ tudim̄ujaroto r̄j̄oro yir̄uaro yaja. J̄ere rujiadicōari, bajiroca-coasumi. To bajiri, “Bajireariarā ĩna ñaroj̄ure quēne rotigu var’i ñaami”, ĩre yimasire ñaja. ¹⁰ Adi macar̄uc̄roj̄ure, to yicōari bajireariarā ĩna ñaroj̄ure quēne rotigu var’ine ñaami, quēna ō vecaju Dios ĩ ñaroj̄ure quēne m̄ajar’i. To bajir’i ñari, dise r̄yabeto rotimasigū ñaami. ¹¹ ĩne ñaami ricatiri r̄īne mani yimasirotire manire ɯjor’i. To bajiro ĩ yire ñajare, Cristo ĩ gotiroticōariarā ñaja yua. Gājerāma, Diore gotir̄etobosarimasa ñaama. “Jesucristo manire ĩ rijabosare ñajare, Dios yarā m̄aa ñar̄ujama, rojose m̄aa yisere yit̄ujacōari, Cristore ajitir̄un̄ña”, yigotimasiorimasa ñaama. Gājerāma, Cristore ajitir̄un̄r̄are ĩnare gotimasiorimasa ñaama. Gājerāma, Cristore ajitir̄un̄r̄are Dios ocare masa ĩna ucamasirere ĩnare gotimasiorimasa ñaama. ¹² To bajiro ricatiri r̄īne mani yimasirotire ɯjoyumi Cristo, ĩ bojarore bajiro mani yirotire yigu. To bajiro mani yijama, gāmerā ejar̄emorā ñari, butobusa Cristore ajitir̄un̄r̄arāja mani. ¹³ Mani gāmerā ejar̄emocōa ñajama, sīgūre bajiro Cristore ajitir̄un̄cōari, quēnase r̄īne yirā ñar̄uarāja mani. ¹⁴ To bajicōari, r̄īmasare bajiro t̄oŋarā me ñar̄uarāja mani. R̄īmasa, socasere ajicōari, “Socarā yama”, yimasibeama ĩna. To bajiro yirā ĩna ñajare, josari mene ĩnare yitorāma gājerā. To bajiri manire yitorāre ajimasir̄uarāja mani. ¹⁵ Manij̄uama, gāmerā ĩamaicōari, socamenane quēnaro gotir̄uḡur̄arāja. To bajiro mani yicōa ñajama, mani ɯju Cristo ĩ bojase r̄īne yirā ñar̄uarāja mani. ¹⁶ Cristo ñaami mani ɯju. Dios ĩ bojarore bajiro manire ejar̄emor̄ugūami, butobusa gāmerā ejar̄emocōari, ĩ bojarore bajiro yirā mani ñarotire yigu. Ī bojarore bajiro gāmerā ĩamaicōari mani ejar̄emocōa ñajama, butobusa Dios ĩ bojasere yir̄utuar̄arāja mani.

Cristo ajitir̄un̄r̄ā ñari, quēnasejuare yire queti

¹⁷ Mani ɯju Jesucristo ȳure ĩ gotirotijare, ado bajise m̄uare yaja yu: Dios ocare ajimena, rojose ĩna yir̄uḡurore bajiro yibesa m̄aa. Dios ĩ ñajama, vaja manire t̄oŋarā yir̄ugūama. ¹⁸ Dios ocare ajiterā ñari, ñamasusere ajimasibeama ĩna. To bajicōari, ĩ catisere c̄orā me ñaama ĩna. ¹⁹ “Bojoneose yirā yaja yua” yimasibeticōari, ti rione yisejariarā ñaama. To bajiri rojose r̄īne yir̄ugūama. ²⁰⁻²¹ “To bajiro rojose ĩna yir̄uḡurore bajiro yibetiroti ñaja”, yimasirā ñarāja m̄aa. Jesucristo ĩ bajirere ajiriarā ñari, “Quēnaro mani yir̄uḡusere bojaami Dios”, yimasiaja. ²² Cristore m̄aa ajitir̄un̄r̄oto r̄j̄oroju, rojose yir̄uḡūñaja m̄aa maji. To bajiro m̄aa yir̄uḡur̄arore bajiro yibesa m̄aa. ²³ To yicōari, rojose m̄aa yir̄ua t̄oŋasere yibeticōari, Esp’iritu

Santo i yirēmose rāca quēnasejuare yirua tuoīarūgūña mua. ²⁴ To bajicōari, Dios ocare ajitirūnurā ñari, i bojarore bajiro quēnase rīne yirūgūña mua.

²⁵ Dios ocare ajitirūnurā ñari, mua socasere quēne to cōrone yitujaya. Jesucristore ajitirūnurā ñari, cojo masare bajiro bajirā ñaja mani. To bajiri, riojo gāmerā gotirūgūña mua.^a

²⁶ Gājire mua jūnisinijama, rojose ĩre yibesa mua. Yoaro ĩre jūnisinimenane, gāmerā oca quēnocōari, mua jūnisinisere tire masiritiya. ²⁷ Yoaro mua jūnisinijama, vātia uju ĩ bojarore bajiro yirā yirāja mua.

²⁸ Juarudirūgūr'ima, to cōrone juarudi tujaya. Juarudimenane, moa, vaja tacōari gājerā maioro bajirāre ĩnare ĩsiña.

²⁹ Gājerāre rujajine oca rojose ñagōbesa mua. Quēnasejuare oca cutiya, muare ajirā, “Butobusa quēnase yirā ñato ĩna” yirā. To bajiro mua yijama, ĩnare ejarēmora yiruarāja mua. ³⁰ Rojose mua yijama, rojose mua yisere ĩacōari buto sutiritigumi Esp'iritu Santo. ĩne ñaami Dios manire ĩ cōar'i. “ĩ suorine, Jesucristo yarā ñaja mani”, yimasiaja. ĩre cōa ecorā ñari, rojose yimenane ñacōaña mua, Jesucristo “ĩnare yirētobosarucaja” ĩ yiriarūmu ti ejarotire yurā.

³¹ Gājire rojose mua yirua tuoīasere yibesa. Gājerāre ĩatebesa. Jūnisinicōari, avasātud'ibesa. Gājerāre rojose ñagōmacabesa. Gājerā rojose muare ĩna yiboajaquēne, jūnisinibesa. To yicōari, rojose muare yirāre gāmebesa. Ñajediro rojose mua yisere yitujaya mua. ³² ĩnare ĩamaicōari, quēnaro ĩnare yiroti ñaja muare. Cristo manire ĩ rijabosare ñajare, rojose mua yirere masirioyumi Dios. To bajiro manire ĩ yire ñajare, ĩ yiriarore bajiro yirā, mua quēne, gājerā rojose muare ĩna yisere masirioya.

5

“Dios rīa ñari, quēnaro ĩ yirore bajiro yiroti ñaja”, yire queti

¹ Dios rīa, ĩ mairā ñari, quēnaro ĩ yirore bajiro yiroti ñaja muare quēne. ² Jesucristo muare ĩ maiore bajiro, gājerāre ĩnare maiña mua quēne. Muare maigū ñari, rojose mua tāmuborotire muare yirētobosagu, muare rijabosayumi Jesucristo. To bajiro manire ĩ yirētobosare ñajare, buto variquēnañumi Dios.

³ Dios yarā ñaja mani yuja. To bajiri, manajo mana, manaju mana, manaju cutirā, manajo cutirā quēne, gājerā rāca ajeriarā cutibesa mua. To yicōari, jairo gajeyeūni cuorā ñaboarine, gajeye quēna bojarēmobesa. Ti ũnire mua yibetijama, nijwane “To bajiro yiyuma” yirā manama. ⁴ Quēnaro tuoīamenane, oca ajiquēnañamani ñagōbesa mua. To yicōari, “Gājerā rāca ajeriarā cuticōari, ajato” yirā, ĩna gotise ũnire yibesa muama. Dios yarā ñari, ti ũnire ñagōbetiroti ñaja muare. Ado bajirojua ñaña mua: Dios muare ĩ ejarēmose tuoīacōari, “Quēnaro yaja mu”, ĩre yivariquēna ñaña mua. ⁵ Ado bajiro bajiroti ti ñajare, to bajise yibesa muare yaja yu: Manajo mana, manaju mana, manaju cutirā, manajo cutirā quēne, gājerā rāca ajeriarā cutirāma, Dios ĩ ñarøjure ejabetiruarāma ĩna. Sīgūri Diore ĩna mairo rētoro gajeyeūnire mairā ñarāma. To bajiro ĩna yijama, Diore rucuborā me yirāma. To bajiri, Dios ĩ ñarøjure ejabetiruarāma ĩna. ⁶ “To bajiro mani yijama, quēnacōaja” muare yitorāre ĩnare ajibesa mua. To bajiro yirārema buto ĩateami Dios. To bajiro yirāre buto ĩatecōari, “Rojose

^a 4:25 Ro 12.5.

tām̄uoruarāma”, yir̄ucumi Dios. ⁷ To bajiri to bajiro yirāre ĩnare baba cutibesama, “Mani quēne ĩna yirore bajiro Dios ĩbojabetire yirobe” yirā.

⁸ Diore masimena ĩari, ĩ bojasere māa yirotere masirā me ĩaņuja māa maji. Yuc̄arema Jesucristo yarā ĩari, Dios ĩ bojasere māa yirotere masicōari, tire yir̄ugūroti ĩaja māare. ⁹ (ĩ bojasere yirāma, quēnase r̄ine yirā ĩaama. To yicōari, gājerāre socasere yitorā me ĩaama.) ¹⁰ “Mani yisere ĩavariquēnagūmi” yimasiruarā, ĩ bojasere yir̄ugūña māa. ¹¹ To yicōari, Diore masimena ĩna bojarore bajiro tuoĩacōari yirāre ĩnare baba cutibesama māa. Dios ocajuare ĩnare gotimasioña, “ ‘Rojose yirā ĩaja mani’ yimasiatō ĩna” yirā. ¹² Masa ĩna ĩabetoju buto rojose ĩna yir̄ugūserē mani ĩagōjama, bojoneose ĩaja. To bajiri, ti ũnire ĩagōbetiroti ĩaja. ¹³ Dios ocajuare ĩnare māa gotimasiojama, tire ajicōari, “Rojose yirā yiyuja ya” yimasicōari, rojose ĩna yirere yitujaruarāma. ¹⁴ To bajiri ado bajise yire ĩaja:

“Rojose yirā ĩaboarine, ‘Rojose yirā yaja mani’ yimasibeaja māa. Bajireariarāre bajiro bajirā ĩaja māa, ‘Rojose yirā yaja ya’ yimasibeticōari. To bajiro bajirā ĩari, Cristojare ajitirūnaña. To bajiro māa bajijama, ĩ ejarēmose rāca quēnase r̄ine yirā ĩaruarāja māa”, yigotire ĩaja.

¹⁵ To bajiri quēnaro tuoĩacōari, “Diore masirā ĩaja ya” yirā, quēnasejuare yir̄ugūña māa. Diore masimena ĩna yirore bajiro yibesa. ¹⁶ Adir̄um̄irire buto rojose yir̄ugūama masa. To bajiro ĩna yiņaro ũnone, māajuama, tocārācaine Diore sēnicōari, quēnaro yir̄ugūña. ¹⁷ Tuoĩamasimenare bajiro bajibesama māa. “Dios ĩ bojasere yimasijaja ya” māa yimasirotere tuoĩacōari, quēnaro yirā ĩaña māa. ¹⁸ Idire mec̄uose idimec̄ubesa. Māa idimec̄ujama, māa masune rojose yirā yirāja. Tire idimec̄amenane, Esp̄iritu Santo ĩ masisejuare ĩre sēnir̄ugūña, ĩ bojasere yiruarā. ¹⁹ Māa rējajama, Dios ocare masa ĩna ucamasire basare, Diore māa tuoĩabasare quēne, gāmerā gotiya māa. To bajiro māa yijama, Diore tuoĩacōari, buto variquēnase rāca basarūgūña, ĩre r̄ac̄ub̄orā. ²⁰ To yicōari, “Quēnaro yaja mā”, mani jac̄u Diore ĩre yir̄ugūña, ĩ suorine mani ũju Jesucristo quēnaro manire ĩ yir̄ugūse ĩajare.

“Cristore ajitirūnarā ĩari, ado bajiro mani ĩajama, quēnaja”, yire queti

²¹ To yicōari, Cristore ajir̄uc̄ub̄orā ĩari, māa masu quēne gāmerā ajir̄uc̄ub̄oya.

²² Rōmia, manajua cutirāre, māare gotigu yaja ya: Cristore ĩre māa ajir̄uc̄ub̄orore bajiro māa manajuare quēnaro ĩnare ajir̄uc̄ub̄oya. ²³ Māa manajune ĩaami māare ũmato ĩagū. To bajirone bajijaja Cristore ajitirūnarāre quēne. ĩne ĩaami manire ũmato ĩagū, to yicōari, rojose mani tām̄oborotire manire yir̄etobosar'i. Manire ũmato ĩagū ĩari, mani r̄ajoare bajiro bajigu ĩaami. To bajiro ĩ bajijare, ĩre moabosarā ĩari, ĩ rujare bajiro bajirā ĩaja mani. ²⁴ To bajiri Cristore māa ajir̄uc̄ub̄orogūrore bajiro māa manajuare quēne ĩnare ajir̄uc̄ub̄oya.

²⁵⁻²⁶ Ūmāare quēne gotigu yaja ya: Cristo manire ĩ mairōre bajiro māa manajoare ĩnare maiña māa. Manire maigū ĩari, manire rijabosayumi Cristo. “Yuc̄e ajitirūnarā bautiza ecorāre, rojose ĩna yisere masiriocōari, ‘Yuc̄ yarā ĩaama’ ĩnare yīaruc̄uja ya” yigu, rijabosayumi Cristo. ²⁷ ĩ taju ejarā, rojose mana mani ejarotire yigu, manire rijabosayumi. ²⁸ To bajiri, manire Cristo ĩ mairōre bajirone, māa manajoare ĩnare maiña māa. Juarā ĩaboarine, sīgū rujare bajirone ĩaja māa, Dios ĩ ĩajama. To bajiri,

ĩ manajore maigũma, ĩ masu rujare ĩ mairore bajirone maigũmi, sore. 29-30 Nĩmũjuane ĩ masu rujare ĩategu magũmi. Mani rujare maicõari, bare ba, quẽnaro ĩatirũnũaja mani. To bajirone manire ĩatirũnũgũmi Cristo, ĩ rujare bajiro bajirã mani ñajare. 31 Dios ocare masa ĩna ucamasire ado bajiro ti gotijare, “Ĩna manajoa cutijama, juarã ñaboarine, sīgũ rujare bajiro ñaama ĩna”, yimasire ñaja: “Умũ, rōmio ĩ rujeomasire ti ñajare, ĩ manajo cutijama, ĩjacuare ĩnare cãmotadirũcũmi. Manajo cuticõari, juarã ñaboarine, sīgũ rujare bajirone ñaruarãma”, yigotijaja Dios oca. 32 Tire buecõari, ñamasusere masa ĩna masibeticatire mũare gotimasioaja yũ: Cristo rãca mani ñasere quẽne gotijaja ti. “Cristo yarã ñari, jãjarã ñaboarine, sīgũ rujare bajiro ñaama ĩna”, yire ũni ñaja. 33 To bajiro yiruaro ti yiboajaquẽne, manajoa cutirere quẽne gotimasioaja ti. Mũa masu rujarire mũa mairore bajirone mũa manajoare ĩnare maiña. Mũa, rōmia quẽne, mũa manajuare quẽnaro ĩnare ajirũcũbuoya.

6

1 Rĩamasare gotigũ yaja yũ: Mũa jacuare quẽnaro ĩnare ajiya. Cristo mani mũu to bajiro mũa yisere bojaami. 2 “Quẽnaro mũare yirũcũja” ĩ yire rãcaye Dios ĩ roticũmasire ado bajiro yaja: “Мũ jacu, mũ jacore quẽne quẽnaro rũcũbuoya. 3 To bajiro mũa yijama, variquẽnaro yoaro adigodojare catiñaruarãja mũa”, yiyuja ti.

4 Rĩamasa jacuare, ado bajise mũare gotijaja yũ: Mũa rĩare ĩnare yijũnisiniomenane, Dios ĩ bojarore bajiro yirã, quẽnaro ĩnare gotimasioabuoyu.

5 Moabosarimasare quẽne gotijaja yũ: Mũa mũjarãre rũcũbuocõari, variquẽnase rãca quẽnaro ĩnare cudiya mũa. To bajiro mũa yijama, Cristorene cudirã yaja mũa. 6 “Manire moare rotirã ĩna ĩaro rĩne quẽnaro moaruarãja, Yũare ĩvariquẽnato ĩna’ yirã”, yitũoĩabeticõañã mũa. ĩna ĩaro mũa moarore bajirone, ĩna ĩabetijaquẽne moacõaroti ñaja. “Cristore moabosarãre bajirone moarã yaja mani” yirã, quẽnaro ĩnare moabosaya mũa. 7 To bajiri, “Cristo ĩ bojasere yirã yaja mani” yirã, variquẽnase rãca quẽnaro ĩnare moabosaya mũa. 8 Moabosarimasa mũa ñajama, ñabetijaquẽne, quẽnaro mũa moarejuare ĩacõari, quẽnaro mũare yirũcũmi Dios.

9 Moare rotirãjuare quẽne gotijaja yũ: Ado yũ gotise ũni, mũa moarimasa Cristore ĩna tũoĩarore bajirone mũa quẽne tũoĩarona ñaja. Mũare moabosarimasare, “Rojose mũare yiruarãja, mũa moabosabetijama” yimenane, quẽnaro ĩnare yiya. Sīgũne ñaami mani mũu ñamasugũ, mũare moabosarimasare, to yicõari mũare quẽne rotigũ. “Ĩna ñaama ñamasurã” yigũ me ñaami. Quẽnaro mũa moarejuare ĩacõari, quẽnaro mũare yirũcũmi mani mũu. Tire masiritibesa mũa.

“Vãtia mũu ĩ bojarore bajiro yibeticõato ĩna” yigũ Dios manire ĩ yirẽmose queti

10 Nãjediore, ado bajiro mũare gotijaja yũ: Mani mũu Dios, jediro masijeogu ñaami. To bajigu ĩ ñajare, “ Vãtia ĩna bojasere cãdibeticõato ĩna’ yigu, manire yirẽmorũcũmi”, yitũoĩacõa ñarũgũña mũa. To bajiro mũa yijama, vãtiare cãdibeticõari, butobusa Dios ĩ bojasejuare yirã ñarũtuarãja mũa. 11 Surara, sĩagũacu, ĩ rujare “Sareejoroma” yigu, cõme sudiro sãñatoogumi. To bajiri mũa quẽne, Dios ĩ masisere mũoecoriarã ñari, vãtia mũu mũare “Yitoromi” yirã, tire tũoĩatũjabesa. To bajiro mũa bajijama, no bajirojuane

m̄uare yitobec̄ami v̄atia ūju. ¹² Manire bajiro bajir̄arene qūear̄a me yaja. Rojose manire yirotiajer̄a, ruyumena v̄atia r̄acajua ḡamer̄a qūear̄a yaja. “Īnare c̄udibetiroti ñaja”, yimasiña m̄ua. Buto masir̄a ñaama v̄atia. Ñimuj̄uane v̄atiare c̄udibecu maḡumi, Dios ĩ yir̄emobetiama. ¹³ To bajiri, Dios m̄uare ĩ ūjose jedirote tuoĭar̄uḡuñ̄a m̄ua. To bajiro m̄ua tuoĭajama, v̄atiare c̄udibetic̄ari, Dios ĩ bojasejuare yic̄o ñaruar̄aja.

¹⁴ To bajiri, Dios ĩ yir̄emose r̄aca ado bajiro yir̄a ñaña m̄ua: Dios ocare masa ĩna ucamasirere tuoĭatujabesa m̄ua. Tire qūenaro m̄ua masijama, m̄uare yitomasibetir̄uc̄ami v̄atia ūju. To yic̄ari, qūenaro yir̄uḡuñ̄a. ¹⁵ “Jesucristo ĩ rijabosare ti ñajare, rojose ĩnare yibetir̄uc̄uja yu’ manire yĭavariqūenaami Dios” yire quetire masiritibesa m̄ua, ḡajer̄are gotimasioruar̄a. ¹⁶ To yic̄ari, “V̄atiare c̄udibetic̄oato ĩna’ yigu, manire yir̄emor̄uc̄ami Dios”, ĩre yituoĭar̄uḡuñ̄a m̄ua. To bajiro m̄ua yijama, rojose m̄ua yiruaboasere yimena ñaruar̄aja m̄ua. ¹⁷ “V̄atiare reajeoc̄ari, ĩ t̄aju qūenaro mani ñar̄uḡurotire yigu, ĩ mac̄are manire rijabosarotic̄oañumi Dios”, yituoĭa t̄ajabetir̄uḡuñ̄a m̄ua. Esp'iritu Santo ĩ yir̄emose r̄aca Dios ocare tuoĭac̄ari, v̄atiare ĩnare c̄udibetiruar̄aja m̄ua. ¹⁸ Īnare c̄udibetic̄ari, toc̄ar̄acajine Esp'iritu Santo m̄uare ĩ yir̄emose r̄aca qūenaro tuoĭac̄ari, Diore s̄enir̄uḡuñ̄a. To yic̄ari, “V̄atiare c̄udibetic̄oato ĩna’ yir̄a, ḡajer̄a Cristore ajitir̄un̄ar̄are ĩnare s̄enibosar̄uḡuñ̄a m̄ua. ¹⁹ Yure qūene s̄enibosar̄uḡuñ̄a m̄ua. “Īre ĩater̄are ḡuibec̄une, to yic̄ari jud'io masa mere qūene Dios oca ĩna masibeticatire qūenaro gotimasioc̄o ñato ĩ” yir̄a, yure s̄enibosar̄uḡuñ̄a m̄ua, Dios r̄ia ĩna ñarotire yir̄a. ²⁰ Ti quetire yure goticudirotiyumi Dios. Tire masare yu gotimasiose s̄orine tubibe ecoaja yu. “Dios ĩ bojarore bajiro ḡuibec̄une gotiato ĩ” yir̄a, Diore yure s̄enibosar̄uḡuñ̄a m̄ua.

Pablo, ĩnare ĩ qūenarotic̄are queti

²¹⁻²² Yu r̄acagu, mani maiḡu, ñaami T'iquico v̄ame c̄utigu. Mani ūju ĩ bojasere yigu ñaami ĩ qūene. M̄ua t̄aju ĩre c̄oḡu yaja yu. Tojare ejac̄ari, yua bajiñase quetire m̄uare gotir̄uc̄ami. Tire ajic̄ari, variqūenaruar̄aja m̄ua.

²³ Mani jac̄u Diore, to yic̄ari mani ūju Jesucristore qūene, ado bajise m̄uare s̄enibosaja yu: “Butobusa m̄uare ajitir̄un̄uato’ yir̄a, ĩnare ejar̄emoña. To yic̄ari, ‘M̄ua r̄aca qūenaro ĩna ñarotire’ yir̄a, ĩnare ejar̄emoña. ‘M̄uare ajitir̄un̄r̄utuanane, butobusa ḡamer̄a ĩamaito’ yir̄a, ĩnare ejar̄emoña”, m̄uare yis̄enibosaja yu. ²⁴ Mani ūju Jesucristore ĩre maitujamenare qūenaro m̄uare yato Dios.

To c̄oro ñaja.

Carta de San Pablo a los FILIPENSES

Filipos macanare, Pablo, Timoteo rāca ñacōari, ĩ quēnarotire

¹ ¿Ñati mña, Jesucristore ajitirānūrā, Filipos macana? Yñ, Pablo, yñ baba Timoteo rāca adi papera mñare ucaja yña. Jesucristo ĩ bojasere yirā ñaja yña. Cristore ajitirānūrāre mñare ũmato ñarāre, ĩnare moabosarimasare quēne, to yicōari, mña jedirore quēnarotiaja yña. ² Mñare quēnarotirā, mani jacñ Diore, to yicōari, mani uñ Jesucristore, ado bajise mñare sēnibosaja yña: “Quēnaro ĩna ñarotire yirā, ĩnare ejarēmoña”, mñare yisēnibosaja yña.

Jesucristore ajitirānūrāre, “Quēnaro yaja mñ”, Diore Pablo ĩ yire queti

³ Tocārācajine mñare tñōacōari, “Quēnaro yaja mñ”, Diore ĩre yirūgūaja yñ. ⁴ Tocārācajine Diore sēnigū, mñare yñ tñōajama, variquēnarūgūaja yñ. ⁵ Tirāmujñe Cristo sñori quēnaro Dios ĩ yise quetire mña ajitirānūsñorijñe, “Ti ocare ajitirānūato gājerā quēne” yirā, quēnaro yñre ejarēmoadicajñ mña. To bajiro mña yicati ñajare, mñare tñōacōari, variquēnarūgūaja yñ. ⁶ Jesucristore mña ajitirānūsñorone, “Yñ bojarore bajiro yirā ñato” yigñ, mñare ejarēmosñoyumi Dios. “To bajiro yicōa ñarūgūrñcñmi, ‘Jesucristo mñare juagñ ĩ tudiejarirāmñ ti ejaro, quēnase rñne yirā ñato ĩna’ yigñ”, yimasiaja yñ. ⁷ Mñare maigū ñari, to bajiro mñare tñōajaja yñ. Cristo ĩ rijabosare sñorine quēnaro Dios ĩ yise queti gājerāre yñ gotimasirotire yigñ, yñre ejarēmorūgūami Dios. Yñre ĩ ejarēmore bajiro mñare quēne ejarēmorūgūami, yñre mña ejarēmorotire yigñ. To bajiro ĩ yijare, tubiberiavijñ yñ ñajama, yñ ñabetijaquēne yñre ejarēmorūgūrāja mña. To yicōari, uñarāre riojo ĩnare yñ gotimasirotire yirā, yñre ejarēmorūgūrāja mña. ⁸ Jesucristo mñare ĩ mairore bajirone bñto mñare maiaja yñ quēne. Bñto mñare yñ maisere masiami Dios quēne. ⁹ To bajiri, Diore sēnigū, mñare tñōacōari, ado bajiro mñare sēnibosarūgūaja yñ: “‘Bñtobusa gāmerā mairūtuajaro ĩna’ yigñ, ĩnare ejarēmoña”, mñare yisēnibosarūgūaja yñ. To bajiro mña yijama, quēnaro Diore masirñarāja mña. To bajicōari, “Ado bajiro mani yijama, quēnaroja”, yimasirñarāja. ¹⁰ Tire masirā ñari, josase ti ñaboajaquēne, Dios ĩ bojasere yitñjabetirñarāja. To bajiri quēnaro yirā mña ñajare, Cristo ĩ tudiejarirāmñre, “Rojose yirā ñaama”, mñare yññabetirñcñmi. ¹¹ To bajicōari, Jesucristo ĩ ejarēmose rāca Dios ĩ bojarore bajiro quēnase rñne yirā ñarñarāja mña. To bajiro mña yisere ĩacōari, “Quēnaro yigñ ñagūmi Dios”, ĩre yirñcñbñorñarāma gājerā. To bajiro mña yirotire bojagñ ñari, mñare sēnibosarūgūaja yñ, Diore.

“Cristo ocare ajitirānūrā jājarābñsa ñaama”, Pablo ĩ yire queti

¹² Yñ mairā, quēna adire mña masisere bojaja yñ: Yñre ĩna tubibecñse, “Gājerā quēne Cristo ocare ajitirānūato ĩna” yiro, yñre ejarēmoaja. To bajiri, rojose tāmñogñ ñaboarine, Cristo ocare yñ gotisere jājarā ajirūgūama. ¹³ “Cristore ajitirānūgū ĩ ñajare, ĩre tubibeyujarā ĩna”, yimasiamā adi macagñ uñ ya vi, coderimasa. To bajiro rñne yijedicoaama adi macana. ¹⁴ “Tubibe ecogñ ñaboarine, Pablo quēne, Cristo yere gotimasio tñjabeami” yitñōacōari, adoana mani mairā, jājarā, “Tire mani gotijare, rojose

manire yirāma” yigüimenane, butobusa Cristo ocare gotimasioama ina quēne.

¹⁵ Gājerāma, “Cristo ocare yu gotimasiojama, jājarā yure ajitirūnūarāma” yituoīacōari gotirāma. To bajiro yirā űari, “Quēnaro gotimasiobeamī Pablo. Riojo mware gotimasioaja yama”, yigotirāma. Gājerājuama, rojose tuoīamenane, jājarābusa Cristore ajitirūnūrā ina űarotire bojarā űari, gotirāma. ¹⁶ “Cristo ocare Pablo ī gotimasiorotire bajiro yigu, tubiberiviju ī űasere bojayumi Dios”, yimasirā űarāma. To bajiri, yure mairā űari, Cristo ocare gotimasiorāma ina quēne. ¹⁷ Gājerājuama, quēnaro yu gotimasiosere ļajūnisinirā űari, “Pablore ina ļavariquēnaro rētoro manire ļavariquēnato masa” yituoīarā, Cristo ocare gotimasiorāma. To bajicōari, “ Īna gotimasiosere quēnaro ajivariquēnaama masa’ ina yigotisere ajicōari, ‘Rojose bajiyuma yure ajitirūnūboacana’ yisatiritiatio Pablo” yirā, gotirūgūboarāma. ¹⁸ To bajiro ina yiboajaquēne, no yibeaja yure. “Satiritiatio Pablo” yirā űaboarine, Cristo ocare gotimasiorā űarāma ina quēne. To ina yijare, buto variquēnaja yu.

¹⁹ Gajeyere quēne tuoīacōari, variquēnaja yu: Diore, yure mua sēnibosarūgūsere, to yicōari, Jesucristo ī cōar’i, Espiritu Santo yure ī ejarēmōrūgūsere quēne masiaja yu. To bajiri, “Rojose yu tāmūose, to cōrone tāmūo tujarūcūja yu”, yituoīa variquēnaja yu. ²⁰ Beroju, Jesucristo ī ļaro rļjoro, yu yirere ĩre gotibojoneruabeaja yu. Cristo yure ī ejarēmōsere tuoīavariquēnacōari, ī ocare riojo gotimasiorūgūja yu. Tubiberiaviju űagūre yure ina bujama, yure ina sīacōajaquēne, no yibeaja yure. Cristore yu tuoīavariquēnarore bajiro ina quēne, ina tuoīasejuare bojaja yu. Tijua űaja űamasuse. ²¹ To bajiri, yure ina bucōajama, űajediro yu yirūgūrore bajiro yicōa űarūcūja, “Cristore quēnaro yirūcūboato masa” yigu. Yure ina sīacōajaquēne, rētoro yure quēnaruroja. To cōrojama, Cristo tujū quēnaro űacōarūgūrūcūja yu. ²² To bajiboarine, yure ina bucōajama, yu gotimasiose suorine jājarābusa Cristore ajitirūnūarāma. To bajiri, “Yure ina sīarotire bojaja yu. Yu caticōa űarotire quēne bojaja yu”, yimasibeaja yu. Jua vāmejune quēnacōaja yure. ²³ To bajiri, jua vāmejune bojacōagū űari, no yimasibeaja. “Cristo rāca yu űarotijua űaja rētoro quēnase” yu yituoīajama, “Yure sīacōato ina”, yituoīarūgūja yu. ²⁴ Quēna gaje vāme yu tuoīajama, mware yu gotimasioroti ti ruajare, mware gotimasiocōa űaruaja yu. ²⁵ “To bajirone bajirūcūja”, yituoīaja yu. To bajiri, butobusa Cristore ajitirūnacōari mua variquēnarotire yigu, mua rāca yu űarotire bojaja yu. ²⁶ To bajiri quēna mua rāca yu űacudisere variquēnararāja mua. To bajicōari, rojose yu tāmūoro Cristo yure ī yirētobosarere masicōari, “Quēnaro yaja mu”, Diore yirūcūbuorūarāja mua.

²⁷ Cristo oca ti gotirore bajiro mua cūdirotijua űaja űamasuse. Mua tujū yu vajama, yu vabetijaquēne, ado bajiro mua yisere ajirūaja yu: “Cristo ocare ajicōari, sīgūre bajiro tuoīarā űaama ina. To yicōari, ‘Cristore ajitirūnūato gājerā quēne’ yirā, ī ocare tocārācarūmūne gotimasioama ina” yure ina yigotisere ajirūaja yu. ²⁸ To yicōari, “Īnare ļaterāre quēne gūimenane Cristo ocare gotimasiorūgūama” yure ina yigotisere quēne ajirūaja yu. Mware ļaterājuama, ĩnare gūimenane mua gotimasiocōa űasere ĩacōari, “Rojose tāmūotujabetiriaroju manire cōarūcūmi Dios”, yimasirūarāma. To bajiboarine, muajuama, “Rojose mani tāmūoborotire yirētobosarūcūmi Dios”, yimasirūarāja mua, ĩnare

güibetiriarã ñari. ²⁹ Rojose mũare ñna yiboajaquêne, ñnare güimenane, Cristo oca ti gotirore bajiro goticõa ñarügüroti ñaja mũare. Mũare ñamaicõari, ñ yarã mũa ñarotire mũare yiyumi Dios, “Yũ macũre quẽnaro yirũcũbuo ñato ñna” yigũ. To bajiro ñ yijama, Cristore ajitirũnarã ñari, rojose tãmũoboarine, ñre mũa ajitirũncõa ñarotire yigũ yiyumi. ³⁰ Rojose yũ tãmũocatore bajiro rojose tãmũorãja mũa quêne. “Adirãmũari quêne, rojose tãmũoboarine, Cristore ajitirũncõa ñagũmi Pablo”, yũre yimasirãja mũa.

2

“Ñamasugũ ñaboarine, Ñamasugũ ñaja yũ’ yibesumi Cristo”, Pablo ñ yire queti

¹ Ñre ajitirũnarã mũa ñajare, mũare quẽnaro ejarẽmorügũmi Cristo, “Tũoĩa variquẽnato” yigũ. Esp’iritu Santo quêne mũa rãca ñ ñajare, gãmerã ñamaicõari, quẽnaro ejarẽmorãja mũa. ² To bajiri ado bajiro mũa bajirore bojaja yũ: “Quẽnaro variquẽnato Pablo” yirã, sīgũre bajiro tũoĩarã ñaña mũa. Mũa rãcana ñajedirore cojoro cõro gãmerã ñamaiña. Sīgũre bajiro tũoĩacõari, Cristo ñ bojarore bajiro yirügũña. ³ Gãjerã ñna yisere ñacõari, “Manijũa, ñna rẽtoro yimasirãja”, yitũoĩabesa mũa. “Gãjerã rẽtoro ñamasurã ñaja yũ”, yitũoĩabesa. “Ñnajũa ñarãma yũ rẽtoro ñamasurã” yitũoĩacõari, ñnare quẽnaro rũcũbuorügũña. ⁴ Quẽnaro mũa ñaroti rĩne tũoĩabesa. Gãjerã quẽnaro ñna ñarotire quêne tũoĩarügũña.

- ⁵ Ado bajiro Jesucristo ñ tũoĩarore bajiro tũoĩaroti ñaja mũare:
⁶ Ñ vecajũ ñagũ, Diore bajiro bajigũ ñaboarine, adigodojũ vagũ, “Ñre bajiro bajicõa ñarũcũja yũ”, yibesuju Cristo.
⁷ Diore bajiro bajigũ ñaboarine, “Yũ jacũ ñ bojasere yirũ, ñamasugũre bajiro ñabeterũcũja” yitũoĩacõari, manire bajirone ruyayuju Cristo.
⁸ Adi macarũcũroju vadıcõari, ñ jacũ ñ bojarore bajiro yigũ ñari, ñamasugũre bajiro me ñacoasumi. To bajiro bajigũ ñari, rojose yirãre ñna sũarore bajiro yucãtẽroju jaju sũaecoymi Cristo.
⁹ To bajiri, “Gãjerãre masa ñna rũcũbuoro rẽtoro ñna rũcũbuogũ ñato” yigũ, ñre catioyuju Dios. To yicõari, “Ñajediro uju ñarũcũja mũ”, ñre yiyuju Dios.
¹⁰ To bajiro ñre yiyuju Dios, ñ vecana, adigodoana jediro, rijariarã quêne, ñ macũ Jesús vãmere ajicõari, manĩ yirũcũbuorotire yigũ.
¹¹ To bajicõari, “Jesucristo ñnaami uju ñamasugũ”, yijedirũarãja manĩ. To bajiro manĩ yijama, manĩ jacũ Diore rũcũbuorã yirũarãja manĩ.

“Cristo, ñ jacũre ñ cũdiriarore bajiro ñre cũdicõa ñnarügüroti ñaja manire quêne”, Pablo ñ yire queti

¹² To bajiri, yũ mairã, Cristo, ñ jacũre ñ cũdirügũriarore bajiro cũdiroti ñaja manire quêne. Mũa tũjũ ñacõari, Cristo ocare mũare yũ gotisere quẽnaro ajicajũ mũa. To bajiri, yucũre quêne mũare yũ goticõasere bũtobũsa Cristo ocare mũa ajitirũnũsere bojaja yũ. Rojose mũa yisere Dios ñ yirẽtobosariarã ñari, rũcũbuose rãca ñ bojarore bajiro yirügüroti ñaja mũare. ¹³ “Yũ bojasere yirũa tũoĩacõari, yato” yigũ, manire ejarẽmorügũmi Dios.

¹⁴ Tocãrãcãjine mũa moare cõtisere mũa yijama, gãmerã ñagõajaimenane, variquẽnase rãca yirügũña mũa. ¹⁵⁻¹⁶ To bajiro yirügũña, “ ‘Rojose yirã ñnaama ñna’ gãjerã manire yibeticõato” yirã. To bajiri, rojose yirã ñna ñaro rĩjoro, quẽnase rĩne yirügüroti ñaja mũare. To yicõari, “Yũ tũjũ ñna

caticōa ñarotire yigũ, yũ catisere ñare ñsirũcũja” Dios ñ yirere ñare gotimasiorũgũña, “Tire masicōari, Dios ñ bojarore bajiro quēnaro yato ña” yirã. To bajiro mũa yijama, Cristo ñ tudiejarirũmu buto mũare variquēnarũcũja yũ. “Yũ gotimasioatore bajirone yirã ñaama ña”, ñre yivariquēnarũcũja yũ, mũare. 17-18 Jēre Diore ajitirũnũcōari, quēnaro yirũgũrãja mũa. To bajiri, Cristore ajitirũnũrã mũa ñajare, gãjerã, rojose mũare ña yiboajaquēne, quēnaro yicōa ñarãja mũa. Mũare bajirone yũ quēne Dios ocare yũ ajitirũnũjare, romano masa yũre ña sñarotire yũ tũoñajama, sũtiriritiboarine, Dios ocare mũare yũ gotimasioatijũare variquēnaja yũ. To bajirone tũoñavariquēnaroti ñaja, mũare quēne, mũare yũ gotimasioatire.

Timoteore, Epafrodito vãme cutigure quēne Filipos macajũ Pablo ñ cōarũa tũoñare queti

19 Mũa tũjũ Timoteo ñ varotire, mani ẽjũ Jesũs ñ bojjama, yoaro mene ñre cōarũcũja yũ, mũa ñase quetire ajivariquēnarũ. 20 ñ sũgũne ñaami mũare yũ mairore bajiro tũoñagũ. 21 Gãjerãma, quēnaro ña ñaroti rĩne tũoñarã ñaama. Jesucristo ñ bojasere ña yirotere tũoñabeama ña. 22 “Jesucristo ñ bojasere yigũ ñacami Timoteo”, ñre yimasirãja mũa. “Ñ macũre bajiro Pablõre quēnaro ejarēmocami, Jãjarãbũsa, Cristo ocare ajitirũnũato ña’ yigũ”, ñre yimasirãja mũa. 23 To bajiri, tubiberiavijũ yũ ñaro yũre ña yirotere masicōari, ñ rãca mũare queti cōarũcũja yũ. 24 Tire mũare gotiboarine, “Mani ẽjũ ñ ejarēmose rãca yũ bajijama, yũ quēne ñ rãca mũare ñagũ varũcũja”, yitũoñaja yũ.

25 Yũre ñ ejarēmorotire yirã, mũa cōar’i mani maigũ, Epafroditore, mũa tũjũ ñre tũocōagũ yaja yũ. ñ quēne, Cristo ocare riojo gotigũ ñari, yũre bajirone rojose tãmũorũgũami. 26 Mũa ñajedirore buto ñarũami. To bajicōari, ñ rijacati quetire mũa ajirere tũoñarejaiami. 27 Socase mere ajiriarãja mũa. To bajirone bajicami. Bajirocacoarocare bajirojũ bajicami. To bajiboarine, ñre ñamaicōari, ñre catiocami Dios. To bajiro ñ yijama, butobũsa yũ sũtiriritirotere bojabece ñari, ñre catiocami Dios. 28 To bajiri mũa tũjũ ñre tũocōagũ yaja yũ, catiquēnagũ ñ ñasere mũa ñavariquēnarotire yigũ. Mũa tũjũ ñre yũ tũocōajama, yũ quēne tũoñarejaibetibũsarũcũja yũ. 29-30 Cristo oca yũ gotimasiosere yũre ejarēmobeaja mũa, sõjũ ñarã ñari. “Ñre gotirēmoato” yirã, mũa cōar’i quēne Cristo ocare gotimasiorũgũami. To bajiro yicudigũne, buto rijaye jairo ti ñajare, rijacoabocami. To bajiro bajicacũ ñaboarine, ñ caticōajare, mũa tũjũ ñ ejaro, variquēnase rãca ñre sēnirũarãja mũa. ñre bajiro Cristo ocare goticudirãre quēne, quēnaro ñare yija.

3

“Cristore mani ajitirũnũse ñaja ñamasuse”, Pablo ñ yire queti

1 Jesucristo yarã ñari, variquēnaña mũa. Tirũmũjũ mũare yũ ucacatire tudũcũja yũ. To bajiro mũare yũ yicōa ñajama, “Gãjerã socase ña gotisere ajiroma” yigũ, yaja. 2 Cristo ocare ricati gotimasiorãre roori ñaña mũa. ña ñarãma rojose ñmato yirorã. “Dios ñ ñamairã mani ñarũajama, circuncisión yiroti ñaja”, yisocarãma ña. 3 Circuncisión yiecorã ña ñaboajaquēne, Dios ñ ñamairã me ñarãma ña. Manijũama, Esp’iritu Santo ñ ejarēmõjare, Diore quēnaro rũcũbũoaja mani. To yicōari, “Jesucristo manire rijabosayumi’ yitũoñarã mani ñajare, Dios ñ ñamairã ñaja”, yitũoña variquēnaja mani. 4 Mani ñicũa ña yimasirere ña tũoñare bajiro yũ quēne yũ

tuoļajama, “Īna rētoro ņamasugū ņaja yu”, yituoļaroti ņaboroja. Īna tuoļasere bajiro yu quēne yu tuoļajama, ado bajise bajiroja: ⁵ “Dios ī rotimasiri-
arore bajiro yigu ņato” yirā, cojomo cōro gaje āmo idia jēnitarirūmari
yu ruyuario bero, circuncisiōn yure yiyuma Īna. To bajiri, jud'io masu
ņari, Benjam'in ņamasir'i ya jūnagu ņaja yu. Yu ņicu ņasuo'r'i ņamasirūju
Abraham. Yu ņicua, jud'io masa ņacoayuma Īna. To bajiri, jud'io masa rīne
gāmerā manajo cuticōari Īna macu cutir'i ņari, jud'io masu masu ņaja yu.
To bajicōari, fariseo yere tuoļagū ņari, Moisére Dios ī roticūmasirere buto
ajirūcubuoḡu ņaboacaju yu maji. ⁶ “Ado bajiro yu yisere bojagumi Dios”
yituoļacōari, variquēnase rāca yirūḡūboacaju yu. To bajise tuoļagū ņari,
“Cristore ajitirūnūrāma, mani ņicua Diore Īna rūcubuoḡomasiriarore bajiro
yimenama” yituoļacōari, buto rojose Īnare yirūḡūcaju yu. To bajicōari, Dios
ī rotimasire quēnaro cudigu yu ņajare, “Adi vāme yibeami Pablo”, yure
yimasigū manicami.

⁷⁻⁹ Yu ņicua Īna yimasiriarore bajiro yu yisere, “Ņamasuse ņaroja”,
yituoļaboacaju yu maji. Adirūmūrirema, Cristore ajitirūnūca yigu, “Vaja
maja”, yituoļacōaja yu. To bajiri, yucūrema, “Jesucristore ajitirūnūrā
rīne ņaama Dios ī ĩavariquēnarā” yituoļagū ņari, yu ņicua Īna yimasiri-
arore bajiro yu yiboacatire yitūjacōacaju. “Rojose yu yisere masirioato
Dios' yigu, yure rijabosayumi Cristo”, yituoļaja yu, adirūmūrirema. To
bajiri, “Rojose magū ņaami” yure yīlavariquēnagūmi Dios”, yituoļaja yu.
¹⁰ “Cristo ī ejarēmōrā rīne ņaama Dios ī ĩavariquēnarā” yituoļacōari, Cristore
ajitirūnūḡū ņari, butobusa ĩre masirūtuarūaja yu. Tire yu yijama, ado
bajiro yigu yaja yu: Cristo ī rijato bero, tudicaticōari, ī masise rāca ĩre
ajitirūnūrāre ejarēmo ņagūmi. Tire, ī masise rāca ī bojase rīne yigu ņarūaja
yu. To yicōari, ī jacūre cūdirūagu ņari, Cristo, rojose ī tāmūoriarore
bajiro rojose tāmūorūaja yu quēne. To bajiro bajigu, yucātērojūre ĩre Īna
sīariarore bajiro yure Īna sīaboajaquēne, quēnarūaroja. ¹¹ To bajiro bajirocu
yu ņajama, yu rijato bero, yure quēne catorūcūmi Dios.

“Quēnase rīne yirā ņarāsa mani”, Pablo ī yire queti

¹² “Jediro masigū ņari, quēnase rīne yigu ņaja”, yimasibeaja yu. To
bajiboarine, “Dios ī bojarore bajiro quēnaro yirūcūja” yigu, yu yimasiro
cōro yirūḡūaja yu. “Yure bajiro quēnase rīne yigu ņato” yigu, “Yure aji-
tirūnūña mū”, yure yicami Jesucristo. ¹³ Quēnaro ajiya, yu mairā. “Cristo
ī bojarore bajiro quēnase rīne yigu ņaja yu”, yimasibeaja yu. Tirūmūju
yu yirūḡūcatire buto tuoļabetirūḡūaja yu. Tire tuoļabecūne, quēnaro yu
yirotiḡūnare tuoļarūḡūaja. ¹⁴ “Dios tūju yu ejaro, quēnaro yu yise vaja
quēnaro yure yato ĩ” yigu, to bajiro rīne yirūḡūaja yu. ĩ tūju mani ejaro,
quēnaro mani yise vaja, “Quēnaro ĩnare yirūcūja”, yiyuju Dios, quēnase rīne
yirā mani ņarotire yigu.

¹⁵ To bajiri yu tuoļarore bajiro tuoļarūḡūroti ņaja mūare quēne, quēnaro
Cristore ajitirūnūrā jedirore. To bajiro tuoļarā ņaboarine, cojo vāme
ricati mūa tuoļajama, quēnaro mūa masirotire yirūcūmi Dios. ¹⁶ Dios ī
bojasere masijeobetiboarine, mani ajimasiro cōro mani yicōa ņajama,
quēnarūaroja.

¹⁷ To bajiri, yu bajiņarūḡūcatore bajiro bajiņāña, mūa quēne.
¹⁸ Gājerājuama, quēnasere yibetirūḡūama. To bajiro Īna bajise cojoji
me mūare gotirūḡūcaju yu. Quēna Īna bajisere tuoļacōari, mūare gotigu,
buto sūtiritiāja yu. To bajiro Īna bajicōa ņajama, “Cristo ī rijabosare

vaja maja” yiräre bajiro bajicōa ñarāma. ¹⁹ To bajiro bajirā ñari, rojose tām̄uot̄jabetiriaroju varuarāma. Dios ī bojasere yimena ñari, İna masu İna bojase rİne yirā ñaama. To bajicōari, rojose İna yijama, bojonemenena, tire gotivariquēnarāma. Adigodoaye rİne tuoİarūgūrāma. ²⁰ Manijūama, ō vecaju Dios taju varona ñaja. İ ñaroju ñaja mani ñarūgūrōtiju. To bajiri tijare tuoİarūgūaja mani. To yicōari, “Ō vecaju ñagū, vadicōari, rojose tām̄uot̄jabetiriaroju mani varotire manire yirētobosaruc̄ami mani uju Jesucristo”, yituoİa variquēnarūgūaja mani. ²¹ To bajiro bajigune, quēnariruju ī ruju cutirore bajirone manire quēne vasoaruc̄ami, adi macaruc̄uroaye jediro rotimasigū ñari.

4

“Cristore ajitirānurā ñari, variquēnacōa ñaña”, Pablo ī yire

¹ Yu mairā, quēnaro ajiya m̄ua. Cristore ajitirānurā ñari, yu yarā ñaja m̄ua. M̄uare maigū ñari, buto m̄uare İarūaja yu. “Yu gotimasiocatire ajicōari, Diore quēnaro ajitirānurā ñarāma İna”, m̄uare yituoİavariquēnaja yu. To bajiri mani uju Jesucristore ajitirānu t̄jabetiroti ñaja.

² Evodia vāme cutigore, S'intique vāme cutigore quēne, m̄uare gotigu yaja. M̄ua juarā, mani uju yarā ñari, sigōre bajiro tuoİaña m̄ua. ³ Toagu, yure quēnaro baba cuticacujare, “Ado bajiro yure yibosaya”, m̄ure yisēnaja yu: İna, rōmia juarāre, “Gāmerā oca quēnoato” yigu, İnare ejarēmoİa m̄u. To yu ñaro, Cristo ī rijabosere suorine quēnaro Dios ī yisere yu gotimasirotire yirā, yure quēnaro ejarēmorūgūcama İna. Clemente, İ babarā quēne yure ejarēmorūgūcama. Yure ejarēmocanare, “Ado cōro ñaama yu tu ñarūgūrōna” Dios ī yucaturiatutiju ucatuecorā ñarāma.

⁴ Mani ujure ajitirānurā ñari, tocārācagine İ yere tuoİavariquēnarūgūİna m̄ua. ⁵ Rācub̄uose rāca gājerāre quēnaro yirūgūİna m̄ua, “‘Quēnase rİne yirā ñaama’, gājerā m̄uare yūİato” yirā. Mani uju adi macaruc̄uroju ī tudiejaroti, mojoroaca ruyaja.

⁶ Ñiejuare m̄ua tuoİarejaisere bojabeaja yu. Tocārācagine rojose m̄ua tām̄uojama, “Rojose yua tām̄uosere yirētobosaya” yirā, Diore m̄ua sēnijama, quēnaja. To yicōari, m̄uare İ ejarēmoroti ti ñajare, “Quēnaro yiruc̄uja m̄u”, İre yivariquēnarūgūİna. ⁷ To bajiro m̄ua yijama, m̄ua variquēnarotire yirēmoruc̄ami Dios. To bajiri, Jesucristo m̄uare quēnaro İ ejarēmorotire tuoİarā ñari, rojose tām̄uorā ñaboarine, variquēnacōa ñaruarāja. Tire ajimasibetiruarāma Jesūre ajitirānumena.

“Quēnase rİne tuoİarūgūİna”, Pablo ī yire queti

⁸ Yu mairā, ado bajiro m̄uare gotitusaja yu: Quēnase rİne tuoİarūgūİna. Rācub̄uore queti, quēnaro yire queti, maire queti, to yicōari, masa quēne İna ajivariquēnase queti tuoİarūgūİna. To yicōari, “Quēnase ñaja” Dios ī yisere quēne tuoİarūgūİna.

⁹ M̄uare yu gotimasiocatore bajirone yirūgūİna. Yure m̄ua ajicatire, m̄ua İacatire quēne to bajirone yicōa ñaña. To bajiro m̄ua yijama, variquēnase manire cōagū, Dios, m̄ua rāca ñacōa ñarūgūruc̄ami.

Filipos macana, İre gājoa İna İsirere Pablo ī gotivariquēnare

¹⁰ Yure tuoİacōari, yu bojasere yure cōañuja m̄ua quēna. To bajiri buto variquēnacōari, “Quēnaro yaja m̄u”, mani ujure, Diore yaja yu. Yoaro yure m̄ua cōabetiboajaquēne, “Cōaruaboarine cōamasimena bajirāma”, m̄uare yituoİacaju yu. ¹¹ “Yu suorua tuoİase jediro suorūaja yu” yigu me yaja. Jairo

yɯ sɯojama, yɯ sɯobetijaquẽne, variquẽnacõa ñaja. ¹² Cojojirema maioro yɯ bajijama, yɯ bajibetijaquẽne, variquẽnarũgũaja yɯ. Bare ti ñajama, ti manijaquẽne, variquẽnacõa ñaja. ¹³ To bajiro yɯ bajise jedirore yure ejarẽmorũgũami Cristo. ¹⁴ To bajiro yure ï ejarẽmobaajaquẽne, gãjoa yure mɯa cõase sɯorine yure ejarẽmoñuja mɯa.

¹⁵ Macedonia sitaja Cristo ï rijabosare sɯorine quẽnaro Dios ï yise queti gotimasiocudi gajanocõari, quẽna gajerojɯ yɯ vato, mɯa, Filipos macana rĩne gãjoa juarẽocõari, yure cõañuja mɯa. Gãjerãma, yɯ gotimasiocati sɯorine Cristore ajitirũnurã ñaboarine, yure cõabesuma ñna. ¹⁶ Rĩjoroju quẽne Tesalónica macaju ñagũ, ñie sɯobesɯ yɯ bajiro, cojoji me gãjoa yure cõañuja mɯa. ¹⁷ “Quẽna gajeye yure cõato” yigɯ me, to bajise mɯare yaja yɯ. “Yure mɯa yirore bajirone gãjerãre quẽne mɯa yicõa ñajama, rẽtobusaro quẽnase mɯare cõato Dios” yigɯ yaja. ¹⁸ Mɯa cõariaro cõrone yure ïsicami Epafrodito. Yɯ sɯorɯa tɯoĩacati rẽtobusaro cõañuja mɯa. Yure quẽnaro mɯa yicatire ïavariquẽnarimi Dios. ¹⁹ ï ñaami mani ɯjɯ, ñajediro quẽnase sɯogɯ. To bajicõari, ï macɯ yarã mɯa ñajare, mɯa sɯorɯa tɯoĩase jediro mɯare cõarɯcɯmi. ²⁰ Quẽnaro ïre rãcɯbɯo variquẽnarũgũuarãja mani. To bajirone bajiato.

Pablo, ï quẽnaroticõare queti

²¹ Toana, Jesucristore ajitirũnurã jediro quẽnato ñna. Yɯ rãcana, Cristore ajitirũnurã, mɯare quẽnaroticõaama. ²² Adoana, Cristore ajitirũnurã jediro, mɯare quẽnaroticõaama. Cristore ajitirũnurã, Roma macagɯ ɯjɯ ñamasugũre moabosarimasa quẽne mɯare quẽnaroticõaama.

²³ Mani ɯjɯ, Jesucristo, quẽnaro mɯare yato ï.
To cõro ñaja.

Carta de San Pablo a los COLOSENSES

Colosas macana, Cristore ajitirānūrāre Pablo ī ucare queti

1-2 ĶNati m̄a, Colosas vāme c̄ti macana, Dios yarā? Jesucristore ajitirānū t̄jamenare m̄are ucac̄ōaja ȳa. M̄are quēnarotirā, mani jac̄u Diore ado bajise m̄are sēnibosaja ȳa: “Quēnaro ĩna ĩnarotire yirā, ĩnare ejarēmoña”, m̄are yisēnibosaja ȳa. Ȳu ĩaja Pablo vāme c̄tigu, adī paperare m̄are c̄ōagū. Dios ĩ bojarore bajiro yure c̄ōacami Jesucristo, “Ȳu s̄ori ȳu jac̄u quēnaro ĩ yise quetire gājerāre gotimasiodir̄ac̄aja m̄” yiḡu. Ȳu rāca ĩaami mani maigū, Timoteo.

Cristore ajitirānūrāre t̄uōiac̄ōari, Diore Pablo ī sēnibosare

3-4 “Jesucristore quēnaro ajitirānūc̄ōa ĩaama ĩna. To bajic̄ōari, Dios yarā jedirore quēnaro mairā ĩaama” m̄are masa ĩna yisere ajirūgūaja ȳa. To bajiro ĩna yirūgūserē ajivariquēnaja ȳa. To bajiri, tocārāc̄ajine mani ūj̄u Jesucristo jac̄ure m̄are ȳa sēnibosajama, “Quēnaro yaja m̄”, ĩre yivariquēnarūgūaja ȳa. ⁵ Tirūm̄j̄ane riojo ĩamasusere, Cristo s̄ori quēnaro Dios ĩ yise quetire m̄a ajitirānū s̄orij̄j̄ane, “Ī oca ti gotirore bajirone ō vecaj̄u Dios t̄j̄u ejac̄ōari, quēnaro ĩnarūgūrārāja mani”, yivariquēnacoayuja m̄a. To bajiro yirā ĩari, Dios yarāre quēnaro ejarēmoñuja m̄a. ⁶ Cristo ocare ajis̄uoc̄ōari, “Ti ĩaja riojo ĩamasuse oca”, yiyuja m̄a. To yic̄ōari, “Rojose yirā mani ĩaboajaquēne, manire ĩamaic̄ōari, manire quēnaro yiyumi Dios”, yiaj̄itirānūñuja m̄a. Ī oca quēnasere m̄a ajitirānūrore bajiro ajitirānūrūt̄uana yirāma masa jediro. To bajic̄ōari, m̄a yirūgūrore bajirone quēnaro yirūgūrāma ĩna quēne. ⁷ Mani maigū, Epafras vāme c̄tigu, ĩaami ti ocare m̄are gotimasior'i. Jesucristo ĩ bojasere yiḡu ĩari, adoj̄u quēnaro ȳare ejarēm̄orūgūami. ⁸ Ī ĩaami “Esp'iritu Santo ĩ ejarēm̄ose rāca gājerā Dios yarāre quēnaro maiama ĩna, Colosas macana” ȳare yiḡoticac̄u.

⁹ To bajiro ĩ yicatire ajicana ĩari, ȳa ajis̄orij̄j̄ane, Diore m̄are sēnibosadicaj̄u, Dios ĩ bojasere quēnaro m̄a yimasirotire yirā. To yic̄ōari, Esp'iritu Santo s̄orine tocārāca vāme m̄a masirotire quēne “Ejarēmoato” yirā, Dioj̄are m̄are sēnibosarūgūaja ȳa. ¹⁰ M̄are ȳa sēnibosase s̄orine to bajiro m̄a yijama, mani ūj̄u ĩ bojarore bajiro yīnarūgūrārāja m̄a. To yic̄ōari, ĩre b̄tob̄usa masirūt̄uarārāja. ¹¹ ĩre r̄etob̄saro m̄a masirūt̄u vajama, masir̄etogū, Dios, m̄are quēnaro ejarēm̄or̄ac̄ami, jediro rojose t̄am̄oboarine, ĩre m̄a ajitirānūc̄ōa ĩnarotire yiḡu. To bajiro m̄are ĩ yijama, rojose t̄am̄oboarine, rojose m̄are yirāre j̄ūnisinimenane, variquēnac̄ōa ĩnarārāja m̄a. ¹² Mani jac̄u, Diore t̄uōivariquēnac̄ōari, ado bajiro ĩre sēnirārāja m̄a: “Quēnaro yaja m̄. Quēnaro m̄ yire s̄orine m̄ yarā ĩaja ȳa. To bajiri m̄ ĩaroj̄u, ejac̄ōari, gājerā, m̄ yarā quēnaro ĩna yiecorore bajiro yiecorārāja ȳa quēne”, Diore yivariquēnarārāja m̄a.

¹³ Dios, ado bajiro manire ĩ yire ĩajare, to bajiro yivariquēnarārāja m̄a: Satanás yarā, ĩ bojarore bajiro yirā ĩboariarāre manire ejarēm̄oñumi Dios, ĩ mac̄u ĩ maigū yarā, “Ī bojarore bajiro yirā ĩato” yiḡu. ¹⁴ Dios ĩ yire ȳu yijama, ado bajiro yiḡu yaja ȳu: Ī mac̄u manire ĩ

rijabosare suorine Satanás manire ĩ rotiboarere cudimena ñacoariarãja mani. To bajicõari, rojose mani yisere Dios ĩ masiriorã ñacoariarãja mani.

Cristo ĩ rijabosare suorine Diorãca quẽnaro mani ñase queti

¹⁵ Ñimujua Diore ĩagũ magũmi. To bajiboarine Cristore masirãjuma, Diore masiaja mani. Cristo ñaami adi macarucuro ti ruyuaroto rĳorojune ñacoadimasir'i. ¹⁶ ĩ suorine adi macarucuro ñase jedirore rujeomasĩñuju Dios. Adi macarucuro ñarã, õ vecanare quẽne, ruyumena, ruyurãre quẽne ĩ suorine rujeomasĩñuju Dios. To yicõari, õ vecana rotimasironare quẽne ĩ suorine ĩnare rujeomasĩñuju Dios. To bajiro yimasĩñuju, “Quẽnaro yiyumi” ĩre gãjerã ĩna yirucuborotire yigu. ¹⁷ Adi macarucuro ti ruyuaroto rĳorojune, ñacõadimasĩñuju Cristo. To bajicõari, ĩ suorine jediro ñaja. ¹⁸ ĩ rijabosare suorine ĩ yarã mani ñarotire yiyumi Dios. Cristo ñaami rijacoaboarine quẽna tudicatisuor'i. To bajir'i ñari, masa ĩna rijato beroju “Tudirijabeticõato” yigu, Dios ĩ catisere ĩre ajitirũnarẽ ĩsigũ ñagũmi. To bajicõari, ĩre ajitirũnarẽ, ĩre ajitirũnũmenare quẽne jediro ujũ ñagũ bajigũmi. ¹⁹ Dios, ado bajiro tuoĩañuju: “Yũ macũ, yũre bajirone bajigu ñari, ĩ sĳũne yũ ye ñajediro quẽnasere cõagũ ñarucumi”, yituoĩañuju Dios. ²⁰ Adigodoana, õ vecana quẽne rojose yirã ñañujarã. To bajiri, rojose ĩna yisere “Masirioğusa” yigu, ĩ macure rijarotiyumi. To bajiro ĩ yijama, ĩna jediro ĩ rãca quẽnaro ĩna ñarotire yigu yiyumi.

²¹ Tirũmujarema Dios yarã me ñañuja mua maji. Rojose tuoĩacõari, rojose mua yire suorine Dios ĩ ĩajama, ĩre terã ñañuja mua. ²² To bajiro bajiriarã mua ñaboajaquẽne, ĩ tũju mua ejaro, “Rojose mana ñaama” ĩ yĩarotire yigu, ĩ macure rijarotiyuju. ²³ To bajiro Dios ĩ yire ti ñaboajaquẽne, ĩ tũ mua ejarirũmũ, “Rojose mana ñaama” ĩ yĩarotire mua bojajama, ĩ macũ suori quẽnaro ĩ yire quetire ajitirũnũcõa ñaroti ñaja. Ti quetire masa ñajedirojune ajirãma. Yũ quẽne, tire goticudigu ñaja.

Diore ajitirũnarẽ Pablo ĩ ejarẽmore queti

²⁴ Cristo ocare ajitirũnarẽ gotimasiodudigu, rojose tãmuogũ ñaboarine, variquẽnaja yũ. Gãjerã quẽnaro ĩna ñarotire bojagu ñari, rojose tãmuoñumi Cristo. To bajiri, yũre quẽne, to bajiro yũ bajirotire bojayumi Cristo. ²⁵ “Cristo ocare jud'io masa me ñarãre quẽnaro gotimasiodurucumi” Dios ĩ yituoĩariare bajirone Cristo yũre ĩ yijare, Cristore ajitirũnarẽ ejarẽmorimasũ ñacaju yũ. ²⁶ Yũ gotimasiosere, tirũmuanajuma tire masibetimasĩñuma maji. Adirũmũrirema, ĩ yarã ñarona tire ĩna masirotire yiyumi Dios. ²⁷ “Jud'io masa me ñarã, yũ suori quẽnamasuse ĩna yiecorotire masiato ĩna, yũ yarã” yigu yiyumi Dios. Ado bajiro bajiaja ti oca masa ĩna masibeticati: Mũare ejacõari, mua rãca quẽnaro ñarũgũrucumi Cristo. To bajiri, “Dios tũju ejacõari, quẽnamasuse yiecoruarãja mani”, yituoĩa variquẽnaruarãja mua.

²⁸ No bojaro yũna vato masa jedirore Cristo ocare gotimasiodudiaja yũna, “ĩre mua ajitirũnũjama, rojose tãmuotũjabetiriaroju vabetiruarãja mua” yirã. To yicõari, tocãrãcũne Cristore ĩna ajitirũnũjama, Dios tũju ĩna ejarirũmũ, “Ñie rojose mana ñaama” ĩ yĩarotire yirã, yũna masiro cõro quẽnaro gotimasioaja yũna. ²⁹ To bajiro ĩna bajirotire bojarã, josase ti ñaboajaquẽne, Cristo ĩ ejarẽmose rãca moarũgũaja yũna.

2

¹ “Quēnaro mani ñarotire yigũ, josari moarũgũgũmi Pablo” mua yisere bojaja yũ. Laodicea macana, to yicõari gãjerã yũre ñabetiriarã Cristore ajitirũnarã, to bajise ñna yisere bojaja yũ. ² Ado bajiro quēnaro mua ñarotire yigũ, josari moarũgũaja yũ: Cristore mua tuoñavariquēnarotire, quēnabusaro mua gãmerã mairũtuarotire, to yicõari, Cristo ocare quēnaro ajimasirotire yigũ yaja. To bajiro mua bajijama, masa ñna masibeticatire, “Yũ yarã masiato” yigũ, Dios ñ yisere quēnaro masiruarãja mua. To bajiro yũ yijama, “Cristore quēnaro masiruarãja mua” yigũ yaja. ³ Cristo yarã rĩne ñaama, “Ti oca, masa ñna masibeticatire ñamasusere masiato” yigũ, Dios ñ yirã. ⁴ “Quēnaro gotitorãre ajitirũnũrobe” yigũ, tire muare gotibũ yũ. ⁵ Mua rãca ñabetiboarine, mua rãca ñagũre bajiro tuoñaja yũ. “Quēnaro ñacõari, Cristore ajitirũnũcõa ñarãma” muare yituoñacõari, buto variquēnaja yũ.

“Jesucristo, yũ ñjũ ñaami’ yiriarã ñari, ñ bojarore bajiro rĩne yirũgũroti ñaja muare”, Pablo ñ yire queti

⁶ “Jesucristo, yũ ñjũ ñaami” yiriarã ñari, ñ bojarore bajiro rĩne yicõa ñaroti ñaja muare. ⁷ Mua yirotire masiruarã, ñre sēnirũgũruarãja. To yicõari, Epafras muare ñ gotimasioriarore bajirone Cristore quēnabusaro ajitirũnũruarãja mua. To yicõari, “Quēnaro yaja mu”, Diore ñre yivariquēnarũgũruarãja.

⁸ To bajiri, gãjerã ricati gotimasiorã, “Cristore bajiro bajirã ñarãma gãjerã” ñna yisocasere ajibesa mua. Cristo ye me ñaja ti. ñna ñicua ñna tuoñamasiriarore bajiro tuoñacõari gotirã yama.

⁹ Gãjerã manama. Cristo sigũne ñaami jediro Dios ye cuogũ. Manire bajiro ruju cutiboarine, Dione ñaũumi Cristo. ¹⁰ Ñ rotijama, ñimũjua ñre cudibecu magũmi. To bajiri, Cristo yarã ñari, jediro ñamasuse cuorã ñaja mua. Disejua ruyabeaja muare quēne. ¹¹ Circuncisión ñna yiecorijũne, “Dios rĩare bajiro bajirã ñacoaju mani” yituoñarã ñari, tire yirũgũrãma jud’io masa. To bajiro ñna yiboase, mani rujuaye ti ñajare, Dios ñ ñajama, vaja maja ti. Muajuarema, Cristore mua ajitirũnũsũorone, muare ejarẽmoũumi, “Yũ yarã ñacõari, rojose yirua tuoñabeticõato” yigũ. ¹² Mani bautizaecojuama, Jesucristo rãca rijariarãre bajiro bajiyuja mani. To bajicõari, “Jesucristo ñ yuje ecoro bero, ñ masise rãca ñre tudicatoyumi Dios” yituoñariarã ñari, Cristo rãca tudicatirãre bajiro bajiyuja mani. To bajiriarã ñari, Jesucristo ñ ejarẽmose rãca Dios ñ bojarore bajiro yirã ñaja mani. ¹³ Tirũmũju rojose yiriarã ñari, Dios yarã me ñariarãja mua maji. To bajiro bajiriarã mua ñaboajuquēne, rojose mua yirere masiriocõari, “Cristo ñ ejarẽmose rãca yũ bojarore bajiro yirã ñato” yigũ muare yiyumi Dios. ¹⁴ Rijorojuama Dios ñ rotimasirere cudijeobetiriarã mani ñajare, rojose tãsũorona ñaũuja mani maji. To bajiro mani bajiro ti ñajare, yucãtẽroju ñ macare rijarotiyuju Dios, “Rojose ñna yise vaja, ñnare vaja yibosato” yigũ. To bajiri ñ rijabosare sũorine rojose mani yisere masirioeocõañuju Dios. ¹⁵ To bajiro Cristo ñ rijabosare sũorine vãtia rojose yirotirã, ñna rotimasiboariarore bajiro, “Rotimasibeticõato” yigũ yiyumi Dios.

“Dios ñ bojase rĩne mua yijama, quēnaja”, Pablo ñ yire queti

¹⁶ To bajiri, Cristo yarã ñari, Dios ñ ñavariquēnarã ñaja mua. To bajiri, gãjerã socase gotirimasa ado bajise muare ñna yisere ajibesa mua: “Ti ñaja babetiroti. Adi ñaja idibetiroti. Ñamiagu muiju ñ roarirũmu beroagarũmu

ñaja rûcubûoriarûmu. Usûsâjariarûmure ado bajiro yirûgûroti ñaja”, muare yirâma ña. ¹⁷ To bajiro ña yise, Cristo î rijabosaroto rîjoro jud’io masare Dios roticûmasireju ñañuja maji. To bajiboarine, adirûmarirema vaja maja ti. Cristo î bojarore bajiro quênaro mani yisejua ñaja vaja cuti. ¹⁸ “Ángel mesare yua yirûcubûorore bajiro yirûcubûomena mua ñajare, muare ñavariquênabecumi Dios” ña yisere quêne ajibesa mua. Ña masune tûoïaboarine, “Yua câjiriaroju ñacõari, quênaro Dios î rotisere gotiaja yua”, yirâ ñarâma. “Ñamasurâ me ñaja yua” yigotiboarine, ña tûoïasejuama, “Ñamasurâ ñaja”, yitûoïaboarâma. ¹⁹ Cristore ajitirûnumena ñari, î ye riojo gotirâ me ñarâma. Cristo, sîgûne ñaami mani ûju. Dios î bojarore bajiro manire ejarêmorûgûami Cristo, butobusa gãmerâ ejarêmocõari, î bojarore bajiro yirâ mani ñarotire yigu.

²⁰ “Rojose yibeticõari, yû bojasejuare yato” yigu, ñe ajitirûnûronare manire rijabosayumi Cristo. To bajiro î bajire ti ñaboajaquêne, ¿no yirâ Cristore ajitirûnumena ña gotisere ajirûcubûoati mua? ²¹ “Tire moaïabesa Tire babesa” ña yirotsere ajirûcubûobesa mua. ²² Jedise ñaja bare. To bajicõari, muare ña rotise, Dios ye me ñaja. Masa ña masune tûoïacõari, ña gotimasiose ñaja. ²³ Ña ajivariquênasere ña gotijama, tire ajicõari, “Quênaro gotimasiama”, yitûoïaboarâma sîgûri. To bajiro ña yiboajaquêne, quênaro tûoïarâ me ñarâma. Ado bajise ñare gotimasioboarâma ña: “Yua rûcubûorâre mua quêne mua rûcubûojama, quênaja. ‘Masirâ me ñaja’ mua yitûoïajama, quênaja. Mani rujure rojose mani yijama, quênaja. To bajiro mani yijama, rojose mani yisere yitujaruarâja mani”, yitûoïaboarâma. To bajiro ña yiboase socase ñaja.

3

¹ Cristore ña sïaboajaquêne ñe catiomyumi Dios. To bajiro ñe yicõari, õ vecaju, “Yû râca rotirûcûja mu”, ñe yiyumi. Cristore mani ajitirûnûroto rîjoro, Diore masimena ñari, rojose yirâ ñañuja mani maji. To bajiro mani yirûgûboarere yitujacõari, Cristore mani ajitirûnûsûoriarûmune, “Yû tûju varuarâma”, manire yiyumi Dios. To bajiri, quênaro manire î yirotire tûoïarûgûroti ñaja. ² Adigodoaye rojose tûoïamenane, Dios yejuare tûoïarûgûroti ñaja. ³⁻⁴ Rojose mua yirûgûrere yitujacõari, Cristore ajitirûnûrâ mua ñajare, “Î râca ñarûgûrûarâja mua” Dios î yiriarâ ñañuja mua. To bajiri, rojose tûoïabetiroti ñaja. Cristo sûorine mua rijato berojuma “Tudirijabeticõato” yigu, Dios î catisere î isiriarâ ñaja mua. To bajiri mua râca ñagûmi Cristo. To bajiro î bajisere ñamasibetiboarine, adigodo î tudiejaro, “Ñajediro ûju ñaami”, ñe yirûcubûoruarâma masa ñajediro. To cõroju muare quêne î râca mua ñasere ñacõari, “Î yarâ ñañuma”, muare yirûcubûoruarâma ña yuja.

“Rojose yibesa mua”, Pablo ñe yire queti

⁵ Rojose mua yirûgûsere yitujaya mua. Manajo cutirâ, manaju cutirâ, manajo mana, manaju mana quêne, gãjerâ râca ajeriarâ cutibesa. Rojose yirua tûoïabesa. To yicõari, Diore mua mairo rêtoro, gajeyeûnire maibesa. Diore mua mairo rêtoro, gajeyeûnire mua maijama, Diore rûcubûorâ me yirâja mua. ⁶ Rojose yirâre Dios rojose ñare î yiroti ti ñajare, rojose yibesa mua. ⁷ Tirûmûju rojose yimasiriarâja mua maji. ⁸ Adirûmarirema ñajediro rojose mua yirûgûrere to cõrone tire yitujaya. Gãjerâ rojose muare ña yiboajaquêne, jûnisinibesa mua. Gãjerâre ñatebesa. Gãjerâre rojose

ñagōmacabesa. ⁹⁻¹⁰ Mña socarūgūriarore bajiro socabesa mña. Cristore mña ajitirānñarone, mñare ejarēmosoyumi. To bajicōari, quēnabñsarō Diore mña masirotire yigu, mña rāca ñacōa ñagūmi. To bajiri ñajediro rojose yibetiroti ñaja. ¹¹ To bajiro ti bajijare, jud'io masa mña ñajama, mña ñabetijaquēne, no yibeaja. Circuncisión yiriarā mña ñajama, mña ñabetijaquēne, no yibeaja. Gājerā masa ñaboarine, mña rācana yere ajimasirā mña ñajama, mña ñabetijaquēne, no yibeaja. Moabosarimasa mña ñajama, mña ñabetijaquēne, no yibeaja. Cristo ñaami mani jediro ɯɯ. Manire ejaçōari, mani rāca ĩ ñase rīne ñaja ñamasusema.

¹² “Yɯ yarā ñaña mña” yigu, Dios ĩ beseriarā ñarāja mña quēne. To bajiri ĩ ñamairā ñarāja mña. To bajiro bajirā ñari, gāmerā ñamaicōari, quēnaro yirūgūroti ñaja mñare. “Yɯ rētoro ñamasurā ñaama”, gājerāre yirūcñbuorūgūroti ñaja. Gājerā mñare rojose ña yiboajaquēne, ñare jūnisinibetiroti ñaja mñare. ¹³ ñare jūnisinibeticōari, rojose mñare ña yisere masirioruarāja mña. Mani ɯɯ rojose mña yisere ĩ masirioriarore bajirone rojose mñare yirāre masirioya mña quēne. ¹⁴ Ti jediro yiroti ti ñaboajaquēne, rētoro ñamasuse ñaja gāmerā ñamaire. Mña gāmerā ñamajama, Dios ĩ bojarore bajiro yirā, quēnaro ñarūgūuarāja mña. ¹⁵ Cristo suorine quēnaro ñarā ñari, mña yirotire tñoiacōari, “To bajiro yɯ yijama, ña rāca quēnaro ñacōarɯcɯja” yimasicōari rīne, yiruarāja mña. Quēnaro mña ñarūgūse Dios ĩ bojajare, to bajiro yirūgūuarāja mña. ĩ suorine quēnaro ñarā ñari, “Quēnaro yaja mñ”, Diore yirūgūuarāja mña.

¹⁶ Cristo ocare masirā ñari, quēnaro tñoiacōari, tire gāmerā gotimasiorūgūuarāja mña, “Ti ocare bñtobñsa masirāsa mani” yirā. To yicōari, Dios ocare masa ña ucamasire basare, Diore tñoiarā basare quēne, basaya mña. To bajiro mña yijama, mñare quēnaro Dios ĩ yisere tñoiacōari, bñto variquēnase rāca basarūgūuarāja. ¹⁷ To yicōari, tocārācagine mña gotijama, mña moajaquēne, mani ɯɯ Jesúre ajitirānñarā ñari, ĩ bojarore bajiro rīne yirūgūuarāja mña. To yicōari, “Quēnaro yaja mñ”, mani jacɯ Diore yivariquēnarūgūuarāja mña.

Cristore ajitirānñarā mani bajise queti

¹⁸ Rōmiare, manajña cñtirāre, mñare gotigu yaja yɯ. Cristore ajitirānñarā ñari, mña manajñare quēnaro ajirūcñbuorūgūña. ¹⁹ Ƀmñajñare, mñare quēne gotigu yaja yɯ. Mña manajoare quēnaro maiña. To yicōari, quēnaro ñare gotiya.

²⁰ Rīamasajñare, ado bajise mñare quēne gotiaja yɯ: Tocārācagine mña jacɯa ña rotirore bajirone cñdirūgūuarāja mña. To bajiro mña yisere ñacōari, variquēnarɯcɯmi mani ɯɯ. ²¹ ña jacñajñare, mñare quēne gotigu yaja yɯ. Mña rīare tud'ibesa, “Ajisñtiriticōari, quēnasere yitñjaroma” yirā.

²² Moabosarimasare, mñare quēne gotigu yaja yɯ. Cojoji rñyabeto variquēnase rāca mñare moare rotirāre quēnaro cñdiya mña. “Manire moare rotirā ña ñaro rīne quēnaro moaruarāja, ‘Manire ñavariquēnato’ yirā”, yitñoiabetiruarāja mña. ña ñaro, ña ñabeto quēne, quēnaro ñare moabosarūgūuarāja mña, “ñare quēnaro mani moabosabetijama, rētoro masigū, mani ɯɯ, Cristo, manire ñavariquēnabecɯmi” yitñoiā güirā ñari. ²³ Mña yimasiro cōro Cristore mña moabosarore bajirone mñare rotirāre quēnaro ñare moabosaruarāja mña. ²⁴ Cristo sigūne ñaami mani ɯɯ ñamasugā. To bajiri, ñajediro ĩ bojarore bajiro yirūgūroti ñaja manire. To bajiro tñoiacōari, mani moajama, ñre moabosarā yirāja mani. Tire

masiritibesa. Mani ɯju ñari, ĩ gotiriarore bajirone quēnaro manire vaja yirucami. Ti ñaja ĩ ñaroju ejacōari, gājerā ĩre ajitirūnarā rāca quēnamasuse manire ĩ ĩsroti. ²⁵ To bajiboarine rojose mɯa yirūgūjama, rojose mɯare yirucami Dios. To bajiri, “Ānoama rojose yirā ĩna ñaboajaquēne, quēnaro ĩnare yirucuja yɯ”, yigɯ me ñaami.

4

¹ Moarimasa ɯjarāre, mɯare quēne gotigɯ yaja yɯ. Mɯare moabosari-masare quēnaro ĩnare yiya. Sīgūne ñaami mani ɯju ñamasugū, mɯare moabosarimasare, to yicōari mɯare quēne rotigɯ. ĩne ñaami mɯa yise jedirore sēniāroca.

² Mɯa jedirore gotigɯ yaja yɯ. Tocārācarūmune Diore sēnirūgūroti ñaja. To yicōari, ĩ yirēmosere masicōari, “Quēnaro yaja mɯ”, yirūgūroti ñaja. ³ Ʉare quēne ado bajiro sēnibosarūgūña mɯa: “‘Cristo oca masa ĩna masibeticatire Pablo mesa gājerāre gotimasiocudiatu’ yigɯ, ĩnare ejarēmoña mɯ”, ĩre yisēnirūgūña mɯa. Tire gotimasiogū ñari, tubibe ecoaja yɯ. ⁴ Quēnaro riojo yɯ gotimasirotire yirā, Diore sēnirūgūña mɯa. To bajirone yicōa ñaroti ñaja yure.

⁵ Cristore ajitirūnūmena rāca mɯa ñajama, quēnaro ñaña mɯa. To bajiñarā, cojorūmɯ gotimene, ñabesa. Tocārācarūmɯ Cristo ocare ĩnare gotimasiocōa ñaña. ⁶ ĩnare mɯa gotijama, quēnaro tuoīacōari, gotiya. To bajiro yicōari, mɯare ĩna sēniājama, quēnaro cudimasiruarāja mɯa.

Pablo ĩ gotitɯsare queti

⁷ Adoju yɯ rācagɯ, mani maigū, T'iquico vāme cutigɯ ñaami. Mɯa tɯju ĩre cōagū yaja yɯ. Tojare ejacōari, yɯ bajise queti mɯare gotirucami. Ʉare quēnaro ejarēmorūgūgū, to yicōari, mani ɯju ĩ bojasere yigɯ ñaami. ⁸ To bajiro yigɯ ĩ ñajare, mɯa tɯju ĩre varotibɯ yɯ. Toju ejacōari, yɯ bajise quetire gotirucami. Tire ajivariquēnaruarāja mɯa. ⁹ ĩ rāca, mani maigū, Onésimo vāme cutigɯ mɯa ya macagure quēne, varotibɯ yɯ. Quēnaro yare ejarēmorūgūmi ĩ quēne. ĩ rāca ñacōari, yɯ bajirūgūse jedirore gotiruarāma.

¹⁰ Adoju tubiberiaviju yɯ rāca ñagū Aristarco vāme cutigɯ, mɯare quēnarotiami. Bernabé tēñɯ, Marcos vāme cutigɯ quēne mɯare quēnarotiami. “Mɯa tɯju ĩ ejacoajama, ĩre quēnaro yiba”, mɯare yucacōacaju yɯ, jēre. ¹¹ Jesús Justo vāme cutigɯ quēne mɯare quēnarotiami. Jud'io masa vatoajure adocārācune ñaama, yɯ yarā, “Rotimorūgōrucami” yigɯ, Dios ĩ cōar'i, Cristo ocare yɯ rāca gotimasiocudirā. Ʉare buto ejarēmorūgūama. ¹² Mɯa ya macagɯ, Cristo ĩ bojasere yigɯ, Epafras vāme cutigɯ quēne, mɯare quēnarotiami. Diore ajitirūnɯ tɯjabeticōari, Dios ĩ bojarore bajiro rīne mɯa yiroture yigɯ, cojoji me Diore mɯare sēnibosarūgūami. ¹³ Mɯare, mɯa tɯanare quēne, Laodicea macanare, Hierápolis macanare quēne buto tuoīamaigū ñari, to bajiro mɯare sēnibosarūgūami. To bajiro ĩ yirūgūsere ĩagū ñari, mɯare gotiaja yɯ. ¹⁴ Ʉco yirimasɯ, Lucas vāme cutigɯ, yɯ maigū quēne, mɯare quēnarotiami. Demas vāme cutigɯ quēne, to bajirone yami.

¹⁵ Cristore ajitirūnarā, Laodicea macana, “Quēnato ĩna”, yaja yɯ. Ninfa vāme cutigore quēne “Quēnato”, yaja. Cristore ajitirūnacōari, so ya viju rējarūgūrāre quēne, “Quēnato”, yaja yɯ. ¹⁶ Adi papera rāca mɯare yɯ gotisere mɯa ĩajeoro bero, Laodicea macana Cristore ajitirūnarāre ĩsirā

vaja m̄a, “Ĩna quēne ĩato” yirã. To yicōari, ĩnare yu papera cōacatiuare juacōari, ĩama m̄a quēne. ¹⁷ Arquipo vāme cūtigure ado bajiro ĩre gotiya: “Mani uju Jesucristo mare ĩ rotirere quēnaro yijeoroti ñaja”, ĩre yigotiya.

¹⁸ Yu Pablo, yu masune, “Quēnato”, m̄are yuacacōaja yu. Adoju yu tubibe ecosere masiritibeticōari, Diore yure sēnibosarũgũña m̄a. Yu quēne, Diore sēnigũ, ado bajiro m̄are sēnibosaja yu: “Quēnase ĩnare cōarũgũña mu”, ĩre yisēniaja yu.

To cōro ñaja.

Primera carta de San Pablo a los TESALONICENSES

Tesalónica macanare Cristore ajitirünuräre i babarã rãca Pablo i ucacõare queti

¹ ¿Ñati Jesús ocare ajitirünurã, Tesalónica macana? Yũ Pablo, yũ babarã Silvano^a, Timoteo rãca adi quetire mũare ucacõaja, Dios mani jacũ, to yicõari, mani uju Jesucristo yaräre. Diore mũare sënibosaja yua, “ Ñinare ãamaicõari, ejarëmoña mũ’, quënarõ ñna ñarotire yigu”.

“Mũa bajisere tũoĩacõari, ‘Quënarõ yaja mũ’ Diore ñre yivariquënjaja yua”, Pablo i yire queti

² Tocãrãcaine Dios mani jacure ñre sënirã, mũa jediro mũa bajisere tũoĩacõari, “Quënarõ yaja mũ”, ñre yisënirügũaja yua. ³ Ado bajiro bajirã mũa ñajare, to bajiro yirügũaja yua: “Yũare ejarëmorũcumĩ” Diore ñre yitũoĩarã ñari, quënarõ yĩñaja mũa. Gãmerã mairã ñari, gãjeräre quënarõ ejarëmorügũaja. “Mani uju Jesucristo i tudiejaro bero, i rãca rijamenane ñarügũruarãja”, yitũoĩa tujabeaja mũa. To bajiro tũoĩarã ñari, rojose tãmuorügũrã ñaboarine, “Yũare ejarëmorũcumĩ”, ñre yitũoĩa tujabeaja mũa. To bajiri, to bajiro mũa bajise Dios sũori ti bajijare, “Quënarõ yaja mũ”, Diore ñre yivariquënjaja yua. ⁴ To bajiro Diore yaja yua, mani uju yarã ado bajise mũa bajisere masirã ñari: Dios i ñamairã, i beseriarã ñañuja mũa. ⁵ “To bajiro mũare yiyumi Dios”, yimasijaja, ado bajiro bajicati ti ñajare: “Jesús i rijabosare sũori manire ñavariquënaami Dios” yire quetire yua gotimasiojama, yua masune tũoĩarujeocõari, gotirã me mũare gotimasiörügũcaju. Dios i rotise rãca mũare gotimasioçaju yua. Dios i cõagũ Esp’iritu Santo sũorine tũoĩacõari, “Socase me ñaja”, yimasicaju mũa. Mũa rãca yua bajiñacatire masicõari, “Quënarõ mani ñarotire yirã mani tujũ ejayuma”, yũare yimasirãja mũa.

⁶ To bajiri mũa quëne, yua yicatire bajirone quënarõ yirügũcaju mũa. To yicõari, mani uju Jesús i yiriarore bajirone yirügũcaju mũa. To bajiri bajicatore bajirone rojose tãmuoõarine, “Variquënato” yigu, Esp’iritu Santo mũare i ejarëmocati ñajare, buto ajivariquënacaju mũa. ⁷ To bajiro mũa bajiñacatire ajicõari, mũa ye sitana Macedonia ñarã, adoana Acaya sitana quëne, “Ñna bajiñariorore bajiro yiroti ñaja manire”, yama ñna, Cristore quënarõ ajitirünurã jediro. ⁸ To bajiri mũa gotimasiose sũorine mani uju Jesús ocare ajiyuma Macedonia sitana, Acaya sitana. Ñna rĩ mere, gajeroana gajaräre gotimasioñuja mũa. Quënarõ mũa yirere ajicõari, “Cristore quënarõ ajitirünurã ñaama Tesalónica macana”, mũare yama. To bajiro mũa bajisere jëre ñna masicõajare, gajeroju yua vacudijama, mũa bajisere gotibetirügũaja yua. ⁹ Ñnajua roque yũare quënarõ mũa yicatire gotirügũama. “Ado bajirã ñarãma” mũa masune yiquënorujeocõari, mũa rucubũoõarere yitujacõari, Dios catimũorügõrocũjare mũa ajitirünũuocatiore gotirügũama. ¹⁰ Gajeye ado bajiro mũa gotisere yũare gotirügũama: “Dios macũ Jesús, i bajirocaro bero, Dios i cator’i, õ vecaju ñagũmi. Ññaami rojose mani yise vaja rojose tãmuotujabetiriaroju

^a 1:1 yũ babarã Silvanoa, Timoteo rãca a 1.1 Silas ti yijama, griego oca rãca yiyuju. Silvano ti yijama, latĩn oca ñañuju. Hch 15.22; 18.5 macaña.

manire Dios ĩ reacđaborotire manire yirētibosarocu. To bajiro yirocu ĩ tudiejarotire yurā yaja” mña yifnasere quēne yuare yigotirūgūama ĩna.

2

Tesalónica macana rāca Pablo ĩ bajiñarere ĩ gotire queti

¹ Yña mairā, mña tu yña bajiñacatire tuoĩacđari, “Buto quēnacaju”, yimasijaja mña. ² Mña tujū yña ejaroto rĩjoro, Filipos ĩna yirimacaju ñacaju yña. Toju yña ñaro rojose yuare yicama. Mña ya macana quēne yuare gotirotibetiboacama. Jēre tire masijaja mña. Yuare ĩna gotirotibetiboajaquēne, Dios ĩ ejarēmose rāca muare goticđacaju, Dios oca Jesús suori quēnaro ĩ yise quetire. ³ Socasere ajirūcubhorā me ñari, tire muare goticaju yña. Rojose yiruarā me, muare goticaju. Muare yitoruabeticaju. ⁴ “¿Yñ bojarore bajiro yirā ñati?” yigu, yuare rotĩacđari, variquēnañumi Dios. To bajicđari, “Yñ macu suori quēnaro yñ yise quetire gotiruarāja mña”, yuare yirotiyumi. To bajiri ĩ gotirotirote bajirone gotirūgūaja yña. “Masa ajivariquēnato” yirā me, gotirūgūaja. “Dios ajivariquēnato” yirājua, gotirūgūaja. ⁵ “Oca quēnase rāca yuare yitorā me yama”, yuare yimasicaju mña. “Gājoa manire ĩsiato” yirā me, muare goticaju yña. Tire masijaja mña. Dios quēne, tire masiami. ⁶ “Ñamasurā ñaama’ yuare yato” yirā me, muare goticaju yña. Noajñane, “Manire rūcubhoato” yirā yña goticana manicama. ⁷ Muare rotibeticaju yña. Cristo ĩ cđarā ñari, yña rotijaquēne, quēnacđaboarioja. To bajiboarine, sīgđ rōmio so rñacare so ĩatirūnurore bajiro muare ĩatirūnūrūgūcaju yña. ⁸ To bajiro muare ĩamairā ñari, “Cristo ye quetire ĩnare gotimasioruarāja”, yituoĩa variquēnarūgūcaju yña. Ti rĩ mere yivariquēnarūgūcaju yña. “Manire ĩaterā manire ĩna sīaroti ti ñaboajaquēne, ĩnare gotimasioruarāja”, yivariquēnarūgūcaju yña, muare ĩamairā ñari. ⁹ Yña mairā, mña tu ñarā, buto josari yña moarūgūcatire masiritimenaja mña. Ūmña, ñami quēne moarūgūcaju yña. Toju mña tujū yña ñase vaja, yña base vaja quēne yuare mña vaja yibosajama, josaboriaroja ti, muare. Tire masirā ñari, “Vaja yibeticđato ĩna” yirā, Dios oca gotirā ñaboarine, gajeye moare yña masune moacđari, bare vaja yibarūgūcaju yña.

¹⁰ Mña tujū ñarā Dios ĩ bojarore bajiro quēnaro yirūgūcaju yña. Tojure quēnaro riojo yirūgūcaju yña. To bajiri socamenane, “Rojose yicama” yirā manama mña tu ñarā. To bajiro yña bajicatire ĩacana ñari, “ĩna yicatore bajiro yirūgūcama ĩna”, yuare yifñagđbosa masijaja mña quēne. Dios quēne tire yuare yifñagđbosa masigūmi ĩ. ¹¹ “Rĩa cutigu ĩ rñare maigū, tocārācure quēnaro ĩ yirore bajiro manire yirūgūcama ĩna”, yuare yimasijaja mña. ¹² Rojose mña tāmhojama, mña tāmhoebetijaquēne, quēnaro muare gotimasiorūgūcaju yña, “‘Manire ejarēmorcumi’ Cristore ĩre yituoĩa tujabeticđato” yirā. “Dios ĩ bojarore bajiro mña yisere buto bojaja yña”, muare yirūgūcaju yña. Dios ñaami rētoro ñamasugū, quēnaro rotigu, “Yñ tujū ñaruarāja” muare yigu.

¹³ Gajeye ado bajiro mña bajicatire tuoĩacđari, “Quēnaro yaja mñ”, Diore ĩre yisēnirūgūaja yña. Dios oca muare yña gotimasioacatire ajicđari, “ĩna masune tuoĩacđari, gotirā me yama” yimasicđari, yuare ajitirūnūsocaju mña. To bajiri socase me ñaja Dios ye yña gotimasiorūgūse. To bajiri, tire quēnaro ajitirūñajama, Dios ĩ bojasere yirā ñaruarāma. ¹⁴ Yña mairā, ti ocare ajitirūñarā mña ñajare, rojose muare yiyuma mña yarā. Mña yiecorore bajirone yiyuma jud’io masa quēne, ĩna yarā Jesucristo

ocare ajitirānārāre. ¹⁵ Īna yarāne űaama Cristore sġariarā. Rġjoroju Diore gotirētosariarāre quēne Īnare sġariarā űaama Īna. Yāare quēne tud'irā, varotiana űaama. To bajiro yirā űari, Dios ĩ ĩavariquēnamena űaama. Jediro masare ĩaterā űaama. ¹⁶ Jud'io masa me rojose tāmtoġtġabetiriaroju ĩna varotire bojamena űari, Dios ocare gotimasioruaboacaju yāa. Yāare gotimasio rotibetirūgġama. Rēmojuane, rojose rġne ĩna yicġasuoadire űajare, to bajirone bajiaja adirodore quēne. Rojose ĩna yitġabetijare, rojose ĩnare yicġaguagu yami Dios yuja.

Tesalónica macajure Pablo ĩ tudivarua tġoġare queti

¹⁷ Yoaro mene quēna mġa tġju yāa tudivarotire gotirġaja yā. Yāa mairā, mġare yāa vadiveocato bero, mġare ĩabetiboarine, tocārācarāmure mġare tġoġacġa űarūgġaja. To bajiri, mġare buto tġoġarā űari, mġare ĩarā varuārūgġuaboacaju yā. ¹⁸ Yā masu quēne cojoji me mġare ĩagġu varuārūgġuaboacaju yā. Tocārācājine mġa tġju ĩarā yā varuacġarore, “Ejabeticġato” yigġu, rojose yāare yirūgġġumi vātia uju Satanās. ¹⁹ Mani uju Jesucristo ĩ tudivado yāa ĩorona mġa űajare, mġare ĩarā varuacāju yāa. “Mġ oca ĩnare yāa goticati űajare, mġare ajitirānġcama ĩna”, Cristore ĩre yġovariquēnarārāja yāa. To bajiro yāa yiroti ti űajare, Jesús ĩ tudivadirotire buto tġoġavariquēnaja yāa. Gājerāre yāa tġoġaro rētoro mġare tġoġavariquēnaja. ²⁰ Socarā me yaja yāa. Cristore mġa ajitirānġsere buto tġoġavariquēnaja yāa. Tire ĩre gotivariquēnarārāja.

3

¹⁻² To bajiri, ĩarā vabeticġari, mġa bajisere ajiruarā űari, yāa maigġare, Dios ĩ bojase yigġare Timoteore toju ĩre cġacaju yāa. Yāa rācagu, Jesucristo ocare masare gotimasio cudigġu űaami ĩ quēne. To bajiri, “Quēnaro ĩnare gotiba mġ, ‘Manire ejarēmġcġami’ Jesucristore ‘ĩre yitġoġa tġjabeticġato ĩna’ yigġu”, ĩre yicġacaju yāa. Yġjuama, Silvano rāca tġjacaju yā, Atenas vāme cġti macarema. ³ Rojose tāmtoġā űaboarine, “Tire sutiritibeticġato” yirā, ĩre cġacaju yāa. Masiaja mġa: Cristore ajitirānġrā űari, rojose tāmtoġoti űaja. ⁴ Mġa rāca űarājġu, cojoji me ado bajise mġare goticaju yāa: “Cristore ajitirānġrā mġa űajare, rojose mġare yiruarāma gājerā”, mġare yicāju yāa. Mġare yāa goticatore bajirone bajiyuja ti. ⁵ To bajiro ti bajijare, ado bajise mġare yitġoġarejaicaju yā: “ĶCristore ajitirānġcġa űaboati ĩna? Vātia uju Satanās, ‘ĶCristore ajitirānġbesa’ yirotibetiboati ĩ? To bajiro ĩ yisere ĩna ajijama, yāa gotimasio boacatijuare ajitirānġ tġjaruarāma”, yitġoġarejaicaju yā. To bajiri, tire masirġu, mġa tġju Timoteore ĩre cġacaju yā.

⁶ Mġa tġju ejar'i, adoju tudiejami quēna. Adoju ejaġari, mġa bajise quetire oca quēnasere gotitudiejami. “Cristore ĩre ajitirānġcġa űaama ĩna. To yicġari, quēnaro gāmerā ĩamaicġa űaama”, yimi. “ ‘Mġare quēnaro tġoġaja yāa’ yima ĩna”, yāare yimi. “Īnare mani ĩaruaro cġro manire ĩaruama ĩnaju quēne”, yāare yimi Timoteo. ⁷ To bajiro ĩ yijare, Cristore ĩre mġa ajitirānġcġa űasere ajicġari, buto variquēnaja yāa. Gājerā suori buto rojose tāmtoġā űaboarine, tire ajivariquēnaja yāa. ⁸ To bajiri, Cristore ĩre mġa ajitirānġcġa űasere ajicġari, buto variquēnamu yāa. ⁹ Mġa bajisere tġoġavariquēnacġari, “Quēnaro yaja mġ”, Diore ĩre yisēni tġjabetiruarāja yāa. ¹⁰ Ūmġa, űami quēne, ado bajiro ĩre sēnirūgġaja yāa: “ ĩna tġju ejato’ yigġu, yāare yirēmġna mġ”, ĩre yirūgġaja yāa. “ ‘Butoġsa Cristore

ajitirũnũato' yirã, ãna masibetire ãnare yua gotimasiorotire yigu, yuare yirẽmoña mu", ãre yirũgũaja yua.

¹¹ To bajiri ado bajiro mani jacu Diore to yicõari, mani uju Jesucristore yisẽniãja yua: " Ñna tũju ãarã vajarõ' yirã, yuare ejarẽmoña", ãnare yaja yua. ¹² To yicõari, ado bajise muare sãnibosaja yua: " 'Butobusa gãmerã ãamaiato ãna' yirã ãnare ejarẽmoña", ãnare yaja yua. " 'Gãjerãre quẽne ãamaiato ãna' yirã, ãnare ejarẽmoña", yaja yua. " Ñnare yua mairore bajiro maiato ãna' yirã ãnare ejarẽmoña", ãnare yaja yua, muare sãnibosarã. ¹³ To bajiro mua maijama, rojose mua tuoãasere "Yitũjacõari, quẽnase rĩne tuoãato" yigu, muare ejarẽmorucumi Dios. To bajiro muare ã yijama, mani uju Jesús ã yarã rãca ã tudiejarirũmu, mani jacu Dios ã rĩjorojua ñie rojose mana ñaruarãja mua. To bajirone bajiato.^b

4

Dios ã ãvariquẽnase queti

¹ Yua mairã, gajeye muare gotirũaja yua. "Ado bajiro mua ñajama, muare ãvariquẽnarucumi Dios", muare yimasioçaju yua. Tire ajicõari, quẽnaro ñaũuja mua. To bajiri, Dios muare "Ñvariquẽnato" yirã, butobusa ã bojasere mua yisere bojaja yua. Mani uju Jesucristo to bajiro yuare ã yirotijare, to bajiro muare yaja yua.

² Mani uju Jesús ã roticatore bajirone muare yua roticatire masiaja mua jẽre. ³ Ado mua bajisere bojaami Dios: Dios yarã mua ñajare, quẽnase rĩne mua yisere bojaami. Manajo cutirã, manaju cutirã, manajo mana, manaju mana quẽne, mua gãmerã ajeriarã cutisere bojabeami. ⁴ Manajo cutigu, ã manajo rãca rĩrene gãjerãre ajeriarã cutibecũne, rucubũose rãca ñie oca mano ã yĩñajama, quẽnaja. ⁵ Diore masimena ñari, ãna bojarore bajiro ajeriarã cutirũgũama. Ñnare bajiro yibetirũgũña. ⁶ Ñnare bajiro mua yijama, buto rojose muare yirucumi Dios. Jẽre adirene muare goticaju yua. ⁷ "Rojose yirã ñato" yigu me, "Yu yarã ñato", manire yiyumi Dios. "Quẽnasejua yato" yigu, to bajiro yiyumi. ⁸ To bajiro yigu ã ñajare, adi yua gotimasiosere ajimena yua rĩ mere terãma. Diore quẽne terãma ãna. Rojose mani yisere "Yitũjato" yigu, Esp'iritu Santore manire cõaũumi Dios.

⁹ "Gãmerã ãamairoti ñaja" mua yimasiorotire jẽre muare ejarẽmoñumi Dios. To bajiri yuama, "Gãmerã ãamaiña mua", muare yiuçacõabeaja. ¹⁰ Quẽnaro yirã ñaja mua. Macedonia sitana Cristore ajitirũnrãre ãmairã ñaũuja mua. To bajiro yirã ñaboarine, butobusa ãnare mua ãmajama, quẽnarũaroja. Yua mairã, to bajiro mua yirotire buto bojaja yua. ¹¹ Ñie oca manone quẽnaro ñaruarãja mua. Gãjerãre gõjanabiomenane, mua moasere moacõa ñaña. ¹² To bajiro mua yijama, muare ãcõari, "Quẽnaro yirã ñaama", muare yĩarucubũoruarãma Cristore ajitirũnũmena. Ñiejua ruyabetirũaroja, muare.

Mani uju Jesús ã tudivadiroti queti

¹³ Yua mairã, Cristore ajitirũnrãriarã bajireariarã ãna bajirotire muare gotirã yaja yua. Diore masimenama, bajireariarã ãna bajisere riojo masibeama ãna. Bajireariarãre tuoãcõari, buto sutiritiama. "Quẽna tudicacoarũarãma", yituoãrã me ñaama. Ñna tuoãrore bajiro mua tuoãasere bojabeaja yua. "Quẽna tudicacoarũarãma", yirã ñaja manima. ¹⁴ "Jesús ã

bajirocacoaboajaquēne, quēna ĩre catioyumi Dios”, yimasiaja mani. Tire masicōari, “Cristore ajitirūnarārā bajireariarāre quēne tudicatioꝛucami Dios”, yituoĭaja mani.

¹⁵ Ado bajiro m̄are gotiaja yua, mani uju Jesús ĩ bueriarāre ĩ gottimasiorere: Adigodo caticōa ñarājuama, ĩre ajitirūncōari, bajireariarā rĭjoro juaecobetiruarāja mani. ¹⁶ Ado bajiro bajiruroja ti, Jesús adi macarucuroju ĩ tudivadirotirām̄: Dios ĩ rotijare, ángel mesa uju ĩ ñagōse ocaruyuroja. To bajicōari, Dios ya jutiria ti busise ocaruyuroja. To cōrone, ō vecaju mani uju ĩ masune rujiadirucami. To bajiro ĩ bajirone, ĩre ajitirūnarārā bajireariarā, quēna tudicatioꝛuarāma. ¹⁷ ĩna tudicatioꝛone, ĩna rāca adigodo catiñarā Cristore ajitirūnarārāre juarēorotirucami Dios. To yicōari, oco bueri vatoaju ĩnare juamujarotirucami, “ĩna ujure Cristore bocato” yigu. Toju ĩ rāca ñacōa ñarūgūruarāja mani. ¹⁸ To bajiri adi yua gotisere ajiri, gāmerā ñagōvari quēnaña m̄ua.

5

¹ “Tirūm̄, tirodo ñaro masu vadirucami mani uju”, yimasiaña maja. Jēre tire masiaja m̄ua. ² “To cōro vadirucami” masa ĩna yimasibetiju vadirucami. Juarudirimasu ĩ ejarotire quēne, “To cōro juarudigu ejauguagu yigumi”, yimasibeaja mani. To bajirone bajirucami Cristo quēne. “To cōro ñaro ejarucami”, yimasibetiruarāja mani. ³ Ado bajiseju yimasiaja mani: Diore masimena, “Ñie oca mano quēnaro ñaja mani” ĩna yi boaro, ñaro tusarone güiose ejaruroja. Rōmio quēnaro gūda so ñaro gajane, ñaro tusarone jūnise sore ejaruroja, so macu cutirijaujure. Tire bajirone bajiruroja Jesús ĩ ejaroti quēne. Masiñamanone ti bajijare, rudimasimena ñari, buto rojose tāmurouarāma ĩna masa Diore masimena. ⁴ M̄ajuama, rētiaroju ñarāre bajiro bajirā me ñaja m̄ua. To bajiri mani uju ĩ tudivadisere ĩacabetiruarāja m̄ua. Juarudirimasu ĩ ejasere ĩacōari, masa ĩna ucarege bajiro ucabetiruarāja. ⁵ Dios ĩ bojase yirā ñari, busuroju ñarāre bajiro bajirā ñaja m̄ua. Dios ĩ bojabeti yirūgūrāma, rētiaroju ñarāre bajiro bajirā ñaama.^C ⁶ To bajiri Jesucristo ĩ vadirotire tuoĭamenare bajiro bajirā me ñaja mani. Tire quēnaro tuoĭayurā, rojosere yiruarā ñaboarine, tire yimena ñaja mani. ⁷ Ñamire cāniama masa. Gājerāma, ñamire idimecurūgūama. ⁸ Manima, ĩnare bajiro bajirā me ñari, busuroju ñarāre bajiro bajaiaja. To bajiri, tocārācaine quēnase rĭne yīñarūgūroti ñaja, mani uju ĩ tudivadirotire tuoĭayurā. “Manire ejarēmorucami” mani ujure mani yituoĭase, mani gāmerā maise suorine vāti manire rojose ĩ yirotoboasere cūdbetiruarāja mani. To yicōari, Jesucristo ĩ vadirotire tuoĭayu tujabetiruarāja mani, “Rojose tām̄otujabetiriaroju mani vaborere manire yirētohosarucami” yirā. ⁹ “Rojose ĩna yise vaja rojose tām̄oato” yigu me, “Yu yarā ñaña m̄ua”, manire yiyumi Dios. Mani uju Jesucristo manire ĩ rijabosare suorijose tām̄otujabetiriaroju mani vaborere manire yirētohosaru, “Yu yarā ñaña m̄ua”, manire yiyumi. ¹⁰ Manire rijabosayumi Jesús, “Yure ajitirūnarā, yu rāca ñacōa ñarūgūato” yigu. To bajiri tudiejagu, mani caticōa ñajama, mani rijacoajaquēne manire juamujarucami, “Yu rāca ñacōa ñarūgūato” yigu. ¹¹ To bajiro ti bajijare, tire gāmerā gotiya m̄ua, “Ajivariquēnacōari, butobusa mani ujure ĩre ajitirūnato” yirā. Jēre m̄ua yīnasere masiaja yua. To bajirone yicōa ñarūgūña.

^C 5:5 Ro 13.12; Ef 5.8-9.

Pablo ĩ gotiquēnorotire queti

¹² Yua mairā ado bajiro mua yijama, quēnaruroja: Mware ũmato ñarāre Dios ĩ cūriarāre quēnaro rūcubuoja. ¹³ Quēnaro mware ejarēmorūgūama ĩna. To bajiri, “Ñamasurā ñaama”, ĩnare yirūcubuoja. To yicōari, quēnaro ĩnare yiya, “‘Manire maiama ĩna’ manire yimasiato ĩna” yirā. To yicōari, ñie oca manone quēnaro ñaĥa mua.

¹⁴ To yicōari, mua tuana moamenare tud’ibusari ĩnare gotiya, “Moato ĩna” yirā. Gājerā, sūtiritirāre “Variquēnato” yirā quēnaro ĩnare gotiya. Gājerā, Cristore quēnaro ajitirānumenare, quēnaro ĩnare ejarēmoña. Cristore ajitirānurā ñajediro rojose yimenane, quēnaro gāmerā gotirūgūña.

¹⁵ Gāji rojose mware ĩ yijama, ĩre gāmebeticōaña.

Tocārācaine quēnaro gāmerā yiba mua. Masa jedirore to bajiro rĥe yiba.

¹⁶ Tocārācarūmune variquēnacōa ñarūgūña mua. ¹⁷ Tocārācarūmune Diore sēniña. ¹⁸ Tocārācaine, “Quēnaro yaja mu”, Diore yirūgūña. Rojose tāmūboarine, to bajiro rĥe yirūgūña mua. Jesucristore ajitirānurā to bajiro ĩna yisere Dios ĩ bojajare, to bajiro yirūgūña mua.

¹⁹ Rojose yibetirūgūña, “Rojose mani yisere ĩacōari bato sūtiritiromi Esp’iritu Santo” yirā. ²⁰ Diore gotirētobosarā ĩna gotisere ajitebesa. ²¹ Tire quēnaro ajicōaña. ĩna masune tuoĩarujeocōari, gotimasiorāma cojojirema. “Dios ye ñaja” mua yimasijama, tire quēnaro ajitirānuña. ²² Tocārāca vāmere rojosere yitajacōari, tudiyibeticōaña.

²³ Ado bajise Diore mware sēnibosaja yua: “ĩnare ejarēmoña, ‘Quēnaro ñato’ yigū. ‘Tocārācaine yu bojasere tuoĩacōari, yirā ñato’ yigū, ĩnare ejarēmoña mu”, mware yisēnibosaja yua. Mani uju Jesucristo ĩ tudiejarirūmu, “Rojose mana mua ñarotire yirā”, Diore mware sēnibosaja yua. ²⁴ “ĩ yarā ñato” yigū, manire beseyumi Dios. To bajiri tocārācarūmune mani rāca ñarūgūami. To bajiri, ĩ bojarore bajiro mani yirore manire ejarēmorucami.

Tesalónica macanare Pablo ĩ quēnaroticōare queti

²⁵ Diore yware sēnibosarūgūña yua mairā.

²⁶ Mua tuana Cristore ajitirānurā jediro mua rāca ĩna rējaro, yware quēnarotibosaya mua, “ĩnare yua maisere masiatio” yirā.

²⁷ Adi queti mware yu ucacōasere toana Cristore ajitirānurā jedirore ĩnare ĩagotiya mua, mani uju to bajiro mua yisere ĩ bojajare.

²⁸ Mani uju Jesucristo quēnaro mware yato ĩ.

To cōro ñaja.

Segunda carta de San Pablo a los TESALONICENSES

Tesalónica macana Cristore ajitirūnarāre ī babarā rāca Pablo ī ucacōare queti

¹ ¿Ñati Jesús ocare ajitirūnarā, Tesalónica macana? Yū Pablo, yū babarā Silvano, Timoteo rāca adi quetire mūare ucacōaja, Dios mani jacu, to yicōari, mani ūju Jesucristo yarāre. ² Ado bajise mūare sēnibosaja yua: “Īnare ĩamaicōari, ejarēmoña mu, quēnaro ĩna ñarotire yirā”, mūare yisēnibosaja yua.

Cristo ī tudiejarirūmū rojose yiriarāre Dios ī beseroti queti

³ Yūare ajiya yua mairā. Tocārācajine mūa bajisere yua tuoĭajama, “Quēnaro yaja mu”, Diore ĩre yirūgūaja yua. Butobusa Jesucristore ajitirūnarūtuana yaja mūa. To yicōari, butobusa gāmerā ĩamairūtuana yaja mūa. Dios mūare ī ejarēmojare, to bajiro bajajaja mūa. To bajiro ī yijare, to bajiro mūa bajisere tuoĭacōari, “Quēnaro yaja mu”, ĩre yirūgūaja yua. ⁴ To bajiro bajirā mūa ñajare, tocārāca macajū gājerā Jesús ocare ajitirūnarāre mūa bajisere gotirā, “Quēnamasucōaama Tesalónica macana”, ĩnare yivariquēnarūgūaja yua. Ado bajiro ĩnare yirūgūaja yua: “Tesalónica cutoana Cristore ajitirūnarā ĩna ñajare, rojose ĩnare yicoderūgūama gājerā. To bajiro ĩna yiboajaquēne, Cristore quēnaro ajitirūnucōa ñaama ĩna”, ĩnare yivariquēnarūgūaja yua. ⁵⁻⁶ Rojose tāmūorā ñaboarine, Cristore mūa ajitirūnucōa ñajare, “Yū tujū mūa vajama, quēnaja”, mūare yīami Dios. Rojose mūare yirājuarema, “Rojose tāmūotujabetiriaroju ĩnare yū reacōajama, quēnarūaroja”, ĩnare yīami Dios. To bajiro ī yisere tuoĭarā, “To bajirone ĩnare yiroti ñaja”, yimasire ñaja. ⁷ ĩna suori rojose mūa tāmūosere, “To cōrone tujato”, yirotirūcūmi Dios. Yūare quēne to bajiro yirūcūmi, mani ūju Cristo adi macarūcūroju ī tudiejarotirūmū ñaro. Tirūmū ñarone ō vecajū vadiveocōari, ī yarā āngel mesa ĩaĭaĭamani yimasirā rāca jea ūjubusosere bajise buto bususe vatoaju rujiadirūcūmi Jesús. ⁸ Tirūmūne Diore masimenare mani ūju Jesucristo oca quēnasere ajiterāre ĩna ajibeti vaja rojose ĩnare yirūcūmi Jesús. ⁹ Rojose tāmūotujabetiriaroju ĩnare cōarūcūmi. To bajiri ī tujū quēna juaji ĩnare vadirotibetirūcūmi. To bajiri, “Rētoro masigū ñari, ñamasugū ñaami” mani yimasigūre mani ūjare ĩamasibetirūarāma ĩna yuja. ¹⁰ To cōrone, ĩre ĩvariquēnarūarāma ī yarā ĩre ajitirūnarā ñajediro. To yicōari, “Quēnarētogū ñaami”, ĩre yirūcūbuorūarāma. To bajiri mūa Tesalónica macana quēne, Jesús ocare yua gotimasiocatre ajitirūnarā ñari, ĩna rāca ñarūarāja mūa.

¹¹ To bajiro ĩre mūa yirotire yirā, cojosi me ado bajiro Diore mūare sēnibosarūgūaja yua: “ ‘Yū yarā ñaña mūa’, ĩnare mu yirere cūdiriarā ñaama. ‘Quēnase ĩna yirūase yimasijeocōato ĩna’ yigū, mu masise rāca quēnaro ĩnare ejarēmoña”, ĩre yaja yua, mūare sēnibosarā. ¹² To bajiri, masa jediro quēnaro mūa yisere ĩacōari, mani ūju Cristore quēnaro ĩre yirūcūbuorūama. To bajiri, Dios, mani ūju Jesús quēne, mūare ĩamaicōari quēnaro mūare ĩna yiroti ñajare, mūare quēne quēnaro rūcūbuorūarāma masa.

2

Jesús ĩ tudivadiroto rĭjoroaye bajiroti queti

¹ Jesús ĩ tudivadirotirãmure, “Yũ rãca ñato” yĩgu, Dios, manire ĩ juarëorotire mũare gotiquënorã yaja. ² “Jëre Jesús ĩ tudivadirãmũ eja-coajũ”, mũare yiyujarã gãjerã. Tire ajicõari, tuoñarejaibesa yua mairã. “Socase me ñaja. Jëre Jesús ĩ ejasere yure gotirotimi Esp'iritu Santo” ñna yiboajaquëne, ñnare ajibesa. “Ïna gotirote bajiro yire queti ajibũ yua” gãjerã ñna yigotirëmoboajaquëne, tire ajibesa. “To bajirone bajiro ucayuma Pablo mesa quëne” gãjerã ñna yiboajaquëne, ñnare ajibesa. ³ To bajiro mũare yitorã jedirote ajibesa mũa. Ado bajiro bajisere ĩacõari, “Yoaro mene tudivagumi Jesús”, yimasiruarãja mũa: Jãjarã masa, “Dios ĩ rotiboasere cudibeticõato mani”, yituoĩarã ñnaruarãma ñna. To ñna bajiñarone, Rëtoro Rojogu ruyuarũcumi, beroju rojose tãmuotujabetiriaroju Dios ĩ cõarocũ.^a ⁴ Diore quëne, jediro masa ñna rũcũbuosere quëne, ĩategũ ñnarũcumi. “Rëtoro yure rũcũbuoruarãja mũa”, masare ñnare yĩgu ñnarũcumi. To bajirocũ ñnari, Diore yirũcũbuoriaviju sãjacõari, rujirũcumi. To yicõari, “Yũne ñaja Dios”, masare ñnare yigotirũcumi ĩ, socũne.

⁵ Ti quetire Jesús quëna ĩ tudivadiroto rĭjoroayere mũare gotirũgũcaju yũ, mũa rãca ñagũju. To bajiri, “Tire masiritimenama”, mũare yituoĩaja yũ. ⁶ Rëtoro Rojogu adi macarũcũroju vadirotire jëre masiaja mũa: “To cõrone vadirũcumi” Dios ĩ yiriaro rĭjoroju, ejabetirũcumi maji. ⁷ ĩ ejabetiboajaquëne, jëre masare rojose ĩ yirotirãmũ cõñaro masu bajaia. ĩre cõarocũ, “Vasa mũ” ĩ yiroti rĩne rũyaja. ⁸ “To cõrone vajaro” Dios ĩ yirirãmũ ejarũcumi rojose yĩgu. To bajiro ĩ bajiboajaquëne, mani uju Jesucristo ĩ tudivadirãmũne, rëtoro masigũ ñnari, josari mene ĩre rocacõarũcumi. ⁹ To bajiro ĩ yiecoroto rĭjoro, adi macarũcũroju vadicõari, Satanás ĩ rotise rãca buto masigũ ñnarũcumi. To bajigu ñnari, “Masigũ ñagũmi’ yure yituoĩato” yĩgu, ĩaĩañamanire yĩlorũcumi. To bajiro ĩ yise socase ñarũaroja. ¹⁰ Jediro rojose yirũcumi, rojose tãmuotujabetiriaroju varonare ñnare yitogu. Dios ocare ajiterã ñnari, to bajicõari, Jesucristo rojose ñna yise vajare ĩ yirëtohosarũasere quëne bojamena ñnari, rojose tãmuotujabetiriaroju varona ñnaama. ¹¹ ĩ ocare ajiterã ñna ñajare, “Rëtoro Rojogu socũne ĩ yisere ajitirũnũcõa ñnaruarãma”, ñnare yirũcumi Dios. ¹² To bajiro yirũcumi Dios, “Yũ oca riojo ñamasusere ajimena ñnari, rojose rĩne yivariquënarã jediro, rojose tãmuotujabetiriaroju vajaro” yĩgu.

“ ‘Yũ yarã ñañã mũa’ Dios ĩ yirere cudiriarã ñaja mũa”, yire

¹³ Ajiya yua mairã. Tocãrãcãjine ado bajiro mũa ñasere tuoĩacõari, “Quënarõ yaja mũ”, Diore ĩre yivariquënarũgũaja yua: Mani uju buto mũare maiami. Tesalõnica macana vatoana, “Yũ yarã rojose tãmuotujabetiriaroju vaborona ñañã mũa” Dios ĩ yirere cudiriarã ñaja mũa. To bajiro mũa bajisere bojayumi, “Rojose ñna yisere tũjacõari, yũ bojasejuare yato ñna” yĩgu. To bajiro yĩgu ñnari, Esp'iritu Santore mũare cõañumi, “Ïnare ejarëmoato” yĩgu. Mũare ĩ ejarëmose ñajare, Dios oca riojo gotisere ajicõari, “Socase me ñaja”, yimasiaja mũa. To bajiro yimasirã ñnari, rojose yirũaboarine, tire yimena ñaja mũa. ¹⁴ “To bajiro bajirã ñato” yĩgu, ĩ oca Cristo yere mũa tũju yũare gotimasio roticõañumi Dios. Rojose tãmuotujabetiriaroju vabeticõari, mani uju Jesucristo rãca mũa ñarotire

^a 2:3 1 Jn 2.18, Ap 13.1-2.

bojagū ñari, to bajiro yiyumi. To bajiro mña bajisere tñoiãcõari, “Quẽnaro yaja mñ”, Diore ñre yirũgũaja yña.

¹⁵ To bajiri Jesucristo ocare ajitirũnũcõa ñarũgũña. Mña tũju vacõari, mñare yña gotimasiocatire masiritibesa. To bajicõari, mñare yña uacõacõatire quẽne masiritibesa. ¹⁶ Mani ẽju Jesucristore, to yicõari mani jacũ Diore quẽne, mñare sãnibosaja yña. Manire ñamaicõari, quẽnaro manire yiyumi Dios. Ñ suorĩ ñ yere tñoiãvariquẽnarũgũaja mani. Jesucristo quẽnaro ñ yise ñajare, “Dios ñ gotiriarore bajiro quẽnaro manire yirũcũmi”, yimasiasaja mani.

¹⁷ Ñ yere tñoiãvariquẽnacõari, ado bajiro Diore mñare sãnibosaja yña: “Ñinare ejarẽmoña mñ, gãjerã rãca quẽnaro ñna ñarotire yigũ”, mñare yisãnibosaja.

3

“Yñare sãnibosaja”, yire queti

¹ Adi mñare yña ucasene gotitusarã yaja. Mani ẽju ocare gãjerã ñna ajirũcũbũosere bojaja mani. To bajiro ñna bajisere bojarã ñari, ado bajise Diore yñare sãnibosarũgũña: “Guarobusa cojoju ruyabeto, ti ocare mña ajirũcũbũocatore bajiro gãjerã quẽne ajirũcũbũojedicõato” yirã, ñre sãnirũgũña mña. ² Rojose yñare yirũarũgũrãre, “Rojose yñare yiroma” yirã, Diore sãnĩña mña. To yicõari yña gotimasiosere ajiterã quẽne jãjarã ñnaama. ³ Mani ẽju ñagũmi “Yirũcũja” ñ yirore bajiro yigũ. To bajiro yigũ ñ ñajare, “ ‘Yñare quẽnaro ajitirũnũcõa ñarũgũato’ yigũ, manire ejarẽmorũcũmi”, yimasiasaja mani. “ ‘Vãtia ẽju Satanãs, rojose mñare yiromi’ yigũ, mñare ejarẽmorũcũmi”, yimasiasaja mani, Diore. ⁴ “Jesús mani ẽjũre ajitirũnũcõari, Tesalónica macana, quẽnaro ñna yirotire yigũ, ñinare ejarẽmorũcũmi”, yitũoiãja yña. To bajiri, “Yña roticõasere ñna yirũgũrore bajiro yicõa ñarũgũrũarãma”, mñare yitũoiãja yña. ⁵ Ado bajiro mani ẽjũre mñare sãnibosaja yña: “ ‘ “Quẽnaro manire ñamaiami Dios” yimasiritibeticõato ñna’ yigũ, ñinare yirẽmoña mñ. ‘Cristore rojose ñre ñna yiboajaquẽne, yñare quẽnaro ñ ajitirũnũcõatire bajiro ajitirũnũ tũjabeticõato ñna’ yigũ, ñinare yirẽmoña”, mñare yisãnibosaja yña, mani ẽjũre.

Pablo ñ moarotire queti

⁶ Ajiya yña mairã. Ado bajise mani ẽju Jesucristo yñare ñ gotirotijare, yaja yña: Cristore ajitirũnũgũ ñaboarine ñ moabetijama, ñre baba cõtibesesa mña. Ñ ùgũ, mñare yña gotimasiocatore bajiro yibeami. ⁷ “Pablo mesa mani rãca ñarã, quẽnaro ñna moarũgũcatore bajiro yirũgũroti ñaja”, yimasiasaja mña. ⁸ Mña tu ñarã, vaja yicõari rĩne mña yere bare bacaju yña. Ɛmñari, ñamiri quẽne quẽnaro moarũgũcãju yña, “Mani masune bare vaja ta, barãsa” yirã. ⁹ Mñare gotimasiarã ñari, “Bare yñare eçaya” yña yijama, quẽnaboriaja, bajirojuma. To bajiboarine mñare sãnibeticãju yña. Quẽnaro moarũgũcãju yña, “Manire ñacõari, Ñinare bajiro mani moajama, quẽnaja’ yĩato” yirã. ¹⁰ Mña rãca ñarã, cojosi me ado bajiro mñare yiroticãju yña: “Moarũamena, babeticõato ñna. Ñinare ecabesa”, mñare yiroticãju yña. ¹¹ “Ñna vatoaju sũgũri moarũamena ñnaama” yire quetire ajaiaja yña. Ñna masune moabeticõari, gãjerãre ñna gõjanabiosere ajaiaja yña. ¹² To bajiro ñna bajise ñajare, mani ẽju Jesucristo ñ rotirore bajirone, ñinare yiroticõaja yña: Gãjerãre gõjanabiomenane, quẽnaro moaña mña, ñie cõomena ñari, mña vaja tarotire yirã.

¹³ Ajiya yua mairã. Quẽnaro yicõa ñarã ñari tire quejebesa mua. ¹⁴ Sîgũ adi papera yua ucasere ajitirũnabecure ñamasicõari, ñre baba cutibesa, “Bojonecõari, ajitirũnato ñ” yirã. ¹⁵ Rojose ñ yiboajaquẽne, ñre ñatebesa mua. ñre tud'imenane, mua bedire bajiro quẽnaro ñre gotiya.

“Quẽnaro ñarũgũato ñna” yigũ, Pablo, Diore ñ sẽnire queti

¹⁶ Mani ñjũ ñagũmi, “Ñie oca manone quẽnaro ñato” yigũ. To bajiri, “ ñna rãsa ñacõari, quẽnaro ñacõa ñarũgũato’ yigũ ñnare ejarẽmoña”, ñre yaja yua, muaare sẽnibosarã.

¹⁷ Pablo ñaja yũ, yũ masune, “Quẽnato” muaare yuicacõagũ. Gãjerãre yũ uacõajaquẽne, to bajiro rĩne yirũgũaja. ¹⁸ Mani ñjũ Jesucristo, mua jedirore quẽnaro muaare yirũgũato.

To cõro ñaja.

Primera carta de San Pablo a TIMOTEJO

Timoteore, Pablo ĩ ucacõare queti

¹ ĽÑaboati m̄, Timoteo? Ȳ ñaja Pablo v̄ame cutiḡ, adi quetire m̄re ucaḡ. Dios rojose mani yise vajare manire yir̄etobosar'i, ĩ mac̄ Jesucristo s̄orine ĩ ocare ĩ goticudiroticõar'i ñaja ȳ. To bajiri, manij̄ama, mani rijato beroj̄ manire ĩ yir̄etobosarotire yir̄a, t̄oĩavariquẽnacõa ñaja. ² Ȳ mac̄re bajiro bajiḡ ñaja m̄. Ȳ gotimasiocatire ajitir̄ũnacõari, ȳre bajiro Jesucristore ajitir̄ũngũ ñaja m̄.

M̄re quẽnarotiḡ, mani jac̄ Diore, to yicõari, mani ɸ̄ Jesucristore quẽne, ado bajise m̄re s̄enibosaja ȳ: “Ľre ĩamaicõari, quẽnaro ĩ ñarotire yir̄a, Ľre ejarẽmoña”, m̄re yis̄enibosaja ȳ.

“Socase oca gotimasiorimasare ajitir̄ũnabesa”, Pablo ĩ yire

³ Macedonia v̄ame cuti sita vac̄, “Ado Efeso v̄ame cuti maca tujaya m̄”, m̄re yicaj̄ ȳ. Ado bajiro yiḡ, to m̄ tujarotire bojacaj̄ ȳ: Toanare Dios oca riojo gotimasiomenare, ĩnare m̄ gotimasiorotibetirotire bojacaj̄ ȳ. ⁴ To yicõari, buc̄ar̄ ye quetire socasere gotimasiorã, “ ‘Ado bajiro yimasĩujarã’ m̄a yir̄ũgũsere yit̄ujacõañã” ĩnare m̄ yirotire yiḡ, m̄re tujaroticaj̄ ȳ. Tire ĩna gotijama, ricati r̄ine t̄oĩarã ñari, “Ado bajirojua bajiyuja” ĩna gãmerã yir̄ũgũse jedise me ñaja. Ti ocare ĩna gotimasiose s̄orine Dios ĩ bojarore bajiro yibeama. Dios ĩ bojarore bajiro ĩna gotimasiojama, ĩnare ajicõari, Cristore b̄atobusa ajitir̄ũnaborãma masa.^a

⁵ Ti macana jediro ĩna gãmerã ĩamair̄otire bojaḡ ñari, to bajiro m̄re gotirotiaja ȳ. Rojose mani yisere yit̄ujacõari, Cristoj̄are mani ajitir̄ũn̄ajama, “Rojose maja manire”, yimasirãja mani. To bajiro mani bajijama, gãmerã ĩamairãja mani. ⁶ To bajiro ȳ gotimasioboajaquẽne, ti macana siḡuri Dios oca ñamasusere ajit̄ujacõari, vaja mani gajeyej̄are t̄oĩacõari, gãmerã ñagõrãma ĩna. ⁷ Moisés ñamasir'ire Dios ĩ roticũmasirere gotimasiorimasa ñaruaboama. To bajiboarine, ĩna masune t̄oĩacõari ĩna gotiboaserene ajimasimenama.

⁸ Masa ĩna c̄dirotire yiḡ, Moisére Dios ĩ roticũmasirere masirã ñari, “Quẽnase ñaja ti”, yimasiaja mani. To bajiboarine, Dios ĩ roticũmasirere mani ajimasibetijama, ñie vaja manoja ti. ⁹ Ľ roticũmasirere masicõari, “Diore c̄dibeaja ȳ. To bajiri rojose ñaja ȳre” masa ĩna yirotire bojaḡ ñari, tire cũmasiñumi Dios. To bajiri, quẽnaro yir̄are t̄oĩagũ me, ĩ rotimasirere cũmasiñumi. Rojose yir̄aj̄are t̄oĩagũ, tire cũmasiñumi. Ľre r̄ac̄b̄uomenare, Dios yere ajatud'ir̄are, jac̄are s̄iar̄are, to yicõari, gãjer̄are s̄iarimasare t̄oĩagũ, ĩ rotimasirere cũmasiñumi. ¹⁰ Ajeriarã cutir̄are, “Gãjoa b̄ujarãsa” yir̄a, masare ñejecõari, gãjer̄are ĩsir̄are quẽne, ĩ rotimasirere cũmasiñumi Dios. Socar̄are, to yicõari, Dios oca riojo gotimasiorere ajiter̄are quẽne ĩ rotimasirere cũmasiñumi Dios, “Ľre c̄dibeaja ȳ. To bajiri rojose ñaja ȳre” ĩna yimasirotire yiḡ. ¹¹ Cristo oca quẽnase r̄ine ñaja ñamasuse. “Ti ocare gotimasioato” yiḡ, ȳre cõañumi mani ɸ̄ Dios. Ľ siḡune ñaami quẽnagũ masu, “Quẽnaro yaja m̄” mani yir̄ũc̄b̄uor̄ũgũroc̄.

“Ȳre quẽnaro yicami Cristo”, Pablo ĩ yire queti

^a 1:4 1 Ti 4.7; 6.20; 2 Ti 2.16; Tit 1.13-14.

¹² Mani ɛju Jesucristo, quēnaro yare ejarēmocami, i ocare yu gotimasiodirotire yigu. “Yu bojarore bajiro gotimasiodicōa ñarūgūrucami” yigu, yare cōacami. To i yicati ñajare, “Quēnaro yicaju mu”, ñe yivariquēnaja yu. ¹³ Tirāmujū Jesús ocare ajite, to yicōari, ajatud'irūgūboacaju yu. To yicōari, Cristore ajitirūnarāre bato rojose yirūgūcaju. To bajiro yicacu yu ñaboajaquēne, yare ñamaiñumi mani ɛju. “Yare ajitirūnabecu ñari, yare rojose i yisere masibeami Pablo maji” yimasicōari, yare quēnaro yicami, i oca yu gotimasiodirotire yigu. ¹⁴ Quēnaro yare i yicati suorine ñe ajitirūnaja yu. To yicōari, ñe quēne, gājerāre quēne, maiaja yu.

¹⁵ Adi muare yu gotiroti riojo ñaja. Tire masa ñajediro ña ajitirūnaja, quēnaruroja. Ado bajiro bajiaja: Rojose yirā rojose tāmōtūjabetiriaroju ña vaborotire ñare yirētobosaru, adi macarucaroju vayumi Cristo. Yu ñaja rētoro rojose yicacu. ¹⁶ To bajiro yicacu yu ñaboajaquēne, yare ñamaicōari, rojose tāmōtūjabetiriaroju yu vaborotire yare yirētobosayumi Cristo. To bajiri, gājerā quēne, “Pablōre bajiro Cristore mani ajitirūnaja, rojose mani yisere manire quēne masiriorucami Dios” gājerā ña yimasirotire yigu, to bajiro yiyumi. ¹⁷ Mani ɛju Dios i rotise jedibetiruroja. I ñaami ñajediro ti ruyuaroto rījoroju ñamasir'i, to bajicōari, ñacōa muorūgōroc. Sīgū ñe ñagū magūmi. ñe bajiro bajigu magūmi. To bajiri, ñe quēnaro yirūcūbōorūgūroti ñaja manire. To bajirone bajiato.

¹⁸⁻¹⁹ Timoteo, yu macare bajiro bajigu, yare quēnaro ajiya. Mure yu gotiroticatore bajirone yiroti ñaja mure. Tirāmujū Diore gotirētobosarimasa, “Dios ocare gotirucami” ña yicatire masiritibeticōari, i ocare gotimasiodōa ñarucuja mu. To bajiro mu bajijama, vāti rojose mure i yirotsere cadibeticōari, Cristojuare ajitirūncōa ñarucuja. Gājerā sīgūri ñaama i ocare ajitirūnū tūjacana. To bajicana ñari, socasejuare ajitirūnarā ñarāma.^b ²⁰ To bajiro bajicana ñaama Himeneo, to yicōari, Alejandro quēne. Diore ajitirūnū tūjacōari, ñe rūcūbōobeticama ña. To bajiri, “Vātia ɛju, Satanás, i bojarore bajiro rojose muare yimasirucami yuja”, ñare yicaju yu, “Rojose tāmō quēnabeti tōōamasi, Dios i bojarore bajiroja yato” yigu.

2

“Gājerāre ejarēmoato’ yirā, Diore sēnibosarūgūroti ñaja”, Pablo i yire queti

¹ Ñasose ado bajiro mure rotiaja yu: Toana rāca rējacōari, Diore sēnirā, masa jedirore sēnibosarūgūroti ñaja muare. To yicōari, masare quēnaro i yisere ñarā ñari, “Quēnaro yaja mu”, ñe yirūgūroti ñaja. ² Gobiernore quēne, ɛjarā jedirore sēnibosarūgūroti ñaja. To bajiro mani yijama, Dios i ejarēmose rāca ñie oca mano ñaruarāja mu. To bajiri, Dios i bojarore bajiro quēnase rīne yirūgūrurāja. ³ To bajiro ñare mu sēnibosajama, muare ajivariquēnagūmi Dios, rojose tāmōtūjabetiriaroju mu vaborotire muare yirētobosarocu. ⁴ Masa jediro rojose tāmōtūjabetiriaroju ña vabetirotire bojami. To bajiro bojagu ñari, i oca riojo gotimasiorere quēne masa jediro ña masisere bojami. ⁵ Sīgūne Dios i ñasere masiaja mani. Gāji mani rūcūbōogu magūmi. To bajicōari, Jesucristo quēne, i sīgūne ñaami manire bajirone ruju cūticōari, adi macarucuroana Diorāca quēnaro mani ñarotire yigu, rijabosar'i. ⁶ Mani jedirore rojose mani yise vaja manire yirētobosagu, rijabosayumi. To bajiro i bajire ñajare, “Masa

^b 1:18-19 2 Ti 1.6.

jedirore yirētobosaruami Dios”, yituoīamasijaia mani. ⁷ To bajiri, “Ti ocare jud’io masa mere quēnaro gotimasiodirucuja mu, ‘Rojose mani yise vaja manire yirētobosayumi” yituoīato ina’ yigu”, yare yicami Cristo. Socu me yaja yu.

⁸ Cristo ī cōacacu ñari, toana ĩre ajitirūnarā jediro ado bajiro ĩna yirotire yu bojasere mure gotiaja yu: Ūmure gotigu yaja. Gājerāre jūnisinirā ñaboarine, Diore ĩna sēnijama, quēnabeaja. To yicōari, gājerāre oca josarā ñaboarine, Diore ĩna sēnijama, quēnabeaja ti quēne. Diore sēnirāma, rojose yimena ñato.^c ⁹ Rōmiare quēne gotigu yaja yu. Cristore ajitirūnarā, ūmua rāca ĩna rējaroto rījoro, quēnaro tuoīacōari, ĩna sudi sāñasere bojaja yu. “¿No bajiro yirāti mani, ‘Manire ĩavariquēnato ūmua’ yirā?”, yituoīabetiroti ñaja. ĩna joare quēnorā, “¿No bajiro quēnorāti, mani joare, ‘Ūmua quēnaro ĩavariquēnato’ yirā?”, yituoīabetiroti ñaja, ĩnare. ĩna busajaquēne, “Manire ĩavariquēnato ūmua” yirā, jairo vaja cutise, perla vāme cutise, oro vāme cutise quēne, busabetiroti ñaja ĩnare. To yicōari, sudi sāñarā, “Manire ĩavariquēnato” yirā, sudi jairo vaja cutise sāñabetiroti ñaja. ¹⁰ Ado bajirojua yirūgūroti ñaja: “‘Cristore ajitirūnarā ñaja mani’ yirā ñari, quēnase yirā mani ñajare, manire ĩavariquēnato”, yituoīarūgūroti ñaja, ĩnare. ¹¹ Dios ocare ajirā mua rējarojare, ñagōmenane, ĩnare gotimasiorimasa ĩna gotisere rūcubuose rāca ajirujiroti ñaja, rōmiare. ¹² ĩnare gotimasioritibeaja yu. To yicōari, ūmure ĩna rotisere quēne bojabeaja yu. Ñagōmenane, ĩna ñacōajama, quēnaja. ¹³ Rījoro Adán ñamasir’ire rujeosomasifūju Dios. Bero ĩ manajo Evare rujeomasifūju. ¹⁴ To bajicōari, Adán me ñamasifūju vātia ūjare yitocomasir’i. ĩ manajojua ñamasifūju vātire yitocomasirio. Vāti ĩ yitomasirere cudicōari, rojose yimasiñuju so. To bajiri, rōmiojua, ūmure ajirācuburoti ñaja. ¹⁵ Rojose yimasirio so ñajare, “Ñajediro rōmia, ĩna rīa cutijama, rojose tāmurouarāma”, yimasiñuju Dios. To bajiboarine, Cristore ajitirūnu tujamena ñacōari, gājerāre ĩna maijama, rojose tāmoutujabetiriaroju ĩna vaborotire ĩnare yirētobosaruami Dios.

3

Cristore ajitirūnarāre ūmato ñarā ĩna bajire queti

¹ Jesure ajitirūnarāre ūmato ñaruarāre gotigu yaja yu. Socu me yaja yua. ĩna moarusasema, quēnase ñaja. ² Tire ĩ moare cutirūajama, quēnaro tuoīacōari, quēnase rīne yigu ĩ ñajama, quēnaja. Quēnaro masa ĩna rūcubogū, manajo cuticōari, gajeore ajerio cutibecu, ejarimasare quēnaro yigu, to bajicōari, quēnaro gotimasiomasiḡū ĩ ñajama, quēnaja. ³ Mecuose idimecubecu, quēabecu, gājerāre ajijūnisinicōari, oca josabecu ĩ ñajama, quēnaja. Rojose gājerā ĩna yiboajaquēne, ĩnare ĩamaicōari, quēnaro ejarēmogū ñagūmi, “Quēnasejua tuoīato ĩna” yigu. Gājoare bojatuoīabecu ñagūmi. ⁴ ĩ ya vianare quēnaro rotigu, ĩ rīa rūcubuose rāca ĩre quēnaro ĩna cudirotire yigu, quēnaro ĩnare gotimasioḡū ñagūmi. ⁵ ĩ ya vianare quēnaro ĩ rotimasibetijama, Cristore ajitirūnarāre no bajiro rotimasibecami. ⁶ Cristo ocare ajitirūnarāre ūmato ñagū ĩ ñarūajama, Cristore mame ajitirūnugū me ñagūmi. Cristore mame ajitirūnugū ĩ ñajama, “Gājerā rētoro ñamasugū ñaja yu”, yituoīagūmi. To bajiro ĩ yijama, Satanás ĩ tuoīamasiriarore bajiro tuoīagū ĩ ñajare, “Rojose tāmurocujā” Satanāre Dios ĩ yirotimasiriarore bajiro yiecorucami, ĩ quēne. ⁷ To bajiri, quēnaro

^c 2:8 Mt 5.23-24; 6.14-15.

yirūgūroti űaja ĩre, “Cristore ajitirūnumena quēne, yure ĩarūcubuoato” yigu. To bajiro ĩ yibetijama, “Quēnaro yigu me ĩ űajare, Cristo ocare ajirūabeaja yua”, yirāma masa. “To bajiro yato ĩna” yigu, rojosere yigu űaami Satanās.

Cristore ajitirūnarē ũmato űarēre moabosarimasa ĩna bajire

⁸ To bajicōari Cristore ajitirūnarē ũmato űarēre moabosarimasare quēne, gājerā ĩna ĩarūcubuoarēre bojaja mani. To bajicōari, ĩna bajirore bajirone bajirā űarāma ĩna quēne. Mecuose idimecūmena, “Gājoa bujarāsa” yirā, gājerāre yitomena űarāma. ⁹ Dios oca socabetire mani gotimasiosere Dios ĩ ejarēmose rāca quēnaro ajitirūnarā űari, “Quēnase űaja” ĩna yimasise rīne yirā űarāma ĩna. ¹⁰ ĩnare mua beseroto rĳoro, “Ānoa űaama quēnase yirā, Cristo ocare quēnaro ajitirūnarā” yimasiruarā, ĩnare ĩatirūnuĳa maji. “Quēnaro ajitirūnarā űaama” ĩnare mua yimasijama, ĩnare beseruarāja mua yuja. ¹¹ Rōmiare quēne, Cristore ajitirūnarē ũmato űarēre moabosarimasare gājerā ĩna ĩarūcubuoarēre bojaja mani. Socarāne, “Ado bajise rojose yima”, gājerāre yigotirā me űarāma. Quēnaro tuoĳacōari, quēnase rīne yirā űarāma. “Yiruarāja” ĩna yirore bajiro yirā űarāma. ¹² Quēna Cristore ajitirūnarē ũmato űarēre moabosarimasare, ũmūare gotigu yaja yu. Manajo cuticōari, gajeore ajerio cutibecu ĩ űajama, quēnaja. ĩ rĳa rūcubuose rāca ĩre quēnaro ĩna cudirotire yigu, quēnaro ĩnare gotimasioĳā, to yicōari, ĩ ya vianare quēnaro rotigu űagūmi. ¹³ Quēnaro ĩna moajama, gājerā ĩna ĩarūcubuoarā űaruarāma. To bajicōari, Jesucristore quēnaro ajitirūnarā űari, Dios ocare ĩna gotimasiojama, quēnaro gotiruarāma.

Cristo suorine manire quēnaro Dios ĩ yire queti

¹⁴ Yoaro mene mu tujū varua tuoĳaboarine, adi paperare mure ucacōaja yu. ¹⁵ “Varua tuoĳaboarine, yoaro me mua tujū yu eĳatūmabetijama, ‘Catimūorūĳōroca, Dios yarā űari, ado bajiro yiroti űaja’ yimasiato” yigu, adi paperare mure cōaja yu. Dios yarā űari, “Ī oca, socabeti gotimasioire űaja”, yigotiaja mani. ¹⁶ Cristo suorine manire quēnaro Dios ĩ yire queti quēnamasuse űaja. Masa ĩna masibeti ĩ ejarēmose rāca mani masise űaja. Ado bajiro bajiaja ti:

Adi macarūcrojū vadicōari, manire bajiro ruju cutiyuju Cristo. To bajicōari, Esp'iritu Santo suorine, “Īie rojose magū űaami”, yūāñujarā masa. Ángel mesa quēne, ĩna ĩarūcubuoĳū űañuju. Masa jedirore ĩ ocare gotimasioñujarā. To bajicōari, tocārāca sitana ĩ ocare ajitirūnuñujarā. Manire rijabosacōari, ĩ tudicatiro bero, ō vecaju ĩ űarōju ĩre āmicoasuju Dios.

4

Masa, Cristore ĩna ajitirūnu tujaroti queti

¹ Cristore ajitirūnarā, jājarā mani űaboajaquēne, adi macarūcro ti jedirūtu vato cōrone sĳūri ĩre ajitirūnu tujaruarāma. “Īre ajitirūnu tujacōari, vātia ĩnare ĩna yitosere gotimasiorāre ajitirūnaruarāma”, manire yiyumi Esp'iritu Santo. ² ĩnare gotimasiorimasa ado bajiro bajirā űarāma: “Quēnase gotimasioaja” yirā űaboarine, socasere gotimasiorā űarāma. “Adi űaja quēnase. Tijua űaja rojose”, yimasimenama ĩna, rojose rīne tuoĳarā űari. ³ “Manajo cutibetiroti űaja”, yirā űarāma ĩna. To yicōari, “Tocārāca vāme babetiroti űaja”, yirā űarāma. ĩna tuoĳiarore bajiro me

bajiaja, Jesúre ajitiránurã Dios oca riojo gotimasiorere masirãjuarema. Mani baroti í cùre barã, “Quênaro yaja m̃” Diore mani yirore yigũ, jediro bare cūmasiñumi Dios. ⁴ Ñajediro bare Dios í cùre quênase ñaja. To bajiri, “Tocãrãca vãme babetiroti ñaja”, yire maja manire. Bare mani bajama, “Quênaro yaja m̃” Diore yicõari, baroti ñaja. ⁵ “Bare ñaro cõrone quênase ñarũaroja” í yimasirere barã, “Quênaro yiyuja m̃” ñe mani yijama, quênaja.

Jesucristo í bajirore bajiro yire queti

⁶ Mure yũ gotimasiose jediro gãjerã Jesucristore ajitiránurãre gotiroti ñaja mure. To bajiro m̃ yijama, Jesucristo í bojarore bajiro ñare yiejarẽmogũ yiguja m̃. To bajicõari, Dios oca quênasere gotimasio tujabecune, butobusa Diore tuoĩvari quênacõari, Jesucristo í bojarore bajiro quênaro yirũtu varucuja m̃.

⁷ Bũcũrã ye quetire socasere ña gotimasiosere ajibesa. Dios í cùre me ñari, vaja mani ñaja. Tocãrãcarũmũne, m̃ yirũgũrotijũare tuoĩacõari, í bojarore bajiro quênase rĩne yirũgũña.^d ⁸ Tocãrãcarũmũne mani rujure mairã ñari, quênaro guacoerũgũaja mani, “Cati quênarã ñarãsa” yirã. To bajiro mani yise quênase ñaja, bajirojũma. To bajiro mani yise rẽtobusaro quênase ñaja tocãrãcarũmũne, Dios í bojarore bajiro quênase rĩne mani yirũgũse. To bajiro mani yijama, adigodo mani catiñaro cõro, to yicõari, õ vecajũ Dios tujũ mani ñajaquẽne, quênaro manire yicõa ñarucũmi Dios. ⁹ Mure yũ gotise, socase me ñaja. Masa jediro tire ña ajitirãnũjama, quênarũaroja. ¹⁰ Socabeti ti ñajare, josari moarũgũaja yũ. To bajiñarãne, catimũorũgõrocure Diore ajitirãnurãre rojose ña bajiborotire ñare yirẽtobosarocure tuoĩa yuñaja yũ.

¹¹ Adi queti yũ gotise ti macanare m̃ gotimasiosere ajicõari, cãdijedicõato ña. ¹² Bũcũ me m̃ ñajare, toana Cristore ajitirãnurã, mure ña rãcũbuobetijama, quênabetoja. To bajiri, “Bũcũ me yũ ñaboajaquẽne, yũre quênaro rãcũbuoato” yigũ, “Yũre ejarẽmorucũmi Dios” ñe yituoĩacõari, ado bajise yirũgũña: ñare quênaro ñamaicõari, quênase rĩne yicõa ñarũgũña. To bajiro m̃ yijama, “Í yirore bajiro yiroti ñaja manire quẽne” yituoĩacõari, mure quênaro rãcũbuorũarãma ña. ¹³ Yũ ejaroto rĩjoro, toana rãca rẽjacõari, Dios ocare masa ña ucamasire quênaro gotimasiorũgũña m̃, “Tire ajicõari, butobusa ajitirãnũato” yigũ. ¹⁴ “Quênaro yimasiatõ” yigũ, Dios mure í ñjocatire masiritibesa m̃. Jesúre ajitirãnurãre ãmato ñarã mure yũ ãmo ñũjeorãne, Dios í masise rãca, “Adi ñaja m̃ moaroti Dios í cùre” yũ yĩnarone, tire mure ñjoyumi Dios.^e

¹⁵ Adi queti mure yũ gotimasiosere masiritibeticõari, m̃ yimasiro cõro yirũgũña. To bajiro m̃ yijama, m̃ yisere ñacõari, “Butobusa Cristore ajitirãnurũtuacũ yami”, yĩnarũarãma ti macana. ¹⁶ M̃ gotimasioroto rĩjoro, to yicõari, no bojase m̃ yiroto rĩjoro quẽne, quênaro tuoĩacõari rĩne, yirũgũña. To bajiro m̃ yicõa ñajama, m̃ gotimasiose ajitirãnurãre quẽne, rojose tãmuotujabetiriarojũ m̃a vaborotire mure yirẽtobosarucũmi Dios.

5

Cristore ajitirãnurã rãca ñare queti

¹ Sīgũ bũcũ, rojose í yiboajaquẽne, tud'igũre bajiro ñe gotibesa. Ado bajirojũma m̃ yijama, quênaja: Rãcũbuose rãca m̃ jacure m̃ yirore bajiro

^d 4:7 1 Ti 1.4; 6.20; 2 Ti 2.16; Tit 1.13-14. ^e 4:14 2 Ti 1.6.

quēnaro ĩre gotiya. To yicōari, mamarāre quēne, m̄a bederāre m̄a yirore bajiro quēnaro ĩnare yiya. ² Rōmia bucūrāre m̄a jacore m̄a yirore bajiro quēnaro ĩnare yiya. To yicōari, mamarā rōmiare quēne, m̄a bederāre m̄a rūc̄ab̄uorore bajiro quēnaro ĩnare rūc̄ab̄uoya.

³ Manaj̄u rijaveoriarā maioro bajirā masu ĩna ñajama, rūc̄ab̄uose rāca ĩnare quēnaro ejarēm̄orūgūña. ⁴ To bajiboarine sīgō manaj̄u rijaveorio rīa c̄utigo, to yicōari, jānerabatia c̄utigo so ñajama, ĩnajua ñarāma sore ejarēm̄orūgūrona. To bajiro ĩna yisere Dios ĩ ĩavariquēnase ñajare, to bajiro yirūgūroti ñaja. Mani jac̄ua manire ĩamaicōari, mani daqueroju manire quēnaro ĩna yib̄uc̄uore ti ñajare, ĩnare ejarēm̄orūgūroti ñaja, manire. ⁵ Manaj̄u rijaveorio maioro bajigo masujuare, so yarā sore ejarēm̄orā manijare, “Yure ejarēm̄oruc̄um̄i Dios” yit̄uoĩacōari, ĩre sēnirūgūgōmo so. Ūm̄ua, ñamire quēne ĩre sēnirūgūgōmo. ⁶ Manaj̄u rijaveorio, no so bojase rīne yigojuama, rojose yigo ñari, Dios ĩ ĩajama, catigo ñaboarine, catibecore bajiro bajicōa ñagōmo, rojose t̄am̄uot̄ujabetiriaroju varoco ñari. Sojuarema ejarēm̄obetiroti ñaja. ⁷ Tire m̄are yu gotimasiosere m̄a t̄aju ñarāre Cristore ajitir̄unurāre gotiya. ĩna c̄udisere ĩacōari, “Rojose yama”, yirā maniruarāma. ⁸ Sīgū “Cristore ajitir̄unugū ñaja yu” yiboarine, ĩ yarāre ĩnare ĩ ejarēm̄obetijama, quēnabetoja. To bajiro bajigu ñari, Cristore ajitir̄un̄u t̄ujacoar̄ire bajiro bajigu ñagūmi. Gājerāma, Cristore ajitir̄un̄umena ñaboarine, ĩna yarāre ejarēm̄orā, rojose ĩna yiro rētoro rojose yigu ñagūmi.

⁹ Cristore ajitir̄unurā manaj̄u rijaveoriarā, m̄ua ejarēm̄oronama, ado bajiro bajirā ñaruarāma ĩna: Sesenta cūmari rētoro tusana ñaruarāma. To bajicōari, sīgūne manaj̄u c̄utiriarā ñaruarāma. ¹⁰ To bajicōari, gājerāre ado bajiro quēnaro yiriarā ñaruarāma: ĩna rīare quēnaro buc̄uoriarā, ejarimasare quēnaro yiriarā, “Yu rētoro ñamasurā ñaama” gājerāre Cristore ajitir̄unurāre yit̄uoĩacōari, ĩnare ejarēm̄oriarā, to yicōari, rojose t̄am̄uorāre ejarēm̄oriarā ñaruarāma.

¹¹ ĩnare m̄ua ejarēm̄oroto rījoro, ĩna manaj̄u ĩ bajirocaro bero, “Gāji manaj̄u c̄utibetir̄uocoja yu”, Cristore yisēniriarā ñaruarāma. Mamarāb̄usa manaj̄u rijaveoriarārema ejarēm̄obetiroti ñaja. Mamarāma, to bajiro yiriarā ñaboarine, buto manaj̄u c̄utir̄ua t̄uoĩarāma ĩna quēna. ¹² To bajiro ĩna bajijama, “Rojose yirā yama”, ĩnare yīlaruc̄um̄i Cristo. ¹³ Gaje vāme quēne, ado bajiro bajirā ĩna ñajare, ĩnare ejarēm̄obetiroti ñaja. Moame-nane gājerā ya viriju ñacudirūgūrāma. To bajicudirā, socarāne, “Ado bajise rojose yima”, gājerāre yigotitudirūgūrāma. To yicōari, gājerā ĩna sēnīlabetiboajaquēne, “Ado bajiroju yiroti ñaja”, ĩnare yigōjanabiorūgūrāma. To bajiro ĩna yijama, yibetirotirene yicōarāma. ¹⁴ To bajiro bajirā ĩna ñajare, quēna ĩna manaj̄u c̄utirotire bojaja yu, “Rīa c̄uti, ĩna ya vi ĩatir̄un̄u, yīñacōato” yigu. To yicōari, “Gājerājua ĩnare ñagōmacaruarā, ĩna yisere ĩacōari, no yimasibeticōato” yigu, quēnaro ĩna ñasere bojaja yu. ¹⁵ Jēre sīgōri mamarāb̄usa manaj̄u rijaveoriarā Cristore ajitir̄un̄u t̄ujacōari, Satañajuare ajitir̄un̄u sayarā ĩna ñajare, to bajiro m̄are gotib̄u yu.

¹⁶ Cristore ajitir̄unugō yarā, manaj̄u rijaveoriarā ĩna ñajama, ĩnare ejarēm̄orūgūroco ñagōmo. To bajiro so yijama, manaj̄u rijaveoriarā maioro bajirāre ejarēm̄orimasa ĩna manijare, ĩnare ejarēm̄omasiruarāma ĩna, gājerā Cristore ajitir̄unurā.

17 Бүсүрә, Cristore ajitirünäräre İnare quēnaro İna ũmato ñajama, İnare rücbuocōari, vaja yiroti ñaja. İna rācana quēnaro gotimasioräre butobusa rücbuoroti ñaja. 18 Dios ocare masa İna ucamasire, ado bajiro ti gotijare, tire İnare goticōaja yu: “Ta vecu risere siabibebesa, trigo gasere İre muu cüda jānerotijama, ‘İ quēne bato’ yirā”, yigotiaja Dios oca masa İna ucamasire. Tire yigu, ta vecua rİne tuoİagū me, yimasiñumi Dios. Gajeju quēne ado bajiro gotiaja: “İna gotimasiose vajane bacatiruarāma”, yigotiaja Dios oca masa İna ucamasire.f

19 Бүсүрә, “Rojose yimi” İna yi ocasājama, jnarā, idiarā İnacōari İna oca sājama, İnare ajiroti ñaja.

20 To bajiro İna yi ocasājama, Cristore ajitirünucōari, rējarā jediro İna İaro rİjorojuu tud'igüre bajiro İre gotiba mu, “Gājerā, бүсүрә quēne tire ajicōari, ‘Manire quēne yiromi’ yimasiato” yigu.

21 To bajiro müre yu rotisere ajirāma Dios, İ macu Jesucristo quēne, ángel mesa, Dios İ beseriarā quēne. Mu cüdirotire masiruarāma İna. Mu baba rojose İ yijaquēne, yu rotirore bajiro cüdiya. 22 Cristore ajitirünäräre ũmato ñarocure mu cüruajama, quēnaro yigu İ ñasere İajeocōari, beseya. To bajiro mu yibetijama, rojose yigürene besegüja mu. To bajiro mu yijama, “Rojose yigürene beseyumi”, müre yirāma. “To bajiro bajirobe” yigu, quēnaro İnare beseba. To yicōari, quēnase rİne yirügüña.

23 “Quēnase rİne yirügüña” yigu ñaboarine, “Üye oco idibetirügüña”, yibeaja yu. Oco rİ mere idirügüña. Üye oco quēne, mojoroaca idirügüña, biyaroaca mu güdajoa ti jünirügüsere “Tujato” yigu.

24 Ado bajiro ti bajijare, “İnare quēnaro masicōari rİne, beseya”, müre yibu yu: Sİgüri rojose İna yisere İacōari, masiaja mani. To bajiboarine, gājerājumama, “Rojose yirā ñaama”, yimasiñamana ñaama. İnare quēnaro masicōari rİne, rojose yirā İna ñasere masiaja mani. 25 To bajirone bajiaja quēnaro yirā İna ñase quēne. Sİgüri quēnase İna yisere İacōari, masiaja mani. To bajiri, İnare quēnaro mani masiroto rİjoro, jere “Quēnase yirā ñaama”, İnare yimasiaja mani. To bajiboarine, gājerājumama “Quēnase yirā ñaama”, yimasiñamana ñaama. İnare quēnaro masicōari, quēnase yirā İna ñasere masiaja mani. To bajiri Cristore ajitirünäräre ũmato ñaräre, бүсүрәре quēnaro masicōari rİne, beseya.

6

Gājeräre moabosarā İna bajire queti

1 Jesucristore ajitirünärä gājeräre moabosarā, İna ujaräre rücbuoroti ñaja. İna ujaräre rücbuobetire İacōari, “Rojose yirā ñaama Cristore ajitirünärä; vaja maja İna gotimasiose”, yiruarāma gājerä. 2 Sİgüri İna ujarä, Cristore ajitirünärä ñarāma. İnare rücbuoroti ñaja. “Mani uju Jesucristore ajitirünärä ñari, Dios İ mairä ñarāma İna quēne. To bajiri quēnaro İnare yibosato mani” yituoİacōari, butobusa İna moabosajama, quēnaja.

Cristo oca riojo gotimasiorere quēnaro ajitirünäre queti

Adi queti yu gotise ti macanare İnare gotimasiocōari, “Ado bajiro yirügüruarāja mani”, İnare yiya.

3 Mani uju Jesucristo ocare buerëtobuobarine, ricati gotimasiorä İna bajisere gotiaja yu: Dios İ bojase mani yisere riojo gotimasiomena ñarāma. 4 “Buto masirā ñaja yua” yituoİaboarine, masimena ñarāma. Cristo

ocare, “Ado bajirojua yiruaru yaja ti”, gāmerā yi oca josarūgūrāma. To bajiro ĩna yise suorine, “Yu rētoro masirā ñaama” yīajūnisinire, gāmerā rūcubuoobetire, “Socarā yama”, gāmerā yituoīare ñaroja. ⁵ Rojose tuoīarā ñari, Cristo ocare ajitirānu tujacōari, vāti ĩ yitocere ajitirānurā ñari, to bajiro yirūgūrāma. “Dios ĩ bojarore bajiro mani yijama, gājoa bujaruarāja mani”, yituoīaboarāma ĩna. ⁶ To bajiro ĩna tuoīamavisiaboajaquēne, mani cuoro cōro mani variquēnajama, Dios ĩ bojarore bajiro mani yise suorine buto quēnase bujarūgūaja mani. ⁷ Adigodo mani ruyujama, ñie cuomenane ruyuarāja mani. To bajirone mani rijajaquēne, ñie āmi vamenaja mani. ⁸ To bajirona ñari, adigodoju ñarā, bare cati, sudi cati, mani yijama, variquēnaja mani. ⁹ Gājerājuma, jairo gājoa cuorua tuoīarūgūrāma ĩna. To bajiro tuoīarā ñari, rojose yisejarūgūrāma. To bajiro ĩna bajiro tire yigūmi vāti. To bajiro yirā rīne, rojose tāmūotujabetiraroju varuarāma. ¹⁰ Gājoare bojarā ñari, tocārāca vāmene rojosere yirūgūama sīgūri. Diore ajitirānurā quēne, gājoare bojaca yirāne, Cristore ajitirānu tujacama. To bajiri, yuja, ĩna masune rojose tāmūorūgūama.

Timoteore Pablo rotire queti

¹¹ To bajiro ĩna yiboajaquēne, mūjuma, Dios yu ñari, ĩnare bajiro yibesa. Dios ĩ bojarore bajiro quēnase rīne yirūgūña. Buto rojose tāmūooborine, Cristore ajitirānu tujabesa. Gājerāre rūcubuoocōari, Cuēnaro ĩnare yirūgūña. ¹² Vāti rojose mure ĩ yirotsere cudibeticōari, Cristojare ajitirānucōa ñarucuja, “Yu macure mu ajitirānūjama, rojose tāmūotujabetiraroju mu vaborotire mure yirētosarucuja yu” Dios ĩ yirere cudicacu ñari. Tire mu cudicaturūmure, jājarā ñacaju yua, güibecune, “Cristore ajitirānūaja yu” mu yigoticatire ajicana. ¹³ Dios, adi macarucuro catiñasere rujeor’i, to yicōari, mani uju Jesucristo quēne, mure yu rotisere ajirāma. Jesucristo ñaami güibecune, Poncio Pilato vāme catigu ĩ ĩaro rījoro, gājerāre quēnaro mani gotirūgūrore bajiro gotir’i. Ado bajiro mure rotiaja yu: ¹⁴ Mure yu rotise ñaro cōrone quēnaro cūdiya, “‘Rojose yami’ mure yiroma” yigu. Mani uju Jesucristo adigodoju ĩ tudiejaroto rījoro to bajiro rīne yicōa ñarūgūma. ¹⁵ Mani uju, Dios, “To cōrone varucumi” ĩ yiriarūmune tudieja rotirucumi. ĩne ñaami gājerāre mani rūcuburo rētoro mani rūcubuoogu. Masirētogū ñagūmi. ĩnimū gāji ĩre bajiro masigū magūmi. ¹⁶ ĩ sīgūne ñaami ñajediro ti ruyuaroto rījorojune ñar’i, to yicōari, rijabetirocu. Buto busuroju masa ĩna ejamasibetoju ñarūgūgūmi. Sīgū ĩre ĩagū magūmi. ĩre ĩarocu quēne magūmi. ĩre rūcubuoocōa ñarūgūroti ñaja manire. To bajiro rīne bajirūgūato.

¹⁷ Adigodoaye gajeyeūni jairo cuorā ñacōari, “‘Gājerā rētoro ñamasurā ñaja yua’ yirāre yibesa”, ĩnare yigotiya. “‘Jairo gājoa cuorā ñari, quēnaro ñarūgūruarāja mani’ yituoīabesa mūa”, ĩnare yiya. Yoaro mene jedise ñaja gājoa. Dios catimūorūgōrocūjare ajitirānucōari, “ĩ ñaami manire quēnaro ĩtirānūgū”, yirūgūroti ñaja, ĩnare. “‘Quēnaro variquēnañato’ yigu, manire quēnaro yirūgūami Dios”, yituoīarūgūroti ñaja. ¹⁸ To yicōari, “Jairo cuorā ñari, ti rāca cojoi me quēnase yirūgūña”, ĩnare yirotiya mū. “ĩsivariquēnarūgūña”, ĩnare yiya. ĩna gājoare maimenane, gājerāre ejarēmōrā ĩna ĩsijama, quēnaja. ¹⁹ To bajiro ĩna yijama, quēnaro ĩna yise vaja ō vecaju gajeye cūrēmōrāre bajiro yirā, yiruarāma ĩna. Quēnaro ĩna yise vaja, ō vecaju quēnaro ĩnare yirucumi Dios. ĩnare ĩ gotiriarore bajiro ĩna rijato beroju ĩ rāca quēnaro ñacōa ñarūgūruarāma yuja.

Timoteore Pablo ĩ gotitʼsare queti

²⁰ Ajiya Timoteo. “Cristo ocare quēnaro gotimasioato” yigʼ, mure cūñumi Dios. To bajiri quēnaro gotimasiōrūgūña. Socasere ĩna gotimasiorūgūsere ajibesa. Dios ĩ cūre me ñari, vaja mani ñaja, “Masirã ye ñaja” ĩna yitʼoĩaboase.ḡ ²¹ “Bʼto masirã yere gotimasioaja yʼa” yirãre ajisʼyacōari, Cristo ocare ajitirʼnʼbesujarã ĩna yuja.

Mani ʼju Jesucristo, quēnaro mure yirūgūato.

To cōro ñaja.

Segunda carta de San Pablo a TIMOTEO

Timoteore, Pablo ĩ quēnaroticōare queti

1-2 ĩÑaboati m̄u, Timoteo? Ȳu ñaja Pablo v̄ame c̄atigu, adi quetire m̄ure ucacōagū. Ȳu mac̄ure bajiro ȳu maigū m̄u ñajare “mac̄u” m̄ure yaja ȳu. M̄ure quēnarotigu, mani jac̄u Diore, to yicōari, mani ūju Jesucristore quēne, ado bajise m̄ure sēnibosaja ȳu: “Quēnaro m̄ua rāca ĩ ñarotire yirā ĩre ejarēmoña”, m̄ure yisēnibosaja ȳu.

“ ‘ “Manire rijabosayumi Jesucristo” yirāre ĩna rijato beroju tudirijabeticōato’ yigu, ȳu catisere ĩnare ĩsiruc̄aja”, yicūmasifūmi Dios. To bajiro ĩ yicūmasire ti ñajare, “Ti quetire Jesucristore gotibosagu, to bajise gotimasiodiruc̄aja m̄u”, yicōañumi Dios, ȳure.

“Jesucristo ĩ bajirere masare gotimasio t̄ujabesa”, Pablo ĩ yire

3 Ȳu ñicua Diore ĩna r̄uc̄ub̄omasiriarore bajirone ĩre r̄uc̄ub̄oaja ȳu quēne. Ĕm̄ure, ñamire quēne ĩre ȳu sēnijama, “Dios ĩ ejarēmojare, ĩre quēnaro ajitir̄un̄gū ñacami Timoteo” yimasigū ñari, “Quēnaro yaja m̄u”, ĩre yivariquēnarūgūaja ȳu. 4 To bajiro ȳu yijama, m̄ure ȳu vadiveocatir̄am̄u m̄u oticataire t̄uoīacōari, m̄ure b̄uto ĩar̄uaja ȳu, m̄u rāca ñavariquēnaru. 5 M̄u ñico Loida, m̄u jaco Eunice quēne, Cristore m̄u ajitir̄un̄aroto r̄ĭjorojune ĩre ajitir̄un̄r̄ā ñacama ĩna. “ĩna ajitir̄un̄catore bajiro ĩ quēne quēnaro ajitir̄un̄gū ñacami” yit̄uoīacōari, “Quēnaro yaja m̄u”, Diore ĩre yivariquēnaja.^a

6 To bajiro m̄ure yit̄uoīagū ñari, ado bajise m̄u tudit̄uoīarotire bojaja ȳu: M̄ure ȳu āmo ñujeorone, “Adi ñaja m̄u moaroti Dios ĩ c̄ure” Diore ȳu yigotibosarone, quēnaro m̄u yirotire m̄ure ūjoyumi Dios. To bajiro m̄ure ĩ yire ti ñajare, tire masiritibec̄une, m̄u yimasiro cōro variquēnase rāca quēnaro yicōa ñaruc̄aja m̄u. 7 Mani t̄uoīabojonerotire yigu me manire ūjoyumi Dios. Ado bajirojua mani yirotire yigu manire ūjoyumi: Jesús ĩ bajirere mani gotijama, gotigūibetirotire, masare mani mairotire, to yicōari rojosere yir̄uaboarine, tire mani yibetirotire yigu, manire ūjoyumi Dios. 8 To bajiri, mani ūju Cristo ĩ bajirere gotigūibesa. Cristo ĩ bojasere yigu ñari, tubibe ecocaja ȳu quēne. “Cristo s̄orine tubibe ecoyumi Pablo” yigūibec̄une, ado bajirojua t̄uoīaña m̄u: “Cristo ĩ bojasere yigu ñari, Pablo rojose ĩ t̄am̄orore bajiro t̄am̄oroti ti ñaboajaquēne, Cristo s̄ori quēnaro Dios ĩ yise quetire ĩ ejarēmose rāca gotimasiodcōa ñaruc̄aja ȳu”, yit̄uoīaña. 9 Cristo ĩ rijabosare s̄orine, “Rojose mana ñaama”, manire yīañumi Dios. To yicōari, “Ȳu yarā ñari, quēnaro yirā ñaña”, manire yiyumi. Adi macaruc̄uro ĩ rujeoroto r̄ĭjorojune, “ĩnare mairuc̄aja” yimasir'i ñari, quēnase mani yibetiboajaquēne, “Rojose mana ñaama”, manire yīañumi Dios. 10 “ĩnare mairuc̄aja ȳu” ĩ yiriarore bajirone yigu ñari, adigodoju Jesucristore cōañumi, manire ĩ rijabosarotire yigu. To bajiri Dios manire ĩ yire s̄orine mani masibetiborotire, “Manire b̄uto maiami Dios”, yimasijama mani. To yicōari, “Jesucristo manire rijabosayumi” mani yit̄uoīajama, mani rijato beroju “Tudirijabeticōato” yigu, Dios ĩ catisere manire ĩ ĩsire quetire ajirā ñari, mani bajirotire güibeaja mani.

^a 1:5 Hch 16.1.

11 “Ti quetire ajitiränuato masa” yigu, gotimasiocudirocare yure cõañumi Dios. 12 To bajiri, i bojarore bajiro gotimasiocudigu ñari, tubibe ecocõari, rojose tãmuoaja yu. To bajiro bajigu ñaboarine, yure ejarëmogüre Cristore quënarõ masigü ñari, ti quetire gotigüibeaja yu. To bajiri, “Yure ña sãaboajaquëne, Cristore ajitiränurãjuama, quënarõ yu gotimasiore bajirone ‘Gotimasiocõa ñato’ yigu, mure ejarëmocõa ñarucumi”, ñre yimasaja yu. To bajiro i yirã ñari, Jesucristo i tudiejajaquëne, gotimasiocõa ñaruarãma.

13 To bajiri, mure yu gotimasiocatire bajirone gotimasiocõa ñaña. To bajiro mu yijama, “Jesucristore ajitiränurãre manire maiami Dios” yimasigü ñari, “Manire i maiore bajirone ñare quëne yu mairotire yigu ejarëmorucumi” yituoicõari, mu gotimasiore ñare maiña. 14 Dios i ejarëmose rãca tuoicõari, “Cristo suorine quënarõ Dios i yise quetire gotimasiore ñaja yu”, yicaju mu. To bajiri, “Quënarõ gotimasioto” yigu, Espiritu Santo i ejarëmose rãca mu yimasiro cõro yirügüña. Gãjerã mu gotimasiore bajiro me ña gotijama, “Bajibeaja. Ado bajiroja bajaia”, ñare yigotirucuja mu.

15 Asia sitaju vadiriarã Cristore ajitiränurã, yu babarã ñaboacana yu taju vadiboarine, eadimenane, tudicoarere jëre masigüja mu. Ña ñañuma Figelo, Hermógenes, to yicõari gãjerã quëne. 16-18 To bajiro ña bajiboajaquëne, Onesiforo vãme cutigujama, “Yu baba ñacami Pablo” yituoigüibecu ñari, tubibe ecocõari yu ñarimacare eacõagujama, macasuoasumi, yure bujacõariju “Tujagusa” yigu. Yure bujacõari, cojoji me quënarõ yure i yijare, variquënacaju yu. I ñarimaca Efeso vãme cuti macaju yu ejajaquëne, quënarõ yure ejarëmorügücümi. Tire masigüja mu. To bajiro yicacu i ñajare, “I ya vianare ñamaicõari, quënarõ yiba mu, masare mu beserirãmu ti ejaro”, ñre yisëniãaja yu, mani ujure.

2

“Cristo i bojasure yibosagu ñarucuja mu”, Pablo i yire queti

1 Yu macure bajiro bajigu, ado bajise yu gotisere quënarõ ajiya mu: “Ñre ajitiränugü yu ñajare, yure ñamaicõari, quënarõ yu yirotire yure ujoyumi Jesucristo” yimasigü ñari, i bojase rine yicõa ñaña mu. 2 Mure yu gotimasiocatire gãjerãre quëne gotimasiocaju yu. To bajiri, jãjarã ñacama “Riojo gotiami Pablo” yirã. Tire riojo gotimasiore gãjerãre gotimasiorotirucuja mu, “Cristore ajitiränurã ñato ña quëne” yigu.

3 Surara masu, rojose ñre tãmuoroti ti ñaboajaquëne, i uju i bojarore bajiro yigumi. Ñre bajirone bajiroti ñaja mure quëne. Jesucristore ajitiränugü ñari, “Pablo rojose i tãmuore bajiro rojose tãmuoroti ti ñaboajaquëne, Cristo i bajirere gotimasiocõa ñarucuja yu” yituoicõari, gotimasiorügüña. 4 Surara i moajama, uju i ñavariquënarotire bojagu ñari, i rotise rine moagümi. 5 To bajiro bajaia ajerimasure quëne, “Gãjerãre ajerëtogüsa” yiboagure. Ajere vãmere bajiro i ajebetijama, i ajeboase vaja, vaja bujabecumi. 6 Gajeyere quëne ado bajiro yaja mani: “Vese moagüma, ñja ñaami ti vese ti rica cutiro, juasurocuma”, yaja mani. 7 Mure yu gotisere quënarõ tuoiaña. Quënarõ mu tuoiajama, gãjerãre mu gotimasiorotire “Tuoiamasiato” yigu, mure ejarëmorucumi mani uju.

8 Cristo i bajirere masiritibeticõaña: Uju David ñamasir'i jãnami, rija-coabarine Dios suorine quëna tudicatir'i ñaami Jesús. To bajiri, “Rotimorögõrucumi” yigu, Dios i cõar'i ñaami. To bajiri, tirene gotirügüaja

yū, masare gotimasiogū. ⁹ Tire gotimasiogū ñari, rojose yir'ire bajiro cōmemarine sia ecocōari, tubibe ecoaja yū. Yūre ña tubibeboajaquēne, Dios ocajūama gotitūja ecobetirūaroja. ¹⁰ To bajiri, “Īna ñaruarāma yū yarā” Dios ĩ yīñariarā quēnaro ña ñarotire yigū, rojose tāmūoaja yū. Cristo ĩ bajirere ajitirūnarā ñari, “Īna rijato berojū Diorāca quēnaro ñaruarāma” yigū, gotimasiocōa ñaja yū.

¹¹ Ado bajiro gotire riojo ñaja:

Cristore ajitirūnarā ñari, rojose yirūaboarine, tire mani yibetijama, mani rijato berojū quēna tudicaticōari, ĩ rāca quēnaro ñarūgūruarāja.

¹² Gājerā rojose manire ña yiboajaquēne, Dios ĩ bojarore bajiro mani yicōa ñajama, ō vecajū ĩ rotirojū ĩ rāca ñaruarāja mani quēne. To bajiboarine, “Jesúre ajitirūnarā me ñaja yūa” mani yijama, ĩ quēne, ō vecajū ĩ jacū ĩaro rījorojūa, “Īnare masibeaja”, manire yirūcūmi.

¹³ Mani yirore bajiro yimena ñaboarine, “To bajirone bajigūmi Dios quēne”, yitūōīaroti me ñaja. Socagū me ñaami ĩma. “Yirūcūja” ĩyirore bajirone yigū ñaami.

“Dios ĩ bojarore bajiro quēnaro yiya”, Pablo ĩyire queti

¹⁴ To bajiro mure yū gotisere, Cristo ĩ bajirere gotimasioriesare ĩnare gotiya, “Tire masiritibeticōato” yigū. To yicōari, gaje vāme ado bajiro ĩnare gotirēmoña: “Socase ĩna yise ũni suorine gāmerā oca josabesa. Tire mūa yijama, masare no bajiro yiejarēmobetoja. To bajiri, socase ĩna yisere ajianane, quēnasejūare ĩna ajirūaboasere ajimavisia tūjacōarāma”, ĩnare yigotiya mū. ¹⁵ To yicōari, Cristore ajitirūnarāre gotimasiogū ñari, Dios mure ĩ ĩavariquēnarotire yigū, mū yimasiro cōro variquēnase rāca quēnaro yirūgūña. To bajiro yigū ñari, bojonebecūne, mū yirūgūserere ĩre gotirūcūja mū. ¹⁶ Adigodoaye rīne tūōīacōari, “Gāmerā ñagōto mani” ĩna yijama, ĩnare ajibesa. Tire tūōīavariquēnarā ñari, Diojūare ajibeticōari, rojosejūare bŭtobūsa yirūtuana yirāma.^b ¹⁷ Socase ĩna gotimasiosejūare ajisūyacōari, Dios ocare ajiboariarā, jājarābūsa ñarūtuararāma socasejūare ajirā. To bajiro bajiyuma, Himeneo, to yicōari Fileto vāme cutigū quēne, Cristore ajisūyaboariarā. ¹⁸ Cristo ĩ bajirere riojo ajisūyaboariarā, socasejūare ajisūyacōari, ĩna gotimasiojama, “Jēre rijariarāre Dios ĩ catoriarūmū rētocoasūja”, yisocarāma ĩna. To bajiro ĩna yijare, Dios ocare ajitūjacōari, socasejūare ajisūyacoasuma sīgāri. ¹⁹ Socasere ĩna ajisūyacoaboajaquēne, Dios ocare ajisūyarā masūjūa, socasere ajisūyabetirūarāma ĩna. To bajiro ĩna bajirotire yiro, ado bajiro gotiaja ti: “Ī yarāre ĩamasiami mani ũjū”, yigotiaja. To yicōari, gajejū ado bajiro gotiaja: “ ‘Jesúre ajitirūnarā ñaja yūa’ yirāma, rojose ĩna yisere yitūjajama, quēnaja”, yigotiaja ti.

²⁰ Gotimasiore queti mure gotigū yaja yū: Gajeyeūni jairo ti ñarivima, oro rāca, to yicōari, plata vāme cuti rāca ĩna quēnoría sotari rione ñabetoja. Yucū rāca, riri rāca ĩna quēnoría sotari quēne ñaroja. Jairo vaja cuti sotarire ĩacōari, gājerā ĩre ĩna ĩarūcūbūorotire masigū ñari, ado bajiro tūōīagūmi ti vi ũjū: “Ñamasurā ĩna ejajama, ĩnare bare ecagū, jairo vaja cuti sotari rāca bare jeorūcūja”, yitūōīagūmi, “Yūre rūcūbūoato ĩna” yigū. “ ‘Yucū rāca, to yicōari, riri rāca quēnoría sotarine bare yū jeojama, yūre rūcūbūomenama’ yigū, yū cūose ñarūaroja”, yigūmi. Ti sotarire bajirone bajiaja mani quēne, Cristore ajitirūnarā. ²¹ Cristore ajitirūnarā ñaboarine

^b 2:16 1 Ti 1.4; 4.7; 6.20; Tit 1.13-14.

rojose yirāma, tire yitujacōari, quēnasejuare ĩna yijama, “Rojose mana ĩnaama. ĩna suorine yure rūcubuoarāma gājerā quēne” yigu ĩari, ĩre ĩna yibosarotire rotirucumi Dios.

²² To bajiri, ado bajiro yirūgūña m̄: Mamarā, Diore ajimena, no ĩna bojase ĩna yise ũnire yibeticōari, ado bajirojua yirūgūña: “Ī yirore bajiro yigu ĩnaami” Cristore ĩre yituoīacōari, quēnase rīne yirūgūña. Diore, to yicōari “Jesucristore ajitirūnarā ĩaja yua” yisocamenare quēne, maicōari, m̄ rāca quēnaro ĩna ĩarotire yigu, quēnaro ĩnare yirūgūña. ²³ Adigodoaye rīne tuoīacōari, “Gāmerā ĩagōto mani” ĩna yijama, ĩnare ajibesa, “Tire mani gāmerā ĩagōboajama, quēnabetoja” yimasigū ĩari. ²⁴ Mani ũju bojasere yiguma, oca josabecu ĩagūmi. Ado bajirojua bajigu ĩagūmi: Gājerāre ajirūcubuoōari, quēnaro ĩnare yigu ĩagūmi. “Cristore quēnaro ajitirūnato ĩna” yigu, quēnaro gotimasiogū ĩagūmi. ²⁵ Dios ocare riojo gotimasimenare, Dios ĩ bojarore bajiro quēnaro yiruaḡu ĩari, ĩnare ĩamaicōari, “Ado bajirojua bajiaja”, ĩnare yigotimasiogūmi. Dios suorine ricatijua tuoīacōari, ĩ oca riojo gotimasiorere ĩna ajitirūnarotire bojagu ĩari, to bajiro gotigūmi. ²⁶ Ī gotisere ajicōari, “Riojo gotiami” ĩre ĩna yiaijama, “Satanās suorine masare yitorūgūñuja mani”, yirā ĩari, ĩ rotiboasere yitujaruarāma ĩna.

3

“Adi macarucuro ti jediroto rījoro ado bajiro bajiruarāma masa”, Pablo ĩ yire queti

¹ Adi macarucuro ti jediroto rījoro Dios ĩ bojarore bajiro yirāma, buto rojose tāmuoarāma, jājarā ado bajiro rojose yirā ĩna ĩajare: ²⁻³ Gājerāre maituoīamenane, ĩna masu yejuare tuoīarā ĩnaruarāma. Jairo gājoa suorā ĩnaboarine, jaibusaro bojarēmora ĩnaruarāma. “Īnamasurā ĩaja yua”, yijairā ĩnaruarāma. Gājerāma, “Īnamasurā ĩaja yua” yituoīarā ĩnaboarine, “To bajiro bajirā ĩaja yua”, yibetiruarāma. Masare, Dios yere quēne, rūcubuoena ĩnaruarāma. ĩna jacua ĩna rotisere cudimena ĩnaruarāma. Dios quēnaro ĩnare ĩ yiboajaquēne, “Quēnaro yaja m̄”, ĩre yimena ĩnaruarāma. Gājerā rāca quēnaro ĩnamera ĩnaruarāma. Masa ĩaro rījorojua, socarāne, “Ado bajise rojose yima”, yigotirā ĩnaruarāma. Rojose ĩna yirua tuoīasere, “Yibeticōato mani”, yimena ĩnaruarāma. Quēnaro yirāre ĩaterā ĩnaruarāma. ⁴ “M̄ba babarā ĩnaruarāja” yiboarine, ĩnare ĩsirearā ĩnaruarāma. “Rojose yibetiroti ĩaja” yituoīamenane, guaro rojosere yirā ĩnaruarāma. Dios ĩ bojasejua yiroti ũnirene yirā, ĩna bojasejuare yivariquēnarā ĩnaruarāma. ⁵ “Cristore ajitirūnarā ĩari, Diore rūcubuoaja” yigotirā ĩnaboarine, Dios ĩ bajirore bajiro yibetiruarāma.

To bajiro yirāre ĩacōari, ĩnare baba cutibesa. ⁶⁻⁷ ĩna ũna, no bojarone virire sājadirā ĩari, ado bajise tuoīarāre rōmiare bujarāma: Rojose ĩna yirua tuoīasere, “Yibeticōato mani” yibetiriarā ĩari, “Rojose mani yise vaja rojose tāmuoarāja mani”, yituoīarāma. Tire tuoīasutirititerā ĩari, gajeye no bojase mame gotimasiojejuare ajivariquēnaruarā ĩnarāma. To bajiri, socasere quēnaro ĩnare gotimasiorāma. To bajiro ĩna yijare, ajimasirā ĩnaboarine, Dios oca riojo gotimasiojejuarema masibetiruarāma. To bajiri, socarāne gotitorimasare ĩnare baba cutibetiroti ĩaja. ⁸ ĩnare bajiro yimasiruarā Janes, to yicōari, jambres vāme cutigu. Diore gotirētosagu, Moisés ĩnamasir'i, ũju, faraónre ĩre ĩ gotisere ajicōari, “Dios

ocare ajir̄ac̄ub̄obetic̄oato” yir̄ā, ĩaĩañamanire yĭomasĩñujar̄ā ĩna. Ti ũnire yir̄ā, adir̄ām̄ari ñar̄ā quēne, Diore ajitir̄ānr̄āre, “Ajitir̄ānb̄etic̄oato” yir̄ā, socasere gotimasior̄āma. To bajiro yir̄ā ñari, rojose r̄ine t̄uoĭar̄āma. To bajiri, Cristo ocare riojo gotimasiorere ĩna ajitir̄ānb̄etijare, “Ȳu mac̄ure ajitir̄ānr̄ā me ñaama”, ĩnare yĭaḡūmi Dios. ⁹ Socase gotimasiorimasare, “Cristore ajitir̄ānr̄ā me ñaama” yimasibetiboarine, yoaro mene, “Socasere gotir̄ūḡūama”, ĩnare yĭamasicoaruar̄āma masa. Tire bajirone bajimasiñuja, Janes, to yic̄ōari Jambres mesare quēne. ĩna yitosere masibetiboarine, “Diore r̄ac̄ub̄omena ñari, t̄uoĭamasimenare bajiro yiyuma”, ĩnare yĭamasicoasujar̄ā masa jediro. To bajiri, socase gotimasiorimasare baba cutibetiroti ñaja.

“Ȳu bajic̄atire t̄uoĭac̄ōari, quēnaro ñañā”, Pablo Timoteore ĩ yire queti

¹⁰ M̄u baba cutibetironare bajiro me bajiaja m̄uj̄uama. Ȳu gotimasiosere quēnaro ajitir̄ānb̄adicaj̄u m̄u. “Dios ĩ bojasere yiḡusa’ yiḡu, to bajiro bajiñar̄ūḡūami”, ȳure yimasiaja m̄u. “Ȳure ejar̄ēm̄oruc̄ūmi Cristo” ȳu yit̄uoĭasere, ȳure ajir̄ac̄ub̄omenare rojose yij̄ūnisinibec̄u, ȳu maic̄ōa ñasere, to yic̄ōari, b̄uto rojose t̄am̄uob̄oarine, Cristore ajitir̄ānb̄uḡū ñari, ȳu gotimasioc̄ōa ñar̄ūḡūser̄e masiaja m̄u. ¹¹ Antioqu’ia, Iconio, Listra v̄ame cuti macarij̄u rojose ȳu t̄am̄uocatire masiaja m̄u. To bajiro rojose ȳure ĩna yir̄ūḡūboajaquēne, gotimasioc̄ōa ñac̄aj̄u ȳu. Tocār̄ac̄aj̄ine rojose ȳu t̄am̄uocatire ȳure yir̄ētobosac̄ami man̄i ũj̄u. ¹² “Ȳu s̄īḡūne rojose t̄am̄uoḡū me bajiaja”, yit̄uoĭaja. Tocār̄ac̄une Jesucristore ajitir̄ānr̄āma, Dios ĩ bojarore bajiro yir̄ā ñari, rojose yiecoruar̄āma. ¹³ Rojose ĩna t̄am̄uoñarone, socasere gotimasiorimasa quēne, “Diore gotir̄ētobosar̄ā ñaja ȳu” ĩna yisocajama, ĩna masune socasere gotiecor̄āre bajiro bajiruar̄āma. To bajiri, rojose yir̄ā, to yic̄ōari, socasere gotir̄ā quēne b̄utob̄usa Dios ĩ ĩavariquēnabetire yir̄ūtuaruar̄āma.

¹⁴ To bajiro ĩna bajiboajaquēne, m̄uj̄uama, Cristo ocare ajic̄ōari, “Riojo gotimasior̄e ñaja” m̄u yiajic̄atire ajitir̄ānb̄u t̄ujabeja. “Ȳure gotimasiocana riojo gotimasiocana”, yimasiaja m̄u. ¹⁵ To yic̄ōari, daqueḡu ñaḡūj̄une, Dios ocare masa ĩna ucamasirere ajimasiadicaj̄u m̄u. Tire man̄i buejama, “Jesucristo manire rijabosayumi’ yir̄āre quēnaro Dios ĩ yise quetire b̄utob̄usa masir̄ā ñar̄ūtuaruar̄āja”, yimasiaja man̄i. ¹⁶ Dios oca masa ĩna ucamasire ñajediro ĩ ye ñaja. Tire ucamasiriar̄ā, Dios ĩ ejar̄ēm̄ose r̄āca t̄uoĭac̄ōari, ucamasĩñujar̄ā. Ñajediro ado bajiro manire ejar̄ēm̄oaja ti: Riojo ñamasusere manire gotimasioaja. “Rojose yiḡu ñaja m̄u” manire yigotimasioc̄ōari, “Tire yit̄uajc̄ōari, ado bajiroj̄u m̄u yijama, quēnaja”, manire yigotimasioaja. To bajiro yic̄ōari, quēnaro man̄i yir̄ūḡūrotire manire gotimasior̄ūḡūaja. ¹⁷ Dios ocare ajiḡama, “Ī bojarore bajiro quēnaseayere yimasijeoc̄oato” yiro, to bajiro manire yigotimasior̄ūḡūaja Dios oca masa ĩna ucamasire.

4

“Cristore ajitir̄ānr̄āre ado bajiro ĩnare gotiya”, Pablo Timoteore ĩ yire queti

¹⁻² Ñamasuse m̄ure gotiḡu yaja ȳu. Dios, ĩ mac̄u Jesucristo quēne tire ajir̄āma. Jesucristo ñaami, ñajediro rotiroc̄u. Adigodoj̄ure tudiejac̄ōari, catir̄āre, rijariar̄āre quēne, man̄i yirere ĩac̄ōar̄uc̄ūmi. To bajiro ĩ yiroti ti ñajare, Cristo ĩ bajirere gotimasioc̄ōa ñar̄ūḡūña. Masa ĩna ajir̄uajama,

Īna ajirūabetijaquēne, Īnare gotimasiocōa ñaña. Rojose Īna yirere, “Rojose yiyuja yuā” Īna yimasirotire yigu, quēnaro Īnare gotimasioña. To yicōari, “Rojose yitujaya muā”, Īnare yiba. “Ado bajirojua muā yijama, quēnararoja”, Īnare yigotiba. To bajiro Īnare mu gotimasioboajaquēne, rojosere Īna yicōa ñajama, Īnare gotimasiocōa ñarūcujā mu. ³ Ado bajiro bajiroti ti ñajare, quēnaro Īnare gotimasiōrūgūña mu: Adirūmuri Dios ocare mu gotimasiosere ajirūgūrāma masa. Berojuma tire ajitecōari, Īna ajirūasejuare gotimasiōrāre jirēocōari, “Yuare gotimasioña”, Īnare yirūarāma. ⁴ Dios oca riojo gotimasiorejuare ajitūajacōari, tirūmuana Īna tūoīarūgūmasirejuare ajitirūnūarāma Īna. ⁵ Mujuama, “To bajiro yiroma” yigu, roori ñarūgūrūcujā mu. Rojose mure Īna yiboajaquēne, Dios ī bojase jediro yicōa ñarūgūrūcujā mu. To bajiro yigu ñari, “Jesucristo manire ī rijabosare ñajare, Dios yarā muā ñarūajama, rojose muā yisere yitūajacōari, Cristore ajitirūnūña”, yigotimasiocōa ñarūgūrūcujā mu.

⁶ Jēre yujuarema, tire gotimasioḡū yu ñajare, yure Īna sīaroti mojoroaca ruyaja. ⁷ Rojose tāmuogū ñaboarine, mani ūju ī roticatire bajirone quēnaro yicoadicaju. To bajiri, tire yijeocōaja yu. ⁸ To bajiro yigu yu ñajare, masare Dios ī ĩbeserirūmū ti ejaro, “Quēnaro mure yaja’ yure yirūcūmi Dios”, yimasajaja yu. To bajiro yure ī yijama, yu sigūrene yigu me yirūcūmi. Ñajediro adi macarūcūrojare “Jesucristo tudiejarūcūmi” yitūoīarāre quēne, to bajirone yirūcūmi.

“Yuare ĩagū vaba”, Pablo Timoteore ī yire queti

⁹⁻¹¹ Yu rāca ñaboagu, Demas vāme cūtigū, yure vaveocami, Tesalónica vāme cūti macaju vacu. Dios yere ī mairo rētoro adigodoayere maigū ñari, to bajiro bajicami. Crescente vāme cūtigūjuare, “Galacia sitanare Cristo ocare gotimasiōrūcujā mu”, ĩre yicōacaju yu. To yicōari, Titore quēne, “Dalmacia sitanare gotimasiōrūcujā mu”, ĩre yicōacaju yu. To bajiri, Lucas sigūne ñaami yu rāca tujagu. To bajiro ti bajijare, yoato me busane vayā. Marcore ĩre macabūjacōari, ĩre āmiaba. Yuare ejarēmogū vadiato. ¹² T’iquico vāme cūtigūjuarema, Efeso vāme cūti macaju ĩre cōacaju yu. ¹³ Mu vadijama, yu sudiro joeadore yure āmiadibosaba. Troas vāme cūti macagu, Carpo vāme cūtigū ya viju cūcaju yu. Yu paperatutiri juadibosaba. To yicōari, gajeye papera yu cūcatire quēne juadimasucōama.

¹⁴ Alejandro vāme cūtigū, cōme rāca quēnocōari, Īna rācūbuorotire yīsirimasu, buto rojose yure yicami. Rojose yure ī yicati vaja, ĩre quēne rojose ĩre yirūcūmi mani ūju. ¹⁵ ĩre roori ñaña mu quēne, “Rojose yure yiromi” yigu. Dios ocare mani gotimasiocatire “Ajibeticōato masa” yigu, buto rojose ī yicati ñajare, to bajiro mure yaja yu.

¹⁶ Hjarā Īna ĩaro rījorojua, “Ñie rojose yibecu ñaami” yure yiejarēmōrā manicama. Yu rāca ñaboacana yure vaveojedicoacama. To bajiboarine, “Tī vaja, rojose ĩnare yibeticōato Dios” yigu, ĩre yisēñajaja yu. ¹⁷ Yuare Īna vaveojediboajaquēne, mani ūjuma, ejarēmocōa ñacami. To bajiri, jud’io masa me ñarāre, “Quēnaro Dios yisere ajitirūnūato Īna” yigu, ĩnare gotimasiocaju yu. Tire ajicōari, “Rojose yigu yaja mu”, yure yibeticama ūjarā, mani ūju ī ejarēmose ti ñajare. To bajiri, yure sīaborona, sīabeticama. ¹⁸ Ō vecaju ī rotiñaroju yu ejarotire bojagu ñari, yure ejarēmocōa ñagūmi mani ūju. To bajiri, gājerā, “Dios ī bojabetire tūoīato ĩ” yirā, rojose yure Īna yiboajaquēne, ĩre ajitirūnūcōa ñarūcujā yu. “Quēnarētogū ñaja mu”, ĩre yirūcūbuomūorūḡōroti ñaja manire. To bajirone bajiatō.

“Quēnato masa”, Pablo ÿ yicōare queti

¹⁹ To bajiri mani mairāre, Prisca vāme cūtigo, so manajū Aquilare, to yicōari, Ones'iforo ya vianare quēne, ĩnare quēnaroticōaja yū. ²⁰ Erasto vāme cūtiguma, Corinto macajū tujacoacami. Gāji, Tróximo vāme cūtigurema, ĩ rijajare, Mileto vāme cūti macajū ĩre cūcaja yū. ²¹ Juebuscū rĭjoro yoato me busane vayá, “Pablo tujū ejagusa” yigu.

To bajiri, mure quēnaroticōama, adoana, Jesucristore ajitirānará jediro. Eubulo, Pudente, Lino, Claudia quēne, mure quēnarotiana.

²² Mure quēnarotigu, mani ujure ado bajiro mure sēnibosaja yū: “Ī rāca ñarūgūña mū, mū bojasere ĩ yirūgūrotire yigu. To yicōari, ĩ rācanare quēne, quēnasere ĩnare cōaña mū”, mure yisēnibosaja yū.

To cōro ñaja.

Carta de San Pablo a TITO

Titore Pablo ĩ quēnaroticōare queti

¹ ¿Ñaboati m̄, Tito? Ȳ ñaja Pablo vāme cutiḡu adi quetire m̄re ucacōaḡū. Dios ĩ bojasere yiḡu, Jesucristo ĩ cōaḡū ñaja ȳ. To ĩ yiḡu ñari, Dios ĩ ejarēmose rāca ĩ mac̄ure ajitir̄n̄ur̄are butob̄usa ĩre ĩna ajitir̄n̄ur̄otire, to yicōari, “Dios ĩ bojasere ĩna yirotire ajimasiato” yiḡu, gotimasior̄uḡūaja. Tire ajimasicōari, ĩ bojarore bajiro quēnaro yir̄uḡūama ĩna. ² To bajiri, “Diore mani ajitir̄n̄ujama, rijacoaboarine, tudicaticōari, Diorāca quēnaro ñacōa ñar̄uḡūar̄āja mani” masa ĩna yit̄uōiarotire yiḡu, Jesús ĩ bajirere ĩnare gotimasior̄uḡūaja ȳ. Macar̄uc̄uro ĩ rujeoroto r̄ĭjoroj̄ne, “Ado bajiro yir̄uc̄uja”, yimasin̄umi Dios: “Ȳure ajitir̄n̄ur̄ā, rijacoaboarine, tudicaticōari, ȳ rāca quēnaro ñacōa ñar̄uḡūar̄āma”, yimasin̄umi Dios, socabec̄u ñari. ³ “Ado cōrone ti quetire ḡajer̄are gotimasior̄uc̄umi” ĩ yir̄iarore bajirone ȳure goticudirotiyumi Dios, ĩre mani cāmotadicōa t̄ujaborotire manire yir̄ētobosaḡu ñari. ⁴ M̄re ȳ gotimasiosere ajicōari, “Jesucristo yere ajitir̄n̄ujaja”, yicaj̄u m̄. To yicōari, Jesucristo ĩ bojarore bajiro m̄ yir̄uḡūesere ĩacōari, “Jesucristore ajitir̄n̄uḡū masu ñaami”, m̄re yicac̄u ñaja ȳ. To bajiri, “M̄re maiaja” yiḡu, ȳ mac̄ure bajiro bajiḡu m̄ ñajare, “mac̄u” m̄re yaja ȳ. M̄re quēnarotiḡu, mani jac̄u Diore, to yicōari, Jesucristo manire yir̄ētobosar̄'ire quēne, ado bajise m̄re sēnibosaja ȳ: “Quēnaro m̄na rāca ĩ ñarotire yir̄ā, ĩre ejarēmōña”, m̄re yisēnibosaja ȳ.

Jesucristore ajitir̄n̄ur̄āre ūmato ñaronare Tito ĩ besere queti

⁵ Creta vāme cuti yoanare, Jesucristore ajitir̄n̄ur̄āre ȳ gotimasiojeobetire, “M̄j̄ua gotimasio gajanor̄uc̄uja”, m̄re yicaj̄u ȳ. To yicōari, “Toj̄u ñarimacari cōrone Jesucristore ajitir̄n̄ur̄āre ūmato ñaronare beseḡusa’ ȳ yicanare ȳure besebesaba”, m̄re yivadicaj̄u ȳ. ⁶ To bajiri, ĩnare ūmato ñaronare m̄ beserotire yiḡu, m̄re gotiaja ȳ: Jesucristore ajitir̄n̄ur̄āre ūmato ñaroc̄u, “Rojose yiḡu ñaami” masa ĩna yibec̄u ñar̄uc̄umi. Manajo cutiḡu, gajeore ajerio cutibec̄u ñar̄uc̄umi. ĩ r̄ia quēne, Jesucristore ajitir̄n̄ur̄ā ñar̄uar̄āma. “Rojose yir̄ā ñaama”, to yicōari, “ĩna jac̄uare r̄uc̄ub̄uomena ñaama” masa ĩna yir̄ā me ñar̄uar̄āma. ⁷ Jesucristore ajitir̄n̄ur̄āre ūmato ñar̄ā, Dios ĩ bojasere yir̄ā ĩna ñajare, “Rojose yir̄ā ñaama”, ĩnare yibetir̄uar̄āma masa. ĩna rācana ĩna gotijama, ajiter̄ā, guaro j̄ūnisinimena, quēamena, idimec̄umena, “Ḡājoa bujar̄āsa” yir̄ā, ḡajer̄are yitor̄ā me ñar̄uar̄āma. ⁸ Ado bajiroj̄ua bajir̄ā ñar̄uar̄āma: No bojase ĩna yiroto r̄ĭjoro, quēnaro t̄uōiacōari yir̄ā ñar̄uar̄āma. To yicōari, ĩna ya vi ejar̄are quēnaro yir̄ā, no ĩna bojaro ĩna vacudijaquēne, masare ĩamaicōari, quēnaro ĩnare yivariquēnar̄ā ñar̄uar̄āma. To yicōari, Diore quēnaro yir̄āc̄ub̄uor̄ā ñar̄uar̄āma. Rojasere yir̄uar̄ā ñaboarine, tire yimena ñar̄uar̄āma. ⁹ To bajiri socabetire Dios oca Cristo yere ȳ gotimasioicatire ajitir̄n̄ur̄iar̄ā ñari, quēnaro riojo ĩna gotimasiojare, butob̄usa Jesús yere ajitir̄n̄ur̄uar̄āma. “To bajiro me bajiaja” yir̄ā quēne, “Riojo gotiama” yir̄ā ñari, ĩna gotimasiosere ajitir̄n̄ur̄uar̄āma. To bajiro gotimasior̄are Jes̄ure ajitir̄n̄ur̄āre ūmato ñaronare beser̄uc̄uja m̄.

¹⁰ Tojare jājarā ñacama, “Circuncisión yirere Dios ĩ roticūmasirere yiroti ñaja” yirā. To yicōari, socaserene masare ejarēmobetirene gotitorā ñacama. To bajiro ĩna yijama, Dios ĩ bojasere yirā me yicama. ¹¹ To bajise ĩna gotimasiosere, “To cōrone gotitujaya”, ĩnare yiya m̄. “Gājoa bujarāsa” yirā, socasere gotimasio ñarāma. Tire ajica yirā, cojo viana me, ajimav-
islarāma.

¹² “Rojose yama” ȳ yirore bajirone yiyumi Creta vāme cutiyoagu ĩna ȳ quēne: “Creta vāme cutiyoana socarā ñaja m̄. Gājerāre rojose yirā, moamena, to yicōari, jairo barā ñaja m̄”, yiyumi, ĩ yarāre. ¹³ To bajiro ĩ yijama, riojo gotiḡ yiyumi. To bajiri socarāne masare gotitorāre buto ĩnare gotiya m̄, “Dios oca Jesús yejuare t̄oĩato ĩna” yiḡ. ¹⁴ Jud'io masa ĩna masune t̄oĩacōari socarāne ĩna gotisere, to yicōari ĩna rotisere quēne ajitujacōari, “Dios ye riojo gotisejuare ajiato ĩna” yiḡ, ĩnare gotiya m̄.^a ¹⁵ Quēnasere t̄oĩarāma, jediro ĩna yise r̄ine quēnase ñacōaroja. Rojosere t̄oĩarārema, ĩna yise jediro rojose r̄ine ñaroja. “Adi ñaja quēnase. Tijua ñaja rojose”, yimasimenama ĩna, rojose r̄ine t̄oĩarā ñari. ¹⁶ ĩna ũnama, “Diore masirā ñaja ȳ” yirā ñaboarine, rojosere Dios ĩ ĩatesere yirūgūama. To bajiro yirā ĩna ñajare, masa ĩna ĩvariquēnaboajaquēne, “Ȳ bojasere yibeama”, ĩnare yīaḡm̄i Dios.

2

“*‘Ado bajiroj̄na ñaroti ñaja manire’ ĩnare yigotiya*” yiḡ, *Titore Pablo ĩ ucacōare queti*

¹ M̄ujama, Dios ocare buecōari, riojo ĩnare gotimasioña, “Dios ĩ bojarore bajiro yirā ñato” yiḡ. ² Ado bajiro bucarāre ĩnare gotimasioña: “Rojosere yir̄aboarine, tire yimena ñaña. ‘Quēnase yirā ñaama’ masa ĩna yīarūc̄buorā ñaña. Quēnaro t̄oĩacōari, quēnase r̄ine yiya. Gājerāre ĩamaicōari, ĩnare ejarēmōña. Cristo yere ajirā ñari, tire ajitir̄n̄u t̄jabesa”, ĩnare yigotimasioña m̄.

³⁻⁴ Bucarā r̄ōmirire quēne, ado bajiro ĩnare gotimasioña m̄: “Diore ajitir̄n̄urā ñari, quēnaro yirā ñaña. Gājerāre socasere ĩnare ḡojabesa. Idimec̄menane ñaña”, ĩnare yigotiya. “Quēnase r̄ine yirā ñari, mamarā r̄ōmiri mame manajua cutirāre, ‘M̄a manajuare m̄a r̄iare quēne ĩnare ĩamaiña’ ĩnare yigotiya m̄”, ĩnare yiya. ⁵ “Quēnaro t̄oĩacōari, quēnase r̄ine yiya. M̄a ye moarere quēnaro moaña. M̄a rācanare quēnaro yiya. M̄a manajuare ajir̄c̄buoya. ‘Tire yimenane, rojosejuare mani yijama, Jesús ocare ajirāma, ‘¿To bajise yirā ñañujarique?’”, manire yiroma’ yirā, mamarā r̄ōmirire ĩnare gotiya m̄”, ĩnare yiya, bucarā r̄ōmirire.

⁶ Mamarā ũm̄are quēne, “Quēnaro t̄oĩacōari, quēnase r̄ine yiya”, yigotiya m̄. ⁷ M̄ quēne quēnase r̄ine yiya m̄. To bajiro m̄ yisere ĩacōari, “Īre bajiro yiroti ñaja manire quēne”, yir̄arāma. Dios ocare m̄ gotijama, “Masa ȳre ĩvariquēnacōari r̄c̄buoato” yiḡ me, r̄c̄buose rāca quēnaro Dios ocare ĩnare gotiya. ⁸ M̄re ȳ gotimasioatore bajiro riojo ĩnare gotimasioña, “Tire ajicōari, ‘Soc̄ yami’ yiroma” yiḡ. To bajiro m̄ yijama, manire ĩaterimasa, riojo m̄ gotijare, tire ajicōari, bojoner̄arāma.

⁹ ĩna ũjarāre moabosarimasare Jesucristore ajitir̄n̄urāre quēne ado bajiro ĩnare gotiya: “M̄a ũjarāre quēnaro ĩnare c̄dir̄ḡūña, ‘Mani moasere ĩacōari variquēnato ĩna’ yirā. ¹⁰ To yicōari, m̄a ũjarā yere juarudibesa.

^a 1:14 1 Ti 1.4; 4.7; 6.20; 2 Ti 2.16.

Tire ĩacōari, ‘Dios ocare ajitirũnarã ñaama ĩna’ mũare yirũarãma. To bajiri, rojose mani tãmuotujabetirotire manire yirẽtobosagu yere ‘Quẽnaro rucubuoato ĩna’ yigu, quẽnaro moańa”, ĩnare yiya, ujarãre moabosari-masare, Jesucristore ajitirũnarãre.

¹¹ “Jesucristore ajitirũnarã rojose mani yise vaja rojose mani tãmuotujabetirotire manire yirẽtobosagure Dios ĩ cõare ti ñajare, quẽnase rĩne yirã ñańa mũa”, ĩnare yiya mũ. ¹² Ado bajiro Dios quẽnaro manire ĩ yirũgũse ñajare, “Quẽnaro yirã ñańa mũa”, ĩnare yiya mũ: Adigodo mani catiro cõro ĩ ĩatesere, ĩre ajimena ĩna yirore bajiro mani yirũajama, “Quẽnasejuare tũoĩacōari, yũ bojarore bajiro quẽnase rĩne yato” yigu, manire ejarẽmoami Dios. ¹³ Jesucristo adigodojare tudiejacōari, quẽnaro manire ĩ yirore tũoĩayurã ñari, quẽnasere yirũgũroto ñaja. “Quẽnarẽtogũ, ñaja yũ” Dios ĩ yĩose rãca tudiejarũcũmi. ĩ ñaami masirẽtogũ, rojose mani yisere Dios ĩ masirose vaja, manire vaja yibosar’i. ¹⁴ ĩre ajitirũnarã, “ ‘Ñie rojose mana ñaama’ manire yĩato Dios” yigu, manire rijabosayumi Jesucristo. To bajicōari, “Rojose yirũaboarine, yibeticōari, quẽnasejuare yato” yigu, manire rijabosayumi.

¹⁵ To bajiri, mũare yũ gotirotisere quẽnaro ĩnare gotimasiorũgũńa mũ. “Tire quẽnaro mũa ajisere bojaja yũ”, ĩnare yigotiya. Mũ gotisere ĩna ajibetijama, Cristore ñagõbosagu ñari, ujure bajiro bojonebecũne gotiya mũ.

3

“Jesũre ajitirũnarãma, ado bajirojũa ñaroti ñaja”, Pablo ĩyire

¹ Gaje vãme ado bajiro ĩnare gotiya mũ, “Masiritiroma” yigu: “Gobierno, to yicōari mũare ũmato ñarã ĩna rotisere, quẽnaro ĩnare ajirũcubuoaya. To yicōari, gãjerãre quẽne quẽnaro yirũgũńa mũa. ² Gãjerãre socarãne rojose ĩnare ñagõbesa. Quẽnase rĩne yirã ñańa. Rojose mũare ĩna yiboajaquẽne, ĩnare ĩamaicōari, quẽnaro ĩnare ejarẽmońa. ĩnare ajirũcubuoocōari, quẽnaro ĩnare yiya mũa”, ĩnare yigotiya mũ, Jesucristore ajitirũnarãre.

³ Ado bajiro Dios quẽnaro manire ĩ yise ñajare, gãjerãre quẽnaro yirũgũroto ñaja manire: Mani quẽne, Cristore ajitirũnũmena ñari, tũoĩamasimena ñariarãja mani. Diore cudimena, socasejuare ajitirũnarĩarãja mani. To yicōari, rojose mani yivariquẽnasere rũgũmena ñariarãja mani. Gãjerã ĩna cũosere uorã ñariarãja mani. “Teose yirã ñaama” manire ĩna yijare, ĩnajuare quẽne, “Teose yirã ñaama”, ĩnare yigãmejairã ñariarãja mani. ⁴⁻⁶ To bajiro rojose yirã mani ñaboajaquẽne, “To cõrone ĩnare ĩamaicōari, quẽnaro ĩnare yirũcũja yũ” Dios ĩ yiriarore bajirone Jesucristore cõañumi, “Rojose ĩna yise vaja rojose ĩna tãmuoborotire ĩnare yirẽtobosaaya” yigu. ĩre mani ajitirũnaroto rĩjoro, quẽnasere mani yibetiboajaquẽne, ĩre cõañumi. ĩjũama, manire ĩamaicōari, “Quẽnaro ĩnare yirũcũja” yir’i ñari, yiyumi. To bajiro ĩ yire ñajare, “Rojose mani tãmuoborotire manire yirẽtobosayumi” mani yitũoĩajare, Esp’iritu Santore manire cõañumi Jesús, manire ejarẽmorocũre. To bajiro ĩ yijare, Esp’iritu Santo rãca ñarã ñari, “Ñie rojose mana ñaama” Dios ĩ yĩarã ñasũoyuja. To bajicōari, rojosere yirũaboarine, tire yibetisũoyuja mani. ⁷ “Ñie rojose mana ñaama” Dios ĩ yĩarã ñari, mani rijato bero tudicaticōari, tudirijayamanire mani bũjarotire, “Tũoĩavariquẽna ñarũarãma” yigu, to bajiro yiyumi Dios.

⁸ Dios yere socabetire mure goticōaja yu. Dios ye socabeti ti ñajare, quēnaro Dios ĩ yirere tuoĭarāre ĩnare mu gotimasiosere bojaja yu. “Quēnase rĭne yĭñato ĩna” yĭgu, tire mure gotimasioroticōaja yu. No bojarā tire ajitirĕnurārema ejarĕmoruaroja. ⁹ Socase ĩna yise ũni suorine gāmerā oca josabesa. ĩna ñicua ĩna bajimasirere ĩna masise suorine gāmerā oca josabesa. Moisés ñamasir'i ĩ roticūmasirere ajimasibeticōari, ti suorine gāmerā oca mavisabesa. Tima, masare no bajiro yiejarĕmobetoja.

¹⁰ Sĭgū muu vatoaju, Jesucristo ocare ajitirĕnurāre ricatine ĩ gotimavisio ñajama, “Tire yibeticōaña”, ĩre yigotiba mu. To bajiro ĩre mu yigotiboajaquēne, ĩ ajibetijama, quēna ĩre gotirĕmoma. ĩre mu tudigotiboajaquēne, ĩ ajibeti manicōajama, ĩre cāmotadicōama. ¹¹ ĩ masune, “Rojosere yĭgu yaja yu” yimasiboarine, butobusa rojose ĩ yicōa ñajama, ti suorine rojose ĩre yirucumi Dios. To bajiri, rojose yijaigure masigū ñari, ĩre cāmotadiba.

Tito ĩ bajiro tire Pablo ĩ goticōare queti

¹² Artemas vāme cutigure mu taju ĩre cōarucuja yu. ĩre yu cōabetijama, T'iquico vāme cutigujare ĩre cōarucuja. ĩ ejaro ĩacōari, to ĩ ñaro ũnone mu bajitĭmaro cōro yure ĩagū varucuja mu, Nicópolis vāme cuti macaju. “Ti macaju juebucu rĕtorucuja”, yibu yu. ¹³ Apolos, to yicōari masare rotisere gotimasiorimasu Zenas vāme cutigu mu taju ejaruarāma. Mu tu eja, ñarūgūboa ĩna vato, mu ejarĕmoro cōro ĩnare yirĕmoma, “Quēnaro vajaro” yĭgu. ¹⁴ Muu tuana quēne, Jesucristore ajitirĕnurā ñari, gājerā ĩna bojase ti ruajama, ĩnare ĩna ejarĕmojama, quēnaja. Ti ñaja quēnaro ñarema. Gājerāre mani ejarĕmobetijama, ñie vaja maja.

¹⁵ Mure quēnarotiaja yua jediro. Mu rācana quēne, Jesucristore ajitirĕnurā, yuare mairā quēnato. Diore sĕnirā, “Quēnasere ĩnare cōaña”, muare yisĕnibosaja yua.

To cōro ñaja.

Carta de San Pablo a FILEMÓN

Filemón vāme cutigure, Pablo, Timoteo rāca ĩna quēnarotire

1-3 ĶNaboati yua baba Filemón vāme cutigu? Mu űaja quēnaro yua maigū, yuare bajiro moagū. Mani maigō, Apia vāme cutigure, to yicōari, yuare bajiro moagū, Arquipo vāme cutigure quēne adi queti muare ucaja yua. Cristore ajitirānucōari, mu ya viju rējarūgūrā jedirore adi queti muare ucaja yua. Muare quēnarotirā, mani jacu Diore, to yicōari, mani uju Jesucristore quēne, ado bajise muare sēnibosaja yua: “Quēnaro mua rāca ĩna űarotire yirā, ĩnare ejarēmoña”, muare yisēnibosaja yua. Yu Pablo, mani maigū, Timoteo rāca adi papera rāca muare queti ucaja yua. Masare Jesucristo ocare gotimasioḡ űari, adoju tubibe ecoaja yu.

Filemón Cristore ĩ ajitirānure queti

4-5 Mani uju Jesucristore, to yicōari Dios yarāre quēne quēnaro mu maisere yure gotirūḡūama masa. “Jesucristore quēnaro ajitirānucōa űaami. To bajicōari, Dios yarā jedirore ĩamaicōari, quēnaro yami” mure ĩna yisere ajivariquēnaja yu. To bajiri, tocārācajine Diore sēniḡ, “Filemónre quēnaro yiyuja mu”, ĩre yisēnirūḡūaja yu. 6 Mu quēne, yure bajiro Jesucristore ajitirānugū űari, űajediro quēnaro Dios manire ĩ yisere mu ajimasirotire yigu, mure sēnibosarūḡūaja. 7 “Ĭnare ĩamaicōari, quēnaro mu yijare, variquēnama Jesúre ajitirānūrā” ĩna yisere ajicōari, buto variquēnarūḡūaja yu quēne.

“Onésimo vāme cutigure quēnaro bocaāmiña”, Pablo ĩ yire

8-9 Dios yarāre quēnaro yirūḡūḡū mu űajare, yure quēne quēnaro mu yirotire sēniḡ yaja yu. Cristo ĩ cōacacu űari, mu yiruabetire rotimasirocu űaboarine, Dios yarāre quēnaro mu maisere masicōari, “Yuare quēne maicōari, yu sēnirore bajiro cudirucami” yigu, mure sēniaja yu. Yu űaja bucū Pablo. To yicōari, Cristo ĩ bajirere yu gotimasiose suorĭ adoju tubibe ecoaja yu. 10 Ado bajiro mure sēniaja yu: Quēnaro ajiya, Filemón. Onésimo mure moabosarimasu űaboar'ire, yu macure bajiro bajigure sēnibosagu yaja. Adoju tubiberiavi űagū, Cristo ĩ bajirere yu gotimasiocati suorine Jesucristore ajitirānucami.

11 Tirāmujū mure moabosarimasu űaboarine quēnaro mure moabosabesumi. Yucurema quēnaro ejarēmogū űaami. To bajiri, mure quēne quēnaro ejarēmorucami. 12 Mu taju ĩre varotiaja yu. Ĭ űaami buto yu maigū. To bajiri, quēnaro ĩre bocaāmiña. 13 Bajigujuma, yu rāca ĩ űasere bojaboaja yu, “Tubiberiaviju yu űaro yure ejarēmoato” yigu. To bajiro ĩ bajijama, sōju űacōari, yure mu ejarēmomasibetijare, mure ĩ moabosaroti űnirene, yuare ejarēmocōa űabogami. 14 To bajiboarine, “Pablo taju ĩ tujasere bojaja yu quēne” mu yiroto rĭjoro, “Adoju tujaya Onésimo”, yiruabeaja yu. To bajiri, ĩre bojagu űaboarine, mu taju ĩre varotiaja yu. Mu taju ĩ tudiejasere ĩacōari, “Pabloure ejarēmorocu űaja mu” ĩre mu yijama, quēnaroja. 15 Mure rudiadicōari, yoaro me adoju ĩ űarotire bojarimi Dios, mu taju tudiejacōari, quēnaro ĩ űacōa űarotire yigu. “Yucurema Jesucristore ajitirānugū űari, ĩ rĭjato beroju ĩ catirotire Dios ĩ ĩsir'i űari, ō vecaju quēne mu rāca quēnaro űacōa űarūḡūrucami” yigu yaja yu. 16 Mu taju ĩ tudiejaro, “Yu moarimasu tudiejami” ĩre yigu me, ĩre ĩamairucuja mu. “Jesucristore ajitirānugū űari,

yu maigū, yu bedire bajiro bajigu ñaami” yituoīagū, ĩre ĩamaima. To bajiri ĩre yu mairo rētoro mųja, ĩre mairucųja mų.

¹⁷ To bajiri, mų tųju ĩre tųocōagū yaja yu. “Pablo quēne, yure bajiro Jesucristore ajitirūnugū ñagūmi” mų yituoīajama, yurene bocaāmigūre bajiro Onésimore bocaāmima. ¹⁸ Tirāmųju rojose yir’i ĩ ñajama, to yicōari, no bojase mure vaja mor’i ĩ ñajama, yųjare vaja sēniña. ĩre vaja yibosaru yaja yu. ¹⁹ Yu masune adire ucaja yu: “Onésimo mure ĩ vaja more ti ñajama, ĩre vaja yibosarucųja”, yu ucaja yu. To bajiro yu yiboajaquēne, ado bajise tųoīagūja mų: “Pablo ĩ gotimasiocati suorine Jesucristore yu ajitirūnųocati ñajare, yu rijato beroju yu catirotire Dios ĩ ĩsir’i ñaja yu. To bajiri ĩ gotimasiore vaja yure ĩ sēnijama, ĩre vaja yijeomasibecųja”, yituoīagūja mų. ²⁰ To bajiri, Onésimo rojose mure ĩ yirere masiriocōari, ĩre quēnaro mų bocaāmijama, “Mani ųju ĩ bojarore bajiro yiyumi” mure yimasicōari, bato variquēnarucųja yu.

²¹ “‘Quēnaro ĩre bocaāmiña’ yu yiro rētoro quēnaro ĩre yirucųmi” mure yituoīacōari, adi papera yu ucase rāca mure sēniaja yu. ²² Gajeye ado bajise mure yaja yu: Mų tųju yu cānirotisōa yure quēnoyubosaya. “Diore yure mų sēnibosarūgūrore bajirone yoaro mene adoju tubiberiavire budirucųja”, yituoīaja yu. To bajicōari, mure ĩagū varųaja yu.

Pablo, ĩ rācana quēne ĩna quēnarotire queti

²³ Mani maigū, Epafra mure quēnarotiami. ĩ quēne, Jesucristo ĩbojasere yigu ñari, adoju tubiberiaviju yu rāca ñaami. ²⁴ Gājerā, yu rāca moarā, Marcos, Aristarco, Demas, Lucas quēne, mure quēnarotiamā ĩna quēne.

²⁵ Mani ųju Jesucristo, quēnase mure cōarūgūato.
To cōro ñaja.

Carta a los HEBREOS

Ī macu sʰorine ĩ ocare Dios ĩ gotimasiore queti

¹ Tirāmujʰa cojoji me mani ñicʰare Hebreo masare ĩnare gotimasioñuju Dios. Īre gotirētobosariarā sʰorine ĩnare gotimasioñuju ĩ. Īna gotise rī me ĩnare yimasiomasiñuju. Gajeye quēne, ricati ĩnare ĩ yiroticōamasire rāca ĩnare yimasiomasiñujarā. To bajiri, “To bajiro tʰoĭagū ñagūmi”, yimasiñujarā ĩna, mani ñicʰa. ² To bajiri yucʰarirema, Dios ĩ macʰare manire ĩ cōajare, quēnaro Diore masiaja mani. Macarʰcʰuro, ō veyaye ñajediro ĩ macu sʰorine tire rujeomasioñuju Dios. Ī macʰane ñaami, “Jediro macarʰcʰuroayere cʰorʰcʰaja mʰ” ĩ yimasir'i. ³ Dios macʰare ajitirānarā ĩre masirā ñari, “Rētoro ñamasugū ñagūmi Dios”, yimasiaja mani. Diore masirā ñarāma ĩ macʰare masirā. Ī macʰare quēnaro masicōari, “Ī jacʰare bajirone bajigʰ ñagūmi”, yimasiaja mani. Ī macʰane ñaami, “Adi macarʰcʰuroaye bajimʰorūgōato” yirotimasir'i. Īne ñaami, Diore ajitirānarā rojose mani yise vaja manire rijabosacōari, Diorāca ñajedirore rotigʰ.*

“Ángel mesa rētoro ñamasugū ñaami Dios macʰ”, yire queti

⁴ To bajiri adirāmuri Diorāca rotigʰ ñari, Diore moabosarā ángel mesare rētoro ñamasugū ñaami Dios macu. ⁵ Ī sīgūne ñamasugū ĩ ñajare, ado bajise ĩre yiyumi Dios: “Adirāmune yʰ macu ñari, yʰre bajiro rotisʰorʰcʰaja mʰ”, ĩre yimasiñuju Dios.

Ángel mesarema, to bajiro ĩnare yibesumi Dios. Gājerāre quēne, ti ũnire yibecʰane ĩ macu sīgūrene tʰoĭagū, ado bajiro yiyumi Dios:

“Ī jacʰ ñaja yʰ. To bajiri yʰ macu ñaami”, ĩre yiyumi.

⁶ Ī macu ñamasugūre, adi macarʰcʰurojʰre ĩre cōagū, ado bajise ĩre yiyumi: “Ángel mesa quēne mʰre rʰcʰbʰo jedicōarʰarāma ĩna”, yiyumi Dios.

⁷ ĩre moabosarimasa ángel mesare yigʰ, ado bajiro yiyumi Dios:

“Ángel mesare yʰ rotijama, yoaro me mino ti vēatuvasere bajiro yoaro mene yʰre cʰdirʰarāma. To yicōari, jea ũjuse guaro ti ũjʰēniore bajiro yʰre moabosarʰarāma ĩna”, yiyumi Dios, ángel mesa ĩre ĩna moabosarotire yigʰ.

⁸ Ī macu ñamasugūre yigʰ, ado bajirojʰa yiyumi Dios:

“Yʰ macu ñari, Dios ñaja mʰ. Mʰ rotise jedibetirʰaroja. Masare mʰ rotijama, yʰ bojarore bajirone quēnaro rotirʰcʰaja mʰ.

⁹ ‘Yʰ bojarore bajiro quēnaro yigʰ, rojosejʰarema yibetirʰcʰaja’ yitʰoĭarūgūcʰajʰ mʰ. To bajiro yicʰa mʰ ñajare, ‘Gājerā rētoro ñamasugū ñaja’ mʰre yaja yʰ. To bajiro mʰre yʰ yijare, bʰto variquēnaja mʰ”, yiyumi Dios, ĩ macʰare.

¹⁰ Quēna gajeye ado bajise yiyumi Dios, ĩ macʰare yigʰ:

“Rēmojʰne adi macarʰcʰurore rujeomasicajʰ mʰ.

¹¹ Mʰ rujeomasicati jedirone ti jedicoaboajaquēne, mʰjʰama, ñacōa ñarūgūrocʰ ñaja mʰ, Dios ñari.

* 1:3 Jn 1.1-3.

12 Sudi ĩna sãñasuosere vejecõari, gajeye quẽnase ĩna vasoasãñarore bajiro, adi macarucuro ñase ti jedirore quẽna gajeye vasoarucuja m̃. М̃ма, rijabetiроси ñari, m̃ne ñacõa ñarũgũrucuja m̃”, ĩ macure yiyumi Dios.

13 Quẽna, ĩ macu sĩgũrene ado bajise yirũcũbuoyumi Dios:

“Rũcũbuorijayure rujiya maji. M̃re ĩaterãre, ‘Rojose yitajaya’ ĩnare yũ yiro bero, rojose yimasibetiruarãma. To cõrone rotisũorucuja m̃”, yirũcũbuoyumi Dios, ĩ macure.

Ángel mesarema, to bajiro yibetimasĩñuju Dios. 14 Ángel mesama, ruyumena ĩre moabosarã ĩ cõarã ñarãma. To bajiri, Diore ajitirũnarã õ vecaju quẽnaro ĩ rãca ñaronare ejarẽmorã ñarãma ángel mesa.

2

“Ī macu suorine quẽnaro manire Dios ĩ yirotire ajitirũnu tujabetiroti ñaja”, yire queti

1 Dios macu ñamasugũ ĩ ñajare, ĩ ocare butobusa ajitirũnuto mani, tire mani ajitirũnu tujajama, “Quẽnaro manire Dios ĩ yirotire masiriticõari, rojose yirobe” yirã. 2 Tirũmajũ ángel mesa suorine, Dios ĩ rotimasire Moisére ejamasĩñuju ti. Tire, “Dios ye masu ñañuja”, yimasi-aja mani. Tire cudibetimasiriarã ñaboarine, rojose Dios ĩ yirotire masicõari, bojabetimasĩñujarã. To bajiro bajirã ñaboarine, rojose tãmuo jedicõamasiñujarã ĩna. 3-4 To bajiri Dios ĩ yirere masiboarine, ĩ rotimasire rẽtoro quẽnasere mani ajitirũnu tujajama, “No bajirojũa yicõari rojose manire yibeticõato Dios”, yimasibetiruarãja. Rẽmojne mani mũ Jesũs ñañuju, adirodori Dios ĩ yarãre quẽnaro ĩ yirotire gotisũor'i. ĩre ajiriarã, ti ocare manire gotirẽtocama ĩna. To yicõari, Dios suorine jairo ĩañãmanire manire yĩocama. To yicõari, Dios ĩ bojarore bajiro ĩna yimasirotire yigu, tocãrãcarene ricati rĩne ĩ masisere ĩnare mũoyumi Esp'iritu Santo. To ĩ yijare, manire quẽnaro gotimasiocama ĩna. To bajiri, “Cristo oca socase mene bajaiaja ti”, yimasicoacajũ mani quẽne.

Jesucristo manire bajigũ ĩ ñare queti

5 Diore moabosarã, ángel mesarema, “Adi macarucuro jedirore rotiruarãja m̃na”, ĩnare yibesuju Dios. 6 Masajũarema, “Adi macarucurore rotiruarãja m̃na”, ĩnare yimasiñuju. Sĩgũ, Diore ĩ sẽnirere ucagũ, ado bajise ucamasiñumi:

“Dios, ¿no yigũ ñamasurã me yua ñaboajaquẽne, yũare masiritibeati m̃?”

7 “Ángel mesare bajiro bajibeticõato’ yigu, ‘Ñamasurã me ñaruarãma’, yũare yiyuja m̃. To bajiro yũare yicũr'i ñaboarine, ‘Ñamasurã ñato’ yũare yicũñuja m̃ quẽna.

8 “Adi macarucuro ñase jediro m̃ cũrere rotimasiato’ yigu, yũare cũñuja m̃”, yũcamasiñuju sĩgũ, Diore sẽnigũ.

“Noajũane masare cudimena maniruarãma” Dios ĩ yire ti ñaboajaquẽne, ñajediro manire cudijedibeamã maji. 9 To bajiboarine, sĩgũ adi macarucuroaye jediro rotimasigũre masiaja mani, Jesũs vãme cutigure. ĩ bajirere ado bajiro masiaja mani: Ángel mesa rẽtoro ñamasugũ ĩ ñaboajaquẽne, “Yoaro meaca ñamasugũ mere bajiro bajirucumi” yigu, adigodojare ĩre cõañumi Dios. To bajiro ĩ yicõar'i ñari, manire rijabosayumi Jesũs. Rojose tãmuocõari, ĩ rijabosare ñajare, “Jediro mũ ñamasugũ ñarucumi”, ĩre yiyumi Dios.

¹⁰ Adi macarucuro ñase jediro Dios i rujeore ñaja. Quënaró i rotimasijare, adi macarucuro bajise jediro bajinarügüaja. Jediro Jesucristo suorine, “Yu yarã ñaama” Dios i yïarã, “Yu taju ejamasiruarãma”, ñare yiyumi Dios. To bajiro yigu ñari, “Rojose ña tãmuoborotire yirëtobosaaya” yigu, i macure cõañumi Dios. To bajiro i yiroticõajare, rojose tãmuocõari, manire rijabosayumi Jesucristo. ¹¹ To bajiri, Jesurãca ñarã ñari, sigü rñare bajiro bajirã ñaja mani. Mani quëne, Dios rña mani ñajare, bojonebecune, “Yu bederã ñaama”, manire yigumi Jesús. ¹² To bajirone gotiaja Dios ocare masa ña ucamasire:

“Mu bajisere yu bederãre ñare gotirucuja yu. Ña rãca rëjacõari, mure variquënarã, basaruarãja yua”, yigotiaja.

¹³ Quëna gajeye ado bajise gotiaja, Jesús Diore i yirotire yiro:

“Yure ejarëmorucami’ Diore ñre yitõõaja yu”, yigotiaja.

Quëna gajeye, ado bajiro gotiaja:

“Yu rñare bajiro bajirã ñaama’ Dios i yicana rãca adoju ñaja yu”, yigotiaja, Jesús i yirotire yiro.

¹⁴ Mani, Dios rña, sigüre bajirone ruju cuti, ri’i cuti bajaiaja mani. To bajiri, Jesús quëne, Dios macu ñaboarine, manire bajirone ruju cuticõari, manire rijabosayumi. To bajiro i bajijama, i rijabosase suorine rojose tãmuotujabetiriaroju masare vãti i varotiboasere tire tegu bajiyumi. ¹⁵ Adi macarucuro ñarã rojose yirã ñari, bajireacõari bero, “Rojose yiecoruarãja” mani yitõõagüiboarere “To cõrone güitujato ña” yigu, manire rijabosayumi. ¹⁶ To bajiri, “Ángel mesare ejarëmogü bajiyumi Jesús”, yibeaja mani. Ado bajiroju yimasiaja mani: “Diore Abraham ñamasir’i i tõõariarore bajiro tõõarãjuare manire ejarëmogü bajiyumi”, yaja mani. ¹⁷ To bajiri manire bajiro ruju cuticõari rojose tãmuoñumi Jesús. Adi macarucuro ñagü paia uju i ñagõbosaro rëtoro i jacu i ñaroju i rijabosariarãre “Ñagõbosagusa” yigu bajiyumi Jesús. Dios i ñajama, masa ña bajisere quënaró gotirëtobosagu, to yicõari masa rojose tãmuorãre ñare ñamaigü ñañumi. Ñe ñañumi masa rojose ña yise vajare “Ñare masirioato Dios” yigu, rojose tãmuocõari, ñare yirëtobosar’i. ¹⁸ Cojojirema Dios i bojarore bajiro i yise, bato josarügüñuju ti, Cristore. To bajiri rojose tãmuoñuju i. To bajirone bajaiaja manire quëne. Manire bajiro bajir’i ñari, Diore mani cudiroti ti josajama, manire ejarëmomasiami Jesús, “Yure bajiro ña quëne, Dios i bojasere yato” yigu.

3

“Moisés rëtoro ñamasugü ñagümi Jesús”, yire queti

¹ To bajiri, “Jesús manire ejarëmogü ñaami”, yimasiaja mani. Manijua, “Dios i ejarëmose rãca Cristore ñre ajitirünaroti ñaja” yimasicõari, ñe cudirã ñaja mani. “Yu yarã ñato” Dios i yiriarã ñaja. Jesujua ñagümi, “Masare quënaró yu yirotire gotiba” Dios i yicõar’i. To bajicõari, tirãmujua paia ujarã ña yisoadimasire ñnure yigu, Cristo quëne rojose mani yisere “Masirioato Dios” yigu, manire sënibosagu ñagümi. To bajiri, “Ñamasugü ñagümi Jesús”, yitõõato mani. ² Adi macarucurojure ñagü Dios i rotirore bajirone yigu, Dios yarã masare quënaró ejarëmoñumi Jesús. To bajirone yimasifñuju Moisés ñamasir’i quëne. Dios i rotirore bajirone yigu, Dios yarãre quënaró ejarëmomasiñuju. ³⁻⁴ Quënaró ñare ejarëmomasiñi ñaboarine, “Rojose mana ñaama’ Dios i yïarã ñato”, yimasibetimasifñuju.

Jesújuama, “‘Rojose mana ñaama’ Dios í yíarã ñato”, yimasigũ ñaami. To bajiro yigũ í ñajare, Moisés ñamasir’i rëtoro Cristore rãcuboroti ñaja. ⁵ Moisés ñamasir’ijũama, Dios moarimasure bajiro bajimasíñuju. To bajicõari, Dios í yirotirore bajirone cudigũ, Diore ajitirãnarãre quënarõ ejarëmogũ ñamasíñuju. To bajiro í yimasirere tuoĩacõari, “Cristo suorõ Dios manire quënarõ í yirotirore gotimasigũ yimasíñumi Moisés”, yimasíaja mani. ⁶ Cristojũama, Dios moarimasure bajiro me bajiyuju. Í ñaami Dios macũ, í rotirore bajirone yigũ. To bajicõari, Dios yarã uju ñaami Cristo. “Cristo suorõ quënarõ Dios í yirotirore yiecoruarãja mani” mani tuoĩatujabetijama, í yarã ñacõa ñarũgũruarãja.

“Diore ajitirãnũ tujabesa mũa”, yire queti

⁷ To bajiri Dios yarã ñari, Cristore ajitirãnũ tujabeticõato mani. Dios ocare masa ñna ucamasire Dios yarãre gotigũ, ado bajiro yimasíñumi Esp’iritu Santo:

“Yucũne mũare yũ gotisere mũa ajijama, yũ yirotirore bajiro cudiya.

⁸⁻⁹ ‘Mũre ajitirãnũmenaja yũ’ yibesa. Mũa ñicũa yũre jũnisinicõari, ñna cudibetimasicatire bajiro bajibesa mũa. Mũa ñicũa, masa manojũ ñna ñacudiro, jũarã masa cõro ñaricãmari ñaĩañamanire ñnare yíorũgũboacaju yũ. To yũ yíboajaquëne, yũre ajirãcubõomena ñari, ado bajise yirũgũcama ñna: ‘Mani bojasejũa mani yijama, ¿no bajise manire yirojari Dios?’ yirũgũcama ñna.

¹⁰ To bajiro ñna yisere jũnisinicõari, ado bajise ñnare yicaju yũ: ‘Yũre ajiterũgũaja mũa. To bajiri, “Ado bajiro tuoĩagũ ñagũmi”, yũre yimasíbeaja mũa’, ñnare yicaju yũ.

¹¹ Quëna gajeye ñnare goticaju yũ: ‘Riojo mũare gotiaja yũ. Yũ rãca quënarõ mũa ñasere bojaboacaju yũ. To bajiboarine cojõji me mũajũa yũre mũa ajibetijare, yũ rãca quënarõ ñabetiruarãma’ yicõacaju yũ”, yigotimasíñumi Dios í cõagũ Esp’iritu Santo.

¹² To bajiri mani ñicũa Diore ñna ajitirãnũ tujamasiriarore bajiro bajibesa yũ yarã mũa. Sígũ mani yũ, “Dios ocare socase ñaja” í yisere ajicõari, quënarõ ñre gotimasioña, “Masirëtogũ Dios yere ajitirãnũ tujarõmi” yirã.

¹³ Dios ocare gãmerã gotivariquënaña mũa. “Maji busiyũ gãmerã gotiroti ñaroja”, yituoĩabesa, mũa rãcana sígũri vãti í rotisejũare cudicõari, “‘Dios oca socase ñaja’ yiroma” yirã. To bajiri tocãrãcarãmũne gãmerã goticõa ñarũgũroti ñaja mũare, “Tire ajitirãnũ tujabeticõato” yirã. ¹⁴ Tirãmujũ, Cristore ñre mani ajitirãnũsocatore bajirone ñre ajitirãnũcõa ñarõti ñaja manire. To bajiro mani bajicõa ñajama, mani bajirearo berojũ õ vecajũ Cristo rãca quënarõ ñacõa ñarũgũruarãja mani.

¹⁵ Tire mũare yũ gotirore bajirone gotiaja Dios ocare masa ñna ucamasire:

“Yucũne mũare yũ gotisere mũa ajijama, yũ yirotirore bajiro cudiya. ‘Mũre ajitirãnũmenaja yũ’ yibesa. Mũa ñicũa yũre jũnisinicõari, ñna cudibetimasicatire bajiro bajibesa mũa”, yigotiaja Dios ocare masa ñna ucamasire.

¹⁶ Mani ñicũa ñna bajimasirere tuoĩaña mũa quëna: ¿Ñimarã ñañujari Dios í masune í gotisere ajirã ñaboarine, cudibetiriarã? Egipto sitajũ ñarãre, Moisés í ùmato variarãne bajiyuma. ¹⁷⁻¹⁸ Jũarã masa cõro ñaricãmari, Diore ñna cudibetijare, bũto jũnisiniñuju Dios. ñnare jũnisinicõari, ado bajiro ñnare yimasíñuju Dios: “Riojo mũare gotiaja yũ. Quënarõ sitare mũare yũ ujoũaboacatore ejabetiruarãja mũa”, ñnare yimasíñuju Dios. To bajiro

ĩ yire ñajare, ti sitaję ejaminane, masa manoję ĩna ñacudimasiriarojęne bajireacoamasiniujarã ĩna. ¹⁹ Tire ajicõari, “Diore ajirũcũobetiriarã ĩnari, ti sitajęre ejabesuma”, yimasiaja mani.

4

¹ To bajiri mani ñicua ĩna bajiriarore bajiro bajibeticõato mani. “Yę yarã, yę rãca quẽnaro ĩna ñasere bojaja yę” ĩnare Dios ĩ yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũgũrãsa” yirã. ² ĩnare Dios ĩ yimasiboariarore bajiro manire quẽne quẽnaro ĩ yirotire ajicaję mani. Mani ñicũajęama, Dios ocare ajirã ñaboarine, ĩnare ĩ gotiriarore bajiro ĩna bajibetijare, “Toję ñaruarãja” ĩ yimasiboariarojęre ejabetimasiņujarã. ³ Manijęama, Diore ĩre ajitirũnũ tujabeticõato mani. ĩre ajitirũnũrã rĩne ñarãma quẽnaro ĩ rãca ñarona. To bajiro ti bajijare, ado bajise ĩnare gotimasiņuju Dios, mani ñicũare:

“Riojo mũare gotiaja yę. Mũare bũto jũnisinicõari, yę rãca quẽnaro ñabetirũarãja mũa”, ĩnare yimasiniuju Dios, ĩre ajitirũnũbetiriarãre. To bajiboarine adi macarũcũrore rujeogujęne, “Masa yę beserã rãca quẽnaro ñarũcũja yę”, yitũoĩacõamasiniuju Dios. ⁴ To bajiro ĩ yimasirere masiaja mani, Dios ocare masa ĩna ucamasire ado bajise ti gotijare:

“Adi macarũcũro ñase jedirore rujeojeocõari, cojomo cõro, gaje ãmo, jua jęnituarirũmũre quẽnaro ñacõamasiniuju Dios”, yigotiaja Dios ocare masa ĩna ucamasire.

⁵ To bajiri, “Yę ñarore bajirone quẽnaro yę rãca ñaruarãma” ĩ yiboarere ĩna ajitejare, ado bajiro ĩnare yimasiniuju Dios:

“ĩYę rãca quẽnaro ñabetirũarãja mũa!”, yimasiniuju.

⁶ “Yę rãca quẽnaro ñato ĩna” yigę, Dios ĩ yimasirere ajiriarã ñaboarine, ĩ rãca quẽnaro ñabetimasiņujarã ĩna. To bajiboarine, masa rãca quẽnaro ĩ ñarotire bojacõa ñaami Dios. ⁷ To bajiri mani ñicua ñamasiriarã ĩ gotirere ajitemasiriarã bero yoatoję David ñamasir'i Diore ajicõari, ado bajiro ucamasiniuju:

“Yũcũne mũare yę gotisere mũa ajijama, yę yirotire bajiro cũdiya. ‘Mũre ajitirũnũmenaja yęa’ yibesa mũa”, yiuucamasiniuju David ñamasir'i, Dios oca tutiję.

⁸ Diore ajitemasiriarã ĩna bajireajediro bero, ĩna rĩa ñamasiriarã mani ñicũare ĩnare ũmato vamasiniuju Josuẽ ñamasir'i, Dios ĩnare ĩ ujomasiriarojęre. Toję quẽnaro ñamasiniujarã ĩna mani ñicua. Quẽnaro ñaboarine, Diorãca quẽnaro ĩna ñabetijare, ado bajiro yimasiniuju Dios: “Yũcũne mũare yę gotisere mũa ajijama, yę yirotire bajiro cũdiya”, ĩnare yimasiniuju quẽna. ⁹ To bajiri mũare yę gotisere ajicõari, ado bajiro ajimasirãja mũa: “Dios yarã, ĩ rãca quẽnaro ĩna ñacõa ñarotire bojacõa ñagũmi”, yimasirãja mũa. Diorãca quẽnaro mani ñase ado bajiro bajaiaja: Dios adi macarũcũrore rujeogajanocõari, quẽnaro ñacõamasiniuju. Tire bajirone bajiroja, Diorãca quẽnaro mani ñacõa ñase quẽne. ¹⁰ Adi macarũcũro ñase jediro rujeogajanoacũ, ĩ bojarore bajiro ti bajirotire masicõari, quẽnaro ñacõamasiniuju Dios. ĩre bajiro quẽnaro ñarũcũmi, “Ado bajiro mũ yijama, yę rãca quẽnaro ñarũcũja mũ” Dios ĩ yirotisere cũdigũ quẽne. ¹¹ To bajiri ĩ rãca quẽnaro mani ñasere Dios ĩ bojajare, quẽnabusaro ĩre ajitirũnũto mani, “ĩ rãca quẽnaro ñarãsa mani” yirã. Mani ñicua Diore

ajitirūnubeticōari, ĩ rāca quēnaro ĩna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirūnucōa ñaroti ñaja”, mware yigotiaja yu. Masijeogu ĩ ñajare, “To bajiro bajiruaroja” ĩ oca ti yigotirore bajirone bajiruaroja ti. Jariase juajacatuajune bujariase mani usju ti ejarore bajiro bajiaja Dios oca, mani ajise. To bajiri, mani tuoĭase, “Masibecami Dios” mani yiboasere quēne ĩamasigū ñaami Dios. ĩ oca suorine, “Rojose ñaja; quēnase ñaja”, yituoĭamasiaja mani. ¹³ Diseju Dios ĩ rujeorerere ĩre yayiomasiña manoja. To bajiri, disejuane mani yise, mani tuoĭase quēne, ĩ masibeti manoja. ĩ ñagūmi, ñajediro mani yisere mani gotiroca.

“Paia uju rētoro ñamasugū ñagūmi Cristo”, yire queti

¹⁴ Cristo, paia uju rētoro ñamasugū ñagūmi. Dios macu ñari, ĩ taju manire ñagōbosagu ñagūmi. To bajiri, ĩre ajitirūnubeticōato mani. ¹⁵ “Cristo adi macarucroju ĩ ñaro, Dios ĩ bojabetire yato” yigu, manire ĩ yicoderūgūrore bajiro Cristore quēne rojosere ĩre yivotirūgūboayuju Satanás. To bajiboarine rojose yibesuju Cristo. “Yure quēne rojose yivotirūgūcami Satanás; ĩnare quēne to bajirone yami” yimasigū ñari, “Dios ĩ bojarore bajiro ĩna yiruaboase ĩnare josaja ti” yigu, manire ĩamaicōa ñagūmi. Manire ĩamaicōari, paia uju rētoro ñamasugū ñari, “ ‘Mure ajitirūnubeticōato ĩna’ yigu, ĩnare ejarēmoña”, ĩ jacure manire yisēnibosarūgūgūmi. ¹⁶ To bajiri mani quēne, Diore gūimenane, sēniroti ñaja. ĩre mani sēnijama, rojose mani yise vaja rojose manire ĩ yiborotire manire ĩamaicōari, yibetirucami. No bojarijune ĩ ejarēmosere mani boja-jama, quēnaro manire ejarēmorucami.

5

¹ Mani ñicua ĩna ñarirodore ñamasifūju paia uju ñamasugū, Dios ĩ beser'i, “Masare ejarēmoato” yigu, ĩ cūr'i. Ado bajiro yirūgūmasifūju: Vaibucará ĩre ĩna ĩsiser quēne boca juacōari, soemubosarūgūñuju, rojose ĩna yisere “ĩnare masirioya mu” ĩnare yisēnibosagu. ² ĩ quēne, manire bajirone bajigu ĩ ñajare, Dios ĩ rotise yimasijeogu me ñamasifūju ĩ. “Yure quēne josaja” yituoĭagū ñari, “Gājerā Diore ajitirūnūrāre, to bajirone bajiroja”, yĭamaifūju. ³ Manire bajirone rojose yigu ñari, “Rojose yu yise vaja yure masirioato Dios” yigu, gājerāre ĩ sēnibosaroto rĭjoro, ĩ quēne vaibucu rii soemurūgūñuju. ⁴ Nijuane, “Yu ñagūsa paia uju”, yibetimasifūju. Gājerā quēne, “ĩ ñato”, yibesujarā. Dios sĭgūne, “Mu ñarucuja paia uju ñamasugū”, yimasigū ñamasifūju ĩ. To bajiri, Aarón ñamasir'ire, “Paia uju ñaña”, ĩre yicūsomasiñuju Dios. ⁵ To bajirone ĩre yiyumi Jesucristore quēne. Dione ĩre cūñumi. To bajiri ado bajise ĩre ĩ gotirotire ucamasifūma masa:

“ ‘Adirūmune yu macu ñari, yure bajiro rotisurucuja mu’ yami Dios”, yuucamasifūma ĩna, Cristore, Dios ĩ gotirotire yirā.

⁶ Gajeye ĩ macure ĩ gotirotire ado bajise yuucamasifūma ĩna:

“ ‘ “Masa rojose ĩna yisere ĩnare masirioya” ĩnare yisēnibosagu ñarucuja mu’ mure yaja yu. ‘Paia uju ñamasugū Melquisedec ĩ bajicatore bajiro bajirucuja mu’ mure yaja yu”, yuucamasifūma ĩna, ĩ macure Dios gotirotire yirā.

⁷ Cristo, manire bajiro ruju cuticōari, adigodoju ñagū ĩ bajirocaroto rĭjoro, Diore buto sēnirūgūñuju ĩ. Otigune, ado bajise jacase sēnifūju ĩ: “Cacu, ‘Yure sĭabeticōato ĩna’ yigu, yure ejarēmoña. To bajiboarine, mu bojarore

bajirone bajiruroja”, yiyuju Cristo, i jacare. I rotirore bajiro yigu i njajare, ire ajicōari, “Yu bojarore bajirone bajiato” yigu, ire ejarēmoñuju Dios. ⁸ Dios macu ñaboarine, rojose tāmooñumi Cristo. “Rojose tāmooboarine, Diore cudicōa ñaroti ñaja”, yituoiañuju. To bajiro bajica yigu, ñajediro Dios i rotirore bajirone yiyuju Cristo. ⁹ I rotirore bajirone i cudijeocōajare, “Mu suorī ña rijato beroju, mu rāca ñacōa ñarūgūrurāma ña, mure ajitirūnarā”, ire yiyuju Dios. ¹⁰ To bajiri, “Paia uju ñamasugū Melquisedec ñamasir’i i bajicatore bajiro bajirucuja mu” Dios i yir’i ñagūmi Cristo.

“Jesucristore ajitirūnu tujabetiroti ñaja”, yire queti

¹¹ “Tirūmuju paia ujarā ña yisoadimasire ũnire yigu ñaami Cristo” yu yigotirēmoroaboase jairo ruajaja maji. Tire ajimasijeomenaja mua, buto mware ti josajare. ¹² Tirūmuju, Cristore ire ajitirūnuuocaju mua. To bajiri tire quēnaro buecōari, butobusa i bojarore bajiro mua yirūtu vajama, jere i ocare masare gotimasiocoarona ñaja mua. To bajiboarine, “Maji, josabetijuare uare gotimasiocōa ñaña” yituoiarāre bajiro bajiaja mua. ¹³ Rīamasa ũjurācare bajiro ñaja mua. To bajiro bajirā ñari, “Quēnase ñaja; rojose ñaja” ña yimasibetore bajiro bajirā ñaja mua. ¹⁴ Rīamasare bajiro me bajiana bucuacoanajama. Tuoīamasicoana ñari, “Quēnase ñaja; rojose ñaja” yituoīamasicōari, Dios i bojarore bajiro yirā ñaama.

6

¹ To bajiri Cristo oca ñamasuse ti njajare, “Yu gotisere ajimasiriaro maja mua” yu yisere gotiguagu yaja, Dios i bojarore bajiro mua yirotire yigu. Jere Cristo oca josabetibusasere masiaja mani. Adi ñaja Cristo ye mani buesuocati: “Rojose yitujacōari, quēnasejuare yituoiaroti ñaja manire” yirere buecaju mani. “Diore mani ajitirūnubetijama, rojose tāmootujabetiriaroju varuarāja mani” yirere quēne buecaju mani. ² Gajeye ado bajiro buecaju mani: “Cristore ajitirūnarā ñaja yua” yirāre oco rāca ña bautizasere quēne buecaju mani. To yicōari, “Esp’iritu Santo, mua rāca ñarucūmi” yirā, ñare ña āmo ñujeosere quēne buecaju mani. Quēna gajeye ado bajise buecaju mani: “Cristore ajitirūnarā, bajireacoaboarine, tudicaticōarurāma” yirere quēne buecaju mani. To yicōari, masare Dios i beserotire quēne buecaju mani. ³ Ti ñacaju Dios oca josabetibusa mani buesuocati. To bajiri, josasere quēne buemasicōari, butobusa i bojarore bajiro yirūtuajaro mani, Dios i bojjama.

⁴⁻⁶ Sīgūri Dios ocare ajitirūnarā ñarāma maji. To bajicōari, Esp’iritu Santore suorā ñarāma. To yicōari, Dios i bojasere yirā ñarāma. Dios i masise rāca ñaiañamanire yīoecoriarā quēne ñarāma. To bajiro yirā ñaboarine, ña ajitirūnu tujajama, juaji ajitirūnubetiruarāma. To bajiro ña bajijama, Jesucristore ñatecōari, yucútēroju ire jajuturiarā ũnane ñarā bajirāma ña. To bajiro ña bajijare, gājerā quēne Dios ocare ajirūcububeticōari, ajarāma. ⁷ “Dios ocare ajicōari, quēnaro ote vānuri sitare bajiro bajiaja mani” yigu, ado bajise mware gotiaja yu: Vese ote ñarivesere oco ti quediō bero ote quēnaro ti vānurore bajiro bajiroti ñaja manire. To bajicōari, ti sitajare ote vānucōari, quēnaro ti rica cutijama, variquēnagūmi ti vese uju. To bajiri, ote rica cuti vese i ñavariquēnarore bajiro manire quēne ñavariquēnagūmi Dios, i ocare ajicōari, i bojarore bajiro mani yijama. ⁸ To bajicōari, gajejama vese yiriaju sita quēnabeto ñari, oco ti quediōbojaquēne, ote vānubetone, vidise rīne ti judijama, “Sita quēnabeto ñaja” yigu, tire soereacōagūmi ti vese uju. Tire bajirone Dios ocare ajiboarine,

ajitirānu tujacōari, ĩ bojabetire ĩna yijama, rojose tām̄otujabetiriaroju ĩnare reacōarucumi Dios.

“*Yure yirētosarucumi Cristo’ mani yit̄oĩacōa ñajama, quēnaja*”, yire queti

⁹ “Ado bajiro bajirāma Cristore ajitirānu tujarā” m̄are yu yigotimasiosere, “M̄ane ñaja Diore ajitirānu tujarona” yigu me yaja yu. Quēnaro m̄a yirere ajicōari, “Jesucristo suor̄i Dios yarā ñarāma”, m̄are yaja yu. To bajiro m̄are yimasicōari, “B̄utobusa Dios ĩ bojarore bajiro yirūtu varuarāma ĩna”, m̄are yaja yu. ¹⁰ Quēnaro riojo yigu ñaami Dios. To bajiro yigu ñari, ĩ bojarore bajiro quēnaro m̄a yirere masiritibetirucumi. To bajiri, gājerā Dios yarāre m̄a ejarēm̄ore ajicōari, “Diore rūcub̄orā ñarāma”, m̄are yimasiaja yu. ĩnare ejarēm̄ocōa ñarāja m̄a maji. Tire quēne masiritibetirucumi Dios. ¹¹ To bajiro quēnaro m̄a yirūgūse quēnaja ti. Variquēnase rāca Dios ocare ajitirānu tujamenane, ñajediro quēnaro m̄a yirūgūrore bajirone gāmerā yicōa ñarūgūroti ñaja. To bajiro m̄a yicōa ñajama, “Cristo suor̄i quēnaro manire yirucumi Dios” m̄a yit̄oĩarore bajirone m̄are yirucumi. ¹² Dios ocare ajiterāre bajiro m̄a bajisere bojabeaja yu. To bajiri, “Bajiruaroja” ĩnare ĩ yirere ajitirānu tujabetiriarāre bajiroja bajiya m̄a quēne. ĩnare bajiro m̄a bajijama, m̄are ĩ gotirarore bajirone m̄are quēne yirucumi Dios.

¹³⁻¹⁴ Abraham ñamasir'i ĩ bajimasirere t̄oĩaña m̄a. “Gāji yure bajiro yigu magūmi” yit̄oĩagū ñari, ado bajiro ĩre gotimasiñuju Dios: “*M̄re socabeaja yu. Jājarā jānerabatia c̄tirucumi’ m̄re yaja yu*”, ĩre yimasiñuju Dios, Abraham ñamasir'ire gotigu. ¹⁵ “*Ī yirore bajirone yigu ñaami Dios*” yigu ñari, “*Socu yigumi*” yit̄oĩarejaibetimasiñuju Abraham, Dios ĩ yirore yugu. To bajiri, Dios socabecu ĩ ñajare, “*To bajiro bajiruaroja*” Abrahamre ĩ yimasiriarore bajirone bajimasir̄uju ti. ¹⁶ To bajiri, manijama, “*Socu me yigumi’ gājerā yiajiato*” yirā, masa rētoro ñamasugū Dios vāme rāca yirūgūrāma. To bajise ĩna yijama, “*Socu me yaja. Dios quēne masigūmi*”, yirūgūama. To bajiro ĩna yisere ajicōari, “*Socarā me yama*”, yit̄oĩarāma masa. ¹⁷ To bajiri, “*Socu me yigumi Dios. Ī yirore bajirone yigu ñagūmi’ Abraham yure yiajiato*” yigu, “*M̄re socabeaja yu*”, yimasiñuju Dios. ¹⁸ Socagu me ñaami. “*Yirucuja*” ĩ yirore bajirone yigu ñaami Dios. To bajiro yigu ĩ ñajare, rojose tām̄otujabetiriaroju mani vaborotire manire yirētosacōari, “*Quēnaro ĩnare yirucuja’ ĩ yiriarore bajirone manire yirucumi*”, yit̄oĩaja mani. ¹⁹⁻²⁰ To bajiro manire Dios ĩ yire ti ñajare, ĩ gotiriarore bajiro ti bajirore t̄oĩacōa ñato mani. Diore yirucub̄oriavi yotoriaro vajajua Dios ĩ ñarisōajure jājaecōari, “*Rojose ĩna yisere ĩnare masirioya*” yisēnibosarimasa ñamasir̄ujarā paia ujarā. To bajiri, Cristo quēne, ĩna yimasiriarore bajiro yigu, ō vecaju Dios ĩ ñaroju ejaicōari, “*Rojose ĩna yisere ĩnare masirioya*”, manire yisēnibosa ñagūmi. Paia uju ñamasugū Melquisedec ĩ yimasiriarore bajirone yigu, Cristo quēne, manire sēnibosacōa ñarucumi. Manire ĩ sēnibosa ñajare, “*Dios ĩ yiriarore bajirone quēnaro manire yirucumi*”, yimasiaja mani.

7

“*Aarón ñamasir'i rētoro quēnaro manire yibosagumi Cristo*”, yire queti

¹ Melquisedec, Salem macana ʘʘ ʘʘamasifʘʘu. To bajicōari, pai ʘʘamasifʘʘu. ʘʘajediro ʘʘjere Diore r̄uc̄bʘʘogʘ ʘʘamasifʘʘu. Mani ʘʘic̄ Abraham ʘʘamasir'i gaje macariana ʘʘjarāre s̄iareacōari, i ya macaʘʘare tudiamasifʘʘu i. To bajiri i tudiado, ire bocagʘ, vamasifʘʘu Melquisedec. Ire bocacōari, ire s̄enibosamasifʘʘu, “Quēnaro ire yato Dios” yigʘ. ² To i yiro bero, gaje macariana ʘʘjarāre s̄iareacōari, ina ye gajeyeūni ʘʘaboare ina juarere, ʘʘaāmo cōro ʘʘaritubuari yic̄cōari, cojotubua Melquisedec ʘʘamasir'ire ʘʘimasifʘʘu Abraham. “Melquisedec” ti yijama, “ʘʘjʘ quēnase r̄ine yigʘ” yire ūni ʘʘaʘʘu ti. Salem macana ʘʘ ʘʘamasifʘʘu Melquisedec. “Salem” ti yijama, “Quēnaro ʘʘariamaca” yire ūni ʘʘaʘʘu. To bajiri, “‘Quēnaro gāmerā yiñato mani’ yigʘ ʘʘamasifʘʘu Melquisedec”, yimasiaja mani. ³ Melquisedec jacʘa, i yarā quēne, to yic̄ōari, i ruyuarere, i bajirocarere quēne ucare ti maniboajaquēne, “Pai ʘʘamasifʘʘu Melquisedec”, yigotiaja Dios ocare masa ina ucamasire. To bajise yiucare ti maniboajaquēne, “Diore s̄enitʘʘabetirimi”, yaja mani. To bajirone bajiami Cristo quēne. “‘Inare ejarēmoña’ manire yis̄enibosa ʘʘʘabec̄ami”, yimasiaja mani.

⁴ Abraham ʘʘamasir'i ʘʘamasugū i ʘʘaboajaquēne, i r̄etoro ʘʘamasugū ʘʘamasifʘʘu Melquisedec. Gaje macariana ʘʘjarāre s̄iareacōari, ina ye gajeyeūni ʘʘaboare ina juarere, ʘʘaāmo cōro ʘʘaritubuari yic̄cōari, cojotubua Melquisedec ʘʘamasir'ire ʘʘimasifʘʘu Abraham.^b ⁵ Abraham i bajirocaro bero, gajerodojʘ, “Paia ʘʘaruarāma ina Abraham jānami Lev'i vāme c̄atigʘ jānerabatia”, inare yic̄masifʘʘu Dios. To bajiri, “S̄igū jānerabatia ʘʘaboarine, ina c̄osere, ʘʘaāmo cōro ʘʘaritubuari yic̄cōari, cojotubua ina yʘ Lev'i ya jūnanare paiare ʘʘiruarāma ina”, inare yimasifʘʘu i. ⁶ Lev'i c̄ati jūnagu me ʘʘaboarine, Melquisedec quēne, Abraham i ʘʘisere boca juamasifʘʘu i. Abraham ʘʘamasir'ire, “Mʘ s̄orine adi macar̄uc̄roana ʘʘajedirore quēnaro yir̄uc̄ʘʘa yʘ”, yimasifʘʘu Dios. To bajiro i yir'i i ʘʘaboajaquēne, Melquisedecjʘa ʘʘamasifʘʘu, “Quēnaro m̄are yato Dios” Abrahamre yis̄enibosagʘ. ⁷ To bajiri, “‘Quēnaro m̄are yato Dios’ yigʘjʘa ʘʘaami ʘʘamasugū”, yimasiaja mani. Tire masirā ʘʘari, “Abraham r̄etoro ʘʘamasugū ʘʘamasifʘʘu Melquisedec”, yimasiaja mani. ⁸ Gajeyere quēne t̄oiaña m̄a. Adir̄muri ʘʘarā paia, Lev'i jānerabatia, manire bajirone bajirearuarāma ina quēne. Melquisedecjʘaresare, “To cōro bajirocamasifʘʘu”, yigotibeaja Dios ocare masa ina ucamasire. To bajiri, “Bajirocabetirimi”, yic̄ōaja mani. ⁹⁻¹⁰ Abraham ʘʘamasir'i, Melquisedere i ʘʘisrone, i jānerabatia quēne berojʘ ruyuarona ʘʘari, ina quēne ire ʘʘisrāre bajiro yimasifʘʘujarā. To bajiri Lev'i c̄ati jūnana quēne, Abraham jānerabatia ʘʘari, Melquisedere i ʘʘisrone, ina quēne ʘʘimasifʘʘujarā. To bajiri, “Lev'i c̄atijūnana r̄etoro ʘʘamasugū ʘʘamasifʘʘumi Melquisedec”, yimasiaja mani.

¹¹ “Lev'i jānerabatia ʘʘaruarāma paia”, yimasifʘʘu Dios. S̄igū Lev'i jānami ʘʘamasifʘʘu Aarón vāme c̄atigʘ, paia ʘʘ ʘʘamasugū, Dios i c̄us̄omasir'i. To bajiri Aarón, Lev'i jānami i ʘʘajare, “Aarón r̄etoro ʘʘamasugū ʘʘamasifʘʘu Melquisedec”, yimasiaja mani. Lev'i jānami Aarón, ina jānerabatia quēne, Diore r̄uc̄bʘʘorā masa ina ʘʘisere inare yibosarimasa ʘʘacoadimasifʘʘujarā ina. Tire boca juacōari, Diore r̄uc̄bʘʘorā tire soem̄omasifʘʘujarā ina. “Rojose ina yise vaja, rojose inare yibesa” masare yis̄enibosarimasa ʘʘacoadimasifʘʘujarā. To bajiro ina yiboajaquēne, Diojʘa i ʘʘajama, rojose

b 7:4 “Gājerā ina ʘʘisere boca juarā, ʘʘisrā r̄etoro ʘʘamasurā ʘʘaama”, yit̄oiaʘʘujarā hebreo masa.

Īna yire ti ñacōajare, “Rojose mana ñaama”, ĩnare yĭābetimasiñuju Dios. To bajiro ti bajijare, paia uju ñamasugū Melquisedere bajiro bajigare, ĩ macure cōañumi Dios, “Masare yirētobosato” yigu. ¹² Īre ĩ cōaro bero, “Masa rojose ĩna yise vaja, rojose ĩnare yibesa” yibosarimasa bojabesuju Dios. To yicōari, Moisére ĩ roticūmasire ĩna yiboarere quēne bojabesuju. ¹³⁻¹⁴ Adigodoju manire bajiro rujū cūticōari ruyuyaju mani uju Cristo, Judā ñamasir'i cūtijūnagu. To bajiboarine, Judā jānerabatiarema “Paia ñabetiruarāma”, yimasīñuju Moisés ñamasir'i. To bajiri, Cristo rĭjorojare Judā jānerabatiama, sĭgūjuane paia ñabetimasiñujarā.

¹⁵⁻¹⁶ To bajiri, “Lev'i jānerabatia rĭne paia ñaruarāma” Dios ĩ yimasire yigu me, paia uju Melquisedere bajiro bajiyumi Cristo. Tudicaticōari, rijabetirocū ñari, bajiyumi. To bajiro bajirocū ñari, “Paia uju ñamasugū Melquisedere bajiro bajiyumi Cristo”, yimasija mani. ¹⁷ Dios ĩ macure ado bajiro ĩ gotirotire masa ĩna ucamasire ti ñajare, “Paia uju ñamasugū Melquisedere bajiro bajicōa ñarucūmi Cristo”, ĩre yimasija mani:

“ ‘Rojose ĩna yisere ĩnare masirioya’, ĩnare yisēnibosa tujabetirocū ñaja mū’ mure yaja yū. ‘Paia uju ñamasugū Melquisedec ĩ bajimasicatore bajiro bajīñarucūja mū’ ĩre yigotiyumi Dios, ĩ macure”, yaja ti Dios ocare masa ĩna ucamasire.

¹⁸ Dios, Moisére ĩ roticūmasiriaro cōrone ĩna cūdijeocōaboajaquēne, “Rojose mana ñaama”, ĩnare yĭābetiborimi Dios. To bajiri Moisére Dios ĩ roticūmasire, vaja manire bajiro bajiyuja ti. ¹⁹ To bajiro ti bajijare, Moisére ĩ roticūmasire vasoayuju Dios. Mame ĩ vasoarejuama, ado bajiro bajija: Manire Cristo ĩ rijabosare suorine, “ ‘Rojose mana ñaama’ manire yĭāgūmi Dios” yimasirā ñari, variquēnase rāca ĩre sēnirūgūaja mani. To bajiro ti bajijare, “Tirūmūaye Moisére Dios ĩ roticūmasire rētoro quēnase ñaja adirodoriaye”, yimasija mani.

²⁰⁻²¹ To bajiri, ĩ macū Cristore, “Paia ujarā rētoro ñamasugū ñarucūja mū” yigu, ado bajiro ĩre yiyuju:

“ ‘Mure socabeaja yū. ‘Rojose ĩna yisere ĩnare masirioya’, ĩnare yisēnibosa tujabetirocū ñaja mū’, mure yaja yū”, ĩre yiyuju Dios, ĩ macure.

Gājerārema “Paia ujarā ñaruarāja mūa” yigu ñaboarine, ti ũnire yibetimasiñuju Dios. ²² Tire mani ajijama, “Jesucristo suorine Dios ĩ gotiriarore bajirone quēnaro manire yirucūmi”, yimasija mani. ²³ Tirūmūaye Moisére Dios ĩ roticūmasire rucūborā, jājarā paia ñamasīñujarā. To bajicōari, ĩna bajireajaquēne, ĩnare moavasoarona jājarā ñarūgūmasiñujarā.

²⁴ To bajiboarine, Cristojurema, tudirijabetirocū ĩ ñajare, “Īre moavasoarocū magūmi”, yimasija mani. ²⁵ “Jesucristo suorine Diore ajitirūnūrāre, rojose ĩna yisere ‘Masirioato Dios’ yigu, Dios ĩ ñaroju, ĩnare sēnibosacōa ñarūgūgūmi, tudirijabetirocū ñari”, yimasija mani.

²⁶ To bajiri tirūmūju paia ujarā ĩna yisoadimasire ũnire yigu, Cristo quēne rojose mani yisere “Masirioato Dios”, manire yisēnibosarūgūgū ñagūmi. Cristo ñañumi masa rojose ĩna yirore bajiro yibecū. Quēnase rĭne yigu ñañumi. To bajiro bajir'i ĩ ñajare, Dios ĩ ñaroju, “Rētoro ñamasugū ñarucūja mū” Dios ĩ yir'i ñagūmi. ²⁷ Paia ujarā ñamasurā ĩna yimasiriarore bajiro yigu me ñagūmi Cristo. Īnajuama, tocārācarūmūne vaibucūrāre sĭacōari, soemūomasīñujarā, “Rojose yūa yisere masirioya” Diore yirā. To yicōari, ĩna yarāre quēne rojose ĩna yirere “Īnare masirioya Dios”, ĩnare yisēnibosarūgūmasiñujarā ĩna. To bajiboarine, Jesūjuama, mani jedirorene cojojine rijabosayumi, rojose mani yisere “Masirioato Dios”

yigu. ²⁸ Moisére Dios ĩ roticūmasire, “Paia ɯjarā ñamasurā ñaruarāma” ĩ yire ti ñaboajaquēne, manire bajirone ĩna quēne tire cudiyeobetiriarā ĩna ñajare, “Rojose mana ñaama”, yĩabetimasĩñuju Dios. To bajiboarine ĩ macɯñarema, quēnase rĩne yir’i ĩ ñajare, “ ‘Rojose ĩna yisere masirioya mɯ’ ĩnare yisēnibosacōa ñarūgūrocɯ ñaja mɯ”, ĩre yiyuju.

8

“Cristo, ð vecajɯ manire sēnibosa ñagūmi”, yire queti

¹ “To bajirone bajigumi Cristo, ð vecajɯ Diorāca ĩ rotiñaroju”, mɯare yaja yɯ. ² Tojɯre ejaçōari, “Rojose mani yisere masirioya”, manire yibosa ñagūmi Cristo, Dios ĩ buariavijure.

³ Tocārācɯ paia ɯjarā ñamasurā ado bajiro yiyuma: Rojose masa ĩna yisere, “Īnare masirioya Dios”, yisēnibosayujarā ĩna. To yicōari, Diore rācɯbuorā masa ĩna ĩsire boca juacōari, ĩnare yibosayujarā. To bajiro ĩna yire ũnirone yigu, Cristojɯama, manire rijabosayumi, rojose mani yisere manire yirētobosagu. ⁴ Yucari ñarā paia, Moisére Dios ĩ roticūmasiriarore bajirone yicōa ñarāma. To bajiri Cristo, adigodoju ĩ ñacōajama, ĩnare bajiro yibecɯ ĩ ñajare, “Pai me ñaami”, ĩre yiborāja mani. To bajiboarine, ð vecajɯ Dios ĩ ñaroju, “ ‘Rojose ĩna yisere masirioya’ manire yibosagu ñagūmi”, yimasiaja mani. ⁵ “Mani rāca ñagūmi Dios” masa ĩna yirācɯbuorotivire Moisés ñamasir’i ĩ buarotiroto rĩjoro, ado bajiro ĩre yimasĩñumi Dios: “Gātau joeju mure yɯ ĩocativire bajirivine buarotiya”, yimasĩñuju Dios, Moisés ñamasir’ire. To bajiri, “Mani rāca ñagūmi Dios” masa ĩna yirācɯbuorivire ĩna buajama, Moisére Dios ĩ ĩomasirivire bajirivine buamasĩñujarā. ⁶ Paia ɯjarā ñamasurā Dios ĩ rotimasire cūdimasiriarā ĩna yirūgūmasire rētoro quēnaro manire yibosarūgūgūmi Cristo. To bajiri, “ ‘Quēnaro mɯare yirucɯja yɯ’ Moisére Dios ĩ yicūmasire rētoro quēnase ñaja adirodoriaye”, yimasiaja mani.

⁷ Moisére Dios ĩ yicūmasire rēmojune quēnase ti ñacōajama, gajeye mamejɯare vasoabetiborimi Dios. ⁸ Moisére Dios roticūmasire masa ĩna cudiyeobetijare, ĩvariquēnabetimasĩñuju Dios. To bajiri, “Ado bajiro ĩnare gotiya”, yimasĩñuju ĩ:

“Mani ɯja Dios, ado bajiro mɯare gotiami: ‘Quēnaro ajiya mɯa. Cojorāmu mame mɯare vasoabosarucɯja yɯ, Israel vāme cūti sitanare, Judā vāme cūti sitanare’, mɯare yami.

⁹ Egipto sitaju ñarāre Israel sitaju ĩnare ũmato vacɯ, quēnaro ĩnare gotiboacajɯ yɯ. To bajiboarine, yɯ yicatore bajiro ĩna cūdiobetijare, “Yɯ yarā me ñaama”, ĩnare yicajɯ yɯ. To bajiri, mame yɯ vasoarotijɯama, mɯa ñicɯare yɯ gotimasicatore bajiro me bajirɯaroja’ mɯare yami Dios mani ɯju.

¹⁰ “To bajiri, Israel ñamasir’i jānerabatiare mame yɯ vasoaroti, ado bajiro bajirɯaroja: “Yɯ masise sɯorine yɯ rotisere tuoĩamasiruarāma”, ĩnare yirucɯja yɯ. To bajiro yɯ yisere bojarā ñari, quēnaro yirūgūruarāma. To yicōari, yɯ sīgūne ĩna ɯju ĩna yirācɯbuogɯ ñarucɯja yɯ. To bajiri ĩnajɯa quēne yɯ yarā ñaruarāma’ mɯare yami Dios.

¹¹ Yɯ yarā ñari, rĩamasa quēne, buçurā quēne, ĩna ñaro cōrone, yɯre masijedicoaruarāma ĩna. To bajiri, “Ado bajiro tuoĩagā ñaami Dios”, gāmerā yimasiorā maniruarāma’, mɯare yami Dios.

12 Īnare ĩamaicōari, rojose ĩna yisere yu masiriojama, “Rojose yiriarā ĩnaama”, juaji ĩnare yituoĭabetirucuja yu. To bajiro ĩnare yu yiroti ti ĩajare, yare quēnaro masiruarāma ĩna’ m̃are yami Dios”, yimasiñuju, Diore gotirētobosamasir’i.

13 “Mame oca quēnase vasoarucuja” Dios ĩ yijama, tir̃m̃uju ĩ yimasi-boarere reag̃u yig̃umi. To bajiri, “Tir̃m̃uayej̃uma vaja manoja”, yimasi-aja mani.

9

“Cristo, quēnaro manire yibosag̃umi” yire queti

1 “Adigodoju ĩarā yare rūc̃ub̃orā m̃ua r̃jarotivire m̃ua b̃uasere bo-jaja yu”, Moisés ĩamasir’ire ĩre yimasiñuju Dios. 2 To bajiri ĩ rotiri-avire bajirone b̃uamasiñujarā ĩna. Ti vi g̃darecore sudirone yoto-riavi ĩamasifiñuju. To bajiri, ejas̃uriasōa Diore rūc̃ub̃oriasōa vāme cutimasiñuju. Tisōaju s̃ĭabusoriabajari jeoriaju ĩamasifiñuju ti. To yicōari, Diore ĩsiroti pan jesariju quēne ĩamasifiñuju. 3 Gajesōa, Dios ĩ ĩarisōa vāme cutimasiñuju. 4 Tisōajure, ĩamasifiñuju Diore rūc̃ub̃orā, ĩna soe-jama, quēnaro sutiquēnase soem̃oriaju. “Dios ĩ ĩari sōagaju ĩaja” ĩna yiboajaquēne, ejas̃uriasōajurene ĩacōamasiñuju ti. To bajicōari, Dios ĩ ĩarisōajure ĩamasifiñuju rujajata orone ĩna quēnorajata. “Dios ĩ rotirere c̃ūdiroti ĩaja” yirā, ĩna quēnorajata ĩamasifiñuju. Tijatajure adocārāca vāme s̃āñamasifiñuju: Orone ĩna quēnorā sot̃u s̃āñamasifiñuju. Ti sot̃ajure bare manā vāme cuti Dios ĩ cōare s̃āñamasifiñuju. To bajicōari, Aarón ĩ tuemasir’i quēne āctuar’i s̃āñamasifiñuju. To bajicōari, juajāi g̃t̃ajāi Dios ĩ roti-masire ĩ ucamasir̃iajāiri quēne s̃āñamasifiñuju. 5 Tijata joere rūgōmasiñujarā Diorācana ṽarā querubines vāme cutirāre bajirā masa ĩna quēnomasiriarā. ĩna ĩamasifiñujarā, “Adij̃u ĩaja masa rojose ĩna yisere Dios ĩ masiriorij̃u” yigotirā. ĩna queruj̃uri rāca gāmerā ĩucānamucōari, rūgōmasiñujarā ĩna. Yuc̃rema ti viaye b̃uto gotire maja ti.

6 To bajiboarine, Diore rūc̃ub̃oroti ti ĩajedicōajare, tocārācar̃m̃une Diore rūc̃ub̃orā s̃ĭaejarūg̃umasiñujarā paia, ĩas̃orisōare. 7 Paia uju ĩamasug̃u r̃ine j̃jarūg̃umasiñuju, Dios ĩ ĩarisōa vāme cuti sōajure. Tocārāca c̃ūmare cojojine j̃jamasiñuju. J̃jacōari, ĩ masu rojose ĩ yirūg̃urere, to yicōari, ĩ ĩarimacana, “Rojose yirā yaja yu” yituoĭamenane, “Rojose yu yirūg̃urere masiribosato Dios” yig̃u, vaibuc̃arā ri’ire juaj̃jarūg̃umasiñuju. 8 “Paia uju ĩamasug̃u r̃ine Dios ĩ ĩarisōare j̃jamasiami”, yimasiñujarā. Tire ĩna t̃uoĭajama, Esp̃iritu Santo ĩ ejarēmose rāca, ado bajiroja yimasiñujarā ĩna: “ ‘Mani masune rojose mani yisere yare masirioya’, Diore yimasibeaja. ‘Paia uju ĩamasug̃u r̃ine manire s̃enibosag̃u ĩaami’ yimasijaia mani. To bajiro r̃ine bajicōa ĩnararāja mani maji. Dios manire ĩ s̃ĭjarotirir̃m̃u ti ejaroj̃u tisōare j̃jaruarāja mani”, yimasiñujarā ĩna. 9 “ ‘Mani ĩicua Dios ĩ rotimasirere ĩna ajitir̃ñarūg̃umasire r̃etoro quēnamasuse ĩaja’ mani yituoĭamasiritire yiro bajiyuja”, yimasijaia mani. “Mani ĩicua, tir̃m̃uju ĩna yirūg̃umasiriarore bajirone mani quēne, rojose mani yisere, ‘Manire masirioato Dios’ yirā, paire mani soem̃oroticōa ĩajama, Dioja ĩ ĩajama, ‘Rojose maja ĩnare’ manire yĭĭabeticōa ĩag̃umi”, yimasijaia mani. 10 Tir̃m̃uaye Dios ĩ rotimasire ado bajiro bajiyuja: “Adocārāca vāme baruarāja m̃ua. Gajeyerema babetiruarāja m̃ua”, ĩnare yimasiñumi. To yicōari, ĩna idirotire, ĩna guarotire, ĩna āmo coerotire quēne to bajirone yimasiñumi. To bajiro ĩ yijama, ti ĩajediro ĩ rotimasire

mamejua ĩ vasoaroto riĵororema, ĩna ruĵure ĩna ĩatirĕnaroti riĵne yigĕ yiyumi Dios.

¹¹ To bajiro ĩ yimasire ti ĩajare, yucurema, “Cristo suorine quĕnaro yirucĵa ya” Dios ĩ yiriarodo ejayuĵa ti. To bajiro ĩ yire ĩajare, Cristo manire rijabosacĕari, ĕ vecaĵu Dios ya viĵu ĩagĕ vasuju. Ti viĵu ĩnacĕari, paia uĵu ĩamasugĕ ĩ sĕnibosarore bajiro, “Quĕnaro ĩnato ĩna” yigĕ, manire sĕnibosa ĩagĕmi. To bajiro ĩ yiĩarivima, adigodo ĩnarĕ Diore rĕcĕbuorĕ ĩna buariavi rĕtoro quĕnarivi ĩnaroĵa. ¹² To bajiri Dios ĩ ĩnarisĕaju ĵajacĕari, cabra riĕa ri'i, ta vecu riĕa ri'i adigodoĵu ĩnarĕ paia uĵarĕ Diore ĩna ĩsiriarore bajiro yirĕ me, ĩĵama, ĩ ruĵu rise suorine rojose mani yire vajare coĵine yirĕtobosajeocĕaru, ĕ vecaĵu Dios ĩ ĩnarisĕaju ĵajasuju Cristo. ¹³ Ado bajiro gotiaĵa Dios ĩ rotimasire: “Bajirocar'ire moaĩabetiruarĕĵa mĕa. To yicĕari, ‘Babetiruarĕĵa mĕa’ ya yisere quĕne moaĩabetiruarĕĵa. To bajiro ya yisere mĕa cĕdibetijama, yure ĩna rĕcĕbuorivire sĕĵabetiruarĕĵa mĕa. To bajiboarine, ta vecu macure ĩna soese ritire, oco rĕca abavuore ĩasere mĕare rayeturĕcĕmi pai. Tire ĩ yibetijama, ĩsopo vĕme cuti ruĵu rĕca vaibĕcu ri'ine mĕare vĕĵabate gurĕcĕmi. To bajiro mĕare ĩ yijama, yure rĕcĕbuoriavire sĕĵamasiruarĕĵa mĕa”, yimasiĩumi Dios. ¹⁴ “Vaibĕcĕrĕ ri'ine mĕare ĩ yayeguojama yure rĕcĕbuoriavire sĕĵamasiruarĕĵa mĕa” Dios ĩ yimasire ti ĩnaboajaquĕne, “Cristo manire ĩ rijabosareĵua rĕtoro quĕnase ĩaĩĵa”, yimasiaĵa mani. Rojose yibetir'i ĩnari, to bajiro bajiyumi Cristo. Esp'iritu Santo ĩnacĕa ĩnarĕgĕrocĕ ĩ eĵarĕmoĵare. Cristo manire ĩ rijabosare suorine, rojose mani yisere masirioĵumi Dios. To bajiri, “Rojose maja manire”, yitĕoĩaĵa mani. To bajiro yitĕoĩacĕari, ĩnacĕa ĩnarĕgĕrocĕ Dios ĩ boĵarore bajiro quĕnaro yirĕgĕroti ĩnaja manire.

¹⁵ “‘Mame mĕare vasoarucĵa ya’ ĩ yiriarore bajirone bajiato” yigĕ, adi macarĕcĕroĵure Cristore cĕaĩumi Dios. To bajiro ĩ yicĕar'i ĩnari, tirĕmĕaye ajirĕcĕbuoriarĕre quĕne rojose mani yisere “Masirioato Dios” yigĕ, manire rijabosayumi Cristo. To bajicĕari, ĩ rijabosare suorine “Yĕ yarĕ ĩaama” Dios manire ĩ yiĩarotire yigĕ, bajiyumi. To bajiro ĩ bajibosariarĕ mani ĩajare, “Quĕnaro yirucĵa” Dios ĩ yiriarore bajirone yigĕ, mani rijato beroĵu ĩ rĕca mani caticĕa ĩnartire ĩsecorona ĩnaja mani. ¹⁶ Ado bajise tĕoĩaĩa mĕa: Mani ya, ĩ bajiyayiroto riĵoro, “ĩne ĩaami ya ye gajeyeĕni cĕosĕyarocĕ”, yigĕmi. To bajiro ĩ yir'i ĩnari, ĩ bajirocato bero, ĩ yere cĕosĕyagĕmi. ¹⁷ ĩ caticĕa ĩajama, ĩ masune cĕocĕa ĩagĕmi maji. ĩ rijato bero, tire cĕomasigĕmi ĵĕĵijĕa. To bajiri, “ĩ gotiriarore bajirone bajiaĵa”, yimasire ĩnaja. ¹⁸ To bajirone bajimasiĩuju, “Quĕnaro yirucĵa ya” Dios ĩ yimasirere quĕne. “Dios manire ĩ gotiriarore bajirone yato” yirĕ, vaibĕcĕrĕre sĕamasirĕĵarĕ. ¹⁹ Dios Moisĕs ĩamasir'ire ĩ roticĕumasire ĩnaro cĕrone masa jedirore ĩnare gotimasiĩuju. Tire ĩ gotiro bero, oveĵa joa ĩna sĕorere, ĩsopo vĕme cuti ruĵaju siatucĕari, vaibĕcĕrĕ cabra vĕme cutirĕ riare, ta vecu riare ĩna sĕiararĕ ri'ire juacĕari, oco rĕca ĩna vuorere yosemasiĩuju. To yicĕari, Dios ĩ rotimasire Moisĕs ĩ ucariĵotire vĕĵabate gumasiĩuju ĩ. To yicĕari, masa ĩajedirore quĕne to bajirone yimasiĩuju. ²⁰ To bajiro yicĕari, masare ado bajiro gotimasiĩuju ĩ: “Dios mĕare ĩ yiro-tisere cĕdiroti ĩnaja”, yimasiĩuju Moisĕs ĩamasir'i, mani ĩncĕare. ²¹ “Mani rĕca ĩagĕmi Dios” ĩna yirĕcĕbuorivire quĕne ri'ine vĕĵabate gumasiĩuju Moisĕs. To yicĕari, ti viaye ĩase jedirore, to bajiro yimasiĩuju. ²² To bajiro Dios ĩ rotimasire ĩajare, vaibĕcu ĩna sĕar'i ri'ine vĕĵabate gumasiĩujarĕ ĩna. To bajiro ĩna yibetijama, ĩnare ĩvariquĕnabetiborimi Dios. To bajirone

bajiyuja Cristore quēne. Īre ĩna sĭaro, ĩ ri'i ti budibetijama, "Rojose mani yisere masiriobetiborimi Dios", yimasijaja mani.

"Cristo ĩrijabosare s̄orine, 'Rojose mana ĩnaama' manire yĭĭaŋumi Dios", yire queti

²³ To bajiri, Diore yirĕcub̄oriavijũ ĩna sĭjaroto rĭjoro, ĩna rujure ĩna ye gajeyeuĭnre quēne, vaib̄ucurĭ ri'ine yayebate gurotiyujarĭ mani ĩnc̄ua. To bajiro yirotic̄ōari, sĭjarũgũmasiŋujarĭ ĩna. To bajiro ĩna yijama, ō vecajũ ĩna bajiroti ũnre yirĭ bajimasiŋujarĭ ĩna. To bajiboarine tojuama Dios ye masu ti ĩajare, vaib̄ucu ri'i ĩna yayebate gurotire ũnre yiro, rĕtoro quēnagũ ĩ rijabosare bojayuja. To bajiri, manire ĩ rijabosare ti ĩajare, "Rojose mana ĩnac̄ōari, Dios ya vijũ sĭjaruarĭja mani", yimasire ĩaja. ²⁴ Cristo, manire rijabosac̄ōari bero, tudicatic̄ōari, adi macaruc̄urojũ Diore rĕcub̄oruarĭ, masa ĩna buariavi mere, ō vecagavi Dios ya vijũare sĭjasuju Cristo. To bajiri, ti vijũ ĩnac̄ōari, "Quēnaro ĩato ĩna" yigũ, manire sēnibosac̄ōa ĩarũgũgũmi. ²⁵ Paia uju ĩnamasugũ adigodoagũma, tocĕrĕca cũmare cojojine, Dios ĩ ĩarisōa vĕme cuti sōare jĕjarũgũmasiŋuju, vaib̄ucu ĩ sĭar'i ri'ire "Masa rojose ĩna yisere masirioya Dios", ĩnare yibosagũ. To bajiboarine Cristojũama, ō vecajũ Dios ĩ ĩarøjũre ejac̄ōari, adigodoagũ paia uju ĩ yimasiriarore bajiro yirũ me, bajiyumi. Ī masu rujũ ri'i s̄orine yirĕtobosac̄ōari, Dios ĩarisōajure jĕjasuju. ²⁶ Adigodoagũ paia uju ĩnamasugũ tocĕrĕca cũmane "Masa rojose ĩna yisere, masirioya Dios", ĩnare yibosarũgũŋuju ĩ. Cristo quēne, paia uju ĩ yirũgũmasiriarore bajiro ĩ bajijama, adi macaruc̄uro Dios ĩ rujeorijũjũne, cojoi me manire rijabosac̄ōa s̄oadiborimi. To bajiro me bajiyumi Cristo. Cojojine manire rijabosayumi, "Rojose mana ĩnaama" manire Dios ĩ yĭarotire yigũ. ²⁷ Mani jediro cojojine bajirearona ĩaja mani. Mani bajirearo bero, ĩ tũjũ mani ejato, rojose yirĕre, to yic̄ōari quēnase yirĕre ĩabeseruc̄umi Dios. ²⁸ Cojojine manire ĩ rijabosare ĩajare, jĕjarĭ ĩaja mani rojose yibetiriarĕre bajiro bajirĕ. Quēna Cristo, ĩ tudiejajama, "Rojose mani yisere masirioato Dios" yigũ, me ejaruc̄umi. "Manire rijabosayumi" yitũoĭarĭjũare juaguagu bajiruc̄umi.

10

¹ Moisés ĩnamasir'ire Dios ĩ roticũmasirejuama, "Rojose ĩna yisere ĩnare masiriojeoruc̄uja yũ", ĩ yire me ĩaŋuja. Berojũ bajirotire baji rĭjoro cutise ĩaŋuja. To bajiro bajijare, tocĕrĕca cũmane vaib̄ucurĕre sĭac̄ōari, "Rojose yũ yisere yũare masirioato Dios" yirĭ ĩna soem̄orotiboajaquēne, "Rojose mana ĩnaama", ĩnare yĭĭabesuju Dios. ² Vaib̄ucurĭ ĩna soem̄orotise s̄orine, "Rojose mana ĩnaama" rĕmojũne Dios ĩ yĭĭac̄ōajama, "Tudi rojose yũ yisere masirioato Dios", yibetiboriarĕma. ³ Vaib̄ucurĭ rii ĩna soem̄orũgũse tocĕrĕca cũmane rojose ĩna yirũgũrere tũoĭarotire yiro bajaja. ⁴ Vaib̄ucurĭ rii ĩna soem̄osema rojose masa ĩna yisere, masiriose me ĩaja.

⁵ Vaib̄ucurĭ ri'i, ĩna soem̄oboajaquēne, rojose ĩna yisere Dios ĩ masiriobetijare, adi macaruc̄urojũre ĩ vadĭroto rĭjoro, ado bajiro Diore gotiyuju Cristo:

"Masa vaib̄ucu rii ĩna soem̄osere bojabeaja m̄ũ. To bajiri, 'Masare bajiro rujũ cutigũ ĩato' yigũ, yũre cōaĭa m̄ũ.

⁶ 'Rojose mani yisere masirioato Dios' yirĭ, vaib̄ucu rii ĩna soem̄orotiboasere quēne ĩavariquēnabeaja m̄ũ.

⁷ To bajiri, ado bajiro mure yaja yu: ‘Adone ñaja yu. Mu bojasere yiru masa taju vacu yaja. “To bajiro bajirucumi” mu ocare masa ina yuacatore bajirone yiru, bajiaja’”, Diore ire yiyuju Cristo, masare i rijabosarotire yigu.

⁸ Quēna, tirene mure gotiaja yu. “‘Rojose mani yisere masirioato Dios’ yirā, vaibucu rii ina soemnorotiboasere ñavariquēnabeaja mu, mu roticūcati ti ñaboajaquēne”, Diore yiyuju Cristo. ⁹ Quēna ado bajise yiyuju Cristo: “Mu bojasere yiru masa taju vacu yaja yu”, ñe yiyuju. To bajiro i yijama, ado bajiro ñe yigu yiyuju: “Tirūmuju Moisére mu roticūcatire yitajacōari, mamejare masa ina ajise sūori quēnaro ñare mu yibosarotire bojagu bajiaja yu”, ñe yiyuju. ¹⁰ To bajiri Dios i rotiriarore bajirone yigu, cojojine manire rijabosayumi. To bajiro i bajire ñajare, rojose mani yisere masiriocōari, “Rojose mana ñaama”, manire yīagūmi Dios.

¹¹ Jud'io masa, paia, tocārācarūmarine ña ye moare ñajare, “Rojose ña yisere masirioato Dios” yirā, cojoi me vaibucarā riire soemnorūgūrāma ña. To bajiro ña yiboajaquēne, rojose ña yisere, masiriose me ñaja. To bajiri rojose ña yisere masiriobecumi Dios. ¹² Jesucristo, cojojine manire rijabosacōari bero, rojose mani yisere yirētosajeocōagū ñari, Dios i rotināroju rūcūboriājure rujiyuju i. ¹³ “Mure terā ñajediro rotigu ñarucūja mu”, yiyuju Dios. To bajiri, “To bajiro yirucūja” Dios i yirere yuñagūmi Cristo. ¹⁴ To bajiri, Cristo cojojine manire i rijabosare ñajare, “Rojose mana ñaama”, manire yīagūmi Dios. To bajiro i yijare, “Ñajediro rojose mani yirere, mani yiretore quēne, manire yirētosajeocōañumi Cristo”, yimasaja mani. ¹⁵ Dios ocare masa ña ucamasire sūorine ado bajise manire gotiami Esp'iritu Santo:

¹⁶ “To bajiri, ñare mame yu vasoaroti, ado bajiro bajirūaroja: “Yu masise sūorine yu rotisere tuoīamasirūarāma”, ñare yirucūja yu. To bajiro yu yisere bojarā ñari, quēnaro yirūgūrūarāma’, yami Dios mani ũju.

¹⁷ “Ñare ñamaicōari, rojose ña yisere yu masiriojama, “Rojose yiriarā ñaama”, juaji ñare yitūoīabetirucūja yu’, yami Dios”, yigotiaja Dios ocare masa ña ucamasire.

¹⁸ To bajiri rojose mani yisere Cristo manire i yirētosajeore ti ñajare, rojose mani yisere tuditūoīabetirucūmi Dios. To bajiri, no yirā vaibucu riire soemnomenaja mani.

“Diore quēnaro ajitirūnūgūrūarāja mani”, yire queti

¹⁹ To bajiri, Jesús, manire rijabosacōari, rojose mani yisere yirētosar'i ñari, ō vecaju manire sēnibosa ñagūmi. To bajiri gūimenane Diore sēnito mani. ²⁰ Tirūmujama Diore yirucūboriaviju sudigasero yotoriaro ñañuju ti, “ ‘Dios i ñarisōa’ vāme cuti sōare jājamasibeama masa” yīoriju. To bajiro ti bajijare, ña masune Diore sēnimasimena ñari, paia ũju i sēnibasere bojarūgūmasiñujarā ña. Yucurema Cristo manire i rijabosare ti ñajare, no mani bojarijane mani masune Diore sēnimasaja mani. ²¹ Cristo sīgūne ñagūmi ñamasugū manire sēnibosagu. To bajiro yīagūmi ō vecaju Dios ya viju ñacōari. ²² To bajiri, tocārācājine, “I bojarore bajirone yirūaja” yirā, Diore sēnirūgūrūarāja mani. “Cristo sūorine manire ñavariquēnagūmi Dios” yitūoīa tujamenane ñe sēnirūgūrūarāja mani. To bajiro ñe yisēnirāne, “Rojose ñaja manire”, yitūoīabetirūarāja mani, Dios, “Rojose mana ñaama” manire i yīañajare. “Manire rijabosayumi Jesús” yirā, oco rāca ña bautizacana ñaja mani. ²³ Cristo oca mani buesūocatire

ajitirūnu tujabetiruarāja mani. “Quēnaro mware yirucuja” Dios manire ī yirere tuoīatujabetiruarāja mani, “Yirucuja” ī yirore bajiro yigu ī ñajare. ²⁴ Mani rācanare ĩamaicōari, quēnaro gotiruarāja mani, “Īna quēne gājerāre ĩamaicōari, variquēnase rāca ĩnare ejarēmoato” yirā. ²⁵ Cristore ajitirūnurā ñari, rējarūgūroti ñaja, manire. Gājerā rējarūgūboariarā ĩna rējatujarore bajiro bajibetiroti ñaja, manire. Rējacōari, “Cristore ĩre ajitirūnu tujamenasa” yirā, quēnaro gāmerā gotirūgūruarāja mani, “Yoaro me ejaruaroja rojose yirāre Dios ĩ ĩabeserirūmu” yimasirā ñari.

²⁶ Cristo ocare masiriarā ñaboarine, tire ajitirūnu tujacōari, rojosejware mani yicōa ñajama, manire yirētosabetirucumi Cristo. ²⁷ To bajiri, rojose manire ī yirotire tuoīagūirā rīne, Dios masare ĩ ĩabeserirūmu ti ejaro, “Yua uju me ñaja mu” ĩre yirā rāca rojose tāmtoūjabetiriaroju vaborāja mani. ²⁸ Tirāmaju Dios ĩ rotimasirere sīgū tire ĩ cudibetijama, ado bajiro bajimasiñuju: Juarā ñacōari, “Rojose yimi” ĩre yirā ĩna ñajama, ĩre ĩamaimenane, Dios ĩ rotiriarore bajirone yirā, ĩre sīamasiñujarā ĩna. ²⁹ To bajiro bajimasire ti ñajare, yucurema mame ĩ vasoarere ajitirūnuriarā ñaboarine, “Dios macu me ñarimi Jesús; manire rijabosabetirimi” ĩna yijama, ĩnare maigū Espiritu Santore rojose ñagōrā yirāma. To bajiri buto rojose tāmtoūruarāma. “Manire rijabosabetirimi Jesús” ĩna yise ti ñaboajaquēne, ĩ rijabosare suorine, “Rojose ĩna yisere masiriocōari, quēnaro yirucuja yu” masare Dios ĩ yimasiriarore bajirone bajiyuja. ³⁰ Rojose ĩna yise vaja buto rojose ĩna tāmtoūrotire masiaja mani, Dios ado bajiro ĩ gotirere masa ĩna ucamasire ti ñajare: “Yue ñaja masa rojose ĩna yise vaja rojose ĩnare yirocu. Yu sīgūne riojo tire yimasīgū ñaja yu”, yigotiaja. Gajeye quēne, ado bajise gotimasiñumi Dios: “Yu ñaja yu yarā rojose ĩna yijama, ĩnare rojose yirocu”, yigotimasiñumi Dios. ³¹ Caticōa ñarūgūrocu, Dios, rojose yirāre ĩajūnisinicōari, rojose ĩnare ĩ yiroti, gūiose masu ñaruaroja ti.

³² Dios ĩ ejarēmose rāca Cristore mua ajitirūnu suocatiore tuoīamasiña mua. ĩre ajitirūnurā mua ñajare, gājerā cojopi me mware rojose yicama ĩna. To bajiro mware ĩna yiboajaquēne, ĩre ajitirūnucōa ñarūgūcaju mua. ³³ Masa ĩna ĩaro rījoroju mware ajatud'icama ĩna. To yicōari, mua babarāre ĩna ajatud'iro ĩacōari, “Yua rācana ñaama”, ĩnare yīamaicaju mua. ³⁴ Cristore ajitirūnurāre ĩna tubiberiarāre quēne, “Yua rācana ñaama”, ĩnare yīamaicaju mua. To bajiro yirā mua ñajare, rojose mware yicama gājerā. Cristore ajitirūnucana mua ñajare, gājerā mua tujū ejacōari, mua gajeyeūnire ēmacama ĩna. To ĩna yiboajaquēne, Cristore ajitirūnurā ñari, “Dios ĩ gotiriarore bajirone, ĩna ēmase rētoro quēnase ñacōa ñarotire bujaruarāja mani, Dios ĩ ñarōju”, yivariquēnacaju mua. ³⁵ To bajiro mua yituoīacatore bajirone bajiruaroja. To bajiri, Cristore ĩre ajitirūnu tujabetiruarāja mua. ³⁶ Rojose tāmtoūboarine, ĩre ajitirūnucōa ñaña mua. To bajiro mua bajijama, Dios ĩ bojarore bajiro yiriarā mua ñajare, Dios ĩ gotiriarore bajirone o vecaju quēnaro mware yirucumi. ³⁷ To bajiro bajiro ti ñajare, ado bajiro gotiaja Dios ocare masa ĩna ucamasire:

“Yu cōarocu Cristo yoaro meaca ejarucumi. ‘To cōrone ejarucuja mu’ yu yirocatorore bajirone ejarucumi.

³⁸ ‘Rojose magū ñaami’ yu yīavariquēnagū, ‘Ī yirore bajiro yigu ñagūmi’ yue yituoīagū ñari, bajirocacōari bero yu tujū quēnaro ñacōa ñarūgūrocu ñagūmi. To bajlboarine, yue ajitirūnu tujagurema, ĩre ĩaquēnabetirucuja yu”, yigotiaja Dios ocare masa ĩna ucamasire.

39 To bajise Dios i gotimasire ti ñaboajaquêne, manijama, Cristore Ìre ajitirãna tajarona me ñaja mani. To bajiri, “Manire rijabosayumi Cristo” yituoïarã ñari, rojose tãmuotujabetiriaroju vabeticõari, Dios tuju quênaro ñacõa ñarügürona ñaja mani.

11

Diore mani ajitirãna tujabetiroti queti

1 “Ì yimore bajiro yigu ñagãmi” Diore Ìre mani yituoïajama, ado bajiro bajiaja: “Mũare Ìsirũcũja yũ” manire ijijama, “Bũjarũarãja mani”, yituoïaroti ñaja. “To bajiro masu bajiaja” Dios ijijama, maji tire Ìabetiboarine, “To bajirone bajiroja”, yituoïaja mani. 2 Mani ñicua to bajiro Diore Ìna tuoïajare, Ìnare Ìavariquênamasifũmi Dios.

3 “Ì yimore bajiro yigu ñagãmi” Diore Ìre yituoïarã ñari, ado bajise yimasiaja mani: “Ruyuyaya’ Dios i yimore bajirone bajimasiñuju, adi macarũcũroaye, õ vecaye quêne”, yimasiaja mani. To bajiro i yire ti ñajare, i rujeoroto rijorojuma, manirügũmasirere Ìarügũaja mani, adi macarũcũro ñasere.

4 “Ì yimore bajiro yigu ñagãmi”, Diore Ìre yituoïagũ ñamasifũju mani ñicu Abel ñamasir’i. To bajiro Diore tuoïagũ ñari, Ìre rũcũbuogu, Dios i bojarore bajiro yigu, vaibũcũre soemnomasiñuju. To bajiro i yijama, i gagũ Ca’ìn rëtoro quênaro Diore rũcũbuogu yimasiñuju. To bajiri, Diojuma, “Rojose magũ ñaami”, Ìre yilamasifũju Dios. Abel ñamasir’i tirũmuju i bajirocare ti ñaboajaquêne, i yimasiriarore bajiro mani quêne Diore mani rũcũbuorũajama, Dios i bojarore bajiro yirũcũbuoroti ñaja manire.

5 “Ì yimore bajiro yigu ñagãmi”, Diore Ìre yituoïagũ ñamasifũju Enoc ñamasir’i quêne. To bajiro Diore tuoïagũ i ñajare, “Yũ bojarore bajiro yigu ñaami” Ìre yilavariquênagũ ñari, i bajirocabetone, Ìre ãmicoamasiñuju Dios. To bajiri, Ìre bũjabetimasiñujarã masa. To bajirone gotiaja Dios ocare masa Ìna ucamasire. 6 Ado bajiro tuoïarã ñari, Diore sënijaja mani: “Dios ñagãmi” yimasicõari, “Yũre ejarëmoña’ Ìre yisënrãre quênaro yami” yituoïarã ñari, sënijaja mani. To bajiro mani yijama, “Ì yimore bajiro yigu ñagãmi” Diore yirã yaja. “Ì yimore bajiro yigu ñagãmi” Diore Ìre mani yituoïabetijama, manire Ìavariquênabecũmi Dios.

7 “Ì yimore bajiro yigu ñagãmi”, Diore Ìre yituoïagũ ñamasifũju Noé ñamasir’i quêne. Ado bajiro Ìre yimasiñuju Dios: “Masa ñajedirore ruureajeocõarũcũja yũ. To bajiri, cũmua jairica quënoña mũ, ‘Rujarobe’ yigu”, Ìre yimasiñuju Dios. To bajiro i yijare, bajirotire masibetiboarine, “Ì yimore bajiro yigu ñagãmi” Diore Ìre yituoïagũ ñari, i gotirore bajirone yigu, cũmua jairicare quënomasiñuju Noé. To bajiri i yarã rãca Noé i rujaborotire Ìnare yirëtobosamasiñuju Dios. To bajiboarine, gãjerãrema i rãcana ñaboariarãre, “Ì yimore bajiro yigu ñagãmi Dios” yituoïamena Ìna ñajare, Ìnare yirëtobosabetimasiñuju Dios. Noéjuarema, “Ì yimore bajiro yigu ñagãmi” yure yituoïagũ i ñajare, “Yũ Ìavariquênarã rãcagu ñaami, i quêne”, Noé Ìre yimasiñuju Dios.

8 “Ì yimore bajiro yigu ñagãmi”, Diore Ìre yituoïagũ ñamasifũju Abraham quêne. To bajiri, “Mũ ñarimacare to cõrone vaveoya mũ. Mũ ñaroti sitare mũre ãjorũcũja yũ”, Ìre yimasiñuju Dios. “Ì yimore bajiro yigu ñagãmi” Diore Ìre yituoïagũ ñari, Dios i rotisere ajicõari, vacoamasiñuju Ì, i ñarotire masibetiboarine. 9 Gãjerã ye sita ti ñaboajaquêne, “Adi sita mũre ãjorũcũja”

Dios ĩre ĩ yire ñajare, “Ī yirore bajiro yigũ ñagũmi” Diore ĩre yitũoĩagũ ñari, cojojũ me viriaca buacõari, ñacudirũgũmasiñuju Abraham. Ī bajimasiriarore bajirone ñacudimasiñujarã ĩ macũ Isaac, ĩ jãnami Jacob quẽne “Adi sita muare ujojũcũja yũ” Dios ĩnare ĩ yire ñajare. ¹⁰ To bajiboarine, variquẽnagũ ñacudimasiñuju Abraham, “Õ vecajũ Dios ĩ quẽnorĩa macare quẽnaro ñacõa ñarũgũrucũja yũ” yitũoĩagũ ñari.

¹¹ To bajicõari, Abraham manajo Sara, bucuo rĩa magõ ñamasĩñuju so. Ī quẽne bucu ñamasĩñuju. To bajiboarine, “Ī goticatore bajirone yirucumi Dios” yitũoĩagũ ñari, Dios ĩ ejarẽmojare, macũ cutimasiñujarã ĩna. ¹² To bajiri, “Bucũacoar'i ñaboarine, macũ cuticõari, jãjarã jãnerabatia cutirocu ñamasĩñumi. Jãjarã ñocoa ñarãre, mani cõĩajeobetore bajiro, to yicõari, jare mani cõĩajeobetore bajiro jãjarã jãnerabatia cutirocu ñamasĩñumi Abraham”, yimasijaia mani.

¹³ Abraham, Isaac, Jacob quẽne, “Ī yirore bajiro yigũ ñagũmi”, Diore ĩre yitũoĩariarã ñamasĩñujarã ĩna, ĩna catiñaro cõrone. Dios ĩ gotiriarore bajiro ĩnare ĩ yibetibojaquẽne, “Ī yirore bajiro yigũ ñagũmi”, ĩre yitũoĩacõa ñamasĩñujarã ĩna. “Yũ bajirocaro berojũ yũre ĩ goticatore bajirone yũre yirucumi”, yitũoĩarã ñamasĩñujarã ĩna. To bajiro bajirã ñari, “Muare ujojũcũja yũ” Dios ĩ yire sitajũ ñacudiñarã, ti sitanare ado bajise ĩnare gotimasiñujarã ĩna: “Adi sitajũre yoaro ñabetiruarãja yũ”, ĩnare yigotimasiñujarã ĩna. ¹⁴ To bajise ĩna yijama, “Gajeye sita ĩna ñacõa ñarotire tũoĩarã yiriarãma ĩna”, yimasijaia mani. ¹⁵ ĩna vadiveoria sitare tũoĩarã ĩna yijama, quẽna ti sitajũre ñarã, tudicoaboriarãma ĩna. ¹⁶ To bajiro ĩna tũoĩajama, ĩna vadiveoria sita tũoĩarã me yiyuma. ĩna vadiveoria sita rẽtoro quẽnari sita õ vecajũ Dios ĩ ñaroju varũa tũoĩarã yimasĩñujarã ĩna. To bajiro tũoĩarã ĩna ñajare, “Yũne ñaja ĩna rucũbuogu; yũ yarã ñaama ĩna”, yivariquẽnamasiñuju Dios. To bajiro yigũ ñari, ĩna ñaroti macare ĩnare quẽnobosayumi.

¹⁷⁻¹⁸ “¿‘Socũ mene ĩ yirore bajiro yigũ ñagũmi’ yũre yitũoĩagũ ñati?” yimasirũ, ĩre rucũbuorã, vaibucure ĩna soemũoriarore bajiro yigũ, ĩ macũ sũgũ ñagũre sũarotimasiñuju Dios. “Isaac suori jãjarã jãnerabatia cutirucũja mu” Dios ĩ yire ti ñabojaquẽne, “Mu rotisere yibetirucũja”, yitũoĩabetimasiñuju. ¹⁹ “Bajireariarãre ĩnare tudicatiomasigũ ñagũmi Dios” yitũoĩagũ ñari, “Yũ macure yũ siacõajaquẽne, catiocõarucumi” yitũoĩagũ ñari, ĩre ĩ siagũadijũne, “Īre siãbeticõaña” Dios ĩ yijare, ĩre siãbetimasiñuju. To bajiro ĩ yire ti ñajare, “Rijacoaboarine, tudicatigũre bajiro ĩre ĩamasĩñuju Abraham”, yimasijaia mani.

²⁰ “Ī yirore bajiro yigũ ñagũmi”, Diore ĩre yitũoĩagũ ñamasĩñuju Isaac ñamasir'i quẽne. To bajiro Diore tũoĩagũ ñari, ĩ rĩare ado bajiro ĩnare gotimasiñuju, Jacob, Esaũre quẽne: “Ī gotiriarore bajirone quẽnaro muare yirucumi Dios”, yimasĩñuju.

²¹ “Ī yirore bajiro yigũ ñagũmi”, Diore ĩre yitũoĩagũ ñamasĩñuju Jacob ñamasir'i quẽne. To bajiro Diore tũoĩagũ ñari, ĩ bajirocaroto rĩjoro, ĩ macũ José rĩare, “Quẽnaro muare yirucumi Dios”, ĩnare yimasĩñuju ĩ. Bucũ ñari, rũgõĩmabetiar'i ñaboarine, ĩ tueriũ suorine vãmũrũgõcõari, Diore rucũbuomasĩñuju ĩ.

²² “Ī yirore bajiro yigũ ñagũmi”, Diore ĩre yitũoĩagũ ñamasĩñuju José ñamasir'i quẽne. To bajiro Diore tũoĩagũ ñari, ĩ bajirocaroto rĩjoro, ĩ yarãre Israel ñamasir'i jãnerabatiare ado bajiro ĩnare gotimasiñuju: “Adi sita Egipto

sitare vaveoruarāma ĩna, mua jānerabatia. ĩna vajama, yu gōare juacōari, Canaán vāme cuti sitaju yujeruarāma ĩna”, yimasiñuju.

²³ “Ī yirore bajiro yigu ñagūmi”, Diore ĩre yituoĭarā ñamasinujarā Moisés ñamasir'i jacu, ĩ jaco quēne. To bajiro Diore tuoĭarā ñari, Moisés ĩ ruyuario bero, idiarā muijua ĩre yayiocuomasiñujarā ĩna, “Quēnagūaca sūcare manire ĩsiami Dios” yirā. To bajiri egipcio masa uju, Israel ñamasir'i jānerabatiare ĩnamasa ũmuare ĩ sĭarotiboajuquēne, ĩre gūimena ñari, ĩ rotirore bajiro yibetimasinujarā ĩna.

²⁴ “Yirucuja” ĩ yirore bajiro yigu ñagūmi”, Diore ĩre yituoĭagū ñamasinuju Moisés ñamasir'i quēne. To bajiro tuoĭagū ñari, bucucacu, Egipto sita uju maco so masor'i ñaboarine, “Egipcio masure bajiro bajigu ñaami” masa ĩna yirucubosere bojabetimasinuju Moisés. ²⁵ Ado bajiro tuoĭagū ñari, tire bojabetimasinuju ĩ: “Adi macarucuroju yu catiñaro cōro egipcio masa rāca yu bojarore bajiro yu yijama, yu rijato beroju quēnabetoja ti. To bajiri Israel ñamasir'i jānerabatia Dios yarā rāca baba cutirucuja yu, egipcio masa yure quēne rojose ĩna yiroti ti ñaboajuquēne”, yimasiñuju Moisés ñamasir'i. ²⁶ Ado bajiro tuoĭagū ñari, to bajiro yimasiñuju Moisés: “Egipto sitana ĩna cuose jairo vaja cuti rētoro ñamasuse ñaja, Cristo ĩ ejaroti Israel ñamasir'i jānerabatia ĩna gotisejuama”, yituoĭacōamasinuju. To bajiri, “ĩna rāca yu ñajare, egipcio masa rojose yure ĩna yiboajuquēne, quēnacōaruaroja”, yituoĭacōamasinuju Moisés. To bajiro ĩ tuoĭajama, ĩ rijato bero, “Cristo suorine quēnaro yure yirucumi Dios” yituoĭagū yimasiñuju.

²⁷ Egipcio masa uju ĩ jūnisiniser gūigu me, ti sitare vaveomasinuju Moisés. “Ī yirore bajiro yigu ñagūmi Dios” yituoĭagū ñari, Diore ĩre ĩabetiboarine, ĩ bojarore bajiro ĩ yirotire masicōari, vacomasinuju. ²⁸ “Ī yirore bajiro yigu ñagūmi Dios” yituoĭagū ñari, Israel ñamasir'i jānerabatiare “Dios ĩ rotirore bajiro Pascua boserūmu yito mani” yigu, oveja sĭar'i ri'ire cojovi ruyabeto sojerire turotimasinuju. Tire ĩamasicōari, Israel ñamasir'i jānerabatia ĩna rĭa cutisuoĭarāre “Dios ĩ cōagū ángel, sĭagū sĭajabeticōato” yigu, yimasiñuju Moisés ñamasir'i.

²⁹ “Ī yirore bajiro yigu ñagūmi Dios”, yituoĭarā ñamasinujarā Israel ñamasir'i jānerabatia quēne. To bajiro Diore tuoĭarā ñari, Diore ajitirūnacōari, moa riaga Oco Sūarisa vāme cutiyare jēamasinujarā. Dios ĩ masise suorĭ “Riagare jēato” yigu, oco mano ĩ yibosajare, carari maare jēamasinujarā ĩna. To bajicōari, egipcio masa ĩnare tuoĭuarā, suyajēamasiboayujarā. ĩna jēaejabetone, ruureacōamasinuju Dios.

³⁰ To bajiro ĩna bajimasiriaro bero, Israel ñamasir'i jānerabatia Jericó vāme cuti macare ēmaruarā, ti macare ĩna matariacāni suyarojuare ejacōari, cojomo cōro juā jēnituarirācarūmuri rĭja gānĭbiarūgūmasinujarā ĩna. To bajiro ĩna bajirone, “Ī yirore bajiro yigu ñagūmi Dios” yituoĭarā ĩna ñajare, ti maca matariacāni cague vējacoamasinuju ti. ³¹ Ti macago Rahab vāme cutigo, ũmuare ajeriarā cuticōari, vaja sēnigō ñaboarine, “Ī yirore bajiro yigu ñagūmi Dios”, yituoĭagō ñamasinuju so. To bajiri Israel ñamasir'i jānerabatia juarā ĩarudirimasa ejarāre quēnaro ĩnare yimasiñuju so. Quēnaro ĩnare yirio ñari, so ya macana Diore ajirucubobetiriarā rāca rijabetimasinuju.

³² Jēre jairo muare gotibu yu. Tire bajiro Diore tuoĭamasiriarā jediro ĩna bajimasirere yu ucajama, yoaro ucaboguja yu. Gedeón, Barac, Sansón, Jefté, David, Samuel, to yicōari, Diore gotirētobosariarā jediro

Īna bajimasirere quēne ucaboguĵa yu. ³³ Īna quēne, “Ī yirore bajiro yigu űagūmi Dios” yituoĭarā űari, gaje sitana rāca Īna gāmerā sĭajama, Īnajua rĭne, Īnare sĭacōarūgūmasiűujarā Īna. Gājerāma, quēnaro masare rotimasĭűujarā Īna, Īna yarāre, “Quēnaro gāmerā yato” yirā. Gājerāma, rojose tāmĵorā űari, “Yuare ejarēmoĭna” yirā, Diore sēnimasiűujarā Īna. To Īna yĭjare, ĭ gotiriarore bajirone Īnare ejarēmomasiűuju Dios. Gājerārema, “Ī yirore bajiro yigu űagūmi” Diore Īna yituoĭajare, “Yaia, león vāme cutĭrā Īnare babeticōato”, yiyumi Dios. ³⁴ Gājerāma, jeame bato űjuroju Īna reatĭariarā űaboarine, űabetimasiűujarā. Gājerāma, Īnare ĩaterimasa jariaseri rāca Īna sĭaruasere ĩacōari, rudimasiűujarā. Gājerāma, tĭmabetiboariarāne, Dios Īnare ĩ ejarēmojare, tĭmarā űacoasujarā Īna. To bajiri, Īnare ĩaterā sĭarā ejarāre Īnajua rĭne sĭareacōarūgūmasiűujarā. ³⁵ Rōmia quēne, “Ī yirore bajiro yigu űagūmi” Diore ĩre yituoĭarā űari, bajireacoanare Dios ĩ masise sĵori ĩ catorāre yarā cutĭyujarā.

Gājerāma, “Ī yirore bajiro yigu űagūmi Dios” yituoĭarā, ado bajiro bajiyujarā: Īnare ĩaterimasa Īnare űejecōari, “Dios ocare mĵ ajitirĭnĭ tĭjabetĭjama, mĵre sĭarĵarāja yĵa”, Īnare yĭgotiyujarā Īna. To bajiro Īna yĭboajaquēne, “Ī yirore bajiro yigu űagūmi Dios” yirā, Īnare gūimenane, ado bajiro tuoĭaűujarā Īna: “Īna sĭacōajaquēne, tudicaticōari, Dios tĭju rētoro quēnaro űarĵarāja mani”, yituoĭamasiűujarā Īna. To bajiro yirā Īna űajare, Īnare sĭacōaűujarā. ³⁶ Gājerā quēne, “Ī yirore bajiro yigu űagūmi Dios” yituoĭarā űari, ado bajiro rojose tāmĵoűujarā Īna: Īnare ajatud'icōari, Īnare bajeyujarā. Gājerārema, Īna āmorĭju cōmemarine sĭacōari, tubibecūűujarā Īna. ³⁷ Gājerārema, gūtane Īnare reasĭaűujarā. Gājerārema, Īna ruju gudarecone yĭjetasĭacōaűujarā. Gājerārema, jariaseri rāca Īnare saresĭacōaűujarā Īna. Gājerāma, sudi manĭjare, vaibucĵasene sāűaűujarā. To bajicōari Īna űaroti maca bĭjamenane, maioro rojose yĭecocudirūgūűujarā Īna. ³⁸ “Ī yirore bajiro yigu űagūmi Dios”, yituoĭarā űaűujarā Īna. Dios ĩ ĩamairā űaboarine, gājerā Īna ĩaterā űari, Īna űaroti bĭjamenane masa manojĭ, gūtayucĵri vatoajĭ gūtavirĭju űacudiyujarā Īna.

³⁹ Rojose tāmĵorĭarā mĵare yu gotirā, jediro űaűujarā “Ī yirore bajiro yigu űagūmi Dios” yituoĭariarā. To bajiro Diore tuoĭarā űari, “Manire ĩavariquēnagūmi Dios”, yituoĭaűujarā Īna. To bajise tuoĭarā űaboarine, niĵuane “Quēnaro yĭrcĵja yĵ” Dios ĩ yĭrere yĭcobesuma majĭ. ⁴⁰ Īna tuoĭase rētoro quēnase ĩ yĭrcĵjare, to bajiro bajiyuma majĭ. To bajiri, yucĵrema, mame Dios ĩ vasoase űajare, Īnare, manire quēne, “Rojose mana űaama”, yĭűagūmi Dios.

12

“Cristore ajitirĭnĭcōa űarūgūrcĵarāja mani”, yire queti

¹ To bajiro mani űicĵa Īna bajirere mani ajĭjama, “Ī yirore bajiro yigu űagūmi” Diore ĩre yituoĭacōari, quēnaro ĩre ajitirĭnĭűuma Īna”, yĭmasĭaja mani. To bajiri josase tĭ űaboajaquēne, mani quēne, Diore ajitirĭnĭ tĭjabeticōato mani. Mani tĵana rojose manire Īna yĭrotĭjama, Īnare cĵdĭbetĭrcĵarāja mani, “Īna sĵori Dios ĩ bojabeti yĭrobe” yirā. Jesucristo, adigodoju űagū Diore ĩ ajitirĭnĭriarore bajiro mani quēne Diore ajitirĭnĭcōa űarūgūrcĵarāja. ² Cristore tuoĭatĭjabetĭrotĭ űaja manire. ĩne űaami mani tuoĭamasĭrotire cōagū. To bajiri, manire ĩ ejarēmojare, “Ī

yirore bajiro yigu ñagūmi Dios”, yituoīa tujabeaja mani. Yucátēroju masa ĩre ĩna jajuturo, buto rojose tāmūogū ñaboarine, Dios tujū quēnaro ĩ ñarotijūare tuoīagū ñari, ĩre ĩna yirotere, “Yibeticōato”, yibesumi. To bajiri manire rijabosacōari, yucurema, ō vechajū Dios ĩ rotīñaroju ĩ riojojacatua rūcubūoriajūre rujigu ñagūmi.

³ Jesús adigodogu ĩ ñaro, buto rojose ĩre ĩna yiboajaquēne, quēnasejuare yicōa ñañumi. To bajiri mani quēne, rojose tāmūorā ñaboarine, quejemenane, quēnasejuare yicōa ñarūgūroti ñaja. ⁴ Jesucristo rojose ĩ tāmūoriarore bajiro tāmūomenaja mua maji. To bajiri, rojose tāmūorā ñaboarine, ñacōarāja mua. ⁵ Diore ajitirūnarā ñari, ĩ rīare bajiro bajirāre, “Rojose tāmūorā ñaboarine, ‘ĩ yirore bajiro yigu ñagūmi’ yūre yituoīa tujabeticōato ĩna” yigu, mūare gotimasioñumi. Tire masiritirāja mua. Ado bajise gotiaja ti Dios ocare masa ĩna ucamasire:

“Масу, ‘Ado bajirojua yiya’, mūre yū yisere ajitebesa. Rojose tāmūogū ñaboarine, yū bojarore bajiro yicōa ñañ.

⁶ Yūne ĩna jacure bajiro bajigu ñari, yū mairāre, ‘Ado bajirojua mua yijama, quēnarūaroja’ ĩnare yirūgūaja yū”, yigotiaja Dios ocare masa ĩna ucamasire.

⁷ To bajiri, rojose tāmūoboarine, “ĩ yirore bajiro yigu ñagūmi Dios”, yituoīa tujabesa mua. Rojose mua tāmūose suorine quēnaro mūare ĩ yirotere masiogū yigūmi Dios. Sigū ĩ rīare ĩ gotimasiorore bajiro yigu, yigūmi Dios, “Yū bojarore bajiro yirā ñato” yigu. Rīa cutirā jedirone, ĩna rīare gotirūgūrāma. ⁸ To bajiri, Dios quēne, “Yūre ajitirūnarā ñari, yū rīare bajiro bajirā ñaama” yigu, ĩnare gotimasiorūgūami Dios. To bajiro mūare Dios ĩ yibetijama, jacū manare bajiro ñaborāja mua. ⁹ Mani jacua, manire ĩna yirere tuoīato mani. Rīamasaca mani ñaro rojose mani yijare rojose manire yiriarāma ĩna, “Yūa bojarore bajiro yirā ñato” yirā. To ĩna yirore ajirūcubūoriarāja mani. To bajiri Dios quēne, “Yūre bajiro quēnaro yirā ñato” yigu, rojose mani yijare, rojose manire ĩ yijama, butobusa ĩre ajirūcubūoroti ñaja manire. ĩre mani ajirūcubūojama, mani rijato bero, tudicaticōari, ĩ rāca quēnaro ñacōa ñarūgūrūarāja mani. ¹⁰ Mani jacua, ĩna gotimasiojama, ĩna yimasiro cōro manire gotimasioriarāma ĩna. Diojūama, masijeogu ñari, “Ado bajirojua ĩna yijama, quēnaja”, yimasigū ñagūmi. To bajiro yigu ĩ ñajare, yucurema rojose tāmūoboarine, quēnaro ĩre mani ajirūcubūo tujabetijama, ĩre bajiro quēnaro yirā ñarūarāja mani. ¹¹ Rojose mani yise vaja “Rojose tāmūoato ĩna” yigu, Dios rojose manire ĩ yijama, sutiritirāja mani. Rojose mani tāmūosere tuoīacōari, “Ado bajise manire yimasioyū yigūmi Dios” mani yituoīamasijama, ĩ bojarore bajiro yiroti ñaja. To bajiro mani yijama, quēnaro ñarūarāja mani.

“Dios ocare mani ajitirūnū tujajama, gūiose ñaja”, yire queti

¹² To bajiri, “Dios manire ĩ gotiriarore bajirone quēnaro yirūcūmi” mua yituoīa suocatore bajiro yituoīaña mua quēna. Tire tuoīacōari, mua yimasiro cōrone Diore quēnaro ĩre ajitirūnaña mua, “Ñajediro Dios ĩ gotiriarore bajirone quēnaro manire yato” yirā. ¹³ To bajiri, Dios ĩ bojasere yirūarā, quēnaro tuoīaña mua. Quēnaro tuoīacōari, ĩ bojarore bajiro mua yijama, mua barbarā quēne Cristore butobusa ajitirūnarūarāma ĩna.

¹⁴ Mua jediro, quēnaro gāmerā yirūgūrūarāja mua, “Quēnaro ñacōari, butobusa Dios ĩ bojarore bajiro yirā ñato mani” yirā. To bajiro mua yibetijama, Diorāca quēnaro ñabetirūarāja. ¹⁵ Mua rācana ñajedirore quēnaro

ejarēmōrūgūrāraja m̄a, “Cristo suorī Dios quēnaro manire ī yisere, ‘Socase n̄aja’ yituoīaroma īna” yirā. Socase yigū ī n̄ajama, “Ī suorine Dios ocare ajitirānū tujacōari, ījuare ajisuyaroma” yirā, quēnaro gāmerā ejarēmōrūgūña. ¹⁶ To yicōari, “Gāmerā ajeriarā cutiroma” yirā, m̄a rācanare quēnaro gotiruarāja m̄a. Esau n̄amasir’ire bajiro yibeticōaīna m̄a. Ī gagū n̄aboarine, bare barune, “Yure m̄u ecajama, m̄u bedire bajiro bajirucūja yu”, ĩre yimasīñuju. To yicōari, “Mani jacū ī rijaroto rījoro, ‘Yu macu n̄asūogu n̄aami’ ī yirocū n̄arucūja m̄u. To ī yirocū n̄ari, ‘Quēnaro yirucūja’ Dios ī yirere yiecorocū n̄arucūja m̄u”, yimasīñuju Esau, ĩ bedire. ¹⁷ “Dios ocare ajirucūb̄obecū n̄añumi”, ĩre yimasīaja mani, ado bajiro īna bajimasire n̄ajare: Ī jacū ī bajirocaroto rījoro, “Ī gagū n̄aja m̄u. To bajiri quēnaro m̄are yirucūmi Dios”, ĩ jacū ī yisere ajirūamasiboayuju Esau. “Jere m̄u bedijuare gotiyuja yu” ī yisere ajicōari, b̄uto otiboarine, “Quēnaro yirucūja” Dios ī yirere b̄ujabetimasīñuju Esau.

¹⁸ To bajiri, mame Dios ī vasoasere ajirucūb̄orā n̄ari, m̄uama, mani n̄icua īna īmasire ūnire īabesuja m̄a. Īnama, gūtaujū n̄acudir’i Moisés ī rojae-jaro bero, gūtaū ti ūjuserē īañuma. To bajicōari ti buesene rētiacōamasiñuju. B̄uto b̄ujo quēne jamasiñuju. To bajicōari, mino b̄uto vamasiñuju. ¹⁹ To bajiro ti bajirone, jutiria trompeta vāme cutia b̄usisere ajicōari, b̄uto gūimasiñujarā īna. To bajicōari, Dios ī ocaruyusere ajimasiñujarā īna. Tire ajigūicōari, to cōrone ĩ n̄agōt̄ujasere bojamasīñujarā īna. ²⁰ Dios ī rotirere no bajiro yimasibetica yirā, “To cōrone n̄agōt̄ujato”, ĩre yimasīñujarā. Ado bajiro ĩnare rotimasīñuju Dios: “Sīgū masu, to yicōari, vaib̄ucū ūgū quēne gūtaure ī cudajama, gūtane reasiacōaroti n̄aja”, yimasīñuju. ²¹ Īna īmasire b̄uto gūiose ti n̄ajare, Moisés n̄amasir’i quēne, “Gūigu, nanaja yu”, yimasīñuju.

²² Mani n̄icua īna bajimasiriarore bajiro bajirā me n̄aja m̄uama. To bajiri, ō vecajū n̄aricū gūtaū joeju n̄arimaca Jerusalén vāme cuti macajū Dios n̄acōa n̄arūgūgū ya macajū n̄arāre bajiro bajiaja m̄a. To bajicōari, Dios tuana jājarā āngel mesa rējacōari, Diore īna rucūb̄uroju n̄arāre bajiro bajiaja m̄a. ²³ To bajicōari, “Ado cōro n̄aama yu rāca n̄arūgūrona” Dios ī yiuacuriarā n̄ari, ĩ tujū n̄arā rāca rējarāre bajiro bajiaja m̄a quēne. Masa n̄ajedirore īabeserocū tujare gūimenane ejarāre bajiro bajiaja m̄a. Rojose yiriarā n̄aboarine, Jesúre ajitirūn̄ariarā īna n̄ajare, ĩ tujū īna ejaro, “Rojose mana n̄aja m̄a” Dios ī yīariarā rāca n̄arāre bajiro bajiaja m̄a quēne. ²⁴ To bajiri, Jesús tujū ejarona n̄aja m̄a. Īne n̄aami, “ ‘Mame oca m̄are vasoarucūja yu’ Dios ī yiriarore bajiro bajiato” yigū, manire rijabosar’i. To bajiri, ĩ ri’i suorine, “Rojose mana n̄aama”, manire yīañumi Dios. To bajiboarine tirūm̄ujū, Abel n̄amasir’i ī sīaecomasirejuama, “Ī ri’i suorine ‘Rojose mana n̄aama’ masare Dios ī yīaroti me n̄amasīñuja”, yimasīaja mani.

²⁵ To bajiri Cristo ī rijabosare suorine mame oca Dios ī vasoarere ajitirūn̄aroti n̄aja. Moisés n̄amasir’ire Dios ī roticūmasirere cojoji me īna cūdibetijare, rojose ĩnare yirūgūmasīñuju Dios, “Yitujacōari, yu bo-jasejuare yato īna” yigū. To bajiro ī yimasire n̄ajare, mame ī vasoasere quēne mani ajibetijama, “Rojose manire yirucūmi”, yimasīaja mani. ²⁶ Gajeyerema tirūm̄ujū mani n̄icua n̄amasiriarāre gotigū, sita n̄uraroju n̄agōmasīñuju Dios. Ī ocare masa īna ucamasire quēna ī yīrotire ado bajiro gotiaja: “Quēna yin̄uojama, adi macarucūroaye, ō vecayere quēne

yinɤuobatorɤcɤja yɤ”, yigotiaja, Dios ocare masa ɤna ucamasire. ²⁷ To bajiro quɛna Dios, “Yirɤcɤja” ɤ yirere mani ajjama, “Adi macarɤcɤro ɤnase jediro ɤ rujeorene reajeocɔarɤcɤmi”, yimasiaja mani. Rɛmojɤne “Yayibetirɤaroja” ɤ yirujeore rɤne rɤyarɤaroja ti. ²⁸ To bajiri socase me ti ɤajare, “Diore ajitirɤnɤriarɤ ɤna bajireajama, ɤ rotiɤarojɤ ɤna caticɔa ɤnarotire yigɤ, ɤ catisere ɤ ɤsiriarɤ ɤnari, ɤ rɤca ɤnarɤgɤrɤarɤama”, yimasiaja mani. To bajiro mani bajiro ti ɤajare, Diore rɤcɤbɤorɔ, “Quɛnaro yɤare yaja mɤ”, ɤre yisɛnito mani. To yicɔari, ɤ bojarore bajiro yirɤgɤto mani, “Manire ɤajɤnisinicɔari, rojose manire yiromi” yirɤ. ²⁹ ɤ bojabeti yirɤre rojose yigɤ ɤ ɤajare, ɤ bojarore bajiro yiro ti ɤaja manire.

13

“ɤavariquɛnato Dios” yirɤ, quɛnaro mani yiro ti queti

¹ To bajiri adi mɤare gotitɤsaja yɤ: Ado bajiro yɤɤaɤna mɤa, “Manire ɤavariquɛnato Dios” yirɤ. Cristo yarɤ ɤnari, gɤmerɤ ɤmaitɤjabesa mɤa. ² Gajeroana mɤa masimena Cristore ajitirɤnɤrɤ mɤa tɤ ɤna ejaama, quɛnaro ɤnare yirɤarɤja mɤa. Mani ɤicɤa quɛne, gajeroana ɤna masimena ɤna ejaboajaquɛne, quɛnaro ɤnare yirɤgɤmasiɤɤjarɤ ɤna. To yirɤ ɤnari, cojojirema ɤngel mesare “Dios ɤ cɔariarɤ ɤnarɤma” yimasibetiboarine, quɛnaro yimasɤɤjarɤ ɤna.

³ Gɤjerɤ Cristore ajitirɤnɤrɤre tubibe ecorɤre masiritibesa mɤa. Mani quɛne mani tubibe ecojama, “Quɛnabetoja” yitɔɔiarɤ ɤnari, ejarɛmoɤna. Gɤjerɤre quɛne, rojose ɤnare ɤna yijama, mɤa quɛne ɤna rɤca rojose tɤmɤorɤre bajiro ɤnare ɤamaicɔari, ejarɛmoɤna mɤa.

⁴ Gɤmerɤ mɤa bojasere quɛnaro rɤcɤbɤoroti ɤaja. Manajo cɤtirɤ, manajɤ cɤtirɤ, manajo mana, manajɤ mana quɛne gɤjerɤ rɤca ajeriarɤ cɤtibesa. To bajiro mɤa yijama, “Rojose tɤmɤorɤarɤma”, mɤare yirɤcɤmi Dios.

⁵ Jairo gɤjoa cɤoroɤa tɔɔɤabesa mɤa. Mojoroaca cɤorɤ ɤboarine, “Jɛre ɤacɔaja”, yitɔɔɤacɔaɤna mɤa. Ado bajiro Dios ɤ yirejɤare tɔɔɤaɤna: “Mɤre vaveobecɤne, mɤ rɤca ɤacɔa ɤnarɤgɤrɤcɤja yɤ”, yiyumi Dios, manire. ⁶ To bajiro ɤ yirere mani ajjama, “Socɤ me yiyumi” yimasicɔari, Dios oca ti gotirote bajiro ado bajiro yimasiaja mani:

“Dios ɤnaami rojose yɤ tɤmɤoro, yɤre ejarɛmogɤ. To bajiro rojose yɤre yirɤre gɤibeaja yɤ”, yaja mani.

⁷ Cristo ocare mɤare gotimasiosɤocana ɤna bajicature masiritibesa mɤa. “ɤ yirore bajiro yigɤ ɤnagɤmi Cristo” yitɔɔiarɤ ɤnari, ɤre ajitirɤnɤ tɤjamenane, bajireacoacama ɤna. ɤna bajicatore bajiro, Cristore ajitirɤnɤ tɤjabesa mɤa quɛne.

⁸ Jesucristo ɤnagɤmi tɔɔɤavasoabecɤ, cojojire bajiro quɛnaro yirɤgɤgɤ. To bajiri mɤare gotimasiosɤocanare quɛnaro ɤnare ejarɛmor'i, manire quɛne to bajirone ejarɛmocɔa ɤnarɤgɤrɤcɤmi. ⁹ Mɤare ɤna gotimasiosɤocatire bajiro me, ricati ɤna gotimasiosere ajitirɤnɤbeticɔaɤna mɤa. Ado bajiro mɤare gotirɤgɤrɤama ɤna: “ ‘Babetirɤarɤja mɤa’ mani ɤicɤa ɤnasiriarɤ ɤna yimasirere mɤa ajirɤcɤbɤojama, quɛnaja”, mɤare yirɤama ɤna. To bajiro mɤare ɤna yigotise me, ado bajiro mɤa yitɔɔiarɤgɤsejɤa ɤaja quɛnase: “Dios manire ɤamaicɔari, manire ejarɛmorɤcɤmi” mɤa yitɔɔiarɤgɤsejɤa ɤaja quɛnase. To bajiro mɤa tɔɔɤajama, bɤtɔbɤsa ɤ bojarore bajiro yirɤ ɤnarɤuarɤarɤja mɤa.

10 Cristo manire ĩ rijabosare sʘori Mois ere Dios ĩ rotic umasirone bajiro me bajaia. Mois ere Dios ĩ rotic umasirere ajitir n r , rojose  na yisere “Masirioato Dios” yir , “Vaibucur  soemuc a  narti  naja” yit o ar   na  njare, “Rojose mana  naama”,  nare y iabec mi Dios. Mani narema, vaibucu rii  na soemucose  nirone yigu, Cristo ĩ rijabosare sʘori, “Rojose mana  naama” Dios ĩ y ar   naja mani. 11 Mois ere Dios ĩ rotic umasirere ajitir nug  paia uju  namasug ma, vaibucu  na s ar'i ri'i  oriabajare  mis jac mi, Dios ĩ  naris a v me cuti s aju, “Rojose  na yisere masirioato Dios” yigu.   s ajatoye, vaibucu ruj narema ti maca sojuaju  mivac ari, soerocac ar ma  na,  re  ater   nari. 12 To bajiro vaibucure  na  aterore bajiro bajiyumi Jes s qu ne. Jerusal n maca sojuaju yuc t roju jajus a ecoyumi, rojose mani yisere manire yir tobosagu. To bajiro bajiyumi, “Rojose mana  naama” manire Dios ĩ y arotire yigu. 13 To bajiro Jes s ĩ bajibosare  njare, Mois ere Dios ĩ rotic umasirere ajitir n r  rojose m are  na yiboajaqu ne, tire ajir cubuo t jac ari, mame Dios ĩ vasoarejuare ajitir nuroti  naja m are. 14 To bajiro bajir ar ja m a, adigodoayere t o abetic ari, “Dios ĩ  narimaca  naja mani  nac a  nar g roti maca” yit o ar   nari. “Adi macaruc rojuarema manija mani  nac a  nar g roti maca”, yimasir ja m a. 15 To bajiri, Jesucristo ĩ rijabosare sʘori, Dior ca mani  nac a  nar g roti ti  njare, vaibucur re s ac ari,  na soemucose  nirone yir , “Qu namasuc aja m ” Diore yir cubuo t jabetiroti  naja, manire. 16 To yic ari, “Qu naro g mer  yiroti  naja manire” yirere masiritibetic a na m a. To yic ari, m a t ana maioro  na bajisere masic ari, m a c ose  nare  si a. To bajiro m a yijama, Dios ĩ  variqu nase yir , yir ar ja m a.

17 M are  mato  nar re qu naro c diya m a. “‘ No bajiro  nare  tir nucati m a?’ manire yis ni ag mi Dios” yimasir   nari, toc ar car m ne, “Dior ca qu naro  nato  na” yir , m are  tir n r g r ma  na. To bajiri, qu naro  nare m a c dijama, to bajiro m a yisere, “Ado bajiro qu naro m re ajitir nucama  na”, Diore  re yivariqu nar r ma  na.

18 To bajiri, “Dios ĩ bojarore bajirone yato  ” yir , Diore y re s nibosaya. Dios ĩ bojase jediro yir g aja y . To bajiro yigu  nari, t o arejaibec ne  nac aja y . 19 To yic ari, yoaro mene qu na m a t  y  varotire yir , y re s nibosaya m a, Diore.

“Qu naro m are yato Dios”, yire queti

20 “Qu naro  nato  na” yigu manire ejar mog mi Dios.  ne  nag mi, mani uju Jes s manire ĩ rijabosaro bero,  re catior'i,  re catioc ari, “Ovejare  tir nug re bajiro, y  yar re qu naro  nare  tir n r c ja m ”  re yir'i. Jes s ĩ rijabosare sʘorine, “Rojose  na yisere masirioc ari, qu naro yir c ja y ” masare Dios ĩ yimasiriarore bajirone bajiyuja. To bajiro ĩ yise jedibetir roja. 21 Ado bajiro Diore m are s nibosaja y : “‘M  bojarore bajiro yato  na’ yigu,  nare ejar mo na m ”, m are yis nibosaja y , Diore. “‘Jesucristo ĩ ejar mose r ca qu naro yaja m a’ yivariqu nato” yigu, Diore m are s nibosaja y . Qu nar tog  Cristo ĩ  njare, “Qu namasuc aja m ”,  re yir cubuo t jabetiroti  naja, manire. To bajirone bajic a  nar g ato.

22 Mojoroaca m are papera ucac aja y . To bajiri, “B tob sa,   yirore bajiro yigu  nag mi’ Cristore  re yit o ato  na” yigu, m are y  gotisere qu naro tire ajimasi a m a, y  mair . 23 Mani maig  Timoteore  na

tubiber'ire jêre ãre bucõañujarã. To bajiri, yoaro mene ã ejajama, ã rãca mña tujã varucujã yã.

²⁴ Mñare ãmato ñarimasa, to yicõari, mña rãcana Jesucristore ajitirãnurã jediro, “Quẽnato”. “Quẽnato”, mñare yama Italia sitana quẽne.

²⁵ Dios, mñare ãamaigũ ñari, quẽnaro mñare yato ã.
To cõro ñaja.

Carta de SANTIAGO

Jud'io masa, Jesucristore ajitirānūrāre, Santiago ĩ ucacōare

¹ ĩÑaboati m̄ua, yu yarā, Jesucristore ajitirānūrā, jud'io masa? Adi papera rāca m̄uare ucacōaja yu, Santiago. Mani jacu Dios, mani uju Jesucristo quēne, ĩna bojasere yigu űaja yu. Juāāmo cōro, gabo juā jēnituario masa jūnari űaja mani, adi macarucuro jediro űabatorā. M̄uare quēnarotiaja yu.

“Diore mani sēnijama, ĩ masisere manire cōarucumi”, yire

² Ajiya yu yarā, Jesucristore ajitirānūrā. Gājerā, rojose m̄uare ĩna yiboajaquēne, sutiritimenane, variquēnama. ³ Ado bajiro ti bajijare, “Variquēnama”, m̄uare yaja yu: “Rojose tām̄uorā űaboarine, Jesucristore mani ajitirānucōa űajama, rojose yir̄uaboarine, tire yibetir̄uarāja”, yimasirāja m̄ua. ⁴ Rojose m̄ua yibetire tuoĭavariquēnacōari, beroju quēna rojose tām̄uorā, “Rojose yibetiroti űaja” m̄ua yirere masiritibeja m̄ua. Tocārācajine rojose tām̄uoboarine, Jesucristore m̄ua ajitirānucōa űajama, Dios ĩ bojarore bajiro yirā űaruarāja m̄ua.

⁵ “ĩNo bajiro yu yirotere bojarojari Dios?” m̄ua yituoĭajama, ĩre sēniña. “ĩNo yirā yure sēniñati m̄ua?” yigu me űaami Dios. ĩre sēnirā jedirore, “Yu masisere ĩnare cōarucuja” yigu űaami. To bajiri ĩre m̄ua sēnijama, m̄ua masirotere m̄uare ujojucumi. ⁶ Diore m̄ua sēnijama, “Yu masirotere yuare ujobetirucumi”, yituoĭabesa. Diore sēnigū, “Yure ujojumi” yigu űaboarine, “Yure ujobecumi” ĩ yituoĭajama, oco sabesere bajiro bajiroja ĩ tuoĭase. Gajeroju sabe, quēna gajeroju sabe, bajiñarore bajiro bajiroja ĩ tuoĭaboase. ⁷⁻⁸ To bajiri, cojojū űamasibetore bajiro bajiroja, ĩ tuoĭase. Jairo tuoĭagū ĩ űajare, “Dios ĩ bojarore bajiro yirucumi”, yimasīña manoja. “ĩre bajiro mani bajijama, mani sēnisere cōabetirucumi Dios”, yimasīña.

⁹ Maioro bajirā űaboarine, “Jesucristore ajitirānūrā űari, Dios rīare bajiro bajirā űaja yua” yimasicōari, variquēnaro űaroti űaja m̄uare. ¹⁰ Gajeyeūni jairā Jesúre ajitirānūrāre, variquēnaro űaroti űaja ĩnare quēne, “űamasuse me űaja yua cōose” ĩna yituoĭajama. Go yoaro mene sīnirore bajiro bajiaja mani. To bajiro yu yijama, “Yoaro meaca catiruarāja mani” yigu yaja. ¹¹ Buto muiju ĩ asijama, quēnase ruyuboasene sīnirea bajicoacaju, ta, to yicōari, go quēne. To bajiri ĩariaro quēnase ruyuboase manicaju. Tire bajiro bajirāma gajeyeūni jairo cōoboariarā quēne. “Jaibusaro gajeyeūnire bujarāsa mani” yirā, moa vaja tañarā rīne, bajireacoaruarāma.

“Rojose rīne mani yicōa űajama, rojose tām̄uotujabetiriaroju varuarāja mani”, yire queti

¹² Rojose tām̄uorūgūrā űaboarine, mani rijato beroju, Dios tujū ĩ rāca variquēnacōa űaruarāja mani. “To bajirone bajiruarāma yure mairā”, yiyumi Dios. To bajiro mani bajiroti űajare, rojose mani yir̄uaboasere mani yibetijama, variquēnaruarāja mani. ¹³ Rojose mani tuoĭase, “Dios suorine to bajiro tuoĭaja”, yiroti me űaja. Rojose tuoĭagū me űagūmi Dios. To bajiri, “Dios suorine rojose yaja”, yimasīña maja. ¹⁴ Ado bajirojua bajiaja: Mani masune rojose yir̄ua tuoĭacōari, yirūgūaja mani. ¹⁵ Rojose

rīne mani yicōa ñajama, rojose tām̄otujabetiriaroju manire cōarucami Dios.

¹⁶ Y_h mairā, quēnaro tuoīamasifña: ¹⁷ “Jediro quēnase, Dios manire ī cūre ñaja. Ī ñagūmi ĩm̄agū muijare, ñamiagure, to yicōari, ñocoare quēne rujeomasir’i. To bajicōari, ‘Yirucuja’ ī yirore bajirone yigū ñaami, quēnase rīne tuoīagū”, yituoīaroti ñaja. ¹⁸ Ī oca quēnasere mani ajitirūnuc̄suarām̄ne, ī rāca mani caticōa ñarūgūrotire manire ĩsifūmi. To bajiro ī yire ñajare, ī rīa ñasuarēre bajiro bajirā ñaja mani. Tirām̄june to bajiro mani bajirotire bojayumi Dios.

“Dios oca ti gotirore bajirone cūdiroti ñaja”, yire queti

¹⁹ Y_h mairā, m̄are y_h gotirotire masiritibeja m̄a: M̄a rācana m̄are ĩna gotisere quēnaro ajiroti ñaja. M̄ajua quēne, m̄a rācanare m̄a gotijama, quēnaro tuoīacōari, ĩnare gotiba. M̄are ĩna ajiruc̄abetijama, guaro jūnisinibetiroti ñaja. ²⁰ Gājerāre mani jūnisinijama, Dios ī bojarore bajiro yirā me yirāja mani. ²¹ Mani ajirūgūse, to yicōari, mani gotirūgūse quēne, ñamasuse ti ñajare, rojose m̄a yirūgūse jedirore yitujacōaña m̄a. To yicōari, Dios ocare ajitirūnuc̄ōa ñarūgūña. Tire m̄a ajitirūnuc̄ōa ñajama, rojose tām̄otujabetiriaroju m̄a vaborotire m̄are yirētobosarucami Dios.

²² Dios ocare ajicōari, ti yirore bajiro cūdiroti ñaja. Tire ajiboarine, ti gotirore bajiro m̄a yibetijama, “Diore ajitirūnuc̄ā ñaja y_h” m̄a yituoīaboase socase ñaroja. ²³⁻²⁴ Dios ocare ajiboarine, m̄a cūdibetijama, m̄are ejarēmobetoja. M̄a cūdibetijama, sīgū ěoro āmiīacōagū ñaboarine, ěorore ī cūrirīmarone, “To bajigū ñamū y_h” ī yimasibetore bajiro bajirāja m̄a. To bajiri ěoroju quēnaro ĩāboase ĩre ejarēmobetoja. ĩre bajiro bajirāja m̄a, Dios ocare ajiboarine, m̄a cūdibetijama. ²⁵ Gājerāma, rojose ĩna tām̄oborotire Cristo ī yirētobosarere tuoīacōari tire masiritimenama. Masiritimena ñari, Dios ī rotisere variquēnase rāca yicōa ñaruarāma.

²⁶ “Diore y_h yirūcūboose suorine ī bojasere yigū yaja y_h”, yituoīarāma sīgūri. To bajiro yituoīarā ñaboarine, rojose ĩna ñagōsere ĩna yitujabetijama, ĩna masune socarā yirāma. Diore ĩna yirūcūbooboase, vaja manoja ti. Dios ī bojasere yirā me ñarāma ĩna. ²⁷ Mani jacū, Dios ī ĩajama, socū me ī bojasere yigūma, ado bajiro yigū ñagūmi: Jacua rijaveoriarā, to yicōari, manajua rijaveoriarāre quēne, maiorō ĩna bajijare, ĩnare ejarēmogū ñagūmi. To bajicōari, gājerā rojose ĩna yirūgūrore bajiro yibecū ñagūmi ĩma.

2

“Jesús ocare ajitirūnuc̄ā ñari, gāmerā ĩarūcūbuoroti ñaja”, yire

¹ Ajiya y_h mairā. Mani y_h, Jesucristore ajitirūnuc̄ā ñaja mani. Quēnamasugū ĩ ñajare, ĩre buto rūcūboaja mani. To bajiro yirā ñari, mani rācanare quēne gāmerā ĩarūcūbuoroti ñaja. ² M̄a rējarone, sīgū quēnase sudi sāñacōari, āmo sāriabedori sācōari e jagami. To yicōari, gājjua sudi bucū sāñacōari ĩejajama, ado bajiro yirāja m̄a: ³⁻⁴ Quēnase sudi sāñacōari, sājaejagurema, “Ado ñaja rujiriaro quēnarito”, ĩre yirāja m̄a. Maioro bajigūjarema ĩ sājaejaro ĩacōari, “Tone rūgōcōaña. M̄a bajiruc̄abetijama, rūcacane rujicōaña m̄a” ĩre m̄a yijama, quēnaro gāmerā ĩarūcūbuomena yirāja m̄a. To bajiro m̄a yijama, Dios ī bojarore bajiro yirā me yirāja m̄a.

⁵ Ado bajiro mware yu gotisere quēnaro ajiya mua: “Yu macure ajitirūnūña” Dios ī yirere cūdiriarā, maioro bajirā jājarā űaama. “Maioro bajirā űaama” Diore ajimena űna yīlarā űaboarine, Jesucristore ajitirūnūrā űari, “Butobusa ĩre ajitirūnūrā űato” yigu, quēnaro Dios ī yirā űaama. To bajicōari, ī gotiriarore bajirone ī tujū ejarona űaama. ⁶ To bajiboarine, maioro bajirāre ĩnare ĩarūcūbūobeaja mua. Gajeyeūni jairājuare rūcūbūorūgūaja mua. “Īna sūorine rojose tāmūorāja mani”, űyimasibeatique mua? Īna űaama mware gotiyiroruarā, űjarā tujū, mware juavarūgūrā. ⁷ “Jesús yarā űaja yua” yicōari, bautiza ecoriarā űaja mua. To bajiri, ī ocare ajicōari, quēnaro variquēnaja mua. Gajeyeūni jairājuama ĩre rūcūbūobeticōari, ajarūgūama. űTire masibeatique mua?

⁸ Mani űju, Dios űamasusere ī rotimasire ado bajiro gotiaja: “Mu masu rujare mu maiore bajirone mu tūanare maiña”, yigotiaja. Tire mua cūdijama, quēnaro yirā yirāja mua. ⁹ Tire ajirā űaboarine, masa jedirore mua ĩarūcūbūobetijama, rojose yirā yirāja mua. To bajiri, “Mua ye sūorine rojose űaja”, mware yīagūmi Dios. ¹⁰ Dios ī rotimasire űaro cōrone cūdijeomenare, “Īna ye sūorine rojose űaja”, ĩnare yīagūmi Dios. To bajiro yīagū ī űajare, ī rotirere cojo vāme mani cūdibetijama, űajediro ī rotirere cūdibetiēcōarāre bajiro bajirāja mani, Dios ī ĩajama. ¹¹ Tirāmūju ado bajiro rotiyumi Dios: “Manajoa cūtirā quēne, manajua cūtirā quēne, gājerā rāca ajeriarā cūtibesa. Gājerāre sīabesa”, manire yiyumi Dios. To bajiro ĩyire űajare, manajoa cūtirā gājerāre ajeriarā cūtibetiboarine, gājire mani sīajama, Dios ī rotimasire cūdimena yirāja mani. ¹² To bajiri, “Rojose mani yirūasere yibeticōari, Dios ī bojarore bajiro quēnase rīne yirā űato” yigu, manire rijabosayumi Cristo. To bajiri, quēnaro mani yibetijama, rojose mani yisere masicōari, rojose manire yirūcūmi Dios, yimasirā űari, quēnase rīne yiroti űaja manire. ¹³ To bajiri gājerāre mani ĩamajama, manire quēne ĩamairūcūmi Dios. Gājerāre mani ĩamaibetijama, masare ī ĩabeserirūmū ti ejaro, manire quēne ĩamaibetirūcūmi Dios, rojose mani yire vaja.

“Quēnaro mani yisere ĩacōari, ‘Socarā mene yure ajitirūnūrā űaama’ yigūmi Dios”, yire queti

¹⁴ Adire quēne quēnaro ajiya yu mairā: “Rojose tāmūotūjabetiriaroju yua vaborotire yware yirētobosarūcūmi Dios” yirā űaboarine, gājerāre mua ejarēmobetijama, Diore ajitirūnūrā me űarāja mua. To bajiro mua bajijama, rojose tāmūotūjabetiriaroju mware cōarūcūmi Dios. ¹⁵⁻¹⁶ Cojojirema, ado bajiro bajiroja: Jesúre ajitirūnūgū, buto űiorijagu, to yicōari, sudi magū maioro bajigu ī űaboajaquēne, “Quēnaro vasa. Bare quēnase būjaba. To bajicōari, sudi būjaba” ĩre yigotiboarine, ī bojasere mani ĩsibetijama, socarāne ĩre yigotiboarāja mani. ĩre mani űagōboase űie vaja manojā. ¹⁷ Tire bajiro bajiaja Diore mani ajitirūnūse. “Diore ajitirūnūrā űari, ī yarā űaja mani” yiboarine, gājerāre mani ejarēmobetijama, “Diore ajitirūnūrā űaja yua” mani yitūoĩaboase űie vaja manojā. Dios yarā me űarāja mani.

¹⁸ “Yu gotisere ajimasimenama” yigu, ado bajiro gotiaja: “Gājerāre quēnaro maiaja yua” mua yisere yure mua yīobetijama, “Diore ajitirūnūrā me űaama”, mware yigūja yu. Yūjarema, gājerāre quēnaro yu ejarēmoseire ĩacōari, “Diore ajitirūnūgū űaami”, yimasiruarāja mua. ¹⁹ “Sīgūne űaami Dios. Gāji magūmi” mua yitūoĩase quēnaja. To bajiro

tuoŕarã ñaboarine, quẽnarõ mũa yibetijama, “Sĩgũne ñaami Dios” mũa yituoŕase ñie vaja manõja. Vãtia quẽne “Sĩgũne ñaami Dios. Gãji magũmi” yituoŕarã ñari, gũirã nanarãma. To bajiboarine rojosere yitujamena ñarãma. ²⁰ “Diore ajitirũnarã ñaja” yituoŕarã ñaboarine, gãjerãre mũa ejarẽmobetijama, quẽnarõ tuoŕamasimenare bajiro bajirãja mũa. “Diore ajitirũnarã ñaja” mũa yituoŕaboase ñie vaja manõja. ²¹ Mani ñicu, Abraham ñamasir'i i yimasirere mũaare gotiaja yũ. Dios i rotijare, ñre rũcũborã ñna soemuoriajau joeju i macũ Isaac vãme cutigure sũaguagu yimasiboayuju Abraham. Ñre i sũaguadone, “Ñre sũabeticõaña”, ñre yimasiñuju Dios. To yicõari, i rotirore bajiro yigu i ñajare, “Rojose magũ ñaja mũa”, ñre yimasiñuju Dios, Abrahamre. ²² To bajiri, Dios i rotiriarore bajiro yimasir'i i ñajare, “Diore ajitirũnũgũ ñamasĩñumi”, yimasiaja mani. ²³ Dios i rotiriarore bajirone Abraham i cũdire ñajare, “Yũre ajitirũnũgũ ñari, rojose magũ ñaami” ñre yimasiñuju Dios”, yigotiaja Dios ocare masa ñna ucamasire. To bajiri, “Dios baba ñaami”, ñre yimasiñujarã masa.

²⁴ To bajiri, “Ñre ajitirũnarã ñaja yũa” yicõari, quẽnarõ mani yijama, “Ñie rojose mana ñaama”, manire yĩĩagũmi Dios. ²⁵ Rahab vãme cutimasirio jãjarã ajeriarã cutigo ñaboarine, quẽnarõ so yimasirere quẽne tuoŕaña: Jud'io masa uju i cõamasiriarã ñna ejaro ñacõari, “Mũaare ñaterã mũaare sũaroma” yigo, “Yũ ya vijũ sãjarudiya mũa”, ñnare yimasiñuju. To yicõari, “Mũa rudiarotire mũaare gotirũocoja”, yimasiñuju so. To bajiro ñnare so yirẽmomasire ti ñajare, “Rojose magõ ñaamo”, sore yĩĩamasĩñuju Dios. ²⁶ Mani ruju catise ti manijama, vaja manõja ti. To bajirone bajiaja “Diore ajitirũnarã ñaja yũa” yiboarine, gãjerãre quẽnarõ mani yibetijama. “Diore ajitirũnarã ñaja yũa” mani yituoŕaboase ñie vaja manõja.

3

Mani ñemero sũorine rojose mani ñagõse queti

¹ Yũ mairã Dios oca gotimasiõrimasa ñnarãrã quẽnarõ ajiya. Dios ocare masa ñna ucamasire gotimasiõrimasa quẽnarõ ñna yibetijama, tire ñacõari, i ocare gotimasiõmenare rojose ñnare i yiro rẽtoro rojose ñnare yirũcũmi Dios. To bajiri, Dios oca gotimasiõrã jãjarã ñabesa mũa. ² Mani jediro rojose yirã ñaja mani. Quẽnase rĩne ñagõgũma, rojose yirũa tuoŕaboarine, tire yibeticõari, Dios i bojarore bajiro yigu ñagũmi. ³ Ado bajiro ti bajijare, “Rojose ñagõbetiroti ñaja”, mũaare yaja yũ: Caballo vãme cutigure jesacõari ñre mani yisere tuoŕasaque mũa: Jaigu i ñaboajaquẽne i riseju cõmemaca sãja mani, “Mani rotirore bajiro cũdiato i” yirã. ⁴ Tire bajirone bajiaja cũmuari jacase quẽne: Jacase ti ñaboarone bũto mino ti vajama, veaturiaro mojoriaseaca ti ñaboajaquẽne, veatumasirãma. ⁵ Tiaseacare bajiro bajiaja ti, mani ñemero quẽne. Mojoriaseaca ti ñaboajaquẽne jairo rojose ñagõaja mani. Jeare quẽne tuoŕasaque mũa: Jeavaca, cojovacaca ñaboarine, jacariveserire soejeocõaroja ti. ⁶ Jeare bajiro bajiaja mani ñemero quẽne. Mani rujuaye rãca rojose mani yise rõtobũsaro yaja ti, mani ñemero. Mani ñemero sũorine rojose mani yijama, vãtire cũdirã ñari, rojose rĩne yimũorũgõcoarũarãja mani. ⁷ Macarocana, vaibũcũrã ñaro cõro, vũrã, ñña, riaganare quẽne mani ecarãre bajiro ñnare rotimasiaja mani. ⁸ To bajiboarine mani ñemero rojose ti ñagõjama, “Yibesa”, yimasibeaja mani. Jũnisinicõari, gãjerãre mani tud'ijama, mani oca, ñña rĩma jũnisere bajiro ñnare yirũgũaja. ⁹⁻¹⁰ Mani jacũ Diore, “Quẽnarõ yaja mũa” yiboarine, rojosere quẽne ñagõrũgũaja mani. “Yũre bajiro quẽnase rĩne yirã ñnato”

yigu, Dios i rujeoriarã ñaboarine, gãmerã tud'irügũaja mani. To bajiri, quênase mani ñagõjama, rojosere yibetiroti ñaja manire. ¹¹ Oco goje, cojo goje ñaboarine, oco quênase ti budijama, sũese budivobetoja. ¹² Oteu higuera vãme cutiu ñaboarine, olivo vãme cutiu ricare rica cutibetoja. To bajicõari, uyebu quêne, higuera vãme cutiu ricare rica cutibetoja. Tire bajirone bajiaja oco quêne. Ocace ti budijama, ocabeti budivobetoja. To bajiri, quênase mani ñagõjama, rojosere yibetiroti ñaja manire.

Dios i ejarẽmose rãca masirã ñna ñase queti

¹³ Mũa rãcagu "Masigũ ñaja" i yijama, gãjerãre ajirucubocõari, quênaro ñnare yirocu ñnaami. To bajiro i bajijama, i masisere, "Quênaro yami", yimasiruarãma masa. ¹⁴ To bajiri, gãjerãre "Yua rëtoro quênaro ñama" mũa yijãjũnisinjama, masirã me ñarãja mũa. To yicõari, "Gãjerã rëtoro ñamasurã ñarãsa mani" yituoĩarã mũa ñajama, masirã me ñarãja mũa. ¹⁵ To bajiro mũa tuoĩase, Dios i cõase me, mũa masune mũa bojarore bajiro tuoĩarã yaja. To bajiro mũa yisere bojagũmi vãtia uju. ¹⁶ Gãjerãre "Yua rëtoro quênaro ñama" yijãjũnisinirã, to yicõari, "Gãjerã rëtoro ñamasurã ñarãsa mani" yituoĩarã ñna ñajama, ñna jedirone ricati rĩne tuoĩarã ñari, rojose jediro yifãrãma. To bajiri, quênaro ñamasimenama. ¹⁷ To bajiro ñna bajiñaro ùnone, Dios i ujose suorine masirãjuama, quênaro ñna yarãre ùmato ñarãma. To bajicõari, gãjerãjuã ñna ùmato ñajaquêne, ñnare ajivariquênarãma. Masa jedirore ñarucubocõari, maioro bajirãre ñamairãma. To bajicõari, socamenane quênase rĩne yirã ñarãma. ¹⁸ Gãjerã rãca quênaro mani ñnarũajama, mani yimasiro cõro quênaro yiroti ñaja. To bajiro mani yisere ñacõari, "Gãjerã quêne jãjarã Dios i bojarore bajiro yirã ñato" yirã, ñnare yiejarẽmoruarãma.

4

Diore tuoĩamenare bajiro mani bajise queti

¹ ¿Nojua vadiati gãmerã mũa ñatese? Mũa masune rojose yirua tuoĩacõari, rojosere gãmerã yirügũaja mũa. ² Gãjerã ñna cuosere buto bojañarügũaja mũa, tire cuomena ñari. To bajiri tire emaruarã, ñnare quẽarügũaja mũa. To yicõari, gãjerãrema ñnare sjarügũaja mũa. Diore sënimena ñari, mũa bojasere bujamasimenaja mũa. ³ Rojose mũa tuoĩasere ñamasicõari, ñre mũa sëniboase i bojabeti ti ñajare, mũare cõabecũmi Dios. Diore mũa sëniboajama, gãjerãre tuoĩamenane, quênaro mũa ñaroti rĩne sënirãja mũa. ⁴ To bajiri, Diore ajitirãnu tujariarãre bajiro tuoĩarãja mũa. Adi macarucuroaye rĩne cuorua tuoĩarãre bajiro me tuoĩaroti ñaja, Diore ajitirãnurãrema. To bajiro ti bajijare, "Diore ajitirãnuğũ ñaja" yigu ñaboarine, Diore masimena, ñna cuorua tuoĩarore bajiro i quêne i tuoĩajama, Diore ajitirãnu tujacõari, ñre tegure bajiro bajigu ñagũmi. ⁵ To bajirone gotiaja Dios ocare masa ñna ucamasire: "Mani usurire buto ñamaigũ ñari, masa ñre ñna ajibetire ñavariquênabecu ñagũmi", yigotiaja Dios ocare masa ñna ucamasire. ⁶ To bajiro yigu ñaboarine, "Yure ajitirãnuato ñna" yigu, buto ejarẽmorua tuoĩagũ ñagũmi. To bajiro yigu i ñajare, ado bajiro gotiaja i oca masa ñna ucamasire: " 'Gãjerã rëtoro ñamasurã ñaja yua" ñna yituoĩasere yitujacõari, yujuare ajitirãnuato' yigu, ñnare yirẽmobeami Dios. 'Ñamasurã me ñaja yua' yituoĩarãjuarema quênaro yirẽmoami", yigotiaja Dios ocare masa ñna ucamasire. ⁷ To bajiri, vãti i yirotsere yibeticõari, Dios i bojasejuare yirügũña. To bajiro mũa yijama, rojose

m̄are yirotitajagumi v̄ati. ⁸ Butobusa Diore m̄a ajitir̄unajama, ĩjua quēne m̄are ejarēm̄oc̄umi, “Quēnabusaro yure ajitir̄un̄ato ĩna” yiḡu. To bajiri, rojose m̄a yisere yitajac̄oña. “Diore masir̄a ñaja yua” yiboarine, Diore masimena ĩna yisere yivariquēnar̄uḡūaja m̄a. ⁹ Rojose m̄a yisere t̄oĩac̄oari, variquēnar̄uḡūaja m̄a. To bajiro me bajiroti ñaja m̄are. Rojose m̄a yisere t̄oĩas̄at̄iritic̄oari, otiroti ñaja m̄are. ¹⁰ To bajiri, Diore “Ñamasuḡū ñaja m̄a” yir̄a, quēnaro yir̄uc̄ub̄oaya m̄a. To bajiro m̄a yijama, “To c̄ōrone adi macar̄uc̄uro jedicoar̄uroja” Dios ĩ yir̄iar̄m̄a ti ejaro, “Ñamasur̄a ñato”, m̄are yir̄uc̄umi Dios.

“*Ĩna ñaama rojose yir̄a yibetiroti ñaja manire*”, yire queti

¹¹ Ajiya m̄a, yu mair̄a. Ḡajer̄a Jes̄ure ajitir̄un̄ar̄e ñaḡōmacabesa. “Dios ĩ rotisere masibeam̄a ĩna. To bajiri rojose t̄am̄orona ñaama”, ĩnare yit̄oĩabesa m̄a. To bajiro m̄a yijama, Dios ĩ rotirore bajiro yir̄a me yir̄aja m̄a. Ado bajiro t̄oĩar̄a ñari, to bajiro yir̄aja m̄a: “Dios ĩ rotise quēnaro gotibeaja ti. ĩ r̄etoro masir̄a ñaja yua” yir̄are bajiro yiboaja m̄a. ¹² Dios s̄īḡūne ñaami, quēnaro mani yirotire rotic̄ur̄i. To bajic̄oari, ĩ s̄īḡūne ñaḡūmi masa ĩna yisere ĩabeseḡu, to yic̄oari, rojose t̄am̄ot̄ujabetir̄iaroju mani vaborotire yir̄etobosaḡu. ĩ s̄īḡūne ñaḡūmi rojose t̄am̄ot̄ujabetir̄iaroju masare reaḡu. To bajiri ḡajer̄a Jes̄ure ajitir̄un̄ar̄e ĩac̄oari, “Dios ĩ rotisere masibeam̄a ĩna. To bajiri rojose t̄am̄orona ñaama”, yiroti me ñaja manire.

“*Adi macar̄uc̄uroju mani bajirotire masir̄a me ñaja*”, yire queti

¹³ Gajeyeũni ĩsicudirimasare, m̄are gotigu yaja yu. Yure quēnaro ajiya m̄a: “Yuc̄u, busiyu gaje macaju vac̄oari, cojo c̄uma gajeyeũni ĩsiñar̄a, jairo ḡajoa bujar̄uar̄aja yua”, yigotivariquēnar̄uḡūr̄aja m̄a, s̄īḡuri. ¹⁴ Ti ũnire yibetiroti ñaja, mani bajirotire masimena ñari. Mani catise bueri guaro buer̄eto vatore bajiro bajise ñaja. ¹⁵ To bajiro ti bajijare, ado bajiroju yiroti ñaja: “Mani catirotire Dios ĩ bojjajama, catir̄uar̄aja yua”, yiroti ñaja. ¹⁶ “Ñamasur̄a ñaja yua” yit̄oĩar̄a ñari, Diore t̄oĩamenane, m̄a yirotire gotivariquēnar̄uḡūaja m̄a. To bajiro m̄a yigotivariquēnase, Dios ĩ bojabeti ñaja. ¹⁷ To bajiri, m̄are yu ucac̄asere masic̄oari, “Ado bajiro mani yirotire bojaḡumi Dios” yimasiboarine, m̄a yibetijama, rojose yir̄a yir̄aja m̄a.

5

Gajeyeũni jair̄a rojose ĩna t̄am̄oroti queti

¹ S̄īḡuri, gajeyeũni jair̄are m̄are gotigu yaja yu. Gajer̄amu buto rojose m̄a t̄am̄orotire t̄oĩaotiya m̄a. ² “Gajeyeũni jairo c̄or̄a ñaja” m̄a yiboase, bare m̄a quēnoc̄use quēne, m̄are boaveocoar̄uroja. M̄a sudi quēnase ñaboase butua ba ecocoar̄uroja. ³ M̄a ye ḡajoa, oro quēne jairo bujac̄oari m̄a c̄uboase boacoar̄uroja. Tire ĩac̄oari, “Maioro bajir̄are ejar̄ēm̄obesuma”, yīar̄uar̄ama ḡajer̄a. To bajiri, rojose t̄am̄ot̄ujabetir̄iaroju reaecorona ñaja m̄a. Jairo ḡajoa catir̄a ñaboaja m̄a. To bajiboarine, adi macar̄uc̄uro ti jediroti mojoroaca r̄uyaja. ⁴ M̄a ote veseri moabosar̄are quēnaro vaja yibesuja m̄a. To bajiro m̄a bajire ñajare, “Yua moase vaja yuare yibeam̄a”, yiyujar̄a ĩna. To bajiro ĩna yisere ajirimi Dios, ñajediro masijeogu. ⁵ Adi macar̄uc̄uroju ñar̄a, m̄a yir̄ua t̄oĩarore bajiro yir̄uḡūaja m̄a. Ta vec̄are ĩna s̄iarotir̄um̄ari r̄ĳoro, “Jacabusar̄a ĩna ñato s̄iar̄asa manĳ”

yirã, quẽnaro ecatusacama. To bajiri, ñnare bajiro bajiaja mua quẽne. No mua bojarore bajiro quẽnaro yĩñatusarũgũaja mua. To bajiro bajirã mua ñajare, “Rojose tãmuorũarãma” muare yĩñagũ yigumi Dios. ⁶ Masa rojose yimena ñna ñabojajuquẽne, “Rojose yima”, ñnare yigoti yiroyuja mua. To bajiri, mua suorine sũacoyuma sũgũri. To bajiro mua yigoti yirosere ujarã quẽne muare ñna cãdirare, no bajiro muare yimasibesuma ñna.

Santiago ñ gotitusare queti

⁷ Yu mairã, gãjerã suorine rojose tãmuorãre muare gotigu yaja yu quẽna: Rojose muare ñna yirũgũboajuquẽne, Jesús ñ tudivadirotire tuoĩayurã, ñ bojarore bajiro quẽnaro yicõa ñnarũgũña mua. Oterimasu ñ bajisere tuoĩaña mua: “Ote, quẽnaro vãnucõari, juebusu bero rica cutirũaroja” yigu, yoaro yucõa ñagũmi oterimasu. ⁸ Ñre bajiro bajiya mua quẽne. Mani uju ñ tudiejarotire yurã, variquẽnase rãca ñ bojarore bajiro yitujabetiroti ñaja. “Yoaro mene tudivadicõari, masa jediro mani yisere ñabeserucumi” yirã, quẽnaro ñayuroti ñaja.

⁹ Rojose mua tãmuojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ñabesecõari, rojose manire yiromi Dios” yirã. ¹⁰ Diore gotirẽtobosamasiriarã ñna bajimasirere tuoĩaña mua: Masa rojose ñnare ñna yiboajuquẽne, gãmemenane, Diojuare gotirẽtobosacõa ñamasĩñujarã ñna. ¹¹ To yicõari, adire quẽne quẽnaro tuoĩaña mua: Rojose tãmuoboarine, “Manire ejarẽmorucumi Dios” yicõa ñnarãre quẽnaro yigumi Dios”, yituoĩaja mani. To bajiro bajimasĩñuju Job vãme cutimasir'ire quẽne. Cojo vãme me buto rojose tãmuoboarine, “Yure ejarẽmorucumi Dios”, yicõa ñamasĩñuju. Rojose ñ tãmuoro bero, quẽnaro ñ yiecomasirere ajiriarãja mua. To bajiri, “Manire quẽne ñamaicõari, quẽnaro yigu ñagũmi Dios”, yimasirãja mua.

¹² Yu mairã, gajeye ñamasusere muare gotiaja yu: “Yirũarãja. Dios quẽne masiami yua yiroti” mua yise ñnare yibeticõaña. “Yirũarãja” yirã quẽne, “Yirũarãja” yĩ, “Yibetirũarãja” mua yijama, “Yibetirũarãja” yicõa tujasa, “Mani socajama, rojose manire yibogumi Dios” yirã.

¹³ Rojose mua tãmuojama, “Yure ejarẽmoña”, Diore yisẽniroti ñaja. Mua variquẽnajama, Diore basavariquẽnaroti ñaja. ¹⁴ Sũgũ ñ rijajama, “Diore yure sãnibosato” yigu, muare ñmato ñnarãre jicõaroti ñaja ñre. To bajiro ñ yijama, ñmato ñnarãju, ñ tujũ ejacõari, ñre sãnibosarũarãma ñna. Sãnibosañarãne, uye ñre turũarãma, “Dios ñre catioato” yirã. ¹⁵ To bajiri, “Mani sãnirore bajiro ñre catiorucumi Dios” ñna yituoĩajama, rijagure catiorucumi. To yicõari, rojose yir'ĩ ñrijama, rojose ñ yirere ñre masiriorucumi Dios. ¹⁶ To bajiri, rojose mua yirere gãmerã gotiya. To bajiro yicõari, Diore gãmerã sãnibosaya, rojose mua yirere muare masiriorucumi, mua rijasere quẽne ñ catiorotire yirã. To bajiri, Dios ñ bojarore bajiro yirã mua ñajama, mua sãnirore bajirone cãdirucumi. ¹⁷ Diore gotirẽtobosarimasu, El'ias vãme cutimasir'i, manire bajiro bajimasĩñuju. To bajiboarine, “Oco quedibeticõato” yigu, Diore ñ sãnijama, ñ sãnirore bajirone idia cãma, gaje cãma gadareco cõro oco quedibetimasĩñuju. ¹⁸ Bero, Diore ñ tudisãnirone, oco quedimasĩñuju quẽna. Tiju bero, quẽnaro ote rica cutimasĩñuju.

¹⁹⁻²⁰ Muare yu gotisere ajiya mua, yu mairã. Mua rãcagu, Cristore ajitirũnu tujacõari, rojose yigure, “Quẽna Cristore ajitirũnuato ñ” yirã, ñre mua ejarẽmojama, ñ rijato beroju rojose ñ tãmuoborotire ñre yirẽtobosarucumi Dios. To yicõari, rojose mua yisere muare quẽne masiriorucumi Dios.

To cõro ñaja.

Primera carta de SAN PEDRO

Dios ĩ beseriaräre Pedro ĩ ucacõare queti

1-2 ĽNati mũa, Dios ĩ beseriarã? ĽPonto sitaju, Galacia sitaju, Capadocia sitaju, Asia sitaju, Bitinia sitaju ñabaterã jediro, ñati mũa? Adi queti mũaare ucaja yu. Gajerorijũ mũa ñabateboajaquẽne, Dios ĩ ñaroju ñaja mũa ñarotiju. To bajiri ĩ ocare buto tũoĩarã ñari, adi macarũcuroana rãca ñaboarine, ĩna tũoĩarore bajiro tũoĩarã me ñarãja mũa. Tirũmũju, “Ĩna ñaruarãma yu rĩa bajiro bajirã” Dios ĩ yimasire ñajare, to bajirone bajiaja mũa. To bajiri, “Rojose mana ñaama” mũaare yĩaru, Esp'iritu Santore mũaare cõañumi. To bajicõari, Jesucristo ocare cũdirãja mũa. To bajiro yiyumi, rojose mũa yisere ĩ macũ sũorine ĩ masiriorũgũrotire yigũ.

Mũaare quẽnarotigũ, Diore ado bajise mũaare sẽnibosaja yu: “Butobusa quẽnase ĩnare cõañã”, mũaare yisẽnibosarũgũaja yu. “Yu sũori yu jacũ quẽnaro ĩ yise quetire gãjeräre gotimasiorũcũja mũa” yigũ, yũre cũcami Jesucristo. Yu ñaja Pedro, adi quetire mũaare ucaga.

“Mani rijato bero, tudicaticõari, Diorãca quẽnaro variquẽnacõa ñarũgũruarãja”, yire queti

3 Mani uju, Jesucristo jacũ, buto manire maigũ ñari, rojose mani yisere “Yirẽtobosato” yigũ, manire rijabosarotiyumi. ĩ rijato bero, ĩre tudicatiouyumi. To bajiro ĩ yire ñajare, Jesũre ajitirũnurã, Esp'iritu Santo sũorine Diorãca quẽnaro ñacõari, ĩ bojarore bajiro yirã ñaja mani. To bajicõari, mani rijato bero ĩ rãca quẽnaro ñacõa ñarũgũrona ñari, “Quẽnaro yaja mũa”, Diore ĩre yito mani. 4 To yicõari, ĩ gotiriarore bajiro õ vecaju buto quẽnase manire Dios rĩare bajiro bajirãre yayiroti me manire ĩ uxorotire tũoĩavariquẽnaja mani. 5 ĩ macũre ajitirũnurã mani ñajare, ĩ masise rãca manire quẽnaro coderũgũgũmi, ĩ ñaroju ejaõari, ĩ rãca quẽnaro mani ñarũgũrotire yigũ. To yicõari, adi macarũcuro ti jedirirũmũ ti ejaro, ĩ tũoĩarore bajiro yigũ, jediro quẽnaro manire ĩ yirũgũsere, to yicõari, õ vecaje manire ĩ uxorotire quẽne masiojeocõarũcũmi.

6 Tire tũoĩacõari, adigodoju rojose tãmũorã ñaboarine, Dios tũju quẽnase mani bajirotire tũoĩa yurã ñari, buto variquẽnaroti ñaja manire. 7 Rojose tãmũoboarine, Jesucristore mani ajitirũnũcõa ñajama, “Ĩre ajitirũnurã masu ñaja” yĩorã yaja mani. Oro vaja cũtiro rẽtoro vaja cũtiaja Jesucristore mani ajitirũnũse. Orojuama, jedise ñaja. “ĽOro masu ñati?” yirã, asioĩama ĩna. Tire bajiro bajiaja Jesucristore mani ajitirũnũse quẽne. “Yu macũre ajitirũnurã masu ñati ĩna” yĩaru, rojose mani tãmũosere yirẽtobosabecũmi Dios. To bajiri rojose tãmũoboarine, Jesucristore mani ajitirũnũcõa ñajama, “To cõrone tudivarũcũmi yu macũ” Dios ĩ yitũoĩariarũmũne, “Yu ejarẽmose rãca quẽnaro yicaju mũa”, manire yivariquẽnarũcũmi Dios. To bajiro yigajanocõari, rũcũbuorijaju manire rojorũcũmi.

8 Jesucristore ĩabetiriarãja mũa. To bajiboarine ĩre mairãja mũa quẽne. Adirũmũri quẽne ĩre ĩamena ñaboarine, ĩre ajitirũnurã ñari, quẽnaro variquẽnarãja mũa. Dios tũana ĩna variquẽnarore bajiro buto variquẽnarã ñari, mũa variquẽnasere rẽtobusare gotirũaboarãja mũa. To bajiboarine,

gotmasimenaja. ⁹ Quēnase m̄are ī ɸjorotire, “To bajirone yir̄ɸc̄m̄i” yit̄oīar̄ā ñari, to bajirone bajir̄āja m̄a.

¹⁰ To bajiro quēnaro Dios manire ī yiotire gotiyuma tir̄m̄ana, Diore gotir̄ētosariar̄ā. Quēnaḡū ñari, manire īamaic̄ōari, quēnaro ī yiotire gotiboarine, ɸtob̄usa tire masir̄aaboayujar̄ā ña. To bajiri Diore ña gotir̄ētosarere quēnaro buec̄ōari, ɸto t̄oīar̄ūḡūñujar̄ā ña. ¹¹ Esp'iritu Santore s̄orine Cristo ī bajiorotire t̄oīa gotimasin̄uma. ɸto rojose ī t̄am̄oro bero, quēnaro ī yiotire t̄oīa gotiyuma. Tire gotiriar̄ā ñaboarine, “To c̄oro ñaro bajir̄aroja ti. To bajiro bajic̄ōari, bajir̄aroja” yimasir̄ar̄ā, ña gotisere buec̄ōari, t̄oīar̄ūḡūboayujar̄ā ña. ¹² Tire quēnaro masibeti-boarine, Dios s̄orine ado bajiro t̄oīañujar̄ā ña: “Tire īamenaja manī. Mani beroana īar̄ar̄ama”, yit̄oīañujar̄ā ña. “Mani beroana” ña yijama, manirene gotir̄ā yiyuma. Cristo ī rijabosare s̄orine quēnaro Dios ī yise queti goticudirimasa, ȳa gotimasiosene ñaja Diore ña gotir̄ētosare. Tire ȳa gotimasiorotire yiḡu, Esp'iritu Santore c̄oñumi Dios. Ti oca quēnase ti ñajare, ɸto ajimasir̄ar̄ūḡūr̄ama ángel mesa.

“Quēnase r̄ñe yioti ñaja”, Pedro ī yire queti

¹³ Ti ocare quēnaro ajimasir̄ā ñari, Cristo ī tudiejarir̄am̄are quēnaro Dios ī yiotire t̄oīa t̄ajamenane, toc̄ar̄acajine mani yiotire quēnaro t̄oīar̄ūḡūroti ñaja. ¹⁴ Dios r̄ñare bajiro bajir̄ā ñari, Cristo ocare m̄a masiroto r̄joro, rojose m̄a yir̄ūḡūriarore bajiro yibetic̄ōari, ī bojarore bajiroja yir̄ūḡūroti ñaja. ¹⁵ Dios, quēnase r̄ñe yiḡu, “Ȳa r̄ñar̄ar̄aja m̄a” ī yire ñajare, ñe bajiro quēnase r̄ñe yir̄ūḡūroti ñaja. ¹⁶ Ado bajiro gotiaja Dios ocare masa ña ucamasire: “Quēnase r̄ñe yiḡu ñaja ȳa. To bajiri quēnase r̄ñe yir̄ūḡūña m̄a quēne”, yigotiaja.

¹⁷ Gajeyerema, ado bajiro mani yiḡu ñaboarine, masa jediro mani yisere īabeseroc̄u ñaami. Ī īabesejama, “Ānoama rojose yir̄ā ña ñaboajaquēne, quēnaro ñnare yir̄ɸc̄aja ȳa”, yibetir̄ɸc̄m̄i. To bajiri, Diore “mani jac̄u” m̄a yijama, r̄ɸc̄ɸose r̄āca ñe yic̄ōari, quēnase r̄ñe yir̄ūḡūroti ñaja. ¹⁸ Tir̄m̄aj̄u m̄a ñic̄ua rojose ña yimasiriarore bajiro yir̄ūḡūriar̄ā ñaboayuja m̄a maji. “Tire yit̄ajac̄ōari, quēnaro Dios ī yirona ñato” yiḡu, rojose mani yise vaja manire rijabosayumi Cristo. Īere Cristo manire ī vaja yibosare masir̄āja m̄a. Gajeyēni yoaro ñabeti, ḡājoa r̄āca me vaja yibosayumi. ¹⁹ Rojose yīabec̄u ñari, ī rijare s̄orine, jediro rojose mani yire, mani yiotire quēne manire vaja yibosayumi Cristo. ²⁰ Adi macar̄ɸc̄oro Dios ī rujeoroto r̄joroju, tire manire ī vaja yibosarotire t̄oīac̄ōari, ī mac̄are ī c̄ōarotire t̄oīamasin̄uju Dios. To bajiri adi macar̄ɸc̄oro t̄sarir̄m̄ari manire rijabosaḡu ejayumi Cristo. ²¹ “Manire rijabosayumi Cristo” yir̄ā ñari, Diore ajitir̄ñaja mani. Cristore catioc̄ōari, ī t̄a r̄ɸc̄ɸoriaj̄are ñe rojoyuju Dios. To bajiro ī yire ñajare, “Ī gotiriarore bajirone quēnaro manire yir̄ɸc̄m̄i Dios”, ñe yit̄oīavariquēnar̄āja m̄a.

²² “Ȳa mac̄are ajitir̄ñañā” Dios ī yirere c̄adiriar̄ā ñaja m̄a. To bajiro bajir̄ā ñari, tir̄m̄aj̄u rojose m̄a yir̄ūḡūre, m̄a yit̄ajabetire yit̄ajac̄ōari, socamenane s̄īḡū r̄ñare bajiro quēnaro ḡāmer̄ā mair̄oti ñaja. To bajiri ɸtobusa m̄a ḡāmer̄ā mair̄otire bojaja ȳa. ²³ Adir̄m̄ir̄irema, quēnasejare mani t̄oīarotire Dios ī isiriar̄ā ñari, quēna ḡāme ruñar̄are bajiro bajir̄āja m̄a. Gajerodori ī oca ti vasoabetirotire bajiro m̄a quēne bajireac̄ōari bero m̄a catic̄ōa ñarotire yiḡu, ī catisere ī isiriar̄ā ñar̄āja m̄a. ²⁴ Dios ocare masa ña ucamasire ado bajiro ti gotijare, to bajiro yaja ȳa:

“Muiju i jjado, buto asirone, ta sīnicoacaju. Go quēne, sīniyayoacaju. To bajiri quēnase ruyuboacati manicaju. Tire bajirone bajirāma masa quēne. Yoaro mene bajireacoararāma.

²⁵ To bajiboarine, mani uju ocajuma ñacōa ñarügũuaroja”, yigotiaja Dios ocare masa ña ucamasire.

“Mani uju oca” ti gotise, Cristo suorine quēnaro Dios i yise quetire, muare gotimasiore ñaja.

2

¹ “Yu macure ajitirũña” Dios i yirere cudiriarã ñari, jediro rojose yibetirügũroti ñaja. Adi ũnire yibetirügũña muã: Gãjerãre yitobesa. Socabesa. Gãjerãre, “Quēnaro ñaama”, ñnare yĩatebesa. Gãjerãre rojose ñagōmacabesa. ²⁻³ Butobusa Dios ocare ajivariquēnacōari, ti gotirote bajiro yirua tũōiarũtuaroti ñaja muare. Sũca buto ũjuruagure bajiro tire yirua tũōiarũtuaroti ñaja. To bajiro muã yijama, “Quēnaro manire yami Dios” yimasirã ñari, quēnabusaro i bojarore bajiro yirũtuararãja muã. To bajiro muã yijama, Dios taju quēnaro ñacōa ñarügũuaroja.

“Gũta ñamasuricare bajiro bajigu ñagũmi Cristo”, yire queti

⁴ To bajiri, mani ujure Jesucristo, mani catirotire manire isigũre quēnaro ajitirũnacōa ñaña. Ñne ñaami masa vi quēnorã gũta ña cũsuorica, ñamasuricare bajiro bajigu. Ñre buto ñatecama masa. Ñre ña ñateboajaquēne, Diojuama, “Ñamasugũ ñarucumi”, ñre yiyumi. ⁵ To bajiro yigu ñari, muare quēne Jesucristore ajitirũnarã rãcana muã ñajare, Dios ya vire gũta i jeomujavasere bajiro bajaiaja muã. To bajicōari, ti vi ñarã, quēnase rĩne yirã, paiare bajiro bajaiaja muã. To bajiri, Esp'iritu Santo suori Dios i ñavariquēnasere yĩñaña. ⁶ Isa'ias i ucamasire Dios oca ado bajiro ti gotijare, Jesucristo suorine Dios i quēnorivire bajiro bajaiaja muã:

“Sión vãme cuti maca ñarica gũta, gajea gũta rētoro quēnaricare bajiro bajirocare cũrucuja yũ. Ñre ajitirũnarãjuama, yũ goticatore bajiro ñnare quēnaro yũ yirügũjare, ‘I yirore bajiro yigu ñagũmi’ yure yivariquēnararãma”, yigotiaja Dios ocare masa ña ucamasire, Cristore Dios i gotirere yiro.

⁷ To bajiri, Jesucristore ajitirũnarã ñari, ñre buto maiaja mani. Gãjerã, ñre ajimenajuarema, Dios ocare masa ña ucamasire ti gotirote bajiro bajaiaja. Ñnarema, gũta ña rocariare bajiro bajiami Jesús. Ado bajiro gotiaja ti:

“Gũta rãca vi quēnorimasa coja gũtare rocarãma ña. Ñna rocaria ñaboarine, gajea gũta rētoro quēnarica ñaruaroja tia. Tia gũta suorine quēnarivi quēnorucumi Dios. Tia manijama, quēnomasibetibogumi”, yigotiaja Dios ocare masa ña ucamasire.

⁸ To yicōari, gajeye Dios ocare masa ña ucamasire “Gũta masa ña juata quedirotiare bajiro bajiami Jesús” yigotiro yaja.

“Coja gũta, ña juata quedirotiare bajiro bajirocare cũrucuja yũ”, yigotiyuja ti.

To bajiro ti gotijama, Cristo ocare ajimena ñari, ñna rijato beroju rojose ñna tãmuotujabetirotire yiro yaja. “To bajiro bajiruarãma” Dios i yigotiarore bajirone bajiruarãma.

⁹ To bajiro bajirona me ñaja muãjuama. Dios suorine i macure ajitirũnacōari, i yarã ñaja muã. Dios, mani ujure rucũbuorã, i bojarore bajiro

quēnaro yirūgūrā ñaja m̄ua. Ī suorine cojo masare bajiro bajirā ñari, Ī bojasere yirā ñaja. Rojose m̄ua yisere Ī macu Ī vaja yijeobosare ñajare, Dios yarā ñaja m̄ua. “Ñajediro quēnaro yu yisere gājerāre gotiato” yigu, “Yu yarā ñaruarāja”, m̄uare yiyumi. Diore m̄ua ajitirūnuroto r̄joroju, Īre masimena ñari, vātia uju Ī bojasere yirā ñaboayuja m̄ua maji. To bajiro yirā m̄ua ñaboajaquēne, m̄uare ĩamaicōari, quēnaro Ī yire ñajare, Īre masirā ñari, rojose yitujacōari, Dios Ī bojasejuare yirā ñarāja m̄ua. ¹⁰ Tirāmujū Dios Ī ĩamaimena ñañuja m̄ua maji. To bajiri, sīgū r̄iare bajiro ñabesuja m̄ua maji. Adirūmūirema Ī masune quēnaro Ī yijare, Ī yarā ñarāja m̄ua yuja.

“Dios Ī bojase r̄ine yirūgūña”, yire queti

¹¹ Yu mairā, adigodoju ñarā yoaro me catiñarona ñaja mani. To bajiboarine õ vecaju Dios tujū ñaja mani ñacōa ñarūgūrotojuama. To bajiro bajirona ñari, rojose m̄ua yirua tuoñasere yibetirūgūña. Rojose m̄ua yirūgūjama, Diore m̄ua ajitirūnuboasere yitujarā ñari, rojose yiecoruarāja. ¹² Diore masimena vatoaju ñarā ñari, quēnase r̄ine yirūgūña, “‘Rojose yama’ gājerāre yi ocasāroma” yirā. Quēnase r̄ine m̄ua yicōa ñasere ĩariarā ñari, “M̄u suorine quēnaro yirūgūcama”, Diore yiruarāma, masare Ī ĩabeserirūmū ti ejaro.

¹³⁻¹⁴ Roma macagu uju ñamasugū, Īre cūdirūgūña m̄ua. Īre moabosarāre quēne cūdirūgūña. “Rojose yirāre rojose ĩna yise vaja rojose yare yibosato” yigu, to yicōari, “Quēnaro yirāre quēnaro ĩna yise vaja quēnaro yare yibosato” yigu, ĩnare cūgūmi uju ñamasugū. Ō vecagu, mani ujure quēnaro ĩna r̄ucub̄uorotire bojarā ñari, quēnaro ĩnare cūdirūgūña m̄ua. ¹⁵ Diore ajimena, m̄uare rojose ĩna ocasāre ajicōari, “Socase ñaja” ujarā ĩna yituoīarotire yigu, quēnase r̄ine m̄ua yirūgūserē bojaami Dios.

¹⁶ Ado bajiro ti bajijare, Dios Ī bojasere yirūgūroti ñaja: Rojose mani yiboajaquēne, manire masirioyumi Dios. To bajiro Ī yire ñajare, “Rojose mani yijama, no yibeaja”, yituoīaroti me ñaja. Ado bajiroju t̄uoīarūgūroti ñaja: “Manire maigū ñari, rojose mani yirere masirioyumi Dios. To bajiri, mani quēne, ĩre mairā ñari, Ī bojasejuare yiruarāja”, yituoīarūgūroti ñaja. ¹⁷ Masa jedirore r̄ucub̄uoroti ñaja. Gājerā Jesucristore ajitirūnūrāre quēne mairūgūroti ñaja. “Īre mani cūdibetijama, manire ĩavariquēnabecūmi Dios” yituoīarā ñari, Ī bojarore bajiro yirūgūña. To yicōari, Roma macagu uju ñamasugūre quēne quēnaro r̄ucub̄uorūgūña.

“Rojose ĩre yirāre Cristo ĩgāmebeticatore bajiro gāmebetiroti ñaja”, yire queti

¹⁸ M̄ua, gājerāre moabosarā, m̄ua ujarāre ajirūcub̄uocōari, ĩna rotisere quēnaro cūdirūgūroti ñaja. Quēnaro yirā ĩna ñajama, ĩna ñabetijaquēne, ĩna rotisere quēnaro cūdiroti ñaja. ¹⁹ Cojojirema sīgū rojose Ī yibetiboajaquēne, “Rojose yiyuja m̄u” ĩre yituoīacōari, rojose ĩre yigūmi Ī uju. To bajiro Ī yiboajaquēne, ĩre moabosarimasujua, Dios Ī bojarore bajiro yigu ñari, Ī gāmebetijama, “Quēnaroja”, yirūcūmi Dios. ²⁰ Rojose m̄ua yijama, to bajiro m̄ua yise vaja rojose m̄uare yigūmi m̄ua uju. To Ī yiro bero, “Rojose mani yijare, to bajiro yimi” yimasirā ñari, ĩre gāmebetiruarāja. To bajiboarine, quēnaro m̄ua yiboajaquēne, rojose m̄uare Ī yijama, rojose t̄amuobarine, gāmebetiruarāja m̄ua. To bajiro m̄ua bajise ñaja Dios Ī ĩavariquēnase. ²¹ To bajiro m̄ua bajirore yigu, “Yu r̄ia ñaña”, m̄uare yirimi Dios. Cristo quēne, manire rojose t̄amuobosagu ñaboarine, gāmebeticami. To bajiro Ī bajicatī ti ñajare, ĩre bajiro bajiroti ñaja manire quēne. ²² Cojojirema rojose yīābeticami. Ñimūjuare yitobeticami. ²³ Masa

ĩre ĩna tud'iboaajaquẽne, ĩnare tud'igãmebeticami. Rojose ĩre ĩna yirone, “Yũre rojose mũa yise vaja rojose mũare yirũcũja”, ĩnare yibeticami. Ado bajirojũa tũoĩacami: “Dios ñaami, masa rojose ĩna yise vaja rojose ĩnare yigãmerocũma. To bajiro ĩ yijama, quẽnaro riojo yirũcũmi”, yitũoĩacami. ²⁴To bajicõari, yucãtẽroju ĩre ĩna jaju sĩarone, rojose mani yise vaja, manire rojose tãmũobosacami, rojose yibeticõari, quẽnasejuare mani yirotire yigu. ²⁵Tirũmũjũma Diore ajimena ñari, oveja codeecobeticõari, ĩna mavisiacudirore bajiro bajiyuja mũa maji. Yucũrema, Cristore ajitirũnrã ñari, oveja codeecorãre bajiro bajiaja mũa.

3

“Gãmerã rũcũbuoroti ñaja”, yire queti

¹⁻²Rõmia, manaju cõtirãre, mũare gotigu yaja yũ: Mũa quẽne, mani uju ĩ ĩvariquẽnarotire bojarã ñari, mũa manajũre quẽnaro cũdirũgũña. Sĩgũri, mũa manajũa, Cristo ocare ajimena ñarãma. To bajiri, Cristo ocare mũa gotibosasere ajirũamenama. Ti ocare gotibetiboarine, Diore rũcũbuocõari, quẽnase rĩne yĩñaña mũa. To bajiro mũa yisere ĩacõari, ĩna quẽne Cristo ocare ajitirũnũborãma. ³“ ‘Manire ĩvariquẽnato ãmũa’ yirã, ¿no bajiro yirãti mani?” mũa yitũoĩajama, “Ado bajiro yirũarãja”, yitũoĩabetiroti ñaja: Mũa joa quẽnorotire, quẽnase mũa busarotire, mũa gãmo yorotire, to yicõari, quẽnase mũa sudi sãñarotire quẽne, ti ũnire buto tũoĩaroti me ñaja. ⁴Ado bajirojũa buto tũoĩaroti ñaja: Quẽnase yirũa tũoĩarũgũroti ñaja. Mani rujuaye jedise ñaja. Quẽnase mani tũoĩasejuama jedibetirũaroja. To bajiri, mũa manajũare ajirũcũbuocõari, ĩnare quẽnaro mũa yirotire tũoĩarũgũroti ñaja. To bajiro mũa yijama, mũare buto ĩvariquẽnarũcũmi Dios. ⁵Tirũmũju to bajiro quẽnaro yirã ñamasĩñujarã rõmia manaju cõtimasiriarã. Diore rũcũbuomasiriarã, “Manire ĩ gotiriarore bajiro yirũcũmi”, yitũoĩamasĩñujarã. To yicõari, ĩna manajũre cũdirũgũmasĩñujarã ĩna. ⁶To bajirone bajimasĩñuju Sara vãme cõtimasirio. So manaju Abrahamre ĩre so jijama, “Yũ uju”, ĩre yimasĩñuju, ĩre rũcũbuogo. To yicõari, ĩre quẽnaro cũdimasĩñuju so. So bajiriarore bajiro bajiroti ñaja mũare quẽne. Mũa manajũa rojose ĩna yirotire tũoĩa gũimenane, quẽnaro yicõa ñaroti ñaja.

⁷Õmũa, manajo cõtirãre, mũare quẽne gotiaja yũ: Mũa quẽne, mani uju ĩ ĩvariquẽnarotire bojarã ñari, “Rõmia tũmabetibusarã ñaama” yitũoĩacõari, mũa manajoare ĩnare ejarẽmorũgũña. To yicõari, Dios quẽnagũ ñari, ĩnare quẽne, ĩna rijato beroju “Tudirijabeticõato” yigu, ĩ catisere ĩ ĩsiriarã ĩna ñajare, ĩnare quẽnaro rũcũbuoya. Quẽnaro ĩnare mũa rũcũbuobetijama, ĩre mũa sẽnisere ajibetirũcũmi Dios.

“Gãjerã Cristore ajitirũnrã rãca quẽnaro ñarũgũña”, yire

⁸Gãjerã Cristore ajitirũnrã rãca mũa bajĩnarotire mũa jedirore gotitusagu yaja yũ. Sĩgũre bajiro quẽnaro tũoĩacõari, ñarũgũrũarãja mũa. Gãjerã rojose ĩna tãmũosere mũa ĩajama, ĩnare ĩamaicõari, ejarẽmoroti ñaja. “Yũ rẽtoro ñamasurã ñaama”, gãjerãre yitũoĩaroti ñaja. ⁹Gãjerã rojose mũare ĩna yijama, ĩnare gãmebetiroti ñaja. Gãjerã mũare ĩna tud'ijama, ĩnare tud'igãmebetiroti ñaja. Ado bajirojũa ĩnare yirũgũroti ñaja: Tud'igãmemenane, quẽnaro ĩna ñarotire yirã, Diore ĩnare sẽnibosaya. To bajiro mũa yirũgũsere bojaami Dios, “To bajiro ĩna yijama, jediro quẽnase yũ ĩsirũasere bujarũarãma” mũare yimasigũ ñari. ¹⁰Dios ocare masa ĩna

ucamasire ado bajiro ti gotijare, “Tire riojo gotiami Pedro”, yimasirãja mua:

“Quênaro ña ñaruajama, ña ñagõroto rĩjoro quênaro tuoïarũgũruarãma, ‘Rojose ñagõrobe’ yirã. To yicõari, gãjerãre yitobetiruarãma.

11 Rojose yitujacõari, quênasejuare yirũgũruarãma. ‘Gãjerã rãca quênaro ñarãsa’ yirã, ña yimasiro cõro quênaro ñare yicõa ñarũgũruarãma.

12 Quênaro yirãre ñatirũnũrũgũami Dios. To bajiri, ñre ña sãnijama, ñare ejarẽmorũgũami. To bajiboarine, rojose yirãrema ñavariquênabeami”, yigotiaja Dios ocare masa ña ucamasire.

13 Quênase rĩne mua yicõa ñajama, ñimarãjua muare rojose yigu, magũmi.

14 To bajiboarine, sũgũri rojose muare ña yijama, “Quênaro manire yirũcũmi Dios” yimasirã ñari, rojose muare yirãre gãibeticõari, buto variquênaroti ñaja muare. 15 “Cristo, mani uju, jediro masigũ ñaami”, yitũoïa rũcũbũocõa ñarũgũrãja mua. Gãjerã, “¿No bajiro tuoïarã ñari, ‘Quênaro yuare yirũcũmi Dios’ yati mua?” muare ña yisẽnĩajama, mua cãdirotire quênaro tuoïa yuya mua. 16 “Ña rẽtoro masirã ñaja” yitũoïamenane, Dios ñ bojarore bajiro ñare quênaro cãdiruarãja mua.

“Rojose yama” gãjerãre ña yigotisere ajicõari, “Socarã yaja mua” ña yibojoneotire yirã, quênase rĩne yirũgũruarãja mua. Cristore ajitirũnũrã ñari, to bajiro yiroti ñaja muare.

17 Rojose mua yise suorine rojose muare ña yijama, “Juaji to bajiro yibetiruarãja”, yitũoïaruarãja mua. Ti quêne quênase ñaja, bajirojama. To bajiboarine ti rẽtoro quênamasuse ñaja quênase mua yise suorine Dios ñ bojarore bajiro rojose mua tãmuojama. 18 Cristo quêne, quênase rĩne yigu ñaboarine, rojose tãmuocõari, rojose yirãre manire rijabosacami. To bajiro bajicami, Dios tũju quênaro mani ñarũgũrotire yigu. Rijacoaboarine, Esp'iritu Santo suorine tudicatyumi. 19 To bajicõari, rijariarã, tubiberi-roju ñarãre ñare gotimasiogũ vasuju Cristo. 20 To ñariarã, Noé ñ ñamasiriarodoju ñariarã ñañujarã. ñare Dios ocare gotimasiboayuju Noé. Ajirũabetimasiñujarã ña. To bajiri, cũmua jairicare Noé ñ quẽnotyene, ñre ña ajitotire yoaro yumasiboayuju Dios. ñre ajibeticõa ñamasifujarã ña. To cõrone cũmua quẽnogajanocõari, cojomo cõro jedi, gaje ãmo idia jẽnituariarãcũ rĩne vasãjamasiñujarã. Oco ñamuse rãca ñ ruureare suorine rojorã rãca ña ñacõa ñaborotire ñare yirẽtobosamasifuju Dios. 21 Oco rãca mani bautizaecorirũmũne, manire rojose tãmuoboronare yirẽtobosayumi Dios. “Ti ãnine bajiyuja ti Noé Dios ñ yimasire quêne”, yimasiaja mani. Oco rãca mani bautizecojama, Dios mani jacure quênaro mani tuoïarotire yirã, “Rojose yua yisere masirioya”, ñre yisẽnijama mani. To yicõari, “Jesucristo manire ñ rijabosaro bero Dios ñre ñ catiore ñajare, manire rojose tãmuoboronare yirẽtobosayumi”, yaja mani. 22 Jesucristo, tudicaticõari, õ vecaju Diorãca rotiñagũmi. Toju ñarã, ujarã ñamasurã, ñamasumena quêne, ángel mesa, gãjerã quêne, ñ rotisere cãdiñarãma.

4

“Mani masirotire Dios ñ ujararã ñari, gãmerã ejarẽmorũgũroti ñaja”, yire queti

¹ Adigodoju ñagũ, rojose tãmuocami Cristo. To bajiri, manire quêne, “To bajiro mani bajirotire Dios ñ bojajama, rojose tãmuoruarãja”, yitũoïaroti ñaja. Rojose tãmuocõari, Cristore butobusa mani tuoïajama, rojosere yirũca tuoïamenaja mani. ² To bajiro mani tuoïarũgũjama, adigodoju mani

catiñaro cōro mani masu mani bojarore bajiro yibeticōari, Dios ī bojasejuare yirūgūrūarāja. ³ Ado bajiro ti bajijare, to bajiro yirūgūroti ñaja m̄are: Diore m̄a masiroto r̄joro, m̄a masu m̄a bojarore bajiro, ado bajiro yirūgūñuja m̄a maji: Rojose yirā ñari, rōmia rāca ajeriarā catirūgūñuja m̄a. Idire mec̄ose idimec̄ōari, rojose yicudirūgūñuja m̄a. “Ado bajirā ñarāma” ña masune yiquēnorujeocōari, ña r̄c̄ub̄orāre m̄a quēne r̄c̄ub̄orūgūñuja. ⁴ To bajiro m̄a yirūgūboarere yit̄ajacōari, rojose yirā rāca m̄a ñabetijare, adir̄am̄irema “¿no yirā mani rāca rojose yir̄abeati? Rojorā ñaama” m̄are yit̄oīacōari, ajatud'irāma ña. ⁵ To bajiro m̄are ajatud'irā, “Rojose yirā ñari, ñare ajatud'icaj̄a ȳa”, mani ̄j̄are yigotiroti ñaja ñare. Mani ̄j̄a ñaami yoaro mene vadicōari, catirāre, rijariarāre quēne ñabeseroc̄a. ⁶ Yoaro me to bajiro ī yirotere t̄oīagū ñari, rijariarāre quēne ī oca quēnasere gotimasioñuju mani ̄j̄a. To bajiro ñare gotimasioñuju, j̄ere rijariarā ñaboarine, ñre ajitir̄an̄rā ñari, tudicaticōari, Diorāca quēnaro ña ñarotire yiḡa.

⁷ Adi macar̄uc̄uro ti jedirotir̄am̄a cōñaro bajaiaja. To bajiri, quēnaro t̄oīacōari, r̄c̄ub̄ose rāca tocārāc̄ajine Diore s̄enirūgūña m̄a. ⁸ To yicōari, gāmerā ñamairūgūña. Ti ñaja ñamasusema. Gājerāre buto mani maijama, coj̄o me manire rojose ña yilboajaquēne, ñare masir̄orūgūarāja. ⁹ Gājerā m̄a ya vi ña ejajama, variquēnase rāca ñare quēnaro yirūgūrūarāja m̄a. ¹⁰ Tocārāc̄are ñamaicōari, ricati m̄a yimasirotere m̄are ̄j̄orimi Dios. To bajiri, m̄are ī ̄j̄ore m̄a yimasise rāca Dios ī bojarore bajiro gāmerā ejar̄emorūgūroti ñaja. ¹¹ M̄a rācaḡa Dios ocare gotiḡa ī ñajama, quēnaro gotimasioato. Gājima, “Quēnaro gājerāre ejar̄emor̄uc̄ami” yiḡa, mani jac̄a Dios ī masisere ī ̄j̄or'ī ñari, quēnaro ejar̄emoato. ña yirore bajiro r̄ine yicōa ñato gājerā quēne. Jediro mani yisere ñacōari, “Jesucristo s̄orine ñare quēnaro ejar̄emoḡami Dios ñajediro ̄j̄a”, gājerā ña yir̄c̄ub̄orotire yirā, to bajirone yicōa ñaña.

“Cristore mani ajitir̄an̄se s̄orine rojose manire yir̄arāma gājerā”, yire queti

¹² Ȳa mairā, ajiya m̄a. Masa rojose m̄are ña yijama, “¿Ȳa mac̄are ajitir̄an̄rā masu ñati ña?” yīlar̄a, rojose m̄a t̄am̄osere yir̄etobosabec̄ami Dios. To bajiro ti bajijama, “¿No yiḡa, Jes̄ure ajitir̄an̄gū ñaboarine, rojose t̄am̄oati ȳa?”, yibesa. ¹³ M̄a quēne, Cristore ajitir̄an̄rā ñari, rojose ī t̄am̄ocatore bajiro rojose m̄a t̄am̄ojama, variquēnaña. To bajiro r̄ine m̄a bajicōa ñajama, adi macar̄uc̄uroj̄a Cristo ī tudiejarir̄am̄are, ī rāca ñacōari, r̄etobusaro variquēnar̄arāja m̄a. ¹⁴ Cristore m̄a ajitir̄an̄se s̄orine gājerā m̄are ña tud'iboajaquēne, variquēnaña m̄a, Dios ī cōaḡa, Esp'iritu Santo, “Quēnaro yirā ñato” yiḡa, butob̄asa ī ejar̄emorā ñari. ¹⁵ Cristore m̄a ajitir̄an̄se s̄orine rojose m̄are yir̄arāma masa. To bajiboarine rojose m̄a yise s̄ori rojose m̄a t̄am̄ojama, ñavariquēnabetir̄uc̄ami Dios. To bajiri, “Rojose yirā ñari, rojose t̄am̄oaja mani” yirobe yirā, ado bajiro rojose yibetirūgūña: Gājerāre s̄īabesa. Juarudibesa. Gājerāre gōjanabiobesa. ¹⁶ Cristore ajitir̄an̄rā ñari, quēnasejuare m̄a yilboajaquēne, gājerā rojose m̄are ña yisere t̄am̄ocōari, “Rojose bajaiaja mani” yit̄oīabojomenane, Dioj̄are, “M̄a ejar̄emose rāca quēnaro yicōa ñaja ȳa”, ñre yivariquēnaña.

¹⁷ J̄ere adir̄am̄arine masa ña yisere ñacōari, “Ado bajiro yicana ñari, quēnase b̄jarā, rojose t̄am̄orā, bajir̄arāma” Dios ī yiroti ejacoato yaja.

To bajiro ĩ yisʊorona ñaja mani, ĩ yarã Cristore ajitirũnarã. To bajiri, “Adigodoju rojose mani tãmuoro rětobusaro ĩre ajitirũnumena roque rojose tãmuoruarãma”, yimasiaja mani. ¹⁸ Tire bajirone gotiaja Dios ocare masa ĩna ucamasire. “Rojose mana ñaama” Dios ĩ yĩiarã quẽne, adigodoju ñarã rojose tãmuoaja mani. To bajiri, “Rojose mani tãmuoro rětobusaro ĩre ajitirũnumena roque rojose tãmuoruarãma”, yimasiaja mani. ¹⁹ Rojose mua tãmuorotire Dios ĩ bojajare, rojose tãmuoboarine, quẽnasejuare yicõa ñaña mua. “Ĭ gotiriarore bajiro quẽnaro manire ĩatirũnucõa ñarucumi manire rujeor'i, ĩ taju quẽnaro mani ñarũgũrotire yigu”, yituoĩarũgũña.

5

Cristore ajitirũnarãre ũmato ñarãre Pedro ĩ gotire queti

¹ Bucurã, Cristore ajitirũnarãre ũmato ñarãre, muare gotigu yaja yu. Yu quẽne, Cristore ajitirũnarãre ũmato ñagũ ñaja yu. To bajicõari, Cristo rojose manire ĩ tãmuobosacatire ĩacacu ñaja yu. To bajicõari, quẽna ĩ tudiejarotirũmu yu quẽne, mua rãca ĩre ĩavariquẽnarucuja yu. ² Ovejare coderimasu quẽnaro ĩ ĩatirũnurore bajiro, mua quẽne, variquẽnase rãca Cristore ajitirũnarãre ĩatirũnarũgũña mua, “Dios ĩ bojarore bajiro quẽnaro yirã ñato” yirã. “Ĭnare yua codese vaja, gãjoa bujarãsa” yirã me, to bajiro yirũgũña mua. ³ Buto ĩnare rotibetiroti ñaja. Ado bajiroju yiroti ñaja. Cristo ĩ bojarore bajiro ĩnare ũmato yĩñarũgũña mua. ⁴ To bajiro ĩnare mua ũmato yicõa ñajama, mani uju Cristo mua rãca variquẽnarucumi. To bajicõari, ĩ tudiejarirũmu muare quẽnaro yirucumi, “Yu rãca variquẽnacõa ñato” yigu.

⁵ Mamarãre, muare quẽne gotiaja yu. Muare ũmato ñarãre quẽnaro rucubucõari, cudiya. Cristore ajitirũnarã, mua jediro quẽnaro gãmerã rucubuoaya. “Ĭna rětoro ñamasugũ ñaja yu”, yituoĩabesa. Ado bajiroju yiya: “Yu rětoro ñamasurã ñaama”, gãjerãre yituoĩaroti ñaja. Dios ocare masa ĩna ucamasire ado bajiro ti gotijare, to bajiro bajiroti ñaja:

“Ĭna rětoro ñamasurã ñaja yua’ yirãre ajibeami Dios. ‘Yua rětoro ñamasurã ñaama’ gãjerãre yituoĩarãjuare quẽnaro ejarẽmoami”, yigotiaja Dios ocare masa ĩna ucamasire.

⁶ To bajiri Diore, “Yua rětoro ñamasugũ ñaami” yirã, quẽnaro yirucuburũgũña mua. “Yua uju, ñajediro masijeogu ñaja mu. Mu bojarore bajiro bajiato”, ĩre yirucuburũgũña. To bajiro mua yijama, “To cõrone adi macarucuro jedicoaruroja” Dios ĩ yituoĩariarũmu ti ejaro, “Gãjerã rětoro ñamasurã ñato” yigu, muare yirucumi Dios. ⁷ Dios muare quẽnaro ĩ ĩatirũnũjare, mua tuoĩarejaise jedirore ĩre gotirũgũña mua.

⁸ Quẽnaro tuoĩamasiri ñaña, “Satanás rojose ĩ yirotisere cudirobe” yirã. Macarocagu yai, bar'i sũaru, ĩ bajirore bajiro, rojose tãmuotũjabetiriaroju manire Dios ĩ cõarotire bojagu ñari, rojose manire yiroticudirũgũgũmi Satanás. ⁹ To bajiro ĩ yirotiboasere cudibetirũgũña mua. “Ĭ gotiriarore bajiro quẽnaro manire ejarẽmorucumi Dios” yituoĩa tujamenane, Dios ĩ bojasejuare yicõa ñarũgũruarãja mua. “Adigodoana Cristore ajitirũnarã jediro, manire bajirone rojose tãmuorãma ĩna quẽne”, yimasiritibesa. ¹⁰ Adigodoju ñarã, rojose mani tãmuoro bero, Dios taju mani ejarone, ĩ bojarore bajiro quẽnase rĩne yirã mani ñarũgũrotire yigu, yirucumi Dios. ĩne ñaami manire ĩamaicõari, jediro mani yisere manire ejarẽmogã. ĩ suorine, “Cristore ajitirũnucõari, ĩ rãca quẽnaro ñarũgũruarãja” gãjerã ĩna

yigotisere ajiyuja m̄a. ¹¹ Ī ñaami masijeogu, ñajediro ūm. “To bajirone bajicōa ñaruc̄umi”, ĩre yiḡuc̄ub̄oto mani.

Pedro ĩ gotit̄sare queti

¹² Adi papera r̄aca mojoroaca m̄are ȳu gotisere ȳare ucabosami Silvano.^a Ī ñaami Cristore quēnaro ajitir̄un̄uḡ, ĩ yirore bajiro yigu. “Adi papera ĩ ucasere ĩavariquēnacōari, Cristore ajitir̄un̄u t̄jabeticōato” yigu, yaja ȳu. To yicōari, “Dios, manire ĩamaicōari, quēnaro ĩ ejarēmosere masiato” yigu, yaja ȳu. To bajiri, tire masiritimenane, ĩre ajitir̄un̄ucōa ñaña m̄a.

¹³ Ado Babilonia v̄ame cuti macaj̄u ñar̄ã, Cristore ajitir̄un̄ur̄ã, m̄are quēnarotiana ĩna. Dios suorine Cristore ajitir̄un̄ur̄ã ñaama ĩna quēne. Ȳu macare bajiro bajigu, Marcos v̄ame cutigu quēne m̄are quēnarotiami.^b

¹⁴ Cristo suorine cojo masare bajiro bajir̄ã ñari, quēnaro ḡãmer̄ã yisēnīa, yiñaña m̄a.

Toana, Cristore ajitir̄un̄ur̄ã jedirore ado bajiro Diore m̄are sēnibosaja ȳu: “ ‘M̄u mac̄u Cristo yar̄ã, quēnaro ñato’ yigu, ĩnare ejarēmoña”, m̄are yisēnibosaja ȳu.

To cōro ñaja.

^a 5:12 Silvano ti yijama, latín oca r̄aca yiyuju. Silas ti yijama, griego oca r̄aca yiyuju. Hch 15.22; 18.5; 2 Co 1.19 macaña. ^b 5:13 Jesúre ajitir̄un̄us̄omasiriar̄ã, cojojirema Babilonia ĩna yijama, Roma macarene yicōamasifujar̄ã ĩna.

Segunda carta de SAN PEDRO

Cristore ajitirānārāre Pedro ī ucacōare queti

¹ Ķñati m̄a, Jesucristore ajitirānārā? Үñ ñaja Pedro, adi quetire m̄are ucacōagū. Jesucristo ī bojasere yigū ñaja yñ. Ī macñ ī rijabosare s̄ori quēnaro Dios ī yise quetire “Gājerāre gotimasiocudir̄c̄aja m̄” yigū, ȳre c̄cami. Jesucristone ñaami Dios, mani r̄c̄ab̄ogū, rojose mani yise vaja manire rijabosar’i. “To bajiro ī bajire ñajare, quēnaro yir̄c̄umi Dios” yit̄oīarā ñaro cōrone, quēnaro yiecorona ñaja mani. ² M̄are quēnarotigū, Diore, to yicōari, Jesús mani ɯj̄re quēne, ado bajise m̄are sēnibosaja yñ: “B̄tob̄usa m̄a ocare ajimasicōari, quēnaro ñna ñarotire yirā, ñare ejarēm̄oūgūña”, m̄are yisēnibosaja yñ.

³ Ī yarā ñacōari, ī bojarore bajiro quēnase r̄ne mani yimasirotire yigū, manire beseyumi Cristo. Masijeogū ñari, ĩre mani ajitirān̄ajama, manire quēnaro ejarēm̄orc̄umi.

⁴ To bajiri, masijeogū ñari, “Quēnaro yir̄c̄aja” ī yicūmasiriarore bajiro manire yiyumi. To bajiro ī yiroti jairo vaja c̄tire bajiro bajise ñañuja. Ti s̄ori rojose mani t̄oīasere “Yit̄ajato” yigū, manire yiyumi, ĩre bajiro yirā mani ñarotire yigū.

⁵ To bajiri, quēnaro manire ī yire ñajare, ĩre ajitirānārā ñari, m̄a yimasiro cōro quēnasere yir̄gūña, “Diore quēnabusaro masito mani” yirā.

⁶ Rojose yir̄aboarine, tire yibeticōari, Dios ī bojarore bajiroj̄a yirā, rojose t̄am̄boarine, quēnaro yicōa ñarūgūroti ñaja. ⁷ To yicōari, gājerā Cristore ajitirānārāre, ĩre ajitirān̄amenare quēne mairūgūroti ñaja.

⁸ Ti vāme jedirore yirā ñacōari, b̄tob̄usa m̄a yir̄tu vajama, Jesucristo mani ɯj̄re quēnaro masirā ñar̄arāja m̄a. ĩre quēnaro masirā m̄a ñajama, ī bojasere quēnaro yir̄arāja. To bajiro m̄a yibetijama, ĩre masirā ñaboarine, ĩre ejarēm̄omenare bajiro bajirāja m̄a. ⁹ Ti vāme jedirore yimena, Dios ī bojasere quēnaro ajimasimena ñarāma. To bajicōari, “Rojose yñ yisere masirioyumi”, yimasiriticoaborāma. ¹⁰ To bajiri, ñare bajiro bajibesa m̄a. Ado bajiroj̄a yir̄gūña: “Cristo yarā ñato” yigū, Dios beseriarā ñari, m̄a yimasiro cōro ñajediro yir̄gūña. To bajiro m̄a yijama, Cristore ajitirān̄a t̄ajabetir̄arāja. ¹¹ To bajicōari, m̄a rijato beroj̄a, rojose t̄am̄ot̄ajabetir̄iaroju m̄a vaborotire m̄are yir̄ētobosagū, ō vecaj̄a ī rot̄iñaroju variquēnase r̄ca m̄a ejarotire yigū yir̄c̄umi mani ɯj̄, Jesucristo.

¹² M̄are yñ gotisere masirā ñari, quēnaro yir̄gūrāja m̄a. Tire m̄a masiboajaquēne, m̄are goticōa ñar̄c̄aja yñ, “Masiritiroma” yigū. Gājerā socabeti quetire m̄are ñna gotiriaro bero ti ñaboajaquēne, m̄are goticōa ñar̄c̄aja yñ.

¹³ Үñ catiñaro cōro m̄are gotimasiocōa ñar̄c̄aja yñ. To bajiri, yñ gotisere quēnaro m̄a ajisere bojaja yñ. ¹⁴⁻¹⁵ “Jesucristo mani ɯj̄, ‘Yoaro me rijacoar̄c̄aja m̄’ ȳre ī yigoticatore bajiro bajir̄aroja” yit̄oīagū ñari, yñ rijato beroj̄a ti vāmere m̄a masiritibetirotire yigū, yñ yimasiro cōro m̄are gotimasiorūgūr̄c̄aja yñ.

*“Jesucristo ĩ masise rãca ĩ yĩĩocatore ĩacana ñari, ‘Ñamasugũ ñaami’ ĩre yimasi-
aja yna”, Pedro ĩ yire queti*

¹⁶ “Mani ĩju Jesucristo, masigũ ñaami. Adi macarucuroju tudie-
jarucumi”, mware yigoticaju yna. “Masirẽtogũ ñaami Cristo”, mware yicaju
yna. Yna masune tũoĩacõari me, mware goticaju. Cristore ĩre ĩacana ñari,
mware goticaju. ¹⁷ Mani jacu Dios, Cristore quẽnaro ĩ yirucubocatore, to
yicõari, “ ‘Ñamasugũ ñaami’ yimasiato” yigu, Cristo ĩ godovedicature yware
ĩocami Dios. To yigune, ado bajise yware yi ocaruyucami: “Ãnine ñaami yu
macu, yu maigũ. ĩre bũto ĩavariquẽnaja yu”, yware yi ocaruyucami. ¹⁸ To
bajise Dios ĩ ocaruyucature, buro joeju Cristo rãca ñarã, ajicaju yna.^a

¹⁹ Diore gotirẽtobosamasiriarã Cristo ĩ bajirotire ĩna gotimasiriare
bajiro bajicaju. Mwa quẽne yna gotimasiosere ajicõari, “Socabeti ñaja”,
yimasicaju mwa. Tirũmju quẽnase queti Diore gotirẽtobosarimasa ĩna uca-
masirema, rẽtiarõjare mani sĩabusuore bajiro bajise ñañuja. Yna gotima-
siose quẽnaro mwa buejama, Cristo ĩ tudiejarirũmu, ĩ ejarẽmose rãca mwa
masiojeobetire quẽnaro masijeocõararãja mwa. ²⁰⁻²¹ Dios ocare masa
ĩna ucamasirere mwa buejama, ado bajise ñamasusere quẽnaro masiña:
Diore gotirẽtobosariarã, ĩna masune tũoĩamasicõari, ucabetimasiñujarã ĩna.
Esp'iritu Santo ĩna masirotire ĩ ĩise sũori ucamasiniujarã.

2

*“Socase ĩna gotimasiosere ajitirũnubesa”, yire queti
(Jud 4-13)*

¹ Diore gotirẽtobosarimasa socamena ĩna ñaboajaquẽne, gãjerã
ñamasiniujarã, “Diore gotirẽtobosarã ñaja” yisocariarã. To bajiri
adirũmarire quẽne, mwa rãca ñaruarãma socase gotirimasa. “Socabetire
mware gotiaja” yirã ñaboarine, rojose tũoĩarã ñaruarãma. To bajiro tũoĩarã
ñari, manire yirẽtobosar'ire ĩre terã ñaruarãma. To bajiro bajirã ĩna ñajare,
rojose tãmuotujabetiriarioju yoaro mene ĩnare cõacõarucumi Dios. ² To
bajiro Dios ĩ yiroto rĩjoro, mwa rãcana jãjarã rojose ĩna yirore bajiro
yiruarãma. To bajiro ĩna yisere ĩacõari, Dios ocare ajiteuarãma. ³ To
bajiro socase gotimasiorimasa, “Gãjoa bũjarãsa mani” yirã, socase ti
ñaboajaquẽne, ĩna gotimasiose vaja mware vaja sãniruarãma. Tirũmju
“To bajiro rojose yirãre rojose tãmuotujabetiriarioju ĩnare cõarucuja yu”,
yimasiñuju Dios.

⁴ Dios tuana, ángel mesa rojose yimasiriarã ĩna bajimasire quetire
masirãja mwa. “Rojose mwa yiboajaquẽne, rojose mware yibecuja yu”,
yibetimasiñuju ĩ. “Rojose ĩna yicati vaja rojose ĩnare yu yirotire yucõa
ñato” yigu, cõmemari rãca ĩnare siacõari, tsabetigojeju ĩna ñacõa ñarotire
yigu toju ĩnare cũmasiniuju. ⁵ Tirũmju Noé ĩ ñamasiriarodoju ñamasiriarãre
quẽne, “Rojose mwa yise vaja rojose mware yibetirucuja”, yibetimasiñuju
ĩ. ĩna jedirore oco ñamuse rãca ĩnare ruureajeocõamasiñuju ĩ. To bajiri,
“Dios ĩ bojarore bajiro yiroti ñaja” gãjerãre yigotirũgũboar'i, Noé, ĩ yarã,
cojomo cõro jedi, gaje ãmo jua jẽnituarirãcu ñarãrema ruubetimasiñuju.
⁶ ĩnare ĩ yiriare bajirone yiyumi Dios, “Sodoma macana, to yicõari,
Gomorra macanare quẽne, rojose ĩna yiboajaquẽne, rojose ĩnare yibe-
tirucuja yu”, yibetimasiñuju. Ti macarianare õ vecaye jea ãjuse rãca
vẽjacõari, ĩnare soereajeocõamasiñuju ĩ. To bajiro ĩ yijama, “Adirodore ñarã

^a 1:18 Mt 17.1-5, Mr 9.2-7, Lc 9.28-35.

rojose yirā, tire masicōari, t̄uoīamasiato” yiḡu, yimasiñumi. 7-8 Sodoma macanare, Gomorra macanare soereacōaboarine, Lot vāme cutimasir'ire ĩre yirētosamasiñuju Dios. Quēnaro yiḡu ñamasiñuju Lot. Tocārācarām̄ne ti macariana Diore ajimena, rojose ĩna yisere ĩacōari, gājerā “Rojose yama” ĩna yisere quēne ajicōari b̄uto t̄uoīasutiritirūgūmasiñuju Lot. To bajiri, “Ĕjaromi” yiḡu, ĩre yirētosamasiñuju Dios.

⁹ To bajiri, ti quetire m̄uare yu gotise jedirote tudit̄uoīacōari, j̄ua vāme ado bajise masiāja mani: “Dios ĩ bojarore bajiro yirāre rojose ĩna bajiborotire ĩnare yirētosamasiami”, yimasija mani. To yicōari, “Rojose yirārema rojose ĩna yise vaja, rojose tām̄uot̄ujabetiriaroju ĩnare ĩ cōaroto r̄ijoro, rojose ĩna yijare, ‘Rojose tām̄uoña m̄ua’ ĩnare yirūgūami Dios”, yimasija mani.^b ¹⁰ “Rojose ĩna yise vaja, rojose tām̄uot̄ujabetiriaroju ĩnare cōabeaja maji” Dios ĩ yīārāre mani yijama, ado bajiro rojose yirāre yaja mani: ĩna masune ĩna bojarore bajiro yirūgūrāre, gājerā ĩna rotisere ajiterāre quēne, ĩnare yaja mani. To bajiro yirā ñarāma socase gotimasiorimasa. “ĩna rētoro ñamasurā ñaja yua” yit̄uoīacōari, gūimenane, ángel mesare, to yicōari, v̄atiare quēne r̄uc̄ub̄uomenama. ¹¹ Socase gotimasiorimasa rētoro masirā ñaboarine, ĩnare bajiro yimenama Dios tuana, ángel mesama. V̄atiare, “Rojose yirā ñari, rojose tām̄uoruarāja”, ĩnare yimenama.

¹² Socase m̄uare gotimasiorimasa, ĩna ruj̄u ti bojarore bajiro yirā, “Bojoneose yirā yaja” yimasimenane, tire yirūgūrāma. To yicōari, ángel mesare, v̄atiare quēne ĩna bajisere masimena ñari, r̄uc̄ub̄uobetirūgūrāma. To bajiro rojose ĩna yise ñajare, rojose tām̄uot̄ujabetiriaroju ĩnare cōaruc̄umi mani uju. ¹³ Gājerāre rojose ĩna yire vaja, rojose tām̄uoruarāma. Bojoneose ti ñaboajaquēne, “Ñamiju yirudirāsa mani”, yirā me ñarāma. Bojonemena ñari, ūm̄uane yivariquēnarā ñarāma. Diore r̄uc̄ub̄uorā m̄ua rējajama, ĩna quēne m̄ua rāca rējacōari, “Dios ĩ bojasere yirā ñaja” yiboarine, no ĩna bojarore bajirojua yirūgūrāma. To bajiro rojose yirā ñaboarine, “Ado bajiro mani yisere ĩvariquēnagūmi Dios”, m̄uare yisocarāma. Rojose yirā rāca m̄ua rējase suorine, m̄ua jedirotene, “Rojose yirā ñarāma”, m̄uare yīñagōjairāma masa.

¹⁴ Rojose yirā ñari, rōmia jājarāre ajeriarā cutirua t̄uoīarūgūrā ñarāma. Gājerā, Cristore quēnaro ajitir̄un̄menare quēnaro ĩna yitose suorine rojose ĩnare ūmato yirā ñarāma. To bajicōari, jairo gajeyeūni suorā ñaboarine, quēna gajeye bojarēm̄orā ñari, “Gājoa b̄ujarāsa mani” yirā, quēnaro yisocamasirā ñarāma. To bajiro yirā ñari, rojose tām̄uot̄ujabetiriaroju Dios ĩ cōarona ñarāma. ¹⁵ Cristo ocare ajiriarā ñaboarine, ajitujacōari, Dios ĩ bojabetire yirā ñarāma. Beor mac̄u, Balaam vāme cutimasir'i, gājoare b̄uto ĩ bojariorore bajiro bojarā ñari, ĩ yiriarore bajiro rojose yirā ñarāma ĩna quēne. ¹⁶ Balaamjua, rojose ĩ yir̄uajare, Dios jediro masigū ñari, Balaam ĩ jesavacu burro vāme cutigure mas̄ure bajiro ñagōrotimasīñuju. Ado bajiro ĩre yimasiñuju: “Rojose yiḡuacu yaja m̄u”, ĩre yitud'it̄ujomasīñuju burro. Rojose ĩ yir̄uaboarere yibetimasīñuju Balaam ñamasir'i.

¹⁷ Quēna gaje vāme m̄uare gotirēmoaja yu, socase gotimasiorimasa ĩna bajisere: Oco ñaboariagojeri ti oco manore bajiro bajirā ñarāma. To bajicōari, buerigaserire mino vēarearore bajiro bajirā ñarāma. To bajiro bajirā ñari, Dios oca quēnasere mani ajir̄uaboasere manire gotimasio-betiruarāma. To bajiri, “Rojose tām̄uot̄ujabetiriaroju ĩnare cōaruc̄uja” ĩ

b 2:9 Rojose tām̄uot̄ujabetiriaroju ĩnare cōabetiboarine, “Rojose tām̄uoña m̄ua” ĩnare ĩ yijama, adi macaruc̄uro ñacōari, rojose ĩna tām̄uoñarotire yiḡu, yiyuju.

yimasiriarore bajiro ñare cōarucumi Dios. ¹⁸ “Rojose mani yiboajaquēne, manire ñavariquēnacōa ñarucumi Dios”, yivariquēnarāma. Tñoĩamasimena ñari, to bajiro yirāma, “Gājerā quēne, mani yisere ajicōari, mani yirore bajiro rojose yato ña quēne” yirā. To bajiro ña yijama, Diore ajimena rāca rojose ña yirūgūboarere yitujacōari, mame Cristore ajitirūnarāre butobusa ñare gotirāma. ¹⁹ “Socase mere mware gotiaja yua. Mani bojarore bajiro mani yijama, quēnaja. Cojorāma rojose mani yisere yitujaruarāja” yirā ñaboarine, rojosere yisejacoariarā ñari, tire yitujamasimenama. To bajiro ñare gotirā ñaboarine, ña quēne rojose ña yise vaja rojose tāmūorona ñaboarine, to bajiro ñare gotirūgūrāma. ²⁰ Ado bajiro bajirāma socase gotimasiorimasa: “Rojose mani yise vaja manire vaja yibosayumi Jesucristo mani űju” yitñoĩacōari, rojose ña yirūgūboarere yitujacōaboarine, quēna rojose ña yicōa ñajama, tirūmūju rojose ña yiriaro rētoro rojose yirāma. ²¹ To bajiro rojose yirārema, rēmojone Cristore ajitirūnabeticōaroti ñaboayuja. Tire bajimenane, Cristore ajitirūnacōari, quēna ña ajitirūnū tujajama, quēnabeti ñaja. To bajiro bajirā ña ñajare, butobusa rojose ñare yirucumi Dios. ²² Cristore ajitirūnarāre ñaboarine, quēna ñe ña ajitirūnū tujasere ado bajiro gotiaja: “Ecari yai, mñocōari, ñ mñosere tudibarucumi”, yigotiaja. Quēna gajeye ado bajiro gotiaja: “Ecari yese űeritatore yugui moasñir'ire quēnaro mani guocōaboajaquēne, titatare tudivacōari, yugui moasñirucumi quēna, ‘Tudi űeri jaigu ñagūsa’ yigu”, yigotiaja.

3

Mani űju adi macarucuroju ñ tudiejaroti queti

¹ Yñ mairā, tirūmūju mware yñ ucacōatore bajiro mware tudiucaja yñ, Cristo ocare masiritimenane, quēnaro mwa tñoĩacōa ñarotire yigu. ² Tirūmūana, Diore gotirētobosamasiriarā ña goti rñjoro yimasirere mwa masiritibetrotire bojaja yñ. To yicōari, mani űju, rojose mani yise vaja manire vaja yibosar'í, adi macarucuroju ñ tudiejarotire yware ñ gotimasioctaire, mware yua gotimasioctaire quēne mwa masiritibetrotire bojaja.

³ Tí oca ñamasuse ado bajiro gotiaja: Adi macarucuro túsarirūmñri mani űju Jesucristore ajitirūnarāre, adigodoju ñ tudiejarotire mani tñoĩa yuñajare, manire ajatud'iruarāma gājerā. ña ñaruarāma ña masune ña bojarore bajiro rñne yirā. ⁴ Ado bajiro manire ajatud'iruarāma: “ ‘Mani űju’ mwa yigūma, ñ gotiriarore bajiro me bajiami. Tudiejabeami. Quēnaro tñoĩañ mwa. Tirūmūju mani ñicua ñaboacana, to yicōari, mani jacua ñaboacana quēne bajireacōa tujacama. ñare catiobeticami. Adi macarucurore Dios ñ rujeosomasiriarodoju ñamasiriarore bajirone bajicōa ñaja adirūmñri quēne. ‘Mani űju’ mwa yigūma ñ gotire, ñie vaja maja tí”, manire yiajatud'iruarāma. ⁵ To bajiro tñoĩarā ñari, adi macarucurore Dios ñ rujeosomasirere masimena ñarāma. Mani jacua Dios jediro masigū ñari, adi macarucurore, űmūagaserore quēne rujeomasifūju. ñ rotise sūorine sita oco vatoaju ñare ruyuamasifūju. To bajiro yicōari, ocore quēne ricati tí ñarotire yimasiñūju. ⁶ To bajiro ñ yimasire tí ñaboajaquēne, tí vāmere bajirone bajicōa ñabetimasiñūju. Beroju, “Oco ñasūocatore bajiro tudirujiasa quēna” ñ yirotimasire sūorine adi macarucuro jedirone oco ñamūse rāca ruureajeocōamasifūju ñ. ⁷ To bajiro ñ yirotimasiriarore bajirone bajimūorñgōrūroja, adi macarucurore, űmūagaserore quēne Dios ñ soerearotirūmñ tí ejaro. Tirūmūne mani űju, tudiejacōari,

rojose yirügüriaräre ñabesecđari, “Rojose tãmuocđa ñarügüruarāja”, ñare yirotirucumi.

⁸ Yũ mairã, adi vãme ñamasuri vãmere masiritibetiruarāja mua: Mani ujũ ñajama, mil ñaricãmari ñaja cojorũmu. To bajicđari, cojorũmu ñaja mil ñaricãmari cđoro, ñajama. To bajiro yũ yijama, “Cãmari mani cđiarore bajiro cđiabeami mani ujũ” yigu yaja. ⁹ “Í gotirote bajiro yigu ñaboarine, guaro ejaťimabecumi maji. To bajiro ñ bajisere manire tegu bajigumi” gãjerã ña yitũoiarore bajiro tũoiabetiroti ñaja muare. To bajiro me bajigumi. Gãjerã quẽne rojose ña yisere yitũjacđari, Dios ñ bojasejuare ña yirotire yugu bajigumi maji. Masa jediro rojose tãmuotũjabetiriaroju ña vabetirotire bojaami mani ujũ.

¹⁰ Tire yuboarine, “To cđrone tudivarucumi” Dios ñ yitũoiararũmũne tudiejarucumi mani ujũ. “To cđoro ñaro ejarucumi” masa ña yimasibetijũne ejarucumi. Juarudirimasũ ñ ejarore quẽne, “To cđoro ñaro juarudigu ejarucumi”, yimasibeaja mani. To bajirone bajiruaroja Cristo ñ ejaroti quẽne. Í tudiejarũmũ õ vecajũ güioro ocaruyuruaroja. Ti ocaruyuse rãcane õ vecaye jediro yayicoaruaroja. To bajicđari, adi macarucuroaye jedirore soereajeocđarucumi mani ujũ. Ñiejua ruyabetiruaroja yuja.

¹¹ Adi macarucuroaye jediro ujũyayiroti ti ñajare, Dios rĩare bajiro bajirã ñari, rãcũbuose rãca ñ bojarore bajiro quẽnase rĩne yirügũroti ñaja muare. ¹² Cristo ñ tudiejarũmũ quẽnaro ñayuruarāja mua. To bajiri ñ bojarore bajiro quẽnase rĩne yirügũña, yoaro me ñ ejarotire bojarã ñari. Í ejarirũmũne õ vecaye jediro ujũjedicoaruaroja. To bajicđari, adi macarucuroaye quẽne bũto ti asijare, ocoacoaruaroja. ¹³ To bajiro bajiroti ti ñaboajaquẽne, “Dios ñ gotiriarore bajirone quẽna adi macarucuroayere, to yicđari, õ vecayere quẽne reajeocđari, quẽnase rĩne mame rujeovasoarucumi Dios”, yitũoiavariquẽnaja mani. To bajiro ñ yiro berojure Dios ñ bojarore bajiro quẽnaro yirã rĩne catiruarãma.

¹⁴ To bajiri, yũ mairã, Cristo ñ tudiejaroto rĩjoro, mua yimasiro cđoro Dios ñ bojarore bajiro yicđa ñarügũña mua, “Mani ujũ ñ tudiejarirũmũ, ‘Quẽnase rĩne yirã ñaama’ ñ yĩavariquẽnarona ñarãsa” yirã. ¹⁵ Mani ujũ, rojose yirãre rojose tãmuotũjabetiriaroju ñare cđabeami maji, “Rojose yitũjacđari, yũre ña ajitirũnjama, rojose ña tãmuoborotire yirẽtobosagusa” yigu. Tire bajirone gotiyuja mani maigũ, Pablo manire ñ ucacđare quẽne. “Tire quẽnaro riojo ajimasiato” yigu, quẽnaro ñre ejarẽmoñumi Dios. ¹⁶ Gãjerãre ñ ucacđare quẽne, tocãrãcãjine ñ ucajama, tire bajiro rĩne gotirügũñumi. Í ucarere, cojo vãme mani ajimasirũnjama, josari ñaja. Josase ti ñajare, tire ajimasimena ñari, ricatijua gotimasiorãma Cristore quẽnaro ajitirũnũmena. Dios ocare quẽne ña buejama, ajimasimena ñari, ricatijua gotimasiorãma. To bajiro yirã ñari, rojose tãmuotũjabetiriaroju mani ujũ ñ cđarona ñarãma.

¹⁷ Yũ mairã, socase ña gotimasiorotire muare yũ gotisere jẽre masirãja mua. Tire masirã ñari, “Diore ajimena, socase ña gotimasiosere ajitirũnũcđari, Cristo oca riojo gotimasiosejuare ajitirũnũ tũjarobe” yirã, quẽnaro tire tũoiamasari ñaña. ¹⁸ Jesucristo ñaami mani ujũ. Í ñaami rojose mani yise vaja manire vaja yibosari, “Quẽnase rĩne yirã ñato” yigu. To bajiro yirã ñajare, bũtobusa ñre ajitirũnũrũtuasa mua, “Quẽnagũ

ñari, quẽnaro manire yami” yimasicõari, b̃atobusa gãmerã maiña m̃aa.

“Ñamasugũ ñaami”, Jesucristore yirãcub̃orũgũroti ñaja.

To cõro ñaja.

Primera carta de SAN JUAN

Jesúre ajitiránuräre Juan i ucare queti

¹ ¿Ñaboati mua, yu yarä? Adi papera räca müare queti ucaja yu. Adi macarucuro, ö vecaye quëne ti ruyuaroto rïjoroju, ñajediro mani catirotire isirocu ñacöasuoayumi. To bajiri yu masune ire äa, ire äji, ire moäiacacune müare gotiaja yu. Ä rijabosare suorine Dios i catisere suorä ñaja mani. ² Ire äacaju yua. Äne ñagümi Jesucristo, ire ajitiránurä mani rijato beroju mani catirotire Dios i catisere manire isir'i. To bajiri yua äacatire müare gotiaja yu. Yua äacacu, adi macarucuro i rujeoroto rïjorojune i jacu räca ñacöasuoayumi. ³ Yua äacatire, to yicöari yua ajicatire quëne müare gotiaja yua. Dios, i macu räca äna tuoäarore bajiro tuoäarügüaja yua. To bajiri mua quëne, yua tuoäarore bajiro mua tuoäarotire yigu, gotiaja. ⁴ Cojoro cöro mani variquënarotire yigu, tire müare gotiaja yua.

“Rojose yibecu ñaami Dios”, yire queti

⁵ “Quënase rïne yigu ñagümi Dios”, yuare yigoticami Jesús. To bajiri tire ajicöari müare gotiaja yua. ⁶ Rojose yiboarine, “Dios i tuoäarore bajiro tuoäaja yua” mani yijama, socarä yiräja mani. ⁷ To bajiboarine, Diore sënicöari, i bojarore bajiro quënarö mani yicöa ñajama, quënarö ñaruaräja mani. To bajicöari, Jesús i rijabosare suorine, “Rojose mana ñaama”, manire yïarügügümi Dios.

⁸ Quënase rïne yirä manama. To bajiri “Quënase rïne yirä ñaja mani”, yimasïña maja. ⁹ To bajiboarine, tocäräcäjäne rojose mani yisere, “Yuare masirioya’ ire mani yigotijama, ‘Yirucüja’ i yirore bajiro yigu ñari, tire manire masiriojeocöarucümi Dios”, yimasïaja mani. ¹⁰ Gajeyerema, “Masa jediro rojose yirä ñaama”, manire yiyumi Dios. To bajiri, “Rojose yibeticaju yua” mani yijama, “Socu yirimi Dios” yiräre bajiro yiräja mani.

2

“Diore manire ñagöbosagu ñaami Jesucristo”, yire queti

¹ Yu rïare bajiro müare maiaja yu. To bajiri, “Rojose yibeticöato äna” yigu, adire müare gotiaja yu. To bajiboarine rojose mani yijama, sigü ñagümi Diore manire ñagöbosagu. Äne ñagümi Jesucristo, rojose yibecu. ² Rojose mani yise vaja manire rijabosayumi, rojose mani yisere manire Dios i masiriorotire yigu. Masa ñajedirore rijabosagu bajiyumi.

³ Gajeyerema, Dios i rotirore bajirone mani yijama, “Äre masïaja yu”, yimasïaja mani. ⁴ Sigü, Dios i rotisere cudibetiboarine, “Äre masïaja yu” yigüma, socu yigümi. ⁵ Dios i rotirore bajiro yigüjua ñagümi ire maigü. To bajiro mani yijama, “Dios yarä ñaja mani”, yimasiräja mani. ⁶ “Dios i bojarore bajiro tuoäaja” yigüma, Jesús i bajiñacatore bajirone bajiñaroti ñaja.

Mame rotire queti

⁷ Yu mairä, mame oca mere müare ucaja yu. Dios i rotimasire, i ocare masa äna ucamasire, mua äjisuoadicatine ñaja. ⁸ Tirümüayeju ti ñaboajaquëne, Jesús i bajiñacatire ajicöari, ti ocare quënarö riojo ajimasire

ñaja. To bajicōari, Jesúre ajitirūnarā mani bajiñasere quēne ĩacōari, ti ocare quēnaro riojo ajimasire ñaja. To bajiro ti bajijare, tirūmuae ti ñaboajaquēne, mame ocare bajiro ejaja ti manire. Ti oca suorine Diore quēnabusaro masirūtu vana baja mani.

⁹ Sīgū, “Dios ĩ bojarore bajiro yigū ñaja” yiboarine, gājire ĩ ĩatejama, Dios ĩ bojarore bajiro yigū me ñagūmi. ¹⁰ Gājerāre ĩamaigūjua, Dios ĩ bojarore bajiro yigū ñagūmi. To bajiro ĩ bajijare, ñimujua ĩre rojose ũmato yirocu magūmi. ¹¹ Gājire ĩateguma, Dios ĩ bojabetire yigū ñagūmi. To bajiro yigū ñari, “Rojose yigūja yu”, yimasigū me ñagūmi. Rojose ĩ yise vaja rojose tāmūotujabetiriaroju ĩ varotire quēne masibecūmi.

¹² Mua jediro, yu ĩare bajiro bajirā, adi queti mūare ucaja yu: Jesús manire ĩ rijabosare ñajare, rojose mua yisere Dios ĩ masiriorā ñarāja mua.

¹³ Mūare bucūrāre quēne, adi queti ucaja yu. Adi macarūcuro, ō vecaye quēne ti ruyaroto rījoroju ñar'ire masirā ñarāja mua.

Mūare mamarāre quēne adi queti ucaja yu. Vātia ũju ĩ bojarore bajiro yiriarā ñaboarine, yimena ñarāja mua yuja.

¹⁴ Mua jediro, yu ĩare bajiro bajirāre adi queti mūare ucaja yu. Mani jacu, Diore masirā ñarāja mua quēne.

Bucūrāre quēne mūare queti ucaja yu. Adi macarūcuro, ō vecaye quēne ti ruyaroto rījoroju ñar'ire masirā ñarāja mua.

Mamarāre quēne mūare queti ucaja yu. Dios ocare masa ĩna ucamasire ti gotirore bajiro ajitirūnarā ñarāja mua. To bajirā ñari, vātia ũju rojose ĩ yirotoibasere cādimenta ñarāja mua. To bajiro bajirā mua ñajare, adi queti mūare ucaja yu.

¹⁵⁻¹⁶ Adi macarūcuro ñarā ĩna tūōīarore bajiro tūōīabesa mua. Ado bajiro tūōīarā ñarāma ĩna: Adi macarūcuroayere ĩvariquēnacōari, ĩna bojarore bajiro rojose yirua tūōīarāma. Jairo ĩna gajeyeūni cūose suorine, “Gājerā rētoro ñamasurā ñaja yua”, yivariquēnarāma. To bajiro ĩna tūōīasema, Dios ĩ rotise me ñaja. ĩna tūōīarore bajiro mua tūōīajama, Diore mairā me ñarāja mua quēne. ¹⁷ Adi macarūcuro ti jedirone, Dios ĩ bojabeti masa ĩna yirua tūōīase, ĩna cūose, ĩna bojase quēne jedicoarūaroja. Ti jedicoaboajaquēne, Dios ĩ bojarore bajiro yirāñuama, ĩna rijato beroju Dios tūju quēnaro ñarūgūrūarāma ĩna.

Cristore terā jājarā ĩna ñare queti

¹⁸ Ajiya mua, yu ĩare bajiro bajirā. Adi macarūcuro ti jedirotirūmū ejaroti, mojoroaca ruyaja. “Ti jedirotirūmū ti ejaroto rījoroaca vadirūcūmi Cristore ĩre Tegū” yigotimasiorere ajicaju mua. To bajiri ado bajiro mūare gotiaja yu: Jēre gājerā Cristore terā socase queti gotimasiorā, jājarā ñarāma adi macarūcurore. To bajiro ti bajijare, “Adi macarūcuro ti jedirotirūmū ejaroti, mojoroaca ruyaja”, yimasiaja mani. ¹⁹ Ado bajiro ti bajijare, “Mani rāca ñaboacana quēne Cristore terā ñarāma”, yimasiaja mani: Manire bajiro tūōīacana ñaboarine, ricati tūōīacōari, manire cāmotadicama. To bajiri, “Cristore terā ñarāma”, yimasiaja mani. Dios yarā ĩna ñajama, manire cāmotadibetiboriarāma.

²⁰ Esp'iritu Santore mūare cōañumi Jesús. To bajiro ĩ yire ñajare, Dios yere riojo masirāja mua. ²¹ Cristo yere quēnaro masirā mua ñajare, “Tire tuditūōīato” yigū, mūare ucaja yu. Cristo oca socabetire masirā ñari, “Ti mere gotimasioama”, yimasiaja mua. ²² To bajiro ti bajijare, “‘Masa rojose ĩna tāmūoborotire ĩnare yirētohosacōari, rotimūorūgōrūcūmi’ yigū, Dios ĩ cōar'i me ñarimi Jesús” yigūma, socagu ñagūmi. To bajiro ĩ yijama,

Diore to yicōari, i macure quēne tegu yigumi. ²³ Jesúre tegu i ñajama, i jacu Diore quēne tegu yigumi. To bajiro i yijama, Diore ajitirūnugū me ñagūmi. “Dios macure ajitirūnūaja” yigūñama, i jacu Diore quēne ajitirūnugū ñagūmi.

²⁴ Tirūñuju Cristo oca mua ajisucotire tocārācarūmune mua tuoīacōa ñajama, Dios i macu Jesúrāca, ina bojarore bajiro tuoīacōa ñarūgūñarāja mua. ²⁵ To bajiro mua yituoīacōa ñajama, “Yure ajitirūnūrāre quēnaro yirūcūja” i yiriarore bajirone yiecorā ñaja mani. To bajiri, mani rijato bero ina taju catimūorūgōrona ñaja mani.

²⁶ Gājerā socase gotirimasa ina ñajare, ñare ajicōari, “Ina ñaama socase gotimasiorimasa” mua yimasirotire yigu, adi papera mūare ucaja yu. ²⁷ “Esp'iritu Santore manire cōañumi Jesús”, yitujabesa mua. I sūorine ñajediro socabetire, Jesús ocare tuoīacōari quēnaro masirāja mua. To bajiro bajirā ñari, “Socase ñaja” mūare yigotirocure bojamenaja mua. To bajiri, Esp'iritu Santo sūorine Jesús ocare masicōari, i bojarore bajiro yicōa ñaña.

²⁸ Quēnaro ajiya, mua, yu rīare bajiro bajirā. Cristo i bojarore bajiro mani yicōa ñajama, adi macarūcuroju i tudiejaro, gājerā ire ajitirūñu tujariarā ire ina ļabojonerore bajiro me bajirūarāja mani, “Quēnaro yuare yirūcūmi” yituoīarā ñari. ²⁹ “Quēnaro yigu ñagūmi Jesús” yimasirā ñari, “Jesús i bojarore bajiro quēnaro yirāma, Dios rīa ñaama”, yimasirāja mua.

3

Dios rīa ñare queti

¹ Ajiya mua. Mani jacu Dios, buto manire maiami. Manire maigū ñari, “Yu rīa ñaama”, manire yami. To bajiboarine, jājarā ñaama Dios rīa mani ñasere masimena. To bajirā ñari, Dios mani jacure quēne masibeama. ² Dios rīa ñaja mani. Mani bajirotire, “Ado bajiro bajirūarāja”, yimasibeaja mani. To bajiboarine, “Jesucristo i tudiejaro, ire ļarāne, ire bajiro bajicoarūarāja mani”, yimasijaja mani. ³ Tire tuoīayurā ñari, rojose yibetirūgūñaja mani, “Cristo rojose yibecu i ñarore bajirone ñarāsa” yirā.

⁴ Rojose yiguma, Dios i rotisere yigu me ñagūmi. I rotisere mani cūdibetine ñaja rojose mani yise. ⁵ “Jesucristo, rojose yigu me ñagūmi”, yimasirāja mua. “Quēnase rīne yigu ñari, rojose mani yise vaja, manire vaja yibosagu adi macarūcurojure vayumi”, yimasirāja mua. ⁶ Jesucristo i bojarore bajiro tuoīarā, rojose yimenama. Rojosere yirāma, Jesucristore masirā me ñarāma. ⁷ Yu rīare bajiro bajirā, mua vatoaju mūare yitogu “Manicōato” yirā, quēnaro ajicōaña. Sigū, “Quēnaro yigu ñaja” i yisocabetijama, Cristo i yiriarore bajiro quēnaro i yisere ļamasirūarāja mua. ⁸ Rojose yiguma, vātia űju i rotisere yigu ñaami. Rēmojuñe rojose rīne yigu ñacōasūoayumi vātia űju. To bajiboarine, Dios macu Jesucristo adi macarūcurojure vayumi, vāti űju masare rojose i yirotisere “Yibeticōato ina” yigu.

⁹ Dios, rojose yibecu i ñajare, i rīa quēne, rojose yirā me ñaama. Esp'iritu Santo rācana ñari, rojose yimena ñaama. ¹⁰ To bajiri, Dios yarāre, to yicōari, vātia űju i ejarēmose rāca yirāre quēne ado bajiro ñare ļamasijaja mani: Rojose yiguma, to yicōari Jesúre ajitirūnugūre ļamaibecūma, Dios yu me ñagūmi.

Gāmerā ļamaire queti

¹¹ Tirūmujene Dios ocare gāmerā ĩamairoti űaja yirere ajisuoadicaĵa mĵa. ¹² Ca'in űamasir'i ĩ yimasiriarore bajiro yibesa mĵa. Rojose yigĵ űari, ĩ bedi quēnase ĩ yiseĵuare ĩajūnisinicōari, ĩre ślamasiűuju.

¹³ To bajiri, aĵiya mĵa, yĵ mairā: Adi macarĵcuroana Diore ajiterā mĵare ĩna ĩatesere tĵoĳareĵabesa. ¹⁴ Tirūmĵu Diore masimena űari, mani rijato beroĵu, mani catirotire Dios ĩ catisere ĩsiecobesuja mani maji. Yucarema, gāĵerāre mani ĵĵure ajitirūnĵrāre ĩamairā űari, “Mani rijato beroĵu mani catirotire Dios ĩ catisere ĩ ĩsiriarā űaja mani”, yimasiaja. Gāĵerāre ĩamaimenama, Dios ĩ catisere ĩ ĩsirā me űarāma ĩna. ¹⁵ Mani ĵĵure ajitirūnĵrāre ĩaterāma, Dios ĩ ĩajama, ślarimasa űarā bajirāma ĩna. To bajiri, “ĩna rijato beroĵu ĩna catirotire ĩnare ĩsibecĵmi Dios”, yimasiaja mani. ¹⁶ Cristo manire ĩ rijabosare űajare, manire ĩ maisere masiaja mani. To bajiri mani quēne, mani ĵĵure ajitirūnĵrāre ĩamairā űari, gāĵerā manire ĩna ĩateboajaquēne, Cristore ajitirūnĵrāre eĵarēmoroti űaja. ¹⁷ Gajeyeűni jairo cĵogĵ űaboarine, mani ĵĵure ajitirūnĵrāre maioro bajirāre ĩ eĵarēmobetijama, “Diore maiaja yĵ”, yisocagĵ űagűmi. ¹⁸ To bajiri yĵ űiare bajiro bajirā, “Gāĵerāre ĩnare ĩamaiaja yĵ” yirā, ĩnare eĵarēmoroti űaja.

“*Dios, manire maigű űari, quēnaro manire yirĵcĵmi' yitĵoĳa variquēnaroti űaja*”, yire queti

¹⁹ Gāĵerāre mani maijama, “Dios ocare masa ĩna ucamasire quēnaro ajitirūnĵaja yĵa”, yimasirāja mani. To bajiri, “Manire ĩvariquēnagűmi Dios”, yimasirāja. ²⁰ “Dios ocare quēnaro ajitirūnĵbeaja yĵa” mĵa yitĵoĳa sĵiritijama, “ĴRojose űati yĵare?” yicōari, Diore sēniroti űaja. ĩ űaami mani rētoro masigű, to bajicōari mani ĩamairo rētoro ĩamaigű. ²¹ “Yĵ ye űorine rojose űaja yĵre” mani yitĵoĳabetijama, Dios quēne, “‘Mĵ ye űorine rojose űaja mĵre’ manire yibecĵmi”, yimasiaja mani. To bajiri gűimenane, ĩre sēniaja mani. ²² Dios ĩ rotisere mani cĵdijama, no mani sēnirore bajirone manire cĵdirĵcĵmi. ²³ Adi űaja Dios ĩ rotise: “Yĵ macĵ Jesucristore ĩre ajitirūnĵĵa mĵa. Gāmerā ĩamaiĵa mĵa”, yiyumi Dios. ²⁴ Tire ajirĵcĵĵorāma, Diorāca űarāma. To bajiri, Esp'iritu Santore Dios ĩ cōare űorine, “Diorāca űaja mani”, yimasiaja mani.

4

Esp'iritu Santo rāca űarāre, ĩ rāca űamenare quēne ĩamasire

¹ Aĵiya, yĵ mairā. Jāĵarā, “Dios ocare gotimasiorā űaja yĵa” yirā, Esp'iritu Santo rāca űarā me űarāma. To bajiri, “ĴEsp'iritu Santo rācana masune űati?” mĵa masune yitĵoĳamasicōari, quēnaro ĩnare ajicōiaĵa, “ĩna socajama, masirĵarāja mani” yirā. ² Ado bajiro ĩna yisere ajimasirĵarāja mĵa: “Adi macarĵcuroĵu eĵacōari, manire bajiro ruĵu cutiyuju Jesucristo” yirāma, “Esp'iritu Santo rācana űaama”, yimasirĵarāja mĵa. ³ To yicōari, gāĵerāma, “Manire bajiro ruĵu cutigĵ me űaĵuju Jesucristo” yirāma, “Esp'iritu Santo rācana me űaama”, yimasirĵarāja mĵa. ĩna űaama Cristore terā. To bajiro yirā, ĵere ĩna űarotire ajicaĵu mĵa. To bajiri, “Adigodore űaama ĩna” yigĵ, mĵare gotiaja yĵ.

⁴ Vātia ĵĵure rētoro masigű, űaami Dios. To bajiri, mĵa quēne ĩ rācana űaja mĵa. ĩ rācana űari, Cristore terā, mĵare ĩna yitĵoĳasere ĩnare ajibesuja mĵa. ⁵ Adi macarĵcuroayerene Dios ĩ bojabetire gotirűgűama socase mĵare gotimasiorimasa. Tire ajisĵyarűgűama gāĵerā Diore ajiterā.

6 Manijɯama, Dios rīa ñari, i ejarēmose rāca i bojarore bajiro tɯoīarā ñaja mani. To bajiri mani gotisere quēne ajisɯyarāma Diore masirā jediro. To bajicōari, Diore ajiterāma, manire quēne ajiterāma. To bajiro ti bajijare, “Diorācana ñaama” to yicōari, gājerārema, “Diore ajiterā ñaama”, yīīamasiruarāja mani.

Dios manire i maise queti

7 Yɯ mairā, Dios sɯorine gāmerā īamaire ñaja. To bajiri ñajedirone gāmerā īamairoti ñaja. To bajiro mani yijama, Diore masirā, i rīare bajiro bajirā ñarɯarāja mani. 8 Masare maigū ñaami Dios. To bajiri gājerāre maimenama, Diore masimena ñaama. 9 Ī macure ajitirūnarā, īna rijato beroju īna catirotire i catisere īnare Ī Īsirotire yigɯ, adi macarɯcurojare i macu sīgūne ñagūre cōaɯumi Dios. To bajiro Dios i yire ñajare, “Manire maiami Dios”, yimasijaja mani. 10 Dios manire i mairore bajiro manijɯama, ĩre maibeaja. To bajirā ñari, “Gājire maigūma, ado bajiro bajiami” mani yimasirɯajama, manire Dios i maisere tɯoīaroti ñaja. Manire maimasucōagū ñari, rojose mani yise jedirore manire masiriorɯ, i macure cōaɯumi Dios, rojose mani yisere manire “Vaja yibosato” yigɯ.

11 To bajiri, yɯ mairā ajiya mɯa. To bajiro Dios manire i maire ñajare, gāmerā īamairoti ñaja manire. 12 Dios, ruyubecu i ñaboajaquēne, mani gāmerā īamaijama, “Mani rāca ñaami Dios”, yimasiruarāja mani. Masare īamaigū mani rāca i ñajare, gāmerā mairuarāja mani quēne. 13 Esp'iritu Santore manire i cōare ñajare, “Mani rāca ñaami Dios”, yimasijaja mani. 14 To yicōari, jediro ĩre ajitirūnarā rojose mani yise vaja rojose tāmɯotɯjabetiriaroju mani vaborotire manire yirētobosarocure Dios i cōar'ire ĩacaju yɯa. ĩre ĩacana ñari, ti quetire gotirūgūaja yɯa. 15 “Dios macu ñagūmi Jesús” yigūma, Diorācagu ñagūmi.

16 Jesucristo ocare mani ajitirūnɯsɯorijune, “Dios manire maiami”, yimasisɯoadicaju mani. Dios sɯorine gājerāre īamaire ñaja. To bajiri, Dios manire i maisere masicōari, gājerāre īamaigūrema, “Ī rāca ñagūmi Dios”, yimasijaja mani. 17 Dios manire i ejarēmojare, i macu manire i mairiarore bajiro gājerāre mairuarāja mani. To bajiri Dios masare i beserirūmɯ ti ejaro, “Rojose manire yirɯcumi”, yitɯoīagūibetiruarāja mani. 18 Jesucristo i mairiarore bajiro quēnaro i maijama, “Ñie sɯori rojose yare yibecumi Dios” yigɯ, tɯoīagūibecumi. To bajiri manire Dios i cōare ñajare, mani gāmerā maijama, gūibetiruarāja, masare Dios i beserirūmɯ ti ejajaquēne. Sīgū, gāmerā maire, to yicōari Diore masibecu ñari, tɯoīagūigūmi.

19 Diore mani maibetiboajaquēne, ĩɯama, bɯto manire maiɯumi. To bajiro manire i yire ti ñajare, ĩre mairoti ñaja. 20 Sīgū, “Diore maijaja yɯ” yigotigu ñaboarine, Jesúre ajitirūnugūre ĩateguma, socagu ñaami. To bajiri i ĩatese sɯorine, “Diore maibecu ñaami”, ĩre yīīamasijaja mani. 21 Sīgū, Diore i mairɯajama, Jesúre ajitirūnugūre īamairoti ñaja. To bajise manire yirotiyumi Dios.

5

“Dios rīa ñari, i bojarore bajiro yiroti ñaja”, yire queti

1 “‘Rotigu ñarɯcumi’ yigɯ, Dios i cōar'i ñaami Jesús” yirāma, Dios rīare bajiro bajirā ñaama. “Jacure mani maijama, i rīare quēne mairuarāja mani”, yigotise ñaja. To bajiri, mani jacu Diore mani maijama, “Yɯ rīa ñaama” Dios i yīīarāre quēne mairoti ñaja. 2 Diore maicōari, i rotirore

bajiro mani cʉdijama, “Yʉ rʉa ʉaama” Dios ʉ yʉarʉre quʉne mairʉ yirʉja mani. ³ Diore mani maijama, ʉ rotirore bajiro cʉdirʉarʉja mani. ʉ rotise josase me ʉaja. ⁴ Ado bajiro ti bajijare, “ʉ rotise josase me ʉaja”, mʉare yibʉ yʉ: Jʉjarʉ masa rojose tʉoʉacʉari, tire yirʉre bajiro yirʉ me ʉaja mani, Dios rʉare bajiro bajirʉ ʉari. To bajiri, “Rojose yirʉaboarine, Espʉritu Santo ʉ ejarʉmose rʉca tire yibetirʉarʉja mani” yitʉoʉarʉ ʉari, rojose yibetirʉgʉja. ⁵ “Dios macʉ ʉaami Jesʉs” yitʉoʉarʉ rʉne ʉaama Espʉritu Santo ʉ ejarʉmose rʉca rojose yimena.

“Yʉ macʉ ʉaami Jesʉs”, Dios ʉ yire queti

⁶ Jesʉs, ʉ bautiza ecocati sʉorine, to yicʉari, yucʉtʉerojʉ ʉ sʉaecocati sʉorine, masa rojose ʉna tʉmʉoborotire ʉnare yirʉtobosacʉari, “‘Rotigʉ ʉarʉcʉmi’ yigʉ, Dios ʉ cʉarʉi, ʉ macʉ ʉaja yʉ”, yʉoʉʉumi. To bajiri, “Dios macʉ ʉagʉmi”, yimasijaia mani. Mani masune to bajise tʉoʉacʉari, yimasibeaja mani. Espʉritu Santo ʉ ejarʉmose rʉca socabetire tʉoʉacʉari, to bajiro yaja mani. ⁷ To bajiri idia vʉme masijaia mani, Dios macʉ, Jesʉs ʉ bajirere: ⁸ ʉ bautiza ecocati, ʉ sʉaecocati quʉne, to yicʉari, Espʉritu Santo ʉ ejarʉmose rʉca “Dios ʉ cʉarʉi ʉaami”, yimasijaia mani. ⁹ Masa ʉna queti gotisere mani ajijama, quʉnaja. To bajiboarine, “ʉnine ʉaami yʉ macʉ” Dios ʉ yi ocaruyucacʉ ocajʉare roque socabeti ti ʉajare, rʉtobusaro ajiroti ʉaja.^a ¹⁰ “Dios macʉ ʉagʉmi Jesʉs” yitʉoʉagʉma, “Socase me ʉaʉuja Dios ʉ yire”, yitʉoʉagʉmi. To bajicʉari, “Dios macʉ me ʉarimi Jesʉs” yitʉoʉagʉma, “Socagʉ ʉaami Dios” yitʉoʉagʉre bajiro yigʉmi. ¹¹ Ado bajiro mani masirotire bojami Dios: “Socase me ʉaʉuja Dios ʉ yire” yitʉoʉarʉ mani ʉajare, “Mani rijato berojʉ mani catirotire ʉ catisere manire ʉsiʉumi Dios” mani yimasisere bojami Dios. ¹² No bojarʉ ʉ macʉre ajitirʉnʉrʉ, ʉna rijato berojʉ ʉna catirotire Dios ʉ catisere ʉsiecoriarʉ ʉnarʉma. ʉ macʉ yere ajiterʉma, Dios ʉ catisere ʉsiecomena ʉaama.

Juan ʉ gotitʉsare queti

¹³ “‘Mani rijato berojʉ Dios tʉjʉ mani catirotire Dios ʉ catisere ʉ ʉsiriarʉ ʉaja mani’ yimasiato” yigʉ, Dios macʉre ajitirʉnʉrʉre, adi papera mʉare ucacʉaja yʉ.

¹⁴ Dios ʉ bojasere mani sʉnijama, ajirʉcʉmi. Tire masirʉ ʉari, “ʉre mani sʉnijama, ajirʉcʉmi”, yimasijaia mani. ¹⁵ Tire masirʉ ʉari, “ʉre mani sʉnise cʉro manire cʉdigʉmi”, yimasijaia.

¹⁶ Mʉa rʉcagʉ Jesʉre ajitirʉnʉgʉ ʉaboarine, rojose ʉ yijama, Diore ʉre sʉnibosaya. To bajiro mʉa yijama, rojose ʉ yisere ʉre masiriorʉcʉmi Dios. To yicʉari, rojose tʉmʉotʉjabetiriaroju ʉ vaborotire ʉre yirʉtobosarʉcʉmi Dios. To yicʉari, quʉna gajeye rojose masu ʉaja. Tire yirʉrema, “Diore sʉnibosaya”, yibeaja yʉ. ¹⁷ Rojose mani yise jediro, Dios ʉ ʉavariquʉnabeti ʉaja. Jediro rojose mani yise ti ʉaboajaquʉne, Jesʉre ajitirʉnʉgʉ ʉari, rojose ʉ yiro bero, sutiriticʉari ʉ yitʉajajama, rojose tʉmʉotʉjabetiriaroju vabetirʉcʉmi. To bajicʉari, quʉna gajeye ʉaja rojose masu, ʉ masiriobetʉ.

¹⁸ Adire masijaia mani: Dios rʉare bajiro bajirʉma, rojosere yibeama. Dios macʉ Jesʉs manire yirʉmorʉgʉgʉmi. To bajiro ʉ yijare, vʉtia ʉjʉ rojose ʉ yirotisere yibeaja mani. ¹⁹ “‘Yʉ rʉa ʉaama’ Dios ʉ yirʉ ʉaja mani”, yimasijaia mani. Gʉjerʉma, vʉtia ʉjʉ ʉ ejarʉmose rʉca ʉ bojarore bajiro yirʉ ʉaama ʉna. ²⁰ Gajeyere ado bajise masijaia mani: “Diore masiato”

^a 5:9 Jn 5.32-37; 8.18.

manire yigũ, adi macarũcurojũ vayumi Dios macũ. To ĩ bajire ñajare, Diore quẽnaro masirã ñaja mani. To bajicõari, ĩ macũ Jesucristo rãca ñaja mani. “Ĩne ñaami Dios”, yimasiaja mani. ĩ ñagũmi mani rijato berojũ mani catirotire ĩ catisere manire ĩsigũ.²¹ Diore mani rũcũborore bajiro, disejũ gaeye mani rũcũbose manoja. To bajiro ti bajijare, quẽnaro tũĩamasĩña tũa, “Gãjerã socase ĩna gotimasiosere ajisũyarobe” yirã.

To cõro ñaja.

Segunda carta de SAN JUAN

Jesúre ajitirũnarãre Juan ï ucare queti

¹ ¿Ñaboati mũ, yũ yo, “Yũ macũre ajitirũnũña” Dios ï yirere cãdirio? Mũ rĩare quẽne ucacõaja yũ. Yũ ñaja bũcũ. Yũ sīgũ me, Dios oca socabetire ajitirũnrã jediro, mũare maiaja yũa. ² Dios ocare ajitirũnrã ñari, gãmerã maimasucõaja mani. Ti oca manire jedibetirũaroja. ³ Mũare quẽnarotigũ, mani jacũ Diore, to yicõari, ï macũ Jesucristore ado bajise mũare sẽnibosaja yũ: “Quẽnaro mũa rãca ñna ñarotire yirã, ñnare ejarẽmoña. Ñnare ñamaicõari, mũa oca socabetire ñna maserotire yirã, ñnare ejarẽmoña”, mũare yisẽnibosaja yũ.

⁴ Gajeyerema bũto variquẽnaja yũ. Sīgũri mũa rãcana mani jacũ Dios ï bojarore bajiro ñna yĩnase quetire ajicõari. ⁵ To bajiri, yũ maigõ, adi papera mũare yũ ucacõase, mame oca me ñaja ti. Ti ñaja gãmerã mairotire mani ajisũoadicati. “Tire masiritibeticõato” yigũ, mũare gotiaja yũ. ⁶ Mani gãmerã maijama, Dios ï rotiriarore bajiro yirũgũrũarãja mani. “Gãmerã maicõari, quẽnaro yirũgũña mũa”, manire yirotiyumi Dios. Ti ñaja mũa ajisũoadicati.

Socase gotimasiorimasa ñna ñnare queti

⁷ Socase gotimasiodudirimasa, jãjarã ñarãma. “Manire bajiro rujũ cãtigũ me ñañuju Jesucristo”, yisocarãma. To bajise yirã ñari, Cristore terã ñarãma. ⁸ Quẽnase mũa yirũgũse vaja jediro quẽnaro mũare Dios ï yirotire bojarã, ñnare ajibesa mũa.

⁹ Cristo ocare ñna gotisere ajitirũnũ tũjacõari, socarimasa ñna gotisejũare ï ajijama, Diorãcagũ me ñagũmi. Dios macũ Cristo ocare ajitirũnũ tũjabecũjũama, ñna rãcagũ ñagũmi. ¹⁰ To bajiri, Cristo oca me, ricati mũare gotimasiorimasa mũa ya vijũ ñna ejajama, ñnare sẽnibeja. To yicõari, ñnare sãjarotibeja. ¹¹ Ñnare mũa sãjarotijama, socase ñna gotisere ñnare yiejarẽmorã yirũarãja mũa.

¹² Gajeye jairo mũare yũ gotiroti ti ñacõajare, yũ masune mũare gotigũ varũa tũoĩaja yũ. To bajiboarine, adi rĩne mũare ucacõaja yũ. Tojũ yũ ejato, bũto variquẽnarũarãja mani.

¹³ Mũa yo, “Yũ macũre ajitirũnũña” Dios ï yirere cãdirio, so rĩa quẽne “Quẽnato”, mũare yama.

To cõro ñaja.

Tercera carta de SAN JUAN

Cristore ajitirūnūgāre, Gayo vāme cutigūre Juan ī ucacōare

¹ Gayo, ¿ñaboati mu? Yu ñaja bucu, Juan, adi papera mure ucacōagū. Yu quēne, Dios oca socabetire ajitirūnūgū ñari, mure maiaja yu.

² Yu maigū, mure quēnarotigu, Diore ado bajise mure sēnibosaja yu: “Mu rāca quēnaro ī ñarore bajiro ī yarā rāca quēnaro ñato’ yigu, to yicōari, ‘Rijaye quēne manicōato’ yigu, ĩre ejarēmoña”, mure yisēnibosaja yu. ³ Gājerā Cristore ajitirūnurā mu rācana yu taju ejacōari, “Dios oca socabeti ti gotirote bajiro yicōa ñaami” ĩna yigotisere ajicōari, bato variquēnamu yu. ⁴ Cristore ajitirūnurā, yu rāre bajiro bajirā, Dios oca socabeti ti gotirote bajiro “Quēnaro yirūgūama” ĩna yisere ajicōari, bato variquēnaja yu. Disejua quēnabusase oca ajibeaja yu.

⁵ Yu maigū, gājerā Cristo ocare gotimasiocudirimasa, gajeroana ĩna ñaboajaquēne, “Īnare yirēmorūgūami” mure ĩna yisere ajibu yu. To bajiro mu yirūgūse suorine “Cristo oca socabeti ti gotirote bajiro yigu ñagūmi”, mure yimasire ñaja. ⁶ Sīgūri Cristo ocare gotimasiocudirimasa, adoju Cristore ajitirūnurā ĩna rējariviju ejacōari, “Quēnaro yuare yirēmocami”, yuare yigotima ĩna. To yicōari, quēna mu taju ĩna ejaro, “Quēnaro rētoajaro ĩna” yigu, Dios ī bojarore bajiro quēnaro ĩnare mu yirēmojama, quēnaroja. ⁷ “Dios ocare gotimasiocudito mani” yirā, vacama ĩna. ĩna gotimasiocudiroju, Diore masimenare, “Yuare ejarēmoña”, ĩnare yibesuma. ⁸ To bajiri ĩnare yirēmoroti ñaja manire, “Cristo ocare gotimasiocudicōa ñato” yirā.

“Diótrefes vāme cutigu rojose yiyumi”, yire queti

⁹ Muare papera ucacōaboacaju yu, mu tuana Cristore ajitirūnurāre. To bajiboarine, Diótrefes vāme cutigujua masare gotimasiorā yua ñasere bojabetesumi, “Yujua ĩnare ũmato ñagū ñaja” yituoīagū ñari. ¹⁰ To bajiro ī yire ñajare, yu vatirūmu mu rējariviju ejacōari, “Rojose yigu yiyuja mu”, ĩre yirucuja yu. Ījua, rojose masu yuare ñagōmacarūgūñumi. To bajiro ī yirere ajicōari, variquēnabeaja yu. Cristo ocare goticudirimasa ī taju ejacōari, ĩna rējariviju ĩna sājaruajama, sājarotibesumi. To ī yirone sīgūri ī rācanajuama, sājarotiruaboayuma. To ĩna yirone, ĩna rācane “Budiasa mu quēne”, ĩnare yitud’icōarūgūñumi.

“Demetrio vāme cutigu quēnaro yiyumi”, yire queti

¹¹ Yu maigū, rojose yirāre bajiro yibesa mu. Quēnasejua yiyu. Quēnase yirā, Dios rāre bajiro bajirā ñarāma, ĩ ejarēmose rāca ī bojarore bajiro yirā. Rojose yirāma, Diore masimena ñarāma.

¹² “Demetrio vāme cutigu, quēnaro yigu ñaami”, yama masa jediro. ĩre bajiro quēnaro yigūre gotiaja Cristo oca riojo gotise. To yicōari, “Quēnaro yigu ñaami”, yaja yua quēne. To bajirone yigujua mu.

¹³⁻¹⁴ Gajeye jairo muare yu gotiroti ti ñacōajare, yu masune muare gotigu varua tuoīaja yu. To bajiboarine, adi rīne muare ucacōaja yu. Toju ejacu, mure quēnaro gotirucuja yu.

¹⁵ Quēnaro mu ñarotire yigu, muare ejarēmoato Dios. Adoana mani mairā, mure quēnarotiana. Mu rācana mani mairāre yu quēnarotisere yure gotibosaya.

To cõrone ñaja.

Carta de SAN JUDAS

Jesúre ajitirānūrāre Judas ī ucacōare queti

¹ ¿Ñati mua, “Yu rīa ñaruarāma” Dios ī yirere cūdiriarā? Yu ñaja Jesucristo ī bojasere yigu, Santiago bedi, Judas vāme cūtigu. Mani jacu Dios muare buto maiami. To bajicōari, “Yu yarā ñari, yure ajitirānucōa ñarūgūato” yigu, muare quēnaro īatirānugūami Jesucristo. ² Muare quēnarotigu, Diore ado bajise muare sēnibosaja yu: “Quēnaro mū rāca īna ñarotire yigu, butobusa īnare īamaicōari, īnare ejarēmoña. To yicōari, ‘Īnare mū maisere quēnabusaro masirūtu vajaro īna’ yigu, īnare ejarēmoña”, muare yisēnibosaja yu.

Socase gotimasiorimasa īna ñare queti (2 Pe 2.1-7)

³⁻⁴ “Satanás rojose ī yirotoasere cūdimena ñato” yigu, Jesucristo manire ī rijabosare quetire muare ucacōaruaboaja yu. Tire ucaruaboarine, gajeye mua bajise quetire ajicōari, “Tijūare ucarocu ñaja”, yitūoīaja yu. Mua rācana Diore rācūbuomena socase gotimasiorimasa ñarāma. “Dios, quēnagū ñari, ī bojabetire mani yiboajaquēne, to bajise mani yise vaja rojose yibecūmi”, yisocarāma. To bajiri, “Gājerā rāca ajeriarā cūtito mani”, yirāma. To yicōari, Jesucristo, mani uju, ī sīgūne ī ñaboajaquēne, “Īre mani cūdibetijama, no yibeaja”, yisocarāma. To bajiri, ī rijariaro bero, tudicaticōari, ī buerimasare Dios ī bojarore bajiro yigu, gotimasiojeocōañumi. To yicōari, īnare gotimasioroticōañumi, masa jedirore. To bajiri, īna gotimasiorere ajiriarā ñari, gajeye ricati gājerā īna gotimasiosere mua ajijama, “Socase ñaja” yicōari, riojo gotimasiosejuare gotiroti ñaja. To yicōari, “Socabeti gotirejuare ajitirānu tūjabeticōato mani” yirā, Dios ī bojarore bajiro yicōa ñarūgūña.

⁵ Jēre mua masise ti ñaboajaquēne, mua tuditūoīarotire yigu, muare gotiaja yu: Tirāmūju Egipto sitana, israelita masare īna rotiajerāre gaje sitajua īnare ūmato vamasifūju Dios. To bajiro īnare ī ūmato bajiriaro bero, ĩre īna ajitirānubetijare, īnare bajirearotimasifūju Dios. Tire masicōari, “Manire quēne rojose yiromi” yirā, Diore ajitirānu tūjabetiroti ñaja”, yimasiaja mani. ⁶ To yicōari, ángel mesare quēne to bajirone yiyumi, ī rotoasere īna cūdibetijare. Sīgūri ángel mesa, Diore moabosarā ñaboarine, ī rotirore bajiro cūdibetimasifūjarā īna. To bajiro īna bajijare, cōmemari rāca īnare siacōari, tūsabetigojeju īna ñacōa ñarotire yigu toju īnare cūmasifūju Dios. “Rojose yirā, rojose tāmūorūgūruarāma” īnare ī yirotirāmūju ti ejaroto rījoro, tojūne ñacōa ñaruarāma īna. To bajiro ī yirotirāmūju ti ejaro, butobusa rojose tāmūoruarāma īna. Tire masicōari, “Manire quēne rojose yiromi” yirā, Diore ajitirānu tūjabetiroti ñaja”, yimasiaja mani. ⁷ Īnare bajiro rojose yimasifūjarā Sodoma macana, Gomorra macana, ti maca tū ñarimacariana quēne. Ado bajiro yimasifūjarā: Manajo cūtirā, manaju cūtirā ñaboarine, gājerā rāca ajeriarā cūtirūgūmasifūjarā. Manajo mana, manaju mana quēne, to bajirone yirūgūmasifūjarā īna. To yicōari, īna rujari ti bojarore bajiro bojoneose yirūgūmasifūjarā. To bajiro īna yijare, ō vecaye azufre vāme cūtise rāca

Īnare soereamasīņuju Dios. Ti quetire ajicōari, Īna yīriarore bajiro yime-nasa manima, “Mani rijato berojū jeame yatibetimejū manire rearomi Dios” yirā.

⁸ Tire masiboarine, tirāmūana rojose Īna yimasīriarore bajirone yicōa ĩnarāma mūa rācana, Diore rūcūbuomena. Cājiriagū bajīriarore bajiro ĩnarā ĩnari, Īna rujūri ti bojarore bajiro “Bojoneose yirā yaja”, yimasimena ĩnarāma. To bajicōari, mani ūjūre cūdimena ĩnarāma. To yicōari, ángel mesare, vātiare quēne rūcūbuobetrīgūrāma socase gotimasiorimasa. ⁹ Ángel mesa ūjū Miguel vāme cūtigū roque yisocarimasa rētoro rotimasigū ĩnaboarine, ĩnare bajiro rojose yibetimasīņuju, vātire. Ado bajiro bajimasīņuju: Moisés ĩnamasir'i ĩ rijato ĩacōari, ĩ rujūre āmiarūamasiboayuju Satanás. To bajiro ĩ yijare, Satanāre tud'irūaboarine, ĩre tud'ibetimasīņuju Miguel. Ado bajisejūa ĩre yimasīņuju: “Mū yisere ĩacōari, ‘Rojose tāmūoḡcūmi’ Dios mūre ĩ yijama, quēnarūaroja”, ĩre yicōa tūjasuju Miguel. ¹⁰ Satanāre ĩ tud'ibetiboajaquēne, socase gotimasiorājūama, ángel mesare, vātiare quēne ĩna bajisere masimena ĩnari, rūcūbuobetrīgūama. To bajicōari, ĩna rujū ti bojarore bajiro yirā, “Bojoneose yirā yaja” yimasimenane, tire yirīgūrāma. To bajiro yirā ĩnari, rojose tāmūotūjabetīriarojū varona ĩnarāma.

¹¹ Tirāmūana ĩnamasīriarā rojose ĩna yimasīriarore bajiro yirā ĩna ĩnjare, buto rojose ĩnare yirūcūmi Dios: Ca'ĩn ĩnamasir'i, rojose ĩ tāmūoriarore bajiro tāmūoruarā, rojose yirīgūama ĩna quēne. To bajicōari, Balaam ĩnamasir'i ĩ yimasīriarore bajiro yirā, gājoajuare bojamasucōarā ĩnari, Dios ĩ bojasere yibetrīgūrāma. Coré ĩnamasir'i ĩ bajimasīriarore bajiro yirā, ĩna ūjarā ĩna rotisere cūdibetrīgūama ĩna quēne. To bajiro ĩna bajise vaja, rojose ĩnare ĩ yimasīriarore bajiro rojose tāmūotūjabetīriarojū ĩnare cōarūcūmi Dios. ¹² Diore rūcūbuorā mūa rējajama, socase gotimasiorimasa quēne mūa rāca rējarīgūama. “Dios ĩ bojasere yirā ĩnaja” yiboarine, no ĩna bojarore bajirojūa rīne yirīgūama. Mūa tūoīarore bajiro tūoīarā me ĩnaama. Ricatījūare tūoīacōari, rojose yirīgūama. ĩnare tūoīacōari, ado bajise mūare gotīaja yū: Buto asīrūrūmū oco buerire ĩamacarāja mani, oco macarā. To bajiro mani yīnarone, oco buesere mino ti vēareacoajama, sūtīritīrūarāja mani, “Oco būjabetīcōaja” yirā. To bajirone bajiroja socase gotimasiorimasa ĩna gotiboase quēne. Quēna ado bajise mūare gotīaja yū: Yucū ricare barūarā macarāja mani. Tire mani būjabetījama, sūtīritīrūarāja mani. Rica mani ti ĩnjare, ĩnie vaja maja tū. Tīure quēacōarāja mani. To bajīri catībetīrūaroja yuja. Tīure bajirone ĩnie vaja mana ĩnaama socase gotimasiorimasa. To bajīri rojose tāmūotūjabetīriarojū ĩnare cōarūcūmi Dios. ¹³ To bajicōari, riaga jairisa ti saberone, sōmo cūti, ūeri jai bajīaja. Tire bajirone bojoneri mene rojosere yīnarīgūama socase gotimasiorimasa quēne. To bajicōari, ĩnocoa tirāmūjū ō vecajū Dios ĩ cūmasīriarā, sīgūri ĩnare ĩ cūmasīriarōjūre vaveoriarā ĩna ĩnjare, ĩna ĩnarīgūrotījūre tūoīacōari, buto rētīarojū quēnomasīņuju Dios. To bajirone bajīrāma socase oca mūare gotimasiorimasa quēne. Dios oca quēnasere ajītūacōari, ĩna masune ĩna bojarore bajiro yirā ĩnari, buto rētīarojū ĩnacōa ĩnarūarāma.

¹⁴ Socase oca mūare gotimasiorāre goti rījoro yimasīņuju Enoc ĩnamasir'i. ĩnamasīņuju Adán jānami. Adán macū ĩnamasīņuju Set. Set macū ĩnamasīņuju Enós. Enós macū ĩnamasīņuju Cainán. To bajiro mani cōīaruji vajama, Enoc vāme cūtimasīr'i rāca ĩnarā, cojomo cōro gaje āmo jūa jēnituarīrācū

ñamasinujarã. “Ado bajiro bajiruarãma Diore rãcubomena” yigũ, ado bajiro Diore gotirëtobosamasiñuju ï: “Yũre quënarõ ajiya. Cojorãmũ adĩ macarũcurojũ ejarũcumĩ manĩ ƣũ. Ï rãca jãjarã ángel mesa ejaruarãma. ¹⁵ Tirãmũre masare beserũcumĩ Dios. Ïre rãcubobeticõari, rojose yiri-arãre, rojose ïnare yirũcumĩ”, yigotimasiñuju Enoc ñamasir'i, mũa rãcana Diore rãcubomena ïna bajiro tire gotigũ. ¹⁶ “Quënabeaja”, yigõjarũgũama ïna. To yicõari, “Ïna ye suorine rojose ñaja”, yĩñagõmacarũgũama. To bajiro yirã ñaboarine, ïna bojamasuse rĩne yirũgũama. Gãjeyerema, “Rëtoro masirã ñaja yũa”, yirũgũama. To yicõari, ïna bojarore bajiro yirã gãjerãre quënarõ gotisocarũgũama.

Cristore masirãre gotiquënore queti

¹⁷ Yũ mairã, Cristo ï gotiroticõasũoriarã ïna yigotimasiorere masiritibesa mũa. ¹⁸ Ado bajiro mũare gotimasioriarãma: “Adĩ macarũcuro jediroto rĩjoro Dios ocare ajatud'irã ñaruarãma. Gãjerãre tũoĩamenane, rojose ïna yirũase rĩne yirũgũrũarãma”, mũare yigotimasioriarãma Cristo ï gotiroticõasũoriarã. ¹⁹ Socase gotimasiorimasajũama, ricati ïna gotijare, sĩgũre bajiro tũoĩamenaja mũa. Ïna masu ïna bojase rĩne yicõarãma ïna, Esp'iritu Santore cõomena ñari.

²⁰ Yũ mairã, Cristo ï bajiro care suorine quënarõ Dios ï yire queti mũa ajisũore, masa ïna masu tũoĩacõari, ïna gotimasiore me ñañuja. Dios ye ñañuja. Quënarobũsa tire ajitirũnũroti ñaja. To yicõari, Esp'iritu Santo ï ejarẽmose suorine Diore sãnirũgũroti ñaja. ²¹ Dios mũare bũto ï maisere masirãja mũa. To bajiri quënarõ ï bojarore bajiro yirũgũña, mũare ï maitũjabetiro tire bajiro yirã. To bajiro mũa yĩñarone, Jesucristo ï tudiejarirãmũ ti ejaro, mũare ïamaicõari, “Rojose maja” mũare ï yiro tire tũoĩa yũñarũgũña. Tirãmũre, Dios, mũare ï gotiriarore bajirone ï tũjama quënarõ ñacõa ñarũgũrũarãja.

²² Sĩgũri mũa rãcana, “Cristo oca, ¿rijojo gotiati?” yirãre ïamaicõari, quënarõ ïnare gotimasioña, “ ‘Socase me ñaja’ yitũoĩato” yirã. ²³ Jeamejũ vaboronare yirẽmoña, Jesucristo rãca quënarõ tũoĩacõari, ïna ñarotire yirã. Gãjerãre quëne rojose yirũgũrũre ïamaiña. To bajiro yirã ñaboarine, mũa yirũgũsere quënarõ tũoĩarũgũroti ñaja, “Ïnare bajiro rojose yirobe” yirã.

Judas Diore ï rãcubũore queti

²⁴⁻²⁵ Tire tũoĩacõari, ado bajiro sãniro ti ñaja manire: “Dios mũ sĩgũne ñaja masirëtogũ. Ñimũ gãji mũre bajiro masigũ magũmi. Yũa ƣũ Jesucristo ï rijabosare suorine yũare maiñuja mũ. To yicõari, rojose yũa yibetiro tire yũare ejarẽmoñuja mũ. Mũ rotĩñarojũ yũa ejaro, ‘Rojose mũa yire vaja maja’ yũare yĩarũcũja mũ. To bajiri, mũ ñarojũ ejacõari, mũ rãca quënarõ variquënarũarãja manĩ. Quënarëtogũ ñaja mũ. To yicõari, ƣũ ñamasugũ ñaja mũ. Ñie mũ yimasibeti maja mũre. To bajicõari, disejũa mũ rotimasibeti maja mũre. To bajiro bajiyuja mũ, adĩ macarũcurore mũ rujeoroto rĩjorojũne. Adirãmũrĩre quëne, to bajirone bajicõa ñaja mũ. To bajiro rĩne bajicõa ñarũgũrũcũja mũ”, yiro ti ñaja manire, Diore rãcubũorã.

To cõro ñaja.

APOCALIPSIS

Juan ĩ cājiriaroju Jesucristo ĩ gotire queti

¹ Adi papera, yoaro mene bajirotire gotiaja. Dios, ti quetire, ĩ macu Jesucristore gotiyuju, ĩ yarā, ĩ bojasere yirā, ĩna masirotire yigu. To bajiro ĩ yijare, “Yu bojasere yigure, Juanre, to bajiro bajirotire ruyuaĩocōari, ‘Ado bajiro bajaia mure yu ruyuaĩose’ ĩre yigotimasiorucuja mu” yigu, ángelre cōañumi Jesucristo. ² Yu ñaja Juan, yure ángel ĩ ruyuaĩoro bajicati cōrone riojo ucagu.

³ To bajiro bajiroti ti cōñajare, ado bajiro yaja yu: Adi queti Dios ĩ cōarere ĩagotirona, to yicōari, tire cudirona quēne, quēnaro variquēnarona ñarāma.

Cojomo cōro juā jēnituaro macariana Jesúre ajitirānārāre Juan ĩ ucare queti

⁴⁻⁵ To bajiri, Asia sitana, cojomo cōro juā jēnituaro macarianare, Jesúre ajitirānārāre muare ucaja yu, Juan vāme cutigu. Muare quēnarotigu, Diore, ĩ macu Jesucristore, to yicōari, Esp'iritu Santore quēne ado bajise muare sēnibosaja yu: “Quēnaro muā rāca ĩna ñarotire yirā, ĩnare ejarēmoña”, muare yisēnibosaja yu. Dios ñaami tirāmaju ñamasir'i ñaboarine, adirāmure quēne ñacōa ñarūgūgū. Bero, masa taju ñagū, ejarocu ñaami. Dios, rotigu ĩ rujiri cūmuro rĭjorojuā ñagū ñaami Esp'iritu Santo. Sīgū ñaboarine, cojomo cōro juā jēnitarirācu ñarāre bajiro bajigu, jediro masigū ñaami. To bajicōari, Jesucristo ñaami ĩ jacu yere riojo gotirūgūgū. Rijacoaboarine quēna tudicaticōari, rijarocu me ñasucami. To bajicōari, adi macarucuroana ujarā ñarā jediro uju ñaami. ĩ ñaami manire maigū. Rojose mani yise vajare, ĩ rijacati rāca manire vaja yijeobosacacu ñaami. ⁶ To bajiro ĩ yicati suorine paiare bajiro, ĩ jacu mani uju ĩ bojasere yirā ñaja mani quēne. ĩ rijacati rāca manire ĩ vaju yijeobosare ñajare, “ĩ ñaami ñajediro uju. Dise ĩ rotimasibeti rayabetoja. To bajirone bajirūgūrucumi”, ĩre yitūoĩa variquēnato mani. To bajirone bajiato.

⁷ Adire quēne tūoĩaña muā: Buerigaseri vatoaju vadirucumi Cristo. ĩ vadore ĩajediruarāma masa, adi macarucuroana. ĩre sĭarocaroticana jānerabatia quēne ĩre ĩaruarāma. ĩre ĩacōari, jediro otiruarāma. To bajirone bajiato.

⁸ Ñajediro masijeogu, mani uju, Dios, ado bajiro gotiami: —Alfa, omega ñaja yu. Alfa yu yijama, “Ñajediro ti ruyuaroto rĭjoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucuja” yigu yaja —yigotiami Dios.

ĩ ñaami tirāmaju ñamasir'i ñaboarine, adirāmure quēne ñacōa ñarūgūgū. Bero, masa taju ñagū, ejarocu ñaami.

Cristo, Juanre, ĩ ruyuaĩore queti

⁹ Yu Juan, Jesucristore ajitirānugū ñari, muā yu ñaja yu. ĩre ajitirānugū ñari, muare bajirone rojose tāmūoaja yu. Gājerā rojose yure ĩna yiboajaquēne, muare bajirone ĩre ajitirānucōa ñaja yu quēne. Mani ujure cudirā jediro to bajiro rĭne bajirūgūroti ñaja. Tirāmaju Dios ocare yu gotimasiojare, “Rojose tāmūoato” yirā, Patmos vāme cutiyojaju yure cūcama ĩna. ¹⁰ Domingo ñarirāmu, Esp'iritu Santo suorine yu sayarojuā ruyugoaro

ocaruyusere ajicajm ym. Jutiria trompeta vāme cutiare jutibusuoriaro cōro buto ocaruyucajm ti. ¹¹ Ado bajiro ocaruyucajm:

—Yucane mare ym ĩorotire paperatutijm ucarucujm m. Ucacōari, Asia sitana, Cristore ajitirūnrāre cōarucujm. ĩna ĩnarāma cojomo cōro jma jēnituarorāca macariana. Ado cōro ĩnarāma: Efesoana, Esmirnana, Pērgamoana, Tiatirana, Sardisana, Filadelfiana, to yicōari, Laodiceana quēne ĩnarāma —yi ocaruyucajm.

¹² Ocaruyusere ajicōari, “¿Nimn yure ĩagōati?” yigm, judarūgūcujm ym, ĩre ĩarū. Cojomo cōro jma jēnituario sĩabusuojeoriajuri ĩacajm. Orone ĩna quēnorijuri ĩacajm ti. ¹³ Sĩabusuojeoriajuri vatoajm masure bajigm ĩacami. Sudiro yoariase, ĩ gubojm tāsariase sāĩacami. ĩ cotitērore cōmema, orone quēnorijama jasācami. ¹⁴ ĩ rĩjoa joa oveja joare bajiro buto boticajm. To bajicōari, buerigaserire bajiro boticajm. ĩ cajearima, jea ũjusere bajiro yaacajm. ¹⁵ ĩ gubori quēne, buto yaacajm. Bronze vāme cutise jeamejū soecōari, ĩna gosiosere bajiro yaacajm ti. ĩ ĩagōjama, oco meniore bajiro ocaruyucajm. ¹⁶ ĩ āmo riojojacatuare, cojomo cōro, jma jēnituarirācū ĩocoacucami. ĩ risejū jariase, jmajacatajūne bĩjarijāi budicajm. ĩ rioga, muiju quēnaro ĩ asirore bajiro yaacajm.

¹⁷ ĩre ĩaucacōari, ĩ rĩjorojma muqueacajm ym. Muqueagune, bajirocar'ire bajiro vārebeticajm ym. To bajiro ym bajiboajaquēne, ĩ āmo riojojacatua yure ĩiajeocōari, ado bajiro yure yicami:

—Gūibesa m. ĩajediro ti ruyuaroto rĩjorojū ĩacajm ym. To bajicōari, ĩajediro ti yayiro berojū quēne ĩacōa ĩarūgūrucujm, yure yicami. ¹⁸ Yma ĩasuoadicacujūne ĩacōa ĩarūgūaja. Rijacoaboarine, tudicaticōari, jmaj ĩdirĩjarocū me ĩaja ym. Rijariarāre quēne rotigm ĩaja ym. Quēna ĩna tudicatirotire yimasigū ĩaja ym. To bajicōari, rijariarā jediro ĩna ĩarojure ym yarāre ĩnare juabumasijm ym. “Rojose tāmnotĩabetirarojū vabeticōari, ym ĩarojma quēnaro ĩarūgūato” yigm, ĩnare juabumasijm ym —yure yicami yure ruyuaĩocacū.

¹⁹ Quēna gajeye ado bajiro yure yicami:

—Yucane mare ym ĩorotire ucarucujm m. Adirāmariaye, bero bajirotiayere quēne ĩarucujm m. ²⁰ Ym āmo riojojacatua cojomo cōro jma jēnituarirācū ĩocoacū m ĩarāre, “To bajiro yirūaro yaja”, yimasibeaja m. Ado bajiro yigm yibū ym, to bajiro ym yĩojama: ĩna ĩaama cojomo cōro, jma jēnituario macariana yure ajitirūnrāre ũmato ĩarā. Cojomo cōro jma jēnituarirāca sĩabusuojeore m ĩasema, ado bajiro yire ũni ĩaja: Cojomo cōro jma jēnituario macariana yure ajitirūnrāre gotiro yibū —yure yicami yure ruyuaĩocacū.

2

Efeso macanare Juan ĩ ucacōare queti

¹ Quēna ado bajiro yure yicami yure ruyuaĩocacū:

—Efeso vāme cuti macana yure ajitirūnrāre ũmato ĩagūre ado bajiro ucaya: “Adi mware ym ucase, ado bajiro bajigm mware ĩ gotise ĩaja: ĩ āmo riojojacatua cojomo cōro jma jēnituarirācū ĩocoacū cocū, cojomo cōro jma jēnituarirāca sĩabusuojeore m ĩasema, ado bajiro yire ũni ĩaja: Cojomo cōro jma jēnituario macariana yure ajitirūnrāre gotiro yibū —yure yicami yure ruyuaĩocōari, yure ĩ goticatire ĩre ucacōabosagū yaja ym”, yucaya —yicami.

To yicōari, ado bajiro m̄uare goticami: ² —Jediro m̄ua yisere masiaja yu. “Mani ūjre ajitir̄nuato gājerā” yirā, josari m̄ua moarūgūserere masiaja yu. Gājerā rojose ina yiboajaquēne, yure m̄ua ajitir̄nu tujabetire masiaja. Rojose yirāre m̄ua ĩvariquēnabetire quēne masiaja. “Cristo ocare riojo gotimasiorā ñaja yua” yirāre ajicōiācōari, “Socarimasa ñaja m̄ua” ĩnare m̄ua yigoticatire quēne masiaja yu. ³ Gājerā rojose m̄uare ĩna yiboajaquēne, yure ajitir̄nucōa ñaja m̄ua. Yure ajitir̄nurā m̄ua ñajare, rojose m̄uare yama. To bajiro ĩna yiboajaquēne, yure ajitir̄nu tujabeaja m̄ua. ⁴ To bajiro m̄ua bajiboajaquēne, cojo vāme ado bajiro m̄ua bajisere ĩvariquēnabeaja yu: Yure ajitir̄nucōarā, m̄ua maicato cōro yure maibeaja m̄ua yuja. ⁵ Yure m̄ua ajitir̄nucōatire t̄uōiācōari, quēna yure m̄ua ajitir̄nucōatore bajiro tudiajitir̄nuña. To bajiro m̄ua bajijama, yu bojabetire yitujacōari, yu bojasejuare yiruarāja m̄ua quēna. To bajiro m̄ua yibetijama, m̄ua s̄iabusoriabaja jeoriajure ēmagū ejarucuja yu. ⁶ Yure m̄ua maibetibusasere ĩvariquēnabetiboarine, adi vāme m̄ua yisere ĩvariquēnaja yu: Nicolás vāme cutigure ajisuyarā, rojose ĩna yisere ĩateaja m̄ua. Yu quēne, tire ĩateaja. ⁷ Esp̄iritu Santo ĩ ejarēmose rāca ñamasusere m̄uare yu gotirotire m̄ua ajimasir̄ujama, quēnaro ajiya m̄ua, gaje macariana yure ajitir̄nurā jediro: Yure ajitir̄nu tujabetirona, yucū caticōa ñarotiye rica cutiū ricare barona ñaruarāma. Dios ya vese quēnarivesejure ñaja tiu — m̄uare yigoticami yure ruyuañocacu.

Esmirna vāme cuti macanare Juan ĩ ucacōare queti

⁸ Gajeye ado bajiro yure yicami yure ruyuañocacu:

—Esmirna vāme cuti macana yure ajitir̄nurāre ūmato ñagūre ado bajiro yure ucacōabosaya: Tire m̄uare goticacu, ñajediro ti ruyuaroto r̄joroju ñamasir̄i, to bajicōari, ñajediro ti yayiro beroju quēne ñacōa ñarūgūrocū ñaami. Rijacoaboarine, tudicaticōari, rijarocū me ñaami. Ado bajiro m̄uare goticami:

⁹ —Gājerā rojose m̄uare ĩna yijare, rojose m̄ua tām̄osere masiaja yu. Ñie mana m̄ua ñasere masiaja. To bajiro bajirā ñaboarine, Dios m̄uare ĩ ūjore ñajare, gajeyeūni jairāre bajiro ĩ ye quēnamasuse jediro c̄uorā ñaja m̄ua, ĩ mac̄ure m̄ua ajitir̄nu tujabetirotire yirā. “Jud̄io masa ñari, Dios r̄ia ñaja yua” yit̄uōiaboarā, masa ĩna ĩaro r̄jorojua, “Rojose yima” socarāne m̄uare ĩna yirosere ajiaja yu. To bajiro yiorā, Dios ĩ bojasere yirā me ñaama. Vātia ūju, Satanás ĩ bojasejuare yirā ñaama. ¹⁰ Rojose m̄uare ĩna yirotire t̄uōlagūibesā. “Sīgūri, tubiberiaviju tubibe ecoato ĩna” yigu, m̄uare yirucami Satanás. “Cristore ajitir̄nu tujato” yigu, to bajiro m̄uare yirucami. To ĩ yiroti ñajare, juāmo cōro ñarir̄m̄uri rojose tām̄uoruarāja m̄ua. Rojose tām̄uoboarine, yure ajitir̄nu tujabesa. M̄uare ĩna s̄iaroti ti ñaboajaquēne, yure ajitir̄nu tujabesa. To bajiro m̄ua bajijama, “Rijacoaboarine, quēna tudicaticōari, rijarona me ñato” yigu, m̄uare yirucuja yu. ¹¹ Esp̄iritu Santo ĩ ejarēmose rāca ñamasusere m̄uare yu gotirotire m̄ua ajimasir̄ujama, quēnaro ajiya m̄ua, gaje macariana yure ajitir̄nurā jediro: Yure ajitir̄nucōa ñarūgūronama, rojose tām̄uotujabetiriaroju yu rearona rāca vabetiruarāma —m̄uare yigoticami, yure ruyuañocacu.

Pérgamo vāme cuti macanare Juan ĩ ucacōare queti

¹² Gajeye ado bajiro yure yicami yure ruyuañocacu:

—Pérgamo vāme cūti macana yure ajitirūnūrāre ūmato ñagūre ado bajiro yure ucacōabosaya: Juajacatuajune bujarijāi jariase cуocacу, ado bajiro mуare goticami:

¹³ —Ti macaju mуa bajirūgūserе masiaja yу. Ti maca ñaja Satanás ĩ ñavariquēnari maca. Ti macana jediro, “Satanāre rūcуbuorā yaja” yimasibetiboarine, ĩre cūdirā vatoaju mуa bajisere masiaja yу. Sīgū mуa rāca ñaboacacу, Antipas vāme cutigure, ĩre ĩna sīacatire masiaja yу. “Cristo ocajuare ajitirūnuroti ñaja” ĩ yitujabetijare, ĩre sīacama. ĩre ĩna sīaboajaquēne, yure ajitirūnu tujabeticaju mуa. To bajiro mуa bajicōa ñasere masiaja yу. ¹⁴ To bajiro mуare quēnaro yiboarine, ado bajiro mуa yisejuare ĩvariquēnabeaja yу: Mуa rācana sīgūri, Balaam vāme cuticacу, Balac vāme cuticacure ĩ gotimasiocatire ajisуyacanare bajiro yama ĩna. Ado bajiro gotimasiocami Balaam, Balac vāme cutigure gotigu: “Israelita masare rojose mу yirouajama, ūmуare ado bajise rojose yi ocasāña: ‘Yua quēnor’ire rūcуbuorā vaibцure sīacōari, ĩ tujу yua cūrцare riire mуa bajaquēne, quēnarцaroja. To yicōari, yua yarā rōmia rāca mуa ajeriarā cutijaquēne, quēnarцaroja ti’ ĩnare yi ocasāña”, yigotimasiocami Balaam. ¹⁵ Gājerā rojose yirā quēne, Nicolás vāme cutigure ajisуyarā ñaama sīgūri ĩna rācana. ¹⁶ To bajiri, Nicolāre ajisуyarāre, to yicōari, Balaam ĩ gotimasiocatire ajisуyacanare bajiro yirāre ajibeticōañā. ĩnare mуa ajitirūnucōa ñajama, mуa tujу eяacōari, rojose mуa yise vaja, jariase yу riseju budirijāi, juajacatuajune bujarijāi rāca mуare rojose yirцcуja yу. ¹⁷ Esp’iritu Santo ĩ ejarēmose rāca ñamasusere mуare yу gotirotire mуa ajimasirцajama, quēnaro ajiya mуa, gaje macariana yure ajitirūnūrā jediro: Yure ajitirūnu tujabetironare maná vāme cutise yayioroju ñare bare ĩnare ecarцcуja yу. To yicōari, tocārцurene gūtari botiricari ĩnare ĩsirцcуja, mame vāme uaturiarire. Ñimajuane tiarijure uaturere ĩamasibetirцcumi. Tiarire boca juarā rīne masirцarāma —mуare yigoticami yure ruyuaĭocacу.

Tiatira macanare Juan ĩ ucacōare queti

¹⁸ Gajeye ado bajiro yure yicami yure ruyuaĭocacу:

—Tiatira vāme cūti macana, yure ajitirūnūrāre ūmato ñagūre ado bajiro yure ucacōabosaya: Adi mуare yу ucase, ado bajiro bajicacу mуare ĩ goticati ñaja: Dios macу, ĩ cajeari jea ūjusere bajiro yaacacу ñacami. To bajicōari, cōme, bronce vāme cutise jeameju soecōari, ĩna gosiose buto yaasere bajiro gubori cuticacу ñacami. To bajigu ñagū, ado bajiro mуare goticami:

¹⁹ —Jediro ĩna yisere masiaja yу. Mуa gāmerā maisere masiaja yу. Yure mуa ajitirūnusere quēne masiaja. “Quēnabusaro ĩre ajitirūnuto mani” yirā, mуa gāmerā ejarēmose quēne masiaja. Gājerā rojose mуare ĩna yiboajaquēne, yure mуa ajitirūnucōa ñasere quēne masiaja. Tirūmaju yure ajitirūnucōaraju quēnaro mуa yicati rētoro quēnaro yirūgūaja mуa, adirūmūrirema. Ti jedirorene masiaja yу. ²⁰ To bajiro quēnaro mуa yise ti ñaboajaquēne, ado bajise mуa yisejuare ĩvariquēnabeaja yу: Mуa tuago Jezabel vāme cutigo socase so gotimasiosere ajicōari, “Soco yaja mу. Gotimasibeticōañā mу”, sore yibeaja mуa. “Cristo oca riojo gotimasioģō ñaja yу” yitocōari, so gotimasiose suorine yу bojase yirā ñaboarā, ado bajiro rojose yama: Ajeriarā cutirā ñaama. To bajicōari, gājerā ĩna quēnor’ire rūcуbuorā vaibцure sīacōari, ĩ tujу ĩna cūrцare riire barā ñaama. ²¹ To bajiro rojose so yisere yitujacōari, yу bojasejuare so

yirotire yoaro yubɛsacɔaboaja yu. Ajeriarã cuti tujaruabeamo so. ²² To bajiro so bajicɔa ñajare, “Cãnijesario joeju so ajeriarã cutirã rãca, so cãnirũgũriaju joene bato rojose tãmuoato” yigu, yirucɛja yu. So rãca ajeriarã cutirãre quẽne to bajirone yirucɛja yu. Yucãne rojose ña yisere yitujacɔari, yu bojasejuare ña yibetijama, to bajirone ñare yirucɛja yu. ²³ To yicɔari, so rĩare sĩajeocɔarucɛja yu. Tire ajicɔari, “Masa ñajediro mani tũoĩasere masijeogu ñaami”, yure yiruarãma adi macarucuroana ñajediro yure ajitirũnarã. Tocãrãcũne ña yicatire quẽnaro ñacɔari, “To bajiro yicana ñari, quẽnase bujarã, rojose tãmuorã, bajiruarãja”, ñare yirotirucɛja yu. ²⁴⁻²⁵ Yure ajitirũnarã, socase so gotimasiosere ajitirũnumenajuare muare gotigu yaja: “Adi ñaja Satanás oca ñamasuse, gãjerã ña masibeti” sore ajisayarã ña yiboajaquẽne, tire ajiruabeaja mu. To bajiri, adi rĩne muare rotigu yaja: Adi macarucuroju yu tudiejaroto rĩjoro, yure ajitirũnu tujabetiroti ñaja. Gaje vãme muare rotibeaja. ²⁶⁻²⁸ Yure ajitirũnucɔa ñaronare, to yicɔari, yu bojasere yitujabetironare mu rijato beroju, mu catirotire yigu, Dios ñ catisere muare ñsirucɛja yu. To yicɔari, “Gãjerãre yure rotibosato” yigu, yu masisere muare ñjorucɛja yu. Ñ masisere yu jacu yure ñ ñjocatire bajirone muare ñjorucɛja yu, “Muare terã quẽne muare cudiato” yigu. To bajiri, bato rotiruarãja mu. Gãjerã muare ña cãdibetijama, josari mene ñare sĩarearuarãja. ²⁹ Gaje macariana yure ajitirũnarã jediro, Esp'iritu Santo ñ ejarẽmose rãca muare yu gotisere mu ajimasiruaajama, quẽnaro tũoĩato ña —yigoticami yure ruyuaĩocacu.

3

Sardis vãme cuti macanare Juan ñ ucacɔare queti

¹ Quẽna ado bajiro yure yicami yure ruyuaĩocacu:

—Sardis vãme cuti macana yure ajitirũnarãre ũmato ñagũre ado bajiro yure ucaya: “Adi muare yu ucase, ado bajiro bajicacu muare ñ goticati ñaja: Sīgũ ñaboarine, cojomo cõro juã jẽnituarirãcu ñarãre bajiro bajigure, Dios ñ cõagũ Esp'iritu Santore cuogu ñacami. To bajicɔari, cojomo cõro juã jẽnituarirãcu ñocoa cuocami. To bajiro yure ruyuaĩocacu ñ goticatire ñre ucacɔabosagu yaja yu”, yucaya —yicami.

To yicɔari, ado bajiro muare goticami:

—Masa ña ñajama, “Cristore ajitirũnarã ñari, ña rijato beroju ña catirotire yigu, Dios ñ catisere ñ ñsiriarã ñaama”, muare yirãma. To bajiro ña yiboajaquẽne, “Yure ajimenare bajiro muã rijato beroju rojose tãmuotujabetiriaroju varona ñaama”, muare yaja yuma. ² Yu ñajama, Dios ñ bojarore bajiro quẽnaro yure ajitirũnarã me ñaja mu. To bajiri, quẽnaro tũoĩacɔari, butobusa yure ajitirũnuña, “Yure ajiterã masu ñarobe” yirã. ³ Tirãmuju yu ocare muare ña gotimasioatire ajicaju mu. Tire tuditũoĩacɔari, ajitirũnuña quẽna. To bajiro muã yibetijama, juarudirimasure bajiro muã masibetone rojose muare yigu ejarucɛja yu. ⁴ To bajiro yirocu yu ñaboajaquẽne, muã rãcana sīgũri, Dios ñ ñajama, rojose mana ñaja mu. To bajiri, sudi botise sãñacɔari, yu rãca quẽnaro ña ñarũgũuarãja.^a ⁵ Yure ajitirũnu tujabetirona, to bajirone bajiruarãma ña. “Ado cõro ñaama yu tu ñarũgũrona” Dios ñ yucamasicatitutire ña vãmere coebetirucɛja yu. To yicɔari, õ vecaju yu jacure, ángel mesare quẽne, ña ñaro rĩjorojuã, “Ãnoa ñaama yu yarã”, ñare yĩorucɛja yu. ⁶ Gaje macariana

^a 3:4 Sudi botise sãnarãre ti gotijama, rojose mana, ñre ajitirũnu tujabetiriarã ñari, ñ rãca ñarãre gotiaja.

yure ajitirānarā jediro, Esp'iritu Santo ĩ ejarēmose rāca m̄uare yu gotisere m̄ua ajimasirūajama, quēnaro t̄uoīato ĩna —yicami yure ruyuaīocacu.

Filadelfia vāme c̄uti macanare Juan ĩ ucacōare queti

⁷ Quēna ado bajiro yure yicami yure ruyuaīocacu:

—Filadelfia vāme c̄uti macana yure ajitirānarāre ūmato ñagūre ado bajiro ucaya: Adi m̄uare yu ucase, ado bajiro bajicacu m̄uare ĩ goticati ñaja: Dios ĩ bojase rīne yigū, riojo gotigū ñacami. ĩne ñacami Ĕju David ñamasir'i jānami, ĩre bajiro Dios yarāre rotigū. To bajiboarine, Dios tujūarema soje jānariaro c̄uogu ñacami ĩma. Masare ĩacōari, “Ānoa, yu tujū ñarūgūruarāma” ĩ yirotijama, to bajirone bajiruarāma. To bajiro ĩ yirotijama, ñimujua ĩnare matarocu manirucami. To bajiro ĩnare yirotirocū ñacami. To bajicōari, gājerājuare, “Ānoama, yu tu me ñaruarāma”, yirotirocū ñacami. To bajiro ĩ yijaquēne, ñimujua, ĩ tujū ĩnare ñarotirocū manirucami.

To bajiro yirocū ñacami ado bajise m̄uare goticacu:

⁸ —Jediro m̄ua yisere masiaja yu. Gājerā m̄uare ĩna ĩajama, “Ñamasurā ñaama”, m̄uare yibeama. To bajiro ĩna yibetiboajaquēne, yu s̄uorine gājerā ĩna gotimasociare bajiro quēnaro yirūgūaja m̄ua. Yure ajitirānu tujabeaja. To bajiri, yu ocare gājerāre quēnaro m̄ua gotimasiorotire yigū, yibū yu. Gājerā m̄uare ĩna gotimasio rotibetiboajaquēne, yu s̄uorine gotimasiocōa ñaruarāja. ⁹ To bajiro m̄uare yiboarine, gājerājuarema, vātia ūju, Satanás ĩ bojasere yirā ñaboarine, socarāne, “Dios rīa ñaja yu” yirāre, ado bajiro ĩnare yirucuja yu: Gotimasiorā rījorojua ḡusomuniari t̄uetucōari, “M̄uajua ñaja Dios ĩ mairā” m̄uare ĩna yirotire yirucuja yu. ¹⁰ “Gājerā rojose m̄uare ĩna yiboajaquēne, yure ajitirānucōa ñaroti ñaja” m̄uare yu yiroticare bajiro c̄adirūgūaja m̄ua, yu oca gotimasiorimasa. Adi macarucuro t̄usarirām̄urire gājerā, masa jedirore rojose yiruarāma, “Diore ajitirān̄abeticōato” yirā. “Tire yiroma” yigū, m̄uare ejarēmocōa ñarucuja yu. ¹¹ Yoaro mene adi macarucuroju vadirucuja yu. To bajiri, yure m̄ua ajitirānurore bajiro ajitirānu tujabeticōaña. To bajiro m̄ua bajicōa ñajama, quēnaro Dios m̄uare ĩ yirotire matarocu magāmi. ¹² Yure ajitirānu tujabetironare, yu jacū tujū ĩna ñarūgūrotire yirucuja yu. ĩ ya vi botari boabeti, ti ñarūgūrore bajiro ñarūgūruarāma ĩna. ĩnare bubetirucuja yu. Idia vāme ĩnare vāme ucaturucuja yu. Ado bajirivāmeri yirucuja yu: Yu jacū Dios vāme, ĩ ya maca vāme, to yicōari, yu vāme mame ñarotire ucaturucuja. Yu jacū ya maca, mame quēnor̄ia maca Jerusalén vāme c̄uti maca ñaruroja. Ti maca ō vecaju rujiadicōari, ejaruroja. ¹³ Yure ajitirānarā jediro, Esp'iritu Santo s̄uorine m̄uare yu gotisere m̄ua ajimasirūajama, quēnaro t̄uoīato —yigoticami yure ruyuaīocacu.

Laodicea vāme c̄uti macanare Juan ĩ ucacōare queti

¹⁴ Quēna ado bajiro yure yicami yure ruyuaīocacu:

—Laodicea vāme c̄uti macana yure ajitirānarāre ūmato ñagūre ado bajiro ucaya: “Adi m̄uare yu ucase, ado bajiro bajicacu m̄uare ĩ goticati ñaja: ĩ s̄uorine jediro quēnase Dios ĩ gotimasiriarore bajirone yirūgūami Dios. ĩ ñacami ĩ jacū yere riojo gotirūgūgū. ĩ s̄uorine adi macarucuroaye jedirore rujeomasiñumi Dios”, yucaya —yicami.

To yicōari, ado bajiro m̄uare goticami:

15 —Jediro m̄ua yisere masiaja yu. Yure tebetiboarine, quēnaro yure ajitir̄n̄ubeaja m̄ua. To bajiro m̄ua bajise, rojose masu ñaja. Ti ūnire bojabeaja yu. 16 To bajiro bajir̄a m̄ua ñajare, yu yar̄a m̄ua ñasere bojabetic̄ari, m̄uare reagūu yaja yu. 17 Ado bajiro t̄uōiaboaja m̄ua: “Gajeyeūni jair̄a ñaja mani. Mani bojase ñajediro, dise r̄uyabeto c̄uoaja mani. To bajic̄ōari, D̄ios ye quēn̄amasuse ī ūjose jediro c̄uor̄a ñaja mani”, yit̄uōiaboaja m̄ua. Yu ñajama, ado bajiro bajir̄aj̄ua ñaja m̄ua: Rojose yir̄a ñari, sudi manare bajiro bajiaja. Yu bojarore bajiro yir̄a me ñari, ñie c̄uobetimesuc̄ōar̄e bajiro bajiaja. To bajic̄ōari, yure masimena ñari, ñamenare bajiro bajiaja m̄ua, yu ñajama. 18 To bajiro bajir̄a m̄ua ñajare, ado bajiro m̄ua yirōtire m̄uare gotimasioḡu yaja yu: Quēn̄amasuse ñajediro c̄uor̄a m̄ua ñar̄uajama, rojose m̄ua yisere yit̄ujac̄ōari, yure sēniña. To bajiro m̄ua yijama, “Quēn̄ase sudi s̄añar̄e bajiro bajir̄a ñato” yiḡu, rojose m̄ua yisere D̄ios ī masiriojeorotire yiḡu, yir̄uc̄uja. To yic̄ōari, “Quēn̄amasuse ñajediro c̄uor̄a ñato” yiḡu, yu bojarore bajiro yir̄a m̄ua ñarotire yiḡu, yir̄uc̄uja. To yic̄ōari, “Īar̄e bajiro ñato” yiḡu, yure quēnaro m̄ua masirōtire yiḡu, yir̄uc̄uja. 19 Yu mair̄a jedirore, “Rojose yaja m̄ua; tire yit̄ujac̄ōari, ado bajiroj̄ua m̄ua yijama, quēn̄ar̄aroja”, ñare yigotimasioḡuaj̄a yu. Riojo ñamasusere ñare gotimasioḡuaj̄a yu. To bajiri, “Rojose yit̄ujaja yu”, yisocabetic̄ōāna m̄ua. 20 Riojo ñamasusere m̄uare gotiaja yu: Yu suorine ado bajiro t̄uōiaama masa: “Cristore ajitir̄n̄uc̄ōari, ĩre baba c̄utirōti ñaja”, yit̄uōiaama. Yure ajitir̄n̄uc̄ōari, yure ĩna baba c̄uti variquēnarotire bojagu ñari, ĩna c̄udisere yur̄uḡuaj̄a yu. “Īre baba c̄utir̄uaja” ĩna masune ĩna yic̄udijama, ĩna r̄āca quēnaro baba c̄utir̄uc̄uja yu. 21 Yure ajitir̄n̄uc̄ōa ñaronare, ō vecaj̄u yu t̄uj̄u yure ĩna rotibosarotire yir̄uc̄uja yu. Yu jac̄ure quēnaro ajitir̄n̄u t̄ujabetic̄ōari, ī t̄uj̄u ĩre yu rotibosar̄uḡurore bajiro yure rotibosar̄uḡur̄ar̄āma ĩna quēne. 22 Yure ajitir̄n̄ur̄a jediro, Esp'iritu Santo ī ejar̄ēnose r̄āca m̄uare yu gotisere m̄ua ajimasir̄uajama, quēnaro t̄uōīato —yigoticami yure ruyuāiocacu.

4

Ō vecaj̄u Diore r̄ācub̄uoroti queti

1 To ī yiro bero, gajeye ado bajise yure bajiiocaj̄u: Ō vecaj̄u, D̄ios ī ñar̄oj̄u, j̄ānariosojere ĩacaj̄u yu. To yu ĩam̄orone, jutiria trompeta v̄ame c̄utiare jutib̄us̄oriaro c̄ōro b̄uto, ado bajiro ocaruyuc̄aj̄u ti:

—M̄ujaaya. Bero bajirōti quetire m̄ure ĩoḡuc̄uja yu —yure yi ocaruyuc̄aj̄u.

2 To bajiro ti yirone, Esp'iritu Santo suorine ō vecaj̄u ejaḡure bajiro ĩacaj̄u yu. Toj̄u s̄iḡū, rotiḡu ī rujiri c̄ūmurore rujicami. 3 Ī rioga, b̄uto yaacaj̄u. Ḡūta quēnase, j̄aspe v̄ame c̄utise, to yic̄ōari, gaje ḡūta, cornalina v̄ame c̄utise ti yaarore bajiro yaacaj̄u. Ī rujiro t̄uj̄u buerimam̄ure bajiriberua ñacaj̄u. Gajea ḡūta, esmeralda v̄ame c̄utise ti yaarore bajiro yaacaj̄u tiberua. 4 Ī rujiro t̄uj̄u veinticuatro c̄ūmurori, ūjar̄a ya c̄ūmurori ñaḡānibiacc̄aj̄u. Ti c̄ūmurorij̄are b̄uc̄ur̄a rujicama. Botise sudi s̄añar̄a ñacama ĩna. To bajic̄ōari, oro bedori jeocama.^b 5 ĩna vatoagu ūju ñamasuḡū ī rujiri c̄ūmuroj̄une b̄ujo ī yabese budicaj̄u. To bajic̄ōari, b̄ujo ī jaro, ti b̄us̄urore bajiro b̄usuc̄aj̄u. Ī rujiri c̄ūmuro r̄ij̄oroj̄ua cojomo c̄ōro j̄ua j̄ēnituarir̄ācu j̄ea ūj̄uric̄uri r̄uḡōc̄aj̄u. Ado bajiro yigotiro bajicaj̄u: S̄iḡū ñaboarine, cojomo

^b 4:4 B̄uc̄ur̄are ti gotijama, Jes̄ure ajitir̄n̄ur̄are ūmato ñar̄are gotiaja.

cōro jua jēnituariācū ñarāre bajiro bajigu, jediro masigū ī ñasere gotiro bajicaju.^C ⁶ Ғju ñamasugū ī rujiri cūmuro rǵjorojuane utabucare bajirita ñacaju. Oco botirita ñacōari, quēnaro ruyurita ñacaju.

To bajicōari, ī rujiri cūmuro rǵjoroju, ti cūmuro sūyaroju quēne, rio-jojacatua, gācojacatua quēne, iaiañamana babaricārācū ñacama. Īna rujari jediro cajeari cuticama. Īna riogari ñarijacatua quēne Īna sūyarojuari quēne cajeari cutirā ñacama. ⁷ Ñasogū, yai, león vāme cutigūre bajigu ñacami. Ī beroagu, ta vecūre bajigu ñacami. Īna beroagu, masū riogare bajiro rioga cuticami. Tusagu, ga jaigu, vūgūre bajiro bajigu ñacami. ⁸ Tocārācū, cojomo cōro, coja jēnituariācū querujari cuticama. Īna rujariju quēne cajeari cuticama. Ti joeju, ēñerocaju quēne cajeari cutirā ñacama. Ғmari, ñamiri quēne Diore rūcūborā, ado bajiro basarūgūcama Īna:

—Mani uju, quēnase rīne yigu ñaami. Quēnase rīne yigu ñaami. Quēnase rīne yigu ñaami. Jediro masigū ñaami. Tirūmuju ñamasir'i ñaboarine, adirūmūre quēne ñacōa ñarūgūgū ñaami. Bero, masa tūju ñagū, varocū ñaami —yibasarūgūcama Īna.

⁹ Ғju ya cūmuro rujigūre, Ғmari catimūorūgōrocūre Īna rūcūbojama, ado bajiro yirūgūcama:

—Mū ñaja rētoro quēnagū. To bajicōari, rētoro ñamasugū ñaja mū. Quēnaro yaja mū —īre yirūgūcama Īna.

¹⁰ Tocārācājine to bajiro Īna yirone, būcārā, veinticuatro ñarā, ī tūju muquearūgūcama Īna, īre rūcūborā. Muqueacōari, Īna jeoribedorire, “Rotirimasū ñaja yū” yimasioribedorire juacōari, ī rujiro rǵjoroju cūrūgūcama, “Quēnaro mū yise sūorine mūre rotibosamasiya yū” yirā. To yicōari, īre rūcūborā, ado bajiro yicama:

¹¹ —Yūa uju, mū sīgūne ñaja mū, yūa rūcūboju. Ñajediro rujeomasir'i ñaja mū. Ti ñarotire mū bojatūoīamasire sūorine ruyucōari, ñacōa ñaja jediro. To bajiro yimasir'i mū ñajare, ado bajiro quēnaro mūre yirūcūboroti ñaja: “Mū ñaja rētoro quēnagū. To bajicōari, rētoro ñamasugū, ñajediro masigū ñaja mū. Mū rotijama, mūre cūdirūarāma ñajediro” mūre yirūcūboroti ñaja —īre yicama Īna.

5

Paperajotire suoñiarere jānerocūre, quēnase rīne yigūre, Īna bujare queti

¹ To bajiro Īna yicatire yū ajiro bero, uju ya cūmuroju rujigu ī āmo riojojacatua papera tūnariajoti ī cūosere ĩacaju yū. Tijoti totiju, joeju quēne ucare ñacaju. To bajicōari, cojomo cōro jua jēnituaro suoñiare ñacaju, tijotijure. ² To ī bajirone, sīgū āngel, gājerā āngel mesa rētoro tutuagu, ado bajise ruyugoaro sēñiacami:

—¿Nijua ñarolari, tijotire suoñiarere jānecōari, ti ucare manire ĩagotirocū, Dios ī ĩavariquēnarocū? —yisēñiāboacami.

³⁻⁴ To bajiro ī yisēñiāboajaquēne, ō vecana, adi macarūcuroana, adi sita ēñerocana quēne, sīgūjuama tijotire suoñiarere jānerocū Dios ī ĩavariquēnagū manicami. Ī manijare, būto oticaju yū. ⁵ Yū otisere ĩacōari, sīgū būcū, ado bajiro yūre goticami:

—To cōrone otiya. Adojuā ĩaña. Adone ñaami sīgū, vātia uju ī rotimasi-becū. Vātia uju ī bojabeti ti ñaboajaquēne, masa rojose Īna yise vaja ĩnare vaja yibosagu, rijabosayumi. To bajicōari, rijacoaboarine, tudicatiyumi.

Uju ñamasugū, Judá ya jūnagu ñaami. Uju David ñamasir'i jānami ñaami. Tijoti cojomo cōro jua jēnitarorācaji sūoñiarere jānecōari, manire ī űagotisere Dios ī űavariquēnarocu ñaami —yure yicami.

⁶ To ī yirone, bucūrā vatoaju, to yicōari, űaűañamana vatoaju, uju ya cūmuro gudarecoju ñacami oveja macure bajiro rijabosacacu. Cojomo cōro, jua jēnitarorāca jotari cuticami. Ī cajeari quēne, to cōrone ñacaju. Tire űacōari, “Sīgū ñaboarine, cojomo cōro jua jēnitarirācu ñarāre bajiro bajigure, adi macarucuro jediroju Dios ī cōagū, Esp'iritu Santore cuogu ñaami”, ĩre yīűamasicaju. ⁷ Uju ya cūmuro rujigu riojojacatua ī cuorijotire āmicami. ⁸ To ī yirone, babaricārācu űaűañamana, to yicōari, veinticuatro ñarā bucūrā quēne, oveja macure bajiro rijabosacacu rījorojuā muqueacama, ĩre rūcuburā. ĩna jediro jabasariarore arpa vāme cutiriaserire cuocama. Orone quēnoribajarire quēne cuocama. Tibajariju sutiquēnase soemuroti jūmucōacaju. Sutiquēnase ti buemaja vase, masa, Dios yarā ĩre ĩna sēnisere bajiro bajise ñacaju. ⁹⁻¹⁰ Ī rījorojuā muquearāne, ado bajiro basacama ĩna, basaűañamanire:

—Mure sűañuma masa. To ĩna yirone, tocārāca macanare, cojo masa jūna rūyabeto, cojo oca rūyabeto ñagōrāre, to yicōari, cojo sita rūyabetoanare Satanás yarā ñaboarāre rijabosacōari, mū ri'i sūori yuare vaja yibosayuja mū, “Dios yarājuā ñato” yigu. To bajiro mū yire sūorine paiare bajiro mū jacu, mani uju ī bojasere yirā ñaja yua quēne. To bajicōari, adi macarucuroanare rotiruarāja yua. Mū yire sūorine to bajiro yua bajiroti ñajare, mune ñaja, tijoti sūoñiare jānecōari, ti ucare yuare mū űagotisere Dios ī űavariquēnagūma —yibasacama, ī rījorojuā muqueacana.

¹¹ To ĩna yiro bero, uju ya cūmuro taju, babaricārācu űaűañamana, to yicōari, veinticuatro ñarā bucūrā ĩna ñaro sūyarojuajure ñacōari, basacama āngel mesa. Jājarā masu ĩna ñajare, ĩnare cōűajeobeticaju yu. ¹² Ado bajise ruyugoaro basacama:

—Oveja macure bajiro rijabosacacu, ado bajiro bajigu mū ñajare, quēnaro mure yirūcubuo variquēnaroti ñaja: Mū rotijama, mure cudiruarāma ñajediro. Ñajediro cuogu ñaja mū. Quēnaro tuoűagū ñaja mū. Rētoro masigū ñaja mū. Rētoro ñamasugū, rētoro quēnagū ñaja mū. Quēnaro mure yirūcubuo variquēnaroti ñaja —yibasacama āngel mesa.

¹³ To bajiro ĩna yisere ajicōari, ō vecana, adi macarucuroana quēne, adi sita ēñerocana quēne, moa riagariana quēne, ñajedirone, uju ya cūmuro rujigure, to yicōari, oveja macure bajiro rijabosacacure quēne quēnaro ĩna yirūcubuo basacatire ajicaju yu. Ado bajiro ĩnare yibasacama:

—Ado bajiro bajirā mūa ñajare, quēnaro muare yirūcubuo variquēnarūgūroti ñaja: Rētoro ñamasurā, rētoro quēnarā ñaja mūa. To bajicōari, rētoro masirā ñaja mūa. To bajirā mūa ñajare, muare quēnaro yirūcubuo variquēnacōa ñaroti ñaja —yibasacama.

¹⁴ To bajiro yigajanorāne,

—To bajirone yirūgūroti ñaja —yicama babaricārācu űaűañamana.

To ĩna yirone, uju ya cūmuro rujigure, to yicōari, oveja macure bajiro rijabosacacure, ĩnare rūcuburā, muqueacama ĩna, veinticuatro ñarirācu ñarā, bucūrā.

6

Cojomo cõro, jna jēnituaro ñase sũoñiare queti

¹To ña yiro bero, oveja macure bajiro rijabosacacu, papera tũnariajotire sũoñiasũoriajũre ñ jãnesere ñacaju yu. To ñ yirone, babaricãrãcu ñaiañamana rãcagu sīgũ, bujo ñ jaro ti bususe cõro buto ruyugoaro ñ ñagõsere ajicaju:

—Adojua vayá —yicami, gãjire jigũ. ²To ñ yirone, caballo botigu joe jesagure ñacaju. Ñ joe jesagu, tēmubedo cõocami. Rujoa jeoriabedo jeococami. Ti bedore jeococõari, adi macarucũroanare, ñre ñaterãre quēne ñ rotijama, ñna cãdirotire yigũ, vacami.

³Ñ vato bero, papera tũnariajotire sũoñariajũre gajejũre jãnecami oveja macure bajiro rijabosacacu. To ñ yirone, quēna gãji ñaiañamagũ ado bajise yicami:

—Adojua vayá —yicami ñ quēne, gãjire jigũ.

⁴To ñ yirone, caballo sũagũre ñacaju yu. Ñ joe jesagu jariase jairijãi ñsiecocami. To yicõari, “Ado bajiro yirucuja mũ”, yiecocami: Masa quēnaro ñna ñabetirotire yigũ, to yicõari, ñna gãmerã sãrotire yigũ, cũecocami.

⁵Ñ vato bero, gajejũ sũoñariajũre jãnecami oveja macure bajiro rijabosacacu. To ñ yirone, ado bajiro yicami quēna gãji ñaiañamagũ:

—Adojua vayá —yicami ñ quēne, gãjire jigũ.

To ñ yirone, caballo ñigũre ñacaju yu. Ñ joe jesagu, rãcũoñiaro cõocami. ⁶To ñ bajirone, ñaiañamana vatoaju ado bajiro ocaruyucaju ti, caballo joe jesagure ñre gotiro:

—“Trigo vãme cutise, to yicõari, cebada vãme cutise mojoroaca bujato” yigũ, tire yirojorucuja mũ. To bajiro mũ yijare, trigo vãme cutise bare, cojorũmũ moare vaja, cojo kilo cõro bujare ñarũaroja. To yicõari, cebada vãme cutise bare, cojorũmũ moare vaja, idia kilo cõro bujare ñarũaroja. “To bajirone bajiato” yigũ, yirucuja mũ. To bajiro yiboarine, olivo vãme cuti yucãrre, to yicõari, uemarire quēne yirojobetirucuja mũ. “Uye roabare, uye oco quēne, jairo vaja cutibeticõato” yigũ, yirucuja mũ —yĩ ocaruyucaju, caballo joe jesagure gotiro.

⁷Ñ vato bero, gajejũ sũoñariajũre jãnecami oveja macure bajiro rijabosacacu. To ñ yirone, quēna gãji tusagu, ñaiañamagũ, ado bajiro yicami:

—Adojua vayá —yicami ñ quēne, gãjire jigũ.

⁸To ñ yirone, caballo sũrribogu ñagũre ñacaju yu. Ñ joe jesagu, Rijare Rotigu vãme cuticami. Ñ sũyarojua gãji vadicami, Rijariarã ñna Ñaro vãme cutigu. To ñna bajirone, ado bajiro ñnare roti ocaruyucami Dios:

—Adi macarucũroana masa ñna gãmerã sãrotire, ñna ñiorjarotire, rijaye rãca ñna bajirearotire, to yicõari, vaibucurã no yiyamana ñnare ñna sãrotire yirã, yirũarãja mũa —ñnare yiroticami. To yicõari, —Masa jediro babaricãrãcatubuari batecõari, cojotubuanare mũ sãajeocõajama, quēnarũaroja —ñnare yiroti ocaruyucami Dios.

⁹Ñna vato bero, gajejũ sũoñariajũre jãnecami oveja macure bajiro rijabosacacu. To ñ yirone, Diore rãcũbuorã ñna soemũoriajũ eñerocaju gãjerã ñna sãriarãre ñacaju yu. Dios oca quēnaro ñna gotimasiojare, to yicõari, “Jesũre ajitirũnuaja yua” ñna yitujabetijare, ñnare sãaũuma. ¹⁰Ado bajise ruyugoaro goticama:

—Jediro masigũ ñaja mũ. Quēnase rĩne yigũ, riojo gotigu ñaja mũ. Yũare sãcana rojose ñna yicatire ñacõari, “Rojose tãmuotujabetirũarãja” ñnare mũ yiroti, ¿no cõro yoaro ruyati? —yĩcama ñna.

¹¹ To ñna yirone, botise sudi yoese ñnare ñsicami Dios. To yicōari,
—Tuoñarejaibesa. Quēnaca yucōa ññañi maji. Gājerā ñnararāma, mware
bajiro yu macu ñ bojasere yirā ñnari, ñsācorona. ñnare ñna ñsājeoro berone,
ñna ñsāse vaja rojose tām̄uotujabetiriaroju ñnare rearucija —yicami Dios.

¹² To ñ yiro bero, quēna gajeju suoñnariajare jānecami oveja macure
bajiro rijabosacacu. To ñ yirone, sita b̄uto ti sabesere ñacaju yu. To
bajicōari, muiju ñm̄uagu busu tujacami. To bajiri, nojua bususe manicaju.
To bajicōari, ñnamiagu muiju, riñre bajiro b̄uto sūacami. ¹³ Ñcooa quēne,
sita tūcurojuare vējacoacama ñna. Higuera vāme cutiñ ti rica burirodo
rñjoro, ti rica busere mino vēasure vējacatore bajiro vējacama ñna. ¹⁴ To
bajicōari, ñm̄uagasero yayicoacaju. Paperajoti tūnariarore bajiro bajiyay-
icoacaju. Jediro gūtaurire, yucūyoarire quēne yivāreocōari, gajeroju tire
cōacami Dios. ¹⁵ To bajiro bajijare, gūta gojeriñ, gūtayucari vatoaju
rudisājacoacama masa. Ujarā, rotirimasa, ñnamasurā, ñnamasumena quēne,
gājerāre moabosarā, gājerāre moabosamena quēne, rudisājacoacama.
Gājoa jairā, ñie mana quēne, masa jediro rudisājacoacama. ¹⁶⁻¹⁷ To bajiro
rudicōari, gūtayucarire, gūtari jacasere quēne, ado bajiro yicama ñna:

—Uju ya cūmuroju rujigu, Dios yware ñ ñabetirotire yiro, yware tājoyayioya.
“Oveja macure bajiro rijabosacacu quēne, yware ñacōari, rojose yua yise
vaja rojose yware yibeticōato ñ” yiro, yware tājoyayioya —yicama ñna,
gūtayucarire. —Rojose yua yisere ñacōari, “To bajiro yirā ñnari, rojose
tām̄uotujabetirarāja” yware Dios, ñ macu ñna yirotirirām̄u mojoroaca ti
ruyajare, to bajiro yaja yua. To bajiro ñna yijama, “Rojose tām̄uobeticaricija
yuma” ñnare yicūdimasirocū magūmi. To bajiro ti bajijare, yware
tājoyayioya —yicama ñna, gūtayucarire, gūtari jacasere quēne.

7

Ñyarāre Dios ñ ñatirāñuroti queti

¹ To ñna yiro bero, ángel mesa babarirācu ñacaju yu. Judoaga sojeju ñnacami
sīgū. Jūnaga sojeju ñnacami gāji. Varuaga sojeju ñnacami gāji. To bajicōari,
gajejacatujua varuaga sojeju ñnacami gāji. To bajirone ñnacōacama ñna,
“Mino vabeticōato” yirā. To ñna bajijare, adi sita joe, riagari joe quēne,
mino vabeticaju. Yucū joere quēne, mino vabeticaju. ² To ñna bajirone,
muiju ñ jiadojua gāji ángel ñ vadisere ñacaju yu. Masirētogū, Dios vāme
ucaturiaro cuocōari, ñ vadore ñacaju yu. Vadicōari, gājerā ángel mesare,
adi sitare, riagarire quēne, Dios rojose ñ yirotiriarāre b̄uto ruyugaro ado
bajise ñnare goticami:

³—Adi sita, riagari, yucūre quēne rojose yibesa m̄ua maji. Mani uju,
Dios ñ bojasere yirā ñna riovecarire Dios vāme ñnare ucatuto mani maji.
Ñnare ucatujeocōari, adi sitare, riagarire, yucūre quēne rojose yirarāja
mani —ñnare yicami ángel.

⁴To ñ yiro bero,

—Dios vāmere ucatuecorā, juāñmo cōro, gūbo juā jēnituarorāca jūnana
ñnaama —yure yicama. —Jediro ciento cuarenta y cuatro mil Israel
ñnamsir'i jānerabatia ñnaama —yure yicama.

⁵⁻⁸Ti jūnanare cōñacōari, ado bajiro yure goticama:

—Judā ñnamsir'i jānerabatia doce mil ñnarā ñnaama. Tocārācu jānerabatia,
cojoro cōrone ñnaama. Adocārācu ñnaama:
Rubén ñnamsir'i jānerabatia,
Gad ñnamsir'i jānerabatia,

Aser ñamasir'i jānerabatia,
 Neftal'i ñamasir'i jānerabatia,
 Manasés ñamasir'i jānerabatia,
 Simeón ñamasir'i jānerabatia,
 Lev'i ñamasir'i jānerabatia,
 Isacar ñamasir'i jānerabatia,
 Zabulón ñamasir'i jānerabatia,
 José ñamasir'i jānerabatia,
 to yicōari, ñatusamasir'i Benjam'in ñamasir'i jānerabatia,
 ña jedirojune doce mil ñarā ñacōaama ña, Dios vāmere ucatuecorā —yure yicama.

Jājarā botise sudi sãñarā Diore ña rūcubũore queti

⁹ To ña yiro bero, uju ya cūmuro, to yicōari, oveja macure bajiro rijabosacacu rījorojua, jājarā masare ñacaju yu. Tocārāca macana, cojo masa jūna ruyabeto, ricatiri rīne ñagōrā, to yicōari, cojo sita ruyabetoana ñacama ña. Jājarā masu ña ñajare, ñare mani cōñajama, cōñajeomenaja. Sudi botise sãñacōari, jūqueri cuocama. ¹⁰ To bajicōari, ruyugoaro ado bajise ñare yicama:

—Yua rūcubũogu, Dios, rotigu ĩ rujiri cūmurore rujigu, to yicōari, oveja macure bajiro rijabosacacu, ñane ñaama rojose tãmuotujabetiriaroju yua vaborotire yuare yirētobosarā —yicama ña.

¹¹ To bajiro ña yirone, ángel mesa ñajediro, to yicōari, bũcurā, veinticuatro ñarā, to yicōari, babaricārācu ñañamana, uju ya cūmuro taju rūgōgānihiacama ña. Gājerā ruyugoaro ña ñagōsere ajicōari, Diore rūcubũorā, ĩ rījorojua muqueacama ña. ¹² Muqueacōari, ado bajiro yicama:

—Riojo gotiama ña. Mure rūcubũoaja yua quēne. Quēnaro mure yirūcubũo variquēnaroti ñaja. Rētoro quēnagū ñaja mu. Quēnaro yaja mu. Mu rotijama, mure cudiruarāma ñajediro. Rētoro masigū ñaja mu. To bajiro mu bajijare, quēnaro mure yirūcubũo variquēnacōa ñarūgūroti ñaja. To bajirone bajiato —yicama ña, Diore gotirā.

¹³ To ña yiro bero, sīgū bũcu, ado bajise yure sēniñacami:

—Botise sudi sãñarā, ¿no bajiro bajiriarājua ñati? —yure yisēniñacami.

¹⁴ To ĩ yijare, ado bajiro ĩre cudicaju yu:

—Masibeaja yu. Mu masigūja. Yure gotiya —ĩre yicaju yu.

To bajiro yu yijare, ado bajiro yure gotimasiocami:

—Ña ñaama rētoro rojose tãmuoriarodo buto rojose tãmuoobarine, Cristore ajitirānu tujabetiriarā. Rojose yiriarā ñaobarine, rojose ña yirere yitujacōari, “Rojose yu yise vaja yure vaja yijeobosayumi Cristo”, yituoñiarā ñaama. To bajiro yiriarā ñari, Cristo ĩ rijabosare suori, “Rojose mana ñaama”, Dios ĩ yirā ñaama.

¹⁵ To bajiro Dios ĩ yirā ñari, ĩ ya cūmuro rījorojua ejacōari, ĩ bojasere yitujabeama ña. ĩ tuana ñari, ñiejua rojose yiecobetiruarāma ña. ñare quēnaro coderūgūrūcumi Dios.

¹⁶⁻¹⁷ To bajicōari, oveja coderimasare bajiro ñare quēnaro coderūgūrūcumi Cristo quēne. Oco catire ñare iocōari, ñare ūmato ñarūgūrūcumi. To yicōari, “Juaji sutiritibeticōato” yigu, ñare quēnaro yirūcumi Diojua. To bajiro ña yijare, ñorijabetiruarāma. Tudi oco idirūabetiruarāma. To bajicōari,

muiju ĩnare tudiasibetirucami. To bajiri muiju ĩ asise tudi asisĭjabetiruarĭma —yure yigotimasiocami.

8

Ruayariju suoñiariajure jĭnere queti

¹ To ĩ yiro bero, oveja macure bajiro rijabosacacu, cojomo cōro jua jĕnituarorĭcaju suoñiariajure jĭnecami. Tijure ĩ jĭnerone, yoaro treinta minuto cōro oca mano ñacaju. ² To bajiro ti bajiro tusarone, cojomo cōro, jua jĕnituarirĭca ángel mesa, Dios rĭjoro ĩna rŭgōsere ĩacaju yu. Cojomo cōro, jua jĕnituarirĭca jutiriari trompeta vĭme cutiricari boca juacama ĩna. ³ Gĭji ángel, orone quĕnoriabaja, sutiquĕnase soemñoriabajare cuogu ñacami. Uju ya cŭmuro rĭjoroju Diore rŭcuburoĭ, ĩna soemñoriĭ orone ĩna quĕnoriaju taju tibajare ĩmiejarŭgŭcami. ĩjarŭgŭrone, Dios yarĭ Cristore ajitirĭnu tujabetiriarĭ, Diore ĩna sĕnise rĭca vuocōari, Diore rŭcuburogu ĩ soemñorotire yirĭ, jairo sutiquĕnase ĩre ĩsicama ángel mesa. ⁴ Tire ĩ soemñorone, buese quĕnaro sutiquĕnase Diore bueejacaju. Dios yarĭ ĩre ĩna sĕnise quĕne ejacaju, ĩ taju. ⁵ Tire soemñogajano, ĩ cuoribajare soemñoriajuaye rĭti yaasere sĭjŭmñocōacami. Tire sĭjŭmñocōari, adi macarŭcuroju jioreajeocōacami. To ĩ yirone, adi macarŭcuroju bŭto bŭjo yabecōari, jacami. To ĩ yise bŭto bŭsŭcaju. To bajicōari, bŭto gŭioro ocaruyucaju. To bajicōari, sita sabecaju.

Trompeta vĭme cutiricarire ángel mesa ĩna jutire queti

⁶ To ĩ yiro bero, trompeta vĭme cutiricari jutiruarĭ, cuocama ángel mesa, cojomo cōro jua jĕnituarirĭca ñarĭ.

⁷ Rĭjoroagu jutisñocami. ĩ jutisñorone, yusŭjedise oco veta vĕjacaju. To bajicōari, jea ŭjuse, rĭ'i vsase, vĕjacaju. Ti vĕjarone, adi sita idiaju ñasere cojoju cōiariaro cōro ñajedicoacaju. Yucĭri, jediro ta catise quĕne, ñajedicoacaju.

⁸ ĩ beroagu juticami quĕna. ĩ jutirone, ŭmñaricu gŭtaure bajiricu ñacōari, moa riagajure ŭjurocaroacoacaju. To ti bajirone, moa riaga idiaju ñasere cojoju cōiariaro cōro rĭ'i godovedicoacaju. ⁹ To bajiri moa riagana ñajediro idiaju ñaboariarĭ cojojuana cōiariaro cōro bajireajedicoacama. To bajicōari, cŭmuari jacase idiaju ñaboariaju, cojoju rujajedicoacaju.

¹⁰ ĩna beroagu juticami quĕna. ĩ jutirone, ō vecagu ñoco jaigu quedicoacami. Jea ŭjurore bajiro ŭjŭcōa quedirujiacami. Oco idiaju ñasere, cojoju cōiariaro cōro rocaroacoacami. ¹¹ Sŭegŭ vĭme cuticami ñoco. To bajiri ĩ rocaroarijune, idiaju ñase, cojoju cōiariaro cōro sŭese godovedicoacaju oco. To bajiri tire idicōari, jĭjarĭ masa bajireacama.

¹² ĩna beroagu juticami quĕna. ĩ jutirone, ŭmñagu muiju, ñamiagu quĕne, ñocoa quĕne, ĩna busurŭgŭro cōro busubeticama ĩna yuja. Idiaju cōro, cojoju cōiariaro cōro busubeticama, busubeticocama ĩna. Cojorŭmu jediro busuboare, babari horari busumasibeticami. Ñamire quĕne, ñamiagu muiju, ñocoa quĕne, cojo ñami jediro busuboare, babari horari busumasibeticama. To bajiri, ŭmña, ñami quĕne ĩna busubetijare, bŭto rĕtiacaju.

¹³ Tijure bero, ō vecaju ga ĩ vsere ĩacaju yu. Vugune ado bajise ruyugoaro goticami:

—Buto güiose ñaruroja adi macarucuroanare. Buto rojose tãmuoruarãma ñna. Ángel mesa idiarã, ñna jutiroti ruýaja. Ñna jutirone, buto rojose tãmuoruarãma adi macarucuroana —yigoticami ga.

9

¹ To bajiro ï yigotiro bero, cojomocãrãcu tusacu juticami ángel. Ñ jutirone, sîgũ ñoco adi macarucuroju ï quedirujiato ñacaju yu. Ñ ñacami tusabetigoje ñna tubiberiagojere jãnariarore Dios ï ñsicacu. ² Quedirujiacõari, ti gojere jãnacami. Ñ jãnarone, jairime jeame ti buemujarore bajiro buemujacaju. Jairo buejãmucõari, rêtiacoacaju. To bajicõari, ruýubeticami muiju quêne. ³ Bueri vatoaju joreroa jãjarã vubatecama, adi macarucurore. Cotibaja ï toarore bajiro ñnare toaroticami Dios. ⁴ “Tare, yucãrîre, no bojase judisere barojobesa mua”, Dios ï yicana ñacama ñna. “Ñna riovecare, ‘Ñni ñnaami Dios yu’ yi vãme ucatu ecomena rîrene rojose yîruarãja mua”, Dios ï yîroticõacana ñacama. ⁵ Ñnare gõjanabiorotiboarine, sïarotibeticami Dios.

—Cojomocãrãcu muijua, cotibaja ï toarore bajiro ñnare toarũgũruarãja mua —ñnare yîroticami.

⁶ —Tocãrãcu muijuane buto rojose tãmuorã ñnari, buto bajirearũaboaruarãma. To bajiboarine rijamasibetîruarãma ñna —ñnare yicami Dios.

⁷ Yu ñajama, sïarîmasa, gãmerã sïaruarã caballo mesare ñnare toose turîarãre bajiro bajîrã ñacama joreroa. Ñna rujoari joere orone quënorîabedorîre bajise jeocama. Ñna riogarîma, masu riogare bajise ñacaju. ⁸ Yoese joa cuticama. To bajicõari, yai, león vãme cutîgu gujîre bajise jacase gujî cuticama. ⁹ Ñna rujãrîre toose cõme gase ñacaju. Ñna vujama, buto busucaju. Gãmerã sïaroana, caballo mesa jairo tũnurîcorî ñna tãavatore bajiro ocaruyucaju ti. ¹⁰ Cotibaja ï toarîcare bajise toarîcarî cutîrã ñacama joreroa. Ñna toajama, cojomocãrãcu muijua cõro yoaro ti jũnijare, rojose tãmuorũgũcama. ¹¹ Joreroa uju, ángel rojogu ñacami. To bajicõari, tusabetigoje uju ñacami. Hebreo oca rãca Abadón vãme cuticami. To bajicõari, griego ye rãca Apolîón vãme cuticami. “Rearîmasu” yîre ñni ñaja ti.^d

¹² To bajîrone bajîcaju joreroa ñna toase rãca masa rojose ñna tãmuoroti quêne. Tîre bajîrone bajîruaroja adi macarucuro tusarîrãmuri rojose ñna tãmuosoroti. Tîju bero, rojose ñna tãmuoroti juaji ruýacaju quëna.

¹³ Joreroa ñna toaro bero, cojomo cõro coja jënituarîrãcu tusacu ángel juticami. Ñ jutirone, Diore rãcuborã, ï rîjoroju sãtiquënase, ñna soemurîajju orone ñna quënorîajju ñase babarîcãrãca saviarî gũdarecoju ocaruyucaju. ¹⁴ Ñ jutirone, ado bajiro ocaruyucaju:

—Rîaga, Éufrates vãme cutîrîsa tãju babarîcãrãcu ángel mesa rojose yîrãre yu siacũcanare õjaaya —yi ocaruyucaju.

¹⁵ To bajiro ti yi ocaruyujare, “Idîaju ñboarîajju, cojojmanare masare sïajecõato” yîgu, ñnare õjacami. “Tîrodone, ï muijune, tîrãmune, ti horane masare sïaruarãma” ï yitũoñarîarore bajîrone ñna yîrotîre yîgu, ñnare siacũñuju Dios. ¹⁶ Ñnare ï õjaro bero, jãjarã masu, surara mesa, caballo joeju jesarãre ñacaju yu. “Doscientos millones ñnaama” yi ocaruyusere ajîcaju yu.

^d 9:11 Apolîón ti gotîjama, “Rearîmasu” yîre ñni ñañuju.

¹⁷ Үн İajama, ado bajiro bajicama: İna rujırire toose ricati rİne ñacaju. Gãjerã sũase, gãjerã ũmũagaserore bajiro sũmese, gãjerã sũrise sãñacama. Caballo mesa, yai, león vãme cõtigu rujoare bajiro rujoari cuticama İna. İna riseriju budicaju jea bueri. To yicõari, rojose sutise azufre vãme cutise quẽne budicaju. ¹⁸ İdiaju ñaboariaju, cojojuanare masare sİajeocõacaju ti, caballo mesa riseriju budicati. ¹⁹ İna riseri budise sũorine gũiorã masu ñacama. İna İicorori quẽne añare bajise ñacaju. To bajicõari, añã İ rujoa rãca İ cũnirore bajiro gũioro yise ñacaju.

²⁰ Jãjarã İna sİaecosere İaboarine, İna sİaruacanajuama ado bajiro rojose yicõa ñarũgũcama: Vãtiare rũcũbuocõa ñarũgũcama. To yicõari, rũcũbuoruarã İna quẽnoriarã ñacama: Oro, plata, bronze, gũta, yucã quẽne ti rãca quẽnocõari, rũcũbuorã ñacama. İna quẽnoriarã, İase me, vase me, ajise me ti ñaboajaquẽne, tire rũcũbuocõa ñarũgũcama. ²¹ To yicõari, gãjerãre sİacõa ñarũgũcama. Masare rojacõa ñarũgũcama. Dios İ bojabetire ajeriarã cuticõa ñarũgũcama. To yicõari, juarudicõa ñarũgũcama.

10

Ángel, papera tũnariajotiaca cũogu İ bajire queti

¹ Tiju bero, gajeye ado bajise bajicaju: Sİgũ ángel, gãjerã ángel mesa rẽtoro tutuagu, õ vecaju buerigaseri vatoaju rujiacami. Ado bajiro bajicami: İ rujoa vecare buerimamũ ñacami. İ riogama, muiju ũmũagure bajiro busucaju. İ ñicũgũri quẽne, jeare bajise yaacaju. ² Papera tũnariajotiaca õjacõari cũocami. Rujiejacõari, İ gũbo riojojacatuajua, moa riagaju cũdarocarocami. Gãcojocatua gũbo boejuã cũdacũcami. ³ To yicõari, ruyugoaro avasãcami. Yai, león vãme cõtigu İ avasãrore bajiro ruyucaju, İ avasãcati. Ruyugoaro İ avasãrone, cojomo cõro, juã jẽnituarirãcũ bujoa ñarã İre cũdi ocaruyucama. ⁴ İna cũdi ocaruyusere ajicõari, ucaguagu yiboacaju yũ. Tire ucaguagu yũ yirone,

—Tire ucabesa. To yicõari, gãjerãre gotibesa —yũre yi ocaruyucaju, õ vecaju.

⁵ To bajise ti yi ocaruyuro bero, cojojocatua gũbo moa riagaju cũdarocarocõari, gaje gũbo boejuã cũdacũcõari, İ amo riojojocatua İ ñumũosere İacaju yũ. ⁶⁻⁷ “Үн gotirore bajirone bajirũaroja’ İre mani yimasirotire” yigũ, ado bajise yicami yũre ruyuañocacũ:

—Catimũorũgõrocũ, Dios, õ vecaye, to yicõari, adi macarũcũroaye jediro rujeocacũ, İ İaro rİjorojuã riojo yũ gotirũgũrore bajirone ado bajise yaja yũ: Cojomo cõro juã jẽnituarirãcũ tusacũ ángel İ jütũsarirĩmarone, masa İna masibeticati, “Ado bajiro yirũcũja yũ” gotirẽtobosarimasare İnare İ yicatore bajirone yijeocõarũcũmi Dios, yicami yũre ruyuañocacũ. “To cõrone yijeorũcũja yũ” İ yitũoĩariaju ejaja —yicami yuja.

⁸ To İ yiro bero, õ vecaju yũ ajicati quẽna ado bajiro yũre gotirẽmo ocaruyucaju:

—Ángel riojojocatua gũbo moa riagaju cũdarocarocõari, gaje gũbo boejuã cũdacũcõari ñagũ tiju vasa. Papera tũnariajotiaca İ cũorijotire ãmiaya —yũre yi ocaruyucaju.

⁹ To bajiro ti ocaruyusere ajicõari, ángel tiju vacaju yũ. İ tiju ejacõari,

—Tijotiicare yũre İsiña —İre yisẽnicaju yũ.

To yũ yisere ajicõari, yũre İsigũne, ado bajiro yũre yicami:

—Ūma. Baya m̄. Adijotiicare m̄ barone, beroa ocore bajiro ibisitir̄aroja m̄ risej̄. To bajiboarine, m̄ baro bero, m̄ ḡdajoaj̄ s̄ecoar̄aroja —ȳre yicami.

¹⁰ To ī yijare, tijotire āmic̄ari, bacaj̄ ȳ. Beroa ocore bajiro ibisiticāj̄. To bajilboarine ȳ baro bero, ȳ ḡdajoaj̄ b̄to s̄eecāj̄. ¹¹ Ȳ baro bero, ado bajiro ȳre goticami ī quēna:

—Masa tocārāca macana, cojo masa j̄na r̄yabeto, cojo oca r̄yabeto ñagōrā, to yic̄ari, cojo sita r̄yabetoana īna ūjarā quēne īna bajirotire goti r̄joro yiroti ñaja m̄re quēna —ȳre yicami.

11

Juarā Cristore gotir̄etobosarimasa īna bajiroti queti

¹ To ī yiro bero, cōiarīre ȳre īsicami āngel. Ī īsirone, ado bajiro ȳre yī ocaruyucami Dios:

—T̄n rāca ȳre yir̄c̄ub̄oriavire cōiaaya. Ȳre r̄c̄ub̄orā īna soem̄orij̄re quēne cōiama. To yic̄ari, “¿Nocārācu masu ñati ȳre r̄c̄ub̄oriavij̄ rējarā?” yiḡ, īnare cōiama. ² Ti vi t̄ ñarit̄ucurorema cōiabesa. Ȳre ajimena yat̄ucuro ñar̄aroja ti t̄ucuro. Toj̄re idia c̄ma gaje c̄ma ḡdareco c̄ro ȳ ya macaj̄re rojose yicudir̄arāma īna. ³ To bajiri juarā ȳre gotir̄etobosaronare c̄ar̄c̄ja ȳ. Idia c̄ma, gaje c̄ma ḡdareco c̄ro ȳre gotir̄etobosa ñar̄arāma īna. “‘S̄utiritiama’ yīato” yimasioire sudi s̄añac̄ari, gotiñar̄arāma —ȳre yī ocaruyucami Dios.

⁴ Īna juarā gotir̄etobosarimasa īna ñajama, adi macar̄c̄uro ūj̄, Dios ĩaro r̄joroj̄a, j̄ olivo vāme c̄tiuri, to bajic̄ari, s̄ibusuojeoriaj̄ri, juaj̄ ti ñarore bajiro ñarā bajicama. ⁵ Gotir̄etobosarimasare ĩaterā, īnare rojose īna yir̄aboajama, īna riserij̄ jea budicaj̄. Ti rāca īnare soerea-jeoc̄acama īna. ⁶ Oco quedes īna bojabetijama, “Oco quedibetic̄ato” yirā ñacama. To bajiri, Diore īna gotir̄etobosarirodo c̄rone “Oco quedibetic̄ato” yicama. Ocore quēne, ri’ī godoveomasirā ñacama. To yic̄ari, adi macar̄c̄uroanare, no īna bojase “Rojose t̄m̄oato” yimasirā ñacama. No īna bojarore bajiro tire yimasirā ñacama.

⁷ Diore īna gotir̄etobosa gajanorone, īnare s̄iaguagu īna t̄ju m̄jajecami tusabetigojeagu ḡiogu. To bajic̄ari, īnare s̄iareacami. ⁸ Īnare s̄iareac̄ari, jairimaca varia maaj̄ īna ruj̄ire c̄cami. Mani ūj̄re īna jajus̄iacati maca ñacaj̄ ti maca. Ti macana b̄to rojose yirā ñari, Sodoma macana ñamasiriarā, to yic̄ari, Egipto sitana ñamasiriar̄e bajiro yicama īna. ⁹ To bajiri ḡiogu ī s̄iacana idiar̄m̄ gajer̄m̄ ḡdareco maaj̄ c̄ñacaj̄ īna ruj̄ri. Masa ñajediro, cojo j̄nana r̄yabeto, cojo sitana r̄yabeto, īna ruj̄ire ĩacama. S̄iḡari, ĩac̄ari, īna yujer̄aboajaquēne, īnare matacami ḡiogu. B̄to īna ĩaterā īna ñajare,

—Īnare yujebetic̄ato —yicama masa. ¹⁰ Gotir̄etobosarimasa īna rijacoajare, jājarā masa, b̄to variquēnacama. Variquēnarā ñari, vaja manone gajejeūni ḡamerā ĩicama.

—Īna juarā manire rojose yibetir̄arāma yuja —yivariquēnacama.

¹¹ To bajiro īna yiboajaquēne, idiar̄m̄ gajer̄m̄ ḡdareco tusatone, īnare caticami Dios. To ī yijare, tudicatic̄ari, īna v̄m̄r̄ḡsere ĩacac̄ari, b̄to ḡicama masa. ¹² To īna bajirone, ō vecaj̄ ruyugoaro ado bajise ocaruyucaj̄:

—Adoj̄a m̄jaaya —yī ocaruyucaj̄.

To bajiro yi ocaruyucature ajicōari, masa ĩnare ĩaterā ĩna ĩarone, buerigaseri vatoaju mujacoacama ĩna. ¹³ ĩna mujatone, adi macarucuro buto sabecaju. Ti saberone, ti macare mil ĩariviri ti ĩajama, cien ĩariviri jurivavējacaju. To ti bajirone, siete mil masa bajireacama. Gājerā, catiruyarā, ĩaucacoacama ĩna quēna. Buto güirāne Diore rūcubnocama.

¹⁴ To bajiro ĩna bajicati, juaji bajitūasacaju. Yoato mene rojose tāmucocama ĩna quēna.

Cojomo cōro juā jēnituariācū tūasacū āngel trompeta rāca ĩ jutitūasare queti

¹⁵ Masa Diore ĩna rūcubnoro beroacane, cojomo cōro juā jēnituariācū tūasacū, Dios tūagu āngel jutitūasacami. ĩ jutirone, ō vecaju jājarā masa ĩna oca jedirore bajiro ruyugoaro ado bajiro yi ocaruyucaju:

—Dios mani ũju, Cristo quēne, ĩajediro ũjarā masu ĩnaama yuja. Adi macarucuroana ĩajediro, rojose yirā quēne, cudibetirūaboarine, ĩna bojarore bajiro rīne ĩna cūdirotire yirā, yama. To ĩna yijare, ĩimarājua ĩnare cudibetirona maniruarāma yuja. To bajiro rīne rotirūgūuarāma —yi ocaruyucaju, ō vecaju.

¹⁶⁻¹⁷ Ti ocaruyusere ajicōari, veinticuatro ĩnarā bucūrā, Dios rījorojua, ũju ya cūmurorijū rujiriarā ĩari, rūjuqueacōari, sitaju muqueacoacama ĩna. To bajiro yicama, ĩre rūcubnorā. To yicōari, ado bajiro Diore bašarūcubnocama:

—ĩajediro masijeogu ĩaja mū. Tirūmju ĩamasir'i ĩaboarine, adirūmūre quēne ĩacōa ĩarūgūgū ĩaja mū. To bajiri quēnaro rotisūogu yaja mū. Tire tūoīacōari, “Quēnaro yaja” mūre yivariquēnaja yua.

¹⁸ Mūre masimena buto mūre jūnisiniadicama ĩna. Yucurema, mūjua, ĩnare ĩajūnisinicōari, rojose ĩna yise vaja rojose mū yirotirūma ejacoaju. Rojose ĩnare yicōari, mūre gotirētobosarimasare, to yicōari, mū yarā, mūre rūcubnorā ĩamasurā, ĩamasumena quēne, ĩna jedirore quēnaro ĩna yire vaja, quēnaro ĩnare yirūcūja mū. Adi macarucuroanare gājerāre rojose yirāre rojose tāmūotūjabetiriaroju ĩnare mū rearotirūma ejacoaju yuja —Diore yibasarūcubnocama, Dios rījorojua muqueacana.

¹⁹ To ĩna yirone, ō vecaju Diore rūcubnoriavi soje jānacocaju. To bajirone, ti vi jubeajure Dios ĩ rotimasire sāñarijataro ruyucaju. Ruyucōari, tijune buto bujo yabecōari, jacami. To bajicōari, buto güiuro ocaruyucaju. To bajicōari, sita sabecaju. To bajicōari, yusūjedise oco veta buto vējacaju.

12

Rōmio tūju gūshore bajigu ĩagūro ĩ bajire queti

¹ Bero, ō vecaju ũmūagaserojure, gaje vāme ĩamasuse bajiro tire ĩoro ruyucaju. ĩnasuose rōmio ruyucamo. ũmūagu muiju ĩ yaasere bajiro jaarito sudiro sāñagō ĩacamo. ĩnamiagu muiju joere rūgōcamo. So rūjoa jeoriabedore juāāmo cōro, juā jēnituariācū ĩocoa ĩacama. ² Macū sāñagō ĩari, macū cūtigoago, buto visiogone avasācamo so. ³ Tiju bero, quēna ō vecaju, gaje vāme ĩamasuse bajiro tire ĩoro ruyucaju. So tūju gūshore bajigu ĩagūro, sūagū ĩacami. Cojomo cōro juā jēnituariācū rūjoari cūticami. To bajicōari, juāāmo cōro jotari cūticami. To bajicōari, tocārāca rūjoari joere ũjarāre rotibosarā ye jeoriabedori jeocami. ⁴ To bajicōari, ĩocoa ĩdiaju ĩaboariaju, cojojuanare ĩ jīcoro rāca ĩnare javējacami, adi macarucuroju. ĩnare javējacōari, rōmio rījorojua ejarūgū ejacami, so macū cūtirone ĩre

sīabarū. ⁵ To ī bajirone, masa jediro ɛjū ņarocure, macu cuticamo so. Ī ņacami buto rotirocu. Gusore bajigu ņagūro sūcare ī baruajare, ĩre so macu cutirone, amimujacōari, Uju Dios ya cūmuroju ĩre rojocama, sūcare. ⁶ Rōmioju quēne, gusore bajigu ņagūrore rudiacōari, masa ĩna ņabetoju, “Toju ņarucocomo” Dios ī yiriajare ejacamo. Tojare idia cūma gaje cūma gūdareco cōro sore codeņacami Dios.

⁷ Sore ī codero bero, ō vecaju ĩna gāmerā quēaro ĩacaju yu. Miguel rācana ángel mesa, vātia ɛju, gusore bajigu ņagūro yarāre quēacama ĩna. ⁸ Gusore bajigu ņagūro yarāju, quēatīmabeticama. To bajiri Miguel rācanajua, ĩnare quēatīmacōari, ĩnare bureacōacama, ō vecajure. ⁹ To bajiro ĩna yijama, tojare ņabeticōari, adi macarucuroju ĩna ņarotire yirā, yicama. Gusore bajigu ņagūrore yu yijama, vātia ɛju Satanás yigu yaja. Adi macarucuro masa ņajedirore “Dios ī bojabetire yato” yigu, yitorimasu ņaami. Cojojirema, diablo ĩre yire ņaja. Tirāmujū āñare bajigu ņacōari, yitomasir’ī ņaami.^e

¹⁰ Tiju bero, ō vecaju ruyugoaro ado bajiro ocaruyucaju:

—Masa, ĩre ajitirānurā, rojose tāmūotujabetiriaroju ĩna vaborotire ĩnare Dios ī yirētososariju ejacoaju yuja. Adi macarucuro ņajediroana, rojose yirā quēne, cūdibetirūaboarine, ĩna cūdirotire yirā, yama Dios, mani ɛju, Cristo quēne. To bajiro ĩna yijare, ūmūari, ņamiri quēne Dios rījoroju rāgōcōari, masare mani mairāre Cristore ajitirānurāre “Rojose ņaja” ĩnare yīñagōmacarūgūboagure Satanás ĩre burocacōamu mani yuja.

¹¹ Cristo oca riojo gotisere ajicōari, “Ī rijabosare sūorine rojose yua yise vaja, yuare vaja yijeobosayumi Cristo” yitūoīacōari, ĩ yere gotitūjamena ņari, sīaecoyma. To bajiro yitūoīacōari, ĩna gotitūjabetijare, adojuare ņamasibeami Satanás yuja, “Rojose yama. To bajiri rojose ĩnare yiroti ņaja” masare ĩnare yigoti yiroboagu.

¹² To bajiri adojuare Satanás ī ņamasibetijare, variquēnato mani. Mani variquēnaboajaquēne, macarucuroanare, riagarianare quēne, buto rojose bajirūaroja. Macarucurojare mani rocagu, “Yoaro mene yu bojarore bajiro yu yitūjarotire yirucami Dios” yimasicōari, buto jūnisinīgāmī —yī ocaruyucaju, ō vecaju.

¹³ “Ō vecaju ņagūre yare rocarujioyuma Dios yarā, adi macarucuroju yu ņarotire yirā” yitūoīamasicōari, rōmio macu cuticacore sūyacami gusore bajigu ņagūro. ¹⁴ Sore ī sūyaboajaquēne, ga jaigu querūjuri sore ĩsicami Dios, so vūrotire yigu. “‘Masa ĩna ņabetoju, toju ņarucocomo’ Dios ī yiriajare vū ejacōari, quēnaro ņato” yigu, sore ĩsicami. Tojare idia cūma gaje cūma gūdareco cōro bare sore ecacōari, codecami Dios. ¹⁵ So vūrudisere ĩacōari, sore sīarucacami gusore bajigu ņagūro. To bajiri ī riseju jairo oco yibucami, sore ruuru. ¹⁶ To bajiro ī yiboajaquēne, sita sore ejarēmocaju. Oco ī yibubasere udijuajeocōacaju. ¹⁷ To bajiro ti bajiro ĩacōari, buto sore jūnisinīcamī gusore bajigu ņagūro. Sore sīamasibeticōari, so jānerabatiajuare sīagū vacami yuja. ĩna ņacama Dios ī rotisere cūdirā, Jesús sūorine riojo ĩna masisere ajitirānu tūjamena. ¹⁸ ĩnare sīaru, moa riaga tūsaraju rāgōcamī gusore bajigu ņagūro.

13

Īlañamana güiorā jmarā ĩna bajire queti

^e 12:9 “Yitorimasu” yirūaro yaja diablo ti yijama.

¹ Tija bero, ado bajise bajiocaju quēna: Sīgū güioḡu, moa riagaju majadicami. Cojomo cōro, jua jēnituariāca rujoari cuticami. To bajicōari, juaāmo cōro jotari cuticami. Tocārāca jotari joere ujarāre rotibosari-masa ye jeoriabedori jeocami. To bajicōari, “Dios űaami” yare yīato” yigū, tocārāca rujoariju “Dios űaja yu” yisocari vāme ucatu eoyumi.

² Macarocagu yai, leopardo vāme cutigure bajiro bajigu űacami. Ī gaborima, buco gaborire bajise gabori cuticami. Yai, león vāme cutigu risere bajiro rise cuticami. Gūsoire bajigu űagūro, ĩre bajiro ĩ rotimasirotire yigū, ĩ masisere ĩ űjocacu űacami. ³ Coja ĩ rujoare catibetirocure bajiroju jairicāmiro, cāmiro cuticami. To bajiroju bajicōacacu űaboarine, “Rijabesujari” yituoīacōari, ĩre ajitirūnu suyacama adi macarucuroana jediro. ⁴ ĩre ajitirūnacōari, gūsoire bajigu űagūrore quēne rūcūbuocama masa, ĩ masise ĩ űjocacu ĩ űajare. Gājiyare, yaire bajigu űagūre ado bajiro rūcūbuocama:

—Gāji, ĩre bajiro bajigu magūmi. Ī rāca ĩna gāmerā quēajama, űimūjua ĩre quēarētobecūmi —ĩre yirūcūbuocama masa.

⁵ —Yu űaja rētoro űamasugū. űimū gāji yare bajiro bajigu magūmi —yigoticami güioḡu. To yicōari, Dios ĩ ajitese masu ĩre űagōmacacami. Idia cāma gaje cāma gūdareco cōro ĩnare rotiűacami. To bajiri güioḡu rojose ĩ yīűasere, “Tire yibeticōaűa”, ĩre yibeticami Dios. ⁶ “Yibesa” ĩ yibetijare, to bajirone goticōa űacami: Diore, ĩ űarōjare, to yicōari, ĩ tuanare quēne rojose űagōmacacōa űacami. ⁷ To bajiri, Diore ajitirūnurāre sīareacōari, adi macarucuro jediroanare roticami. “Īnare rotibesa” Dios ĩre ĩ yibetijare, to bajiro yicami. ⁸ Adi macarucuro ĩ rujeoroto rījoroju, “Ado cōro űaruarāma yu tujū űarūgūrona” Dios ĩ yiriaturire suocami oveja macure bajiro rija-bosacacu. To bajiro Dios ĩ yibetiriarā rīne güioḡure ĩre rūcūbuoruarāma.

⁹ To bajiri, adi oca mure yu gotisere mūa ajimasirūajama, quēnaro ajiya mūa:

¹⁰ “Yu yarā, Cristore ajitirūnurā, adocārācu tubiberiaviju tubibe ecoruarāma” Dios ĩ yituoīariare bajiro bajiruarāma. To bajiri, sīaecorona quēne, “Sīaecoruarāma” ĩ yiriaro cōrone bajiruarāma.

“To bajirone bajiruarōja” Dios ĩ yire űajare, bajiaja” yituoīarā, Cristore ĩna ajitirūnu tujabetijama, quēnaruarōja.

¹¹ To bajiro yare bajiocati bero, quēna gāji güioḡu sita tūcuroju joe jeaejacami. Oveja macu mame jotari bugure bajiro jotari cutigu űacami. To bajiboarine, gūsoire bajigu űagūro, ocure bajiro űagōcami. ¹² Gāji, sita tūcuroju joe jeaejacacure rotigu űacami güioḡu, moa riagaju majadicacu. ĩre rotigu ĩ űajare, ĩ ĩaro rījoroju ejarūgū ejacōari, jediro ĩ masise rāca ĩre rotibosacami sita tūcuroju joe jeaejacacu. To yigūne, adi macarucuro űarā jedirore, ĩ űjare rūcūbuoroticami. ¹³ To yicōari, ĩaīaűamanire yīorūgūcami. To yigūne, masa ĩna ĩaro rījoro ō vecaye jea űjuvėjase yīorūgūcami. ¹⁴ Güioḡu, moa riagaju majadicacu ĩ masise suorine ĩ ĩaro rījoroju ĩaīaűamanire yīogū űari, adi macarucuro űarā jedirore ado bajiro ĩnare yitocami:

—Moa riagaju majadicacure jariase rāca ĩna jasīaboajaquēne, rijabetir’i ĩ űajare, ĩre rūcūbuorā, ĩre bajigu quēnoűa. ĩre bajigu quēnogajanocōari, ĩre rūcūbuoya —ĩnare yitocami, “Dios ĩ bojabetire yato” yigū.

¹⁵ To ĩ yitoro bero, ĩna quēnorujeocacure űagōgū ĩre godoveocami sita tūcuroju joe jeaejacacu. To ĩ yijare, űagōcōari, ĩre rūcūbuomenare sīacōacami. ¹⁶ To yicōari, “Masa jediro ucatu ecoruarāma”, yiroticami. To ĩ yijare, gajeyeūni jairā, maioro bajirā quēne, gājerāre moabosarā, moabosamena quēne, ĩna āmo riojocatūare vāme ucatu ecocama ĩna.

Īna āmore Īna ucatubetijama, Īna riovecajuare vāme ucatu ecocama. ¹⁷ To bajiro Īna yiecocati, gūiogu moa riagaju majadicacu ya vāme űacaju. To bajiro ti bajibetijama, Ī ya nūmeroju űacaju. Ti vāme ucatu ecomena, ĩsicōari, vaja sēnimasibeti, Īna bojasere vaja yimasibeticama.

¹⁸ To bajiri, Ī ya nūmero, 666 űacaju ti. Őmu vāme yire űni űacaju ti nūmero. “To bajirivāme yire űni űaja” yimasiruarā, quēnaro Īnare bueroti űaja.

14

Rojose tāmnotujabetiriaroju vaboronare Dios Īnare ĩ yirētososaro Īna basaroti queti

¹ Tiju bero, ado bajise bajiĳocaju quēna: Siōn vāme cuti buro joe rūgōcami oveja macure bajiro rijabosacacu. Ī rācana űacama ciento cuarenta y cuatro mil masa. Īna riovecariju oveja macure bajiro rijabosacacu vāme, to yicōari, ĩ jacu vāme ucatu ecoriarā űacama. ² Bero, ō vecaju oco menirore bajiro ruyugoaro ocaruyucaju. To bajicōari, bujo ĩ jaro bususere bajiro ruyugoaro ocaruyucaju. To bajicōari, arpa vāme cutise rāca jājarā masa Īna jabasarore bajiro ocaruyucaju. ³⁻⁵ Babaricārācu ĩaĩaĩamana, to yicōari, bucārā, űju ya cūmuro ture űacama. Īna ĩaro rĳoro, ciento cuarenta y cuatro mil masa, mame basa basacama. Īna rĳne ti basare masicama. Īna űacama adi macarucuroana Satanās bojasere yiboariarā, Dios macu ĩ rijabosare suorine, “űie rojose mana űato” yigu, Dios ĩ yirētososariarā. To bajicōari, rōmia rāca ajeriarā cutiĩamena űacama. Īna vatoagu sĳgū socagu manicami. Oveja macure bajiro rijabosacacujuare ĩ bojarore bajiro ĩre ajisuyariarā űacama.^f

Idiarā āngel mesa Diore Īna gotirētososare queti

⁶ Bero, āngel ō vecaju ĩ vusere ĩacaju yu. Ī űacami, Dios macu suorine quēnaro Dios ĩ yise quetire gotigu. Tocārāca macanare, cojo masa jūna rūyabeto, ti queti jedibetirore goticudigūacu bajicami. ⁷ Ado bajiro ruyugoaro goticami:

—Masare Dios ĩ beserirāmu ejacoaju ti. To bajiri, gūirāne, “Jediro masigū űaja mu” Diore ĩre yirūcūbuoya. Ī űaami ō vecaye, adi macarucuroaye, moa riagari, oco űmaburigojeri, űajediro rujeomasir'i. To bajiro yimasir'i ĩ űajare, ĩre rūcūbuoya —yigoticami āngel.

⁸ Bero, quēna gāji āngel ō vecaju ĩ vusere ĩacaju yu. Ado bajiro goticami:

—Babilonia vāme cuti macana rojose Īna yirūgūse suorine masa jediro rojose yirūgūboama. To bajiri, ti macanare reacōami Dios yuja —yigoticami.

⁹ Bero, quēna gāji āngel ō vecaju ĩ vusere ĩacaju yu. Vūvacūne, ado bajiro ruyugoaro goticami:

—Gūiogu, moa riagaju majadicacure rūcūbuorāre, to yicōari, ĩre bajigu Īna quēnorujeocacure rūcūbuorāre quēne rojose yirūcūmi Dios. Ī vāmere Īna āmoriju, Īna riovecariju ucatu ecoriarāre ĩajūnisinicōari, ĩnare rojose yirūcūmi Dios. ¹⁰ Īnare ĩamaibecūne, buto rojose Īna tāmnotujabetiriaroju reacōarūcūmi Dios. Toju, azufre vāme cutise

^f 14:3-5 Ap 4.2-8; 5.9-10.

ũjũñarõjũre rojose tãmũorũgũrũarãma ñna. Oveja macũre bajiro rija-bosacacũ ñ ñaro rĩjoro, to yĩcõari, ángel mesa ñna ñaro rĩjorojũa rojose tãmũorũarãma ñna. ¹¹ Ñna ùjũrimeaye bueri buetũjabetĩrũaroja. To bajiri, gũiojure rũcũbũobõariarãre rojose ñna tãmũose jedibetĩrũaroja. Ñna quẽnocacure rũcũbũorã, to yĩcõari, gũiojũ vãme ucatu ecocana quẽne, to bajirone rojose tãmũorũarãma ñna. ¹² Rojose ñna tãmũotũjabetĩrotire tũõĩacõari, Dios ñ rotisere cãdirãma, Jesũre ajitĩrũnu tũjabetĩroti ñaja mũare —yĩgoticami ángel.

¹³ To ñ yiro bero, õ vecajũ ado bajiro yũre yi ocaruyucajũ ti:

—Mũre yũ gotisere ucaya. Variquẽnase rãca ñnato, mani ùjũre ajitĩrũnu tũjabetĩcõari, bajirearã —yi ocaruyucajũ, õ vecajũ.

Tire ajicõari, ado bajiro yi ocaruyucami Esp'iritu Santo:

—To bajirone bajĩrũaroja. Josari moarũgũboariarã, to cõrone usũsãjarũarãma ñna. Õ vecajũ ñna ejarone, josare ñna tãmũogere masicõari ñnare vaja yĩrũcũmi Dios —yi ocaruyucami Esp'iritu Santo.

“Adi sita ñnarãre beseaya”, Dios ñ yire queti

¹⁴ To ñ yiro bero, buerigaseri quẽnaro botise ñacajũ yũ. Ti joere masũre bajiro rujĩgũre ñacajũ. Ñ rũjoare oro bedo jeocami. Jariase bũjariasere cũocami. ¹⁵ Gãji ángel Diore rũcũbũoriavijũ ñ budiro ñacajũ yũ. Buerigaseri joejũ ñagũre ruyugoaro ado bajiro goticami:

—Ote rica bũcũacoajũ. To bajiri ricare jasurejuaaya —ñre yĩgoticami ángel.

¹⁶ To ñ yisere ajicõari, buerigaseri joejũ ñagũ, quẽnase rĩne besecõari, jasurejuacami. §

¹⁷ To ñ yiro bero, õ vecajũ Diore rũcũbũoriavijũ gãji ángel budiadicami quẽna. Ñ quẽne, jariase bũjariasere cũocami. ¹⁸ Ñ bero, vadĩcami gãji ángel. Diore rũcũbũorã, ñna soemũoriajũ tũjũ ñar'ĩ, jeare codegũ ñacami. Diore rũcũbũoriavijũ budiadicõari, jariase cũogũre ruyugoaro ado bajise goticami:

—Macarũcũroaye ùye ñicoajũ. To bajiri mũ jariase rãca jasurejuaaya —yĩgoticami.

¹⁹ To ñ yisere ajicõari, ti rica rojosere jasurejuacami. Juacõari, ti oco rijerotijũjũ cũcami. “Masa rojose ñna yisere ñajũñisĩnicõari, bũto rojose ñnare yĩrũcũmi Dios”, yire ùni ñacajũ ti. ²⁰ Maca sojũajũ cũdaabocama, ùyere. Ñna cũdaaborone, ùye oco ñnaboasene ri'ĩ godovedicõa yujacajũ. Trescientos kilõmetros yoaro ri'ĩ ùmayucajũ. To bajicõari, caballo rũjoa tũsarijũ cõro ùcũaro ùmayucajũ.

15

Adi macarũcũroanare rojose Dios ñ yĩrotire ñre ñna yĩbosare

¹ Tĩjũ bero, quẽna õ vecajũ ñaĩañamani gũiose ñacajũ yũ. Ángel mesa, cojomo cõro jũa jẽnituarĩrãcũ ñarã ñacama. “Bero, adi macarũcũroanare cojomo cõro jũa jẽnituarõrãcãji ricati rĩne rojose yĩrũarãma” Dios ñ yicũriarã ñacama. “Ñna sũõrine yũre ajiterãre rojose ñnare yĩrotijẽocõarũcãjũ yũ” yĩgũ, ñ yire ñacajũ.

² Riaga jairisa oco botirisa ñacõari, quẽnaro ruyurisa ñacajũ yũ. To bajicõari, jea vũsarisa ñacajũ. Tiya tũjũ masa rũgõcama. Ñna ñacama gũiojure,

§ 14:16 To bajiro ñ yijama, Jesũre ajitĩrũnũrãre ñ juarõtire yiro yaja.

moa riagaju majadicacure, to yicōari, ĩre bajigu ĩna quēnorujeocacure ajibeticana. ĩna riovecarire güiogu ya número ucatu ecobeticana ñacama. Arpa vāme cutise jabasare Dios ĩ ĩsire cūocama ĩna. ³ Moisés, Dios ĩ bojasere yimasir'i ĩ basamasirere, to yicōari, oveja macure bajiro rija-bosacacu ĩ basacatire tūoīacōari, ado bajiro Diore basacama:

—Mu ñaja yua uju, ñajediro masijeogu. Ñimujua gāji mure bajiro masigū magūmi. ĩaīañamanire, to yicōari, ñajediro quēnase mu yirere tūoīacōari, “Quēnaro yiyuja” mure yaja yua. Masare quēnaro riojo yigu ñaja mu. To bajicōari, mu yirore bajiro yigu ñaja mu. Adi macarucuro ñarā jediro uju ñaja mu.

⁴ Mure güijediruarāma masa. Mure güirāne, “Rētoro masigū ñaami” mure yirūcūbuoguarāma. Mu sīgāne ñaja cojoji rojose yīābecu. Quēnaro riojo yigu mu ñajare, mure quēnaro rūcūbuoguarāma adi macarucuroana jediro —Diore yibasacama.

⁵ To bajiro ĩna yibasaro bero, ō vecaju Diore rūcūbuoriavi ti jānasere ĩacaju yu. To yicōari, Dios ĩ ñarisōa ti jānasere ĩacaju yu.

⁶ Diore rūcūbuoriaviju cojomo cōro jua jēnitarirācu ángel mesa, “Adi macarucuroju rojose yare yibosaruarāma” Dios ĩ yicūriarā, ĩna budisere ĩacaju yu. Sudi ueri mani quēnaro botise sāñacama ĩna. To yicōari, orone ĩna quēnoria gaserore cotitēroju tūsarigaserore vēñacama. ⁷ To yicōari, barbaricārācu ĩaīañamana rācagu, sīgā, cojomo cōro jua jēnitarirācu ángel mesare tocārācurene orone ĩna quēnoriabajari, masare rojose Dios ĩ yiroti jūmuro sāñaribajarire ĩnare ĩsicami. Dios ñaami ñacōa ñarūgūrocū. ⁸ Tibajari ĩnare ĩ ĩsirone, “Quēnarētogu ñaja yu” Dios ĩ yīlose, ĩ masise quēne, jea bueri buejāmūcoacaju Diore rūcūbuoriavi yuja. Ñimujua ti buerone, sājariaro manicami. Cojomo cōro jua jēnitarirācu ángel mesa rojose yirona, ĩna yigajanobetone, ñimujua sājariaro manicami, Diore rūcūbuoriavijure maji.

16

Rojose sāñaribajari queti

¹ Diore rūcūbuoriavi ti bueñarone, ti vijūne ocaruyusere ajicaju yu quēna. Cojomo cōro jua jēnitarirācu ángel mesare ado bajiro goti ocaruyucaju ti:

—Masa rojose ĩna tāmūrotire yirā, mūa cūoribajarire adi macarucuro joeju yuejeoya. Ti ñaja masa rojose ĩna yisere yu ĩatese —yī ocaruyucaju.

² To ti yirone, ñasūogu ángel ĩ cūoribajare adi macarucuro joeju yuejeocami. To bajiro ĩ yirone, güiogu, moa riagaju majadicacure bajigu ĩna quēnorujeocacure rūcūbuocōari, ĩ vāme ucatu ecocanare ĩna rujūrire buto jūnise cāmi joe jeacaju.

³ Quēna ĩ beroagu ángel, ĩ cūoribajare moa riagaju yuerearodecami. ĩ yuerearoderone, ri'ĩ godovedicoacaju oco. To bajicōari rijar'i ri'ire bajise ñacaju ti. To bajiro ti bajirone, tiyaju ñaboariarā jediro rijajedicoacama.

⁴ Juarā berore quēna gāji ángel ĩ cūoribajare, riagariju, oco ũmaburigojerire quēne yuerearodecami. To ĩ yirone, ri'ĩ godovedicoacaju, riagari quēne. ⁵ To bajise ti bajirone, ángel, oco codegu, ado bajiro ocaruyucami, Diore gotigu:

—Mũ ñaja rojose yĩabecu. Tirãmũju ñamasir'i ñaboarine, adirãmũrire quẽne ñacõa ñagũ ñaja mũ. Masa rojose ñna yisere ñajũnisinicõari, “Ocore, ri'i godoveocõaca” mũ yijama, quẽnaja.

⁶ Masare mũ yarãre sĩacama ñna. Mũre gotirẽtobosarimasare quẽne, to bajirone yicama ñna. To bajiri, “Ri'i idiato ñna rojose yicana” mũ yijama, quẽnaja —yi ocaruyucami ángel, oco coderimasũ.

⁷ To ñi yi ocaruyusere ajicõari, Diore rãcũbuorã ñna soemũoriajũ cutojũ quẽne ado bajise ocaruyucajũ, Diore gotiro:

—Riojo ñaja. To bajirone bajiaja. Yũa mũjũ, masijeogũ ñaja mũ. To bajigũ ñari, masa rojose ñna yise vajare, riojo vaja yaja mũ —yi ocaruyucajũ.

⁸ Ñna bero babaricãrãcu tusacu ángel, ñi cũoribajare muiju joere yuejeocami. To ñi yirone, ñi asise rãca masare soecami muiju. ⁹ Ñnare ñi soe-boajaquẽne, rojose ñna yisere yitũjabeticama. To bajicõari, masirẽtogũre Diore rãcũbuobeticõari, rojose ñagõmacacama ñna.

¹⁰ Ñna bero, cojomo cõro tusacu ángel ñi cũoribajare, gũiojũ moa riagajũ majadicacu, rotigũ ñi rujiri cũmuro joere yuejeocami. To ñi yirone, gũiojũ ñi rotirã ñna ñari sita jedirone rẽtiacoacajũ. To bajiri, rojose tãmũorã ñari, visiorã, ñna ñemerori cũnicama ñna. ¹¹ To bajiboarine, rojose ñna yisere yitũjabeticama ñna. “Rojose tãmũoato” Dios ñnare ñi yijare, ñre rojose ñagõmacacama ñna.

¹² Ñna bero cojomo cõro coja jẽnituarirãcu tusacu ángel ñi cũoribajare, Éufrates vãme cutiyajũ yuerearodecami. To ñi yirone, oco manicoacajũ, “Muiju ñi jiadojũa vanã, mũjarã jẽato” yiro.

¹³ To ñi yiro bero, vãtia tũjare bajirã ñnarẽ idiarã ñacajũ yũ. Sĩgũ, gũsore bajigũ ñagũro risejũ budiadicami. Gũiojũ, moa riagajũ majadicacu, risejũ budiadicami gãji. “Diore gotirẽtobosarimasũ ñaja yũ” yitogũ, risejũ budiadicami gãji. Ñne ñacami sita tũcurojũ joe jeadicacu. ¹⁴ To bajiri, adi macarũcũroana mũjarã ñajedirone rẽocõari, masirẽtogũ Dios masare ñi beserirãmũ ti ejaro, Dios yarã rãca ñna gãmerã quẽarotire yirã, vacama. Ñna ñacama ñaĩañamani yĩorũgũrã.

¹⁵ Ñi sãacoroto rĩjoro ado bajiro yicami Cristo: “Quẽnaro ajiya mũa. ‘To cõro ejarũcũja yũ’ juarudirimasũ ñi yigotibetire bajiro tudiejarũcũja yũ. To bajiro yũ bajirotire ñi masicõa ñajama, yũ tudiejaro, variquẽnarũcũmi. Masiritigũjũama, sudi magũ gãjerã ñna ñaro rĩjorojũa bojonegũre bajiro bajirũcũmi”, yicami Cristo, ñi sãacoroto rĩjoro.

¹⁶ To bajiri, Hebreo oca rãca Armagedón vãme cutojũ mũjarãre rẽocama vãtia.

¹⁷ To bajiri, cojomo cõro coja jẽnituarirãcu beroagũ, ñi ñacami tusagu ángel. Ñi cũoribajare õ vecajũ yuebatecami. To ñi yirone, õ vecajũ Diore rãcũbuoriavijũ rotigũ ñi rujiri cũmurojũ ado bajiro ruyugoaro ocaruyucajũ:

—To cõrone ñaja yuja —yi ocaruyucajũ, õ vecajũ.

¹⁸ To ñi yirone, bũto bũjo yabecõari, jacami. To bajicõari, gũiose ocaruyucajũ. To bajicõari, sita bũto sabecajũ. Adi macarũcũroana ñna sabe ecoriario rẽtoro sabecajũ. ¹⁹ Ti saberone, jairimaca, Babilonia vãme cuti maca, idiajũ baterũgũcãjũ. To bajicõari, adi macarũcũroaye macari jediro sita ti saberone, vẽjajedicoacajũ. Babilonia macana rojose ñna yimasirere masiritibeticõari, bũto rojose ñnare yicami Dios yuja. ²⁰ To bajicõari, yucãyoari, gũtayucari quẽne yayijedicoacajũ. ²¹ To bajicõari, õ vecaje oco

vetacujiri vėjacaju. Cuarenta kilos rētoro rācuricujiri ñacaju ti. Tire tājō ecocōari, buto rojose Diore ñagōmacacama masa.

17

Gājerā rāca ajeriarā cutirio rojose so tām̄ore queti

¹ To yicōari, cojomo cōro jua jēnituariāca ángel mesa rācagu orobaja cuocacu yu taju ejacami. Ejacōari, ado bajiro yure goticami:

—Adojua vayá. Riaga jairisa taju ñagō, jājarā ūmua rāca ajeriarā cutigo rojose so tām̄orotire mure ĩoru yaja. ² To bajiro rojose yigo ñari, adi macarucuroanare, ĩna ujarāre quēne, rojose ĩnare yimecūorūgūamo —yure yicami ángel.

³ To ĩ yirone, Esp'iritu Santo ĩ masise suorine ado bajise ĩacaju yu: Masa manoju yure āmiacami ángel. Toju ejacōari, güioḡu sūagāre ĩacaju. ĩ joere jesacamo rōmio. So jesagure Dios ĩ ĩateri vāme ucature tuyacaju. Cojomo cōro jua jēnituariāca rujoari cuticami. To bajicōari, juaāmo cōro jotari cuticami. ⁴ ĩ joe jesago, sūariase sudiro sāñacamo. Gajeyeūni jairo vaja cuti cuocamo so. Ti ñacaju oro, to yicōari gūta jairo vaja cuti, perla vāme cuti quēne. To yicōari, orobaja cuocamo. Tibajare rojose so yise sāñacaju. ⁵ So riovecare masa ĩna masibeti vāme ucatu ecorio ñacamo. Ado bajiro goticaju ti vāme: “Jairimaca Babilonia vāme cutigo ñaamo adio. So suorine jediro rojose masa ĩna yijare, ‘Ajeriarā cutirā jaco’ to yicōari, ‘Rojose jediro jaco ñaamo’ ” yirivāme ñacaju so rioveca tuyari vāme. ⁶ To bajicōari, “Adione ñaamo Dios yarāre sġario, to yicōari, Jesúre ajitirānu tujamenare sġavariquēñagō”, yġāmasicaju yu.

“Rojogo masu ñaamo” yġāmasicōari, no yimasibeticaju yu. ⁷ To bajiro yu bajirone, ado bajiro yure goticami ángel:

—Sore mu ĩase, masa ĩna masibeticatire, mu masirotire yigū, mure gotimasiogū yaja yu: Güioḡu, cojomo cōro jua jēnituariāca rujoari cuticōari, juaāmocārāca jotari cutigū, sore ĩ āmisere mu ĩajama, ado bajiro yire ūni ñaja: ⁸ Güioḡu, mu ĩagū, tirūmujū ñacami maji. Adirūmurirema ruyubeami yuja. To bajiboarine, rojose tām̄otujabetiriaroju Dios ĩre ĩ rocaroto rġjoro, tsabetigojeju ñar'i joe jeamujadirucami. ĩ joe jeasere ĩacōari, ĩre ĩaucaruarāma masa. ĩna ñaruarāma adi macarucurore Dios ĩ rujeoroto rġjoroju paperatuti ucagu, “Ado cōro ñaruarāma catirona” ĩ yucabetiriarā.

⁹ Quēnaro ajigārema, ajimasirene ñaja. Cojomo cōro jua jēnituariāca rujoari cutigū mu ĩagū, cojomo cōro jua jēnituariāca burori ñasere ĩoro bajiaja. Ti burori ñaja, ajeriarā cutigo so ñariburori. Gajeye cojomo cōro jua jēnituariāca rujoari ti ñajama, tiari ñaro cōrone ujarā ĩna ñasere ĩoro bajiaja. ¹⁰ Jēre cojomo cōro bajireacoariarāma ujarā ñaboariarā. To bajiboarine juarā ruyaama. Sigū adirūmurire rotigū ñaami. ĩ bero rotirocu, ruyubeami maji. To bajiboarine yoaro rotibetirucami. ¹¹ Tirūmujure ñaboar'i güioḡu sūagū, yucurirema ñabetiboarine, rotigū ñarucami. Cojomo cōro jua jēnituariāca ujarā ñarā rācagune tudicaticōari, Dios ĩ rocaroto rġjoro, rotitusarucami.

¹² Juaāmo cōro jotari mu ĩase, juaāmocārācu ujarā ĩna ñasere ĩoro bajiaja. Masare rotisūobeama maji. Bero güioḡu sūagū ĩ rotirirūmurire ĩna quēne yoaro meaca rotirā ñaruarāma. ¹³ Juaāmo cōro ujarā ñarā, ĩna jedirone “Güioḡu sūagū manire rotigū ñato”, ĩre yicūruarāma. ¹⁴ To bajiri, oveja macure bajiro rijabosacacu yarā rāca gāmerā quēaruarāma.

To bajiboarine, oveja macære bajiro rijabosacacu ĩ yarã rãca, ĩna rëtoro quëaruarãma. Gãjerã ñamasurã rëtoro ñamasugũ ñaami. To yicõari, ularãre quëne uju ñamasugũ ñaami. To bajiri, Dios ĩ masise suorĩ ĩre ajitirũnu tujamena ñaama ĩna, ĩ yarã —yure yigoticami ángel.

¹⁵ To yicõari, gajeye ado bajiro yure goticami ángel:

—Ajeriarã cutigo so ñaroju riagari mu ĩase, masa ñaama ĩna. Tocãrãca macana, cojo masa jũna ruyabeto, to yicõari, cojo sita ruyabetoana ñaama ĩna. ¹⁶⁻¹⁷ Diojuama, “Ado bajiro yito mani” ĩna yituoĩarotire ĩnare yirucami. To bajiro ĩ yijare, juããmo cõro ñarã ularã, sigũre bajiro tuoĩacõari, gũioqu sũagũre, “Manire rotigu ñato”, ĩre yicũruarãma ĩna. ĩ rãca ñacõari, ajeriarã cutigore ĩateruarãma ĩna. So ye jedirore emaruarãma. To yicõari, so rujure baruarãma. So gõarema, jeameju soerearuarãma ĩna. To bajiro ĩna yijama, Dios ĩ tuoĩariorore bajiro yirã yiruarãma. ¹⁸ Ajeriarã cutigo mu ĩase, jairimaca Babilonia vãme cuti maca ti ñasere ĩoro bajijaja. Ti macana uju, gaje macariana ularãre rotirucami —yure yigoticami ángel.

18

Babilonia maca rojose ti bajiroti queti

¹ To ĩ yiro bero, õ vecaju gãji ángel buto yaagu ĩ rujiadirere ĩacaju yu. To bajiro bajigu ĩ ñajare, adi macarucuro busujedicoacaju. To bajicõari, gãjerã ángel mesare rotigu ñacami. ² Ruyugoaro ado bajiro ñagõcami:

—Jairimaca, Babilonia vãme cutiboaria maca yayicoato yaja. Ti macana masa bajireajediroana yama. Vãtia ĩna ñarimaca ñaruaroja. To bajicõari, vurã ñajediro, roacuose barã ĩna ñaro ñaruaroja yuja.

³ Babilonia macana buto rojose ĩna yisere ĩacõari, rojose yama gãjerã quëne. To yicõari, adi macarucuro ñarã ularã, rojose rõmia rãca ajeriarã cutiama. Babilonia macana buto ĩna gajeyeũni bojatujabetijare, ĩnare gajeyeũni ĩsicõari, gãjoa bujarũgũama gaje macariana. Babilonia macana to bajiro yirũgũrã ĩna ñajare, ĩnare rearucami Dios —yure yigoticami ángel.

⁴ To yicõari, õ vecaju ado bajiro yure goti ocaruyucami Dios:

—Ti macana rãca ñabesa. To bajicõari, rojose ĩna yirore bajiro yibesa, “Rojose ĩna tãmuorore bajiro rojose tãmuorobe” yirã.

⁵ Ti macana buto rojose ĩna yisere masiritibeaja yu —yi ocaruyucami Dios.

⁶ To yicõari, rojose yironajuare ado bajise goti ocaruyucami Dios:

—Gãjerãre rojose ĩna yise vaja, butobusa rojose ĩnare yiba mu.

⁷ Ti macana jairo gajeyeũni suorã ñaama ĩna. Diseju ruyabeaja ĩnare. “Ujarã ñaja mani” yiboama. “Manaju rijaveoriarãre bajiro sutiritibetiruarãja mani” yiboama. “Rojose tãmuomenane, quënarõ ñacõa ñaruarãja mani” yirã ñaboarine, buto rojose yirã ĩna ñajare, buto rojose ĩnare yirucãja —yi ocaruyucami Dios.

⁸ —To bajiri cojorãmune buto rojose yiecoruarãma. Sigũri rijayene bajirearuarãma. Gãjerã, ñione rijaruarãma. Gãjerã buto sutiritiruarãma. Gãjerã jeameju soe ecoruarãma. To yicõari, ti macare soereajeocõarucãja. Rëtoro masigũ ñari, to bajiro rojose ĩnare yirucãja —yi ocaruyucami Dios, mani uju.

⁹ —Ti maca buesere ĩacõari, buto sutiritiruarãma adi macarucuroana ularã. “Ti macana suorine jairo gajeyeũni bujaboacaju”, yiotiruarãma. ĩna ñaruarãma ti macana ñaboariarã rãca buto rojose yirũgũriarã. ¹⁰ Ti macana

rāca rojose tām̄uor̄amena, sōj̄ne tujar̄arāma īna, tire güirā. Otirāne, ado bajiro yir̄arāma īna:

“¡Abe! Jairimaca ñaboaria maca uayayicoaj̄n. Gaje macari rētoro ñamasuri maca ñaboabu. Ti macana rojose īna yise vaja yoaro mene yayicoaj̄n ti. Yuc̄rema maaja”, yif̄agōr̄arāma adi macar̄uc̄roana ujarā —yī ocaruyucaj̄n.

11 —Adi macar̄uc̄roana gajeyeūni ĩsicudirimasa quēne, ti maca uasere ĩacōari, buto sutiritir̄arāma. To yicōari, otir̄arāma īna. “Ñim̄u mani juavasere boca juaḡn maḡami”, yiotir̄arāma. ¹² ĩsir̄arā īna juavase ado cōro ñaboar̄aroja: oro, plata, gūta jairo vaja cuti, perla, sudi jairo vaja cuti, to yicōari, yuc̄u quēnaro sutiquēnase īna juare, gajeye marfil vāme cutise rāca īna quēnore, yuc̄u jairo vaja cuti īna juare, cōme hierro vāme cuti, to yicōari, bronce vāme cuti juavar̄uḡboayuma. ¹³ To yicōari, gajeye quēnase sutise īna buebatose, to yicōari īna ruj̄re īna tuse juavar̄uḡboayuma. To yicōari, gajeye canela vāme cuti bare sāv̄ore, uye oco, uye gatere, trigo vāiaabore, vāiaaboyamani quēne, ta vec̄na, oveja, caballo mesa, caballo mesa īna tūavato masa īna sñ̄navaticori quēne juavar̄uḡboayuma. To yicōari, īna moarimasa ñaronare quēne juavar̄uḡboayuma. To bajiboarine ti macaḡn ñim̄uj̄a boca juaḡn ĩmanijare, sutiritir̄arāma īna. ¹⁴ Babilonia macana ñaboacanare t̄oīarā, ado bajiro yir̄arāma īna:

“Jairo vaja cuti īna bavariquēnaboacati, to yicōari, jediro gajeyeūni jairo vaja cuti īna cuovariquēnaboacati rācane bajireajedicoaj̄ma”, yir̄arāma —yī ocaruyucaj̄n.

15 —To bajiri Babilonia macana ñaboariar̄e gajeyeūni ĩsicōari, jairo gājoa bujar̄uḡboariarā ti maca buem̄uj̄asere ĩacōari, sutiritir̄ā, sōj̄n ĩar̄uḡōr̄arāma īna, ti macana rāca rojose tām̄uor̄amena. ¹⁶ Toj̄n ĩar̄uḡōcōari, otirāne, ado bajiro yir̄arāma:

“¡Abe! Rojose tām̄uoaja Babilonia ñaboacati maca. Rōmio quēnaro ruyugore bajiro ñaboacaj̄n ti maca. Sudi sūase quēnase sñ̄aḡōre bajiro ñaboacaj̄n ti maca. Oro, gūta jairo vaja cutise, perla vāme cutise, jediro gajeyeūni cuogore bajiro ñaboacaj̄n ti maca.

¹⁷ To bajiboarine yoaro mene ti macaye īna cuoboacati quēne uayayicoaj̄n ti”, yir̄arāma gajeyeūni ĩsicudirimasa —yī ocaruyucaj̄n.

—Cūmuari jacase ujarā, ĩnare moabosarimasa, cūmua rāca vacōari, ĩsicudirimasa quēne, sōj̄n ĩajayar̄arāma īna. ¹⁸ Ti maca uaro ti buesere ĩacōari, otirāne, ado bajiro ruyugoaro avasāj̄ayar̄arāma īna: “Ti maca ñaboacati maca cōro gaje maca ñamasuri maca manoja”, yivasā jayar̄arāma —yī ocaruyucaj̄n.

¹⁹ —Buto sutiritir̄ā ñari, īna ruj̄oaja joere sita majeor̄arāma īna. To yicōari, otirāne, ado bajiro yir̄arāma īna:

“¡Abe! Rojose tām̄uoaja Babilonia ñaboacati maca. Jairimaca ñaboacaj̄n ti maca. Mani, jacase cūmuari cuorā ĩnare gajeyeūni ĩsicōari, gājoa jairo bujar̄uḡboacaj̄n manī. Yoaro mene ti maca uajedicoaj̄n”, yir̄arāma ti macare ĩajayarā —yī ocaruyucaj̄n.

²⁰ Gajeye ado bajiro yī ocaruyucaj̄n:

—Ti maca uasere ĩacōari, variquēnaña ō vecaj̄n ñarā. ĩoca m̄ua gotirotire yiḡn, Cristo ĩcōacana, to yicōari, Diore gotir̄etobosarimasa quēne, Dios yere ajirā jediro variquēnaña. Ti macana m̄uare rojose yicama īna.

To bajiri, rojose m̄are ña yicati vaja rojose t̄m̄oma ña quēne. Ña ya macare rocac̄ami Dios —yi ocaruyucaj̄u.

²¹ To yic̄ari, s̄iḡū ángel, ḡajer̄ā ángel mesa r̄etro t̄maḡure ñacaj̄u ȳu. Ḡūta jairicare āmic̄ari, moa riagaj̄u rocaroacami. Trigo v̄iaaboria ḡūta jairica ñacaj̄u tia. To yic̄ari, ado bajiro yicami:

—Ḡūtare ȳu rocaroayayiorore bajirone, Babilonia macare yayior̄uc̄ami Dios. To bajiri j̄uaji tud̄īabetir̄uar̄ama masa.

²² Ti macaye arpa v̄ame cutise ña jabasase, to yic̄ari, t̄oroari, trompeta ña jutise jedirone ajiyamanir̄uaroja. Ti maca moarimasa quēne tudimoabetir̄uar̄ama ña. Trigo v̄iaaborimasa quēne, j̄uaji moabetir̄uar̄ama.

²³ Ti macaye s̄ibusuoriabajari busuboacati quēne busubetir̄uaroja. To yic̄ari, āmosiar̄ā ña basase ajiyamano ñar̄uaroja ti maca. “Gajeyeūni ñicudirimasa r̄etro ñamasur̄ā ñaboacama ti macana” ñare yir̄uar̄ama masa. Adi macar̄uc̄uro ñar̄ā jedirore rojose ña ūmato yitor̄ā ñaboacama —yicami ḡūta jairicare rocaroacacu.

²⁴ Quēna ò vecaj̄u ado bajiro yi ocaruyucaj̄u:

—Diore gotir̄ētosarimasure, ḡajer̄ā Dios yere ajir̄are, to yic̄ari adi macar̄uc̄uro ñar̄ā jedirore s̄iacama ti macana. To bajiro ña yicati vaja, b̄uto rojose t̄m̄uor̄uar̄ama —yi ocaruyucaj̄u.

19

¹ Tij̄u bero, j̄ajar̄ā ò vecaj̄u ruyugoaro ña ocaruyusere ajicaj̄u ȳu. Ado bajiro yi ocaruyucama ña:

—“Quēnar̄ētoḡū ñaami Dios mani ūj̄u” Diore yivariquēnato mani —yi ocaruyucama ña. —Ī ñaami rojose t̄m̄uot̄ujabetir̄iaroju mani vaborotire manire yir̄ētosar'i. Ī ñaami r̄etro ñamasuḡū, to yic̄ari, r̄etro masiḡū.

² Masa rojose ña yise vaja, “Rojose m̄are yir̄uc̄aja ȳu” yir'i ñari, socu mene rojose ñare yir̄uḡūami. Ajeriar̄ā cutigo ñaboariore rocac̄ami. “Adi macar̄uc̄uro ñar̄ā rojose yato Dios” yigo, ñare yirocamo so. To yic̄ari, Dios ĩ bojasere yir̄ā ñaboacanare s̄iacamo. To bajiro so yicitire ñac̄ari, ti vaja sore rocac̄ami —yi ocaruyucama ña, ò vecaj̄u.

³ Quēna ado bajiro ñaḡō ocaruyucama ña:

—j̄Quēnaro Diore r̄uc̄ub̄uo variquēnato mani! Babilonia maca ñase bueri m̄ajajedibetir̄uaroja —yi ocaruyucama ña.

⁴ To bajiro ña yi ocaruyurone, Dios, rotiḡu ĩ rujiri c̄ūmuro r̄ijoroj̄ua, ñe r̄uc̄ub̄or̄ā, ḡūsomuniari t̄uetuejar̄ūj̄ucama veinticuatro ñar̄ā, b̄uc̄ar̄ā, to bajic̄ari, babaric̄ar̄ācu ña ñamana quēne. Ḡajer̄ā j̄ajar̄ā ña yi ocaruyusere ajic̄ari,

—To bajirone bajiato. Diore r̄uc̄ub̄uo variquēnaroti ñaja manire —yic̄udicama ña.

⁵ To ña yiro bero, ūj̄u ya c̄ūmuroj̄u ado bajiro ocaruyucaj̄u:

—“Quēnar̄ētoḡū ñaja m̄u” Diore ñe yivariquēnato mani. Ñamasur̄ā, ñamasumena quēne, to bajiro ñe quēnaro r̄uc̄ub̄uo variquēnato mani —yi ocaruyucaj̄u.

Oveja mac̄are bajiro rijabosar'ire ña basajeore queti

6 Ti bero yu ajiyama, jãjarã ãna ocaruyurore bajiro yiboasene, oco menirore bajiro ruyugoaro, yicõari, buto bujo i jaro ti busurore bajiro ocaruyucõari, ado bajiro yicaju:

—Ñajediro masijeogu ñaami Dios, mani uju. Rojose yirãre reacõari, ãre ajirã rãne rotirũgũrcami. To bajiri “Quẽnarẽtogũ ñaami” Diore yivariquẽnato mani.

7 Oveja macure bajiro rijabosar'i i boserũmu ejacoaju. To bajiri Diore quẽnaro rucubũo variquẽnato mani, ñamasugũ i ñajare. Oveja macure bajiro rijabosar'i manajo uẽgõ ñarotirene yirã ãre ajitirũnurã quẽnaro ãre ñayuama.

8 Sudi gosise, ueri mani botise, ãna sãñarotire ãnare ãsimi Dios. ãna ye sudi ueri mani, “Rojose mana ñaama Dios yarã” yĩõre ãni ñacaju ti —yi ocaruyucaju ti.

9 Tiju bero, ángel ado bajiro yure yicami:

—Mure yu gotisere ucaya: “‘Oveja macure bajiro rijabosacacu manajo uẽgõ ñarotirene yirã ãre ajitirũnurã quẽnaro ãre ãna ñayuse boserũmure ãarã vadiato’ yigotiecocana variquẽnaruarãma ãna” yiuucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

10 To i yijare, ãre rucubũogũ, i rĩjorojuã gũsomuniari tuetuejarũjũcaju yu. To bajiro yu bajirone, ado bajiro yure goticami:

—To bajiro yure rucubũobesa. Yu quẽne, mure bajirone Dios i bojasere yigu ñaja. Jesús oca riojo gotisere ajitirũnu tujamenare bajiro bajigu ñaja yu quẽne. To bajiri, Diojuare mu rucubũojama, quẽnaja —yure yigoticami ángel. —Jesús i gotimasiorotire, ti ñaja Diore gotirẽtobosarimasa mua gotimasio variquẽnase —yure yigoticami ángel.

Caballo botigu joe jesagu jediro rojose i rearoti queti

11 To i yiuro bero, õ vecaju ti jãnasere ãacaju yu. Ti jãnarone, caballo botigure ãacaju yu. I joe jesacami sũgũ. Ado bajiro vãme cuticami: I Yirore Bajiro Yigu, Riojo Gotigu vãme cuticami. I rotijama, riojo yigu ñacami. To yicõari, rojose yirãre rojose i yijama, rojose ãna yiriaro bajirone rojose yigu ñacami. 12 I cajeari jeare bajiro busubatocaju. I rujoaju jairo cõmebedori jeocami. To bajicõari, i riovaca tuyari vãmere i sũgũne masicami. 13 Ri'i tuyarito sudiro sãñacami. “Diore mua ãarũajama, yũjuare ããña” yiria vãmene ñacaju. 14 Õ vecana surara, caballo botirã joeju sudi, gosise, ueri mani botise sãñacõari, ri'i tuyarito sudiro sãñagũ rãcana ñari, ãre suyacama. 15 Ri'i tuyarito sãñagũre i riseju jariase buto bujariase budicaju. Tiase ñacaju ãre ajitirũnumenare rojose ãnare i yiotiase. Buto rotimasirocu ñacami. To yicõari, rojose ãna yisere Dios, masijeogu, i ãajũnisinirore bajirone buto rojose yirocu ñacami. 16 Ri'i tuyarito sãñagũ ñacami i sudirore, i sagarore quẽne, ado bajiro yirivãme tuyagu: “Ãni ñaami ujarã ñamasurã rẽtoro ñamasugũ” yirivãme ãre tuyacaju.

17 Tiju bero sũgũ ángel, muiju joeju i rãgõsere ãacaju yu. Õ vecaju vurã, minia boase barã jedirore ado bajiro ruyugoaro yicami:

—Masare Dios i sãrãre rẽjacõari, barã vayá. 18 Macari ujarã, surara ujarã, ãmua tĩmarã, caballo mesa, ãna joe jesarũgũboariarẽ quẽne, gãjerãre moabosarã, moabosamenare quẽne, ñamasurã, ñamasumenare quẽne, i sãrearã riire barũarãja mua —mĩniare yicami ángel.

¹⁹ To i yiro bero, güioḡu sūagū, adi macarucuro ñarā ujarā, ina surara rāca rējacama. Caballo botigū joe jesagū yarā surara rāca quēarona ina bajisere iacajū yu. ²⁰ Caballo botigū joe jesagūja, inare quēacōari, juarā rojose yirāre ñiacami. Güioḡu sūagū baba ñaboarine, “Yu ñaja Diore gotirētobosarimasu” yisocagure quēne ire ñiacami. Ine ñacami güioḡu sūagū i ñaro rījorojua iāñamanire masare yitocacu, to yicōari, güioḡure bajigū ina quēnorujeocacure rūcubūoroticōari, güioḡu vāmere ucaturoticacu. To bajiri, rojose yirā ina ñajare, güioḡu sūagūre, to yicōari, “Diore gotirētobosarimasu ñaja yu” yisocagure quēne, catirārene azufre vāme cutise ujuri jeameju inare cōacami caballo botigū joe jesagūja. ²¹ To yicōari, gājerārema, i riseju jariase budicatasene inare siacami. To bajiri, minia boase barājūama, i siacana riire ba yajicama.

20

Mil ñaricāmari Jesús i rotiñaroti queti

¹⁻³ Tijū bero, ō vecajū ángel i rujiadore iacajū yu. Cōmema, jairima, gusore bajigū ñagūrore i siarotimare, to yicōari, tusabetigoje jānariaro llave cūcōari rujiadicami. Rujiejacōari, gusore bajigū ñagūrore ñiacami. I ñacami vātia uju Satanás tirūmujūma aññare bajigū ñacōari, yitomasir'i. Ire ñiacōari, cōmema rāca ire siacami ángel, tusabetigojeju ire rocasāgū. To yicōari, ire bibetocūcami, mil ñari cūmari cōro masare yitobecune i ñacōa ñarotire yigū. To yicōari, “Gājerā ina jānasere iamasigūsa” yigū, ti goje tususe jediro bibejeocōacami. Mil ñari cūmari ti jediro bero, ire burocū ñacami. To bajiboarine yoaro meaca ñarocū ñacami.

⁴ Tijū bero, rotirā ina rujiri cūmurorire iacajū yu. Ti cūmurorijū rujirāre quēne iacajū yu. Ina ñacama masa rojose ina yisere iacōari, “Ado bajiro yirā ñari, rojose tāmūoruarāja” inare yirona. “To bajiro yiruarāja mūa”, inare yicūñumi Dios. To bajicōari, Jesúre ajitirānu tujabeticōari, i ocare ina gotimasio tujabetijare, ina āmūarire jasurereacama. To bajiro yiecorā ñacama güioḡure, to yicōari, ire bajigū ina quēnorujeocacure quēne rūcubūobeticana. To yicōari, i vāmere ina riovecarire, ina āmorire quēne ucatu ecobeticana ñacama. Ina āmūari jasurereacana ñaboarine, tudicat-i-cōari, ō vecajū mil cūmari Cristo rāca rotirona ñacama ina. ⁵ Ina ñacama tudicatisūorona. Gājerā ina masu bajireariarājūama, mil ñari cūmari i rotiro bero, tudicatirona ñacama. ⁶ To bajiri Dios i catiosūorona, buto variquēnarona ñacama. Ire ajitirānūrā rāca ñarona ñari, tudirijabetirona ñacama. To bajiri Dios i bojasere paia ina yirūgūrore bajiro yirona ñacama. Cristore quēne i bojasere yirūgūrona ñacama. To bajiri mil ñari cūmari Cristo rāca rotiñarūgūrona ñacama.

Vātia ujure ina jānabure queti

⁷ Mil ñari cūmari ti jediro bero vātia uju Satanás tusabetigojeju sāñar'i, jānabu ecorocū ñacami. ⁸ Ire ina jānaburo bero, Gog vāme cuti sitanare, to yicōari, Magog vāme cuti sitanare quēne yitocudirocū ñacami. To bajiro yu yijama, “Masa adi macarucuro ñarā jedirore yitocudirocū ñacami” yigū yaja. I yitosere ajitirānūcōari, rējarona ñacama ina, Dios yarā rāca gāmerā quēaruarā. Jājarā masu ñarona ñacama ina. Cōñajama, cōñajeobetiroti ñacajū.

⁹ Dios yarāre siaruarā, adi macarucuro ñaro cōrone ñarona ñacama. To bajicōari, Dios i mairimacare gānibiarona ñacama. To bajiro ina bajiboajaquēne, ō vecaye jea ujuse rāca vējacōari, inare soereajeocōarocū ñacami

Dios. ¹⁰ To ĩ yiro bero, vāti ĩnare yitor'ire azufre vāme cutise ũjuri jeameju ĩre rocarocu ñacami Dios. Timene ñacaju rĳjorore quēne, gũioḡu sũagũre, to yicōari, “Diore gotirētobosarimasu ñaja yu” yisocagure quēne, ĩnare ĩ cōacato. Toju ñacōari, ũmũari, ñamiri quēne rojose tāmũorũḡũrona ñacama ĩna.

Masa rojose ĩna yise vaja rojose Dios ĩnare ĩ yire queti

¹¹ Tiju bero, ĩ ya cũmuro botiri cũmurore rujigure ĩacaju yu. To rujigu ĩ ĩase jediro, adi macarũcũroaye, õ vecaye quēne, yayijedicoajaju. To bajicōari, tudiruyabeticajaju. ¹²⁻¹³ Adi macarũcũro bajireariarā, tudicaticōari toju rujigu tare ĩna ñasere ĩacaju yu. Ñamasurā, ñamasumena quēne ñacama. To ĩna ñarone, paperatutiri jāna ecocajaju. Titutiriju masa jediro ĩna yire ucature ñacaju. To bajiri, tire ĩacōari, “To bajiro yicana ñari, quēnase bujarā, rojose tāmũorā, bajiruarāja” bajireariarāre ĩnare yicami to rujigu. To yicōari, “Ado cōro ñaama yu rāca ñarũḡũrona” ĩ yuucaturiatuti quēne jāna ecocajaju. ¹⁴⁻¹⁵ Tiju bero, adi macarũcũroaye, rojose mani tāmũose, rijaye jediro juacōari, azufre vāme cutise ũjuri jeameju tire reajeocōacami Dios. To ĩ yijare, ĩ rāca ñarũḡũrona, juaji rijarona me ñacama. To ĩ yiro bero, “Ado cōro ñaama yu rāca ñarũḡũrona” ĩ yuucabetiriarāre quēne juacōari, azufre vāme cutise ũjuri jeameju ĩnare reacami Dios.

21

Mame macarũcũro ti bajiro ti queti

¹ Adi macarũcũro ti yayiro bero, õ vecaye, to yicōari, adi macarũcũroaye jediro Dios ĩ rujeosere ĩacaju yu. ² Quēnase rĳne ĩna yirimaca, mame quēnorĳa maca Jerusalén vāme cuti maca ti rujiadore ĩacaju yu. Dios ĩ ñarojune rujiadicajaju ti maca. Rōmio āmosiagogo quēnase sudĳ so sāñayuriarore bajiro quēnari maca ñacaju. Ti macare quēnoñumi Dios, ĩ taju ĩ yarā, masa mani ejarotire yigu. ³ To bajiro ti bajirone, rotigu ĩ rujiri cũmuro ado bajise ruyugoaro ocaruyucaju:

—Īña. Masa rāca ñaami Dios. To bajiri, “Õ vecaju ñagũmi Dios” yire maja. ĩna rācane ñacōa ñarũḡũrũcũmi. To bajicōari, masa quēne ĩ yarā ñacōa ñarũḡũrũarāma. ⁴ Diorāca ñacōa ñarũḡũrona ĩna ñajare, bajireare, sutiritire, otire, jũnise, sarese, vũase ĩna tāmũoboare jediro manirũaroja. To bajiri, variquēnarũḡũrũarāma ĩna. Tirũmũju bajiboacati ti rētojedicoajare, to bajiroju bajirũaroja —yi ocaruyucaju, õ vecaju.

⁵ Tiju bero, rotigu ĩ rujiri cũmurore rujigu, ado bajiro yare yi ocaruyucami:

—Ñajediro tirũmũju ñaboare, mame rĳne vasoacōaja yu —yigoti ocaruyucami.

To bajiro yicōari, quēna ado bajiro yare yi ocaruyucami:

—Mũre yu gotisere ajicōari, tire ucaya. Riojo gotire ñaja. Mũre yu gotirore bajirone bajirũaroja. To bajiri, tire ucaya —yare yi ocaruyucami.

⁶ Bero, quēna ado bajiro yare yigoti ocaruyucami:

—Ñajediro vasoajeocōaja yu. To bajiri, alfa, omega ñaja yu. Alfa yu yijama, “Ñajediro ti ruyaroto rĳjoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarũḡũrũcũja” yigu yaja. Oco buto idirũarāre bajiro yare masirũarā, yare ĩna sēnijama, bajireacōari bero yu taju ĩna caticōa ñarotire yigu, yu catisere ĩnare ĩsirũcũja. ⁷ Yũre ajitirũnu tujamenare to bajirone yirũcũja yu. Yu sigũrene rũcũbũorũḡũrũarāma.

To bajicōari, yu rīare bajiro bajirā ñarũgũruarāma. ⁸ Gājerā Jesúre ajitirũnenajũarema, azufre vāme cutise ũjuri jeameju ñare reacōarũcũja yu, ado bajiro rojose yirā ña ñajare: “Jesúre mani ajitirũnũjama, gājerā manire ñaterāma” yirā, yure ajitirũnũ tũjarāre rearũcũja. Yu ñatesere yirāre ñare rearũcũja. Sīarimasare, Dios ĩ bojabetire yirā, ña ruju ti bojarore bajiro gāmerā ajeriarā cutirāre, to yicōari gājerāre rojarāre quēne rearũcũja. “Ado bajirā ñarāma” ña masune yitũoĩa quēnoruƵeocōari, rācũbuorāre, to yicōari, socarāre quēne azufre vāme cutise ũjuri jeameju ñare rearũcũja yu —yure yigoti ocaruyucami.

Toju rojose tāmũotũjabetirũarāma.

Jerusalén, mame quēnoría maca queti

⁹ To ĩ yiro bero, sīgũ ángel, vadícōari, yu tu ejacami. ĩ ñacami cojomo cōro jua jēnituarirācũ ángel mesa rācagu, masa rojose ña tāmũorotire sãñaribajare cũocacũ. Ejacōari, ado bajiro yure goticami:

—Adojuu vayá. Oveja macure bajiro rijabosacacũ manajo ñarocore mure ĩoru yaja yu —yure yigoticami.

¹⁰ To ĩ yirone, Esp'iritu Santo sũorine ado bajise yure bajĩocacũ: Gũtau ũmũaricũro joeju yure jivacami ángel. Toju ejacōari, quēnase rĩne ña yirimaca, mame quēnoría maca, Jerusalén ti rujiadore yure ĩocami quēna. To bajiri Dios ĩ ñarõjũne ĩ rācane rujiadicacũ ti maca. ¹¹ Ti macacũ ĩ ñajare, ĩ bususe rāca quēnaro busubatocacũ ti maca. Gũta jairo vaja cutia quēnarica ruyucōari, ñarētoburiare bajiro ruyucacũ ti maca. ¹²⁻¹³ Ti maca matariacũni, ũmũaricũni ñagãnibiacacũ. Ña matariacũni juaãmo cōro, gũbo jua jēnituarirāca sojeri, sojeri cuticacũ. Muiju ĩ jiadojuu idia soje, ĩ rocasãtojuu idia soje, varujuare idia soje, gajejacatua varujuare idia soje ñacacũ ti. Israel ñamasir'i jānerabatia juaãmo cōro, gũbo jua jēnituarirāca jũnana ña ñamasiriarā cōrone ñaro bajicacũ. To bajiri, tocārāca sojene ña vāme ucatu ecoria sojeri ñacacũ. To bajicōari, tocārāca sojere sīgũ ángel rāgōcami. ¹⁴ “Ticãni juriaquedibeticōato” yirā, gũtari jacase cũsũoyuma. Juaãmo cōro, gũbo jua jēnituarirāca gũtari ñagãnibiacacũ. To bajiri, tocārāca gũtarijũre, oveja macure bajiro rijabosacacũ, “Yu oca goticudirũarāja” ĩ yicōacana vāme ucature tuyacacũ.

¹⁵ Ángel yu rāca ñagōcacũ, macare ĩ cōĩaroti orone quēnorĩure cũocami. Ti macare, matariacũnire, sojerire quēne ĩ cōĩaroti ñacacũ tiu. ¹⁶ ĩ cōĩajama, ti maca eyase, ti maca ũmũase quēne, cojoro cōrone ñacacũ. ĩ cōĩajama, dos mil doscientos kilómetros cōro ñacacũ eyase, ũmũase quēne. ¹⁷ Ti maca matariacũni ĩ cōĩajama, sesenta y cinco metros ũmũaricũni ñacacũ. Masa ña cōĩarore bajirone cōĩacami ángel.

¹⁸ Ti maca matariacũnire, gũtari jaspe vāme cutise rāca quēnorĩacũni ñacacũ. To bajicōari, orone quēnoría maca ñacacũ ti maca. Ēo sojeri ueri manire ñarētoburiarore bajiro ruyucacũ ti maca. ¹⁹ Ti maca matariacũnire ña cũsũoriari juaãmo cōro, gũbo jua jēnituarirāca gũtari jacase tũre, “Quēnaro ruyuato” yirā, gũta jairo vaja cutire cũñuma. Gũta ñasũorica, jaspe vāme cuticacũ. Beroaga, zafiro vāme cuticacũ. Beroaga, ágata vāme cuticacũ. Beroaga, esmeralda vāme cuticacũ. ²⁰ Beroaga, ónice vāme cutirica ñacacũ. Beroaga, cornalina vāme cuticacũ. Beroaga, crisólito vāme cuticacũ. Beroaga, berilo vāme cuticacũ. Beroaga, topacio vāme cuticacũ. Beroaga, crisoprasa vāme cuticacũ. Beroaga, jacinto vāme cuticacũ. Tũsarica, juaãmo cōro, gũbo jua jēnituarirāca ñacacũ amatista

vāme cutirica. ²¹ Juaāmo cōro, gūbo jua jēnituarirāca űarisojeri perla vāme cutisene quēnorīa sojeri űacaju. Tocārāca sojene perla vāme cutīa rāca quēnorīa sojeri űacaju. Ti maca gūdareco űavati maare, orone quēnorīa maa űacaju. To bajicōari, ēo sojeri űarētoburīare bajiro ruyucaju ti maa.

²² Diore rūcūbuoriavire űabujabeticaju yu, ti macare. Jēre ti macane manī uju, Dios, űajediro masijeogu, to yicōari, oveja macare bajiro rijabosacacu quēne rūcūbuoriavire bajiro űna bajicōajare, űnare rūcūbuocama ti macana jediro. To bajiri, gaje vi űnare rūcūbuorotivi bojabeticaju ti maca. ²³ To bajicōari, Dios ű űarimaca ti űajare, ű bususe rāca busucaju ti maca. To bajicōari, oveja macare bajiro rijabosacacu űre bajirone ű busurēmojare, űmūagu muiju ű bususe, űamiagu ű bususe quēne bojabeticaju ti maca. ²⁴ Mame macarūcuro ű vasoaro bero, masa rāca Dios ű űajare, űre masijedirona űacama. To bajicōari, “Mū sūorine űamasurā űadicaju yu”, Diore űre yirūcūbuorona űacama. ²⁵ Ti maca matariacūni űarisojeri rētiaroti ti manijare, jānariasojeri űnacōa űaroti űacaju. ²⁶ Mame macarūcuro ű vasoaro bero, űna cūose jairo vaja cutise juadicōari, Diore űsicama űna, űre rūcūbuorā. ²⁷ To bajicōari,

—Dios ű űatese, rojosere juavabetiruarāma ti macajure. Rojose yirā, so-carimasa quēne, ti macare sājabetiruarāma űna quēne —yigoticami āngel. —Oveja macare bajiro rijabosacacu yatutiju, “Ado cōro űnaama yu rāca űnarūgūrona” yuucatu ecoriarā rīne sājamasiruarāma —yigoticami āngel.

22

¹ Tire yure ű űoro bero, quēna riaga oco űeri maniya catirūgūrotiayere oco cutiyare yure űocami āngel. Tiya, űeri mani botise oco cuticōari, ēo sojeri űarētoburīare bajiro quēnaro ruyurisa űacaju tiya. Dios, rotigu ű rujiri cūmuroju, to yicōari, oveja macare bajiro rijabosacacu, rotigu ű rujiri cūmuroju jode cuticaju tiya riaga. ² Ti maca űari maa gūdarecore űacaju tiya. Tiya veca űaricu riagare juajacatuajune saari cuticōari catirūgūrotiayere rica cutiricu űacaju. Tocārācarodorine rica cutirūgūroti űacaju tiu. To bajiri cojo cūmare, juaāmo cōro, gūbo jua jēnituorācaji rica cutirūgūroti űacaju. Tiu jū quēne, “Juaji rijabeticōato” yirā, masare űna űco yiroti űacaju. ³ Ti macaju Dios ű űatese maniroti űacaju. űajediro quēnase rīne űnarūgūroti űacaju. Ti macaju Dios, to yicōari, oveja macare bajiro rijabosacacu rāca rotirā űna rujiri cūmuro űaroti űacaju. Ti macana jediro Dios ű bojasere yirā űre rūcūbuorona űacama. ⁴ Adi macarūcuroju Diore űabetirūgūriarā űaboarine, tojurema űre űarona űacama. To yicōari, Dios vāme űna riovocarījare ucatu ecorona űacama. ⁵ Toju űami maniroti űacaju. Ti macana sīabusuore bojamena űarona űacama. Mani uju, Dios ű bususe rāca busuroti űacaju, ti macare. To bajiri, űmūagu muiju ű bususere bojamena űarona űacama. To bajicōari, Diorāca roticōa űnarūgūrona űacama.

“Yoaro mene vadirūcūja yu quēna”, Jesús ű yire queti

⁶ Bero, quēna ado bajiro yure goticami āngel:

—Jediro mū űase, to yicōari, mure yu gotise, riojo gotise űaja. Mure yu gotirore bajirone bajirūaroja. Diore gotirētobosamasiriarā űna gotirētomasire űjomasir'i űnaami mani uju Dios mure yu űosere rotigu —yure yigoticami āngel.

⁷ Gajeye ado bajiro yure goticami āngel:

—Ado bajiro gotiami Jesús: “Yoaro mene varucuja yu” yigotiami. To bajiri, adi quietire Dios i cõarere cudirã, quẽnase bujarona ñarãma —yure yigoticami ángel.

⁸ Yu ñaja Juan, adi quietire ucagu. Jediro yure bajiiocature ñacõari, ángel i goticati ñaro cõrone ajicaju yu. Tire yu ajiro bero, yure iocacu ángel rĩjorojua gusomuniari tuetuejarũjũcaju yu, ñe rucubuoгу. ⁹ To bajiro yu bajirone, ado bajiro yure yicami ángel:

—To bajiro yure rucubuoгesa. Yu quẽne, mare bajirone Dios i bojasere yigu ñaja. Diore gotirẽtobosarãre, to yicõari, adi paperatuti ucare ajitirũnũronare bajirone bajigu ñaja yu quẽne. To bajiri, Diore ma rucubuoгore bajiro yure rucubuoгesa. Diojua to bajiro ma rucubuoјama, quẽnaja —yure yigoticami ángel.

¹⁰ Gajeye ado bajiro yure goticami:

—Ti oca ma ucasere no bojarone tire yiyaiobeja, bero bajiro ti cõñajare. ¹¹ To bajiro ti moјoroaca ti cõñajare, masa ña yirũgũrore bajiro yicõa ñato. Roјose tuoñacõari yirũgũrãma, to bajirone yicõa ñato. To yicõari, “Roјose mana ñaama” Dios i yĩarã quẽne, i ñavariquẽnase rĩne yicõa ñato —yure yigoticami ángel.

¹² To yicõa, quẽna Jesús i gotisere yure goticami ángel:

—“Riojo ñamasusere gotiaja yu. Yoaro mene varucuja yu quẽna. Ña tũju ejacõari, ña yirere masigũ ñari, ‘Quẽnase bujarã, roјose tãmuoгã, bajiruarãja ma’ ñare yirucuja yu. ¹³ Alfa, omega ñaja yu. Alfa yu yijama, Ñajediro ti ruyuaroto rĩjoroјu ñacaju yu. To bajicõari, omega yu yijama, ñajediro ti yayiro beroјu quẽne ñacõa ñarũgũrucuja’ yigu yaja yu”, yigotiami Jesús —yure yigoticami ángel.

¹⁴ Quẽna ado bajiro yure goticami:

—“Roјose yua yirere yuare masiriobosacõañumi Cristo” yituoĩarã rĩne ñaama yucũ caticõa ñarũgũrotiaye ricare barona. To bajiri ña ñaama ti maca soјerire sãјamasirona. To bajirone ñari, variquẽnato ña. ¹⁵ Adocãrãca vãme roјose yirã ñaama ti macare sãјabetirona: Gãjerãre roјarã, Dios i boјabetire yirã, ña ruјu ti boјarore bajiro gãmerã ajeriarã cutirã, sãrimasa quẽne, “Ado bajirã ñarãma” ña masune yituoĩa quẽnoruјeocõari, rucubuoгã quẽne sãјabetiruarãma. To yicõari, socase yirã quẽne sãјabetiruarãma ti macare —yure yigoticami ángel.

¹⁶ To yicõari, gajeye Jesús i gotisere gotigu, ado bajiro goticami ángel:

—“ ‘Yure ajitirũnũrãre ti oca gotiato i yigu, ángel vãme cutigure cõamu yu. Eјu David ñamasir'i jãnami ñaja yu. Busuriñoco, busuroto rĩјoro i busumãјadore bajiro bajirocũ ñaja yu. To bajiro yu bajisere ñacõari, ‘Mame macarucũro Dios i vasoaroti ejacoaju’, yimasiruarãma masa”, yigotiami Jesús —yigoticami ángel.

¹⁷ Oveja macure bajiro rijabosacacure ajitirũnũrã ñari, to bajicõari, mani rãcagu Esp'iritu Santo quẽne, ado bajiro Jesúsre sēniaja mani:

—Yua tũju vayã quẽna —ñe yaja mani.

Gãjerã adi queti yu ucasere ajirã quẽne,

—Yua tũju vayã —Jesúre yiruarãma.

Jesújua quẽne,

—Yure sēniña —yigumi, ñe masiruarãre.

Buto oco idiruarāre bajiro ĩre masiruarā, ĩre ĩna sēnijama, “ĩna rijato berojũ tudirijabeticōato” yigũ, Dios ĩ catisere ĩnare ĩsirucumi. Dios ĩ bojabetire mani yiboajaquēne, rojose mani yisere manire vaja yibosayumi Jesũs.

¹⁸ Jesũre ajitirānũrā, adi quetire ajirāre ado bajiro mũare gotiaja yũ: No bojarā adi queti yũ ucasere ti gotiro bajiro me ĩna ucarēmojama, “Rojose tāmũoruarāma” ángel yũre ĩyigotirore bajirone rojose ĩnare yirucumi Dios. ¹⁹ Adi queti ti gotise, “Socase ñaja” yitũoĩagũre, “Socagũ ñaami. Yũ tũ ñarocu me ñaami”, ĩre yĩĩarucumi Dios. To ĩ yijare, yucũ caticōa ñarũgũrotiaye rica cutiũ ricare ĩ baborotire ĩre barotibetirucumi Dios. To bajicōari, Dios ĩ ñarimacare sãjabetirucumi.

²⁰ Adi quetire gotigũ, ado bajiro gotiami:

—Yũ gotirore bajirone yigũ, yoaro mene tudivadirucuja —yami.

To ĩ yirone,

—To bajirone bajiato. Yoaro mene tudivayá, yũ uju —ĩre vaja yũ.

²¹ Mani uju, Jesũs, mani jedirore quēnaro yato.

To cōrone ñaja.